

Dachi Akõre Bedea

Emberá-Chamí NT



Dachi Akõre Bedea
Emberá-Chamí NT

This Bible is copyrighted by Wycliffe Bible Translators (Wycliffe.org) and is printed with permission by the Digital Bible Society (dbs.org) for non-commercial use.

This Bible is available for free download in a variety of digital formats at dbs.org/bibles.

Language: Emberá-Chamí
Country: Colombia
Publisher: Wycliffe Bible Translators USA
Copyright: © 2021, Wycliffe Bible Translators, Inc. All Rights Reserved
Last Updated: 2022-10-27
ID: CMIWBT
ISO: cmi
ISBN:



MATEO	4
MARCOS	44
LUCAS	69
JUAN	110
HECHOS	140
ROMANOS.....	176
1 CORINTIOS	193
2 CORINTIOS	209
GÁLATAS	220
EFESIOS	226
FILIPENSES.....	232
COLOSENSES	236
1 TESALONICENSES	240
2 TESALONICENSES	244
1 TIMOTEO.....	246
2 TIMOTEO.....	251
TITO	255
FILEMÓN	258
HEBREOS.....	260
SANTIAGO	272
1 PEDRO	277
2 PEDRO	282
1 JUAN	285
2 JUAN	290
3 JUAN	291
JUDAS.....	292
APOCALIPSIS	294

MATEO

Jesús baara nibabarii Mateoba nau karta b̄s̄ii. Mateo ara mau Leví abachidau. Mateoba Romadebena baita chi nejarra pe b̄uabachide Jesusba ichi iusii (). Waabenarãmaarã, Mateoba chi beɗea bia karta Marcosba b̄uɗa adaupeɗa mau judiorã baita b̄s̄ii bi'ia aude kuitaɗamera Jesús ächi mechiu nii maude Dachí Akõreba ächi Karibabarii deai jaradã.

Naa Mateoba b̄s̄ii Jesucristo Abrahamdeebena, Daviddeebena imida ùr̄ubena (), Jesús adauɗa ùr̄ubena (), Juanba Jesús boro eaɗa ùr̄ubena () maude jubawãe niiba Jesús kachiruaɗe bæebii baɗa ùr̄ubena ().

Mawãare b̄u kubuu Jesusba Galilea mar kaita wauɗa ùr̄ubena (). Eɗa b̄u kubuu ichiba eaɗe jaradeaɗa (), ichiba chi unuɗakau waukuɗa (), ichiba jur̄uɗa adauɗarã 12 buikaɗa () maude neb̄ur̄u jaradeaɗa ().

Mawãare b̄u kubuu Jesusba joma Galilea druade kaitawẽ niide jaradea b̄uɗa ùr̄ubena () maude Galileadebena Jerusalenda wãaruude jaradea b̄uɗa ùr̄ubena ().

Kaadeare b̄u kubuu Jesús Jerusalende makadã ùr̄ubena (). Eɗa b̄u kubuu Jesusba saduceorã, fariseorã maude waabenarã jideɗa ùr̄ubena (), Dachí Akõreba ëbërarã kastikai ùr̄ubena (), Jesús cruzde biupeɗa chokae jiraduɗa () maude ichide ijãabadaurã puuru bæecha buikaɗa ().

Jesucristodeebena nabërarã

Lucas 3:23-38

1 Nau karta Jesucristo ùr̄ubena. Jesucristo dachi nabërarã Abrahamdeebena maude dachi rey Israeldeebena David naka neesii. ^I

² Abraham Isaac akõre basii.

Isaac Jacob akõre basii.

Jacob Judá akõre basii maude chi äbarãde.

³ Judá Fares akõre basii maude Zaraɗe. Ächi nawe Tamar basii.

Fares Esrom akõre basii.

Esrom Aram akõre basii.

⁴ Aram Aminadab akõre basii.

Aminadab Naasón akõre basii.

Naasón Salmón akõre basii.

⁵ Salmón Booz akõre basii maude Rahab Booz nawe basii.

Booz Obed akõre basii maude Rut Obed nawe basii.

Obed Isaí akõre basii.

⁶ Isaí Israeldeebena Rey David akõre basii.

Rey David Salomón akõre basii maude Urías wëra Salomón nawe basii. ^{II}

⁷ Salomón Roboam akõre basii.

Roboam Abías akõre basii.

Abías Asá akõre basii.

⁸ Asá Josafat akõre basii.

Josafat Joram akõre basii.

Joram Uzías akõre basii.

⁹ Uzías Jotam akõre basii.

Jotam Acáz akõre basii.

Acáz Ezequías akõre basii.

¹⁰ Ezequías Manasés akõre basii.

Manasés Amón akõre basii.

Amón Josías akõre basii.

¹¹ Josías Jeconías akõre basii maude ichi äbarã akõre. Maarã panabachidau Babilonia puuru biɗarã-ba israeldebenarã poyaasidaude maude ächi druadã adoesidaude. ^{III}

¹² Maarã Babilonia puuruɗaa wãpeɗaɗakare, Jeconías Salatiel akõre basii.

Salatiel Zorobabel akõre basii.

¹³ Zorobabel Abiud akõre basii.

Abiud Eliaquim akõre basii.

Eliaquim Azor akõre basii.

¹⁴ Azor Sadoc akõre basii.

Sadoc Aquim akõre basii.

Aquim Eliud akõre basii.

¹⁵ Eliud Eleazar akõre basii.

Eleazar Matán akõre basii.

Matán Jacob akõre basii.

¹⁶ Jacob José akõre basii.

José María kima basii.

María Jesús nawe basii. Ara mau Jesús Dachí Akõreba Dachí Karibabarii deai jaradã abadau.

¹⁷ Abrahamdeebena imipeɗaɗarã 14 panasidau Rey David chi naweba adauruudã. Daviddeebena imipeɗaɗarã 14 panasidau israeldebenarã Babilonia puuruɗaa adoesidaudã. Maude mamauba 14 panasidau Jesucristo chi naweba adauruudã.

I 1:1 Génesis 12:1-3; 2 Samuel 7:16. II 1:6 2 Samuel 12:24.

III 1:11 2 Reyes 24:8-16.

Jesucristo chi naweba adauða

Lucas 2:1-7

¹⁸ Jesucristo chi naweba adauða naka bæasii: chi nawe María beðea dea bæasii José ome miakãidayu. Maamina José ome äbua bæei naeðe, Dachí Akõre Jauriba María warr baraabisii. ¹⁹ Chi kima José mukíra jipa nibasiideeba, María chũpea bæi basii jomaurã daaede kachirua berreadamaaba. ²⁰ Maka kũrisia bæude Dachí Mechiude ángel kamokaraaede Josemaa nepeða naka jarasii: «José, rey Daviddebenena neeða, María warr adauí wapearãse, mau wëra warr baraasiideeba Dachí Akõre Jaurideeba. ²¹ Mariaba warr aba adauí. Mau warrba ichi puuru ächi kachiruaðebena karibakuai. Mauðeeba mau trũ Jesús bæuse».

²² Mau joma makasii Dachí Mechiuba naa jarada kíra. Ichi baita berreabariiba naka jara bæasii:

²³ «Wëra mukíra adua nii warr baraaí maabae warr aba adauí.

Èbërarãba chi warr Emanuel trũadai». ^I (Mau trũ jara bæu «Dachí Akõre dachí baara bæu»).

²⁴ Mauðe José kamokaraa bæaða ãrumapeða Dachí Mechiude angelba jarada kíra wausii. Maka María warr adausii. ²⁵ Maamina mau wëra ome kãí bæebasii chi warr imina adauruudaa. ^{II} Chi warr adauðakare Joseba chi trũ Jesús bæusii.

Kuitaa jarabadaurãba Jesús ichiade nepeðaada

2 Belén puurude Judea druade chi naweba Jesús adausiide Herodes chi Mechiu abadau chi rey basii. ^{III} Mau ewariide Jerusalén puurude neesidau chi nuree èbërarã ãmada neebariare. Maarã èbërarãba kuitaabachidau chi pusterrea kawa ichiaduude.

² Mauðe ächiba idisidau:

—Nau druade judiorã rey bai bæu chi wãwa adausii. Mau ¿sama bæuma? Daiba ãmada neebariare pusterrea ichidebena unusidau. ^{IV} Mauðeeba dai neesidau ichimaa bi'ia berreadayua.

³ Herodesba mau beðea ãrisiide kíra kachiruasii, ichíturu judiorã rey basiideeba. Herodesba kãare wauí adua panuudeeba, Jerusalenðebenarã joma kíra kachirua paneesidau. ⁴ Mauðe Herodesba joma paare mechiurã mauðe Moisesba bæða jaradeabadaurã iubiapeda idikuasii:

—Dachí Akõreba Dachí Karibabarii deai jara bæaða ¿samaburu chi wãwa adauí bæuma? ^V

⁵ Ächiba panausidau:

I 1:23 Isaías 7:14. II Warr imina. Griego beðeade chi bee kartade mau wã'ãe. III Mau Herodes «chi Mechiu» abachidau. Ichi ababuru Mateo 2:1-22de mauðe Lucas 1:5de unu panuu. Waabenarã ua bæabadaurã Herodes abadau ichideeba neesidau. IV 2:2 Números 24:17. V Dachí Akõreba Dachí Karibabarii deai jara bæaða. Mau griego beðeade naka bæ kubuu: Cristo. Mau chi trũwãe. Arameo beðeade naka bæ kubuu: Mesías.

—Belén puuru nau Judea druade chi wãwa adauí bæu. Mau ãrübena Dachí Akõre baita berreabariiba naka jarasii:

⁶ Belén puuru chi aude kaebeuwãema chi Judeaðebena puuru audeara.

Mau puurudebena chi jaradea ua bæabarii aba neei.

Mau jaradea ua bæabariiba mæ puuru Israel nu uru bæui. ^{VI}

⁷ Maabae Herodesba pusterrearã kuitaabadaurã mirubia iukuasii. Ächimaa idisii chi pusterrea sakaede unusidau chi wãwa adauða ewari kuitaadai baita. Mauðe chi ewari jarasidau. ⁸ Ächi Belenðaa bæikasiide Herodesba jarasii:

—Aria baaduude chi warr ãrübena bi'ia idísturu. Unuuduuburã, mæmaa jarade nésturu mæa biða ichimaa bi'ia berreade wãí baita.

⁹⁻¹⁰ Herodesba maka jarasiide ächi wãsidau. Maabae chi pusterrea ãmada neebariare unu panaða waya unusidau. Unusidauðe ärea kírajæusidau. Chi pusterrea ächi naa kãribasii maabae apii nubeesii chi wãwa bæu kírapeta. ¹¹ Deðe eða wãsidauðe chi wãwa chi nawe María ome bæu unusidau. Ara makude ödarrdeeba kopaneesidau maabae chi warr chekemaa bi'ia berreasidau. Maabae ächicha ächi ne pebadau ewaðapeda chi wãwamaa nee, ne tuwaa mauðe kera mirra deasidau. ¹² Mau maadakare Dachí Akõreba kamokaraaede jarasii Herodesmaa wãðaabai. Mauðeeba o äyare wãsidau ächi druadaa.

Egipto druadaa miru wãpedaada

¹³ Ächi wãsidauðe, Dachí Mechiude ángel kamokaraaede nepeða Josemaa jarasii:

—Herodesba bichi wãwa jæræ bæu beai baita. Jiradupeða bichi wãwa mauðe chi nawe baara Egipto druadaa miru wãsturu. Aria beese aba mæba jaraaruudaa.

¹⁴ Ara makude José jiradupeða, María mauðe chi warr baara èsabude Egiptodaa wãsidau. ¹⁵ Ächi aria paneesidau aba Herodes biuruudaa. Joma makasii Dachí Mechiuba jarada kíra. Ichi baita berreabariiba naka jarasii: «Mæba mæ warr iusii Egipto druadebena neemera». ^{VII}

Herodesba Belenðebena warrarã kenabiada

¹⁶ Herodesba kuitasii pusterrea kuitaa jarabadaurãba ichi setaa kũruasidau. Maabae ärea kírupeda Belenðebena warrarã año ome baidia nuree joma kenabiasii. Ara kaitabena sida kenabiasii. Maka wausii pusterrea kuitaa jarabadaurãba pusterrea unupedaada ewari ichimaa jarapedaadeeba. ¹⁷ Maka joma bi'iwãe panasidau Dachí Akõre baita berreabarii Jeremiasba jarada kíra. Naka jarasii:

VI 2:6 Miqueas 5:2. VII 2:15 Oseas 11:1.

¹⁸ «Ramá puuruđe ūrisidau kīruđeeba kīra nomaa jēa b̄uu mauđe jirukaraa jēa b̄uu.

Raquel ichi warrarā kakua maka jēa b̄uasii.

Ichiba kūrīa uratudai kūrīabasii ichi warrarāswāe beesiđeeba». ^I

José Egipto druadebena waya needa

¹⁹ Herodes biudakare José wabida Egiptode b̄uasii. Mauđe Dachī Mechiude ángel ichimaa kamokaraade unubisii. ²⁰ Mauba maka jarasii:

—Bichi warr beadai kūrīa panada biusidau. Mauđeeba jiradupeđa chi warr, chi nawe baara waya Israeldaa adoesi.

²¹ Ara makude José jiradupeđa ichi warr chi nawe baara Israeldaa adoesii. ²² Maamina Joseba kuitaasii Arquelaoba ichi aköre Herodesba jaradea ua b̄uai badamaarā Arquelaóturu jaradea ua b̄uabarii beeda. Mauđeeba araa wāi wapeasii. Maamina Dachī Aköreba ichimaa kamokaraadeeba jaradeeđa Galilea druadea wāsii. ²³ Aria baaruude Nazaret puuruđe b̄uade wāsii. Joma makasii Dachī Aköre baita berreabadaurā jarapeđaada kīra: “Ichi Nazaretdebena adai”. ^{II}

Juan chi Boro Eabarii ūrubena buda

Marcos 1:1-8; Lucas 3:1-9,15-17; Juan 1:19-28

³ Mau maadakare Juan chi Boro Eabarii Judea drua sirua wā'āe b̄uude jaradea kobeesii. ² Juanba naka jarabachii: «Bajāde b̄uu neeruu ichidirā ichi juade ua b̄uai baita. ^{III} Mauđeeba machiba kachirua waubadau ida b̄udapeđa ichimaa wāsturu».

³ Mau Juan ūrubena Dachī Aköre baita berreabarii Isaiasba jarasii:

«Ēbēra drua sirua wā'āe b̄uude jīwa berrea b̄uu:

“O jarésturu Dachī Mechiu bi'ia neemera. O ichi baita jipa wirua wāusturu”. ^{IV}

⁴ Juanba paru camello kara wauđa jūbachii. Kurrde ānimara e wauđa jūbachii. ^V Sisi kobachii mauđe modede ebena nidurr kūabari baa dobachii. ⁵ Ēbērarā Jerusalendebena, joma Judea druadebena mauđe joma Jordán do kaita panađa Juanmaa wābachidau.

⁶ Āchiba kachirua waupedaada ichi daade jarabachidau. Maabae Juanba āchi Jordán dođe boro eakuabachii. ⁷ Maka b̄uude waabenarā Moisesba b̄uda jaradeabadau neesidau Juanba boro eamera.

Waabenarā fariseorā basii; waabenarā saduceorā basii. Maamina Juanba āchi unuuruude jarasii:

«Ēbērarā dama kīra nuree, ¿kaiba jarasma machi Dachī Aköre kīruuruude poyaa mirudayu? ⁸ Machiba

^I 2:18 Jeremías 31:15. ^{II} Ichi Nazaretdebena adai. Nazaret trū hebreo bedeade naka b̄u kubuu: Nezer. Mau bedeaja b̄uu «bakuru tukuda». *Isaías* 4:2-6; 11:1-5; *Jeremías* 23:5-6; 33:14-18; *Zacarías* 3:8-10; 6:9-13. ^{III} 3:2 *Daniel* 2:44. ^{IV} 3:3 *Isaías* 40:3. ^V Juan chi Boro Eabariiba paru jūbachii nabēraede Dachī Aköre baita berreabarii *Eliasba* jūbachii kīra.

wau panuudeeba unubisturu biawāra machi kachirua ida b̄udapeđa, Dachī Aköremaa nepeđaada.

⁹ Kūrīsiarāsturu Abrahamdebena imipeđaadađeeba Dachī Aköreba kastikaabai. M̄uuba machimaa jaraaru: “Dachī Aköreba kūrīaiburā, cha bee mo Abrahamdebena imipeđaadarā b̄abiakuai”. ¹⁰ Dachī Aköreba chaara uru b̄uu bakuru tutai baita. Joma bakuru bia chaudakau tukuapeđa tubude jirakuai. ^{VI}

¹¹ »M̄uuba baniaba machi boro ea b̄uu waabenarāmaa unubiadamera chi kachirua wauđai ida b̄upeđaada. Maamina m̄are aba neei chi m̄ aude mechiu nii. Mauđeeba ichiba jūrude jūbarii poyaa enai b̄uwāe. Ichiba Dachī Aköre Jauri deai. ^{VII} Maamina ijāadawēeburā kastikakuai. ^{VIII} ¹² Ichi juade uru b̄uuba chi trigo ūtaa jirakuabarii chi jāra āyaa jāripuabii baita. Maabae chi trigo taa jāripuapeđaada chi pebariimarē pe nūbui maamina chi jāra t̄b̄uchia kiikauđe baai».

Juanba Jesús boro eada

Marcos 1:9-11; Lucas 3:21-22

¹³ Mau ewaride Jesús Galilea druadebena Jordán dođaa neesii Juanba ichi boro eamera. ¹⁴ Maamina Juanba Jesús boro eamaaba jarasii:

—Bichiaburu m̄ boro eai b̄uu. ¿Sakāe m̄m̄maa neeruma?

¹⁵ Mauđe Jesusba panausii:

—Anakude bichiba wau b̄uu kīra wause. Bibuara b̄uu wauđai joma Dachī Aköreba waubi b̄uu kīra.

Maabae Juanba ijāsii. ¹⁶ Jesús boro eadakare dođabena wāaruude bajāa ewa wāsii. Mauđe Dachī Aköre Jauri paloma kīra ichi ūr̄u neeruu unusii. ¹⁷ Bajādebena mimi aba ūrisidau. Naka jarasii: «Nau chi m̄uuba kūrīa inii. M̄ ichi kakua ārea kīraj̄m̄ b̄uu». ^{IX}

Jubawāe niiba Jesús kachiruađe baebii chaa buda

Marcos 1:12-13; Lucas 4:1-13

⁴ Maadakare Dachī Aköre Jauriba Jesús drua sirua wā'āe b̄uude adoesii. Jubawāe niiba baebii chaa b̄uasii ichi kachiruađe baemera. ² Jesús kowēa b̄uasiđeeba 40 ewari mauđe ēsabude, jarrbisia b̄uasii.

³ Maka b̄uude chi jubawāe nii neesii. Maabae ichiba jarasii:

—Bichi biawāra Dachī Aköre Warrburā, naarā moomaa jarase pan bamera.

⁴ Maamina Jesusba panausii:

—Dachī Aköre bedeade naka b̄u kubuu: “Ko b̄u udeburu ēbēra chokae b̄uabai b̄uu, mau kāyabāra joma Dachī Aköreba jara b̄uu ijāa b̄uudeeba chokae ni-bai”. ^X

^{VI} Ara mau kīra Dachī Aköreba chi kachirua waubadaurā kastikakuai. ^{VII} Dachī Aköre Jauri deai. *Griego* bedeade naka b̄u kubuu: Dachī Aköre Jauriba boro eai. ^{VIII} Kastikakuai. *Griego* bedeade naka b̄u kubuu: Aokooruuba boro eai. ^{IX} 3:17 *Isaías* 42:1-4. ^X 4:4 *Deuteronomio* 8:3.

⁵ Maadakare chi jubawāe niiba Jesús Jerusalendaa adoesii, Dachí Akõre puurudaa. Aria Dachí Akõre de mechiu utudaa adoesii. ⁶ Maabae chi jubawāe niiba jarasii:

—Bichi biawāra Dachí Akõre Warrburā, namauba edaa jiidruse. Dachí Akõre bedeede naka bu kubuu: Dachí Akõreba ichi angelerā buikai bichi karibadam-era.

Bichi āchi juade adauđai bichi jũru moomaa drubi-imaaba. ^I

⁷ Mauđe Jesusba jubawāe niimaa panausii:

—Dachí Akõre bedeede jara buu: “Ne barikia waurāse Dachí Mechiuba bichi karibai kuitaa”. ^{II}

⁸ Maadakare chi jubawāe niiba Jesús ea utudaa adoesii. Aria nau druade bee puururā joma unubisii mauđe puurucha ne bia bee unubisii. ⁹ Maabae chi jubawāe niiba jarasii:

—Bichi mu daade odarrde kobepeda mũmaa bi'ia berrea beeruuburā, nau joma mũuba bichimaa deai bichi juade uru buamera.

¹⁰ Mauđe Jesusba jubawāe niimaa jarasii:

—Satanás, namabena wāse, Dachí Akõre bedeede naka bu kubuudeeba: “Bichiba Dachí Mechiu, Dachí Akõreturu ārea kũriāse. Aba ichíturu ijāa buase”. ^{III}

¹¹ Maabae chi jubawāe nii Jesús jākaabena wāsii. Mauđe Dachí Akõre ángel bajādebenarā Jesusmaa needapeda ichi kobisiđau.

Jesusba jaradea kobeeda

Marcos 1:14-15; Lucas 4:14-15

¹² Juan chi Boro Eabarii jūa uru panuu ūrisiide Jesús Galilea druadaa waya wāsii. ¹³ Maamina Nazaret puurude beebasii, Capernaum puurudėburu buade wāsii. Mau puuru mar iikaa buu. Neftalidebena neepedaada Israel druade buu mauđe Zabulondebena neepedaada drua kaita buu. ¹⁴ Makasii Dachí Akõre baita berreabarii Isaiasba jarada kīra. Naka busii:

¹⁵ «Chi Zabulón mauđe Neftalí druade beerā, judiowāerā Galileade beerā, marđaa wābadau o kaita beerā, Jordán do kīare nureerā:

¹⁶ Machi pāriude duanasidau Dachí Akõre adua panadadeeba.

Maamina idi ūdaade panuu Dachí Akõre ūrubena kuitaa panuudeeba.

Machi chokae panumina biuda kīra duanabachidau.

Maamina idi umada ūdaa neeruu kīra Dachí Akõre biawāra ichi ūrubena machimaa kuitaabia buu». ^{IV}

¹⁷ Mau ewari tōpe Jesusba naka jara nibasii: «Bajāde Buu neeruu ichiđirā ichi juade ua buai baita. ^V Mauđeeba machiba kachirua waubadau ida budapeda ichimaa nésturu».

^I 4:6 Salmos 91:11,12. ^{II} 4:7 Deuteronomio 6:16. ^{III} 4:10 Deuteronomio 6:13. ^{IV} 4:16 Isaías 9:1-2. ^V 4:17 Daniel 2:44.

Jesusba beda jidaubadaurā iuda

Marcos 1:16-20; Lucas 5:1-11

¹⁸ Jesús Galilea mar iikaa niide mukīra ome unusii. Aba Simón basii, Pedro abadau. Chi ababena chi āba Andrés basii. Mau ebērarā beda jidaubadaurā basi-ideeba, marde bata nibasidau. ¹⁹ Jesusba āchimaa jarasii:

—Mu baara wáduru. Machiba beda jidaubadau kīra mũuba machimaa jaradeai ebērarā mũumaa eneedamera.

²⁰ Ara makude āchi ātarraya ida budapeda Jesús baara wāsidadau. ²¹ Mau naabe wāaruude Jesusba maucha mukīra ome unusii. Aba Zebedeo warr Santiago basii. Maucha aba chi āba Juan basii. Maarā jābađe chi akõre baara chi ātarraya kōada jũukamaa panasidau. Maabae Jesusba āchi iusii ichi ome wādam-era. ²² Ara makude āchi jāba mauđe chi akõre buidapeda Jesús baara wāsidadau.

Jesús Galilea druade nibada

Lucas 6:17-19

²³ Jesús joma Galilea druade nibasii. Judiorā araa ābua imibadau decha jaradeabachii Bajāde Buu neeruu ichiđirā ichi juade ua buai ūrubena. Mau bedea bia jaradeade wāaruucha joma epermo nuree aribiabiabachii. ²⁴ Mauđeeba ichi joma Siria druadebenarāba trũ poasidau. Mauđeeba ebērarāba joma barikiu epermo nureerā enebachidau, kakua pu'ua nuree, jai kachirua bara nuree, kakua wawaaduuba bi'iwāe nuree mauđe bakara suriidu nuree ichimaa enebachidau. Jesusba āchi joma aribiabibachii. ²⁵ Ārea Galileadebenarā, Decápolis druadebenarā, Jerusalendebenarā, Judeadebenarā mauđe Jordán do kīaraabenarā Jesús baara wāsidadau.

Jesusba dachi bi'ia panadai jarada

Lucas 6:20-23

⁵ Ebērarā ārea unusiide Jesús eade utaa wāpeda aku beesii. Mauđe ichi baara nibabadaurā ichimaa neesidau. ² Maabae Jesusba naka jaradeadakasii:

³ «Bi'ia panuu machi chi miichuburi nuree unubadau, Bajāde Buuba machi ichi juade ua buudeeba.

⁴ Bi'ia panuu machi kīra nomaa nuree, Dachí Akõreba mau kīra nomaa wā'aebiiđeeba.

⁵ Bi'ia panuu machi chi mechiu nureadai baita jurudawēa nuree, Dachí Akõreba machimaa nau iujāa joma deaideeba.

⁶ Bi'ia panuu chi sōdeeba jipa wau kũriabadau, machiba kũria bee Dachí Akõreba deaideeba.

⁷ Bi'ia panuu chi waabenarā kīra chuburiabadau, Dachí Akõreba machi kīra chuburiaideeba.

⁸ Bi'ia panuu sõdeeba Dachī Akõre báitaburu nuree, Dachī Akõre unudaideeba.

⁹ Bi'ia panuu jomaurã ome bi'ia kũriabadau mauðe mau baita waubadau, Dachī Akõre warrarã adaideeba.

¹⁰ Bi'ia panuu chi jipa nuree kakua waabenarãba bi'iwãe paneebiabadau, Bajãade Buuba ichidĩrã ichi juaðe ua buudeeba.

¹¹ Machi m̄ kakua ebẽrarãba kachirua jaraadu-uburã, kachirua wauduuburã mauðe machi ẽrubena setaa barikiu kachirua jaraaruude, bi'ia panuu.

¹² Årea kĩrajũ panẽsturu, machiba ne bia årea bajãade uru panadaideeba.

Ara mau kĩra nabẽraede ewaride biða Dachī Akõre baita berreabadaurã ara mau kĩra wãraasidau bi'iwãe paneebiadau baita.

Tã mauðe ẽdaa

Marcos 9:49-50; Lucas 14:34-35

¹³ »Machi nau iujãade tã kĩra nuree. ^I Maamina chi kuyaa wã'ãeruuburã ¿saka waya kuyaa beeima? Bi'iwãe beeĩ. Bibuara buu ode jiratadau ebẽrarãba biraduadamera. ¹⁴ Machi ẽdaa kĩra nuree, nau iujãade nureeba machi tãdeeba Dachī Akõre unubadaudeeba. Puuru eade kubuu ¿saka meradaima? ¹⁵ Mauðe ẽdaa koabarii koadau cajõn ekare mera nubudai baita. Mau kãybãra koaduude, ne kaebea ẽru ẽtu nubudai joma deeda panuurãba chi ẽdaa unudamera. ¹⁶ Ara mau kĩra ebẽrarã daade bi'ia wãusturu åchiba Dachī Akõre bajãade buumaa bi'ia berreadamera.

Jesusba jaradeada Moisesba buuda ẽrubena

¹⁷ »Kũrisiarãsturu m̄ neesii Moisesba buuda maeburã Dachī Akõre baita berreabadaurãba bupeadaa ida bui baita. M̄ mau kakua neebasii. Mau kãybãra neesii åchiba jara panuu joma biawãra wauĩ baita. ¹⁸ M̄ba biawãra jaraaruu: Bajãa mauðe nau iujãa buudeede, abau biða letra aba biða åyaa adauðabai chi bu kubuudebena, aba Moisesba buudee jara buu joma makaaruuda. ^{II}¹⁹ Mauðeeba ebẽra ababa Dachī Akõreba wauĩ buu bedeebena jara buu kĩra wauwẽeburã, ba'ãra wau buumina; maeburã waabenarãmaa maka jaradearuuburã mau bedee ẽribiabayua, mau ebẽra waabenarã audeara kaebeu buai, Bajãade Buuba ichidĩrã ichi juaðe ua buu tãede. Mau åyaa ebẽra ababa wauruude mau bedee jaradade jara buu kĩra mauðe waabenarãmaa jaradearuude maarã biða wauðamera, mau waabenarã audeara Bajãade Buuba ichidĩrã ichi juaðe ua buu mechiu buai. ²⁰ M̄ba biawãra jaraaruu: Moisesba buuda jaradearuuburãba wau panuu kãybãra mauðe fariseorãba

^I Tã kĩra nuree. Mau jara buu «machi nau iujãade panuu ebẽrarã bia duanaðamera» maeburã «machiba nau iujãadebenarãmaa Dachī Akõre kũrisia jaradeadau». ^{II} Abau biða letra aba biða. Griego bedee naka bu kubuu: Tilde aba biða mauðe letra aba biða.

wau panuu kãybãra machiba jipa wauðabasiiburã, Bajãade Buuba machi ichi juaðe ua buabai.

Jesusba kĩrubi ẽrubena jaradeada

Lucas 12:57-59

²¹ »Machiba ẽri panuu chi machi nabẽraedebenarãmaa naka jarabachidau: "Mia bearãse". ^{III} Mauðe "Mia bearuuburã machi jaradea ua buabadaurãba kastikadau". ^{IV}²² Maamina m̄ba jaraaruu: barikiu waabena ome kĩruuruuburã Dachī Akõreba kastikai. Barikiuba waabenamaa sũreena aaruuburã machi jaradea ua buabadaurãba kastikadau. ^V Mauðe barikiuba waabenamaa kachirua jaraaruuburã, Dachī Akõreba tũbũchia aoko kubuu kiikaudea wãbii.

²³ »Mauðeeba bichi åba bichi ome kĩru buu kĩrabaaruuburã, bichiba ånimara Dachī Akõre baita baa deabadaumaa wãaruuburã baa dearãse. ²⁴ Mau kãybãra chi ne baa deabadau kaita kubupeða bichi åba ome bi'ia berreade wãse, kĩrabiadau baita. Maabãeburu waya neepeða bichi ånimara Dachī Akõre baita baa dease.

²⁵ »Bichiba wauða kakua bichi chi kĩramaabariiba chi juezmaa adoeruuburã, wabiða ode wãaruude bi'ia berreãse ichi ome bi'ia paneeda baita. Maka wauwẽeburã, ichiba juez juaðe bui. Maabae chi juezba chi nubariimaa jarai chi jũabadaude jũa buumera. ²⁶ M̄ba biawãra jaraaruu: bichi jãmabena wãabai aba bichiba deai buu chi nejarra joma dearuuda.

Junebena kima ome kãĩ beeĩ ẽrubena jaradeada

²⁷ »Machiba ẽri panuu naka jarabadau: "Junebena miakãida ome kãĩ beedaabai". ^{VI}²⁸ Maamina m̄ba machimaa jaraaruu: mukĩra ababa wẽra ichiapeda kũriaburã abaeðe mau wẽra ome ichi sõde kachirua wausii.

²⁹ »Mauðeeba bichi dau jua biarebenaba bichimaa kachirua wauĩruuburã, chi dau ẽetapeda jiratase, mau kachirua waurãamera. Bichi kakuadebena aba wã'ãerumina ewaricha Dachī Akõre ome buai. Mau bibuara buu Dachī Akõreba joma bichi kakua tũbũchia aoko kubuu kiikaude jiratai baðamaarã. ³⁰ Mauðe bichi jua biarebenaba bichimaa kachirua wauĩruuburã, bichi jua buatutapeda jiratase mau kachirua waurãamera. Bichi kakuadebena aba wã'ãerumina ewaricha Dachī Akõre ome buai. Mau bibuara buu Dachī Akõreba joma bichi kakua tũbũchia aoko kubuu kiikaude jiratai baðamaarã.

^{III} 5:21 Êxodo 20:13. ^{IV} 5:21 Deuteronomio 17:8. ^V Machi jaradea ua buabadaurãba. Griego bedee naka bu kubuu: Sanedrĩn. Maarã judiorã mechiurã chi aude mechiu nuree. Araa åba imibachidau. ^{VI} 5:27 Êxodo 20:14.

Jesusbá jaradeada wěra amaa ũrubena

Mateo 19:9; Marcos 10:11-12; Lucas 16:18

³¹ »Maude naka jarabadau: “Barikiuba ichi wěra amaa ruuburā, chi wěramaa amaa baira karta deai buu”. ³² Maamina muba jaraaru: Barikiuba ichi wěra junebena ome kai beewēa buu amaa ruuburā, ichi wěra junebena ome miakāruuburā, Dachí Akōre daade mau mukiraba mau wěramaa kachirua wubii buu, chi wěra junebena mukira ome kai beei buudeeba. Maude mukira ababa mau amaa wěra ome miakāruuburā, mau mukiraba kachirua wau buu.

Dachí Akōre daade biawāra ne wauí jarai ũrubena

³³ »Machia bida ũri panuu chi machi nabēraedebe-narāmaa naka jarabachidau: “Bichiba Dachí Mechiu daade biawāra ne wauí aaruuburā joma wauí buu”. ³⁴ Maamina muba jaraaru: abau trude biawāra ne wauđai arásturu. Bajāa trudeeba biawāra ne wauí arásturu, bajāa Dachí Akōre rey ākau kīra buudeeba. ³⁵ Nau drua trudeeba biawāra ne wauí arásturu, nau drua Dachí Akōre jūru bubaríi kīra buudeeba. Maude Jerusalén trudeeba biawāra ne wauí arásturu, Jerusalén Dachí Akōre Rey puurudeeba. ³⁶ Maude ara bichi trudeeba biawāra ne wauí arāse, bichi buđa aba bida poyaa torroabiibai buudeeba maude poyaa paimabiibai buudeeba. ³⁷ Machiba ne wauđai aadu-uburā, wáusturu. Maude wauđabai aaduuburā, wau-rásturu. Mau barikiu trudeeba biawāra ne wauí jaraaru kachirudebena nee buu.

Bichi kachirua wauđa dauchia jāadua buai ũrubena

Lucas 6:29-30

³⁸ »Machiba ũri panuu naka jarabadau: “Abauba chi abau dau jimataaruuburā chi maka wauđa sida arabauđe chi dau jimatai. ³⁹ Kida bapetaaruude chi maka wauđa sida arabauđe chi kida bapetai”. ³⁹ Maamina muba jaraaru: bichi kachirua wauruude chūpea dauchia jāadua buase. Barikiuba bichi kīdarr jua biarebena sīruuburā, chi osobarebena sida umhase sīmera. ⁴⁰ Maude neburađe buude, abaubá bichi paru juakaa adaruuburā, sōbiadeeba bichi an-abari jūbaríi sida ichimaa dease. ⁴¹ Maude abaubá ne chikua kilómetro aba adoebiiruuburā, sōbiadeeba kilómetro ome adoesē. ⁴² Maude abaubá bichimaa ne iđiiruuburā, dease maude abaubá iđidaruubūra wāakarāse.

I 5:31 Deuteronomio 24:1. II 5:33 Deuteronomio 23:21-23. III 5:38 Levítico 24:20.

Dachí kīramaabarii kūría ũrubena

Lucas 6:27-28,32-36

⁴³ »Machiba ũri panuu naka jarabadau: “Bichi kō-paero kūríasē, maamina bichi kīramaabarii kīra-maase”. ⁴⁴ Maamina muba jaraaru: machi kīra-maabadaurā kūríasuru. Chi machimaa kachirua jaraaduumaa bi'ia jarásturu; machi kīramaa panuu bi'ia wáusturu. ⁴⁵ Dachí Akōremaa utaa iđísturu āchi ađamera. ⁴⁵ Maka wauduuburā, machi bajāadebena Akōre Mechiu warrarā panadai. Mauba umada koabibarii jomaurā ũru; bi'ia nureerā ũru maude kachirua nureerā ũru. Maude ichiba kui chebibarii ichi bedeade jara buu kīra wubadaurā ũru, maude ichi bedeade jara buu kīra wauđai kūríadakau ũru bida. ⁴⁶ Machiba chi machi kūríabadáuturu kūría panu-uburā, žkāare Dachí Akōreba machimaa ne bia deaima? Maude Romadebenarā chi aude mechiu baira chi nejarra pebadaurā kūría panuu āchi kūría uru panuurā. ⁴⁷ Maude machiba ara machi abarakaurātu-ru bia buka aaduuburā, žne aude bibuara wumaa panuma? Maude Dachí Akōrede ijāadakau bida āchi abarakaurā maka wubadau. ⁴⁸ Maudeeba jomaurā kūríakuásturu machi Akōre bajāade buuba jomaurā kūría buu kīra.

Chi ne wā'āe nureerāmaa deadaí jaradeada

⁶ »Kaubaa ne bia wauđai Dachí Akōre baira waabenarā daade maarāba ichiđamera. Maka wauduuburā, machi Akōre bajāade buuba ichiba ne bia deabai. ² Bichiba ne wā'āe nureerāmaa ne kaebea deaduude setaa ēbēra bia nuree abadaurāba maka wubadau kīra waurāse. Āchiba ne kaebea deaduude mau baira jarabadau judiorā araa ābua imibadau dede, puurude bida jomaurāba āchi ũrubena bi'ia berreamera. Muba biawāra jaraaru: ēbērarāba ara āchi ũrubena bi'ia berreadai kūría panuudeeba ababu-ru mau uru buai. Dachí Akōrebena ne kaebea uru panadabai. ³⁻⁴ Bichiba ne wā'āe nureerāmaa ne kae-bea dearuude jīwa jararāse. Abauma bida nebūrāse. Bichiba chūpea bi'ia wau buu bichi Akōre Dachí Akōreba unubarii. Ichiburu bichimaa ne bia deai. ^{VI}

Jesusbá jaradeada utaa iđidai ũrubena

Lucas 11:2-4

⁵ »Bichiba Dachí Akōremaa utaa iđiiruude setaa ēbēra bia nuree abadaurāba wubadau kīra waurāse. Āchiba judiorā araa ābua imibadau dede maude puu-

IV Bichi kōpaero kūríasē. Kaiba waabenarāba dachí chi kīramaa kīramaađai a jarađa kuitaawēa panuu. Levítico 19:18. V Chi machimaa kachirua...bi'ia wáusturu. Griego bedeade chi bee kartade mau wā'āe. VI Deai. Chi bee kartade versículo 3-4de, 6de maude 18de mau awara jara buu «waabenarā daade deai».

rude bida bari nupaneedapeda Dach Akõremaa utaa idibadau ebẽrarãba bi'ia unudamera. Mũuba biawãra jaraaru: ebẽrarãba ara achi urubena bi'ia berreadai kũria panuudeeba, mau berreapeda adãburu bia uru panadai. Dach Akõredebena ne kaebea bia uru panadaabai. ⁶ Bichiba Dach Akõremaa utaa idiiruude bichi dede eela wãse. Chi poraa jũapeda bichi du aba bichi Akõremaa utaa idise. Bichiba chũpea bia wau bũu bichi Akõreba unubarii. Ichiaburu bichimaa ne bia deai.

⁷⁻⁸ »Bichiba Dach Akõremaa utaa idiiruude Dach Akõrede ijãadakaurã kãra waurãse. Achiba arabau bes area jarabadau kũrisia panuudeeba area utaa idiiruude, Dach Akõreba bi'ia ũri bũu. Maamina machi Akõremaa utaa ididai naede, ichiba kuitaa bũu machiba kãare kũria panuu. ⁹ Maudeeba Dach Akõremaa naka utaa idisturu:

«Dai Akõre bajãade bũu, bichi trũ aude bibuara nii waabenarã trũ audeara.

¹⁰ Daiba kũria panuu kã'ãabariwãede bichiba bichidirã bichi juade ua bũai.

Kũria panuu bichiba kũria bũu nau iujãadebenarãba waudai, bajãadebenarãba waubadau kãra.

¹¹ Daimaa chiko dease ewaricha kodai baita.

¹² Daiba kachirua waupedaada perdonakuase, daimaa kachirua wauduu daiba perdonabadau kãra.

¹³ Dai kachiruaede bæbiarãse, maumaarã kachirua debena karibase". ^I [Bichiaburu joma bichi juade ua bũu, joma poyaabarii maude ewaricha chi mechiu nii.]
II

¹⁴ »Waabenarãba machi kachirua waupedaada perdonaduuburã, machiba kachirua waupedaada machi Akõre bajãade bũuba perdonai. ¹⁵ Maamina waabenarãba machimaa kachirua waupedaada perdonawẽeburã, machiba kachirua waupedaada machi Akõre bajãade bũuba perdonabai.

Dachi Akõre baara bũayua kokau ewari urubena

¹⁶ »Machiba Dach Akõre baara bũayua chiko kodakau ewari wauduude kãra nomaa paneerãsturu setaa ebẽra bia nuree abadaurãba waubadau kãra. Achĩ mau kãra panabadau jomaurãba kuitaadamera chiko kodakau ewaride wau panuu. Mũuba biawãra jaraaru: ebẽrarãba ara achi urubena bi'ia berreadai kũria panuudeeba, mau berreapedaada kakua Dach Akõreba ne bia aude uru panabiabai. ¹⁷ Maamina bichiba chiko kodakau ewari waumaa bũude bichi borode kera ease maude kiedarr jeraase. ¹⁸ Makarã ebẽrarãba kuitaadaabai bichiba chiko kodakau ewari wau bũu. Aba bichi Akõreburu kuitaai. Bichiba ne bia

I Kachirua debena. Mau bedea poyaa jara bũu «jubawãe nii». II Griego bedeaede area kartade bedea corchete de bũu wã'ãe.

mirubia wau bũu bichi Akõreba unubarii. Ichiaburu bichimaa ne bia deai.

Ne bia bajãade uru bũai urubena

Lucas 12:33-34

¹⁹ »Nau iujãade ne area uru panadai jururãsturu. Nau iujãadebena ne kaebea mokokoro chaubarii, simiaba aribararii maude nechiruabadaurã eela wãdapeda chiruabadau. ²⁰⁻²¹ Mau kãyabãra machiba machi sõdeeba chi aude bibuara bũu kũriãsturu. Maudeeba Dach Akõreba kũria bũu jururãsturu ne bia bajãade uru panadai baita. Ara simiaba sũkau, ne mokokoro chaukau maude nechirurã poyaa eela wãdakau.

Jesusba dau urubena jaradeada

Lucas 11:34-36

²² »Dachi dau ũdaa koabarii kãra nii. Maudeeba bichi dau bi'ia niiburã ũdaade nibai. ²³ Maamina bichi dau kachirua niiburã, kachiruaede unuwãa nibai. Ara mau kãra bichiba kachirua wauruuburã, bichiba ne bi'ia wau kũrisia bũmina, maamina biawãra pãriuude nii.

Kaima dachi chibari

Lucas 16:13

²⁴ »Abau bida poyaa ichi chibari ome uru bũabai. Ome uru bũuburã aba aude kũriai. Aba baara wãĩ, maude chi abau bũi. Arabaude chi nejarra barau nibai kũria bũu poyaa Dach Akõre ome bũabai.

Dachi Akõreba ichidirã nubarii

Lucas 12:22-31

²⁵ »Maudeeba mũuba jaraaru: machi saka panadai, area kũrisiarãsturu. Kũrisiarãsturu kodai urubena, dodai urubena maude paru jũdai urubena. ¿Chiko audeara dachi chokae panadai bi'ia bũuwãeka? ¿Dachi kakua chi paru jũbadau audeara bi'ia bũuwãeka? ²⁶ Ichiãsturu, ibanarãba ne uudekau, ne junadaku maude ne pedaku. Maamina machi Akõre bajãade bũuba kobiabarii. ¿Dachi Akõre baita machi ibana audeara bi'ia nureewãeka? ²⁷ ¿Kai machidebena area kũrisia niideeba waa chokae nibaima? ^{III}²⁸ ¿Sakãe paru kakua area kũrisiabadama? Ichiãsturu nepono saka waribarii. Trajakau maude paru kakau. ²⁹ Maamina mũuba jaraaru: dachi nabẽra debena rey Salomón area barau nibasmina nepono kãra mipitaa jũka basii. ^{IV}³⁰ Idibae sirua mode de unubadau. Norema baabadamina Dach Akõreba bi'ia ponobibarii. Maudeeba ¿ichiba machimaa paru bibuara bũu deawẽka machiba mau jũdamera? ¿Sakãe machiba ijãadawẽma ichiba karibai bũu?

III Waa chokae nibaima. Waabenarãmaarã mau jara bũu «de-seroa wari bũabai». IV Salomón. 1 Reyes 10:4-7,23-25.

³¹ »Maudeeba ārea kūrīsiarāsturu kodai ūrūbena, dodai ūrūbena maude paru jūdai ūrūbena. ³² Dachī Akōrede ijāadaku nuree biēa kūrīsiabadau, maamina machi Akōre bajāade būba kuitaa būu machiba kāare nista panuu. ³³ Maudeeba machiba jērūsturu Dachī Akōreba machi ichi juade ua būai, ichidīrā baara. Kauwa panāsturu ichiba waubi būu wauđai. Maka machiba wā'āe panuu ichiba joma mau deai. ³⁴ Nubenaē ārea kūrīsiarāsturu, nu biēa Dachī Akōreba machi nu būaideeba. Ewaricha ne kūrīsiarā barāai.

Waabenarā ūrūbena kachirua berreabadau

Lucas 6:37-38,41-42

7 »Abāuba kachirua wauđa ūrūbena jararāsturu, abāu biēa machiba kachirua waupedaada ūrūbena jararāamera. ² Machiba waabenarāba kachirua waupedaada ichiabadau kīra, ara mau kīra Dachī Akōreba machi ichiai. Chi abāu bi'iwāe būu a jarabadau kīra, ara mau kīra Dachī Akōreba machi bi'iwāe panuu ai. ³ ¿Sakāe nejarr abāu dauđe būu ichiabadama? ¿Sakāe bakuru waibūa machi dauđe būu ichiadaakama? ⁴ Bakuru waibūa bichi dauđe būu unuwēeburā ¿sakaburu abāumaa naka jaraima: "Nejarr bichi dauđe būu mūba aubarīi"? ⁵ ;Bichi setaa ēbēra bia nii abarīi! Naa bakuru waibūa bichi dauđe būu aubarise. Maka poyaa unui nejarr abāu dauđe būu aubarīi baita. Ara mau kīra bichiba kachirua wau būu ida būse. Makaburu waabenarā poyaa aīđai.

⁶ »Dachī Akōre baita būu usarāmaa dearāsturu ara machi kaabiabayua. Machi perla chi nejarr ārea iđibadau sinamaa dearāsturu ūrū tuarāadamera. **II**

Jesusba jaradeada Dachī Akōremaa ūtaa iđidamera

Lucas 11:9-13; 6:31

7 »Machiba wā'āe panuu Dachī Akōremaa ūtaa iđi panāsturu; maabae ichiba machimaa deai. Jūrū panāsturu; ichiba unubiai. De poraađe iústuru; maude chi poraa ewabarīi kīra, maka ichiba deai. ⁸ Chi ūtaa iđi būuba uru būaika. Chi jūrū būuba unui. Chi poraađe iuruumaa ewai, ne kaebea deai baita. ⁹ Warrba pan iđiiruuđe ¿chi akōreba mo deaika? ¹⁰ Warrba beda iđiiruuđe ¿chi akōreba dama deaika? ¹¹ Machi chi kachirua nureeba machi warrarāmaa ne kaebea dead-ai kuitaa panuuburā, ¿machi Akōre bajāade būuba chi ūtaa iđi panuumaa ne kaebea bia deabai būka?

¹² Machiba kūrīa panuu waabenarāba machimaa bi'ia wauđai. Maudeeba, ara mau kīra machiba waabenarāmaa bi'ia wāusturu, Moisesba būadae maude Dachī

I *Chi abāu bi'iwāe būu a jarabadau kīra, ara mau kīra Dachī Akōreba machi bi'iwāe panuu ai. Griego bedeađe naka bū kubūu: Waabenarā chaabadau kīra, ara mau kīra machi chaađai. II Mau jara būu «Waabenarāba Dachī Akōre bedea ūridai kūrīaduuburā, āchīmaa wa eđa jaradearāsturu. Jaradeaduuburā machi kachirua wauđai».*

Akōre baita berreabadaurāba būadae maka jara būudeeba.

Poraa pīchua

Lucas 13:24

¹³⁻¹⁴ »Machi chi poraa pīchua nubūude wāsturu. Tūbūchia kiikau poraa jōparrea nubūu. Chi o siđa jōparrea būudeeba, aria ārea eđa wābadau. Maamina chi poraa pīchua nubūu, Dachī Akōre ome ewaricha chokae būai baita. Chi o pīchua būudeeba chaarea būu wāi baita. Mau o āreaba unuđakau.

Bakuru chi nejōdeeba kuitaabadau

Lucas 6:43-44

¹⁵ »Kauwa panāsturu. Waabenarāba setadeeba Dachī Akōre baita berreabadau abadau. Āchiba biawāra kīra jaradeabadau maamina maka panuu ēbērarāba Dachī Akōre bedea ida būdamera.

¹⁶⁻¹⁷ Bakuru chi nejōdeeba kuitaabadau. Bakuru biaba nejōo bia chaubarīi maamina bakuru kachiruaba nejōo kachirua chaubarīi. ¿Bakuru ūri iđaađebena uva junai būka? ¿Maeburā nepono ūri iđaađebena higo jō junai būka? **III**¹⁸ Bakuru biaba nejōo kachirua chaukau maude bakuru kachiruaba nejōo bia chaukau.

¹⁹ Bakuru chaukauburā tutadapeđa baatabadau.

²⁰ Ara maka machiba kuitaađai chi biawāra Dachī Akōre baita berreabadaurā maeburā chi biawārawāe nuree āchiba wau panuudeeba. **IV**

Jesús trūdeeba ne barikia wau panuu

Lucas 13:25-27

²¹ »Ēbērarāba mū āchi Mechiu abadamina Bajāade būu juade joma panadaabai. Mū chacha bajāade būuba ijāabadauturu ichi juade ua būai. ²² Ichiba kastikai ewarīde āreaba mūumaa jaradai: "Dai mechiu, Dai mechiu, daiba bichi trūdeeba berreabadau, bichi trūdeeba chi jai kachirua nuree duabuikasīđau maude bichi trūdeeba ne wausīđau ēbērarāba āchīdeeba poyaa wauđakau". ²³ Maude mūba arakude jaraaru: "Kachirua waubadaurā, āyaa wāsturu. Mūba machi unukau".

De ome ūrūbena

Marcos 1:22; Lucas 6:47-49

²⁴ »Maudeeba barikiuba mū bedea ūripeda ijāaruuburā, nau kīra būai: ēbēra kūrīsia kuitaa būuba ichi de mo ūrū wausii. ²⁵ Maude kui che kobeesii, pūatu ārea pūatu kobeesii maude do chesii, maamina chi de baebasii mo ūrū wau kubūasīdeeba. ²⁶ Maamina mū bedea ūripeda wauwēeburā, nau kīra būai: ēbēra kūrīsiarāwāe niiba ichi de ibuđe wausii. ²⁷ Maude kui

III *Kajuma bedeađe naka bū kubūu: cardo. IV Kajuma bedeađe naka bū kubūu: Bakuru chi nejōdeeba kuitaabadau.*

che nūeesii, pūatu ārea pūatu nūeesii maude do che nūeesii. Mauba ichi de teatapeda joma wā'āe bari beesii».

²⁸ Jesusba joma jaradeasiide ēbērarāba kuitaa kūrīsiadaabasii. ²⁹ Chi Moisesba būda jaradeabadaurā kīra jaradeaka basii. Maumaarā ārea kuitaa būudeeba arakude jaradea būasii.

Jesusba kakua chau nii anibīda

Marcos 1:40-45; Lucas 5:12-16

8 Jesús eadebena edaa neesiide ēbērarā ārea ichi kaade neesidau. ² Maka būude ēbēra kakua chau nii Jesusmaa neesii. ¹ Ōdarrde kobepeda naka chi chuburia īdisii:

—M̄ Mechiu, bichiba kūrīa būuburā, m̄ poyaa aribiabii.

³ Maude Jesusba chi ēbēra jua ūru kubupeda jarasii:

—Maka wau kūrīa būu. ¡Aribiāse!

Ara makude mau kakua chau nii bāda anisii. ⁴ Jesusba ichimaa jarasii:

—Bichi chi kakua anīda abaumaa bīda jararāse. Mauumaarā judio paaremaa wāse bichi chi kakua anīda unumera. Maabae Moisesba jarada kīra ne kaebea dease. ^{II} Maka ēbērarāba kuitaada bichi biawāra aribiada.

Jesusba chi kokoroa baita bari trajabarii aribiabiīda

Lucas 7:1-10

⁵ Maabae Jesús Capernaum puurūdaa wāsii. Ara basiide Romādebena kokoroarā jaradea ua būabarii ichimaa neesii. Mauba naka chi chuburia īdisii:

⁶ —M̄ Mechiu, chi m̄ baita trajabarii m̄ dede būu. Bakara suriidu būudeeba kudade ārea bi'iwāe būu.

⁷ Maude Jesusba jarasii:

—Ichimaa wāruu aribiabide.

⁸ Maamina kokoroarā jaradea ua būabariiiba jarasii:

—M̄ mechiu, m̄ bichi kīra bi'ia niwādeeba, m̄ dede neebai būu. Maamina bichiba jamareeba berrearuburā m̄ baita bari trajabarii aribiabii. ⁹ Ara mau kīra m̄ jaradea būabariiiba jara būu m̄mba ijāai būu. Maude m̄mba jara būu kokoroarā m̄ juade nureerāba ijāada panuu; m̄mba abaumaa nébāde aaruude neebarii; wābāde aaruude, wābarii; maude m̄ baita bari trajabarii naka wāubāde aaruude arabaūde ichiba waubarii.

¹⁰ Jesusba mau ūrisiide bi'ia kūrīasii. Maabae ichi baara wāduumaa jarasii:

—Biawāra machimaa jaraaru: nau ēbēraba ārea ijāa būu kīra Israeldebena aba bīda unukau. ¹¹ M̄mba

I Īibaebenarāba Jesús ewariide kakua chau nii jai saka būasii adua panasii. Maamina judiorāmaarā, Dachī Akōrēburu poyaa aribiabii būasii. Números 12:9-12; 2 Reyes 5:7. Mau awara aba kakua chauba ēpermo būasiiburā, ārea kīrakaya beebachii. Mau āyaa būade wāi būabachii. Levítico 13:45-46. II 8:4 Levítico 14:1-32.

machimaa jaraaru: drua ūmada neebariaredebena maude drua ūmada baebariaredebena imidai. Maarā dachi nabēraēdebenarāba Abraham ome, Isaac ome, Jacob ome Bajāade Būuba ichidirā ichi juade ua būude ko ak̄ panēdai. ¹² Maamina Dachī Akōreba ēbērarā chi naa j̄ru adau kūrīa būada p̄riūdaa duab̄ikai. Aria kīra nomaa jēa panada maude pu'ubaa kīda k̄rūra ko panada.

¹³ Maabae Jesusba kokoroarā jaradea ua būabarii imaa jarasii:

—Deeda wāse. Bichiba ijāa būu kīra m̄ba wau.

Ara makude chi kokoroarā jaradea ua būabarii chi chibari baita bari trajabarii aribiasii.

Jesusba Simón Pedro pakōre aribiabiīda

Marcos 1:29-34; Lucas 4:38-41

¹⁴ Maabae Jesús Pedro deemaa wāsii. Eda wāsiide Pedro pakōre k̄amiaba kudade būu unusii. ¹⁵ Jesusba mau wēra jua wausiide, chi k̄amia duusii. Maabae jiradūpeda āchimaa chiko kobiasii.

¹⁶ Kiusiide ēbērarāba, ārea ēpermo nuree Jesusmaa eneesidau. Maude Jesusba jaraaruuba chi jai kachirurā joma duab̄ikasii maude ēpermo nuree joma aribiabiasii. ¹⁷ Makasii Dachī Akōre baita berreararii Isaiasba jarada kīra. Naka jarasii: «Dachi chi pira būada wā'āebisii maude dachi ēpermo panada aribiabiasii». ^{III}

Jesús baara wādaī kūrīa panada

Lucas 9:57-62

¹⁸ Jesusba ēbērarā āreaba ichi ādu j̄a uru panuu unusii. Maudeeba ichi baara nibabadaurāmaa mar kīraa wādaī asii. ¹⁹ Maamina wādaī naede Moisesba būda jaradeabarii Jesusmaa neesii. Mau ēbēraba jarasii:

Jaradeabarii, bichi wāruumaa m̄ bichi ome wāi.

²⁰ Jesusba ichimaa jarasii:

—Usa modēdebena de bara nii maude ibana de bara nii, maamina m̄, chi Ēbēra Ba Būada sama kāi nub̄uai wā'āe būu.

²¹ Maude aba ichi baara niiba jarasii:

—M̄ Mechiu, bichi ome wāi naede ida m̄ chacha jau būde wābise. ^{IV}

²² Jesusba ichimaa jarasii:

—M̄ ome wāse. Chi biupēdaadaba chi biūdarā jau būdaī panuu. ^V

III 8:17 Isaias 53:4. IV Waabenarāmaarā mau ēbēraba jara būu «Bichi baara wāi naede, m̄mba esedaui m̄ chacha biuruudaa». V Chi biupēdaadaba chi biūdarā jau būdaī panuu. Jesusba biūda jau būdaī ūrubena jara būwāema. Maumaarā ara āchiba wau kūrīa panuu kīra wau bee kastika būu.

Jesusba pūaturā maude mar mechiu apiibiida

Marcos 4:35-41; Lucas 8:22-25

²³ Maabae Jesús jãbade atausiide ichi baara nibabadaurã wãsiida. ²⁴ Mau maka buude mar ũrapeba wãkarãdeesii. Mar ãrea ũrapeba chi jãba taawãbii kĩa kobeesii. Maumisa Jesús kãi nubuasii. ²⁵ Mauðeeba ichi baara nibabadaurãba ũrumadapeda jarasiida:

—¡Dai Akõre Mechiu, dai karibase! ¡Dachi taawãmaa panuu!

²⁶ Jesusba panausii:

—¿Sakãe wapea panuma? ¡Machi bi'ia ijãadawëa panuu!

Jarapeda, maabae chi pūatu iadaasii maude mar ũrapemaa. Ara makude chi mar joma apii nubeesii.

²⁷ Mauðe ãchi kãare kũrisiida adua paneesiida. Naka jarasiida:

—¿Nau kaima? Pūaturãba maude mar biida ichi bedea ijãa panuu.

Jesusba jai kachiruarã duabuikada

Marcos 5:1-20; Lucas 8:26-39

²⁸ Maabae mar kĩraa wãdapeda Gadara druade neesiida. Maabae aria ëbëra ome jai kachirua bara panuu jau bũbadaumare chobea nubũudebena Jesusmaa neesiida. Maarã kĩa kachirua ãrea panasiideeba, ëbërarã mau ode poyaa wãdaabai buasii. ²⁹ Mauðe Jesusmaa jĩwa bia jarasiida:

—¡Dachi Akõre Warr! ¹ ¿Sakãe dai joe buma? ¿Dai bi'iwã panabiai ewari neei naede, bichi neeruka?

³⁰ Mau kaita sina ãrea komaa duanasiida.

³¹ Mauðeeba chi jai kachiruarãba Jesusmaa chi chuburia idisiida:

—Bichiba dai duabuikaaruuburã, sina kakuade eða wãbiãse.

³² Mauðe Jesusba jarasii:

—Wãsturu.

Maabae mau jai kachiruarã mau ëbërarã kakuadebena wãdapeda sina kakuade eða wãsiida. Ara makude chi sina pira wãuridapeda eakarrebena doedaa jĩchoadapeda ũyaba jãri kinisiida. ³³ Mau sina nu panaða pira wãsiida. ãchi puurude needapeda ëbërarã jai kachirua bara nuree unupedaada joma neburusiida. ³⁴ Mauðeeba joma chi puurudebenarã Jesús buumaa neesiida. Unusiidaude Jesusmaa chi chuburia idisiida ãchi druadebena ãyaa wãmera.

Jesusba ëbëra bakara buu nii aribiabiida

Marcos 2:1-12; Lucas 5:17-26

⁹ Jesús jãbade ataupeða waya mar kĩraa wãpeða ichi buabarii puurudeaa neesii. ² Aria ëbëra abã

I Dachi Akõre Warr. Griego bedeeade chi bee kartade bu kubuu: Machi sõde. Dachi Akõre Warr Jesús.

bakara buu nii ichi jira adoebadaude Jesusmaa eneesiida. Jesusba unusiide mau ëbëra eneepeðaaðaba biawãra ijãa panuu ichiba chi bakara buu nii poyaa aribiabii buu. Mauðeeba Jesusba chi bakara buu niimaa jarasii:

—Kĩrajũuse kũudrãa, bichiba kachirua wauða muuba perdonasiideeba.

³ Aria Moisesba buuda jaradeabadaurã chi waabenarã duanasiida. Maarãba kũrisiasii: «Ichiba Dachi Akõre ũrubena kachirua berrea buu». ⁴ Maamina ãchiba kũrisia panuu Jesusba kuitaasii. Mauðeeba jarasii:

—Machiba ¿sakãe kachirua kũrisia panuma?

II⁵ Machimaarã ¿sãu bedea aude chaarea buma jarai baita? ¿Bichi kachirua wauða perdonasii ai maeburã nau ëbëra bakara buu nii jiradubipeða nibabii? ⁶ Dachi Akõreba mu, chi Ëbëra Ba Buada busii nau druade panuuba kachirua waubadau perdonabiamera. Mau machimaa unubiai.

Ara makude chi bakara buu niimaa naka jarasii:

—Jiraduse. Chi bichi jira adoebadau adaupeða deedaa wãse.

⁷ Ara makude chi bakara buu buada jiradupeða deedaa wãsii. ⁸ Mau unusiidaude chi aria duanuu pera duanuu kĩa bara beesii. III Maamina Dachi Akõremaa bedea bia berreasiida, ichiba chi poyaabarii ëbëramaa deasiideeba, kakua kachirua panuu aribiabimera.

Jesusba Mateo iuda

Marcos 2:13-17; Lucas 5:27-32

⁹ Jesús mamabena wãaruude ëbëra Mateo abadau unusii. Mau ëbëra Romadebena chi aude mechiu nii baita chi nejarra deabadau dede akũ buasii. Jesusba Mateomaa jarasii: «Mu ome nibase».

Ara makude Mateo jiradupeða Jesús ome wãsii.

¹⁰ Mau maadakare Jesús Mateo dede ko buasii. Jesús baara nibabadaurã, Romadebena baita chi nejarra pebadaurã mauðe kachirua waubadaurã Jesús baara komaa duanasiida. ¹¹ Waabenarã fariseorãba mau unusiida. Mauðeeba Jesús baara nibabadaurãmaa idisiida:

—Machi jaradeabarii ¿sakãe Romadebena baita chi nejarra pebadaurã baara mauðe waabena kachirua waubadaurã baara ko akũ buma?

¹² ãchiba maka idiiduude Jesusba ũripeða jarasii:

—Ëpermo nureeba urmidia deabarii jurudakau.

Maumaarã chi ëpermo nurëburu jurubadau. ¹³ Nau bedeeba kãare jara buu kuitaade wãsturu: “ãnimara baa deadai badamaarã muuba kũria buu machiba waabenarã kĩa chuburia panaðai”. IV Mu, chi jipa nuree iui baita needawãe, maumaarã chi kachirua

II Griego bedeeade chi bee kartade bu kubuu: Machi sõde.

III Pera duanuu kĩa bara beesii. Griego bedeeade chi bee kartade bu kubuu: Kuitaa kũrisiadaabasii. IV 9:13 Oseas 6:6.

waubadauráturu iui baita nee bæu Dachí Akõremaa needamera. ^I

Chi Dachí Akõre baara bæayua kokau ewari őrubena
Marcos 2:18-22; Lucas 5:33-39

¹⁴ Mau maadakare Juan chi Boro Eabarii baara nibabadaurã Jesusmaa needapeda idisidau:
—Dai maude fariseorã baarauba chiko kodakau ewari waubadau, maamina bichi baara nibabadaurãba ȳsakãe maka wauđakama?

¹⁵ Jesusba ačhímaa jarasii:

—Mukíra kãibadau kírãjũũ ewari wau bæude ȳkai kíra nomaa bæaima? Mau mukíra wabiđa ichiba iukuada ome bæumisa kírãjũũ panađai. Maamina ewari abade waabena ebẽrarãba ichi aȳaa adoedai. Maabãeburu ichiba iudarãba chiko kodakau ewari wauđai.

¹⁶ »Abau biđa paru wíđidebena ba'ãra tõobai, paru soremaa kaapirui baita. Makaaruuburã, chi paru wíđi araa chiraduuruuba chi paru sore aude kõai. ¹⁷ Maude abau biđa uva bæa wíđi añimara e wauđa sorede tudakau. Maka wauduuburã baaka kobeeuude chi añimara e wauđa chi sore tojĩidrui. Maabae chi uva bæa eawãi, maude chi añimara e wauđa arii. Maudeeba uva bæa wíđi añimara e wauđa wíđide tudai panuu. Maka omea dauchia jāadua choroa panađai. ^{II}

Jesusba wẽrakau aribiabiđa

Marcos 5:21-43; Lucas 8:40-56

¹⁸ Jesusba maka jaradeamaa bæude judiorã chi karr mechiu neesii. Mau ebẽra Jesús daade õdarrede kobeepeđa jarasii:

—Mũ kau ara ũra biusii. Maamina bichi wãaruuburã maude bichi jua jāu őrũ kubũuruuburã waya chokae nibabii.

¹⁹ Jesús jiradupeđa mau ebẽra ome wãsii. Maude chi baara nibabadaurã wãsidau. ²⁰ Mau wãaduu niđauđe wẽra aba 12 año oamia inii Jesusmaa ara kaita wãpeđa kaadeeba, ichi anabari jũbarii i wausii». ²¹ Maka wausii kũrisiapeda mau anabari jũbarii wauruuba ichi aribia beei. ²² Jesusba waya ekarrnaa ichiapeda mau wẽra unusiide naka jarasii:

—Kau, kírãjũũe. Bichiba biawãra ijãasiideeba aribiasii.

Ara makude mau wẽra aribiasii.

²³ Jesús chi karr mechiu dede neesiide purrsiru chaabadaurã maude bia jẽabadaurã unusii. ^{III}²⁴ Jesusba jarakuasii:

—Awara wãurísturu. Nau wẽrakau biuwẽa bæu. Bari kãi nubũu.

^I Dachí Akõremaa needamera. Griego bedeade chi bee kartade mau wã'ãe. ^{II} Maudeeba Jesusba kuitaabisii ichiba jaradeada achi nabẽraebebena kũrisia ome arabauđe jaradeakau. ^{III} Israełdebenarãba purrsiru chaabadaurãmaa, kíra nomaa jẽabadaurãmaa biđa chi nejarra deabachidau kariiduuba kíra nomaa jẽade needamera.

Maudeeba ebẽrarãba ichimaa ichiadepeđa usidau. ²⁵ Maamina ebẽrarã duabũikapeđa Jesús deeda eda wãsii. Maabae chi wẽrakau juade jidaupeđa jiradubisii. ²⁶ Jesusba wauđa őrubena joma mau druade ũrisidau.

Jesusba dau pãriu nuree aribiabiđa

²⁷ Jesús mamabena wãsiide dau pãriu niđau ome ichi kaade bia neesidau. Mau ebẽrarãba bia kopanuuba jarasidau:

—jJesús, Daviddekena needa, dai kíra chuburiãse!

²⁸ Jesús deeda neesiide, mau dau pãriu niđau ichimaa ara kaita neesidau. Maabae Jesusba ačhímaa idisii:

—ȳMachiba biawãra ijãa panuu kíra mũeba machi poyaa aribiabiái bæu?

Ačhiba panausidau:

—Maerã, dai mechiu.

²⁹ Maabae Jesusba ačhi dau waupeđa jarasii:

—Mũeba wau machiba ijãa panuu kíra.

³⁰ Ara makude unu kopaneesidau. Maabae Jesusba kírudeeba jarasii mau őrubena abaumaa biđa nebũrũãadamera. ³¹ Maamina arabena wãaduude Jesusba ačhi ome wauđa mau druade jarade wãsidau.

³² Biawãra dau pãriu panađa wãaduu niđauđe ebẽra bosara nii maude jai kachirua inii eneesidau. ³³ Jesusba mau jai kachirua duabũisiide chi bosara nibađa berrea kobeesii. Mau unusiide, chi aria panađaba kãare kũrisiđai adua basiideeba jarasidau:

—jIsraełde wabiđa nau unudakau!

³⁴ Maamina fariseorãba jara duanasidau:

—Jãu Jesusba jai kachirua duabũibarii, jai kachiruarã karrba mau poyaabarii deasiideeba.

Jesusba ebẽrarã kíra chuburiada

³⁵ Mau maadakare Jesús puuru mechiu beecha maude puuru kaebe beecha nibabachii. Judiorã araa aȳua imibadau dede chi bedeđa bia jaradeabachii Bajãade Bũu neeruu ichiđirã ichi juade ua bæai őrubena. Maude joma epermo nuree maude chi kakua pira nuree aribiabiabachii. ³⁶ Ebẽrarã aerea araa aȳua imi nubũu unusiide kíra chuburiasii, miichuburi panasiideeba, kíra nomaa panasiideeba, oeja nubariiwãe nuree kíra. ^{IV}³⁷ Maabae ichi baara nibabadaurãmaa jarasii:

—Biawãra nau ebẽrarã ne uuda aerea chau kubũu kíra nuree. Maamina chi trajabadaurã ba'ãra panuu.

³⁸ Maudeeba chi ne uuda Chibarimaa idísturu trajabadaurã ichi ne uu nubũumaa bũikamera.

Jesusba 12 buidarā

Marcos 3:13-19; 6:7-13; Lucas 6:12-16; 9:1-6

10 Jesusba ichi baara nibabadaurā 12 ābua iukuasii. Maabae āchimaā chi poyaabarii dead-akasii jai kachiruarā ichi trūdeeba duabuikadamera, kakua kachirua nuree maude kakua pu'ua nuree aribiabiadamera. ² Jesusba buidarā 12, naarā basii: Simón, Pedro abadau; chi āba Andrés; Zebedeo warrarā Santiago maude Juan; ³ Felipe; Bartolomé; Tomás; Romadebena baita chi nejarra pebarii buada Mateo; Alfeo warr Santiago; Tadeo; ⁴ maude Simón Cananeo. ^{II} Maude buasii Judas Iscariote, Jesús jidaubiā. ⁵ Mau 12 ēbērarā Jesusba buikasii. Maamina wāda naede ichiba jarasii: «Juduowāerāmaa, Samaria druadebena puuruāa biā wārsturu. ⁶ Maumaarā chi Israel puurudebena ^{III} oeja o āyare nuree kīra panuumaa wāsturu. ⁷ Machi wāduumaa jarāsturu: “Bajāde Buuba ichidirā ichi juade ua buai; neei uru buu”. ⁸ Maudeeba ēpermo nuree aribiabiāsturu, biupeadaa chokae jiradubiāsturu, kakua chau nuree aribiabiāsturu, jai kachirua awara duabūisturu. Maka waudamera muba machimaa chi poyaabarii bari dearuu. Maudeeba ēbērarā bari karibāsturu. ⁹⁻¹⁰ Maude naarā adoerāsturu: chi nejarra, ūabisa, june kotisarā, june paru maude duma jāaduai baita, ^{IV} chi trajabariimaa ichi deai buu mau joma deai buudeeba ichi traju bare.

¹¹ »Machi puuru mechiude maeburā puuru kaebeude needuude machiba ēbēra sōbia nuree jurāsturu. Mau ēbēra dede panēsturu aba mau puurudebena wāduuāa. ¹² Mau dede eā wāduude Dachī Akōre trūde chi ēbērarāmaa bi'ia jarāsturu apii jirukaraayuwāe panadamera. ¹³ Mau dede panabadaurāba machi bi'ia irsibiiduuburā, mau berrea bia jarapedaada kīra āchimaā ara mau kīra wāda. Maamina bi'ia irsibiidaaburā, mau berrea bia jarapedaada kīra maka wādaabai. ¹⁴ Abau biā machi bi'ia irsibiwēeburā, maeburā machi berrea ūri kūrīawēeburā, mau dedebena wāsturu. Maeburā mau puurudebena wāduude ioro jora machi jūrude buu neapēsturu. ¹⁵ Muba biawāra jaraaru: Dachī Akōreba kastikai ewaride Sodomēbenarā maude Gomorraēbenarā audeara mau puuru aude kastikai. ^V

Jesús kakua chi ijāabadaurā bi'iwāe panadai ūrubena

Marcos 13:9-13; Lucas 21:12-19

¹⁶ »Muba machi ēbēra kachirua tāede buikaaru. Āchiba machi kachirua waudai usa kachiruaba oejarā

I Tadeo. Griego bedeade chi bee kartade mau trū kāyabāra bu kubuu Lebeo, Tadeo abadau. Mau Tadeo Santiago warr Judas basii. II Simón Cananeo. Lucasba bu kubuu. Simón Celote. Lucas 6:15. III Israel puurudebena. Mau jara buu «judiorā». IV Chi nejarra. Griego bedeade naka bu kubuu: Nee, parata, makawēeburā koore. V Sodomēbenarā maude Gomorraēbenarā. Génesis 19:1-29.

orrabarii kīra. Maudeeba āchi tāede panuude dama kīra kūrīsia kauwa nibāsturu, maamina paloma kīra umumura nibāsturu. ¹⁷ Ēbērarā tāede kauwa nureāsturu. Āchiba machi chi jaradea ua buabadaurāmaa jidau eneedapeda judiorā araa ābua imibadau dede soaba pedai. ¹⁸ Mude ijāa panuu kakua āchiba machi chi jaradea ua buabadaurā maude chi reyrā daade adoedai. Maude machiba āchi daade maude juduowāerā daade mu ūrubena berredai. ¹⁹ Machi jidau adoeduude jirukaraarāsturu saka berredai. Chi jaradea ua buabadaurā daade panuude Dachī Akōreba kuitaabai kāare jaradai. ²⁰ Ara machi kūrīsideeba berredaabei, maumaarā machi kakua Dachī Akōre Jauri berrei.

²¹ »Chi ābaba ara ichi āba beabii. Chi akōreba ara ichi warr beabii. Maude chi warrarā āchi akōrerā ome kīrudapeda beabiā. ²² Mude ijāa panuu kakua jomaarāba machi kīramaadai. Maamina chi kaadearebena ewarīdaa dauchia jāadua mude ijāa panuuburā, Dachī Akōreba mau karibai ichi baara chokae nureadamera. ²³ Puuru abaude ēbērarāba machi wāraduude, junebena puuruāa miru wāsturu. Muba biawāra jaraaru. Machi Israel puuru joma decha jaradea nibadai naede, mu, chi Ēbēra Ba Buada neei.

²⁴⁻²⁵ »Chi ne kuitaa kūrīa buu chi jaradeabarii audeara kuitaa buuwāe. Maamina chi jaradeabarii kīra buaiburā, bi'ia buu. Chi chibari baita bari trajabarii ichi chibari audeara mechiu niuwāe. Maamina chi chibari kīra buaruuburā, bi'ia buu. Mu jai kachiruarā jaradea ua buabarii Beelzebú a panuuburā, machi ara mau kīra jaradai. ^{VI}

Jesusba jaradeada kai wapea panadai buu

Lucas 12:1-9

²⁶ »Ēbērarā wapearāsturu. Joma chi bi'ia kauwa ūridawēa panuu mera buabai. Chi dachiba kauwa ūridawēa panuu Dachī Akōreba bi'ia kauwa ūribai. ²⁷ Muba machimaa pāriuude jara buu ūdaade jarāsturu. Muba machi kūrūmaa jarada de ūrubu jīwa jarāsturu. ²⁸ Nau chi kakua beabadaurā wapearāsturu, jāarāba beapedaadakare waa poyaa waudaabaideeba. Maamina dachi jauri poyaa beadaabai. Maumaarā chi kakua maude dachi jauri tubuchia aoko kubuu kiikaude baai buu wapeāsturu. ²⁹ ¿Nejarr ababa ibana chekerā ome nedoobai buka? Maamina ibana cheke aba biā iorode baedakau, chi Akōre bajāde buuba jaraaruwāede. ³⁰ Maude Dachī Akōreba kuitaa buu machiba buā sāabe uru panuu. ³¹ Dachī Akōre baita machi ibana ārea audeara bi'ia nuredeeba wapedawēa panāsturu.

VI Griego bedeade naka bu kubuu: De chibari jai kachirua jaradea ua buabarii Beelzebú a panuuburā, ichi ēbērarā siāa ara mau kīra jaradai.

Jesús kakua kīrakayayuwāe ʻuui

Lucas 12:8-9

³² »Abauba ʻēbērarā daade mauē ijāa ʻuue aaru-uburā, mʻ Chacha bajāade ʻuu daade mʻba ichi mauē ai. ³³ Ara mau kīra abau biā ʻēbērarā daade mʻ unukau aaruuburā, mʻa biā mʻ Chacha bajāade ʻuu daade ichi unukau ai.

¿Kai ārea kūrīadai panuma?

Lucas 12:51-53; 14:26-27

³⁴ »Kūrīarāsturu mʻ nau iujāade neesii ʻēbērarā ābua jirukaraayuwāe ʻuui baita. Mʻ mau kakua neewēa ʻuu, maumaarā neesii ʻēbērarā bi'ia panarāadamera. ³⁵ Mʻ neesii, chi warr chi akōre ome nebura waubiyua, chi kau chi nawe ome nebura waubiyua mauē chi āyu chi pakōre ome nebura waubiyua. ³⁶ Machiba mauē ijāa panuu kakua biawāra machi dede kīramaa paneedai. ³⁷ Abauba chi akōre maeburā chi nawe mʻ audeara ārea kūrīa ʻuuburā, mau mʻ baara poyaa nibaabai. Ababa chi warr maeburā chi kau mʻ audeara ārea kūrīa ʻuuburā, mau mʻ baara poyaa nibaabai. ³⁸ Mauē mauē ijāa ʻuu kakua, bi'iwāe ʻuuburā, poyaa mʻ baara nibaabai. ³⁹ Aba nau iujāade ara ichi bi'ia ʻuui kūrīa ʻuuburā, mau poyaabai. Maamina aba mʻ kakua biuuburā mau Dachī Akōre ome ewaricha chokae nibai.

Ne kaebea bia adauāi ʻurubena

Marcos 9:41

⁴⁰ »Chi machi bi'ia irsibiiduurā, mʻ irsibibadau. Mauē mʻ irsibiiduu chi mʻ biā irsibibadau. ⁴¹ Abauba Dachī Akōre baita berreabarii irsibiiruuburā, Dachī Akōreba mau biādeeba ne kaebea bia adauāi Dachī Akōre baita berreabadaurāba adaubadau kīra. ʻēbēra jipa ʻuu irsibiiruuburā, Dachī Akōre ʻēbēra jipa ʻuu ne bia deabarii kīra mau ʻēbēramaa deai. ⁴² Mʻba jaraaru: abaubā mʻ baara nibabadaurā chi kaebeu ʻēbēramaa bania kūrāsāa dearuuburā, Dachī Akōreba biawāra mau ʻēbēramaa ne bia deai».

11 Jesusba ichi baara nibabadaurā 12 panuumaa jaradeapeda arabena wāsii jaradeadakade mau druadebena puurucha.

Juan chi Boro Eabarii ʻurubena jarada

Lucas 7:18-35

² Juan chi Boro Eabarii chi jūabadau dede jūa ʻuusi-ide ʻurīsi Dachī Akōreba Dachī Karibabarii deai jara ʻuua wauruu ʻurubena. Mauēeba ichi baara nibabadaurā ome buikasii Jesusmaa naka ididamera:

³ —¿Bichi chi neei ʻuudaka, maeburā june aba esedauāi panuka?

I 10:36 Miqueas 7:6.

⁴ Jesusba āchima naka panausii:

—Machiba unu panuu mauē ʻuri panuu Juanmaa jarade wāsturu. ⁵ Dau pāriu nureada unu panuu; naka nureada bi'ia nuree; kakua chau nureada anidapeda nuree; kauru kiape nureada jābae ʻuri panuu; biupedaaarā waya chokae nuree. Mau awara chi nejarr barauwāe nureerāmaa chi beēa bia Dachī Akōre karibai ʻurubena ʻuri panuu. ^{II6} Chi mauē ijāi ida bukau nii bi'ia ʻuui.

⁷ Juanba buidarā wāsīdaude Jesusba aria nureerāmaa Juan ʻurubena neburusii: «Drua sirua wā'āe ʻuudaa machiba Juan ichiade wāsīdaude ¿kāare unudai kūrīasīadama? ¿Pūatuuruuba sia dodomia adoeruu kīra maka unudai kūrīasīadaka? ⁸ Maka kūrīasīadabasii. Mau ¿kāare unudai kūrīasīadama? ¿ʻēbēra ababa paru mipitaa ārea jū nii unudai kūrīasīadaka? Makawāema; chi ʻēbēra paru mipitaa jū nureerā reyrā dede panabadau. ⁹ Mau ¿kāare unudai kūrīasīadama? ¿Dachī Akōre baita berreabarii unudai kūrīasīadaka? Maerā, Dachī Akōre baita berreabarii ichiade wāsīdau. Juan Dachī Akōre baita berreabarii chi mechiu nii.

¹⁰ Ichi ʻurubena Dachī Akōre beēade naka ʻu kubuu: “Mʻ baita berreabarii bichi naa buiruu bichi o jaremera”. ^{III}

¹¹ »Mʻba biawāra jaraaru: nau druade aba biā Juan audeara mechiu wā'āe. ^{IV} Maamina Bajāade ʻuuba ichidīrā ichi juade ua ʻuudebena chi aude kaebeu nii ichi audeara chi mechiu nii. ¹² Juan chi Boro Eabarii ba jaradeadadeebena idīdaa Bajāade ʻuuba ichidīrā ichi juade ua ʻuu, maarā ārea bi'iwāe panuu. ʻēbērarā kachiruarāba āchi kachirua ārea wau kūrīa panuu. ^{V13} Dachī Akōre baita berreabadaurāba, Moisés biā chi Bajāade ʻuuba ichidīrā ichi juade ua ʻuui ʻurubena berreabachīdau aba Juan chi Boro Eabarii ewarīdaa. ¹⁴ Āchiba jarabachīdau aba Elías kīra nii neei. Machiba kuitaada kūrīa panuuburā Juan Elías ^{VI} chi neei a panaā; biawāra ichibū. ¹⁵ Chi kauru bara niiba kauwa ʻurise.

¹⁶ »Iđibaebena ʻēbērarā, mʻba ¿kāare kīra nuree jaraima? Puuruē warrarā jemene panuu kīra nuree. Chi nureeba bia kopanuuba jarabadau:

¹⁷ “Daiba purrsiru chaasīdaude machi baeradaabasii. Kari kīra nomaa karisīdaude machi jēadaabasii”.

¹⁸ »Juan neesīde kokau ewari waubachii mauē itua doka basii. Mauē ʻēbērarāba jarabadau mau jai kachirua inii. ¹⁹ Maumaarā mʻ, chi ʻēbēra Ba ʻuua,

II 11:5 Isaias 26:19; 35:5-6; 61:1-3. III 11:10 Malaquías 3:1.

IV Griego beēade naka ʻu kubuu: Wērarāba warr adaupeadaadebena. V Griego beēade mau versículo june kūrīa ʻuu. Waabenarāmarā, mau jara ʻuu «Juan chi Boro Eabarii ba jaradea beēadebena idīdaa Dachī Akōre puuruada kīrubadau eda wādai baita. Biawāra ʻēbērarāba ne joma wau panuu Dachī Akōreba puuruēbenarā baai baita». VI Elías. Dachī Akōre beēa jarabarii basii. Dachī Akōre beēa budade jara ʻuu nau iujāa baribai naede Elías waya neei israeldebenarā tāede. Malaquías 4:5.

nee ʘuu. Mʘʘba ne joma kobarii maude ne joma do-
barii. Maude machiba jarabadau mʘ chi ko ārea nii
maude do ārea nii. Mau awara jarabadau mʘ kachirua
waubadaurā baara maude Romaʘebena chi aude
mechiu nii baita chi nejarra pebadaurā baara ni-
babarii. Maamina kuitaa panuu Dachī Akōre kūrīsia
kuitaa jipa ʘuu, mau ijāa panuuba jipa waubadaudee-
ba».

Jesusba ichi ijāawēa nuree puuru iadaada

Lucas 10:13-15

²⁰ Maabae Jesusba waabenarā puuru iadaadaka
kobeesii. Maarā puuruʘe ichiba ēbērarāba ne poyaa
wauʘakau bi'ia wausmina āchiba chi kachirua ida
ʘudaabasii. ²¹ Naka jarasii:

—¡Corazín puuruʘebenaṛā maude Betsaidaʘebenaṛā
miichuburi nuree Dachī Akōreba kastikaiʘeeba! Mʘʘ-
ba machi tāede ēbērarāba ne poyaa wauʘakau ārea
wusii. Mʘʘba maka wauʘa basirā Tiroʘe maude
Sidonʘe, mau puuruʘebenaṛāba isa āchi kachirua ida
ʘudapeṛa Dachī Akōreʘe ijāadai basii. ^I Maudeeba
paru parr jūʘai basii maude etabarr jora boro ũru
kuikuadai basii. ²² Maamina mʘʘba machimaa
jaraaru: Dachī Akōreba kastikai ewariʘe Tiroʘebe-
narā maude Sidonʘebenaṛā audeara machi aude
kastikai.

²³ ¿Capernaumʘebenaṛā ũtaa bajāadaa wāʘaika?
¡Wāʘaabajai! ¡Dachī Akōreba machi chi biuʘarā
panabadaude jirakuai! ^{II} Mʘʘba ēbērarāba ne poyaa
wauʘakau machi tāede wauʘa Sodoma puuruʘe
wauʘa basirā, jāu puuru wabiṛa ʘuai basii. ^{III}²⁴ Maam-
ina mʘʘba jaraaru: Dachī Akōreba kastikai ewariʘe
Sodomʘebenaṛā audeara machi aude kastikai.

Jesusba ēbērarā kurrjirubiada

Lucas 10:21-22

²⁵ Mau ewariʘe Jesusba jarasii: «Chacha, bichi ba-
jāʘebena Mechiu maude nau iujāʘebena Mechiu.
Bichiba chi ne adua nureerāmaa mʘʘba jaradeada
kuitaabiisiʘeeba mʘʘba bichi bia jarai. Ne kuitaa
nureerāmaa bichiba kuitaabiabasii. ²⁶ Maerā, Chacha,
bichiba maka wusii maka wui kūrīa ʘuasiʘeeba.

²⁷ »Mʘ Chachaba mʘʘmaa ara ichi ũrubena joma
kuitaabisii. Abau biṛa adua panuu mʘ, chi Warr saka
nii; abā mʘ Chacháburu kuitaa ʘuu. Ara mau kīra abau
biṛa adua panuu mʘ Chacha saka nii; abáburu mʘ, chi
Wárrburu kuitaa ʘuu. Mʘʘba abaumaa mʘ Chacha
kuitaabiiruuburā, mau ēbēraba kuitaa.

²⁸ »Nejomadeeba kakua ākaa panuuburā, mʘʘmaa
nésturu. Mʘʘba machi kurrjirubiai. ^{IV}²⁹ Mʘʘmaa ida

*I Dachī Akōreba Tiro maude Sidón jisii. Amós 1:9-10. II Biuʘarā
panabadaude. Griego beʘeade naka ʘu kubuu: Hades. III Sodoma.
Mau puuru maude Gomorra Dachī Akōreba kastikasii. Génesis
18:16—19:29. IV Nejomadeeba kakua ākaa panuu. Judiorā Moises-*

adoebísturu. Mʘʘba ne jara ʘuu ũrísturu. Mʘ joma
dauchia jāadua ʘuabarii maude mʘ sōʘeeba
waabenarā audeara kuitaa ʘuu a kūrīsiakau. Mʘʘmaa
neuduuburā machi biawāra kurrjirubiai. ³⁰ Mʘʘba ja-
radea ʘuu chaareawāe ʘuu. Mʘʘba waubi ʘuu siṛa
wui aude chaarea ʘuu».

Jesús bari panabadau ewari chi Mechiu

Marcos 2:23-28; Lucas 6:1-5

12 Bari panabadau ewariʘe Jesús drua trigo
uudade nibasii. Maude ichi baara nibabadaurā
jarrbisīa panuudeeba trigo kuma abā ēe adauʘapeṛa,
ko kopaneesiṛau. ² Āchiba maka wau panuu chi nuree
fariseorāba unuʘapeṛa maabae Jesusmaa jarasiṛau:

—Ichīāse, bichi baara nibabadaurāba bari
panabadau ewariʘe chi dachiba wauʘakau ʘuu maka
wau panuma. ^V

³ Maude Jesusba āchimaa jarasii:

—¿Machiba Dachī Akōre beṛea ʘudeade eda
jaradawēa panuka? David maude ichi baara ni-
babadaurā jarrbisīa panasiṛauʘe ¿kāare wusiṛama?
^{VI}⁴ David Dachī Akōre dede eda wāpeṛa Dachī Akōre
baita kubuada pan adausii. ^{VII} Mau pan ¿aba paar-
eráburu kodai panaswāeka? Maamina Davidba kopeṛa
ichi baara nibabadaurāmaa deaṛakasii. ⁵ Maude Dachī
Akōreba Moisesmaa ʘuda deadaṛe naka jara ʘuu,
paarerā bari panabadau ewariʘe Dachī Akōre de
mechiude ne wauʘai panuu. ^{VIII} Maamina bari
panabadau ewariʘe trajaaduude, āchiba Moisesba
ʘuda ida ʘubachidamina, nebura baraa aṛakau.
¿Machiba mau siṛa eda jaradakaka? ⁶ Mʘʘba jaraaru:
Dachī Akōre de mechiu audeara chi aude mechiu nii
nama ʘuu. ⁷ Dachī Akōre beṛeade naka jara ʘuu: “Āni-
mara baa deṛai baṛamaarā mʘʘba kūrīa ʘuu machi-
ba waabenarā kīra chuburia panadai”. ^{IX} Nau beṛea
jara ʘuu machiba kauwa unupeṛaada basirā, machiba
naarā ēbērarā nebura wā'āe ʘee ũrubena kachirua
berreadaabai basii. ⁸ Mʘ, chi Ēbēra Ba ʘuada bari
panabadau ewari Mechiubʘ.

Jesús bari panabadau ewariʘe ēbēra aribiabiada

Marcos 3:1-6; Lucas 6:6-11

⁹ Jesús mamabena judiorā araa ābua imibadau
deemaa wāsii. ¹⁰ Aria ēbēra jua ʘuu nii ʘuasii. Maude
waabenarāba Jesús jideadai kūrīa panadadeeba
iṛisiṛau:

—¿Ēbēra abā ēpermo ʘuuburā, bari panabadau
ewariʘe aribiabii ʘuka?

¹¹ Jesusba panausii:

*ba ʘuda jaradeabadauba ne chikua atoebi panuu kīra ēbērarāmaa
ne chaarea waubibachiṛau. Mateo 23:4. V 12:2 Éxodo 34:21;
Deuteronomio 23:25. VI 12:3 1 Samuel 21:1-6. VII 12:4 Éxodo
35:12-13; Levítico 24:5-9. VIII 12:5 Números 28:9-10; Ezequiel
46:4-5. IX 12:7 Oseas 6:6.*

—Machi oeja bari panabadau ewaride chobeade baeruuburã ¿biawãra mau ertade wãdaabaika? ¿Kaiba maka waubaima? ¹² ¿Ēbëra oeja audeara bibuara ni-wãeka? Maudeeba bi'ia ßuu bari panabadau ewaride bi'ia wau.

¹³ Maabae chi jua ßuu niimaa jarasii:

—Bichi jua jiwaase.

Maabae ichi jua jiwaasii. Maude chi jua bi'ia didisii chi ababena jua kïra. ¹⁴ Maabae chi fariseorã awara wãsidau, berreasidau saka Jesús beadaï baita.

Dachi Akõre baita bari trajabarii juru adauða

¹⁵ Jesusba mau kuitaasiide äyaa wãsii. Ärea ëbërarã ichi baara wãsidau. Maude Jesusba chi ëpermo nuree joma aribiabisii. ¹⁶ Ichiba ächima bedea chaarea jarasii ichi ðrubena neburããamera. ¹⁷ Mau makasii Dachi Akõre baita berreabarii Isaiasba jarada kïra.

¹⁸ Naka jarasii:

Nau muba juru adauða, chi mu baita bari trajabari-ib. Muba ichi kÿria ßuu. Ichi kakua mu biawãra kïra-juu ßuu.

Mu jauri ichimaa deai. Ichiba puuru beecha muba jipa wau ðrubena jarai.

¹⁹ Ichi kïru kubuuba berreabai maude kïrubideeba bi-abai. Maudeeba abau biða ichi berrearuu puurude ðridaabei.

²⁰ Sia jimidi kõratu ßuu ßuitaabei. Udaa koabarii ba'ara koa ßuu kiibai.

Ara mau kïra chi chaareawãe nuree jipa wau panaðai aba aude poyaruuda.

²¹ Maude puuru beecha ichi esedaðai ächi karibamera. ^I

Jesusba jubawãe nii ðrubena jaradeada

Marcos 3:20-30; Lucas 11:14-23; 12:10; 6:43-45

²² Maabae ëbëra jai kachirua bara nii Jesusmaa enesidau. Mau ëbëra dau päriu ßuasii maude bosara ßuasii. Jesusba ichi aribiabisii berreamera maude unu nibaamera. ²³ Jomaurãba kãare kÿrisiaðai adua basiideeba idisidau:

—¿Nau Daviddebena neei ßuuwãeka?

²⁴ Maamina ächiba maka jara panuu fariseorãba ðrisidau. Maarãba jarasidau: «Jãu ëbëra chi jai kachirua nuree duabuibarii, chi jai kachirua nuree karr Beelzebuba mau poyaabarii deasiideeba».

²⁵ Maamina ächiba kÿrisia panuu Jesusba kuitaasiideeba jarasii: «Arabau druadebenarã ara ächi chiya chïo panaaduuburã, ächi du aba kinidai. Arabau puurude maeburã arabau dede chi ëbërarã ächi chiya chïo panaaduuburã, waa panaðaabei. ²⁶ Ara mau kïra Satanasma ara ichi jai kachirua duabuiruuburã, ara ichi ome chïo ßuu. ¿Saka ichidã ichi juade ua ßuu dauchia

jãadua duanaima? ²⁷ Machimaarã, muba Beelzebú poyadeeba jai kachiruarã duabui ßuiburã, makarã machi baara nibabadaurãba ¿kai poyadeeba jai duabuibadama? Ara ächiba unubibadau machi bi'ia kÿrisiaðawãe panuu. ²⁸ Maamina muba Dachi Akõre Jaurideeba jai kachiruarã duabuiruuburã, Dachi Akõreba unubiai ßuu ichi neesii machi ichi juade ua ßuai baita. ²⁹ Ēbëra dadarraa nii naa jëwëeburã, ¿saka ichi dede eda nechiruade wãima? Aba maka jë nuburuuburã poyaa chiruai ßuu. ³⁰ Chi mu baara ßuuwãe, mu kïramaabu. Chi mu ome ëbërarã aida juru adauwãe ßuuba chi juru adauða äyaa buikabibarii.

³¹ »Maudeeba muba machimaa jaraaru: ëbërarãba kachirua waubadau maude kachirua berreabadau Dachi Akõreba joma perdonai. Maamina ababa Dachi Akõre Jauriba wauða jubawãe niiba jãka wausii aaruuburã, Dachi Akõreba mau perdonaabei. ³² Abauba mu, chi Ēbëra Ba Buada ðrubena kachirua berrearuuburã Dachi Akõreba mau perdonai. Maamina ababa Dachi Akõre Jauri kachirua berrearuuburã, Dachi Akõreba mau perdonaabei. Nau ewaride maeburã mau ewari neeruude, mau kachirua berrea buada kakua perdonaabei.

³³ »Nejõo bi'ia chauruuburã kuitaabadau bakuru bia ßuu. Maamina bi'ia chawëeburã kuitaabadau mau bakuru chi biawãe ßuu. Bakuru chi nejõodeeba kuitaabadau. ³⁴ Ēbërarã dama! ¿Machi chi kachiruarãba saka ne bia berreadama? Ēbëra ichi sõde kÿrisia ßuu kïra, maka berreabarii. ³⁵ Ēbëra bia ßuuba ne bi'ia jarabarii ichi sõde ne bia uru ßuudeeba. Maamina ëbëra kachiruaba ichi sõde ne kachirua uru ßuudeeba kachirua berreabarii. ³⁶⁻³⁷ Bichiba ne bia jaraaruuburã Dachi Akõreba bichi bi'ia nibabii. Maamina ne kachirua jaraaruuburã ichiba kastikai. Muba machimaa jaraaru: Dachi Akõreba kastikai ewaride jomaurãba ichimaa jaradaï ächiba bedea kachirua barikia jara-peadaa».

Jesusba Jonás ðrubena jarada

Marcos 8:12; Lucas 11:29-32

³⁸ Mau maadakare waabenarã Moisesba buða jaradeabadauba, fariseorã biða Jesusmaa jarasidau:

—Jaradeabarii, daiba kÿria panuu bichiba ëbërarãba ne poyaa wauðakau wau. Makarã kuitaadaï bichi bajãdebena needa.

³⁹ Maamina Jesusba jarasii:

—Machi idibaebena kachiruarãba Dachi Akõreðe ijãðai ida ßu panuu. Machiba mu bajãdebena nee ßuu kuitaadaï baita kÿria panuu muba ëbërarãba ne poyaa wauðakau wau. Maamina muba ëbërarãba ne poyaa wauðakau waubai. Machiba ababuru chi Dachi Akõre baita berreabarii Jonasba makada kïra unudai.

^{II} Mau versiculode Jesusba jara ßuu ëbëra dadarraa nii jë nubuu kïra ichiba jubawãe nii poyaabarii jai kachirua duabuiikai baita.

^I 12:21 Isaias 42:1-4.

40 Jonás beda mechiu bide ewari õbea maude ës-abude buada kîra m̄, chi Ēbēra Ba Buada ewari õbea maude ësabuđe, ioro ekare buai. 141 Mau awara Dach Akõreba jomaurã kastikai ewariđe Nínive puurudebenarã jiraduđapeda machi chi idibaebenarã nebura barau a jaradaı. Jonasba jarada ũrisidaude ačhiba kachirua ida buđapeda Dach Akõremaa neesidaı. II Mau Jonás audeara chi mechiu nii nama b̄mina machiba ijãadawēa panuu. 42 Mau awara Salomón ewariđe chi surdebena reina basii. Ichi drua kaitawēeba neesii Salomón chi kuitaa nii bedeã ũrii baita. III Maamina nau ewariđe Salomón audeara chi mechiu nii nama b̄mina machiba ijãadawēa panuu. Maudeeba Dach Akõreba kastikai ewariđe mau wēra jiraduđepda machi nebura bara nuree ai.

Jai kachirua waya needa

Lucas 11:24-26

43 »Ēbēra kakuadebena wāruuđe chi jai kachirua drua sirua wã'ãe buude j̄r̄ b̄barii bari buai baita, maamina mau unukau. 144 Maudeeba ichi du aba naka jarabarii: "M̄ buadamaa waya wãı". Ara baaruuđe, mau ěbēra sōđe de dumadu kubuu kîra unubarii. Kuda bi'ia nejarr wã'ãe buu maude joma bi'ia kubuu unubarii. 45 Maabae 7 jai kachiruarã ichi audeara kachirua bee mau ěbēramaa eneepeđa chi ěbēra sōđe eda panade wãbadau. Maudeeba chi ěbēra chi naa buada audeara kachirua beebarii. Ara mau kîra chi m̄uđe ijãadawēa panuu baita machi, chi idibaebenarã kachiruarã baraa aude kachiruađe paneeđai».

Jesús ěbērarã ichimaa neepedaada

Marcos 3:31-35; Lucas 8:19-21

46 Jesusba wabiđa ěbērarãmaa berrea buude chi nawe, chi ābarã awara panuu ichi ome berrea k̄ria panasidaı. 47 Abauba Jesusmaa jarasii:

—Bichi nawe, bichi ābarã baara awara panuu. Āchi bichi ome berrea k̄ria panuu.

48 Maamina Jesusba mau ěbēramaa jarasii:

—Bichimaarã ¿kai m̄ nawe maude m̄ ābarãma?

49 Maabae ichi baara nibabadaurãmaa jua supeđa jarasii:

—Cha duanuu m̄ nawe maude m̄ ābarãb̄. 50 M̄ Chacha bajãade buuba wauđai k̄ria buu, mau m̄ ābab̄, m̄ neekaub̄ maude m̄ naweb̄.

Netaa uubarii ũrubena nebura

Marcos 4:1-9; Lucas 8:4-8

13 Ara mau ewariđe Jesús chi dedebena wãpeda mar iikaa ak̄ buade wãsii. 2 Maude ěbērarã ārea araa imi nub̄asii ichimaa ara kaita. Maudeeba

I 12:40 Jonás 1:17. II 12:41 Jonás 3:5-10. III 12:42 1 Reyes 10:1-13. IV Israeldebenarãba jarabachiđau jai kachiruarã drua sirua wã'ãe buude beabadaı. Isaías 34:14.

Jesús jãba abade ut̄ wãsii maabae ak̄ beesii. Ēbērarã ibude mar iikaa duaneesidaı. 3 Maabae Jesusba ačhima naka ārea neb̄r̄ kobeesii ne jaradeai baita:

«Ēbēra aba netaa pođe wãsii. 4 Maka po k̄riiđe chi bee netaa ode baesidaı. Maabae ibanarã needapeda pemikuasidaı. 5 Chi bee netaa mokara idaađe baesidaı. Chi ioro nausãa buudeeba mau netaa isa tonosii. 6 Maamina pisiaba buusidaı chi karr ārea wã'ãe buasiideeba. 7 Maude chi bee netaa ũri idaa buude baesidaı. Aria tonodapeda j̄kara ũri idaa buuba b̄ra kenasii. 8 Maamina chi waabenarã netaa ioro biade baesidaı. Waabenarã netaa abadebena 30 deasii, 70 maeb̄rã 100. 9 Chi k̄r̄r̄ bara niiba kauwa ũrise».

Jesusbã ¿sakãe neb̄r̄bachima jaradeai baita?

Marcos 4:10-12; Lucas 8:9-10

10 Maabae Jesús baara nibabadaurãba ichi kaita needapeda idesidaı:

—¿Sakãe ěbērarãmaa neb̄r̄barima, jaradeai baita?

11 Jesusba panausii:

—Bajãade Buuba ichiđirã ichi juade ua buu ũrubena jomaurãmaa kuitaabiawēa b̄mina machimaa kuitaabia buu. 12 Abauba biawãra kuitaarub̄rã, Dach Akõreba aude kuitaabii. Maamina chi adua niiba ne kuitaa buu k̄risiarub̄rã ichiba k̄risia buu Dach Akõreba mau juakaa adai. 13 Maudeeba m̄ba ačhima neb̄r̄ buudeeba jaradeabarii. M̄ba wau buu ačhiba unu panumina kuitaadawēa panuu, maude m̄ba jara buu ũri panumina kauwa ũriđawēa panuu. 14 Āchiba Dach Akõre baita berreabarii Isaiasba jarada kîra wauduu:

Nau ěbērarãba ũri panumina kauwa ũriđakau. Āchiba ichiadumina, unuđakau.

15 Āchi sō chaarea nuredeeba ũriđai k̄riadakau maude unuđai k̄riadakau.

Maka panadawēe basirã, unuđai basii, ũriđai basii maude sōdeeba ijãadai basii.

Maabae m̄maa neepedaada basirã m̄ba ačhi aribiabiai basii. V

16 »Maamina machi ārea bi'ia panuu unubadaudeeba maude ũribadaudeeba. 17 M̄ba biawãra jaraaruu: Dach Akõre baita berreabadaurãba maude ěbērarã jipa nureerãba chi machiba unu panuu unu k̄ria panasidaı, maamina unuđabasii. Maude machiba ũri panuu ačhiba ũri k̄ria panasmina, ačhiba ũriđabasii.

Jesusbã kauwa ũribasii chi netaa pobarii ũrubena

Marcos 4:13-20; Lucas 8:11-15

18 »Kauwa ũristuru, kãare jara buu chi m̄ba neb̄r̄da chi netaa pobarii ũrubena. 19 Netaa ode pođaba nau jara buu: Bajãade Buuba ichiđirã ichi

V 13:15 Isaías 6:9-10.

juade ua b̄uu ũrubena aba bida ũripeda kuitaawē-
burā, jubawāe niiba mau bedea ichi sōde needa kude
beebikau ijāarāamera. ²⁰ Netaa mo idaa b̄uude pođa
nau jara b̄uu: waabenarā ēbērarāba Dachī Akōre
bedea ũridapeda ārea kīraj̄u ũribadau. ²¹ Maamina
chi karr ārea jidauwēa b̄uudeeba ārea dauchia jāadua
b̄uakau. Ewari kachirua b̄aeruude maeburā Dachī
Akōre bedea ijāa b̄uudeeba ēbērarāba kachirua
wauduude ichiba ijāa b̄uu ida b̄ubarīi. ²² Netaa ioro ũri
idaa b̄uude pođa nau jara b̄uu: chi nuree ēbērarāba
Dachī Akōre bedea ũribadau, maamina āchi saka bi'ia
paneədəi baita, ne joma uru panadai baita maude
kīraj̄u panadai baita ārea k̄risiabadau. Joma mauba
Dachī Akōre bedea waa ũribiadakau. Maudeeba ne bia
waubiadakau. ²³ Maamina netaa ioro biade pođa nau
jara b̄uu: waabenarāba Dachī Akōre bedea bia
ũridapeda ijāabadau. Maabae chi nureerāba bi'ia
waubadau Dachī Akōre baita, waabenarāba aude bi'ia
waubadau maude waabenarāba aude bi'ia ārea
waubadau. I

Trigo uudee sirua kachirua uuda

²⁴ Maabae Jesusba june nebur̄sīi jaradeai baita:
«Bajāade B̄uuba ichidīrā ichi juade ua b̄uu nau kīra
b̄uu. Ēbēra b̄uasīi. Mau ēbēraba ichi druade trigo taa
bi'ia kau uusīi. ²⁵ Maamina chi ichi baita bari tra-
jabadaurā kāi duanuumisa chi kīramaabariī nepeđa
sirua kachirua trigo uudee uusīi. Maabae wāsīi.
²⁶ Mau maad̄akare chi trigo tonopeđa pāra kobeesīide
sirua kachirua sīda tonosīi. ²⁷ Chi ichi baita bari tra-
jabadaurāba chi chibarīmaa idīde wāsīd̄au: “Dai
mechiu, bichi druade trigo bi'ia uusiiburā j̄jāu sirua
kachirua samareeba neesma?” ²⁸ Chi chibarība
panausīi: “M̄ kīramaabariība maka wausīi”. Maabae
chi ichi baita bari trjabadaurāba ichīmaa idīsīd̄au:
“Maka b̄uuburā j̄k̄ūria b̄uka daiba chi sirua kachirua
ēekuade wād̄ai?” ²⁹ Chi chibarība panausīi: “Makarās-
turu. Maka wauduuburā chi trigo sirua kachirua baara
ēekuad̄aika. ³⁰ Bibuara b̄uu ida ābua waribīd̄ai aba
chauruud̄aa. Mau chauruu ewarīde m̄uba jarai chi ju-
naaduurāmaa: naa chi sirua kachirua araa pedapeđa
jamase baad̄ai baita. Maamina chi trigo m̄ ne pebarīi
dede pe nub̄sturu”».

Mostaza taa ũrubena nebur̄uda

Marcos 4:30-32; Lucas 13:18-19

³¹ Jesusba maucha june nebur̄sīi jaradeai baita:
—Bajāade B̄uuba ichidīrā ichi juade ua b̄uu nau kīra
b̄uu. Ēbēraba mostaza taa ichi druade uusīi. ³² Mau
mostaza taa joma dachiba uubadau audeara kaebeara
nīi. Maamina uud̄akare, waabenarā netaa audeara

I *Griego bedee naka b̄u kub̄uu: Waabenarāba 30 chaubadau,
waabenarāba sesenta chaubadau maude waabenarāba 100
chaubadau.*

mechia waribariī, aba chi mau bakuru ara ichi ara
nub̄eeruud̄aa. Maudeeba ibanarā chi juataede de
waude neebadau».

Pan ēesāabibariī ũrubena nebur̄uda

Lucas 13:20-21

³³ Maude Jesusba maucha nebur̄sīi, jaradeai baita:
«Bajāade B̄uuba ichidīrā ichi juade ua b̄uu masa
ēesāabibariī kīra b̄uu. Mau masa ēesāabibariī wēraba
b̄a'āra adaupeđa harina āreade kuasīi. Maabae eda
ārea perasīi aba joma ēesāaruud̄aa».

Jesusba nebur̄uda jaradeai baita

Marcos 4:33-34

³⁴ Mau joma Jesusba ēbērarā āreamaa mau
nebur̄sīi jaradeai baita. Nebur̄sīu wāeburā, ja-
radeaka basīi. ³⁵ Dachī Akōre baita berreabariība
jarada kīra biawāra makasīi:
«M̄uba nebur̄sīuuba berreai. Dachī Akōreba nau
drua waud̄adebena idīd̄aa kuitaabiwēa b̄uad̄a, m̄uba
mau jarai». II

Sirua kachirua ne uu nub̄uude Jesusba kuitaa jarada

³⁶ Maabae Jesús ēbērarā ome b̄uad̄a wāaruu apeđa,
deed̄aa wāsīi. Ichi baara nibabadau needapeđa
idīsīd̄au:

—Sirua kachirua uuda ũrubena daimaa kuitaa jarase.

³⁷ Jesusba jarasīi:

—Chi netaa bia uubarīi m̄, chi Ēbēra Ba B̄uad̄ab̄.

³⁸ Ne uu nub̄uu nau druab̄. Chi netaa bia Bajāade
B̄uuba ichidīrā ichi juade ua b̄uudebena ēbērarāb̄.
Sirua kachirua, chi miadaa aude mechiu niideb̄.

³⁹ Chi kīramaamaarā, mau sirua kachirua uuda
jubawāe niīb̄. Chi ne uu nub̄uu chad̄ai ewari jara
b̄uu chi baribai ewari. Chi ne uu nub̄uu junabadaurā
Dachī Akōre angelerāb̄. ⁴⁰ Sirua kachirua ēedapeđa
baabadau kīra nau ewari baribaaruude makai. ⁴¹ M̄,
chi Ēbēra Ba B̄uad̄aba angelerā b̄ūkai kachirua
waubadaurā pedamera maude kachirua waubi-
abadaurā m̄uderā m̄ juade ua b̄uudebena. ⁴² Maarā
t̄b̄ aokode b̄atakuad̄ai. Aria kīra nomaa jēa panad̄ai
maude pu'uaba kida kurr̄a ko panad̄ai. ⁴³ Maamina
chi jipa b̄ee āchi Akōre juade ũmada kīra ted̄echoa
panad̄ai. Chi kurr̄ bara niiba kauwa ũrise.

Drua nedoda maude perla nedoda

⁴⁴ Bajāade B̄uuba ichidīrā ichi juade ua b̄uu chi ne-
jarra iorode mera b̄uda kīra b̄uu. Mau chi nejarra
ēbēraba unupeđa chi b̄uad̄amaa mera b̄usīi. Maabae
kīraj̄u wāpeđa joma ichiba uru b̄uu nedob̄ipeđa chi
drua nedosīi.

II 13:35 Salmos 78:2.

⁴⁵ »Mau awara Bajãade Bũuba ichidĩrã ichi juade ua bũu nau kĩra bũu. Ēbẽra chi ne nedobarii bũasii. Mau ěbẽraba perla jũrũ bũabachii nedoyua. ⁴⁶ Maka bũude aba chi nejarr ãrea iẽbadau unusii. Ara makũde ichiba uru bũu joma nedobũipeđa mau perla nedosii.

Ātarraya ũrũbena

⁴⁷ »Bajãade Bũuba ichidĩrã ichi juade ua bũu ātar-
raya kĩra bũu. Ātarrayaba do batakũde beda barikia
jidaubadau. ⁴⁸ Beda ãrea pãriiruũde, ibuđaa erta
adoebadau maabae akũ panepeđaada chi aude
bibuara bee jũrũbadau ěde awara peđayua. Chi
kachirua batakũbadau. ⁴⁹ Ara mau kĩra bũai chi
baribai ewari. Dachĩ Akõre angelerã needapeđa ěbẽra
kachirua chi jipa bee tãdeebena awara bũdai.
⁵⁰ Maabae tũbũ aokode batakũdai. Aria kĩra nomaa
jẽa panadai maude pu'uaba kiđa kũrrũa ko panadai.

Ne kaebea wiđi maude ne kaebea sore ũrũbena

⁵¹ Maabae Jesusba iđisii:

—Mũuba jarada ħmachiba joma kauwa ũrisidaka?
Āchiba panausidau:

—Maerã, dai Mechiu.

⁵² Maude Jesusba jarasii:

—Bajãade Bũuba ichidĩrã ichi juade ua bũu ũrũbena
Moisesba bũda jaradeabarii ba kuitaaruubũrã, de
chibari kĩra bũu. Ichiba chi ne kaebea bia wiđi pe
nubũumarebena maude chi ne kaebea bia
nabẽraebebena siđa unubibarii.

Jesús Nazarete bũada

Marcos 6:1-6; Lucas 4:16-30

⁵³ Maka joma neburũsiide jaradeai baita, Jesús ãyaa
wãsii. ⁵⁴ Maabae ichi puuruđe neesii. Earaba judiorã
araa ãbua imibadau dede jaradea bũasii. Chi ũri panu-
uba adua basiiđeeba kãare kũrisiadayu naka jarasiđau:

—ĤKaiba jãumaa kũrisia kuitaa deasma? ĤSaka
ěbẽrarãba ne poyaa wauđakau poyaa wau? ⁵⁵ ĤIchi
dachi puuruđebena bakuruba ne kaebea waubarii
warrwãeka? Ichi nawe ĤMariawãeka? Ichi ãbarã ĤSanti-
ago, José, Simón maude Judaswãeka? ⁵⁶ Joma ichi
neekaurã Ĥdachi tãede panuwãeka? Maka, Ĥichiba
sama mau ãrea kuitaasma?

⁵⁷ Āchiba Jesús ijãadai kũriađabasi. Maudeeba Je-
susba jarasii:

—Dachi Akõre baita berreabarii ãibena druade wa-
peadee nii abadau, maamina ara ichi druadebenarãba
maude ichi dedebenarãba wapeadee nii adakau.

⁵⁸ Āchiba ijãadaabasiideeba Jesusba aria ěbẽrarãba
ne poyaa wauđakau ãrea waubasii.

Herodesba Jesús ũrũbena ũriđa

Marcos 6:14-29; Lucas 9:7-9

14 Mau ewariđe Herodes Galilea druadebena chi
jaradea ua bũabarii basii. ¹ Mau Herodesba Je-
susba wauđe ũrũbena ũrisii. ² Maudeeba ichiba chi
trajabadaurãmaa jarasii: «Jãu Juan chi Boro Eabarii
chokae jiraduđe! Maudeburu joma ěbẽrarãba ne poy-
aa wauđakau poyaa waubarii».

³⁻⁴ Herodesba mau jarasii Juan beabisiideeba. Mau
naka bũasii: Herodesba ara ichi ãba Felipe wẽra
Herodías abadau adausii. Maamina Juanba ichimaa
jarabachii: «Moisesba bũdade jara bũu bichi ãba wẽra
adaubai bũu». ^{II} Maudeeba Herodesba Juan ji-
daubipeđa kaenaba jũbipeđa jũabadau dede jũabisii.
⁵ Juan beabii kũria bũasmina puuruđebenarã wapea
bũasiideeba poyaa makawẽa bũasii. Puuruđebenarãba
kũrisia panasii Juan Dachĩ Akõre baita berreabarii.

⁶ Herodes chi naweba adauđe ewari kĩrajũũ wau
panuude Herodías kau jomaurã daade baerasii. Mau-
ba Herodes ãrea kĩrajũũsii. ⁷ Maudeeba mau ãwera-
maa bedea deasii ne barikia ichiba iđiruu deai baita.
⁸ Maude chi naweba ichi kaumaa naka iđibisii: «Mũũ-
maa paratuđe Juan chi Boro Eabarii boro dease».

⁹ Maka iđisiide Herodes kĩra nomaasii. Maamina jo-
ma chi ichi baara komaa panuu daade bedea dead-
adeeba Herodías kauba iđiđe waubisii. ¹⁰ Ara makũde
Juan jũabadau dede jũa bũu boro bũatubisii. ¹¹ Juan
boro paratuđe eneedapeđa Herodías kaumaa
deasiđau. Maabae chi kauba chi nawemaa deasii.
¹² Mau maadakare Juan baara nibapeđaadaba chi
kakuwa adoeđapeđa jau bũsiđau. Maabae Jesusmaa
jarade wãsiđau.

Jesusba 5.000 ěbẽrarã kobiada

Marcos 6:30-44; Lucas 9:10-17; Juan 6:1-14

¹³ Jesusba Juan biuđe ũrisiide ichi du aba jãbađe
ěbẽra ãrea wã'ãemaa wãaruu basii. Maamina ěbẽrarã-
ba ichi samaa wãaruu kuitaasiđauđe puuruchadebena
jũde araa wãsiđau. ¹⁴ Jesús jãbađebena edaa wãsiide
ěbẽrarã ãrea unusii. Maarã kĩra chuburiasiiđeeba chi
ẽpermo nuree aribiabasii. ¹⁵ Kiumaa bũude ichi baara
nibabadaurã ichimaa needapeđa jarasiđau:

—Nama ara kaita ěbẽrarã wã'ãe. Mau awara kiumaa
bũu. ěbẽrarãmaa jarase puuru beede chiko nedođe
wãdamera.

¹⁶ Maude Jesusba ichi baara nibabadaurãmaa jarasii:
—Jãarã wãdaabai bũu. Machiaboru chiko kobiásturu.

¹⁷ Maamina ãchiba jarasiđau:

—Daiba pan jua aba maude beda ome uru panuu.

^I Herodes. Mau Herodes «Antipas» abachiđau. Mau ũrũbena bũ
kũbũu: Mateo 14:1-10; Lucas 3:19; 9:7-9; 13:31-33; 23:6-12. Antipas
akõre «Herodes chi Mechiu» abachiđau. Mateo 2:1-23. ^{II} 14:3-4
Levítico 18:16.

¹⁸ Jesusba jarasii:

—Muumaa enésturu.

¹⁹ Maabae ebērarāmaa jarasii siruade aku pa-needamera. Mau pan jua aba panuu mauđe beda ome panuu ichi juade adaupeđa bajāamaa ichiapeđa Dach Akōremaa bi'ia jarasii. Maabae pan bəakuapeđa ichi baara nibabadaurāmaa deadakasii deadakamera. ²⁰ Jomaurā kodapeđa bi jāwaasidau. Chi Jesús baara nibabadaurāba pan ūru beeđa araa pesidauđe 12 jabara waabirubisidau. ²¹ Aria chi kopedaada 5.000 mukīrarā basii mauđe wērarā, warrarā juasiidawēa.

Jesús bania ūru nibada

Marcos 6:45-52; Juan 6:16-21

²² Mau maadakare Jesusba ichi baara nibabadaurā jābađe wābiasii ichi naa wa kīraa wādamera. Mauđe ichi aria beesii ebērarā āchi deeđa wābiai baita. ²³ Jomaurā wābiapeđa ichi du aba eadaa Dach Akōremaa ūtaa iđide wāsii. Kiusiide ichi du aba buasii. ²⁴ Mautisa Jesús baara nibabadaurā mar kēsa panasidau. Mauđe mar ūrape imatu wā kubuuba jāba ūtaa jira adau kōbesii, chi pūatu āchi kīramaa pūatu kāriideeba.

²⁵ Ewarimaa Jesús āchi kaita bania ūru tua kāribasii.

²⁶ Maamina ichi baara nibabadaurāba mau unusidauđe ārea perasidau. Wapeaba āchi biasidau:

—jāu jauribə!

²⁷ Ara makude Jesusba jarasii:

—jApísturu, perarásturu! jMuumə!

²⁸ Mauđe Pedroba ichimaa jarasii:

—Mə Mechiu, biawāra bichibərā, mə bania ūru bichimaa wābise.

²⁹ Ara makude Jesusba jarasii:

—jNeese!

Ara makude Pedro jābađe bena eđa wāpeđa Jesusmaa bania ūru kāribasii. ³⁰ Maamina mau pūatu meserā ārea pūatu kubuu unusiide, perasii mauđe eđa taa kāribasii. Maabae biasii:

—Dai Mechiu, jmə karibase!

³¹ Ara makude Jesusba juade jidau adausii maabae jarasii:

—jWabiđa bichiba ijāawēa buka? jSakāe ijāawēa bu-
ma muuba bichi bania ūru poyaa nibabii buu?

³² Jābađe atausidauđe chi pūatu apiisii. ³³ Maabae joma jābađe panuu Jesús dađe odarređe kopaneedapeđa ichimaa bi'ia berreasidau:

—jBichi biawāra Dach Akōre Warrbə!

Jesusba ēpermo nureerā ārea aribiabiada Genesaret druade

Marcos 6:53-56

³⁴ Kīare basidauđe, Genesaret druade neesidau.

³⁵ Arabena ebērarāba Jesús kuitaasidau. Mauđeeba jo-

ma āchi druade jarade buisidau Jesús neeđa. Maabae ebērarāba joma chi ēpermo nureerā ichimaa eneesidau. ³⁶ Āchiba ichimaa chi chuburia iđisidau ichiba ichi anabari jūbarii ide waubiamera. Joma ēpermo nureeba mau wauduđe aribiabachidau.

Jua jeraabadau ūrubena iđida

Marcos 7:1-23

¹⁵ Mau maadakare waabenarā fariseorā mauđe Moisesba buđa jaradeabadaurā Jerusalén puurudebena Jesusmaa needapeđa iđisidau:

² —Bichi baara nibabadaurā jua jeraadawēa kobadau. jSakāe dachi nabēraeđebenarāba jaradeapeđaada ida bu panuma? ^I

³ Mauđe Jesusba panausii:

—Machia biđa jSakāe Dach Akōreba waubi buu beđe ida bubadama ara machiba waubadau aude wau kūrīa panuđeeba? ⁴ Ichiba naka jarasii: “Bichi akōre mauđe bichi nawe wapeadee buase”. ^{II} Nau siđa jarasii: “Barikiuba ichi akōre maebərā ichi nawe kachirua jaraaruubərā, mau biui buu”. ^{III} ⁵⁻⁶ Maamina machiba jaradeabadau ebēra ababa poyaa jarai chi akōremaa maebərā chi nawemaa: “Joma muuba uru buu Dach Akōremaa deasiideeba muuba bichi poyaa aiđaabai”. Maka machi nabēraeđebenaba jaradeapeđaada ijāa panuđeeba Dach Akōre beđe ida bubadau. ⁷ jMachi setaa ebēra bia nuree abadau! Chi Dach Akōre baita berreabarii Isaiasba machi ūrubena arakude busii. Naka jarasii:

⁸ Nau puurudebenarāba muumaa bi'ia berreabadau, maamina biawāra āchi sōdeeba muude kūrīsīadakau.

⁹ Mə bari kūrīabadau. Mə beđe jaradeada badamaarā, ebēra kūrīsīaburu jaradeabadau. ^{IV}

¹⁰ Maabae Jesusba ebērarā aria panuu joma iukuapeđa naka jarasii:

—Mə beđe ūrísturu kuitaadamera. ¹¹ Dachiba kobadau Dach Akōre dađe miadaa bukau. Mau-
maarā dachi okarredebena cheeruuba dachi miadaa waubibarii.

¹² Mau maadakare Jesús baara nibabadaurā ara kaita needapeđa jarasidau:

—jBichiba kuitaa buu kīra fariseorā sō kachirua panuu bichiba jāu beđe jarasiideeba?

¹³ Jesusba panausii:

—Mə Chacha bajāade buuba joma chi bakuru uu bada chi karrdeede ēekuai. ¹⁴ Mauđeeba fariseorā kakua kūrīsīarásturu. Āchi o unubibadaurā dau pāriu nuree kīra panuu. Dau pāriu niiba aba dau pāriu niimaa o jaradearuđe, omea chobeade bae wāđai.

¹⁵ Mauđe Pedroba Jesusmaa jarasii:

^I Dach Akōre beđeade bu kubuu judiorā paarerā kuitai panasii, maamina Jesús ewaride fariseorāba jaradeabachidau joma jua jeraadai panuu nabēraeđebenarāba jarapeđaada kīra. Levítico 22:4-8. ^{II} 15:4 Éxodo 20:12. ^{III} 15:4 Éxodo 21:17. ^{IV} 15:9 Isaiás 29:13.

—Dachiba kobadau ũrubena bichiba jaradeada daimaa bi'ia jarase.

¹⁶ Jesusba idisii:

—¿Machia biida wabiida adua panuu kĭra panuka?

¹⁷ Joma chi ěbĕra okarrde wāruu, biide wābarii

maabae awara wābarii. ¿Mau kuitaada wēa panuka?

¹⁸ Maamina ěbĕra okarrdebena cheeruu ichi sōdebe-
na wābarii. Maudeeba ěbĕra kachirua beebibarii Dach
Akōre daade. ¹⁹ ěbĕra sōdebena nakū kĭrisia kachirua
awara wābarii: mia beayu; aba miakāida junebena
ome kāi nubeyu; waabenarā ome ne kachirua wauyu;
chiruayu; setaa jarayu; abau ũrubena miadaa
berreayu; makū kĭrisia. ²⁰ Joma mauba ěbĕra Dach
Akōre daade miadaa bubarii, maamina jua jeraawēa
kooruuba dachi miadaa bukau.

Jesusba cananeobiida wĕra aribiabiida

Marcos 7:24-30

²¹ Jesús arabena Tiro druadaa maude Sidón druadaa
wāsii. ²² Maude cananeobiida wĕra mau druadebena
Jesús niimaa neesii. Mau wĕraba naka jĭwa berrea
kobeesii:

—¡Mĕ Mechiu, Daviddebena needa, mĕ kĭra
chuburiase! Mĕ kau jai kachiruaba ārea bi'iwāe beebi
bĕu.

²³ Maamina Jesusba panaubasii. Maude ichi baara
nibabadaurā ara kaita wādapeda ichimaa naka chi
chuburia idisiidau:

—Jāu wĕra dachi kaade bia nii. Ichimaa jarase āyaa
wāmera.

²⁴ Wĕra cananeobiidadeeba Jesusba ichimaa jarasii:

—Dachi Akōreba mĕ buisii, israeldebena
aiakukamera, oejarā barikiude duanuu kĭra nureede-
ba.

²⁵ Maude wĕra Jesús daade ōdarrde kobeepe-
da jarasii:

—Mĕ Mechiu, ¡karibase!

²⁶ Jesusba panausii:

Bi'iwāe bĕu warrarā chiko juakaa adauyu maabae
usarāmaa deadakayu.

²⁷ Maude wĕraba jarasii:

—Bichiba biawāra jara bĕu, mĕ Mechiu, maamina
usarāba chi chibari chiko jurrchoabipeadaa
mesadebena baepadaa kobadau.

²⁸ Maabae Jesusba jarasii:

—Wĕra, bichiba biawāra ijāa bĕu mĕba bichi kau
poyaa aribiabii bĕu. Maudeeba bichiba kĭria bĕu kĭra
mĕba wau.

Ara makude chi kau aribiasii.

Jesusba 4.000 ěbĕrarā kobiada

Marcos 8:1-10

²⁹ Arabena Jesús wāsii mar Galileadaa. Eade utu
wāpeda aria akū beesii. ³⁰ Maabae ěbĕrarā ārea ichi
bĕumaa neesidau. Maarāba jĭru nĕka nuree, dau
pāriu nuree, bosara nuree, jua morraa nuree maude
waabenarā ěpermo nureerā eneesidau. Mau joma
Jesús kĭraare duanuude neesidau. Maabae ichiba joma
aribiabiasii. ³¹ ěbĕra aria panuurāba unusidau chi
bosara nureada berreaduu, chi jua morraa nureada
aribiaduu, jĭru nĕka nureada bi'ia nibadeaduu maude
dau pāriu nureada unu panuu. Jomaurāba kāare
kĭrisiada adua panasidau deeba israeldebena
Akōremaa bi'ia berreasidau.

³² Maka panuude Jesusba ichi baara nibabadaurā
iukuapeda jarasii:

—Mĕba nau ěbĕrarā kĭra chuburia bĕu, mĕ baara
panuu ewari ōbea baaruudeeba. Āchiba kodai wā'āe-
sii. Mĕba jāarā āchi deada kodawēa wāda kĭri-
awēe. Mĕba bari ara jāka wāda ida bĕuruuburā ode
wawa dididai.

³³ Maamina ichi baara nibabadaurāba idisiidau:

—Nama ěbĕrarā wā'āede ¿sama unudaima kodai
baita naka ārea baita?

³⁴ Maude Jesusba idikuasii:

—¿Machiba sāabe pan uru panuma?

Āchiba panausidau:

—Uru panuu 7 maude beda cheke āreawāe uru
panuu.

³⁵ Maabae Jesusba ěbĕrarā jeeda akū duaneedai
jarasii. ³⁶ Mau maadakare mau 7 pan maude chi beda
ichi juade adaupe da Dach Akōremaa ichĭturu kidĭbai
asii. Makapeda chi beda maude pan bĕukuapeda ichi
baara nibabadaurāmaa deasii deadakamera.
Maabae deadakasidau. ³⁷ Joma bi jāwaa kosidau. Chi
ĭru beeda ara pesidau de 7 jabara mechiu waabiru-
bisidau. ³⁸ Chi kopedaada 4.000 mukĭrarā basii,
wĕrarā maude warrarā juasiidawēa. ³⁹ Mau
maadakare Jesusba ěbĕrarā āchi deemaa buikasii
maabae jābade eda wāpeda, Magadán druadaa wāsii.

I

Fariseorāba Jesusmaa ne poyaa wau dakau waubii kĭria panada

Marcos 8:11-13; Lucas 12:54-56

16 Mau maadakare waabenarā fariseorā maude
saduceorā Jesusmaa neesidau. Ichi bajāadebe-
na nee bĕu kuitaada baita ichimaa idisiidau ěbĕrarāba
ne poyaa wau dakau waumera. ² Maude Jesusba
panausii: «Kiuruude occidenteare bajāa puria nubĕ-

I Magadán. Griego beede chi bee kartade naka bĕ kubuu:
Magdala.

uburã, machiba norema iu bia buai a jarabadau.
³ Maude dapede orienteare bajãa puria nuuburã maude jürara ärea nuuburã, machiba jarabadau iu päriui. Machiba bajãa maka ichiaduuba kuitaa panumina Dach Aköreba nau idibaebena wau buu kuitaadakau. ⁴ Machi chi idibaebenarã kachiruarãba Dach Akörede ijãadai ida bu panuu. Idi panuu muuba ebërarãba ne poyaa wuadaku waumera. Maamina muuba maka waubai. Machiba ababuru Jonás maka buada kïra unudai». ^I

Maabae Jesús ächi buipeða wäsii.

Fariseorã masa eesãabibarii

Marcos 8:14-21

⁵ Mar mechiu kïraa wäsidaude Jesús baara nibabadaurãba pan adoeðai kïrabaðabasi. ⁶ Maude Jesusba jarasii:

—Fariseorã masa eesãabibarii maude saduceorãde kauwa panásturu.

⁷ Jesús baara nibabadaurã ächi chiya naka berreasidau:

—Ichiba maka jarasii dachiba pan eneeðabasiideeba.

⁸ Jesusba kuitaa buasii kãare ürübena berrea panuu. Mauðeeba jarasii:

—¿Sakãe pan wã'ãe a panuma? Machiba Dach Akörede ijãadawëa panuu kïra panuu. ⁹ ¿Muuba wuða machiba unusidamina kauwa ürüdawëa panuka? ¿Kïrabaðawëka pan jua abadebena muuba ebërarã 5.000 kobiaða? ^{II} ¿Kïrabaðawëka machiba chi ürübëðaba säabe jabara mechiu waabirubiapedaada? ¹⁰ ¿Mauðe kïrabaðawëka pan jua aba ome panuuba muuba ebërarã 4.000 kobiaða? ^{III} ¿Kïrabaðawëka machiba chi ürübëðe pesidauðe jabara mechiu säabe waabirubiapedaada? ¹¹ ¿Sakaburu kauwa ürüdawëma, muuba pan ürübena berreawëa buu? Muuba jarasii fariseorã masa eesãabibarii mauðe saduceorãde kauwa panadamera.

¹² Maabáeburu kuitaasidau Jesusba masa eesãabibarii ürübena jarawëa buasii, maumaarã jara buasii fariseorãba, saduceorãba jaradeabadau ürübena kauwa panadamera.

Pedroba Jesús ürübena jarada

Marcos 8:27-30; Lucas 9:18-21

¹³ Mau maðakare Jesús ichi baara nibabadaurã baara Cesarea-Filipode neesidau. Mauðe Jesusba ächi-maa idisii:

—Mü, chi Ebëra Ba Buada Ebërarãba mü ¿kai kïrisia panuma?

¹⁴ Ächiba jarasidau:

^I 16:4 Jonás 3:3-9; Mateo 12:38-41. ^{II} 16:9 Mateo 14:17-21.

^{III} 16:10 Mateo 15:34-38.

—Chi nureeba jara panuu bichi Juan chi Boro Eabarii. Waabenarãba jara panuu bichi Elías. Waabenarãba jara panuu bichi Jeremías maeburã Dach Aköre baita berreabarii.

¹⁵ Mauðe Jesusba idisii:

—Maamina machiba mü ¿kai kïrisia panuma?

¹⁶ Simón Pedroba panausii:

—Bichi Dach Aköreba Dach Karibabarii deai jarada, Dach Aköre chokae buu Warrbü.

¹⁷ Jesusba jarasii:

—Bichi ärea bi'ia buu, Simón, Jonás warr. Abau ebëra biða bichimaa mau kuitaabiibasii, maumaarã mü Chacha bajãade buuba kuitaabisii. ¹⁸ Muuba jaraaru: bichi Pedroba. Muuba nau mo ürüb mü puuru wauruu. ^{IV} Biumia abau biða mü puuru ome poyaabai. ^V Puuruðebena llave dearuu kïra muuba bichi Dach Aköreba ichidirã ichi juade ua buu täede chi mechiu bui. ^{VI} Chi bichiba nau iujãade ida kabiwëe Dach Aköre bajãade búbiða ara mau kïra ida kabiibai. Mauðe chi bichiba iujãade ida kabi buu Dach Aköre bajãade búbiða ida kabii.

²⁰ Maabae Jesusba ichi baara nibabadaurãmaa ärea jarasii abaumaa biða jararãadamera ichi Dach Aköreba Dach Karibabarii deai jarada.

Jesusba ichi beðai ürübena jarada

Marcos 8:31—9:1; Lucas 9:22-27

²¹ Mau tõpe Jesusba jara kobeessii ichi baara nibabadaurãmaa ichi Jerusalendaa wadakare, ärea bi'i-wãe buai buu. Naka jarasii:

—Mü puuruðebena jaradea ua buabadaurã juade, paare mechiurã juade mauðe Moisesba buða jaradeabadaurã juade biða ärea bi'i-wãe buai. Mü beabiðai maamina ewari õbeade chokae jiradi.

²² Maka jarasiideeba Pedroba Jesús awara adoepeða iadaa buu kïra jarasii:

—Mü Mechiu, maka berrearãse. Dach Aköreba bichi maka ida buubai.

²³ Maamina Jesusba waya ichiapeda Pedromaa jarasii:

—¡Satanás, mü jákaabena äyaa wãse! Muuba wau buu bichiba ida kabiwëe. Bichiba Dach Aköre kïra kïrisiawëa buu. Maumaarã ebëra kïra kïrisia buu.

²⁴ Maabae Jesusba ichi baara nibabadaurãmaa jarasii:

—Aba mü baara nibai kïria buuburã, mauba wau kïria buu ida bupeða ärea bi'i-wãe buai baita buai buu. Maabae mü baara wãi buu. ^{VII} ²⁵ Aba ara ichi karibai

^{IV} Pedro. Pedro trü griego bedeade jara buu «mo». Nau mo. Pedro trü mo jara buudeeba waabenarãmaarã, Jesusba nau mo aaruudeeba «Pedro» jara buu. Waabenarãmaarã, jara buu chi Pedroba jarada. Mauðe waabenarãmaarã, jara buu «Jesús». ¹ Corintios 3:11; 10:4; ¹ Pedro 2:6-8. ^V Griego bedeade bu kubuu: Hades poraa waibua. ^{VI} Jesús ewaride puuruðebena llave uru buu chi mechiu

kūriaruuburā, mau poyaabai. Maamina aba m̄ kakua biuruuburā, Dachī Akōre ome ewaricha chokae buai. ²⁶ Ēbēra nau iujāde ne joma uru buude biuruuburā, žichiba uru buuba karibai buka? Biubiimaaba ichiba uru buudebena žsābe poyaa deaima? ²⁷ Biawāra m̄, chi Ēbēra Ba Buada angelerā ome neei m̄ Chacha poyadeeba chi ebērarā nebura ichiai baita. Maude bia waubadaurā m̄ba bia bui maude kachirua waubadaurā kastikai. ²⁸ M̄ba biawāra jaraaru: chi nuree nama panuu biudai naede unudai m̄, chi Ēbēra Ba Buada Dachī Akōreba ichidīrā ichi juade ua buu neeruu. I

Jesús kīra awara didida

Marcos 9:2-13; Lucas 9:28-36

17 ⁶ ewari bađakare Jesusba Pedro, Santiago maude chi āba Juan āchi du aba ea utu nubudaa adoesii. ² Aria āchi daade Jesús kīra awara didisii. Ichi kīedarr umada kīra tedechoa didisii maude ichi paru ūdaa kīra torroa didisii. ³ Maka buude āchiba unusidau Moisés maude Elías Jesús ome berreamaa panuu. ⁴ Maudeeba Pedroba Jesusmaa jarasii:

—Dai Mechiu, bibuara buu dai nama panuu. Bichiba kūria buuburā daiba de cheke ōbea pāebaridai, aba bichi baita, aba Moisés baita maude aba Elías baita.

⁵ Pedro maka berrea buude jūrara ūdaa buu āchi ūru neesii. Mau jūraredebena nau bedea jīwa ūrisidau: «Nau m̄ Warrb̄. M̄ba mau ārea kūria buu maude mau kakua kīraj̄ buu. Mauba jara buu ūristuru». II

⁶ Mau ūrisidau wapeaba dauburu ioromaa t̄sidau. ⁷ Maka buude Jesús nepeđa āchi wausii. Maabae jarasii:

—Jiradústuru. Wapearásturu.

⁸ Āchiba waya ichiaduude chi waabenarā unudaabasii. Ababuru Jesús āchi ome buasii.

⁹ Eadebena edaa wāduu nīdaude Jesusba āchimaa naka jarasii:

—Machiba unupeđaada abaumaa biđa jararásturu aba m̄, chi Ēbēra Ba Buada chokae jiraduuruđaa.

¹⁰ Maude āchiba Jesusmaa idisidau:

—Makarā Moisesba buđa jaradeabadaurāba žsakāe jarabadama Elías naa neei buu?

¹¹ Jesusba panausii:

—Biawāra Elías neei ne joma bi'ia bui baita.

III¹² Maamina m̄ba jaraaru jābae Elías neesii. Maamina abau biđa ichi kuitaadaabasii. Maumaarā

basii. VII Ārea bi'iwāe buai baita buai buu. Griego bedede naka bu kubu: Ichi cruz adooi buu. I Unudai m̄, chi Ēbēra Ba Buada Dachī Akōreba ichidīrā ichi juade ua buu neeruu. Bia kuitaadaawēa panuu kāare unudai. Waabenarāmarā, jara buu Jesús kīra awara nubeei unudai. Waabenarāmarā, jara buu Jesús chokae jiradupeđa, ichi bajādaa wāi, maeburā Dachī Akōre Jauri neei ūrubena unudai. Daniel 7:13-14. II 17:5 Deuteronomio 18:15; Isaías 42:1. III 17:11 Malaquías 3:1; 4:5-6.

ēbērarāba mau ome āchi kūria wausidau. IV Ara mau kīra m̄, chi Ēbēra Ba Buada āchi juade ārea bi'iwāe buai.

¹³ Maude Jesús baara nibabadaurāba kuitaasidau ichiba Juan chi Boro Eabarii ūrubena berrea buada. V

Jesusba warr jai kachirua uru buu aribiabiđa

Marcos 9:14-29; Lucas 9:37-43

¹⁴ Āchi eadebena edaa neesidaude ebērarā ārea ābua duanasidau. Maude ebēra Jesusmaa neesii. Mau ebēra Jesús daade ōdarrde kobēpeđa jarasii:

¹⁵ —M̄ Mechiu, m̄ warr kīra chuburīase. Ichi ārea bi'iwāe buu. Wawabarii, bes ārea t̄bude baebarii maude doeđa baebarii. ¹⁶ M̄ba ichi bichi baara nibabadaurāmaa eneesii, maamina poyaa aribiabiđaabasii.

¹⁷ Jesusba jarasii:

—Machiba Dachī Akōrede ijāđakau! M̄chi chi kachirua nuree! Machiba ijāđamera žsakaedaa m̄ dauchia jādua buaima? Warr namaa enésturu.

¹⁸ Jesusba chi jai kachirua iadaasiide chi warr kakuadebena wāsii. Ara makude chi warr aribiasii.

¹⁹ Mau maadakare Jesús baara nibabadaurā ichimaa wāđapeđa āchi du aba idisidau:

—Žsakāe daiba jāu jai kachirua poyaa duabuđabasma?

²⁰ Jesusba panausii:

—Machiba ārea Dachī Akōrede ijāđawēa panuudeeba poyadaabasii. M̄ba biawāra jaraaru: mostaza taa kaebeara kīra machiba bistika biđa ijā panuuburā, nau eamaa namabena āyaa buade wāse a jaradai. Maude ea āyaa buade wāi. Maka ijā panuuburā machiba poyaa wauđakau wā'āe. ²¹ Maamina jai nau kīra bee duabuđai baita Dachī Akōremaa utaa ididai panuu maude chiko kođakau ewari wauđai panuu. VI

Jesusba waya ichi beđai ūrubena jarada

Marcos 9:30-32; Lucas 9:43-45

²² Galilea druade ābua panasidaude Jesusba ichi baara nibabadaurāmaa jarasii:

—Kā'ābariwāede m̄, chi Ēbēra Ba Buada ebērarāmaa jidaubiai. ²³ Maarāba m̄ beđai, maamina ewari ōbeade m̄ chokae jiradi.

Maudeeba āchi ārea kīra nomaa paneesidau.

Jesusba chi nejarra Dachī Akōre de mechiu baita dead-

-a

²⁴ Jesús maude ichi baara nibabadaurā Capernaum puuruđaa neesidaude Dachī Akōre de mechiu baita chi

IV 17:12 Marcos 6:14-29. V 17:13 Mateo 11:14. VI Griego bedede chi bee kartađe mau versículo wā'āe.

nejarra pebadaurã Pedromaa wãsidau. Ächiba idisidau:

—¿Machi Jaradeabariiba Dach Aköre de mechiu baita chi nejarra deabariika? ^I

²⁵ Pedroba panasii:

—Maerã, deabarii.

Pedro ichi dede eda wãsiide Jesús naa berreasii. Naka idisii:

—Bichiba ¿saka kãrisia buma, Simón? ¿Kairãba chi nejarra nau druade nuree reyrãmaa deadai panuma? ¿Ara ächi abaarakaurãba maeburã äibenarãba deadai panuka?

²⁶ Pedroba panasii:

—Äibenarãba deadai panuu.

Jesusba ichimaa jarasii:

—Maerã. Chi jaradea ua buabarii ebërarãba deadakau. ²⁷ Dach Mechiu ebërarãmina, mau chi nejarra deadai, ebërarãba kachirua kãrisiarãadamera dachi urubena. Maudeeba marãaa beda uade wãse. Chi beda naa bearuu okarrde sëetao aba unui. Mau chi nejarra adoepeda dease muba deai bada maude bichiba deai bada.

Kai chi mechiu nii

Marcos 9:33-48; Lucas 9:46-48; 17:1-2

18 Mau ewaride Jesús baara nibabadaurã ichi kaita needapeda naka idisidau:

—Bajãade Buuba ichidirã ichi juade ua buudebenarã ¿kai chi aude mechiu nima?

² Maude Jesusba warr aba iupeda ächi esa nubusii.

³ Naka jarasii:

—Muba biawãra jaraaruu: machiba äyaa kãrisiaduuburã maude nau warr kãra paneeduuburã, Bajãade Buuba ichidirã ichi juade ua buumare panãaabai.

⁴ Maamina aba nau warr kãra waabenarã audeara kaebeu beeruuburã, Bajãade Buuba ichidirã ichi juade ua buudebenarã chi mechiu buai. ⁵ Munde ijã buudeeba nau warr kãra irsibiiruuburã, m sãda irsibii.

⁶ »Barikiuba munde ijã nuree chi mechiuwãe nureebebena aba kachirude bæbiiruuburã, Dach Aköreba mau ebëra ärea kastikai. Maudeeba bibuara buu mau ebëra ostade kũruma waibua buu jãdapeda marde jirataidai uyaba jãri biuamera. ^{II7} ¿Chi waabenarãmaa nau iujãdebenarã kachirua waubiabadaurã miichuburi panãdai! Maarã baraii, maamina chi waabenarãmaa kachirua waubiabarii miichuburi buai.

⁸ »Maudeeba bichi juaba maeburã bichi jũruba bichimaa kachirua waubiiruuburã, mau buatutapeda ji-

^I Judiorã chi mukĩrarã 20 año nuree tõpe añocha mau chi nejarra deadai panasidau Dach Aköre de mechiu bi'ia buamera. Ewari ome trajada baita paada deadai panasidau. Éxodo 30:13-16; 38:25-26; 2 Crónicas 24:9-14; Nehemías 10:32. ^{II} Kũruma waibua. Griego bedede bu kubuu: Burro kũruma. Mau ewaride ebërarãba chi kũruma chi murama purrabibachidau chi netaa bamera.

ratase. Bibuara buu ewaricha Dach Aköre ome buai bichiba jua ababuru maeburã jũruba ababuru uru buai, mau jua omea nii maude jũruba omea nii tũbuba aoko kiikaude jiratai badamaarã. ⁹ Maude bichi dauba bichimaa kachirua waubiiruuburã, mau etapeda jiratase. Bibuara buu dau berrea nii ewaricha Dach Aköre ome buai, dau omea inii tũbuchia aoko kubuu kiikaude jiratai badamaarã.

Oeja barikiade wãda urubena jarada

Lucas 15:3-7

¹⁰ »Warr chekerã kũriidai ida burãsturu. Muba jaraaruu: angelerã m Chacha daade panuuba ächi nubadau. ¹¹ Biawãra m, chi Ebëra Ba Buadaba chi barikiade panada karibai baita neesii. ^{III}

¹² »Machiba ¿saka kãrisia panuma nau urubena? Ebëra 100 oeja uru buudebena aba barikiade wãruuburã ¿chi 99 panuu eade buipeba chi barikiade wãda jũrude wãabaika? ¹³ Muba biawãra jaraaruu: unuuruuburã, mau oeja kakua aude kãrajuba buai, chi waabenarã 99 barikiade wãpedadawãe audeara. ¹⁴ Ara mau kãra machi Aköre bajãade buuba kũriawëe aba bida warr cheke barikiade wã.

Bichi äbaba kachirua wauruuburã saka wai buu

Lucas 17:3

¹⁵ »Bichi äbaba bichimaa kachirua wauruuburã, ichimaa wãpeda machi du aba panuude, berreãse kuitaabiya chi kachirua wauãda. Ichiba bichi bedea ũriiruuburã, chi sõ arabaude beei. ¹⁶ Maamina bichi bedea ijãawëeburã, ebëra aba maeburã ome ichimaa adoese. Maarãba joma bichiba jara buu biawãra buu adai. ^{IV17} Wabiãda ächiba jaraaduu ichiba ũri kũriawëeburã, Dach Akörede ijãabadaurãmaa joma äbua iupeda ächimaa mau urubena jarase. Maamina Dach Akörede ijãabadaurãba jaraaduu ũrii kũriawëeburã, ichi Dach Akörede ijãakau kãra maeburã Romadebena baita chi nejarra pebarii kãra ida bũsturu.

¹⁸ »Muba biawãra jaraaruu: chi machiba nau iujãde ida kabidawëa panuu Dach Aköre bajãade búbiãda ida kabiibai. Maude chi machiba nau iujãde ida kabi panuu Dach Aköre bajãade búbiãda ida kabii.

¹⁹⁻²⁰ »Muba naka jaraaruu: munde ijãabadaurã ome maeburã õbea äbua panuude m sãda aria buai. Maudeeba nau iujãde machidebena ome panuu m Chachamaa utaa ididai baita bedea deaduuburã, machiba utaa idiiduu m Chacha bajãade buuba wai.

^{III} Griego bedede ärea kartade mau versículo wã'ãe.

^{IV} Maarãba. Griego bedede naka bu kubuu: Ebëra ome maeburã õbea panuuba. Deuteronomio 19:15; 1 Timoteo 5:19.

Kachirua wauḁa perdonawēa buaḁa ũrubena jaradeaḁa

21 Maabae Jesús kaita neepeḁa Pedroba iḁisii:
—Mḁ Mechiu, mḁ ābaba mḁ kachirua wauruude
¿sāabe bes perdonai buḁa? ¿7 bes bia buka?

22 Jesusba panausii:
—Mḁba jaraaruu: 7buru jarawēe, maumaarā 77
perdonai buu. I

23 »Bajāaḁe Buuba ichiḁirā ichi juade ua buu nau
kīra buu: Rey aba buasii. Earaba mau reyba kŕia
buasii chi ichi baita trajabadaurāba ichiba chi nejarra
deadebena ichimaa paadamera. 24 Maka buude aba
enesiḁau. Mau ēbēraaba chi reymaa chi nejarra ārea
deai buasii. 25 Mauba uru buabasiideeba kāareba
paayu, chi reyba jarasii chi bari trajabarii kīra ne-
dobuḁamera; chi wēra ome, chi warrarā maude joma
chi ne uru buu baara. 26 Maude ēbēra ḁdarrde
kobepeḁa chi reymaa naka chi chuburia iḁisii: “Mḁ
kīra chuburiāse. Eseḁause, mḁba joma paaima”.
27 Maabae kīra chuburiadeeba chi reyba joma chi
ēbēraaba deai buaḁa perdonapeḁa ichi deemaa buisii.

28 »Maabae chi ēbēra wāsii. Mau mukīra awara
wāaruude ichi kōpaero aba unusii. Mauba ichimaa chi
nejarra ba'āra deai buasii. Mau otāabara adaupeḁa
jarasii: “Mḁmaa deai buu dease”. 29 Maabae mau ichi
daade ḁdarrde kobepeḁa jarasii: “Mḁ kīra chuburiāse.
Eseḁause, mḁba joma paaima”. 30 Maamina kīra
chuburiabasii, maumaarā jūabadau dede jūabisii aba
ichiba deai buaḁa joma dearuḁaa.

31 Chi waabenarā rey baita bari trajabadaurāba mau
unusiḁau kīra nomaapeḁa maabae reymaa joma
jarade wāsiḁau. 32 Chi reyba mau ēbēra ichi daade iu-
bipeḁa naka jarasii: “¡Bichi sō kachirua nii! ¡Bichi mḁ-
maa chi chuburia iḁide neesiḁe, mḁba bichi kīra
chuburiasii maude bichiba mḁmaa deai buaḁa per-
donasii! 33 Mau ¿sakāe bichi kōpaero kīra chuburi-
abasma?” 34 Chi rey ārea kīru buasiideeba, chi ichi bai-
ta trajabarii jūabadau dede ēbērarā kachirua
waubadaurā juade busii chi deai buaḁa joma paaru-
uḁaa.

35 »Ara mau kīra wau mḁ Chacha bajāaḁe buuba
machi ome, machiba machi ābarā kīra chuburi-
adawēeburā maude sōdeeba perdonawēeburā
maarāba machimaa ne kachirua waupeḁaaḁa.

Jesusba miakāiḁa amaaḁamera jaradeaḁa

Marcos 10:1-12; Lucas 16:18

19 Maka jarasiide Jesús Galilea druadebena Judea
druaḁaa wāsii Jordán do kīraa. 2 Ēbērarā ārea
ichi baara wāsiḁau. Aria chi ēpermo nuree joma aribi-

I 77. Griego bedeaḁe bu kubuu: 70 bes 7. Jesusba jara buu dachi
kachirua wauduu joma perdonai panuu.

abiasii. 3 Maka buude waabenarā fariseorā neesiḁau.
Ichi kachirua berreabiḁai baita naka iḁisiḁau:

—¿Mukīraaba chi wēra amaai bi'ia buka ichi kŕiadee-
ba?

4 Jesusba panausii:

—¿Machiba Dachi Akōre bedeaḁe, nau eḁa
jaradawēa panuu kīra? Nau drua wausiide Dachi
Akōreba mukīra maude wēra wausii. II5 Maude jarasii:
“Maudeeba mukīraaba chi akōre maude chi nawe
buipeḁa ichi wēra ome ābua beei. Maka kakua ara aba
nii kīra nureaḁai”. III6 Āchi ome panuu kīrawāe, mau-
maarā kakua aba nii kīra nibaḁai. Maudeeba Dachi
Akōreba chi araa ābua buḁa abau biḁa amaabai.

7 Maudeeba āchiba iḁisiḁau:

—Makarā Moisesba ¿sakāe busma wēra amaai baita
karta deai buu, amaai naede? IV

8 Jesusba panausii:

—Machi sō chaarea nureeḁeeba Moisesba maka ida
busii. Maamina Dachi Akōreba nau drua wausiide ma-
ka kŕiawēa buasii. 9 Mḁba jaraaruu: Barikiuba ichi
wēra junebena ome kāiwēa buu amaapeḁa, maabae
junebena wēra ome miakāiruuburā, mau mukīraaba
kachirua wau buu. [Junebena mukīraaba chi amaḁa
wēra ome miakāiruuburā mau mukīraaba kachirua wau
buu mau wēra ome.] V

10 Maude Jesús baara nibabadaurāba ichimaa
jarasiḁau:

—Maka buuburā, mukīra aba wēra ome kāibai buu.

11 Maudeeba Jesusba jarasii:

—Jomaurā poyaa du paneḁaaba. Ababuru Dachi
Akōre mau kŕisia deaiburā poyaa du buai. 12 Chi
nureeba poyaa warr wauḁakau chi naweba chi warr
adaupeḁaaḁadeebena. Chi nureeba poyaa warr
wauḁakau maka panabipeḁaaḁadeeba. Maude
waabenarāba miakāiḁai kŕiadaḁakau āchi Mechiu Ba-
jāaḁe Buu baita ne wauḁai baita. VI Machi poyaa du
panuuburā, maka panásturu.

Jesusba warrarāmaa bi'ia jarada

Marcos 10:13-16; Lucas 18:15-17

13 Maabae ēbērarāba warrarā Jesusmaa adoesiḁau
ichi jua maarā ũru kubupeḁa Dachi Akōremaa utaa
iḁimera. Maamina Jesús baara nibabadaurāba chi mau
warrarā adoepeḁaarā iadaasiḁau. 14 Maudeeba Je-
susba jarasii:

—Warrarā mḁmaa ida neebísturu, Bajāaḁe Buuba
ichiḁirā ichi juade ua buuderā naarā kīra nureeḁeeba.

15 Maabae ichi jua warrarā ũru kubupeḁa wāsii.

II 19:4 Génesis 1:27. III 19:5 Génesis 2:24. IV 19:7
Deuteronomio 24:1-4. V Griego bedeaḁe chi bee kartade bedea
corcheteḁe buu wā'āe. VI 19:12 1 Corintios 7:1-9.

Barau nii Jesús ome berreada

Marcos 10:17-31; Lucas 18:18-30

16 Ewari abaude kũudrãa Jesusmaa neesii. Mau kũudrãaba idisii:

—Jaradeabarii, Dachí Akõre ome ewaricha chokae buai baita ¿mũba kãare ne bia wauima? ^I

17 Jesusba panausii:

—¿Sakãe mũmaa ne bia ũrubena idi buma? ^{II}
Ababuru Dachí Akõreturu bi'ia nii. Bichi Dachí Akõre ome ewaricha chokae buai kũria bũubũrã, ichiba waubi bũu bedea wause.

18-19 Ichiba idisii:

—¿Sãu?

Jesusba jarasii:

—Ēbãra bearãse, junebena miakãida ome kãibeerãse, nechiruarãse, setaa jararãse waabenarã ũrubena; bichi akõre, bichi nawe wapeadee nibase; ^{III} maude waabenarã kũriãse ara bichi kũria bũu kĩa. ^{IV}

20 Kũudrãaba jarasii:

—Mau joma wau bũu. ^V Mũba ¿kãare maucha wau bũu?

21 Maude Jesusba ichimaa jarasii:

—Bichi biawãra jipa buai kũria bũubũrã, bichiba uru bũu joma nedobũide wãpeda chi nejarr barauwãe nureerãmaa deadakase. Maka bajãade ne bia uru buai. Maabae mũ baara nibade neese.

22 Kũudrãaba mau ũripeda kĩa nomaa wãsii ãrea chi nejarra barau niideeba. ²³ Maude Jesusba ichi baara nibabadaurãmaa jarasii:

—Biawãra ãrea chaarea bũu ěbãra ne barau nii Bajãade Bũu juade buai baita, ichidĩrã baara. ²⁴ Waya mũba jaraaru: chaarea ãrea bũu barau nii Dachí Akõreba ichi juade ua bũude bũayu, camello abã akusa daude wã baadamaarã.

25 Maude ichi baara nibabadaurãba kãare kũrisiada adua basii, achiba Dachí Akõreba barau nuree aude kũriakua bũu kũrisia panuudeeba. Achiba idisiadau:

—Makarã Dachí Akõreba ¿kai karibaima?

26 Jesusba achí ichiapeda jarasii:

—Ēbãraba mau poyaa waukau maamina Dachí Akõreba poyaa joma waubarii.

27 Maude Pedroba Jesusmaa jarasii:

—Daiba joma bũisiadau bichi baara wãdai baita. ¿Maka bũubũrã mau kuenda kãare adauðaima?

28 Jesusba panausii:

—Mũba biawãra jaraaru: Dachí Akõreba ne joma chiwidi wau ewaride mũ, chi Ēbãra Ba Bũada mũ rey

I Griego bedea chi bee kartade bũ kubũu: Jaradeabarii Bia.
II Sakãe mũmaa ne bia ũrubena idi buma. Griego bedea chi bee kartade naka bũ kubũu: ¿Sakãe mũ ěbãra bia nii a buma?
III 19:18-19 Éxodo 20:12-16. IV 19:18-19 Levítico 19:18. V Mau joma wau bũu. Griego bedea chi bee kartade bũ kubũu: Mau joma wau bũu mũ kũdrãadebena.

akau biade akũ beei. Maude machi mũ baara nibabadaurã 12 rey akau akũ paneedai Israeld ebena neepedaada 12 puuru nebura ichidai baita. ²⁹ Mũ kaku abauba ichi de, abarã, neekaurã, akõre, nawe, kima, warrarã maude chi drua bũiruubũrã, ichiba bũida audeara 100 adau maude Dachí Akõre ome ewaricha chokae buai. ^{VI30} Maka chi naa nuree kaade nureada, maude chi kaadeare nuree naa nureada.

Drua uva uuda ũrubena nebũrũda

20 »Bajãade Bũuba ichidĩrã ichi juade ua bũu nau kĩa bũu. Ewarimaa drua chibari abã wãsii trajabadaurã jurũde ichi drua uva uude trajade wã baita. ² Waabenarã ěbãrarã ome berreasii ewari abã trajada bare chi nejarra deai baita. Maabae achí ichi drua uva uudeada trajade wãbiasii.

³ Umada utũ baaruude chi chibari waya puurũda wãsii. Aria unusii ěbãrarã trajuswãe duanuu. ⁴ Achimaa jarasii: "Machi sida mũ drua uva uude trajade wãsturu. Mau bare mũba chi nejarra arakude deai". Ara makude wãsidau. ⁵ Āsa baburuude chi chibariba arabaude wausii. ⁶ Maabae umada edaa wãaruude waya puurũda wãsii. Ēbãrarã maucha trajuswãe duanuu unupeda idisii: "¿Sakãe machi idi trajadawã panuma?" ⁷ Achiba panausidau: "Abau biã daimaa traju deadawẽdeeba, trajadawã panuu". Maabae ichiba jarasii: "Machi sida trajade wãsturu, mũ drua uva uudeada. Mau bare mũba chi nejarra arakude deai". ^{VII}

⁸ »Kiumaa bũude mau chibariba chi trajabadaurã jaradea ua bũabariimaa jarasii: "Chi trajabadaurã joma iukuase. Joma naa chi kaade neepedaadamaa paakuase maabae mau joma chi naa dapepe trajade neepedaadarãmaa paakuase". ⁹ Chi kewaraa las 5de trajadai baita iu panada chi trajabadaurã jaradea ua bũabariimaa neesidau. Maabae achicha ewari joma trajapedaada kĩa adausidau. ¹⁰ Maudeeba chi naa trajade wã panada neesidau kũrisiasidau chi nejarra ãrea adauðai maamina arabaude adausidau.

¹¹ Maudeeba uva uu nubũu chibari ũrubena kachirua berrea duaneesidau. ¹² Naka jarasidau: "Chi kaade neepedaada hora ababuru trajasidau, maamina bichiba daimaa deada kĩa achimaa biã deasii. Dai pisia tãede kewaraada ãrea trajasidau". ¹³ Maamina chi drua uva uuda chibariba achidebena abaumaa jarasii: "Kõpaero, mũba bichi jipa wau bũu. ¿Bichiba mũ ome bedea deadawãeka ewari abã chi nejarra bare trajai? ¹⁴ Bichi chi nejarra adaupeða wãse. Mũba bichimaa deada kĩa chi kaadeare traja panadamaa dea kũria bũu. ¹⁵ ¿Bichimaarã, mũ chi nejarra mũba wau kũria

VI Kima. Griego bedea chi bee kartade mau wã'ãe. VII Mau bare mũba chi nejarra arakude deai. Griego bedea chi bee kartade mau wã'ãe.

bəu kīra wauwēa bəuka? Mə ēbēra sōbia niideeba
ʒbichi kīru bəuka?”

¹⁶ »Ara mau kīra chi kaadeare nuree naa panađai,
maude chi naa nuree kaadeare panađai. ^I

Jesusba ichi beada i urubena waya jarada

Marcos 10:32-34; Lucas 18:31-34

¹⁷ Jesús Jerusalenda wāruude ichi baara ni-
babadaurā 12 awara enepeđa āchima jarasii:
¹⁸ »Ūristuru, dachi Jerusalenda wāduu. Jamaria aba-
ba mə, chi Ēbēra Ba Buada jidaubii paare mechiurāba
maude Moisesba bəda jaradeabadaurāba jidaumera.
Maarāba jaradaı mə biui bəu. ¹⁹ Maabae mə ju-
diowāerāmaa deadaı, mə atua jaradapeđa, soaba
pedapeđa maabae mə cruzde jirabu beadamera.
Maamina ewari ōbeade mə chokae jiradui”.

Zebedeo warrarāba idipeđaada

Marcos 10:35-45

²⁰ Mau maadəkare Zebedeo kima maude ichi war-
rarā Jesusmaa neesidau. Mau wēra ichi daade ōdarre
kobeede neesii chi chuburia idiyua. ²¹ Maude Jesusba
idisii:

—Bichiba ʒkāare kūrīa bəuma?

Mau wēraba panausii:

—Jarase, bichi ēbērarā rey beeruude, mə warrarā
bichi jākaa akə paneedamera, abə bichi jua biare, abə
bichi jua sordoare.

²² Maude Jesusba jarasii:

—Machiba adua panuu kāare idi panuu. Mə ārea bi'i-
wāe bəui. ʒMachi sida biawāra ara mau kīra ārea bi'i-
wāe panađai kūrīa panuka? ^{II}

Āchiba panausidau:

—Maerā, poyaa bi'iwāe panađai panuu.

²³ Maude Jesusba jarasii:

—Machi sida biawāra mə kīra ārea bi'iwāe panađai.

^{III} Maamina mēba poyaa jaraabai kairā mə jua biare
maebērā jua sordoare akə paneedayu. Mə Chachābu-
ru mau jarai, asii.

²⁴ Santiagoba, Juan omeeba idipeđaada waabenarā
10 panuuba ūrisidauē āchi ome kīrusidau. ²⁵ Maude
Jesusba āchi iukuapeđa jarasii:

—Machiba kuitaa panuu nau druadebenarā jaradea
ua bəabadaurāba āchi ēbērarā ārea jaradea ua
bəabadau. Āchiba unubiabadau āchiba jaraadu jo-
maurāba wauđai panuu. ²⁶ Maamina machi maka
nureadaabai panuu. Machidebena chi mechiu nibai
kūrīa bəubērā waabenarā baita bari trajabarii bəui
bəu. ²⁷ Chi mechiu nibai kūrīa bəu jomaurā audeara

^I Griego beedeade chi bee kartade nau sida bə kubuu: Dachi
Akōreba ārea trāa bəu, maamina ārea jərə adaubai. ^{II} Griego
beedeade naka bə kubuu: ʒMachi mə boro eada kīra boro eadaika?
ʒMēba doi bəu machia biđa poyaa dođaika? ^{III} Jesusba jarada
kīra biawāra makasii. Hechos 12:1-3; Apocalipsis 1:9.

kaebeu bəui bəu. ²⁸ Ara mau kīra mə, chi Ēbēra Ba
Buada neewēa bəu ēbērarā mə baita bari trajabadau-
rā nureadamera. Maumaarā nee bəu ēbērarā baita
bari trajabarii bəui baita. Maka mə biui ārea ēbērarā
karibai baita.

Jesusba ome dau pāriu nidau aribiabiada

Marcos 10:46-52; Lucas 18:35-43

²⁹ Jericó puurudebena wāsidaude Jesús kaade
ēbērarā ārea wāsidaude. ³⁰ Maka wāduude dau pāriu
nidau ome o iikaa akə panasidaude. Jesús āchi kaita
wāruu ūrisidauē naka biasidaude:

—jDai Akōre Mechiu, Daviddebena needa, dai kīra
chuburiase!

³¹ Maabae ēbērarāba āchi iadaasidaude chūpeadam-
era, maamina maarā aude biasidaude:

—jDai Akōre Mechiu, Daviddebena needa, dai kīra
chuburiase!

³² Maabae Jesús bari nubeesii. Maarā iupeđa idisii:

—ʒKāare kūrīa panuma mēba wau?

³³ Maarāba jarasidaude:

—Mə Mechiu, mēba unui kūrīa bəu.

³⁴ Jesusba maarā kīra chuburiasii maabae chi maarā
dau wausii. Ara makude unu kopaneesidaude Jesús
baara wāsidaude.

Jesús Jerusalende needa

Marcos 11:1-11; Lucas 19:28-40; Juan 12:12-19

²¹ Jerusalende bamaa panuude Betfagé puu-
rude, Olivo eade neesidau. Maude Jesusba ichi
baara nibabadaurā ome panuu puuruđaa beisii.
² Maarāmaa naka jarasii: «Chi Dachi kīraare puuru
kubūumaa wāsturu. Aria baaduude burro wēra warr
bara nii jū nubuu unudai. Enadapeđa maabae omea
mēmaa enésturu. ³ Abauba machimaa sakāe jāka
wau panuma a idiiruubērā, jarásturu: “Dachi Mechiuba
naarā kūrīa bəu. Maamina ichiba waya urubūu”».

⁴ Mau makasii Dachi Akōre baita berreabariiba
jarada kīra. Naka jarasii:

⁵ «Sión puurudebenaarāmaa jarásturu:
“Ichiásturu, machi Rey burro ūrə machimaa neeruu.
Chi mechiu kīra neewē. Burro cheke ūrə neeruu”».

⁶ Ara makude ome Jesús baara nibabadaurā
wāđapeđa Jesusba jarada kīra wausidaude. ⁷ Burro wēra,
chi warr baara Jesusmaa adoedapeđa āchiba chi an-
abari jūbadau burro ūrə kubusidaude. Maabae Jesús chi
mau ūrə akə beesii Jerusalén puuruđaa wāi baita.

⁸ Ēbērarā ārea panuuba āchi anabari jūbadau ode tō
būikasidaude, Jesús bi'ia irsibidayua. Waabenarāba baku-
ru jua kiruu bara bəe taridapeđa ode tōbūikabachidaude.

⁹ Maude ārea ēbērarā ichi naa nibapedaada, ichi
kaade needuu biđa maka biasidaude:

^{IV} 21:5 Zacarías 9:9.

¡Bi'ia nii Daviddeebena needa!
 ¡Área bi'ia nii chi Dachí Mechiu trüdeeba neeruu! I
 ¡Bi'ia nii chi Bajãade Búu!

¹⁰ Jesús Jerusalende neesiide, puurudebenarã joma biuka bara beesii. Naka idibachidau:

—Jãu ¿kaima?

¹¹ Idiiduucha Jesús ome neepedaadarãba panausidau:

—Jãu Jesusbũ, Dachí Akõre baita berreabarii. Ichi Nazaret puurudebena, Galilea druadebenabũ.

Jesusba ne kaebea nedobuibadaurã duabuikaada

Marcos 11:15-19; Lucas 19:45-48; Juan 2:13-22

¹² Mau maadakare Jesús Dachí Akõre de mechiu duadaa wãsii. Aria ne kaebea nedobuibadaurã maude nedobuibadaurã unusiide, II ãchi duabuika kobeesii. III Aria chi nejarra nedobuibadaurã mesa bee, paloma nedobuibadaurã akũ paneebadau joma korekuasii. IV¹³ Áchimaa naka jarasii:

—Dachí Akõre bedeade naka bũ kubũu: “Mũ de, chi utaa idibadau de adai”. Maamina machiba “nechiru-abadaurã de chobeã kĩara” uru panuu. V

¹⁴ Jesús Dachí Akõre de mechiu duada buasiide dau pãriu nuree maude jũrũ nũka nuree ichimaa imisiidau. Maude ãchi aribiabiasii. ¹⁵ Maamina Jesusba aria ebẽrarãba ne poyaa wauðakau wauruude, warrarã Dachí Akõre de mechiude panadaba Jesusmaa naka jĩwa jarasidau: «¡Bi'ia nii Daviddeebena needa!» Chi paare mechiurãba maude Moisesba buada jarade-abadaurã biada mau unusiide, VI kĩrusidau. ¹⁶ Áchi-ba Jesusmaa naka jarasidau:

—¿Nau warrarãba jara panuu bichiba bi'ia ũri bũka? Jesusba panausii:

—Maerã. ¿Machiba nau bedeã edã jaradawãe panuu kĩara?

“Bichiba warrarã maude ju do nuree bũsii bichimaa bi'ia berreadamera”. VII

¹⁷ Maabae Jesusba ãchi buipeada Jerusalende ebena Betania puuruadaa kãĩ buade wãsii.

Jesusba higo bakuru iadaada

Marcos 11:12-14,20-26

¹⁸ Norema dapede Jesús waya Jerusalendaa wãsii. Wãaruude jarrbisã kobeesii. ¹⁹ Maude higo bakuru aba o kaita unusii. VIII Maamina araa neesiide bari

I Bi'ia nii. Arameo bedeade jarabadau «Hosanna». Salmos 118:25-26. II Ne kaebea nedobuibadaurã. Dachí Akõre de mechiu duada ne kaebea nedobuibachidau, ebẽrarãba ne kaebea deadamera Dachí Akõremaa. III 21:12 Zacarías 14:21. IV Chi nejarra nedobuibadaurã. Mau ewariide Dachí Akõre de mechiude chi nejarra nedobuibachidau ebẽrarã ãibena druadebena imiidiurãmaa, mau chi nejarra ãibena druadebena deabã buasiideeba Dachí Akõremaa. V Mũ de, chi utaa idibadau de adai. Isaías 56:7. Nechiruabadaurã de chobeã kĩara. Jeremías 7:11. VI Judiorãba jarabachidau dau pãriu nuree, jũrũ nũka nuree siãda Dachí Akõre de mechiudaa wãdaabai

kirúturu nubũu unusii. IX Maudeeba higo bakurumaa jarasii:

—¡Bichira jãabae chawwãa bũai!

Ara makude higo bakuru poasii. ²⁰ Jesús baara nibabadaurãba mau unusiideade pera duanuu kĩara dua-neesiideeba idisiidau:

—¿Sakãe jãu higo bakuru isa poasma?

²¹ Jesusba panausii:

—Biawãra mũuba jarakuaruu: machiba idi panuu Dachí Akõreba biawãra wau iãaduubũrã, maude ichiba poyaa waubai bũu kũrisiadauwẽebũrã, mũuba jãu higo bakurumaa wausii kĩara audeara wauðai. Machiba nau eamaa jãmabena marde bæde wãbãde aaduubũrã, machiba jaraaduu kĩara makai. ²² Joma machiba Dachí Akõremaa utaa idiiduu biawãra adauðai iãaduubũrã, mau adauðai.

¿Kai trüdeeba Jesusba jaradeada?

Marcos 11:27-33; Lucas 20:1-8

²³ Jesús waya Dachí Akõre de mechiu kaita neepeda jaradeã beesii. Maka bũude paare mechiurã maude judiorã mechiurã ichimaa needapeda ichimaa idisiidau:

—Bichiba nama wau bũu ¿kaiba naka waubi bũma? X

²⁴ Jesusba panausii:

—Mũã biãda machimaa idiiruu. Machiba panauduubũrã mũuba jarai kaiba mũũmaa naka waubi bũu.

²⁵ ¿Juan samareeba neesma boro eamera? ¿Bajãade Bũuba mau bũiska, maebũrã nau iujãadebenarãba? XI ¿Ebẽrãba maebũrã Bajãade Bũuba?

Maude ara ãchi chiya berrea bara beesii: «Bajãade Bũuba bũisii aaduubũrã, ichiba jaraaruu: “Mau ¿sakãe iããdaabasma?” ²⁶ Maamina ¿saka jaradaima mau ebẽrarãba buipeadaada?»

Chi ebẽrarã wapeã panasidau, Juan biawãra Dachí Akõre baita berreabarii basii a kũrisiasidaudeeba.

²⁷ Maudeeba Jesusmaa jarasidau:

—Daiba adua panuu.

Maude Jesusba jarasii:

—Maka bũubũrã mũã biãda machimaa jaraabai kaiba mũũmaa naka waubi bũu.

Warr ome ũrũbena

²⁸ Maka panuude Jesusba paare mechiurãmaa, judiorã mechiurãmaa biãda jarasii:

bũasii. 2 Samuel 5:8. VII 21:16 Salmos 8:2. VIII Dachí Akõre bedeade chi higo bakuru Israel puuru a jara bũu. IX Israel druade higo jõ kaebeu marzoðe mauðe abrilde poyaa koðai panuu. Chi ne jõ kaebeu unuuduubũrã kuitaabadau junioðe bistĩika chaudi, mauðe agostoðebena octubreðaa ãrea chaudi. Jesusba bari kirúturu nubũu unusiideeba kuitasii joma mau aũoðe chi higo bakuru chaubai. X Bichiba nama wau bũu. Mau jara bũu Jesusba ne kaebea nedobuibadaurã duabuikaada, maebũrã saka Jesús Jerusalende needa, ichiba dau pãriu nuree, jũrũ nũka nuree siãda Dachí Akõre de mechiu kaita aribiabiãda, maebũrã puuru ũrũbena jaradeã bũu. XI 21:25 Mateo 3:1-12; Juan 1:6-28.

—Machiba nau nebũru ũrubena ũsaka kũrisia panu-
ma? Ēbẽra bũasii. Mau ěbẽraba warr ome uru bũasii.
Ewari abaude chi naa bũumaa naka jarasii: “Warr, mũ
uva uu nubũuũda trajade wãse”.²⁹ Maude chi warrba
panausii: “¡Mũ wãwẽma!” Maamina waya kũrisiapeda
trajade wãsii.³⁰ Mau maadakare chi akõreba chi
ababena warrmaa arabaude jarasii. Maude chi warrba
panausii: “Chacha, mũ wãaruma”. Maamina wãbasii.
³¹ Mau machimaarã, chi omedebena ũsãuba chi akõre-
ba kũria bũada wausma?

Āchiba panausidau:

—Chi naa bũuba.

Maude Jesusba āchimaa jarasii:

—Maerã. Maamina biawãra mũuba jaraaru: Ro-
maдебена baita chi nejarra pebadaurã maude wẽrarã
auũubadaurã machi audeara Dachí Akõreba ichidirã
ichi juade ua bũabariide paneedai.¹³² Juanba ja-
radeadakade nee bũasii, āchi jipa nureadamera,
maamina ijãadabasii. Maamina Romaдебена baita
chi nejarra pebadaurãba maude wẽrarã auũubadau-
rãba ijãasidau. Maude machiba mau unusidamina
machi kachirua wauđai ida bũadabasii, ichi beđea
ijãadai baita.

Trajabadaurã kachiruarã ũrubena nebũruũda

Marcos 12:1-12; Lucas 20:9-19

³³ »Ūristuru. June nebũruũruu. Ēbẽra aba bũasii.
Ewari abaude mau ěbẽraba uva uusii^{II} maabae
mokaraba ađu karaasii. Aria chobeã korosii chi uva
barasui baita. Maude de utũ wausii mamauba joma
ichiai baita. Maabae ichi uva uu nubũu waabenarã
ěbẽrarã juade bũsii. Maarã ome beđea deasidau chi
uva uũda chauruũde sãabe ichimaa deđai panuu.
Maka beđea deđapeda chi chibari āibena druadã
wãsii.³⁴ Maabae chi uva waraa nubũeruũde chi
chibariba chi trajabadaurã bũikasii chi uu nubũu
ũrubena ichimaa deđai panuu adoede wãdamera.
³⁵ Maamina chi uu nubũu nubadaurãba mau tra-
jabadaurã jidausidau. Abã sĩsidau, aba beasidau
maude aba mokaraba bata duabũisidau.³⁶ Mau
maadakare chi chibariba june waabena trajabadaurã
bũikasii. Maarã chi naa wãpedaada audeara
panasidau, maamina chi uu nubũu nubadaurãba
maarã sida arabaude kachirua wausidau.

³⁷ »Kaadã chi chibariba ichi warr āchimaa bũisii.
Naka kũrisiasii: “Āchi mũ warr wapeadee panadai
bũbaa”.³⁸ Maamina āchiba mau warr unusidaude āchi
chiya jarasidau: “Jãuba ichi akõre ne kaebea joma
adaui chi akõre biuruũde. ¡Jãu beáduu! Makaburu chi
drua dachi baita bee!”³⁹ Ara makude chi warr ji-
daudapeda chi uũdãdebena wãbidapeda, beatasidau.

I Dachí Akõreba ichidirã ichi juade ua bũabariide paneedai.
Griego beđeade naka bũ kubũu: Dachí Akõreba ichidirã ichi juade ua
bũabariide naa wãđai. II 21:33 Isaiã 5:1-7.

⁴⁰ Jãu chibari neeruũde chi uũda nubadaurã ome
ũkãare sãaibaama?

⁴¹ Maude paare mechiurãba maude judiorã mechi-
urãba naka panausidau:

—Ichiba kĩa chuburiawẽa mau ěbẽrarã kachiruarã
kenapeda, waabena ěbẽrarã ome beđea deai chi uũda
nuđamera. Mau ěbẽrarãba ichi uũdãdebena deđai
panuu chi uva waraa nubũeruũde deđai.

⁴²⁻⁴³ Maude Jesusba āchimaa jarasii:

—Ara mau kĩa Dachí Akõreba machi audeara
waabenarã ichi juade ua bũai. Maarãburu ichiba kũria
bũu wauđai. Machiba ũDachí Akõre beđea eđa
jarađawẽa panuu kĩa? Naka jara bũu:

“Chi mo chi de waubadaurãba ida bũpedaada, mau
chi biara beesii.

Dachí Mechiuba maka wauđãdeeba dachimaarã ārea
bi'ia bũu”. III

⁴⁴ Barikia chi mau mokara ũru bãeruubũrã joma ārii,
maude mau mokara ěbẽra ũru bãeruubũrã berpetai.
IV

⁴⁵ Paare mechiurãba maude fariseorãba mau
nebũruũda ũrisidaude kuitaasidau Jesusba āchi ũrubẽ-
na berrea bũu.⁴⁶ Mauđeeba āchiba Jesús jidau kũria
panasidau. Maamina puuruđebena wapea panu-
uđeeba ida bũsidau. Puuruđebena rãba kũrisia
panasidau Jesús Dachí Akõre baita berreabarii.

Miakãibadau ewari ũrubena nebũruũda

Lucas 14:15-24

22 Jesusba paare mechiurãmaa maude judiorã
mechiurãmaa waya jaradeamaa bũuđe
nebũrusii:² «Bajãade Bũuba ichidirã ichi juade ua bũu
nau kĩa bũu: Rey aba bũasii. Ichi warr miakãidai kĩa-
jũũ bara bũabarii ewari wau kũrisia bũasii.³ Chi reyba
chi trajabadaurã bũikasii chi ichiba iũdarã adoede
wãdamera. Maamina neei kũriãadabasii.

⁴ »Maabae waabena trajabadaurã bũikaaruũde naka
jarasii: “Ēbẽrarã mũuba iũdarãmaa jarade wãsturu
needamera chi chiko noe poedebeba. Paka mukĩa aba
beabisii maude waabenarã ānimararã chi aude borea
duanađã. Mau joma chuu nubũeesiidebeba, urũsturu chi
miakãiduu kĩa jũũ bara bũabarii ewariide kooduũđãa”.

⁵ Maamina ichiba iũdarãba ijãadabasii. Abã ichi pead-
ãã wãsii. Maude aba ichiba nedođokabariimaa wãsii.

⁶ Waabenarãba chi trajabadaurã jidaudapeda
sĩdapeda beasidau.⁷ Mauđeeba chi rey ārea kĩrusii.
Ichi kokoroarã bũikapeda mau mia beabadaurã ke-
nađapeda āchi puuru baa bũisidau.

⁸ »Mau maadakare chi reyba chi trajabadaurãmaa
jarasii: “Mũ warr miakãidai kĩa jũũ bara bũabarii ewari
joma wausii maamina chi mũuba iũdarã nama
needãabai panuu.⁹ Mauđeeba waabena ěbẽrarã o

III 21:42-43 Salmos 118:22-23. IV Griego beđeade chi bee kar-
tãde mau versículo wã'ãe. Mo. Isaiã 8:14-15; Daniel 2:34-35,44-45.

beeča jurude wásturu. Machiba unuuduurāmaa jarásturu mu warr miakāidai kīrajuu bara buabarii ewaridāa needamera". ¹⁰ Ara makude chi trajabadaurā o beeča wāsīdau. Ēbēra bia nureerā maude chi kachirua nureerā ārea neesīdau. Maka chi de mechiu ēbērarāba pīchuka kobeesii.

¹¹ »Chi reyba iudarā unude wāsīde ēbēra aba paru miakāibadaude jūbadau jūwēa buu unusii. ¹² Chi reyba mau ēbēramāa idisii: "Kōpaero, bichi ḡsakāe nama eđa nee buu kapipia jūwēa buma?" Chi ēbēra chūpeasii. ¹³ Maude chi reyba chi trajabadaurāmaa jarasii: "Nau ēbēra jua maude jūru buradapeđa awara pāriudāa jiratásturu. Aria kīra nomāa jēa panadai maude pu'uaba kiđa kurrūa ko panadai". ¹⁴ Dachī Akōreba ārea iukua buu, maamina ba'āraburu pekuai».

Romadebena baita chi nejarra paadai ūrubena jaradeada

Marcos 12:13-17; Lucas 20:20-26

¹⁵ Mau maadakare fariseorāba bedea deasīdau Jesusmaa āi berreabidayua. ¹⁶ Maudeeba fariseorāba āchi baara nibabadaurā maude Herodes jākaa panurā Jesusmaa buisīdau. Maarāba Jesusmaa jarasīdau:

—Jaradeabarii, daiba kuitaa panuu bichi ēbēra jipa nii. Abau biđa bichimāa awara kūrīsiabikau, bichiba joma ēbērarā arabauđe unubariideeba. Maumaarā biawāra Dachī Akōre o ūrubena jomaurāmaa jaradeabarii. ¹⁷ Maka buuburā daimāa jarase, Romadebena baita chi nejarra paai buu ḡdachī judiorāba paadai buka maeburā ḡbi'iwāe buka?

¹⁸ Jesusba kuitaa buasii ichi setaa kūrūa panuu, mau neburāde baebidayua. Naka jarasii:

—Machi setaa ēbēra bia nuree abadau, ḡsakāe mu kachirua berreabi kūrīa panuma? ¹⁹ Parata sēetao dachiba paabadau aba unubīsturu.

Ara makude sēetao aba unubisīdau. ²⁰ Jesusba ichi apedā idisii:

—ḡKai kīedarrma nau sēetaode buu? ḡKai trū bu kubūma?

²¹ Āchiba panausīdau:

—Romadebena chi aude mechiu niide.

Maabae Jesusba jarasii:

—Maka buuburā deásturu Romadebena chi aude mechiu niimāa chi mauba idiiruu, maude ara mau kīra deásturu Dachī Akōremaa chi mauba idiiruu.

²² Mau ūrisīdauđe adua panasii kāare kūrīsiadai. Ara makude āyaa wāsīdau.

Chokae jiradudai ūrubena Jesusba jarada

Marcos 12:18-27; Lucas 20:27-40

²³ Ara mau ewarīde waabenarā saduceorā Jesusmaa neesīdau. Saduceorāba jarabadau biupedaada chokae jiradudakau. ^{II} Maudeeba Jesusmaa naka jarasīdau:

²⁴ —Jaradeabarii, Moisesba jarasii ēbēra aba warwāe buude biuruuburā, ichi ābaba chi pēdrāa wēra adau buu chi āba biude baita warr adau baita.

^{III}²⁵ Earāba dairāde 7 ābarā panasīdau. Chi nabena miakāisii, maamina warr deawēede biusii. Maka chi wēra chi mawāarebena āba ome beesii. ²⁶ Maamina mau siđa warrwāe biusii. Mau maadakare chi mawāarebena āba arabauđe makasii. Joma mau 7 panada arabauđe makasīdau. ²⁷ Mau maadakare chi wēra siđa biusii. ²⁸ Mau 7 ābarāba arabau wēra ome miakāisīdau. Makarā chokae jiradudai ewarīde ḡsāu ābaba mau wēra uru buaima?

²⁹ Maudeeba Jesusba panausii:

—Machiba Dachī Akōre bedea maude chi poyaabarii adua panuudeeba bi'ia kūrīsiadawēa panuu. ³⁰ Ūristuru. Biupedaadarā chokae jiradudai ewarīde kima adauđaabai maude abau biđa wēra deadaabai mi-

akāimera, maumaarā Dachī Akōre angelerā kīra nureadai. ³¹ Dachī Akōreba biupedaadarā chokae jiradubadau ūrubena jarada ḡmachiba eđa jaradawēa panuka? ³² Naka jarasii: "Mu Abraham Akōre Mechiubu, Isaac Akōre Mechiubu maude Jacob Akōre Mechiubu". ^{IV} Mau chi biupedaada Akōre Mechiuwāe, maumaarā chokae nuree Akōre Mechiubu.

³³ Jesusba maka jaradea buu mau ūrisīdauđe, ēbērarāba adua panasii kāare kūrīsiadai.

Dachī Akōre waubi buu bedea chi aude mechiu buu

Marcos 12:28-34

³⁴ Fariseorāba kuitaasīdau Jesusba saduceorā chūpeabiada. Maudeeba āchi arā ābua imīdapeđa Jesusmaa wāsīdau. ³⁵ Aba Moisesba buđa jaradeabarii basii. ^V Mauba Jesús kachirua berreabidayua naka idisii:

³⁶ —Jaradeabarii, Dachī Akōreba waubi buu bedeadebena ḡsāu chi aude mechiu buma?

³⁷⁻³⁸ Maabae Jesusba naka panausii:

—Chi naa buđa bedea naka jara buu: "Joma bichi sōdeeba, joma bichi jaurīdeeba maude joma bichi kūrīsiadeeba bichi Akōre Mechiu kūrīase". ^{VI} Dachī Akōreba waubi buu bedeadebena mau chi nabenabu maude chi aude mechiubu. ³⁹ Maude mawāare buu ara mau kīra buu. Mauba naka jara buu: "Waabenarā kūrīase ara bichi kūrīa buu kīra". ^{VII}⁴⁰ Mau kūrīsia ome

^{II} 22:23 Hechos 23:8. ^{III} 22:24 Deuteronomio 25:5-10. ^{IV} 22:32 Éxodo 3:6. ^V Moisesba buđa jaradeabarii basii. Mau griego bedeadē chi bee kartāde wā'āe. ^{VI} 22:37-38 Deuteronomio 6:4-5. ^{VII} 22:39 Levítico 19:18.

I Parata sēetao. Griego bedeadē naka bu kubūu: denario chi nejara dau.

aude panuu dachiba ijãaduuburã, joma Moisesba buda maude Dachí Akõre baita berreabadaurãba bupedaada waudai.

Dachí Akõreba Dachí Karibabarii deai jarada ¿kai warrma?

Marcos 12:35-37; Lucas 20:41-44

41 Fariseorã wabida jãma panuude Jesusba áchimaa idisii:

42 —Machimaarã, Dachí Akõreba Dachí Karibabarii deai jarada ¿kai warrma?

Áchiba panausidau:

—Daviddebe.

43 Maude Jesusba idisii:

—Maka buuburã, Davidba ¿sakãe Dachí Akõre Jaurideeba mau mæ Mechiu nii asma? Davidba naka jarasii:

44 Dachí Akõre Mechiuba mæ Mechiu niimaa jarasii: mæ jua biare akæ beese aba bichi kíramaarã mæba joma bichi juade buuruudaa. ^I

45 Dachí Akõreba Dachí Karibabarii deai jarada Davidba mæ Mechiu nii a buuburã, ¿saka David warr baima?

46 Maude abau bida Jesusmaa poyaa panauðabasii. Makaðebena abauba Jesusmaa waya ididai kúri-adaabasii.

Jesusba fariseorã kachirua jarada

Marcos 12:38-40; Lucas 11:37-54; 20:45-47

23 Mau maadakare Jesusba ichi baara nibabadaurãmaa maude waabenarã ebërarãmaa bida jarasii: ² «Moisesba buda jaradeabadaurãba maude fariseorãba Moisesba jaradea buada jaradeabadau. ³ Maudeeba áchiba jaraaduu joma ijãsturu. Maamina maarãba ara áchiba jaradea panuu kíra wauðakau. Maudeeba jaarãba wau panuu kíra waurãsturu. ⁴ Áchiba ebërarãmaa aude chaarea área waubiabadau ne chikæa atoebiaduu kíra. Maamina áchiba bistíika bida aidaðakau maka wauðamera.

⁵ »Áchiba ne joma waubadau waabenarãba bi'ia unuðamera. Dachí Akõre bedea kartade buda ñabisa kaebeude eda budapeda áchi dauburude jûbadau maude juapotade bida jûbadau. Maamina chi ñabisa jõparrea waubadau waabenarãba bi'ia unuðamera. Maude mau baita áchiba paru ide kapipia deseroa bæ kaapirudapeda jûbadau. ¹⁶ Waabenarã baara koðe wãaduude, jomaurã kíraare akæ paneebadau, jaradea ua buabadau mechiurã akæ paneebadaumare. Maude judiorã araa ábua imibadau dede bida ara mau kíra waubadau. ⁷ Maude puurude nidauðe kúriabadau ebërarãba áchimaa wapeadee panuudeeba "Jaradeabarii" adai.

^I 22:44 Salmos 110:1. ^{II} 23:5 Deuteronomio 6:6-9; Números 15:37-41.

⁸ »Maamina machi arabau ábarã nureeðeeba maude Jaradeabarii aba uru panuudeeba kúriadaabai panuu ebërarãba machimaa "Jaradeabarii" adayu. ^{III} Mau awara nau iujãðebena abaumaa bida "dai akõre" arãsturu, Akõre aba bajãðéburu uru panuudeeba. ¹⁰ Maude kúriarãsturu ebërarãba machimaa "dai akõre mechiu" adamera, machi Mechiu ababuru niideeba. Ichi Dachí Akõreba Dachí Karibabarii deai a jarada. ¹¹ Machidebena chi mechiu nii waabenarã baita chi trajabarii buai buu. ¹² Chi aude mechiu nibai kúria buu, Dachí Akõreba mau kaebeu bui. Maude ara du aba kaebeu beeruuburã, Dachí Akõreba mau aude mechiu nibabii.

¹³ »;Machi fariseorã, Moisesba buda jaradeabadaurã, setaa ebëra bia nuree abadau, miichuburi nuree Dachí Akõreba kastikaideeba! Machiba ebërarãmaa ida kuitaabiðakau Bajãde Buuba ichidirá ichi juade ua buu ñrubena. Ichi juade panadai kúriadawëa panuu maude chi aria duanaðai kúria panuurã ida budakau.

¹⁴ »;Machi fariseorã, Moisesba buda jaradeabadaurã, setaa ebëra bia nuree abadau, miichuburi nuree Dachí Akõreba kastikaideeba! Machiba pëdrãrã ne juakaa adaubadau maude etaa área idibadau ebërarãba machi bi'ia ichiaðamera. Maudeeba Dachí Akõreba machi aude kastikai waabenarã audeara. ^{IV}

¹⁵ »;Machi fariseorã, Moisesba buda jaradeabadaurã, chi setaa ebëra bia nuree abadau, miichuburi nuree Dachí Akõreba kastikaideeba! Machi nau ioroðe maude marde bida jaradea nibabadau abaumaa ijãabidai baita. Maamina mau ijãaruu machi audeara kachirua bæpeda aude tubuchia aoko kubuu kiikaude buai.

¹⁶ »;Machi miichuburi nuree Dachí Akõreba kastikaideeba! Dau pãriu nuree kíra nuree. ¿Sakãe barikia o unubii panuma? Naka bi'ia jaradeaðakau: "Abauba Dachí Akõre de mechiu trüðeeba biawãra ne wau a jaraaruuburã, maka wauwëe sida kachiruaswãe abadau. Maamina Dachí Akõre de mechiude nee nubuu trüðeeba ne wau a jaraaruuburã, biawãra wau buu abadau". ¹⁷ ;Machi kúrisiaswãe nuree! ;Dau pãriu nuree kíra nuree! ¿Sãu bibuara bæma? ¿Dachí Akõre de mechiu chi nee audeara bibuara buuwãeka? Mau nee Dachí Akõre baita bi'ia buu, Dachí Akõre dede buudeeba.

¹⁸ »Machiba nau sida jarabadau: "Abauba ne baa deabadau trüðeeba biawãra ne wau a jaraaruuburã, maabae mau wauwëeburã, kachirua wauwëe abadau. Maamina chi ñanimara trüðeeba ne wau a jaraaruuburã, biawãra wau buu". ¹⁹ ;Machi kúrisiaswãe nuree! ;Dau pãriu nuree kíra nuree! ^V ¿Sãu bibuara bæma? ¿Ne baa deabarii chi ñanimara audeara bibuara bu-

^{III} Jaradeabarii aba uru panuu. Griego bedeaðe chi bæ kartade bæ kubuu: Ichi Cristobæ. ^{IV} Griego bedeaðe chi bæ kartade mau

uwäeka? Mau änimara Dachí Akõre baita bi'ia ðu ne baabadau ðu ðuðeeba.

²⁰ »Ûristuru: abauba ne baa deabadau trüðeeba biawära ne wauí a jaraaruubärã, ababuru mau trüðeeba maka wauí a jarawëa ðu. Maumaarã mau ðu ðu änimara trüðeeba maka wauí a jara ðu. ²¹ Mau awara abauba Dachí Akõre de mechiu trüðeeba biawära ne wauí a jaraaruubärã, ababuru mau trüðeeba maka wauí a jarawëa ðu. Maumaarã Dachí Akõre mau dede ðu trüðeeba maka wauí a jara ðu. ²² Mau awara abauba bajã trüðeeba biawära ne wauí a jaraaruubärã, Dachí Akõre rey äkau trüðeeba maka wauí a jara ðu maude Dachí Akõre aria ak ðu trüðeeba biawära ne wauí a jara ðu.

²³ »;Machi fariseorã, Moisesba ðu jaradeabadaurã, setaa ëbëra bia nuree abadau, miichuburi nuree Dachí Akõreba kastikaiðeeba! Menta kiruu, anís, comino Dachí Akõre baita awara ðu; mau 10ðeebenacha, aba. Maamina Moisesba ðu chi aude ðu wauðakau; waabenarã ome jipa wauðakau, kïra chuburiðakau maude Dachí Akõrede ijãðakau. Maka wauðai panuu, machiba kiruu deabadau kïra Dachí Akõremaa. ²⁴ ;Machi dau päriu nuree kïra nuree, barikia o unubiamaa panuðeeba waabenarãmaa! ;Bania doðai naede, chi bania sãbadau, änimara baara dorãðamera! Maamina machiba kuitaawëa panuu, camello joma mimaa panuu kïra panuu. ^I

²⁵ »;Machi fariseorã, Moisesba ðu jaradeabadaurã, setaa ëbëra bia nuree abadau, miichuburi nuree Dachí Akõreba kastikaiðeeba! Machiba basu maude paratu chi ðuðena bi'ia jeraabadau, maamina edare kachirua nuree. Ara mau kïra machi sõde biða ne joma adaðai küriabadau maude chi machiba kachirua küriabadau, ara maka waubadau. ²⁶ ;Fariseo dau päriu! Naa chi basu maude chi paratu edabena jeraase. Maabae ðuðena siða bi'ia jeraai. ^{II}

²⁷ »;Machi fariseorã, Moisesba ðu jaradeabadaurã, setaa ëbëra bia nuree abadau, miichuburi nuree Dachí Akõreba kastikaiðeeba! Chi jau ðuðadau torroa purubadau, ðu mipitaa unuðamera. Maamina edare biupeðaarã ärea chi ðuðärã baara bëraa mikia poe. ²⁸ Ara mau kïra machi ëbëra daumaarã jipa nuree kïra nuree, maamina biawära machiba jaradeabadau wauðakau. Maude edare machi ärea sõ kachirua nuree.

²⁹ »;Machi fariseorã, Moisesba ðu jaradeabadaurã, setaa ëbëra bia nuree abadau, miichuburi nuree Dachí Akõreba kastikaiðeeba! Machiba Dachí Akõre

versículo wã'äe. V Machi kürisiaswäe nuree. Griego beede chi bee kartade mau wã'äe. I Judiorãba camello kodaka basii. Levítico 1:14. Jesusba maka jarasii kauwabiai baita chi judiorã mechiurãba chi Dachí Akõre ðuðena jaradeapeðaaða bibuara ðu, adu-abachidau. Maumaarã dachi ne kaebea kaebeu bee wauí ðu baita ärea jaradeabachidau. II Paratu. Griego beede chi bee kartade mau wã'äe.

baita berreabadaurã jau ðuðadau ðu mipitaa waubiabadau. Maude waabenarã jipa nureerã jau ðuðadau ðu biða ara mau kïra waubadau. ³⁰ Maude machiba jarabadau: "Dachi nabëraeðebena ewaride panaða basirã, Dachí Akõre baita berreabadaurã aida bead-aabai basii". ³¹ Maka machiba jara panuu Dachí Akõre baita berreabadaurã kenapeðaaðebena imisiðau. Machi maarã kïra nuree. ³² ;Maudeeba machi nabëraeðebenarãba kachirua waupeðaaðawäe, mau joma wáusturu!

³³ »;Machi dama kachirua kïra nuree! ;Dachi Akõreba machi neðura baraa panuu apeða, tæbchia aoko kubu kiikauðe buibai ðu a kürisia panuu kïra? ³⁴ Mæba Dachí Akõre baita berreabadaurã, kürisia kuitaa nuree maude Moisesba ðu jaradeabadaurã machimaa buikaaruu. Maamina machiba maarã bead-ai maude waabenarã cruzde jirabudai. Waabenarã machi judiorã araa äbua imibadau dede soaba peðai maude puurucha wãraðai bi'iwäe paneebiðai baita. ³⁵ Maudeeba joma nabëraeðebenarã ëbërarã jipa nuree beapeðaaða kakua Dachí Akõreba machi kastikai: Abel jipa nii beapeðaaða kakua, Berequías warr Zacarías beapeðaaða kakua maude joma waabenarã beapeðaaða kakua biða. Zacarías Dachí Akõre de mechiu duða chi ne baa deabadau kïraare beasiðau. ^{III}³⁶ Mæba biawära jaraaruu: joma mau ëbërarã beapeðaaða kakua Dachí Akõreba iðibaebena ëbërarã kastikai.

Jesús Jerusalén kakua kïra nomaða

Lucas 13:34-35

³⁷ »;Jerusalén, Jerusalén, machiba Dachí Akõre baita berreabadaurã beabadau! ;Dachi Akõreba buidarã siða mooba bæta beabadau! ^{IV} Mæba bes ärea machi äbua jru adau küria buasii eterr wëraba ichi warrarã ikia ekare adubarii kïra. Maamina machiba küriaðabasii. ³⁸ Maudeeba Dachí Akõre waa machi baara buabai. ^V³⁹ Mæba machimaa jaraaruu: biawära mæ waya unuðabai aba naka jaraaduðaa: "iÄrea bi'ia ðu chi Dachí Mechiu trüðe neeru!"». ^{VI}

Dachi Akõre de mechiu joma äriðai ðuðena

Marcos 13:1-23; Lucas 21:5-24

24 Jesús Dachí Akõre de mechiuðebena awara wäsii. Maude ichi baara nibabadaurã ichi kaita neeðapeða jarasiðau:

—Ichiäse Dachí Akõre de mechiu, maude de aðu kubu siða bi'ia kubu.

² Maude Jesusba ächimaa jarasii:

^{III} Abel. Génesis 4:3-8. Zacarías. Mau Zacarías akõre ara Joyadá basii. ² Crónicas 24:20-22. Berequías warr Zacarías. Zacarías 1:1.

^{IV} 23:37 ¹ Reyes 9:10; Jeremías 2:30. ^V 23:38 Jeremías 22:5.

^{VI} 23:39 Salmos 118:26.

—Maerã, machiba unu panuu bi'ia kubuu. Maamina biawãra mũba jaraaruu: nau mo kapedaada joma ãridai.

³ Jesús Olivo eade akũ bũasiide ichi baara ni-babadaurã ichimaa wãdapeda ãchi du aba naka idisidau:

—Daimaa jarase, Dachí Akõre de mechiu ¿mau sakaede makaima? ¿Kãaredeeba kuitaadaima bichi neeruu? Maude ¿kãaredeeba kuitaadaima nau ewari baribai?

⁴ Jesusba panausii:

—Kauwa nureásturu abau biãa setaa kũruarãadamera. ⁵ Æreaba jaradai: “Mũ Dachí Akõreba Dachí Karibabarii deai jarada”. Maka ebẽrarã ãrea setaa kũruadai.

⁶ Puuru aba abau puuru ome chĩobika nubuu ũriiduude maude makadai ũrubena ũriiduude, wapearãsturu. Mau joma makai bũu. Maamina nau ewari wabiãa neebai. ⁷ Drua aba abau drua ome chĩobika nubuai.

Maude rey aba abau rey ome chĩobika nubuai. ^I Druacha jarrba baraa maude ioromia druacha baraa.

⁸ Maamina mau naede ba'ãra bi'iwãe panadai, wẽra warr pira chaã bũu kĩra.

⁹ »Mau ewaride ebẽrarãba machi jidau deadai, kachirua wauðapeda beadamera. Mũude ijãa panuu kakua jomaurãba machi kĩramaaadai. ¹⁰ Mauðeeba ãrea, mũude ijãadai ida bũdai. Mauðe chiya jidaubiãai mauðe chiya kĩramaaadai. ¹¹ Dachí Akõre baita berreabadau chi biawãrawãe nuree needai. Maarãba ebẽrarã ãrea setaa kũruadai. ¹² Kachirua ãrea baraarũdeeba ãreaba waabenarã kũria panada ida bũdai. ¹³ Maamina chi kaadearebena ewaridãa dauchia jãadua mũude ijãa panuubũrã, Dachí Akõreba mau karibai. ¹⁴ Mauðe chi bedeãa bia Dachí Akõreba ichidĩrã ichi juade ua bũu ũrubena joma nau druade jaradeadai puurucha ũridamera. Mau maadãkare nau ewari baribai.

¹⁵⁻¹⁶ »Dachí Akõre baita berreabarii Danielba kartade bũsii chi kachirua Dachí Akõreba kũriakau bũi, Dachí Akõre de mechiude de jã eãa chi bibuara bũude. ^{II} (Chi karta eãa jara bũuba kãare eãa jara bũu kauwa kuitaai bũu). Machiba mau unuuduude Judea druade nuree eãaa miru wãdai panuu. ¹⁷ Mauðe ebẽra ichi de ũru bũu ichi dede eãa neebai bũu chi ne kaebeãa pe adooi baita. ¹⁸ Chi uu nubũude bũuba chi anabari jũbarii adauðe wãabai bũu. ¹⁹ Mau ewaride miichuburi chi wẽrarã warr bara nuree mauðe warr ju dawa

^I Griego bedeade chi bee kartade nau sida bũ kubuu: Kakua kachirua bũai neekuadai. ^{II} Griego biãa Antioco Epipaneba Dachí Akõre de mechiu miadaa bũsii 168 año Jesús bũai naede. Maamina Jesusba jarasii mau Antiocoba wauðaka waya makai. Waabenarãmaarã, Jesusba jarada biawãra makasii romaðebenarãba Jerusalén puuru mauðe Dachí Akõre de mechiu sida joma ãrisidauðe año 70de. Waabenarãmaarã, jara bũu kachirua ũrubena ebẽraba maka wau. ² Tesalonicenses 2:3-10. Mauðe waabenarãmaarã Jesusba jarada kaadebena ewaride makai. Daniel 9:27; 11:31; 12:11.

nuree. ²⁰ Dachí Akõremaa utaa idĩsturu kui che ewaride maebũrã bari panabadau ewaride miru wãrãadamera. ²¹ Mau ewaride ebẽrarã ãrea bi'iwãe panadai. Dachí Akõreba nau iujãa wausiideebena ebẽrarã mau kĩra ãrea bi'iwãe panadaabasii mauðe nau maadãkare mau kĩra bi'iwãe panadaabai. ²² Mau ewari ãrea bũai. Dachí Mechiuba chi mau ewari ba'ãra bũdãwãe basirã, ebẽra aba biãa chokae panadaabai basii. Maamina ichiba mau ewari ba'ãra bũsii ichiba jũru adauðarã kũria bũabariideeba.

²³ »Mauðeeba abãuba machimaa jaraaruubũrã: “Ichiãsturu, Dachí Akõreba Dachí Karibabarii deai jarada nama bũu”, mau ijãarãsturu. Mauðe “chawa bũu” aaruubũrã mau ijãarãsturu. ²⁴ Mau ewaride setaa jaradai ãchi Dachí Akõreba Dachí Karibabarii deai jarada. Mauðe waabenarãba setaadeeba jaradai ãchi Dachí Akõre baita berreabadaurã. Maarãba ebẽrarãba ne poyaa wauðakau mechiu wauðai ebẽrarã setaa kũruadai baita. Dachí Akõreba jũru adauðarã sida poyaa setaa kũruapeadaa basirã, ãchi sida setaa kũruadai basii. ²⁵ Mau joma mũba machimaa jarasii makai naede.

²⁶ »Mauðeeba abãuba machimaa jaraaruubũrã: “Ūristuru, Dachí Akõreba Dachí Karibabarii deai jarada drua sirua wã'ãede bũu”, maaaa wãrãsturu. Waabenarãba jaraaruubũrã: “Ichiãsturu, ichi nama dede eãa bũu”, mau sida ijãarãsturu. ²⁷ Chi Ebẽra Ba Buaãa neeruu jomaurãba unũdai umada neebariadeebena umada bæebariããa bajãa puri chebibarii unubadau kĩra. ²⁸ Jomaurãba kuitaa panuu biũdã bari bũumare ãkoso orrobadau. Ara mau kĩra mũ neerũde jomaurãba unũdai.

Chi Ebẽra Ba Buaãa neei ũrubena

Marcos 13:24-37; Lucas 21:25-33; 17:26-30,34-36

²⁹ »Ebẽrarã ãrea bi'iwãe panapedaãdãkare ara makũde umada pãriui. Jedako sida pãriui. Pusterrearã bajãadebena bæedai. Joma bajãade bee uridai.

^{III}³⁰ Mauðe bajãade ne unũdai. Mau mũ, chi Ebẽra Ba Buaãa neeruu ũrubena. Mau unuuduude joma puuru nau iujãadebenarã wapeaba jãedai. ^{IV} Mũ jũruarade poyaabarii baraa neeruu mauðe kĩrawãrea tedechoa neeruu unũdai. ^V³¹ Mauðe kachu ãrea jĩwa chaaruude mũba angelerã drua bæecha wãbiai Dachí Akõreba jũru adauðarã araa ãbua imibiaãamera.

³² »Higo bakuru makaãa ũrubena kuitãsturu. Chi bakuru jua tuku nubeepeãa kiruu baraabarii. Mauðeeba jomaurãba kuitaa panuu iu bia ewari kã'ãabariwãede neei. ³³ Ara mau kĩra mũba jarada joma unuuduude kuitãsturu mũ neei ewari ũru bamaã bũu, poraãde iu bũu kĩra. ³⁴ Mũba machimaa biawãra jaraaruu: nau ũrauðebena ebẽrarã biũdai naede mau

^{III} 24:29 Isaías 13:9-10; 34:4; Ezequiel 32:7; Joel 2:10-11; 3:15. ^{IV} 24:30 Zacarías 12:10. ^V 24:30 Daniel 7:13-14.

joma makai. ³⁵ Bajāa maude iujāa waa buabai, maamina mu bedea biawāra ewaricha buai.

³⁶ »Maamina abau biḁa mau ewari sakaede makai adua panuu. Chi angelerā biḁa mau adua panuu. Mu, chi Ēbēra Ba Buada biḁa adua buu. ^I Ababuru mu Chachāburu mau kuitaa buu. ³⁷ Chi Ēbēra Ba Buada neei, Noé ewaride maka buada kīra. ^{II}³⁸ Nau iujāa joma birui naede ēbērarā ko duanabachidau, do duanabachidau, miakāi duanabachidau, chi kaurā deadaka duanabachidau miakāidamera. Maka duanabachidau aba Noé jāba mechiude eḁa wāaruudea. ³⁹ Maarāba jāba neei ūrubena adua basii. Maamina biawāra neeside āchi joma ārea baniaba biusidau. ^{III} Mau jāba maka needa kīra mu, chi Ēbēra Ba Buada neei. ⁴⁰ Mau ewaride ēbēra ome āchi druade traja panuu. Mu, chi Ēbēra Ba Buadaba aba adooi maamina chi ababena bui. ⁴¹ Wērarā ome arabau kūrumeḁe ne bamaa panadai. Aba adooi maamina chi ababena bui.

⁴² »Maudeeba dau kuitaa nureasturu. Machi Mechiu sakaede neei adua panuu. ⁴³ Nau kuitasturu: de chibariba nechiru sakaede neei kuitaa buada basirā, kāi beewēa buai basii, dede eḁa wābiamaaba. ⁴⁴ Ara mau kīra machi siḁa dau kuitaa panasturu. Machiba mu, chi Ēbēra Ba Buada neei, kūrisedawēa panuude neei.

Chi chibari baita bari trajabarii bia maude kachirua ūrubena

Lucas 12:41-48

⁴⁵ »Chibari baita bari trajabarii kūrisia kuitaa buuba jipa waubarīi kīra duanasturu. Ichi chibariba chi waabenarā bari trajabadaurā ichi juade busii chi kodai baaruude kobia buamera. ⁴⁶ Chibari baita bari trajabariiba maka wau buu ichi chibariba unude neeruburā, ichi ārea kīrajuu buai. ⁴⁷ Muuba biawāra jaraaru: chi chibariba joma ichiba uru buu mau trajabarii juade bui. ⁴⁸ Maamina mau trajabarii kachirua niiburā, ichi sōde "mu chibari isa neebai" ai. ⁴⁹ Maude waabenarā bari trajabadaurā sḁikai maude itua dobadaurā ome bepeḁa itua do buai. ⁵⁰ Abaeḁe ichi chibari neei kūrīswāe buude ara makude neei. ⁵¹ Maabae chi chibariba ārea kastikapeḁa chi setaa ēbēra bia nuree abadau ome jēa buikai. Aria jomaurā kīra nomaa jēa panadai maude chi puaba kiḁa kurrūa ko panadai.

Āwerarā 10 ūrubena neburuda

25 »Bajāade Buuba ichidīrā ichi juade ua buu nau kīra buai: āwerarā 10 panasidau. Āchicha ūḁaa koabarii adoeḁapeḁa chi miakāiruu mukīra irsibide wāsidau. ² Mau āwerarā jua aba bi'ia kūrisia

I Mu, chi Ēbēra Ba Buada biḁa adua buu. Mau griego bedeaḁe chi bee kartade wā'āe. II 24:37 Génesis 6:5-8. III 24:39 Génesis 7:6-24.

panasidau. Maude chi waabenarā jua aba kūrisia adua panasidau. ³ Chi kūrisia adua nureeba āchi ūḁaa koabarii adoesidau maamina olivo draa ārea adoeḁabasii waya eḁai baita. ⁴ Maude chi bi'ia kūrisia nureeba āchi ūḁaa koabarii eneesidau, maude olivo draa ārea adoesidau. ⁵ Chi miakāiruu mukīra kā'āa buasiideeba, jomaurā dapokeadapeḁa kāi duaneesidau.

⁶ Maude ēsabaare bakarīde bedea jīwa ūrisidau: "iChi miakāiruu mukīra neeruu! iMau irsibide wāsturu!" ⁷ Ara makude joma mau āwerarā jiradusidau āchi ūḁaa koabarii bi'ia uruabidai baita. ⁸ Maude chi kūrisia adua nureerāba chi kūrisia kuitaa nureerāmaa jarasidau: "Dai ūḁaa koabarii kiimaa buudeeba, machi olivo draadebena ba'āra deasturu, asidau". ⁹ Maamina chi bi'ia kūrisia nureerāba panausidau: "Daiba machimaa deadawēe jomaurā baita wā'āedeeba. Maumaarā wāsturu, draa nedobadaumaa machi baita nedoḁamera". ¹⁰ Ara makude olivo draa nedode wāsidau. Mautisa chi miakāiruu mukīra neesii. Maabae chi bi'ia kūrisia nuree ichi ome chi kīrajuu miakāidai dede eḁa wāsidau. Ara makude abaua chi poraa jūasii.

¹¹ Mau maadakare chi olivo draa nedode wā panadai waya needapeḁa jarasidau: "Dai mechiu, dai mechiu, poraa ewase, dai eḁa wāḁai baita". ¹² Maamina chi miakāiruu mukīraba jarasii: "Muuba biawāra jaraaru: muuba machi unukau".

¹³ »Mau kakua machi dau kuitaa duanasturu. Mu, chi Ēbēra Ba Buada neei ewari maude chi hora adua panuu. ^{IV}

Chi nejarra ūrubena neburuda

Lucas 19:11-27

¹⁴ »Bajāade Buuba ichidīrā ichi juade ua buu nau kīra buu: ēbēra waabena druadea wāsiide, ichi trajabadaurā iukuapeḁa ichi chi nejarra āchicha deadakāsii ne wauduuba waribidamera. ¹⁵ Āchicha chi nejarra deadakāsii āchi kūrīa aude waribidamera. Abauma chi nejarra 5.000 deasii. Waabenamaa 2.000 deasii. Waabenamaa 1.000 deasii. Maabae wāsii.

¹⁶ Chi 5.000 adauḁa trajade wāsii mau chi nejarra waribii baita. Maka ichiba maucha 5.000 adausii.

¹⁷ Ara mau kīra chi 2.000 adauḁaba maucha 2.000 adausii. ¹⁸ Maamina chi 1.000 adauḁaba mau chi nejarra iorode ūyaasii.

¹⁹ »Ārea badakare āchi chibari waya neesii. Maabae ichiba chi nejarra buida ūrubena ichi baita trajabadaurāmaa idisii. ²⁰ Chi 5.000 adauḁa nepeḁa maucha 5.000 deapeḁa jarasii: "Mu chibari, bichiba 5.000 deadadebena muuba maucha 5.000 eneesii". ²¹ Chi chibariba jarasii: "Bi'ia buu, trajabarii bia nii, bichiba jipa waubarīi. Muuba ba'āra deadaba bichiba bi'ia wausi-

IV Chi Ēbēra Ba Buada neei. Mau griego bedeaḁe chi bee kartade wā'āe.

ideeba mæba maucha aude deai. Eða neese mæ ome kīrajæ bæi baita”.

²² Maabae chi 2.000 adauða neepeða jarasii: “Mæ chibari, bichiba 2.000 deaðædebena mæba maucha 2.000 eneesii”. ²³ Chi chibariba jarasii: “Bi'ia bæu, trajabarii bia nii, bichiba jipa waubarii. Mæba bæ'āra deaðaba bichiba bi'ia wasiideeba mæba bichimaa maucha ārea dearuu. Eða neese mæ ome kīrajæ bæi baita”.

²⁴ »Maamina chi 1.000 adauða neepeða jarasii: “Mæ mechiu, mæba kuitaa bæu bichiba waabenarā kīra chuburiakau chi nejerra aude adai baita. Mau awara waabenarāba uupeðaada adaubarii. ²⁵ Mauðeeba mæba wapeasii. Bichi chi nejerra wā'āebiamaaba iorode ŷyaasii. Maamina chi nejerra nama uru bæu”. ²⁶ Mauðe chi chibariba jarasii: “Trajabarii kachirua, bichi ko'oa nii! Bichiba biawāra kuitaa bæasii mæba waabenarā trajudeeba adaubarii mauðe waabenarāba uupeðaada adaubarii. ²⁷ Mauðeeba bichiba mæ nejerra, chi nejerra nubadau deðe bæi bæasii. Makaða basirā mæ neeruude, mau awara mæ chi nejerra chi mau ŷru paæða baara adai basii”.

²⁸ »Maabae chi chibariba jarasii: “Ichiba chi nejerra 1.000 uru bæu juakaa adauðapeða chi 10.000 uru bæ-umaa deásturu. ²⁹ Aþauba biawāra kuitaarubærā, Dach Akõreba aude kuitaabii. Maamina chi adua niiba ne kuitaa bæu kīrisiarubærā ichiba kīrisia bæu Dach Akõreba mau juakaa adai. ³⁰ Jāu trajabarii kachirua awara pāriuðaa duabæisturu chi jēabadaumare mauðe pu'uaba kiða kærrea kobadaumare”.

Jomaurā ichiapeda, kastikai ŷrübena jaradeaða

³¹ »Mæ, chi Ēbēra Ba Buaða joma angelerā baara kīrawārea baraa neeruude, mæ rey ākauðe akæ beei, ēbērarā nebura bara nuree ai baita. ³² Maabae drua jomadebena ēbērarā mæ daude needai. Maarā mæba a'awaraa bæi oeja nubariiba ichi oeja cabra ome ābua panæða awara bæbarii kīra. ³³ Chi oeja kīra nuree mæ jua biare bæii. Chi cabra kīra nuree mæ jua sordoare bæii. ³⁴ Maabae mæ, chi Reyba jua biare panuurāmaa naka jaraaru:

“Machi, mæ Chachaba bi'ia duanuða, nésturu. Ichi puuruðe bi'ia panásturu. Nau iujāa wasiideebena mau puuru machi baita wauða bæu. ³⁵⁻³⁶ Mæ jarrbisia bæasiide machiba kobisidau; mæ obisia bæasiide bania deasidau; mæ āibena kīra neesiide machi deðe irsibisidau; mæ paruswāe neesiide mæmaa deasidau; mæ ĕpermo bæasiide ichiade neesidau; mauðe mæ jūabadau deðe jūa bæasiide ichiade neesidau”.

³⁷ »Maabae chi jipa nureeba iðidai: “Dai Akõre Mechiu, ¿Sakaede bichi jarrbisia nii unusidama mauðe kobisidama? ¿Sakaede bichi obisia nii unusidama mauðe dobisidama? ³⁸ ¿Sakaede daiba bichi āibena

kīra unusidama, mauðe dai deemaa irsibisidama? ¿Sakaede daiba bichi ewaraa nii unusidama mauðe paru jūbisidama? ³⁹ Sakaede bichi daiba ĕpermo bæu unusidama mauðe jūabadau deðe bæu ichiade wāsida-ma?”

⁴⁰ Mauðe mæba panau: “Mæba biawāra jaraaru: machiba mæ ābarā chi kaebeu nuree karibasiðauðe mæ karibasiðau”.

⁴¹ »Maabae mæ jua sordoare panuurāmaa jarai: “Machi, chi Dach Akõreba nebura barau abadaurā, mæ jākaabena āyaa wásturu tæbæchia kiikaudaa. Mau Dach Akõreba bæsii jūbawāe nii, ichiðirā baara kastikai baita. ⁴² Mæ jarrbisia bæasiide machiba kobidaabasii; mæ obisia bæasiide bania dobidaabasii. ⁴³ Āibena kīra neesiide irsibidaabasii; mæ paruswāe bæasiide machiba deaðaabasii; mæ ĕpermo bæasiide, jūabadau deðe jūa bæasiide biða machiba mæ ichiade needaabasii”.

⁴⁴ »Mauðe āchiba iðidai: “Dai Akõre Mechiu, daiba bichi jarrbisia bæu, obisia bæu, āibena kīra nii, ewaraa bæu, ĕpermo bæu, maebærā jūabadau deðe jūa bæu unuðabasii. ¿Sakaede bichi aidadaabasma?”

⁴⁵ »Mauðe mæba panau: “Mæba biawāra jaraaru: machiba chi kaebeu nuree aidadaabasiide mæ siða aidadaabasi”. ⁴⁶ Maabae Dach Akõreba maarā tæbæchia kiikaudaa bæi, maamina chi jipa nuree eneei ichi baara ewaricha chokae panæðamera.

Jesús beaðai baita kīrisia juru panæða

Marcos 14:1-2; Lucas 22:1-2; Juan 11:45-53

26 Joma mau jaradeapeda Jesusba ichi baara nibabadaurāmaa jarasii:

² —Machiba kuitaa panuu ewari ome baaruude Pascua^I ewari wauðai. Mauðe abauba mæ, chi Ēbēra Ba Buaða jidaubii cruzde jirabæ beaðamera.

³ Maumisa paare mechiurā, Moisesba buða jaradeabadaurā mauðe paare mechiurā Caifás de mechiude ābua panasiðau. Mau Caifás paarerā jaradea ua bæbarii mechiu basii. ⁴ Maabae beðea deasidau Jesús chūpea jidaudapeda beabiðai baita. ⁵ Maamina jarasiðau:

—Bari panabadau ewariðe jidaudaabai ēbērarā kīrubidaabayua».

Wēra nardo kera Jesús boro ŷru eaða

Marcos 14:3-9; Juan 12:1-8

⁶ Mau ewariðe Jesús Betania puuruðe Simón kakua chau nii abadau deðe bæasii. ⁷ Mauðe wēra aba ichi-maa neesii. Mau wēra bætia alabastro mo wauða

^I Pascua. Egiptodebena wāðai naede, judiorāba decha oeja aba beasidau maabae chi oa āchi de poraa wātomaa purusidau. Maka wasidau Dach Akõreba Egiptobidarā kastikai ewariðe biurādamera. Jāabae Jesusba jara bæu ichi oeja ara ichi oa cruzde eabari wāaru kīra nii. Maka wasii, Dach Akõremaa ichiðe ijāabadaurā nau iujāa jomadebena kastikarāðamera. Éxodo 12:1-27.

eneesii. ^I Bətia kera chi nejarr ārea idibadau waabiru bəuasii. Jesús akə bəepeḁa, komaa bəuḁe, wēra ba mau kera ichi boro ũrə eabəisii. ⁸ Jesús baara nibabadaurāba mau unusiḁauḁe kirusiḁau. Naka jarasiḁau:

—¿Sakāe jāu kera jāka ārisma? ⁹ Nedobuiḁa basirā chi nejarra ārea adaḁai basii. Mauba chi nejarr barauwāe nuree aiḁai basii.

¹⁰ Maamina Jesusba mau ũrisiḁe jarasii:

—¿Sakāe jāu wēra iadaa panuma? Jāuba wauḁa mə baita bi'ia bəu. ¹¹ Chi nejarr barauwāe nuree ewaricha machi tāḁe panāḁai, maamina mə machi baara ewaricha bəubai. ¹² Kā'ābariwāḁe mə biḁakare jau bəḁai. Mauḁeeba nau wēra mə ũrə keraba easii.

¹³ Məuba biawāra jaraaru: joma nau druāḁe chi beḁe bia mə ũrəbena jaradeaduḁe nau wēra wauḁa nebərḁai kīrabadaamera.

Judasba Jesús jidaubii baita kūrisiḁa

Marcos 14:10-11; Lucas 22:3-6

¹⁴ Judas Iscariote abadau chi Jesús baara nibabadaurā 12 basii. Mau Judas paare mechiurāmaa wāsii.

¹⁵ Maabae ichiba naka iḁisii:

—Məuba machimaa Jesús jidau dearuubərā, ¿machi ba məumaa kāare deḁaima?

Maabae āchiba parata 30 sēetao deasiḁau.

¹⁶ Makaḁeḁe Judasba kūrisia kobeesii Jesús saka jidaubii.

Jesusba 12 jərū adauḁarā baara koḁa

Marcos 14:12-25; Lucas 22:7-23; Juan 13:21-30; 1 Corintios 11:23-26

¹⁷ Pascua ewariḁe pan ēesāabibariiwāe kobachiḁau. Chi nabena ewariḁe Jesús baara nibabadaurāba ichimaa wāḁapeḁa iḁisiḁau:

—¿Bichiba sama kūrīa bəuma daiba Pascua ewariḁe chi kobadau bichi baita wauḁai?

¹⁸ Jesusba panausii:

—Jerusalenḁe dachiba unubadau ēbēramaa wāsturu. Ichimaa naka jarāsturu: “Dachi Jaradeabariiba jara bəu ichi ewari ara kaita bəu. Ichiba mauḁe ichi baara nibabadaurāba Pascua ewariḁe chi kobadau bichi deḁe koḁai”.

¹⁹ Ara makḁe Jesusba jaraḁa kīra ichi baara nibabadaurāba Pascua ewariḁe chi kobadau wausiḁau.

²⁰ Kiusiḁe Jesús, ichi baara nibabadaurā 12 panuu baara mesa jākaa akə beesii. ²¹ Komaa panuḁe ichiba jarasii:

—Məuba biawāra jaraaru: abə machiḁebenaba mə jidaubii.

²² Mauḁeeba āchi ārea kīra nomaa paneesiḁau. Ara makḁe abəabəa ichimaa iḁisiḁau:

I Alabastro. Mau mo kukuaraa bəu. Chaareawāe bəuḁeeba ne waubadau. Judiorāba alabastro Egipto druāḁebena enebachiḁau. Joma alabastro wauḁa ārea bale bəubarii. II 26:15 Zacarías 11:12; Éxodo 21:32.

—Mə Mechiu, ¿məuka?

²³ Ichiba panausii:

—Mə ome arabau paratuḁe komaa bəuba mə jidaubii. ^{III24} Biawāra mə, chi Ébēra Ba Buaḁa biui bəu Dachi Akōre beḁeḁe bə kubəu kīra. ^{IV} Maamina jchi mə jidaubiruu ēbēra miichuburi nii! Bibuara bəuasii chi naweba mau adaubai.

²⁵ Mauḁe Judas, Jesús jidaubii bəuba iḁisii:

—Jaradeabarii, ¿məuka?

Jesusba panausii:

—Maerā, bichiba jarasii.

²⁶ Komaa panuḁe Jesusba pan juāḁe adaupeḁa Dachi Akōremaa bi'ia jarasii. Maabae bəapeḁa ichi baara nibabadaurāmaa deapeḁa jarasii:

—Adāusturu. Kósturu. Nau mə kakuabə.

²⁷ Mau maḁakare uva bəa basuḁe nubəu adaupeḁa Dachi Akōremaa ichituru kiḁibai asii. Maabae āchimaa deapeḁa jarasii:

—Jomaurāba dósturu. ²⁸ Nau mə oabə. Mə oa cheeruuba Dachi Akōreba beḁe chiwidi dearuu ārea ēbērarāba kachirua waupeḁaḁa perdonayua.

^{V29} Məuba jaraaru: uva bəa waya doobai abə chi uva bəa chiwidi dooruḁaa machi baara, mə Chachaba ichiḁirā ichi juāḁe ua bəeruḁaa. ^{VI}

Pedroba Jesús unukau aḁa

Marcos 14:26-31; Lucas 22:31-34; Juan 13:36-38

³⁰ Maabae Dachi Akōre beḁe ũrəbena karidapeḁa Olivo eḁaa wāsiḁau. ^{VII31} Mauḁe Jesusba āchimaa jarasii:

—Nau ēsabuḁe joma machiba mə bəiḁai. Dachi Akōre beḁeḁe naka bə kubəu: “Məuba oeja nubarii bearuḁe chi oejarā jūchoḁai”. ^{VIII32} Maamina mə chokae jiraduuruḁe machi naa wāi Galilea druāḁaa.

³³ Mauḁe Pedroba Jesusmaa jarasii:

—Jomaurāba bichi bəidumina məarā bəuiwēe.

³⁴ Jesusba Pedromaa jarasii:

—Məuba biawāra jaraaru: Ara nau ēsabuḁe eterr birui naḁe bichiba bəes ōbea mə unukau ai.

³⁵ Maamina Pedroba aude jara bəuasii:

—Mə bichi baara beadumina, bichi bəuibai.

Waabenarā biḁa arabauḁe jarasiḁau.

Jesusba Getsemanide Dachi Akōremaa utaa iḁiḁa

Marcos 14:32-42; Lucas 22:39-46

³⁶ Jesús mauḁe ichi baara nibabadaurā Getsemaní abadauḁaa wāsiḁau. Aria Jesusba maarāmaa jarasii:

III 26:23 Salmos 41:9. IV 26:24 Salmos 22; Salmos 118:22; Isaías 52:13—53:12. V Beḁe chiwidi. Dachi Akōre naḁe israelḁebenarā ome beḁe deasii. Éxodo 24:6-8; Jeremías 31:31-34. Wiḁi. Griego beḁeḁe chi bəe kartāḁe mau wā'āe. VI Uva bəa waya doobai. Mauḁe Griego beḁeḁe jara bəu: Uva bəa wiḁi doi. VII Mau bari panabadau ewariḁe ne koḁai naḁe Salmos 113ḁebena abə 114ḁaa karibachiḁau. Kosidauḁe Salmos 115ḁebena abə 118ḁaa karibachiḁau. VIII 26:31 Zacarías 13:7.

—Mꞑ jamaria Dachí Akõremaa ʉtaa ídide wáaru-umisa nama akꞑ panésturu.

³⁷ Maabae Zebedeo warrarã omea Pedro baara áyaa adoesii. Ichi makai ʉrꞑbena kǔrisia bꞑudeeba kǐra noma béesii. ³⁸ Maude áchimaa jarasii:

—Mꞑ kǐra nomaaba biuruu kǐra bꞑu. Nama panésturu. Mꞑ kǐra chokae panásturu.

³⁹ Jesús waa waparaa wápeða ódarrde kobeepeða dauburu jeeda tꞑpeða, Dachí Akõremaa ʉtaa ídisii: «Chacha, bichiba kǔria bꞑuburã, nau bi'iwãe bꞑai bꞑudebena mꞑ karibase. ^I Maamina mꞑba kǔria bꞑu waurãse, maumaarã bichiba kǔria bꞑu kǐra wause».

⁴⁰ Maabae Jesús ichi baara nibabadaurã óbea panu-umaa waya neeruude unusii maarã kãí duanuu. Pedromaa jarasii:

—¿Machi mꞑ baara hora aba biða poyaa chokae panadaabai panuka? ⁴¹ Machi ʉrꞑma panásturu. Dachí Akõremaa ʉtaa ídisturu kachiruude bædaamaaba. Mꞑba kuitaa bꞑu machiba bia wau kǔria panuu. Maamina machi kakuaba poyaaabai panuu.

⁴² Maabae Jesús waya wápeða Dachí Akõremaa ʉtaa ídisii: «Mꞑ Chacha, mꞑ área bi'iwãe bꞑai ida makabiwẽburã, bichiba kǔria bꞑu kǐra wause».

⁴³ Maabae waya áchimaa neeruude kãí duanuu unusii. Áchi dau poyaa búadaabasii dapokeaba. ⁴⁴ Áchi waya bꞑipeða wásii. Dachí Akõremaa arabau ʉtaa ídisii. ⁴⁵ Maabae ichi baara nibabadaurãmaa waya neepeða jarasii:

—Machi ¿wabiða kãí duanuka? Mꞑ ewari basii. Mꞑ, chi Ébëra Ba Buada ébërarã kachiruarã juude deaduu. ⁴⁶ ¡Jiradústuru! ¡Wáduru! ¡Chíásturu, mꞑ jidaubiuruu ébëra ara kaita uruu!

Jesús jidaupedaada

Marcos 14:43-50; Lucas 22:47-53; Juan 18:2-11

⁴⁷ Jesús wabiða berreamaa bꞑuude, Judas chi 12debe- na neesii ébërarã área baara. Maarã bakuru maude es- pade baara nibasidau. Maarã paare mechiurãba maude judiorã mechiurãba bꞑipeðaada basii. ⁴⁸ Chi jidaubii bꞑuba áchimaa jara bꞑasii saka wau sãu Jesús kuitaadamera. Naka jarasii: «Chi mꞑba kíedarrde íyaaruu, Jesusbꞑ. Mau jidáusturu».

⁴⁹ Maude Judas Jesús kaita wápeða jarasii:

—¡Jaradeabarii!

Maka jarapeða Jesús kíedarrde íyaasii. ⁵⁰ Jesusba ichimaa jarasii:

—Kõpaero, bichiba wauðe nee bꞑu isa wause. ^{II}

Ara makude waabenarã ara kaita needapeða Jesús jidausidau. ⁵¹ Maude Jesús baara nibabarii ababa ichi espada erta adaupeda paare mechiu chi bari baita tra-

^I Griego beedeade naka bꞑu kubꞑu: Nau basu mꞑudebena wãbise. Mau basu jara bꞑu dachi bi'iwãe panadaí, dachi kastikadaí maeburã chaareade bæbidai waupeðaada baða. ^{II} Bichiba wauðe nee bꞑu isa wause. Mau beeda nau sída jara bꞑu «¿Kãare wauðe nee bꞑu?»

jabarii kꞑurꞑ oatutasii. ⁵² Maabae chi kꞑurꞑ oatutadamaa Jesusba jarasii:

—Bichi espada eða joa adause. Chíobadau espadaba biubadau. ⁵³ Mꞑ Chachamaa ídiuruude maabae ichiba angelerã área bꞑikai. ¿Bichiba mau adua bꞑuka?

⁵⁴ Maamina maka wauruuburã ichi Beedeade mꞑ ʉrꞑbena bꞑu kubꞑu ¿saka makaima?

⁵⁵ Maabae Jesusba waabenarãmaa ídisii:

—Machi ¿sakãe machi espada maude bakuru baara imisidama mꞑ jidaudeyua ébëra mia kachirua nii jidaudu kǐra? Mꞑba ewaricha Dachí Akõre de mechiu duða machimaa jaradea akꞑ bꞑabachii. ¿Sakãe mꞑ aria jomaurã daude jidaudeabasma? ⁵⁶ Maamina joma nau wau panuu Dachí Akõre baita berreabadaurãba bꞑipeðaada makamera.

Maka bꞑuude joma chi ichi baara nibabadaurãba mau bꞑidapeða jíichoasidau.

Jesús chi mechiurã daude buada

Marcos 14:53-65; Lucas 22:54-55,63-71; Juan 18:12-24

⁵⁷ Maabae Jesús jidaupedaadarãba ichi chi paare mechiu Caifasmaa adoesidau. Mau Caifás dede Moisesba buða jaradeabadaurã, paare mechiurã baara araa ábua imi nubꞑasii. ⁵⁸ Maabae Pedro kaitawẽeba kaude niiba chi paare mechiu deema neesii. Chi de duða eða wápeða Dachí Akõre de nubadaurã baara ábua akꞑ béesii Jesús saka wauðai kuitaaí baita.

⁵⁹ Joma paare mechiurãba maude joma judiorã mechiurãba ébërarã júrusidau Jesús ʉrꞑbena setaa kachirua berreadamera. Maka Jesús beabidai basii. ⁶⁰ Áreaba Jesús ʉrꞑbena setaa jarade neesidamina ichi ʉrꞑbena kachirua jaradaí unuðabasii. Maka panuude ébëra ome neesidau. ⁶¹ Maarãba jarasidau:

—Nau ébëra jarasii: “Mꞑba Dachí Akõre de mechiu poyaa árii bꞑu, maamina ewari óbeade waya waui bꞑu”. ^{III}

⁶² Maabae paare mechiu bari nubeepeða Jesusmaa ídisii:

—Chi bichi ʉrꞑbena kachirua jara panuu, ¿mau biawãraka? ¿Aba biða jarai baita wã'ãeka?

⁶³ Maamina Jesús chũpea béesii. ^{IV} Maka bꞑuude paare mechiuba ichimaa jarasii:

—Dachí Akõre chokae nii daude daimaa biawãra jarase. ¿Bichi Dachí Akõreba Dachí Karibabarii deai jaradaka? ¿Bichi Dachí Akõre Warrka?

⁶⁴ Jesusba panausii:

—Maerã, bichiba jarasii. Mau awara mꞑba jarakuai: ídiiba ʉtaa machiba mꞑ, chi Ébëra Ba Buada unuðai Dachí Akõreba joma poyaabarii jua biare akꞑ bꞑu maude júruarade neeru. ^V

⁶⁵ Maabae chi paare mechiu nii kíruuruuba ichi paru kóetapeða waabenarãmaa jarasii:

^{III} 26:61 Juan 2:19. ^{IV} 26:63 Isaías 53:7. ^V 26:64 Salmos 110:1; Daniel 7:13-14.

—¿Maka jāuba Dachī Akõre ũrũbena kachirua jara bũu! ¿Sakãe june ěbẽrarã jurũdaima jāu ũrũbena jideadamera? Ara machiba ũrisidau jāuba Dachī Akõre kachirua ũrũbena jaraaru. ⁶⁶ Machimaarã, ¿jãu kãare waudaima?

Āchiba panausidau:

—Jãu nebũra bara bũu. Maudeeba beadai bũu. ^I

⁶⁷ Maabae chi nureeba Jesũs kiedarrmaa idusidau maude drũsidau. Waabenarãba ichi sĩsidau.

^{II}⁶⁸ Maabae jarasidau:

—¿Bichi Dachī Akõreba Dachī Karibabarii deai jaradabũrã, Dachī Akõre baita berreabarii kĩra, daimaa jarase kaiba bichi sĩsii!

Pedroba Jesũs unukau ada

Marcos 14:66-72; Lucas 22:56-62; Juan 18:15-18,25-27

⁶⁹ Pedro mau de mechiu duada akũ bũude wẽra trajabarii ichimaa neesii. Mau wẽraba jarasii:

—Bichi Jesũs Galileadebena baara nibasii.

⁷⁰ Maamina Pedroba jomaurã daade merasii. Naka jarasii:

—Mũuba aduama bichiba kãare jara bũu.

⁷¹ Maabae Pedro, de dudabena poraamaa wãsii. Maude june wẽra trajabarii mau unupeđa aria panuurãmaa jarasii:

—Nau Jesũs Nazaretdebena baara nibasii.

⁷² Maamina Pedroba waya merasii:

—Mũuba biawãra jaraaru: jãu ěbẽra unukau.

⁷³ Kã'ãabariwãede chi aria panuuba Pedromaa wãdapeđa jarasidau:

—Biawãra bichi maarãdebenabũ. Bichiba poyaa merawẽe, Galileadebena kĩra berrea niideeba.

⁷⁴ Pedroba jarasii:

—¿Mũuba setaa jaraaruubũrã Dachī Akõreba mũ kastikai! Biawãra jaraaru: mũuba jāu ěbẽra unukau.

Ara makũde eterr birusii. ⁷⁵ Maude Pedroba kĩrabasii Jesusba jarada: «Eterr birui naede bichiba bes õbea mũ unukau ai». ^{III} Maabae Pedro awara wãpeđa ãrea kĩra nomaa jẽasii.

Judas biuda

Hechos 1:18-19

27 Dapedeede joma paare mechiurãba judiorã mechiurã baarauba bedeã deasidau Jesũs bebidai baita. ² Maabae jũdapeđa, Romadebena ěbẽra Poncio Pilato abadaumaa adoiesidau. Mau Pilato Judea druadebena jaradeã ua bũabarii basii. ^{IV}

³ Maude Judasba kuitasii Jesũs beadayu. Ichiba jidaubidãdeeba ãrea kĩra nomaasii. Ara makũde ichiba

^I 26:66 Levítico 24:15-16. ^{II} 26:67 Isaías 50:6. ^{III} 26:75 Mateo 26:34. ^{IV} Pilato. Romadebena rey Tiberio abadauba Pilato Judea druadebena chi karr busii, año 26deebena aba 36daa. Judiorã mechiurãba Jesũs Pilatomaa adoiesidau chi jũa panuurã beadakau panudeeba. Aba romadebenarãba maka waudai panasidau.

chi 30 parata sẽetao adoesii paare mechiurãmaa maude judiorã mechiurãmaa waya deayua. ⁴ Maarãmaa jarasii:

—Mũuba kachirua wausii mukĩra nebũraswãe nii jidaubisiideeba.

Maude ãchiba jarasidau:

—¿Dai baita mau sakaima? Mau bichide bũu.

⁵ Maabae Judasba chi sẽetao Dachī Akõre de mechiude eđa batabusii. Maabae mamabena wãpeđa ichi du aba ojũ busii. ⁶ Judas wãdakare paare mechiurãba mau sẽetao jurũdapeđa jarasidau: «Nau chi nejarra Dachī Akõremaa deabadau chi nejarra baara bũdaabai panuu, nauba mukĩra bebidãdeeba».

⁷ Maudeeba bedeã deasidau mau sẽetaoba drua nedodayu, drua aba uru panadai baita ãibenarã jau bũdayua. Mau drua Choko Kabarii Drua abachidau.

⁸ Maamina mamau tõpe «Oa Drua» abadau. ⁹ Mau makasii Dachī Akõre baita berreabarii Jeremiasba jarada kĩra. Naka jarasii:

«Maarãba 30 sẽetao parata adausidau. Israeldebenarãba mau bedeã deasidau sãabe parata deadai bũu.

¹⁰ Mau sẽetaoba maarãba choko kabarii drua nedosidau Dachī Mechiuba mũumaa jarada kĩra». ^V

Jesũs Pilato daade buada

Marcos 15:1-5; Lucas 23:1-5; Juan 18:28-38

¹¹ Maude Jesũs Pilato daade bari nubuasii. Pilatoba ichimaa idisii:

—¿Bichi biawãra judiorã reyka?

Jesusba panausii:

—Maerã, ara bichiba jarasii.

¹² Maude paare mechiurãba maude judiorã mechiurãba Jesũs jideasidau maamina ichiba panaubasii.

¹³ Maudeeba Pilatoba Jesusmaa idisii:

—Jãarãba bichi ãrea kachirua jara panuu bichi jideadai baita. ¿Mau ũriwẽa bũka?

¹⁴ Maamina Jesusba bedeã aba biđa panaubasii. ^{VI} Maudeeba Pilatoba kãare kũrisiai adua basii.

Jesũs beadai baita jarapedaada

Marcos 15:6-20; Lucas 23:13-25; Juan 18:38—19:16

¹⁵ Añocha mau bari panabadau ewaride Pilatoba chi jũa buadãdebena aba enatabachii, chi puurudebenarãba idipeadaada. ¹⁶ Mau ewaride romadebenarãba aba jũa uru panasidau Barrabás abadau. ěbẽrarãba mau Barrabás trũ poa kubũu ũribachidau. ¹⁷⁻¹⁸ Pilatoba kuitaa bũasii paare mechiurãba Jesũs jiwaa panudeeba ichi jidau deasidau. Maudeeba chi aria ãbua imi nubuumaa idisii:

^V 27:10 Jeremías 18:1-3; 19:1-4; 32:6-7; Zacarías 11:12-13. ^{VI} Bedeã aba biđa panaubasii. Isaías 53:7.

—¿Machiba kai m̄mba enata b̄i k̄ria panuma: Barrabás maeb̄rã Jesús, chi ēb̄erãba Dachí Ak̄oreba Dachí Karibabarii deai a jara panuma? ^I

¹⁹ Pilato ēb̄erã jibarii ākauđe ak̄ b̄uđe chi w̄eraba nau bedea ichimaa jarab̄isii: «Jãu ēb̄era jipa nii enata b̄ise. Iđi jãu ūr̄ubena kamokaraasiideeba m̄ ārea wapea b̄uu».

²⁰ Maude paare mechiurãba maude judiorã mechiurãba ēb̄erãra ara imi nub̄uumaa jarasiđau Pilatomaajarađamera Barrabás enata b̄i p̄eđa Jesús beamera.

²¹ Maka panuđe Pilatoba waya ēb̄erãra ara ābua nub̄uumaa iđisii:

—Nau omedebena ¿chi sãu m̄mba enata b̄i k̄ria panuma?

Āchiba Barrabás enatase asiđau.

²² Pilatoba iđisii:

—Maka b̄uub̄rã m̄mba ¿kãare sãaima Jesús ome, chi ēb̄erãba Dachí Ak̄oreba Dachí Karibabarii deai a jara panuma?

Jomaurãba jarasiđau:

—¿Cruzde jirab̄u beabise!

²³ Pilatoba iđisii:

—¿Sakãe maka wauima? Ichiba ¿kãare kachirua wausma?

Maka berrea b̄uđe waya aude b̄iasid̄au:

—¿Cruzde jirab̄u beabise!

²⁴ Maka panuđe Pilatoba kuitaasii ēb̄erãra ichi bedea ijãadaabasii. Mau awara unusii ēb̄erãra aude b̄iuka nub̄eeduu. Maabae baniaba ichi jua jomaurã dađe jeraap̄eđa jarasii:

—Nau ēb̄era jipa b̄uu beaduu kakua m̄ neb̄era wauw̄ea b̄uu. ^{II} Mau biawãra machiđe b̄uu.

²⁵ Maabae jomaurãba panausid̄au:

—¿Maka b̄uub̄rã dai, dai warrarã siđa neb̄era wauđai ichi beaduu kakua!

²⁶ Maabae Pilatoba Barrabás enatasii. Maamina Jesús p̄e p̄eđa kokoroarãmaa deasii cruzde jirab̄u beađamera.

²⁷ Ara mak̄ude Pilato kokoroarãba Jesús de mechiu Pretorio abadauđaa eneesid̄au. Aria waabena kokoroarã ichi ađu j̄urasid̄au. ²⁸ Maabae Jesús paru j̄ b̄uada ēetasid̄au maude anabari j̄barii puria b̄uu j̄b̄isid̄au. ²⁹ Boro j̄ra ūri kađa ichi borode j̄ b̄usid̄au maude ichi jua biare bakuru deasid̄au. Maabae ichi dađe ođarrde kopaneđap̄eđa atua jarasiđau: «¿Ārea bi'ia nii, judiorã rey!»

³⁰ Maabae ichimaa iđubachid̄au maude bakuru ichi juade b̄uu juakaa adauđap̄eđa boromaa ubachid̄au.

^{III31} Ichi atua jara kopanuuba kachirua jarađap̄eđa āchiba chi anabari j̄barii j̄b̄ip̄eđađa ēetasid̄au.

^I Griego bedeađe chi bee kartade Barrabás audeara Jesús Barrabás b̄u kub̄uu. ^{II} Jipa b̄uu. Mau griego bedeađe chi bee kartade wã'ãe. ^{III} 27:30 Isaías 50:6.

Maabae ichi paru waya j̄b̄id̄ap̄eđa cruzde jirab̄uđe adoesisid̄au.

Jesús cruzde jirab̄up̄eđađa

Marcos 15:21-32; Lucas 23:26-43; Juan 19:17-27

³² Arabena wãsid̄auđe kokoroarãba ēb̄era Simón abadau unusid̄au. Mau Cirene puuruđebena basii. Āchiba mau Simonmaa Jesús cruz adoebisid̄au. ³³ Gólgota abadaumaa neesid̄au. Gólgota jara b̄uu «Dachí Boro B̄ur̄u». ³⁴ Aria āchiba uva b̄aa orekea hiel abadauđaa perãđa Jesusmaa deasid̄au chi pu'ua aribi-abid̄ai baita, maamina do chaap̄eđa k̄riabasii. ^{IV}

³⁵ Maabae kokoroarãba Jesús cruzde jirab̄usid̄au. Mau maad̄akare ne jemenesid̄au Jesús paru kaiba adai kuitađai baita. [Maka wausid̄au Dachí Ak̄ore baita berreabariiba jarađa makamera. Naka jarasii: «M̄ paru āchicha adausid̄au. M̄ paru kakua ne jemenesid̄au kaiba mau adauđai kuitađai baita».]

^{V36} Maabae nuuduu ak̄ paneesid̄au ab̄auba Jesús karibade neerãađamera.

³⁷ Jesús boro ūr̄u cruzde bedea naka jara b̄u nub̄usid̄au kuitaabiđai baita ichi kãare kakua beaduu: «Nau Jesús, judiorã Reyb̄u». ³⁸ Maude nechiru ome Jesús kaita cruzde jirab̄usid̄au, aba jua biare, aba jua sordoare. ³⁹ Chi arare wãaduuba āchi boro b̄uraaduu-ba Jesusmaa naka kachirua jajarabachid̄au: ^{VI}

⁴⁰ —Bichiba Dachí Ak̄ore de mechiu ārip̄eđa ewari obeade waya poyaa wauruub̄rã, j̄biawãra bichi du aba karibase! Bichi Dachí Ak̄ore Warrb̄urã, jãu cruzdebena edaa uruse.

⁴¹ Ara mau k̄ra paare mechiurãba, Moisesba b̄uđa jaradeabadaurãba maude judiorã mechiurãba Jesús atua jajarabachid̄au:

⁴² —Jãuba waabenarã karibasii, maamina ara ichi du aba poyaa karibaw̄ee. Jãu Israeldebena Reyb̄urã, jãu cruzdebena edaa uruub̄urã makarã ijãadaai. ⁴³ Ichiba k̄risia b̄uu Dachí Ak̄ore ichi ome b̄uu. ¿Ichi Dachí Ak̄ore Warr a jaraabaska? Maka b̄uub̄rã Dachí Ak̄oreba ichi biawãra k̄ria b̄uub̄urã, ara mak̄ude karibai b̄uu. ^{VII}

⁴⁴ Maude ēb̄era mia kachirua nuree ichi jãkaa cruzde jirab̄up̄eđađa bida ara mau k̄ra kachirua berreasid̄au.

Jesús cruzde biuđa

Marcos 15:33-41; Lucas 23:44-49; Juan 19:28-30

⁴⁵ Ūmada jip̄adebena ūmada b̄aare baaruuđaa joma p̄ãriu nub̄eesii. ^{VIII46} Āsa ūr̄u obea baaruuđe Jesusba j̄iwa jarasii:

—¿Elí, Elí, lama sabactani?

^{IV} 27:34 Salmos 69:21. ^V Griego bedeađe chi bee kartade bedea corchetede b̄uu wã'ãe. Salmos 22:18. ^{VI} 27:39 Salmos 22:7; 109:25. ^{VII} 27:43 Salmos 22:8. ^{VIII} 27:45 Amós 8:9-10.

Mau arameo beedeade jara b̄uu: «Chacha, Chacha ¿sakāe m̄ ida b̄uisma?»^I

⁴⁷ Mau beeda ūriiduude chi nuree aria duanuuba jarasidau:

—Jāuba Dachī Akōre baita berreabarii Elías iumaa b̄uu.

⁴⁸ Ara makude aba isa pira wāpeđa uva baa orekea modaa b̄uumaa bekeapeđa adoesii. Bakurude jūpeđa Jesusmaa deasii domera.^{II49} Maamina waabenarāba jarasidau:

—Ida b̄ústuru, ichiadaī baita Eliasba karibađe neei kuitaa.

⁵⁰ Maka b̄uude Jesús waya jīwa biapeđa biusii.⁵¹ Ara maude Dachī Akōre de mechiude eđa chi piezade paru eabari jirab̄u ut̄uba eđa eša kōa urusii. Maude ioromia wāsii.^{III} Mauba mo toapekuasii.⁵² Biudarā jau b̄ubadau ewakuasii. Maude Dachī Akōrede ijābadaurā biupeđaada ārea chokae jiradukuasidau.⁵³ Maarā chi chobeadebena wāurisidau. Jesús chokae jiradusiide Dachī Akōre baita b̄uu puuru Jerusalenda wāsidau. Aria ārearāba maarā unusidau.

⁵⁴ Romadebena kokoroarā jaradea ua b̄uabariiba, ichi kokoroarā biđa Jesús nu panasidau abauba aidarādamera. Maamina ioromiaba makaaru unusidau ārea perapeđa jarasidau:

—Biawāra nau mukīra Dachī Akōre Warr basii.

⁵⁵ Maude wērarā āreaba kaitawēeba ichia duanasidau. Maarā wērarā Jesús Galileadebena neesiide ichi aida nibabachidau.⁵⁶ Āchi tēede María Magdalena b̄uasii maude chi abau María. Mau María Santiago maude José nawe basii. Mau Zebedeo wēra basii.

Jesús jau b̄upeđaada

Marcos 15:42-47; Lucas 23:50-56; Juan 19:38-42

⁵⁷ Kiumaa b̄uude mukīra aba barau nii José abadau neesii. Mau José Arimatea puurudebena basii.^{IV} Ichi siđa Jesús baara nibabachii.⁵⁸ Mau Pilatoma wāpeđa Jesús biuđa idisii jau b̄ui baita. Maabae Pilatoba deabisii.⁵⁹ Ara makude Joseba Jesús adoepeda paru torroa b̄uuba b̄ura nub̄usii.⁶⁰ Maabae mo chobe a wīdi korode eđa jau b̄usii. Mau chobe Josede basii. Maabae mo mechiuba chi eđa wābariimare b̄uraa kub̄upeđa wāsii.⁶¹ Jesús jau b̄usidaude María Magdalena maude chi ababena María ak̄u panasidau.

Pilatoba kokoroarāmaa Jesús jau b̄uđa nubiada

⁶² Norema bari panabadau ewari basii. Maude paare mechiurā maude fariseorā araa ābua imidapeđa Pilatoma wāpeđa jarasidau:

I 27:46 Salmos 22:1. II 27:48 Salmos 69:21. III Paru eabari jirab̄u. Éxodo 26:31-33; Hebreos 9:1-15. Ioromia wāsii. Amós 8:8-10. IV Arimatea puuru. Hebreo beedeade mau puuru Ramá maeburā Ramataim tr̄j jarabachidau. 1 Samuel 1:1.

⁶³ —Dai chibari, daiba kīraba panuu jāu ēbēra seta idaa nii wabiđa chokae b̄uasiiide naka jarasii: “M̄ ewari ōbeade chokae jiradui”.⁶⁴ Maudeeba chi jau b̄ubadau ewari ōbeada bi'ia nubiāse ichi baara nibabadaurāba ēsabude needapeđa chi mau adorerādamera. Maka maarāba poyaa jaradaabai puurudebenarāmaa chi mau biu b̄uada chokae jiradusii. Maarāba mau chokae jiradusii aaduuburā, mau setadeeba aude mau puuru bia setaa kūrūa uru panađai.

⁶⁵ Pilatoba āchima jarasii:

—Cha panuu kokoroarā chi jau b̄uđamaa adoepeda bi'ia nubiāsturu.

⁶⁶ Ara makude kokoroarāba chi chobe a mo koraa kub̄usidau maabae mau ūr̄u bestusidau, abauba ewai kuitaadaī baita. Maabae nu paneesidau.

Jesús chokae jiraduđa

Marcos 16:1-8; Lucas 24:1-12; Juan 20:1-10

28 Bari panabadau ewari wāsiiide misa ewari dapeđe ewariruuđe María Magdalena, chi ababena María baara Jesús jau b̄upeđaadamaa ichiade wāsidau.² Maude maka b̄uude ioromia ārea neesii. Dachī Mechiude ángel bajāadebena neepeđa chobe a jūa kub̄uada āyaa b̄uraa kub̄upeđa mau ūr̄u ak̄u beesii.³ Ichi kīedarr bajāa puri chebi wābarii kīra urua b̄uasii. Ichi kakuade j̄ū b̄uu ārea torroa b̄uasii.⁴ Mau wapeba kokoroarā uri kopaneesidau maabae biuđa kīra paneesidau.⁵ Maamina angelba wērarāmaa jarasii:

—Wapearāsturu. M̄uba kuitaa b̄uu machiba Jesús cruzde jirab̄upeđaada j̄ur̄u panuu.⁶ Mau nama wā'āe. Biawāra biudadebena chokae jiradusii ichiba jarada kīra.^V Ichi jau b̄upeđaadamaa ichiade nésturu.⁷ Mau isa wāpeđa ichi baara nibabadaurāmaa naka jarasturu: “Mau biu b̄uada chokae jiradusii. Ichi machi naa wāi Galilea druada. Aria ichi unuđai”. Mau m̄uba machimaa jarade neesii.

⁸⁻⁹ Ara makude wērarā Jesús jau b̄upeđaada chobeadebena pira wāsidau. Wapea panumina ārea kīraj̄u pira wāsidau. Jesús baara nibabadaurāmaa jarade wāduude Jesús neepeđa —Ājāa! asii. Maabae wērarā ichimaa needapeđa j̄ur̄umaa b̄ur̄upeđa ichimaa bi'ia berreasidau.¹⁰ Maka panuude Jesusba jarakuasii:

—Wapearāsturu. Ābarāmaa jarade wāsturu Galilea druada wādamera. Aria āchiba m̄ unuđai.

Kokoroarāba jarapeđaada

¹¹ Wērarā wāaduumisa chi kokoroarā Jesús jau b̄upeđaadamaa nu panađa puurudaa wāsidau. Āchiba unupeđaada joma paare mechiurāmaa neb̄ur̄usidau.¹² Maabae paare mechiurā, judiorā

V 28:6 Mateo 16:21; 17:23; 20:19.

mechiurã baara araa ãbua imidapeda, bedea dead-
apeda kokoroarãmaa chi nejarra ãrea deasidau.

¹³ Deaduude naka jarasidau: «Abauba idii ruuburã, jarásturu machi kã duanuumisa Jesús baara nibabadaurã ãsabude needapeda chi kakua chirua adoesidau. ¹⁴ Pilatoba machi kã duanasii kuitaru-uburã, daiba ichi ome berreadai machi neburade pa-neerãadamera».

¹⁵ Maabae kokoroarãba chi nejarra adaudapeda jarasidau Jesús baara nibapedaãdaba ichi kakua chirua adoesidau. Judiorãba idibaebena biãd maka jarabadau.

Jesusba chi juru adaudarãmaa ichi unubiãdã

Marcos 16:14-18; Lucas 24:36-49; Juan 20:19-23

¹⁶ Mau maadãkare Jesús baara nibabadaurã 11 panuurã Galilea druãdã wãsidau Jesusba jarada ead-

–aa. ¹⁷ Ichi unusidaude ichimaa bi'ia berreasidau maamina waabenarãba ãrea ijãadãbasii. ¹⁸ Maude Jesús ãchi kaita nepeãdã jarasii:

—Dachi Akõreba muumã chi poyaabarii deasii bajãde, maude nau iorode joma poyaa uru buamera. ¹⁹ Maudeeba joma puuru beecha wãdapeda jaradeásturu mu baara wãdamera. Maarã Dachi Akõre trũdeeba, chi Warr trũdeeba, Dachi Akõre Jauri trũdeeba boro eásturu. ²⁰ Maarãmaa jaradeásturu muuba machimaa jarada joma wauãdamera. Maude mu machi baara ewaricha buai nau ewari wã'ãeruudãa.

I 28:18 Daniel 7:13-14.

MARCOS

Nau karta Marcosba b̄s̄sii. Judio Jerusalendebena basii. Chi naweba de Jerusalende uru b̄s̄sii (). Marcos Bernabé ome chi niu basii (). Pablo aidaabachii (). Pabloba maude Bernabeba Jesús ũrubena naa jaradeade w̄s̄idaude Marcos adoesidau (). Hechos kartade «Juan Marcos» tr̄ũ b̄u kub̄uu.

, Pedroba Marcos «m̄u warr» asii. Maudeeba dachiba k̄risia panuu Pedroba Jesús ũrubena neb̄u b̄uada, Marcosba mau nau kartade b̄s̄sii. Roma puurude Pedro ome b̄s̄siide ābarā judiowāerā baita griego bedede b̄s̄sii.

Marcosba naa b̄s̄sii Juanba Jesús boro eada ũrubena () maude j̄ubawāe niiba Jesús kachirude b̄ebii chaada ũrubena (). Mawāare b̄u kub̄uu Jesusba Galilea druađe wau b̄uada ũrubena () maude Galileadebena Jerusalendaa w̄aruude jaradea b̄uada ũrubena (). Eda b̄u kub̄uu Jesusba ēb̄erārāba ne poyaa wauđakau wau b̄uada ũrubena maude Dachí Akōreba ichidirā ichi juade ua b̄uu ũrubena jaradea b̄uada. Kaadeare b̄u kub̄uu Jesús Jerusalende makada ũrubena ().

Nau kartade arakude unubia b̄uu Jesús judiomina waabenarā judiowāerāba bi'ia ijāabachidau ichi Dachí Akōreba Dachí Karibabarii deai jarada (). Jesús nau iujāadaa neebasii chi mechiu bai baita maumaarā ārea bi'iwāe b̄uai baita (). Dachí baita nau k̄risia mechiu b̄s̄sii: «Aba m̄u baara nibai k̄ria b̄uub̄urā, mauba wau k̄ria b̄uu ida b̄upeđa ārea bi'iwāe b̄uai baita b̄uai b̄uu. Maabae m̄u baara wāi b̄uu».

Juan chi Boro Eabarii ũrubena

Mateo 3:1-12; Lucas 3:1-9,15-17; Juan 1:19-28

1 ¹⁻² Nau chi bedea bia Dachí Akōre Warr Jesucristo ũrubena b̄uuruu. Naede Dachí Akōre baita

berreabarii Isaiasba naka b̄s̄sii:

«Chi m̄u baita bedea jarabarii m̄uba bichi naa b̄ui bichi o jaremera. ^I

³ Ēb̄era drua sirua wā'āe b̄uude j̄iwa berrea b̄uu:

“O jarésturu Dachí Mechiu bi'ia irsibidamera.

O ichi baita jipa wirua w̄usturu”». ^{II}

⁴ Ara mau k̄ria Juan chi Boro Eabarii drua sirua wā'āe b̄uude ēb̄erārāmaa jaradea beesii āchi kachirua ida b̄udapeđa Dachí Akōremaa needamera. Ichiba jarasii maka wauduub̄urā Dachí Akōreba āchi kachirua perdonai. Maabae boro eadai panuu abachii. ⁵ Maude ēb̄erārā Jerusalendebenarā maude joma Judea druađenarā Juanmaa w̄abachidau. Āchiba kachirua waupedaada ichi daade jarabachidau. Maabae Juanba āchi Jordán dođe boro eakuabachii.

⁶ Juanba paru camello kara wauđa j̄ubachii. K̄r̄r̄de ānimara e wauđa j̄ubachii. ^{III} Sisi kobachii maude modedebena nidurr k̄uabari b̄aa dobachii. ⁷ Maude naka jaradeabachii: «M̄uare aba neei chi m̄u aude mechiu nii. Maudeeba m̄u sinibarikau kobepeda ichiba j̄urude j̄ubarii poyaa enai b̄uwāe. ⁸ Biawāra m̄uba

^I 1:1-2 Malaquías 3:1. ^{II} 1:3 Isaías 40:3. ^{III} Juan chi Boro Eabarii-ba paru j̄ubachii, chi nab̄era Dachí Akōre baita berreabarii Eliasba j̄ubachii k̄ria.

baniaba machi boro easii maamina ichiba Dachí Akōre Jaurideeba boro eai».

Juanba Jesús boro eada

Mateo 3:13-17; Lucas 3:21-22

⁹ Mau ewaride Jesús Nazaret puurudebena Juan b̄u-umaa w̄s̄ii. Nazaret puuru Galilea druađe b̄uu. Jesús w̄siide Juanba ichi Jordán dođe boro easii. ¹⁰ Jesús doedabena w̄aruude bajāa ewaaruu unusii. Maude Dachí Akōre Jauri paloma k̄ria ichi ũru neeruu unusii.

¹¹ Bajāadebena mimi aba ũrisidau. Naka jarasii: «Bichi m̄u Warr chi m̄uba k̄ria inii. Bichi kakua m̄u ārea k̄raj̄u b̄uu». ^{IV}

J̄ubawāe niiba Jesús kachirude b̄ebii chaada

Mateo 4:1-11; Lucas 4:1-13

¹² Maadakare Dachí Akōre Jauriba Jesús drua sirua wā'āe b̄uudaa w̄bisii. ¹³ Aria Jesús ānimara kachirua nuree t̄ede 40 ewari b̄asii. Satanasba ichi kachirude b̄ebii chaa b̄asii kachirude b̄amera. Maude angelerāba ichi aidaabachidau.

Jesusba jaradea bedea

Mateo 4:12-17; Lucas 4:14-15

¹⁴ Juan chi Boro Eabarii j̄u b̄s̄siide Jesús Galilea druađaa w̄peda chi bedea bia Dachí Akōre ũrubena jaradeabachii. ^{V15} Naka jarabachii: «Ewari neesii. Dachí

^{IV} 1:11 Isaías 42:1. ^V Bedea bia Dachí Akōre ũrubena. Griego bedede chi bee kartade b̄u kub̄uu: Bedea bia Dachí Akōreba ichidirā ichi juade ua b̄uu ũrubena.

Akõreba ichidirã ichi juade ua ßeei. ^I Machiba kachirua waubadau ida buðapeða mau beðea bia ijásturu».

Jesusba beða jidaubadaurã iuða

Mateo 4:18-22; Lucas 5:1-11

¹⁶ Jesús Galilea mar iikaa wãaruude Simón mauðe chi ãba Andrés unusii. Mau ëbërarã beða jidaubadaurã basiideeba, mare ßata nibasiðau. ¹⁷ Maka panuude Jesusba ãchimaa jarasii:

—Mþ baara wãduru. Machiba beða jidaubadau kïra muþba machimaa jaradeai ëbërarã muþmaa eneedamera.

¹⁸ Ara makude ãchi ãtarraya ida buðapeða Jesús baara wãsiðau.

¹⁹ Mau naabe wãaruude Jesusba Santiago mauðe chi ãba Juan unusii. Maarã Zebedeo warrarã basii. Jãbaðe chi ãtarraya kõaða jëukamaa panasidau.

²⁰ Mauðe Jesusba ãchi iusii ichi baara wãdamera. Ara makude Santiago mauðe Juanba ãchi akõre Zebedeo mauðe chi ichi baita trajabadaurã jãbaðe buðapeða, Jesús baara wãsiðau.

Jesusba jai kachirua duabuða

Lucas 4:31-37

²¹ Maarã Capernaum puuruðaa wãsiðau. Maabae bari panabadau ewari bakare Jesús judiorã araa ãbua imibadau deðaa wãpeða Dachì Akõre beðea jaradea beesii. ²² Jaradea buude jomaurãba kuitaa kÿrisi-adaabasii. Chi Moisesba buða jaradeabadaurã kïra jaradeaka basii. Maumaarã ãrea kuitaa buudeeba arakude jaradea buasii. ²³ Aria panuude, mau judiorã araa ãbua imibadau deðe, jai kachirua bara buu ëbëra naka jïwa jarasii:

²⁴ —¡Jesús Nazaretdeben! ¡Dai ida buuse! ¿Dai kenade neeska? ^{II} Muþba kuitaa buu bichi kai: ¡Bichi Dachì Akõreba buida!

²⁵ Jesusba ichimaa naka jarasii:

—¡Chúpea buase! Jáu mukïra kakuðebena awara wãse.

²⁶ Ara makude chi jai kachiruaba chi mukïra wawabipeða, ãrea biapeða awara wãsii. ²⁷ Mauðeeba jomaurãba kuitaa kÿrisiadaabasii. ãchiba chiya iði kopaneesiðau: «¿Nau kãarema? Jesusba jaradea buu chi wiðibþ, ãrea kuitaa arakude jaradeabariideeba. Chi jai kachiruarã biða ichiba jaraaruu ÿri panuu».

²⁸ Mauðeeba joma Galilea druade kã'ãabariwãede Jesús trþ poa kobeessii.

Jesusba Simón Pedro pakõre aribiabiða

Mateo 8:14-17; Lucas 4:38-41

²⁹ Mauðe judiorã araa ãbua imibadau deðebena wãðapeða Simón deðaa wãsiðau Jesús, Santiago mauðe Juan. Simón ãba Andrés siða aria buabachii. ³⁰ Mauðe Jesusmaa jarasiðau Simón pakõre kuamiaba kude buu. ³¹ Mau buumaa wãpeða, juade jidaupeda jiradubisii. Ara makude chi kuamia duusii. Maabae Simón pakõreba ãchimaa kobiasii.

³² Kiusiide ëbërarãba barikiu ëpermo nuree mauðe jai kachirua uru nuree Jesusmaa adoesiðau. ³³ Puu-ruðebenarã joma chi poraamare piçhua orro nubesii.

³⁴ Mauðe Jesusba ëpermo nuree ãrea aribiabiasii mauðe jai kachiruarã ãrea duabuikuasii. Jauri kachiruarãba ichi kuitaa panadaðeeba Jesusba chþpeabi-abachii.

Galileade jaradea nibaða

Lucas 4:42-44

³⁵ Dapedeede Jesús jiradusii. Wabiða pãriu buude ëbëra wã'ãemare Dachì Akõremaa utaa iðide wãsii.

³⁶ Mauðeeba Simonba mauðe ichi ome panuurãba Jesús juru panasidau. ³⁷ Unusiðauðe jarasiðau:

—Jomaurãba bichi juru panuu.

³⁸ Mauðe Jesusba jarasii:

—Waabenarã puururãðaa wãðai muþba aria biða jaradeai buudeeba. Mþ mau kakua neesii.

³⁹ Maka joma Galilea druade nibasii. Judiorã araa ãbua imibadau decha jaradeabachii. Ichi wãaruumaa jai kachirua duabuikabachii.

Jesusba kakua chau nii aribiabiða

Mateo 8:1-4; Lucas 5:12-16

⁴⁰ Maka buude ëbëra kakua chau nii Jesusmaa neesii. ^{III} Mau ëbëra õdarrde kobepeða naka chi chuburia iðisii:

—Bichiba kÿria buuburã, mþ poyaa aribiabii.

⁴¹ Jesusba miichuburi nii unuðeeba ichi jua ÿru kubuuruude jarasii:

—Maka wau kÿria buu. ¡Aribiãse!

⁴² Ara makude chi kakua chau buaða wã'ãesii, mauðe chi ëbëra anisii. ⁴³⁻⁴⁴ Mauðe Jesusba ichimaa kïruðeeba jarasii:

—Bichi chi kakua aniða abaumaa biða jararãse. Mau-maarã judio paaremaa wãse bichi kakua aniða unumera. Maabae Dachì Akõre daade bi'ia ßeei baita Moisesba jarada kïra ne kaebea dease. ^{IV} Maka ëbërarãba kuitaaðai bichi chi kakua biawãra aniða.

^{III} Jesús ewariðe chi lepra saka buasii dachiba kuitaaðawëa panuu. Maamina judiorãmaarã aba Dachì Akõréburu poyaa aribiabii buasii. *Números* 12:9-12; *2 Reyes* 5:7. Mau awara abauba lepra jidauruuburã ãyaa buaðe wãl buasii. *Levítico* 13:45-46. ^{IV} 1:43-44 *Levítico* 14:1-32.

^I 1:15 *Daniel* 2:44. ^{II} ¿Dai kenade neeska? Jesusba ãchi beabai basii, maumaarã ãchi kastikai basii, ewaricha bi'iwãe panadamera.

Maka jarapeda Jesusba ichi wābisii. ⁴⁵ Maamina chi ēbēra Jesusba ichi aribiabiada ūrubena jomaurāmaa neburude wāsii. Maudeeba Jesús aba puurude biada wābabi buasii. Maumaarā awara nibabachii ēbērarā wā'āemare. Maamina ēbērarā puuruchadebena ichi-maa wābachidau.

Jesusba ēbēra bakara buu nii aribiabiada

Mateo 9:1-8; Lucas 5:17-26

2 ¹⁻² Kā'ābariwāede Jesús waya Capernaum puurudaa wāsii. Ichi dede buu kuitaasidaude ēbērarā ārea ichimaa pīchua kobeesii. Maude chi poraareeba eđa wāi siđa wā'āe basii. Maude Jesusba Dachī Akōre bedea jaradea buasii. ³ Maka buude ēbērarā kimare neesidau. Ēbēra bakara buu nii Jesusmaa adoeduu inibasidau. ⁴ Maamina pīchua kubudeeba poyaa Jesusmaa adoedaabasii. Maudeeba de ūrūare chobea uyadapeda chi bakara buu nii chi jira adoebadaude mama eđa buisidau. ⁵ Jesusba unusii āchiba biawāra ijāa panuu chi bakara buu nii poyaa aribiabii buu. Maudeeba Jesusba ichimaa jarasii:

Kūudrāa, bichiba kachirua wauđa mūeba perdonasii.

⁶ Maude Moisesba buada jaradeabadaurā chi nuree aria akū panasidau. Maarāba kūrīsiasidau: ⁷ «¿Nau sakāe jāka berrea buma? ¡Dachi Akōre daade kachirua berrea buu! Aba Dachī Akōrēburu ēbēra kachirua wauđa poyaa perdonabarii!».

⁸ Āchiba maka kūrīsia panuu Jesusba ichi sōde kuitasii. Maudeeba āchimaa jarasii:

«¿Sakāe machi sōde jāka kūrīsia panuma? ⁹ Machi-maarā, ¿chi bakara buu niimaa jarai baita sāu bari au buma: “Bichi kachirua wauđa perdonasii ai maeburā nau ēbēra bakara buu nii jiradubipeda bichi jira adobadau adopeđa nibabii?” ¹⁰ Dachī Akōreba mū, chi Ēbēra Ba Buada busii nau iujāade duanuuba kachirua waubadau perdonabiamera. Mau machimaa unubiai!».

Ara makude chi bakara buu niimaa naka jarasii:

¹¹ —Jiraduse. Chi bichi jira adobadau adaupeda deedaa wāse.

¹² Ara makude chi bakara buu buada jiradupeda ichi jira adobadau adaupeda jomaurā daade wāsii. Maudeeba jomaurāba kuitaa kūrīsiaabasii maude Dachī Akōremaa bi'ia berrea duaneesidau. Naka jarasidau:

—¡Nau kīra dachiba unudaka basii!

Jesusba Leví iuda

Mateo 9:9-13; Lucas 5:27-32

¹³ Mau maadakare Jesús waya Galilea mardaa wāsii. Maude ēbērarā ārea ichimaa wāsidaude. Ichiba maarā-maa jaradeasii. ¹⁴ Wāaruude Jesusba Alfeo warr Leví unusii. Mau Leví Romaдебena chi aude mechiu nii bai-

ta chi nejarra deabadau dede akū buasii. Jesusba ichi-maa jarasii: «Mū ome wāse».

Ara makude Leví jiradupeda Jesús ome wāsii.

¹⁵ Mau maadakare Jesús chi ichi baara nibabadaurā baara Leví dede kode wāsidaude. Ārea chi Romaдебena baita chi nejarra pebadaurā maude kachirua waubadaurā ^I aria akū panasidau, āchi siđa Jesús baara nibabachidaudeeba. ¹⁶ Maka panuude Moisesba buada jaradeabadaurā (maarā siđa fariseorā basma), maarāba Jesús jāarā ēbērarā baara komaa buu unusidau. Maudeeba fariseorāba Jesús baara nibabadaurāmaa idisidau:

—Machi jaradeabarii ¿sakāe Romaдебena baita chi nejarra pebadaurā maude kachirua waubadaurā baara komaa buma?

¹⁷ Mau ūripeda Jesusba jarasii:

—Chi ēpermowāe nureeba ūrrmidia deabarii jūrudakau. Maumaarā chi ēpermo nurēburu jūrubadau. Mū, chi jipa nuree iui baita needawāe, maumaarā chi kachirua waubadaurāturu iui baita nee buu Dachī Akōremaa needamera.

Chiko kodakau ewari ūrubena

Mateo 9:14-17; Lucas 5:33-34

¹⁸ Mau ewaride Juan chi Boro Eabarii baara nibabadaurāba maude fariseorāba chiko kodakau ewari wau panasidau. Maka panuude waabenarā Jesusmaa needapeda idisidau:

—Juan chi Boro Eabarii baara nibabadaurāba maude fariseorāba chiko kodakau ewari waubadau. Maamina bichi baara nibabadaurāba ¿sakāe maka wauđakama?

¹⁹ Jesusba panausii:

—Kāibadau kīrajū ewari wau buude ¿kaiba chiko kodakau ewari wauima? Mau mukīra wabiđa ichiba iudarā baara buumisa chiko kodakau ewari wauđabai. ²⁰ Maamina ewari abade waabena ēbērarāba ichi āyaa adodeai. Mau ewarideburu ichiba iudarāba chiko kodakau ewari wauđai.

²¹ Abau biđa paru wididebena ba'āra tōobai, paru soremaa kaapirui baita. Makaaruuburā, chi paru widi araa chiraduuruuba chi paru sore aude kōai. ²² Maude abau biđa uva baa widi ānimara e wauđa chi sorede tudakau. Maka wauduuburā baaka kobeeruude chi ānimara e wauđa chi sore tojīdrui. Maabae chi uva baa eawāi, maude chi ānimara e wauđa ārii. Maudeeba uva baa widi ānimara e wauđa widi tudai panuu. **II**

^I Kachirua waubadaurā. Maarāba chi fariseorāba jaradeabadau kīra wauđaka basii. ^{II} Mau ūrubena Jesusba kuitaabisii ichi bedea āchi nabēraedebenaba kūrīsia ome jaradeabachidau kīra jaradeaka basii.

Jesús chi bari panabadau ewari chibaribũ

Mateo 12:1-8; Lucas 6:1-5

²³ Bari panabadau ewariẽe Jesús drua trigo uuẽde nibasii. Mauẽe ichi baara nibabadaurãba chi trigo kuma aba ãe kãribasidau chi taa kodai baita. ²⁴ Mauẽe ba fariseorã áchimaa needuuba Jesusmaa jarasidau:

—Ichiãse, bichi baara nibabadaurãba ¿sakãe bari panabadau ewariẽe chi dachiba wauẽakau bũu maka wau panuma?

²⁵ Jesusba áchimaa jarasii:

—¿Dachi Akõre bedea bũdãde eda jarãdawãa panuka? Ewari abãde Davidba mauẽe ichi baara nibabadaurãba kodawãa panasidau. Jarrbisia panasidauẽe ¿kãare wausidama? ^{I26} Abiatar paare mechiu bũasiide David Dachi Akõre dede eda wãpeda, chi Dachi Akõre baita kubuãda pan adausii. ^{II} Mau pan ¿aba paarerãburu kodai panaswãeka? Maamina Davidba kopeda ichi baara nibabadaurãmaa deãakasio.

²⁷ Maabae Jesusba áchimaa jarasii:

—Dachi Akõreba ebẽra waubasii bari panabadau ewari nuãamera maumaarã bari panabadau ewari bũsui ebẽrarã kurrjũruãamera. ²⁸ Mũ, chi Ebẽra Ba Buãda bari panabadau ewari Mechiubũ.

Jesús bari panabadau ewariẽe ebẽra aribiabida

Mateo 12:9-14; Lucas 6:6-11

³ Waya Jesús judiorã araa ábua imibadau dede wãsii. Aria ebẽra jua bũũ nii bũasii. ² Chi nuree waabenarãba Jesús ichia panasidau bari panabadau ewariẽe mau ebẽra aribiabii kuitaa. Aribiabida basirã kachirua jarãdai kũrisia panasidau. ³ Mauẽe Jesusba chi ebẽra jua bũũ niimaa naka jarasii:

—Jiradupeda ãsa ukũ nuãuãde neese.

⁴ Maabae Jesusba áchimaa idisii:

—¿Bari panabadau ewariẽe kãare wauẽai panuma? ¿Chi bia maeburã chi kachirua? ¿Waabenarã karibai maeburã ida biubiaika?

Maamina áchi chũpea paneesidau. ⁵ Mauẽe Jesús jirukarasii sõ chaarea nureẽdeeba. Nomaa kĩru kubũuba áchi ichiãpeda chi jua bũũ niimaa jarasii:

—Jua jiuãase.

Maka jiwaaruẽe ichi jua bi'ia didisii. ⁶ Ara makũde chi fariseorã awara wãsidauẽe, Herodesẽbenarã baara araa ábua imidãpeda, berreasidau saka Jesús beãdai baita.

Galilea mar iikaa duanaãda

⁷ Maabae Jesús ichi baara nibabadaurã ome Galilea marãaa wãsidauẽe, aria Galilea druãdebenarã ãrea ichi baara nibasidau. ^{III8} Jesusba ebẽrarãba ne poyaa

I 2:25 I Samuel 21:1-6. II 2:26 Levítico 24:5-9. III Griego bedẽade chi bee kartãde nau sida bũ kubũu: Judeãdebenarã sida.

wauẽakau wau bũu waabenarã bida ũridãpeda, Judea druãdebenarã, Jerusalén puuruẽdebenarã, Idumea druãdebenarã, Jordán do kĩraabenarã, Tiro druãdebenarã mauẽe Sidón druãdebenarã Jesús bũumaa wãsidau. ⁹⁻¹⁰ Ichiba epermo nuree aribiabidãdeeba ebẽrarãba ichi wauẽayua pĩchua imisidau. Ichi pĩchua uru panarãããamera Jesusba ichi baara nibabadaurãmaa jarasii jãba adoẽãamera.

¹¹ Ebẽra jai kachirua bara nureeba Jesús unuuduũde ichi daãde õdarẽde kopaneẽdãpeda wapeãdeeba jĩwa jarasidau: «¿Bichi Dachi Akõre Warrbũ!»

¹² Maamina Jesusba jai kachiruarãmaa iadaakuabachii ichi ũrubena arakũde jararããamera.

Jesús ebẽrarã 12 jũũ adauãda

Mateo 10:1-4; Lucas 6:12-16

¹³ Mau maãakare Jesús eããaa wãpeda ichiba kũriaruu iukuasii. Chi maarã neesidauẽe, ¹⁴ 12 jũũ adauãda, «ichiba bũidãrã» duanusii, ichi baara nibããamera mauẽe ichi bedea jara nibããamera. ^{IV15} Jesusba áchimaa poyaabarii deãakasio epermo nuree aribiabidãamera mauẽe jai kachirua sida duabũidãamera. ¹⁶ Chi ichiba 12 panuu duanuãda naarãbũ: Simón (Jesusba Pedro trũãda). ^{V17} Zebedeo warr Santiago mauẽe chi ába Juan. Mau omeãebena Jesusba trũ jarasii Boanerges, mau trũ «bã warrarã» jara bũuãdeeba. ¹⁸ Naarã sida duanusii: Andrés, Felipe, Bartolomé, Mateo, Tomás, Alfeo warr Santiago, Tadeo mauẽe Simón Cananeo. ^{VI19} Jesusba Judas Iscariote sida bũisii, chi ichi jidaubida.

Jesús kachirua jarapedaãda

Mateo 12:22-32; Lucas 11:14-23; 12:10

²⁰ Jesús deãda eda neesiide waya ebẽrarã ãrea pĩchuka kobeesidau. Mauba Jesús mauẽe ichi baara nibabadaurã chiko poyaa kodãbasii. ²¹ Jesús ábarãba mau kuitãsidauẽe ichi adoẽdai baita neesidau ichi kĩranema bũu a jarasidauẽdeeba. ²² Maamina Moisesba bũãda jaradeabadaurã Jerusalén puuruẽebena neepedaããaba jarasidau:

—Jãu Jesús jãka bũu, jai kachiruarã karr Beelzebuba wara bũuãdeeba. Ichiba jai kachirua duabũibarii Beelzebuba mau poyaabarii deasiideeba.

²³ Mau ũripeda Jesusba áchi iukuãpeda naka nebũrusii: «¿Saka Satanasba ara ichi duabũiima? ²⁴ Arabau druãdebenarã ara áchi chiya chĩo panaaduuburã waa panaãabai. ²⁵ Mauẽe arabau dede chi ebẽrarã áchi chiya chĩo panaaduuburã ãrea panaãabai. ²⁶ Ara mau kĩa Satanás ara ichi jai kachiruarã ome chĩopeda áchi kakawaa wãaduuburã

IV Ichiba bũidãrã. Griego bedẽade chi bee kartãde mau wã'ãe. V Griego bedẽade chi bee kartãde nau sida bũ kubũu: Naarã 12 panuu adoesii. VI Simón Cananeo. Lucasba naka bũ kubũu: Simón Celote. Lucas 6:15.

waa poyaa panaadaabai. Mau ara mamaadaaburu buai.

²⁷ »Maude ebēra dadarraa nii naa jēwēeburā, ḡsaka ichi dede eda nechiruaḡde wāima? Aba maka jū nubuu-ruuburā poyaa chiruai buu.

²⁸ »Biawāra mēmba machimaa jaraaru: ebērarāba kachirua waubadau maude kachirua berreabadau Dachī Akōreba joma perdonai. ²⁹ Maamina ababa Dachī Akōre Jauri ūrubena kachirua berrearuuburā, Dachī Akōreba mau perdonaabai. Mau ebēra ewaricha neburade buai».

³⁰ Jesusba maka jarasii ichi jai kachirua uru buu apedaadeeba.

Jesús ebērarā ichimaa nepeadaa

Mateo 12:46-50; Marcos 3:21; Lucas 8:19-21

³¹ Maude Jesús ābarā, chi nawe baara neesidau. Maamina awara paneedapeḡa Jesús iubisidau āchimaa awara wāmera. ³² Maabae ebērarā Jesús jākaa akū panaḡaba jarasidau:

—Bichi nawe maude bichi ābarā awara panuu. ^I Maarāba bichi jūrū panuu.

³³ Maamina Jesusba jarasii:

—Machimaarā ḡkai mē nawe maude mē ābarāma?

³⁴ Ichi kaita akū beemaa ichipeḡa jarasii:
—Cha duanuu mē nawe maude mē ābarābū. ³⁵ Chi Dachī Akōreba kūrīa buu waubadaurā mē ābarābū, mē neekaurābū maude mē nawebū.

Ne uu nubuu ūrubena neburuda

Mateo 13:1-9; Lucas 8:4-8

⁴ Waya Jesusba Dachī Akōre beḡea mar iikaa jaradea kobeesii. Maude ebērarā ārea ichimaa pīchuka kobeesii. Maudeeba Jesús jāba marḡde nubuuḡde eda wāpeḡa maabae akū beesii. Ebērarā ibude mar iikaa duaneesidau. ² Maabae Jesusba ne a'awaraa neburū jarasii. Naka jarasii:

³ «jŪristuru! Ebēra aba netaa poḡe wāsii. ⁴ Maka po kāriide chi bee netaa oḡe baesidau. Maabae ibanarā needapeḡa pemikuasidau. ⁵ Chi bee netaa mokara idaaḡde baesidau. Chi ioro nausāa buudeeba mau netaa isa tonosii. ⁶ Maamina pisiaba buusidau chi karr ārea wā'āe buasiideeba. ⁷ Maude chi bee netaa ūri idaa buude baesidau. Aria tonodapeḡa jūkara ūri idaa buuba bura kenasii. Mauba poyaa chaudaabasii.

⁸ Maamina chi waabenarā netaa ioro biade baesidau. Mau tonodapeḡa, waridapeḡa ārea chausidau. Chi nuree netaa abadebena 30 deasii, 70 maeburā 100».

⁹ Maabae Jesusba jarasii: «Chi kūrū bara niiba kauwa ūrise».

^I Griego beḡeade chi bee kartade naka bu kubuu: Bichi neekaurā.

Jesusba ḡsakāe chi neburū jarasma?

Mateo 13:10-17; Lucas 8:9-10

¹⁰ Ebērarā wāsidaude Jesús baara nibabadaurā 12 panuuba maude waabenarā ichi jākaa panuuba idisidau ichiba neburūḡa jaradeada ūrubena. ¹¹ Jesusba panausii: «Dachī Akōreba ichidīrā ichi juade ua buu ūrubena jomaurāmaa kuitaabiawēa bumina machimaa kuitaabia buu. Maamina waabenarāmaa mēmba neburūruuba berrea buu,

¹² "āchiba ichia panumina unurāḡamera, maude ūri panumina kauwa ūrirāḡamera.

Maka nureadaabasirā Dachī Akōremaa needapeḡa āchiba kachirua waubadau perdonai basii" ^{II}».

Jesusba chi mau neburūda ūrubena jaradeada

Mateo 13:18-23; Lucas 8:11-15

¹³ Maude Jesusba āchimaa jarasii: «ḡMachiba chi mau neburūḡa ūridawēka? Makarā ḡsakāe chi waabenarāba mau ūridaima? ¹⁴ Ūristuru. Netaa po-barīi Dachī Akōre beḡea jarabarīi kīra nii. ¹⁵ Netaa oḡe baeda chi Dachī Akōre beḡea ūribadaurā kīra nuree. Mau beḡea ūri panuu, maamina ara makude Satanás mau beḡea āchi sōḡe needa wā'āebibarīi. ¹⁶ Netaa mo idaa buude poḡa nau jara buu: waabenarā ebērarāba Dachī Akōre beḡea ūridapeḡa ārea kīrajū ūribadau. ¹⁷ Maamina ārea chi karr jidaudawēa nureeḡeeba ārea dauchia jāadua panaḡakau. Ewari kachirua baeruude maeburā Dachī Akōre beḡea ijāa panuu kakua ebērarāba kachirua wauduude āchiba ijāa panuu ida bubadau. ¹⁸ Netaa ioro ūri idaa buude poḡa nau jara buu: chi nuree ebērarāba Dachī Akōre beḡea ūribadau. ¹⁹ Maamina nau saka bi'ia panaḡai baita ārea kūrīsia panabadau, ne joma uru panabadau maude ne kaebea maucha ārea kūrīabadau. Joma mauba Dachī Akōre beḡea waa ūribiḡakau maude ne bia waubiḡakau. ²⁰ Maamina netaa ioro biade poḡa nau jara buu: waabenarāba Dachī Akōre beḡea bia ūridapeḡa ijāabadau. Maabae chi nureerāba bi'ia waubadau Dachī Akōre baita, waabenarāba aude bi'ia waubadau maude waabenarāba aude bi'ia ārea waubadau».

Ūdaa koabarīi ūrubena neburūda

Mateo 5:15; Lucas 8:16-18

²¹ Jesusba maucha neburūsii: «Dachiba ūdaa koabarīi eneebadaka ḡcajón ekare mera nubudai baita maeburā kude ekare nubudai baita? Makawāema, ne kaebea ūrū ūrū nububadau. ²² Ara mau kīra ne merada jāadakare mau unui. Chi dachiba kuitaḡawēa

^{II} 4:12 *Isaías* 6:9-10. ^{III} Griego beḡeade naka bu kubuu: Chi nureeba 30 chaubadau, waabenarāba sesenta chaubadau maude waabenarāba 100 chaubadau.

panuu jāadakare Dachī Akōreba mau joma kuitaabiai.
²³ Chi kūrū bara niiba kauwa ūrise».

²⁴ Mau awara Jesusba jarasii: «Mūba jaradea b̄uu kauwa ūristuru. Chi abau bi'iawāe b̄uu a jarabadau kīra, ara mau kīra Dachī Akōreba machi bi'iawāe panuu ai maude machimaa aude kuitaabiai. ²⁵ Abauba biawāra kuitaaruburā, Dachī Akōreba aude kuitaabii. Maamina chi adua niiba ne kuitaa b̄uu kūrīsiaruuburā ichiba kūrīsia b̄uu Dachī Akōreba mau juakaa adauī».

Netaa waribarii ūrubena neburuda

²⁶ Maude Jesusba jarasii:
 —Dachī Akōreba ichidīrā ichi juade ua b̄uu chi iorođe netaa pobarii kīra b̄uu.

²⁷ Ēsabuđe ēbēra kāi nubūumisa maude āyadaa chokae būumisa, chi netaa tonopeđa waribarii. Chi podaba saka waribi b̄uu kuitaakamina, makabarii. ²⁸ Iorođe ara istu chaubarii. Naa tonobarii. Maabae ikupeđa, otopeđa, ārea chaubarii. ²⁹ Maabae chi netaa poa kobeeruude ēbēra nekoba totabarii, chi ewari basiideeba.

Mostaza taa ūrubena neburuda

Mateo 13:31-32,34-35; Lucas 13:18-19

³⁰ Maude Jesusba jarasii: «Dachī Akōreba ichidīrā ichi juade ua b̄uu ūkāare kīra b̄uma? ūKāare neburūruuba mūba kuitaa jaraima? ³¹ Mostaza taa kīra nii. Mau mostaza taa joma dachiba uubadau audeara kaebeara nii. ³² Maamina uūdakare, waabenarā netaa audeara mechia waribarii. Chi bakuru jua mechia wariiruude ibana chi bakuru juade de waubadau».

³³ Maka neburūruuba Jesusba jaradeabachii ēbērarāba poyaa ūridaibia. ³⁴ Neburūruuwāeburā, jaradeaka basii. Maamina ichi baara nibabadaurā āchi du aba panuude joma kuitaa jarabachii.

Jesusba pūaturā maude mar mechiu apiibida

Mateo 8:23-27; Lucas 8:22-25

³⁵ Mau ewarīde kiusiide Jesusba ichi baara nibabadaurāmaa jarasii:

—Mar kīraa wāđa.

³⁶ Ara makude āchiba ēbērarā aria panuu būidapeđa Jesús ara ichi b̄uu jābađe kīraa adoesīdu.

Waabenarā ēbērarā sīda junebena jābađe wāsīdu.

³⁷ Maka mar kīraa wāduude chi pūatu mimichia pūa kobeesii maude mar ūrapeba chi jābamaa mechia wākarādeesii. Maudeeba chi jāba taawāmaa būasii.

³⁸ Maude Jesús chi jāba drude borokaumaa sū kāi nubūasii. Maudeeba ichi baara nibabadaurāba ūru-madapeđa naka jarasīdu:

—Jaradeabarii, ūbichimaarā dachi ūyaba jāri biudai bia b̄uka?

³⁹ Maabae Jesús jiradupeđa pūatu maude do ūrape-maa iadaasii:

—ūChūpease! ūApiise!

Ara makude pūatuwēa diēisii. Joma apii nubeesii.

⁴⁰ Maka būude Jesusba āchimaa jarasii:

—Machi ūsakāe wapea panuma? ūDachī Akōređe wabiđa ijāadawēa panuka?

⁴¹ Maamina Jesusba wauđa kakua āchi ārea wapeasīdu. Maudeeba āchi chiya idi bara beesii:

—ūNau kaima? Pūaturāba maude mar biđa ichi beđe ijāa panuu.

Jesusba jai kachirua ārea duabuikada

Mateo 8:28-34; Lucas 8:26-39

⁵ Maabae mar mechiu kīare basīdu Gerasa drude. ¹² Jesús jābađe ebena edaa wāsīde ara maude ēbēra jai kachirua uru b̄uu ichimaa neesii.

³ Mau ēbēra biudarā jau būbadaumare chobeđe būabachii. Abau biđa ichi ome poyaadaka basii, kaenaba jūduu sīda. ⁴ Bes ārea ichi kaenaba jūru maude jua jūbachidamina abaeđe joma tuikuabachii. Ichi ome abau biđa poyaadaka basii. ⁵ Āyadaa maude ēsabuđe eade nibabachii maude biudarā jau būbadaumare. Ara istu mooba drukuabachii. ⁶ Ichiba kaitawēeba Jesús unusiide pira neesii. Jesús daade odarrede kobeepēđa, ⁷ jīwa jarasii:

—Dachī Mechiu Warr, Jesús, ūsakāe m̄ joe b̄uma? ūMichuburia, Dachī Akōre daade jarase m̄ bi'iwāe beebiibai!

⁸ Maka berreasii Jesusba ichimaa naka jara būasiideeba: «ūJauri kachirua, nau ēbēra kakuade ebena awara wāse!»

⁹ Maabae Jesusba chi jai kachiruamaa idisii:

—ūBichi trū kaima?

Chi jai kachiruaba panausii:

—M̄ trū Legionb̄ II, dai āreadeeba.

¹⁰ Maude chi jai kachiruaba Jesusmaa chi chuburia idisii mau druade ebena duabūirāamera. ¹¹ Mau kaita eakarr jākaa sīnarā ārea komaa panasīdu.

¹² Maudeeba chi jai kachiruarāba Jesusmaa naka chi chuburia idisīdu:

—Dai sina jari duanuu kakuade eda wābiāse.

¹³ Jesusba makabiasii. Mau mukīra kakuade ebena awara wādapeđa sīnarā kakuade eda wāsīdu.

Maabae chi sina pira wāurīdapeđa eakarrdebena doedaa jīchoadapeđa ūyaba jāri kinisīdu. Chi sīnarā beraa 2.000 basii.

¹⁴ Maude chi sina nu panada pira wāsīdu. Āchiba unupeada neburusīdu chi puurudebenarāmaa maude puuru joma aude ara kaita beemaa. Maarāba chi makada ichiide neesīdu. ¹⁵ Jesús būumaa

I Gerasa. Griego bedeađe chi bee kartade naka bu kubuu: Gadara maeburā Gergasa. II Legionb̄. Latín bedeađe mau trū jara b̄uu «6000 kokoroarā».

neesidaude, mau mukīra jai kachiruarā uru buada unusidau. Mau paru jūpeđa akū buu maude kīrabia buu unusidaude, perasidau. ¹⁶ Chi mau unupeđaadaba waabenarāmaa neburusidau chi jai kachirua uru buada maude sinarā ome kāare sāada. ¹⁷ Maudeeba Jesusmaa chi chuburia idisidau āchi druadebena āyaa wāmera.

¹⁸ Jesús jābađe atausiide chi jai kachirua uru buada-ba chi chuburia idisii ichi ome wāi baita. ¹⁹ Maamina Jesusba ida wābiibasii. Maumaarā jarasii:

—Deeđa wāpeđa bichi ēbērarāmaa jarase Dachī Mechiuba bichi ome ne ārea wauđa. Maarāmaa neburuse saka ichiba bichi ārea kīra chuburiasii.

²⁰ Ara makūde chi jai kachirua uru buada wāpeđa joma Decápolis druade neburubachii Jesusba ichi ome ne ārea wauđa. Maudeeba jomaurāba kuitaa kūrīsīadaabasii.

Jesusba wērakau aribiabiđa

Mateo 9:18-26; Lucas 8:40-56

²¹ Jesús waya jābađe mar mechiu kīraa wāsiide ēbērarā ārea ichi buumaa neesidau. Maudeeba Jesús do iikaa beesii. ²² Maka buude ēbēra Jairo abadau neesii. Mau ēbēra judiorā araa ābua imibadau dede chi karr basii. Mau Jesús kaita neepeđa ichi jūrū kaita ōdarrdeeba kobepeđa, ²³ naka chi chuburia idisii:

—Mū kau biumaa buu. Bichi jua ichi ūrū kubude neese aribiamera.

²⁴ Ara makūde Jesús Jairo baara wāsiide ēbērarā ārea āchi kaade wāsidau. Āreadeeba ichi pīchuka uru panasidau. ²⁵ Maude ēbērarā tāede wēra aba 12 año oamia inibasii. ²⁶ Mau wēra ba urremiđia deabadaurāmaa chi nejarra joma deasmina, aribiabasii. Chi nuree urremiđia deabadaurāba ichi ārea bi'iwāe beebisidau, maamina aribiai baade chi oamia aude kāribasii. ²⁷⁻²⁸ Maude Jesús ūrubena berrea panuu ūripēđa ēbērarā tāede Jesús kaadeeba ara kaita wāsii. Naka kūrīsiasii: «Ichi anabari jūbarii wauruubērā, mū aribiaka». Ara makūde Jesús anabari jūbarii wausii. ²⁹ Ara makūde, ichi oamia tū diđisii. Maka kuitaasii ichi ēpermo buada aribiasii. ³⁰ Maamina Jesusba kuitaasii ichi poyadeeba aba aribiasii. Maudeeba waya ichiapeda idisii:

—¿Kaiba mū paru wausma?

³¹ Maude ichi baara nibabadaurāba jarasidau:

—¿Saka bichiba iđi buma kaiba bichi wausii? ¿Bichiba unuwēa buka ēbērarāba dachi pīchua uru panuu?

³² Maka jarasidamina Jesusba joma ađu purra ichiasii ichi wauđa kuitaai baita. ³³ Maka buude wēra aba peraba uri kobeesii Jesusdeeba aribiada kuitaasiideeba. Maabae Jesusmaa neepeđa ichi daade ōdarrdeeba kobepeđa jarasii:

—Mūba biawāra bichi wausii.

³⁴ Maudeeba Jesusba ichimaa jarasii:

—Kau, biawāra ijāasiideeba bichi aribiasii. Jirukaraayuwāe wāse bichi ēpermo buada aribiasiiideeba.

³⁵ Jesús wabiđa berreamaa buude, Jairo dedebena ēbērarā needapeđa maabae Jairomaa jarasidau:

—Bichi kau biusii. ¿Sakāe chi Jaradeabarii ome wabiđa berrea buma?

³⁶ Jesusba maka jaraaduu ūrismina, Jairomaa jarasii: —Wapearāse; mūde ijāase.

³⁷ Maabae Jesusba Pedro, Santiago maude Santiago āba Juan, Jairo deema adoesii. Chi waabenarā ida wābiabasii. ³⁸ Jairo deema needuude Jesusba ēbērarā kīra nomaa jēa duanuu ūrisii. ³⁹ Eđa wāpeđa Jesusba chi kīra nomaa jēa duanumaa jarasii:

—¿Sakāe ārea kīra nomaa jēa panuma? Jāu wērakau biuwēa buu, bari kāi nubuu.

⁴⁰ Maudeeba ēbērarāba ichimaa ichiapeda usidau. Maamina Jesusba jomaurā awara wābiasii. Maabae ichi baara nibabadaurā ōbea, chi wērakau akōre maude chi nawe eđa adoesii chi wērakau biuđa nubuumare. ⁴¹ Wērakau juade jidaupeđa Jesusba jarasii:

—Talita cum. (Mau arameo bedede naka jara buu: “Wērakau, mūba bichimaa jaraaruu: jiraduse”).

⁴² Ara makūde jiradupeđa wākarāadeesii. Mau wērakau 12 año nibasii. Mau unusidaude, ēbērarā kāare kūrīsīada adua duaneesidau. ⁴³ Maamina Jesusba āchimaa ārea jarasii abaumaa biđa jararādamera. Maude jarasii wērakaumaa ne kobidamera.

Jesús Nazaretde buada

Mateo 13:53-58; Lucas 4:16-30

6 Maadakare Jesús ichi puuruđaa wāsii. Ichi baara nibabadaurā siđa wāsidau. ² Bari panabadau ewaride Jesusba judiorā araa ābua imibadau dede Dachī Akōre bedea jaradea kobeesii. Ēbērarāba Jesusba jaradea buu ūrisidaude, kāare kūrīsīada adua basii. Maabae chiya iđi bara beesii:

—Nauba ¿sama kuitaasma jāu jaradea buu? ¿Kaiba jāumaa kūrīsīa kuitaa deasma, jāka ēbērarāba ne poyaa wauđakau poyaa waumera?

³ ¿Nau mukīra bakuruba ne kaebea waubariiwāeka? ¿Nau María wauwāeka? ¿Santiago, José, Judas maude Simón ichi ābarāwāeka? ¿Ichi neekaurā siđa dachi tāede panuwāeka?

Maarāba Jesusde ijāada kūrīadaabasii.

⁴ Maudeeba Jesusba jarasii:

—Dachi Akōre baita berreabarii āibena druade wapeadee nii abadau, maamina ara ichi druadebenarāba maude ichi dedebenarāba wapeadee nii adakau.

⁵ Aria Jesusba ēbērarāba ne poyaa wauđakau poyaa waubasii. Ēbērarā ēpermo nuree ba'āra aribiabasii ichi juaba wausiide. ⁶ Ichi puuruđebenarāba ijāadaabasiideeba Jesusba ārea kūrīsīa beesii.

Jesusba 12 juru adaudarā buikada

Mateo 10:5-15; Lucas 9:1-6

Jesusba puurucha jaradea nibasii. ⁷ Ichiba 12 juru adaudarā ābua iukuasii maabae omeemea buikasii. Āchima poyaabarii deadakasii jai kachiruarā ichi trūdeeba duabukadamera. ⁸ Āchi wāda naede jarasii, wāaduude abau bida ne adoerāadamera. Chiko, ūabisa maude chi nejarra adoedaabai panuu. Duma ababuru adoedaai panuu. ⁹ Machi kotisa jūdaai bəu, maamina paru june adoedaabai bəu. ¹⁰ Mau awara jarasii:

—Machi barikiu puurude needuude abaua machi bi'ia irsibiuruude mau dede panəsturu abə mau puurudebena wāaduudaa.

¹¹ Maamina ēbərārāba machi bi'ia irsibidaaburā, maude machiba jaradeadu ūridai kūriadaaburā, arabena wāsturu. Wāaduude, chi jūrudebena ioro jora neapəsturu, Dachī Akōreba mau kūriawēa bəu unubidaai baita. Mauba kuitaibiai āchiba Dachī Akōre ida bə panuu kakua ichiba kastikai. ^I

¹² Ara makude Jesús baara nibabadaurā wāsidau. Wāaduucha ēbərārāmaa jarabachidau āchi kachirua ida buɔpeda Dachī Akōremaa needamera. ¹³ Mau awara jai kachirua ārea ēbərārā kakuadebena duabukuasidau maude ārea ēpermo nuree olivo draaba puruuduude aribiabiabachidau. ^{II}

Herodesba Jesús ūrubena ūrida

Mateo 14:1-12; Lucas 9:7-9

¹⁴ Herodes Galilea druadebena chi rey basii. ^{III} Mau Herodesba Jesusba wauɔa ūrubena ūrisii, āreaba mau ūrubena berreasidaudeeba. Chi nureeba naka jarabachidau: «Juan chi Boro Eabarii chokae jiradusii. Maudeeba joma ēbərārāba ne poyaa wauɔakau poyaa waubarii». ^{IV}

¹⁵ Chi nureeba jarasidau mau Dachī Akōre baita berreabarii Elías. Waabenarāba jarasidau: «Ichi Dachī Akōre baita berreabarii dachi nabēraedebena ewaride nureada kīra».

¹⁶ Maamina Herodesba maka ūripeda jarasii: «Mau Juanb. Məuba ichi boro buatubisii maamina biudebena chokae jiradusii».

¹⁷⁻¹⁸ Herodesba Juan beabida naka buasii: Herodesba ara ichi āba Felipe wēra adausii. Mau wēra Herodías

^I Griego bedeeɔe chi bee kartade nau sida bə kubuu: Biawāra ara məuba jaraaru: Dachī Akōreba kastikai ewaride Sodoma, Gommorra puuru audeara mau puuru aude kastikai. Génesis 18:16—19:29. ^{II} Jesús baara nibabadaurāba ēpermo nuree olivo draaba puruudaabasii aribiabiɔai baita. Maumaarā maka puruuruude kuitaabisidau Dachī Akōreba ēbərārā aribiabi bəu. Santiago 5:14-15. ^{III} Herodes. Mau Herodes «Antipas» trū basii. Mau ūrubena bə kubuu: Mateo 14:1-10; Lucas 3:19; 9:7-9; 13:31-33; 23:6-12. Antipas akōre «Herodes chi Mechiu» abachidau. Mateo 2:1-23. ^{IV} Griego bedeeɔe chi bee kartade bə kubuu Herodesba maka jarasii.

abachidau. Herodesba ichi āyure adausiideeba Juanba jarabachii: «Moisesba buɔde jara bəu bichi āba wēra adaubai bəu». ^V Maudeeba Herodesba Juan jidaubipeda kaenaba jūbipeda jūbadau dede jūabisii.

¹⁹ Mau awara Herodiasba Juan kīramaa buasii. Ichi beabii kūria buasmina poyaa makaabasii. ²⁰ Herodesba Juan wapea buasii, mau ēbēra jipa nii maude Dachī Akōre baita nii kuitaa buasiideeba. Maudeeba Juan nu uru buasii. Maude Juanba jaradea bəu ūrii kūria buabachimina ārea apiɔdaubachii.

²¹ Kaadaa Herodiasba Juan saka beabii kuitasii. Naka buasii: chi jaradea ua buabarii Herodes chi naweba adauɔa ewari neesiide chiko kobadau ārea waubiasii. Ichidirā chi mechiurā, chi kokoroarā jaradea ua buabadaurā maude Galilea druadebena chi mechiu nuree iukuasii ichi baara koɔamera. ²² Maka komaa panuude Herodías kau eɔa neepeda jomaurā daade baerasii. Mauba Herodes maude ichi baara komaa panuurā ārea kīrajusidau. Herodesba mau āweramaa jarasii:

—Bichiba kūriaruu məumaa idise. Ara makude məuba bichimaa deaima.

²³ Ichiba naka bedea deasii:

—Bichiba məumaa ne barikia idiiruu məuba joma deai. Chi məuba juade uru bəu sida ēsa deai.

²⁴ Herodías kau awara wāpeda ichi nawemaa naka idisii:

—Məuba ɔkāare idiima?

Maude chi naweba panausii:

—Juan chi Boro Eabarii boro idise.

²⁵ Chi kau Herodesmaa waya isa wāpeda naka jarasii:

—Məuba kūria bəu anakude bichiba Juan chi Boro Eabarii boro məumaa paratude deai.

²⁶ Maka idisiide Herodes ārea jirukarasii. Maamina chi ichi baara komaa panuu daade bedea deadaideeba chi āweraba idieɔa kīra wauɔi merai kūriabasii. ²⁷ Ara makude Herodesba kokoroa abə chi jūbadau deɔdaa wābisii Juan boro adoemera. ²⁸ Mau kokoroaba Juan boro tətapeda paratude Herodías kaumaa deasii. Maabae chi kauba chi nawemaa deasii.

²⁹ Juan baara nibapedaadaa mau ūrisidauɔe chi kakua jurude wāɔpeda jau busidau.

Jesusba 5.000 kobiaɔa

Mateo 14:13-21; Lucas 9:10-17; Juan 6:1-4

³⁰ Mau maadakare Jesusba buidarā waya araa ābua imisidauɔe, āchiba waupedaada maude jaradeapedaada joma neburusidau. ³¹ Maka panuude ēbərārā ārea imi nubuuɔdeeba, āchi poyaa koɔaabasii. Maudeeba Jesusba jarasii:

—Wāduru ēbərārā wā'āemaa kurrjīruɔai baita.

^V 6:17-18 Levítico 18:16.

³² Ara makude ächi du aba jãbade wãsidau ebërarã wã'ãmaa. ³³ Maamina äreaba ächi wãduu unusidau. Maude kuitaasidau kairã wãpedaada. Maudeeba puuruchadebenarã ächi naa piradapeda ächi naa neesidau. ³⁴ Jesús jãbadebena edaa wãsiide ebërarã ärea unusii. Oeja nubariiwãe nuree kãra duanuudeeba, Jesusba ächi kãra chuburiasii. Maudeeba ächima ne ärea jaradea kobeesii. ³⁵ Kiumaa buude Jesús baara nibabadaurã ichimaa needapeda jarasidau:

—Nama ara kaita ebërarã wã'ãe. Mau awara kiumaa buu.

³⁶ Ebërarãmaa jarase decha wãdamera maude puurucha chiko nedode wãdamera. ^I

³⁷ Maamina Jesusba jarasii:

—Machiaburu chiko kobiãsturu.

Maude ächiba jarasidau:

—¿Kãare daiba kobiãdaima? ¿Bichiba kãria buka dai-ba joma nau ebërarã baita pan nedode wãdai? Aba año baidia trajai buu mau chi nejarra adai baita.

³⁸ Maude Jesusba idisii:

—¿Dachiba pan säabe uru panuma? Ichiaide wãsturu.

Ara makude wãsidau. Ichiaidapeda ächiba jarade neesidau:

—Pan jua aba maude beda ome uru panuu.

³⁹ Maabae Jesusba jomaurãmaa jarasii siruade a'awaracha aku duaneedamera. ⁴⁰ Ara makude waabenarã 100cha, waabenarã 50cha a'awaraa aku duaneesidau. ⁴¹ Jesusba mau pan jua aba panuu maude beda ome panuu ichi juade adaupeda bajãmaa ichiapeda Dachì Akõremaa bi'ia jarasii. Maabae pan buakuapeda ichi baara nibabadaurãmaa dead-akassii deadakamera. Maude beda sida joma dead-akassidau. ⁴² Maabae jomaurã kodapeda bi jãwaasidau. ⁴³ Chi Jesús baara nibabadaurãba pan uru beeda maude beda uru beeda araa pesidaude 12 jabara waabirubisidau. ⁴⁴ Aria chi kopedaada 5.000 mukãrã basii.

Jesús bania uru nibada

Mateo 14:22-27; Juan 6:16-21

⁴⁵ Mau maadakare Jesusba ichi baara nibabadaurã jãbade wãbiasii ichi naa kãraa wãdapeda Betsaida puurudaa wãdamera. Maude ichi beesii ebërarã ächi deedaa wãbiai baita. ⁴⁶ Joma wãbiapeda eadaa Dachì Akõremaa utaa idide wãsii. ⁴⁷ Kiusiide Jesús baara nibabadaurã jãbade mar kãsa panasidau. Maude Jesús iorode du aba buasii. ⁴⁸ Mamauba unusii chi ichi baara nibabadaurãba dowiidei baita dauchia jãadua panuu, chi pũatu ächi kãramaa pũatu kãriideeba. Ewarimaa ächi kaita bania uru wãyaa tua kãribasii. ⁴⁹⁻⁵⁰ Maude ächiba ichi bania uru nii unusidau. Maamina jaurĩturu

^I Griego bedeade chi bee kartade naka bu kubuu: Kodai baita wã'ãe.

maka nii kãrisiasidau. Maudeeba ärea peradapeda wa-peaba biasidau. Ara makude Jesusba jarasii:

—¡Apĩsturu! ¡Perarãsturu! ¡Muuu!

⁵¹ Jesús jãbade atausiide chi pũatu apiisii. Maudeeba kãare kãrisiidei adua basii. ⁵² Jesusba pan bistĩka buudebena ebërarã äreamaa kobiasmina ächiba wabiida ijãadawãa panasidau. Poyaa kuitaadaabasii.

Jesusba Genesaret druade epermo nuree aribiabiida

Mateo 14:34-36

⁵³ Kãare basidau, Genesaret druade neesidau. Aria chi jãba jũ nubusidau mar iikaa. ⁵⁴ Jãbadebena edaa wãsidau ara maude ariabenarãba Jesús kuitaasidau. ⁵⁵ Maudeeba puurucha pira wãsidau chi epermo nuree Jesusmaa adoedamera. Ebërarãba Jesús sama buu ũriiduude chi epermo nuree chi jira adoebadaude araa adoebachidau. ⁵⁶ Ichi wãaruumaacha ebërarãba epermo nuree adoebachidau. Puuru kaeburãde, puuru beede maude puuru awarade maka waubachidau. Ode nububachidau maude Jesús wãyaa wãaruude, chi chuburia idibachidau ichi anabari jũbarii ide waubiamera. Joma epermo nureeba mau wauduude aribi-abachidau.

Jua jeraabadau urubena

Mateo 15:1-20

⁷ Ewari aba fariseorã, Moisesba buada jarade-abadaurã maude Jerusalén puurudebena Jesusmaa neesidau. ² Mau ebërarãba unusidau waabenarã Jesús baara nibabadaurã chi nuree ächi jua jeraadawãa komaa panuu. Nabëraede jua jeraabachidau kãra wauadawãa panuudeeba ächiba kachirua wau panuu a jarasidau. ^{III} (Fariseorãba maude waabena judiorãba jua bes ärea jeraabadau nabëraede jarade-abachidau kãra. ^{III} Maka jeraadawëeburã kodakau. ⁴ Maude chi nedobuibadaumarebena deedaa needapeda nabëraede jaradeabachidau kãra jeraadawëeburã kodakau. Mau awara ächi basu, choko, paratu koore wauada maude kũda kauwa jeraabadau. ^{IV} Ne ärea kauwa waubadau nabëraedenabena jarade-abachidau kãra). ⁵ Maude fariseorãba maude Moisesba buada jaradeabadaurãba Jesusmaa idisidau:

—¿Bichi baara nibabadaurãba sakãe wauadawãa panuma, dachi nabëraedenenarãba jaradeapedaada kãra? Mau ida buadapeda, jua jeraadawãa kobadau.

⁶ Jesusba panausii:

—Chi Dachì Akõre baita berreabarii Isaiasba machi urubena arakude busii. ¡Setaa ebëra bia nuree abadau! Isaiasba jarasii:

^{II} Ächiba kachirua wau panuu a jarasidau. Griego bedeade chi bee kartade mau wã'ãe. ^{III} Paarerã jeraadai panuu urubena bu kubuu, maamina Jesús ewaride fariseorãba jarabachidau jomaurãba maka wauadai panuu. Levítico 22:4-8. ^{IV} Kũda. Griego bedeade chi bee kartade mau wã'ãe.

Nau puuruðebenarāba m̄maaa bi'ia berreabadau, maamina biawāra āchi sōðeeba m̄ude k̄risiadau.

⁷ M̄ bari k̄riabadau.

M̄ bedea jaradeadau baðamaarā, ēbēra k̄risiaboru jaradeabadau. ^I

⁸ Ara mau k̄ira Dachī Akōreba waubi b̄uu bedea machiba ida b̄ubadau nabērarāba jaradeapeðaaða wauðai baita. ^{II}

⁹ Mau awara Jesusba jarasii:

—Ara machiba waubadauðeeba Dachī Akōreba waubi b̄uu bedea ida b̄ubadau. ¹⁰ Moisesba naka jarasii: “Bichi akōre mauðe bichi nawe wapeadee b̄uase”. ^{III} Nau siða jarasii: “Barikiuba ichi akōre mae-b̄urā ichi nawe kachirua jaraaruub̄urā, mau biui b̄uu”. ^{IV}¹¹ Maamina machiba jaradeabadau ēbēra ababa poyaa jarai chi akōremaa maeb̄urā chi nawemaa: “Joma m̄uba uru b̄uu Dachī Akōremaa deasiideeba m̄uba machi poyaa aiðaaabai”. ^V¹² Maka jaradeabadau chi warrba chi akōre mauðe chi nawe aiðabidaamaaba. ¹³ Maka machi nabēraeðebenarāba jaradeabachidau k̄ira wau panuudeeba Dachī Akōre bedea ida b̄ubadau. Machiba mau k̄ira ne ārea waubadau.

¹⁴ Maabae Jesusba ēbērarā aria panuu joma iukuapeða naka jarasii:

—Jomaurāba m̄ bedea ūristuru kuitaaðamera.

¹⁵ Dachiba kobadauba Dachī Akōre daaðe miadaa b̄ukau. Maumaarā chi sōðebena neeruuba dachi miadaa waubibarii. ¹⁶ Chi k̄ur̄u bara niiba kauwa ūrise. ^{VI}

¹⁷ Maabae Jesusba ēbērarā aria panuu b̄uipeða deeda eða wāsii. Aria ichi baara nibabadaurāba ichiba neb̄ur̄uða ūrubena iðisiðau. ¹⁸ Mauðe Jesusba jarasii:

—¿Machia biða wabiða mau adua panuka? Ūristuru: dachiba kobadauba Dachī Akōre daaðe miadaa b̄ukau, ¹⁹ dachi sōðe eða wāwēa b̄uudeeba. Joma chi ēbēra okarr̄e wāruu, biðe wābarii maabae awara wābarii.

Maka jara b̄uudeeba Jesusba kuitaabisii ne joma kodai bi'ia b̄uu.

²⁰ Maabae jarasii:

—Ēbēra sōðebena neeruuba mau ēbēra kachirua b̄ebibarii Dachī Akōre daaðe. ²¹⁻²² Nak̄ k̄risia kachirua awara wābarii: K̄risia kachirua b̄eeyu, waabenarā ome ne kachirua wauyu, chiruayu, mia beayu, aba miakāiða junebena ome kāi nuðeeyu, joma uru b̄uai k̄riayu, ne kachirua wauyu, waabenarāba uru b̄uu kakua k̄ira kachirua b̄uayu, ab̄au ūrubena miadaa

^I 7:7 *Isaías 29:13*. ^{II} *Griego bedeaðe chi bee kartade nau siða b̄u kub̄uu: Machiba choko mauðe s̄au kauwa jeraabadau. Machiba ne ārea mau k̄ira waubadau*. ^{III} 7:10 *Éxodo 20:12*. ^{IV} 7:10 *Éxodo 21:17*. ^V *Joma m̄uba uru b̄uu Dachī Akōremaa deasiideeba. Griego bedeaðe b̄u kub̄uu: Nau Corbán*. ^{VI} *Griego bedeaðe chi bee kartade mau versículo wā'āe*.

berreayu, waabenarā audeara bi'ia b̄uu k̄risiayu mauðe k̄risia wā'āe b̄ukau wau b̄uayu. ²³ Joma mau kachirua sōðebena neeruuba ēbēra Dachī Akōre daaðe miadaa b̄ubarii.

Jesusba wērakau aribiabida

Mateo 15:21-28

²⁴ Maad̄akare Jesús Tiro druadaa wāpeða aba ēbēra dede beesii. ^{VII} Ichi sama b̄uu ab̄auma a biða kuitaabi k̄riawēa b̄uasii. Maamina kuitaasiðau. ²⁵ Mau druade wēra b̄uasii. Ichi kau jai kachirua bara b̄uasii. Mau wēraba Jesús ūrubena ūrisiide ichi b̄uuma wāpeða ichi j̄ur̄u kaita òdarr̄e kobeesii. ²⁶ Mauðe chi chuburia iðisii Jesusba jai kachirua ichi kau kakuadebena du-ab̄uimera. Maamina chi wēra judiowāe basii. ^{VIII} Sirofenicia druadebena basii. ²⁷ Mauðeeba Jesusba ichi-maa jarasii:

—Warrarā naa ida kobiai b̄uu. Bi'iwāe b̄uu warrarā chiko juakaa adauyu maabae usarāmaa deðakayu.

²⁸ Mauðe chi wēraba panausii:

—Bichiba jara b̄uu biawārab̄u, m̄ Mechiu, maamina warrarāba chiko jurrchoabipeðaaða usarāba mesa ekare kobadau.

²⁹ Mau ūripeða Jesusba jarasii:

—Bichiba maka bi'ia panausiideeba jirukaraayuwāe deeda wāse. Bichi kau kakuade b̄uaða jai kachirua āyaa wāsii.

³⁰ Chi wēra ichi dede neesiide ichi kau k̄uðe jirukaraayuwāe b̄uu unusii. Chi jai kachirua biawāra āyaa wāsii.

Jesusba ēbēra k̄ur̄u kiape nii aribiabida

Mateo 15:29-31

³¹ Jesús Tiro druade b̄uaða waya wāsii. Sidón druare wāpeða Decápolis druadaa Galilea marðaa wāsii.

³² Aria ēbērarāba k̄ur̄u kiape nii Jesusmaa adoesiðau.

Mau ēbēra bosara b̄uasii. Āchiba Jesusmaa chi chuburia iðisiðau ichi jua mau ēbēra ūru kub̄upeða aribiabimera. ³³ Mauðe Jesusba chi k̄ur̄u kiape nii awara adoesii. Maabae ichi jua jimidi chi ēbēra k̄ur̄u chobeacha b̄usii. Maka waupeða ara ichi jua jimidiaba iðubaba purupeða maabae chi ēbēra kērame wausii.

³⁴ Maabae bajāaðaa ichiapeða ūyabapeða arameo bedeaðe jarasii: «¡Éfatá!» Mau bedea jara b̄uu «K̄ur̄u ēesāse».

³⁵ Ara mak̄e chi muk̄ira berrea kobeesii mauðe chi k̄ur̄u ēesāsii. ³⁶ Jesusba āchima jarasii mau ūrubena ab̄auma biða jararāðamera. Maamina aude neb̄ur̄ubachidau. ³⁷ Chi ūripeðaaðarā pera bara beesii maabae chiya berrea bara beesii: «Biawāra b̄uu Jesus-

^{VII} *Tiro. Griego bedeaðe chi bee kartade naka b̄u kub̄uu: Mauðe Sidón*. ^{VIII} *Judiowāe. Griego bedeaðe naka b̄u kub̄uu: Griego*.

ba joma bi'ia waubarii. ¡Kuru kiape bee ũribiabarii maude bosara nuree berreabiabarii!»^I

Jesusba 4.000 ěběrarā kobiaĉa

Mateo 15:32-39

8 Mau ewaride waya ěběrarā Jesusmaa ārea pīchua neesidau. Kodawěa panasidaudeeba Jesusba ichi baara nibabadaurā iukuapeĉa jarasii:

2 —Mũba nau ěběrarā kīra chuburia b̄uu, m̄ baara panuu ewari ōbea baaruudeeba. Āchiba kodai baita uru panaĉa wā'āesii. 3 Mũba āchi deemaa ara jāka b̄uikaaruub̄rā, oĉe jarrbaba wawa dididai, chi nuree kaitawěeba neesidaudeeba.

4 Ichi baara nibabadaurāba idisidau: —Nama ěběra wā'āede Źsamabena jāu ěběrarā baita chi kodai unuĉaima?

5 Maude Jesusba idisii: —ŹMachiba pan sāabe uru panuma?

Āchiba panausidau: —7.

6 Maabae Jesusba ěběrarā joma jeĉa aku b̄ebiasii. Mau 7 pan ichi juade adaupeĉa Dachī Akōremaa ichī-turu kiĉibai apeĉa, maabae chi pan b̄uakuapeĉa ichi baara nibabadaurāmaa deasii deĉakadamera. Maabae deĉakasiĉau. 7 Maude beda āreawāe uru panasidau. Jesusba mau kakua Dachī Akōremaa ichī-turu kiĉibai apeĉa ěběrarāmaa deĉakabiasii. 8 Jomaurāba kodapeĉa b̄i jāwaakuasiĉau. Chi ũru beĉa araa pesidaude 7 jabara mechiu waabirubiasidau. 9 Aria chi kopedaĉa 4.000 basii. Ara makude Jesusba chi ěběrarā wābiasii. 10 Maabae ichi maude chi ichi baara nibabadaurā jābaĉe atauĉapeĉa Dalmanuta druĉaa wāsidau.

Fariseorāba Jesusmaa ne poyaa wauĉakau waubi panaĉa

Mateo 16:1-4; Lucas 12:54-56

11 Mau ewaride fariseorā neĉapeĉa Jesús ome kīru berrea panasidau. Ichi bajāĉebena nee b̄uu kuitaĉai baita ichimaa idisidau ěběrarāba ne poyaa wauĉakau waumera. 12 Āchiba maka waa jara panuudeeba Jesús iĉu ũyabapeĉa jarasii:

—Idibena ěběrarāba Źsakāe ěběrarāba ne poyaa wauĉakau unu kūrīa panuma? Biawāra ara mũba jaraaru: m̄ Dachī Akōredebena nee b̄uu kuitaĉam-era mũba ěběrarāba ne poyaa wauĉakau waubai.

13 Maka jarapeĉa fariseorā b̄uikasii. Jesús maude ichi baara nibabadaurā jābaĉe atausidau waya mar kīraa wāĉai baita.

I 7:37 *Isaías* 35:5-6.

Fariseorā masa ěesāabibarii

Mateo 16:5-12

14 Mau wāaduude Jesús baara nibabadaurāba chiko adoĉai kīrabaĉaabasii. Jābaĉe pan ab̄aburu uru panasidau. 15 Maude Jesusba jarasii:

—Fariseorā masa ěesāabibarii maude Herodesĉe siĉa, kauwa panāsturu.

16 Jesús baara nibabadaurā āchi chiya naka berreasidau:

—Ichiba maka jarasii dachiba pan eneĉaabasiiĉeba.

17 Jesusba kuitaa b̄uasii kāare ũrubena berrea panuu. Maudeeba jarasii:

—ŹSakāe pan wā'āe a panuma? ŹMũba wauĉa machiba unusiĉamina kuitaĉaĉabaska? ŹAbāeĉe poyaa kuitaĉaĉabaska? ŹAduu panuka m̄ kai?

18 ŹMachi dau bara nuremina unuĉakama? ŹKuru bara nuremina ũriĉakama? Mũba wauĉa Źkīrabaĉawěka? 19 Mũba pan jua abāĉebena ěběrarā 5.000 kobiasiiĉe machiba chi ũru beĉa araa pesidaude Źjabara mechiu sāabe waabirubiasidama?

Āchiba panausidau:

—12.

20 Jesusba jarasii:

—Maude mũba 7 panba ěběrarā 4.000 kobiasiiĉe machiba chi ũru beĉa araa pesidaude Źjabara mechiu sāabe waabirubiasidama?

Āchiba panausidau:

—7.

21 Maabae Jesusba āchimaa idisii:

—ŹSakaburu machiba wabiĉa kauwa ũriĉawěma?

Jesusba ěběra dau pāriu nii aribiabidā

22 Betsaida puurude neesidaude waabenarāba ěběra dau pāriu nii Jesusmaa adoĉapeĉa chi chuburia idisidau aribiabimera. 23 Jesusba mau dau pāriu nii jua jidaupeĉa puuru awara adoesii. Maabae chi ěběra daude idusii. Ichi jua ũru kubupeĉa idisii:

Jābae Źba'āra unu b̄uka?

24 Maabae aĉu ichiapeĉa jarasii:

—Mũba ěběrarā bakuru kīra niĉau unu b̄uu.

25 Jesusba waya ichi jua chi ěběra dau ũru kub̄usii. Maude ichi dau aribiasiiĉeba joma ũĉaa unu kobeesii. 26 Jesusba ichimaa naka jarasii:

—Deĉaa wāaruude puuruĉaa wāřāse. Mũba wauĉa abaumaa biĉa jararāse. II

II Mũba wauĉa abaumaa biĉa jararāse. Griego beĉeĉe chi bee kartade mau wā'āe.

Pedroba Jesús ũrubena jarada

Mateo 16:13-20; Lucas 9:18-21

27 Mau maadakare Jesús ichi baara nibabadaurã ome Cesarea-Filipode, puuru kaebeu beeche nibaede wãsidau. Ode nidaude Jesusba ichi baara nibabadaurãmaa idisii:

—Ēbērarāba mɛ ʒkai kŕisia panuma?

28 Āchiba panausidau:

—Chi nureeba jara panuu bichi Juan chi Boro Eabarii. Chi nureeba jara panuu bichi Elías. Waabenarāba jara panuu bichi Dachí Akõre baita berreabarii.

29 Maude Jesusba idisii:

—Maamina machiba mɛ ʒkai kŕisia panuma?

Pedroba panausii:

—Bichi Dachí Akõreba Dachí Karibabarii deai jaradabu. ^I

30 Jesusba āchímaa jarasii mau abāumaa biḁa jararāadamera.

Jesusba ichi beḁai ũrubena jarada

Mateo 16:21-28; Lucas 9:22-27

31 Maadakare Jesusba ichi baara nibabadaurãmaa jara kobeesii ichi ārea bi'iwāe buai buu. Naka jarasii:

—Puurudebena jaradea ua buabadaurāba, paare mechiurāba maude Moisesba buḁa jaradeabadaurāba mɛ, chi Ēbēra Ba Buada, ida buḁapeda beabidai. Maamina mɛ ewari õbeade chokae jiradi.

32 Jesusba mau arakude jarasii. Maudeeba Pedroba ichi awara adoepeda iadaa buu kŕia maka berrearāba asii. 33 Maamina Jesús aḁu purrabaripeda, chi ichi baara nibabadaurãmaa ichiaruude Pedromaa jarasii: «¡Satanás, mɛ jākabena āyaa wāse! Bichiba Dachí Akõre kŕia kŕisiawēa buu. Maumaarā ēbēra kŕia kŕisia buu».

34 Jesusba ichi baara nibabadaurã maude waabenarā iukuapeda jarasii:

«Aba mɛ baara nibai kŕia buuburā, mauba wau kŕia buu ida buḁepeda ārea bi'iwāe buai baita buai buu. ^{II} Maabae mɛ baara wāi buu. 35 Aba ara ichi karibai kŕiaruuburā, mau poyaabai. Maamina aba mɛ kakua biuruuburā maeburā chi beḁea bia mɛ ũrubena jara buu kakua biuruuburā, Dachí Akõre ome ewaricha chokae nibai. 36 Ēbēra nau iujāade ne joma uru buude biuruuburā, ʒichiba uru buuba karibai buka? 37 Biubi-imaaba ichiba uru buudebena ʒsāabe poyaa deaima? 38 Abauba mɛ ũrubena kŕakayaaruuburā maude mɛ beḁeade, mɛ, chi Ēbēra Ba Buada neeruude mau ēbēra kakua kŕakaya buai. Mau ewaride mɛ Chachaba

^I Dachí Akõreba Dachí Karibabarii deai jarada. Mau griego beḁeade naka bu kubuu: Cristo. Mau chi trūwāe. Arameo beḁeade jarabadau «Mesías». ^{II} Ārea bi'iwāe buai baita buai buu. Griego beḁeade naka bu kubuu: Ichi cruz adooi buu.

muumaa poyaabarii deadeeba neei, chi ichi angelerā bi'ia nuree baara».

9 Maude Jesusba jarasii:

—Mumba biawāra jaraaruu: chi nuree nama panuu biḁai naede unudai Dachí Akõre poyaadeeba ichidirā ichi juade ua buu neeruu. ^{III}

Jesús kŕia awara didida

Mateo 17:1-13; Lucas 9:28-36

2 6 ewari baadakare Jesusba Pedro, Santiago maude Juan āchi du aba ea utu nubuuḁaa adoesii. Aria āchi daade Jesús kŕia awara didisii. 3 Ichi paru ārea torroa didisii. Nau iujāadebenarāba mau paru kŕia poyaa torroabidaabai. 4 Maude āchiba unusidau Elías maude Moisés Jesús ome berreamaa panuu. 5 Maudeeba Pedroba Jesusmaa jarasii:

—Jaradeabarii, bi'ia buu dai nama panuu. Daiba de cheke õbea pāebaridai; aba bichi baita, aba Moisés baita maude aba Elías baita.

6 Pedroba adua basii kāare jara buu āchi ārea perasidaudeeba. 7 Maka buude jŕurara āchi ũru neesii. Mau jŕuradebena nau beḁea jŕwa ũrisidau: «Nau mɛ Warrbu. Mumba mau ārea kŕia buu. Mauba jara buu ũristuru».

8 Ara maude āchi aḁu ichiuduude chi waabenarā unudaabasii. Ababuru Jesús āchi ome buasii.

9 Maabae eadebena edaa wāaduu nidaude Jesusba āchímaa ārea jara kobeesii eade unupedaada abau-maa biḁa jararāadamera aba chi Ēbēra Ba Buada chokae jiraduuruḁaa. 10 Mau ara āchi kŕisiade uru paneesidau. Āchi chiya berrea bara beesidau mau «chokae jiradi» ũrubena. 11 Maabae Jesusmaa idisidau:

—Makarā Moisesba buḁa jaradeabadaurāba ʒsakāe jarabadama Elías naa neei buu?

12 Jesusba panausii:

—Biawāra Elías naede neei buu ne joma bi'ia bui baita. Maamina ʒsakāe Dachí Akõre beḁeade bu kubuu chi Ēbēra Ba Buada ārea bi'iwāe buu maude ēbērarāba ida buḁaima?

13 Mumba machimaa jaraaruu jābae Elías neesii. ^{IV} Maamina Dachí Akõre beḁeade bu kubuu kŕia ēbērarāba mau ome āchi kŕia wausidau. ^V

Jesusba warr jai kachirua uru buu aribiabiḁa

Mateo 17:14-21; Lucas 9:37-43

14 Jesús, Pedro, Santiago maude Juan waabenarā Jesús baara nibabadaurã panuumaa neesidau. Maude

^{III} Unudai Dachí Akõre poyaadeeba ichidirā ichi juade ua buu. Arakude kuitaḁawēa panuu kāare unudai. Chi nureemaarā jara buu Jesús kŕia awara nubeei ũrubena unudai. Chi nureemaarā jara buu Jesús chokae jiradi ũrubena, ichi bajāadaa wāi ũrubena maeburā Dachí Akõre Jauri neei ũrubena unudai. ^{IV} 9:13 Mateo 11:14; 17:11-12; Lucas 1:16-17. ^V 9:13 Marcos 6:14-29.

unusidau ārea ēbērarā āchimaa pīchuka imi nuḅuu. Chi nuree Moisesba buda jaradeabadaurā āchi ome kīru berrea duanasidau. ¹⁵ Jesús unusidauḅe jomaurā-ba ārea kuitaa kūrīsīdaabasii. Ara makude ichimaa pira wāḁapeḁa bi'ia irsibisidau. ¹⁶ Jesusba āchimaa idisii:

—¿Sakāe kīru berrea panuma?

¹⁷ Mau pīchuka nee nuḅuudebena abāba panausii:

—Jaradeabarii, mḅ warr adoesii bichiba aribi-abimera. Mau jai kachiruaba uru ḅuu. Mau jai kachiruaba bosara babi uru ḅuu.

¹⁸ Jauri kachiruaba jidauruude bæbibarii, okar-rēbena kōpepeabibarii, kiḁa kurrabibarii maude kakua ḅḅabibarii. Mḅba bichi baara nibabadaurā-maa jarasii mau jai kachirua duabūidamera. Maamina poyaaḁaabasii.

¹⁹ Jesusba jarasii:

—¡Machiba Dachī Akōrede ijāḁakau! Machiba ijāḁamera ¿sakaḁaa mḅ dauchia jādua ḅuaima? Mau warr namaa enēsturu.

²⁰ Ara makude chi warr Jesusmaa adoesidau. Chi jai kachiruaba Jesús unuruude chi warr wawabisii. Chi warr jeḁa bæpeḁa bura wā kōḅesii maude okar-rēḁa kopepea kōḅesii. ²¹ Jesusba chi mau warr akōre-maa idisii:

—¿Sakaḁeḁeḁe jāka ḅuma?

Chi akōreba panausii:

—Kaebe niideḁe jāka ḅuu. ²² Bes ārea ichi tḅḅchi-ade maude doḁa bæbibarii beai baita. Poyaa ḅu-uburā dai kīra chuburiāse maude dai karibase.

²³ Maude Jesusba jarasii:

—Bichiba ¿saka mḅma poyaa karibai ḅuuburā a ḅuma? Ijāa ḅuuburā, mḅba joma poyaa karibai.

²⁴ Ara makude chi akōreba jīwa jarasii:

—Mḅba ijāa ḅuu maamina karibase aude ijāai baita.

²⁵ Jesusba ēbērarā araa pīchuka imiiduu unusiḁeeba chi jai kachirua naka iadaasii:

—Jauri kachirua kurrū kiapēbiparii maude bosara babibarii, mḅba bichimaa jaraaru: nau warr kakuḁebena awara wāse. Waya ichi kakuḁe eḁa wārāse.

²⁶ Ara makude chi jai kachirua biapēḁa waya chi warr ārea wawabisii. Maabae ichi kakuḁebena wāsii maamina chi warr biuḁa kīra bæsii. Maudeeba chi aria panuuba jarasidau:

—¡Ay, jāu warr biusii!

²⁷ Maamina Jesusba chi warr juḁe jidaupēḁa jiradubisii. Maude chi warr ḅkḅ nuḅesii.

²⁸ Jesús deḁḁa wāsiiḁe ichi baara nibabadaurāba āchi chiya idisidau:

—¿Sakāe daiba jāu jai kachirua poyaa duabūidaabas-ma?

²⁹ Jesusba panausii:

—Jauri kachirua nau kīra nuree duabūidai baita Dachī Akōremaa ḅtaa ididai panuu maude chiko koḁakau ewari wauḁai panuu. ^I

Jesusba ichi beḁai ūrubena waya jarāḁa

Mateo 17:22-23; Lucas 9:44-45

³⁰ Arabena wāḁapeḁa, Galilea druḁe nibasidau. Jesusba sama panuu abāumaa biḁa kuitaabii kūrīawēa ḅuasii, ³¹ ichi baara nibabadaurāmāburu jaradeḁakai ḅuudeeba. Maude āchimaa jarasii: «Mḅ, chi Ēbēra Ba Buda ēbērarāmaa jidaubiai. Maarāba mḅ beḁai, maamina ewari ōbeḁe mḅ chokae jiradu».

³² Maamina āchiba Jesusba maka berreḁa kuitaaḁaabasii. Ichimaa ididai wapea panasidau.

¿Kai chi mechiu nima?

Mateo 10:42; Lucas 9:46-50

³³ Maabae Capernaum puuruḁa waya neesidau. Deḁḁa neesiḁe Jesusba idisii:

—¿Sakāe oḁe kīru berrea neesidama?

³⁴ Āchi chūpea paneesidau biawāra kīru berrea panasiḁeeba. Āchi berrea duaneesidau kai chi aude mechiu nii kuitaaḁayua. ³⁵ Maabae Jesús akḅ bæpeḁa ichiba adoeḁa 12 panuu kaita iukuapeḁa jarasii:

—Aba chi mechiu nibai kūrīa ḅuuburā, jomaurā audeara kaebeu nibai. Waabenarā baita bari trajabarii ḅuai.

³⁶ Maudeeba warr adopeḁa āchi ēsa nuḅusii. Maabae ichi juḁe ore adaupēḁa jarasii:

³⁷ —Abauba mḅḁe ijāa ḅuudeeba naarā war-rāḁebena aba bi'ia irsibiuruuburā, mḅ siḁa bi'ia irsibiruu. Chi mḅ bi'ia irsibiuruuba ababuru mḅ irsibiuruuḁe, maumaarā chi mḅ biḁa siḁa bi'ia irsibii. ^{II}

Chi dachi kīramaawēe dachi baara ḅuu

³⁸ Maude Juanba Jesusmaa jarasii:

—Jaradeabarii, daiba unusidau ēbēraba bichi trūḁeeba jai kachirua duabūikua ḅuu. Maamina ichi daiḁi-wāḁeeba daiba jarasidau waa maka waurāamera.

³⁹ Maude Jesusba jarasii:

—Maka waurāsturu. Chi mḅ trūḁeeba ēbērarāba ne poyaa wauḁakau wau ḅuuba mḅ ūrubena poyaa kachirua berreabai. ⁴⁰ Chi dachi kīramaawēe dachi baara ḅuu. ⁴¹ Biawāra ara mḅba jaraaru: machi mḅḁeeba barikiuba machimaa bania deḁḁaaru-uburā, Dachī Akōreba biawāra mau ēbēramaa ne bia deai.

^I Maude chiko koḁakau ewari wauḁai panuu. Griego beḁeḁe chi bee kartaḁe mau wā'āe. ^{II} Mḅḁe ijāa ḅuudeeba. Griego beḁeḁe naka ḅu kubuu: Mḅ trūḁe.

Kaubaa kachirua wauđai

Mateo 18:6-9; Lucas 17:1-2

⁴² »Barikiuba muđe ijāa nuree chi mechiuwāe nureeđebena aba kachiruađe bæbiiruuburā, Dachī Akōreba mau ēbēra ārea kastikai. Mauđeeba bibuara b̄uu mau ēbēra ostade kūruma jūđapeda marde jiratađai. ⁴³⁻⁴⁴ Bichi juaba bichimaa kachirua waubiiruuburā, mau b̄uatutase. Bibuara b̄uu Dachī Akōre ome ewaricha juaswāe nii b̄uai, bichi jua omea inii t̄ub̄uchia aoko kub̄uu kiikaumaa wāi bađamaarā. ⁴⁵⁻⁴⁶ Ara mau kīra bichi j̄ur̄ba bichimaa kachirua waubiiruuburā, mau b̄uatutase. Bibuara b̄uu Dachī Akōre ome ewaricha j̄ur̄swāe nii b̄uai, bichi j̄ur̄ omea inii t̄ub̄uchia aoko kub̄uu kiikaude jiratai bađamaarā.

⁴⁷ Mauđe bichi dauba bichimaa kachirua waubiiruuburā, mau ēetase. Bibuara b̄uu dau berrea nii ewaricha Dachī Akōre juade b̄uai, dau omea inii t̄ub̄uchia aoko kub̄uu kiikaude jiratai bađamaarā.

⁴⁸ Aria kii biudakau baraa mauđe chi aoko nub̄uu siđa kiikau. ^{III}

⁴⁹ Dachī ārea bi'iwāe panuđeeba Dachī Akōre baita bi'ia nureađai. ^{IV}⁵⁰ Biawāra tā ārea bibuara nii, maamina chi kuyaa wā'āeruuburā ėsaka waya chi kuyaa b̄eeima? Mauđeeba Dachī Akōre baita bi'ia nureásturu. ^V Mauđe ābua jirukaraayuwāe nureásturu.

Jesusba kāipedaada amaadaı ũrubena jaradeada

Mateo 19:1-12; Lucas 16:18

10 Maabae Jesús Capernaum puuruđebena Judea druadaa wāsii Jordán do kīraa. Ēbērarā ārea waya ichimaa imisiđauđe ichiba waubarii kīra āchimaa jaradea kobeesii. ² Maka b̄uude waabenarā fariseorā neesiđau. Ichi kachirua berreabiđai baita naka iđisiđau:

—ėMukīraba chi wēra amaai bi'ia b̄uka?

³ Jesusba panausii:

—ėMoisesba kāare b̄usma?

⁴ Chi fariseorāba panausiđau:

—Moisesba mau ida kabisii. Chi mukīraba chi wēra amaai baita karta b̄upeđa maabae wēramaa deapeđa, amaai b̄uu. ^{VI}

⁵ Mauđe Jesusba jarasii:

—Moisesba mau waubi b̄uu beđe b̄usii machi sō chaarea nureeđeeba. ⁶ Maamina nau iujāa wausiide Dachī Akōreba mukīra mauđe wēra wausii.

^{VII} Mauđeeba mukīraba chi akōre mauđe chi nawe

I Griego beđeade chi bee kartade nau siđa b̄u kub̄uu: Aria kii biudakau mauđe chi t̄ub̄uchia kiikau. II Griego beđeade chi bee kartade nau siđa b̄u kub̄uu: Aria kii biudakau mauđe chi t̄ub̄uchia kiikau. III 9:48 Isaías 66:24. IV Mau versículo abaeđe arakude b̄uwāe. Griego beđeade naka b̄u kub̄uu: Jomaurā t̄ub̄u aokoba kuyaa nureađai. V Mauđeeba Dachī Akōre baita bi'ia nureásturu. Mau griego beđeade naka b̄u kub̄uu: Tāswāe nureásturu. VI 10:4 Deuteronomio 24:1-4. VII 10:6 Génesis 1:27; 5:2.

b̄uipeda ichi wēra ome ābua b̄eei. ⁸ Maka kakua aba nii kīra nibađai. ^{VIII} Āchi ome panuu kīrawāe, mau-maarā aba b̄uu kīra nureađai. ⁹ Mauđeeba Dachī Akōreba chi araa ābua b̄uđa ab̄au biđa amaabai.

¹⁰ Maadakare deđeđa āstu panuude, chi Jesús baara nibapedaadaaba waya ara mau ũrubena iđi kopaneesiđau. ¹¹ Mauđe Jesusba panausii:

—Mukīraba ichi wēra amaapeđa junebena wēra ome miakāiruuburā chi nabena wēramaa kachirua wau b̄uu. ¹² Arabauđe wēraba chi kima amaapeđa, junebena mukīra ome miakāiruuburā mau wēraba chi kima ome kachirua wau b̄uu.

Jesusba warrarāmaa bi'ia jarađa

Mateo 19:13-15; Lucas 18:15-17

¹³ Mauđe ēbērarāba warrarā Jesusmaa adoesiđau ichi jua maarā ũru kub̄upeđa bi'ia jaramera. Maamina Jesús baara nibabadaurāba chi mau warrarā adoepeđaadarā iadaasiđau. ¹⁴ Āchiba makapeđaada Jesusba unusiide, kīrupeđa naka jarasii:

—Warrarā m̄umaa ida neebísturu, Dachī Akōreba ichiđirā ichi juade ua b̄uuderā naarā kīra nureeđeeba.

¹⁵ M̄uba biawāra jaraaruu: warr ichi akōre ome nibabarii kīra aba biđa Dachī Akōre ome niwāeburā, mau ēbēra Dachī Akōre juade b̄uabai ichiđirā baara.

¹⁶ Maka jarapeđa Jesusba chi warrarā juade orepeđa ichi jua ũru kub̄usiide bi'ia jarasii.

Chi nejarra barau nii Jesús ome berreada

Mateo 19:16-30; Lucas 18:18-30

¹⁷ Maadakare Jesús wāaruude ēbēra ichimaa pira neesii. Mau ēbēra Jesús daade ođarrde kobepeda iđisii:

—Jaradeabarii bia nii, Dachī Akōre ome ewaricha chokae b̄uai baita ėm̄uba kāare waui b̄uma?

¹⁸ Jesusba panausii:

—ėSakāe m̄umaa bi'ia nii a b̄uma? Mae, aba biđa chi bia nii wā'āe, ab̄aburu Dachī Akōréturu chi bia nii.

¹⁹ Bichiba kuitaa b̄uu Dachī Akōreba waubi b̄uu beđe: mia bearāse, junebena miakāiđa ome kāi beerāse, nechiruarāse, setaa jararāse waabenarā ũrubena, waabenarā setaa kūruarāse, bichi akōre mauđe bichi nawe wapeadee b̄uase.

²⁰ Mauđe ēbēraba jarasii:

—Jaradeabarii, kūudrāeđe m̄uba joma mau wau b̄uu.

²¹ Mauđe Jesusba ēbēra kūriadeeba ichiapeda jarasii:

—Wabiđa bichiba ne aba waui b̄uu. Bichiba uru b̄uu joma nedob̄iide wāpeđa chi nejarr barauwāe nureerā-maa deadakase. Maka bajāeđe ne bia uru b̄uai.

Maabae m̄u baara nibađe neese. ^{IX}

^{VIII} 10:8 Génesis 2:24.

22 Chi ěbĕraba mau ũripeda miamaasii mauĕe kĭra nomaa wāsii ārea chi nejarra barau niideeba.

23 Mauĕe Jesusba aĕu purra ichiapeda ichi baara nibabadaurāma jarasii:

—Biawāra ārea chaarea b̄uu ěbĕra chi nejarra barau nii Dachī Akōre juāĕe b̄uai baita, ichiĕirā baara.

24 Ichi baara nibabadaurāba kuitaa kŭrisiadaabasii. I Mauĕeeba Jesusba waya jarasii:

—Warrarā, biawāra ārea chaarea b̄uu ěbĕra chi nejarra barau nii Dachī Akōre juāĕe b̄uai baita, ichiĕirā baara. 25 Chaarea ārea b̄uu barau nii Dachī Akōreba ichi juāĕe ua b̄uuĕe b̄uayu, camello aĕa ākusa dauĕe wāi baĕamaarā.

26 Ichi baara nibabadaurāba waya kuitaa kŭrisiadaabasii. Mauĕe chiya iĕisiĕau:

—Makarā Dachī Akōreba ųkai karibaima?

27 Jesusba āchi ichiapeda jarasii:

—Ĕbĕraba mau poyaa waukau maamina Dachī Akōre bāitara makawāe. Dachī Akōrebarā poyaa joma wauī.

28 Mauĕe Pedroba Jesusmaa jarasii:

—Daiba joma b̄uisiĕau bichi baara wāĕai baita.

29 Jesusba jarasii:

—M̄uuba biawāra jaraaru: m̄ kakua mauĕe chi beĕea bia m̄ ũr̄ubena kakua ichi de, ābarā, neekaurā, akōre, nawe, kima, warrarā mauĕe chi drua b̄uiru-uburā, 30 ichiba b̄iĕida audeara nau ewariĕe 100 adauī: de, ābarā, neekau, nawe, warrarā mauĕe ichi drua. Ĕbĕrarāba ichi kachirua wauĕai baita wāraĕai maamina kaadebena ewariĕe Dachī Akōre ome ewaricha chokae b̄uai. 31 Maamina chi kaadeare nuree naa panaĕai, mauĕe chi naa nuree kaadeare panaĕai.

Jesusba ichi beaĕai ũr̄ubena waya jaraĕa

Mateo 20:17-19; Lucas 18:31-34

32 Jerusalenda wāsiĕauĕe Jesús āchi naa wāsii. Aria wāduu niĕauĕe chi ichi baara nibabadaurāba kuitaa kŭrisiadaabasii. Joma chi ichi baara wāduurā siĕa wa-pea panasiĕau. Maka panuĕe Jesusba waya ichiba j̄ur̄u adauĕa 12 panuu āyaa adoesii. Maabae ichi sakaĕai ũr̄ubena jarasii:

33 —Ūristuru, dachi Jerusalenda wāduu. Jamarīa ababa m̄, chi Ĕbĕra Ba Buāĕa jidaubii paare mechiurāba mauĕe Moisesba b̄uĕa jaradeabadaurāba jidaumera. M̄ biui b̄uu jaraĕapeda judiowāerāmaa deaĕai. 34 Maarāba m̄ atua jaraĕapeda, m̄m̄maa iĕuĕapeda, soaba peĕapeda beaĕai. Maamina ewari ōbeaĕe m̄ chokae jiradii.

IX Griego beĕeaĕe chi bee kartae nau siĕa b̄u kub̄uu: Bichi cruz adauī. I Kuitaa kŭrisiadaabasii. Chi Jesús baara nibabadaurāba kŭrisia panasiĕau Dachī Akōreba chi nejarra barau nuree aude bia paneebiasii.

Zebedeo warrarāba iĕiĕepedaĕa

Mateo 20:20-28

35 Zebedeo warrarā Santiago mauĕe Juan Jesusmaa neĕĕapeda jarasiĕau:

—Jaradeabarii, daiba kŭria panuu daiba iĕiĕiduu bichi-ba waumera.

36 Jesusba iĕisii:

—ųKāare kŭria panuma m̄uuba machi baita wauī?

37 Āchiba panasiĕau:

—Bichiĕirā bichi juāĕe ua b̄eeruĕe, dai bichi jākaa ak̄ b̄eebiāse, aĕa bichi jua biare, aĕa bichi jua sor-doare. II

38 Mauĕe Jesusba āchima jarasii:

—Machiba adua panuu kāare iĕi panuu. M̄ ārea bi'i-wāe b̄uai. ųMachi siĕa ara mau kĭra ārea bi'i-wāe panaĕai kŭria panuka? III

39 Āchiba panasiĕau:

—Maerā, poyaa bi'i-wāe panaĕai panuu.

Mauĕe Jesusba jarasii:

—Machi siĕa biawāra m̄ kĭra ārea bi'i-wāe panaĕai.

IV40 Maamina m̄uuba poyaa jaraabai kairā m̄ jua biare maeburā jua sordoare ak̄ paneĕdayu. Dachī Akōrĕburu mau jarai.

41 Mauĕe chi Santiagoba mauĕe Juanba iĕiĕiduu waabenarā 10 panuuba ũrisiĕau. Mauĕeeba āchi ome kŭrisiĕau. 42 Mauĕe Jesusba āchi iukuapeda jarasii:

—Machiba kuitaa panuu nau druadebenarā jaradea ua b̄uabadaurāba āchi ěbĕrarā ārea jaradea ua b̄uabadau. Āchiba unubiabadau āchiba jaraaduu jomaaurāba wauĕai panuu. 43 Maamina machi maka nureadaabai panuu. Machiĕbena chi mechiu nibai kŭria b̄uuburā waabenarā baita bari trajabarii b̄uai b̄uu. 44 Chi mechiu nibai kŭria b̄uu jomaaurā audeara kaebeu b̄uai b̄uu. 45 Mauĕeeba m̄, chi Ĕbĕra Ba Buāĕa neewĕa b̄uu ěbĕrarā m̄ baita bari trajabadaurā nureadaamera. Maumaarā nee b̄uu ěbĕrarā baita bari trajabarii b̄uai baita. Maka m̄ biui ārea ěbĕrarā karibai baita.

Jesusba dau pāriu nii aribiabida

Mateo 20:29-34; Lucas 18:35-43

46 Jesús, ichi baara nibabadaurā mauĕe waabenarā ārea panuu Jericó puuruare wāsiĕau. Wāduuĕe ěbĕra dau pāriu nii mau o jākaa chi nejarra iĕi b̄uu ak̄ b̄uasii. Mau ěbĕra Bartimeo basii, Timeo warr. 47 Bartimeoba ũrisii Jesús Nazaretebena wāaru. Mauĕe-ba bia jarasii:

—jJesús, Davidĕbena neĕa, m̄ kĭra chuburiāse!

II Bichiĕirā bichi juāĕe ua b̄eeruĕe. Griego beĕeaĕe naka b̄u kub̄uu: Bichi bi'ia b̄uuĕe. III Griego beĕeaĕe naka b̄u kub̄uu: ųMachi m̄ boro eaĕai kĭra boro eaĕaika? ųM̄uuba doi b̄uu machia biĕa poyaa doĕaika? IV Jesusba jaraĕa kĭra biawāra makasii. He-chos 12:1-3; Apocalipsis 1:9.

48 Maude äreaba ichi chüpeamera iadaasidau maamina ichiba waya aude biasii:
—¡Jesús, Daviddebena needa, m̄ k̄ira chuburiáse!
49 Mau úrisiide Jesús bari nubeepeđa, naka jarasii:
—Jãu iústuru.
Maude chi dau pãriu nii iudapeđa jarasidau:
—K̄irajũse. Jiraduse. Jesusba bichi iu buma.
50 Ara makude Bartimeoba ichiba anabari jũbarii jũ buađa enapeđa isa jiradupeđa Jesusmaa wãsii.
51 Maude Jesusba ichimaa idisii:
—¿Kãare k̄iria buma m̄ũba wau?
Chi dau pãriu niiba jarasii:
—Jaradeabarii, m̄ũba unui k̄iria b̄uu.
52 Maude Jesusba jarasii:
—Wãse. Bichiba ijãasiideeba aribiasii.
Ara makude chi dau pãriu nibađa unu kobeesii.
Maabae Jesús baara ode wãsii.

Jesús Jerusalende needa

Mateo 21:1-11; Lucas 19:28-40; Juan 12:12-19

11 Jerusalende bamaa panuude Betfagé puurude maude Betania puurude neesidau, Olivo ea kaita. Aria Jesusba ichi baara nibabadaurã ome panuu puuruđaa b̄usii.

² Ächimaa naka jarasii: «Chi Dachí k̄iraare puuru kubuumaa wãsturu. Aria baaduude machiba burro cheke unudai. Mau ũrũ wabiđa aba biđa ataudakau. Enadapeđa enésturu. ³ Abauba machimaa sakãe jãka wau panuma a id̄iiruub̄erã jarásturu: “Dachi Mechiuba nau k̄iria b̄uu maamina waya isa urub̄ũii”».

⁴ Ode wãaduu niđauđe burro iikaa de poraa jãkaa jũ nub̄uu unusidau. Maabae enatasidau.

⁵ Chi aria panuuba id̄isidau: «¿Kãare wau panuma? ¿Sakãe jãu burro ena panuma?»

⁶ Jesusba jarada k̄ira panausidauđe chi aria panuuba ida adoebiasidau.

⁷ Maabae chi mura cheke Jesusmaa adoedapeđa ächiba chi anabari jũbadau burro ũrũ kubusidau. Maabáeburu Jerusalén puuruđaa wãi baita Jesús chi burrođe atausii. ⁸ Äreaba Jesús bi'ia irsibiđai baita ächiba chi anabari jũbadau ode t̄õ buikasidau. Waabenarãba bakuru jua maude kiruu modeđe taridapeđa ode buikasidau. ¹⁹ Maka wauduude ichi naa niđauđa maude kađe niđauđa j̄iwa jara kopaneesidau:

¡Área bi'ia nii! ¡Área bi'ia nii chi Dachí Mechiu tr̄ũdeeba neeruu! II

¹⁰ ¡Área bi'ia nii dachi nab̄eraeđebena Daviddebena needa! ¡Ichiđirã ichi juade ua b̄uai!

¡Área bi'ia nii dachi Bajãađebena Akõre!

I Bakuru jua maude kiruu modeđe taridapeđa ode buikasidau. Mau ewariđe maka waubachidau eb̄era mechiu nii bi'ia irsibiđai baita. II Área bi'ia nii. Arameo beđeade b̄ũ kubuu: Hosanna. Salmos 118:25-26.

¹¹ Jesús Jerusalende neesiide Dachí Akõre de mechiu uđaa wãsii. Joma ađu kauwa ichiapeđa, kiuruudeeba ichiba 12 panuu baara Betania puuruđaa waya wãsidau.

Jesusba higo bakuru kachirua jarada

Mateo 21:18-19

¹² Norema Betania puurudebena wãaduude Jesús jarrbisia kobeesii. ¹³ Maude kaitawẽeba higo bakuru kiruu baraa nub̄uu unusii. Wabiđa chi chaubarii ewariwãe basmina, Jesusba ichiade wãsii chi j̄õ bara nub̄uu kuitaa. Araa neeruude bari kirúturu nub̄uu unusii. ^{III}¹⁴ Maude Jesusba chi higomaa jarasii: «¡Abau biđa jãabae bichi j̄õ j̄õdaabai!»

Mau beđe ichi baara nibabadaurãba ũrisidau.

Jesúsba ne barikia nedobuibadaurã duabũikuada

Mateo 21:12-17; Lucas 19:45-48; Juan 2:13-22

¹⁵ Jesús Jerusalende waya neepeđa Dachí Akõre de mechiu uđaa wãsii. Aria ne kaebea nedobadaurã maude nedobuibadaurã unusiide ächi duabũika kobeesii. Aria chi nejarra nedobuibadaurã mesa b̄ee, paloma nedobuibadaurã ak̄ũ paneebadau joma korekuasii. ¹⁶ Dachí Akõre de mechiuđe nekaebearã nedobuidai baita adoeduurã eđa wãđai ida kabiabasii.

¹⁷ Ächimaa naka jaradeasii:

—Dachí Akõre beđeade naka b̄ũ kubuu: “M̄ de, chi ũtaa id̄ibadau de ađai, joma puururã baita”. Maamina machiba “nechiruabadaurã chobea” k̄ira uru panuu. ^{IV}

¹⁸ Mau beđe ũrisidauđe paare mechiurã maude Moisesba b̄ũđa jaradeabadaurãba Jesús wapeasidau ichiba jaradea b̄uu jomaurãba bi'ia ũrisidauđeeba. Maadakare saka beđai j̄rũ kopaneesidau. ¹⁹ Kiuruude Jesús ichi baara nibabadaurã baara Jerusalende ebena wãsidau.

Higo poa nubeeđa

Mateo 21:20-22

²⁰ Norema dapeđe Jesús ichi baara nibabadaurã baara waya Jerusalendaa wãsidau. Wãaduude chi higo bakuru karraeđe poa nub̄uu unusidau. ²¹ Maude Jesusba jarada Pedroba k̄irabasii. Maudeeba jarasii:

—Jaradeabarii, ichiáse. Bichiba kachirua jara b̄ũđaba higo bakuru poa nub̄eesii.

²² Jesusba jarasii:

—Machiba Dachí Akõređe ijãadai panuu.

²³ M̄ũba biawãra jaraaruu: barikiuba cha nau eamaa jãmabena marđaa wãbade aaruub̄erã, ichiba

III *Israel druađe higo j̄õ kaebeu marzode maude abrilde poyaa kođai panuu. Chi ne j̄õ kaebeu unuuduub̄erã kuitaabadau juniođe bistika chauri, maude agostoebena octubreedaa área chauri. Jesusba bari kirúturu nub̄uu unusiideeba kuitasii joma mau añođe chi higo bakuru chaubai. Israel mau higo bakuru k̄ira nii. Oseas 9:10; Miqueas 7:1-2. IV M̄ de, chi ũtaa id̄ibadau de ađai. Isaías 56:7. Nechiruabadaurã chobea. Jeremías 7:11.*

jaraaruu kīra makai. Maamina ichi sōde kūrasiabai ʼuu ichiba jaraaruu makawēe, maumaarā biawāra makai ijāai ʼuu. ²⁴ Maudeeba mʼuuba machimaa jaraaruu: joma machiba Dachī Akōremaa ʼutaa idiiduu biawāra adauđai ijāaduubērā, mau adauđai. ²⁵ Maude machiba Dachī Akōremaa ʼutaa idi panuude barikia ʼēbēra ome kīra kachirua panuubērā, mau ʼēbēra kachirua wauđa perdonásturu. Makaaruubērā machiba kachirua waupeadaađi machi Bajādeebena Akōreba perdonai. ²⁶ Maamina machiba perdonawēebērā waabenarāba machimaa kachirua waupeadaađi makarā machi Bajādeebena Akōre biđa machiba kachirua waubadau perdonabai. ^I

¿Kai trūdeeba Jesusba jaradea ʼuu?

Mateo 21:23-27; Lucas 20:1-8

²⁷ Maabae āchi waya Jerusalende neesidau. Jesús Dachī Akōre de mechiu kaita ʼuumisa, paare mechiurā mauđe Moisesba buđa jaradeabadaurā needapeđa, ²⁸ ichimaa idisidau:

—Bichiba nama wau ʼuu ¿kaiba naka waubi ʼuma?

²⁹ Jesusba panausii:

—Mʼua biđa machimaa idiiruu. Machiba panauduubērā mʼuuba jarai kaiba mʼuuma naka waubi ʼuu.

³⁰ ¿Kaiba Juan buisma boro eamera? ¿Ēbēra maeberā Bajāde ʼuuba? Panásturu.

³¹ Maabae ara āchi chiya berrea bara ʼeesii: «Bajāde ʼuuba buisii aaduubērā, ichiba jaraaruu: “Mau ¿sakāe ijāadaabasma?” ³² Maamina ¿saka jaradaima mau ʼēbērarāba buipeadaađi?»

Chi ʼēbērarā wapea panasidau, Juan biawāra Dachī Akōre baita berreabarii basii a kūrasiabidaudeeba.

³³ Maudeeba Jesusmaa jarasidau:

—Daiba adua panuu.

Mauđe Jesusba jarasii:

—Maka ʼuubērā mʼua biđa machimaa jaraabai kaiba mʼuuma naka waubi ʼuu.

Ne uubadau kachiruarā ʼurubena neburuđa

Mateo 21:33-46; Lucas 20:9-19

12 Mauđe Jesusba neburuuba āchimaa jarasii: —Ēbēra aba ʼuasii. Ewari abauđe mau ʼēbēra-

ba uva uusii maabae mokaraba ađu karaasii. Aria choβea korosii chi uva barasui baita. Mauđe de ʼu wausii mamauba joma ichiai baita. Maabae ichi uva uu nuβuu waabenarā ʼēbērarā juade ʼusii. Maarā ome beđe deasidau chi uva uuđa chauruude sāabe ichimaa deađai panuu. Maka beđe deađapeđa chi chibari āibena druadaa wāsii.

² Maadakare chi uva junabadau ewari neesiide chi chibariba chi bari trajabarii aba buisii chi uu nuβuudebena ichimaa deađai panuu adauđe wāmera.

I Griego beđeade chi bee kartade mau versículo wā'āe.

³ Maamina chi uu nuβuu nu panuuba chi chibari baita bari trajabarii jidaudepeđa sīsida. Maabae jua ara jāka duabūsidau. ⁴ Mau maadakare chibari baita bari trajabarii june aba buisii ichimaa deađai panuu deađamerā. Maamina mau boro kōapetasidau mauđe miadaa jarakuasidau. ¹¹⁵ Mau maadakare june maucha chibari baita bari trajabarii buisii maamina mau beasidau. Mau maadakare june maucha bari trajabadaurā ārea buikasii. Maamina chi nuree sīsida, chi nuree beasidau.

⁶ »Chi chibariba wabiđa aba uru ʼuasii buii baita; mau ichi warr ārea kūrīa inii basii. Kaadaa, “mʼu warr wapeadee panadaı bubaa” a kūrasiapeđa, buisii.

⁷ Maamina chi uva uu nuβuu nubadaurāba chi warr unusidaude āchi chiya jarasidau: “Jāuba chi akōreba uru ʼuu joma adau. ¡Jāu beáduro! Makaburu chi druā dachi baita beeı”. ⁸ Ara makude chi warr jidaudepeđa beasidau. Maabae chi uva uu nuβuudebena awara jiratasidau.

⁹ Machimaarā, chi uu nuβuu chibariba ¿saka wauima? Araa wāpeđa āchi joma kenapeđa ichi uva uu nuβuu waabenarāmaa deai nuđamerā.

¹⁰ Machiba ¿Dachi Akōre Beđe buđa eđa jaradawāe panuka? Naka jara ʼuu:

“Chi mo chi de waubadaurāba ida bupeadaađi, mau chi biara ʼeesii.

¹¹ Dachī Mechiuba maka waudeeba dachimaarā ārea bi'ia ʼuu” ^{III}».

¹² Paare mechiurāba mauđe Moisesba buđa jaradeabadaurāba kuitaasidau Jesusba mau neburu ʼuudeeba āchi ʼurubena berreasii. Mauđeeba Jesús jidau kūrīa panasidau. Maamina Jesús jākaa ʼēbērarā ārea basiideeba jidaubidai wapea panasidau. Maka mau ida apii buđapeđa maabae āyaa wāsida.

Romadebena baita chi nejarra pebadau ʼurubena

Mateo 22:15-22; Lucas 20:20-26

¹³ Mau maadakare fariseorāba mauđe Herodesdebenarā Jesusmaa chi nuree buisidau ichimaa kachirua berreabidai baita. ¹⁴ Needapeđa jarasidau: —Jaradeabarii, daiba kuitaa panuu bichi ʼēbēra jipā nii. Abau biđa bichimaa awara kūrasiabikau, bichiba joma ʼēbērarā arabauđe unubariideeba. Maumaarā biawāra Dachī Akōre o ʼurubena jomaurāmaa jaradeabarii. Maka ʼuubērā daimaa jarase, Romadebena baita chi nejarra paai ʼuu ¿dachi judiorāba paadaı buka? maebērā ¿bi'iwāe buka?

¹⁵ Jesusba āchi ʼēbērarā chi jipā kīra nuree kuitaasiide, naka jarasii:

—Machiba ¿sakāe mʼu kachirua berreabidai kūrīa panuma? Sēetao dachiba paabadau aba unubiásturu.

II Mau boro kōapetasidau mauđe miadaa jarakuasidau. Griego beđeade chi bee kartade naka bu kubuu: Mo bataaduude. III 12:11 Salmos 118:22-23.

16 Ara makude adoesidau. Maude Jesusba idisii:
—¿Kai kiedarrma nau chi seetaode b̄uu? ¿Kai tr̄ũ b̄u
kubuma?

Áchiba panausidau:

—Romadebena chi aude mechiu niide.

17 Maabae Jesusba jarasii:

—Maka b̄uub̄ur̄ã deásturu Romadebena chi aude
mechiu niimaa chi mauba idiiruu, maude ara mau k̄ira
deásturu Dachí Akõremaa chi mauba idiiruu.

Ichi bedeã ùrisidaude, pera bara besii.

Chi biupedaadarã chokae jiradubadau ùrubena

Mateo 22:23-33; Lucas 20:27-40

18 Maka panuude waabenarã saduceorã Jesusmaa
neesidau. Saduceorãba jarabadau biupedaada chokae
jiraduakau. Maudeeba Jesusmaa naka jarasidau:

19 —Jaradeabarii, Moisesba dachi baita b̄asii eb̄era
aba warrwãe b̄uude biuruub̄ur̄ã, ichi ab̄aba chi p̄edrãa
w̄era adau b̄uu chi ab̄a biudã baita warr adau baita.
20 Earaba ab̄arã 7 panasidau. Chi nabena miakãisii,
maamina warr deaw̄eede busii. 21 Maabae chi ab̄a
mawãare b̄uu miakãisii chi p̄edrãa ome. Maamina mau
sida warrwãe b̄uude busii. Arabaude makasidau chi
ab̄arã kaade panuurã ome. 22 Joma mau 7 warrwãe
busidau. Mau maad̄akare chi w̄era sida busii. 23 Mau
7 ab̄arãba arabau w̄era ome miakãisidau. Makarã
chokae jiraduuduude ¿sãu ab̄aba mau w̄era uru
b̄uaima?

24 Maudeeba Jesusba panausii:

—Machiba Dachí Akõre bedeã maude chi poyaabarii
adua panuudeeba bi'ia k̄irisiaadaw̄ea panuu.

25 Úristuru. Biupedaadarã chokae jiraduad̄ai ewaride
kima adauad̄abai maude ab̄au biudã w̄era deadaabai
miakãimera, maumaarã Dachí Akõre angelerã k̄ira
nuread̄ai. 26 ¿Machiba biupedaadarã chokae jiraduad̄ai
ùrubena Moisés kartade edã jaradaw̄ea panuka? Dachí
Akõreba Moisesmaa jarasii: “M̄ Abraham Akõre
Mechiub̄, Isaac Akõre Mechiub̄ maude Jacob Akõre
Mechiub̄”. II²⁷ ;Mau chi biupedaada Akõre Mechi-
uwãe, maumaarã chokae nuree Akõre Mechiub̄!
;Machi ãrea ayaa k̄irisia panuu!

Dachí Akõreba waubi b̄uu bedeã chi aude mechiu b̄uu

Mateo 22:34-40

28 Maka berrea panuude Moisesba b̄uda jarade-
abarii Jesús kaita neesii. Mau jaradeabariiiba ùrisii Je-
susba saduceorãmaa bi'ia panauda. Maudeeba idisii:
—Dachí Akõreba waubi b̄uu bedeã jomadebena ¿sãu
chi aude mechiu b̄uma?

29 Jesusba panausii:

—Dachí Akõreba waubi b̄uu bedeã ùrubena chi aude
mechiu b̄uu naub̄: “Úristuru, israeldebenarã. Dachí

I 12:19 Deuteronomio 25:5. II 12:26 Éxodo 3:2-6.

Mechiu ab̄aburu nii. 30 Joma bichi s̄odeeba, joma bichi
jaurideeba, joma bichi k̄irisiaadeeba maude joma bichi
poyaadeeba bichi Akõre Mechiu k̄iriãe”. Dachí Akõre-
ba waubi b̄uu bedeãdebena mau chi aude mechiu
b̄uu.

31 Maude chi mawãare b̄uu naub̄: “Waabenarã
k̄iriãe ara bichi k̄iria b̄uu k̄ira”. III Mau omedebena
audeara chi mechiu wã'ãe.

32 Maude Moisesba b̄uda jaradeabariiiba jarasii:

—Bi'ia b̄uu, Jaradeabarii, bichiba jara b̄uu k̄ira Dachí
Akõre ab̄aburu nii, ichi aude june wã'ãe. 33 Dachiba bi-
awãra joma dachi s̄odeeba, joma dachi k̄irisiaadeeba,
joma dachi jaurideeba, joma dachi akõre mechiudeeba
Dachí Akõre k̄iriad̄ai panuu. Maude ab̄au ara dachi
k̄iria b̄uu k̄ira k̄iriad̄ai panuu. Mau ãrea ãnimara
Dachí Akõremaa baa deai badamaarã aude bi'ia b̄uu.

34 Moisesba b̄uda jaradeabariiiba mau k̄irisia
kuitaadeeba jarasideeba Jesusba jarasii:

—Bichi Dachí Akõreba ichid̄irã ichi juade ua panuu
kaita b̄uu.

Makaedebena ab̄auba Jesusmaa waya idid̄ai k̄iri-
ad̄abasii.

Dachí Akõreba Dachí Karibabarii deai jarada ¿kai war- rma?

Mateo 22:41-46; Lucas 20:41-44

35 Jesusba Dachí Akõre de mechiu duã jaradea
b̄uasiide eb̄erarãmaa naka idisii:

—Judiorã Moisesba b̄uda jaradeabadauba ¿sakãe
jara panuu Dachí Akõreba Dachí Karibabarii deai
jarada David warr? 36 Ara mau Davidba Dachí Akõre
Jaurideeba naka jarasii:

Dachí Mechiuba m̄ mechiu niimaa jarasii: m̄ jua
biare ak̄ b̄eese ab̄a bichi k̄iramaarã m̄b̄ba joma bichi
juade b̄uruud̄aa. IV

37 Dachí Akõreba Dachí Karibabarii deai jarada David-
ba mau m̄ Mechiu aaruub̄ur̄ã, ¿saka David warr
baima?

Jesusba maka jaradea b̄uu eb̄erarã ãreaba k̄iraj̄m̄ ùri
duanasidau.

Jesusba fariseorã ùrubena kachirua jarada

Mateo 23:1-36; Lucas 11:37-54

38 Jesusba wabida jaradea b̄uude naka jarasii: «Moi-
sesba b̄uda jaradeabadaurãde kauwa panásturu. Áchi-
ba paru chi nejarra ãrea id̄ibadau j̄ed̄ai k̄uriabadau.
Maude puuruude nid̄aude eb̄erarãba wapeadee panu-
udeeba saka b̄uma ad̄ayu k̄uriabadau. 39 Dachí judiorã
araa ab̄ua imibadau dede áchi jomaurã k̄iraare ak̄ pa-
neebadau, jaradea ua b̄uabadau mechiurã ak̄ panee-
badaumare; maude waabenarã baara kode wãaduude
ara maka waubadau. 40 Maarãba p̄edrãrã ne kaebea

III 12:31 Levítico 19:18. IV 12:36 Salmos 110:1.

juakaa adaubadau maude utaa ārea idibadau ēbērarā-ba machi bi'ia ichiadamera. Maudeeba Dachī Akōreba āchi aude kastikai».

Pēdrāa chi nejarr barauwāe niiba sēetao deada

Lucas 21:1-4

⁴¹ Jesús sīu buasii Dachī Akōre de mechiude chi nejarr pebadau kaita. Mau unusii ēbērarāba sēetao eđa buikamaa panuu. Chi nejarr barau nureerāba ārea buikabachidau. ⁴² Maude pēdrāa chi nejarr barauwāe nii nepeđa sēetao ome kaebeu kubusii. ⁴³ Jesusba ichi baara nibabadaurāmaa jarasii:

—Mūba biawāra machimaa jaraaru: jāu pēdrāa chi nejarr barauwāe niiba jomaurāba deapedaada au-deara deasii. ⁴⁴ Āchiba chi ūru beđa deasidau, maamina nau wēra chi nejarr barauwāe niiba koi baita uru buada joma deasii.

Dachi Akōre de mechiu āridai ūrubena Jesusba jarada

Mateo 10:16-25; 24:1-28; Lucas 17:22-24; 21:5-24

13 Jesús Dachī Akōre de mechiudebena wāsiide ichi baara nibabadaurādebena ababa jarasii:

—Jaradeabarii, jichīāse nau mo mechia panuu maude nau de mipitaa kobee!

² Maude Jesusba jarasii:

—Biawāra, naarā de mechia kobee. Nau mo kapedaada joma āridai.

³ Maabae Olivo eadaa wāsidau, Dachī Akōre de mechiu kīraare. Jesús aria akū buasiide Pedroba, Santiagoba, Juanba maude Andresba āchi du aba ichimaa idisidau:

⁴ —Daimaa jarase: ¿mau sakaede makaima? ¿Kāaredeeba kuitaadaima mau ewari ūru ba buu?

⁵ Maude Jesusba jarasii:

—Kauwa nureásturu abau biđa setaa kūruarādamera. ⁶ Āreaba jarada: “Mū Dachī Akōreba Dachī Karibabarii deai jarada”. Maka ēbērarā ārea setaa kūrūadai.

⁷ Puuru aba abau puuru ome chīobika nubuu ūriiduude maude makadai ūrubena ūriiduude, wapearāsturu. Mau joma makai buu. Maamina nau ewari wabiđa neebai. ⁸ Drua aba abau drua ome chīobika nubuai. Maude rey aba abau rey ome chīobika nubuai. Ioromia druacha baraa maude jarrba baraa. Maamina mau joma chi naa ārea bi'iwāe panadai, wēra warr adauruude chi naa pira kobeebarii kīra.

⁹ »Kauwa nureásturu. Machi chi jaradea ua buabadaurāmaa jidau eneedapeda judiorā araa ābua imibadau dede soaba pedai. Mūde ijāa panuu kakua āchiba machi chi jaradea ua buabadaurā maude chi reyrā daade adoedai. Maude machiba mū ūrubena āchi daade berreadai. ¹⁰ Maamina nau ewari neei naede chi beđa bia mū ūrubena joma puurucha jaradai panuu. ¹¹ Ēbērarāba machi jidau adoeduude

jirukaraarāsturu saka berreadai. Mau ūrubena kūrīsiarāsturu. Ababuru jarāsturu Dachī Akōreba jara-biaruu. Ara machi kūrīsiadeeba berreadaabei, mau-maarā machi kakua Dachī Akōre Jauri berrei.

¹² »Chi ābaba ara ichi āba beabii. Chi akōreba ara ichi warr beabii. Maude chi warrarā āchi akōrerā ome kīrudapeda beadai. ¹³ Mūde ijāa panuu kakua jomaurāba machi kīramaadai. Maamina chi kaadearebena ewarīdaa dauchia jāadua mūde ijāa panuuburā, Dachī Akōreba mau karibai ichi baara chokae nuread-amera.

¹⁴ »Chi kachirua Dachī Akōreba kūrīakau ichi buabai buumare machiba mau unuuduude Judea druade nuree eadaa miru wādai panuu. ¹ (Chi karta eđa jara buuba kāare jara buu kuitaai buu). ¹⁵ Maude ēbēra ichi de ūru buu ichi dede eđa neebai buu chi ne kae-bea pe adooi baita. ¹⁶ Chi uu nubūde buuba chi anabari jūbarii adaude wāabai buu. ¹⁷ Mau ewarīde mi-ichuburi chi wērarā warr bara nuree maude warr ju dawa nuree. ¹⁸ Dachī Akōremaa utaa idīsturu kui che ewarīde makabiamaa. ¹⁹ Mau ewarīde ēbērarā ārea bi'iwāe panadai. Dachī Akōreba nau iujāa wasi-ideebena ēbērarā mau kīra ārea bi'iwāe panadaabasii maude nau maadakare mau kīra bi'iwāe panadaabai. ²⁰ Dachī Mechiuba chi mau ewari ba'āra budawāe basirā, ēbēra aba biđa chokae panadaabai basii. Maamina ichiba mau ewari ba'āra busii ichiba juru adauarā kūrīa buabariideeba.

²¹ »Maudeeba abaua machimaa jaraaruuburā, “Ichiásturu, Dachī Akōreba Dachī Karibabarii deai jarada nama buu”, mau ijāarāsturu. Maude “Ichiásturu, chawa buu” aaruuburā mau ijāarāsturu. ²² Mau ewarīde setaa jaradai āchi Dachī Akōreba Dachī Karibabarii deai jarada. Maude waabenarāba setadeeba jaradai āchi Dachī Akōre baita berreadaurā. Maarā-ba ēbērarāba ne poyaa wauadaku mechiu wauadai ēbērarā setaa kūrūadai baita. Dachī Akōreba juru adauarā siđa poyaa setaa kūrūapedaada basirā, āchi siđa setaa kūrūadai basii.

²³ Kauwa nureásturu. Joma mūba machimaa jarasii makai naede.

¹ Chi kachirua Dachī Akōreba kūrīakau. Griego bedede chi bee kartade nau siđa bu kubuu: Dachī Akōre baita berreabarii Danielba jarada. Daniel 9:27; 11:31; 12:11. Griego Antioco Epipaneba Dachī Akōre de mechiu miadaa busii 168 años Jesús chi naweba adai naede. Maamina Jesusba jarasii mau Antiocoba waua kīra waya makai. Waabenarāmaarā Jesusba jarada biawāra makasii romađebe-narāba Jerusalén puuru maude Dachī Akōre de mechiu año 70de joma ārisidau. Waabenarāmaarā jara buu chi ēbēra kachirua niiba maka wai. 2 Tesalonicenses 2:3-10. Maude waabenarāmaarā Jesusba jarada kaadeare ewarīde makai.

Chi Ēbēra Ba Buada neei ūrubena

Mateo 24:29-44; Lucas 21:25-36

24 »Ēbērarā ārea bi'iwāe panapedaadaakare umada pāriui. Jedako sida pāriui. 25 Pusterrearā bajāadebena baedai. Joma bajāade bee uridai.

26 »Mau ewaride m̄, chi Ēbēra Ba Buada jūr̄arade poyaabarii baraa neeruu maude kīrawārea baraa neeruu unudai. 127 Maude m̄uba angelerā drua bēecha wābiai Dachī Akōreba j̄r̄ adauḏarā araa ābua imibiadamera.

28 »Higo bakuru makada ūrubena kuitāsturu. Chi bakuru jua tuku nubeepeḏa kiruu baraabarii. Maudeeba jomaurāba kuitaa panuu iu bia ewari kā'ābari-wāede neei. 29 Ara mau kīra m̄uba jarada unuuduude kuitāsturu m̄ neei ewari ūr̄ bamaa b̄uu, poraade iu b̄uu kīra. 30 M̄uba machimaa biawāra jaraaruu: nau ūraudebena ēbērarā biudai naede mau joma makai. 31 Bajāa maude iujāa waa buabai, maamina m̄ beḏea biawāra ewaricha b̄uai.

32 »Maamina abau biḏa mau ewari sakaede makai adua panuu. Chi angelerā biḏa mau adua panuu. M̄, chi Ēbēra Ba Buada biḏa adua b̄uu. Ababuru m̄ Chacháburu mau kuitaa b̄uu.

33 »jKauwa nureásturu! jDau kuitaa nureásturu! II Machiba chi ewari sakaede neei adua panuu. 34 Mau ewari neeruu nau kīra b̄uu: ēbēra waabena druadaa wāaruude chi ichi baita bari trajabadaurā buibarii ichi de nudamera. Āchicha ne wauḏamera bubarii. Chi poraa nubariimaa jarabarii kauwa nu buamera. 35 Ara mau kīra machia biḏa adua panuu machi De Chibari sakaede waya neei: kiuruude, ēsabuḏe, eterr biruuruude maeburā dapeḏe. Maudeeba dau kuitaa nureásturu, 36 etiude m̄ neeruuude machi kāi panuu unurāamera. 37 Chi m̄uba machimaa jara b̄uu jomaurāmaa jara b̄uu: dau kuitaa nureásturu.

Jesús beḏai baita kūr̄isia j̄r̄ panada

Mateo 26:1-5; Lucas 22:1-2; Juan 11:45-53

14 Ewari ome baaruude judiorāba Pascua III ewari wauḏai basii. Mau bari panabadau ewaride pan ēesāabibariiwāe b̄uu kobadau. Paare mechiurāba maude Moisesba buḏa jaradeabadaurāba j̄r̄ubachiḏau Jesús setaa saka kūr̄aaḏai. Maka jidaudai basii maude beabiḏai basii. 2 Maamina chi nureerāba

I 13:26 Daniel 7:13-14. II jKauwa nureásturu! jDau kuitaa nureásturu! Griego beḏeade chi bee kartade b̄u kubuu: Utaa idii nureásturu. III Pascua. Egiptodebena wāḏai naede, judiorāba decha oeja aba beasiḏau maabae chi oa āchi de poraa wātoma pu-rusiḏau. Maka wausiḏau Dachī Akōreba Egiptobidārā kastikai ewaride biurāadamera. Jāabae Jesusba jara b̄uu ichi oeja ara ichi oa cruzde eabari wāaru kīra nii. Maka wausii, Dachī Akōremaa ichide ijāabadaurā nau iujāa jomadebena kastikarāadamera. Éxodo 12:1-27.

jarasiḏau: «Bari panabadau ewaride jidaudaabai ēbērarā kīrubidaabayua».

Mariaba Jesús boro ūr̄ kera ea buida

Mateo 26:6-13; Juan 12:1-8

3 Mau ewaride Jesús Betania puuruḏe Simón kakua chau nii abadau deḏe buasii. Ko ak̄ b̄uuḏe wēra ichi-maa neesii. Mau wēraba b̄otia alabastro mo wauḏa eneesii. B̄otia nardo keraara waabiru buasii. Mau nar-do kera ārea idi b̄uu buasii. Maude wēraba chi b̄otia osta buapeḏa kera chi Jesús boro ūr̄ easii. 4 Chi nuree aria panada kīrusiḏau maabae āchi chiya berrea bara beesii:

—¿Sakāe jāu kera jāka ārisma? asiḏau. 5 Nedobuḏa basirā chi nejarra ārea IV adauḏai basii. Mauba chi nejarr barauwāe nuree aiḏaḏai basii.

Maudeeba mau wēra iadaasiḏau. 6 Maamina Jesusba āchimaa jarasii:

—Ida b̄usturu. ¿Sakāe kachirua jara panuma? Jāu wēraba wauḏa bi'ia b̄uu. 7 Chi nejarr barauwāe kiḏuree ewaricha machi tāede panada; machiba kūr̄iadiuburā āchi poyaa aiḏaḏai panuu. Maamina m̄ machi baara ewaricha buabai. 8 Nau wēraba arakude wausii. Kā'ābariwāede m̄ biudakare jau buḏai. Maudeeba nau wēraba m̄ ūr̄ keraba easii. 9 M̄uba biawāra jaraaruu: joma nau druade chi beḏea bia m̄ ūrubena jaradeaduude nau wēraba wauḏa neb̄urudai kīrabadamera.

Judasba Jesús jidaubiḏa

Mateo 26:14-16; Lucas 22:3-6

10 Judas Iscariote, chi Jesús baara nibabadaurā 12 aba paare mechiurāmaa wāsii Jesús jidaubiai baita. 11 Mau ūrisiḏauḏe, kīraj̄usiḏau maabae Judasmaa chi nejarr deḏai asiḏau. Maabae Judasba j̄r̄ kobeesii āchimaa Jesús saka jidaubii baita.

Jesús chi ichi baara 12 nibabadaurā baara koḏa

Mateo 26:17-29; Lucas 22:7-23; Juan 13:21-30; 1 Corintios 11:23-26

12 Pascua ewaride pan ēesāabibariiwāe kobachiḏau. Chi nabena ewaride oeja kaebeu aba beḏapeḏa, kobachiḏau. Mau ewaride Jesús baara nibabadaurāba ichimaa wāḏapeḏa idisiḏau:

—¿Bichiba sama kūr̄ia b̄uma daiba chi mau chiko kobadau V bichi baita wauḏai?

13 Maabae Jesusba chi ichi baara nibabadaurādebe-na ome iupeḏa naka jarasii:

—Jerusalén puuruḏaa wāsturu. Aria mukīraba bania chokode adoeruu unudai. Mau kaḏe wāsturu. 14 Chi mau deemaa wāaru chibarimaa naka jarásturu: “Dachi Jaradeabariiba nau idibisii: m̄uba maude m̄

IV Chi nejarra ārea. Griego beḏeade naka b̄u kubuu: 300 denario wāyaa. Ēbēra aba año aba trajai buasii mau chi nejarra adai baita. V Chi mau chiko kobadau. Kajuma beḏeade b̄u kubuu: Pascua.

baara nibabadaurã Pascua ewariide chi kobadau ¿sama kodaima?”¹⁵ Mauba de utubena pieza mechiu bi'ia wau kubuu unubiai. Aria chi kodai joma wáusturu dachi kodai baita.

¹⁶ Chi Jesús baara nibabadaurã puuruđaa wásiđau. Wáaduude joma Jesusba jarađa kíra unusiđau mauđe aria ne joma wausiđau Pascua ewariide chi kobadau kodai baita.

¹⁷ Ēsabudeaa Jesús chi ichi baara nibabadaurã 12 baara neesii. ¹⁸ Komaa panuude, Jesusba jarasii:

—Mũba biawãra jaraaruu. Āba machidebenaba m̄ jidaubii. Mau nama m̄ baara komaa ðuu.

¹⁹ Maabae kíra nomaasiđauđe, abaabaa Jesusmaa iđisiđau:

—¿Mũka? a iđisiđau.

²⁰ Maabae Jesusba panausii:

—Machi 12 ababa chi pan m̄ ome arabau paratuđe bekearuuba m̄ jidaubii. ²¹ Biawãra m̄, chi Ēbëra Ba Buada biui ðuu Dachí Akõre Bedeade ðu kubuu kíra. ^I Maamina ¡chi m̄ jidaubiiruú ebëra miichuburi nii! Bibuara ðuasii chi naweba mau adaubai.

²² Komaa panuude Jesusba pan juade adaupeđa Dachí Akõremaa bi'ia jarasii. Maabae ðupeđa maabae chi ichi baara nibabadaurãmaa deapeđa jarasii:

—Adáusturu. Kósturu. Nau m̄ kakuab̄.

²³ Mau maadakare uva ðaa basuđe nuðuu adaupeđa, Dachí Akõremaa ichíturu kiđibai a jarapeđa maabae chi ichi baara nibabadaurãmaa deasii. Jomaurãba mau dosiđau. ²⁴ Mauđe Jesusba jarasii:

—Nau m̄ oab̄. M̄ oa cheeruuba Dachí Akõreba āreamaa bedeəa chiwiđi dearuu. ^{II}²⁵ Mũba biawãra jaraaruu: uva ðaa waya doobai aba chi uva ðaa chiwiđi dooruđaa, Dachí Akõreba ichiđirã ichi juade ua beeruđaa.

Pedroba Jesús unukau ađa

Mateo 26:30-35; Lucas 22:31-34; Juan 13:36-38

²⁶ Maabae Dachí Akõre bedeəa ũrubena karidapeđa Olivo eadaa wásiđau. ^{III}²⁷ Wáaduude Jesusba jarasii:

—Nau ěsabude joma machiba m̄ ðuiđai. Dachí Akõre bedeade naka ðu kubuu: “Mũba oeja nubarii bearuude chi oejarã jiičoadaí”.

²⁸ Maamina m̄ chokae jiraduuruude, Galilea druadaa machi naa wã.

²⁹ Maabae Pedroba jarasii:

—Jomaurãba bichi ðuidumina m̄arã ðuiwëe.

³⁰ Jesusba panausii:

^I 14:21 Salmos 22; Salmos 118:22; Isaías 52:15—53:12. ^{II} Bedeəa chiwiđi. Dachí Akõre naeđe israeldebenarã ome bedeəa dea ðuasii. Éxodo 24:6-8; Jeremías 31:31-34. ^{III} Mau bari panabadau ewariide ne kodai naeđe Salmos 113debenə aba 114đaa karibachiđau. Kosíđuđe Salmos 115debenə aba 118đaa karibachiđau.

—Mũba biawãra jaraaruu. Ara nau ěsabude eterr bes ome birui naeđe, bes õbea m̄ unukau ai.

³¹ Maamina Pedroba aude jara ðuasii:

—M̄ bichi baara beadumina, bichi ðuibai.

Waabenarã biđa arabauđe jarasiđau.

Jesús Getsemanide Dachí Akõremaa utaa iđiđa

Mateo 26:36-46; Lucas 22:39-46

³² Mau maadakare Getsemaní abadauđaa wásiđau. Aria basiđauđe, Jesusba chi ichi baara nibabadaurãmaa jarasii:

—Nama ak̄ panésturu m̄ utaa iđiđe wáaruumisa.

³³ Pedro, Santiago mauđe Juan āyaa adoesii. Ichi makai ũrubena k̄risia ðuudeeba, kíra nomaaba jirukaraa ðeesii. ³⁴ Mauđe āchímaa jarasii:

—M̄ kíra nomaaba biuruu kíra ðuu. Nama panésturu. M̄ kíra chokae panásturu.

³⁵ Jesús waa waparaa wãpeđa õdarrde kobeepeđa dauðuru jeeđa tũpeđa, utaa iđisii Dachí Akõreba k̄ria ðuuburã, ichi mau bi'iwãe ðuai ðuudebena karibai. ³⁶ Naka jarasii: «Chacha, bichiba ne joma poyaa wau ðuu. Nau bi'iwãe ðuai ðuudebena m̄ karibase. ^{IV} Maamina mũba k̄ria ðuu kíra waurãse, mau-maarã bichiba k̄ria ðuu kíra wause».

³⁷ Jesús ichiade neesiide, chi ichi baara nibabadaurã kã duanuu unu neesii. Maabae Simón Pedromaa jarasii:

—Simón, ¿kã nuðuka? ¿Hora aba biđa poyaa chokae ðuibai ðuka? ³⁸ Machi ũr̄ma panásturu. Dachí Akõremaa utaa iđísturu kachiruade baedaamaaba. Mũba kuitaa ðuu machiba bia wau k̄ria panuu. Maamina machi kakuaba poyaaðabai panuu.

³⁹ Waya utaa iđiđe wãpeđa, ara mau kíra utaa iđisii. ⁴⁰ Maabae waya āchímaa neeruude kã duanuu unusii. Āchi dau poyaa būadaabasii dapokeaba. ũr̄maaduude, adua panasíđau kãare jarađai. ⁴¹ Bes õbea iđiđakare waya neesiide, Jesusba jarasii:

—¿Wabiđa kã duanuka? Ara basma. M̄ ewari basii. M̄, chi Ēbëra Ba Buada ebërarã kachiruarã juade deaduu. ⁴² ¡Jiradústuru! ¡Wádurú! ¡Ichiásturu, m̄ jidaubiiruú ebëra ara kaita uruu!

Jesús jidaupeđaada

Mateo 26:47-56; Lucas 22:47-53; Juan 18:2-11

⁴³ Jesús wabiđa berreamaa ðuude, ara makude Judas chi 12debenə neesii ebërarã ārea baara. Maarã bakuru mauđe espada baara nibasiđau. Paare mechiurãba, Moisés bedeəa jaradeabadaurãba mauđe judiorã chi mechiurãba maarã ebërarã buisiđau. ⁴⁴ Chi jidaubii ðuuba āchímaa jara ðuasii saka wau sãu Jesús kuitaaðamera. Naka jarasii: «Chi mũba k̄iedarrde

^{IV} Nau bi'iwãe ðuai ðuudebena m̄ karibase. Griego bedeade naka ðu kubuu: Nau basu mũdebenə āyaa adoesi.

ŷyaaruu, Jesusbũ. Mau jidaudepeda, bi'ia jũdapeda, adoésturu».

⁴⁵ Maudeeba Jesús bũumare neesidaude, Judas berreade neesii:

—¡Dai Jaradeabarii!

Maka jarapeda Jesús kiedarrde ŷyaasii. ⁴⁶ Maabae Jesús jidausiđau.

⁴⁷ Maude Jesús baara nibabarii ababa ichi espada er-ta adaupeda paare mechiu chi bari baita trajabarii kũũũ oatutasii. ⁴⁸ Maabae Jesusba waabenarãmaa idisii:

—¿Sakãe machi espada maude bakuru baara imisiđama mũ jidaudeayua ebẽra mia kachirua nii jidauduu kĩa? ⁴⁹ Ewaricha mũ Dachí Akõre de mechiu duđa bũabarii ichi bedea jaradeayua. ¿Sakãe mũ aria jomaurã daade jidaudeabasma? Maamina nau makamaa bũu Dachí Akõre Bedea bũdade jara bũu kĩa. ^I

⁵⁰ Maka bũude, joma chi ichi baara nibabadaurãba mau bũidepeda jĩichoasiđau. ⁵¹ Maamina kũudrãa aba Jesús kaade nibasii. Chi kakua sabanaba bũra bũasii, akãdaa nibasiideeba. Judas baara nibapedaadaaba mau kũudrãa jidausiđau. ⁵² Maamina, peraba chi sãbana enatasii maabae akãdaa pira wãsii.

Jesús chi mechiurã daade bũada

Mateo 26:57-68; Lucas 22:54-55,63-71; Juan 18:12-14,19-24

⁵³ Maabae Jesús chi paare mechiu bũumaa adoesiđau. Aria paare mechiurã, judiorã mechiurã maude Moisesba bũda jaradeabadaurã araa abũua imi nubũasii. ⁵⁴ Pedro kaitawẽeba kaade niiba chi paare mechiu de duđa eda wãsii. Aria akũ beesii Dachí Akõre de nubadaurã baara tũbũchia jãkaa kãi baita.

⁵⁵ Joma paare mechiurãba maude joma judiorã mechiurãba ebẽrarã jũrũsiđau Jesús ŷrũbena setaa kachirua berreadamera. Maka Jesús beabiđai basii. Maamina aba biđa unũdaabasii jideadaĩ baita. ⁵⁶ Ārea-ba Jesús ŷrũbena setaa jarađe neesiđamina ačhibba jarapedaada arabauđe jarađaabasii. ⁵⁷ Chi nuree chi mechiurã daade jiradusiđau maabae setaa jarasiđau:

⁵⁸ —Daiba ŷrisiđau ichiba jaraaruu: “Mũũba Dachí Akõre de mechiu poyaa arii bũu, maamina ewari õbeade waya wui bũu. Maamina ebẽrarãba waubadau kĩa waubai”. ^{II}

⁵⁹ Maamina ačhicha mau ŷrũbena arabauđe jarađaabasii. ⁶⁰ Mau ŷrisiide, chi paarerã mechiu jomaurã daade bari nubeepeđa Jesusmaa idisii:

—Chi bichi ŷrũbena kachirua jara panuu, ¿mau biawãraka? ¿Aba biđa jarai baita wã'ãeka?

⁶¹ Maamina Jesusba aba biđa panaubasii; chũpea kobeesii.

Maka bũude, chi paare mechiuba waya Jesusmaa idisii:

I 14:49 Isaías 53:12. II 14:58 Juan 2:19-22.

¿Bichi Dachí Akõreba Dachí Karibabarii deai jarađaka? ¿Bichi Dachí Akõre chi Bi'ia nii Warrka?

⁶² Jesusba panausii:

—Mũũbũ. Machiba mũ, chi Ebẽra Ba Bũada unũdai, Dachí Akõreba joma poyabarii jua biare akũ bũu maude jũrũarade neeruu. ^{III}

⁶³ Maabae chi paare mechiuba ichi paru kõetapeda jarasii:

—¿Sakãe june ebẽrarã jũrũdaima jãu ŷrũbena jideadamera? ⁶⁴ ¡Machiba biawãra ŷrisiđau jãuba kachirua jarađa Dachí Akõre ŷrũbena! ¿Jãu ome kãare sãadaĩ kũrisia panuma?

—Maude jomaurãba jarasiđau Jesús biui bũu ichiba maka jarađadeeba.

⁶⁵ Chi nureeba Jesusmaa idusiđau maabae dau bũrađapeda drũsiđau. Maka duanuude jarasiđau:

—¡Biawãra bichi Dachí Akõre Warrbũrã, jarase kaiba bichi sĩsii!

Maude Dachí Akõre de nubadaurãba biđa ichi sĩbachiđau.

Pedroba Jesús unukau ada

Mateo 26:69-75; Lucas 22:56-62; Juan 18:15-18,25-29

⁶⁶ Maumisa Pedro de duđa bũasii. Aria ichimaa chi paare mechiu baita trajabarii wẽra neesii. ⁶⁷ Mau wẽraba Pedro tũbũchia jãkaa kãmaa bũu unusiide, bi'ia ichiapeda maabae jarasii:

—Bichi siđa Jesús Nazareteebena baara nibasii.

⁶⁸ Maude Pedroba naka merasii:

—Mũũba jãu ebẽra unukau. Mũũba adua bũu bichi-ba kãare jara bũu.

Maka jarapeda Pedro de duđabena poraamaa wãsii. Maude eterr birusii. ^{IV}⁶⁹ Mau wẽraba waya unusiide, jarasii chi aria panuurãmaa:

—Ichiásturu, jãu Jesús baara nibabadaurãdebenabũ.

⁷⁰ Pedroba maka ŷripeđa waya merasii. Kã'ãabari-wãede chi aria panuuba waya Pedromaa jarasiđau: —Biawãra bichi maarãdebenabũ. Bichi Galileadebenabũ. Jãarã kĩa berreabarii. ^V

⁷¹ Pedroba jarasii:

—¡Mũũba setaa jaraaruubũrã Dachí Akõreba mũ kastikai! Biawãra jaraaruu: chi machiba jara panuu ebẽra mũũba mau unukau.

⁷² Ara makũde eterr waya birusii. Ara maude Pedroba kĩrabasii Jesusba jarađa: «Eterr bes ome birui naede, bichiba bes õbea mũ unukau ai». ^{VI} Mau kũrisiapeda, Pedro jẽasii.

III 14:62 Salmos 110:1; Daniel 7:13-14. IV Maude eterr birusii. Griego bedeađe chi bee kartade mau wã'ãe. V Jãarã kĩa berreabarii. Griego bedeađe chi bee kartade mau wã'ãe. VI 14:72 Marcos 14:27-31.

Jesús Pilato daade adoepedaada

Mateo 27:1-2,11-14; Lucas 23:1-5; Juan 18:28-38

15 Dapedeede paare mechiurã, chi judiorã mechiurã maude chi Moisesba buda jarade-abadaurã, maarã jomaurãba, ^I ãbua bedea deasidau Jesús Pilatomaadaoedai baita. ^{II} Ara makude Jesús jüedapeadaoedaisidau. ² Pilatoba Jesusmaa idisii: —¿Bichi biawãra judiorã reyka? Jesusba panausii: —Maerã, ara bichiba jarasii. ³ Maude paare mechiurãba Jesús ne ãrea jideasidau. ⁴ Maudeeba Pilatoba wapeadeeba waya Jesusmaa idisii: —Ûrise, jãarãba bichi aude jidea panuu. ¿Bichiba panauwẽka? ⁵ Maamina Jesusba mau sida panaubasii. Maudeeba Pilatoba kãare kãrisiaia adua basii.

Jesús beadaibaita jarapedaada

Mateo 27:15-31; Lucas 23:13-25; Juan 18:38—19:16

⁶ Mau bari panabadau ewaride Pilatoba chi jüa buadadebena aba enatabachii, chi puurudebenarãba idipedaada. ⁷ Maude ebẽra Barrabás abadau buasii. Mau Barrabás chi kõpaerorã baara puurude kãru-bikasidaude ebẽra mia beasidau. Maudeeba jüa uru panasidau. ⁸ Maude ãrea judiorã Pilatomaada needapeada idi kopaneesidau ichiba waubarri waumera. ⁹⁻¹⁰ Pilatoba kuitaa buasii paare mechiurãba Jesús jiwaa panuudeeba ichi jidau deasidau. Maudeeba chi aria ãbua imi nubuumaa idisii: —¿Machiba kãria panuka mũba cha nii judiorã rey ena bui? ¹¹ Maude paare mechiurãba chi aria ãbua imi nubuumaa naka jarasidau: “Pilatomaada jarásturu Barrabásturu enatamera”. ¹² Maudeeba Pilatoba waya ãchimaada idisii: —Makarã machiba judiorã rey abadau ¿mũba saka wauima? ¹³ Maude ãchiba jüwa bia jara kopaneesidau: —¿Cruze jirabu beabise! ¹⁴ Pilatoba idisii: —¿Sakãe maka wauima? ¿Ichiba kãare kachirua wausma? Maka berrea buude waya aude biasidau: —¿Cruze jirabu beabise! ¹⁵ Pilato ebẽrarã ome kachirua beebayua, Barrabás enatasii. Maamina Jesús pebipeada kokoroarãmaa deasii cruze jirabu beadamera.

I Maarã jomaurãba. Griego bedeaade naka bu kubuu: Sanedrín. II Pilato. Romadebena chi aude mechiu Tiberio abadauba Pilato Judea druaadebena chi karr busii, año 26deebena aba 36daa. Judiorã mechiurãba Jesús Pilatomaadaoedaisidau chi jüa panuurã beadakau panuudeeba. Aba romadebenarãba maka waudai panasidau.

¹⁶ Ara makude chi kokoroarãba Jesús de mechiu Pretorio abadaude eda adoesidau. Aria waabena kokoroarã joma iukuasidau. ¹⁷ Maabae anabari jübarii pupuchia buu jübisidau. Boro jüra uri kada jü busidau. ¹⁸ Maabae jüwa jara kopaneesidau:

—¿Área bi'ia nii, judiorã rey!

¹⁹ Boromaa bakuruba ubachidau. Idubachidau maude ichi kãraare odarrde kopaneebachidau ichimaa bi'ia berreaduu kãra. ²⁰ Ichi atua jara kopanuuba kachirua jaradapeada ãchiba chi anabari jübarii jübipeadaada etasidau. Maabae ichi paru waya jübidapeada cruze jirabude adoesidau.

Jesús cruze jirabupedaada

Mateo 27:32-44; Lucas 23:26-43; Juan 19:17-27

²¹ Jesús puuru awara adoesidaude ebẽra Simón abadau Jerusalendaa neeruu basii. Mau Alejandro maude Rufo akõre basii. ^{III} Mau Cirene puurudebena basii. Kokoroarãba ichimaa Jesús cruz adoebisidau. ²² Maka Jesús drua Gólgota abadaumaa adoesidau. Gólgota jara buu: «Dachi Boro Buuru». ²³ Aria uva baa orekea mirra baara perada Jesusmaa deasidau chi pu'ua aribabiadaibaita. Maamina Jesusba doobasii. ²⁴ Maabae cruze jirabusidau. Mau maadakare ne jemenesidau Jesús paru kaiba adauada kuitaadaibaita. ²⁵ Mau dapede las 9de ichi cruze jirabusidau. ²⁶ Chi buadade ichi sakãe biui buu ãrubena naka bu nubusii: «Judiorã Reybu». ²⁷ Aria nechirurã sida ome cruze jirabusidau, aba Jesús jua biare, aba jua sordoare. ²⁸ [Mau makasii Dachi Akõre Bedeaade buda kãra: «Kachirua waubadaurã baara ãbua nubusidau».] ^{IV} ²⁹⁻³⁰ Chi arare wãaduuba ãchi boro buraaduuba Jesusmaa naka kachirua jajarabachidau: —¿Ay, Bichiba Dachi Akõre de mechiu ãripeada ewari õbeade waya poyaa wauruuburã, jbiawãra bichi du aba karibase! jãu cruzebena edaa uruse! ³¹ Ara mau kãra paare mechiurãba maude Moisesba buda jaradeabadaurãba Jesús atua jajarabachidau: —Jãuba waabenarã karibasii, maamina ara ichi du aba poyaa karibawẽe. ³² Jãu Dachi Akõreba Dachi Karibabarii deai jarada, jãu Israeldebena Rey, cruzebena edaa uruuburã makarã ijãadaibaita. Chi ichi jãkaa jira panaada biada ichi ãrubena kachirua berreabachidau.

Jesús cruze biuda

Mateo 27:45-56; Lucas 23:44-49; Juan 19:28-30

³³ Umada jipadebena umada baare baaruudaa joma päriu nubeesii. ^{V34} Ása ãru õbea baaruude Jesusba jüwa jarasii: «Eloi, Eloi, ¿lama sabactani?»

III 15:21 Romanos 16:13. IV Griego bedeaade chi bee kartade versículo 28 wã'ãe. Isaías 53:12. V 15:33 Amós 8:9-10.

Mau arameo bedede jara b̄uu: «Chacha, Chacha, ¿Sakãe m̄u ida b̄uisma?»

³⁵ Mau bedea ũriiduude chi nuree aria duanuuba jarasidau:

—Ūristuru! Dachí Akõre baita berreabarii Elías iumaa b̄uu.

³⁶ Maude mukíra aba isa pira wãpeda uva baa orekea modaa b̄uumaa bekepeda adoesii. Bakurude j̄epeda Jesusmaa deasii domera. Maabae jarasii:

—Ida b̄ústuru, ichiadai baita Eliasba cruzdebena edaa adaude neei kuitaa.

³⁷ Maka b̄uude Jesús j̄iwa biapeda biusii. ³⁸ Maude Dachí Akõre de mechiude eda chi piezade paru eabari jirabu utuba edaa esa kõa urusii. ³⁹ Kokoroarã jaradea ua buabarii Jesús k̄iraare ak̄u nubadaba ichi maka biumaa b̄uu unusiide, jarasii:

—j̄Biawãra, nau mukíra Dachí Akõre Warr basii!

⁴⁰ Chi nuree w̄erarã aria duanaadaba kaitaweeba ichimaa panasidau: María Magdalena, Salomé maude chi abau María. Mau Santiago (chi k̄udrã) maude José nawe basii. ⁴¹ Jesús Galilea druade nibasiide, maarã w̄erarãba ichi nubachidau. Maude chi ichi baara Jerusalendaa nepeadaadã w̄erarã ãrea panasidau.

Jesús jau buda

Mateo 27:57-61; Lucas 23:50-56; Juan 19:38-42

⁴² Norema bari panabadau ewari basii. Mau ewari baita chi judiorãba ne wau panasidau. Kewaraa baaruude, ⁴³ José Arimatea puurudebena Pilatoma wapeawãa idide wãsii Jesús jau b̄ui baita. Mau judiorã chi jaradea ua buabadaurãdebena aba chi aude mechiu basii maude k̄iria b̄uasii Dachí Akõreba ichidirã ichi juade ua buamera. ⁴⁴ Pilatoba Jesús isa biusii ijãabasii. Maudeeba chi kokoroarã jaradea ua buabarii iupeđa, maumaa idisii Jesús biawãra biusii kuitaai baita.

⁴⁵ Maabae mauba Jesús biusii asiide, Pilatoba Josemaa chi Jesús edaa adãubade asii. ⁴⁶ Maabae Joseba paru torr nedopeđa chi Jesús kakua cruzdebena edaa adaupeda, mau paru torrde b̄ura adausii. Maabae mo chobeã korodade eda jau b̄upeđa, mo mechiuba chi eda wãbariimare b̄uraa kubusii. ⁴⁷ María Magdalena maude José nawe Mariaba Jesús aria b̄uuduu unusidau. II

Jesús chokae jiraduda

Mateo 28:1-10; Lucas 24:1-12; Juan 20:1-10

16 Bari panabadau ewari wãsiide María Magdalenaba, Santiago nawe Mariaba maude Salomeba kera nedosidau Jesús purudai baita. ² Misade dapedeede, ara umada awara neeruude, ãchi Jesús jau b̄upeadaadamaa wãsidau. ³ Maude naka jara ni-

I 15:38. Éxodo 26:31-33; Hebreos 9:1-15. II José. Nau José chi Jesús kakua Pilatoma wãpeda ididawãeb̄u, maumaarã junebena Santiago abab̄u. Marcos 15:40; 16:1.

basidau: «¿Jãu mo mechiu chobeã j̄ia kubuu kaiba dachi baita ãyaa b̄uraaima?»

⁴ Maamina araa ichiaduude chi mo mechiu j̄ia kubuadã ãyaa b̄uraa kubuu unusidau. ⁵ Ara makude chobeade eda wãaduude k̄udrã ãchi jua biare ak̄u b̄uu unusidau. Mauba paru torroa j̄u nibasii. Mau kakua w̄erarã perasidau. ⁶ Mau k̄udrãba ãchimaa jarasii:

—Perarãsturu. Machiba Jesús Nazaretdebena cruzde jirabupeadaadã j̄ur̄u panuu. Mau chokae jiradusii. Chi jau b̄upeadaadamaa ichiãsturu. Nama b̄uuwãe.

⁷ Jarade wãsturu chi ichi baara nibabadaurãmaa maude Pedromaa, Jesús ãchi naa Galilea druadã wãaruu. Aria ichi unudai ichiba naede jarada k̄ira. III

⁸ Maude pera panuuba kakua urisidau. Ara makude w̄erarã Jesús jau b̄upeadaadã chobeadebena pira wãsidau. Wapeadeeba abaumaa bida jaradaabasii. IV

Jesusba María Magdalenamaa unubida

Juan 20:11-18

⁹ Misa dapedeede Jesús chokae jiradupeđa naa María Magdalenamaa unubisii. Mau w̄era kakuadebena Jesusba naede jai kachiruarã 7 duabũika b̄uasii.

¹⁰ Maabae María chi Jesús baara nibapeadaadãmaa chi angelba jarabida jarade wãsii. Ichi neesiide ãchi k̄ira nomaa j̄ea panasidau. ¹¹ Maamina Mariaba Jesús chokae nii unusii a jarasiide, ãchiba mau ijãadaabasii.

Jesusba ichi baara nibabadau omemaa unubida

Lucas 24:13-35

¹² Mau maaadãkare Jesús baara nibabadaurã ome puuru awara nibasidau. Maarãmaa Jesusba ichi k̄ira awara unubiasii. ¹³ ãchi waya wãdapeđa waabenarãmaa jarasidau. Maamina wabida ijãadaabasii.

Jesusba chi ichi baara nibabadaurãmaa unubida

Mateo 28:16-20; Lucas 24:36-44; Juan 20:19-23

¹⁴ Mau maaadãkare chi Jesús baara nibabadaurã 11 komaa panuude, Jesusba ichi unubiasii. ãchi s̄o chaareadeeba ijãadaabasiideeba maude chi ichi chokae jiraduda unupeadaadãba ãchimaa jarada ijãadaabasiideeba ichiba ãchi iadaasii. ¹⁵ Maabae Jesusba ãchimaa jarasii: «Druacha wãdapeđa chi bedea bia m̄u ũrubena jomaurãmaa jarãsturu. ¹⁶ Mau bedea ijãaduub̄erã maude boro eaduub̄erã Dachí Akõreba mau karibai. Maamina chi mau bedea ijãawãe ichiba mau kastikai. ¹⁷ Chi m̄uude ijãa nureeba nau eb̄erãba ne poyaa waudakau waudai: m̄u tr̄udeeba jai kachiruarã duabũidai maude bedea widide berreadai. ¹⁸ ãchi juaba dama jidauđai. Nearãa dooduub̄erã

III 16:7 Marcos 14:28. IV Griego bedede chi bee kartađe versículos 9debena aba 20đaa wã'ãe.

mauba kachirua waubai. Maude chi ëpermo nuree ãchi jua kubuuduude aribiabiada».

Jesús bajáadaa adoeda

Lucas 24:50-53

¹⁹ Maka jarasiide Dachí Akõreba Dachí Mechiu Jesús bajáadaa adoesii. Aria ichi jua biare akã beesii.

²⁰ Maabae chi Jesús baara nibabadaurãba ichi bedea ãchi wãaduumaacha jarasiida. Dachí Mechiuba ãchi aidaabachii. Ëbërarãba poyaa ne wauðakau waubi buudeeba kuitaabiabachii ãchiba jara panuu biawãra buu.

LUCAS

Nau karta Lucasba b̄s̄ii. Dachiba k̄irisiabadau mau griego basii. mauḁe jara b̄uu Lucas Pablo ome nibasii. Ma-teoba, Marcos biḁa āchicha karta Jesucristo ūr̄ubena b̄upedaad̄akare Lucasba nau karta b̄s̄ii.

Lucasba nau karta ēb̄era chi mechiu Teófilo baita b̄s̄ii kuitaamera Jesús ūr̄ubena ichimaa jaradeapeḁaada bi-awārab̄u (). Lucasba waabenarā audeara ārea b̄s̄ii Juan chi Boro Eabarii adauda ūr̄ubena () mauḁe Jesús adauda ūr̄ubena (). Mawāare b̄u kub̄uu Juanba Jesús boro eada ūr̄ubena (), Jesusḁeḁebena nab̄erarā tr̄ū ūr̄ubena () mauḁe jubawāe niiba Jesús kachiruade b̄aebii k̄iria baḁa ūr̄ubena (). Mawāare b̄u kub̄uu Jesusba Galilea druade jaradea nibaḁa ūr̄ubena () mauḁe Jerusalenḁaa wāaruude jaradea buaḁa ūr̄ubena ().

Kaadaa b̄u kub̄uu Jesús Jerusalenḁe makaḁa ūr̄ubena: Jerusalén puuru kakua j̄eada, cruzḁe beapeḁaada, chokae jiraduḁa mauḁe chi ichiḁe ijāabadaurā daḁe bajāadaa wāḁa ().

Lucasba arakude b̄s̄ii Dachī Akōreba ēb̄erarā kastikai ūr̄ubena () mauḁe kachirua waubadaurā ichimaa waya needuurā karibai ūr̄ubena (). Bes ārea b̄s̄ii kachirua waubadaurā Jesusba k̄ira chuburiada ūr̄ubena: judiorā, ju-diowāerā, Samariadebenarā, chi nejarr barauwāe nuree mauḁe Romadebena baita chi nejarra pebadaurā. Lucas kartade arakude b̄u kub̄uu w̄erārā siḁa Jesús baara panasiḁau. B̄u kub̄uu Elisabet ūr̄ubena (), María ūr̄ubena (), Ana ūr̄ubena () mauḁe Jesús aiḁabadaurā ūr̄ubena (). Mau awara w̄erārāba ichi chokae jiraduḁa ūr̄ubena naa kuitaasiḁau ().

Lucasba Teofilomaa b̄u urub̄iḁa

1 Dachī Akōreba dachi tāede wauḁa ūr̄ubena, ēb̄erarā āreaba kartade buḁai k̄irisiḁau. **2** Joma mau wauḁa unupeḁaad̄aba neb̄rusiḁau mauḁe jaradeasiḁau. Maabae chi karta b̄upedaad̄aba mau b̄s̄iḁau. **3** M̄uba bi'ia ichiasii chi b̄upedaada mauḁe chi neb̄rupedaada bi'ia kuitasii. Maabae mau k̄irisi-apeḁa, m̄uba nau b̄umaa b̄uu, bichi baita chi mechiu nii Teófilo. **4** Maka bichiba kuitaai bichimaa jaradeapeḁaada chi biawāra.

Juan chi Boro Eabarii adai kuitaabiḁa ūr̄ubena

5 Herodes Judea druadebena rey basiḁe paare Zacarías abachiḁau b̄usii. **1** Mau Zacarías paarerā ichi baarabena trajabadaurā basii Abías abachiḁaudebenarā. **II** Chi w̄era Elisabet Aaronḁebena needa basii. **6** Āchi omea Dachī Akōre daaḁe jipa panasiḁau. Dachī Mechiuba waubii jarada joma wau panuudeeba kachirua jaradayuswāe panasiḁau. **7** Maamina Elisabet warr baraakau basiḁeeba warrwāe nibasiḁau. Mauḁe mau awara ārea chōra panasiḁau.

8 Maka panuude Zacarías Dachī Akōre de mechiude trajai b̄uu ewari neesii. Mauḁeeba ichi mauḁe waabena paarerā ichi baara trajabadaurā Dachī Akōre daaḁe trajamaa panasiḁau. **9** Mauḁe paarerāba waubadau k̄ira ne jemenesiḁau kuitaadayua kai wāi

I Herodes. Mau Herodes «chi Mechiu nii» abachiḁau. II Abías. Abías nab̄raeḁebena paare basii. 1 Crónicas 24:10.

b̄uu Dachī Mechiu de mechiude eḁa ne tuwaa baai baita. Maabae Zacariasmaa b̄asii.

10 Ne tuwaa baa deai hora neesiḁeeba Zacarías eḁa wāsii. **III** Mauḁe ēb̄erarā ārea awara Dachī Akōremaa utaa iḁimaa panasiḁau. **11** Maka b̄uude Dachī Mechiude ángel ne tuwaa baa deabadau jua biare unubisii. **12** Mau unusiḁe Zacarías ārea perapeḁa kāare k̄irisiḁai adua basii. **13** Maamina chi angelba jarasii:

—Wapearāse. Bichiba Dachī Akōremaa utaa idi buaḁa ichiba ūrisii. Bichi w̄era Elisabetba warr adai. Mau tr̄ū Juan b̄use. **14-15** Mau warr kakua ārea k̄ira-j̄uḁai. Mau Dachī Mechiu daaḁe chi mechiu baiḁeeba bichi siḁa ārea k̄iraj̄uḁ buai. Uva baa orekea mauḁe itua dokau buai. Warr adai naeḁe, Dachī Akōre Jauri ichi baara buai. **IV**¹⁶ Ichiba ārea israelḁebenarā Dachī Akōre Mechiuumaa waya neebiai. **17** Eliasba uru buaḁa jauri mauḁe chi poyaabarii bichi warrba uru buai. Mauḁeeba ichi Dachī Mechiu naa wāi chi akōrerā āchi warrarā baara waya k̄iraj̄uḁ panabiai baita. **V** Mau awara chi ijāad̄akau nuree siḁa aiḁai, jipa nureerāba k̄irisiabadau k̄ira k̄irisiḁamera. Maka aiḁai puuruḁebenarāba Dachī Mechiu bi'ia irsiḁamera.

18 Mauḁe Zacariasba chi angelmaa iḁisii:

—¿M̄uba saka kuitaima bichiba biawāra jara b̄uu? M̄u ārea chōra b̄uu. M̄u w̄era siḁa chōdraa b̄uu.

19 Chi angelba Zacariasmaa jarasii:

—M̄u Gabrielb̄u, Dachī Akōreba jarada waubar̄ii. Ichiba m̄u bichimaa b̄usii mau beḁea bia jaramera.

III Ne tuwaa baa deai hora. Éxodo 30:34-38. IV 1:14-15. Números 6:1-5; Jueces 13:2-5. V 1:17 Malaquías 4:5-6.

20 Maaba jara ɓuu Dachí Akõreba ɓuɗa ewaride bi-awāra makai. Maamina ijāabasiideeba bichi bosara ɓeei aba bichi wēra warr adauruudaa.

21 Maumisa ɛbērarāba awara esedau panasidau. Āchiba kuitaadaabasii sakāe Zacarías de mechiude eɗa ārea kã'āa ɓuu. 22 Maka ɓuude ichi awara neesiide poyaa berreabasii. Bosara ɓeesiideeba ichi juaburu jua su jara ɓuasii. Maaba ɛbērarāba kuitasidau Dachí Akõreba jāumaa ne unubisii.

23 Mau Dachí Akõre de mechiude trajai ewari baɗakare, Zacarías deɗɗaa wāsii. 24 Mau maadakare ichi wēra Elisabet warr baraa ɓeesii. Mauɗeeba Elisabet 5 jedako deɗɗa ɓeesii. Naka kūrīsiasii: 25 «Dachí Mechiuba mɛ aidasii warr baraa ɓeemera. Jāka bia wauɗaba mɛ kīrakaya wā'āebisii. ɛbērarāba mɛ ũrubena waa kachirua jaradaabai».

Angelba Mariamaa jarada

26-27 Elisabet warr baraa ɓeɗɗa jedako 6 baɗakare, Dachí Akõreba ángel Gabriel Galilea druaɗe Nazaret puuruɗaa ɓeisii āwera mukīra chaawēa nii Mariamaa. Mau María José ome ɓeɗɗa dea panasidau mi-akāidayu. José Davidɗebena neɗɗa basii. 28 Mau ángel Mariamaa neepeɗa naka jarasii:

—¡María! Dachí Mechiuba bichi bi'ia unu ɓuu. I Ichi bichi ome ɓuu.

29 Mau ɓeɗɗa ũrisiide Mariaba kãare kūrīsiai adua basii sakāe nau angelba maka berrea ɓuu. 30 Mauɗe chi angelba ichimaa jarasii:

—María, wapearāse; Dachí Akõreba bichi aida ɓuu.

31 Mauɗeeba bichi warr baraapeɗa warr adau. Mau warr trū Jesús ɓuse. II 32 Mau chi mechiu bai mauɗe Dachí Akõre mechiuba ichi Warr ai. Dachí Akõre ichi israelɗebenarā mechiu ɓai ichi nabēraeɗe David ɓuɗa kīra. 33 Ichi Jacobɗebena imipeɗaadarā chi mechiu ɓuai. Ewaricha ichiɗirā ichi juade ua ɓuai. III

34 Mauɗe Mariaba chi angelmaa iɗisii:

—Mukīra ome kãi ɓewēa ɓuude ¿mɛ saka warr baraaɗa?

35 Mau angelba panasii:

—Dachí Akõre Jauri bichimaa neepeɗa chi poyaabarii bichi baara ɓuai. IV Mauɗeeba ichiba dea ɓuu warr bichiba adauruu Dachí Akõreba ichi Warr ai. 36 Bichi niu Elisabet siɗa warr adau. Chõodraa ɓumina mauɗe warr adaukau abachidamina, warr baraaɗa jedako 6 basii. 37 Dachí Akõre baita poyaa wauɓai wā'āe.

38 Mariaba panasii:

—Mɛ Dachí Mechiu baita bari trajabariibɛ. Bi'ia ɓuu bichiba jarada kīra mauba wau.

I Dachí Mechiuba bichi bi'ia unu ɓuu. Griego ɓeɗeɗe chi ɓee kartaɗe naka ɓu kubuu: Dachí Akõreba bichi waabena wērarā audeara bi'ia unu ɓuu. II 1:31 Mateo 1:21. III 1:33 2 Samuel 7:8,16. IV Bichi baara ɓuai. Griego ɓeɗeɗe naka ɓu kubuu: Ichi Jauri bichimaa neei, jūrɗara kīra.

Maabae chi ángel wāsii.

Mariaba Elisabet ichiade wāɗa

39 Mau maadakare María isa Elisabet puuruɗaa wāsii. Mau puuru Judea drua ea iɗaa ɓuude ɓuu.

40 Aria Zacarías deɗe eɗa wāpeɗa Elizabetmaa jarasii: —¡Ājāa!

41 Elisabetba María ɓeɗe ũriiruude ichi warr ɓiteɗe ɓuu miipasii. Ara makude Elisabet Dachí Akõre Jauride ɓeesii. 42 Mauɗe Mariamaa naka jīwa jarasii:

—Bichi biawāra waabena wērarā audeara Dachí Akõreba bi'ia aida ɓuu, mauɗe bichi warr Dachí Akõreba bi'ia aida ɓuai. 43 ¿Mɛ kaima, mɛ Mechiu naweba naka ichiade neesma? 44 Biawāra bichi ɓeɗe ũriiruude warr mɛ ɓide ɓuu kīrajɗaba miipasii. 45 Dachí Mechiuba jarada biawāra makai ijāadaɗeeba bichi ārea bia ɓuu.

46 Mauɗe Mariaba jarasii:

«Sõɗeeba mɛɓa jaraaruu: Dachí Akõre chi Mechiubɛ. V

47 Mɛ ārea kīrajɗɗ ɓuu Dachí Akõre ome, mɛ karibabarii.

48-49 Ichiba mɛ chi ichi baita bari trajabarii mi-ichuburi nii bi'ia uru ɓuu.

Iɗiideeba jomaurāba jarada Dachí Akõre joma poyaa ɓuuba mɛ ārea aida ɓuu, mɛ baita ne mechiu wau ɓuudeeba.

¡Aba ichi Dachí Akõrebɛ!

50 Mauɗeeba ichi wapea nuree ewaricha kīra chuburia ɓuabarii.

51 Dachí Akõreba ichi poyaaɗeeba ne waiɓa waukuasii.

Ara āchi du aba chi mechiu kūrīsia ɓeerā ichiba jī-choabiasii.

52 Chi mechiu ɓeɗa āyaa duanupeɗa chi kaebeu ɓee chi mechiu duanusii.

53 Chi nejarr barauwāe nureerāmaa ne bia joma deasii, maamina chi nejarra barau nuree āyaa jua bari wābiakuasii.

54-55 Chi ichi baita bari trajabarii Israel puuru karibasii. Ichiba Abraham mauɗe ichiɗebena needuurā ewaricha kīra chuburiasii dachí nabēraeɗebenarāmaa jarada kīra».

56 María Elisabet deɗe jedako õbea ɓuapeɗa waya ichi deɗɗaa wāsii.

Juan chi Boro Eabarii adauɗa

57 Chi ewari neesiide Elisabet warr adausii. 58 Ichi de jākaa panabadauba mauɗe chi deɗeɗenarā ɓiɗa mau ũrisiɗauɗe ichi ome kīrajɗusidau Dachí Mechiuba ārea kīra chuburiasiiideeba.

⁵⁹ Warr adauða 8 ewari baaruude mau adoesidau chi wāwa chi mukīra kakua tōðai baita. ^I Maude waabenarāba ichi akōre trū kīra Zacarías trūaðai kūrīa panasidau. ⁶⁰ Maamina chi naweba jarasii:

—Maka trūaðaabai b̄uu, maumaarā jāu Juan trūaðai.

⁶¹ Āchiba jarasidau:

—¿Sakāe mau trū b̄uðaima? Machi dedebenarāde mau trū wā'āe.

⁶² Maabae chi akōre Zacariasmaa juadeeba idisidau kuitaadayua kāare trū b̄u kūrīa b̄uu. ⁶³ Maudeeba Zacariasba bakuru peðea enebisii. Maude naka b̄usii: «Jāu trū Juan b̄uðai».

Mau unusidauðe jomaurāba kāare kauwa kuitaadaid adua panasii. ⁶⁴ Ara makude Zacarías bosara b̄uaða waya berreasii maude Dachī Akōremaa bi'ia berreasii.

⁶⁵ Joma āchi de jākaa panabadauba mau ūr̄ubena ūrisidauðe Dachī Akōre wapea panuuba joma Judea drua ea idaa b̄uude neb̄ur̄ubachidau. ⁶⁶ Joma mau ūripeðaaðaba jarabachidau: «Maka b̄uāib̄urā, mau warr chi mechiu bai». Maka jarasidau Dachī Mechiu juaba chi warr nubariideeba.

⁶⁷ Maabae chi Juan akōre Zacariasba Dachī Akōre Jaurideeba naka berreasii:

⁶⁸ «¡Dachī Mechiu ārea bi'ia nii, Dachī Akōre Israeldebenarāde, ichi ēb̄erārā karibayua neesiideeba!

⁶⁹ Chi ichi baita bari trajabarii Daviddebena needa b̄usii Dachī Karibabarii poyaabarii bamera. ^{II}

⁷⁰ Naede Dachī Akōreba ichi baita berrebadaurāmaa mau ūr̄ubena jarabisii.

⁷¹ Ichiba jarabisii joma dachī kīramaa panabadau maude dachī unuamaa panabadau juadebena karibai.

⁷² Maka wau dachī nab̄eraedebenarāmaa kīra chuburiai adadeeba maude āchi ome beðea deaða joma wau adadeeba.

⁷³⁻⁷⁴ Ichiba dachī nab̄eraedebebena Abrahammaa jarasii dachī chi kīramaa panabadau jua chaareadebena karibai.

Maka wapeawēa dachiba ichi baita poyaa ne wau panadaid.

⁷⁵ Dachī chokae panuumisa ichi daade bi'ia jipa nibadai».

⁷⁶ Maabae Zacariasba ichi warr ūr̄ubena naka jarasii: «Warr, bichi Dachī Akōre chi mechiu nii baita berrebabarii adai. Bichi Dachī Mechiu naa wāi ichi o jarei baita. ^{III}

⁷⁷ Bichiba israeldebenarāmaa kuitaabiai saka Dachī Akōreba āchi kachirua perdonai apeða karibai.

⁷⁸ Ichiba dachī ārea kīra chuburia b̄uudeeba, ūmada neebarii kīra Dachī Karibabarii bajāadebena neei.

⁷⁹ Mauba chi pāriude nureerāmaa, chi biuðai wapea nureerāmaa biða Dachī Akōreba ichi ūðaa kuitaabiai.

I 1:59 Génesis 17:10-12. II 1:69 2 Samuel 7:12-13; Salmos 132:17. III 1:76 Malaquías 3:1.

Maude dachimaa kuitaabiai saka ichi oðe jirukaraayuwāe nibaedayu».

⁸⁰ Chi warr warisii maude Dachī Akōre Jaurideeba meserāa beesii. Kūudrāa baðakare drua sirua wā'āe b̄uude b̄uade wāsii. Aria b̄uabachii aba Israel puurudebenarā daade berrearuu ewariðaa.

Jesús adauða ewari

Mateo 1:18-25

2 Mau ewaride Romadebena chi aude mechiu César Augustoba ichi juade bee joma juasiibiasii.

^{IV2} Mau ewaride Cirenio Siria druade chi jaradea ua b̄uabarii basiide, mau ēb̄erārā trū b̄ubiaða ichiba mau chi naa waubiaða basii. ³ Maude joma āchi puurucha wāsidau juasiidamera.

⁴ Mau ewaride José Galilea druade Nazaret puurude b̄uabachii. Ichi nab̄era Daviddebena neesiideeba Judea druade Belén puurudeaa wāsii. Belén David adauða puuru basii. ⁵ José, ichi wēra bai b̄uu María ome wāsii āchi trū b̄ubidai baita. Mau ewaride María warr baraa b̄uasii. ⁶ Belende panuude María chi warr adau ewari ba b̄uasii. ⁷ Kāibadau de bari wā'āedeeba ichi warr imina adauða paruba b̄urapeða ānimara kobadaude nub̄usii.

Ángel oeja nubadaurāmaa unubida

⁸ Mau ēsabude oeja nubadaurāba āchi oeja Belén kaita nu panasidau. ⁹ Maka b̄uude Dachī Mechiude ángel āchimaa unubisii. Maude Dachī Akōre kīrawārea tedechoa āchi jākaa ārea ūðaa nubeesii. Maudeeba oeja nubadaurā ārea perasidau. ¹⁰ Maamina mau angelba āchimaa jarasii: «Wapearāsturu. M̄uuba beðea bia machimaa jarade neeruu. Mau beðea kakua joma kīrajuudai. ¹¹ Idi David chi naweba adauða puuru Belende machi karibabarii adausii. Mau Cristob̄, Dachī Mechiu. ^{V12} Nauðeeba machiba kuitaadaid m̄uuba biawāra jaraaruu: machiba mau wāwa ānimara kobadaude paruba b̄ura nub̄uu unuðai».

¹³ Ara makude Dachī Akōreba chi angelerā ārea unubiasii. Joma āchiba Dachī Akōre ūr̄ubena naka bi'ia berreasidau:

¹⁴ «¡Dachī Akōre ūtu bajāade b̄uu ārea bi'ia nii! ¡Dachī Akōreba bi'ia unu b̄uu ēb̄erārā nau druade jirukaraayuwāe panadaid!» ^{VI}

¹⁵ Maabae angelerā bajāadaa wāsidau. Ara makude oeja nubadaurāba chiya jarasidau: «Maka b̄uburā

IV Ichiba maka waubiasii puuru beecha ichi baita chi nejarra peðai baita. V Cristo. Mau trūwāema, maumaarā nau griego beðeaba. Arameo beðeade jarabadau Mesias. Jara b̄uu «Dachī Akōreba Dachī Karibabarii deai jarada» maeb̄urā «Dachī Akōreba Dachī Mechiu bai b̄uðai». VI ¡Dachī Akōreba bi'ia unu b̄uu ēb̄erārā nau druade jirukaraayuwāe panadaid! Griego beðeade mau chaarea b̄uu bi'ia ūriðamera.

Dachi Mechiuba kuitaabida Belendaa ichiade wauriduru».

16 Ara makude isa waurisidau. Ara basidau de María, José maude chi wawa unusidau. Chi wawa animara kobadaude nubasii. 17 Mau unusidau de angelba chi warr urubena jarada achiba jomauramaa neburusidau. 18 Chi oeja nubadauraba jara panuu urisidau de joma mau kakua kirisiaswae paneesidau. 19 Maamina chi nawe Mariaba mau urubena ichi sode joma area kirisia buabachii. 20 Oeja nubadauraba waya waduude achiba unupeadaa kakua maude uripeadaa kakua Dachi Aköre urubena bi'ia berreasidau. Chi angelba jarada kira biawara joma makasii.

Jesús Dachi Aköre de mechiudaa adoepedaada

21 Chi warr adausiide 8 ewari badakare, chi wawa chi mukira kakua toosidau. Maude ichi trü Jesús busidau, chi nawe warr barai naede angelba jarada kira.

22 Chi warr adau dakare chi naweba nui buu ewari joma wausii Moisesba buada kira. I Mau ewari baaruude María José omeeba chi wawa Jerusalendaa adoesidau Dachi Mechiu daade budayua. 23 Maka wausidau Dachi Mechiuba Moisesmaa bubidade naka bu kubuudeeba: «Joma warr imina Dachi Mechiumaa deadai panuu». II²⁴ Mau awara Dachi Mechiu daade bi'ia paneedai baita chi akoreraba paloma baabisidau Dachi Mechiuba Moisesmaa bubidade naka bu kubuudeeba: «Urima maebura paloma ome deai buu». III

25 Mau ewari de ebëra Simeón abadau Jerusalende buasii. Mau Simeón jipa buasii maude Dachi Aköreba jara buu bi'ia waubachii. Ichiba esedau buasii Dachi Aköreba Israel puuru söbiabii ewari. IV Dachi Aköre Jauri ichi ome buasii. 26 Naede Dachi Aköre Jauriba ichimaa kuitabisii ichi biui naede Dachi Mechiuba Dachi Karibabarii deai jarada unui. 27 Dachi Aköreba Moisesmaa bubidade bu kubuu kira wau dai baita akoreraba Jesús Dachi Aköre de mechiudaa adoesidau de Dachi Aköre Jauriba Simeón araa wabisii. 28 Simeonba chi warr unusiide jira adaupe da Dachi Aköremaa naka bi'ia jarasii:

29 «M^u Mechiu, jäu kiraburu bichi baita bari trajabarii ida jirukaraayuwae biubise bichiba jarada kira wausiideeba.

30 Bichiba Dachi Karibabarii deai jarada muumaa unubisii.

31 Bichiba ichi busii joma puurudebenaraba unudamera. V

32 Ichi üdaa kira buai judiowae nureeraba bichi urubena kuitaadamera.

Ichi kakua bichi puuru Israel baita chi bia jaradai». VI

I 2:22 Levítico 12:1-8. II Warr imina. Éxodo 13:2. III 2:24 Levítico 12:6-8. IV 2:25 Isaías 40:1-5; 49:13-16; 57:18-19; 61:1-3. V 2:31 Isaías 40:5; 52:10. VI 2:32 Isaías 42:6; 46:13; 49:6.

33 Simeonba ächi warr urubena jara buu urisidau de Jesús akoreraba kare kauwa kirisidai adua paneesidau. 34 Maude Simeonba achimaa bi'ia jarape da Mariamaa naka jarasii:

—Dachi Aköreba nau warr deasii israeldebenarä area bi'ia bumera maude area bi'iwae bumera. Kuitaabiai ichi Dachi Aköredebenena nee buu, maamina ichi urubena kachirua jaradai. 35 Maka areaba ächi sode mera uru bee unubidai. Maude bichi area kira nomaa buai nekoba sö suuruu kira.

36 Aria Dachi Aköre baita berrebarii Ana abadau buasii. Mau Aserdebenena needa Panuel kau basii. Mau chöodraa buasii. Äwera buasiide, kima adoepeda 7 año buude pëdräa basii. 37 Ichi pëdräa beeda 84 año ba buasii. VII Ewaricha äyadaa maude esabude bida Dachi Aköre de mechiudaa wäbachii Dachi Aköremaa chi bia jarai baita, Dachi Aköre baara buayua chiko kodakau ewari wau baita maude Dachi Aköremaa etaa idii baita. 38 Mau chöodraa Jesús akorerä kaita wäpeda Dachi Aköremaa ichituru kidibai jarasii. Maabae Dachi Aköre Jerusalén puuru karibai ewari esedau panuuramaa chi wawa urubena berreasii. VIII

39 Moisesba buada bu kubuu IX kira joma waupedaadakare José maude María baara Galilea druade ächi puuru Nazaretäa waya wäsidau. 40 Chi warr kakua meseräa warisii. Ichiba ne area kuitasii maude Dachi Aköreba ne jomade ichi karibabachii.

Jesús Dachi Aköre de mechiude buada

41 Añocha Jesús akorerä Jerusalendaa wäbachidau judiorä Pascua X ewari wau dai baita. 42 Jesús 12 año buasiide ächi wäsidau mau bari panabadau ewari wau dai baita joma judioräba waubadau kira. Jesús sida ächi baara wäsii. 43 Mau bari panabadau ewari wä'äsiide waya ächi deeda wäsidau. Maamina ächi warr Jesús Jerusalende beesii. Mau achiba adua panasidau. 44-45 Kirisia panasidau Jesús ebërarä täede nii. Maka ewari aba nibasidau. Kewaraa ichi jurusidau de ächi dedebenarä maude köpaerorä täede unudaabasii. Ara makude waya Jerusalendaa chi Jesús jurude wäsidau.

46 Ewari öbea baaruude ichi unusidau Dachi Aköre de mechiu duä Moisesba buada jaradeabadaurä täede akü buu. Ächiba jaradea panuu uri buasii maude maarämaa ne idimaa buasii. 47 Maude achiba idi

VII Ichi pëdräa beeda 84 año ba buasii. Griego bedeade kirisia awara uru buu. Waabenarämaarä jara buu Ana 84 año buasii. VI-II 2:38 Isaías 52:10. IX Moisesba buada bu kubuu. Griego bedeade naka bu kubuu: Dachi Mechiu ley. X Pascua. Egiptodebenena wä dai naede, judioräba decha oeja aba beasidau maabae chi oa ächi de poraa wätomaa purusidau. Maka wausidau Dachi Aköreba Egiptobidarä kastikai ewari de biurädamera. Jäabae Jesusba jara buu ichi oeja ara ichi oa cruzde eabari wäaruu kira nii. Maka wausii, Dachi Aköremaa ichi de ijäabadaurä nau iujäa jomadebenena kastikarädamera. Éxodo 12:1-27.

panuu ichiba bi'ia panausii. Joma mau ũri panuuba kauwa kŕisidaabasii ichi kŕisia kuitaadeeba panuu buasiideeba. ⁴⁸ Chi akŕereraba ichi unusiɗauɗe kauwa kŕisidaabasii. Chi naweba ichimaa iɗisii:

—Wau, ɓichiba sakæe jãkasma? ɓakæe nama beesma? Mɔ mauɗe bichi akŕe omeeba ãrea kŕa no-maa panuudeeba bichi jɔrɔ panasiɗau.

⁴⁹ Jesusba panausii:

—Machiba ɓakæe mɔ jɔrɔ panuma? ɓMɔ Chacha dede buai buu adua panuka?

⁵⁰ Maamina Jesusba jaraɗa chi akŕereraba kuitaadaabasii. ⁵¹ Maabae Jesús ãchi baara Nazaret-ɗaa wãsii. Æchiba jaraaduu ichiba joma waubachii. Joma Jerusalende makada chi naweba ãrea bi'ia kŕisia buabachii. ⁵² Jesús kakua meserãa warisii mauɗe ewaricha ne kuitaa kãribasii. Dachii Akŕereba mauɗe ebŕerarãba ichi bi'ia unusiɗau.

Juan chi Boro Eabarii ũrɔbena

Mateo 3:1-12; Marcos 1:1-8; Juan 1:19-28

3 Tiberio César 15 años Romadebena chi aude mechiu niide Poncio Pilato Judea druaɗe chi jaradea ua buabarii ^I basii. Herodes Galilea druaɗe chi jaradea ua buabarii basii. ^{II} Chi ãba Felipe ^{III} Traconite druaɗe mauɗe Iturea druaɗe chi jaradea ua buabarii basii. Lisánias Abilene druaɗe chi jaradea ua buabarii basii. ² Anás mauɗe Caifás paarerã chi mechiurã basii. ^{IV}

Mau ewaride drua sirua wã'ãe buude Dachii Akŕereba Juan Zacarías warrmaa berreasii. ³ Mauɗeeba Juan joma Jordán do kaita duanuuraamaa jaraɗe wãsii ãchi kachirua ida buɗapeɗa Dachii Akŕereba neɗamera. Ichiba jarasii maka wauɗarã Dachii Akŕereba ãchi kachirua perdonai. Chi ijãaduu ichiba doɗɗa boro eabachii. ⁴ Joma mau makasii Dachii Akŕereba baita berreabarii Isaiasba naeɗe buɗa kŕa:

«Èbŕera drua sirua wã'ãe buude jŕwa berrea buu:
O jarésturu Dachii Mechiu bi'ia neemera. O ichi baita jipa wirua wáusturu.

⁵ Ioro jokoa bee joma korii beei. Ea utɔ bee mauɗe ea jeeɗa bee korii beei.

O jŕrea bee jipa wirua wauɗe o kachirua bee joma bi'ia waukuai.

⁶ Maka jomaurãba unuɗai saka Dachii Akŕereba dachii karibai buu». ^V

^I Chi jaradea ua buabarii. Chi bee kartade mau naka bu kubuu: César. Nau beɗe griego beɗeɗe jara buu «emperador».

^{II} Herodes. Mau Herodes Antipas trũ basii. Mau ũrɔbena bu kubuu: Mateo 14:1-10; Lucas 3:19; 9:7-9; 13:31-33; 23:6-12. Antipas akŕe «Herodes chi Mechiu» abachiɗau. Mateo 2:1-23. ^{III} Felipe. Mau Felipe ũrɔbena nau versiculode bu kubuu. Awara Felipe Herodes-Felipe abadau unubadau Mateo 14:3ɗe; Marcos 6:17ɗe mauɗe Lucas 3:19ɗe. «Herodes chi Mechiu» abadau ãchi akŕere basii. Antipas ome chi ãba basii. ^{IV} Caifás Anás iu basii. Anás paare mechiu buasii año 6ɗeɗeɗe aba 15ɗaa. Caifás paare mechiu buasii año 18ɗeɗeɗe aba 36ɗaa. ^V 3:4-6 Isaías 40:3-5.

⁷ Ærea ebŕerarã neebachiɗau Juanba boro eamera. Maamina Juanba waabenarãmaa jarabachii: «Èbŕerarã dama kŕa nuree, ɓkaiba jarasma machi Dachii Akŕereba kŕuruuude poyaa miruɗayu? ⁸ Machiba wau panuudeeba unubisturu biawãra machi kachirua ida buɗapeɗa, Dachii Akŕereba nepeɗaɗa. Kŕisierãsturu Abrahamɗebena imipeɗaɗaɗeɗeɗe Dachii Akŕereba kastikaabai. Mɔɔba machimaa jaraaruu: Dachii Akŕereba kŕriaiburã cha bee mo Abrahamɗebena imipeɗaɗarã babiakuai. ⁹ Mau awara mɔɔba jaraaruu Dachii Akŕereba chaara uru buu bakuru tutai baita. Joma bakuru bia chauɗakau tukuapeɗa tɔbude jirakuai».

¹⁰ Mauɗeeba ebŕerarãba ichimaa iɗibachiɗau:

—Maka buuburã daiba ɓkãare wauɗai panuma?

¹¹ Juanba panausii:

—Chi paru ome uru buuba chi wã'ãe niimaa aba deai buu. Chi koi uru buuba chi koi wã'ãe niimaa deai buu.

¹² Maka buude Romadebena baita chi nejarra pe-badaurã boro eɗɗai baita neesiɗau. Maabae ãchiba iɗisiɗau:

—Jaradeabarii, daiba ɓkãare wauɗai panuma?

¹³ Juanba ãchimaa jarasii:

—Machiba chi nejarra adaɗɗai panuu aude iɗirãsturu.

¹⁴ Mauɗe kokoroarã aria panuuba Juanmaa iɗisiɗau:

—Daiba ɓkãare wauɗai panuma?

Juanba panausii:

—Waabenarã perabiɗapeɗa ãchi chi nejarra juakaa adaurãsturu mauɗe setaɗeeba waabenarã kachirua jararãsturu. Machi traju bare chi nejarra dea panuuba kŕirajuu panãsturu.

¹⁵ Aria panuuba mau ũrisiɗauɗe ãrea kuitaɗai kŕria paneesiɗau kãare sãai buu. Ara ãchi du aba naka kŕisia panasiɗau: «ɓJuan Dachii Akŕereba Dachii Karibabarii deai jaraɗaka?»

¹⁶ Maamina Juanba jomaurãmaa jarasii: «Biawãra mɔɔba baniaba machi boro ea buu. Maamina mɔ au-deara chi mechiu nii neei. Mauba jŕruɗe jŕbarii mɔ mau enai baita bi'iwãe buu. Mauba Dachii Akŕereba Jauri deai. ^{VI} Maamina ijãaɗaweeburã kastikakuai. ^{VII} ¹⁷ Ichi juade uru buuba chi trigo utaa jirakuabarii chi jãra ãyaa jãripuabii baita. Maabae chi trigo taa jãripuapeɗaɗa chi pebariimarẽ pe nuɓui maamina chi jãra tɔbɔchia kiikaude baai».

¹⁸ Ara mau kŕa maucha june ãrea berreɗeeba Juanba chi beɗeɗe bia dachii karibai ũrɔbena jaradea buabachii mauɗe jarabachii mau ijãaɗamera.

¹⁹ Maamina Juanba Galileadebena chi jaradea ua buabarii Herodes iadaabachii mauba wãra uru buu Herodías kakua. Mau Herodías biawãra Herodes ãba Felipe wãra basii. Mau awara Juanba ichi iadaabachii

^{VI} Dachii Akŕereba Jauri deai. Griego beɗeɗe naka bu kubuu: Dachii Akŕereba Jauriba boro eai. ^{VII} Kastikakuai. Griego beɗeɗe naka bu kubuu: Aokooruuba boro eai.

ne joma kachirua wauḁa kakua. ²⁰ Herodesba mau kachirua wau ḁuu awara nau kachirua siḁa wausii: Juan j̄abisii ichi kastikai baita. ^I

Juanba Jesús boro eaḁa

Mateo 3:13-17; Marcos 1:9-11

²¹ Juanba ēbērarā boro eakua ḁuasiide Jesús siḁa boro easii. Mauḁe Jesusba Dachī Akōremaa berrearu-ude bajāa ewasii. ²² Ewapeḁa Dachī Akōre Jauri bajāaḁebena paloma kīra ichi ūrḁ neesii. Mauḁe bajāaḁebena mimi aba ūrisiḁau. Naka jarasii: «Bichi mḁ Warr chi mḁba kūrīa inii. Bichi kakua mḁ ārea kīrajḁḁ ḁuu». ^{II}

Jesusḁeḁebena nabērarā

Mateo 1:1-17

²³ Jesusba jaradea kobeesiide 30 año nibasiika ḁuasii.

Ēbērarāmaara, mau José warr basii.

José Elí warr basii.

²⁴ Elí Matat warr basii.

Matat Leví warr basii.

Leví Melquí warr basii.

Melquí Janai warr basii.

Janai José warr basii.

²⁵ José Matatías warr basii.

Matatías Amós warr basii.

Amós Nahúm warr basii.

Nahúm Eslí warr basii.

Eslí Nagai warr basii.

²⁶ Nagai Máat warr basii.

Máat Matatías warr basii.

Matatías Semeí warr basii.

Semeí José warr basii.

José Judas warr basii.

²⁷ Judas Johanán warr basii.

Johanán Resa warr basii.

Resa Zorobabel warr basii.

Zorobabel Salatiel warr basii.

Salatiel Neri warr basii.

²⁸ Neri Melquí warr basii.

Melquí Adí warr basii.

Adí Cosam warr basii.

Cosam Elmodam warr basii.

Elmodam Er warr basii.

²⁹ Er Josué warr basii.

Josué Eliezer warr basii.

Eliezer Jorim warr basii.

Jorim Matat warr basii.

³⁰ Matat Leví warr basii.

Leví Simeón warr basii.

Simeón Judas warr basii.

Judas José warr basii.

José Jonán warr basii.

Jonán Eliaquim warr basii.

³¹ Eliaquim Melea warr basii.

Melea Mainán warr basii.

Mainán Matata warr basii.

Matata Natán warr basii.

Natán David warr basii.

³² David Isaí warr basii.

Isaí Obed warr basii.

Obed Booz warr basii.

Booz Salmón warr basii.

Salmón Naasón warr basii.

³³ Naasón Aminadab warr basii.

Aminadab Aram warr basii.

Aram Esrom warr basii.

Esrom Fares warr basii.

Fares Judá warr basii.

³⁴ Judá Jacob warr basii.

Jacob Isaac warr basii.

Isaac Abraham warr basii.

Abraham Taré warr basii.

Taré Nacor warr basii.

Nacor Serug warr basii.

³⁵ Serug Ragau warr basii.

Ragau Peleg warr basii.

Peleg Heber warr basii.

Heber Sala warr basii.

³⁶ Sala Cainán warr basii.

Cainán Arfaxad warr basii.

Arfaxad Sem warr basii.

Sem Noé warr basii.

Noé Lamec warr basii.

³⁷ Lamec Matusalén warr basii.

Matusalén Enoc warr basii.

Enoc Jared warr basii.

Jared Mahalaleel warr basii.

Mahalaleel Cainán warr basii.

³⁸ Cainán Enós warr basii.

Enós Set warr basii.

Set Adán warr basii.

Adán Dachī Akōre warr basii.

Jḁbawāe niiba Jesús kachiruaḁe ḁaebii chaḁa

Mateo 4:1-11; Marcos 1:12-13

4 Jesús Dachī Akōre Jauri baara ḁuaḁa, Jordán doḁebena waya wāsii. Mauḁe Dachī Akōre Jauri-ba mau drua sirua wā'āe ḁuuḁaa adoesii. ² Ewari 40 aria ḁuasii. Mauḁe jḁbawāe niiba kachiruaḁe ḁaebii chaa ḁuasii kachirua waubii baita. Mau ewariḁe Jesus-ba kowēa ḁuuḁeeba jarrbisii ḁuasii. ³ Maka ḁuuḁe jḁbawāe niiba Jesusmaa nau jarasii:

^I 3:20 Mateo 14:1-10; Marcos 6:14-28. ^{II} Bichi kakua mḁ ārea kīrajḁḁ ḁuu. Griego bedeaḁe nau siḁa jara ḁuu «Mḁba bichi jḁrḁ adausii».

—Bichi biawāra Dachī Akōre Warrburā, nau moomaa jarase pan bamera.

⁴ Jesusba panausii:

—Dachi Akōre bedeaēde naka bē kubūu: “Ko bē-udēburu ēbēra chokae buabai bēu, [mau kāyabāra joma Dachī Akōreba jara bēu ijāa bēudeeba chokae nibai”.]^I

⁵ Mau maadakare chi jūbawāe niiba Jesús ea utē bē-udēaa adoesii. Aria nau druade bēe puururā joma unubisii. ⁶ Mauēde chi jūbawāe niiba jarasii:

—Nau druade bēe puuru mauēde mau puurude ne kaebea bia bēe joma bichi juade bēi. Mūdeēdeeba chi mēba dea kūraruuma deai bēu. ⁷ Mē daade odarēde kobēpeda mēma bi'ia berrea bēeruuburā mēba joma deai.

⁸ Maamina Jesusba jarasii:

—Jūbawāe nii, āyaa wāse. ^{II} Dachī Akōre bedeaēde naka bē kubūu: “Bichiba Dachī Mechiu, Dachī Akōrēturu ārea kūrīāse. Aba ichīturu ijāa bēuse”. ^{III}

⁹⁻¹⁰ Mau maadakare chi jūbawāe niiba Jesús Jerusalēndaa adoesii Dachī Akōre de mechiu utēdaa. Maabae jarasii:

—Bichi biawāra Dachī Akōre Warrburā, namauba edaa jīdruse. Dachī Akōre bedeaēde naka bē kubūu: Dachī Akōreba ichi angelerā buikai bichi karibadamera.

¹¹ Bichi āchi juade adauđai bichi jūrē moomaa drūbi-imaaba. ^{IV}

¹² Maamina Jesusba jarasii:

—Ichi bedeaēde nau siđa bē kubūu: “Ne barikia waurāse bichi Akōre Mechiuba bichi karibai kuitaa”. ^V

¹³ Maka kachirude bēebii chaa buapeđa chi jūbawāe nii Jesús jākaabena wāsii waya unuuduđaa.

Jesusba jaradea kobeēda

Mateo 4:12-17; Marcos 1:14-15

¹⁴ Mau maadakare Jesús Dachī Akōre Jauri poy-aaēdeeba Galilea druadea waya wāsii. Joma mau druade ēbērarāba ichi trū poasidau. ¹⁵ Judiorā araa ābua imibadau decha ichiba Dachī Akōre bedea jaradea buabachii. Mauēdeeba jomaurāba ichi ūrūbena bi'ia jarabachidau.

Jesús Nazaretde buada

Mateo 13:53-58; Marcos 6:1-6

¹⁶ Maabae Jesús ichi waridā puuru Nazaretāa wāsii. Bari panabadau ewaride ichiba waubarīi kīra judiorā araa ābua imibadau dede eda wāsii. Maabae ichi akū nūbesii Dachī Akōre bedea eda jarai baita. ¹⁷ Mauēde Dachī Akōre baita berreabarii Isaiās karta ichimaa

^I Griego bedeaēde chi bēe kartade bedea corchetede bēu wā'āe. Deuteronomio 8:3. ^{II} Jūbawāe nii, āyaa wāse. Griego bedeaēde chi bēe kartade mau wā'āe. ^{III} 4:8 Deuteronomio 6:13. ^{IV} 4:11 Salmos 91:11,12. ^V 4:12 Deuteronomio 6:16.

deasidau. Mau bēra bēu enapeđa nau bedea jūrūpeda jīwa eda jarasii:

¹⁸⁻¹⁹ «Dachi Akōre Jauri mē ome bēu. Mauba mē būsii chi ne wā'āe nureerāmaa jaramera Dachī Akōreba āchi karibai.

Ichiba mē būsii chi kīra nomaa nuree sōbia paneebi-amera, ^{VI} jidau adoepeđadarā enatađai jaramera, dau pāriu nureerā unubiamera, chi barau nuree juade bi'iwāe nuree juakaa adauđamera, mauēde jaramera Dachī Mechiuba ēbērarā ne bia wau ewari basii». ^{VII}

²⁰ Eda jarapeđa maabae chi karta bērapēda chi nubariimaa deasii. Maabae akū beesii jaradeai baita. Jomaurāba ichi ichia duanasidau. ²¹ Mauēde Jesusba jarasii:

—Mau bedea eda jarada idi machi daade makaaruu.

²² Jomaurāba ichi ūrūbena bi'ia berreasidau. Ichiba chi bia jaradea bēudeeba pera duanu kīra duaneesii. Ara āchi du aba jara duanasidau:

—¿Nau José warrwāeka?

²³ Jesusba jarasii:

—Machiba nau bedea mēmaaa jarada: “Ūrrmidia deabarii, bichi du aba aribiāse. Bichiba Capernaumēde wauđa daiba ūrisidau. Nama bichi puurude biđa arabaude wause”.

²⁴ Mau awara jarasii:

—Mēba machimaa biawāra jaraaruu: abau biđa Dachī Akōre baita berreabarii ara ichi druade bi'ia irsibidakau. ²⁵ Kīrabāsturu, Elías būsii ewaride Israel druade pēdrārā ārea panasidau. Mau ewaride año ōbea y medio kui chewēa būsiiēdeeba jarrba ārea wausidau. ²⁶ Maamina Dachī Akōreba Elías buibasii Israeldebena pēdrāa aba biđa karibade. Maumaarā pēdrāa Sidón druade Sarepta puurude bēumaa būsii. ^{VIII} ²⁷ Ara mau kīra chi Dachī Akōre baita berreabarii Eliseo būsii ewaride, kakua chau nuree Israel druade ārea panasidau maamina āchidebena abau biđa ichiba aribiabiibasi. Maumaarā Siria druadebena Naamán abachidau aribiabisii. ^{IX}

²⁸ Mau ūrisidauēde joma judiorā araa ābua imibadau dede panuu kīrusidau. ²⁹ Ara makude Jesús puuru awara chīata adoeđapeđa mau puuru ea ūrūdaa adoesidau, edaa jiratada baita. ³⁰ Maamina Jesús āchi tāede wāsii.

Jesusba ēbēra jai kachirua bara bēu āyaa wābiđa

Marcos 1:21-28

³¹ Mau maadakare Jesús Galilea druade Capernaum puurudea wāsii. Bari panabadau ewaride ichiba jaradea būsii. ³² Ārea kuitaa niiba bi'ia jaradeabariideeba jomaurā kuitaa kūrīsiādaabasi. ³³ Judiorā araa

^{VI} Nomaa nuree sōbia paneebiamera. Griego bedeaēde chi bēe kartade mau wā'āe. ^{VII} 4:18-19 Isaiās 61:1-2; 58:6. ^{VIII} 4:26 1 Reyes 17:1-16. ^{IX} 4:27 2 Reyes 5:1-14.

ābua imibadau dede ēbēra jai kachiruarā uru b̄uu baara nibasii. Maka b̄uude ichiba j̄iwa jarasii:

³⁴ —¡Jesús Nazaretdebena! ¡Dai ida buse! ¿Dai kenade neeska? M̄uba kuitaa b̄uu bichi kai: ¡Bichi Dach Akõreba b̄uēda!

³⁵ Maudeeba Jesusba ichimaa naka jarasii: —Chūpea b̄uase. J̄au mukīra kakuadebena awara wāse.

Ara makude chi jai kachiruaba ēbērarā tāede b̄ae-bipeđa awara wāsii, mau ēbēra pu'uabiwēa. ³⁶ Mau unusiadaude jomaurāba kāare k̄urisiadau adua basii. Āchiba chiya idi kopaneesidau: «Ichi bedeaba ¿saka jāka wau b̄uma? Ichiba jaraaru jai kachiruarāba ijābadau. Ichiba ne joma ichi juade ua b̄uudeeba mauđe poyadeeba berrearuude jai kachiruarā wāuribadau».

³⁷ Maudeeba ichi puuru kaita beeča Jesús tr̄ū poa kobeesii.

Jesusba Simón Pedro pakõre aribiabiđa

Mateo 8:14-15; Marcos 1:29-31

³⁸ Judiorā araa ābua imibadau dedebena wāpeđa Jesús Simón deema wāsii. Aria Simón pakõre ārea kua b̄uasii. Maudeeba Jesusmaa chi chuburia idisiđau aribiabimera. ³⁹ Jesusba eđaa ichiapađa chi k̄amia iadaasiide chi k̄amia duusii. Ara makude mau wēra jiradupeđa chiko deađakasii.

Jesusba ēpermo nuree ārea aribiabiđa

Mateo 8:16-17; Marcos 1:32-34

⁴⁰ Kiuruude ārea barikiu ēpermo nuree Jesusmaa adoesiđau. Jesusba ichi jua maarā ūr̄u kub̄upeđa aribiabiasii. ⁴¹ Mauđe jai kachiruarā joma duab̄ukasii. Wāaduude naka bia jarasidau: «¡Bichi biawāra Dach Akõre warr̄b̄u!» Āchiba kuitaa panasiđau ichi Dach Akõreba Dach Karibabarii deai jarada. Maudeeba Jesusba āchi iadaabachii chūpeađamera.

Galileade jaradea nibada

Marcos 1:35-39

⁴² Dapedeede Jesús puuru awara wāsii ēbēra wā'āemare. Maamina ēbērarāba ichi j̄ur̄u panasiđau. Unusiadaude jarasiđau āchi puuruđe beemera. ⁴³ Maamina Jesusba āchimaa jarasii:

—M̄uba waabena puuru beede jaradeai b̄uu Dach Akõreba ichiđirā ichi juade ua b̄uu ūr̄ubena. Dach Akõreba m̄u b̄usii mau bedeəa bia jaramera.

⁴⁴ Maudeeba Jesusba judiorā druade judiorā araa ābua imibadau decha jaradea wābachii. ^I

^I Judiorā drua. Griego bedeade chi bee kartade naka b̄u kub̄uu: Judea drua maeb̄rā Galilea drua.

Jesusba beda jidaubadaurā iuda

Mateo 4:18-22; Marcos 1:16-20

⁵ Earaba Jesús mar Genesaret abadau iikaa b̄uasii. ^{II} Mauđe ēbērarā ārea ichimaa araa imisiđau Dach Akõre bedeəa ūridai baita. ² Aria mar iikaa jāba ome topanasiđau. Mau jāba chibarirā jābadebena ibude wāđapeđa āchi ātarraya jeraamaa panasiđau. ³ Mauđe Jesús Simón Pedro jābade eđa wāpeđa jarasii ibu iikaabena ba'āra adoemera. Maabae jābade ak̄u beepeđa joma aria panuurāmaa jaradea kobeesii. ⁴ Jaradeasiide Jesusba Simonmaa jarasii:

—Jābae bichi jāba mar kēsa adoepeda chi marđe ātarraya jiratásturu.

⁵ Maamina Simonba panausii:

—Jaradeabarii, dai ēsabuđe marđe b̄ata panuu ewarisiđau. Maamina beda ba'āra biđa jidaudaabasii. Maamina bichiba maka jara b̄uu baerā makai.

⁶ Ara makude āchi marđe b̄ata kopaneesidau. Beda ārea jidauduudeeba chi marđe ātarraya kōawāmaa b̄uasii. ⁷ Maudeeba waabena jābade panuurāmaa jua tuisiđau aiđade needamera. Needapeđa jāba omea bedaba waabirubiasidau. Mauba beraa taawāmaa panasiđau. ⁸⁻¹⁰ Simón Pedro mauđe ichi baara panuu biđa beda ārea jidaupeđaada unusiadaude kāare k̄urisiadau adua basii. Ichi ome panuu Santiago mauđe Juan basii. Maarā Zebedeo warrarā basii. Mauđe Simón Jesús daade wāpeđa ođarrde kobeepeda jarasii:

—M̄u Mechiu, bibuara b̄uu bichi m̄u jākaabena āyaa wāi, m̄u kachirua waubariideeba.

Jesusba Simonmaa jarasii:

—Perarāse, idiideeba bichiba m̄u baita ēbēra jidaubar̄ii beei.

¹¹ Āchiba jāba mar iikaa adoepeda joma b̄usidau. Maabae Jesús baara wāsidau.

Jesusba kakua chau iđaa nii aribiabiđa

Mateo 8:1-4; Marcos 1:40-44

¹² Earaba Jesús puuruđe b̄uasii. Mauđe ēbēra kakua chau iđaa nii neesii. ^{III} Mau ēbēraba Jesús unusiide ichi daade ođarrde kobeepeda daub̄ur̄u jeeda t̄upeđa naka chi chuburia iđisii:

—M̄u Mechiu, bichiba k̄uria b̄uub̄rā, m̄u poyaa aribiabii.

¹³ Mauđe Jesusba chi ēbēra ūr̄u jua kub̄uruude jarasii:

—Maka wau k̄uria b̄uu. ¡Aribiāse!

^{II} Genesaret mar mauđe «Galilea» abadau. ^{III} Aiđa Jesús ewaride biawāra saka b̄uasii dachiba kuitaađawēa panuu. Maamina judiorāmaarā aba Dach Akõréburu poyaa aribiabii b̄uasii. Números 12:9-12; 2 Reyes 5:7. Mau awara aba aiđaba jidausirā āyaa b̄uade wāi b̄uasii. Levítico 13:45-46.

Ara makude chi kakua chau nibada wã'ãesii.

14 Maude Jesusba ichimaa jarasii:

—Bichi aribiada abaumaa bida jararãse. Maumaarã judio paaremaa wãse bichi chi kakua anida unumera. Maabae Dach Aköre daade bi'ia beei baita Moisesba jarada kïra ne kaebea dease. ¹ Maka ebërarãba kuitaada bichi chi kakua biawãra anida.

15 Maamina Jesús aude trũ poasii. Maudeeba ebërarã ãrea neebachiãu ichiba jaradea buu ùridai baita. Chi epermo nuree neebachiãu ichiba aribiabi-amera. 16 Maamina Jesús besede ebëra wã'ãemaa wãbachii Dach Aköremaa berreai baita.

Jesusba ebëra bakara buu nii aribiabiãda

Mateo 9:1-8; Marcos 2:1-12

17 Earaba Jesusba jaradea buude fariseorã maude Moisesba buada jaradeabadaurã aria sïu panasiãu. Achi Galilea druadebena, Judea druadebena maude Jerusalén puuruzebena nepeadaãda basii. Maude Dach Mechiu poyadeeba Jesusba epermo nuree aribiabiachii. 18 Maka buude waabenarãba ebëra bakara buu nii ichi jira adoebadaude adoedapeãda eãa adoe kïria panasiãu Jesús daade buãai baita.

19 Maamina ebërarã ãrea nubudeeba poyaa Jesusmaa neebidaabasii. Maudeeba achiãba chi bakara buu nii de ùrũ adoesiãu. Maabae de ùrũare ariãapeãda chi bakara buu nii chi jira adoebadaude eãaa buisiãu. Ebërarã taãde Jesús daade nubusiãu. 20 Jesusba unusii achiãba biawãra ijãa panuu chi bakara buu nii poyaa aribiabiã buu. Maudeeba chi bakara buu niimaa naka jarasii:

—Kõpaero, bichiba kachirua waukuãda mũuba perdonasma.

21 Mau ùrisiãuãde aria panuu fariseorãba maude Moisesba buada jaradeabadaurãba naka jarasiãu: «Jãu ¿kai kïrisia buma? ¿Sakãe maka Dach Aköre daade kachirua berrea buma? Aba Dach Akörëburu ebëra kachirua wauãda poyaa perdonabarii».

22 Maamina Jesusba achiãba kïrisia panuu kuitaasi-ideeba naka idisii:

—¿Sakãe machi sõde jãka kïrisia panuma? 23 Machimaarã, ¿sãu beãea aude chaarea buma jarai baita: “Bichi kachirua wauãda perdonasii” ai maeburã “Nau ebëra bakara buu nii jiradubipeãda nibabii”? 24 Dach Aköreba mũ, chi Ebëra Ba Buãda busii nau iujããde panuuba kachirua waubadau perdonabiamera. Mau machimaa unubiai.

Ara makude chi bakara buu niimaa naka jarasii:

—Jiraduse. Chi bichi jira adoebadau adaupeãda deããa wãse.

25 Ara makude chi bakara buu buãda jiradupeãda ichi jira adoebadau adaupeãda jomaurã daade nibade

I 5:14 Levítico 14:1-32.

wãsii. Maabae Dach Aköre ãrea bi'ia jara nii deããa wãsii. 26 Mau unusiãuãde joma pera duanuu kïra duaneesiãu. Maudeeba Dach Aköre ãrea bi'ia jarasiãu. Dach Aköre wapeãdeeba jarasiãu:

—¿Idi biawãra ebërarãba ne poyaa wauãkaku mechiu unusiãu!

Jesusba Leví iuãda

Mateo 9:9-13; Marcos 2:13-17

27 Mau maããkare Jesús wãruude Romãebena chi aude mechiu nii baita chi nejarra pebarii unusii. Mau trũ Leví abachiãu. Mau ebëra chi nejarra deabadau dede akũ buasii. Jesusba unupeãda jarasii:

—Mũ ome wãse.

28 Ara makude Leví jiradupeãda ichiba wau buãda buipeãda Jesús ome wãsii.

29 Maabae Jesús baita Leviba ichi dede koãai baita ãrea wausii. ãrea Romãebena baita chi nejarra pebadaurã maude waabena ebërarã achi baara ko panasiãu. 30 Mau unusiãuãde Moisesba buada jaradeabadaurãba maude fariseorã Jesús baara nibabadaurãmaa naka kachirua jarasiãu:

—¿Sakãe chi nejarra pebadaurã baara maude waabenarã kachirua waubadaurã baara ãbua komaa panuma?

31 Jesusba achiãmaa jarasii:

—Epermowãe nureeba urmidia deabarii juruãkaku. Maumaarã chi epermo nurëburu jurubadau. 32 Mũ, chi jipa nuree iui baita needawãe, maumaarã chi kachirua waubadaurãturu iui baita nee buu Dach Aköremaa needamera.

Dachi Aköre baara buayua kokau ewari ùrubena

Mateo 9:14-17; Marcos 2:18-22

33 Waabenarãba Jesusmaa jarasiãu:

—Juan chi Boro Eabarii baara nibabadaurãba Dach Aköremaa utaa idiiduude ãrea chiko koãkaku ewari waubadau. Ara mau kïra fariseorã baara nibabadaurã bida waubadau. Maamina bichi baara nibabadaurãba ¿sakãe maka wauãkama?

34 Jesusba achiãmaa jarasii:

—Mukïra miakãibadau kïrajũũ ewari wau buude ¿ichiba iuãrãmaa chiko koãkaku ewari waubiãka?

35 Maamina ewari abãde waabena ebërarãba ichi ayaa adoedai. Mau ewariãburu ichiba iuãrãba chiko koãkaku ewari wauãai.

36 Mau awara Jesusba achiãmaa neburusii jaradeai baita:

—Abau bida paru wiãidebena ba'ãra tãobai paru soremaa wãai baita. Maka wauruuburã chi paru wiã tãoãda kãai, maude chi paru wiã tãoãda chi sore ome bi'ia beebai. 37 Maude abau bida uva baa wiã ãnimara e wauãda chi sorede tuãkaku. Maka wauduuburã baka

kobeeruude chi animara e wauđa chi sore tojĩdrui. Maabae chi uva baa mauđe chi animara e wauđa arii. ³⁸ Mauđeeba uva baa wiđi animara e wauđa wiđide tudaı panuu. Maka omea aŗea dauchia jãdua panadaı. ³⁹ Mauđe uva baa asiada chõra dooruuba chiwiđi do kũriakau. Maumaarã jarabarii: “Uva baa chi chõra chiwiđi aude bibuara nii”.

Jesús bari panabadau ewari chi Mechiu

Mateo 12:1-8; Marcos 2:23-28

6 Bari panabadau ewariđe Jesús ichi baara nibabadaurã baara trigo uuđade nibasiđau. Aria niđauđe Jesús baara nibabadaurãba trigo kuma aba ee adauđapeda boasirađapeda ko nibasiđau. ^I

² Waabenarã fariseorãba mau unusiđauđe idisiđau:

—¿Machiba sakãe bari panabadau ewariđe chi dachiba wauđakau bũu maka wau panuma?

³ Jesusba panasii:

—¿Machiba Dachı Akõre bedeä eda jarađawẽa panuka? David mauđe ichi baara nibabadaurã jarrbisia panasiđauđe ¿kãare wausiđama? ^{II4} David Dachı Akõre dede eda wãpeda chi Dachı Akõre baita kubuada pan adausii. Mau pan ¿aba paarerãburu kodai panaswãeka? Maamina Davidba kopeđa ichi baara nibabadaurãma deđakasio.

⁵ Mauđe Jesusba jarasii:

—M̄, chi Ēbẽra Ba Buađa bari panabadau ewari Mechiub̄.

Jesús bari panabadau ewariđe ěbẽra aribiabiđia

Mateo 12:9-14; Marcos 3:1-6

⁶ Ureeđebena bari panabadau ewariđe Jesús judiorã araa aŗba imibadau deema wãpeda jaradea bũasii. Aria ěbẽra jua biarebena bũu nii bũasii. ⁷ Moisesba bũda jaradeabadaurã mauđe fariseorã panasiđau. Maarãba Jesús ichia panasiđau bari panabadau ewariđe ěbẽra jua bũu nii aribiabii kuitaa. Aribiabiđia basirã mau ũrubena kachirua jarađai kũrisia panasiđau. ⁸ Maamina aŗhiba kũrisia panuu Jesusba kuitaasiđeeba chi ěbẽra jua bũu niimaa naka jarasii:

—Jiradupeđa maabae jomaurã eša uk̄ nũbeese.

Ara makude chi ěbẽra jiradupeđa uk̄ nũbeesii.

⁹ Maabae Jesusba aŗhımaa jarasii:

—Mũba machımaa idĩruu: bari panabadau ewariđe ¿kãare wauđai panuma? ¿Chi bia maeburã chi kachirua? ¿Waabenarã karıbai maeburã ida biubiaka?

¹⁰ Maabae aria panuurãmaa ichiapeda chi mukĩra-maa naka jarasii:

—Jua jiwaase.

Maka jiwaaruude ichi jua bi'ia diđisii. ¹¹ Mauđeeba aria panuu aŗea kĩruđapeda aŗhi chiya berrea bara beesii Jesús ome kãare sãđayu.

I 6:1 Deuteronomio 23:24-25. II 6:3 1 Samuel 21:1-6.

Jesúsba ěbẽrarã 12 jur̄u adauđa

Mateo 10:1-4; Marcos 3:13-19

¹² Earaba Jesús eadaa wãsii. Aria Dachı Akõremaa utaa idi bũu ewarisii. ¹³ Ewarıđakare ichi baara nuree araa aŗba iukuapeda maarãđebena 12 jur̄u adaukuasii. Mau 12 jur̄u adauđarã ichiba trũ jarasii “ichiba buıdarã”. ^{III14} Āchi trũ nau: Simón (mauđe Pedro abadau), chi aŗba Andrés, Santiago, ^{IV} Juan, Felipe, Bartolomé, ¹⁵ Mateo, Tomás, Alfeo warr Santiago, Simón Celote abadau, ¹⁶ Santiago aŗba Judas mauđe Judas Iscariote, chi mau mađakare Jesús jıdaubiđia.

Jesúsba aŗea duanuuma jarađeada

Mateo 4:23-25

¹⁷ Maabae Jesús ichiba jur̄u adauđarã baara eadebena eadaa neesiđau. Koriıde ichi baara nibabadaurã baara mauđe waabenarã ěbẽrarã aŗea needuurã baara beesii. Mau ěbẽrarã Judea druadebena, Jerusalendebena, mar iikaadebena puuru Tirodebena mauđe Sidondebena ¹⁸ neesiđau Jesúsba jaradea bũu ũriđai baita mauđe epermo nuree aribiabıamera. Mau awara Jesúsba jai kachıruarã ěbẽrarã kakuadebena du-abũıkasii. ¹⁹ Joma chi epermo nureerãba ichi wau kũria panasiđau Dachı Akõre poyaađeeba aribiabii bũudeeba.

Dachi bi'ia panadaı Jesúsba jarađa

Mateo 5:3-12

²⁰ Jesúsba ichi baara nibabadaurãmaa ichiapeda naka jarasii:

«Bi'ia panuu machı chi miıchuburi nuree Dachı Akõreba ichi juade ua bũudeeba.

²¹ Bi'ia panuu machı chi jarrbisia nuree Dachı Akõreba jãwaabıai bũudeeba. ^V

Bi'ia panuu machı chi kĩa nomaaba jãa nuree Dachı Akõreba kĩa jũubıai bũudeeba. ^{VI}

²² »Bi'ia panuu ěbẽraba m̄, chi Ēbẽra Ba Buađa kaku machı kĩramaaduude, ida bũuduude, kachirua jaraaduude mauđe machı sõ kachirua panuu aaduude.

²³ Machı kachirua wauduude aŗea kĩa jũu panesturu, machıba ne bia aŗea bajãade uru panadaıdeeba. ^{VII} Āchi nabẽraeđebenarãba Dachı Akõre baita berrebadaurã biawãra maka kachirua waubachiđau.

²⁴ “Maamina miıchuburi panadaı machı chi nejarra aŗea bara nuree; nau ewariđeburu kĩa jũu panadaı bũudeeba.

III Ichıba buıdarã. Kajuma bedeade naka bũ kubũu: apóstoles. IV Mau Santiago ara mau «Jacob» abadau. V Bi'ia panuu machı chi jarrbisia nuree Dachı Akõreba jãwaabıai bũudeeba. Mauba nau siđa jara bũu: Bi'ia panuu sõdeeba Dachı Akõre kuitaa kũria nuree, Dachı Akõreba kuitaabiđeeba. Jeremías 31:25. VI 6:21 Salmos 126:5-6; Isaiás 57:18; 61:2-3; Apocalipsis 7:16-17. VII 6:23 2 Crónicas 36:16.

²⁵ Machi miichuburi panadai chi ärea jäwaa duanu-urä, maadaare jarrbisia panadaiädeeba.

Machi miichuburi panadai chi üraude ei duanuurä maadaare kïra nomaaba jä panadaiädeeba.

²⁶ Machi miichuburi panadai ëbëraräba machi ürubena bi'ia jaraaduuburä.

Machi nabëraeëbenaräba ëbërarä Dachï Aköre trüdeeba setaa jaradea nuree ürubena maka bi'ia jarabachidau".

Dachi chi kïramaabadaurä küriadai ürubena jarada

Mateo 5:38-42,44

²⁷ »Maamina machi, chi mü bedea üri panuurämaa müuba jaraaruu: machi kïramaabadaurä küriásturu maude maarämaa bi'ia wáusturu. ²⁸ Chi machimaa kachirua jaraadumaa bi'ia jarásturu. Chi machi kachirua waubadau kakua Dachï Aköremaa ütaa idís-turu maarä aidamera. ²⁹ Abauba bichi kïedarr síru-uburä, chi osobarebena sída ümüase símera. Abauba bichi paru juakaa adauruuburä, bichi anabari jübarii sída ida adoebise. ³⁰ Abauba bichimaa ne idüruuburä, wäakaräse. Mau awara bichiba uru büudebena abau-ba juakaa adauruuburä idiräse waya deabiyua.

³¹ Machiba küria panuu waabenaräba machimaa bi'ia wauðai. Mauðeeba, ara mau kïra machiba waabenarä-maa bi'ia wáusturu.

³² »Machiba chi machi küriabadáuturu küria panu-uburä, ¿kaiba machi bi'ia jaraima? Kachirua waubadaurä biða ächi kôpaerorä küriabadau. ³³ Mau awara machi kôpaeroráturu bi'ia wauduuburä, ¿kaiba machi bi'ia jaraima? Kachirua waubadaurä biða ara mau kïra waubadau. ³⁴ Mau awara machiba ababuru chi waya deaðai nureerämaa ne kaebea deaduuburä ¿kaiba machi bi'ia jaraima? Kachirua waubadaurä biða ara mau kïra waubadau ächiba deapedaada waya adauðai kürisia panuudeeba.

³⁵ »Mauðeeba machi chi kïramaabadaurä küriásturu. Maarä bi'ia wáusturu. Maarämaa ne kaebea deásturu. Maamina deaduude maaräde adauðai kürisiarásturu. Makaburu machiba Dachï Aköreëbena adauðai panuu ärea mechia buai maude unubiðai biawära machi Dachï Aköre chi mechiu nii warrarä panuu. Kachirua waubadaurä maude ichimaa bi'ia buu adakaurä, ichiba ichi söbiädeeba karibabarii. ³⁶ Ara mau kïra machiba kïra chuburia panásturu machi Aköre bajäade buuba kïra chuburiabarii kïra.

Waabenarä kachirua jarabadau ürubena

Mateo 7:1-5

³⁷ »Abauba kachirua wauða ürubena jararásturu, abau biða machiba kachirua waupedaada ürubena jararäamera. Aba nebura bara nii arásturu, Dachï Aköreba machi nebura bara nuree a jararäamera.

Machiba waabenarä kachirua wau panuu perdonaadu-uburä, Dachï Aköreba machi kachirua wau panuu per-donai. ³⁸ Waabenarämaa ne kaebea deásturu. Mak-aburu Dachï Aköreba machimaa äreáturu deai, ë ärea waabirupeða purrubarii kïra. Ichiba deai machiba waabenarämaa deabadau kïra».

³⁹ Mau awara Jesusba nebürsü jaradeai baita: «¿Dau päriu niiba chi abau dau päriu nii poyaa adooi buka? ¿Adoeruuburä, ächi omea chobeade bæwäðabaika? ⁴⁰ Chi ne kuitaa küria buu chi jarade-abarii audeara kuitaa buuwäe. Maamina ichiba ärea kuitaruude chi jaradeabarii kïra nibai.

⁴¹ »Machiba ¿sakäe nejarr abau dauðe buu ichi-abadama? ¿Sakäe bakuru waiþua machi dauðe buu ichiäðakama? ⁴² Bakuru waiþua bichi dauðe buu un-uwëeburä ¿sakaburu abaumaa naka jaraima: "Nejarr bichi dauðe buu müuba aubarüi"? ¿Bichi setaa ëbëra bia nii abarii! Naa bakuru waiþua bichi dauðe buu aubarise. Maka poyaa unui nejarr abau dauðe buu aubarüi baita. Ara mau kïra bichiba kachirua wau buu ida buuse. Makaburu waabenarä poyaa aidai.

Bakuru chi nejöðeeba kuitaabadau

Mateo 7:15-20; 12:34-35

⁴³ »Bakuru kachiruaba nejö bia chaukau. Ara mau kïra bakuru biaba nejö kachirua chaukau. ⁴⁴ Bakuru chi nejöðeeba kuitaabadau. Üri bara buuba higo jö chaukau. Mauðe cardoba uva chaukau. ⁴⁵ Ara mau kïra ëbëra bia buuba ichi söðe ne bia uru buudeeba ne bia berreabarii. Maamina ëbëra kachiruaba ichi söðe ne kachirua uru buudeeba ne kachirua berreabarii. Èbërabä ichi söðe kürisia buu kïra berreabarii.

De ome ürubena

Mateo 7:24-27

⁴⁶ »¿Sakäe mü "Dai Mechiu, Dai Mechiu" abadama maamina müuba jara buu machiba wauðakama? ⁴⁷ Chi müumaa neeruuba mü bedea üripeða ijäa wau-ruuburä müuba jarai mau kai kïra buu. ⁴⁸ Mau ëbëra-ba de wauruu kïra buu. Mau ëbërabä ärea idu korosüi aba mo chaarea unuuruðaa. Mau üru de jüru üyaa nubüsüi. Mau de chaarea ärea nubüudeeba do ärea cheeruude bæbasüi. ⁴⁹ Maamina chi mü bedea üripeða ijäawëe nau kïra buu: ëbërabä de wausüi maamina de jüru idu üyaabasüi. Mauðeeba do ärea cheeruude ichi de teatapeða bæsius. Joma wä'äe bari beesüi».

Jesusba kokoroa baita bari trajabarii aribiabiða

Mateo 8:5-13

7 Jesusba ëbërarämaa maka jarasüde Capernaum puuruðaa wäsüi. ² Aria kokoroarä jaradea ua buabarii bæsius. Mau baita bari trajabarii ärea küria nii

uru buasii. Maamina mau ichi baita bari trajabarii ĕpermo buudeeba biumaa buasii. ³ Chi kokoroarā jaradea ua buabariiba Jesús ũrubena ũrisiide waabenarā paare mechiurā Jesusmaa buisii ichi baita bari trajabarii aribiabiide neemera. ⁴ Maarā wādapeda nau chi chuburia idisiđau: «Jāu kokoroarā jaradea ua buabarii ěbēra jipa nii. Mauđeeba bichiba karibai buu. ⁵ Ichiba dachi judiorā ārea kŭria buudeeba dachi judiorā araa ābua imibadau de waubisii».

⁶ Maka jarasiđauđeeba Jesús maarā ome kokoroarā jaradea ua buabarii deđdaa wāsii. Maamina de kaita needuude kokoroarā jaradea ua buabariiba ichi kōpaerorā Jesusmaa naka jarade buisii: «Mę mechiu, mę bichi kīra bi'ia niwādeđeeba, mę dede neebai buu. ⁷ Mauđeeba mę bichimaa wābasii. Maamina bichiba jamareeba berrearuuburā mę baita bari trajabarii aribiabii. ⁸ Mę jaradea buabariiba jara buu męmba ijāi buu. Mauđe męmba jara buu kokoroarā mę juade nureerāba ijāđai panuu; męmba abaumaa nébađe aaruude neebarii; wābađe aaruude, wābarii; mauđe mę baita bari trajabariimaa naka wāubade aaruude arabauđe ichiba waubarii».

⁹ Mau ũrisiide Jesusba ichi ũrubena bi'ia kŭrisiasii. Mauđeeba chi ichi baara wāaduuma ichiapeda jarasii: «Męmba jaraaruu: nau ěbēra ārea ijā buu kīra, israełebena aba biđa unukau».

¹⁰ Kokoroarā jaradea ua buabariiba buikađa waya wāsiđauđe chi ichi baita bari trajabarii ĕpermo buađa aribiada unusiđau.

Jesusba pēdrāa warr aribiabiada

¹¹ Mau maadakare Jesús mauđe ichi baara nibabadaurā Naín puuruđaa wāsiđau. Āchi baara ěbērarā ārea wāsiđau. ¹² Jesús chi puuruđe eđa wābadau kaita neesiiđe unusii ěbērarāba kŭudrāa biuđa jau buđe adoeduu. Chi nawe pēdrāa basii. Mauba warr ababuru uru buasii. Chi pēdrāa baara ěbērarā ārea duanasidau. ¹³ Dachi Mechiu Jesusba chi pēdrāa miichuburi unupeđa naka jarasii:

—Waa jēarāše.

¹⁴ Maabae araa wāpeda chi biuđa eđa adoebadau wausii. Mauđeeba chi adoeduurā bari topaneesiđau. Mauđe Jesusba jarasii:

—Kŭudrāa, męmba bichimaa jarai, jiraduse.

¹⁵ Ara makude chi biu buađa jiradupeđa berreasii. Maabae Jesusba mau chi nawemaa deasii. ¹⁶ Mauđeeba chi aria panuu ārea perasiđau. Jomaurāba Dachi Aköre baita nau bi'ia jarasiđau:

—Biawāra Dachi Aköre baita berreabarii chi mechiu dachi tāede neesii. Dachi Aköre ichi puuru karibade nee buu.

¹⁷ Mauđeeba joma Judea druade mauđe mau kaita bee druade biđa Jesús ũrubena trę poasiđau.

Jesusba Juan chi Boro Eabarii ũrubena jaradea

Mateo 11:2-19

¹⁸⁻¹⁹ Juan baara nibabadaurāba Jesusba wauđa Juanmaa joma neburusidau. Mauđeeba Juanba ome iupeđa Dachi Mechiu Jesusmaa naka iđide wābisii: «¿Bichi chi neei buađaka, maeburā june aba esedađai panuka?»

²⁰ Ara makude Jesusmaa wādapeda idisiđau:

—Juan chi Boro Eabariiba dai bichimaa buisii. Mauba naka iđibisii: “¿Bichi chi neei buađaka, maeburā june aba esedađai panuka?”

²¹ Ara mau ewariđe Jesusba chi ĕpermo nuree, chi jai kachirua bara nuree mauđe chi dau pāriu nuree ārea aribiabiasii. ²² Mauđeeba Jesusba āchimaa naka panausii:

—Machiba unu panuu mauđe ũri panuu Juanmaa jarade wāsturu: dau pāriu nureađa unu panuu; nęka nureađa bi'ia nuree; kakuu chau nureađa aniđapeda nuree; kęuru kiape nureađa jābae ũri panuu; biupeđaadarā waya chokae nuree. Mau awara chi nejarr barauwāe nureerāmaa chi bedea bia Dachi Aköre karibai ũrubena ũri panuu. ²³ Chi męmba ijāi ida bukau nii bi'ia buai.

²⁴ Juanba buiđarā wāsiđauđe Jesusba aria nureerāmaa Juan ũrubena berreasii:

—Drua sirua wā'āe buuđaa machiba Juan ichiade wāsiđauđe ¿kāare unuđai kŭrisiasidama? ¿Pūatuuruuba sia dodomia adoeruu kīra maka unuđai kŭrisiasidaka? ²⁵ Maka kŭrisiadaabasii. Mau ¿kāare unuđai kŭrisiasidama? ¿ěbēra ababa paru mipitaa ārea jŭ nii unuđai kŭrisiasidaka? Makawāema; maarā paru mipitaa jŭ nureerā mauđe ne kaebea bi'ia uru nureerā reyrā dede panabadau. ²⁶ Mau ¿kāare unuđai kŭrisiasidama? ¿Dachi Aköre baita berreabarii unuđai kŭrisiasidaka? Maerā, Dachi Aköre baita berreabarii ichiade wāsiđau. Juan Dachi Aköre baita berreabarii chi mechiu nii. ²⁷ Ichi ũrubena Dachi Aköre bedeade naka bu kubuu:

“Mę baita berreabarii bichi naa buiruu bichi o jaremera”. ^{III}

²⁸ Męmba jaraaruu: nau druade aba biđa Juan auđeara mechiu wā'āe. ^{IV} Maamina Dachi Aköreba ichiđirā ichi juade ua buudebena chi aude kaebeu nii ichi audeara chi mechiu nii». ^V

²⁹ Jesusba jara buu ũrisiđauđe ěbērarāba mauđe Romadebena baita chi nejarra pebadaurā jarasiđau Dachi Aköreba wau buu jipa buu, Juanba āchi boro eadadeeba. ³⁰ Maamina fariseorāba, Moisesba buđa

I 7:22 *Isaías 29:18-19; 35:5-6; 26:19.* II *Pūatuuruuba sia dodomia adoeruu kīra maka unuđai kŭrisiasidaka. Mau jara buu «ěbēra pera buu».* III 7:27 *Malaquías 3:1.* IV *Nau druade aba biđa. Griego bedeade naka bu kubuu: Wērarāba topedaada ũrubena.* V *Waabenarāmaarā Jesusba versiculo 29 mauđe 30 jarasii.*

jaradeabadaurã biãa Dachî Akõreba ächi baita wau kûria buãa ida bûsîdau. Mauðeeba Juanba ächi boro eabasii.

³¹ «Idibaebena ëbërarã, mûuba çkãare kîra nuree jaraima? ³² Puuruðe warrarã jemene panuude bia kopanuuba jarabadau:

“Daiba purrsiru chaasîdaude machi baeraðaabasii.

Kari kîra nomaa karisîdaude machi jëaðaabasii”.

³³ Machi biawãra mau kîra panuu. Juan neesiide kokau ewari waubachii mauðe itua doka basii. Mauðe machiba jarabadau mau jai kachirua inii. ³⁴ Maabae mû, chi Ëbëra Ba Buãa nee bûu. Mûuba ne joma kobarii mauðe ne joma dobarii. Mauðe machiba jarabadau: “Mau chi ko ärea nii mauðe do ärea nii”. Mau awara jarabadau: “Mau kachirua waubadaurã baara mauðe Romaðebena chi aude mechiu nii baita chi nejarra pebadaurã baara nibabarii”. ³⁵ Maamina kuitaa panuu Dachî Akõre kûrisia kuitaa jipa bûu, mau ijãa panuuba jipa waubadauðeeba».

Simón fariseo nii dede Jesús koda

³⁶ Fariseo buasii. Mau fariseoba Jesús iusii ichimaa koda wãmera. Ara makude Jesús wãpeda chi kobadaumare akû beesii. ³⁷ Mau puuruðe wëra ärea kachirua waubarîi buasii. Mau wërabã Jesús fariseo dede ko bûu kuitaasiide bötia alabastro mo wauðade kera adoesii. ³⁸ Jëa kubuuba Jesús kaita neepeda, ichi daubaaba Jesús jûru koesii. Maabae ichi buðaba poapeda Jesús jûru ÿyaapeda ichiba kera adoeðaba purusii.

³⁹ Mau unusiide Jesús iuda fariseoba naka kûrisiasii: «Nau ëbëra biawãra Dachî Akõre baita berreararii baða basirã kuitaai basii kachirua waubarîi wërabã jãka wau bûu».

⁴⁰ Mauðeeba Jesusba naka jarasii:

—Simón, mûuba bichimaa ne jara bûu.

Simonba jarasii:

—Jarase, Jaradeabarii.

Jesusba jarasii:

⁴¹ —Ëbëra ome panasîdau. Maarãba chi nejarra deaðaubariimaa chi nejarra deaðai panasîdau. Abauba 500 denarios deai buasii. ^{II} Abauba 50 denarios deai buasii. ⁴² Maamina ächiba poyaa deaðaabasii kuitaasiideeba, chi nejarra barau nii ëbërabã ächiba deaðai panuu ida bûsîi. Mûuba bichimaa idiiruu: çSãuba chi ëbëra chi nejarra deaðaubarii aude kûriai buma?

⁴³ Simonba panausii:

—Mûa kûrisia bûu chi aude deai buaðaba aude bi'ia kûriai.

Jesusba jarasii:

I *Alabastro. Mau mo kukuaraa bûu. Chaareawãe buudeeba ne waubadau. Judiorãba alabastro Egipto druadebena adoebachîdau. Joma alabastro wauða ärea bale buubarîi. II Denario. Mau ewariðe denario aba paabachii traju ewari aba baita.*

—Bichiba arakude panausii.

⁴⁴ Maabae wëramaa ichiapeda Simonmaa jarasii:

—çBichiba nau wëra unu buka? Mû bichi dede neesiide bichiba bania deabasii mû jûru koebii baita, maamina nau wërabã ara ichi daubaaba mû jûru koepeda ichi buðaba poabisii. ⁴⁵ Mû neesiide bi'ia irsibii baita bichiba ÿyaabasii, maamina nau wërabã mû jûru ÿyaaï ida buubasii. ⁴⁶ Mû bi'ia irsibiyua bichiba mû boro ÿru olivo draa eabasii, maamina nau wërabã mû jûru kera-ba purusii. ^{III}⁴⁷ Mauðeeba mûuba naka jaraaruu: mau wërabã kachirua ärea wauða mûuba joma perdonasii. Mauðeeba mauba mû ärea kûria bûu. Maamina chi bæ'ãra kachirua wau bûu, mûuba perdonaaruubërã, mauba mû bæ'ãra kûria buai.

⁴⁸ Maabae ichiba wëramaa jarasii:

—Bichiba kachirua wauða mûuba joma perdonasii.

⁴⁹ Maamina waabenarã aria akû duanuurã chiya berrea bara beesii:

—Nau çkai kûrisia buma? çMaka waabenaba kachirua wauða ichiba poyaa perdona buka?

⁵⁰ Mauðe Jesusba wëramaa jarasii:

—Bichiba mûude ijãasiideeba kachiruaðebena karibasii. Jirukaraayuwãe wãse.

Wërarãba Jesús aida panada

8 Mau maadakare Jesús puuru mechiu beecha mauðe puuru kaebeu beecha wãsîi. Mauðe jarabachii Dachî Akõreba ichiðirã ichi juaðe ua buai baita neeruu. Mau beðea bia jaradea niide ichiba 12 jûru adauðarã ichi baara nibabachîdau. ² Mau awara wërarã ichi baara nibabachîdau. Chi nuree wërarã ëpermo beaða Jesusba aribiabiasii mauðe chi nuree jai kachirua bara beaða Jesusba chi jai duabusii. Aba María Magdalena basii. ^{IV} Jesusba mau kakuadebena jai kachiruarã 7 äyaa buisii. ³ Cuzã wëra Juana siða buasii. Cuzaba Herodes dedebena joma nubachii. ^V Susana siða buasii. Mau awara waabena wërarã ärea panasîdau. Maarãba Jesús ne kaebea deabachîdau aidaðai baita.

Netaa uubarîi ÿrubena neburuda

Mateo 13:1-9; Marcos 4:1-9

⁴ Ärea ëbërarã puuru beecha joma Jesusmaa neesîdau. Mauðe Jesusba naka neburusii ne jaradeai baita:

⁵ «Ëbëra aba netaa poðe wãsîi. Maka po kãriide chi bæe netaa ode bæesîdau. Mauðeeba ëbërarãba ÿru biraduasiðau mauðe ibanarãba pemikuasiðau. ⁶ Chi bæe netaa mokara iðaade bæesîdau. Tonosiide bania ärea

III *Mau ewariðe waabena deemaa wãpeda, chi chibariba mau ÿyaabachii, chi jûru jeraabibachii mauðe olivo draa eabachii ichi boro ÿru mau bi'ia irsibii baita. IV María Magdalena Magdala puurudebenadeeba maka trû jarabachîdau. V Mau Herodes «Antipas» trû jarabachîdau.*

wā'āe buudeeba joma poasii. ⁷ Chi bee netaa uri idaa buude baesidau. Tonosiide jūkara uri idaa buuba bura kenasii. ⁸ Maamina chi waabenarā netaa ioro biade baesidau. Mau netaa waridapeda 100 netaa deasii».

Maka berreapeda Jesusba jīwa jarasii: «Chi kuru bara niiba kauwa ūrise».

Jesusba kauwa ūribida chi netaa pobarii ūrubena

Mateo 13:10-23; Marcos 4:10-20

⁹ Mauḍeeba Jesús baara nibabadaurāba ichimaa idisidau:

—Bichiba mau neburuda ḡkāare jara kŭria buma?

¹⁰ Jesusba panasii: «Dachi Akōreba ichidirā ichi juade ua buu ūrubena jomaurāmaa kuitaabawēa bu-mina machimaa kuitaabia buu. Maamina waabenarāmaa m̄ nebururuuba jaradea buu Dachi Akōre kartade jara buu makamera. Naka jara buu:

“Nau ebērarāba ūri panumina kauwa ūridakau. Unu panumina kauwa unudakau”. ^I

¹¹ M̄ba neburuda naka jara buu: chi netaa Dachi Akōre bedeb̄. ¹² Netaa ode baeda nau jara buu: waabenarā ebērarāba Dachi Akōre bedea ūridapeda jebawāe niiba mau bedea āchi sōde needa kude beebikau ijārādamera. Maka āchi kachirudebena wādakau. ¹³ Netaa mo ūri ioro bia wā'āede baeda nau jara buu: waabenarā ebērarāba Dachi Akōre bedea ārea kīraj̄ ūribadau, maamina ārea karr jidauḍakauḍeeba sōḍeeba ijādakau. Mauḍeeba kā'ābariwāede ārea kachirua wauduude ida b̄badau. ¹⁴ Netaa ioro uri idaa buude poda nau jara buu: chi nuree ebērarāba Dachi Akōre bedea ūribadau, maamina āchi saka bi'ia paneedai baita, ne joma uru panadai baita mauḍe kīraj̄ panadai baita ārea kŭrisiabadau. Joma mauba Dachi Akōre bedea waa ūribadakau mauḍe āchiba ūripedaaḍa ida buḍapeda waridakau. ¹⁵ Maamina netaa ioro biade baeda nau jara buu: sō jipa nureerāba mauḍe kŭrisia bia nureerāba Dachi Akōre bedea ūridapeda biawāra ijāabadau. Āchiba ijāa panuu ida buḍakauḍeeba ne bia waubadau.

Ūdaa koabarii ūrubena neburuda

Mateo 5:14-15; Marcos 4:21-25

¹⁶ »Abau bida ūdaa koabarii koapeda mera nubukau maeburā paratu mechiu ekare nubukau. ^{II} Maumaarā chi ūdaa koabarii m̄ nububarii chi dede eda needu-urāba ūdaa unudamera. ¹⁷ Ara mau kīra ebērarāba joma bia kauwa ūridawēa panuu mera buabai. Chi dachiba kauwa ūridawēa panuu Dachi Akōreba bi'ia kauwa ūribai. ¹⁸ Mauḍeeba ārea kauwa ūri panásturu. Abauba biawāra kuitaaruburā, Dachi Akōreba aude

^I 8:10 *Isaías 6:9.* ^{II} *Mera nubukau. Griego bedeeḍe naka bu kubuu: Kēḍa ekare nubukau.*

kuitaabii. Maamina chi adua niiba ne kuitaa buu kŭrisiaruburā ichiba kŭrisia buu Dachi Akōreba mau juakaa adau».

Jesús dedebenarā ichimaa nepeḍaaḍa

Mateo 12:46-50; Marcos 3:31-35

¹⁹ Earaba Jesús nawe mauḍe ichi ābarā ichi ichiade wāsidau. Maamina poyaa aria needaabasii ebērarā ārea panuudeeba. ²⁰ Mauḍeeba waabenarāba ichimaa jarasidau:

—Bichi nawe mauḍe bichi ābarā awara panuu.

Maarā bichi ichiade nee panuu.

²¹ Jesusba jarasii:

—Dachi Akōre bedea ūribadaurā mauḍe ijāa waubadaurā m̄ naweb̄ mauḍe m̄ ābarāb̄.

Jesusba pūaturā mauḍe mar mechiu apiibida

Mateo 8:23-27; Marcos 4:35-41

²² Earaba Jesusba ichi baara nibabadaurāmaa naka jarasii:

—Mar kīraa wāḍa.

Ara makude jābade ataudapeda wāsidau. ²³ Wāduude Jesús kāi nubesii. Maka buude pūatu ārea pūa kobeesii. Mauḍeeba chi jāba taawāmaa buasii. Āibamaa panasidau. ²⁴ Mauḍeeba Jesús ūrumadapeda naka jarasidau:

—jJaradeabarii, Jaradeabarii, dachi taawāmaa panuu!

Jesús jiradupeda pūatu mauḍe do ūrapemaa jarasii apiidamera. Ara makude joma apii nubesii.

²⁵ Maabae ichi baara nibabadaurāmaa naka jarasii:

—Machiba ijāa panuu ḡSāasma?

Maamina ichi baara nibabadaurāba wapeaba kāare kŭrisiadayu adua basii. Āchi chiya idisidau:

—ḡNau kaima? Pūaturāba mauḍe mar bida ichi bedea ijāa panuu. ^{III}

Jesusba jai kachirua ārea duabuikaḍa

Mateo 8:28-34; Marcos 5:1-20

²⁶ Mar kīraa wādapeda Gerasa druadaa neesidau. ^{IV} Gerasa Galilea mar kīare buu. ²⁷ Jesús jābadebena edaa wāaruude mukīra mau puurudebena ichimaa neesii. Mau mukīra jai kachirua inibasii. Ārea ba buasii mauba paru jūka basii. Dede bida buaka basii, mau-maarā biudarā jau b̄badaumare chobeade buabachii. ²⁸ Mauba Jesús unusiide biasii. Maabae Jesús daade ḍdarrde kobeepeda jīwa jarasii:

—Jesús, Dachi Mechiu Warr, ḡSakāe m̄ joe buma? jM̄ kīra chuburīase, bi'iwāe buabirāse!

²⁹ Jauri kachiruba maka jarasii Jesusba jaradadeeba mau ebēra kakuadebena awara wāmera. Ewari ārea buasii mau jai kachiruba ebēra kachirua wau uru

^{III} 8:25 *Salmos 107:28-30.* ^{IV} *Gerasa. Griego bedeeḍe chi bee kartade naka bu kubuu: Gadara.*

bəu. Waabenarāba chi mau mukīra kaenaba jūdapeđa kauwa nubachidamina chi kaena tuikuapeđa ēbēra wā'āemaa chi jai kachiruaba adoebachii. ³⁰ Mauđe Jesusba maumaa idisii:

—¿Bichi trū kaima?

Ichiba panasii:

—Mx Legión abadau. ^I

Ichiba maka jarasii jai kachiruarā chi mukīra kakuade ārea duanuudeeba. ³¹ Mauđe āchiba Jesusmaa chi chuburia idisiđau eakarr edaa chobeə pāriu nubuuđaa bəikarāamera. ^{II}³² Maka panuude āchi kaita eade sina ārea komaa duanasidau. Mauđeeba chi jai kachiruarāba Jesusmaa chi chuburia idisiđau mau sina kakuade eđa wābiamera. Maabae Jesusba ida wābiasii. ³³ Ara makude chi jai kachiruarā chi mukīra kakuadebena wāđapeđa sina kakuade eđa wāsidau. Maabae chi sina pira wauridapeđa eakarrdebenə doedaa jīchoadapeđa ūyaba jāri kinisiđau.

³⁴ Mau unusidauđe chi sina nu panəda pira wāsidau. Āchiba unupedaada nebūrsidau chi puurudebenarāmaa mauđe mau puuru kaita duanuurāmaa.

³⁵ Ēbērarāba ichiade neesidauđe chi mukīra jai kachirua ārea uru buada Jesús jūru jāka akə buu unusidau. Paru jūpeđa kīrabia buasii. Mauđeeba ēbērarā perasiđau. ³⁶ Chi mau unupedaadaba waabenarāmaa nebūrsidau sakaburu jāu aribiasii. ³⁷ Mauba Gerasadebenarā joma wapeadapeđa Jesusmaa chi chuburia idisiđau āchi druadebena āyaa wāmera. Ara makude Jesús waya jābade ataupeda Galileadaa wāsii. ³⁸ Wāi naede chi mukīra jai kachirua uru buadaba Jesusmaa chi chuburia idisii ichi ome wāi baita. Maamina Jesusba naka jarasii:

³⁹ —Bichi deedaa wāpeđa jomaurāmaa nebūrsə Dachī Akōreba bichi ome bi'ia wauđa.

Ara makude chi mukīra ichi puuruđaa wāsii. Aria jomaurāmaa nebūrsii Jesusba ichi ome ne ārea wauđa.

Jesusba wērakau chokae jiradubiđa

Mateo 9:18-26; Marcos 5:21-43

⁴⁰ Galilea druade ēbērarā ārea duanuuba Jesús esedau panasidau. Ichi neesiide maarāba ārea kīrajū irsibisiđau. ⁴¹⁻⁴² Mauđe ēbēra Jairo abadau ichimaa neesii. Mau Jairo judiorā araa ābua imibadau deđe chi karr basii. Mauba kau ababuru uru buasii; año 12 ni-basii. Mau wērakau biumaa buasii. Jairo Jesús jūrumaa ōdarrdeeba kobeepeđa chi chuburia idisii ichi deemaa wāmera.

Ara makude Jesús wāsii maamina wāaruude ēbērarāba ichi pīchuka uru panasidau. ⁴³ Maarā tāede wēra 12 año oamia inibasii. Mau wēraba urrmidīa de-abadaurāmaa chi nejarra joma deasii, ^{III} maamina

^I Legión. Mau jara buu «6.000 kokoroarā». ^{II} Eakarr edaa chobeə. Griego bedeade naka bə kubuu: abismo. Aria Dachī Akōreba jai kachiruarā kastikai. Apocalipsis 9:1-3; 20:1-3. ^{III} Mau wēraba

abau biđa poyaa aribiabiđabasii. ⁴⁴ Mau wēra kaadeeba neepeđa Jesús anabari jūbarii i wasii. Ara makude chi oamia tə diđisii. ⁴⁵ Mauđe Jesusba idisii:

—¿Kaiba mə wasma?

Jomaurāba panausidau wauđawēa panuma.

Mauđeeba Pedroba jarasii:

—Jaradeabarii, ēbērarāba bichi pīchua uru panuu.

¿Sakāe bichiba idi buma kaiba bichi wasii? ^{IV}

⁴⁶ Maamina Jesusba jarasii:

—Abauba mə wasii. Məba kuitaa buu mə poyadeeba mau aribiabisii.

⁴⁷ Chi wēraba wauđa poyaa merawēe kuitaasiideeba peraba uri kubuu wāpeđa Jesús jūru kaita ōdarrde kobeesii. Maabae jomaurā daade ichiba jarasii sakāe Jesús wauđa mauđe ara makude aribiada. ⁴⁸ Mauđe Jesusba jarasii:

—Kau, bichi aribiasii, məba maka waui buu biawāra ijāasiideeba. Jirukaraayuwāe wāse.

⁴⁹ Wabiđa aria berrea panuude Jairo dedebena abə neepeđa Jairomaa naka jarasii:

—Bichi kau biusii. Jaradeabarii ida buse.

⁵⁰ Mau ūrisiide Jesúsba jarasii:

—Wapearāse. Sōdeeba ijāaruuburā, mau chokae jiradui.

⁵¹ Jairo deemaa neepeđa Jesusba Pedro, Santiago, ^V Juan, chi wērakau akōre mauđe chi nawe deedaa adoesii. Waabena eđa wābiabasii. ⁵² Mauđe ēbērarā chi wērakau kakua kīra nomaa jēa duanasidau. Mauđeeba Jesusba jarasii:

—Jearāsturu, nau wērakau biuwēa buu; bari kái nubuu.

⁵³ Mauđeeba ēbērarāba Jesusmaa ichiđapeđa isidau, chi wērakau biawāra biusii kuitaa panuudeeba. ⁵⁴ Maamina Jesusba chi wērakau juade jidaupeda jarasii:

—jWērakau, jiraduse!

⁵⁵ Maka jaraaruude chi wērakau ūrumapeđa jiradusii. Maabae Jesusba jarasii chi wērakaumaa kobidamera. ⁵⁶ Mau unusidauđe chi akōrerāba kāare kūrisiđayu adua basii. Maamina Jesusba āchimaa jarasii abaumaa biđa jararādamera.

Jesusba ichi baara nibabadaurā buikađa

Mateo 10:5-15; Marcos 6:7-13

9 Jesusba ichi baara nibabadaurā 12 duanu araa ābua iukuapeđa poyaabarii deasii mauđe jai kachiruarā āchi juade busii, duabuikadamera mauđe ēpermo nuree aribiabiđamera. ² Mauđe āchi buikasii Dachī Akōreba ichiđirā ichi juade ua buai ūrubena

urrmidīa deabadaurāmaa chi nejarra joma deasii. Griego bedeade chi bee kartade mau wā'āe. IV ¿Sakāe bichiba idi buma kaiba bichi wasii? Griego bedeade ārea kartade mau wā'āe. V Mau Santiago trū jarabadau «Jacob».

jarade wādamera maude ēpermo nuree aribiabiamera.

³ Wāđai naede Jesusba āchima jarasii:

—Machi wāduude ne aba biđa adoerāsturu. Duma, ūabisa, chiko maude chi nejarra adoerāsturu. Paru kakuade jū panūturu adoesturu.

⁴ Wāduu niđauđe abauba machi bi'ia irsibiiruude mau dede panesturu aba mau puurudebena wāduudea. ⁵ Maamina puurudebenarāba machi bi'ia irsibiđawēbērā mamabena wāsturu. Wāduude ioro jora machi jūrudebena neapesturu. Mauba kuitaabia iāchiba Dachī Akōre ida bē panuu kaku ichiba kastikai.

⁶ Maka wāđapeđa puuru bēecha jarabachiđau chi bedea bia Jesús ūrubena, maude ēpermo nuree aribiabachiđau.

Herodesba Jesús ūrubena ūriđa

Mateo 14:1-12; Marcos 6:14-29

⁷ Herodes Galilea druadebena chi jaradea ua bēabarii basii. Mau Herodesba joma Jesusba wau bēu ūrubena ūrisii. ^I Ichiba kāare kūrisiai adua bēasii waabenarāba naka jara panuudeeba:

—Juan chi Boro Eabarii chokae jiradusii.

⁸ Maude waabenarāba jara panasiđau:

—Elías waya dachi baara bēuade neesii.

Chi nureeba jara panasiđau:

—Nabēraedebena Dachī Akōre baita berreabarii bēuade chokae jiradusii.

⁹ Maudeeba Herodesba jarasii: «Mauba Juan chi Boro Eabarii boro bēatubisii. Maka bēubērā cha jara panuu ħkaima?»

Maudeeba Jesús unu kūrīa bēasii.

Jesusba 5.000 kobiada

Mateo 14:13-21; Marcos 6:30-44; Juan 6:1-14

¹⁰ Jesusba bēidarā waya neesidaude āchiba waupedaada joma nebūrūsidau. Mau maadakare Jesusba āchi Betsaida puuruđaa adoesii ābua panadaudai baita. ¹¹ Maamina ēbērarāba ichi aria bēu kuitaapeđa araa wāsidau. Maude Jesusba āchi bi'ia irsibipeđa jaradea kobeesii Dachī Akōreba ichiđirā ichi juade ua bēui ūrubena. Mau bedea bia jaradea bēuđe chi ēpermo nuree aribiabiasii.

¹² Kiuruude Jesusba 12 jūrū adauđarā ichimaa wāđapeđa jarasiđau:

—Ēbērarāmaa wābađe āsturu puurude maude de ara kaita bēede kāđamera maude chiko nedođamera. Nama ne wā'āe.

¹³ Jesusba jarasii:

—Machiaburu chiko kobiāsturu.

Maamina āchiba panausiđau:

—Pan jua aba maude beda ome uru panuu. Bichiba kūrīa bēubērā dai chiko nedođe wāđai, nau ēbērarā ārea duanuumaa poyaa kobiada.

¹⁴ Aria panuu 5.000 mukīrarā panuka duanasii. Maudeeba Jesusba ichi baara nibabadaurāmaa naka jarasii:

—Maarāmaa jarāsturu 50cha a'awaraa jeđa akū paneđamera.

¹⁵ Ichi baara nibabadaurāba ichiba jaradea kīra wausidau. Ēbērarā joma akū paneesidau. ¹⁶ Jesusba pan jua aba panuu maude beda ome panuu ichi juade adaupeđa bajāmaa ichiapeđa Dachī Akōremaa bi'ia jarasii. Maabae bēikuapeđa ichi baara nibabadaurāmaa jarasii deđakadamera. ¹⁷ Ēbērarā joma bē jāwaaduđaa kosidau. Chi ūrū bēede araa pesidaude 12 jabara waabirubisiđau.

Pedroba Jesús ūrubena jaradea

Mateo 16:13-28; Marcos 8:27—9:1

¹⁸ Earaba Jesús istu Dachī Akōremaa ūtaa iđimaa bēasii. Chi ichi baara nibabadaurā aria panuude, Jesusba āchima iđisii:

—Ēbērarāba mē ħkai kūrīsia panuma?

¹⁹ Āchiba panausiđau:

—Chi nureeba jara panuu bichi Juan chi Boro Eabarii. Waabenarāba jara panuu bichi Elías. Waabenarāba jara panuu bichi nabērarā Dachī Akōre baita berreabarii chokae jiraduđa.

²⁰ Maude ichiba waya iđisii:

—Machiba mē ħkai kūrīsia panuma?

Pedroba panausii:

—Bichi Dachī Akōreba Dachī Karibabarii deai jaradabē.

²¹ Jesusba ārea jarasii mau abaumaa biđa jararādamera. ²² Mau awara jarasii:

—Mē, chi Ēbēra Ba Bēuade ārea bi'iwāe bēui. Puurudebena jaradea ua bēabadaurāba, paare mechiurāba maude Moisesba bēuđe jaradeabadaurāba mē ida bēuđapeđa beabiđai. Maamina mē ewari ōbeade chokae jiradui.

²³ Jesusba jomaurāmaa jarasii:

—Aba mē baara nibai kūrīa bēubērā, chi mauba wau kūrīa bēu, ida bēi bēu, maude ewaricha ārea bi'iwāe bēui baita bēui bēu. ^{II} Maabae mē baara wāi bēu.

²⁴ Aba ara ichi karibai kūrīaruubērā, mau poyaabai. Maamina aba mē kaku biuruubērā, Dachī Akōre ome ewaricha chokae bēui. ²⁵ Nau ārea kūrīsiāsturu: ēbēra nau iujāde ne joma uru bēu biuruude tēbūchia kikaudea wāaruubērā, ħchi uru bēuđaba karibai bēka?

²⁶ Abauba mē ūrubena kīrakayaaruubērā maude mē bēdeade, mē, chi Ēbēra Ba Bēuade neeruude mau ēbēra kaku kīrakaya bēui. Mau ewaride mē neei, mē

^{II} Ārea bi'iwāe bēui baita bēui bēu. Griego bēdeade naka bē kubūu: ichi cruz adooi bēu.

I Mau Herodes «Antipas» trē jarabachiđau.

Chachaba muma poyaabarii deasiideeba maude ichi angelerã poyaabariide. ²⁷ Mumba biawãra jaraaru: chi nuree nama panuu biudai naede Dach Akõreba ichidirã ichi juade ua ßuu unudai. ^I

Jesús kîra awara didida

Mateo 17:1-8; Marcos 9:2-8

²⁸ Maka jarasiide 8 ewari badakare Jesús Dach Akõremaa utaa idide wãsii ea utu nubuuada. Pedro, Juan maude Santiago adoesii. ²⁹ Aria Jesusba Dach Akõremaa utaa idimaa ßuude ichi kîra awara didisii. Ichi paru sida ùdaa torroa didisii. ³⁰ Maka ßuude ëbëra ome needapeða Jesús ome berreasidau. Aba Moisés basii; chi abau Elías basii. ³¹ Ächi sida Dach Akõre kîrawãreadeeba tedechoa panasidau. Ächiba berrea panasidau Jesús Jerusalende beadai ùrubena. ^{II}

³² Maka ßuude Pedro maude waabenarã ärea dapokea panasidamina kã duaneedaabasii. Maude Jesús tedechoa ßuu maude ëbëra ome ichi jãkaa panuu unusidau. ³³ Mau ëbërarã Jesús ome panada wãaduude Pedroba Jesusmaa jarasii:

—Jaradeabarii, bi'ia ßuu dai nama panuu. De cheke õbea pãebaridai: aba bichi baita, aba Moisés baita maude aba Elías baita.

Pedro maka berreasii kãare kûrisiai adua ßuasiideeba. ³⁴ Maka ßuude jûrurara ùdaa ßuu ächi ùru neesii. Maudeeba ächi ärea wapeasidau. ³⁵ Ara makude mimi jûrurade ùrisidau. Mauba naka jarasii: «Nau mû War-rû, mumba jûru adauða. Mauba jara ßuu ùristuru». ^{III}

³⁶ Mau bedea chûpeasiide Jesús ichi du aba akû nubuu unusidau. Ächiba unupeðaada awawarrea abaumaa biða neburædaabasii.

Jesusba warr ëpermo ßuu aribiabiða

Mateo 17:14-21; Marcos 9:14-29

³⁷ Norema eadebena edaa neesidaude ëbërarã ärea Jesús ichiade neesidau. ³⁸ Maude abaua naka jîwa jarasii:

—Jaradeabarii, michuburia, mû warr ara aba uru ßuu ichiade wãse. ³⁹ Mau jai kachiruaba uru ßuu. Mauba chi warr jidauruude, biabibarii, wawabibarii maude okarredaa kõpepeabibarii. Mauba mû warr ida ßukau. ⁴⁰ Mumba bichi baara nibabadaurãmaa jarasii mau jai kachirua duabuidamera, maamina poyaadaabasii.

⁴¹ Maudeeba Jesusba panausii:

—;Machiba Dach Akõrede ijãadaku! ;Machi chi kachirua nuree! Machiba ijãadamera ¿sakaada mû dauchia jãadua ßuaima? Bichi warr namaa eneese.

I Dach Akõreba ichidirã ichi juade ua ßuu unudai. Adua panuu kãare unudai. Waabenarãmaara, jara ßuu Jesús kîra awara beei. Waabenarãmaara, jara ßuu Jesús chokae jiradui, ichi bajãadaa wã, maeburã Dach Akõre jauri neei. II Jesús Jerusalende beadai ùrubena. Griego bedeaede naka ßu kubuu: Jesús wã ùrubena. III Juru adauða. Griego bedeaede chi ßee kartade naka ßu kubuu: ärea kûria buada. Isaías 42:1.

⁴² Chi warr Jesusmaa wãaruude chi jai kachiruaba chi warr jeeda bæbipeða ärea wawabisii. Maamina Jesusba chi jai duabuisii. Chi warr aribiabiða chi akõrema deasii. ⁴³ Dach Akõre poyaadeeba chi makada unusidaude jomaurãba pera duanuu kîra duaneesii.

Jesusba waya ichi beadai ùrubena jarada

Mateo 17:22-23; Marcos 9:30-32

Ichiba wau ßuu kakua ëbërarãba wabiða ärea kûrisia panuude Jesusba ichi baara nibabadaurãmaa jarasii:

⁴⁴ —Mumba machimaa jaraaru ärea bi'ia ùristuru. Mû, chi ëbëra Ba Buada ëbërarãmaa jidaubiai.

⁴⁵ Maamina ächiba Jesusba maka berreaða kuitaadaabasii. Dach Akõreba wabiða ächimaa kuitaabiwëa ßuasii. Maude Ichimaa ididai wapea panasidau.

¿Kai chi mechiu ßuaima?

Mateo 18:1-5; Marcos 9:33-37

⁴⁶ Maka panuude ara ächi du aba berrea duaneesidau kai chi aude mechiu nii kuitaadayua.

⁴⁷ Maamina Jesusba mau kuitaadeeba warr adopeða ichi jãkaa nubusii. ⁴⁸ Maude naka jarasii:

—Abauba munde ijãa ßuudeeba nau warr bi'ia irsibiriuburã, mû sida bi'ia irsibiiruu. Maude mû bi'ia irsibiiruuba chi mû biida bi'ia irsibiiruu. Machidebena chi kaebeu nii Dach Akõre daade chi mechiu nii.

Dachi kîramaawëa nii dachi baara ßuu

Marcos 9:38-40

⁴⁹ Maabae Juanba naka jarasii:

—Jaradeabarii, daiba ëbëra unusidau bichi trudeeba jai kachirua duabukua ßuu. Maamina dachi baara nibakaudeeba daiba ichimaa jarasidau waa maka waurãamera.

⁵⁰ Jesusba jarasii:

—Maka waurãamera jararãsturu. Chi dachi kîramaawëe dachi baara ßuu.

Jesusba Juan maude Santiago iadaada

⁵¹ Jesús utaa wã kaita bakaride, biawãra Jerusalemada wã kûrisiasii. ⁵² Wãaruude waabenarã Samaria druadaa naa buisii. Puuru kaebeude needapeða sama kãidai jûrusidau. ⁵³ Maamina mau puurudebenarãba kuitaasidau Jesús Jerusalemada wãaru. Maudeeba ichi bi'ia irsibidaabasii. ⁵⁴ Maudeeba Juanba maude Santiago Jesusmaa jarasidau:

—Dai Mechiu, Eliasba wauða kîra ¿Dachi Akõremaa utaa ididai kîra tûbu aoko bajãadebena buiruuba ächi joma kenamera? ^{IV}

IV Eliasba wauða kîra. Griego bedeaede chi ßee kartade mau wã'äe. 2 Reyes 1:9-16.

⁵⁵ Jesusba ächi ichiapeda iadaasii. [Naka jarasii: «Machi ¿sakäe maka berrea panuma? ¹⁵⁶ Mx, chi Ēbëra Ba Buada ebërarä kenai baita neewëa ßuu, maumaarä nee ßuu karibai baita».] ^{II}

Maabae junebena puuruäa wäsidau.

Jesús baara nibadaí chaarea ßuu jarada

Mateo 8:19-22

⁵⁷ Ode wäaduude abauba Jesusmaa jarasii:

—Jaradeabarii, bichi wäaruuma mx bichi ome wäi.

⁵⁸ Jesusba jarasii:

—Usa modedebena de bara nii maude ibana de bara nii, maamina mx, chi Ēbëra Ba Buada sama käi nußuai wä'äe ßuu.

⁵⁹ Maude Jesusba waabena ebëramaa jarasii:

—Mx ome neese.

Chi ebëra panausii:

—Mx Mechiu, bichi ome wäi naede ida mx chacha jau ßude wäbise. ^{III}

⁶⁰ Jesusba ichimaa jarasii:

—Chi biupedaadaba chi biudarä jau ßudai panuu. Maamina bichiba ebërarämaa jarade wäse Dachí Aköreba ichidirä ichi juade ua ßuu ürübena.

⁶¹ Maude waabenaba Jesusmaa jarasii:

—Mx sida bichi baara nibai, maamina mau naede mx dedebenarämaa jarade wäi ßuu.

⁶² Jesusba panausii:

—Aba trajade wäpeda waya akarnaa ichiaiburä, mau bi'iwäe ßuu Dachí Aköreba ichidirä ichi juade ua ßuude trajai baita.

Jesusba 70 ebërarä buikada

10 Mau maadakare Dachí Mechiu Jesusba ichi baara nibabadaurä maucha june 70 juru adausii Dachí Aköre bedea jarade wädamera. ^{IV} Ichi naa omeemea buikasii puurucha wädamera ichi wäi kürisia ßuumaa. ² Maarämaa naka jarasii: «Nau ebërarä ne uuda ärea chau kubuu kïra nuree. Maamina chi trajabadaurä ba'ära panuu. Maudeeba chi ne uuda Chibarimaa idisturu trajabadaurä ichi ne uu nußuumaa buikamera.

³ »;Wästuru! Mxuba machi ebëra kachirua täede buikaaru. Maaräba machi kachirua waudai usa kachiruaba oeja cheke orrabarii kïra. ⁴ Wäaduude üabisa, chi nejara maude june kotisarä adoerästuru. Maude bari topaneerästuru waabenarä ome berreadai baita.

I Griego bedeaäde naka ßu kubuu: Machiba ¿käare jaurideeba maka jara panuma? II Griego bedeaäde chi bee kartade bedea corcheteäde ßuu wä'äe. III Ida mx chacha jau ßude wäbise. Mauba griego bedeaäde nau kürisia sida dea ßuu: «Mxuba nui ßuu aba mx chacha biuruudaa». IV 70 Griego bedeaäde chi bee kartade ßu kubuu: 72.

⁵ »Deeda wäaduude mau dedebenarämaa naka jarästuru: «Dachí Aköre trüde apii jirukaraayuwäe panästuru». ⁶ Mau dedebenaräba machi apii jirukaraayuwäe irsibiiduuburä, machiba berrepedaada kïra ächi apii jirukaraayuwäe panaadai. Maka irsibidaaburä, ächi jirukaraayuwäe panaadaabi. ⁷ Machi apii jirukaraayuwäe irsibiiduuburä, mau dede panästuru. Decha käirästuru. Maaräba deaduu kósturu maude dósturu, chi trajabariiba chi deai ßuu chi nejara adai ßuudeeba.

⁸ »Puuruude needuude ebëraräba machi bi'ia irsibiiduuburä, maaräba machimaa deaduu kósturu. ⁹ Mau awara chi epermo nuree aribiabiästuru. Maarämaa naka jarästuru: «Dachí Aköreba machi ichi juade ua bee, ichidirä baara».

¹⁰ »Maamina puuruude needuude ebëraräba machi bi'ia irsibidawëeburä, arabena wädapeda maarämaa naka jarästuru: ¹¹ «Nau puurudebena ioro jora dai jürudebena machi daade neapeeduu unubiadaí baita Dachí Aköreba ebërarä kastikai. Bi'ia kuitästuru Dachí Aköreba ichidirä ichi juade ua bee». ¹² Maudeeba mxuba jaraaru: Dachí Aköreba kastikai ewaride Sodomdebenarä audeara mau puuru aude kastikai. ^V

Jesusba ichide ijäawëa bee puuru kastikada

Mateo 11:20-24

¹³ »;Corazín puurudebenarä maude Betsaidadebenarä miichuburi nuree Dachí Aköreba kastikaideeba! Mxuba machi täede ebëraräba ne poyaa waudakau ärea wasii. Mxuba maka wauda basirä Tirode maude Sidonde, mau puurudebenaräba isa ächi kachirua ida ßudapeda Dachí Aköreäde ijäadai basii. Maudeeba etabarr jora machi boro ürü kuikuadai basii maude kïra nomaaba paru parr jüdaí basii. ¹⁴ Maudeeba Dachí Aköreba kastikai ewaride Tirodebenarä maude Sidondebenarä audeara machi aude kastikai. ¹⁵ ¿Capernaumdebenarä utaa bajäadaa wädaika? ;Wädaabai! ;Dachí Aköreba machi chi biudarä panabadaude jirakuai!» ^{VI}

¹⁶ Maabae ichi baara nibabadaurämaa jarasii: «Machi bedea ijäa ßuuba mx bedea ijäa ßuu. Machi ida ßu ßuuba mx ida ßu ßuu. Maude chi mx ida ßu ßuuba chi mx Buida sida ida ßu ßuu.»

Jesusba 70 buida waya neepedaada

¹⁷ Jesusba 70 buida ärea kïrajuru waya neesidau. ^{VII} Maabae ächiba Jesusmaa naka jarasidau:

—;Dai Mechiu, bichi trüdeeba chi jai kachiruarä du-abuikasidaude ächi wäsidau daiba jarapedaada kïra!

¹⁸ Maudeeba Jesusba ächimaa jarasii:

V 10:12 Génesis 18:16—19:29. VI Biudarä panabadaude. Griego bedeaäde naka ßu kubuu: Hades. VII 70 Griego bedeaäde chi bee kartade ßu kubuu: 72.

—Maerã, mũaba unu bũasii Satanás bajãadebena bã bæebarii kĩra bæeruu. ¹⁹ Mũaba machimaa poyaabarii deasii jebawãe nii poyaadamera mauđe dama ũru, dusũri ũru biđa poyaa tuadamera. Abau biđa machi poyaa kachirua waubai. ²⁰ Maamina kĩrajũrãsturu machiba jai kachirua duabũiduude ãchiba ũribadaudeeba, maumaarã kĩrajũsturu Dachĩ Akõreba machi trũ bũ kubũu bajãade uru bũudeeba.

Jesús kĩrajũ bũada

Mateo 11:25-27; 13:16-17

²¹ Maka berrea panuude Jesús Dachĩ Akõre Jaurideeba ãrea kĩrajũrã nũbesii. Mauđeeba Dachĩ Akõremaa naka jarasii: «Chacha, bichi bajãadebena Mechiu mauđe nau iujãadebena Mechiu. Bichiba ne adua nureerãmaa mũaba jaradeada kuitaabiiasiideeba mũaba bichi bia jarai. Ne kuitaa nureerãmaa bichiba kuitaabiabasi. Maerã, Chacha, bichiba maka wausii maka wauĩ kũria bũasiideeba.

²² »Mũ Chachaba mũamaa ara ichi ũrũbena joma kuitaabisii. Abau biđa adua panuu mũ, chi Warr saka nii; aba mũ Chacháburu kuitaa bũu. Ara mau kĩra abau biđa adua panuu mũ Chacha saka nii; ababuru mũ, chi Wárrburu kuitaa bũu. Mũaba abũumaa mũ Chacha kuitaabiiruubũrã, mau ebẽraba kuitaai».

²³ Maabae ichi baara nibabadaurã awara adoepeda naka jarasii: «Machi ãrea bi'ia panuu unubadaudeeba. Abũuba mau unuruubũrã, mau ebẽra sida ãrea bi'ia bũai. ²⁴ Biawãra ãrea Dachĩ Akõre baita berreabadaurãba mauđe reyrãba chi machiba unu panuu unu kũria panasidaũ, maamina unũdaabasi. Mauđe machiba ũri panuu ãchiba ũri kũria panasmina, ãchiba ũriũdaabasi».

Samariadebena ebẽra sõbia nii ũrũbena neburũda

²⁵ Earaba Jesús biawãra ne kuitaa bũu kuitaai baita Moisesba bũda jaradeabarii jiradupeđa naka idisii:

—Jaradeabarii, ¿mũaba kãare wauĩ bũma Dachĩ Akõre ome ewaricha chokae bũai baita?

²⁶ Jesúsba panausii:

—Moisesba bũdade ¿kãare bũ kubũma? ¿Bichi baita kãare jara bũma?

²⁷ Moisesba bũda jaradeabarii panausii:

—Joma bichi sõdeeba, joma bichi jaurideeba, joma bichi poyaadeeba mauđe joma bichi kũrisiadeeba bichi Akõre Mechiu kũriãse. ^I Mauđe waabenarã kũriãse ara bichi kũria bũu kĩra. ^{II}

²⁸ Mauđe Jesúsba jarasii:

—Bichiba ara panausii. Bichiba maka wauruubũrã ewaricha Dachĩ Akõre ome chokae bũai.

²⁹ Maamina Moisesba bũda jaradeabarii ichi jipa bũu unubii kũriasii. Mauđeeba Jesusmaa idisii:

I 10:27 Deuteronomio 6:5. II 10:27 Levítico 19:18.

—Maamina “waabena” jaraaruude ¿mau kai jara bũma?

³⁰ Jesúsba panausii:

—Earaba ebẽra Jerusalende bena Jericođaa wãsii. Wãaruude nechirurãba ichi jidaũdapeda ãrea sidapeda biũdaka bari bũsidaũ. Ichiba uru bũada joma juakaa adauđapeda wãsidaũ.

³¹ »Maka bũude paare arabau ode neesii. Chi ebẽra bari bũu unusmina aidawẽa wãyaa wãsii. ³² Arabauđe Levita mau ode neesii. ^{III} Mau biđa chi ebẽra bari bũu unuruude aidawẽa wãyaa wãsii. ³³ Mawãare ebẽra Samariadebena mau ode neesii. Chi ebẽra bari bũu unusiide kĩra chuburiasii. ³⁴ Araa wãpeda chi ebẽra kakua olivo draaba mauđe uva bũaba purupeđa, paruba bũrasii. Maabae ichi mura ũrũ kubũpeda kãibadaũ deđda adoesii. Aria mau ebẽra bi'ia nusii.

³⁵ »Norema Samariadebenaba chi de chibarimaa chi nejarra deapeda naka jarasii: “Nau aidase. ^{IV} Nau chi nejarra mũaba dearuuba ara bũuwãebũrã, bichi chi nejarraba aidase. Mũ waya neeruude bichi chi nejarraba aidada mũaba joma deai”».

³⁶ Maka neburũpeda Jesúsba idisii:

—Ebẽra õbearãba unusidaũ chi nechirurãba sĩpedaada. Bichimaarã, ¿sãũ chi kõpaero kĩra nii unubisma?

³⁷ Mauđe chi Moisesba bũda jaradeabarii panausii:

—Chi kĩra chuburiadaba.

Jesúsba maumaa jarasii:

—Ara mau kĩra waabenarã kũriãse.

Jesús Marta deđda wãda

³⁸ Ode wãaduude Jesús mauđe chi ichi baara nibabadaurã puuru kaebeude neesidaũ. Aria wẽra Marta abadaũ bũabachii. Mau Martaba Jesús ichi dede bi'ia irsibisii. ³⁹ Martaba neekau uru bũasii María abadaũ. María Jesús ^V jũrũ kaita akũ bũasii mauba jaradea bũu ũrii baita. ⁴⁰ Maka bũude Marta ne kaebea ãrea waumaa bũudeeba jirukaraa bũasii. Jesús kaita wãpeda jarasii:

—Jaradeabarii ¿bichimaarã, bi'ia bũka mũ neekauba mũ aidabai? Maumaa jarase mũ karibamera.

⁴¹ Jesúsba jarasii:

—Marta, Marta, bichiba ne ãrea wauĩ bũudeeba ãrea jirukaraa bũu. ⁴² Maamina ¿Dachĩ Akõre bedea ũrii bia bũuwãeka? Mau Mariaba wau bũu. Abau biđa mau wau bũu waurãba adabai.

III *Levidebena imipeđaadaba Dachĩ Akõre de mechiuđe trãjabachidaũ.* IV *Chi nejarra. Griego bedeađe naka bũ kubũu: 2 denarios.* V *Jesús. Griego bedeađe naka bũ kubũu: Dachĩ Mechiu.*

Dachi Akõremaa utaa ididai ũrubena

Mateo 6:9-15; 7:7-11

11 Earaba Jesusba Dachi Akõremaa utaa idii bũasii. Mau maadakare ichi baara nibabarii abũuba naka idisii:

—Dai Mechiu, jaradease daiba utaa ididai kuitaadamera, Juanba ichi baara nibabadaurãmaa jaradeada kĩra.

² Jesusba jarasii:

—Machiba Dachi Akõremaa utaa idiiduude naka berreásturu:

“Dai Akõre bajãade bũu, ^I bichi trũ aude bibuara nii waabenarã trũ audeara. ^{II}

Daiba kũria panuu kã'ãabariwãede bichiba bichidĩrã bichi juade ua bũai. [Kũria panuu bichiba kũria bũu nau iujãadebenarãba wauđai, bajãadebenarãba waubadau kĩra.] ^{III}

³ Daimaa chiko dease ewaricha kođai baita.

⁴ Daiba kachirua waupedaada perdonakuase, daimaa kachirua waudu daiba perdonabadau kĩra.

Dai kachiruađe baebiarãse, maumaarã kachiruađebe-na aidase”. ^{IV}

⁵ Mauđe Jesusba naka jarasii:

—Nau kũrisiásturu: Machidebenaba esabaare baaruude chi kõpaeromaa wãaruude naka jaraaru: “Kõpaero, mũmmaa pan õbea deadause. ⁶ Nau esabude kõpaero aba ũraburu mũ deđe neesii maamina kobii baita wã'ãema”. ⁷ Mauđe chi eda bũuba naka panau: “Kõpaero, mũ apii bũse. Mũ de poraa jũa nuũu. Mũ warrarã mũ baara kãi duanuu. Mauđeeba mũ jiradiu poyaabai bũu bichi ne deai baita”. ⁸ Mũuba jaraaru: jãu ebẽra jiraduubai, pan deai baita bichi kõpaerodeeba, maamina jiradiu bichiba akabichia idii bũuđeeba. Maabae deai joma chi deai bũu.

⁹ »Mũuba jaraaru: Ara mau kĩra Dachi Akõremaa utaa idii panásturu; maabae ichiba machimaa deai. Jũũ panásturu; ichiba unubiai. De poraađe iústuru; mauđe chi poraa ewabarii kĩra, maka ichiba deai.

¹⁰ Chi utaa idii bũuba uru bũaika. Chi jũũ bũuba unui. Chi poraađe iuruumaa ewai, ne kaebea deai baita.

¹¹ »Warrba pan idiiuruđe ¿chi akõreba mo deaika? ^V Warrba beda idiiuruđe ¿chi akõreba dama deaika?

¹² Warrba eterr mũũ idiiuruđe ¿chi akõreba dusũri deaika? ¹³ Machi chi kachirua nureeba machi warrarãmaa ne kaebea deada kuitaa panuubũrã, ¿machi Akõre bajãade bũuba chi utaa idii panuumaa ichi Jauri deabai bũka?

^I Bajãade bũu. Griego bedeade chi bee kartade mau wã'ãe.

^{II} Bichi trũ aude bibuara nii waabenarã trũ audeara. Mau jara bũu «bichi aude bibuara nii waabenarã audeara». ^{III} Griego bedeade chi bee kartade bedeade corchetede bũu wã'ãe. ^{IV} Maumaarã kachiruađebe-na aidase. Griego bedeade chi bee kartade mau wã'ãe. ^V Pan idiiuruđe ¿chi akõreba mo deaika? Griego bedeade chi bee kartade mau wã'ãe.

Jesús ũrubena kachirua jarapedaada

Mateo 12:22-30; Marcos 3:20-27

¹⁴ Earaba Jesusba jai kachirua duabũisii. Mau jai kachiruba ebẽra bosara babi bũasii. Chi jai kachirua wãsiide chi bosara nibada berreasii. Mau unusidauđe ebẽrarãba kãare kũrisiada adua basii. ¹⁵ Maamina waabenarãba jarasidau: «Jãu Jesusba jai kachirua duabũibarii, jai kachiruarã karr Beelzebuba mau poyaabarii deasiideeba».

¹⁶ Mauđe Jesús Dachi Akõredebena nee bũu kuitaada baita waabenarãba ichimaa idisidau ebẽrarãba ne poyaa wauđakau waumera. ¹⁷ Maamina Jesusba achi kũrisia kuitaa bũasiideeba naka jarasii: «Arabau druadebenarã achi chiya chĩo panaaduubũrã, achi du aba kinidai. Arabau deđe chi ebẽrarã achi chiya chĩo panaaduubũrã, baribada. ¹⁸ Machiba jara panuu mũuba jai kachirua Beelzebú poyaađeeba duabũibarii. Mauđeeba mũuba machimaa idii: Satanasba ara ichi jai kachirua duabũiruubũrã, ara ichi ome chĩo bũu. ¿Saka ichidĩrã ichi juade ua bũu dauchia jãadua duanaima?

¹⁹ »Machimaarã mũuba Beelzebú poyaađeeba jai kachiruarã duabũi bũubũrã, makarã machi baara nibabadaurãba ¿kai poyaađeeba jai duabũibadama? Ara achi unubibadau machi bi'ia kũrisiada wãe panuu. ²⁰ Maamina mũuba Dachi Akõre Jaurideeba jai kachiruarã duabũiruubũrã, Dachi Akõreba unubiai bũu ichi neesii machi Ichi juade ua bũai baita.

²¹ »Ebẽra dadarraa niiba nekoba ichi de nuũuruubũrã, ichiba uru bũu abau bida poyaa chiruadabai. ²² Maamina ichi audeara ebẽra chi aude chaarea bũu neepeđa ichi ome poyaruubũrã, ichi neko juakaa adau. Maabae joma ichiba uru bũuadã juakaa adaupeđa chi kõpaerorãmaa deadaikai.

²³ »Chi mũ baara bũuwãe, mũ kĩramaabũ. Chi mũ ome ebẽrarã aida jũũ adauwãe bũuba chi jũũ adauđa ãyaa bũikabibarii.

Jauri kachirua waya needa

Mateo 12:43-45

²⁴ »Ebẽra kakuadebena wãaruude chi jai kachirua drua sirua wã'ãe bũuđe jũũ bũabarii bari bũai baita. Unuwẽedeeba ichi du aba naka jarabarii: “Mũ bũadama waya wã’i”. ²⁵ Ara baaruude kũda bi'ia nejarr wã'ãe bũu mauđe joma bi'ia kubũu unubarii. ²⁶ Maabae 7 jai kachiruarã ichi audeara kachirua bẽe mau ebẽramaa enepeđa chi ebẽra sõde eda panade wãbadau. Mauđeeba chi ebẽra chi naa bũuadã audeara kachirua bẽebarii».

¿Kai chi biawāra bi'ia nuree?

²⁷ Jesusba maka jara b̄uude wēra ēbērarā tāede b̄uuba jīwa jarasii:

—¡Chi wēra bichi adauḁa mauḁe juudawauḁa ārea bi'ia nii!

²⁸ Maamina Jesusba jarasii:

—Mau kāyabāra Dachī Akōre beḁea ūriḁapeḁa ijāa waubadaurā bi'ia nuree.

Jesusba Jonás ūr̄ubena jarauḁa

Mateo 12:38-42; Marcos 8:12

²⁹ Ēbērarā ārea ichimaa needuu unusiḁe Jesusba jarasii: «Machi iḁibaebena kachiruarā nuree. Machiba m̄ba bajāaḁebena nee b̄uu kuitaḁai baita k̄ria panuu m̄ba ēbērarāba ne poyaa wauḁakau wau. Maamina m̄ba ēbērarāba ne poyaa wauḁakau waubai. Machiba ab̄aburu Jonasba makaḁa k̄ria unuḁai. ³⁰ Jonás makaḁa Nínive puuruḁebena ēbērarāmaa kuitaḁabiasii ichi Dachī Akōreḁebena nee b̄uu. ^I M̄ba, chi Ēbēra Ba Buauḁa biawāra makai iḁibaebenarāba kuitaḁamera Dachī Akōreḁebena nee b̄uu.

³¹ »Salomón ewariḁe chi surḁebena reina basii. Ichi drua kaitawēba neesii Salomón chi kuitaa nii beḁea ūrii baita. ^{II} Maamina nau ewariḁe Salomón audeara chi mechiu nii nama b̄umina machiba ijāaḁawēa panuu. Mauḁeeba Dachī Akōreba kastikai ewariḁe mau wēra jiraduḁeḁa machi neb̄ura bara nuree ai. ³² Dachī Akōreba kastikai ewariḁe Nínive puuruḁebena jiraduḁeḁeḁa machi chi iḁibaebenarā neb̄ura barau a jarauḁai. ^{III} Jonasba jarauḁa ūrisiḁauḁe āchiba kachirua ida buḁapeḁa Dachī Akōremaa neesiḁau. Mau Jonás audeara chi mechiu nii nama b̄umina machiba ijāaḁawēa panuu.

Dau ūḁaa koabarii k̄ria b̄uu ūr̄ubena

Mateo 5:15; 6:22-23

³³ »Ab̄au biḁa ūḁaa koabarii koapeḁa mera nub̄ukau maeburā cajón ekare nub̄ukau. Maumaarā chi ūḁaa koabarii ne kaebea ūr̄ba ut̄ba nub̄ubarii chi deḁe needu-urāba ūḁaa unuḁamera. ³⁴ Bichi dau ūḁaa koabarii k̄ria nii. Mauḁeeba bichi dau bi'ia niiburā, ūḁaaḁe nibai. Maamina bichi dau bi'iwāe niiburā, p̄riude nibai. ³⁵ Mauḁeeba ārea kauwa buase. Bichiba ūḁaa k̄ria k̄risia b̄uu mau p̄riude k̄ria buarāamera. ³⁶ Maamina bichi biawāra ūḁaaḁe buuburā, p̄riude ba'āra biḁa buuwāeburā, chi beḁea biawāra kuitaai ūḁaa koabarii ba ārea ūḁaa b̄uu k̄ria».

I 11:30 Jonás 3:3-4. II 11:31 1 Reyes 10:1-13. III 11:32 Jonás 3:1-10.

Jesusba fariseorā kachirua jarauḁa

Mateo 23:1-36; Marcos 12:38-40; Lucas 20:45-47

³⁷ Jesusba maka jarasiḁe fariseo ab̄aba ichi iusii ichi ome koḁe wāmera. Ara mauḁe Jesús mau ēbēra deḁe wāpeḁa koi baita ak̄ba beesii. ³⁸ Maamina Jesusba koi naeḁe jua jeraabasii āchiba waubadau k̄ria. Mau unusiḁe fariseoba kuitaa k̄risiabasii. ³⁹ Mauḁe Dachī Mechiuba ichimaa jarasii:

—Machi fariseorāba basu mauḁe paratu chi ūr̄ubena bi'ia jeraabadau, maamina machi sōḁe ne joma k̄ri-abadau mauḁe kachirua siḁa k̄risiabadau. ⁴⁰ ¡Machi k̄risiḁai adua nuree! ¿Chi ūr̄ubena wausiḁau k̄ria eḁabena siḁa maka wauḁai panuka? ⁴¹ Sōbiḁeeba chi nejarr barauwāe nureerāmaa machiba uru panu-udebena deásturu. Maka biawāra machi bi'ia jeraauḁa k̄ria paneḁai.

⁴² »¡Machi fariseorā miichuburi nuree Dachī Akōreba kastikaiḁeeba! Machiba menta kiruu, ruda kiruu mauḁe uu nub̄uudebena 10 chauduucha, ab̄a Dachī Akōremaa deabadau. Maamina waabenarā ome jipa wauḁakau mauḁe Dachī Akōre k̄riḁakau. Maka wauḁai panuu, machiba kiruu deabadau k̄ria Dachī Akōremaa.

⁴³ »¡Machi fariseorā miichuburi nuree Dachī Akōreba kastikaiḁeeba! Machi judiorā araa ābua imibadau deḁe chi jaradea ua buabadau mechiurā ak̄ba paneebadau-mare ak̄ba beḁai k̄riabadau. Mau awara puuruḁe niḁauḁe ēbērarāba wapeadee panuudeeba saka b̄uma aḁai k̄riabadau.

⁴⁴ »¡Miichuburi nuree Dachī Akōreba kastikaiḁeeba! Machi jau bubadau marebena k̄ria nuree. ^{IV} Chi ūyaabadau marebena mo ūr̄ubena chi ūr̄ba wāaduuba adua panuu biuḁa ūr̄ba t̄ba panuu. Ara mau k̄ria machi-ba waubadau, ēbērarā machi baara wābadau maamina maarāba kachirua waubadau adua panuu.

⁴⁵ Mauḁe Moisesba buḁa jaradeabarii ab̄aba Jesus-maa jarasii:

—Jaradeabarii, maka jaraaruude dai ūr̄ubena siḁa kachirua jara b̄uu.

⁴⁶ Mauḁeeba Jesusba ichimaa jarasii:

—¡Moisesba buḁa jaradeabadaurā, machi miichuburi nuree Dachī Akōreba kastikaiḁeeba! Machiba ne poyaa wauḁa ab̄ai nuree ēbērarāmaa waubiabadau. Maamina āchiba bistīka biḁa aiḁaḁakau maka wauḁamera.

⁴⁷⁻⁴⁸ »¡Machi miichuburi nuree Dachī Akōreba kastikaiḁeeba! Machi nabēraeḁebenarāba Dachī Akōre baita berreabadaurā beasiḁau. Maabae āchi jau bubadau marebena mo ūr̄ubena machiba bi'ia waubadau. Maka wau panuudeeba unubibadau machi nabēraeḁebenarāba waupeḁaḁa bi'ia unubadau.

IV Griego beḁeade chi bee kartade mau versicolode nau siḁa bu kub̄uu: Fariseorā, dachi Moisesba buḁa jaradeabadaurā, machi kō-paero k̄ria nuree.

⁴⁹ Maudeeba Dachí Akõre ichi kûrisia kuitaadeeba naka jarasii: “M̄ baita berreabadaurã maude m̄uba buikadarã machi israeldebenarãmaa wãbiai. Maude waabenarã beadaí maude waabenarã kachirua wauadaí baita wãraadaí”. ⁵⁰⁻⁵¹ Dachí Akõreba idibaebena ebërarã kastikai machi nabëraeëbenarãba joma ichi baita berreabadaurã beapedaada kakua. Maerã, m̄uba jaraaruu: nau drua wauadaeëbena tõpe beapedaadarã kakua Dachí Akõreba machi kastikai; Abel beapedaada kakua, Zacarías beapedaada kakua maude joma waabenarã beapedaada kakua bida. Zacarías Dachí Akõre de mechiu duða chi ne baa de-abadau kîraare beasidau. ¹

⁵² »¡Moisesba buida jaradeabadaurã, machi mi-ichuburi nuree Dachí Akõreba kastikaidëeba! Machiba ebërarãmaa Dachí Akõre biawãra ida kuitaabiadau. Machiba adua panuu Dachí Akõre biawãra saka nii. Mau awara chi waabenarãba kuitaa kûria panuu machiba mau ida kuitaabiadau.

⁵³ Jesús wãsiide fariseorãba maude Moisesba buida jaradeabadauba kîru panuuba Jesusmaa aude ne chaarea idi kopaneesidau. ⁵⁴ Achiba kûria panasidau Jesusba bi'ia panaurãayu, mau jideadaí baita.

Fariseorãba kachirua waubadau ñrubena

12 Maka panuude ebëra ãrea pîchuka kobeesii. ãrea pîchuka kubuudeeba waabenarã jûru ñrubachidau. Maude Jesusba naa ichi baara nibabadaurãmaa naka jarasii: «Fariseorã masa eësaabibarii kauwa panásturu. Ara achiba jarabadau kîra wauadau. ² Joma chi bia kauwa ñridawëa panuu mera buabai. Chi dachiba kauwa ñridawëa panuu Dachí Akõreba bi'ia kauwa ñribiai. ³ Machiba pãriuude jarapedaada ebërarãba ñdaade joma ñridai. Machi dede waabenarã kuumamaa jarada de ñrubaba jîwa jarai jomaurãba ñridamera.

¿Kai wapeadaí panuma?

Mateo 10:26-31

⁴ »M̄ kõpaerorã, m̄uba machimaa jaraaruu: nau chi kakua beabadaurã wapearásturu, jãarãba beapedaadakare waa poyaa wauadaabaidëeba. ⁵ M̄uba machimaa jaraaruu kai biawãra wapeadaí panuu. Machiba wapeadaí panuu nau kakua beapeda poyaa dachi jauri tubuchia aoko kubuu kiikauadaa bui buu. M̄uba biawãra jaraaruu mau wapeadaí panuu.

⁶ »¿Sëetao omeeba ibana chekerã jua aba nedoobai buka? Maamina Dachí Akõreba ibana joma nubaríi. ⁷ Mau awara Dachí Akõreba kuitaa buu machiba buida sãabe uru panuu. Dachí Akõre baita machi ibana ãrea audeara bi'ia nureeëeba wapeadawëa panásturu.

I Abel. Génesis 4:3-10. Zacarías. 2 Crónicas 24:17-25.

Jesús kakua kîrakayadaabai panuu

Mateo 10:32-33; 12:32; 10:19-20

⁸ »M̄uba nau jaraaruu: Abauba ebërarã daade muude ijãa buade aaruude, Dachí Akõre angelerã bajãdebena daade m̄, chi Ebëra Ba Buadaba mau muude ai. ⁹ Ara mau kîra abauba ebërarã daade m̄ unukau aaruude, Dachí Akõre angelerã bajãdebena daade m̄uba mau unukau ai.

¹⁰ »Abauba m̄, chi Ebëra Ba Buada ñrubena kachirua berrearuuburã, Dachí Akõreba mau perdonai. Maamina ababa Dachí Akõre Jauri ñrubena kachirua berrearuuburã Dachí Akõreba mau perdonaabai.

¹¹ »Machi muude ijãa panuu kakua judiorã araa ãbuu imibadau deema adopedadaakare, maeburã chi juezã daade maeburã chi jaradea ua buabadaurãmaa jideai baita, jirukaraarásturu saka panaudayu maeburã kãare jaradayu. ¹² Jideaduude Dachí Akõre Jauriburu machimaa kuitaabiã kãare jaradaí panuu».

Chi nejarra barau nii ñrubena neburuda

¹³ Maude araa imi nubuudebena abauba naka jarasii:

—Jaradeabarii, m̄ abamaa jarase dai akõredebena beeda m̄umaa bida deamera.

¹⁴ Maamina Jesusba ichimaa jarasii:

—Kõpaero, ¿kaiba m̄ busma machi nebura ichiamera?

¹⁵ Maude ichiba jomaurãmaa jarasii:

—¡Kauwa panásturu! Chi nejarra uru panadaí kûria panarásturu. Barau niideeba dachi chokae buakau.

¹⁶ Maude Jesusba naka neburusii jaradeai baita:

«Ebëra ne ãrea bara nii buasii. Mau ebërabana ne uuda ãrea chausii. ¹⁷ Maudeeba naka kûrisiasii: “¿M̄uba saka wauima? Nau pe nubui baita de wã'ãe”. ¹⁸ Maabae kûrisiasii: “Naka wau. M̄uba netaa pebaríi de ãripeda aude waiuba wau. Aria eda ne joma m̄uba uru buu pe nubui. ¹⁹ Mau maadakare biawãra m̄ du aba jaraaruu: m̄uba pe nubuda uru buu año ãrea dauchia jãadua buai. Jãabae ãrea kûrisiaswãe buai. M̄uba kûria buu ko buai, do buai maude kîrajub buai”.

²⁰ Maamina Dachí Akõreba ichimaa jarasii: “¡Bichi kûrisia adua nii! Biawãra nau eësabude bichi biui. Maabae bichiba pe nubuda uru buu ¿kai baita beeima?”

²¹ »Abauba nau iujãdebena audeara adooi kûrisia buuburã maamina Dachí Akõre ñrubena kûrisiaswãe buuburã, mau kîra makai».

Dachi Akõreba ichiðirã nubarii

Mateo 6:25-34

²² Maudeeba Jesusba ichi baara nibabadaurãmaa jarasii:

«Machi saka panadai kûrisiarásturu, kodai ùrubena mauðe paru jüðai ùrubena. ²³ Dachi chokae panadai dachi chiko kobadau audeara bi'ia ðuu. Dachi kakua chi paru jübadau audeara bi'ia ðuu. ²⁴ Ichiásturu, ibanarãba ne uedakau, ne junadakau mauðe ne pedakau. Ne pebarii de siða wauðakau. Maamina Dachi Akõreba ãchi kobiabarii. ¿Dachi Akõre baita machi ibana audeara bi'ia nureewãeka? ²⁵ ¿Kai machidebena ãrea kûrisia niideeba waa chokae nibaima? ²⁶ Waa chokae nibaiwëeburã, ¿sakãe kodai baita mauðe paru jübadau baita ãrea kûrisiabadama?»

²⁷ »Ichiásturu nepono saka waribarii. Trajakau mauðe paru kakau. Maamina muba jaraaruu: dachi nabëraeðebena rey Salomón ãrea chi nejarra barau nibasmina nepono kîra mipitaa jüka basii. ²⁸ Idibae sirua modeðe unubadau. Norema baabadamina Dachi Akõreba bi'ia ponobibarii. Maudeeba ¿ichiba machimaa paru bibuara ðuu deawëka machiba mau jüðamera? ¿Sakãe machiba ijãadawëma ichiba karibai ðuu? ²⁹ Maudeeba jürurásturu kodai ùrubena mauðe doðai ùrubena. Mauðe ãrea kûrisiarásturu. ³⁰ Joma mau nau iujãadebenarãba jürubadau, maamina Dachi Akõreba kuitaa ðuu machiba kãare nista panuu. ³¹ Maudeeba machiba jürústuru Dachi Akõreba machi ichi juaðe ua ðuai, ichiðirã baara. Mauðe ichiba mau deai.

Ne bia bajãaðe uru ðuai ùrubena

Mateo 6:19-21

³² »Machi ãrea panuuwãemina ne wapea panarásturu. ^{III} Dachi Akõreba machi ichi juaðe ua ðuai kûria ðuu, ichiðirã baara. ³³ Maudeeba machiba uru panuudebena nedobuidapeða chi nejarr barauwãe nureerãmaa deásturu. Ne bia bajãaðe uru panadai baita jürústuru. Chi ne bajãaðebena wã'ækau. Ara simiaba sîkau mauðe nechirurã biða poyaa chiruadakau. ³⁴ Machiba machi sõðeeba chi aude bibuara ðuu kûriabadau.

Chi chibari baita bari trajabarii bia ùrubena

³⁵⁻³⁶ »Chi chibari baita bari trajabarii bia kîra Dachi Akõreba jara ðuu ijãa wauðai baita panásturu. ^{IV} Mau trajabarii bia niiba ðüðaa koabarii koa uru ðuabarii ichi chibari neeruude bia berrei baita. Kãibadau kîrajüü bara ðuabarii ewari wau panuudebena neepeða chi

I *Waa chokae nibaima. Waabenarãmaarã, mau jara ðuu «deseroa wari ðuabai».* II *12:27 1 Reyes 10:4-7,23-25.* III *Machi ãrea panuuwãemina ne wapea panarásturu. Griego bedeeðe naka ðu kubuu.* IV *Ijãa wauðai baita panásturu. Griego bedeeðe naka ðu kubuu. Kurr ãrea trãjü ðuadã kubústuru.*

chibariba iuruude chi ichi baita bari trajabarii bia niiba ara mauðe deede eða wãbadau ewai. ³⁷ Chi chibari neepeða, ichi baita bari trajabadaurã chokae panuu unuuburã, maarã bia ichiai. Muba biawãra jaraaruu: ara mauðe ichi chibariba chi ichi baita bari trajabarii paru jüpeða ichi baita bari trajabadaurã chi mesade akü ðeebiai kobiai baita. ³⁸ Chi ichi baita bari trajabadaurã bia nureerãba ãchi chibari nubadau ësabude ësa maeburã ewarimaa biða neeruude. Chi chibariba maarã nu panuu unude neeruuburã maarã bi'ia ichiai.

³⁹ »Nau kuitásturu: de chibariba nechiru sakaede neei kuitaa buaða basirã, kãi ðeewëa ðuai basii deede eða wãbiamaaba. ⁴⁰ Ara mau kîra machi siða dau kuitaa panásturu machiba mü, chi Ëbëra Ba Buaða sakaede neei adua panuudeeba».

Trajabadaurã bia mauðe kachirua ùrubena

Mateo 24:45-51

⁴¹ Pedroba Jesusmaa idisii:

—Dai Akõre Mechiu, ¿mau bichiba daimaa jara ðuu kîra, maeburã jomaurãmaa jara ðuka?

⁴² Jesusba panausii:

—Chibari baita bari trajabarii kûrisia kuitaa ðuudeeba jipa wau ðuuburã, chi de chibariba chi waabenarã chibari baita bari trajabadaurã mau chibari baita bari trajabarii juaðe ðui chi kodai baaruude kobia ðuamera. ⁴³ Chibari baita bari trajabarii maka wau ðuu ichi chibariba unude neeruuburã, ichi ãrea kîrajüü ðuai. ⁴⁴ Muba biawãra jaraaruu: chi chibariba joma ichiba uru ðuu mau chibari baita bari trajabarii juaðe ðui.

⁴⁵ Maamina mau chibari baita bari trajabarii ichi sõðe mü chibari isa neebai aaruuburã, mauba sî kobeebarii chi chibari baita bari trajabadaurã mauðe wërarã bari trajabadaurã. Mau awara kopeða, dopedã mauðe ituaba biu nibai. ⁴⁶ Abaede ichi chibari neei kûrisiaswãe ðuude ara mauðe neei. Mau chibari baita bari trajabarii ãrea kastikapeða chi ijãadakau nuree ome bi'iwãe ðui.

⁴⁷ »Chi chibari baita bari trajabarii ichiba wubi ðuu kuitaaruuburã, maamina maka wauwëeburã chi chibariba mau ichi baita bari trajabarii ãrea pebewai. ⁴⁸ Maamina chi chibari baita bari trajabarii aduawãe ðuudeeba chi chibariba jara ðuu biawãe wauruuburã mau ichi baita bari trajabarii ãrea pebewai. Biawãra Dachi Akõreba waabenarãmaa ãrea dea ðuu ichi baita wauðamera. Chi ãrea adoedarãba ichi baita ãrea wauðai panuu.

Jesús kakua nebura neei ūrubena

Mateo 10:34-36

49 »M̄ neesii nau drua kastikai baita. I Ara ūraudea maka wauruubarā ārea buai basii. 50 Maamina mau naede m̄ ārea bi'iwāe buu. II Maudeeba ārea kīra no-maa buabarii aba mau ewari neeruudea. 51 ¿M̄ba ēbērarā ābua jirukaraayuwāe buai baita neesii kīrisia panuka? M̄ba jaraaruu mau baita neewēa buu, maumarā nee buu ēbērarā ābua panarāadamera. 52 Idiideeba arabau dedebenarā m̄ baita chi kīramaa duanađai. Ēbērarā jua aba panuude omedebena waabena obea panuu ome chi kīramaa duanađai. 53 Chi akōre chi warr ome chi kīramaa duanađai. Chi warr chi akōre ome chi kīramaa duanađai. Chi nawe chi kau ome chi kīramaa duanađai, chi kau chi nawe ome chi kīramaa duanađai. Chi pakōre chi āyu ome chi kīramaa duanađai. Mauđe chi āyu chi pakōre ome chi kīramaa duanađai.

Ewari saka buai kuitaa jarada

Mateo 5:25-26; 16:1-4; Marcos 8:11-13

54 Mau awara Jesusba ēbērarāmaa naka jarasii: —Machiba j̄r̄uara paimaa emada bæbariare unuuduđe jarabadau kui chei kubuu. Mauđe biawāra kui neebarii. 55 Maamina pūaturā drua sirua wā'āede surdebena pūatuuruuđe jarabadau j̄radruuruu abadau. Mauđe ewari biawāra j̄radrubarii. 56 Machi chi setaa ēbēra bia nuree abadaurāba bajāa maka ichiaduuba kuitaa panumina Dachī Akōreba nau idibaebena wau buu kuitađakau. 57 »Machiba ¿sakāe poyaa kuitađakau kāare jipa buma? 58 Bichi chi kīramaabarii bichi chi juezmaa adoeruuburā, wāaduude bi'ia berreāse ichi ome bi'ia paneedai baita. Maka wauwēeburā, ichiba juez juade bui. Maabae chi juezba chi nubariimaa jarai chi j̄abadaude j̄a bumerā. 59 M̄ba jaraaruu: bichi j̄amabena wāabai aba bichiba deai buu chi nejarra joma dearuudea.

Dachi Akōremaa needawēeburā biudai ada

13 Maka panuude ēbērarāba Jesusmaa jarasidau waabenarā Galileadebenarāba ānimara Dachī Akōremaa baa dea panuude Pilatoba maarā kenabiasii. 2 Mauđeeba Jesusba jarasii: «Mau ēbērarā bi'iwāe biupedaadeeba ¿machiba kīrisia panuka maarāba aude kachirua waubachidaka waabenarā Galileadebenarāba waubadau audeara? 3 M̄ba jaraaruu: Makawāema. Maamina machiba kachirua waubadau ida buđapeda Dachī Akōremaa needawēeburā machi

I Griego bedeade naka bu kubuu: M̄ neesii tubu aoko nau drua adaa batai baita. II M̄ ārea bi'iwāe buu. Griego bedeade naka bu kubuu: M̄ wabida boro eai buu.

sida biudai. 4 Siloede de utu deseroa buada ēbērarā ūru teawāsiide 18 biusidau. Maka biupedaadeeba ¿machiba kīrisia panuka achiba aude kachirua waubachidau waabena Jerusalende duanuurāba waubadau audeara? 5 M̄ba jaraaruu: makawāema. Maamina machiba kachirua waubadau ida buđapeda Dachī Akōremaa needawēeburā machi sida biudai».

Higo chaukau ūrubena neburada

6 Maabae neburu buude Jesusba achimaa naka jaradeasii:

«Mukīra aba ichiba uude higo bakuru nubusii. Earaba mau bakuru chausii kuitaa baita ichiade wāsii maamina chauwēa busii. 7 Mauđeeba chi chibariba ichiba uude nubariimaa naka jarasii: “Nau bakuru chausii kuitaa baita, nauba año obea ichiade neeruu maamina chauwēa buu. Mauđeeba bibuara buu tutai. ¿Sakāe bakuru chaukau uru buaima?”

8 »Maamina chi uude nubariiba jarasii: “Jaradeabarii, bibuara buu año aba ida bui. M̄ba chi karrde karabapeda eterr ā kuikuai. 9 Makarā mauba chaudi kuitađai. Mau maadakare chauruuburā ida bui. Chauwēeburā tutai”».

Bari panabadau ewaride Jesusba wēra aribiabida

10 Bari panabadau ewaride Jesusba judiorā araa ābua imibadau dede jaradea busii. 11 Aria wēra busii. Mau wēra jai kachiruba 18 año ba busii ebū-atu nii. Mauđeeba poyaa jipa akū nubeeeka basii. 12 Jesusba mau unusiide iupeđa naka jarasii:

—Wēra, bichi aribiasii.

13 Maka jarapeda Jesusba ichi jua ūru kubusii. Ara makude chi wēra jipa akū nubeepeđa Dachī Akōremaa bi'ia jarasii. 14 Maamina Jesusba bari panabadau ewaride aribiasiiideeba judiorā araa ābua imibadau dedebena jaradea ua buabarii kīrusii. Mauđe jomaurāmaa naka jarasii:

—Bari panabadau ewari awara 6 ewari uru panuu trajada baita. Mau ewaridēburu nésturu machi aribiabidamera. Maamina bari panabadau ewaride neerás-turu.

15 Mauđeeba Dachī Mechiuba jarasii:

—jMachi setaa ēbēra bia nuree abadau! ¿Bari panabadau ewaride machi paka maeburā mura enadapeda bania dode adoedakaka? 16 Maka buuburā ¿bibuara buuwāeka nau wēra, Satanasba 18 año kachiruađe uru buadadebena bari panabadau ewaride aribiabii? III ¿Mau sida Abrahamdebena needawāeka?

17 Jesusba mau jarasiide chi ichi ūrubena kachirua jara panuu ārea perasidau, maamina ichiba ne kaebea

III Kachiruađe uru buadadebena. Griego bedeade naka bu kubuu: J̄karaba j̄ buadadebena. Jesusba jaradeasii bari panabadau ewaride dachiba ānimara enadapeda dobibadau kīra, ara mau kīra mau ewaride jubawāe nii juadebena ēbēra enada buu.

bia wausiideeba puurudebenarã ärea kïrajuu panasidau.

Mostaza taa ðrubena neburuda

Mateo 13:31-32; Marcos 4:30-32

¹⁸ Maabae Jesusba jarasii: «Dachi Akõreba ichidirã ichi juade ua ðuu ðkãare kïra ðuma? ¹⁹ Mostaza taa kïra ðuu. Èbëra mau taa ichi druade uusii. Tonopeða warisii aba bakuru mechiu nubeeruudaa. Maudeeba ibana chi bakuru juade de waukuade neesidau».

Pan èesãabibarii ðrubena neburuda

Mateo 13:33

²⁰ Mau awara jarasii: «Dachi Akõreba ichidirã ichi juade ua ðuu ðkãare kïra ðuma? ²¹ Masa èesãabibarii kïra ðuu. Mau pan èesãabibarii wëraba ða'ära adaupeda harina ärea ðe kuasii. Maabae eda ärea perasii aba joma èesãaruudaa».

Poraa pïchua ðuu ðrubena

Mateo 7:13-14,21-23

²² Jerusalenda wãaruude Jesusba puuru mechiude maude puuru kaebeude jaradeasii. ²³ Maude abauba ichimaa idisii:

—Më Mechiu, ðDachi Akõreba èbërarã ða'ära karib-abaaka?

Jesusba panausii:

²⁴ —Machi dauchia jãadua panásturu chi poraa pïchua ðuude wãðai baita. Biawãra eda wãðai baita ärea duanuu maamina poyaa joma wãðabai. ²⁵ De chibariba chi poraa jãa nuðusiide chi awara panuurãba naka iudei ewamera: “Dai mechiu, dai mechiu, ewase”. Maamina chi de chibariba panau: “Mëba machi kai aduama maude samabena aduama”. ²⁶ Chi awara panuurãba naka jaradai: “Dai bichi ome äbua kosidau, dosidau maude bichiba dai puurude jaradea nibasiide aria panasidau”. ²⁷ Maude ichiba machimaa jaraaru: “Mëba machi kai aduama maude samabena aduama. Kachirua waubadaurã, äyaa wãsturu”.

²⁸ »Machi chi awara duanuu kïra nomaa jëa panadai maude pu'uaba kida kurrã ko panadai. Abraham, Isaac, Jacob maude Dachi Akõre baita berreabadaurã Dachi Akõreba ichidirã ichi juade ua ðuude panadai, maamina machi Dachi Akõreba ida wãbiabai. ²⁹ Mau ewaride drua waabenarã ðmada nebariaredebena, ðmada bæbariaredebena, nortebena maude surdebena needai. Maarã Dachi Akõreba ichidirã ichi juade ua ðuude ko akũ panedai. ³⁰ Ara mau kïra chi kaðeare nuree naa panadai, maude chi naa nuree kaðeare panadai. ¹

¹ Chi «kaðeare nuree» jara ðuu judiowãe nuree. Chi «nabenarã» jara ðuu judiorã.

Jesús Jerusalén kakua

kïra nomaaða

Mateo 23:37-39

³¹ Mau ewaride waabenarã fariseorã needapeda Jesusmaa jarasidau:

—Namabena isa wãse. Herodesba bichi beai kïria ðuu. ^{II}

³² Maude Jesusba ächimaa jarasii:

—Jãu èbëra usa modedebena kïra niimaa naka jarade wãsturu: ^{III} “Idi maude nu bida mëba jai bara nuree aribiabiai maude jai kachirua duabëikai. Mau maadakare, ewari õbeade mëba wau ðuu baribai”.

³³ Maamina idi, nu maude nuunu ode nibai Jerusalende neei baita. Dachi Akõre baita berreabadaurã Jerusalende beabadaudeeba araa wãi barai. ^{IV}

³⁴ »¡Jerusalén, Jerusalén, machiba Dachi Akõre baita berreabadaurã beabadau! ¡Dachi Akõreba bïðarã sïða mooba ðata beabadau! Mëba ðes ärea machi äbua jurrã adau kïria ðuasii eterr wëraba ichi warrarã ikia ekare adubarai kïra. Maamina machiba kïriaðabasii. ³⁵ Maudeeba Dachi Akõre waa machi baara ðuabai. Machiba më waya unuðabai aba më bi'ia irsibiiduudaa. Mau ewaride naka jaradai: “¡Ärea bi'ia ðuu chi Dachi Mechiu trüde neeruu!”

Jesusba mukïra kakua ooro ðuu aribiabida

¹⁴ Bari panabadau ewaride Jesús fariseo chi mechiu nii dede kode wãsii. Maude waabena fariseorãba ärea ichia panasidau ichiba kachirua waui kuitaa. ² Jesús kaita mukïra kakua ooro nii ðuasii. ³ Jesusba Moisesba ðuda jaradeabadaurãmaa maude fariseorãmaa naka idisii:

—¿Machimaarã, bi'ia ðuka bari panabadau ewaride èpermo nuree aribiabiai?

⁴ Maamina ächi chüpea bara beesii. Maudeeba Jesusba chi jai bara ðuu jidaupeda aribiabipeda dedeaa wãbisii. ⁵ Maabae Jesusba ächimaa jarasii:

—Bari panabadau ewaride machi warr maeburrã paka bania juibadau chobeade bæeruuburrã ðbiawãra mau ertade wãðabaika? ^V

⁶ Maamina abau bida panauðabasii.

Kaebeu ðuai ðrubena neburuda

⁷ Jesusba unusii chi kode nepeðadãrãba chi aude mechiu nii akũ ðuabariimare jurrãsidau akũ duaneðai baita. Maudeeba Jesusba ächimaa naka neburusii:

^{II} Mau Herodes «Antipas» abachidau. ^{III} Jãu èbëra usa modedebena kïra nii. Kïrisia õbea dea ðuu: èbëra kïrisia kuitaa ðuu, èbëra kachirua ðuu, maeburrã èbëra kïra ðba ðuu. ^{IV} Dachi Akõre baita...wãi barai. Griego bedeade naka ðu kubuu: Dachi Akõre baita berreabarii Jerusalén awara biui, bi'iwãe ðuu. ^V Warr. Griego bedeade chi bee kartade naka ðu kubuu: burro.

⁸ «Ēbēra bichi iubiiruude kāibadau kīrajuu bara buabarii ewariċaa, chi aude mechiu nii akū buabari-
imare akū beerāse, bichiare ēbēra bichi aude mechiu
nii neei buudeeba. ⁹ Makarā chi chibariba bichimaa
jaraaru: “Āyaa wāse. Cha nii ēbēra nama akū beei”.
Maka wauruude bichi ārea kīrakayai chi mechiuwāe
nuree ome akū beeruude.

¹⁰ »Maudeeba bichi iuduude chi mechiuwāe nuree
ome akū beese. Makarā bichi iudaba unuruude
iupeda jaraaru: “Neese, nama chi mechiurā ome akū
beese”. Maka bichi iudaba joma chi akū beerā daude
bichi chi mechiu buu unubii. ¹¹ Chi aude mechiu nibai
kūria buu, Dachī Akōreba mau kaebeu bui. Maude ara
du aba kaebeu beeruubērā, Dachī Akōreba mau aude
mechiu nibabii».

¹² Maabae Jesusba ichi iudamaa naka jarasii:

—Bichiba ēbērarā kode iuruude bichi kōpaerorā,
bichi ābarā, bichi abaarakaurā maebūrā chi nejara
bara nuree iurāse. Maarāba bichi poyaa iubadau kode
wāmera. Maka bichiba wauċa kakua ne adai.

¹³ Maudeeba bichiba ēbērarā iuruude chi ne wā'āe
nuree, chi poyaa nibaċakau, jūru nūka nuree, dau
pāriu nuree iukuase. ¹⁴ Makaaruubērā biawāra bichi
ārea chi bia buai. Maarāba bichimaa poyaa dead-
aabaiċeeba, chi jipa nuree chokae jirachoaduu
ewariċe Dachī Akōreba bichimaa ne bia deai.

Ārea kobadau ūrubena neburuda

Mateo 22:1-10

¹⁵ Jesús ome akū panuuba mau ūrisiċauċe abauba
jarasii:

—Dachī Akōreba ichiċirā ichi juade ua buu kīrajuu
bara buabarii ewari kobadaude kooruu ēbēra ārea
bi'ia buai.

¹⁶ Maudeeba Jesusba ichimaa jarasii:

—Earaba mukīra ababa chiko kobadau ārea chuu-
bipeċa maabae ēbērarā ārea iubisii. ¹⁷ Chiko joma
chuusiċe chi chibariba ichi baita bari trajabariimaa na-
ka jarade wābisii: “Nēsturu, chiko joma ara basiċee-
ba”.

¹⁸ Maamina ēbērarāba ne wauċai panuu asiċau
wāċabai kūria panasiċauċeeba. Chi nabenaba jarasii:
“Etea mūba drua nedosii. Mau ichiċe wāi buudeeba
poyaa wāabai. Mū kīra chuburiāse mū poyaa wāabai
buudeeba” asii. ¹⁹ Abauba jarasii: “Mūba etea paka
10 nedosiċeeba poyaa wāabai. Mau paka ichiċe
wāaru biawāra bi'ia trajaiċai kuitaa. Mū kīra
chuburiāse, mū poyaa wāabai buu” asii. ²⁰ Maude
abauba jarasii: “Mū etea miakāisiċeeba poyaa
wāabai”.

²¹ Chi chibari baita bari trajabarii waya wāpeċa
maarāba jarapeċaċa chi de chibarimaa jarasii.
Maudeeba chi de chibariba ārea kīrupeċa ichi baita
bari trajabariimaa jarasii: “Puuruċaa isa wāse. Maabae

chi ne wā'āe nuree, chi poyaa nibaċakau, chi dau pāriu
nuree maude chi nūka nuree joma imibiāse”.

²² Chi chibari baita bari trajabariiba maka wausiċe
jarasii: “Bichiba jarada kīra mūba wausii, maamina
wabiċa de bari kubuu”.

²³ Maudeeba chi de chibariba ichi baita bari tra-
jabariimaa waya jarasii: “Puuru awara o beecha wāse.
Ēbērarā unuruubērā isa neebiāse mū de ēbērarāba
ārea kobeemera. ²⁴ Mūba jaraaru: mūba naa iu-
biċarāba chi mūde chiko ārea kobadaude abau biċa
kōċaabai”.

Jesús ome nibai chaarea buu jarada

Mateo 10:37-38

²⁵ Ēbērarā Jesús kaude ārea nibabachiċau. Maudee-
ba Jesusba āchimaa ichiapeċa naka jarasii: ²⁶ «Aba mū
baara wā kūria buubērā, naa ārea kūrisiai buu. Ichi
akōre, chi nawe, chi wēra, chi warrarā, chi ābarā, chi
neekaurā, maebūrā ichi chokae buai mū audeara ārea
kūria buubērā, mau mū baara poyaa nibaabai.

²⁷ Mūde ijāa buu kakua, bi'iwāe buubērā, poyaa mū
baara nibaabai. ^I

²⁸ »Abauba de utu wai kūria buubērā, naa bi'ia
kūrisiai buu ichiba uru buu chi nejarraba mau de joma
poyaa wai kuitai baita. ²⁹ Maka wauruubērā mau de
wāto ūyaċakare chi de joma poyaa wauwēebērā,
waabenarāba mau unuduude naka atua jaraiċai:
³⁰ “Jāu ēbēra de waumaa kōbesii, maamina poyaa
joma wubasii”.

³¹ »Maebūrā, rey ababa kokoroarā 10.000 uru bu-
ubērā, maude waabena druadebena rey 20.000 koko-
roarā baara ichi ome chōċe needuubērā, chōċai
naeċe ūichiba bi'ia kūrisiawēka poyaa kuitai baita?
³² Ichiba poyawēe kuitaaruubērā waabena wabiċa
kaitawē buude ūjarade buibaika ichi ome chōrāċam-
era?

³³ »Ara mau kīra mū baara wāċai naeċe machiċebe-
narā aba joma chi uru buu ida bui ūrubena kūrisi-
awēebērā mū ome poyaa nibaabai.

Tā kuyawāe ūrubena jaradeċa

Mateo 5:13; Marcos 9:50

³⁴ »Biawāra tā ārea bibuara nii, maamina chi kuyaa
wā'āeruubērā ūsaka waya kuyaa beema? ³⁵ Mau tā
iorode buċikai baita, maebūrā ānimara ā ūru buċikai
baita bi'iwāe nii. Bari batatai bāitaburu bibuara nii.
ūChi kuru bara niiba kauwa ūrise!»

^I Bi'iwāe buubērā. Griego beċeċe naka bu kubuu: Abau biċa
ichi cruz adoewēebērā.

Oeja barikiade wāda ūrubena neburuda

Mateo 18:10-14

15 Earaba Romadebena baita chi nejarra pebadaurā maude kachirua waubadaurā neesidau Jesusba jaradea b̄uu ūridai baita. ² Maudeeba fariseorāba, Moisesba b̄uda jaradeabadaurā biēda ichi naka kachirua jarasidau: «Ichiba kachirua waubadaurā bi'ia irsibipeđa maarā ome kobarii».

³ Maudeeba Jesusba āchimaa nebur̄ b̄uudeeba naka jarasii:

⁴ «Abauba 100 oeja uru b̄uudebena aba barikiade wāaruubērā ḡsaka wauima? ḡChi 99 chi duanabari- imare duanupeđa chi barikiade wāda j̄rude wāabai- ka unuruudea? ⁵⁻⁶ Unuruude ichi opeedeđe adaupeđa ārea k̄iraj̄u deēda adooi. Maabae ichi chi kōpaerorā maude ichi kaita panabadaurā iukuapeđa jaraaru: “Machi m̄ ome k̄iraj̄sturu. M̄ oeja barikiade wāda unusii”.

⁷ »Ara mau k̄ira m̄uba machimaa jaraaru: 99 jipa nuree baita bajādebenarā k̄iraj̄ubadamina, aude k̄iraj̄ubadau ēbēra aba kachirua waubar̄i Dach̄i Akōremaa neeruude.

Sēetao āi bae buada ūrubena neburuda

⁸ »Wēraba sēetao 10 uru b̄uudebena aba āi baeruburā, ḡḡdaa koabarii koapeđa ichi de bi'ia jarepeđa kauwa j̄r̄ubaika chi sēetao unuruudea? ⁹ Unuruude ichi kōpaerorā maude ichi kaita panabadaurā iukuapeđa jaraaru: “Nésturu, m̄ ome k̄iraj̄sturu. M̄ chi sēetao āi bae buada unusii”. ¹⁰ M̄uba jaraaru ara mau k̄ira chi kachirua waubar̄i aba Dach̄i Akōremaa neeruude Dach̄i Akōre maude ichi angelerā ārea k̄iraj̄ubadau».

Warr kachiruađe nibada ūrubena neburuda

¹¹ Mau awara Jesusba jarasii:

«Ēbēra b̄uasii. Mau ēbēra warr ome uru b̄uasii.

¹² Earaba chi kaadebenaba chi akōremaa jarasii: “Chacha, bichiba uru b̄uudebena m̄umaa deai b̄uu m̄umaa dease”. Maudeeba chi akōreba uru b̄uu āchicha deasii. ¹³ Kā'ābariwāede chi kaadebenaba adaude joma nedob̄ipeđa kaitawē ārea wāsii junebena druadaa. Aria ne joma kachirua wau b̄eesii chi nejarra wā'āerudea.

¹⁴ »Joma wā'āesiide mau druade jarrba ārea wau b̄uasii. Maudeeba chi warr ārea jarrbaa b̄uabachii.

¹⁵ Maudeeba ichi mau druadebena ēbēramaa traju j̄rude wāsii. Mauba sina ichimaa nubisii. ¹⁶ Ārea jarrbaa b̄uudeeba sinaba ko panuudebena ichia biēda ko k̄ira b̄uabachii. Maamina abau biēda koi deaka basii.

¹⁷ »Maabae kuitasii kachirua wauadeeba mau k̄ira b̄uu. Maude ara ichi istu jarasii: “M̄ chacha baita tra-

jabadaurā chiko ārea bara duanuu, maumaarā m̄ na- ma jarrbaba biumaa b̄uu. ¹⁸ Jāabae m̄ chachamaa wāaru. Ara baaruude, m̄uba nau jaraaru: chacha, m̄uba kachirua wausii Dach̄i Akōre daude maude bichi kaadeeba. ¹⁹ Maudeeba bi'iwāe b̄uu m̄ bichi warr ayu. Maumaarā m̄ bichi baita bari trajabarii b̄use”. ²⁰ Ara makude chi akōremaa wāsii.

»Wabiđa kaitawē uruudee, chi akōreba ichi unusii maabae k̄ira chuburiasii. Chi warrmaa pirasii maabae bur̄ adaupeđa, ūyaasii. ²¹ Maude chi warrba jarasii: “Chacha, biawāra m̄uba Dach̄i Akōre daude maude bichi daude kachirua wausii. Maudeeba bi'iwāe b̄uu m̄ bichi warr ayu”. ²² Maamina chi akōreba ichi baita bari trajabadaurāmaa jarasii: “Paru bia adaudepeđa jāumaa j̄b̄isturu. Ichi juade sortija j̄b̄isturu. Mau awara j̄rude j̄badau siēda j̄b̄isturu. ²³⁻²⁴ Maabae paka warr chi aude borea nii beāsturu kođai baita. ḡK̄iraj̄duru! M̄ warr biu buada chokae jiradusii; barikiade wā buada dachiba waya unusidau”. Maabae ārea k̄iraj̄u duaneesidau.

²⁵ »Maude chi warr dawarau traja buada deēda neeruu b̄uasii. De kaita neeruude ūrisii purrsiru chaa duanuu maude baera k̄iraj̄u duanuu. ²⁶ Maudeeba ichi akōre baita bari trajabarii iupeđa idisii sakāe maka wau panuu kuitaai. ²⁷ Ichi akōre baita bari trajabariiiba jarasii: “Bichi akōreba paka warr chi aude borea nii beabisii bichi āba waya bi'ia neesiideeba”.

²⁸ »Mau ūrisiide k̄irupeđa deēda wā k̄uriabasii. Maka b̄uude chi akōre chi warrmaa wāpeđa chi chuburia idisii deēda wāmera. ²⁹ Maude chi warr dawarauba chi akōremaa jarasii: “Ewaricha m̄ bichi baita ārea trajabarii. Bichiba jaraaru joma wau b̄uabarii. Maamina bichiba cabra warr aba biēda m̄umaa deaku m̄ kōpaerorā ome k̄iraj̄u kođai baita. ³⁰ Maamina bichi warrba bichi chi nejarra wērarā auēuabadaurā ome joma kosii. Maabae bichimaa neesiideeba, bichiba ichi baita paka warr chi aude borea nii beabisii ābua k̄iraj̄u kođai baita”.

³¹ »Maude chi akōreba jarasii: “Warr, bichi ewaricha m̄ ome b̄uabarii. Joma m̄uba uru b̄uu bichidib̄”.

³² »Maamina bi'ia b̄uu bichi āba waya dachimaa neeruu, k̄iraj̄u wauđayu. Ichi biu buada chokae jiradusii; barikiade wā buada dachiba waya unusidau”».

Chi nejarra nubarii ūrubena neburuda

16 Jesusba ichi baara nibabadaurāmaa naka nebur̄sii jaradeai baita:

«Ēbēra chi nejarra barau niiba chi nejarra nubarii uru b̄uasii. Maude waabenarāba ichimaa jarasidau chi nejarra nubariiiba mau barau nii chi nejarra bi'ia nuwēa b̄uu. ² Maudeeba chi chibariba ichi iupeđa naka iadaasii: “Bichiba m̄ chi nejarra bi'ia nuwēa b̄uu m̄-

ba ūrisii. Bichiba wauḁa kartade bupeda unubise, jāabae m̄ chi nejarrā nubarii baabaideeba”.

³ »Mau ūrisiide chi nejarrā nubariiba ara ichi du aba jarasii: “M̄ chibariba m̄ duaburū. Ḃāabae kāare sāaima? M̄ kakua poyara nii traju chaarea wauḁi baita mauḁe kīrakaya nii chi chuburia idi b̄uai baita. ⁴ M̄ba kuitaa b̄uu saka wauḁi m̄ wāi naede. Makarā waabenarāba m̄ āchi dede bi'ia irsibidai”.

⁵ »Ara makude chi nejarrā nubariiba abaabaa iukuasii chi chibarimaa chi deḁai nuree. Chi naa needamaa idisii: “Ḃichiba sāabe m̄ chibarimaa deai b̄uma?” ⁶ Mauba panausii: “M̄ba olivo draa 1.000 galones deai b̄uu”. ¹ Mauḁe chi nejarrā nubariiba jarasii: “Maka b̄uburā isa ak̄ b̄epeda bichi kartade b̄ kub̄uu: june awara b̄use. B̄use bichiba 500 deai b̄uu”.

⁷ »Maabae waabenamaa idisii: “Ḃichiba sāabe deai b̄uma?” Mauba panausii: “M̄ba trigo 100 jabara deai b̄uu”. ^{II} Chi nejarrā nubariiba jarasii: “Bichi kartade b̄ kub̄uu june awara b̄use. B̄use bichiba 80 deai b̄uu”.

⁸ »Mauḁe chi chibariba jarasii mau chi nejarrā nubarii kachirua nii chi kauwa ārea b̄uasii, ichiba maka wauḁadeeba. Biawāra Dachī Akōreḁerā ēbērarā au-deara nau iujāḁebenarāba ne adauḁai baita āchi abaarakaurā ome āchi kuitaḁeeba waubadau. ^{III}⁹ Ara mau kīra m̄ba machimaa jaraaru: nau iujāḁebena chi nejarrāba ēbērarā ārea aḁásturu. Maka machi kōpaerorā ārea uru panaḁai. Maabae machi biuduḁe bajāḁe bi'ia irsibidai. ^{IV}

¹⁰ »Abauba ba'āra uru b̄uu bi'ia wauḁi kuitaa b̄uburā, chi ārea uru b̄uu siḁa bi'ia wauḁi kuitaa b̄uai. Mauḁe ba'āra uru b̄uu bi'ia waukauburā, chi ārea uru b̄uu siḁa bi'ia waukau b̄uai. ¹¹ Ara mau kīra machiba nau iujāḁebena ne bia ome jipa wauḁawēburā ḂDachi Akōreba bajāḁebena ne bia machimaa deaika? ¹² Mauḁe Dachī Akōreba nau druḁe deḁa machiba jipa wauḁawēburā Ḃichiba machimaa chi machidi deai b̄uka? ^V

¹³ »Chi chibari baita bari trajabarii aba biḁa chi chibari ome uru b̄ubai. Ome uru b̄uburā aba aude k̄riai. Aba baara wāi, mauḁe chi abau b̄ui. Arabauḁe chi nejarrā barau nibai k̄ria b̄uu poyaa Dachī Akōre ome b̄ubai».

¹⁴ Jesusba jarada fariseorāba joma ūri duanasidau. Ḃichiba chi nejarrā k̄riabadaudeeba Jesús atua jara kopaneesidau. ¹⁵ Mauḁe Jesusba āchimaa jarasii: «Machi waabenarā daḁe ēbēra bia kīra nuree. Maamina Dachī Akōreba kuitaa b̄uu machi biawāra saka

I 1.000 galones. Griego beḁeade naka b̄ kub̄uu: 100 barriles. Mau waya deai baita 1.000 ewari trajai b̄uasii. II 100 jabara. Mau deai baita 2500 ewari trajai b̄uasii. III Dachī Akōreḁerā ēbērarā. Griego beḁeade naka b̄ kub̄uu: ūḁaḁebena warrarā. IV Machi biuduḁe. Griego beḁeade naka b̄ kub̄uu: Machi chi nejarrā wā'āruḁe. V Griego beḁeade naka b̄ kub̄uu: Machiba waabenarā ne kaebea ome bi'ia wauḁawēburā, Ḃkaiba machimaa ne kaebea deaima?

nuree. Ḃēbērarāmaarā bibuara b̄uu, mau Dachī Akōre-maarā bi'iwāe b̄uu.

Dachi Akōreba ichidirā ichi juade ua b̄uu ūrubena

¹⁶ »Juan neei naede Moisesba b̄uda mauḁe Dachī Akōre baita berreabadaurāba b̄upedaada dachiba uru panasidau. Mau ewarideḁebena daiba chi beḁea bia Dachī Akōreba ichidirā ichi juade ua b̄uu ūrubena jaradea panuu. Biawāra ēbērarāba ne joma wau panuu Dachī Akōre juade panaḁayua. ¹⁷ Maamina Moisesba b̄uda aba biḁa wā'āe bai. Maumaarā bajāa mauḁe nau iujāa bari au wā'āe bai b̄uu.

Jesusba dachi wēra amaḁaabai jarada

Mateo 19:1-12; Marcos 10:1-12

¹⁸ »Mukīraba ichi wēra amaḁe junebena wēra ome miakāiruuburā kachirua wau b̄uu. Arabauḁe chi amaḁa wēra ome miakāiruuburā mau mukīraba mau wēra ome kachirua wau b̄uu.

Lázaro mauḁe ēbēra chi nejarrā ārea barau nibada

¹⁹ »Ḃēbēra chi nejarrā ārea barau nii b̄uasii. Mau paru bi'ia ārea j̄ubachii mauḁe kobadau mechiu ewaricha waubachii. ^{VI} Mau ēbēra ārea bi'ia b̄uasii. ²⁰ Mauḁe ēbēra chi nejarrā barauwāe nii Lázaro abadau b̄uasii. Lázaro chi nejarrā barau nii de poraḁe jeḁa ak̄ b̄ubachii. Mau chi kakua joma chau b̄uasii. ²¹ Ichiba chi nejarrā barau nii kobariimareḁebena chiko b̄eḁa ko k̄ria b̄ubachii. Mauḁe usa needapeḁa ichi kakua chau nii senabachidau.

²² »Maka panuḁe mau chi nejarrā barauwāe nii biusii. Ara makude angelerāba ichi Abraham b̄uumaa adoesidau. Mau maḁakare chi nejarrā barau nii siḁa biusii. Maabae mau jau b̄usidau.

²³ »T̄ubuchia kiikaude ārea bi'iwāe b̄uude chi barau b̄uḁaba Abraham, Lázaro ome b̄uu kaitawēba unusii. ^{VII}²⁴ Mauḁeeba j̄iwa jarasii: “Chacha Abraham, m̄ kīra chuburiāse. Lázaro b̄use. Ichi jua jimidi baniaba bekeapeḁa m̄ kērame bekeade neebise. Nau aoko nub̄uude m̄ ārea bi'iwāe b̄uu”. ²⁵ Maamina Abraham-panausii: “M̄ba poyaa b̄ubai. Warr, kīrabase bichi chokae b̄uasiide bi'ia b̄ubachii, maumaarā Lázaro miichuburi b̄uasii. Idi Lázaro bari k̄rj̄ru b̄uu, mauḁe bichi ārea bi'iwāe b̄uu. ²⁶ Mau awara dachi kēsa ea eḁaa jira nu. Mauḁeeba machimaa wāḁai k̄ria panuu siḁa poyaa wāḁaabei. Mauḁe jāmauba aba biḁa poyaa daimaa needaabei”.

²⁷⁻²⁸ »Mauḁe chi barau b̄uḁaba jarasii: “Chacha Abraham, maka b̄uburā m̄ kīra chuburiāse; Lázaro m̄ chacha deamaa b̄use m̄ ābarā jua aba panu-umaa jaramera nama saka b̄uu. M̄ba k̄riawēe

VI Paru bi'ia ārea j̄ubachii. Paru paarā mauḁe lino kaḁa j̄ubachii. VII T̄ubuchia kiikaude. Griego beḁeade naka b̄ kub̄uu: Hades.

maarã sida nama ãrea bi'ia panade needayu".

²⁹ Maamina Abrahamba maumaa jarasii: "Moisesba buɗa maude Dach Akõre baita berreabadaurãba buɗepedaada maarãba uru panuu. Mau ijãadai panuu".
³⁰ Maude chi ebẽraba panausii: "Chacha Abraham, mau baita ijãadaabai. Maamina aba biudaba chokae jiradupeɗa maarãmaa jarade wãaruuburã, maarãba kachirua ida buɗepeda ijãadai".
³¹ Maamina Abrahamba jarasii: "Moisesba buɗa maude Dach Akõre baita berreabadaurãba buɗepedaada ijãadawẽeburã, biuɗa chokae jiraduɗaba mau jaraaruuburã ijãadaabai"».

Dachi Akõreba kachirua waubadaurã kastikai

Mateo 18:6-7,21-22; Marcos 9:42

17 Jesusba ichi baara nibabadaurãmaa jarasii: «Ebẽra kachiruade bæbibadau barau. Mau ewaricha maka buai maamina chi waabenarãmaa kachirua waubiabarii miichuburi buai. ² Barikiuba chi aude kaebeu nureeɗebena aba kachiruade bæbiiruuburã, Dach Akõreba mau ebẽra ãrea kastikai. Maudeeba bibuara buu mau ebẽra ostade kũruma jũɗepeda marde jirataɗai.

³ »Maudeeba kauwa panásturu. Bichi ãbaba bichi kachirua wauruuburã, mau kastikase. Mauba kachirua wauɗa ida buuruuburã mau wauɗa perdonase.

⁴ Arabau ewaride mauba bichi 7 bes kachirua wauruuburã, maabae 7 bes bichimaa wãpeda "mũɗba kachirua wauɗa perdonãbaɗe" aaruuburã, mauba wauɗa perdonase».

Daimaa bi'ia ijãabiɗa

⁵ Maude Dach Mechiuba buidarãba ichimaa jarasidau:

—Dai aɗase bi'ia ijãadai baita.

⁶ Dach Mechiuba jarasii:

—Mostaza taa kaebeara kãra machiba bistũika biɗa ijãa panuuburã, cha buu bakurumaa "bichi karr eetapeɗa marde buaɗe wãse" aaduude mau bakuruba machi beɗea ijãai basii.

Chi chibari baita bari trajabariiba wau buu ẽrubena

⁷ »Bichi baita bari trajabarii ne uudeɗe traja buapeɗa maeburã oeja nu buapeɗa neesiiɗe ɗbichiba maumaa jarai buka "Akũ bæese komera"? ⁸ Makawãe. Mau-maarã jaraaru: "Anakũɗe ne chuuse. Maabae paru bia jũpeɗa mũumaa chiko eneese koi baita. Maabãeburu bichi koi". ⁹ Bichiba jaraɗa bichi baita bari trajabariiba wausiiɗeɗe ɗbichiba maumaa ichituru kiɗibai aika? Maka jarawẽe ichiba wau buu wauruudeeba. ¹⁰ Ara mau kãra machiba wauɗai panuu joma waupedaadakare naka jaraɗai panuu: "Dai chi chibari baita bari trajabadaurã kaebeu nuree; ababuru daiba wauɗai panuu wausidau".

Èbẽrarã kakua chau nuree 10 aribiabiɗa

¹¹ Mau maadakare Jesús Galileadebena Jerusalenda wãsii. Wãaruude Samaria druare wãsii. ¹² Puuru kaebeude neeruude 10 ebẽrarã kakua chau nuree ichimaa neesidau. Maamina ara kaita needaabasii. ¹³ Jesusmaa naka jãwa biasidau:

—jJaradeabarii, Jesús, dai kãra chuburiãse!

¹⁴ Jesusba maarã unusiide naka jarasii:

—Paarerãmaa wãsturu machi chi kakua anipeɗaada ichiadamera. ^I

Ara makũɗe maarã wãsidau. Wãaduu niɗaude anikuasidau. ¹⁵ Mau makaɗa abaua unusiide Jesusmaa waya neesii Dach Akõremaa bi'ia jãwa berrea kãriiba. ¹⁶ Jeeɗa oɗarrɗe kobepeɗa Jesusmaa ãrea ichituru kiɗibai jarasii ichi anibisiideeba. Mau mukãra Samariadebena basii. ¹⁷ Jesusba maumaa idisii:

—ɗChi anibiapedaada 10 panuuwãeka? Chi waabenarã 9 ɗsama panuma? ¹⁸ Nau awara judiowãe nii ɗaba biɗa Dach Akõremaa waya bi'ia berreade neebaska?

¹⁹ Maude Jesusba chi ebẽramaa jarasii:

—Jiradupeɗa wãse. Bichiba biawãra ijãasiideeba anisii. ^{II}

Dachi Akõreba ichiɗirã ichi juade ua buai ẽrubena

Mateo 24:23-28,36-41

²⁰ Fariseorãba Jesusmaa idisidau:

—ɗSakaɗe unuɗaima Dach Akõreba ichiɗirã ichi juade ua beeruu?

Maude Jesusba panausii:

—Dachi Akõreba ichiɗirã ichi juade ua beeruude ebẽrarãba unuɗaabai. ²¹ Maudeeba poyaa jaraɗaabai: "Dachi Mechiu nama buu" maeburã "jamarã buu". Maumaarã Dach Akõre ebẽrarã soɗẽburu chi jaraɗa ua buabarii bæebarii. ^{III}

²² Maabae Jesusba ichi baara nibabadaurãmaa naka jarasii:

—Ewari chaarea neei. Mau ewaride machiba mũ, chi Èbẽra Ba Buada unu kũriaɗai, maamina unuɗaabai.

²³ Maude waabenarãba jaraɗai ichi nama buu maeburã jamarã buu. Maamina ichiɗe wãrãsturu. Maarã ome nibarãsturu. ²⁴ Bajãa puri chebibarii uɗaaruude joma nau iujãa uɗaabarii. Ara mau kãra mũ, chi Èbẽra Ba Buada neeruude jomaurãba unuɗai. ^{IV}²⁵ Maamina mau ewari neei naede mũ ãrea bi'iwãe buu. Maude iɗibaebena ebẽrarãba mũ kũriaɗai ida buɗai.

²⁶ »Chi Èbẽra Ba Buada neei, Noé ewaride maka buaɗa kãra. ²⁷ Nau iujãa joma birui naede ebẽrarã ko

^I 17:14 *Levítico* 14:1-32. ^{II} *Anisii. Griego bedeaɗe mau bedea jara buu «karibasii».* ^{III} *Èbẽrarã soɗẽburu. Griego bedeaɗe mau jara buu «machi tãede buu».* ^{IV} *chi Èbẽra Ba Buada neeruude. Griego bedeaɗe chi bee kartade ababuru bu kubuu chi Èbẽra Ba Buada.*

duanabachiđau, do duanabachiđau, miakāi duanabachiđau, chi kaurā deađaka duanabachiđau miakāiđamera. Maka duanabachiđau aba Noé jāba mechiude eđa wāaruudea. Mau maađakare kui ārea chepeđa ēbērarā joma baniaba biusiđau. ^I

²⁸ »Lot ewariđe biđa biawāra ara mau kīra būsaii. Ēbērarā ko duanabachii, do duanabachii, ne nedobēi duanabachii, de wau duanabachii maude ne uu duanabachii. ²⁹ Maamina Lot Sodomađebena wāsiide bajāđebena tūbū aoko kui kīra neesii. ^{II} Mauba chi ēbērarā joma baa kenasii. ^{III}

³⁰ »Mū, chi Ēbēra Ba Buađa neei ewariđe ara mau kīra makai. ³¹ Mau ewariđe chi de ūrū bēuba ichi deđe eđa wāabai ichi ne kaebea pe adooi baita. Chi uu nubūude būu ichi deđeaa wāabai būu chi bēe ne kaebea adai baita. ³² Lot wēra makađa ūrūbena kīrabás-turu. ^{IV}³³ Aba nau iujāđe ara ichi bi'ia būai kīrisia būuburā, mau poyaabai. Maamina ne kaebea joma būiruuburā, Dachī Akōre ome ewaricha chokae būai.

³⁴ »Mūba jaraaru: mau ewariđe arabau kudade ome panadai. ^V Maude Dachī Akōreba aba adooi maamina chi ababena būi. ³⁵ Wērarā ome arabau kūrūmađe ne bamaa panadai. Maude aba adooi maamina chi ababena būi. ³⁶ Ēbēra ome āchi uu nubūude panadai. Maude Dachī Akōreba aba adooi maamina chi ababena būi. ^{VI}

³⁷ Maarāba Jesusmaa iđisiđau:

—¿Mau sama makaima?

Jesusba panausii:

—Jomaurāba kuitaa panuu biuđa bari būumare ākoso orrobadau. Ara mau kīra jomaurāba kuitađai.

Pēdrāba iđika būai ida būkau ūrūbena

18 Jesusba nebūrsii jaradeai baita Dachī Akōre-maa ūtaa iđi panadai ida būdayuwāe panadai.

² Naka jarasii: «Puurude juez būsaii. Mauba Dachī Akōre maude ēbēra wapeaka basii. ³ Ara mau puurude pēdrāa būsaii. Mau waabena ome nebura bara būsaii. Maudeeba ewaricha wābachii chi juezba aiđamera. ⁴⁻⁵ Maamina wāaruucha chi juezba ichiba jara būu ūrii kīriaka basii. Maamina ārea iđii ida būkaudeeba ara ichi du aba jarasii: "Mūba Dachī Akōre maude ēbēra wapeakau. Maamina nau wēra akabichia nee būudeeba mū sō kachiruai naede, ichiba iđi būu waii"».

⁶ Maabae Dachī Mechiu Jesusba jarasii: «Kīrisiásturu chi juez jipawāe niiba jarada. ⁷ Dachī Akōreba jurū adauđarāba āyadaa maude ēsabude ichimaa chi chuburia iđi panuude ¿ichiba jipa wau būudeeba aiđaabaika? ¿Panau baita kā'āaika? ⁸ Mūba jaraaru:

^I 17:27 Génesis 6:5-17; 7:6-24. ^{II} Tūbū aoko. Griego beđeade naka bū kubūu: Tūbū aoko, azufre bara. ^{III} 17:29 Génesis 18:20—19:25. ^{IV} 17:32 Génesis 19:26. ^V Mau ewariđe. Griego beđeade naka bū kubūu: ēsabude. ^{VI} Griego beđeade chi bēe kartae versículo 36 wā'āe.

biawāra kā'āabariwāede Dachī Akōreba karibai. Maamina mū, chi Ēbēra Ba Buađa neeruude ¿nau iujāđe wabiđa mū beđe ija panuu unude neei būka?»

Fariseo maude Romađebena baita chi nejarra pebarii

⁹ Waabenarāba āchi jipa nuree kīrisia panasiđau. Maudeeba waabenarā kīriađai ida būbachiđau. Jesusba āchimaa nebūrū būuba naka jaradeasii:

¹⁰ «Ēbēra ome Dachī Akōre de mechiude ūtaa iđide wāsiđau. Aba fariseo basii. Chi ababena Romađebena baita chi nejarra pebarii basii. ¹¹ Fariseo akū nubēpeđa ara ichi ūrūbena naka ūtaa iđisii: "Dachī Akōre, mūba bichimaa bichíturu kiđibai a jaraaru mū waabenarā kīra niuwādeeba. Āchi nechiruabadau, kachirua waubadau, wēra junebena ome kāi duanee-badau. Maude mū Romađebena baita chi nejarra pebarii kīra niuwāe. ¹² Misacha bēs ome Dachī Akōre baara būayua kokau ewari waubarii, maude ne kaebea 10 irsibibariidebena mūba bichimaa aba deabarii".

¹³ »Maude Romađebena baita chi nejarra pebarii kaitawēwāe akū nubūsaii. Maamina bajāđaa ichi abasii. Maumaarā kīra nomaaba ichi pechu taapepeđa jarasii: "Chacha, mū kīra chuburiāse, mūba ārea kachirua waubariideeba".

¹⁴ »Mūba machimaa jaraaru: fariseo audeara mau ēbēra deđeaa wāsiide, Dachī Akōre daade jipa būsaii. Chi aba chi mechiu nibai kīria būuburā Dachī Akōreba kaebeu būi. Maamina ara du aba kaebeu bēeruuburā, Dachī Akōreba mau aude mechiu nibabii».

Jesusba warrarā ūrūbena bi'ia jarada

Mateo 19:13-15; Marcos 10:13-16

¹⁵ Maude waabenarāba āchi wāwarā Jesusmaa enesiđau ichi jua ūrū kubūpeđa bi'ia jaramera. Jesús baara nibabadaurāba mau unusiđauđe chi mau warrarā adoepeđaadarā iadaasiđau. ¹⁶ Maamina Jesusba chi warrarā iukupeđa chi ichi baara nibabadaurāmaa jarasii:

Warrarā mūmaa ida neebísturu, Dachī Akōreba ichiđirā ichi juade ua būuđerā naarā kīra nuredeeba. ¹⁷ Mūba biawāra jaraaru: warr ichi akōre ome nibabarii kīra aba biđa Dachī Akōre ome niuwāeburā, mau ēbēra Dachī Akōre juade būabai ichiđirā baara.

Chi nejarra barau nii Jesús ome berređa

Mateo 19:16-30; Marcos 10:17-31

¹⁸ Ēbērarā chi karrba Jesusmaa iđisii:

—Jaradeabarii bia nii, Dachī Akōre ome ewaricha chokae būai baita ¿mū kāare sāaima?

¹⁹ Jesusba ichimaa jarasii:

—¿Sakāe mūmaa bi'ia nii a būma? Mae, aba biđa chi bia nii wā'āe; ababuru Dachī Akōréturu chi bia nii. ²⁰ Bichiba kuitaa būu Dachī Akōreba waubi būu beđe.

Naka jara ʼuu: junebena miakāida ome kāi beerāse, mia bearāse, nechiruarāse, setaa jararāse waabenarā ũrubena, bichi akõre maude bichi nawe wapeadee ʼuase. I

21 Chi mukiraba panausii:

—Mʼ kũdrāaʼebena joma mau wau ʼuu.

22 Mau ũripeɗa Jesusba ichimaa jarasii:

—Wabiɗa bichiba ne kaebea aba wau ʼuu: bichiba ne uru ʼuu joma nedobʼipeɗa chi nejarr barauwāe nureemaa dease. Maka bajāde ne bia uru ʼuai. Maabae mʼ baara nibaɗe neese.

23 Mau ũrisiide chi mukira ārea kīra nomaasii ārea chi nejarra barau niideeba. 24 Jesusba mau maka ʼuu unusiide naka jarasii: II

—Biawāra ārea chaarea ʼuu ɛbēra chi nejarra barau nii Dach Akõre juade ʼuai baita, ichiɗirā baara.

25 Chaarea ārea ʼuu barau nii Dach Akõreba ichi juade ua ʼuude ʼuayya, camello aba ākusa daude wāi baɗamaarā.

26 Mau ũripeɗaadaba idisiɗau:

—Makarā Dach Akõreba ʒkai karibaima?

27 Jesusba panausii:

—Chi ɛbēra poyaa waukau, Dach Akõreba mau poyaa waubarii.

28 Maude Pedroba jarasii:

—Daiba joma ʼusidau bichi baara wāɗai baita.

29-30 Jesusba āchimaa jarasii:

—Mʼba biawāra jaraaru: abauba Dach Akõre juade ʼuayya ichi de, akõre, nawe, ābarā, kima maude warrarā ʼuiruburā, ichiba ʼuiɗa audeara mau ewaride ārea aude adau. Maude kaadebena ewaride Dach Akõre ome ewaricha chokae ʼuai.

Jesusba ichi beadai ũrubena waya jarada

Mateo 20:17-19; Marcos 10:32-34

31 Jesusba chi ichi baara nibabadaurā 12 āyaa adoepɗa jarasii: «Dach Akõre baita berreabadaurāba mʼ, chi ɛbēra Ba ʼuada ũrubena kartade ʼusidau. Dach Jerusalende needuude āchiba ʼupeɗaadā joma makai. 32 Waabenarāba mʼ judiowāe nureerāmaa deɗai. Mʼ atua jaradai, kachirua jaradai maude mʼma iduɗai. III33 Maabae mʼ soaba peɗapeɗa beadai. Maamina ewari ɔbeaɗe mʼ chokae jiradui».

34 Mau ũrubena āchiba bistika biɗa kauwa ũriɗaabasii. Āchiba kāare k̄risiɗai adua basiideeba adua panasiɗau kāare ũrubena jara ʼuu.

Jesusba dau pāriu nii aribiabida

Mateo 20:29-34; Marcos 10:46-52

35 Jesús Jericó puuru kaita neeruude ɛbēra dau pāriu nii o iikaa chi nejarra idika akʼ ʼuasii. 36 Ichiba

I 18:20 Éxodo 20:12-16. II Mau maka ʼuu. Griego beɗeade chi ʼbee kartade mau wā'āe. Maude chi ʼbee kartade ʼu kubuu: Ichi kīra nomaa ʼuu. III 18:32 Isaias 50:6; 53:5.

ɛbērarā ārea needuu ũrisiide idisii sakāe maka panuma. 37 Maude waabenarāba jarasiɗau:

—Jesús Nazaretɗebena nauɗe wāaruudeeba ārea panuu.

38 Maudeeba chi dau pāriu niiba jīwa ʼuasii:

—jJesús, Davidɗebena needa, mʼ kīra chuburiāse!

39 Chi Jesús naa wāaduuraaba iadaasiɗau chūpeam-era. Maamina jīwa ʼuasii:

—jDavidɗebena needa, mʼ kīra chuburiāse!

40 Mau ũrisiide Jesús ʼbari nubeesii. Maabae dau pāriu ʼuu ara kaita eneebipeɗa idisii:

41 —jKāare k̄ria ʼuma mʼuɗa wau?

Chi dau pāriu ʼuuba panausii:

—Mʼ Mechiu, mʼuɗa unui k̄ria ʼuu.

42 Jesusba jarasii:

—Unu ʼeese. Bichiba ijāsiideeba aribiasii.

43 Ara makude unu kobeesiide Jesús kaade nibadeasii. Mauba Dach Akõremaa ārea bi'ia jara nibasii. Mau unupeɗaadarā biɗa Dach Akõremaa bi'ia jara paneesiɗau.

Zaqueoba Jesús unuda

19 Jesús Jericode nepeɗa chi puuru jomaɗe niba ʼuasii. 2 Aria ɛbēra Zaqueo abadau ʼuasii. Mau

Zaqueo Romaɗebena baita chi nejarra pebadaurā jaradea ua ʼuabarii basii. Ārea chi nejarra barau nii basii. 3 Mauba Jesús unui k̄ria ʼuasii. Maamina mau ɛbēra kakatua nibasiideeba poyaa unuubai ʼuasii ɛbērarā āreaɗeeba. 4 Maudeeba Jesús wāaru naa pira wāpeɗa sicomoro bakuruude ʼta ichiɗe wāsii, Jesús aria wāi basiideeba. 5 Maka ʼuude Jesús aria neesiide, ʼtaa ichiapeɗa jarasii:

—Zaqueo, isa eɗaa uche. Iɗi mʼ bichi dede kāi beede wāaru.

6 Maabae chi Zaqueo kīrajʼu eɗaa nepeɗa Jesús ichi deemaa adoesii. 7 Mau unudaakare jomaurāba Jesús ũrubena naka kachirua berrea bara ʼeesii: «jJāu Jesús ɛbēra kachirua waubarii dede kāi beede wāsii!».

8 Ichi dede neesiɗauɗe Zaqueo Jesús daade akʼ nuɗeɗe jarasii:

—Mʼ Mechiu, mʼuɗa chi nejarra uru ʼuudebena chi nejarr barauwāe nureerāmaa kēsa deɗakaaru.

Maude ʼbes kimare aude wāyaa deɗakai mʼuɗa setadeeba waabenarāmaa aude idida baɗa.

9 Jesusba maumaa jarasii:

—Iɗi Dach Akõreba bichi maude bichi dedebena karibasii, Abrahamba ijāaɗa kīra bichiba ijāa ʼuudeeba. IV10 Biawāra mʼ, chi ɛbēra Ba ʼuadaba chi adua duanuura karibai baita juruɗe neesii.

IV Abrahamba ijāaɗa kīra bichiba ijāa ʼuudeeba. Griego beɗeade naka ʼu kubuu: Bichi Abraham warrdeeba.

Jesusba chi nejarra ũrubena neburuda

Mateo 25:14-30

11 Jesús Jerusalén kaita buudeeba, chi aria panuuba kŕisia panasidau ara mau ewaride Dachí Akõreba ichidirã ichi juade ua beei. Jesusba jara buu ũri panuudeeba, ne jaradeai baita naka neburusii:

12 «Ēbëra chi jaradea ua buabarii waabena druadaa kaitawë wãsii, jomaurã aude jaradea ua buabariiba mau ara ichi druadebena rey bumerera. Mauba kŕisiasii nau maadakare waya neei. 13 Wã naede ichi baita bari trajabadaurã 10 iupeða chi nejarra ãrea ãchicha deasii. I Maude jarasii: “Mũ neeruumisa nau chi nejarra waribísturu”. 14 Maamina ichi druadebenarãba mau ãrea kŕiramaa panuudeeba, ëbërarã buisidau jomaurã jaradea ua buabariimaa naka jaradamera: “Daiba kŕiawëa panuu jãu dai rey bayu”.

15 »Maamina chi jomaurã aude jaradea ua buabariiba mau ëbëra chi rey busii. Waya neesiide ichi baita bari trajabadaurã iukuasii ichiba chi nejarra deaða waribi panuu kuitaayua. 16 Maabae aba naa neepeða jarasii: “Mũ chibari, bichiba chi nejarra deaðadebena mũba 10 bes maucha waribisii”. 17 Maudeeba chi jaradea ua buabariiba jarasii: “Bi'ia buu, mũ baita bari trajabarii bia. Mũba ba'ãra deaðaba, bichiba bi'ia wausiideeba mũba bichi juade 10 puuru bui”.

18 Mawãare ichi baita bari trajabarii neepeða jarasii: “Mũ mechiu, bichiba chi nejarra deaðadebena mũba bes 5 maucha waribisii”. 19 Maudeeba chi jaradea ua buabariiba jarasii: “Mũba puuru jua aba bichi juade bui”.

20 »Maabae aba june ichi baita bari trajabarii neepeða jarasii: “Mũ mechiu, bichiba chi nejarra deaða nama buu. Mũba paruðe bura mera uru busii.

21 Maka wausii bichi wapeadeeba. Mũba kuitaa buu bichiba kŕira chuburiakau waabenarã ne kaebea adauí baita. Mau awara waabenarãba uupeðaada adaubarii”.

22-23 »Maudeeba chi jaradea ua buabariiba jarasii: “Mũ baita bari trajabarii kachirua, biawãra bichiba jara buudeeba kuitaa buu mũba jarada waubasii. Bichiba mũ maka nii ãrea kuitaa busiiburã ¿sakãe mũ nejarra, chi nejarra nubadau dede buude wãabasma? Makaða basirã mũ chi nejarra aude maucha adauí basii”.

24 »Maabae chi jaradea ua buabariiba chi aria duanumaa jarasii: “Jãuba uru buu juakaa adauðapeða chi 10 uru buumaa deásturu”. 25 Ächiba jarasidau: “Maamina, dai mechiu, jãuba 10 uru buu”. 26 Chi jaradea ua buabariiba jarasii: “Mũba jaraaru: Abauba biawãra kuitaaruuburã, Dachí Akõreba aude kuitaabii. Maamina chi adua niiba ne kuitaa buu kŕisiaruuburã ichiba kŕisia buu Dachí Akõreba mau juakaa adauí”.

I Chi nejarra ãrea. Griego bedede naka bu kubuu: 10 minas. Makaede mau seetao «mina» abachidau. Mina aba adauí baita 100 ewari trajai busii.

27 “Mau awara mũ ächi jaradea ua buabarii bai kŕiawëa panada, eneedapeða mũ daade beásturu”.

Jesús Jerusalende needa

Mateo 21:1-11; Marcos 11:1-11; Juan 12:12-19

28 Maka jarapeða Jesús Jerusalenda naa wãsii. 29 Wãaruude Betfagé puuru mauðe Betania puuru kaita Olivo eade neesii. Maabae ichi baara nibabadaurã ome panuu puuruðaa busii. 30 Ächimaa naka jarasii: «Chi Dachí kŕiraare puuru kubuumaa wãsturu. Aria baaduude machiba burro cheke unuðai. Mau ũru wabiða ataudakau. Enadapeða enésturu. 31 Maude abauba machimaa idiruuburã sakãe jãka ena panuma, jarásturu: “Dachí Mechiuba nau kŕira buu”.

32 Ara mukude wãsidau mauðe Jesusba ächimaa jarada kŕira unusidau. 33 Chi burro enamaa panuude chi chibarirãba ächimaa idisidau:

—¿Sakãe dai burro ena panuma?

34 Ächiba panausidau:

—Dachí Mechiuba nau kŕira buu.

35 Ara mukude chi burro Jesusmaa adoedapeða ächiba chi anabari jëbadau burro ũru kubusidau. Maabae Jesús ataubisidau. 36 Jesús wãaru naa ëbërarãba ächi anabari jëbadau paru oðe tõ buikasidau ichi bi'ia irsibidai baita. 37 Jesús Olivo ea eada wãbadau o kaita kãridauðe, joma ichi baara nibabadaurãba Dachí Akõremaa jŕiwa bi'ia berrea kopaneesidau. Kŕiruu panasidau Jesusba ächi daade ächiba ëbërarãba ne poyaa wauðakau wau busiideeba. 38 Ächiba jara duanasidau:

«jãrea bi'ia nii chi jomaurã Rey Dachí Akõre trüde neeruu! II

jãabae Dachí Akõre ome jirukaraayuwãe duanaðai! jBajãade buu chi Mechiu nii!»

39 Maudeeba waabenarã fariseorã aria duanuuba Jesusmaa jarasidau:

—Jaradeabarii, jbichi baara nibabadaurã chũpeabiase!

40 Maamina Jesusba ächimaa jarasii:

—Mũba biawãra machimaa jarai maarã chũpeaduuburã, mo biadai.

41 Jesús Jerusalén kaita baaruude chi puuru unusiide. Mau puuru kakua jëasii. 42 Maude jarasii: «jBichiba kuitaada basirã nau ewaride kaid ebena bichi jirukaraayuwãe buai! Maamina dau bura nii kŕira buudeeba bichiba kauwa unuubai. 43 Maudeeba ewari aba buai chi bichi kŕiramaabarii bichi ome chĩode needai. Bichi adu orrodapeða bichi adu ioro joma imatudai, aba bida jiidru wãraadamera. 44 Bichi jeeda bæbiiduude bichi warrarã joma kenadai. III Maarãba mo aba bida abau mo ũru buðaabai. Maka wauðai chi

karibabarii Dachí Akõreba buida bichiba kuitaadaaweedeeba».

Jesusba ne kaebea nedobuibadaurã duabũikada

Mateo 21:12-17; Marcos 11:15-19; Juan 2:13-22

⁴⁵ Jesús Dachí Akõre de mechiu duđa neeruude ne kaebea nedobuibadaurã unusii. ^I Maarã joma du-abũikasii. Naka jarasii:

⁴⁶ —Dachí Akõre bedeeđe naka bu kubuu: “Mũ de, chi ũtaa idibadau de adai”. Maamina machiba “nechiruabadaurã de chobeá kĩa” uru panuu. ^{II}

⁴⁷ Jesusba ewaricha Dachí Akõre de mechiu duđa jaradea buabachii. Mauđe paare mechiurãba, Moisesba buđa jaradeabadaurãba mauđe ebẽrarã chi mechiurãba ichi bea kũria panasidau. ⁴⁸ Maamina poyaa bead-aabasii jomaurãba ichi bedea ewaricha ũribadaudeeba.

¿Kai trũde Jesusba jaradea buu?

Mateo 21:23-27; Marcos 11:27-33

20 Earaba Jesusba Dachí Akõre de mechiu duđa ebẽrarãmaa chi ichi ũrubena bedea bia jaramaa buasii. Mauđe paare mechiurã, Moisesba buđa jaradeabadaurã mauđe judiorã mechiurã neesidau.

² Maarãba Jesusmaa naka idisidau:

—Daimaa jarase, bichiba nama wau buu ¿kaiba naka waubi buuma? ^{III}

³ Jesusba achimaa jarasii:

—Mũa biđa machimaa idiiruu. Panáusturu. ⁴ ¿Juan samareeba neesma boro eamera? ¿Bajãađe Buuba mau buiska, maeburã nau iujãaebenarãba?

⁵ Mauđe ara achi chiya berrea bara beesii: «Bajãađe Buuba buisii aaduuburã ichiba jaraaru: “Mau ¿sakãe ijãaabaasma?” ⁶ Maamina ebẽraba buisii aaduuburã, puurudebenarãba dachí mokaraba bata beadai. Puurudebenarãmaarã Juan Dachí Akõre baita berreabarii basii».

⁷ Mauđeeba achi panausidau adua panuu samareeba neesii.

⁸ Mauđeeba Jesusba jarasii:

—Maka buuburã mũa biđa machimaa jaraabai kaiba mũmũmaa naka waubi buu.

Trajabadaurã kachiruarã ũrubena neburũda

Mateo 21:33-44; Marcos 12:1-11

⁹ Mau maadakare Jesusba ebẽrarãmaa naka neburũsii jaradeai baita:

^I Ne kaebea nedobuibadaurã. Griego bedeeđe chi bee kartade bu kubuu: Ne kaebea nedobadaurã. ^{II} Mũ de, chi ũtaa idibadau de. Isaías 56:7. Nechiruabadaurã de chobeá. Jeremías 7:11. ^{III} Bichiba nama wau buu. Mau jara buu Jesusba ne kaebea nedobuibadaurã duabũikada, jai bara nuree aribiabiada mauđe puurudebenarãmaa jaradea buu.

«Ebẽra buasii. Mau ebẽraba uva ichi druade uusii. Maabae chi ichi uva uu nubuu waabenarã ebẽrarã juade busii. Maarã ome bedea deasidau chi uva uu nubuu chauruude sãabe ichimaa deadai panuu. Maabae kaitawẽ wãpeda aria ewari aribia beesii.

¹⁰ Uva junabadau ewari neesiide ichi baita bari trajabarii aba buisii chi uva uu nubuu ebena ichimaa deadai panuu adaude wãmera. Maamina chi uva uu nubuu nu panuuba chi chibari baita bari trajabarii sãdapeda jua ara jãka duabũisidau. ¹¹ Mauđeeba chi chibari baita bari trajabarii june buisii. Maamina mau sida sãdapeda kachirua jaradapeda deadawẽa waya duabũisidau. ¹² Mauđeeba waya june buisii, maamina mau sida ãrea sãdapeda arabena duabũisidau.

¹³ »Mauđeeba chi uva uu nubuu chibariba ara istu aba berreasii: “¿Jãabae mũuba kãare sãaima? Mũ warr ãrea kũria inii buiruu; mau wapeadee panadai bubaa”.

¹⁴ Maamina chi uva uu nubuu nubadaurãba chi warr unusidau jarasidau: “Jãuba chi akõreba uru buu joma adai. jãu beaduru! Makaburu chi drua dachí baita bee”. ¹⁵ Maabae chi uu nubuu ebena chi warr isa ãyaa adoedapeda beasidau.

»Machimaarã, chi uva uu nubuu chibariba ¿kãare sãaima jãarã ome? ¹⁶ Araa wãpeda maarã joma kenapeda ichi uva uu nubuu waabenarãmaa deai nudamera».

Chi aria panuurãba mau ũrisidau jarasidau:

—jMau makaabasirã ara buas!

¹⁷ Maamina Jesusba achimaa ichiapeda jarasii:

—Maka buuburã ¿sakãe Dachí Akõre bedeeđe naka bu kubuma?

“Chi mo chi de waubadaurãba ida bupedaada, mau chi biara beesii”. ^{IV}

¹⁸ Joma chi mau mokara ũru baeruuburã joma ãrii, mauđe mau mokara ebẽra ũru baeruuburã berpetai. ^V

¹⁹ Paare mechiurãba mauđe Moisesba buđa jaradeabadaurãba kuitaasidau Jesusba mau neburũ buudeeba achi ũrubena berreasii. Mauđeeba Jesús jidau kũria panasidau. Maamina puurudebenarã wapea panasidau.

Romadebena baita chi nejarra paadai ũrubena jaradeada

Mateo 22:15-22; Marcos 12:13-17

²⁰ Maabae paare mechiurãba ebẽrarã sõbia nuree kĩa buisidau Jesusba jaraaru bi'ia ũridamera. Maarãba Jesús kachirua berrearuu ũriiduuburã mau kakua jidau dapeda achi druadebena jaradea ua buabarii juade deadai kũrisia panasidau. ²¹ Wãdapeda Jesusmaa naka idisidau:

—Jaradeabarii, daiba kuitaa panuu bichiba jipa jaradeabarii. Bichiba joma ebẽrarã arabauđe unubarii

^{IV} 20:17 Salmos 118:22. ^V 20:18 Isaías 8:13-15.

maude Dachí Akõre o ùrubena jomaurãmaa biawãra jaradeabarii. ²² Maka bæuburã daimaa jarase, Romãdebena baita chi nejarra paai bæu ¿dachi judiorãba paadaí bũka? maeburã ¿bi'iwãe bũka?

²³ Maamina Jesusba kuitaa bæasii ichi setaa kũrua panuu, mau neburaæ bæebidayua. Mauðeeba jarasii: —¿Machiba sakãe mæ kachirua berreabii kũria panuma? ¹²⁴ Sëetao dachiba paabadau abã unubísturu. ¿Kai kíedarrma nau chi sëetaoæ bæu? ¿Kai trũ bæ kubũma?

Áchiba panausidau:

—Romãdebena chi aude mechiu niide.

²⁵ Mauðeeba Jesusba áchimaa jarasii:

—Maka bæuburã deásturu Romãdebena chi aude mechiu niimaa chi mauba idiiruu, maude ara mau kíra deásturu Dachí Akõremaa chi mauba idiiruu.

²⁶ Áchiba Jesús jomaurã daæde poyaa kachirua berreabiðaabasii. Maumaarã ichiba jarada kakua kũrisia aduasidau, maabae chũpeasidau.

Chokae jiraduðai ùrubena Jesusba jarada

Mateo 22:23-33; Marcos 12:18-27

²⁷ Maka panuude chi nuree saduceorã ichimaa neesidau. Saduceorãba ijãadakau biupeðaaða chokae jiradubadau. Mauðeeba Jesusmaa naka idisidau:

²⁸ —Jaradeabarii, Moisesba dachi baita bæsii ëbëra abã warrwãe bæude biuruuburã, ichi ábaba chi pëdrãa wëra adauí bæu chi ába biuða baita warr adauí baita. ¹²⁹ Earabã ábarã 7 panasidau. Chi nabena miakãisii, maamina warr deawëede busii. ³⁰ Mauðeeba chi mawãarebena ába chi pëdrãa ome miakãisii, maamina mau siða warrwãe busii. ³¹ Mauðeeba chi mawãarebena ába arabauðe miakãisii, maamina warrwãe busii. Joma chi ábarã mau wëra ome miakãisidau maamina warrwãe busidau. ³² Mau maaðakare chi wëra siða busii. ³³ Mau 7 ábarãba arabau wëra ome miakãisidau. Makarã chokae jiraduðai ewaride ¿sãu ábaba mau wëra uru bæaima?

³⁴ Mauðeeba Jesusba panausii:

—Nau ewaride wëra miakãí adaubadau maude chi akõrerãba chi warrarã deabadau miakãíðamera.

³⁵ Maamina chi Dachí Akõreba jipa unu bæu ëbërarã chokae jiraduðai. Mau ewaride kima adauðaabai maude abau biða wëra deaðaabai miakãímera, maumaarã Dachí Akõre angelerã kíra nureaðai. ³⁶ Makaa biuðaabai. Áchi Dachí Akõre angelerã kíra paneedai. Maarã Dachí Akõre warrarãbũ, chokae jiraduðaiðeeba. ³⁷ Mau awara Moisesba bakuru jeeðaa aoko nuũu ùrubena kartade bæsiide kuitaabisii biuðarã chokae jiraduðai. Ichiba Dachí Mechiu naka trũasii: “Abraham Akõre, Isaac Akõre maude Jacob Akõre”. ¹³³⁸ Mau chi

I ¿Machiba sakãe mæ kachirua berreabii kũria panuma? Griego bedeade chi bæe kartade mau bedeã wã'ãe. II 20:28 Deuteronomio 25:5-10. III 20:37 Éxodo 3:2-6.

biuðarã Akõrewãema; maumaarã chi chokae nuree Akõrebũ. Dachí Akõre baita jomaurã chokae panuu.

³⁹ Mauðeeba chi nuree Moisesba bæda jaradeabadaurãba Jesusmaa jarasidau:

—Jaradeabarii, bichiba ara panausii.

⁴⁰ Jesusba joma bi'ia panausiðeeba abaubã Jesusmaa waya ididai kũriaðaabasii.

Dachí Akõreba Dachí Karibabarii deai jarada ¿kai warrma?

Mateo 22:41-46; Marcos 12:35-37

⁴¹ Maabae Jesusba áchimaa idisii:

—¿Sakãe ëbërarãba jara panuma Dachí Akõreba Dachí Karibabarii deai jarada David warr? ⁴²⁻⁴³ Davidba Salmos kartade naka jarasii:

“Dachí Mechiuba mæ Mechiu niimaa jarasii: mæ jua biare akæ bæese abã bichi kíramaarã mæba joma bichi juude bæuruuðaa”. IV

⁴⁴ Dachí Akõreba Dachí Karibabarii deai jarada Davidba mæ Mechiu nii a bæuburã, ¿saka David warr baima?

Moisesba bæda jaradeabadaurã kachirua ùrubena

Mateo 23:1-36; Marcos 12:38-40; Lucas 11:37-54

⁴⁵ Jomaurãba ùri panuude Jesusba ichi baara nibabadaurãmaa jarasii:

⁴⁶ «Moisesba bæda jaradeabadaurãde kauwa panásturu. Áchiba paru chi nejarra área idibadau jũðai kũriabadau. Maude puuruude nidauðe ëbërarãba wapeade panuudeeba saka bæma adayu kũriabadau. Dachí judiorã araa ábua imibadau dede áchi jomaurã kíraare akæ paneebadau, jaradea ua bæabadau mechiurã akæ paneebadaumare; maude waabenarã baara koðe wãaduude ara maka waubadau. ⁴⁷ Maarãba pëdrãarã ne kaebea juakaa adaubadau maude utaa área idibadau ëbërarãba machi bi'ia ichiðamera. Mauðeeba Dachí Akõreba áchi aude kastikai».

Pëdrãaba Dachí Akõremaa ne baa deaða

Marcos 12:41-44

²¹ Maka bæude Jesusba unusii chi nejarra barau nureeba Dachí Akõre de mechiude chi nejarr pebadaude sëetao eða bæikamaa panuu. ² Maude unusii pëdrãa chi nejarr barauwãe niiba chi nejarra sëetao ome eða bæikamaa bæu. ¹³ Mauðeeba Jesusba jarasii:

—Mæba biawãra machimaa jaraaruu: jáu pëdrãa chi nejarr barauwãe niiba jomaurãba deapeðaaða au-deara deasii. ⁴ Jomaurãba chi ùrũ bæeða deasidau, maamina nau wëra chi nejarr barauwãe niiba koi baita uru bæaða joma deasii.

IV 20:42-43 Salmos 110:1. V Chi nejarra sëetao ome. Griego bedeade naka bæ kubuu: lepta ome.

Dachi Aköre de mechiu joma äridai ürubena jarada

Mateo 24:1-28; Marcos 13:1-23

⁵ Dachi Aköre de mechiu mo mipitaaba wau kubuu maude ebëraräba Dachi Aköre baita ne kaebea bia deapedaada kapipia meraa kubuu ürubena waabenaräba jara duanasidau. Maka panuude Jesusba ächima jarasii:

⁶ —Machiba nama unu panuu ewari abade joma äridai. Nau mo kapedaada joma äridai.

⁷ Maudeeba ächiba Jesusmaa naka idisidau:

—Jaradeabarii, Dachi Aköre de mechiu ç mau sakaede makaima? çKääredeeba kuitaadaima nau ewari baribai?

⁸ Jesusba panausii:

—Kauwa nureásturu abau biä setaa kûruaräadamera. Äreaba jaradai: “Mü Dachi Aköreba Dachi Karibabarii dei jarada”. Mau awara chi ewari araa bamaa buu adai. Maamina maarä baara wärásturu. ⁹ Puuru aba abau puuru ome chïobika nubuu üriiduude maude makaäai ürubena üriiduude, wapearásturu. Mau joma makai buu. Maamina chi kaadebena ewari wabiä neebai.

¹⁰ Mau awara Jesusba jarasii: «Drua aba abau druwa ome chïobika nubuai. Maude rey aba abau rey ome chïobika nubuai. ¹¹ Ioromia mechiu baraa, druwa jarrba baraa maude epermabiabadaurä ärea baraa. Mau awara bajäade ebëraräba ne poyaa wauäkau unudai. Mauba ebërarä ärea wapeadai.

¹² »Maamina joma makai naede machi wäraadai bi'iwäe panebiadai baita. Chi nuree jidauäpeda judiorä araa äbua imibadau dede adoedai. Maabae machi nebüra ichiadapeä chi jüabadau dede jüakuadai. Müude ijäa panuu kakuwa ächiba machi chi jaradea ua buabadaurä maude chi reyrä daade adoedai.

¹³ Maude machiba mü ürubena maarä daade berreadai. ¹⁴ Maamina kûrisiarásturu mau ewaride chi jaradea ua buabadaurämaa käare jaradai machi nebüraswäe nuree kuitaabiadai baita. ¹⁵ Müaburu machimaa kûrisia kuitaa dei berreadai kuitaadamera. Maudeeba machiba jaraadu machi kïramaa panuuba poyaa kachirua jaradaabai.

¹⁶ »Ara machi aköreba, machi äbaräba, machi abarakauräba, machi köpaerorä biä machi jidau deadai. Maka machidebenarä chi nuree bebiadai.

¹⁷ Müude ijäa panuu kakuwa jomauräba machi kïramaaadai. ¹⁸ Maamina machi jauri müuba ewaricha ärea nu uru buai. ¹⁹ Maamina chi kaadearebena ewaridaa dauchia jäadua müude ijäa panuuburä, Dachi Aköreba mau karibai.

²⁰ »Machiba unudai kokoroaräba Jerusalén puuru adu jüadu. Mau unuuduude kuitaada chi puuru joma

I Machi jauri müuba ewaricha ärea nu uru buai. Griego bedeeäde naka bu kubuu: Machi buä aba biä wä'äe buabai.

äridai ewari neesii. ²¹ Mau ewaride Judea druade panuurä eada isa wásturu, Jerusalemde panuurä wásturu, chi puuru kaita duanu puuruäda wärásturu.

²² Mau ewaride Dachi Aköreba ichi puuru kastikai. II Ichi kartade bupeadaa joma makai. ²³ Mau ewaride miichuburi chi wërarä warr bara nuree maude warr ju dawa nuree. Nau iujäade jomaurä ärea bi'iwäe panadai Dachi Aköreba nau puuru kastikaaruudeeba.

²⁴ Waabenarä espadaba kenadai, maude waabenarä druwa beecha jidau adoekuadai. Maude judiowäe nureeräba Jerusalén ächi juade uru panadai aba Dachi Aköreba buä ewaridaa. III

Chi Ebëra Ba Buada neei ürubena

Mateo 24:29-35,42-44; Marcos 13:24-37

²⁵ »Machiba müada, jedako maude pusterrearä kïra awara unudai. Mauba unubiai ewari kachirua neeruu. IV Maudeeba nau iujäade ebërarä ärea peradai.

Maaräba käare kûrisiadai aduadai mardebena ürape ärea arraideeba. ²⁶ Bajäade bee uriiduude ebërarä ärea peradai. Nau iujäa kachirua buu unuuduudeeba wawa bækuadai. ²⁷ Maabae mü, chi Ebëra Ba Buada jüruarade poyaabarii baraa maude kïrawärea tedechoa neeruu unudai. ²⁸ Mau unuuduude kïrajü panásturu, machi karibai ewari bai uru buudeeba».

²⁹ Maabae Jesusba nebüruuba naka jarasii:

«Higo bakuru maeburä barikia bakuru ärea bi'ia ichiásturu. ³⁰ Bakuru kiruu iku nubeeuude machiba kuitaabadau kä'äabariwäede iu bia neei. ³¹ Arabauude machiba joma mau unuuduude kuitaada Dachi Aköreba ichidirä ichi juade ua buai buu ewari bai uru buu.

³² »Müuba machimaa biawära jaraaru: nau üraudebena ebërarä biudai naede mau joma makai.

³³ Bajäa maude iujäa waa buabai, maamina mü bedea biawära ewaricha buai.

³⁴⁻³⁵ »Kauwa panásturu Dachi Akörede dauchia jäadua panadamera. Itua do nibarásturu, ne kûrisiawäe panásturu maude nau kakuaba wau kûria buu waurásturu. Kauwa nibadawëeburä, mau ewari machi üru neei, enabe chi änimara üru bæebarii kïra. Mau ewari jomaurä üru maka neei. ³⁶ Maudeeba ärea kauwa panásturu. Dachi Aköremaa ewaricha ütaa idi panásturu mau ewari kachiruaebena ichiba karibamera maude mü, chi Ebëra Ba Buada daade peradawäe panadai baita».

³⁷ Äyadaa Jesusba Dachi Aköre de mechiu duä jaradea buapeä esabude Olivo eada wäbachii.

³⁸ Maudeeba dapeä ebërarä Dachi Aköre de mechiuäda wäbachidau Jesusba jaradea buu üridai baita.

II 21:22 Daniel 9:25-27; Oseas 9:7. III 21:24 Isaías 63:18. IV 21:25 Isaías 13:9-10. V 21:27 Daniel 7:13-14.

Jesús beadaí bairia kírísia júrú panada

Mateo 26:1-5,14-16; Marcos 14:1-2,10-11; Juan 11:45-53

22 Pan eesābibariiwāe b̄u kobadau ewari ūr̄u ba b̄uasii. Mau ewari Pascua ewari abadau.

² Maude paare mechiurāba maude Moisesba b̄uda jaradeabadaurāba Jesús beadaí bairia kírísia júrú panasidaú. Maamina puurudebenarā wapea panuudeeba maarā daude waudai kúriawēa panasidaú.

³ Maka b̄uude Satanás Judas Iscariote abadau kírísia eeda wāsii. Mau Jesús baara nibabadaurā 12 basii.

⁴ Judas paare mechiurāmaa maude Dachí Akōre de mechiu nubadaurā jaradea ua b̄uabadaurāmaa wāsii. Maarāmaa jarasii saka Jesús jidaubii. ⁵ Mau ūrisidaude āchi ārea kírājuudepeda ichimaa chi nejarra deadaí asidaú. ⁶ Ara b̄u apeđa Judas wāsii. Maabae ichiba júrú kobeesii ēbērarā wā'āede Jesús jidaubii bairia.

Jesusba 12 júrú adaudarā baara koda

Mateo 26:17-29; Marcos 14:12-25; Juan 13:21-30; 1 Corintios 11:23-26

⁷ Pan eesābibariiwāe kobadau ewari basii. Mau ewaride judiorā Egipto druađebena wāpedaada kírabađai bairia oja cheke beađapeđa kobadau.

¹⁸ Maudeeba Jesusba Pedro maude Juan b̄usii, naka jarasii:

—Dachí Pascua ewaride chi kobadau joma wauđe wásturu.

⁹ Maude āchiba iđisidaú:

—¿Bichiba sama kúria b̄uma daiba mau wauđe wāđai?

¹⁰ Jesusba panasii:

—Puurude needuude machiba mukíraba bania chokode adoeruu unuđai. Mau baara wásturu ichi wāruu deema. ¹¹ Mau de chibarimaa naka jarásturu: “Dachí Jaradeabariiba nau iđibisii: m̄uba maude m̄u baara nibabadaurā Pascua ewaride chi kobadau ¿sama kodaíma?” ¹² Maude ichiba de utubena pieza mechiu bi'ia wau kub̄u unubiai. Aria chi kodaí joma wáusturu dachí kodaí bairia.

¹³ Wāaduude Jesusba āchimaa jarada kírā unusidaú. Ara makude Pascua ewaride chi kobadau wausidaú.

¹⁴ Kodaíma Jesús maude ichiba b̄uidarā mesade ak̄u paneesidaú. ¹⁵ Maude āchimaa jarasii:

—M̄u ārea bi'iwāe b̄uai naede m̄uba machi ome nau Pascua ewaride chi kobadau chiko ārea koi kúria b̄uasii. ¹⁶ M̄uba machimaa biawāra jaraaru: nau koda waya koobai aba Dachí Akōreba ichiđirā ichi juade ua beeruđaa. Mau ewaride nau kobadau jara b̄u joma maka b̄uai.

¹⁷ Maabae basu ichi juade adaupeda Dachí Akōremaa ichíturu kiđibai jarapeđa naka jarasii:

I 22:7 Éxodo 12:1-28.

—Nau dósturu. ¹⁸ M̄uba jaraaru: uva b̄aa waya doobai aba Dachí Akōreba ichiđirā ichi juade ua beeruđaa.

¹⁹ Maabae pan ichi juade adaupeda Dachí Akōremaa ichíturu kiđibai jarasii. Maabae chi pan b̄uapeđa āchimaa deapeđa naka jarasii:

—Nau m̄u kakuab̄u; machi kaku dearuu. Kósturu. M̄u kírabađai bairia ara nau kírā wau panásturu.

²⁰ Kopedaadakare, ara mau kírā basu ichi juade adaupeda jarasii:

—Nau basude b̄u m̄u oa machi bairia chei. M̄u oad-eeba Dachí Akōreba machi ome beđa chiwiđi dearuu.

²¹ Maamina chi m̄u jidaubii b̄u nama m̄u ome koma b̄u. ²² Biawāra m̄u, chi Ēbēra Ba B̄uada bi'iwāe b̄u Dachí Akōreba jarada kírā, maamina ichi m̄u jidaubiiuru ēbēra miichuburi b̄u!

²³ Maudeeba ichi baara nibabadaurā biawāra āchi chiya iđi bara beesii kaiba Jesús maka wau.

¿Kai chi mechiu nima?

Mateo 20:25-28; Marcos 10:42-45

²⁴ Maka panuude ara āchi chiya iđi bara beesii kai chi aude mechiu nii kuitaadayua. ²⁵⁻²⁶ Maudeeba Jesusba āchimaa jarasii: «Ab̄u biđi ichi chi mechiu nii kírísibai b̄u. Nau druađebena reyrāba āchi ēbērarā ārea jaradea ua b̄uabadau maude āchi puuru ārea aidaabadau abadau. Maamina machi maka panadaabai panuu. Chi chōra nii chi kúudrāa nii kírā b̄uai b̄u. Chi jaradea ua b̄uabarii chi ichi bairia bari trajabarii kírā b̄uai b̄u. ²⁷ Ēbērarāmaarā, ¿kai chi mechiu nima: chi mesade koi bairia ak̄u beebarii maeb̄urā chi chiko deadaakabarii? ¿Chi mesade ak̄u beebarii chi mechiu ni-
iwāeka? Maamina m̄u chi mechiu nimina nama machi tāede chi chibari bairia bari trajabarii kírā nii.

²⁸ »M̄u ārea bi'iwāe b̄usii, machi m̄u ome joma dauchia jādua panasidaú. ²⁹ Maudeeba m̄u Chachaba m̄u chi mechiu b̄uda kírā, m̄uba machi chi jaradea ua b̄uabadaurā b̄uuru. ³⁰ M̄u puurude machi m̄u ome kodaí. Machi rey ākaude ak̄u paneđai Israełebena nepeđaada 12 puuru neb̄ra ichiadaí bairia».

Jesusba jarada Pedroba ichi unikau ai ada

Mateo 26:31-35; Marcos 14:27-31; Juan 13:36-38

³¹ Mau awara Dachí Mechiuba jarasii: «Simón, Simón, Satanasba Dachí Akōremaa iđisii machi bi'iwāe b̄ubiai bairia m̄uude ijāa panuu ida b̄udamera. ³² Maamina m̄uuba Dachí Akōremaa utaa iđisii bichiba ijāa b̄u ida b̄urāamera. Maadakare bichiba kachirua wau b̄u ida b̄upeđa, bichi ābarā aidaase bi'ia ijāadamera».

II 22:20 Éxodo 24:5-8; Jeremías 31:31-34. III 22:21 Salmos 41:9. IV Machi bi'iwāe b̄ubiai bairia. Griego beđeade naka b̄u kub̄u: machi uribiai bairia trigo taa kírā.

³³ Maudeeba Pedroba Jesusmaa naka panausii:
—M̄ Mechiu, m̄ bichi ome bari j̄a b̄uāda w̄i
k̄risia b̄uwāe; maumaarā bichi ome biui k̄risia b̄uu.
³⁴ Jesusba ichimaa jarasii:
—M̄ba jaraaruu, Pedro, biawāra nau ēsabude
eterr birui naede bichiba bes ōbea m̄ unukau ai.

Ewari chaarea neei

³⁵ Maabae Jesusba āchimaa jarasii:
—M̄ba machi chi nejarraswāe, ūabisaswāe maude
j̄rude j̄badauswāe b̄ikasiide ζne kaebea june k̄ria
panaska? ^I
Āchiba panausidau:
—June aba k̄riadaabasii.
³⁶ Maudeeba ichiba jarasii:
—Maamina jābae m̄ba jaraaruu: chi nejarra uru
b̄uburā adoese. Ūabisa bara b̄uburā mau sida
adoese. Espadaswāe b̄uba anabari j̄barii ne-
dobipeđa aba nedose. ³⁷ M̄ba jaraaruu: Dach
Akōre baita berreabariiba m̄ ūrubena b̄uāda biawāra
makai b̄uu. Naka b̄sii: “Ara mau ēbēra kachirua k̄ra
k̄risia panasidau”. ^{II} M̄ ūrubena b̄pedaada biawāra
joma makai.
³⁸ Maudeeba āchiba jarasidau:
—Dai Mechiu, nama espada ome uru panuu.
Jesusba jarasii:
—Ara b̄uu. Waa berrearāsturu.

Jesusba Olivo eade Dach Akōremaa utaa idida

Mateo 26:36-46; Marcos 14:32-42

³⁹ Maabae Jesús waya Olivo eadaa wāsii ichiba
waubarii k̄ra. Ichi baara nibabadaurā sida wāsidau.
⁴⁰ Araa neesidaude Jesusba āchimaa jarasii:
—Dachi Akōremaa utaa idisturu machiba kachirua
wauđai k̄risiadiuburā, ichiba machi aidaamera.
⁴¹ Maabae Jesús āchidebena ba'āra waa wāsii. ^{III}
Ōdarrde kobeepeđa Dach Akōremaa naka utaa idisii:
⁴² «Chacha, bichimaarā bi'ia b̄uburā, nau bi'iwāe
b̄uai b̄uudebena m̄ karibase. ^{IV} Maamina m̄ba
k̄ria b̄uu k̄ra waurāse, maumaarā bichiba k̄ria b̄uu
k̄ra wause».
⁴³ [Maka b̄uude ángel aba ichimaa neesii meserāa
deayua. ⁴⁴ Jesús ārea k̄ra noma b̄uudeeba Dach
Akōremaa waya utaa idisii. Maude ichi j̄a oa k̄ra
iorode baesii.] ^V
⁴⁵ Jesusba Dach Akōremaa utaa idipeđa waya wāsii.
Maude ichi baara nibabadaurā k̄ra nomaaba kāi du-
anuu unusii. ⁴⁶ Maudeeba āchimaa jarasii:

^I 22:35 Lucas 10:1-20. ^{II} 22:37 Isaías 53:12. ^{III} Āchidebena
ba'āra waa wāsii. Griego bedeade naka b̄ kubuu: āchi baarabena
mo b̄atađa baebarii aba wāsii. ^{IV} Nau bi'iwāe b̄uai b̄uudebena m̄
karibase. Griego bedeade naka b̄ kubuu: m̄uudebena nau basu
āyaa adause. ^V Griego bedeade karta āreađe mau versículo ome
wā'āe.

—ζSakāe machi kāi duanuma? Jiraduđapeđa Dach
Akōremaa utaa idisturu machiba kachirua wauđai
k̄risiadiuburā, ichiba machi aidaamera.

Jesús jidaupedaada

Mateo 26:47-56; Marcos 14:43-50; Juan 18:2-11

⁴⁷ Jesús wabida berreamaa b̄uude ēbērarā ārea
imisidau. Judas maarā naa nibasii. Mau chi 12deben
basii. Jesusmaa neesii, ūyaa baita. ⁴⁸ Maabae Jesusba
maumaa jarasii:
—Judas, ūyaaruuba ζm̄, chi Ēbēra Ba B̄uāda bichiba
jidau dearuka?
⁴⁹ Jesús baara nibabadaurāba kuitaasidau chi Jesús
jidauđai. Maudeeba naka idisidau:
—Dai Mechiu, ζespadaba ch̄ōdaika?
⁵⁰ Maude abaua chi paare mechiu baita bari tra-
jabarii k̄ur̄ biarebena oatutasii. ⁵¹ Maudeeba Jesus-
ba jarasii:
—j̄Ida b̄usturu! j̄Ara basma!
Ara makude chi ēbēra k̄ur̄ waupeda anibisii.
⁵² Maabae Jesusba paare mechiurāmaa, Dach Akōre
de mechiu nubadaurā jaradea ua b̄ubadaurāmaa
maude chi judiorā mechiu nureerāmaa naka jarasii:
—Machiba ζsakāe espada baara, bakuru baara m̄
j̄ka jidaude neesidama? ζMakarā m̄ ēbēra mia
kachirua nika? ⁵³ Ewaricha m̄ Dach Akōre de mechiu
duđa machi tāede b̄uadakaude jidaudaka basii. Maam-
ina biawāra ūraudaa Dach Akōreba j̄bawāe niimaa
ida kabi b̄uu. Maka machiba wau k̄ria panuu wau
panuu.

Pedroba Jesús unukau ada

Mateo 26:57-58,69-75; Marcos 14:53-54,66-72; Juan 18:12-18,25-27

⁵⁴ Jesús jidaupeda chi paare mechiu deemaa
adoesidau. Pedro kaitawēeba kaade nibasii. ⁵⁵ Maude
waabenarāba de duđa t̄b̄ puadapeđa j̄kaa ak̄ pa-
neesidau. Pedro sida āchi tāede ak̄ beesii. ⁵⁶ Maka
b̄uude chi chibari baita bari trajabarii wēra ababa Pe-
dro t̄b̄ kā ak̄ b̄uu unupeđa apii ichia kobeesii.
Maabae jarasii:
—Cha nii Jesús baara b̄uasii.
⁵⁷ Maamina Pedroba merasii:
—Bichiba jara b̄uu ēbēra m̄ba unukau.
⁵⁸ Kā'ābariwāede waya abaua Pedro unupeđa na-
ka jarasii:
—Bichi jāarā baarabenab̄.
Maudeeba Pedroba jarasii:
—Kōpaero, makawāema.
⁵⁹ Mau maadakare abaua jarasii:
—Biawāra cha nii Jesús baara b̄uasii. Nau Galilead-
ebenab̄.
⁶⁰ Maamina Pedroba panausii:
—Kōpaero, m̄ba adua b̄uu bichiba kāare jara b̄uu.

Pedro wabida berrea buude eterr birusii. ⁶¹ Ara makude Dachí Mechiuba Pedromaa akarnnaa ichiasii. Maabae Pedroba kírabasii Jesusba ichimaa jarada: «Ara idi, eterr birui naede bichiba bes õbea mu unukau ai». ⁶² Maabae Pedro awara wãpeda ärea kîra nomaa jëasii.

Jesús kachirua waupedaada

Mateo 26:67-68; Marcos 14:65

⁶³ Maabae Jesús jidau uru panuu ëbëraräba mau atua jara kopaneesidau maude sî kopaneesidau. ⁶⁴ Jesús dau jüdapeda sî panasidau. Maude naka jara panasidau:

—Dachi Akõre baita berreabarii kîra daimaa jarase kaiba bichi sîsii!

⁶⁵ Mau awara june kachirua jajarabachidau.

Jesús chi mechiurä daade buada

Mateo 26:59-66; Marcos 14:55-64; Juan 18:19-24

⁶⁶ Ewarimaa puurudebena chi mechiurä äbua duanasidau. Paare mechiurä maude Moisesba buada jaradeabadaurä duanasidau. Maabae Jesús ächi daade eneebisidau. Ichimaa naka jarasidau:

⁶⁷ —Daimaa jarase: ¿Bichi Dachí Akõreba Dachí Karibabarii deai jaradaka?

Jesusba panausii:

—Mũuba machimaa jarada basirä ijãdaabai basii.

⁶⁸ Mau awara mũuba machimaa sakäe ijãdawëa panuu idida basirä panauadaabai basii. Maude mu enataadaabai basii. ⁶⁹ Maamina idiiba mu, chi Ëbëra Ba Buada Dachí Akõreba Joma Poyaabarii jua biare akũ buai. ^{III}

⁷⁰ Maudeeba jomauräba idisidau:

—Maka buuburä ¿bichi Dachí Akõre Warrka? ^{IV} Jesusba panausii:

—Maerä, machiba jara panuu.

⁷¹ Maude ächiba jarasidau:

—¿Sakäe june ëbërarä jurudaima jãu ãrubena jideadamera? ¿Biawära ara ichi bedeebeba jara buuwëka ichi Dachí Akõre Warrka?

Jesús Pilato daade buada

Mateo 27:1-2,11-14; Marcos 15:1-5; Juan 18:28-38

23 Ara makude joma chi araa äbua duanuu judiorä mechiurä jiradudapeda Jesús Pilatomaadoesidau. ^{V2} Maabae Jesús Pilato daade naka jidea kopaneesidau:

I 22:61 Lucas 22:34. II Maude mu enataadaabai. Griego bedeebe chi bee kartade mau wã'äe. III 22:69 Salmos 110:1; Daniel 7:13-14. IV 22:70 Salmos 2:6-7. V Romadebena chi aude mechiu Tiberio abadauba Pilato Judea druadebena chi karr busii, año 26debena aba 36äaa. Judiorä mechiuräba Jesús Pilatomaadoesidau chi jãa panuurä beadakau panuudeeba. Aba romadebenaräba maka wauäai panasidau.

—Daiba ürisidau nau mukiraba dai puuru kîrubikabi buu. Mau Jesusmaarä, Romadebena chi aude mechiu nii baita pebadau chi nejarra paadaabai buu. Mau awara jara buu ichi Dachí Akõreba chi Karibabarii deai jarada. Mauba ichi jomaurä rey a buu.

³ Maudeeba Pilatoba Jesusmaa idisii:

—¿Bichi biawära judiorä reyka?

Jesusba panausii:

—Maerä, ara bichiba jarasii.

⁴ Maabae Pilatoba paare mechiurämaa maude ëbërarä aria duanumaa jarasii:

—Mũuba unuwëe nau ëbëra nebëra bara buu.

⁵ Maamina waya jara kopaneesidau:

—Jãuba jaradea mũuba dai judiorä kîrubikabi buu.

Nau Galilea druade maka wausii maude nau puurude bida maka wau buu.

Jesús Herodesmaa adoepedaada

⁶ Mau ürisiide Pilatoba ächimaa idisii Jesús Galileadebena kuitaai baita. ⁷ Arabena buu kuitaasiide Jesús Herodesmaa buisii ichi juade bumerä. ^{VI} Herodes Galileade chi jaradea ua buabarii basii maamina mau ewaride Jerusalén puurude buasii.

⁸ Jesús trũ poa buudeeba ärea ba buasii Herodesba ichi unu kûria buu. Maudeeba Jesús unusiide ärea kîrajusii. Ichiba unu kûria buasii Jesusba wauruu ëbëraräba ne poyaa wauakau. ⁹ Herodesba Jesusmaa ärea idisii, maamina Jesusba aba bida panaubasii. ¹⁰ Paare mechiurä maude Moisesba buada jaradeabadaurä aria panasidau. Maaräba Jesús ärea jidea panasidau.

¹¹ Maka panuude Herodesba maude ichi kokoroarä bida Jesús kachirua jara duanasidau. Paru ãru jubarai mipitaa Jesusmaa jübidapeda ichi atua jara duanasidau. Mau maadakare Herodesba ichi Pilatoma waya buisii. ¹² Mau ewari tõpe Pilato Herodes ome chi kîramaa baäa chi kõpaero wausii.

Jesús beadai bedea deapedaada

Mateo 27:15-26; Marcos 15:6-15; Juan 18:39—19:16

¹³ Maabae Pilatoba puuru karrarä, paare mechiurä maude puurudebenarä araa äbua iukuasii. ¹⁴ Ächimaa naka jarasii:

—Machiba mũumaa nau ëbëra eneesidau jaradai baita jãuba puuru kîrubikabi buu; maamina machi daade ärea idismina machiba jideapedaada ãrubena, chi nebëra unuwëe. ¹⁵ Herodes bida ichi nebëra waudawëe buu unusiideeba mũumaa waya buisii. Maudeeba biawära kuitaadau mau beadaabai panuu.

¹⁶ Pebipeda maabae ida bui.

VI Mau Herodes «Antipas» trũ jarabachidau.

17 Añocha mau ewaride Pilatoba chi jūa uru panu-udebena aba enatabachii. 118 Maamina ēbērarā joma arabaude naka biukasidau:

—jāu beabise! jBarrabás enatase!

19 Mau Barrabás jūa uru panasii puuru kīrubikabiēa kakua maude mia beada kakua. 20 Pilatoba Jesús enatai kūrīa buudeeba puurudebenarāmaa waya berreasii. 21 Maamina waya jīwa bia jarasidau:

—jCruzde jirabu beabise, cruzde jirabu beabise!

22 Maude Pilatoba waya āchimaa jarasii:

—jMaamina nau ēbēraba kāare kachirua wausma? Nauba kachirua wauwēa buu beada baita. Maudeeba pepiēda maabae enatai.

23 Maamina āchi wabiēa jīwa bia duanasidau Jesús cruzde jirabu beabimera. Mau awara paare mechiurāba ara mau kīra jīwa jara duaneesidau aba Pilatoba āchiba kūrīa panada wauruūdaa. 24 Maudeeba Pilatoba āchiba jara panuu kīra wausii. 25 Barrabasba puurudebenarā kīrubikabiēamina maude mia beadamina Pilatoba mau chi jūabadau dedebena enatasii ēbērarāba idisidauēeba. Maabae āchiba kūrīa panuu kīra Jesús makabiasii.

Jesús cruzde jirabupeadaada

Mateo 27:32-44; Marcos 15:21-32; Juan 19:17-27

26 Jesús cruzde jirabudai baita adoesidauēde Cirenedebena Simón abadau waya puurūdaa neeruu basii. Jesusba cruz adoeruu inibaēa mau Simonmaa ichi kaade adoebisidau.

27 Mau kaade ēbērarā ārea wāduu basii. Maude waabenarā wērarā Jesús kakua jēa panasidau. 28 Jesusba āchimaa ichiapeda jarasii:

—Jerusalendebena wērarā, m̄ kakua jēarāsturu; maumaarā ara machi kakua maude machi warrarā kakua jēāsturu. 29 Ewari abauēde ēbērarāba jaraēai: “Chi wērarā warr deadakau bi'ia duanuu, maude chi ju dawadakau”. 30 Maude eamaa naka jaraēai: “Dai ūru baese”. Waabena eamaa jaraēai: “Dai ūru anase”.

31 Ebbērarāba m̄, bakuru ōto kīra nii beaduuburā, V chi bakuru pōasāa kīra duanuu ome jāsāadama? VI

32 Jesús baara cruzde beada baita ēbēra kachiruarā ome adoesidau. 33 Drua «Dachi Boro buuru» abadau-maa neesidauēde Jesús cruzde jirabusidau. Chi ēbēra kachiruarā sida cruzde jirabusidau, aba Jesús jua biare, aba jua sordoare. 34 [Maude Jesusba jarasii: «Chacha, jāarāba wau panuu kude beerāse. Jāarāba adua panuu kāare wau panuu».] VII

I Griego beedeade ārea kartade mau versículo wā'āe. II Paare mechiurāba. Griego beedeade chi bee kartade mau wā'āe. III Jēa panasidau. Maude mau ewaride ēbērarāba āchi pechu kīra nomaa-ba taapebachidau. IV 23:30 Oseas 10:8. V Dachi Akōreba Dachi Karibabarii deai jaraēa besede «bakuru tukuēa» abachidau. Isaías 4:2-6; 11:1-5; Jeremías 23:5-6; 33:14-18; Zacarías 3:8-10; 6:9-13. VI 23:31 Ezequiel 15:1-8. VII Griego beedeade chi bee kartade beēa corchetede buu wā'āe.

Mau awara chi kokoroarā Jesús paru saka dead-akadai kuitaada baita jemenesidau. VIII

35 Joma mau ēbērarāba ichia duanasidau. Maude chi karrarāba ichi atua jara duanasidau:

—Waabenarā karibasii. Nau chi Dachi Akōreba Dachi Karibabarii deai jaraēaburā maude Ichiba Buidaburā, jsakāe ara ichi du aba poyaa karibawēma?

36-37 Mau awara kokoroarā aria panuuba Jesús atua jara kopaneesidau. Āchiba Jesusmaa uva baa orekea deade wādapēda jarasidau:

—Bichi biawāra judiorā reyburā, ara bichi du aba karibase.

38 Jesús boro ūru cruzde beēa naka bu nubusidau kuitaabiada baita ichi kāare kakua beadu: «Nau judiorā Reybu». IX

39 Maude ēbēra aba kachirua wauēa kakua cruzde jirabupeadaada Jesús naka kachirua jarabachii:

—Bichi biawāra Dachi Akōreba Dachi Karibabarii deai jaraēaburā, ara bichi du aba karibapeēda dai sida karibase.

40 Maamina chi abaua ichi naka iadaasii:

—jBichi sida arabauēde kastikamaa panuukaude Dachi Akōre wapeawēka? 41 Dachi ome naka biudai panuu, kachirua wausidauēeba. Maamina nau ēbēra-ba jkāare kachirua wausma?

42 Maabae ichiba Jesusmaa naka jarasii:

—Bichidīrā bichi juade ua beeruude m̄ kīrabase.

43 Maudeeba Jesusba ichimaa jarasii:

—M̄ba biawāra jaraaruu: Iēi bichi m̄ ome ba-jāade buai. X

Jesús cruzde biuda

Mateo 27:45-56; Marcos 15:33-41; Juan 19:28-30

44-45 Ūmada jipadebena ūmada baare baaruūdaa joma pāriu nubeesii. Dachi Akōre de mechiude eēa paru eabari jirabu ēsa kōawāsii. XI 46 Ara makude Jesusba jīwa jarasii:

—Chacha, m̄ jauri bichi juade buuruu. XII

Maka jarapeēda busii.

47 Mau unusiide kokoroarā jaradea ua buabarii aria buuba Dachi Akōremaa naka bi'ia jarasii:

—Biawāra nau mukīra jipa nibasii.

48 Jesús cruzde beadu ichiade wāpeadaada joma makada unusidauēde kīra nomaaba āchi pechu taape wāsīdau. 49 Maka panuude joma Jesús unubadaurāba maude wērarā Galileadebena ichi baara nibapeadaadarāba kaitawēeba ichia panasidau.

VIII 23:34 Salmos 22:18. IX Griego beedeade chi bee kartade beēa naka bu kubuu: Griego beedeade, latín beedeade maude hebreode. X Bajāa. Griego beedeade naka bu kubuu: paraíso. Aria jipa nuree biupeadaadarā bi'ia duanuu. XI 23:44-45 Éxodo 26:31-33. XII 23:46 Salmos 31:5.

Jesús jau bupedaada

Mateo 27:57-61; Marcos 15:42-47; Juan 19:38-42

50-51 Ēbēra José abadau buasii. Mau Arimatea puuru, Judea druadebena basii. Ēbēra bia nibasii maude jipa nibasii. Dachí Akōreba ichidírā ichi juade ua buai eseda buasii. Mau judiorā chi jaradea ua buabadaurādebena basii maamina mau baita, āchiba bedeadepedaada maude chi waupedaada bi'iwāe buasii. Maarāba waupedaada kachirua buu unusii. 52 Mau José Pilatoma wāpeda Jesús kakua idisii jau bui baita. 53 Maabae Jesús edaa jirapeda ēboroba burapeda mo chobe korode e da nubusii. Mau chobe korode chi biuda aba bida wabida jau budakau basii.

54 Bari panabadau ewari bai uru buasiideeba judiorāba mau ewari naede joma wau uru panadai panasida.

55 Waabenarā wērarā Jesús baara Galileadebena nepeada José baara wāsida. Neesidaude mo chobe koroda unusida. Maude Jesús kakua e da nubuduun unusida. 56 Mamabena waya wāpeda āchiba chi biuda kakua purubadau kera wasida. Norema bari panasida Moisesba buda jara buu kīra. I

Jesús chokae jiradada

Mateo 28:1-10; Marcos 16:1-8; Juan 20:1-10

24 Misa ewaride dapede wērarā Jesús jau bupedaadamaa wāsida. Maarāba chi kakua purubadau kera waupedaada adoesida. [Āchi baara waabenarā wērarā sida wāsida.] II Maamina mo mechiu chi chobe jūa kubuda āyaa bura kubuu unusida. 3 Chi chobe e da wāduude chi Mechiu Jesús kakua unuabaasii. 4 Maudeeba āchiba kāare kūrasiada adua basii. Maka buude āchi kaita ēbēra ome bari topanuu unusida. Paru tedechoa jū panasida. 5 Maabae wērarā ārea peradapeda dauburu ioroma tūsidau. Maude chi ēbērarāba āchima jarasida.

—¿Sakāe machiba chokae nii biudarā tāede juru panuma? 6 Mau nama buuwāe chokae jiradusiideeba. III Mau wabida Galileade machi baara buasiide, ichiba machimaa jara buada kīrabasturu. 7 Ichiba naka jariasii: “M, chi Ēbēra Ba Buada ēbērarā kachiruarāma jidau deada panasii. M cruzde beada, maamina ewari obeade chokae jiradii”. IV

8 Maabae wērarāba kīrasedau Jesusba maka jarada. 9 Ara makude waya wāpeda Jesusba buidarā 11 panuuma maude joma waabenarāma āchiba unpedaada neburusida. 10 María Magdalenaba, Juana-

I 23:56 Éxodo 20:10. II Griego bedeade chi bee kartade bedeade corcheteede buu wā'āe. III Mau nama buuwāe chokae jiradusiideeba. Griego bedeade chi bee kartade mau wā'āe. IV 24:7 Lucas 9:22; 18:31-33.

ba, Santiago nawe Mariaba maude waabena wērarā āchi baara panuuba Jesusba buidarāma maka neburusida. 11 Maamina maarāba chi wērarāba barikia berrea panuu kūrasi panuudeeba, ijādaabasii. 12 Maamina Pedro mau Jesús jau bupedaadamaa pira wāsii. Chi chobeade e da ichiasiidee parū chi kakua bura buadaturu unusii. Maudeeba deada chi makada ūrubena kūrasi baraa wāsii.

Emaús puurudaa wābadau ode nibapedaada

Marcos 16:12-13

13 Ara mau ewaride ome Jesusde ijābadaurā Emaús puuru kaebeuda wāduu basii. Mau puuru Jerusalendeeba kaitawēwāe buu. V14 Āchiba Jesús joma makada ūrubena berrea nibasida. 15 Maka berrea nidaude Jesús ara kaita nepeada āchi baara nibasii. 16 Maamina Jesús maka nii āchima ida kauwa unubibasii. 17 Maabae Jesusba āchima idisii:

—¿Machiba kāare ūrubena berrea panuma?

Mau ūrisidaude kīra nomaa bari topaneesida.

VI18 Aba Cleofás abadauba panausii:

—Chi ēbērarā ārea Jerusalende imipedaadebena zaba bichiaburu adua buka nau ūraude makada?

19 Jesusba āchima idisii:

—¿Kāare ūrubena jara panuma?

Āchiba panausida:

—Jesús Nazaret ūrubena jara panuu. Ichiba wasiideeba maude jarasiideeba kuitabisii ichi Dachí Akōreba baita berreabarii. Dachí Akōreba maude puurudebenarāba ichi bi'ia unusida. 20 Maamina puuru karrarāba maude paare mechiurāba ichi Romadebena jaradea ua buabadaurā juade jidau deasida, maarāba beadamera. Maabae cruzde jirabu beabisida. 21 Dai kūrasiada ichi aburu dachi Israel puuru Romabidarā juadebena karibai. Maamina ichi beapedaada idi ewari obea basii.

22 Maamina chi nuree wērarā daidebenaba jarapedaada kakua dai pera duanuu kīra duaneebisida. Āchi idi dapede chi jau bupedaadamaa wāsida. 23 Chi biuda unuabasiideeba daimaa jarade neesida āchiba angelerā unusida. Maarāba āchima jarasidabida Jesús chokae jiradusii. 24 Maudeeba chi nuree daidebenaba ichiade wāsida. Chi jau bupedaadamaa ara wērarāba jarapedaada kīra unusida. Maamina ichi unuabaasii.

25 Maudeeba Jesusba āchima jariasii: ¡Joma Dachí Akōre baita berreabadaurāba jarapedaada machiba ijāda ida bu panuu! ¡Machi kūrasiawāe panuu!

26 ¿Dachi Akōreba Dachí Karibabarii deai jarada chi Mechiu beei naede bi'iwāe buai baska? VII

V Kaitawēwāe buu. Griego bedeade naka bu kubuu: 60 estadia. Mau 11 kilómetro kīra buu. VI Mau ūrisidaude kīra nomaa bari topaneesida. Griego bedeade chi bee kartade bu kubuu: ¿Sakāe kīra nomaa panuma? VII 24:26 Isaías 53:7-12.

27 Maabae Dachí Akõre kartade ichi ùrubena bupedaada joma kuitaa jarasii. Moisesba buda maude Dachí Akõre baita berreabadauräba bupedaada joma kuitaa jarasii.

28 Maka nidaude ächi wãaduu puurude neesidau. Maude Jesús wãyaa wãaruu basii. 29 Maamina ächi baara ðeemera ärea chi chuburia idisidau:

—Kiumaa buudeeba wãrãse. Dai baara ðeese.

Maudeeba ächi baara beesii. 30 Kooduude Jesusba pan adaupeða Dachí Akõremaa ichíturu kiðibai jarasii. Chi pan buakuapeða ächimaa deasii. 31 Maudéburu Dachí Akõreba ächimaa ida kuitaabiasii Jesús ðuu. Maamina Jesús ara makude wã'äesii. 32 Maude ächi du aba naka jarasidau:

—Ichiba Dachí Akõre bedeëa jara nibasiide ¿dachi ärea kírajuu panadaabaska? II

33 Ara makude ächi waya Jerusalenëaa wãsidau. Aria Jesusba juru adauðarã 11 duanuu maude waabenarã araa äbua duanuu baara unusidau. 34 Maaräba naka jara panasidau:

—¿Dachi Mechiu Jesús biawãra chokae jiradusii! Simonmaa ichi unubisii.

35 Ara makude ächiba neburusidau ode makapeðaaða. Ächiba jarasidau:

—Ichiba pan buasiide, daiba Jesús ðuu kuitaasidau.

Jesusba juru adauðarãmaa ichi unubiaða

Mateo 28:16-20; Marcos 16:14-18; Juan 20:19-23

36 Wabiða chi makaða ùrubena berreamaa panuude Jesús ächi ësa neesii. Maabae ächimaa jarasii:

—¿Jirukaraayuwãe panásturu!

37 Mau unusidauðe ärea perasidau, jauríturu maka nii kúrisiasidaudeeba. 38 Maamina Jesusba ächimaa jarasii:

—¿Sakãe machi pera panuma? ¿Sakãe mu chokae jiraduða ijãadawëa panuma? 39 Mu jua maude mu juru ichiásturu. Mubbu. Mu wáusturu. Jauri kiuruswãe nii; maude ichiásturu: mu kiuru bara nii.

40 Maka jarapeða ichi jua maude juru unubiasii.

III⁴¹ Maamina kírajuba ächiba wabiða poyaa

I Ächimaa ida kuitaabiasii. Griego bedeade naka bu kubuu: Ächi dau búasidau. II Dachí ärea kírajuu panadaabaska. Griego bedeade naka bu kubuu: ¿Dachi sã wãsia kopaneesidaka? III Griego bedeade chi bee kartade mau versículo wã'äe.

ijãadaabasi. Ächi pera duanuu kíra duaneesii.

Maudeeba Jesusba ächimaa idisii:

—¿Machiba chiko kodai baita uru panuka?

42 Maudeeba ächiba Jesusmaa beda baada deasidau. Maude nidurr kũabari baa sida deasidau.

IV⁴³ Maabae ächi daade kosii.

44 Mau maaðakare ächimaa jarasii:

—Mu wabiða machi baara buasiide jara buabachii mu ùrubena naa bupedaada joma makai ðuu. Mau Moisesba busii, Dachí Akõre baita berreabadauräba busidau, maude Salmos kartade biða bu kubuu.

45 Maabae Jesusba ächimaa kúrisia deasii Dachí Akõre bedeëa kuitaadamera. V⁴⁶ Naka jarasii:

—Dachi Akõre kartade naka bu kubuu: Dachí Akõreba Dachí Karibabarii deai jaraða bi'iwãe buai ðuu. Biupeða ewari õbeade chokae jiradui. 47 Maabae ichi trudeeba ichi ijãabadauräba ëbërarãmaa jaraðai ächi kachirua ida budapeða Dachí Akõremaa needamera. Maka Dachí Akõreba ächi kachirua perdonai. Mau naa Jerusalén puurude jaraðapeða joma puuru beeça jaraðe wãðai. 48 Ara machi dauba mu makaða joma unusidau. 49 Biawãra muba machimaa mu Chachaba ichi Jauri deai jaraða bui. Maudeeba machi nama Jerusalende panásturu aba ichi bajãadebena poyaabarii adauduðaa.

Jesús bajãadaa wãða

Marcos 16:19-20

50 Mau maaðakare Jesusba ächi Jerusalén puurudebena Betania puuru kaita uaðosii. Maabae ichi jua utaa jirapeða ächimaa bi'ia jarasii Dachí Akõreba aidamera. 51 Maka bi'ia berrea buude Dachí Akõreba ichi bajãadaa adoesii. VI⁵² Ächiba Jesús ärea kúri-adapeða ärea kírajuu waya Jerusalenëaa wãsidau. 53 Makaedebena ächi ewaricha Dachí Akõre de mechiu äbudare wãbachidau Dachí Akõremaa bi'ia berreadaí baita. VII

IV Nidurr kũabari baa sida deasidau. Griego bedeade ärea kartade mau wã'äe. V Ächimaa kúrisia deasii. Griego bedeade naka bu kubuu: ächi kúrisia ewasii. VI 24:51 Hechos 1:9-11. VII Griego bedeade chi bee kartade mawãare bu kubuu: amén.

JUAN

Jesús baara nibaða Juanba nau karta b̄s̄sii. Año 80de Éfeso puuruude b̄s̄siide nau b̄s̄sii. Maamina nau kartade Juanba nau būda jarawëa b̄uu. Chi nureemaarã, nau kartade Juanba ara ichimaa «Jesusba ärea k̄ria b̄uu» tr̄ jarabachii ().

Juanba nau karta äbarã baita b̄s̄sii kuitaadamera ächiba Jesús ürubena ijäapedaada biawärab̄. Mauðe jomaurã baita b̄s̄sii Jesús biawära Dach̄i Aköre Warr ijäadamera. Mau k̄risia mechiu Juanba naka b̄s̄sii: «Joma nau b̄s̄sii machiba Jesús Dach̄i Aköreba Dach̄i Karibabarii deai jarada, Dach̄i Aköre Warrde ijäadamera. Maka ijäaduuburã ichideeba chokae buai ara uru nureadaı̄».

Nau kartade Juanba arakude kuitaabasii Jesús biawära Dach̄i Aköredebena neesii. Mau naede kuitaabasii eb̄erarãba jara panuudeeba (). Mawãare kuitaabasii Jesusba eb̄erarãba ne poyaa wauðakau 7 wau buudeeba (). Mawãare Juanba b̄s̄sii Jesús biui baita b̄uu ürubena (), ichi ida b̄u nureeba jidaudapeda cruzde beapedaada ürubena () mauðe ichide ijäa nureeba ichi chokae jiraduda unupeadaada ürubena ().

Nau kartade Jesusba arakude jaradeasii Dach̄i Aköre Jauri ürubena (). Mau awara arakude berrea b̄uu Dach̄i Aköreba ichi Warr k̄ria b̄uu ürubena () mauðe saka ichide ijäa nuree k̄ria b̄uu ().

Jesucristo eb̄era ba buada

1 Arabaedeede chi Bedea b̄s̄sii. ^I Mau Bedea Dach̄i Aköre ome b̄s̄sii. Biawära mau Dach̄i Aköre maka b̄s̄sii. ² Mau arabaeedeede Dach̄i Aköre ome b̄s̄sii. ³ Ichideeba Dach̄i Aköreba joma wausii. Ichiwäe Dach̄i Aköreba aba biða wubai basii. ^{II4} Mau bedeaba chokae buai deadakasii. Mau üdaa k̄ra b̄s̄sii, eb̄erarãmaa ichi ürubena kuitaabiai buudeeba. ⁵ Mau üdaa päriude koa b̄uu k̄ra b̄uu. Mau päriuba mau üdaa poyaa kiibai.

⁶ Eb̄era Boro Eabarii Juan abadau b̄s̄sii. ^{III} Dach̄i Aköreba ichi b̄s̄sii ⁷ mau üdaa ürubena berreamera, ichideeba jomaurãba ijäadamera. ⁸ Juan mau üdaawäe basii, maumaarã mau ürubenäturu berrebachii. ⁹ Chi nau iujäade neei buada mau biawära üdaab̄. Mau jomaurã baita koabarii. ^{IV}

¹⁰ Mau üdaa nau iujäade b̄s̄sii. Dach̄i Aköreba ichideeba nau iujäa wauðamina nau iujäadebenarãba ichi kauwa unuðabasii. ¹¹ Ichi druadebenarãmaa neesii. Mauðe ichi bi'ia irsibiðabasii. ¹² Maamina chi ichi irsibipeðadarãba ichide ijäasidau. Mauðeeba ichiba maarã b̄s̄sii Dach̄i Aköre warrarã nureadamera. ¹³ Ächi Dach̄i Aköre warrarã baðabasii ächi naweba adauðeeba maeburã eb̄erarãba k̄ria panadadeeba. Maumaarã Dach̄i Akörëburu ichi warrarã babasii.

¹⁴ Chi Bedea eb̄era kakuade buapeða dachi täede nibabachii. Ichi söbiadeeba dachi ärea aidasii. Ichiba

^I 1:1 Apocalipsis 19:13. ^{II} Waabenarã judiorãba jarabachidau Bedea abadau Dach̄i Aköre k̄risia kuitaa. Proverbios 8:22-31; 1 Corintios 1:30. ^{III} Juan chi Boro Eabariiba nau karta b̄uubasii. ^{IV} 1:9 Isaias 49:5-6.

dachimaa arakude kuitaabasii Dach̄i Aköre biawära saka nii. Mauðe daiba ichi joma mechiu nii unusidau, Dach̄i Aköre Warr maka niideeba. ¹⁵ Juanba ichi ürubena naka j̄wa jarabachii: «Nau eb̄era ürubena, m̄uba naka jara buabachii: “Chi m̄are neeruu m̄ audeara chi mechiu nii, mau m̄ naede nibasiideeba”».

¹⁶ Ichi mechiu niideeba, söbiadeeba dachi aida buabachii mauðe söbiadeeba aidaabarii. ¹⁷ Dach̄i Aköreba naede Moisesba buða deasii, maamina Jesucristodeeba dachimaa kuitaabasii ichi biawära saka nii mauðe ichi söbiadeeba dachi ärea kariba b̄uu. ¹⁸ Abau biða Dach̄i Aköre unuðakau. ^V Maamina chi Warr ababuru nii ^{VI} Dach̄i Aköredeeba ^{VII} mauðe chi Aköre ome äbua buudeeba, dachimaa kuitaabasii Dach̄i Aköre biawära saka nii.

Juan chi Boro Eabarii ürubena

Mateo 3:11-12; Marcos 1:7-8; Lucas 3:15-17

¹⁹ Nau chi Juanba ara ichi ürubena jaradab̄. Judiorã paare mechiurãba Jerusalende ebena paarerã mauðe levidebenarã, Juanmaa b̄s̄sidau. Maarãba Juanmaa idisidau:

—¿Bichi kaima? ¿Bichi Dach̄i Aköreba Dach̄i Karibabarii deai jaradaka?

²⁰ Mauðe ichiba arakude jarasii:

—M̄ Dach̄i Aköreba Dach̄i Karibabarii deai jaradawäema. ^{VIII}

^V 1:18 Éxodo 33:18-20. ^{VI} Chi Warr ababuru nii. Griego bedeaðe chi bee kartade b̄u kubuu: Dach̄i Aköre ababuru nii. ^{VII} Dach̄i Aköredeeba. Griego bedeaðe chi bee kartade mau wã'äe. ^{VI-II} Dach̄i Aköreba Dach̄i Karibabarii deai jarada. Mau griego bedeaðe naka b̄u kubuu: Cristo. Mau chi tr̄wäe. Arameo bedeaðe Mesias jarabadau.

21 Ächiba waya idisiðau:
 —¿Makarã bichi kaima? ¿Bichi Eliaska? I
 Ichiba panausii:
 —Mþ Eliaswäema.
 Ächiba waya idisiðau:
 —Bichi ¿Dachi Aköre baita berreabarii chi mechiu
 neei bæðaka? II
 Ichiba panausii:
 —Mþ mauwäema.
 22 Maudeeba ächiba idisiðau:
 —¿Makarã bichi kaima? Dai bæpedaðarãmaa bichi
 ðrübena jarade wäðai panuu. Ara bichi ðrübena
 daimaa ¿kãare jaradai kawa?
 23 Maude Juanba panausii:
 —Dachi Aköre baita berreabarii Isaiasba naka jarasii:
 “Drua sirua wã'äe bæude abauba nau jara bæu: Dachi
 Mechiu o jipa wirua wáusturu”. III Mþ mau ëbërabþ.
 24 Juanmaa bæpedaðarã chi nuree fariseorã basii.
 IV25 Maarãba ichimaa idisiðau:
 —Bichi Dachi Aköreba Dachi Karibabarii deai
 jaradawäeburã, maude Eliaswäeburã, maude Dachi
 Aköre baita berreabarii chi mechiuwäeburã, ¿kai
 trüdeeba bichiba ëbërarã boro eakua þuma?
 26-27 Juanba naka panausii:
 —Mþba baniáburu boro eabarii. Maamina chi
 mþare neei bæaða machi täede þumina machiba mau
 unuðakau. Mau mþ audeara chi mechiu niideeba,
 mauba jürude jübarii enai baita mþ bi'iwäe bæu.
 28 Joma mau makasii drua Betania puuru abadau-
 maa, Jordán do kïare orienteare Juanba boro ea
 bæaðamare. V

Jesús Dachi Aköre Oeja Chekeþu

29 Mau norema Juanba Jesús ichimaa neeruu unusi-
 ðe naka jarasii: «¿Ichiásturu! Jáu Dachi Aköre oeja
 chekeþu. Ichiðeeba Dachi Aköreba nau iujäðebenarã-
 ba kachirua waubadau perdonabarii. VI30 Ichi ðrübena
 mþba naede jara þuasii: “Chi mþare neeruu mþ au-
 deara chi mechiu nii, mau mþ naede nibasiideeba”.
 31 Naede mþba adua þuasii jáu Jesús basii. Maamina
 Israelðebenarã mþba baniaba boro eakua bæu
 kuitaðamera kai Dachi Aköreba bæiða».
 32 Maude jarasii: «Mþba unusii Dachi Aköre Jauri
 bajäðebena paloma kïra neepeða Jesús baara
 þeeruu. 33 Ara mþba mau unuka basii. Maamina
 mþba boro eamera Dachi Aköreba bæisiide naka
 jarasii: “Bichiba unui mþ Jauri ëbëra ðru neepeða mau
 baara þeeruu. Unuuruude bichiba kuitaa mauba ichi
 Jauriðeeba boro earuu”. VII34 Mþba mau unusii.

I 1:21 *Malaquías* 4:5-6. II 1:21 *Deuteronomio* 18:15-19. III 1:23
Isaías 40:3. IV *Griego bedeaðe mauba nau siða jara bæu* «Juanmaa
 bæpedaðarã fariseorãba bæisiðau». V *Chi bee kartade naka þu*
kubuu: Betãbara. VI 1:29 *Levítico* 16:20-22. VII 1:33 *Ezequiel*
 36:25-27; *Isaías* 11:1-2; *Joel* 2:28-29.

Maudeeba mþba jara bæu ichi biawãra Dachi Aköre
 Warr».

Chi Jesús baara naa nibabadapedaða

Mateo 4:18-22; Marcos 1:16-20; Lucas 5:2-11

35 Mau norema Juan waya ara mama þuasii. Maude
 chi ichi baara nibabadaurã ome panasidau. 36 Maude
 Juanba Jesús ara kaita wãaruu unukare jarasii:
 —¿Ichiásturu! Jáu Dachi Aköre Oeja Chekeþu.
 37 Juan baara nibabadaurã omeeba mau ürisidauðe,
 Jesús baara wãsidau. 38 Jesús akarrnaa ichiasiide ichi
 kaade needuu unusii. Maabae idisii:
 —Machiba ¿kãare kïria panuma?
 Maarãba jarasidau:
 —Rabí, bichi ¿sama kãi þuma? (Mau bedea Rabí jara
 bæu “Jaradeabarii”).
 39 Jesusba panausii:
 —Ichiade nésturu.
 Wãsidauðe unusidau sama kãi þuasii. Mau ewaride
 ichi baara paneesidau kewaraa ba þuasiideeba.
 40 Juanba jarada üriðepeða Jesús baara wãpedaða
 ome panasidau. Aþa Simón Pedro äþa Andrés basii.
 41 Andrés Jesús baara bæapeða naa ichi äþa Simón
 jürude wãsii. Unusiide jarasii:
 —Daiba unusidau Dachi Aköreba Dachi Karibabarii
 deai jarada.
 42 Maabae Andresba Simón Jesusmaa adoesii.
 Neesidauðe Jesusba Simonmaa ichiapeða jarasii:
 —Bichi Simón Jonás warr, maamina ichiðeeba bichi
 Cefas adai. VIII (Mau Cefas trü Pedro abadau).

Jesusba Felipe maude Natanael iuða

43 Norema Jesusba Galilea druaðaa wãi kïrisiasii.
 Maudeeba Felipe jürusii. Unupeða jarasii:
 —Mþba kïria bæu bichi mþ baara nibai.
 44 Mau Felipe Betsaida puuruðebena basii. Andrés
 maude Pedro siða arabena basii. 45 Maude Felipeba
 Natanael jürude wãsii. Unusiide jarasii:
 —Moisesba bæðade jara bæu ëbëra daiba unusidau.
 Dachi Aköre baita berreabadaurãba mau ðrübena
 bæsidau. Ichi José warr Jesús Nazaretðebena.
 46 Natanaelba Felipemaa jarasii:
 —¿Makarã Nazaretðebena ne bi'ia neeika?
 Felipeba jarasii:
 —Wãða ichiade.
 47 Jesusba Natanael ichimaa neeruu unusiide, jarasii:
 —¿Ichiásturu! Nau biawãra israelðebenabþ. Ichiba
 aþa biða setaa kïruakau.
 48 Natanaelba Jesús unuka basiideeba idisii:
 —Bichiba mþ ðrübena ¿saka kuitaa þuma?
 Jesusba panausii:

VIII *Jonás*. *Griego bedeaðe mau trü Juan abadau*. *Cefas*. *Maarã*
trü jara panuu «mo».

—Felipeba bichi jurude wāi naede muba kuitaa busii bichi higo bakuru ekare buu.

⁴⁹ Maudeeba Natanaelba jarasii:

—Jaradeabarii, bichi biawāra Dachī Akōre Warrbu. Bichi Israelēbenarā Reybu.

⁵⁰ Maude Jesusba jarasii:

—Muba bichi higo bakuru ekare buu kuitaasiide a buudeeba ¿bichiba maka kūrīsia buka? Mau audeara ēbērarāba ne poyaa wauđakau mechiu nuree ārea unui.

⁵¹ Maabae Jesusba jarasii:

—Muba biawāra jaraaru: machiba bajā ewa nubuu unudai. Maude Dachī Akōre angelerā m, chi Ēbēra Ba Buadamaa edaa wāđapeda, waya utaa wāwābadau unudai. ^I

Jesusba bania uva baa babiđa

² Ewari ōbea baaruude miakāiduu kīrajū bara buabarii ewari basii Caná puuru Galilea druade.

Jesús nawe aria busii. ² Jesús maude chi baara nibabadaurā iusidau mau miakāiduumaa needamera.

³ Maka panuude uva baa wā'āesiiđeeba chi naweba Jesusmaa jarasii:

—Uva baa wā'āesii.

⁴ Maude Jesusba jarasii:

—Dana, ¿Sakāe bichiba muma naka jara buma?

M ewari neewēa buu. ^{II}

⁵ Maamina Jesús naweba chi chiko deađaka panuuma jarasii:

—Ichiba jaraaru joma wāusturu.

⁶ Aria kuuru mo uyapedaada 6 topanasidau. Judiorāba mau maka uyabadau, Dachī Akōre daade bi'ia topanadamera. Kuuruha 20 maeburā 30 galón uru panadai busii. ^{III}⁷ Maude Jesusba chi ne deađaka panuumaa jarasii:

—Nau kuuru baniaba waabirubisturu.

Ara makude waabirubisidau. ⁸ Maabae Jesusba jarasii:

—Jāu ba'āra juidapeda, maabae chi uva baa deađaka panuu mechiumaa adoesturu.

Ara makude makasidau. ⁹ Maabae uva baa deađaka panuu jaradea ua buabariiba mau bania bađa do chaasiide adua busii sama juisidau. Chi deađaka panúburu kuitaa panasidau. Chi uva baa deađaka panuu jaradea ua buabariiba chi mukīra miakāimaa buu iupeda jarasii:

¹⁰ —Miakāibadau ewari wauduude, jomaurāba uva baa chi aude bi'ia buu naa deađakabadau. Maka chi iudarāba ārea dopedaađakare, chi uva baa ārea

^I 1:51 Génesis 28:12. ^{II} M ewari. Chi nureemaarā Jesusba jara busii ichi beađai ūrubena maeburā chi ichiba unubiađa chi Dachī Akōreba Karibabarii deai jarađa ūrubena. ^{III} 20 maeburā 30 galón. Chi bee kartade busidau 80 maeburā 100 litros. Griego bedeade naka bu kubuu: metreta ome maeburā ōbea.

balewēa buu deađakabadau. Maamina bichiba uva baa chi aude bi'ia buu mera uru buađa jāabae deađakaruu.

¹¹ Mau ēbērarāba ne poyaa wauđakau naede wauđa Jesusba Caná puuruđe Galilea druade wausii.

Maudebena ichi chi Mechiu unubisii. Maka ichi baara nibabadaurāba ichi biawāra ijāasidau.

¹² Mau maadakare Jesús Capernaum puuruđaa wāsii. Ichi nawe, ichi ābarā maude ichi baara nibabadaurā ichi baara ābua wāsiađu. Aria ārea panadabasi.

Jesusba ne kaebea nedobuibadaurā duabuikađa

Mateo 21:12-13; Marcos 11:15-18; Lucas 19:45-46

¹³ Judiorā Pascua ^{IV} ewari ūru ba busii. Maudeeba Jesús Jerusalenāa wāsii. ¹⁴ Aria Dachī Akōre de mechiude wābariimare paka, oēja maude paloma nedobuibadaurā unusii. Maude chi drua āyarebena nejara eneeduu nedobuibadaurā mesađe ak panuu unusii. ¹⁵ Maka unusiide, Jesusba soa jūkara aba wau adaupeda, maabae awara joma duabuikasii āchi oēja maude paka baara. Chi nejara nedobuibadaurā āchi sēetao ūrikuasii maude chi mesa jāwarikuapeda, ¹⁶ maabae chi paloma nedobuibadaurāmaa jarasii:

—Chi ne kaebea joma āyaa adoesturu. Chacha de ne kaebea nedobuibadau de waurásturu.

¹⁷ Maude ichi baara nibabadaurāba kīrabasidau Dachī Akōre bedeade naka bu kubuu: «Bichi de mechiu muba ārea kūrīa buudeeba m biui». ^V

¹⁸ Maka buude paare mechiurā aria panasidau. Maarāba Jesusmaa jarasidau:

—Daimaa unubiāse Dachī Akōreba bichimaa jāka waubi buu.

¹⁹ Jesusba panausii:

—Nau de mechiu āriiduuburā, muba ewari ōbeade waya wau.

²⁰ Maude paare mechiurāba jarasidau:

—Nau Dachī Akōre de mechiu 46 año ba busii joma wauđai baita. Mau bichiba ¿saka ewari ōbeade joma wau a buma?

²¹ Jesusba nau de mechiu asiide ara ichi ūrubena jara busii. ²² Ichi chokae jiradusiide ichi baara nibabadaurāba kīrabasidau ichiba maka jarađa bađa. Maude āchiba Dachī Akōre bedeade bu kubuu maude Jesusba jarađa biawāra ijāasidau.

^{IV} Pascua. Egiptođebena wāđai naede, judiorāba decha oēja aba beasidau maabae chi oa āchi de poraa wātoma purusidau. Maka wausidau Dachī Akōreba Egiptobidārā kastikai ewariđe biurādamera. Jāabae Jesusba jara buu ichi oēja ara ichi oa cruzde eabari wāaru kīra nii. Maka wausii, Dachī Akōremaa ichiđe ijāabadaurā nau iujāa jomadebena kastikarādamera. Éxodo 12:1-27. ^V Griego bedeade bu kubuu: Bichi de mechiu muba ārea kūrīa buudeeba m baai. Salmos 69:9.

Jesusba ěbĕrarā saka nuree kuitaaĕa

23 Judiorā Pascua ewaride Jesús Jerusalende b̄asii. Mauĕe ārea ěbĕrarāba ne poyaa wauĕakau wausiide, āreaba ichide ijāasidau. 24 Maamina Jesusba jomaurā k̄risia kuitaa niĕeeba ijāabasii āchiba biawāra ijāa panuu. 25 Jomaurā sō kuitaa niĕeeba abau biĕa ichi-maa ěbĕrarā saka nuree jaraĕaabai panasidau.

Jesús Nicodemo ome berreĕa

3 Fariseo b̄asii Nicodemo abadau b̄asii. Mau judio mechiu basii. 2 Mau Nicodemo ěsabuĕaa Jesusmaa wāsii. Maabae Jesusmaa jarasii:

—Jaradeabarii, daiba kuitaa panuu bichi Dachí Akõreba biĕa. Dachí Akõre bichi baara buĕawāe basirā chi ěbĕrarāba ne poyaa wauĕakau poyaa waubai basii.

3 Jesusba ichimaa jarasii:

—M̄uĕba bichimaa biawāra jaraaruu: wāwa adaubarii k̄ira, waya chiwiĕi b̄ewĕeburā, Dachí Akõre juĕe poyaa buabai ichidirā baara. I

4 Mauĕeeba Nicodemoba ichimaa idisii:

—¿Saka dachi chõra b̄uu waya wāwa adau k̄ira b̄eeima? Maka b̄uuburā ¿dachi nawe bitede wāi buka waya wāwa adauruu k̄ira?

5 Jesusba panausii:

—M̄uĕba bichimaa biawāra jaraaruu: baniĕeeba mauĕe Dachí Akõre Jaurideeba bitedebena neewĕeburā, Dachí Akõre juĕe poyaa buabai ichidirā baara. II6 Dachí naweba chi warr adauĕa nau kakuĕebena neĕĕab̄u, maamina waya chiwiĕi neĕĕa Dachí Akõre Jaurideeba neĕĕab̄u. 7 M̄uĕba waya wāwa adau k̄ira panĕĕai panuu ĕĕa kakua ārea k̄risiarāse. 8 Pūaturā barikiareeba pūatubarii. Chi j̄iwa ūribarimina kuitaakau samareeba neeruu mauĕe samaa wāaruu. Ara mau k̄ira Dachí Akõre Jauri unuĕakamina kuitaa panuu ěbĕra sōĕe saka maka wau b̄uu.

9 Nicodemoba jarasii:

—Dachí Akõre Jauriba ¿saka mau maka wauima?

10 Jesusba panausii:

—Bichi Israelĕbenarāmaa Dachí Akõre beĕea jaradeabarii mechiu mina ¿mau adua buka? 11 M̄uĕba bichimaa biawāra jaraaruu: daiba kuitaa panuu ūr̄ubena, unu panuu ūr̄ubena berrea panuu maamina daiba jara panuu machiba ijāĕĕakau. 12 M̄uĕba nau iujāĕĕe unubadau ūr̄ubena jara b̄uu machiba ijāĕĕawĕeburā, bajāĕĕebena jaraaruuburā ¿saka ijāĕĕaima?

13 »Ab̄a biĕa bajāĕĕaa wākau mau kuitaa baita. Ab̄aburu m̄uturu, chi ěbĕra Ba Buĕĕaba mau kuitaa

I Chiwiĕi b̄ewĕeburā. Griego beĕeĕe mauba nau sida jara b̄uu «bajāĕĕeeba warr adauwĕeburā». II Waabenarāmaarā mau beĕea jara b̄uu «Dachí Akõre Jauriba ěbĕra jeraapeĕa waya warr adaubi-wĕeburā, mau ěbĕra Dachí Akõre juĕe poyaa buabai ichidirā baara».

b̄uu, bajāĕĕebena neĕĕeĕeba. III14 Moisesba drua sirua wā'āe b̄uude dama bronze wauĕa ut̄u jira buĕa k̄ira, IV m̄u, chi ěbĕra Ba Buĕĕa ut̄u jirab̄uĕai, 15 chi m̄uude ijāaduu Dachí Akõre ome ewaricha chokae nureĕĕamera. V

16 »Dachí Akõreba ěbĕrarā ārea k̄riakua b̄uudeeba ichi Warr ab̄a nii nau iujāĕĕaa b̄uisii joma ichide ijāaduu ichidebena awara nurearāĕĕamera, mau-maarā ichi ome ewaricha chokae nureĕĕamera.

17 Dachí Akõreba ichi Warr nau iujāĕĕaa b̄uibasii ěbĕrarā kastikamera maumaarā b̄uisii karibakuamera.

18 Dachí Akõreba ichi Warrĕe ijāa b̄uu kastikaabai. Maamina chi ichi Warrĕe ijāawĕa b̄uu Dachí Akõreba kastikabarii, ichi Warr ab̄a nii ida b̄u b̄uudeeba.

19 »Dachí Akõreba nau iujāĕĕebenarā kastikabarii nau kakua: chi ūĕĕaa nii nau iujāĕĕaa neesii jomaurāba Dachí Akõre unuĕamera. Maamina ěbĕrarāba kachirua waubadauĕeeba p̄ariu ārea k̄riasidau. 20 Joma chi kachirua waubadaurāba ūĕĕaa k̄riĕĕakau. ūĕĕaaĕĕaa neĕĕakau āchiba kachirua wau panuu kuitaarāĕĕamera. 21 Maamina joma chi biawāra waubadaurā ūĕĕaaĕĕaa neebadau āchiba Dachí Akõreba k̄ria b̄uu k̄ira waubadau jomaurāba kuitaaĕĕamera.

Juan chi Boro Eabariiba Jesús ūr̄ubena berreĕa

22 Mau maĕĕakare Jesús mauĕe ichi baara nibabadaurā Judea druĕĕaa wāsida. Aria panuude chi ichide ijāaduu boro eakuabachii. 23 Maumisa Juanba boro ea buabachii Enonĕ, Salim puuru kaita, aria bania ārea b̄uudeeba. Aria ěbĕrarā wābachidau, boro eabidai baita. 24 Mau makasii Juan j̄uĕĕai naĕĕe.

25 Mau ewaride waabenarā Juan baara nibabadaurā ab̄a judio ome k̄iru berreasiĕau ne jeraabadau ūr̄ubena, Dachí Akõre daĕĕe bi'ia nureĕĕai baita. VI26 Mau maĕĕakare Juanmaa wĕĕapeĕa jarasidau:

—Jaradeabarii, bichi ome Jordán k̄iare buĕĕaba ěbĕrarā boro eakuamaa b̄uu, chi mau ūr̄ubena bichiba berreĕa. Joma maumaa wā panuu.

27 Mauĕeeba Juanba jarasii:

—Ab̄au biĕa poyaa uru buabai, chi mau Dachí Akõreba ichimaa dearuuwĕeburā. 28 Machiba m̄uĕba jaraĕa ūrisidau. M̄uĕba jarasii m̄u chi Dachí Akõreba Dachí Karibabarii deai jaraĕawāe. Maumaarā Dachí Akõreba m̄u naa b̄uisii ichi o jipa jaremera. 29 Miakāiduuĕe chi wĕra adauruu chi aude mechiu nii. Maamina ichi kōpaero ichi jākaa b̄uu k̄iraj̄u b̄uu, ichi berrearuu ūri b̄u-udeeba. Ara mau k̄ira m̄u k̄iraj̄u b̄uu ichi nama b̄u-

III Griego beĕeĕe chi bee kartade nau sida b̄u kub̄uu: ichi bajāĕĕe b̄uudeeba. IV 3:14-15 Números 21:4-9. V Griego beĕeĕe chi bee kartade nau sida b̄u kub̄uu: biudapeĕa aduarāĕĕamera. VI Ab̄a judio. Griego beĕeĕe chi bee kartade naka b̄u kub̄uu: judiorā. Mau ewaride chi nuree Juan baara nibabadaurā waabena judio ome k̄iru berreasiĕau Dachí Akõre daĕĕe bi'ia nureĕĕai baita ne jeraabadau ūr̄ubena.

udeeba. ³⁰ Mau chi aude mechiu bai ɛuu. Maude mu kaebeu ɛeei ɛuu.

Utubena ɛbɛra

³¹ »Chi utuba needa jomaurã audeara mechiu nii. Chi nau iujãade nuree nau iujãadebenadeeba aba nau iujãadebenaturu berreabadau. Maudeeba chi bajãadebena neeruu jomaurã audeara mechiu nii. ³² Ichiaburu berrea ɛuu bajãade unuda ɛrubena maude ɛriɛa ɛrubena. Maamina ichiba berrea ɛuu abau biɛa ijãadakau. ³³ Chi ichi beɛa ijãa ɛuuba kuitaa ɛuu Dachí Akõreba jara ɛuu biawãrabɛ. ³⁴ Dachí Akõreba biɛdaba Dachí Akõre beɛa jarabarii, Dachí Akõreba ichi Jauri wãakawãa deasiideeba. ³⁵ Dachí Akõreba ichi Warr kũria uru ɛuu; maudeeba ne joma deasii ichi juade uru ɛuamera. ³⁶ Chi ichi Warrɛe ijãa ɛuu Dachí Akõre ome ewaricha chokae ɛuai, maamina chi ichi Warr ida ɛu ɛuu Dachí Akõre ome ewaricha chokae ɛuabai. Mau Dachí Akõreba kastikai.

Jesús Samariadebena wɛra ome berreada

4 Mau ewaride fariseorãba ɛrisidau Jesusba Juan audeara ɛbɛrarã ɛrea ua ɛuu maude boro eakua ɛuu. ² (Biawãra Jesusba ɛbɛrarã boro eaka basii. Ichi baara nibabadaurãburu boro eabachidau). ³ Fariseorãba mau ɛripeɛadaa Jesusba kuitaasiide Judea druade ɛuada Galilea druadaa waya wãsii.

⁴ Maamina araa wãi baita Samaria druare wãi ɛuasii. ⁵ Wãaruude Samariade puuru Sicar abadaumaa neesii. Mau puuru Jacoba ichi warr Josemaa deada druakaita ɛuu. ¹⁶ Aria Jacobe bania juibadau chobe a nubuasii. ɛmada jipa baburuude Jesús niide kakua ɛkaa ɛuasii. Maudeeba mau bania juibadau chobe a jãkaa akɛ beesii. ⁷⁻⁸ Jesús baara nibabadaurã puuruada wãsidau chiko nedode. Maka ɛuude Samariadebena wɛra bania juide neesii. Jesusba mau wɛramaa jarasii:

—Mɛmaa bania dease.

⁹ Maabae chi wɛraba Jesusmaa jarasii:

—Mɛ Samariadebena wɛrabɛ. ¿Sakãe bichi judio niba mɛmaa bania iɛi ɛuma?

Mau wɛraba maka jarasii judiorãba Samariadebenarã kũriadaudeeba. ^{II}

¹⁰ Jesusba panausii:

—Dachí Akõreba dea ɛuu bichiba kuitaiburã maude cha bania iɛi ɛuu kai kuitaiburã, bichiba mɛmaa bania iɛi basii. Maabae mɛba bania chokae ɛuabibarii deai basii.

¹¹ Wɛraba jarasii:

—Nau bania iɛu nubuuɛe, bichiba ¿kãareba chi bania juuima? Mau chokae ɛuabibarii bania ¿bichiba

I 4:5 Génesis 33:18-20; 48:21-22; Josué 24:32. II Judiorãba Samariadebenarã kũriadaudeeba. Griego beɛade mauba nau sida jara ɛuu «judiorã Samariadebena paratuɛe ne kodakauɛeba».

samabena juuima? ¹² Dai nabɛra Jacoba nau bania dachi baita ɛuisii. Naudebena dobachii. Ichi warrarãba, ichi ɛnimara biɛa dobachidau. ¿Makarã bichi Jacob audeara mechiu nika?

¹³ Jesusba panausii:

—Barikiuba nau bania dooruuburã, waya obisii.

¹⁴ Maamina chi mɛba dea ɛuu bania dooruuburã waa obisiabai. Chi mɛba dea ɛuu bania ichide ewaricha che ɛuu maude mau ɛbɛra Dachí Akõre ome ewaricha chokae ɛuai.

¹⁵ Maude wɛraba jarasii:

—Maka ɛuuburã mau bania mɛmaa dease waa obisiabai baita, maude waa nama bania juide neebayua.

¹⁶ Maudeeba Jesusba jarasii:

—Bichi kima iude wãpeɛa namaa nésturu.

¹⁷ Chi wɛraba jarasii:

—Mɛ kima wã'ãe nii.

Jesusba jarasii:

—Bichiba jara ɛuu biawãrabɛ. Bichi kima wã'ãe nii.

¹⁸ Biawãra bichiba kima jua aba uru ɛuasii. Maude bichiba chi ɛrauɛe uru ɛuu bichi kimawãe. Bichiba jara ɛuu biawãrabɛ.

¹⁹ Maudeeba chi wɛraba jarasii:

—Mɛmarã bichi Dachí Akõre baita berreabariiɛ.

²⁰ Dai nabɛrarãba nau eade Dachí Akõremaa bi'ia berreabachidau, maamina machi judiorãba jarabadau ichimaa bi'ia berreada panuu Jerusalende. ¿Samaa wãɛai panuma Dachí Akõremaa bi'ia berreada baita?

²¹ Jesusba panausii:

—Mɛba jara ɛuu ijãase. Ewari aba neeruude machiba biawãra Dachí Akõremaa bi'ia berreada. Maamina maka wauɛabai nau eade maeburã Jerusalende biɛa.

²² Machi Samariadebenarã Dachí Akõremaa bi'ia berreadamina ichi adua panuu. Dai judiorãba ichi kuitaa panuu, judiorãdeeba Dachí Akõreba saka ɛbɛrarã karibabarii kuitaabia ɛuudeeba. ^{III23} Maamina chi ewari neei ɛuada neesii. Iɛibae Dachí Akõreba kũria ɛuu ɛbɛrarãba chi nureemarebenadeeba ichimaa ichi Jaurideeba bi'ia berreada maude biawãra kuitaa panuudeeba. Aba makaburu ichimaa arakude bi'ia berreada. ²⁴ Dachí Akõre jaurituru nii. Maudeeba ɛbɛrarãba ichimaa bi'ia berreada panuuburã maka wauɛai panuu ichi Jaurideeba maude biawãra kuitaa panuudeeba.

²⁵ Chi wɛraba jarasii:

—Mɛba kuitaa ɛuu Dachí Akõreba Dachí Karibabarii deai jaraɛa biawãra neei. Mau neeruude dachimaa ne joma kuitaabia.

²⁶ Maudeeba Jesusba jarasii:

—Mɛ, chi bichi ome berrea ɛuu ichibɛ.

III 4:22 Isaías 2:2-3.

27 Maka bũude chi Jesús baara nibabadaurã puurudebena waya neesidaude Jesús wëra nii ome berrea bũu unusidaude kauwa kũrisidaabasii. Maamina abau bida Jesusmaa ididaabasii «¿Kãare kũria bũasii?» maeburã «¿Kãare jãu wëra ome berrea bũasii?»

28 Maabae chi wëraba ichi choko bũipeða puuruðaa wãsii. Neepeða ebërarãmaa jarasii:

29 —Ichiade wãduru, chi mũuba unuða ebëra. Mau-ba mũumaa jarasii joma mũuba naede wauða baða. ¿Mau Dachí Akõreba Dachí Karibabarii deai jaraðawëka?

30 Ara makude ebërarã puurudebena Jesús bũumaa wãsidau. 31 Maumisa Jesús baara nibabadaurãba ichi-maa chi chuburia idi panasidaau komera. 32 Maamina Jesusba jarasii:

—Kowëma, mũuba koi baita uru bũu machiba adua panuu.

33 Ichi baara nibabadaurãba achicha jarasidaau:

—¿Abãuba jãumaa chi kobii enee sãaka?

34 Mauðeeba Jesusba jarakuusii:

—Mũ bũidaba waubi bũu joma wau bũu, mau mũ chiko kĩa bũu. 35 Machiba jarabadau: “Wabiða jedako kimare esedaui bũu ne uu nubũu junai baita”. Maamina mũuba jaraaruu: ichiásturu, ebërarã jãabae mũumaa needuu druua uuða junaiide nubũu kĩa panuu. 36 Chi uu nubũu junaðai ewari neesii. Uu nubũu junaaduu kĩa machi trajaðai ebërarãba mũude ijãadamera. Maka achi Dachí Akõre baara ewaricha chokae duanaðai. Chi uu nubũu junabarii kĩa jũubarii chi ichimaa paaduu adau baita. Ara mau kĩa machi kĩa jũuðai ebërarãba mũude ijãaduu kakua. Chi uu nubũu junabarii chi uubarii ome kĩa jũu panadaui.

37 Dachiba jarabadau biawãrabũ: “Abãuba uui bũu mauðe abãuba junai bũu”. 38 Ara mau kĩa mũuba machi bũikasii waabenarãba uupeðaaða junaðamera. Maarãba ãrea uupeðaaða machiba bari au juna panuu.

39 ãrea Samariabidarã mau puurudebenarãba Jesusde ijãasidaau, wëraba naka jarasiideeba: «Ichi ba mũumaa jarasii joma mũuba naede wauða baða».

40 Samariadebenarã Jesusmaa needapeða chi chuburia idisidaau achi baara beemera. Maabae Jesús achi puurude ewari ome beesii. 41 Ichiba jaradea ua bũude achi maucha ãreaba ijãasidaau. 42 Achiba chi wëramaa jarasidaau:

—Daiba abãburu bichiba jaraða kakua ijãa panuwãe, maumaarã ijãa panuu ichiba jaradea bũu ũrisidaudeeba. Daiba kuitasidaau ichi biawãra jomaurã karibabarii. ^I

I Jomaurã karibabarii. Griego bedeade chi bee kartade nau sida bũ kubũu: Cristo.

Jesusba Galileade warr aribiabida

43 Samariade ewari ome bũapeða Jesús Galilea druadaa wãsii. 44 Mau naede ichiba jarasii Dachí Akõre baita berreabarii ara ichi druadebenarãba wapeadee nii adakau. ^{II}45 Jesús Jerusalende bũasiide Galileadebenarã sida duanasidaau Pascua ewari wauðai baita. Aria Jesusba ebërarãba ne poyaa wauðakau wau bũu unusidaau. Mauðeeba ichi Galileade neesiide achiba bi'ia irsibisidaau.

46 Galilea druade bũude Jesús waya Caná puuruðaa wãsii ichiba naede bania uva baa babiðamaa. ^{III} Mau-misa Capernaum puurude chi rey ome trajabarii chi mechiu bũasii. Chi mau warr ãrea epermo bũasii.

47 Mauðe ichiba ũrisii Jesús Judeadebena Galilea druadaa neesii. Ara makude Caná puuruðaa wãsii Jesús bũumaa. Neepeða chi chuburia idisii ichi warr biumaa bũu aribiabide wãmera. 48 Jesusba ichimaa jarasii:

—Machiba ebërarãba ne poyaa wauðakau unuðawëeburã mũuba jara bũu ijãadaabai.

49 Maamina chi ebërabã jarasii:

—Mũ Mechiu, mũ warr biui naede isa wãða.

50 Jesusba jarasii:

—Deeðaa wãse. Bichi warr aribiasii.

Chi ebërabã ijãasiideeba ara makude wãsii.

51 Deeðaa neeruude ichi baita bari trajabadaurãba irsibidapeða jarasidaau:

—Bichi warr aribiasii.

52 Maabae ichiba idisii:

—¿Sakaede maka aribiasma?

Achimaa panausidaau:

—Nuiða umada wãðakare chi kũamia duusii.

53 Mauðe chi akõreba kuitasii ara makude Jesusba bichi warr aribiasii asii. Maabae ichiba mauðe joma ichi dedebenarãba Jesusde ijãasidaau. 54 Jesús Judeadebena Galileadaa waya neeruucha ebërarãba ne poyaa wauðakau wau bũabachii. Mau ebërarãba ne poyaa wauðakau wauða bes ome basii.

Jesusba bari panabadau ewaride bakara bũu nii aribiabida

5 Mau maðakare Jesús Jerusalenda wãsii, aria judiorãba bari panabadau ewari waumaa panasidaudeeba. ² Jerusalén puurude ebërarã kuibadau waupeðaaða nubũasii. Hebreo bedeade Betzatá abadau. ^{IV} Mau kuibadau puurude eða wãbadau Oeja abadau kaita bũu. Chi kuibadau jãkaa de cheke jua aba kobeesii. ³ Aria jeeda epermo nuree, dau pãriu nuree, jũu nũka nuree mauðe bakara bũu nuree ãrea baraasii. [Achiba chi bania miipaaruu esedaau

II 4:44 Mateo 13:57; Marcos 6:4; Lucas 4:24. III 4:46 Juan 2:1-11. IV Betzatá. Griego bedeade ãrea kartade naka bũ kubũu: Betesda maeburã Betsaida.

panasiđau. ⁴ Besede Dachí Mechiu angelba mau bania miipa neebachii. Makaaruude chi naa mau baniade eđa wāaruu chi ēpermo buada aribiabachii.] ¹⁵ Maude ēbēra aba 38 año ba buasii ēpermo buu. ⁶ Jesusba mau ēbēra jeeđa buu unusiide kuitasii chi mau aria maka buu ārea ba buasii. Maudeeba ichimaa idisii:

—¿Bichi aribiai kŭria buka?

⁷ Maabae chi ēpermo buuba panausii:

—Maerā, maamina chi bania miipaaruude kaiba mŭ doeđa adooi wā'āe nii. Mŭ eđa wāi chaaruude aba mŭ naede eđa wābarii.

⁸ Jesusba jarasii:

—Jiraduse. Chi bichi jira adoebadau adaupeđa deeđa wāse.

⁹ Ara makuude chi ēbēra aribiasii. Ichi jira adoebadau adaupeđa nibaeasii. Maamina mau ewari bari panabadau ewari basii. ¹⁰ Maudeeba judiorā mechiurāba chi ēbēra aribiadamaa jarasiđau:

—Idi bari panabadau ewariideeba bichi jira adoebadau adoebai buu.

¹¹ Maude ichiba panausii:

—Maamina chi mŭ aribiabideeba jarasii: “Bichi jira adoebadau adoepeda wāse”.

¹² Āchiba idisiđau:

—¿Kaiba bichimaa maka bichi jira adoebadau adoepeda wās asma?

¹³ Maamina mau adua buasii. Jesús ēbērarā ārea tāede buada āyaa wāsiideeba ichiba poyaa unuubasii.

¹⁴ Mau maadakare Jesusba ichi Dachí Aköre de mechiu duđa unusiide jarasii:

—Bi'ia ũrise: bichi aribiasiiideeba waa kachirua waurāse bichi ēpermo buada audeara kachirua beerāamera.

¹⁵ Mau maadakare chi ēbēra judiorā mechiurāmaa wāpeđa jarakuasii chi ichi aribiabideeba Jesús basii.

¹⁶ Maadakare paare mechiurāba Jesús ũrubena kachirua jara paneesiđau mau ēbēra bari panabadau ewariide aribiabisiideeba. ¹⁷ Maamina Jesusba āchimaa jarasii:

—Mŭ Chacha wabiđa kurrjŕuwēa ēbērarā kariba buu maude mŭa biđa kurrjŕuwēa kariba buu.

¹⁸ Maudeeba judiorā mechiurāba ichi aude beeđai kŭria paneesiđau. Ichiba bari panabadau ewariide ēbērarāba ne poyaa wauđakau wauđa kŭriadaabasii. Mau awara mŭ Chacha ađa kakua aude kŭriadaabasii, ara ichi Dachí Aköre asiideeba.

Dachí Aköreba poyaabarii ichi Warrmaa deeđa ũrubena

¹⁹ Maabae Jesusba āchimaa jarasii: «Mŭba biawāra jaraaruu: mŭ, Dachí Aköre Warrba ara mŭ du abauba

I Griego beedeade chi bee kartade beeda corchetede buu wā'āe. II Griego beedeade chi bee kartade nau siđa bu kubuu: bea kŭria panasiđau.

poyaa waubai. Maamina mŭba unu buu mŭ Chachaba wau buu. Joma mŭ Chachaba wau buu mŭa biđa wau buu. ²⁰ Mŭ Chachaba mŭ kŭria buu. Maudeeba joma ichiba wau buu mŭma unubarii. Mau awara ichiba nau ēbērarāba ne poyaa wauđakau wauđa audeara mechia buu unubiai. Maudeeba machi kāare kŭrisiade ai adua panade ai. ²¹ Mŭ Chachaba biudearā chokae jiradubiapeda chokae duanubiabarii kŭra, maka mŭ chi Warrba chi mŭba kŭriakuaruu chokae duanubiabarii. ²² Mŭ Chachaba abaumaa biđa ichiabai. Maumaarā mŭ busii jomaurā ichiamera. ²³ Maka jomaurāba mŭ Chacha wapea panuu kŭra mŭ siđa wapeade ai. Chi mŭ wapeawēa buuba mŭ Chacha siđa wapeawēa buu, mŭ Chachaba mŭ nau iujāeđa buisiideeba.

²⁴ »Mŭba biawāra jaraaruu: barikiuba mŭ beeda ũripeda mŭ buiđa ijāruuburā, mau ēbēra mau ome ewaricha chokae buai. Dachí Aköreba mau ichiabai. Biawāra mau ēbēra biu buada chokae buu. ²⁵ Mŭba biawāra jaraaruu: chi ewari neei buada jābae neesii. Idiideeba biuđa kŭra nureeba mŭ, Dachí Aköre Warr beeda ũriđai. Chi mŭde ijāduu chokae panade ai.

²⁶ Mŭ Chacha chokae buabarii kŭra, mŭba mau chokae buai deabarii ichiba mŭma deasiideeba.

²⁷ Mau awara mŭ busii jomaurā ichiamera, mŭ chi ēbēra Ba Buada niideeba. ²⁸ Mŭba jara buu kakua kŭriskawarāsturu. Biawāra ewari abade jomaurā biudearāba mŭ, chi ēbēra Ba Buada beeda ũriiduude, ²⁹ maude jomaurā chokae jiraduđai. Chi ne bi'ia wau nureada chokae jiraduđai mŭ baara ewaricha chokae nureade ai baita, maamina chi kachirua waubadaurā chokae jiraduđai mŭba āchi kastikamera.

³⁰ »Mŭ du abauba ne aba biđa poyaa waubai buu. Mŭba ēbēra nebura ichiabarii mŭ Chachaba jara buu kŭra. Mŭba jipa ichiabarii. Mŭba kŭria buu kŭra waukau maumaarā mŭ Chacha, chi mŭ buideeba kŭria buu kŭra waubarii.

¿Kaiba Jesús ũrubena bia berreabadau?

³¹ »Mŭba jara buu biawāramina ara mŭ ũrubena berrea buudeeba, machimaarā mau biawārawēe buu. ³² Maamina mŭ Chachaba mŭ ũrubena berrea buu. ³³ Mŭba kuitaa buu ichiba jara buu biawāra buu. ³⁴ Machiba ēbērarā Juan chi Boro Eabariimaa buisiđau mŭ ũrubena idiđamera. Maude ichiba jarađa biawāra basii. ³⁵ Mŭba juruwēa buu ēbēraba mŭ ũrubena berreamera. Maamina Juanba mŭ ũrubena jarađa mŭa biđa machimaa jara buu karibadamera. ³⁶ Juan ũđa koabarii kŭra nibasii. Machi ichi ũdaade kŭrajŭ panasiđau ichi machi baara ārea buabasmına.

III 5:27 Daniel 7:13-14. IV 5:31 Deuteronomio 19:15. V Griego beedeade bu kubuu: abauba mŭ ũrubena berrea buu. VI 5:33 Juan 1:19-34.

³⁶ »Maamina Juanba jaræda audeara nau mæ ũrube-na bi'ia berrea bæu: Mæ Chachaba waubi bæu mæuba joma wau bæudeeba kuitaabi bæu mæ Chachaba mæ biawära bæisii. ³⁷ Biawära mæ Chachaba, mæ buidaba mæ ũrübena berrea bæu. Maamina machiba ichi bedea ũridakau ^I maude ichi unudakau. ^{II}³⁸ Maude ichi bedea machi sõde uru panuwæe, ^{III} mæ, chi ichiba buida ijæadakaudeeba. ³⁹ Machiba Dach Aköre bedea kauwa ichiabadau kÿrisia panuudeeba Dach Aköre ome ewaricha chokae nureadai. ¡Mau kartæde mæ ũrübena berrea bæu! ⁴⁰ Maamina machi mæuma needai, kÿriadakau, mæuba chokae panabiamera.

⁴¹ »Mæuba juræwæa bæu machiba mæ bi'ia unudamera. ⁴² Mau awara mæuba machi unubaraii. Kuitaa bæu machiba Dach Aköre kÿriadakau. ⁴³ Mæ Chacha trÿdeeba neesii, maamina mæ bi'ia irsibisidau. Maamina aba ara ichi trÿdeeba neeruuburã, mau bi'ia irsibibachidau. ⁴⁴ ¿Saka mæude ijæadaima? Ababuru kÿria panuu waabenarãba machi bi'ia unudai. Maamina machiba jurædawæe Dach Aköre aba niiba machi bi'ia unui.

⁴⁵ »Kÿrisiarásturu mæ Chacha daæde mæuba machi jideai. Machiba Moisesdeeba bi'ia panadai esedau panuu. Maamina ara mau Moisesba mæ Chacha daæde machi jideai. ⁴⁶ Machiba Moisesba jaræda biawära ijæaduuburã mæude ijæadai basii, Moisesba mæ ũrübena Dach Aköre bedea bæsiideeba. ^{IV}⁴⁷ Maamina Moisesba bæda sida ijæadawæeburã ¿saka mæ bedea ijæadaima?»

Jesusba 5.000 panuumaa kobiaæda

Mateo 14:13-21; Marcos 6:30-44; Lucas 9:10-17

6 Mau maadakare Jesús Galilea mar kÿraa wäsii. Mau mar maude Tiberias abadau. ^{V2} Jesusba ëbërarãba ne poyaa wauðakau wau bæudeeba ëpermo nuree aribiabiabachii. Ëbërarã äreaba mau unu panasiideeba ichi baara ärea wäsida. ³ Maabae Jesús ichi baara nibabadaurã ome eadæa wædapeda jeeda akæ paneesidau. ⁴ Mau ewaride judiorã Pascua ewari ũræ ba bæasii. ⁵ Maude Jesusba ëbërarã ärea ichimaa needuu unusiide, Filipemaa naka idisii:

—Pan ¿sama nedoðaima joma naarã ëbërarã kobiaædai baita?

⁶ Jesusba kãare wau bæu kuitaa bæasii. Maudeeba maka jarasii Felipeba saka panaui kuitaayua. ⁷ Felipeba panausii:

—Aba año baidia trajæda bare paapedaædaba poyaa pan nedoðaabai bæu, ëbërarã abaabaamaa bæ'ãra biæda kobiaædai baita.

I 5:37 Éxodo 33:11. II 5:37 Éxodo 19:9. III 5:38 Josué 1:8-9. IV Biawära joma Dach Aköre nabëraædebena kartæde Jesús ũrübena bæ kubæu. Deuteronomio 18:15-19. V Galilea. Mau mar Antiguo Testamentoæ «Quinéret» maeburã «Cineret» trÿ jarabachidau. Maude bæ naka kubæu: Genesaret. Lucas 5:1.

⁸ Maude chi Jesús baara nibabarii Andrés, Simón Pedro äbaba naka jarasii:

⁹ —Warr nama bæuba cebada wauða pan jua aba uru bæu maude beda ome uru bæu. Maamina ëbërarã ärea duanuu ome mau ¿sakaima?

¹⁰ Aria sirua idæa bæasii. Maudeeba Jesusba jarasii: —Jomaurãmaa jarásturu siruaæde akæ paneedamera. Ara makude jeeda akæ duaneesidau. Maarã 5.000 mukÿrarã panuka duanasii. ¹¹ Jesusba pan juæde adaupeda Dach Aköremaa ichíturu kiðibai asii. Maabae ichi baara nibabadaurãmaa jarasii ëbërarãmaa deædakaðamera. Beda sida ara mau kÿra wausii jomaurãba ächi kÿria koðamera. ¹² Jomaurãba jäwaa kosidaude Jesusba ichi baara nibabadaurãmaa jarakuasii:

—Chi ũræ bæeda joma araa pésturu aba bistÿka biæda jirakuaræadamera.

¹³ Ara makude araa pesidau. ¹² jabara waabirubisidau mau pan cebada wauða ũræ bæedaba. ¹⁴ Chi Jesusba ëbërarãba ne poyaa wauðakau wauða unusidaude, ëbërarãba naka jarasidau:

—Biawära nau Dach Aköre baita berreabarii mechiu nii, chi nau iujæadæa neei bæada. ^{VI}

¹⁵ Maamina Jesusba kuitaasii ëbërarãba ichi rey babidai kÿria panuu. Maudeeba waya ichi du aba eadæ etaa wäsii.

Jesús bania ũræ nibaða

Mateo 14:22-27; Marcos 6:45-52

¹⁶ Kiusiide Jesús baara nibabadaurã mar iikaadæa wäsida. ¹⁷ Jãbaæde atausidaude Jesús ächimaa wabiða neewæa bæasii. Maamina waa kÿraa wã kopaneesidau Capernaum puuruðæa wædai baita. Maka bæude ärea päriu kobeesii. ¹⁸ Maude ärea pÿatu kobeesiideeba chi mar etæ ũrape wã kobeesii. ¹⁹ Mar kësa 5 maeburã 6 kilómetro baaduude Jesús unusidau bania ũræ tua uruu jäba kaita. Ächimaa uruudeeba ärea perasidau. ²⁰ Maamina Jesusba jarasii:

—¡Mæubæ! ¡Perarásturu!

²¹ Maude ichi jãbaæde kÿrajæu irsibisidau. Ara makude ächi wãaduuma neesidau. ^{VII}

Ëbërarãba Jesús jurupedaæda

²² Chi nuree wa kÿare paneesidau. Mau norema maarãba kuitaasidau chi Jesús baara nibabadaurã ächi du aba jãbaæde wäsida. Unusidau jäba aba aria nubasii maude Jesús ächi baara wãabasii. ²³ Maude jäbarã maucha Tiberias puuruðebena topana chesidau Dach Mechiuba Dach Aköremaa bichíturu kiðibai apeða ëbërarãmaa pan kobiaædamaa. ²⁴ Ëbërarãba kuitaasidau Jesús, ichi baara nibabadaurã sida aria

VI 6:14 Deuteronomio 18:15-18. VII Mau griego bedeaæde nau sida jara bæu «Maude ichi jãbaæde adoe kÿria panuude ächi wãaduuma neesidau».

panuuwãe. Maudeeba ächi mau jäbaede atakuadapeda Capernaum puuruada Jesús jurude wäsidau. ²⁵ Jesús mar kïare nii unusidaude idisidau:

—Jaradeabarii, bichi ¿sakaede nama neesma?

²⁶ Jesusba panausii:

—Mumba biawära jaraaru: machiba kauwa üridawëa panuu mumba ëbëraräba ne poyaa wauðakau wauðaba kuitaabi ðuu. Bari Mx jurx panuu pan bi jäwaaduada kosidaudeeba. ²⁷ Trajarästuru chiko beraabarii nedoðai baita. Maumaarã trajästuru chi Dachì Aköre ome ewaricha chokae buabibarii chiko nedoðai baita. Mau mx, chi Èbëra Ba Buadaba deai. Dachì Aköreba mx mau baita büsü.

²⁸ Maudeeba ächiba idisidau:

—Daiba ¿käare wauðaima Dachì Aköre traju wauðai baita?

²⁹ Dachì Aköreba wauði ðuu traju nauþ: mx, chi ichiba buidaede ijãðai panuu.

³⁰⁻³¹ Maudeeba ächiba Jesusmaa idisidau:

—¿Bichiba daimaa käare unubiaima bichi beðea ijãðamera? Dachì nabëraräba drua sirua wã'äe ðuude maná kosidau. Dachì Aköre beðeade jara ðuu: "Ichiba bajãdeebena pan deasii ächiba kodamera". ^I ¿Bichiba käare säaima?

³² Maude Jesusba panausii:

—Mumba biawära jaraaru, mau bajãdeebena pan Moisesba machimaa deabasii. Mx Chachäburu deasii. Mau awara bajãdeebena chi biawära pan machimaa dea ðuu. ³³ Mau Dachì Aköreba deabarii pan bajãdeebena needaba chi nau iujãdeebenarã chokae buabiabarii. ^{II}

³⁴ Ächiba jarasidau:

—Dai Mechiu, mau pan daimaa ewaricha dea buase.

³⁵ Jesusba jarasii:

—Mau Mumbx. Mx chi chokae buabibarii panþ. Maudeeba chi mumba neeruu waa jarrbisia buabai maude chi munde ijã ðuu waa obisia buabai. ³⁶ Maamina mumba jarada kïra, mumba ëbëraräba ne poyaa wauðakau wauða machiba unusidamina ijãðakau. ³⁷ Chi mx Chachaba mumba dea ðuu ëbërarã mumba needai; maarã duabuikaabai. ³⁸ Mx bajãdeebena needawäe michi küria wauði baita. Mau-maarã neesii mx buidaba küria ðuu wauði baita. ³⁹ Mx buidaba küria ðuu ichiba mumba deadarã aba biða wã'äerãðamera. Küria ðuu nau baribai ewaride mumba joma ächi chokae jiradubiai. ⁴⁰ Mx Chachaba biawära küria ðuu ëbëraräba mx ichi Warr kuitaapeða ijãðai ichi ome ewaricha chokae nureaðamera. Mak-

^I 6:30-31 Éxodo 16:4,15; Salmos 78:24; Nehemías 9:15.

^{II} Chokae buabiabarii. Juanba jara ðuu dachiba Jesusde ijãadu-uburã ewaricha chokae nureaðai, ichi Jauri uru nureaðai dachì aidaï baita maude ichi beðea uru nureaðai chi biawära beðea kuitaadaï baita.

aburu mumba ächi nau baribai ewaride chokae jiradubiai.

⁴¹ Jesusba «mx chi pan bajãdeebena needa» asiideeba, chi judiorã aria duanuuräba ichi ürubena kachirua berreasidau. ⁴² Naka jarasidau:

—¿Nau Jesús, José warrwäeka? Chi aköre, chi nawe dachiba unubadau. ¿Ichiba sakäe bajãdeebena neesii a ðuma?

⁴³ Maka panuude Jesusba jarasii:

—Waa kachirua berrearästuru. ⁴⁴ Abau biða poyaa munde ijãabai mx Chacha, chi mx buidaba ichi mumba eneewëeburã. Maamina mx Chachaba eneeru-uburã nau iujãa baribai ewaride mau ëbëra mumba chokae jiradubii. ⁴⁵ Dachì Aköre baita berreabadaurã kartade naka jara ðuu: "Dachì Akörëburu jomaurãmaa jaradeai". ^{III} Maka barikiuba mx Chacha beðea üripeða ichi ürubena kuitaapeða munde ijãde neei.

⁴⁶ Mauba jarawëa ðuu ababa Dachì Aköre unusii. Ababuru mumba Dachì Aköre unubarii ichimarebena neesideeba.

⁴⁷ »Mumba biawära jaraaru: ëbërabana munde ijãaru-uburã Dachì Aköre ome ewaricha chokae buai uru buai. ⁴⁸ Mx chi panþ, chi chokae buabibarii. ⁴⁹ Machi nabëraeðebenarãba drua sirua wã'äe ðuude maná kosidamina biusidau. ⁵⁰ Maamina barikiuba nau pan bajãdeebena needa kooruuburã biubai. ⁵¹ Mx chi panþ, chi chokae buabibarii, chi bajãdeebena needa. Barikiuba mau pan kooruuburã ewaricha chokae buai. Chi mumba dea ðuu pan mx kakuabx. Mumba mx kakuadei, mauba ëbërarã chokae nureaðamera.

⁵² Maka ðuude judiorã chiya kïru berrea bara beesii:

—¿Saka ichiba ichi kakua dachimaa kobaiama?

⁵³ Maude Jesusba jarasii:

—Mumba biawära jaraaru: machiba mx, chi Èbëra Ba Buada kodawëeburã maude mx oa doðawëeburã, chokae panaðaabai. ⁵⁴⁻⁵⁵ Mx kakua chi biawära chikobx. Mx oa chi biawära dobadaubx. Maudeeba chi mx kooruu ^{IV} maude chi mx oa dooruu Dachì Aköre ome ewaricha chokae buai. Nau iujãa baribai ewaride mumba mau ëbëra chokae jiradubii.

⁵⁶ Chi mx kooruu maude chi mx oa dooruu mx ome ðuu maude mx ichi ome ðuu. ⁵⁷ Mx Chacha chokae buabariiba mx büsü. Ara mau kïra chi mx kooruu mundeeba chokae buai. ⁵⁸ Mx bajãdeebena needa panþ. Machi nabëraeðebenarãba maná kobachidamina joma biusidau. Maamina mx maná kïra niuwäe. Chi nau pan ko ðuu ewaricha chokae buai.

⁵⁹ Jesusba joma mau Capernaumde jaradeasii judiorã araa äbua imibadau deede.

^{III} 6:45 Isaías 54:13. ^{IV} Chi mx kooruu. Griego beðeade naka bu kubuu: mx kiuru kooruu.

Dachi Aköre ome ewaricha chokae panadai ũrubena

60 Mau jaradea bũu ũrisiadaude ārea Jesús baara nureeba jarasidau: «Jāuba jarada chaarea bũu. ¿Kaiba poyaa ijāaima?»

61 Jesusba kuitasii ichiba jaradeada ũrubena āchi maka kachirua berrea panuu. Maudeeba jarasii:

—Machimaarā, mũuba jaradeada ¿chaarea bũka?

62 Maka bũuburā machiba mũ, chi Ēbēra Ba Bũada chi naa bũadamaa ũtaa wāaruu unuuduuburā ¿saka kũrisiadaima? 63 Dachi Aköre Jaurĩburu chokae bũabiabarii. Nau kakuaba poyaa maka waukau. Mũuba machimaa jaradea bũu Dachi Aköre Jauriba dachi chokae bũabiabarii ũrubena. 64 Maamina machidebena chi nureeba wabiida mũ bedea ijāadawēa panuu.

Jesusba maka jarasii ichiba arabadeede kuitaa bũadadeeba kairāba ichi bedea ijāadawēa panuu, maude kaiba ichi jidaubii bũu.

65 Maude Jesusba jarasii:

—Maudeeba mũuba jarasii: mũ Chachaba ěbēra mũmmaa enewēeburā, mau ěbēraba poyaa mũude ijāabai.

66 Maudeeba ārea Jesús baara nibapedaada ichi ida bũsidau. Waa ichi baara nibadaabasii. 67 Maudeeba Jesusba ichiba 12 jũrũ adauđarāmaa jarakuasii:

—¿Machi sida wāaduka?

68 Simón Pedrobaba panausii:

—Dai Mechiu, dai ¿kaimaa wādaima? Aba bichiaburu daimaa jaradeabarii Dachi Aköre ome ewaricha chokae nureadamera.

69 Daiba bichi bedea biawāra ijāa panuu, maude daiba biawāra kuitaa panuu bichi Dachi Aköreba Bũida Jipa Nii. I

70 Jesusba jarasii:

—Machi 12 panuu mũuba jũrũ adausii mũ baara nibadamera. Maamina machidebena aba jũbawāe niidebũ.

71 Jesusba Judas, Simón Iscariote warr ũrubena berrea bũasii. Mauba Jesús jidaubisii ichi baara nibabadaurā 12 panuudebenamina.

Jesús ābarāba ichide ijāadaka bada

7 Mau maadakare Jesús Galilea druade nibasii. Judea druadaa makaa wā kũriabasii judiorā mechiurāba ichi beđai kũria panasiideeba. 2 Maude chi judiorāba de pāebaribadau ewari ũrũ ba bũasiide II, 3 Jesús ābarāba ichimaa jarasidau:

—Bi'ia bũu Judeadaa wāi, chi arabena bichi baara nibabadaurāba bichiba waubarii unuđamera. 4 Chi trũ poa nibai kũria bũuba ne kaebea mirubia waukau.

I Dachi Aköreba Bũida Jipa Nii. Chi bee kartade griego beedeade bũ kubũu: Dachi Karibabarii deai jarada, chi Dachi Aköre chokae nii warr. II 7:2 Levítico 23:33-43.

Bichiba ěbērarāba ne poyaa wauđakau waubarii jomaurā daade wause āchiba bichi kuitaadamera.

5 Maka jarasidau āchia biida ichide ijāadawēa panasiideeba. 6 Maude Jesusba āchimaa jarasii:

—Mũ wāi ewari wabiida neewēa bũu maamina machi baita barikiu ewari wāđai baita bibuara bũu. 7 Nau iujāadebenarāba machi ¿sakāe kĩramaadaima? Maamina mũ kĩramaabadau, āchiba kachirua waubadau mũuba arakude jarabariideeba. 8 Wāsturu mau bari panabadau ewari wau panuumaa. Mũ wabiida wāwēe, wabiida mũ wāi ewari bawēa bũudeeba.

9 Maka jarapeda Galilea druade beesii.

De pāebaribadau ewari wau panuumaa Jesús wāda

10 Jesús ābarā mau de pāebaribadau ewari waumaa panuumaa wāsidau. Mau maadakare Jesús wāsii.

Maamina chũpea wāsii ěbērarāba kuitaarāadamera.

11 Judio mechiurāba mau de pāebaribadau ewaride ichi jũrũ panasiadaude naka akabichia idisiđau: «¿Jāu Jesús sama bũma?»

12 Maude ārea aria duanuuba Jesús ũrubena didiwaraa berrea duanasidau. Waabenarāba jarabachidau:

«Ichi ěbēra bia nii», maamina waabenarāba

jarabachidau: «Makawāema; seta idaa nii». 13 Maamina judiorā mechiurā wapea panuudeeba abau biida Jesús ũrubena jĩwa berreadaka basii.

14 Mau de pāebaribadau ewari semana ěsa wauduude Jesús Dachi Aköre de mechiu duđaa wāpeda jaradea beesii. III15 Maka bũude judiorā aria duanuu kũrisia bia baraa bara beesii maabae idisiđau: «¿Sakaburu nau ěbēraba ārea kuitaa nima, Dachi Aköre bedea kawadawāe niikaude waabenarā kĩra?»

16 Maude Jesusba āchimaa jarasii:

—Mũuba jaradea bũu mũudewāe, maumaarā chi mũ bũidadebũ. 17 Chi Dachi Aköreba kũria bũu wau baita bũuba arakude kuitaai chi mũuba jaradea bũu Dachi Aköredebena neeruu, maeburā ara mũ kũrisiadeeba jaradea bũu. 18 Barikia ara ichi kũrisiadeeba berrea bũuburā maka wau bũu ěbērarāba ichi ũrubena bi'ia kũrisiadamera. Maamina ababa kũria bũuburā waabenarāba ichi biida ũrubena bi'ia kũrisiada, biawāra jara bũu; setaa waukau.

19 Dachi Aköreba Moisesmaa bũbiida chi Moisesba machimaa deasii. Maamina machiba mau ichiba bũda ijāadakau. ¿Sakāe machiba mũ bea kũria panuma?

20 Maude ěbērarāba idisiđau:

—¿Kaiba bichi bea kũria bũma? ¿Jai kachirua bichi kakuade bũuba maka kũrisiabi bũka?

21 Jesusba panausii:

—Mũuba bari panabadau ewaride ěbērarāba ne poyaa wauđakau aba wauđa ũrubena machiba kuitaa kũrisiadaabasii. IV22 Maamina machi sida bari

III Mau bari panabadau ewari, 8 ewari waubachidau.

panabadau ewaride ne waubadau. Mukira chi kakua tōobadau Moisesba buda kīra. (Biawāra mau waubadau Moisesdebena needawāe basii, maumaarā machi nabēra debena neesii).¹²³ Moisesba buda wau dai baita machiba bari panabadau ewaride wāwa chi kakua tōobadau. Mau machi ¿sakāe m̄ ome kīru panuma bari panabadau ewaride ēbēra aribiabiā kakua? ²⁴ Machiba unu panuu kakua kachirua berrearāsturu, maumaarā arakude berrearāsturu chi biawāra kuita adapeḁa.

¿Jesús Dachí Akōreba Dachí Karibabarii deai jaradaka?

²⁵ Maude chi nuree Jerusalen debenarāba ara āstu chiya idi bara beebachii: «¿Nauwāeka chi beadai baita j̄m̄ panuu? ²⁶ Ichiāsturu, ichi nama jomaurā daade berrea b̄uu. Maamina abau biḁa ichimaa jaradawēa panuu. Maka b̄uuburā dachi mechiurāba k̄risia panuu ichi Dachí Akōreba Dachí Karibabarii deai jarada. ^{II27} Maamina dachiba kuitaa panuu ichi samareeba nee b̄uu. Dachí Akōreba Dachí Karibabarii deai jarada neeruude abau biḁa kuita adabasii ichi samareeba neeru». ^{III}

²⁸ Maude Jesusba Dachí Akōre de mechiu duḁa jaradea b̄uude mimi j̄iwa jarasii:

—Biawāra machiba m̄ unubadau maude kuitaa panuu samabena nee b̄uu. ^{IV} Maamina ara m̄udeeba neewēa b̄uu, maumaarā chi biawāra jarabariiba m̄ b̄usii. Machiba ichi unudakau. ²⁹ M̄uba ichi unubarii ichidebena needadeeba. Ara ichiba m̄ b̄usii.

³⁰ Maudeeba āchiba Jesús jidau dai k̄ria panasidau, maamina abau biḁa jidau adabasii ichi ewari neewēa b̄uasiideeba. ³¹ Āreaba ichide ijāsidau maude jarasidau:

—Dachí Akōreba Dachí Karibabarii deai jarada neeruude ¿nau ēbēra wau b̄uu audeara ēbērarāba ne poyaa wudakau ārea wau b̄uka?

Fariseorāba Jesús jidau dai baita panada

³² Fariseorāba kuitasidau ēbērarāba Jesús ūrubena didiwaraa berrea panuu. Maudeeba āchiba maude chi paare mechiurāba chi Dachí Akōre de nubadaurā b̄usidau Jesús jidau de wādamera. ³³ Maka panuude Jesusba ēbērarāmaa jarasii:

—M̄ machi ome ārea b̄uawēe. Jāadakare m̄ waya wāi chi m̄ biḁa b̄uabariimaa. ³⁴ Machiba m̄ j̄m̄ maamina unudaabai. M̄ wāaruumaa machi poyaa wādaabai.

³⁵ Maudeeba judiorā aria duanuuba āchi chiya jara bara beesidau:

^{IV} 7:21 Juan 5:1-9. ^I 7:22 Génesis 17:10-27. ^{II} Dachí Akōreba Dachí Karibabarii deai jarada. Griego bedeade b̄u kubuu: Cristo. ^{III} Waabenarā judiorāba jarabachidau Dachí Akōreba Dachí Karibabarii deai jarada abau biḁa kuita adabasii ab̄a ichiba Israel karibaruudaa. ^{IV} Samabena nee b̄uu. Jesús Nazaret debena neesii.

—¿Samaa wāideeba dachiba ichi waa unudaabaima? asidau. ¿Griegorā druadaa wāika judiorā aria duanuurāmaa jaradeai baita? ³⁶ ¿Sakāe ichiba maka jara b̄uma: “Machiba m̄ j̄m̄ maamina unudaabai”? Maude ¿kāare jara b̄uma “m̄ wāaruumaa machi poyaa wādaabai”?

Chi biawāra bania chokae nibabiabarii ūrubena

³⁷ Mau bari panabadau ewari wau panuu chi kaadebena ewari mechiu b̄usii. Jesús kaadebena ewaride bari nubeepeḁa mimi j̄iwa jarasii:

—Barikia ēbēra obisia b̄uuburā m̄umaa neese, maabae bania chokae nibabiabarii dose. ³⁸ Dachí Akōre bedeade jara b̄uu barikiuba m̄ude ijāruuburā chokae b̄uai ichidebena do kīra waabenarāmaa eabari wāi maarā biḁa adauamera. ^V

³⁹ Jesusba mauba kuita abasii chi ichide ijāduuba Dachí Akōre Jauri adau dai. Mau ewaride Dachí Akōre Jauri wabiḁa neewēa b̄usii Jesús wabiḁa bajāadaa wāwēa b̄uasiideeba.

Ēbērarāba Jesús ūrubena ne ārea berrea duanada

⁴⁰ Mau bedeā ūrisidau de aria duanuurāba jarasidau: «Biawāra nau ēbēra Dachí Akōre baita berreabarii chi mechiu neei b̄uada». ^{VI}

⁴¹ Maude waabenarāba jarasidau: «Ichi Dachí Akōreba Dachí Karibabarii deai jarada».

Maamina waabenarāba jarasidau: «Makawāe. ¿Dachí Akōreba Dachí Karibabarii deai jarada Galileadebena neebaika? ⁴² ¿Dachí Akōre bedeade jara b̄uuwāe ichi David debena neei? ¿Chi David b̄uada puuru Belendebena neeika?» ^{VII}

⁴³ Maka Jesús kakua ēbērarā a'awaraa duanasii.

⁴⁴ Chi nureeba ichi jidau k̄ria panasidau, maamina abau biḁa jidau adabasii.

Judiorā mechiurāba Jesusde ijādaabada

⁴⁵ Dachí Akōre de mechiu nubadaurā Jesús fariseorā maude paare mechiurā ābua duanuumaa waya wāsidau de, āchimaa idisidau:

—¿Sakāe mau eneeda abasma?

⁴⁶ Maude chi Dachí Akōre de nubadaurāba panasidau:

—Abau biḁa jāu ēbēra berrea b̄uu kīra berreakau.

⁴⁷ Maudeeba fariseorāba jarasidau:

—¿Maka b̄uuburā ichiba machi siḁa setaa k̄ruaska?

⁴⁸ ¿Dai fariseorāba maude waabenarā chi mechiu nuree biḁa ichide ijā panuka? ⁴⁹ Chi ichide ijā nureeba Moisesba buda adua nuree. Dachí Akōreba āchi kastikai.

^V 7:38 Isaías 44:3; 55:1-4; 58:1; Joel 3:18; Zacarías 13:1. ^{VI} 7:40 Juan 1:21; 6:14; Deuteronomio 18:15-19. ^{VII} David. 2 Samuel 7:12; Salmos 89:3-4; 132:11-12. Belendebena. Miqueas 5:2.

⁵⁰ Maude Nicodemo ächi ome buasii. Ichi Jesusmaa naede esabudaa berreade wã buada basii. ^I Mauba ächima jarasii:

⁵¹ —Maamina ¿Moisesba buade jara buka barikia ebëra kastikaäi panuu ichi bedea üridai naede? ¿Ichi-ba wauä naede kuitaäi panuwäeka?

⁵² Ächiba panausidau:

—¿Makarä bichi Galileadebenaka? Dach Aköre bedea buade bi'ia juruse. Maude bichiba kuitaai abau bida Dach Aköre baita berreabarii Galileadebena neewëe. ^{II}

⁵³ [Maka duanadapeä joma ächi decha wäurisiädu. ^{III}

Wëra chi kimawëe ome käi nubeeda

⁸ Maabae Jesús Olivo eäda wäsii. ² Norema dapeä waya Dach Aköre de mechiu duäda wäsii. Aria buude ebërarä ärea ichimaa neesidau. Jeeda aku bepeä ächima jaradea kobeesii.

³ Maka panuude Moisesba buä jaradeabadaurä maude fariseoräba wëra junebena mukïra ome käi nubuu jidaupeäada adoesidau. Mau wëra aria du-anuu äsa eneedapeä ⁴ Jesusmaa jarasidau:

—Jaradeabarii, nau wëra abau ome kachirua wau-maa buakare daiba jidausidau. ⁵ Moisesba buade naka nuree wërarä mooba bata beäai panuu bu kubuu. ^{IV} ¿Bichimaarä bia buka maka wauäi?

⁶ Ächiba maka idisiädu Jesusmaa kachirua berre-abiäi baita, mauba ichi jideadayua. Maude Jesús eäda sinibarikau kobepeda ichi jua jimidiäba iorode bu kobeesii. ⁷ Maamina ächiba akabichia idi panuudeeba jiradupeä jarasii:

—Chi kachirua waukäuburu nau wëra mooba naa batai buu. ^V

⁸ Maka jarapeä Jesús waya eäda sinibarikau kobepeda iorode bumaa beesii. ⁹ Jesusba jarada ürisidauäde ara makude abaabaa wäurisiädu. ^{VI} Naa chörarä äyaa wäsidau. Maabae küudräarä sida wäurisiädu. Jesús mau wëra ome istu beesii. ¹⁰ Jesús utu ukü nubeeruude wëra istu ukü nubuu unupeä ^{VII} maabae idisii:

—Bichi kachirua jara duanada ¿sama panuma? ^{VIII} ¿Abauba bichi bas aska?

¹¹ Wëraba panausii:

—Abau bida makaabasii, mü Mechiu.

Jesusba jarasii:

^I 7:50 Juan 3:1-12. ^{II} Fariseoräba bi'iwäe jarasidau. Jonás Gatheder ebena. Mau puuru Nazaret kaita buasii Galilea druade. ² Reyes 14:25. ^{III} Griego bedeaäde ärea kartade versiculos 7:53—8:11 ^{IV} Mau sida jara buu chi mukïra sida biui buu. Levítico 20:10; Deuteronomio 22:22. ^V 8:7 Deuteronomio 17:6-7. ^{VI} Griego bedeaäde chi bee kartade nau sida bu kubuu: Ächi söde kuitaa panasidau jipawäe nuree. ^{VII} Wëra istu ukü nubuu unupeä. Griego bedeaäde chi bee kartade mau wä'äe. ^{VIII} Bichi kachirua jara duanada. Griego bedeaäde chi bee kartade mau wä'äe.

—Müa bida bichi maka nii awëe. Wäse, maamina waa kachirua wauräse.]

Jesús nau iujäade üdaa

¹² Mau maadakare Jesusba ebërarämaa waya jarasii:

—Mü nau iujäade üdaa kïra nii. Barikia mü baara wäaruuburä päriuäde nibaabai, maumaarä üdaade buudeeba chokae buai uru buai.

¹³ Maude fariseoräba Jesusmaa jarasidau:

—Bichiba ara bichi ürübena berrea buu. Mauba jarawëa buu bichiba jara buu biawära buu.

¹⁴ Jesusba jarasii:

—Ara mü ürübena berrea bumina müuba jara buu biawärabu. Müuba kuitaa buu mü samareeba neesii maude samaa wäi. Maamina machiba mau adua panuu. ^{IX}¹⁵ Machiba nau iujäadebena kürisiädeeba mü ichia panuu. Müuba abaumaa bida maka ichiakau. ¹⁶ Müuba waabenarä saka nuree ichiapeda jaraaru-uburä, müuba jara buu biawärabu, müaburu maka jarawëa buudeeba. Maumaarä mü Chachaba, mü buidaba mü ome maka jara buu. ¹⁷ Machi leyde jara buu ebëra omeeba arabau bedea jaraaduuburä ächiba jara panuu biawärabu. ^X¹⁸ Arabauäde ara mü ürübena berrea buu, maude mü Chacha, chi mü buidaba mü ürübena berrea buu.

¹⁹ Maude ächiba Jesusmaa idisiädu:

—Maka buuburä bichi aköre ¿sama buma?

Jesusba panausii:

—Machiba mü unudakau maude mü Chacha sida unudakau. Machiba mü biawära unubadau basirä, mü Chacha sida unubadau bai basii.

²⁰ Jesusba Dach Aköre de mechiu duäda, chi Dach Aköre baita chi nejarr pebadaumare, jaradea buasiide joma mau jarasii. Maamina abau bida ichi jidaudaabasii ichi ewari wabida bawëa buasiideeba.

Mü wäaruumaa machi poyaa wädaabai

²¹ Maabae Jesusba jarasii:

—Mü wäaruu. Wädakare machiba mü jurudai maamina unudaabai. Machiba müude ijäadakaudeeba kachiruaäde biudai. Mü wäaruumaa machi poyaa wädaabai.

²² Maudeeba judiorä Mechiuräba ächicha berrea duanasidau:

—Maka buuburä ¿ichi du aba biui buka? ¿Maudeeba ichiba jara buka: “Mü wäaruumaa machi poyaa wädaabai”?

²³ Maude Jesusba jarasii:

—Machi nau iujäadebenabu maamina mü ba-jäadebenabu. Mü nau iujäadebenawäebu. ²⁴ Maudeeba müuba jarasii machi kachiruaäde biudai. Machiba Mü Nii ijäadawëeburä kachiruaäde biudai. ^{XI}

^{IX} 8:14 Juan 7:27-29. ^X 8:17 Deuteronomio 17:6; 19:15.

25 Maudeeba idisiðau:

—¿Bichi kaima?

Jesusba panausii:

—Arabaedeede mũaba machimaa ara mau jara ðuu.

126 Mũaba machi ðrübena ne ärea berrei ðuu, machi kastikai baita. Maamina makaabai. Chi mũa biiða beðea biawärab. Chi mũaba ichiðebena ðri ðuu nau iujäðebenarämaa jarabarii.

27 Maamina kauwa ðriðabasii Jesusba ichi Aköre ðrübena berrei ðuu. 28 Maudeeba ichiba jarasii:

—Machiba mũa, chi Èbëra Ba Buaða utu jirabuuðuude kuitaada Mũa Nii. Kuitaada mũaba biðtũika biða ara michi kũria waukau basii, maumaarã mũa berrei ðuubarii mũa Chachaba jaradeaða kĩa. 29 Chi mũa biiða mũa baara ðuu. Chachaba mũa istu ðukau, mũaba wau ðuubariiðeeba ichiba kũria ðuu kĩa.

30 Jesusba mau ðrübena berresiide äreaba ichiðe ijãsiðau.

Chi biawära Abraham warrarã

31 Maabae Jesusba judiorã ichiðe ijãduurãmaa jarasii:

—Machiba mũa beðea ijãa panuuburã, biawära mũa baara nibabadaurã nureada. 32 Mũadeeba machiba Dachii Aköre biawära kuitaada. Mauba machi chi chibari baita bari trajabadaurã nureada karibakuai.

33 Maamina ächiba jarasiðau:

—Dai Abrahamðebena imisiðauðeeba chi chibari baita bari trajabadaurãwãe. ¿Saka bichiba dai karibai a ðuma?

34 Jesusba panausii:

—Mũaba biawära jaraaru: kachirua wau nuree mau kachirua baita bari trajabadaurãb. 35 Chi chibari baita bari trajabarii ichi chibari deðe ärea ðuubai, maamina chi chibari warr ichi aköre ome ewaricha ðuubarii.

136 Maudeeba Dachii Aköre Warrba machi karibaaruuburã, biawära ena nureada. 37 Mũaba kuitaa ðuu machi Abrahamðebena imipeðada, maamina mũa bea kũria panuu mũa beðea ijãawãe panuudeeba.

38 Mũaba jara ðuu joma mũa Chachaba mũamaa jaradeaða. Maude machiba machi aköreba ðribiðeada ijãa panuu.

39 Ächiba panausiðau:

—Dai chacha Abrahamb.

Maamina Jesusba jarasii:

—Machi Abraham warrarã basirã ichiba wauða kĩa wauðai basii. 40 Mũaba machimaa chi biawära beðea jara ðuu Dachii Aköreba mũamaa kuitabiða kĩa. Maamina machiba mũa beðai kũria panuu. ¿Abraham-

XI Mũa Nii. Mau jaraaruuba Jesusba jara ðuasii ichi Dachii Aköreba. Éxodo 3:13-14. I Mũaba machimaa ara mau jara ðuu. Griego beðeade mau arakude ðu kubuuwãe. Waabenarãmaarã jara ðuu «Mũaba machimaa ¿kãare kuitaa jarai ðuu?» maeburã «Mũa ¿sakãe machi ome berrei ðuma?» II 8:35 Génesis 21:9-13.

ba maka wauska? 41 Machiba machi aköreba waubarii kĩa wauðadu.

Maude ächiba jarasiðau:

—¿Maamina dai wëra auðuabariiba adauðawãe! Dai-ba Chacha ababuru iniðau. Mau Dachii Akörebb.

42 Jesusba jarasii:

—Dachii Aköre machi Aköre basirã, machiba mũa biawära kũriada basii, Dachii Aköredeeba nepeða nama ðuudeeba. Mũa ara michi kũria nebasii. Ichiaburu biisii. 43 Mũaba jara ðuu ¿sakãe machiba kauwa ðriðawãe panuma? Machiba kauwa ðriðawãe panuu,

mũa beðea ðriðai kũriada kauðeeba. 44 Machi aköre chi jübawãe niib. Maudeeba ichiba kũria ðuu machiba wauðai kũria panuu. Mau arabaeede mia bebariib.

Biawäradeeba ðukau, chi biawära ichiðe wã'ãdeeba. Setaa jaraaruude, ara ichi kĩa setaa jarabarii, setaa jarabariideeba maude seta aköredeeba.

45 Mũaba biawära jara ðumina machiba mũa beðea ijãadaku. 46 ¿Kai machiðebenaba mũaba biawära kachirua wau ðuu aima? Mũaba biawära beðea jaraaruuburã, ¿sakãe mũa beðea ijãawãe panuma?

47 Chi Dachii Akörede ijãa ðuuba ichi beðea ðribarii maamina machi Dachii Aköre warrarãwãdeeba ichi beðeade jara ðuu kĩa wauðakau.

47 Chi Dachii Akörede ijãa ðuuba ichi beðea ðribarii maamina machi Dachii Aköre warrarãwãdeeba ichi beðeade jara ðuu kĩa wauðakau.

Jesusba ara ichi ðrübena jarada

48 Maabae judiorãba Jesusmaa jarasiðau:

—¿Bichi Samariðebenawãeka maude jai kachirua uru ðuu? ¿Daiba arakude jarawãe panuka?

49 Maude Jesusba jarasii:

—Mũa jai kachiruawãe nii. Mũa Chacha ðrübena bi'ia berreabarii. Maamina machiba mũa ðrübena bi'ia berreadakau.

50 Mũaba jurukau èbërarãba mũa ðrübena bi'ia berreadamera. Maamina aba barau, mau jurui baita. Ichiaburu èbërarã dauchaabarii. 51 Mũaba biawära jaraaru, chi mũa beðea ijãa nii biukaraa nibai.

52 Maude judiorãba Jesusmaa jarasiðau:

—Jãabäburu daiba kuitaaduu bichiba jai kachirua bichi kakuaðe uru ðuu. Abraham biusii. Joma Dachii Aköre baita berreabadaurã siða biusiðau, maamina bichiba jara ðuu: “Chi mũa beðea ijãa nii biukaraa nibai”. 53 Makarã ¿bichi dai nabëra Abraham audeara chi mechiu nika? Mau biusii maude joma Dachii Aköre baita berreabadaurã siða biusiðau. Bichi ¿kai kũrisia ðuma?

54 Jesusba panausii:

—Ara mũa ðrübena bi'ia kũrisiaruuburã mauba jarawãe ðuu mũa bi'ia nii. Maamina mũa Chachaba mũa ðrübena bi'ia berrei ðuu. Machiba ichi “Dachii Aköre” a panuu.

55 Maamina ichi unuðakau. Maude mũaba ichi unubarii. Ichi unukau aða basirã mũa machi kĩa seta iða

nibai basii. Maamina m̄mba ichi kuitaa b̄udeeba ichi bedea wau b̄uu. ⁵⁶ Machi nab̄ra Abraham k̄iraj̄usii m̄ nau iuj̄aadaa neeruu ewari unui kuitaa b̄usiiideeba. Biaw̄ra unupeđa ārea k̄iraj̄u beesii.

⁵⁷ Maude judior̄ba Jesusmaa jarasiđau:

—Bichi wabiđa 50 aňosw̄e nii. ¿Saka bichiba Abraham unubarii a b̄uma?

⁵⁸ Jesusba panausii:

—M̄mba biaw̄ra jaraaruu: Abraham chi naweba adai naede M̄mb̄. ^I

⁵⁹ Jesusba maka jarada kaku judior̄ba mo adausiđau ichi b̄ata beadāi baita. Maamina Jesús mirupeđa Dachí Akõre de mechiudebena awara āyaa w̄sii. ^{II}

Jesusba ēb̄ra dau p̄riu aribiabiđa

9 W̄aruude Jesusba ēb̄ra chi naweba adauđeēdebena dau p̄riu nii unusii. ² Maude Jesús baara nibabadaur̄ba iđisiđau:

—Jaradeabarii, ¿kaiba kachirua wausiideeba nau muk̄ira j̄aka dau p̄riu chi naweba adausma? ¿Ichi akõrer̄ba kachirua wausiđeēeba, maeb̄r̄a ichiba kachirua wauđeēeba?

³ Jesusba panausii:

—Ichiba kachirua wausiideeba maeb̄r̄a chi akõrer̄ba kachirua wau panasiideeba, j̄aka adaubasii. Mau-maar̄a dau p̄riu adausii ichideeba Dachí Akõreba ne wauruu ēb̄rar̄ba unudamera. ⁴ Maudeeba wabiđa āsaede b̄uude chi m̄ b̄uidaba waubi b̄uu m̄mba wau b̄uu. Kiuruude aba biđa poyaa trajakau. ⁵ Maamina nau iuj̄aade b̄uude m̄ ēb̄rar̄a baita ūdaa k̄ira nii m̄ Chacha ūrubena kuitaabiai baita.

⁶ Maka jarapeđa Jesús iorođe idupeđa ioro susua wausii. Mau ioro susuaba chi dau p̄riu nii daucha purusii. ⁷ Maabae Jesusba ichimaa jarasii:

—Chi Kuibadau Siloé abadaumaa jeraade w̄se. (Mau tr̄̄ jara b̄uu “b̄uidā”). ^{III}

Ara makude chi dau p̄riu nii w̄peđa ichi dau jeraasiide unu beesii. Maabae deeda w̄sii. ⁸ Ichi de kaita duanuur̄ba maude ichiba ode ne kaebea idibachii unupeđaadar̄ba jara duanasid̄au: «¿Nau mauw̄eka, chi ak̄ b̄eepeda ne kaebea idibarii?»

⁹ Chi nureer̄ba maer̄a maub̄ abachid̄au. Maude waabenar̄ba ichi k̄ira b̄umina mauw̄e abachid̄au. Maamina chi dau p̄riu b̄uadaba jarasii: «Biaw̄ra m̄mb̄».

¹⁰ Maude ichimaa iđisiđau:

—¿Sakaburu bichiba unu beesma?

¹¹ Ichiba panausii:

—Ēb̄ra Jesús abadauba ioro susua waupeđa m̄ daucha purusii. Maabae ichiba jarasii: “Kuibadau Siloé

abadaumaa jeraade w̄se”. W̄peđa m̄ dau jeraasiide unu kobeesii.

¹² Maude āchiba iđisiđau:

—Mau ēb̄ra ¿sama b̄uma?

Ichiba panausii:

—M̄mba adua b̄uu.

Fariseor̄ba dau p̄riu b̄uadamaa ārea idipeđaada

¹³⁻¹⁴ Jesusba ioro susua waupeđa dau p̄riu nii aribiabiđa ewari, chi bari panabadau ewari basii. Maudeeba waabenar̄ba chi dau p̄riu b̄uada fariseor̄maa adoesid̄au. ¹⁵ Maabae chi fariseor̄a biđa mau muk̄iramaa iđisiđau saka unu beesii. Maude ichiba jarasii:

—Jesusba ioro susua waupeđa m̄ daucha purusii. Maabae m̄mba baniaba jaraaruude unu kobeesii.

¹⁶ Chi nureer̄a fariseor̄ba jarasiđau: «Mau muk̄ira Dachí Akõredebena needaw̄e b̄uu, bari panabadau ewari wapeakauđeeba».

Maamina waabenar̄ba jarasiđau: «¿Saka kachirua waubarii muk̄iraba mau ēb̄rar̄ba ne poyaa wauđakau poyaa wausma?»

Maka chiya āyaa jarasiđau. ¹⁷ Maka panuude waya chi dau p̄riu b̄uadamaa iđisiđau:

—Mau muk̄ira, chi bichi dau aribiabiđa ¿k̄aare k̄risia b̄uma mau ūrubena?

Chi dau p̄riu b̄uadaba panausii:

—M̄maar̄a, mau Dachí Akõre baita berreabarii b̄u.

¹⁸ Maamina chi judior̄a mechiur̄ba iđadaw̄e panasid̄au mau ēb̄ra naede dau p̄riu b̄usii. Maudeeba ichi akõrer̄a iubiasid̄au. ¹⁹ Maabae maar̄amaa iđisiđau:

—¿J̄au machi warr dau p̄riu adauđaka? ¿Saka idibae j̄uba unu b̄uma?

²⁰ Āchiba panausid̄au:

—Daiba kuitaa panuu j̄au dai warr dau p̄riu adauđab̄. ²¹ Maamina adua panuu saka idibae unu beesii, maude adua panuu kaiba ichi aribiabisii. J̄au chõra baer̄a ichimaa id̄sturu. Ara ichiba jaraika.

²² Ichi akõrer̄ba maka jarasiđau judior̄a karrar̄a wapea panuudeeba. Biaw̄ra mau judior̄ba jarasiđau abauba Jesús chi Dachí Akõreba Dachí Karibabarii deai jarada a jaraaruub̄r̄a chi judior̄a araa ābua imibadau dedebena āyaa b̄uidai asiđau. ²³ Maudeeba chi akõrer̄ba jarasiđau: «J̄au chõra baer̄a ichimaa id̄sturu».

²⁴ Maudeeba chi judior̄a karrar̄ba chi dau p̄riu b̄uada waya iudapeđa jarasiđau:

—Dachí Akõre tr̄̄de daimaa mau ēb̄ra ūrubena biaw̄ra jarase. ^{IV} Daiba kuitaa panuu mau kachirua waubarii.

²⁵ Chi dau p̄riu b̄uadaba jarasii:

^I 8:58 Éxodo 3:13-14. ^{II} Griego bedede chi bee kartade b̄ kubuu: Jesús ara āchi t̄ede w̄sii. ^{III} 9:7 Génesis 49:10; Isaías 8:5-8.

^{IV} Griego bedede b̄ kubuu: Dachí Akõre bi'ia k̄riase.

—Mũba adua ðuu mauba kachirua waubarii mae-
burã waukau. Ababuru kuitaa ðuu m̄ dau pãriu ðuasii
maamina jãabae unu ðuu.

²⁶ Maude ächiba waya ichimaa idisidau:

—Jãuba ¿saka aribiabisma? ¿Kãare wausma bichi dau
aribiabii baita?

²⁷ Ichiba panausii:

—Mũba machimaa jarasii maamina ijãadaabasii.
Mau ¿sakãe waya ũri kãria panuma? ¿Machi sida ichi
baara niba kãria panuka?

²⁸ Maudeeba ächiba ichi naka iadaasidau:

—Bichi mau ëbëra ome nii, maamina dai Moisesba
ðudãdeeba nibabadau. ²⁹ Daiba kuitaa panuu Dach
Akõreba Moisesmaa berreasii, ^I maamina mau ëbëra
samabena adua panuu.

³⁰ Maude chi dau pãriu ðuadaba jarasii:

—¿Sakaburu? ¿Saka machiba ichi samabena adua
panuu a panuma? ¿Mauba m̄ dau aribiabidawãeka?

³¹ Dachiba kuitaa panuu chi kachirua waubadaurãba
ididuu Dach Akõreba bi'ia ũrikau. Mau awara kuitaa
panuu barikiuba Dach Akõre wapea ðuuburã maude
ichiba kãria ðuu wau ðuuburã, mauba utaa idiruu
Dach Akõreba bi'ia ũribarii. ^{II}³² Ewari abade bida
dachiba ëbëra dau pãriu adaua aribiabida ũridaka
basii. ³³ Nau ëbëra Dach Akõredeenawãe basirã,
poyaa waubai basii.

³⁴ Maude judiorã mechiurãba ichi iadaasidau:

—Bichi adauãdeebena kachirua waubarii. ¿Saka
daimaa ne jaradeaima?

Maudeeba ichi chi judiorã araa äbua imibadau
deebena äyaa buisidau.

Chi biawãra dau pãriu nuree

³⁵ Jesusba ũrisii chi dau pãriu ðuadã äyaa
buipedãada. Maudeeba ichi jurude wãsii. Unupeda
idisii:

—¿Bichiba chi ëbëra Ba Buadãde biawãra ijãa ðuka?
^{III}

³⁶ Ichiba jarasii:

—¿Mau kaima? Mũmmaa jarase mũmba ichide bi-
awãra ijãai baita.

³⁷ Jesusba panausii:

—Bichiba mau unu ðuu. M̄, chi bichi ome berrea
ðuu maub̄.

³⁸ Ara makude Jesús daade ödarrde kobepeda
jarasii:

—M̄ Mechiu, mũmba ijãa ðuu.

³⁹ Maude Jesusba jarasii:

—M̄ nau iujãadaa neesii ëbërarã nebura dauchaai
baita. Maka chi dau pãriu nuree kãra nureeba unudai

maude chi unu panuu a panuu dau pãriu nuree kãra
paneedai.

⁴⁰ Chi nuree fariseorã Jesús kaita panuuba mau
bedea ũrisidaude idisidau:

—Bichiba ¿sakãe maka jara ðuma? ¿Dai dau pãriu
nureka?

⁴¹ Jesusba panausii:

—Machi biawãra dau pãriu nureada basirã, kachirua
waubadau kakua neburade panadaabai basii. Maami-
na machiba unu panuu a panuudeeba neburade
panuu.

Oeja nubarii bia nii

10 Mau ewaride Jesusba jarasii:

«Mũba biawãra jaraaru: barikia oeja
nubadaumare poraade nubure eda wãwëeburã, mau
kãybãra äyare eda wãaruuburã, mau oeja nechiru-
abariib̄ maude ëbëra kachiruab̄. ² Maamina chi oeja
nubadaumare poraade eda wãbarii, chi oeja nubari-
ib̄. ³ Mau oeja nubarii baita chi poraa nubariiba chi
poraa ewabarii. Oejarãba ächi nubarii bedea kuitaa
panuu. Ächi abaabaa tr̄ jarakupeða awara adoe-
barii. ^{IV}⁴ Joma awara uadopeða ächi naa wãbarii. Oeja
ichi baara wãbadau ichi bedea kuitaa panuudeeba.

⁵ Maamina ächiba chi ëbëra unudakau baara
wãdakau, maumaarã mirubadau mau bedea adua
panuudeeba».

⁶ Jesusba nebururuuba maka berreasii maamina ju-
diorãba kuitaadaabasii kãare jara ðuu. ⁷ Maudeeba Je-
susba naka jarasii: «Mũba biawãra jaraaru, m̄ chi
oeja eda wãbadau poraa. ⁸ M̄ neei naede ärea oeja
nechiruabadaurã kãra maude ëbërarã kachiruarã nee-
bachidau. Maamina chi Dach Akõrede ijãabadaurãba

^V maarã bedea ijãadaabasii.

⁹ »M̄ chi poraab̄. Chi mũdeeba eda wãaruu
kachiruadebena karibai. Ärea jirukaraayuwãe buai,
ichiba wã'ãe ðuu Dach Akõreba joma deaideeba.

^{VI}¹⁰ Nechiruabarii neebarii oeja chiruai baita, beai bai-
ta maude baribai baita. Maamina m̄ neesii, ëbërarã
ärea chokae nibadamera.

¹¹ »M̄ oeja nubarii bia niib̄. Chi oeja nubarii bia nii
ichi oeja kakua biui ðuu. ¹² Maamina ababa chi nejarra
kakua oeja nu ðuaruuburã, usa kachirua neeruude oe-
ja duanupeda miru wãi. Oeja ichidiwãdeeba biawãra
nukau. Maude usa kachiruaba oeja aba kaa adauru-
ude waabenarã jãichoabadau. ¹³ Mau ëbëra miru
wãbarii aba chi nejarra kakúaburu oeja nubariideeba.

Ichiba kãrisiakau oeja bi'ia panadamera.

¹⁴ »M̄ oeja nubarii biab̄. Mũderã kuitaa ðuu, chi
oeja nubariiba ichi oeja kuitaa ðuu kãra. Maude maarã-
ba m̄ kuitaa panuu. ¹⁵ Ara mau kãra m̄ Chachaba

^{IV} ^{10:3} Ezequiel 34:11-31. ^V Dach Akõrede ijãabadaurãba.
Griego bedea naka ðu kubuu: oejarãba. ^{VI} Griego bedea naka
ðu kubuu: Ichi eda wãi, awara wãi maude sirua unui.

I 9:29 Éxodo 33:11. II 9:31 Salmos 66:18; Proverbios 15:29.

III Chi ëbëra Ba Buadã. Griego bedea naka ðu kubuu: Dach Akõre Warr.

IV 10:3 Ezequiel 34:11-31. V Dach Akõrede ijãabadaurãba.
Griego bedea naka ðu kubuu: oejarãba. VI Griego bedea naka
ðu kubuu: Ichi eda wãi, awara wãi maude sirua unui.

mɛ kuitaa ɓuu maude mɛɓba mɛ Chacha kuitaa ɓuu. Mɛ michi oeja kakua biui ɓuu. ¹⁶ Mɛɓba oeja june ua ɓuu nau oeja nubadaumarebenawaɛ. ^I Maarã siɗa mɛɓba eɗa adooi. Ɔchiba mɛ beɗeaa ijãaɗai. Maka joma ɗbuu panaɗai. Maude ɗchi nubarii aba ɓuui.

¹⁷ »Mɛ Chachaba mɛ kŭria ɓuu, ara mɛ ida beabi-ideeba. Maabae waya chokae jiradui. ¹⁸ Mɛɓba mɛ ida beabiwɛɛɓrã abau biɗa mɛ poyaa beaɗaabei, maamina mɛ biui mɛɓba maka kŭria ɓuuɗeeba. Mɛ biupeɗa poyaa chokae jiradui. Mɛ Chachaba mɛɓmaa maka waubisii».

¹⁹ Mau beɗeaa ũriiduude judiorã waya chiya a'awaraa berrea kopaneesidau. ²⁰ Ɔreaba jarasidau: «Jãu ɛbɛra-ba jai kachirua uru ɓuu. Jãu kŭrawãe ɓuu. ¿Sakãe jãu beɗeaa ũriɗaima?»

²¹ Maamina waabenarãba jarasidau: «¿Chi jai kachirua uru ɓuuba maka berreakau! Makarã ¿jai kachiruuba dau pãriu nuree aribiabibarika?»

Judiorãba Jesús ida ɓupeɗaada

²² Mau ewaride judiorãba Jerusalende kŭrajuu bara ɓuubararii ewari waubachidau. Ɔchiba kŭraba panasidau Dachii Akõre de mechiu ichi baita awara ɓupeɗaada. Kŭrasãa ewaride, ^{II}²³ Jesús nibasii Dachii Akõre de mechiu ɗbudare, Pórtico Salomón abachidau. ²⁴ Maka ɓuuɗe chi nuree judiorãba Jesús aɗu orodapeɗa idesidau:

—Aba ¿sakaɗaa bichiba dai kŭrisia adua ua ɓuaima? Bichi Dachii Akõreba Dachii Karibabarii deai jaradaburã, daimaa abaeɗe jarase.

²⁵ Jesusba panausii:

—Mɛɓba machimaa jarasii maamina ijãaɗawãe panuu. Joma mɛ Chacha trũɗeeba waubararii mauba arakunde unubi ɓuu mɛ kai ɓuu. ²⁶ Maamina machiba ijãaɗakau, mɛ oejarãwãeɗeeba. ²⁷ Mɛ oejarãba mɛ mimi kauwa kuitaa panuu. Mɛɓba ɗchi unubararii. Maudeeba ɗchiba mɛ baara wãbadau. ²⁸ Mɛɓba jãarã Dachii Akõre ome ewaricha chokae ɓuabiabarii. Ewari aba biɗa wã'ãeɗaabei maude abau biɗa mɛ juadebena poyaa juakaa adaɗaabei. ²⁹ Mɛ Chachaba jãarã mɛɓmaa deasii. Ichi jomaurã audeara chi mechiu nii. ^{III} Abau biɗa ɗchi mɛ Chacha juadebena poyaa juakaa adaɗaabei. ³⁰ Mɛ, mɛ Chacha ome arabau niɗau.

³¹ Maudeeba judiorãba waya mo adoesidau ichi ɓata beaɗai baita. ³² Maude Jesusba jarasii:

—Mɛ Chachadeeba ɗrea ne bia machimaa unubiasii. ¿Sãu ne bia wauɗa kakua mɛ mooba ɓata beaɗaima?

^I Mɛɓba oeja june ua ɓuu nau oeja nubadaumarebenawaɛ. Mau berreadeeba Jesusba jara ɓuasii judiowãerã biɗa ichide ijãaɗai.

^{II} Judiorãba mau ewari Janucã abadau. Añocha diciembreɗe waubadau. Kŭrababadau Judas Macabeo abadauba Dachii Akõre de mechiu waya bi'ia ɓuɗa. Makasii 164 años Jesús ɓuui naeɗe.

^{III} Mau griego beɗeade arakunde ɓuuwãe. Waabenarãmaarã naka jara ɓuu «Mɛ Chachaba mɛɓmaa deaɗa ne joma kãyabãra chi mechiu ɓuu».

³³ Judiorãba panausidau:

—Daiba bichi mooba ɓataɗaabei ne bi'ia wau ɓuu kakua, maumaarã ɓataɗai bichi ɛbɛra niikaude ara Dachii Akõre a ɓuuɗeeba. Mauba bichiba Dachii Akõre ɗrɛbena kachirua jara ɓuu. ^{IV}

³⁴ Jesusba jarasii:

—Machi Moisesba ɓuɗade naka ɓu kubuu: «Mɛɓba jarasii machi dachii akõrerã». ^V³⁵ Dachiba kuitaa panuu Dachii Akõre beɗeaa ewaricha biawãrabu. Dachii Akõreba mau ɛbɛrarãmaa «Machi dachii akõrerãbu» asiide ³⁶ ¿sakãe mɛɓba ichi ɗrɛbena kachirua jarasii a panu-ma, mɛɓba bari ichi Warr a ɓuasiiɗeeba? Dachii Akõreba mɛ ara ichi báitaburu awara ɓusii maude nau iu-jãaɗaa ɓusii. ³⁷ Mɛ Chachaba wau ɓuu mɛɓba wauwãe ɓuuburã, mɛ beɗeaa ijãsturu. ³⁸ Maamina ichi-ba wau ɓuu mɛɓba wau ɓuuburã, mɛɓba jara ɓuu kakua machiba ijãaɗawãe panumina mɛɓba wau ɓuu kakua ijãsturu. Maka machiba biawãra kuitaɗai mɛ Chacha mɛ ome nii maude mɛ, mɛ Chacha ome nii.

³⁹ Maude ɗchiba waya Jesús jidau adoɗeai kŭria panasidau, maamina ɗchi juakaa wãsii.

⁴⁰ Mau maaɗakare Jesús waya Jordán do kŭraa wãsii Juan chi Boro Ebariiba naeɗe ɛbɛrarã boro ea ɓuɗamaa. ^{VI} Jesús aria beesii. ⁴¹ Maka ɓuuɗe ɗrea ɛbɛrarã ichimaa wãbachidau. Ɔchi chiya naka jarabachidau: «Juanba ɛbɛrarãba ne poyaa wauɗakau wauka basii maamina joma ichiba nau Jesús ɗrɛbena jaraɗa biawãrabu».

⁴² Aria ɗreaba Jesusɗe ijãasidau.

Lázaro biuɗa

11 ¹⁻² Mau ewaride ɛbɛra Lázaro abadau ɗrea ɛpermo ɓuasii. Mau Lázaro Betania puurɗebena basii. Ara mau puurɗe ichi neekaurã María maude Marta panasidau. Mau Mariaba Dachii Mechiu jŭruɗe kera eapeɗa ichi buɗaba poabisii. ^{VII}³ Maude Lázaro neekaurãba Jesusmaa jarade ɓusidau:

—Dai Mechiu, bichi kŭpaero ɗrea ɛpermo ɓuu.

⁴ Mau ũrisiide Jesusba jarasii:

—Mau ɛpermo ɓuuba Lázaro biubai. Maumaarã mauba ɛbɛrarãba kuitaɗai Dachii Akõre maude ichi Warr ome chi mechiurã.

⁵ Jesusba Lázaro maude chi neekaurã ɗrea kŭria ɓuasmina, ⁶ Lázaro ɗrea ɛpermo ɓuu kuitaasiide maucha ewari ome beesii ichi ɓuɗamaa. ⁷ Mau maaɗakare ichi baara nibabadaurãmaa naka jarasii: —Wãuriduru waya Judeaɗaa.

⁸ Maudeeba ichi baara nibabadaurãba jarasidau:

—Jaradeabarii, ewari ɗrea bawãe Judeaɗebenarãba bichi mooba ɓata bea kŭria panaɗa. ¿Bichi waya ma-maa wãaruka?

^{IV} 10:33 Levítico 24:14-16. ^V 10:34 Salmos 82:6. ^{VI} 10:40 Juan 1:28. ^{VII} 11:1-2 Juan 12:3.

⁹ Jesusba jarasii:

—¿Ewari aba 12 hora buuwäeka? Äyadaa niide jüru drukau, ichiba üdaa nau iujädeebena unu buudeeba.

¹⁰ Maamina esabude nii jüru drubarii, üdaawäe buudeeba.

¹¹ Maka jarapeđa Jesusba waya jarasii:

—Dachi köpaero Lázaro käi nuuu maamina müüba mau ürumade wāruu.

¹² Maude Jesús baara nibabadaurāba ichimaa jarasidau:

—Dai Mechiu, mau käi nuuburā aribiai.

¹³ Jesusba mau jaradaba Lázaro biüda ürubena berrea buasii, maamina ichi baara nibabadaurāba kürisiasidau Lázaro käi nuuu ürubena berrea buu.

¹⁴ Maabae Jesusba arakude jarasii:

—Lázaro busii. ¹⁵ Mü aria buabasiideeba mü kirjüü buu, mau kakua machiba mü bi'ia ijädaideeba. Waya ichimaa wāduru.

¹⁶ Maude Tomás, Mikisu abadau buasii. ^I Mauba waabenarā Jesús baara nibabadaurāmaa jarasii:

—Judeadaa wāda dachi sida beadamera.

Biudarā Jesusba chokae jiradubiai

¹⁷ Betania puurude neesiide Jesusba kuitasii Lázaro jau bupedaada ewari kimare basii. ¹⁸ Betania puuru Jerusalendeeba ara kaita buasii. ^{II}¹⁹ Maudeeba judiorā ärea imisidau Marta maude María kīra chuburiada baita, ächi neewau busiideeba. ²⁰ Maka panuude Martaba kuitasii Jesús neeruu. Ara makude mau irsibide wāsii. Maude María dede beesii. ²¹ Martaba Jesús unusiide jarasii:

—Mü Mechiu, bichi nama buada basirā mü äba biubai basii. ²² Maamina müüba kuitaa buu joma bichiba Dachī Aköremaa idiiruu ichiba wau.

²³ Jesusba ichimaa jarasii:

—Bichi äba chokae jiradui.

²⁴ Maude Martaba jarasii:

—Maerā, müüba kuitaa buu mau kaadebena ewaride biudarā chokae jiraduuduude, mau sida chokae jiradui. ^{III}

²⁵ Jesusba jarasii:

—Mü biudarā chokae jiradubiabarii maude chokae buai deabarii. Barikiuba müude ijāruuburā, biurumi-na ewaricha Dachī Aköre ome chokae nibai. ²⁶ Chi müude ijāa nii, mü kakua chokae buudeeba biukaraa nibai. ¿Bichiba mau ijāa buka?

²⁷ Maude Martaba panausii:

—Maerā mü Mechiu, müüba ijāa buu bichi Dachī Aköre Warr, Dachī Aköreba Dachī Karibabarii deai jarada, nau iujāde neei buada.

^I Mikisu. Griego trü Dídimo jara buu «mikisu». ^{II} Ara kaita buasii. Griego bedeade mü kubuu: 15 estadia. Mau kilómetro öbea kīra buu. ^{III} 11:24 Isaías 26:19; Daniel 12:1-3.

Jesús Lázaro kakua jēada

²⁸ Makapeđa Marta wāsii ichi neekaumaa. Maabae chüpea jarasii:

—Chi Jaradeabarii nama buu. Ichiba bichimaa ne jara kīria buu.

²⁹ Mau ürisiide María jiradupeđa Jesús buumaa isa wāsii. ³⁰ Jesús puurude wāwēa buasii. Wabiđa Marta chi Jesús ome unadamare buasii. ³¹ Judiorā María dede panasidau ichi kīra chuburiada baita. Maude ichi isa jiradupeđa awara wāruu unusidau. Lázaro jau bupedaadamaa jēade wāruu a kürisiasidaudeeba, kaade wāsidau.

³² María Jesús buumaa neesiide maude ichi unusiide jürü kaita ödarrde kobeesii. Maude jarasii:

—Mü Mechiu, bichi nama buada basirā, mü neewau biubai basii.

³³ Jesusba María jēaruu maude judiorā chi mau ome neepedaada sida jēaduu unusiide ächi kakua ärea jirukaraa, kīru kubuuba iyaabasii. ^{IV}³⁴ Maabae idisii:

—Mau ¿sama jau busidama?

Ächiba panausidau:

—Dai mechiu, ichiade wāda.

³⁵ Jesús jēasii. ³⁶ Maka buude judiorā aria panuuba jarasidau:

—Ichiästuru jāuba Lázaro saka kīria buasii.

³⁷ Maamina waabenarā chi nureeba jarasidau:

—Nau dau päriu nuree aribiabidaba ¿sakäe poyaa karibaabasma Lázaro biubiimaaba?

Jesusba Lázaro chokae jiradubida

³⁸ Jesús wabiđa kīru buude Lázaro mo chobeade nubupedaadamaa neesii. Chi eda wābadau mooba jūa kubuasii. ³⁹ Maude Jesusba jarasii:

—Jāu mo äyaa burāsturu.

Marta, chi biüda neekauba Jesusmaa jarasii:

—Mü Mechiu, jāu biüda ewari kimare baaruudeeba mikia kubuēka.

⁴⁰ Maamina Jesusba jarasii:

—¿Müüba jaraabaska bichiba biawāra ijāruuburā, Dachī Aköre chi mechiu nii unui?

⁴¹ Maka buude ebērarāba chi mo äyaa buraasidau. Maabae Jesusba ütaa ichiapeđa jarasii:

—Chacha, müüba bichimaa bi'ia jarai müüba ütaa idida ürisiideeba. ⁴² Müüba kuitaa buu bichiba mü bedeä üri buabarii, maamina müüba nau jarasii naarā ebērarāba kuitaamera bichiaburu mü busii.

⁴³ Maka jarapeđa Jesusba jīwa jarasii:

—¿Lázaro, awara neese!

^{IV} Ächi kakua. Waabenarāmaarā Jesús jirukarasii ächiba ijādaabasiideeba ichiba Lázaro chokae jiradubii. Waabenarāmaarā Jesús jirukarasii nau druade ebērarā biubadau, kakua kachirua nureabadau maude kachirua waubadaudeeba.

⁴⁴ Ara makude Lázaro biu buada awara neesii. Ichi jua, chi jürü wabida paruba büra buasii. Maude ichi kiedarr paruba büra buasii. Maude Jesusba jarasii: —Enadapeda ida büisturu.

Judioräba Jesús beada jürüpedaada

Mateo 26:1-5; Marcos 14:1-2; Lucas 22:1-2

⁴⁵ Ärea judiorä María baara wäpedaadaräba un-usidau Jesusba wauä. Maudeeba ächiba ijäsaidau. ⁴⁶ Maamina chi Jesusba wauä chi nuree fariseorämaa jarade wäsaidau. ⁴⁷ Maudeeba fariseorä maude paare mechiurä ome araa äbua imidai jarasidau. ^I Naka jarasidau:

—Dachiba ¿saka wauäma? Mauba ebëraräba ne poyaa wauäkau ärea wau buu. ⁴⁸ Ichi ida nibabiidu-uburä jomauräba ichide ijäadai. Maka Romadebena kokoroarä imidapeda, ächiba Dach Aköre de mechiu äridai maude joma dachi judiorä sida kenadai.

⁴⁹ Aria aba Caifäs abadau buasii. Mau nau añaode paare mechiu basii. Mau Caifasba jarasii:

—¡Machi kürisiaswäe nuree! ⁵⁰ Romadebenaräba joma dachi judiorä beada käyabära bi'ia buu ebëra aba jomaurä kakua biui.

⁵¹ Caifasba ara ichi kürisiädeeba maka jarawëa buasii. Maumaarä ichi paare mechiu niideeba Dach Akörëburu ichimaa jarabisii Jesús joma judiorä kakua biui buu. ⁵² Maamina ababuru judiorä baita biubai basii, maumaarä joma Dach Aköre warrarä nau iu-jäade drua didiwaraacha nuree, ara puuru abauäde du-anui baita. ^{III53} Paare mechiuräba beäde deasidau mau ewariädeeba Jesús saka beada jürüädi.

⁵⁴ Maudeeba Jesús judiorä täede ärea nibaka basii, maumaarä Judeädebena äyaa wäsii. Efraín puuruäde ichi baara nibabadaurä baara buäde wäsii. Mau puuru drua sirua wä'äe buu kaita buu. ^{III}

⁵⁵ Judiorä Pascua ewari ürü ba buasii. Mau bari panabadau ewariädeeba puuruchädebenarä Jerusalendäa wäsaidau ächiba waubadau kïra wau panuudeeba Dach Aköre daäde bi'ia nureadai baita. ^{IV56} Mau ewariäde ebëraräba Jesús jürü nibasidau. Dach Aköre de mechiu duä äbua panuude idibachidau: «Machi-maarä ¿ichi nau kïrajüü bara buabarii ewari waubadaude neeibaaka?»

⁵⁷ Maamina paare mechiuräba maude fariseoräba jarasidau barikiuba Jesús neesii kuitaaduuburä jaradai buu ichi jidauäamera.

^I Ara äbua imidai jarasidau. *Kajuma beädeäde bu kübüu: Concilio maeburä Consejo.* ^{II} 11:52 *Isaías 11:12; Jeremías 23:3; Miqueas 2:12.* ^{III} *Efraín puuru Jerusalendäeewa ewari aba buasii.* ^{IV} *Bari panabadau ewari wauädi naäde judioräba ne waubachidau Dach Aköre daäde bi'ia nureadai baita. Aba bida ebëra biüda wauruuburä, 7 ewari Dach Aköre daäde kachirua beebachii. Maudeeba ne wau buasii. Maka wauwëeburä bari panabadau ewari waukau buasii. Números 19:16-22; 2 Crónicas 30:13-21.*

Mariaba kera Jesús jürü ürü eada

Mateo 26:6-13; Marcos 14:3-9

12 Judiorä Pascua ewari neei bai baita wabida 6 ewari buude Jesús Betania puuruäda wäsii Lázaro buabariimaa. Mau Lázaro Jesusba chokae jiradubida basii. ² Aria Jesusäde kïrabäpeda ichimaa chiko bia kobisidau. Martaba deädeka buasii maude Lázaro waabenarä baara Jesús ome komaa buasii. ³ Maka panuude Mariaba nardo keraara chi nejarr ärea idibadau bötia kirkabüa nubüu adoepeda Jesús jürüde easii. ^V Maabae ichi budaba poabisii. Mau kera-ba de joma tuwaa nubeesii. ⁴ Maude Jesús baara nibabarii aba buasii Judas Iscariote abadau. Judasba Jesús jidaubii buasii. Mau Judasba jarasii:

⁵ —Jäu kera chi nejarr ärea idibadau. ^{VI} ¿Sakäe jäu kera nedobüibasma, chi nejarr barauwäe nureemaa deädekai baita?

⁶ Maamina ichiba maka jaraabasii chi nejarr barauwäe nuree äidai kürisia buasiideeba, maumaarä maka jarasii nechiruabariideeba. Ächi chi nejarra nubadau üabisa ichiba uru buabachii maamina maudebena chiruabachii. ⁷ Maude Jesusba jarasii:

—Nau wëra ida büse. Jäuba nau kera uru buasii mü jau buädi ewari baita. ^{VIII8} Chi nejarr barauwäe nuree ewaricha machi täede panadai, maamina mü machi baara ewaricha buabai.

Lázaro beada baita beäde deapedaada

⁹ Judiorä äreaba Jesús Betania puuruäde buu kuitaasidädeeba ichi ichiäde wäsaidau. Mau awara Lázaro, Jesusba chokae jiradubida sida ichiäde wäsaidau. ¹⁰⁻¹¹ Lázaro chokae jiraduä kakua judiorä äreaba paare mechiurä ida buäpeda Jesusäde ijäsaidau. Maudeeba paare mechiurä beäde deasidau Lázaro sida beada baita.

Jerusalendebenaräba Jesús irsibipedaada

Mateo 21:1-11; Marcos 11:1-11; Lucas 19:28-40

¹² Norema ebërarä ärea kïrajüü bara buabarii ewari wauädi baita Jerusalendäa neepedaädeeba kuitasidau Jesús Jerusalendä neeruu. ¹³ Maudeeba ächiba meme kiruu totoäpeda ichi irsibide wäsaidau. Maabae jïwa jarasidau:

«Ärea bi'ia nii! ^{VIII} Ärea bi'ia nii chi Dach Mechiu trüdeeba neeruu! ¡Bi'ia nii Israeldebena Rey!»

¹⁴ Maude Jesusba mura cheke unusiäde mau ürü atausii. Makasii Dach Aköre beädeäde jara buu kïra:

^V *Kirkabüa. Libra aba maeburä medio litro maeburä 300 gramos.* ^{VI} *Chi nejarr ärea idibadau. Griego beädeäde naka bu kübüu: 300 denario wäyaa. Ebëra aba año aba trajai buasii mau chi nejarra adau baita.* ^{VII} *Jäuba nau kera uru buasii mü jau buädi ewari baita. Griego beädeäde mau chaarea buu bi'ia üridamera.* ^{VI-II} *Ärea bi'ia nii! Mau arameo beädeäde jarabadau «Hosanna».*

15 «Sión puuruðebenarã wapearãsturu. Ichiãsturu, machi Rey burro cheke ñru neeruu». I

16 Jesús baara nibabadaurãba mau unu panumina kuitaadaabasii. Maamina Jesús chokae jiradupeða ba-
jãaæaa wãðakãreburu kuitaasiðau Dachii Akõre
bedeade ichi ñrubena naede buða joma biawãra
makasii.

17 Jesusba Lázaro chi jau ñubadaumarebena awara
uruba asiide, mau chokae jiradubisiide, ëbërarã aria
ãrea duanasidau. Mau maadãkare ãchiba unupeðaada
neburubachidau. 18 Jesusba mau ëbërarãba ne poyaa
wauðakau wauða ãreaba ñrisidau. Mauðeeba ichi
irsibide wãsidau. 19 Mauðe fariseorã chiya berrea bara
besii: «¡Ichiãsturu! Joma ichi kaade wãadu. Mauðee-
ba chi dachiba ichi ñrubena kãrisiapedaada mau poy-
aa wauðaabai».

Jesusba ichi beadaï jarada

20 Mau kãrajuu bara ñubararii ewari waumaa panu-
ude chi nuree griegorã Dachii Akõremaa bi'ia berread-
ai baita Jerusalemde neesidau. 21 Maarã Filipemaa
wãsidau. Mau Felipe Galileade ñuu puuru Bet-
saidadebena basii. Æchiba Filipemaa jarasidau:

—Daiba Jesús unu kãria panuu.

22 Mauðeeba Felipeba Andresmaa jarade wãsii.
Maaba ãchiba Jesusmaa jarasidau. 23 Mauðe Jesusba
jarasii:

—Chi ewari basii. Dachii Akõreba mu, chi Èbëra Ba
Buaða chi Mechiu ñui. 24 Muuba biawãra jaraaru: tri-
go taa ioroðe ñeeruuwãebërã mauðe biuruubërã, istu
beebarii. Maamina mau taa biuða kãra ioroðe beeru-
ubërã, tonopeða ãrea chaubararii. 25 Ara mau kãra a-
ba nau iujãade ara ichi bi'ia ñuui kãrisia ñuubërã, mau
poyaabai. Maamina nau iujãade bi'ia chokae ñuui kãri-
awëebërã, mau Dachii Akõre ome ewaricha chokae
ñuui. 26 Barikia mu baita bari trajabarii ba kãria ñu-
ubërã, mu baara nibai ñuu. Mu wãaruumaa, mu baita
bari trajabarii sidã wãï. Barikiu mu baita bari trajabari-
ibërã, mu Chachaba mau chi mechiu ñui.

27 »Biawãra mu ãrea kãra nomaa ñuu. ¿Muuba kãare
jaraima? "¿Chacha, mu bi'iwãe ñuui ñuudebena karib-
ase aika"? Maka jaraabai mu mau kakua needadeeba.
28 Maumaarã jaraaru: Chacha, mauba jomaurãmaa
kuitabiase bichi chi Mechiu nii.

Ara mauðe ëbërarã aria panuuba bedeaa bajãadebe-
na ñrisidau. Mau bedeaba jarasii: «Muuba naede
kuitabiasii mu chi Mechiu nii mauðe waya kuitabi-
ai».

29 Mau bedeaa ñrisidauðe chi nureerãba jarasidau bã
tosii. Mauðe chi nureerãba jarasidau:

—Angelba Jesusmaa berreasii.

I Jeruslén puuru Sión puuru eade ñuu. Zacarías 9:9; Isaías
40:9-10; Sofonías 3:14-17.

30 Mauðe Jesusba jarasii:

—Mau bedeaa mu baitawãe basii. Maumaarã machi
baita basii. 31 Jãabae Dachii Akõreba kuitaabiuru nau
iujãadebenarãba kachirua wau panabadau. Jãabae
Dachii Akõreba poyaa duabuiruu chi nau iujãadebe-
narã rey, chi jubaawãe nii. 32 Mu ñuui jirabuuduude
muuba jomaurã adooi muude ijãadamera.

33 Maka jarasii ichi cruze jirabu bedeaa kuitabiari
baita. 34 Èbërarã aria panuuba Jesusmaa jarasidau:

—Moisesba beadaeeba daiba kuitaa panuu Dachii
Akõreba Dachii Karibabarii deai jarada biukaraa nibai.
Bichiba ¿saka jara ñuma chi Èbëra Ba Buaða ñuui
jirabudai? Mau chi Èbëra Ba Buaða ¿kaima?

35 Jesusba jarasii:

—Nau ñuuda machi baara ãrea ñuubai. Mauðeeba
ñuuda nibãsturu ichi machi baara ñuumisa, pãriude
panaadaabayua. Chi pãriude nibabarii kawakau samaa
wãaruu. 36 Ñuuda machi tãde uru panuumisa mau
ñuuda ijãsturu ëbërarã ñuudaebena nureadamera.

Mau bedeaa jarasiide Jesús wãpeda mirusii.

Judiorãba wabiða Jesusde ijãadaabada

37 Jesusba ëbërarãba ne poyaa wauðakau ëbërarã
ãrea daade wausmina ãchiba wabiða ijãadaabasii.

38 Dachii Akõre baita berreabarii Isaiasba jarada kãra
biawãra makasii. Naka jarasii:

«Dai Mechiu, ¿daiba jarapedaada kaiba ijãasma?
¿Kaimaa bichi poyaabarii kuitaabisma?» II

39 Mauðeeba ãchiba poyaa ijãadaabasii, Isaiasba
jarada kãra:

40 «Muuba ãchi dau pãriu nuree kãra ñusii mauðe sã
chaarea ñusii

ãchi dauba unu panumina kuitaarãadamera mauðe
ñri panumina sãdeeba ñrirãadamera.

Maka panuudeeba muumaa needakau muuba aribi-
abiamera». III

41 Isaiasba ichi kartade maka ñusii Jesús chi Mechiu nii
unusiideeba. IV Mauðe mau ñrubena berreasii. V

42 Isaiasba maka ñusmina ãrea judiorã mauðe paare
mechiurãba Jesusde ijãasidau. Maamina waabenarã-
maa mau jaradaabasii. Wapea panasidau fariseorãba
ãchi araã ãbuua imibadau dedebena duabidai.

43 Dachii Akõreba ãchi ñrubena bi'ia berreai audeara
mau judiorãba kãria panasidau ëbërarãba ãchi ñruben-
na bi'ia berreadai.

Dachii Akõreba Jesús berreadaba ëbërarã kastikai

44 Maaba Jesusba jãwa jarasii: «Chi muude ijãa ñu-
ba mu buida sidã ijãa ñuu. 45 Chi unu ñuuba chi mu
buida sidã unu ñuu. 46 Mu nau iujãadaa ñuuda kãra

II 12:38 Isaías 53:1. III 12:40 Isaías 6:10. IV Chi Mechiu nii un-
usiideeba. Juan kartade mau jara ñuu Jesús cruze biupeða jiradusii.
V 12:41 Isaías 6:1-5.

neesii chi m̄ude ijāaduu p̄riude nurearādamera. ⁴⁷ Ababa m̄u beḁea ūripeda ijāawēeburā, m̄uuba ichi kastikaabai, m̄u nau iujāade nuree kastikai baita neewēdeeba. M̄u nau iujāade nuree karibai baita neesii. ⁴⁸ Maamina chi m̄u ida b̄uu b̄uuba, m̄u beḁea ūri k̄riawēeba, mau Dachī Akōréburu kastikai. Kaḁebena ewariḁe Dachī Akōreba kuitaabii mau m̄uuba jarada beḁea ijāabasiideeba. ⁴⁹ M̄u ara michideeba berreakau. M̄u Chacha, chi m̄u buidaba m̄uuma jarasii kāare jarai b̄uu mauḁe saka mau beḁea jarai b̄uu siḁa. ⁵⁰ M̄uuba kuitaa b̄uu mau waubi b̄uu beḁeaba ēbērarā ichi baara ewaricha chokae duanabai. Mauḁeeba m̄u Chachaba m̄uuma jarada k̄ira m̄uuba berrea b̄uu».

Jesusba ichi baara nibabadaurā j̄r̄u jeraada

13 Pascua ewari bai naede Jesusba kuitaa b̄uasii ichi ewari neeruu. Kuitasii nau iujāa b̄uipeda ichi Akōremaa wāi. Jesusba joma ichiḁirā nau iujāade nuree ārea k̄ria b̄uasiideeba ichiba mau k̄ria unubiasii aba ichi biuruu ewariḁaa.

² Ēsabuḁaa baaruḁe komaa panasiḁau. Mau naede j̄ubawāe niiba Simón warr Judas Iscariote sōḁe k̄risiabisii Jesús jidaubii baita. ³ Jesusba kuitaa b̄uasii ichi Akōreba ne joma ichi juade b̄usii, mauḁe kuitaa b̄uasii ichi Dachī Akōredebena needa mauḁe waya ichimaa wāi b̄uu. ⁴ Maamina āchi kewarāa komaa panuḁe jiraduḁe ichiba anabari j̄barii ēesii. Maabae kakua poabarii adaḁe kurreḁe j̄s̄ii. ⁵ Kuuruḁe bania jui adaḁe ichi baara nibabadaurā j̄r̄u jeraasii. Āchi abaaba jeraḁe āchi j̄r̄u mauḁe chi kakua paru poabariiiba poakuasii.

⁶ Jesusba Simón Pedromaa neeruḁe Pedroba jarasii:

—M̄u Mechiu, ¿bichiba m̄u j̄r̄u jeraaruka?

⁷ Jesusba panausii:

—M̄uuba wau b̄uu bichiba anakude kuitaawēeburā maamina jāḁakare kuitaai.

⁸ Maamina Pedroba jarasii:

—M̄u j̄r̄u bichiba ewari aba biḁa jeraabai.

Jesusba jarasii:

—M̄uuba bichi j̄r̄u jeraawēeburā, bichi m̄uudewāe.

⁹ Mauḁeeba Simón Pedroba jarasii:

—Maka b̄uuburā, m̄u Mechiu, m̄u j̄r̄uturu jeraarāse, j̄maumaarā m̄u jua mauḁe m̄u boro siḁa jeraase!

¹⁰ Mauḁeeba Jesusba jarasii:

—Ēbēra kuidakare ichi j̄r̄u waa jeraabai b̄uu ichi kakua joma bi'ia jeraasiideeba. Machi joma jeraa nuree, maamina aba jeraawēa b̄uu.

¹¹ Jesusba kuitaa b̄uasii kaiba ichi jidaubii b̄uu. Mauḁeeba jarasii: «Aba jeraawēa b̄uu».

¹² Āchi j̄r̄u jeraakuasiide Jesusba waya ichi anabari j̄barii j̄s̄ii. Maabae waya kobadaumare ak̄u beḁeḁa jarasii:

—¿Kuitasiiḁa sakāe m̄uuba machi j̄r̄u jeraasii?

¹³ Machiba m̄uuma “m̄u Jaradeabarii” abadau mauḁe “m̄u Mechiu abadau”. Biawāra arakude jara panuu, m̄u maka niideeba. ¹⁴ M̄u chi Mechiuba mauḁe machimaa Jaradeabariiiba, machi j̄r̄u jeraasiideeba machia biḁa chiya j̄r̄u jeraadai panuu. ¹⁵ M̄uuba jāka unubiasii machi chiya aiḁadamera. ¹⁶ M̄uuba biawāra jaraaruu: Chi chibari baita bari trajabarii aba biḁa ichi chibari audeara mechiu niwāe. Chi ichi buiḁa chi buiḁa audeara mechiu niwāe. Bari trajabariiiba waubarai k̄ira m̄uuba waubariideeba, machia biḁa ara mau k̄ira wauḁai panuu. ¹⁷ ¿Ūrisiḁa? Maka wauduburā biawāra bi'ia panadai.

¹⁸ »M̄uuba mau joma machimaa jarawēa b̄uu, m̄uuba j̄r̄u adaḁarā saka nuree kuitaa b̄uudeeba. Dachī Akōre beḁeḁe b̄u kubuu k̄ira biawāra makamera m̄uuba jaraaruu: “Chi m̄u baara ko b̄uadā m̄u k̄iramaa beesii”. ¹⁹ M̄uuba anakude mau jaramaa b̄uu mau makai naede, biawāra makaaruḁe machiba M̄uude ijāadamera. ²⁰ M̄uuba biawāra jaraaruu: m̄uuba buiruu abauba bi'ia irsibiiruuburā m̄u bi'ia irsibiiruu. Mauḁe m̄u bi'ia irsibiiruuba m̄u buiḁa bi'ia irsibiiruu».

Jesusba Judas ūrubena jarada

Mateo 26:20-25; Marcos 14:17-21; Lucas 22:21-23

²¹ Maka jarapeḁa Jesús ārea k̄ira nomaa beesii. Maabae jarasii:

—M̄uuba biawāra jaraaruu: aba machidebenaba m̄u jidaubii.

²² Ichi baara nibabadaurā āchi chiya ichia bara beesii, Jesusba sāu jarada adua panuḁeeba.

²³ Maarādebena aba chi Jesusba ārea k̄riabarii, ichi jākaa ak̄u b̄uasii. ²⁴ Simón Pedroba dauḁuba jara kubuuba, maumaa jarasii Jesusmaa kai ūrubena jara b̄uu iḁimera. ²⁵ Maabae chi Jesús jākaa ak̄u b̄uuba iḁisii:

—Dai Mechiu, ¿kaiba bichi jidaubiima?

²⁶ Jesusba panausii:

—M̄uuba pan paratuḁe s̄urapeḁa dearuu, mau ichib̄u.

Ara makude pan s̄urapeḁa Jesusba Simón Iscariote warr Judasmaa deasii. ²⁷ Judasba mau koḁakare Santánas juade beesii. Mauḁe Jesusba Judasmaa jarasii:

—Bichiba wau b̄uu isa wause.

²⁸ Maamina chi komaa panuuba kuitaḁaabasii Jesusba sakāe maka jarasii. ²⁹ Judasba āchi chi nejarra pebadau ūbisa uru b̄uabachii. Mauḁeeba waabenarā-

I 13:18 Salmos 41:9. II 13:19 Isaías 43:10. III Ichi jākaa ak̄u b̄uasii. Griego beḁeḁe b̄u kubuu: Jesús pechumaa s̄iu ak̄u kubuu. Judiorā Pascua ewariḁe maka kobachiḁau. Aba chi Jesusba ārea k̄riabarii. Juanba ara ichi maka jarabachii.

ba k̄risiasida Jesusba chi bari panabadau ewari baita nedob̄imera jarasii maeb̄ur̄ā chi nejarr barauw̄e nureer̄amaa deade w̄amera. ³⁰ Judasba chi pan adaupēda ara makude awara w̄asii. Mau ēsabudea ba b̄uasii.

Jesusba waubi b̄uu bedea w̄id̄i

³¹ Judas w̄ad̄akare Jesusba jarasii:

—J̄āab̄eburu Dach̄i Ak̄oreba unubiai m̄, chi Ēb̄era Ba B̄uāda chi mechiu nii. Mau awara m̄udeeba Dach̄i Ak̄oreba unubii ichi chi mechiu nii. ³² M̄, chi Ēb̄era Ba B̄uādaba Dach̄i Ak̄ore chi mechiu nii unubiiru, Dach̄i Ak̄oreba m̄ arabaūde chi mechiu unubii. Ichiba k̄ā'ābariw̄ēde mau unubii. ³³ Machi m̄ warrar̄ādeeba m̄uba jaraaru: m̄ machi baara k̄ā'ā b̄uabai. M̄uba judior̄ā mechiur̄amaa jarāda k̄ira j̄ābae anakude machimaa jaraaru: machiba m̄ jur̄udai, maamina m̄ w̄aruuma poyaa w̄ādaabai. ^I

³⁴ »M̄uba waubi b̄uu bedea w̄id̄i machimaa jaraaru: ārea k̄iria nureásturu. ^{II} M̄uba machi ārea k̄iria b̄uu k̄ira machi sida arabaūde chiya k̄uriásturu. ³⁵ Maka chiya k̄iria duanuub̄r̄ā, jomaur̄aba kuitādai machi m̄ baara nibabadau».

Jesusba jarāda Pedroba ichi unukau ai

Mateo 26:31-35; Marcos 14:27-31; Lucas 22:31-34

³⁶ Simón Pedroba Jesusmaa id̄isii:

—Dai Mechiu, ¿bichi samaa w̄aima?

Maūde Jesusba panausii:

—Anakude m̄ w̄aruuma bichi poyaa w̄ābai, maamina j̄āad̄akare m̄ kaade w̄ai.

³⁷ Pedroba id̄isii:

—Dai Mechiu, ¿sak̄e m̄ bichi baara poyaa w̄ābaima? M̄ bichi baita biui b̄uu.

³⁸ Maūde Jesusba jarasii:

—¿Bichi m̄ baita biaw̄ara biui b̄uka? M̄uba biaw̄ara jaraaru: eterr birui naede bichiba bes õbea m̄ unukau ai.

Jesús chi dachi Ak̄oremaa w̄ad̄ai o

14 »Jirukaraa nurear̄ásturu. Chi Dach̄i Ak̄oreba wauruude maūde chi m̄uba wauruude ij̄ásturu. ² M̄ Chacha b̄uumare chi b̄uai ārea barau. M̄ machi naa w̄ai machi baita bi'ia wauyua. Makaw̄e basir̄ā m̄uba jaraabai basii. ³ M̄ mau bi'ia waūde w̄aruub̄r̄ā, waya neei machi uad̄oi baita m̄ ome nuread̄amera. ⁴ Machiba kuitaa panuu m̄ samaa w̄aru. Chi o sida kuitaa panuu.

⁵ Maamina Tomasba jarasii:

^I 13:33 Juan 7:33; 8:21. ^{II} M̄uba waubi b̄uu bedea w̄id̄i. Dach̄i Ak̄oreba waubi b̄uu bedea chi ch̄ora unubadau: Levítico 19:18; Deuteronomio 6:5.

—Dai Mechiu, adua panuu bichi samaa w̄aru. ¿Saka mau o kuitāad̄aima?

⁶ Maūde Jesusba jarasii:

—Mau o m̄ub̄. M̄udeeba Dach̄i Ak̄ore biaw̄ara unu panuu maūde chokae b̄uai uru panuu. M̄w̄ēb̄r̄ā aba bida m̄ Chachamaa poyaa neebai.

⁷ Machiba m̄ biaw̄ara unu panuub̄r̄ā, m̄ Chacha sida unu panuu. ^{III} J̄ābae machiba ichi kuitaa panuu unu panuudeeba.

⁸ Maūde Felipeba ichimaa jarasii:

—Dai Mechiu, Dach̄i Ak̄ore daimaa unubiāse. Mauba bi'ia b̄u aika.

⁹ Maūde Jesusba jarasii:

—Felipe, m̄ ārea baaru machi baara b̄uu. Bichiba m̄ ¿wabida unuw̄e b̄uka? Chi m̄ unubariiba m̄ Chacha sida unubarii. Bichiba ¿saka jara b̄uu “Dachi Ak̄ore daimaa unubiāse”? ¹⁰ ¿Bichiba ij̄āw̄e b̄uka m̄, m̄ Chacha ome b̄uu maūde m̄ Chacha m̄ ome b̄uu? M̄uba berrea b̄uu ara m̄udeeba berreakau. Maumaar̄ā m̄ Chacha m̄ ome b̄uba m̄udeeba berrea b̄uu. Biaw̄ara m̄udeeba ne joma waubar̄ii.

¹¹ Ij̄ásturu m̄, m̄ Chacha ome b̄uu maūde m̄ Chacha m̄ ome b̄uu. M̄uba maka jara b̄uu machiba ij̄āad̄aw̄e panuub̄r̄ā, m̄uba wau b̄uu kakua ij̄ásturu.

¹² M̄uba biaw̄ara jaraaru: barikiuba m̄ude ij̄ā b̄uub̄r̄ā, m̄uba wau b̄uu ichiba wau. Biaw̄ara m̄uba wau b̄uu audeara ichiba wau, m̄, m̄ Chachamaa b̄uade w̄ideeba. ¹³ Maka machiba m̄ude ij̄ā panuudeeba m̄ tr̄udeeba id̄iiduu m̄uba joma wau. Maka m̄udeeba jomaur̄aba m̄ Chacha jomaur̄ā audeara mechiu nii unud̄ai. ¹⁴ Biaw̄ara machiba m̄ude ij̄ā panuudeeba joma m̄ tr̄udeeba id̄iiduu m̄uba wau.

Jesusba Dach̄i Ak̄ore Jauri deai jarāda

¹⁵ »Machiba m̄ biaw̄ara k̄iria panuub̄r̄ā, m̄ waubi b̄uu bedea ij̄ā panad̄ai. ^{IV}¹⁶ Maūdeeba m̄ Chachamaa id̄ii machi Karibabarii b̄imera. Mau machi baara ewaricha b̄uai. ¹⁷ Ichi Dach̄i Ak̄ore Jaurib̄. Ichiba Dach̄i Ak̄ore biaw̄ara kuitaabiabarii. Nau iuj̄ādebenar̄āba ichi poyaa adaūdaabai, unud̄akaūdeeba maūde adua panuudeeba. Maūde machi aburu ichi kuitaa panuu, machi baara b̄uudeeba maūde machi s̄ode b̄uudeeba.

¹⁸ »M̄uba machi j̄eramara k̄ira b̄uiw̄e. M̄ waya machimaa neei. ¹⁹ K̄ā'ābariw̄ēde ēb̄er̄ar̄ā nau iuj̄ādebenar̄āba m̄ waa unud̄aabai maamina machiba m̄ unud̄ai. M̄uba chokae b̄uai uru b̄uudeeba, machia bida chokae b̄uai uru nuread̄ai. ²⁰ M̄ neeruude machiba kuitādai m̄, m̄ Chacha ome b̄uu,

^{III} Machiba m̄ biaw̄ara unu panuub̄r̄ā, m̄ Chacha sida unu panuu. Griego bedeade chi bee kartade b̄u kub̄uu: Machiba m̄ biaw̄ara unu panada basir̄ā, m̄ Chacha sida unu panad̄ai basii. ^{IV} Ij̄ā panad̄ai. Griego bedeade chi bee kartade b̄u kub̄uu: ij̄ā panásturu.

machi mɛ baara panuu maude mɛ machi baara ɓuu. ²¹ Chi mɛ waubi ɓuu bedea ũripeda wau ɓuuba mɛ kŕia ɓuu. Aɓauba mɛ kŕia ɓuuburã, mɛ Chachaba mau kŕia ɓuai. Maude mɛa biɗa mau kŕia ɓuai maude mɛ ichimaa unubii.

²² Maabae chi aɓabena Judas, Iscariotewãeba Jesus-maa idisii:

—Dai Mechiu, ɓsakãe bichi daimaa unubiama maamina nau iujãaɗebenarãmaa unubiabaima?

²³ Jesusba panausii:

—Chi mɛ kŕia ɓuuba mɛ bedea wau ɓuai. Maude mɛ Chachaba mau kŕia ɓuai. Maabae dai ichimaa needai ichi baara panaɗai baita. ²⁴ Chi mɛ kŕiawãe ɓuuba mɛ bedea waukau. Chi machiba ũri panuu bedea mɛuɗewãe, maumaarã mɛ Chacha, chi mɛ buidade.

²⁵ »Mau mɛuɓa machimaa jara ɓuu mɛ wabiɗa machi baara ɓuudeede. ²⁶ Maamina mɛ Chacha mɛ trũdeeba ichi Jauri ɓei machi Aɗabarii ɓuamera. Dach Akõre Jauriba ne joma machimaa jaradeai. Ichiba mɛuɓa jarada machimaa joma kŕababiai.

²⁷ »Mɛuɓa machi sõde jirukaraayuwãe duanubiai. Maamina mɛuɓa makaabai, chi nau iujãaɗebenarãba makabadau kŕa. Maudeeba ãrea jirukaraarãsturu. Wapearãsturu. ²⁸ Mɛuɓa machimaa jarasii mɛ wãaru maude waya machi baara ɓuade neei. ¹ Machiba mɛ biawãra kŕia panasirã kŕirajuuɗai basii mɛ Chachamaa wãaru kaku. Ichi mɛ audeara chi mechiu niideeba mɛ waya ɓui mɛ naede ɓuadamaa. ²⁹ Mɛuɓa mau jara ɓuu makai naede, biawãra makaaruude machiba ijãadamera.

³⁰ »Mɛ machi baara ãrea berreawãe, nau iujãaɗebenarey neeruudeeba. Mauba mɛ ome poyaakau.

³¹ Maka mɛ Chachaba waubi ɓuu mɛuɓa wau. Maka nau iujãaɗebenarãba kuitaɗai mɛuɓa mɛ Chacha ãrea kŕia ɓuu.

»Jiradústuru. Wãuriduru.

Jesús uva bakuru biawãra nii

15 »Mɛ chi uva bakuru biawãrabɛ. ^{II} Mɛ Chacha mau nubariibɛ. ² Chi mɛ bakuru jua chaudakau ichiba joma tarikuai, maamina chi bakuru jua chabadau kauwa tarikuabarii aude chaudamera. ³ Mɛ bedea ijãabadaudeeba machi chi bakuru jua kauwa tarikuada kŕa nuree. ^{III} ⁴ Mɛ baara nureásturu mɛ machi baara nii kŕa. Bakuru jua chi karr jidauwãe ɓuuburã ara istu poyaa chaukau. Ara mau kŕa machi

I 14:28 Juan 14:3,18. II Antigo Testamentoɗe jara ɓuu Dach Akõreba Israel uva bakuru kŕa uusii, maamina ichiba kŕia ɓuada kŕa achiɓa wauɗaabasii. Salmos 80:8-16; Isaías 5:1-7; Jeremías 2:21; Ezequiel 15:1-8; 19:10-14; Oseas 10:1. Maamina nau Juan 15:1ɗe jara ɓuu Jesusba wau ɓuu Dach Akõreba kŕia ɓuu kŕa. Maudeeba jara ɓuu «Mɛ uva bakuru biawãrabɛ». III 15:3 Juan 13:10.

mɛ baara nureewãeburã Dach Akõreba kŕia ɓuu poyaa wauɗaabai. ^{IV}

⁵ »Mɛ uva bakurubɛ. Machi mɛ bakuru juabɛ. Chi mɛ baara nuree Dach Akõreba kŕia ɓuu ãrea wauɗai, mɛ machi baara niideeba. Machiba mɛuswãe Dach Akõre baita poyaa wauɗaabai. ⁶ Chi mɛ baara ɓuuwãe mɛ Chachaba ãyaa jirakuai bakuru jua chaukau kŕa. Mau bakuru jua poaruude dachiba araa pedapeda baabadau.

⁷ »Machi mɛ baara nureeburã, mɛ bedea ijãa panee-duuburã, idisturu joma machiba kŕiaduu. Mau mɛuɓa deai. ⁸ Machi Dach Akõreba kŕia ɓuu ãrea wauduuburã unubiɗai biawãra mɛ baara nibabadau. Maka unubiɗai mɛ Chacha chi mechiu nii. ⁹ Mɛuɓa machi kŕia ɓuu mɛ Chachaba mɛ kŕia ɓuu kŕa. Mɛuɓa maada kŕiabi nureásturu. ¹⁰ Mɛuɓa waubi ɓuu bedea ijãaduuburã, chi mɛuɓa kŕia ua ɓuuba nureaɗai. Ara mau kŕa mɛ Chachaba waubi ɓuu bedea ijãabariideeba chi ichiba kŕia ua ɓuuba nureaɗai.

¹¹ »Joma mau mɛuɓa jara ɓuu, machi mɛ baara ãrea kŕirajuu nureadamera. ¹² Mɛuɓa waubi ɓuu bedea nauɓɛ: machi chiya ãrea kŕiásturu mɛuɓa machi ãrea kŕia ɓuu kŕa. ¹³ Èbãra ichi kõpaero karibai baita biuruuburã, aɓau biɗa mau audeara poyaa kŕia ɓuabai. ¹⁴ Mɛuɓa waubi ɓuu bedea machiba ijãaduuburã machi mɛ kõpaerorãbɛ. ¹⁵ Mɛuɓa machi makaa mɛ baita bari trajabadaurã awãe. Chi chibari baita bari trajabariiba ichi chibariba wau kŕisia ɓuu adua ɓuu. Mɛuɓa machi mɛ kõpaerorã ai. Mɛuɓa machimaa kuitaabasii joma mɛ Chachadebena ũriɗa. ¹⁶ Machiba mɛ jɛrɛ adauɗaabasii. Mɛaburu machi jɛrɛ adausii. Bakuru jõ ɓeraakau chaubarii kŕa, mɛuɓa machi ɓusii wãɗapeda bi'ia wauɗamera. Mɛuɓa machi jɛrɛ adausiideeba machiba mɛ Chachamaa mɛ trũdeeba idiiduu ichiba deai. ¹⁷ Waya mɛuɓa machimaa jaraaru: Chiya kŕiásturu.

Nau iujãaɗebenarãba Jesús kŕamaabadau chi ichidirã baara

¹⁸ »Nau iujãaɗebenarãba machi kŕamaa panuuburã, kuitásturu maarãba naa mɛ kŕamaasiɗau. ¹⁹ Machi nau iujãaɗebenarã basirã maarãba machi kŕiaɗai basii achiɗebenadeeba. Maamina mɛuɓa machi nau iujãaɗebena adoesii achi diware nureadamera. Maudeeba machi kŕamaabadau. ²⁰ Kŕirabásturu mɛuɓa nau jarada: «Chi chibari baita bari trajabarii aɓa biɗa ichi chibari audeara mechiu niuwãe». ^V Mauba jara ɓuu èbãrarãba mɛ bedea wau panuuburã, machi bedea siɗa wauɗai. Maamina achiɓa mɛ kachirua wauɗai baita wãraa panuuburã, machi siɗa kachirua

IV Dach Akõreba kŕia ɓuu poyaa wauɗaabai. Griego bedede naka ɓu kubuu: chaudaaba. V 15:20 Juan 13:16.

wauđai baita wāraada. ²¹ Machi m̄ kakua maka wauđai āchiba chi m̄ buida adua panuudeeba.

²² »M̄mba āchima jarade needawāe basirā āchi kachirua waupedaada kakua neburađe nureadaabai basii. Maamina m̄ beđa ūrisidaudeeba, āchiba kachirua wau panuu kakua mau adua panasii ađai. ²³ Abauba m̄ kīramaa b̄uburā m̄ Chacha siđa kīramaa b̄uu. ²⁴ M̄mba āchi daade ēbērarāba ne poyaa wauđakau wauđawāe basirā, āchiba kachirua waupedaada kakua neburađe nureadaabai basii. Maamina m̄mba wauđa āchiba unusidamina m̄, m̄ Chacha siđa kīramaa panuu. ²⁵ Maka panuu āchi leyede jara b̄uu kīra. Naka jara b̄uu: “Āchi kūrīaba m̄ kīra-maabachidau”. I

²⁶ »Dachi Akōre Jauri, chi machi Aidabarii neei. Mau-ba biawāra beđa jarabarii. M̄mba mau m̄ Chacha b̄ubarimarebena b̄usiide mauba m̄ ūrubena machimaa berrei. ²⁷ Machia biđa m̄ ūrubena berređai, machi arabaeđe m̄ baara panuudeeba.

16 »M̄mba joma mau machimaa jara b̄uu m̄mba ijāa panuu ida b̄urādamera. ² Judiorāba machi āchi judiorā araa ābua imibadau dedebena du-abuikada. Mau awara machi beđai ewari neei. Machi beaduude āchiba kūrīsida “Dachi Akōreba kūrīa b̄uu wau panuu”. ³ Maka wauđai m̄ Chacha maude m̄ unuđakauđeeba. ⁴ Maamina m̄mba joma mau machimaa jarkuaruu, mau ewari neeruude m̄mba jarada kīrabadapeda perawēa nureadamera.

Dachi Akōre Jauriba wau b̄uu ūrubena

»M̄mba naede machimaa mau jaraabasii, machi baara b̄uasiideeba. ⁵ Maamina m̄, chi m̄ buidamaa wāi. Maamina aba machidebenaba mau ūrubena m̄mba idiwēa b̄uu. ⁶ Maumaarā machi kīra nomaa panuu m̄ wāruu asiideeba. ⁷ M̄mba biawāra jaraaru: machi baita bi'ia b̄uu m̄ wāi. M̄ wāwēb̄urā machi Aidabarii neebai. Maamina m̄ wāruuburā chi mau machimaa b̄uii. ⁸ Dachi Akōre Jauri neeruude nau iujāadebenarāmaa kuitaabia kai chi kachirua waubarii, kai chi jipa nii maude kai nebura waupeda nii. Kuitaabia āchiba joma mau arakude kūrīsida wēa panuu. ⁹ Dachi Akōre Jauriba āchima kuitaabia m̄ beđa ijāadakaudeeba kachirua waubadau. ¹⁰ Kuitaabia m̄ jipa nii m̄ Chachamaa wāruudeeba. Maude machiba m̄ makaa unuđabai. ¹¹ Maude Dachi Akōre Jauriba kuitaabia nau iujāadebenarā neburađe panuu, Dachi Akōreba nau iujāadebena rey nebura bara b̄uu asiideeba. II

¹² »M̄mba wabiđa ne ārea machimaa jara kūrīa b̄uu. Mau machiba anakude joma poyaa kauwa ūridaabai. ¹³ Maamina Dachi Akōre Jauriba biawāra beđa kuitaabiabariideeba ichi neeruude machimaa jaradeai

I 15:25 Salmos 35:19; 69:4. II 16:11 Juan 7:21-24; 8:42-47; 12:31.

chi biawāra beđa Dachi Akōređeeba nee b̄uu joma kuitaadamera. Ara ichi kūrīsida beđa berreabai, mau-maarā joma m̄mba beđa ūriuru jarai. Ichiba machimaa kuitaabia chi neei ewaride kāare sakai. ¹⁴ Kuitaabia m̄ chi mechiu nii, m̄ beđa ūripeda joma machimaa jaraaruđeeba. ¹⁵ Joma m̄ Chachade m̄mba. Maudeeba m̄mba jarasii Dachi Akōre Jauriba m̄ beđa ūripeda machimaa jaradeai.

Machi kīra nomaa panapeda kīrajūđai

¹⁶ »Kā'ābariwāede machiba m̄ makaa unuđabai, maamina nau maadakare waya kā'ābariwāede m̄ unuđai. III

¹⁷ Maude waabenarā ichi baara nibabadaurāba āchi chiya idisidau:

—¿Mau kāare jara b̄uma: “Kā'ābariwāede machiba m̄ makaa unuđabai. Maamina mau maadakare waya kā'ābariwāede m̄ unuđai, m̄ Chachamaa wāideeba?”

¹⁸ Mau beđa “kā'ābariwāede” a b̄uba ¿kāare jara b̄uma? Dachiba adua panuu kāare ūrubena berrea b̄uu.

¹⁹ Jesusba kuitaasii āchiba mau ūrubena idi kūrīa panuu. Maudeeba jarasii:

—M̄mba machimaa jarasii kā'ābariwāede m̄ unuđabai maamina nau maadakare waya kā'ābariwāede m̄ unuđai. ¿Mau ūrubena machi chiya idi panuwāeka?

²⁰ M̄mba biawāra jaraaru: nau iujāadebenarā kīrajūđumisa, machi kīra nomaaba jēđai. Machi kīra nomaaba panadai, maamina mau kīra nomaa wā'āedakare kīrajūđai. ²¹ Biawāra wēraba warr adaruude bi-pirabarii ichi ewari neesiideeba. Maamina warr adauđakare mau puaba waa kīrabakau ichi warr kakua kīrajūđu beđeeba. ²² Ara mau kīra machi jāabae kīra nomaa panuu, maamina m̄ waya machi ichiade neei. Maabae machi kīrajūđai. Abau biđa mau kīrajūđu poyaa wā'āebiibai.

²³ Mau ewaride machi abau biđa m̄mba waa ididaabai. M̄mba biawāra jaraaru: machiba m̄ Chachamaa m̄ trūđeeba idiiduu ichiba deai. ²⁴ Machiba wabiđa Dachi Akōremaa abau biđa m̄ trūđeeba ididawēa panuu. Maamina maka idiiduuburā adauđai. Maka machi ārea kīrajūđu nuređai.

²⁵ »M̄mba ne jara beđeeba mau machimaa jarasii, maamina ewari aba m̄ waa nebura beđeeba berreabai. Maumaarā m̄ Chacha ūrubena arakude jarai. ²⁶ Mau ewaride machiba m̄ trūđeeba Dachi Akōremaa ididai. M̄ machi baita Dachi Akōremaa ne idibai, ²⁷ m̄ Chachaba machi kūrīa beđeeba. Ichiba machi kūrīa b̄uu, m̄ kūrīa panuudeeba maude m̄ Dachi

III Griego beđeade chi bee kartade b̄u kubuu: m̄ Chachamaa wāideeba.

Akõredebena needa ijã panuudeeba. ²⁸ Mx Chacha buumarebena nau iujãadaa neesii. Maamina muba nau iujãa bxi mx Chachamaa waya wãi baita.

²⁹ Maabae ichi baara nibabadaurãba jarasiãau: —Ûraburu bichiba jara buu dai baita arakude ùri panuu. Neburx buudeeba berrea buuwãe. ³⁰ Ûraburu daiba kuitaadu bichiba ne joma kuitaa nii. Daiba ididai naede bichiba saka panaui kuitaa buu. Maudeeba kuitaa panuu bichi Dachì Akõredebena neesii.

³¹ Jesusba jarasii: —Ûraburu machiba biawãra ijã panuka? ³² Chi ewari neei buada neeruu. Machi joma abaaaba jii-choadapeda mx du aba buidai. ¹ Maamina mx du aba buabai mx Chacha mx ome buudeeba. ³³ Joma mau muba machimaa jarasii mudeeba jirukaraayuwãe nureadamera. Nau iujãade ãrea bi'iwãe nureadai, maamina wapearãsturu: nau iujãadebena kachiruarã muba poyaasii.

Jesusba ara ichi baita Dachì Akõremaa idida

17 Jesusba maka jarasiide bajãadaa ichiapeda jarasii: «Chacha, mx ewari neesii. Bichi Warr chi mechiu nii unubise bichi Warrba bichi biawãra chi mechiu nii unubimera. ² Bichiba joma ebãrarã mx juade busii, chi muma deadakadacha ewaricha chokae duanubiamera. ³ Ewaricha chokae nureeba kuitaa panuu bichi biawãra Dachì Akõre ara aba nii. Maude nau bichiba buida Jesucristo kuitaa panuu. ⁴ Bichiba muma nau iujãade waubida muba joma wausii. Maka kuitabisii bichi chi mechiu nii. ⁵ Maudeeba Chacha, mx bichi daade chi mechiu buse bichi ome nau iujãade wau naede maka nibada kãra.

Jesusba ichi baara nibabadaurã baita Dachì Akõremaa idida

⁶ »Bichiba muma ebãrarã chi nuree nau iujãadebena deasii. Muba maarãmaa joma bichi ùrube-na kuitaabisii. Maarã bichidimina, bichiba muma deasii. Maarãba bichi bedea ijãasiãau. ⁷ Mauba kuitaa panuu joma muba uru buu bichidebena nee buu. ⁸ Bichiba muma jarada muba maarãmaa jaradeasii. Maarãba mau bedea ijãasiãau. Maudeeba kuitaa panuu biawãra mx bichidebena neesii. Biawãra ijãa panuu bichiba mx busii.

⁹ »Muba bichimaa idii maarã karibamera. Muba bichimaa idiwã buu nau iujãadebenarã baita. Mau-maarã bichiba muma deadarã báitaburu idì buu, maarã bichideeba. ¹⁰ Joma muderã bichidibx maude joma bichidirã mudeb. Maarãba wau panuudeeba mx chi mechiu nii unubi panuu.

¹¹ »Mx nau iujãade buawãe maamina maarã wabida nau iujãade panadai. Chacha, bichi ãrea bi'ia nii. Mx

I 16:32 Zacarías 13:7.

bichimaa wãaruudeeba bichi poyaadeeba maarã ãrea nukua buase. Bichi trudeeba, muma mau poy-aabarii deasii, ^{II} ãchi kakua aba nii kãra nureadamera, dachi kakua ara aba nii kãra. ¹² Bichi poyaadeeba muba joma bichiba deadarã nau iujãade nu ua bubarii. Jãarãdebenarã aba bida wã'ãdaabasii. Ababuru chi wã'ãe bai baãturu wã'ãesii, bichi bedea jara buu kãra biawãra makamera. ^{III}

¹³ »Jãabãeburu mx bichimaa wãi. Maamina mx wabida nau iujãade buude joma chi muba anakude ãtaa idida mau jaraaru. Maka mx bichi ome kãrajux buu kãra ãchi sida ãrea kãrajux panadai. ¹⁴ Bichiba jarada muba maarãmaa jaradeasii. Maamina nau iujãadebenarãba maarã kãramaabadau mx kãrmaabadau kãra, nau iujãadebenarãwãdeeba. ¹⁵ Muba bichimaa idiwã buu maarã nau iujãadebena ãyaa adoemera, maumaarã idì buu kachirudebena nu bamera. ^{IV}¹⁶ Maarã nau iujãadebenarãwãe mx nau iujãadebenawãe kãra. ¹⁷ Bichi bedeba bichi biawãra saka nii kuitabia buu. Maudeeba maarã bichi baita duanuse. ¹⁸ Bichiba mx nau iujãadebenarã tãede buida kãra muba bida maarã nau iujãadebenarã tãede buuru. ¹⁹ Maarã kakua mx bichimaa dearuu. Machi baita makaaru, maarãba ara ãchi chi biawãra bichimaa deadamera.

Jesusba joma ichide ijãadu baaita Dachì Akõremaa idida

²⁰ »Muba ãchi báitaburu idiwã buu. Maumaarã maarã chi mx bedea jaraaduude ijãadu baaita idì buu. ²¹ Chacha, bichi mx ome buudeeba maude mx bichi ome buudeeba muba idì buu ãchi sida dachi ome chi kakua aba buu kãra nureadamera. Maka nau iujãade nureeba ijãadai bichiba mx busii. ²² Bichiba mx adoesii dachi ãbua panadamera. Maka mx chi mechiu busii. Ara mau kãra muba ãchi chi mechiu busii dachi ome chi kakua aba nii kãra panadamera. ²³ Mx ãchi ome buudeeba maude bichi mx ome buudeeba dachi joma ãbua chi kakua aba nii kãra panadai. Maka nau iujãade nureeba kuitaada bichiba mx busii maude kuitaada bichiba ãchi kãria buu mx kãria buu kãra.

²⁴ »Chacha, bichiba nau iujãa wau naede mx kãria buu. Maudeeba bajãade mx chi mechiu busii. Muba kãria buu joma bichiba muma deadarã aria mx baara nureadai bichiba mx chi mechiu buu unadamera. ²⁵ Chacha, bichi jipa nii. Nau iujãadebenarãba bichi unadaku, maamina muba bichi unubarii. Maude cha duanu bida kuitaa panuu bichiba mx busii. ²⁶ Muba maarãmaa bichi ùrube-na kuitaabisii.

II Maarã ãrea nukua buase. Bichi trudeeba, muma mau poy-aabarii deasii. Griego bedede chi bee kartade naka bu kubuu: Joma bichiba muma deadarã ãrea nuse bichi poyaadeeba. III 17:12 Salmos 41:9; 55:12-15. IV Kachirudebena. ãreumaarã, mau jara buu «jãbawãe nii».

Mau awara maucha aude kuitaabiai bichiba m̄ k̄ria b̄uu k̄ira āchi siḁa chiya k̄ria panadamera maude m̄ āchi s̄oḁe uru panadamera».

Jesús jidaupedaada

Mateo 26:47-56; Marcos 14:43-50; Lucas 22:47-53

18 Joma mau jaradakare Jesús ichi baara nibabadaurã baara Cedrón do cheke k̄iraraa wāsidau. Aria ne uu nub̄uasii. Jesús ichi baara nibabadaurã baara araa wāsidau.

² Judas, chi Jesús jidaubii b̄uuba mau ne uu nub̄uu kuitaa b̄uasii, Jesús ichi baara nibabadaurã ome aria b̄es ārea ābua duanabachidaudeeba. ³ Maudeeba Judasba kokoroarã ārea romaḁebenarã maude Dach Akõre de mechiudebena nubadaurã mau ne uu nub̄uudea uaḁosii. Maarã chi paare mechiurã maude fariseorãba Judas ome b̄usidau. Maarãba ũḁaa koabarii, lámpara maude miasu uru panasidau. ⁴ Maude Jesusba joma makai b̄uu kuitaa b̄uudeeba āchima wãpeda idisii:

—Machiba ¿kai j̄r̄m̄ panuma?

⁵ Āchiba panausidau:

—Jesús Nazaretdebena.

Jesusba jarasii:

—M̄m̄b̄m̄.

Maude Judas, chi Jesús jidaubii b̄uu āchi baara nibasii.

⁶ Jesusba «m̄m̄b̄m̄» asiide āchi akarrnaa wãaduude jeḁa baesidau.

⁷ Maabae Jesusba waya idisii:

—¿Kai j̄r̄m̄ panuma?

Āchiba waya panausidau:

—Jesús Nazaretdebena.

⁸ Maude Jesusba jarasii:

—M̄m̄b̄m̄ asii. M̄ j̄r̄m̄ panuuburã, naarã ěb̄erãrã ida wãbiásturu.

⁹ Maka jarasii ichiba naede jara b̄uasiideeba: «Chacha, bichiba m̄m̄maa deḁa aba biḁa perdeb̄asii». ¹ Ichiba jarada k̄ira biawãra makasii. ¹⁰ Maude Simón Pedroba espada uru b̄uasii. Mau ěeta adaupeda paarerã mechiu baita bari trajabarii k̄m̄ru biarebena oatutasii. Mau chibari baita bari trajabarii tr̄ũ Malco abadau. ¹¹ Maudeeba Jesusba Pedromaa jarasii:

—Bichi espada eḁa joa adause. Makarã, ¿m̄ bi'iwãe b̄uabai b̄uka m̄ Chachaba m̄ bi'iwãe b̄uabii b̄uu k̄ira? II

I 18:9 Juan 6:39. II M̄ Chachaba m̄ bi'iwãe b̄uabii b̄uu k̄ira. Griego bedeaḁe naka b̄u kub̄uu: chi m̄ Chachaba deḁa basu.

Jesús Anasmaa jidau adoepedaada

Mateo 26:57-58; Marcos 14:53-54; Lucas 22:54

¹² Maabae Romaḁebena kokoroarãba, ara āchi mechiu maude chi Dach Akõre de nubadaurãba Jesús jidaupeda jua j̄sidau. ¹³ Naa Jesús Anás deemaa adoesidau. Anás Caifás chayũre basii. Maamina mau añoḁe Caifás chi paare mechiu basii. ^{III}¹⁴ Ara mau Caifasba judiorãmaa jarasii bi'ia b̄uu ěb̄era aba jomaurã kakua biui. ^{IV}

Pedroba Jesús unuka aḁa

Mateo 26:69-70; Marcos 14:66-68; Lucas 22:55-57

¹⁵ Maude Jesús baara nibabadaurã Simón Pedro maude maucha aba Jesús kaḁe wāsidau. Chi Simón Pedro ome wãḁa paarerã mechiuba unubachideeba ichi Jesús kaḁe eḁa wāsii paarerã mechiu de duḁaa. ¹⁶ Maamina Pedro awara poraḁe m̄k̄m̄ nub̄eesii. Maudeeba chi ichi ome wãḁa, chi paare mechiuba unubarii awara wāsii. Chi poraa nubarii w̄era ome berreapeda Pedro eḁa adoesii. ¹⁷ Mau w̄eraba Pedromaa idisii:

—¿Bichi siḁa Jesús baara nibabariiwãeka?

Pedroba panausii:

—M̄m̄w̄e.

¹⁸ Maude paare mechiu baita bari trajabadaurãba maude Dach Akõre de nubadaurãba t̄m̄b̄m̄ pua nub̄usidau k̄irasãa nub̄uudeeba. Puaḁapeda bari topaneedapeda t̄m̄b̄m̄ kã duaneesidau. Maude Pedro āchi ome t̄m̄b̄m̄ kã b̄uasii.

Anasba Jesusmaa ārea utaa idida

Mateo 26:59-66; Marcos 14:55-64; Lucas 22:66-71

¹⁹ Maabae paarerã mechiuba Jesusmaa ārea idisii ichi baara nibabadaurã ũr̄ubena maude ichiba jaradea ua b̄uada ũr̄ubena. ²⁰ Maude Jesusba panausii:

—M̄ nau iujãḁebenarã daḁe arakude berrea b̄uasii. M̄m̄ba jaradea b̄uasii dachi judiorã araa ābua imibadau decha maude Dach Akõre de mechiu duḁa, joma dachi judiorã araa ābua imibadaumaa. Aba biḁa mirubia berreabasii. ²¹ ¿Sakãe m̄m̄maa mau id̄i b̄uma? M̄ bedea ũripedaḁamaa id̄iyase. Maarãba jaradaika, m̄m̄ba jarabarii kuitaa panuudeeba.

²² Jesusba maka jaraaruude chi nubarii ichi kaita b̄uuba jua jāaba Jesús k̄iedarrmaa s̄ipeda jarasii:

—¿Maka panau b̄uka chi paarerã mechiuumaa?

²³ Jesusba panausii:

—M̄m̄ba bedea kachirua jarasiiburã, m̄m̄maa jarase, kãare bedea kachirua berreasii. Maamina m̄m̄ba jarada biawãra b̄uuburã, ¿sakãe m̄ s̄isma?

III Caifás 18 año paare chi mechiu basii, año 18ḁebena aba 36ḁaa. IV 18:14 Juan 11:50.

24 Maabae Anasba Jesús jua jũ ðuu Caifasmaa ðuisii, ichi paarerã mechiu basiideeba.

Pedroba waya Jesús unukau ada

Mateo 26:71-75; Marcos 14:69-72; Lucas 22:58-62

25 Maumisa Pedro wabiða ðari nubuasii tubu kãaruu. Maude ëbërarãba ichimaa idisiðau:

—¿Bichi siða jãu ëbëra baara nibabariiwãeka?

Pedroba merasii:

—Muuwãema.

26 Maude paare mechiu baita ðari trajabarii ababa Pedromaa idisii:

—¿Muuþa bichi chi mau ome ne uu nubuuðe un-udawãeka?

Mau ðari trajabarii Pedroba kuru oatutada ome chi ãba basii. 27 Pedroba waya merasii. Ara makude eterr birusii. I

Jesús Pilato daade buada

28 Maabae dapedeede Jesús Caifás dedebena Romadebena chi karr de mechiuðaa adoesiðau. Chi Jesús adoepedaada judiorã mau de Pretorio abadaude eða wãdaabasii ãchimaarã eða wãaduuburã Dachí Akõre daade kachirua ðuai ðuuðeeba. Ichi daade bi'ia panadai kúria panasidau Pascua ewaride chi chiko kodai baita. II29 Maudeeba Pilato ãchimaa awara wãpeda idisii: III

—Nau ëbëra, machiba kachirua jara panuuba ¿kãare kachirua wasma?

30 Æchiba panausiðau:

—Nauba kachirua wauðawãe basirã daiba nau bichi-maa adoedaabai basii.

31 Maudeeba Pilatoba ãchimaa jarasii:

—Machiaburu jãu adoedapeða ichiásturu ara machi leyde jara ðuu kíra.

Maude judiorãba jarasiðau:

—Daiba poyaa ëbëra beabiðaabai panuu. Machi Romadebenarãburu beabiðai panuu.

32 Judiorãba maka jarapedaada kuitaabisii Jesus-ba ichi saka biui ðuu jaraða biawãra makasii.

IV33 Maabae Pilato waya deeda eða wãsii. Jesús eða adoebipeða idisii:

—¿Bichi biawãra judiorã reyka? V

34 Jesusba panausii:

—¿Mau bichiba idi ðuu bi'ia kuitaai baita idi ðuka, maeburã waabenarãba bichimaa mu urubena maka jarasiðauðeeba idi ðuka?

I 18:27 Juan 13:38. II Judiorãba jarabachiðau aba biða judiowãerã dede eða wãaruuburã Dachí Akõre daade kachirua beei. Números 9:9-11. III Romadebena chi aude mechiu Tiberio abadau-ba Pilato Judea druadebena chi karr busii, año 26debenaba 36ðaa. Judiorã mechiurãba Jesús Pilatomaadoesiðau chi jãa panuurã beaðakau panuuðeeba. Aba romadebenarãba maka wauðai panasidau. IV 18:32 Juan 3:14; 8:28; 12:32. V Judiorã mechiurãba Pilatomaau urubena jarasiðau. Lucas 23:2.

35 Maudeeba Pilatoba jarasii:

—¿Makarã mu judioka? Ara bichi puuruðebenarãba maude paare mechiurãba bichi muuma eneesiðau. ¿Bichiba kãare wasma maarãba naka wauðamera?

36 Jesusba panausii:

—Mu ëbërarã mu juade ua ðumina mu puuru nau iujãadebenawãe. Nau iujãadebena basirã mu ëbërarã chíodai basii judiorãba mu jidaurãadamera. Maamina mu puuru nau iujãadebenawãe.

37 Maudeeba Pilatoba jarasii:

—¿Maka ðuuburã biawãra bichi ëbërarã reyka?

Jesusba panausii:

—Maerã, bichiba maka jara kúria ðuuburã, mu ëbërarã reyb. Maamina mu nau iujãadaa neesii biawãra beða jaradeai baita. VI Joma chi biawãraðe nureeba mu beða ijãabadau.

38 Maude Pilatoba idisii:

—¿Kãarema mau biawãra?

Jesús beadai urubena jarapedaada

Mateo 27:15-31; Marcos 15:6-20; Lucas 23:13-25

Maka jarasiide Pilato waya awara judiorãmaa wãpeda jarasii:

—Muþa unuwëe nau ëbëra kãare kachirua wasii. 39 Maamina Pascua ewari baaruude, machiba muuma idibadau chi jãabadauðebena aba ewa ðui, añocha waubadau kíra. ¿Machiba kúria panuka muþa cha nii judiorã rey ena ðui?

40 Maude ãchiba jãwa jarasiðau:

—Jãuwãema. ¡Barrabás enatase!

Mau Barrabás mia kachirua nii basii. VII

19 Maabae Pilatoba Jesús pebewabisii. 2 Mau ðuuðe Romadebena kokoroarãba boro jãra uri kada Jesús borode jũ ðusiðau, maude anabari jũbarii pupuchia ðuu jũ ðusiðau. 3 Maabae Jesús kaita needapeða jarasiðau:

—¿Área bi'ia nii, judiorã rey!

Maka jarapeda juaba ichi kíedarrmaa sísbachiðau.

4 Maabae Pilato waya awara judiorãmaa wãpeda jarasii:

—Úristuru. Muþa nau ëbëra awara machimaa eneei, muumarã nauba kachirua wauwëa ðuu kuitaadamera.

5 Jesús awara adoeduude boro jãra uri kada maude anabari jũbarii pupuchia ðuu jũ nibasii. Maude Pilatoba jarasii:

—Naub chi ëbëra. VIII

VI Nau iujãadaa neesii. Griego beedeade naka ðu kubuu: Nau kakua mu naweba adaudepeda nau druadaa neesii. VII Chi ðee kartade jara ðuu Barrabás nechiru basii. Marcos 15:7. VIII Naub chi ëbëra. Pilatoba Jesús awara adoebisiide ëbëra mia wapea nii unubiasii. Maamina waabenarãba chi beða «ëbëra» úrisiðauðe, mau chi Ébëra Ba Buada kúrisiðauðaa ðuu. Juan 1:1,14.

6 Maamina Jesús unuuduude paare mechiurã mauðe Dachí Akõre de nubadaurãba jĩwa bia jarasiðau:
—¡Jãu cruzde jirabũ beabise! ¡Cruzde jirabũ beabise!
Mauðe Pilatoba jarasii:

—¡Machiaburu adoedapeda cruzde jirabũ beásturu! Mũmaarã, jãuba kachirua wauwẽa bũu.

7 Maamina judiorãba panausiðau:

—Daiba Moisesba bũda uru panuu. Mau Moisesba bũdaðe jara bũu kĩra jãu biui bũu ichi Dachí Akõre Warr a bũudeeba. I

8 Mau bedea ũrisiide Pilato ãrea wapeasii. 9 Maabae waya ichi de mechiuðe eða wãpeda Jesusmaa iðisii:

—¿Bichi samabenama?

Maamina Jesusba panaubasii. 10 Maka bũude Pilatoba jarasii:

—¿Panauwẽka? ¿Adua bũka mũuba bichi poyaa cruzde jirabũ beabi bũu mauðe poyaa ida bũi bũu?

11 Mauðe Jesusba panausii:

—Dachí Akõreba bichi chi Romaðebena karr bũdawẽe basirã bichiba mũ aba biða maka waubai basii. Mauburu chi mũ bichi juaðe deaðaba bichi audeara kachirua aude wausii.

12 Mau ũrisiide Pilato kũrisia beesii Jesús saka ida bũi. Maamina judiorãba waya jĩwa jara kopaneesiðau:

—Bichiba jãu ebẽra ida bũiruubũrã bichiba Romaðebena chi aude mechiu ome biawãra kõpaerowãe. Bari kiuba ara ichi rey nii aaruubũrã, mau ebẽra Romaðebena chi aude mechiu ome kĩramaa nii.

13 Pilatoba mau ũrisiide Jesús awara adoebisii. Maabae Pilato ichi juez ãkauðe akũ beesii, duða Mo Kakayaa Wauða abadaumare. Hebreo bedeade Gabatã abadau. 14 Judiorã Pascua ewari norema baiðeeba ãchi ne wau panasiðau. Ëmada jipa baaruude Pilatoba judiorãmaa jarasii:

—Ichiásturu. Cha nau machi reybũ.

15 Maamina ãchiba jĩwa jarasiðau:

—¡Beabise! ¡Beabise! ¡Cruzde jirabũ beabise!

Mauðeeba Pilatoba jarasii:

—¿Makarã mũuba machi rey cruzde jirabũ beabi kũria panuka?

Maabae chi paare mechiurãba panausiðau:

—¡Dai rey june wã'ãe panuu, César Augusto awara! II

16 Maabae Pilatoba Jesús Romaðebena kokoroarãmaa deasii cruzde jirabũ beaðamera. Ara makuðe ichi adoesiðau.

Jesús cruzde jirabũpedaada

Mateo 27:32-44; Marcos 15:21-32; Lucas 23:26-43

17 Jesusba ichi cruz ataupeda kokoroarãba ichi adoesiðau drua "Boro Bũuru" abadaumaa. Hebreo bedeade Gólgota abadau. 18 Aria ãchiba Jesús cruzde

I 19:7 Levítico 24:15-16. II Dachí Akõre bedeade jara bũu Israel puurudebenarã rey ara Dachí Akõre maka nii. Jueces 8:23; 1 Samuel 8:7.

jirabũsiðau. Mauðe ichi jãkaa ebẽra ome cruzde jirabũsiðau, aba jua biare, aba jua sordoare. 19 Mau awara Pilatoba bedea bũda Jesús boro ũruede nubũbisii. Naka bũsii: «Jesús Nazaretdebena, judiorã Rey-bũ». 20 Mau bedea hebreo bedeade bũsii, latín bedeade mauðe griego bedeade. III ãrea judiorãba mau bedea unusiðau, Jesús cruzde jirabũpedaada puuru kaita bũudeeba. 21 Judiorã paare mechiurãba mau bedea ũrisiide Pilatoma jarasiðau:

—Bũrãse "Judiorã Rey". Maumaarã bũse: "Nau ebẽra-ba jarasii ichi judiorã rey".

22 Maamina Pilatoba jarasii:

—Mũuba bũda ara maka beeruu.

23 Maadakare Romaðebena kokoroarãba Jesús cruzde jirabũsiðauðe ichiba anabari jũbarii jũ bũada kimare kõetadapeda ãchicha adausiðau. Ichiba chi mau ekare jũ bũada siða adausiðau. Mau mũuba eða bari kaapiruda bũasii. 24 Mauðe kokoroarãba ãchi du aba jarasiðau:

—Nau kõetadaabai panuu. Bari bibuara bũu jemenedai, kaiba chi paru adooi kuitaada baita.

Mau makasii Dachí Akõre bedeade nabẽraede bũda kĩra:

«Mũ anabari jũbarii ãchicha adausiðau; mũuba ekare jũ bũada adauðai baita jemenesiðau». IV

Biawãra kokoroarãba maka wausiðau.

25 Jesús cruzde jirabũ kaita Jesús nawe mauðe chi nawe neekau panasiðau. Cleofás kima María mauðe María Magdalena panasiðau. 26 Jesusba ichi nawe unusiide mauðe ichi baara nibabarii «ichiba ãrea kũria bũu» abadau. Mau ara jãma bũasii. Mauðe Jesusba ichi nawemaa jarasii:

—Dana, nau bichi warrbũ.

27 Maabae ichi baara nibabariiimaa jarasii:

—Nau bichi nawebũ.

Mau ewariðeeba waitaa Jesús nawe Jesús baara nibabarii dede bũabachii.

Jesús cruzde biuða

Mateo 27:45-56; Marcos 15:33-41; Lucas 23:44-49

28 Maka jarasiide Jesusba kuitasii joma ichiba wau bũada wausii. Mauðe jarasii:

—Mũ obisia bũu.

Mau jarasii Dachí Akõre bedeade jara bũu kĩra. V

29 Mauðe aria chokode uva baa orekea waabiru nubũasii. Chi nureerãba mau uva baa orekeade modaa bũuba sũra adausiðau. Mau hisopo bakuru juade jũdapeda Jesús iimaa tusiðau. 30 Jesusba mau uva baa orekea do chaapeda jarasii:

III Romaðebenaarãba latín bedea berreabachiðau. Hebreo bedea judiorãba berreabachiðau. Griego bedea beraa joma druachabena-ba bistika kuitaa nureasii. Griego bedeade berreabachiðau druacha ne nedobũidai baita. IV 19:24 Salmos 22:18. V 19:28 Salmos 22:15; 69:21.

—Muuha wau i buada joma wasii.
Maabae ichi boro edaa jaabarisiide biusii.

Jesús orrede miasuba sueda

31 Judiorã Pascua ewari norema baaruudeeba ne wau panasidau. Mau bari panabadau ewari mechideeba ächiba küriadawëa panasidau ëbëra cruzde jirabudai. Maudeeba Pilatomaä idisidau cruzde jirabu buurusiu buikuabimera isa biubidapeda chi kakua edaa jiradamera. 32 Maudeeba kokoroarã wädapeda Jesús baara cruzde jira panuu aba chi buurusiu buitasidau. Ara mau kïra chi ababena buurusiu siela buitasidau. 33 Maamina Jesusmaa neesidau unusidau ichi biusii. Maudeeba ichi buurusiu buitadaabasii.

34 Maka buude kokoroaba Jesús orrede miasuba susii biawära biusii kuitaa. Ara makude oa bania baara chesii. 35 Chi nau karta budaba biawära mau unusii. Ichiba jara buu biawära buu. ^I Ichiba jara buu biawärabu, kuitaa buu chi biawära bedea jara buu machia bida södeeba ijädamera. 36 Joma mau biawära makasii Dachii Aköre bedede bu kubuu kïra. Naka bu kubuu: «Ichi buuru aba bida buitadaabai». ^{II}37 Maude Dachii Aköre bedede nau siela bu kubuu: «Ächiba supedaadamaa ichiadai». ^{III}

Jesús jau bupedaada

Mateo 27:57-61; Marcos 15:42-47; Lucas 23:50-56

38 Joma nau maadakare judio José abadau Pilatomaä wäsii. Mau José Arimatea puurudebena basii. Mau Jesús baara nibabarii basii, maamina abaumaa bida jarawëa buasii waabenarã judiorã wapea buudeeba. Ichiba Jesús kakua Pilatomaä idisii jau buude adooi baita. Maudeeba Pilatoba ida adoebisii. Ara makude Joseba Jesús kakua adaude wäpeda jau buude adoesii. 39 Mau awara Nicodemo, chi naede Jesusmaa ësabude berrede nee buadaba mirra kera jãra áloe ome perada adoesii. ^{IV} Mau chikua 34 kilos buasii. ^V40 Ächiba Jesús kakua adoedapeda mau mirra jãra kera áloe ome perada paru torroade posidau. Podapeda ichi kakua mau paru torroaba burasidau judiorãba naede maka jau bubachidau kïra. 41 Jesús cruzde jirabupedaada kaita ne uu nubuasii. Mau ne uu nubude biuda jau bubachidau chobea buasii mo chobea koroða widi. Aria biuda wabida jau budakau basii. 42 Mau chobea ara kaita buudeeba maude judiorã bari panabadau ewari uru ba buasiideeba Jesús aria jau busidau.

^I Juanba jara buu Jesús biudadeeba biawära ëbëra basii. Juan chõra buasiide waabenarãba jarabachidau Jesús ëbëra kïra buasii maamina nau kakua neewëa basii. ^{II} 19:36 Éxodo 12:46; Números 9:12; Salmos 34:20. ^{III} 19:37 Zacarías 12:10. ^{IV} 19:39 Juan 3:1-15. ^V 34 kilos. Griego bedede bu kubuu: 100 litros. Mau jara buu 75 libras. Mirra, áloe siela bakuru piumaa panuu. Chi kera jãra basii.

Jesús chokae jiraduä

Mateo 28:1-10; Marcos 16:1-8; Lucas 24:1-12

20 Misa ewaride dapedede wabida päriu buude María Magdalena Jesús jau bupedaadamaa wäsii. Neeruude chi mo mechii chi chobea jãa kubuä äyaa buraä kubuu unusii. ² Maudeeba pira wäsii Simón Pedromaa. Jesús baara nibabarii chi «Jesusba ärea küria buu» abadau aria buasii. Neepeda jarasii:

—Dachii Mechii chi jau bupedaadamarebena äyaa adoesidau. Daiba adua panuu samaa adoesidau.

³ Maabae Jesús baara nibapedaadarã Pedro maude chi ababena Jesús jau bupedaadamaa wäsidau. ⁴ Omea pira wäsidau, maamina chi ababena Pedro aude isa pira wäsiideeba Jesús jau bupedaadamaa naa neesii. ⁵ Neesiide eda ichiai baita aköratusii. Maude paru chi kakua bura buada aria bari buu unusii, maamina eda wäbasii. ⁶ Simón Pedro ichi kaade neepeda chobede eda wäsii. Mau bida chi kakua bura buada paru aria bari buu unusii. ⁷ Mau awara paru Jesús boro bura buada unusii. Mau paru waabena paru ome äbua buabasii, maumaarã awara beda kubuasii. ⁸ Maabae chi naede needa siela eda wäsii. Chi paru maka bari buu unusiide biawära ijäsii Jesús chokae jiradusii. ⁹ Mau ijäsidamina, ächiba wabida kauwa kuitadawëa panasii Dachii Aköre bedede Jesús chokae jiradui urubena bu kubuu. ^{VI}10 Maabae Jesús baara nibapedaadarã ächi panadamaa waya wäsidau.

Jesusba María Magdalenamaa ara ichi unubida

Marcos 16:9-11

11 Maumisa María chi chobea awara jëa buasii. Maka jëaruude aköratusii eda ichiai baita. ¹² Maude ängel torroa jë panuu eda ome unusii. Aba chi Jesús boro sïu nubudamare akü buasii. Chi ababena chi jürü nubudamare akü buasii. ¹³ Maarãmaa idisidau:

—Wëra, ¿sakäe jëa buuma?

Maabae ichiba panausii:

—Mü Mechii Jesús adoesidau. Muuha adua buu samaa adoesidau.

¹⁴ Ara mau jaraaruude María äyaa ichiasii, Jesús unusii; maamina kuitaabasii Jesús jãma buu. ¹⁵ Jesusba ichimaa idisii:

—Wëra, ¿sakäe jëa buuma? ¿Kai juru buuma?

Mariaba mau ëbëra chi ne uuda nubarii basii kürisiasii. Maudeeba jarasii:

—Bichiba Jesús kakua äyaa adoesiiburã, muumaa jarase chi kakua samaa adoesma, muuha jurude wäi baita.

^{VI} Dachii Aköre bedede Jesús chokae jiradui urubena bu kubuu. Salmos 16:8-11; Isaías 53:11-12; Oseas 6:1-2; Jonás 1:17; Levítico 23:11.

16 Maude Jesusba jarasii:
—¡María!
Mariaba araa ichiapeda —¡Raboni! asii. (Mau hebreo bedede jara b̄uu “Jaradeabarii”).
17 Jesusba jarasii:
—M̄ jidauráse m̄ wabiða Chachamaa wāwēa b̄u-
udeeba. Jábae m̄ ábarāmaa wāpeda jarase m̄
Chachamaa wāruu. Mau machi Akōreb̄u. Mau m̄
Dachi Akōreb̄u maude machi Dachi Akōreb̄u.
18 Ara makude María Magdalena Jesús baara ni-
bapedadarāmaa wāpeda jarasii: «M̄mba Dachi
Mechiu unusii».
Mau awara Jesusba jarada joma nebur̄usii.

Jesusba ara ichiba jur̄u adauadarāmaa unubiada

Mateo 28:16-20; Marcos 16:14-18; Lucas 24:36-49

19 Maumisa ewari kiusiide Jesús baara nibabadaurā
deeda eda ábua panasiðau. Waabenarā judiorā wapea
panuudeeba poraa j̄ua nubusiðau. Maka b̄uude Jesús
áchi ésa neepeda jarasii:
—¡Jirukaraayuwāe duanásturu! I
20 Mau jarapeda ichi jua, ichi orr áchimaa unubiasii.
Dachi Mechiu b̄uu unusiðau k̄iraj̄usidau.
21 Maabae Jesusba waya áchimaa jarasii:
—Jirukaraayuwāe duanásturu. M̄ Chachaba m̄ nau
iujāadaa buida k̄ira m̄ba bida machi nau iujāadaa
b̄uikaaru.
22 Maka jarapeda áchimaa j̄aripuapeda jarasii: II
—Dachi Akōre Jauri adáusturu. 23 Éb̄eraba kachirua
wauða machiba Dachi Akōre Jauriðeeba perdona-
ub̄rā, mauba jara b̄uu Dachi Akōreba mau kachirua
perdonasii. Maude éb̄eraba kachirua wauða machiba
Dachi Akōre Jauriðeeba perdonawēeb̄rā, mauba
jara b̄uu Dachi Akōreba mau kachirua perdonawēa
b̄uu.

Jesusba Tomasmaa ara ichi unubiada

24 Tomas Jesusba jur̄u adauða 12 panuudebena
basii. Ichi Mikisu abachidau. III Jesús neesiide ichi chi
waabenarā ome b̄uabasii. 25 Maudeeba ichimaa
jarasidau:
—Daiba Dachi Mechiu unusiðau.
Maamina Tomasba jarasii:
—M̄ dauba ichi jua cruzde jirabudai baita mer-
apepedaada unuwēeb̄rā, maude m̄ jua jimidi chi
cruzde jirabudai baita merapepedaade eda wāwēe-
b̄rā, maude m̄ jua ichi orrde eda wāwēeb̄rā, ichi
chokae jiraduða m̄mba ijāabai.
26 8 ewari baðakare Jesús baara nibabadaurā waya
deeda araa ábua duanasii. Maude Tomás siða b̄uasii.

I ¡jirukaraayuwāe duanásturu! Judiorāba chiya unuuduude, maka
jua deabadau. II Dachi Akōre Jauri adoepedaada ūrubena ichiáse
Hechos 1:4-8; 2:1-4. III Mikisu. Griego bedede naka b̄u kub̄uu:
Dídimos.

Maka panuude chi poraa bi'ia j̄ua nubumina Jesús ma-
ka b̄uude neesii. Áchi ésa neepeda jarasii:
—¡Jirukaraayuwāe duanásturu!
27 Maabae Tomasmaa jarasii:
—Bichi jua jimidi nama b̄uise, m̄ jua abaabaa
ichiáse, maude bichi jua m̄ orrde b̄uise. Waa ijāawēa
b̄uaráse, maumaarā ijāase m̄ biawāra chokae ji-
radusii.
28 Maude Tomasba jarasii:
—¡M̄ Mechiu! ¡M̄ Dachi Akōre!
29 Maka b̄uude Jesusba ichimaa jarasii:
—Bichiba m̄ unusiðeeba ijāaru. ¡Maamina chi
éb̄erarāba m̄ unudawēede ijāaduub̄rā, área bi'ia
nureada!

Nau karta ¿m̄mba sakāe b̄usma?

30 Jesusba june maucha éb̄erarāba ne poyaa
wauðakau ichi baara nibabadaurā daade área wausii,
maamina joma mau nau kartade b̄uwēa b̄uu.
31 Maamina joma nau b̄usii machiba Jesús Dachi
Akōreba Dachi Karibabarii deai jarada, Dachi Akōre
Warr ijāadamera. Maka ijāaduub̄rā ichiðeeba chokae
b̄uai uru nureada.

Jesusba ichi baara nibabadaurāmaa waya unubiada

21 Mau maðakare Jesusba ichi waya ichi baara
nibabadaurāmaa unubisii Tiberias mar iikaa. IV
Nakasii: 2 Mau ewaride ábua panasiðau, Simón Pedro,
Tomás chi Mikisu abadau, Natanael Caná puuru
Galileadebena, Zebedeo warrarā, maude maucha
ome. 3 Maka panuude Simón Pedrob̄a jarasii:
—M̄ do batade wāruu.
Maude áchiba jarasidau:
—Dai bichi baara wāðai.
Ara makude j̄abade ataudapeda wāsida. Maamina
mau ésabude beda jidauðabasii.
4 Dapedeede Jesús ibude nibasii maamina áchiba
unusiðamina ichi kauwa unuðabasii. 5 Maka b̄uude
Jesusba áchimaa j̄iwa idisii:
—Warrarā, ¿beda jidausiðaka?
Áchiba panausiðau:
—Jidaudawēa panuma.
6 Jesusba jarasii:
—Maka b̄uub̄rā chi átarrraya jua biare batásturu.
Makaburu jidauðai.
Ara makude ichiba jarada k̄ira wausidau. Maabae chi
átarrraya poyaa erruðabasii beda área jidausiðauðee-
ba.
7 Aria b̄uasii Jesús baara nibabarii chi “Jesusba área
k̄iria b̄uu” abadau. Mauba Pedromaa jarasii:
—¡J̄au Dachi Mechiu!

IV Tiberias mar maude «Galilea» abadau.

Simón Pedroba mauba “Dachi Mechiubɛ” aaruu ũrisiide, ichi paru ũrubena j̄s̄ii, paru j̄w̄w̄ēa b̄uasiideeba do b̄atai baita. Paru j̄p̄eɗa doeɗa j̄iɗrusii.

⁸ Maamina waabenarā j̄b̄aɗe paneesiɗau. Chi ātaraya b̄edaba waabiru b̄uu j̄b̄aɗe ibuɗaa errb̄ari adoesiɗau ibuɗaa 100 metros baidia b̄uasiideeba.

⁹ Iikaa neesiɗaude t̄ɛb̄ k̄oɗoochoa nu b̄uu unusiɗau. B̄eda baamaa panuu maude pan ɛb̄ɛmaa panuu unusiɗau. ¹⁰ Jesusba jarasii:

—Machiba b̄eda jidaupeɗaadebena aba enésturu.

¹¹ Ara makude Simón Pedro j̄b̄aɗaa w̄p̄eɗa ātaraya ibuɗaa errb̄ari adoesii. Chi ātarraya b̄eda mechiu nureeba waabiru b̄uasii. 153 juasiisiɗau. Maamina ārea jidausiɗaukaude chi ātarraya k̄oaw̄ēa b̄uasii.

¹² Maabae Jesusba jarasii:

—Kode nésturu.

Maude āchiba wapeasiɗau ichi kai nii iɗiɗai baita. Kuitaasiɗau ichi Dachi Mechiu nii.

¹³ Maka panuude Jesusba pan adaupeɗa āchimaa deɗakassii. B̄eda siɗa deɗakassii.

¹⁴ Mauba b̄es ōbea ba b̄uasii Jesús chokae jiradusiide ichi baara nibabadaurāmaa unubiaruu.

Jesús Pedro ome waya k̄irajuuɗa

¹⁵ Kopeɗaadeakare Jesusba Simón Pedromaa iɗisii:

—Simón, Jonás warr, ɔmɛ k̄iria b̄uka, cha naarāba mɛ k̄iria panuu audeara? ^I

Pedroba panausii:

—Maerā mɛ Mechiu, bichiba kuitaa b̄uu m̄ɛba bichi k̄iria b̄uu.

Jesusba jarasii:

—Mɛ ijāa nuree bi'ia nu b̄uase oeja nubariiba ichi oeja chekerā nubarii k̄ira.

¹⁶ Jesusba waya Pedromaa iɗisii:

—Simón, Jonás warr, ɔmɛ k̄iria b̄uka?

Pedroba panausii:

—Maerā mɛ Mechiu, bichiba kuitaa b̄uu m̄ɛba bichi k̄iria b̄uu.

Jesusba jarasii:

—Chi m̄ɛde ijāa nuree ārea nu b̄uase oeja nubariiba ichi oeja chekerā nubarii k̄ira.

¹⁷ Jesusba waya iɗisii:

^I Waabenarāmaarā Jesusba naka iɗi b̄uu: ɔBichiba mɛ ne joma audeara k̄iria b̄uka?

—Simón, Jonás warr, ɔmɛ k̄iria b̄uka?

Mauba b̄es ōbea iɗisii. Pedro k̄ira nomaa b̄eesii, Jesusba b̄es ōbea iɗisiiideeba. Maabae ichiba jarasii:

—Mɛ Mechiu, bichiba joma kuitaa b̄uu. Bichiba kuitaa b̄uu m̄ɛba bichi k̄iria b̄uu.

Jesusba jarasii:

—Chi m̄ɛde ijāa nuree ārea nu b̄uase oeja nubariiba ichi oeja chekerā nubarii k̄ira.

¹⁸ M̄ɛba biawāra jaraaruu: k̄uudrāaede bichi du aba paru j̄b̄achii bichi wā k̄iriaruumaa wāi baita. Maamina bichi chōra beeruude waabenarāba bichi jua jiradai paru j̄b̄iɗai baita. Maabae adoeɗai bichi wā k̄riaw̄ēa b̄uumaa. ^{II}

¹⁹ Mau jara b̄uudeeba Jesusba kuitabisii Pedro saka biui b̄uu, ichi biuruudeeba ēb̄erarāba kuitaɗai Dachi Akōre chi mechiu nii. Maka jarapeɗa Jesusba Pedro-maa jarasii:

—jMɛ baara nibase!

Jesús, chi ichiba ārea k̄iria b̄uu ome

²⁰ Pedroba waya akarnaa ichiasiiide Jesús baara nibabarii chi “Jesusba ārea k̄riabarii” abadau kaade nii unusii. Mau Jesús kaita akɛ b̄uasii Pascua ewariide chi kobadau kosiɗaude. Ichiba iɗisii: «Dai Mechiu, ɔkaiba bichi jidaubiima?» ^{III21} Pedroba mau ēb̄era unusiide Jesusmaa iɗisii:

—Mɛ Mechiu, cha nii ɔsāaima?

²² Jesusba panausii:

—M̄ɛba k̄iria b̄uub̄rā ichi chokae b̄uai aba mɛ waya neeruudeaa ɔbichiba mau sakaima? M̄ɛba k̄iria b̄uu bichi mɛ baara nibai.

²³ Maka jarada kakua ārea ābarāba k̄risiasiiɗau chi Jesusba ārea k̄iria b̄uu abadau biubai. Maamina Jesusba jaraw̄ēa b̄uasii jāu biubai. Maumaarā jarasii: “M̄ɛba k̄iria b̄uub̄rā ichi chokae b̄uai aba mɛ waya neeruudeaa, ɔbichiba mau sakaima?”

²⁴ Mau Jesús ome nibaɗaba mau ũrubena jara b̄uu maude nau kartade naka b̄uuruu. Daiba kuitaa panuu ichiba jara b̄uu biawārabɛ.

²⁵ Wabiɗa maucha Jesusba waukuade barau. Maamina joma mau kartade abaaba b̄uuduubarā, m̄ɛmaarā mau karta b̄ukuade nau iujāade kabebai basii.

^{II} Mau jara b̄uu Pedro jidaudepeda beɗai ũrubena. ^{III} 21:20 Juan 13:25.

HECHOS

Nau karta Lucasba b̄s̄ii. b̄u kub̄uu mau Lucas Pablo baara nibasii. Ichiáse . Chi nureerãmaarã, Jesucristo adauða 60 año wãyaad̄akare, Lucasba nau karta b̄s̄ii.

Chi bedea bia Jesús ũrubena ěb̄era Teófilo baita b̄u b̄uad̄a k̄ira, Lucasba nau karta sida Teófilo baita b̄s̄ii chi Jesusba b̄uidarãba wauped̄aad̄a ũrubena kuitaamera. Chi k̄risia mechiu naub̄u: «Dachi Akõre Jauri machi baara b̄uad̄e neeruude machiba ichi poyaabarii adauðai. Mauba machiba Jerusalend̄e, joma Judea druad̄e, Samaria druad̄e maude drua kaitawẽ nureede m̄u ũrubena berread̄ai».

Chi nabena capitulod̄e b̄u kub̄uu Jesusba Dachi Akõre Jauri deai jarad̄a, Jesús bajãad̄aa wãda maude Matías chi waabenarã Jesusba b̄uidarã baara b̄u b̄uad̄a ũrubena.

Mawãare b̄u kub̄uu Jesusba b̄uidarãba Jerusalend̄e chi bedea bia ichi ũrubena jaraped̄aad̄a (). Eda b̄u kub̄uu Dachi Akõre Jauri áchimaa need̄a, Pedroba Dachi Akõre de mechiu kaita jarad̄eada, Jesusderã saka ábua panad̄a maude judiorãba Esteban beaped̄aad̄a ũrubena.

Mawãare b̄u kub̄uu Jesusba b̄uidarãba Judea druad̄e maude Samaria druad̄e chi bedea bia ichi ũrubena jaraped̄aad̄a (). Eda b̄u kub̄uu Dachi Akõre Jauri Samariad̄ebena ábarãmaa need̄a, Felipeba chi Etiopiad̄ebenamaa jarad̄eada maude Sauloba Jesucristod̄e ijãada ũrubena.

Mawãare b̄u kub̄uu Jesusba b̄uidarãba chi bedea bia ichi ũrubena judiowãerãmaa jaraped̄aad̄a. Eda b̄u kub̄uu Dachi Akõre Jauri judiowãerãmaa need̄a (), Pedro chi Herodesba j̄ubid̄ad̄ebena ena buiped̄aad̄a (), Pablo chi Jesús bedea jarad̄e wãda (), ábarã chi mechiurã Jerusalend̄e araa ábua imiped̄aad̄a (), Pablo chi Jesús bedea maucha jarad̄e wãda (), chi mawãare wãda () maude Pablo Romad̄aa j̄ua b̄ude adoeped̄aad̄a ũrubena ().

Jesusba Dachi Akõre Jauri deai jarad̄a

1 Teófilo, m̄uuba chi nabena kartad̄e b̄s̄ii Jesusba wau b̄uad̄a ũrubena maude ichiba jarad̄e b̄uad̄a ũrubena, **2** aba Dachi Akõreba bajãad̄aa adoeruud̄aa. Bajãad̄aa wã naede Dachi Akõre Jaurid̄eeba Jesusba chi ichiba b̄uidarãmaa jarad̄easii kãare wauðai panuu. Maarã ichiba j̄ur̄u adauða basii.

3 Jesús biusiid̄e áchimaa ara ichi bes área unubiasii kuitaad̄amera ichi biawãra chokae jiradusii. Maude áchimaa jarad̄ebachii ichid̄eeba, Dachi Akõreba ichidirã ichi juad̄e ua b̄u ũrubena. Cuarenta ewari maka wausii. **4** Ewari abad̄e Jesús áchi baara komaa b̄usiiid̄e naka jarasii:

—Jerusalén puuruðebena áyaa wãrásturu. Nama esed̄austuru aba Dachi Akõreba ichi Jauri deai jarad̄a dearuud̄aa. **I** Mau ũrubena m̄uuba machimaa naede jarasii. **5** Biawãra Juanba baniaba ěb̄erarã boro easii, maamina kã'ábariwãed̄e Dachi Akõreba ichi Jauri machimaa deai. **II**

6 Maabae chi Jesús baara ábua panad̄aba ichimaa id̄esid̄au:

—Dai Mechiu, ¿anakud̄e bichiba dachi Israel puuru chi aude mechiu b̄uabiika, chi naa b̄uad̄a k̄ira?

I 1:4 Lucas 24:49; Juan 14:26-27; Isaías 32:14-15; Joel 2:28-32.

II *Ichi Jauri machimaa deai. Griego bed̄eade naka b̄u kub̄uu: Dachi Akõreba machi ichi Jauriba boro eai.*

7 Jesusba panausii:

—Makai ewari machiba kuitaad̄aabai panuu. Ababu-ru m̄u Chacháburu kuitaa b̄uu mau ewari b̄usiid̄eeba.

8 Maamina Dachi Akõre Jauri machi baara b̄uad̄e neeruude machiba ichi poyaabarii adauðai. Mauba machiba Jerusalend̄e, joma Judea druad̄e, Samaria druad̄e maude drua kaitawẽ nureede m̄u ũrubena berread̄ai.

9 Jesusba maka jarasiid̄e Dachi Akõreba utaa adoesii. Áchiba ichia panuude mau j̄ur̄ura tãede wãsii maabae makaa unud̄aabasii. **10** Wabið̄a Jesús utaa wãdamaa ichia panuude, áchi kaita ěb̄era ome neesid̄au. Maarã paru j̄u panuu torroa área b̄usii.

11 Mau ěb̄eraba naka jarasid̄au:

—Machi Galilead̄ebena, ¿sakãe bajãad̄aa ichia panu-
ma? Jesús machi baara b̄uad̄a bajãad̄aa wãda waya
neei ichi bajãad̄aa wãda k̄ira. **III**

Matías j̄ur̄u adauped̄aad̄a

12 Maabae Olivo ead̄ebena Jerusalend̄aa waya wãsid̄au. Mau ea Jerusalend̄ebena kilómetro aba b̄uu. **IV**¹³ Jerusalend̄e need̄aped̄a de jã utubenaðe áchi panabadaumaa wãsid̄au. Áchi naarã basii: Pedro, Juan, Santiago, Andrés, Felipe, Tomás, Bartolomé, Mateo,

III 1:11 Apocalipsis 1:7. **IV** Kilómetro aba. Griego bed̄eade naka b̄u kub̄uu: Jerusalén kaita b̄uu, judiorã bari panabadau ewarid̄e nibabadau k̄ira.

Alfeo warr Santiago, Simón Celote maude Santiago warr Judas. ^{I14} Joma maarã Jesús ábarã baara, ichi nawe María maude waabena wërarã baara ábua duan-abachidau Dachí Akõremaa utaa ididai baita.

¹⁵ Maka panuude ewari abade Pedro chi ábarã 120 ésa ukú nubesii. Maude jarasii: ¹⁶ «Ábarã, nabëraede Dachí Akõre Jauriba Judasba wauí ùrubena Davidmaa búbisii. ^{II} Dachí Akõre bedede bú kubúu kîra biawãra makai búasiideeba Judasba ébërarã uadósii Jesús jidauðamera. ¹⁷ Judas dachidebena basii maude dachiba waubadau ichia biða wau búabachii».

¹⁸ (Judasba kachirua wauða bare chi nejarra paapedaada, drua nedosii. Maabae aria boroare bæesii maabae chi jîsi chesii. ¹⁹ Joma Jerusalendebe-narãba mau kuitaasidaude chi drua trû jarasidau Acéldama. Mau trû áchi bedede jara búu «Oa Drua»). ^{III20} Maude Pedropa jarasii: «Judas makasii Salmos kartade bú kubúu kîra:

“Ichi de dedumadu bæei. Aba biða aria panadaabai”.
IV

Maude jara búu:

“Ichiba wau buada junebenaba wau bæei”. ^V

²¹⁻²² »Maudeeba ichi kakua machidebena aba dai ome bæei búu ébërarãmaa jarai baita Jesús biawãra chokae jiradusii. Mau ébëra dachí ome búai búu Juanba Dachí Mechiu Jesús boro easiideebena aba Dachí Akõreba Jesús bajadaada adoeda ewaridaa».

²³ Maude mau ébëra omedebena aba jurusidau, áchidebena aba adoedai baita. Aba José basii. Ichi Barsabás maeburã Justo abadau. Maude chi aba Matías basii. ²⁴⁻²⁵ Maabae jomaurãba Dachí Akõremaa naka utaa idisidau:

—Dai Mechiu, Judas bichiba buida bæesii. Ichiba wauí búu ida búsii ichi búai búumaa wãí baita. Jomaurãba sode kûrisia panuu bichiba mau kuitaa búu. Maudeeba daimaa kuitaabiase nau ébëra omedebena sãu juru adauruu bichiba buidaba waubadau waumera.

²⁶ Maabae ne jemenesidau kai bæei kuitaa. Maude Matías bæesii. Ara makude ichi Jesusba buidarã 11 panuu baara ábua bæesii.

Dachí Akõre Jauri needa

2 Mau maadakare Pentecostés bari panabadau ewari basii. Maude joma chi Jesusde ijãa nuree araa ábua duanasidau. ^{VI2} Maka panuude jîwaaruu úrisidau bajadeebena mimichia púatu uruu kîra. Chi dede jomaurãba mau jîwa úrisidau. ³ Maabae áchi úru aoko kubúu kërame kîra uruu unusidau. Mau áchi abaabaa úru bæesii. ⁴ Maude Dachí Akõre Jaurideeba

I Santiago warr. Griego bedede chi bee kartade bú kubúu: Santiago ába. II 1:16 Salmos 41:9. III 1:19 Mateo 27:3-10. IV 1:20 Salmos 69:25. V 1:20 Salmos 109:8. VI Pentecostés ewari naede «chi uu nubúu naede junapedaada bari panabadau ewari» abachidau. Levítico 23:15-21.

paneedapeda bedea didiwaraa berrea bara bæesidau, Dachí Akõre Jauriba berreabiada kîra. ^{VII}

⁵ Pentecostés ewarideeba judiorã druachadebena chi Dachí Akõre kûria nuree Jerusalende duanasidau. ⁶ Mau jîwa úrisidaude ichiade wásidau. Maude úrisidau chi Jesusde ijãabadaurãba áchi berre-abadaucha berrea panuu. Maudeeba kuitaa kûrisi-adaabasii. ⁷ Maka kauwawãa panuude naka jarasidau: «¿Cha berrea panuu joma Galileadebenawãeka? ⁸ ¿Sakachiba ara dachí berrede berrea panuu úri panuma? ⁹ Dachí tãede Partidebena, Medidebena, Elamdebena, Mesopotamiadebena, Judeadebena, Capadociadebena, Pontodebena, Asiadebena, ¹⁰ Frigiadebena, Panfiliadebena, Egiptodebena, Libia druade Cirene puuru kaitadebena maude Romadebena nama panuu. Dachí chi judiorã maude chi griegorã judiorã kîra panabadaurã nama panuu. ¹¹ Maude ébërarã Creta islaebena maude Arabiadebena nama panuu. jJomaurãba ara dachí bedede chi Dachí Akõreba bi'ia wauða úrubena berrea panuu úri panuu!»

¹² Maudeeba jomaurãba kuitaa kûrisiadaabasiideeba naka jara duaneesidau: «¿Nau kãare jara kûria búma?»

¹³ Maude chi nureerãba atua jara duanasidau: —Áchi ituaba biu panuu.

Pedropa Jerusalende jaradeada

¹⁴ Maude Pedro waabena 11 baara jiradupeða jîwa jarasii:

«Machi chi judiorã maude joma Jerusalende nureerãba nau kuitásturu; muba jaraaruu kauwa úristuru.

¹⁵ Machiba kûrisia panuu dai ituaba biu panuu maamina makawãe. jWabida dapede búu! ^{VIII16} Maumaarã chi daiba maka berrea panuu úrubena Dachí Akõre baita berreabarii Joelba naka búsii:

¹⁷ “Dachí Akõreba naka jara búu:

Kaadebena ewaride mû Jauri joma ébërarãmaa deai. Maka machi warrarã maude machi kaurã muba jara-bi búu kîra berredai.

Muba kúudrarã daumaa ne unubiai. Maude chõrarã biða kamokaraade maka unubiai.

¹⁸ Mau ewaride mû Jauri chi mû baita bari trajabadaurãmaa deai, mukîrarãmaa maude wërarãmaa. Maude áchiba muba jarabiaruu kîra berredai.

¹⁹ Mau ewaride ébërarãba ne poyaa wauðakau bajade unubiai. Maude iujade unubiakuai.

Oa, aoko maude nari unubiai.

²⁰ Dachí Mechiuba nebura kastikai ewari neei naede emada kii. Maude jedako oa bai. Mau ewari chi mechiu mia pera bai.

VII 2:4 Hechos 1:8. VIII Dapede búu. Griego bedede naka bú kubúu: ewaridakare hora õbeade búu.

²¹ Maamina chi Dachí Mechiúmaa chí chubúria ídi-íduu joma karibai". ^I

²² »Machi Israelébenarã, nau bedea úristuru: Dachí Akõreba Jesús Nazaretébenamaa ébêrarãba ne poyaa wauðakau mechiu machi táede waubisii. Maka wau bæuðeeba Jesusba kuitaabiasii Dachí Akõre ichi ome bæu. Mau machiba bi'ia kuitaa panuu. ²³ Dachí Akõreba naede kûrisia bæada kîra abáumaa Jesús machi juade ida bæbisii. Maabae machiba ébêrarã kachiru-arámaa cruzde jirabú beabiasíðau. Dachí Akõreba kuitaa bæasii mau joma makai bæu. ²⁴ Jesús área kakua puaba busii. Maamina Dachí Akõreba ichi chokae jiradubisiiðeeba waya biubai; chokae biukaraa nibai.

²⁵ »Davidba ichi úrubena naka jarasii:

«Mæba unusii Dachí Mechiu ewaricha mæ ome bæu. Ichi mæ jua biare bæuðeeba wapeawêa bæu.

²⁶ Mauðeeba mæ sô kîrajú bæu; mæ área kîrajú kari bæu.

Mæba kuitaa bæu biurumina mæ jirukaraayuwæe nibai.

²⁷ Mæba kuitaa bæu bichiba mæ biudarã panabadaude ^{II} nububai.

Mæ, chí bichi baita bari trajabarii jipa nii ida bæraabi-ibai.

²⁸ Bichiba mæmaa chí dachi chokae bæabibarii o unubisii, mauðe bichi mæ ome bæuðeeba mæ área kîrajú bæu". ^{III}

²⁹ »Mæ ábarã judiorã, mæba arakude jaraaru: dachi nabêraedebena David busiiðe mau jau bæsiðau. Chí jau bæbadau dachiba wabiða unubadau. ³⁰ Maamina David Dachí Akõre baita berreabarii basii. Mauðeeba kuitaa bæasii Dachí Akõreba biawãraðeeba jarasii chí ichiðebena neeruu abã ichi bari israelébenarã rey bæu. ^{IV}³¹ Makai kuitaa bæasiðeeba ichiba berreasii Dachí Akõreba Dachí Karibabarii deai jaraða chokae jiradi úrubena. ^V Ichiba jarasii Dachí Akõreba mau chí biudarã panabadaude nububai mauðe ichi chí kakua bæraabiibai.

³² »Davidba jaraða kîra Dachí Akõreba Jesús biu bæada chokae jiradubisii. Joma daiba mau unusiðau.

³³ Dachí Bajãðebena Akõreba ichi jua biare Jesús chí mechiu bæsii. Maabae ichi Jauri deai jaraða Jesusmaa deasii ichiðirãmaa deamera. Jesusba mau Jauri biawãra daimaa deasii. Machiba unu panuu mauðe úri panuu ichi Jauriba maka waubi bæu. ³⁴ David bajãðaa wãbasii, Jesús wãða kîra. Maumaarã ichiba naka jarasii:

«Dachi Mechiuba mæ Mechiúmaa jarasii:

Mæ jua biare akú bæese,

^I 2:17-21 Joel 2:28-32. ^{II} Biudarã panabadaude. Griego bedeaðe naka bæ kubuu: Hades. ^{III} 2:25-28 Salmos 16:8-11. ^{IV} 2:30 2 Samuel 7:12-13; Salmos 89:3-4; Salmos 132:11-12. ^V Dachí Akõreba Dachí Karibabarii deai jaraða. Mau jara bæu Cristo maeburã Mesías.

³⁵ abã bichi kîramaarã mæba joma bichi juade bæu-ruuðaa". ^{VI}

³⁶ »Mauðeeba joma israelébenarã, biawãra kuitás-turu: Jesús, chí machiba cruzde jirabúbipeðaaða, Dachí Akõreba mau chí jomaurã Mechiu mauðe Dachí Karibabarii deai jaraða bæsii».

³⁷ Mau úrisiðauðe joma áchi sôðe área kûrisia baraa duaneesiðau. Mauðeeba áchiba Pedromaa mauðe chí waabenarã Jesusba bæidarãmaa ídisiðau:

—Ábarã, ¿káare wauðai panuma?

³⁸ Mauðe Pedroba panausii:

—Kachirua ida bæðapeða Dachí Akõremaa nésturu. Jesucristo trúðeeba boro eásturu. Mauðe machiba kachirua waupedaða Dachí Akõreba perdonapeða ichi Jauri machimaa deai. ³⁹ Dachí Akõre chí Mechiuba ichi Jauri deai jaraða machi baita bæu, machi warrarã baita bæu mauðe ébêrarã kaitawê nureerã baita bæu. ^{VII} Joma chí Dachí Akõre Mechiuba iukua bæu ébêrarã baita bæu.

⁴⁰ Pedro área berreasii áchiba ijãaðamera. Naka jara bæasii:

—¡Dachi Mechiuba chí íðibaebena ébêrarã kachirua waubadaudebena áyaa wásturu! ^{VIII}

⁴¹ Área ébêrarãba ichi bedea ijãaðapeða boro easiðau. Mau ewariðe chí Jesusde ijãapeðaaða 3.000 panasiðau.

⁴² Chí Jesusba bæidarãba jaradea panuu áchiba área úribachiðau. Ábua bi'ia duanabachiðau. Pan bæðapeða, kobachiðau. ^{IX} Mauðe Dachí Akõremaa útaa ídi panabachiðau.

Chí Jesusde ijãabadaurãba wau panada

⁴³ Chí Jesusba bæidarãba ébêrarãba ne poyaa wauðakau área waubachiðau. Mauðeeba jomaurãba Dachí Akõre área wapeasiðau. ⁴⁴⁻⁴⁵ Joma chí Jesusde ijãa nuree ábua bi'ia duanabachiðau. Chí nureerãba áchi drua mauðe ne kaebea nedobúðapeða chí nejarr barauwæe nureerãmaa áchi nejarra deabachiðau. Maka chí áchiba uru panuuba chiya aiðabachiðau.

⁴⁶ Ewaricha Dachí Akõre de mechiuðaa araa ábua imibachiðau mauðe ábarã decha kîrajúðeeba ábua kobachiðau. ⁴⁷ Áchiba Dachí Akõremaa bi'ia berrebachiðau. Mauðe waabenarãba áchi bi'ia unubachiðau. Mauðe Dachí Mechiuba ewaricha ébêrarã karibabachii. Maka Dachí Akõreba áchi área bawaabi-asii.

Pedroba ébêra júru bæu nii aribiabiða

3 Ewari abã ása úru õbea baaruude, judiorãba Dachí Akõremaa útaa íðibadau horade, Pedro

^{VI} 2:34-35 Salmos 110:1; Lucas 20:41-44. ^{VII} 2:39 Ezequiel 36:23-28. ^{VIII} 2:40 Ezequiel 11:19-21; 18:30-32. ^{IX} Pan bæðapeða. Chí nureemaarã, mau chí Jesús kîrabadaí baita kobadau jara bæu. Lucas 22:19-20; Hechos 20:7; 1 Corintios 11:23-26.

maude Juan Dach Aköre de mechiudea wäsidau.

² Aria Dach Aköre de mechiude eđa wābadau Mipitaa ārea buu abadaude, ēbēra chi naweba adauadeedebena jūru buu nii buasii. Ēbērarāba ichi ewaricha araa adoebachidau chi nejarrā idikamera chi aria wāaduuraamaa. ³ Pedro maude Juan eđa wāadu unusiide chi nejarrā idisii. ⁴ Pedroba maude Juanba maumaa ichiasidau. Maude Pedroba jarasii:

—Daimaa ichiāse.

⁵ Ichimaa chi nejarrā deada kūrīsiasiiēeba maarā-maa ichiasii. ⁶ Pedroba jarasii:

—M̄ chi nejarrā maude nee wā'āe, maamina chi m̄ba uru buu bichimaa dearuu: ¡Jesucristo Nazaretdebena trūdeeba jiradupeđa nibadease!

⁷ Maude Pedroba chi ēbēra jua biare jidaupeđa jiradubisii. Jiraduuruude chi ēbēra bakara maude chi jūru kōkōrā aribasii. ⁸ Ara makude utū jīdrupeđa nibadeasii. Kīrajūdeeba jīdrupeđa Dach Akōremaa bi'ia berreapeđa āchi baara Dach Akōre de mechiude eđa wāsii. ⁹ Jomaurāba ichi Dach Akōremaa bi'ia berrea buu unusiide, ¹⁰ kuitaasidau jāu ewaricha Dach Akōre de mechiude eđa wābadau Mipitaa buu abadaude chi nejarrā idiruu akū buabachii. Mau unusiide, kāare kūrīsidau adua basii.

Pedroba chi Dach Akōre dede duanumaa jarada

¹¹ Chi ēbēra jūru buu nibada Pedro maude Juan jākaabena wāabasii. Āchi Dach Akōre de ābudare Salomón abadaude panasidau. Jomaurāba kuitaa kūrīsiaadaabasiideeba āchimaa pira wāsidau. ¹² Pedroba mau unusiide jarasii: «Machi Israeldebena, ¿sakāe machi kūrīsia baraa panuma? ¿Sakāe daimaa ichia panuma? ¿Kūrīsia panuka ara daiēeba maeburā dai Dach Akōre daude jipa panuudeeba nau ēbēra aribabisidau? ¡Makawāema! ¹³ Dach Akōre dachi nabēraedebena Abraham ome, Isaac ome maude Jacob baara buadaba ichi baita bari trajabarii Jesús chi Mechiu busii. ¹ Ara mau Jesús machiba Pilatoma jidau deasidau beamera. Pilatoba mau karibai kūrīa buasmina machiba ichi daude mau kūrīadawēe asidau. ¹⁴ Machiba Dach Akōre baita bari trajabarii Jipa nii ida buapeđa idi panasidau Pilatoba mia beabarii Barrabás ida buimera. ¹⁵ Maka machiba chi dachi Chokae Nibabiabarii beasidau. Maamina Dach Akōreba ichi biui buada chokae jiradubisii. Mau chokae jiraduđa unusiide. ¹⁶ Ara mau Jesús poyaabariiba nau ēbēra machiba unubadau aribasii. Daiba ijāa panuu Jesusba chi ēpermo nuree aribiabiabarii. Maka ijāa panuudeeba nau ēbēra biawāra aribasii. Mau machiba arakude unu panuu.

I Ichi baita bari trajabarii. Mau bedea nau sida jara buu «chi Warr». II 3:14 Marcos 15:6-15.

¹⁷ »M̄ ābarā judiorā, m̄ba kuitaa buu machiba maude machi karrarāba Jesús beabisidau ichi Dach Akōreba deai jarada dachi karibabarii adua panasideeba. ¹⁸ Maamina maudeeba Dach Akōreba naude jarada joma makabisii. Ichi baita berreabadaurādeeba jarasii ichiba Dach Karibabarii deai jarada ārea pu'upeđaadeebena dauchia jādua buapeđa biui busii. ¹⁹ Machiba chi kachirua ida buapeđa Dach Akōremaa nésturu. Maka wauduburā machiba kachirua wupeđaada Dach Mechiuba perdonapeđa sōbiabiai, ²⁰ ichiba chi Dach Karibabarii deai jarada bui naude machimaa jara buada kīra. Mau Jesusb̄. ²¹ Ūraudea Jesucristo bajāde buu aba Dach Akōreba joma waya bi'ia chiwidi wauruūdaa, chi Dach Akōre baita berreabadaurāba nabēraede berreabachidau kīra.

²² »Moisesba dachi nabēraedebenaarāmaa naka jarasii: «Dach Akōre Mechiuba m̄ buida kīra ichi baita berreabarii aba machimaa busii. Mau ēbēra ara machi puurudebena bai. Mauba jaraaru joma ijāsturu. ²³ Mauba jara buu abaua ijāwēeburā, mau ēbēra ichi puurudebena awara biui buu». ²⁴ Mau awara Samuel ewaridebena joma chi Dach Akōre baita berreabadaurāba nau ūrubena berreasidau. ²⁵ Chi āchiba berreapeđaada idi biawāra unu panuu.

»Mau awara Dach Akōreba machi nabēraedebenaarāba ome bedea deasii. Ichiba Abrahamaa naka jarasii: «M̄ba chi bichidebena neeruudeeba nau iujādebenadebenarā joma bi'ia duanubiai». ²⁶ Mau bedea deada machiba idibae uru panuu. ²⁶ Dach Akōreba chi ichi baita bari trajabarii Jesús chokae jiradubipeđa naa machimaa busii karibamera. Machicha aida buu machiba kachirua waubadau ida buamera».

Pedro maude Juan judiorā mechiurā daude

⁴ Pedro maude Juan ēbērarā ome wabida berrea panuude, judiorā paarerā, Dach Akōre de mechiu nubadaurā chi karr maude chi saduceorā āchimaa neesidau. ² Kīrusidau Pedroba maude Juanba ēbērarāmaa jaradea panasidaudeeba Jesús chokae jiraduđa kīra, ēbērarā sida chokae jiradudai. ³ Pedro maude Juan jidaupeđa jūa buikasidau. Kiusiideeba noremaūda busidau. ⁴ Maamina chi Pedroba jaradea buada ūri panađa āreaba Jesusde ijāasidau. Chi maarā mukīrarā 5.000 basii.

⁵ Norema judiorā karrarā, chi chōrarā maude chi Moisesba buđa jaradeabadaurā Jerusalemde araa ābua imi nubasii. ⁶ Paare mechiu Ana aria busii. Maude ichi dedebenaarā ārea panasidau: Caifás, Juan, Alejandro maude ichi dedebenaarā. ¹⁷ Āchiba Pedro maude

III Dach Karibabarii deai jarada. Griego bedea naka buu: Cristo. Salmos 22:7-8; 69:17-21; Zacarías 12:10; Isaías 52:13—53:12.

IV 3:23 Deuteronomio 18:15-19. V 3:25 Génesis 22:18; 26:4.

VI Mau ewaride Caifás paare mechiu basii maamina ichi chayūre

Juan adoebisiđau. Āchi daade akũ nubũdapeđa naka iđisiđau: ^I

—Jāu ēbēra jũru bũũ nibađa machiba ¿kai poyaađee-ba aribiabisida? ¿Kai trũđeeba jāka wau panuma?

⁸ Maude Pedroba Dachĩ Akõre Jauriđeeba naka panausii:

—Dachi puuruđebena karrarā maude Israelđebena chõrarā: ⁹ Machiba daimaa biawāra kuitaadaĩ jũru panuu, daiba saka ēbēra jũru bũũ nibađa aribi-abipeđaada ũrubena. ¿Maka bũuwāeka? ¹⁰ Maka bũ-ubũrā daiba machi daade jaraaduu machi joma is-raelđebenarāba kuitaadaamera. Nau ēbēra machi daade akũ nubũu Jesucristo Nazaretđebena poyaađeeba aribiabisii. ^{II} Mau Jesucristo machiba cruzde jirabũ beasiđau, maamina Dachĩ Akõreba ichi chokae jiradubisii. ¹¹ Dachĩ Akõre kartade bũ kubũu: “Chi mo bia chi de waubadaurāba ida bũpedaada, mau chi biara beesii”. ^{III} Jesús mau mo bia kĩa nii. ¹² Maudeeba Jesucristođeburu ijāaduubũrā, Dachĩ Akõreba dachi kastikaabai dachiba kachirua waupedaada kakua. Ichi awara, Dachĩ Akõreba aba biđa nau iujāade bũubasii ēbērarā karibamera.

¹³ Chi karrarāba Pedro maude Juan wapeawēa berrea panuu unusiđauđe kuitaa kĩrisiđaaabasii. Āchi-ba kuitaa panasidađu Pedro maude Juan ārea karta adua nuree. Mau awara kuitaasiđau āchi Jesús baara nibabachiđau. ¹⁴ Mau awara chi ēbēra aribiabiđa āchi baara bũuđeeba āchi ũrubena poyaa kachirua jaradaabasii. ¹⁵ Maude Pedromaa maude Juanmaa jarasiđau awara esedaude wādamera. Maabae chiya berrea bara berreasii. ¹⁶ Naka jarasiđau: «Jāu ēbērarā ome ¿saka wauđaima? Āchiba mau ēbērarāba ne poyaa wauđakau waupedaada joma Jerusalendebenarāba kuitaa panuu. Dachiba poyaa meradaabai, asiđau. ¹⁷ Maamina dachiba jaradaĩ ichi trũđeeba abaumaa biđa waa berrearābađe adai, waabenarāba mau ũrubena ũrirādaamera».

¹⁸ Maabae Pedro maude Juan waya iusiđau abau-maa biđa Jesús ũrubena berrearādaamera maude jaradearādaamera. ¹⁹ Maamina Pedroba maude Juanba jarasiđau:

—Bi'ia kĩrisiásturu. ¿Bi'ia bũka Dachĩ Akõrede ijāadaĩ maebũrā chi machiba jara panuu ijāadaĩ? Daimaarā bi'ia bũu Dachĩ Akõrede ijāadaĩ. ²⁰ Chi daiba un-upedaada maude ũripeđaada jaradaĩ poyaa ida bũdaabai.

²¹ Maabae chi karrarā aria duanuuba maucha jarasiđau maka jarabirādaamera. Āchiba jidau panasmina kastikađai baita, ēbērarā kakua wapea duanu-udeeba ida bũsiđau. Ēbērarā joma Dachĩ Akõremaa

Ana mau naede paare mechiu basiiđeeba ichi wabiđa maka trũ jarabachiđau. I 4:7 Lucas 12:11-12. II Jesucristo Nazaretđebena poyaađeeba. Griego beđeade naka bũ kubũu: Jesucristo Nazaretđebena trũđeeba. III 4:11 Salmos 118:22; Lucas 20:9-19.

bi'ia berreasidađu, ²² chi ēbērarāba ne poyaa wauđakau aribiabisiiđe, mau ēbēra 40 años wāyaa uru bũasiideeba.

Jesude ijāabadaurāba peradaawēa utaa idipeđaada

²³ Pedro maude Juan jũa bũ panađa wāđapeđa chi waabena Jesude ijāabadaurā ābua panuumaa wāsiđau. Maabae chi paare mechiurāba maude chõrarāba āchimaajarapeđaada joma nebũrusiđau. ²⁴ Mau ũrisiđauđe joma ābua Dachĩ Akõremaa utaa iđisiđau: «Dai Mechiu joma poyaa nii, bichiaburu bajā, nau iujā, mar maude joma mameđa duanuu wausii. ²⁵ Bichi Jauriđeeba chi bichi baita bari trajabarii Davidmaa naka jarabisii: ^{IV}

“¿Sakāe āibena druadebenarā kĩru panabadama maude puuruđebena Dachĩ Akõre ũrubena kachirua wauđai bari kĩrisia panabadama?

²⁶ Nau iujāadebena reyrā maude karrarā araa ābua imipeđaadaakare, chiya beđe deasiđau Dachĩ Mechiu ome chõdayua maude chi ichiba bũiđa rey ^V ome”. ²⁷ Ara mau kĩa nau puurude Herodes, Poncio Pilato, judiowāerā maude Israel puuruđebenaarāba beđe deasiđau chi bichi baita bari trajabarii jipa nii Jesús beđaĩ baita. ^{VI} Bichiba ichi Dachĩ Mechiu bũdamina, ²⁸ āchiba maka wausiđau bichiba naede kĩrisia bũada kĩa. Bichi ārea poyaađeeba naede maka bũsii āchiba maka wauđamera.

²⁹ »Jābae Dai Mechiu, ichiāse chi daimaa kachirua wauđai berrea panuurāmaa maude bichi beđe daimaa aude wapeawēa jaradeabiāse. ³⁰ Bichi poy-aabarii siđa dease chi ēpermo nuree aribiabiadaĩ baita maude bichi baita bari trajabarii jipa nii Jesús trũđeeba ēbērarāba ne poyaa wauđakau wauđai baita».

³¹ Dachĩ Akõremaa utaa iđidai ida bũsiđauđe chi panadamare de uri kobeesii. Maude joma Dachĩ Akõre Jauriđeeba duaneesiđau. Mauba Dachĩ Akõre beđe wapeadaawēa jara kopaneesiđau.

Ijāabadaurāba āchi ne kaebea deadaakapeđaada

³² Mau ewariđe chi Jesude ijāabadaurā arabau kĩrisiđeeba, arabau sōđeeba ābua bi'ia duan-abachiđau. Abau biđa āchi ne kaebea uru panuu āchi bāitaburu bũu adaka basii, maumaarā bari jomaurā bāitaburu basii. ³³ Jesusba bũidarāba Dachĩ Akõre poyaađeeba Dachĩ Mechiu Jesús chokae jiraduđa ũrubena arakude jaradeabachiđau. Maude Dachĩ Akõreba ichi sōbiadeeba ābarā ārea aidabachii. ^{VII}³⁴⁻³⁵ Maudeeba āchi tāede chi nejarr barauwāe nuree wā'āe basii. Chi

IV Bichi Jauriđeeba. Griego beđeade chi bee kartade mau wā'āe. Bichi baita bari trajabarii Davidmaa. Griego beđeade chi bee kartade naka bũ kubũu: dai nabēraedebena. V Chi ichiba bũiđa rey. Griego beđeade naka bũ kubũu: Ichi Cristo. Salmos 2:1-2. VI Herodes. Mau Herodes «Antipas» abachiđau. Bichi baita bari trajabarii. Mau beđe nau siđa jara bũu «chi warr». VII Dachĩ Akõreba ichi sōbiadeeba

drua uru nureeba ächi drua nedobuibachidau mauede de uru nureeba ächi de nedobuibachidau. Nedobuipedea chi nejarra Jesusba buidarämaa adobachidau kuitaa deadakademera. Äba äba chi nejarra barauwäe beeruude chi nejarra deabachidau.

³⁶ Maka wausii ebëra Levi debena needa, Joseba. Mau mukira Chipre islad ebena basii. Mau chi Jesusba buidaräba Bernabé abachidau (mau jara buu «Kira-jubibarii»). ³⁷ Mau Bernabeba drua nedobuipedea chi nejarra adoesii, chi Jesusba buidaräba deadakademera.

5 Mauede ebëra Ananías abadau buasii. ¹ Ichi wëra Safira abachidau. Maarä biä drua nedobuisidau. ² Maamina Ananías chi wëra ome bedea deasidau chi nejarra joma deabai baita. Maka Ananiasba chi nejarred ebena ba'ä raburu chi Jesusba buidarämaa deasii, mauede chi üru bedea uru beesii. ³ Pedroba jarasii:

—Ananías, ¿Sakäe Satanasba waubi buu kira wausma? Bichiba Dach Aköre Jaurimaa setaa jaraaruu. Bichi drua nedobuibe ebena chi nejarra ba'ä uru beeruu. ⁴ Jäu drua nedobui naede ¿bichidiwäe baska? Nedobuidakare chi nejarra sida ¿bichidiwäe baska? Joma deai küriabasiiburä ¿sakäe jäka bichi söde setaa wau kürisiasma? Bichiba ebërarämaa setaa jaraabasii, maumaarä Dach Aköremáburu setaa jarasii.

⁵ Mau ürisiide Ananías jeeda biu bæesii. Chi aria duana daba mau unusidaude, ärea perasidau. ⁶ Maabae chi nuree küudräräba chi biuda paruba buradapeda, adoedapeda maabae jau busidau.

⁷ Hora öbea badakare Ananías wëra Safira eda wäsii, chi kima biuda adua. ⁸ Pedroba maumaa idisii:

—Mummaa jarase ¿Biawäraka machiba nau chi nejarra bare drua nedobuisidau?

Safiraba panausii:

—Maerä, ara mau kira nedobuisidau.

⁹ Maudeeba Pedroba jarasii:

—Machi ¿sakäe setaa wau dai baita bedea deasidama Dach Mechiu Jauriba saka wau kuitai baita? ¡Ichiäse! Bichi kima jau buede wä panada jari uruuduu. Jäabae bichi sida jau buede adoedai.

¹⁰ Ara mau jaraaruude Safira biu bæesii Pedro jüru jäkaa. Küudrärä eda needuude unusidau ichi biu nubuu. Mauede awara adoedapeda chi kima jäkaa jau busidau. ¹¹ Maudeeba äbarä mauede joma mau ürubena kuitaapedaadarä pera bara beesii.

äbarä ärea aidabachii. Mau bedea nau sida jara buu «joma ebëraräba Jesusde ijäa nuree wapeabachidau». I Mau Ananías ababuru nau capítulo 5de nee buu. Capítulo 9de mauede 22de june Ananías ürubena bu kubuu. Mauede capítulo 23de june Ananías ürubena bu kubuu.

Jesusde ijäabadauräba ebërarä ärea aribiabiapedaada

¹² Mau ewaride Jesusba buidaräba ebëraräba ne poyaa wau dakau ärea waubachidau. Maka kuitaabisidau Dach Aköre ächi ome buada. Makaede chi Jesusde ijäabadaurä joma äbua neesidau Dach Aköre de äbudare Salomón abadaude. ¹³ Chi waabenarä wapeaba maarä baara araa äbua imidakabasii. Maamina jomauräba maarä ürubena bi'ia berreabachidau.

¹⁴ Aude maucha Dach Mechiude ijäaduu ärea neesidau, mukirärä mauede wërarä. ¹⁵ Jesusba buidaräba ebëraräba ne poyaa wau dakau ärea wau panuudeeba ebëraräba ächi epermo nureerä ode jira adoebadaude adobachidau, Pedro wäaruu niide, ichi jauriba ächi üru borooruba aribiabimera. ¹⁶ Mauede Jerusalén kaita puuru debenaräba epermo nureerä ärea enebachidau mauede ächi kakuade jai kachirua nuree miru bæe sida enebachidau. Maabae maarä joma aribiabiabachidau.

Chi Jesusba buidarä jurupedaada bi'iwäe paneebiadaibaita

¹⁷ Chi paare mechiuba mauede saduceorä chi ichi baara duana daba chi Jesusba buidarä jiwaa kopaneesidau. ¹⁸ Maudeeba chi Jesusba buidarä jidau dapeda jüa buikasidau. ¹⁹ Maamina ara mau esabude Dach Mechiude angelba chi poraa ewapeda ächi awara buikasii. Maabae jarasii: ²⁰ «Dach Aköre de mechiudea wädapeda chi chokae buai chiwidi ürubena ebërarämaa jarästuru».

²¹ Maka üridapeda norema dapede maarä Dach Aköre de mechiude eda wäsidaude maabae jaradea kopaneesidau.

Maumisa mau paare mechiuba mauede ichi baara panadaba iude busidau joma chi Israel debenarä chörarä araa äbua imidamera mauede berredamera. Maabae chi Jesusba buidarä chi ebëra jüabadau marebena adubiasidau. ²² Maamina chi mau de nubadauräba aria jüru wäsidaude, unudaabasii. Maudeeba waya wäsidaude naka jarasidau:

²³ —Ichiäde wäsidaude, chi ebëra jüabadau bi'ia jüa nubuasii, mauede chi ebëra jüabadau nubadauräba poraade numaa panasidau. Maamina chi poraa ewasidaude, äba biä unudaabasii.

²⁴ Mau ürisidaude, Dach Aköre de mechiu nubadaurä chi jaradea ua buabariiba mauede chi paare mechiuräba käare kürisiada adua basii mauede jäabae käare säaima chiya maka a idisidau. ^{II}²⁵ Maka buude mukira äba neesii maabae jarakuasii:

—¡Chi machiba jüa bupedaadarä Dach Aköre de mechiu duä ebërarämaa jaradeamaa panuu!

II Paare mechiurä. Griego bedeaede chi bæe kartade nau sida bu kubuu: paarerä chi aude mechiu.

²⁶ Ara makude Dachikõre de mechiu nubadaurã chi jaradea ua buabarii chi waabenarã nubadaurã baara jidaude wãdapeða, wapeaba maarã kïra jipa enesisidau, ëbërarãba ächimaa mokaaraba bataðai a kïrisiasidauðeeba. ²⁷ Adoedapeða chi jaradea ua buabadaurã daade ukũ nubudapeða chi paare mechiuba ächimaa jarasii:

²⁸ —Naede daiba ärea jarasidau machiba jãu ëbëra trüðeeba waa jaradeaarãamera. Maamina machiba joma Jerusaleðebenarãmaa jaradea panuu. Mau awara jãu ëbëra beapedaada kakua, dai nebura baraasidau a jara kïria panuu.

²⁹ Maude Pedroba maude chi waabenarã Jesusba buidarãba panausidau:

—Ëbërarãba jara panuu audeara Dachikõreba jara buu ijãadai panuu. ³⁰ Dachinabëraeðebena Akõreba Jesús chokae jiradubisii. ¹ Maamina machiba maucruze jirabu beabisidau. ³¹ Dachikõreba Jesús ichijua biare busii Dachimechiu maude dachikaribabarii buamera. Ichideeba israeðebenarãba kachirua ida budapeða waya Dachikõremaa poyaa needai. Makarã ächiba kachirua waupeadaa Dachikõreba perdonai. ³² Mau wauða ürübena daiba jarabadau. Maude Dachikõre Jauriba mau joma kuitaa buu. Dachikõreba ichijauri deabarii chichiðe ijãabadaurãmaa.

³³ Judiorã mechiurãba mau ürisidauðe, ärea kïrudapeða Jesusba buidarã kenadai kïriasidau.

³⁴ Aria fariseo Gamaliel abadau buasii. Mau Gamaliel judiorã Moisesba buða jaradeabarii chimechiu basii. Jomaurãba ichi ärea wapea panasidau. Gamaliel jiradupeða Jesusba buidarã awara wãbiaðausii.

³⁵ Maabae chimechiurãmaa jarasii:

—Israeðebena ëbërarã, machiba mau ëbërarã saka wauðai ürübena ärea kïrisiásturu. ³⁶ Kïrabásturu ärea kã'ãabariwãeðe chimukïra Teudas abadau ichijomaurã audeara mechiu nibaikïrisiasii. Mau baara 400 mukïrarã panasidau. Maamina mau mukïra beasidauðe chibaara nibapeadaa a'awaraa waurisidau. Maabae joma ichiba wauikïrisia buaða wã'ãesii. ³⁷ Mau maadakare Romaeðebenarãba ëbërarã trü bumaa panuude, Judas Galileaeðebena biða mau Teudas kïra kïrisiasii. Mau Judasba ëbërarã ärea ichi ome uru nibasii. Maamina Romaeðebenarãba mau beasidauðe joma ichibaara nibapeadaa jïichoasidau. ³⁸ Maudeeba muuba jaraaruu: nau ëbërarã ida bústuru. Maarã kachirua waurásturu. Jãarãba ara ächikïrisiadeeba jaradea panuuburã kã'ãabariwãeðe joma wã'ãei. ³⁹ Maamina Dachikõreba mau wauibuuburã, machiba poyaaðabai. Kaubaa, Dachikõre ome chïomaa paneedai.

Gamalielba jarada jomaurãba ijãasidau. ⁴⁰ Maabae Jesusba buidarã waya iusidau. Pebewaðapeða, jarasidau waa Jesús trüðeeba ëbërarãmaa berrearãamera. Mau maadakare enatasidau. ⁴¹ Ara makude Jesusba buidarã judiorã mechiurãðebena kïrajũ wãsidau. Kuitaa panasidau Dachikõreba ächibi'ia unusii ächi Jesús trüðeeba bi'iwãe panabisidauðeeba. ⁴² Mau maadakare ewaricha jaradeabachidau chibedeaba bia Jesús Dachikõreba dachikaribabarii deai jarada ürübena. Mau jaradea wãbachidau Dachikõre de mechiuðe maude decha.

Äbarã aidaabadaurã 7 juru adauða

6 Mau ewaride chijesusde ijãabadaurã maucha aude baraasii. Maude chigriego beedeðe berreabadaurã judiorãba chihhebreo beedeðe berreabadaurã kachirua jara kopaneesidau. Jarasidau äbarãba pëdrãrã ewaricha aidaaduude ächipëdrãrã aidaðakau.

² Maudeeba chijesusba buidarã 12 panuuba joma Jesusde ijãabadaurã äbua duanuude naka jarasidau:

—Bi'ia buwãema daiba Dachikõre beðe jaradea panuu ida buðai pëdrãrã aidaðai baita. ¹³ Maudeeba äbarã, machidebena 7 ëbërarã jipa nuree jurústuru. Ächidachikõre Jaurideeba nureaðai panuu maude kïrisia kuitaa nureaðai panuu. Maarã daiba buðai pëdrãrã maude waabenarã aidaamera. ⁴ Maka wauduuburã daiba poyaa bi'ia Dachikõremaa utaa idi panadai maude ichibedeaba jara panadai.

⁵ Ächiba jarapeadaa jomaurãba bi'ia ürisidau. Maudeeba Esteban juru adausidau. Mau Estebanba Jesusde ärea ijãa buasii; Dachikõre Jaurideeba buasii. Ichi awara Felipe, Prócoro, Nicanor, Timón, Parmenas maude Nicolás Antioquía puuruðebena juru adausidau. Mau Nicolás griego basii maamina judio kïra buabachii. ⁶ Chi äbarãba maarã Jesusba buidarãmaa adoesidauðe, Dachikõremaa utaa idiiduude ächijua maarã ürũ kubusidau.

⁷ Maude äbarãba Dachikõre beðe aude jarasidau. Maka chijesusde ijãabadaurã Jerusaleðe maucha aude baraasii. Mau awara ärea paarerã biða ijãasidau.

Judiorãba Esteban araa äbua imibiabadaurã duanuuma adoebipeadaa

⁸ Dachikõreba ichisöbiadeeba Esteban ärea aida buasii. Ichi poyaabarii Estebanmaa deasii ëbërarãba ne poyaa wauðakau mechiu ëbërarã täede wau buamera. ⁹ Maude waabenarã judiorã Cirene druadebena maude Alejandría puuruðebena panasidau. Ächijudiorã araa äbua imibadau de "Chichibari baita bari trajabarii enakupeadaarã" abachidau. Waabena judiorã Cilicia druadebena maude Asia druadebena

II Pëdrãrã aidaðai baita. Griego beedeðe naka bu kubuu: Chiko deaðakadai baita maeburã chinejarra juasiidai baita.

panasidau. Joma mau judiorã Esteban ome oa kachirua berrea duaneesidau. ¹⁰ Maamina ächiba Esteban ome poyaaäbasii, ichi Dachí Akõre Jauri kûrisia kuitaaäbeba berrebachiideeba. ¹¹ Mauäbeba ächiba waabenarã äbërarãmaa chi nejarra deasidau naka setaa wauäamera: «Daiba ürisidau jäu äbëraaba Moisés ürubena mauäe Dachí Akõre ürubena kachirua berrea bæu».

¹² Maka ächiba puuruäbenarã, judiorã chi chõrarã mauäe chi Moisesba bæä jaradeabadaurã kîru-bikasidau. Mauäbeba Esteban jidaudapeda chi äbërarã araa äbua imibiabadaurã duanuumaa adoesidau.

¹³ Mauäe waabenarã äbërarã araa adoesidau setaa jaradamera. Maarãba naka jarasidau: «Jäu äbëraaba Dachí Akõre de mechiu bi'ia bæu ürubena mauäe chi Moisesba bæä ürubena kachirua berrea bæabarii.

¹⁴ Ichiba jarasii Jesús Nazaretäbenaba Dachí Akõre de mechiu ärii mauäe Moisesba jaradea bæää kîra di-ware waui. Jäuba maka berrea bæu daiba ürisidau».

¹⁵ Chi judiorã mechiurã joma aria akü duanuuba Esteban ichiaduude unusidau ichi kîedarr ängel kîedarr kîra bæu.

Estebanba jaradä

7 Mauäe paare mechiuba Estebanmaa idisii:
—¿Jäarãba jara panuu biawäraka?

² Estebanba naka panausii:

—Mü äbarã judiorã, mü jaradea ua bæabadaurã, michuburia mü bæä üristuru. Dachí nabëraädebena Abraham wabiäa Mesopotamia druäde bæasiide Harán puuruäe bæäde wäi naäde Dachí Akõre chi Bi'ia nii ichimaa neesii. ³ Dachí Akõreba ichimaa jarasii:

“Bichi drua mauäe bichi dedebenarã bæipeäa wäse chi drua müüba unubiiruumaa”. ⁴ Ara maküde Abraham caldeorã druädebena wäpeäa Harán druädaa bæäde wäsii. Abraham akõre biusiiäe Dachí Akõreba Abraham chi machi nau üraude panuu druädaa eneesii.

⁵ Maamina aria Dachí Akõreba Abrahammaa drua äba adaui bæu bistîika biäa deabasii. Maumaarã biawärädeeba jarasii ichimaa mauäe chi ichidebena needuurãmaa nau drua deai. ^{III} Dachí Akõreba Abraham wabiäa warr wä'äe bæasiide maka jarasii. ⁶ Mauäe Dachí Akõreba Abrahammaa jarasii: “Chi bichidebena neeruu puuru äibena druäde bæui, aria äibenarã chibari baita bari trajabadaurã nureäai mauäe mau äbërarãba ächi 400 años bi'iwäe panabi uru panadai”.

⁷ Maamina Dachí Akõreba Abrahammaa naka jarasii: “Müüba chi ächi bari trajabi panuu puuru kastikai. Mau maäakare bichidebenarã jäu druädebena waya wäaduude, nau druäde müümaa bi'ia berreadai”. ^{IV}

I 7:3 Génesis 12:1. II 7:4 Génesis 11:31—12:9. III 7:5 Génesis 12:7; 13:15; 15:17-18; 17:8. IV 7:7 Génesis 15:13-16.

⁸ »Maabae Dachí Akõreba Abrahammaa bæäe deasii joma ichidebena needuurã mukîra chi kakua tõodamera Dachí Akõreäe bæu kuitaabiäai baita. Mauäbeba ichi warr Isaac adauä 8 ewari baaruäde chi kakua tõosii. ^V Isaacba ichi warr Jacob ome arabauäde wausii. Jacoba ichi 12 warrarã ome arabauäde wausii.

⁹ »Mau maäakare Jacob warrarãba ächi äba José kîramaa panuudeeba ichi nedobüsidau Egipto druäde chibari baita bari trajabarii bæamera. ^{VI} Maamina aria Dachí Akõre ichi ome bæasii. ¹⁰ Mauäbeba joma ichi ärea bi'iwäe bæuädebena Dachí Akõreba karibasii. Ichimaa kûrisia kuitaa deasii faraón chi Egiptoädebena reyba bi'ia unumera. Mauäbeba chi mau druädebena karr bæsüi, mauäe chi rey dedebena karr bæsüi. ^{VII}

¹¹ »Mau ewariäde Egipto druäde mauäe Canaán druäde jarrba wausidau. Mauba joma ärea bi'iwäe duanasii. Mauäbeba Jacob warrarãba trigo nedodai kûria panasmina unüdaabasii. ¹² Jacoba ürisii Egipto druäde trigo barau. Mauäbeba ichi warrarã araa trigo nedodä bæikasii. ^{VIII} Mau wäaduü, chi nabena basii. ¹³ Waya wäsidaude Joseba ichi äbarãmaa kuitaabasii ichi ächi äba. ^{IX} Maka chi Egiptoädebena reyba ^X José kai äbërarädebena nee bæu kuitaasii. ¹⁴ Maäakare, Joseba jarabüisii chi akõre Jacob mauäe chi dedebenarädebena joma Egiptodaa needamera. Maarã 75 basii. ^{XI} ¹⁵ Maka Jacob Egipto druäde neesii. Aria biusii. ^{XII} Ichi warrarã siäa aria biusidau. ¹⁶ Maabae ächi bæuru Siquem puuruäa adoesidau. Aria biüäa jau bæbadau chobäde bæsidau. Mau chobäa Abrahamba Jamor warrarãmaa nedodä basii. ^{XIII}

Estebanba Moisés ürubena jaradä

¹⁷ »Dachí Akõreba Abraham ome bæäe deäda kä'äbariwäede waui bæasii. Mau ewariäde israeläbenarã Egipto druäde maucha ärea baraasii. ¹⁸ Maamina Egipto druäde rey widi neesii. Mauba José ürubena adua basii. ¹⁹ Mauäbeba dachi puuru setaa kûruapeda ärea kachirua wausii. Miichuburi bi'iwäe panabiasii. Ächi warrarã ea adauä buidapeda ida biubiäai a jarasii. ^{XIV}

²⁰ »Mau ewariäde Moisés chi naweba adausii. Ichi ärea mipitaa nibasii. ^{XV} Mauäbeba chi akõrerãba ächi dede jeäako õbea uru panasidau. ²¹ Maamina chi

V 7:8 Génesis 21:3-4. VI Dachí Akõreba José israeläbenarã karibai baita juru adausmina ächiba ichi ida bæsidau. Ara mau kîra Jesús mauäe Dachí Akõre baita berrebadaurã siäa ida bæsidau. Génesis 37:26-28. VII 7:10 Génesis 41:37-46. VIII 7:12 Génesis 42:1-3. IX 7:13 Génesis 45:1-16. X Chi Egiptoädebena reyba. Griego bæäde bæ küüu: faraón. XI 7:14 Génesis 45:9—47:12. XII 7:15 Génesis 49:33. XIII Mau drua Siquem puuruäe bæasii. (Génesis 33:19

Génesis 23:15-18 Génesis 50:13 XIV 7:19 Éxodo 1:8-22. XV Ärea mipitaa nibasii. Nau siäa jara bæu «Dachí Akõreba ichi ärea bi'ia unusii».

wāwa nubūsiidaude faraón kauba unupeḁa ichi warr kīra waribisii. ¹²² Egiptodebena ne kuitaa nureeba Moisesmaa āchi kūrīsia kuitaa joma jaradeasiḁau. Maka ichi kūrīsiaḁeeba bi'ia berreabachii maude poyaabarii-ba ne ārea waubachii.

²³ »Moisés 40 años buasiide ichi ēbērarā israeldebenarā ichiḁe wāi kūrīsiasii. ²⁴ Wāaruude unusii Egiptodebenaba Israeldebena aba kachirua wau buu. Maudeeba Moisesba Israeldebena karibaḁe wāsii. Maude ichiba Egiptodebena beasii Israeldebena kachirua wau buu kakua. ²⁵ Moisesba kūrīsiasii israeldebenarāba kuitaḁḁai ichiḁeeba Dachī Akōreba āchi kariba buai. Maamina āchiba kuitaḁḁaabasii. ²⁶ Norema Moisesba unusii Israeldebena ome chīo panuu. Āchi jua deaḁamera naka jarasii: “¡Machi arabau puurudebenabū! ¿Sakāe jāka chīo panuma?” ²⁷ Maamina chi sī buaḁaba Moisés chīatapeḁa jarasii: “¿Kaiba bichi dai karr buasma? ¿Kaiba bichi dai juez buasma? ²⁸ ¿Mū siḁa beai kūrīa buka Egiptodebena beaḁa kīra?” ²⁹ Mau ūrisiide Moisés miru wāsii. ^{II} Maabae Madián druade druā awarabena kīra buabachii. Madiānde buude warr ome unusii.

³⁰ »Cuarenta años basiide ewari aba Moisés druā sirua wā'āe buude Sinaí ea kaita buasii. Maude ángel aba bakuru jeḁḁaa aoko nubūude ichimaa unubisii. ^{III}³¹ Moisesba mau unusiide kāare kūrīsiai adua basii. Maudeeba ara kaita wāsii bi'ia ichiai baita. Maude Dachī Mechiu beḁea ūrisii. ³² Ichimaa naka jarasii: “Mū bichi nabēraeḁebenarāba ijāa panaḁa Dachī Akōrebū, chi Abraham Akōre Mechiubū, Isaac Akōre Mechiubū maude Jacob Akōre Mechiubū”. ^{IV} Mau ūrisiide Moisés wapeaba uri kōbesii. Mauba araa ichiai wapea buasii. ³³ Maude Dachī Mechiuba jarasii: “Nau eade bichi mū daade buudeeba bichi jūrude jūbarii enase. ³⁴ Mūba unu buu mū puuru Egipto druade ārea bi'iwāe buu. Maude mūba ūri buu āchi kīra nomaa berrea panuu. Maudeeba mū nee buu āchi kariba buai baita. Mūba bichi Egiptodaā bui”. ^V

Moisés ida bupeḁaḁa ūrubena Estebanba jarāḁa

³⁵ »Israeldebenarāba Moisés ida busiḁau. Ichimaa naka jarasiḁau: “¿Kaiba bichi dai karr buasma? ¿Kaiba bichi dai juez buasma?” ^{VI} Maamina ara mau Moisés Dachī Akōreba Egiptodaā buisii israeldebenarā jaradea ua buabarii buamera maude āchi mamauba adoemera. Chi ángel bakuru jeḁḁaa nubūude neeḁa poyaaḁeeba maka wausii. ³⁶ Moisesba ēbērarāba ne poyaa wauḁakau ārea wau buudeeba dachi nabēraeḁebe-

narāba Egiptodebena karibasii. Mar Puriade ēbērarā-ba ne poyaa wauḁakau wausii kīraa bi'ia wāḁai baita. Maude 40 años druā sirua wā'āe buude ēbērarāba ne poyaa wauḁakau waubachii. ^{VII}³⁷ Ara mau Moisesba israeldebenarāmaa jarasii: “Dachi Akōreba mū buiḁa kīra ichi baita berreabarii aba machimaa buii. Mau ēbēra ara machi puurudebena bai. Mauba jaraaru ijāsturu”. ^{VIII}³⁸ Maude Moisés druā sirua wā'āe buude joma israeldebenarā ome buasii. Aria Sinaí eade ichi ángel ome berreasii. Beḁea dachi saka nureaḁai panuu ūrubena adaupeḁa dachi nabēraeḁebenarāmaa jarasii.

³⁹ »Maamina Moisesba jarāḁa dachi nabēraeḁebenarāba ijāa kūrīaḁaabasii. Ichi ida busiḁau. Egipto druadaā waya wā kūrīa panasiḁau. ⁴⁰ Moisés eade buasiide āchiba Aaronmaa jarasiḁau: “Jāu Moisesba dai Egiptodebena karibasii. Maamina ichi sakasii kuitaḁḁawēa panuu. Maudeeba dai āyaa adoemera dachi akōre wause”. ^{IX}⁴¹ Ara makūde āchiba paka warr kīra wausiḁau. Maumaa ānimara baa deasiḁau. Maude āchi juaba kapeḁaḁa kakua kīrajūḁ bara buabarii ewari wausiḁau. ^X⁴² Maudeeba Dachī Akōreba āchi ida nuisii. Maudeeba maarāba ūtaā iḁibachiḁau chi bajāḁe nubūu nekaebeamaa. Mau ūrubena Dachī Akōre baita berreabadaurā kartade naka bu kubūu:

“Israeldebenarā, machi 40 años druā sirua wā'āe buude duanasidaude ¿ānimara mūmaā baa de-abachiḁaka?”

⁴³ ¡Makawāema! Maumaarā dachi akōre Moloc abadau paru de jira adoebachiḁau maude machi dachi akōre Refán abadau ichi pusterrea adoebachiḁau.

Ara machiba chi maarā kīra juaba ne kasiḁau āchimaa bi'ia berreaḁai baita. Maudeeba mūba machi awara duabuikaaru, Babilonia puuru audeara kaitawē”. ^{XI}

Estebanba Dachī Akōre de mechiu ūrubena jarāḁa

⁴⁴ »Druā sirua wā'āe buude dachi nabēraeḁebenarāba Dachī Akōre de ānimara e wauḁa adoebachiḁau kīraḁayua Dachī Akōre aria buu āchi baara. Dachī Akōreba Moisesmaa de e waubisii ichimaa unubiḁa kīra. ⁴⁵ Mau maḁakare āchidebena neepeḁaḁarāba chi Dachī Akōre de ānimara e wauḁa uru panasiḁau. Josué āchi jaradea ua buabarii basiide mau de ānimara e wauḁa nau druadaā adoesiḁau. Mau ewariḁe Dachī Akōreba chi waabena puuru nau druade panuu dachi nabēraeḁebenarā daade duabuikuasii. Maka nau druā joma juakaa adausiḁau. ^{XII} David ewariḁe chi Dachī Akōre de ānimara e wauḁa wabiḁa nau druade buasii. ⁴⁶ Mau David, Dachī Akōreba bi'ia unusii. Maudeeba

I 7:21 Éxodo 2:1-9. II 7:29 Éxodo 2:11-21. III Ángel. Antiguo Testamento de Dachī Akōre neeruude besede naka bu kubūu: ángel. IV Sinaí ea ara mau Horeb abadau. Éxodo 3:1-6. V 7:34 Éxodo 3:7-10. VI Estebanba jara buasii israeldebenarāba Moisés ida bupeḁaḁa kīra, Jesús maude Dachī Akōre baita berreabadaurā siḁa ida busiḁau.

VII 7:36 Éxodo 7:3; 14:21-22; Números 14:32-33. VIII Mauba jaraaru ijāsturu. Mau griego beḁeade chi bee kartade wā'āe. Deuteronomio 18:15-18. IX 7:40 Éxodo 32:1. X 7:41 Éxodo 32:2-6. XI 7:42-43 Amós 5:25-27. XII 7:45 Josué 21:43-45.

ichiba Dachī Akōremaa idisii de bi'ia waubimera chi Jacob Bajāaebena Akōre baita. ¹⁴⁷ Mau de ichi warr Salomonba wausii. ¹⁴⁸ Maamina Dachī Akōre chi Mechiu nii juaba wauēa deēe buakau. Dachī Akōre baita berreabariiba kartade naka busii:

⁴⁹ «Dachi Mechiu naka jarasii: M̄ rey ākau bajāabū. Nau iujāa m̄ j̄rū b̄bariibū.

Machiba ḡkāare de m̄ baita wauēaima? ḡSama m̄ kurr̄j̄rubidaima?

⁵⁰ ḡM̄uba ara m̄ juaba ne joma wauēawāeka?»

Estebanba judiorā ūr̄ubena jarada

⁵¹ »Machi sō chaarea nuree! ḡSōdeeba ijāadaku! ^{III} Dachī Akōre bedea ūri k̄riadaku. Dachī Akōre Jauriba jara buu machiba ewaricha ida b̄badau. Ara machi nabēraeēbenarā k̄ira nuree. ⁵² Āchiba Dachī Akōre baita berreabadaurā joma wāraasidau kachirua wauēai baita. Ēbēra Jipa nii neei jarapedaadarā sida beabachidau. ^{IV} Ara mau k̄ira machiba mau Ēbēra Jipa nii jidauēpeda beasidau. ⁵³ Dachī Akōreba angel-erādeeba Moisesba buāa machimaa deasmina ḡmachi-
ba ijāadaku!

⁵⁴ »Mau bedea ūrisidaude chi judiorā mechiurā Esteban ome ārea k̄iruuduuba āchi kiēa kurr̄asidau.

⁵⁵ Maka panuude Esteban Dachī Akōre Jaurideeba busii. Bajāadaa ichiaruude Dachī Akōre k̄irawārea tedechoa mauēe Jesús Dachī Akōre jua biare ak̄ nuḡuu unusii. ⁵⁶ Naka jarasii:

—ḡIchiāsturu! ḡM̄uba bajāa ewa nuḡuu unu buu! ḡchi Ēbēra Ba Buāa Dachī Akōre jua biare ak̄ nuḡuu unu buu! ^V

⁵⁷ Mau ūrisidaude āchi ārea biadapeda āchi kurr̄u juaba j̄asidau. Mauēe jomaurāba Esteban orra adausidau. ⁵⁸ Puuru awara adoēapeda mooba b̄ata kopaneesidau beadayua. Chi ichi ūr̄ubena jidea panapedaadaba āchiba chi anabari j̄badau enadapeda k̄udrāa kaita buikasidau numera. Mau k̄udrāa Saulo abachidau.

⁵⁹ Mooba batamaa panuude Estebanba Dachī Akōremaa ūtaa naka idisii: «M̄ Mechiu Jesús, m̄ jauri adoesē».

⁶⁰ Maabae ōdarreēe kobēepeda j̄wa jarasii: «M̄ Mechiu, naarā ēbērarāba kachirua wau panuu k̄de uru buarāse».

Maka jarapeda busii.

Jesude ijāabadaurā miru wāpedaada

8 ¹⁻² Sauloba Esteban beapedaada bi'ia unusii. Mauēe chi nuree Dachī Akōre k̄riabadaurāba Esteban jau b̄dapeda, ārea j̄easidau.

I 7:46 2 Samuel 7:1-16. II 7:47 2 Crónicas 3:1-2. III Sōdeeba ijāadaku. Griego bedeaēde naka bu kubuu: sō tōowēa bee. IV 7:52 Isaias 53:11; Jeremias 23:5; 33:15. V Estebanba mau bedeaēdeeba jarasii Jesús ara Dachī Akōrebū. Marcos 14:62.

Mau ewaride ēbērarāba Jerusalende Jesude ijāabadaurā ārea kachirua wau paneesidau. Mauēeba Jesude ijāabadaurā joma Judea druadaa mauēe Samaria druadaa miru wāsida. Jesúsba buidarā Jerusalende paneesidau. ³ Mauēe Sauloba chi Jesude ijāabadaurā j̄rusii waa ijāarāadamera. Decha wāpeda muk̄irarā mauēe wērarā jidaukuapeda j̄ūa b̄badau-maa errb̄ari adoebachii.

Felipe Samaria druadaa wāda

⁴ Maamina Jerusalendebeba miru wāpedaadaba āchi wāaduucha chi bedea bia Jesús ūr̄ubena jarabachidau.

⁵ Felipe Samaria puuruadaa wāsii mauēe Jesusba wauēa jaradeabachii. ^{VI} Aria jaradeabachii Jesús Dachī Akōreba Dachī Karibabarii deai jarada. ⁶ Felipeba jara buu ūrisidaude mauēe ēbērarāba ne poyaa wauēakau wau buu unusidaude jomaurāba kauwa ūribachidau.

⁷ Ārea ēbērarā jai kachirua bara nuree aribiakuasidau. Mau jai kachiruarā āchi kakuadēbena bia wāuribachidau. Mauēe ārea bakara buu nuree mauēe j̄rū n̄ka nuree aribiakuabachidau. ⁸ Chi ēbērarā mau pu-
uruēbenarā ārea k̄iraj̄u duanasidau.

⁹ Jaibana Simón abadau aria busii. Ara ichi chi mechiu nii k̄risiasideeba mauēe ārea chokae busi-
ideeba, Samariaēbenarā setaa k̄rua uru busii.

^{VII}¹⁰ Ichiba jaraaruu ēbērarā chi kaebeu nureeba mauēe chi mechiu nureeba kauwa ūribachidau. Jomaurāba jāu «Dachi Akōre Mimichia Poyaa Nii» abachidau. ¹¹ Mau jaibana kaaēe wāsida chi mauba ewari ārea wau buuba, setaa k̄rua ua busiideeba.

¹² Maamina Felipeba Jesucristodeeba Dachī Akōreba ichidirā ichi juade ua buu ūr̄ubena āchimaa jaradea buabachii. Mauēe ārea muk̄irarāba mauēe wērarāba chi bedea bia ijāadapeda boro easidau. ¹³ Simón biēa ijāsii. Maabae boro eapeda Felipe baara nibade wāsii. Felipeba ēbērarāba ne poyaa wauēakau mechiu wau buu Simonba unusiidee kuitaa k̄risiaswāe beesii.

¹⁴ Mauēe chi Jesúsba buidarā Jerusalende nureeba ūrisidau Samariaēbenarāba Dachī Akōre bedea ijāasidau. Mauēeba Pedro mauēe Juan āchimaa busidau. ¹⁵ Needapeda Dachī Akōremaa ūtaa idisidau maarāba ichi Jauri adauamera. ¹⁶ Maka wausidau Dachī Akōre Jauri wabiēa mau ābarāmaa neewēa busiideeba. Ababuru Dachī Mechiu Jesús tr̄deeba boro easidau. ¹⁷ Pedroba mauēe Juanba Dachī Akōremaa ūtaa idiiduude āchi jua ābarā ūr̄u kubusidau. Ara makude Dachī Akōre Jauri adausidau.

VI Mau Felipe Jesusba buidawāe basii. Mauēe jarabachidau «Griego Felipe» maeburā «Felipe, chi bedea bia jarabarii». Hechos 6:5; 8:4-13,26-40; 21:8-9. VII Griego bedeaēde mau versículo nau sida jara buu «Mau Simonba wau buu baita Samariaēbenarāba ārea kuitaa k̄risiadaabasii. Mauēe ara ichi chi mechiu nii jarabachii».

¹⁸ Maude Simonba unusii Jesusba buidarāba āchi jua ābarā ūru buuduude ābarāba Dachī Akōre Jauri adoesidau. Mau unusiide āchimaā chi nejarra deai asii ara mau kīra poyaa wauī baita. ¹⁹ Naka jarasii:

—Jāu poyaabarii mūmaā deásturu, mūa biēda mū jua barikiu ūru kubūuruude Dachī Akōre Jauri neemera.

²⁰ Maamina Pedroba jarasii:

—¿Makarā bichiba kīrisia buka chi Dachī Akōreba bari dea buu nedobuibadau? ¿Bichi chi nejarra ome beraase! ²¹ Bichi sō Dachī Akōre daade jipawāe buudeeba nau traju dai ome waukau buu. ²² Mau kīrisia kachirua ida buuse. Dachī Mechiūmaā chi chuburia ūtaā idise. Mau makarā, biawāra chi bichiba kachirua wauī kīrisia buada ichiba perdonai. ²³ Mūba unu buu bichi daiba wau panuu kakuā ārea kīrajūwēa buu. Kachiruaba bichi jūa uru buu.

²⁴ Maude Simonba jarasii:

—Mū baita Dachī Mechiūmaā ūtaā idísturu chi machiba jarapedaada makarāamera.

²⁵ Pedroba maude Juanba chi bedea Dachī Mechiu Jesús ūrubena jarapeda Jerusalendaa waya wāsīdau. Wāaduude Samaria druade ārea puuru beecha mau bedea bia jara wāsīdau.

Felipe chi Etiopiadebena ome berreda

²⁶ Mau maadakare Dachī Mechiude ángel aba Felipemaa nepeđa naka jarasii: «¿Jiraduse! Jerusalendebena Gaza puuruđaa wābadau ode wāse». (Mau drua sirua wā'āe buude wā buu). ^I

²⁷ Ara makude Felipe wāsii. Ode niide ēbēra Etiopía druadebena unusii. Mau ēbēra chi Etiopiadebena reina ^{II} baita trajabarii mechiu basii. ^{III} Maudeeba mauba chi reina chi nejarra joma nubachii. Ichi Jerusalendaa wā buasii Dachī Akōremaā bi'ia berrei baita. ²⁸ Ichi druadaa waya wāaruude siu buasii ichi kartade maude karta eda jara kāribasii Dachī Akōre baita berreabarii Isaiasba buđa.

²⁹ Maka buude Dachī Akōre Jauriba Felipemaa jarasii: «Wāse jāu karreta kaita». ³⁰ Ara makude araa pira wāpeđa ūrisii chi trajabarii mechiu niiba chi Dachī Akōre baita berreabarii Isaias karta jīwa eda jara buu. Maude Felipeba idisii:

—¿Bichiba eda jara buu kauwa ūri buka?

³¹ Ichiba panausii:

—Abauba jaradeawēeburā mūba ¿saka kauwa ūri-ima?

^I Mau drua sirua wā'āe buude wā buu. Griego bedede nau sida jara buu «Idibae mau ode ēbērarā wāđakau». ^{II} Reina. Griego bedede naka bu kubuu: Candace. ^{III} Trajabarii mechiu. Kájuma bedede naka bu kubuu: eunuco. Mau jara buu ichi kāra jasii chi reina joebayua.

Maude ichiba Felipemaa jarasii ataupeda ichi kaita akū beemera. ³² Ichiba Dachī Akōre bedede eda jara buada nau basii:

«Oeja beabadaumaa adoebadau kīra ichi beade adoesidau.

Chi kara kōmaa panuude oeja chūpea buabarii kīra ara mau kīra ichi chūpea buasii.

³³ Ichi ome nejuakaya wauđapeda, ichi nebura kakuā idida ūridai kūriadaabasii. Maka ichi beadapeda, buisidau nau iujādebena. ¿Kaiba ichi warrarā ūrubena poyaa nebūrima?» ^{IV}

³⁴ Maabae chi Etiopiadebena trajabarii mechiuba Felipemaa idisii:

—Dachī Akōre baita berreabarii nama ¿kai ūrubena buasma? ¿Ara ichi ūrubena buška maeburā abau ūrubena buška? Michuburia jarase.

³⁵ Ara makude Felipeba mau bedea bia Jesús ūrubena jara kobeesii. ³⁶ Maka panuude bania buumare wāsīdau. Maude chi trajabarii mechiuba jarasii:

—Ichīase. Nama bania nubuu. ¿Kāareba mū poyaa boro eabiibai buuma? Mū ¿boro eai buka?

³⁷ Felipeba jarasii:

—Bichiba Jesús Dachī Akōre Warr biawāra sōdeeba ijāa buuburā, boro eai buu.

Maude chi trajabarii mechiuba panausii:

—Mūba biawāra ijāa buu Jesucristo Dachī Akōre Warr nii. ^V

³⁸ Ara makude ichi karreta bari nubeebipeđa, āchi omea edaa baniaede eda wāsīdau. Aria Felipeba ichi boro easii. ³⁹ Baniadebena awara wāsīdaude, Dachī Mechiu Jauriba Felipe āyaa adoesii. Chi trajabarii mechiuba ichi waa unuubasii, maamina ode kīrajū wāsii. ⁴⁰ Maude Felipe Azoto puurude neesii. Maabae puurucha chi bedea bia Jesús ūrubena jara wāsii aba Cesarea puurude neeruđaa.

Sauloba Jesusde ijāda

⁹ ¹⁻² Mau ewaride Sauloba wabiđa Dachī Mechiude ijāa nuree kenai baita buabachii. Paare mechiu buumaa wāpeđa idisii karta bukuā deamera. Mau karta Damasco puurude judiorā araa ābua imibadau decha adooi kīrisia buasii. Kartade bu buasii chi āchi tāede Jesús Ode nibađa mukīrarā maude wērarā sida jidaupeda Jerusalendaa joma adooi buu, jūa buikadai baita. ³ Sauloba mau karta adoepeda wāsii. Damasco puuru kaita neeruude maka buude bajādebena ichi adu ūđaa puri chebiwāsii. ⁴ Mauba Saulo jeđa baebisii. Maude bedea ūrisii. Mau bedea-ba jarasii:

—Saulo, Saulo, ¿sakāe mū kachirua wauī baita wāraa buuma?

^{IV} 8:33 Isaias 53:7-8. ^V Griego bedede ārea kartade mau versículo wā'āe.

⁵ Maude Sauloba idisii:

—Mɛ Mechiu, ʒbichi kaima?

Chi bedeaba panausii:

—Mɛ Jesusbɛ. Chi bichiba mɛ kachirua wauɪ baita wāraa bɛuu. Chi subariimaa ɛrɛ tɛaruude, bichi ara du aba pu'uai. ¹⁶ Jiradupeɗa Damasco puuruɗaa wāse. ^{II} Jamaría abɛuba jarai bichiba kāare wauɪ bɛuu.

⁷ Chi Saulo ome wāduu ārea perasiɗau. Āchiba bedeaba ɛrisiɗamina aba biɗa unuɗaabasii. ⁸ Saulo jeɗɗabena jiradusii, maamina ichi dau būsiiɗe, poyaa unuubasii. Maabae chi ichi ome wāduuba ichi juɗe jidauɗapeɗa Damasco puuruɗaa adoesiɗau. ⁹ Aria ichi ewari ɔbea dau pāriu bɛasii, kowēa bɛasii maude dowēa bɛasii.

¹⁰ Damasco puuruɗe Jesucristoɗe ijābarii aba Ananías abadau bɛasii. Dachɪ Mechiuba mau daumaa unubiiruba naka jarasii:

—¡Ananías!

Ichiba panausii:

—Mɛ nama bɛuu, mɛ Mechiu.

¹¹ Dachɪ Mechiuba jarasii:

—Jiradupeɗa Judas deemaa wāse. Mau de calle Jipa bɛuu abadaude kubuu. Ara baaruude jarase bichiba ɛbēra Saulo Tarso puuruɗebena ichiɗe nee bɛuu. Ichiba Dachɪ Akōremaa ɛtaa idimaa bɛuu. ¹² Mɛɛba ichi unubisii mukīra Ananias abadau ichimaa neepeɗa ichi ɛrɛ jua kubuuruu ichi dauba waya unumera.

¹³ Maude Ananiasba jarasii:

—Mɛ Mechiu, mɛɛba jāu ɛbēra ɛrɛbena ɛri bɛuu. Āreaba jarabadau Jerusalende ichiba bichi ɛbērarā ārea kachirua wau bɛuu. ¹⁴ Mau awara paare mechiurā trɛɗeeba nau puuruɗaa nee bɛuu chi bichiɗe ijāa nuree joma jidau uɗoi baita.

¹⁵ Maamina Dachɪ Mechiuba jarasii:

—Wāse. Mɛɛba ichi jɛrɛ adausii mɛ ɛrɛbena berreamera judiowāerāmaa, āchi reyrāmaa maude israelɗebena rāmaa. ¹⁶ Mɛɛba ichimaa kuitaabii saka ārea dauchia jādua bɛui bɛuu mɛ ɛrɛbena berrei bai-ta.

¹⁷ Ara makɗe Ananias Saulo bɛuumaa wāsii. Chi dede eɗa wāpeɗa ichi jua Saulo ɛrɛ kubupeɗa jarasii: «Āba Saulo, Dachɪ Mechiu Jesús, chi bichiba oɗe unubiɗaba, mɛ neebisii waya bichi dauba unumera maude Dachɪ Akōre Jauriɗeeba beemera».

¹⁸ Ara makɗe Saulo daudebena beda kara kīra panuu bæsɗau. Maude waya bi'ia unu bɛesii. Jiradupeɗa boro eabisii. ¹⁹ Maabae kopeɗa kakua waya meserāa bɛesii.

Saulo Damasco puuruɗe buaɗa

Ewari aribia beebasii Damascodebena Cristoɗe ijābadaurā baara. ²⁰ Maude judiorā araa ābuɪa imibadau decha ichiba jaradea bɛesii Jesús biawāra Dachɪ Akōre Warr nii. ²¹ Joma mau ɛriiduuba kuitaa kūrɪsiɗaabasii. Āchiba naka iɗi duanasɗau: «¿Nauwāeka chi Jerusalende Jesusɗe ijābadaurā kenai baita wāraa buaɗa? ¿Nama nee bɛuwāeka āchi paare mechiurāmaa jūa bɛuu adooi baita?»

²² Maamina Sauloba ewaricha arakɗe kuitaabii abachii Jesús biawāra Dachɪ Akōreba Dachɪ Karibabarii deai jaraɗa. Mauba Damasco puuruɗebena judiorāba kuitaa kūrɪsiɗaabasii.

Saulo miruwāɗa

²³ Ewari aribia baaruude judiorā Damasco puuruɗebena rāba Saulo beɗai baita bedeaba deasiɗau. ²⁴ Maudeeba āyadaa maude ɛsabuɗe chi puuruɗe eɗa wābadau jūa panasiɗau. Maamina āchiba kūrɪsia panuu Sauloba kuitaasii. ²⁵ Maudeeba ɛsabuɗaa chi Jesusɗe ijābadaurāba Saulo ɛ mechiude eɗa joadapeɗa, maabae chi puuru mooba aɗu karaɗa choɗea nubuuɗe ɛrɛɛba eɗaa buisiɗau.

Saulo Jerusalendaa wāɗa

²⁶ Saulo waya Jerusalendaa wāsiɗe chi Jesusɗe ijābadaurā ome bɛui kūrɪa bɛasii. ^{III} Maamina ichi wapea panasiɗau. Āchiba ijāɗaabasii ichiba biawāra Jesusɗe ijāa bɛuu. ²⁷ Maamina Bernabea Saulo adoesii chi Jesusba buiɗarāmaa. Maabae ichiba nebɛrɛsii saka Sauloba Dachɪ Mechiu oɗe unusii, Dachɪ Mechiu ichi ome berreɗa maude saka Sauloba Damasco puuruɗe Jesús ɛrɛbena wapeawēa berrebachii. ²⁸ Maka Saulo āchi ome bɛesii. Maude Jerusalende Dachɪ Mechiu Jesús ɛrɛbena wapeawēa berrea nibabachii. ²⁹ Judiorā chi griego bedeade berrebadaurā ome Jesús ɛrɛbena berrebachii maamina ichi beɗai kūrɪa panasiɗau. ³⁰ Ābarāba mau kuitaasiɗauɗe Saulo Cesarea puuruɗaa adoesiɗau. Maadakare ichi puuru Tarso puuruɗaa buisiɗau.

³¹ Maumisa Judea druade, Galilea druade maude Samaria druade ābarā jirukaraayuwāe duanasɗau maude ne baraakuasiɗau. Dachɪ Mechiu wapea panuudeeba nibasiɗau maude Dachɪ Akōre Jauri poyaaɗeeba ābarā aude baraasii.

Ēbēra Eneas abadau aribiɗa

³² Mau ewariɗe Pedro ɛbērarā Dachɪ Akōreɗerā ichia nibabachii joma mau druade. Ewari aba ābarā Lida puuruɗe nuree ichiɗe wāsii. ³³ Aria ɛbēra Eneas abadau

I Chi subariimaa ɛrɛ tɛaruude, bichi ara du aba pu'uai. Griego bedeade ārea kartade mau wā'āe. II Chi bee kartade versículo 6 naka bɛ kubuu: Maabae wapeaba uri kubuuba Sauloba naka jarasii.

III Saulo Jerusalendaa waya wāi naede druɪa awaraɗe año ɔbea bɛesii. Gálatas 1:17-19.

unusii. Mau ēbēra bakara b̄u niideeba 8 año kuade buasii. ³⁴ Mau de Pedroba jarasii:

—Eneas, Jesucristoba bichi aribiabisii. jiraduse! Bichi kuada tōse.

Ara makude Eneas jiradusii. ³⁵ Lida puurude panabadaurā maude Sarón druade panabadaurā jomaurāba Eneas aribiabiēda unusiēda, Dachī Mechiude ijāsiēda.

Dorcās chokae jiraduēda

³⁶ Mau ewaride Jesusde ijābarii wēra Tabita abadau Jope puurude buasii. Griego bedēde ichi trū Dorcas abachiēda. ¹ Mau neekauba ne bi'ia wau buabachii. Chi nejarr barauwāe nuree ārea aiēakuabachii.

³⁷ Ewari aba Dorcas ēpermapēda biusii. Maabae chi kakua jeraadapēda pieza utūbenādaa adoesiēda.

³⁸ Jope puuru Lida kaita buasii. Chi Jesús baara nibabadaurāba ūrisiēda Pedro Lidade b̄u. Mau deeba ēbēra ome ichimaa buisiēda naka chi chuburia iēdamera: «Daimaa isa neese».

³⁹ Ara makude Pedro āchi ome wāsii. Neesiēda ichi chi biēda nubūmaa adoesiēda. Aria joma pēdrārā jēa duanasiēda. Āchiba Pedromaa Dorcasba paru kaapirukua buada unubisiēda. ⁴⁰ Mau de Pedroba joma awara wābiasii. Ōdarre kobēpēda Dachī Akōremaa utaa iēisii Dorcas chokae jiradubimera. Utaa iēipēda chi biēda nubūmaa ichiaruude jarasii:

—Tabita, jiraduse!

Ara makude mau chi dau būasii. Pedro unusiēde akū beesii. ⁴¹ Pedroba ichi juade jidaupēda jiradubisii. Maabae ābarā maude pēdrārā iukuapēda Dorcas chokae jiraduēda unubiasii. ⁴² Joma Jope puurude mau ūrubena kuitasiēda. Maka āreaba Dachī Mechiude ijāsiēda. ⁴³ Maabae Pedro Jope puurude ārea beesii ēbēra Simón abadau dede. Mau Simonba ānimara e poabibarii basii.

Angelba Corneliomaa berreada

10 Cesarea puurude ēbēra Cornelio abadau buasii. Ichi Italia druadēbena kokoroarā chi jaradea ua buabarii basii. ² Mau Cornelio ichi dedebenarā baara joma jipa nureasii. Dachī Akōre wapeadee panasiēda. Cornelioba judiorā aiēai baita chi nejarra ārea deabachii maude Dachī Akōremaa utaa iēi buabachii. ³ Ewari aba āsa ūrū hora ōbea basiēde Dachī Akōreba Cornelio daumaa unubisii āngel ichimaa arakude neeruu. Mauba jarasii:

—jCornelio!

⁴ Cornelioba chi āngel kīedarrmaa apii ichiapēda ārea wapeaba iēisii:

—¿Kāare kŕia buma?

I Tabita. Mau trū arameo bedēde Dorcas abadau. Griego bedēde jara panuu «bi».

Maabae chi angelba jarasii:

—Bichiba Dachī Akōremaa utaa iēibarii maude chi nejarr barauwāe nuree aiēabarii ichiba bi'ia unu b̄u ichimaa ne baa dearuu kŕa. ⁵ Mau deeba Jope puurudea ēbērarā buikase Simón, ara mau Pedro abadau jŕude wādamera. ⁶ Mau mar iikaa june Simón chi ānimara e poabibarii dede b̄u. II

⁷ Āngel ichi ome berreapēda wāsii. Wāsiēde Cornelioba chi ichi baita bari trajabadau ome maude kokoroa aba iusii. Mau kokoroaba Cornelio aiēabachii maude Dachī Akōre wapeadee nibasii. ⁸ Cornelioba unuēda joma nebŕpēda Jope puurudea buikasii.

Dachī Akōreba Pedro daumaa unubiēda

⁹ Norema umada jipa baaruude āchi ode Jope puuru kaita needuude, Pedro de ūrude Dachī Akōremaa utaa iēide wāsii. ¹⁰⁻¹¹ Jarrbisii buudeeba ko kŕia buasii.

Ne chuu panuumisa Dachī Akōreba Pedro bajāa ewaaruu daumaa unubisii. Bajāadēbena ēeboro waib̄a kŕa b̄u edaa neeruu unusii. Mau ēeboro miducha jŕkaraba jŕ buasii. ¹² Mau ēeborode eda didiwaraa ānimara panasiēda, jŕr kimare nuree, jeēda ursu nuree maude ibanarā. (Chi nuree ānimara judiorāba kodakau duanasiēda). ¹³ Maka buude Pedroba mimi ūrisii. Mau mimiba jarasii:

—Pedro, jiraduse. Beapēda kose.

¹⁴ Maamina Pedroba jarasii:

—M̄ Mechiu, jmakawāema! Chi daiba kodāabai panuu chiko maebŕā chi bichi daade bi'iwāe b̄u m̄ba kokau. III

¹⁵ Chi mimiba waya jarasii:

—Chi Dachī Akōreba bi'ia buada mau miadaa b̄u a jararāse. IV

¹⁶ Maka berrearuu Pedroba bes ōbea ūrisii. Maabae chi ēeboro waya bajāadaa wāsii. ¹⁷ Mau unuēakare Pedroba kuitaa kŕisiaswāe beesii. Wabiēda mauba kāare jara b̄u kŕisia buumisa chi Cornelioba buidarāba Simón de iēiapēda chi de poraamaa neesiēda. ¹⁸ Āchiba jŕwa iēisiēda Simón, ara mau Pedro abadau nau dede b̄u kuitaa.

¹⁹ Pedroba unuēda wabiēda kŕisia buude Dachī Akōre Jauriba ichimaa jarasii: «Ēbērarā ōbea panuuba bichi jŕr panuu. ²⁰ Jiradupēda isa edaa wāse. Maarā baara wāabai a kŕisiarāse, m̄ba maarā neebiasiiēeba».

²¹ Ara makude Pedro edaa wāsii Cornelioba buidarāmaa. Ichiba jarasii:

—Chi machiba jŕr panuu m̄b̄. ¿Kāare sāade neesiēdama?

²² Āchiba panausiēda:

—Dai kokoroarā chi jaradea ua buabarii Cornelioba buisii. Ichi ēbēra jipa nii maude Dachī Akōre wapeadee

II Griego bedēde chi b̄e kartade nau sida b̄u kub̄u: Mau Simón Pedroba bichimaa jarai saka wau b̄u. III 10:14 Levítico 11:1-32. IV 10:15 Marcos 7:13-19.

nii. Joma judiorāba ichi ũrŭbena bi'ia kŭrisia panuu. Dachí Akõre angelba bichi ichi deemaa neei iusii bichi bedea ũrimera.

²³ Maabae Pedroba deeda wābisii. Mau ēsabude Pedro baara paneesidau. Norema Pedro jiradupeđa āchi baara wāsii. Maude chi nuree ābarā Jope puurudebena āchi baara wāsidau.

Pedro Cornelio ome berreda

²⁴ Mau norema Cesarea puurude neesidau. Cornelio ba ichi dedebenarā maude ichi kōpaerorā biarā iusiideeba ichi dede esedau panasidau. ²⁵ Pedro chi de kaita neesiide Cornelio ba araa irsibiide wāsii. Pedro daade jeeda odarrdeeba kobepedā ichimaa bi'ia berrea kobeesii. ²⁶ Maamina jiradubipeđa, Pedroba naka jarasii:

—Jiraduse! Mŭ sida ēbēra mukīra nii, bichi kīra.

²⁷ Pedro Cornelio ome berrea nidaude eda wāsii. Aria ēbērarā ārea panuu unusii. ²⁸ Maabae Pedroba jarasii:

—Machiba kuitaa panuu dai judiorā judiowāerā baara nibadaku panuu maude judiowāerā dede eda wādaku panuu. Maamina Dachí Akõreba mŭmaa kuitaabisii abau ũrŭbena mŭba mau Dachí Akõre daade bi'iwāe bŭu a jaraabai, maeburā mau miadaa bŭu a jaraabai. ²⁹ Maudeeba mŭ iude bŭisidaude wāabai awēa urusii. Jāabae mŭba kuitaa kŭria bŭu sakāe mŭ adaude bŭisidama.

³⁰ Maude Cornelio ba jarasii:

—Ewari kimare basii ara nau horaka, āsa ũrŭ hora ōbeade, mŭba chiko kodaku ewari wau bŭasii. Dachí Akõremaa ũtaa idimaa bŭude ēbēra mŭ daade akŭ nŭbŭu unusii. Mau paru tedechoa bŭasii. ³¹ Mau ēbēraba mŭmaa jarasii: “Cornelio, bichiba ũtaa idī bŭada Dachí Akõreba bi'ia ũrisii. Ichiba kīraba bŭu chi bichiba chi nejarr barauwāe nuree aīabaraii.

³² Maabae ēbērarā Jope puurudea bŭikase Simón, ara mau Pedro abadau jŭrude wādamera. Mau mar iikaa june Simón chi ānimara e poabibarii dede bŭu. Mau Simón, ara mau Pedro neeruude ichiba bichimaa berrei”. I

³³ Ara makude mŭba bichi jŭrŭbisii. Maude bichi sōbia niideeba, neesii. Jāabae joma dai nama Dachí Akõre daade panuu Dachí Mechiuba bichimaa jarabi bŭu ũridai baita. II

³⁴ Maude Pedroba jarasii:

—Biawāra ũraburu mŭba kuitaaruu Dachí Akõreba aba chi abau aude kŭriakau. III³⁵ Maumaarā puuruchabena ichi wapeaba jipa wau nuree bi'ia unubarii.

³⁶ Dachí Akõreba chi bedea bia Jesucristo ũrŭbena

I Mau Simón, ara mau Pedro neeruude ichiba bichimaa berrei. Mau griego bedea chi bee kartade wā'āe. II Dachí Mechiu. Griego bedea chi bee kartade naka bŭ kubŭu: Dachí Akõre. III 10:34 Deuteronomio 10:16-17.

jarabiasii israeldebenarāmaa, Dachí Akõre baara bi'ia nureadamera. Mau Jesucristo jomaurā Mechiubŭ. ³⁷ Machiba kuitaa panuu joma Judea druade Jesús ũrŭbena nebŭrŭbadau. Naede Galileade Juanba jaradea bŭasii ēbērarā boro eadamera. ³⁸ Mau ewariide Dachí Akõreba ichi Jauri maude ichi poyaabarii Jesús Nazaredebenamaa deasii. IV Dachí Akõre ichi ome bŭasiideeba Jesusba ne bia wau nibasii maude ēbērarā jŭbawāe niiba kachirua uru panuu joma aribiabiabachii. ³⁹ Judiorā druade maude Jerusalén puurude Jesusba wauđa daiba joma unusidau. Ichiba ne bia wausmina judiorāba cruzde jirabŭ beasidau.

⁴⁰ Ara mau Jesús Dachí Akõreba ewari ōbeade chokae jiradubipeđa waabenarāmaa unubiasii.

⁴¹ Dachí Akõreba jomaurāmaa unubiabasi maamina daimaa unubiasii mau baita adoesiideeba. Ichi chokae jiradusiide dai ichi ome kosidau maude dosidau. ⁴² Jesusba dai bŭisii joma ēbērarāmaa naka jaradamera: Dachí Akõreba ichi bŭsii chi chokae nuree maude biupedaada āchi juez bŭamera. ⁴³ Joma Dachí Akõre baita berrebadaurāba mau ũrŭbena berreasidau. Maarāba kuitaabisidau barikiuba Jesusde ijāaruuburā, mau ēbēraba kachirua wau bŭada Dachí Akõreba ichideeba perdonai.

Dachí Akõre Jauri judiowāerāmaa needa

⁴⁴ Pedro wabiđa berrea bŭude joma chi ichi ũri panuumaa Dachí Akõre Jauri neesii. ⁴⁵⁻⁴⁶ Maude āibena bedea berrea duaneesidau maude Dachí Akõremaa bi'ia berrea duaneesidau. Judiorā Jesusde ijāabadaurā Pedro ome neepedaadaba mau ũrisidaude kuitaa kŭrisiadaabasi Dachí Akõreba ichi Jauri judiowāerāmaa deasiideeba. ⁴⁷ Maude Pedroba jarasii:

—Dachí Akõre Jauri adoesidau dachiba adopeadaada kīra. ¿Kaiba baniaba boro earāba adaima?

⁴⁸ Maabae Pedroba āchi Jesucristo trŭdeeba boro eabisii. Mau maadakare āchiba chi chuburia idisidau ichi āchi ome aribia bŭamera.

Pedroba ābarā Jerusalendebenarāmaa berreda

11 Mau maadakare Jesusba bŭidarāba maude waabenarā ābarā Judea druade nureeba ũrisidau judiowāerāba Dachí Akõre bedea ijāsidaude.

² Maudeeba Pedro Jerusalenda wāsiide chi nuree ābarā judiorāba V ichi ome kīru berreasidau. ³ Naka jarasidau:

—¿Sakāe bichi judiowāerā dede eda wāpeda jāarā ome ko bŭasma?

IV 10:38 Lucas 3:2-22. V Ābarā judiorāba. Mau ewariide judiorā chi mukīra kakua tōobadaurā abachidau, maude chi judiowāerā chi mukīra kakua tōodakaurā abachidau.

⁴ Maabae Pedroba ichi makaḗa ḗchimaḗa joma neburḗsii.

⁵ —Jope puurude buasiide mḗḗba Dachī Akōremaa ḗtaa iḗi buasii. Mauḗe ḗeboro waiḗḗa kīra buu Dachī Akōreba mḗ daumaa unubisii. Mau miducha jḗkaraba jḗ buu bajāḗebena eḗaa mḗḗmaa neesii. ⁶ Mḗḗba bi'ia ichiasii kāare eḗa buu kuitaai baita. Didiwaraa ḗni-maraḗa panasiḗau, jḗḗ kimare nuree, jeḗda ursu nuree mauḗe ibanarā. ⁷ Maka buude mimi ḗrisii. Mau mimiba mḗḗmaa jarasii: “Pedro, jiraduse. Beapeḗa kose”. ⁸ Maamina mḗḗba jarasii: “Mḗ Mechiu, ḗmakawāema! Chi daiba koḗaabai panuu chiko mae-burā chi bichi daḗe bi'iwāe buu mḗḗba mau kokau”. ⁹ Mauḗe bajāḗebena chi mimiba mḗḗmaa waya jarasii: “Chi Dachī Akōreba bi'ia buḗa mau miadaa buu arāse”. ¹⁰ Maka berrearuu mḗḗba bes ḗbea ḗrisii. Maabae chi ḗeboro waya bajāḗadaa wāsii.

¹¹ »Maka buude ḗbēra ḗbea mḗ buu dede neesiḗau. ḗchi jaradea ua buabariiba Cesarea puurudebena mḗḗmaa buisii. ¹² Dachī Akōre Jauriba mḗ maarā baara wāabai a kḗrisiawēa wābisii. Cesarea puurude neḗapeḗa dai ḗchi jaradea ua buabarii dede eḗaa wāsiḗau. Nau 6 ḗbarā mḗ baara panasiḗau. ¹³ Mau ḗbēra daimaa neburḗsii ḗngel ichi dede buu unusii. Mauba ichimaa jarasii: “Jope puuruḗaa ḗbērarā buikase Simón, ara mau Pedro abadau jḗḗde wādam-era. ¹⁴ Mauba jarai saka Dachī Akōreba bichi mauḗe bichi dedebenarā karibai”.

¹⁵ »Mḗ mau berrea buude Dachī Akōre Jauri ḗchimaḗa neesii dachimaa naḗe neḗa kīra. ¹⁶ Mauḗe chi Dachī Mechiuba jarada mḗḗba kīrabasii: “Biawāra Juanba baniaba ḗbērarā boro easii, maamina Dachī Akōreba ichi Jauri machimaa deai”. ¹⁷ Dachī Mechiu Jesucristode ijāa panuudeeba Dachī Akōreba dachimaa ichi Jauri deasii. Ichi Jauri ḗchimaḗa deasiideeba ḗmḗḗba saka ichiba wauḗa ḗḗḗbena kachirua jaraima?

¹⁸ Jerusalemēbena ḗbarāba mau ḗrisiḗauḗe waa kachirua jaradaabasii, maumaarā Dachī Akōremaa naka bi'ia berreasiiḗau:

—ḗBiawāra Dachī Akōreba judiowāerā karibasii ḗchi kachirua ida buḗapeḗa ichimaa neḗamera! ḗMaka ewaricha ichi baara chokae panaḗai!

ḗbarā Antioquía puurudebena

¹⁹ Esteban biuḗakare ḗbērarāba chi Jesusḗe ijāabadaurā kachirua wauḗai baita wāraasiḗau. Mauḗeeba ḗbarā Jerusalemēbena miru wāurisiḗau. Fenicia druḗḗaa, Chipre islaḗaa mauḗe Antioquía puuruḗaa wāsiḗau. ḗchi wāaduucha chi beḗe Jesús ḗḗḗbena aba judiorāmāburu jarabachiḗau. ²⁰ Maka panuude chi nuree Jesusḗe ijāabadaurā Chipreḗbena

I 11:15 Hechos 2:1-4. II Dachī Akōreba ichi Jauri machimaa deai. Griego beḗeḗe naka bu kubuu: Dachī Akōreba machi ichi Jauriba boro eai. Lucas 3:16.

mauḗe Cirene puurudebena Antioquiḗe panade wāsiḗau. Maarāba griegorāmaa chi beḗe bia Dachī Mechiu Jesús ḗḗḗbena jara kopaneesiḗau. ²¹ Dachī Mechiuba ichi poyaaḗeeba ḗchi aiḗakuasii. Mauḗeeba ḗchiba jara panuu ḗreaba ijāasiḗau. ḗchiba chi naḗe kachirua kḗrisia badapeḗadaa ida buḗapeḗa Jesu-cristode ijāa kopaneesiḗau.

²² ḗbarā Jerusalemēbenarāba mau kuitaasiḗauḗe Bernabé Antioquiḗaa buisiḗau. ²³⁻²⁴ Mau Bernabé ḗbēra jipa nibasii. Jesusḗe ḗrea ijāa nibasii; Dachī Akōre Jaurideeba nibasii. Bernabé Antioquiḗe neesiide unusii Dachī Akōreba ichi sḗbiḗeeba ḗbarā kariba buu. Mauḗeeba ichi ḗrea kīrajḗsii. Mauḗe ichiba jomaurāmaa jarabachii sḗḗeeba ewaricha Dachī Mechiude biawāra ijāaḗamera. Maka buude ḗreaba Dachī Mechiude ijāasiḗau.

²⁵ Mau maḗakare Bernabé Tarso puuruḗaa Saulo jḗḗde wāsii. Unusiḗe Antioquiḗaa adoēsii. ²⁶ Aria año aba ijāabadaurā baara paneesiḗau, mauḗe ḗrea ḗbērarāmaa Jesucristo ḗḗḗbena jaradeabachiḗau. Mau Antioquía puurude ḗbērarāba chi Jesusḗe ijāabadaurā “cristiano” abachiḗau. Mau chi nabena ewari basii maka trḗapeḗadaa.

²⁷ Mau ewaride Dachī Akōre baita berreabadaurā Jerusalemēbena Antioquiḗaa wāsiḗau. ²⁸ Aba Agabo abadau ḗḗḗ nubeepeḗa Dachī Akōre Jaurideeba jarasii joma nau druḗde jarrba wauḗai neei. Mau jarrba biawāra neesii Claudio Romadebena chi aude mechiu basiide. ²⁹ Mauḗeeba Jesusḗe ijāabadaurā Antioquiḗe panuu beḗe deasiḗau chi nejarra ḗbarā Judea druḗde nuree baita urubḗidai baita. ḗchicha poyaa deaduu kīra deḗai asiḗau. ³⁰ Mau chi nejarr pepedaḗakare, Bernabé mauḗe Saulomaa urubḗisiḗau chi Judeaḗebena ijāabadaurā nubadaurā baita.

Pedro jḗa buḗa awara wāḗa

12 Mau ewaride chi rey Herodesba chi nuree ḗbarā jidaubiḗeḗa kachirua waubiasii. ¹ Juan ḗba Santiago espadaba beabisii. ² Herodesba unusii judiorā mau kakua kīrajḗsiiḗau. Mauḗeeba Pedro siḗa jidaubisii. Maka wausii pan ḗesābabiariiwāe kobadau ewaride. ³ Pedro jidaubiḗeḗa jḗabisii. Maabae kokoroarā 16 adoḗepeḗa kimārecha Pedro nubiasii. Herodesba kḗrisia buasii Pascua ewari wā'ḗeḗakare, Pedro nebura jarai jomaurā daḗe. ⁴ Pedro jḗbaude

III Mau Claudio Romadebena chi aude mechiu nii basii año 41ḗebena aba 54ḗaa. Año 46ḗe Judea druḗde jarrba ḗrea basii. IV Mau Herodes «Agripa chi nabena» abadau. Ababuru nau Hechos capítulo 12ḗe unu buu. Herodes chi Mechiu ḗicheke basii. Judiorā druḗdebena rey basii año 41ḗebena aba 44ḗaa. Ichi warr siḗa «Agripa» trḗ jarabachiḗau. Hechos 25:13; 26:32. V Santiago ara mau «Jacob» abadau. Marcos 10:35-40. VI 12:3 Éxodo 12:1-27.

jidau uru panuumisa ābarāba Dachī Akōremaa ārea ʔtaa iđi panasiđau ichi karibamera.

⁶ Herodesba chi Pedro nebura jarai naede, mau ʔs-abude Pedro kokoroarā ome panuu ʔsa kāi ʔuasii. Kaena omeeba jū ʔuasii. Chi jūabadaumare poraa chi nuree kokoroarāba nu panasiđau. ⁷ Maka ʔuude Dachī Mechiude angelba Pedromaa unubisii. Mauba chi jūabadaumare ʔdaa nubeebisii. Mauba Pedro orr waupeda ʔrumabisii. Maude jarasii: «Isa jiraduse».

Makaaruude Pedro juade kaena jū ʔuu ena ʔasesiđau. ⁸ Maabae chi angelba jarasii:

—Paru jūse. Jūruude jūbarii siđa jūse.

Pedroba maka wausiide chi angelba jarasii:

—Bichiba paru anabari jūbarii jūpeda mʔ baara neese.

⁹ Ara makude Pedro chi ángel baara wāsii, maamina ichiba adua ʔuasii chi angelba wau ʔuu biawāra maka ʔuu. Dachī Akōreba ichi daumaa mau unubisii a kūrīsia ʔuasii. ¹⁰ Maka ʔuude kokoroarā chi naa nu panuu maude chi mawāare nu panuumare wāyaa wāsidiđau. Maka wāđapeda chi poraa mechiu jiorr wauđamaa neesiđau. Needuude mau poraa ichi du aba ewa wāsii. Maabae wāsidiđau. Awara waparaa wāduude chi ángel Pedro ome ʔuade wā'āesii.

¹¹ Maabāeburu Pedroba kuitasii Dachī Akōreba ichi daumaa mau unubasii. Ichi du aba jarasii: «Jāabae ʔraburu mʔba kuitasii Dachī Mechiuba biawāra ángel ʔipeđa mʔ Herodes juadebena kariba ʔuasii. Chi judiorāba mʔ kachirua wau kūrīa panadebena biawāra kariba ʔuasii».

¹² Pedroba biawāra karibasii kuitasii Juan nawe María deema wāsii. Mau Juan, ara mau Marcos abachiđau. María dede ārea ābarāba ābua Dachī Akōremaa ʔtaa iđimaa panasiđau. ¹³ Maude Pedroba poraa awareeba iusii. Maabae āwera aba de nubarii Rode abadau neesii kai maka nii kuitaayua. ¹⁴ Rodeba Pedro mimi kuitasii, kīrajūsisii. Maamina chi poraa ewaabasii. Maumaarā, eda waa pira wāpeda ābarāmaa jarasii Pedro awara nii. ¹⁵ Maude jomaurāba Rodemaa jarasiđau:

—Bichi kīrawāe ʔuu.

Maamina ichiba mau biawāra asii. Maude āchiba jarasiđau:

—Maka ʔuuburā mau ángel Pedrodeb. ^I

¹⁶ Maka panuude Pedroba akabichia duđauba ʔuasii. Chi poraa ewasiđau āchiba unusiđau biawāra Pedro maka nii. Mau ʔrubena kuitaa kūrīsidaabasii. ¹⁷ Maamina Pedroba ichi juaba jarasii chūpeđamera. Maabae joma neburusii sakaburu Dachī Mechiuba ichi jūa ʔuade aidasii. Joma nebुरुpeda jarasii:

^I Chi nuree judiorāba kūrīsiasidau āchicha ara āchi ángel uru nuree, maude chi ʔbēra biudakare mau neebarii. Mau ángel ara āchi kīra nii.

—Joma mau Santiagomaa maude waabena ābarāmaa jarásturu. ^{II}

Maadakare Pedro āyaa wāsii.

¹⁸ Ewarisiide kokoroarā pera ororoa nubeesii, kuitaadaabasii Pedro samaa wāsii. ¹⁹ Herodesba ichi jūrubasii, maamina chi kokoroarāba unudaabasii. Herodesba āchimaa mau ʔrubena ārea iđipeđa joma kenabasii. Mau maadakare Herodes Judeadebena Cesarea puuruđaa ʔuade wāsii.

Herodes biuđa

²⁰ Mau ewaride chi rey Herodes Tirodebena ome maude Sidondebena ome kīramaa ʔuasii. Maarā ichi ome sōbia panadai kūrīa panasiđau, ichi druadebena chiko nedobachideeba. Maudeeba āchi bedea deđapeda ābua wāsidiđau ichi ome bi'ia berređai baita. Naede Blasto abadaumaa wāsidiđau. Mau Blasto chi Herodes baita trajabarii chi mechiu basii. Maude āchiba jara panuu Blastomaa ijābiđapeda ichideeba Herodesmaa chi chuburia iđisiđau bi'ia berređai baita.

²¹ Herodesba ewari jarada neesiide, ichi paru bia jūpeda, chi rey ākaude sīu ʔuade wāpeda maabae puurudebena berreamaa beesii. ²² Maka ʔuude āchiba jīwa jarabachiđau: «¡Cha berrea ʔuu ʔbērawāema, maumaarā aba Dachī Akōreb!»

²³ Ara makude Dachī Mechiude ángel ababa Herodes ʔpermabisii, jāuba Dachī Akōremaa bia berreabasii. Maabae ichi āsurra ko beasiđau.

²⁴ Chi Dachī Mechiu bedea kaitawē jaradeade wābachiđau maude āreaba mau ijāsidiđau. ^{III}

²⁵ Bernabeba maude Sauloba Jerusalemde chi nejara ābarā baita deđapeda waya wāsidiđau. Juan, ara mau Marcos abadau, adoesiđau.

Dachī Akōre Jauriba Saulo maude Bernabé ʔuikada

13 Ābarā Antioquía puurudebena tāede Dachī Akōre baita berreabadaurā, maude Cristo ʔrubena jaradeabadaurā nureesii. Bernabé, Saulo, Lucio Cirenebena maude Simón ʔuasii. Simón trū «Chi Parr» abachiđau. Manaén siđa ʔuasii. Ichi Galilea druadebena jaradea ua ʔuabarii Herodes ome ābua warisii. ^{IV}

² Earaba ābarāba chiko kodakau ewari wau panuude Dachī Mechiuumaa bi'ia berrea panasiđau. Maka panuude Dachī Akōre Jauriba āchimaa jarasii: «Bernabé maude Saulo mʔba iusii. Maudeeba āchi awara adáusturu chi mʔba waubia ʔuu wauđamera».

^{II} Mau Santiago Jesús ābab. Santiago ara mau «Jacob» abadau. Karta Santiago abadau mau Santiagoba ʔuasii. ^{III} Dachī Mechiu Bedea. Griego bedea naka ʔu kubuu: Dachī Akōre bedea. ^{IV} Galilea druadebena jaradea ua ʔuabarii Herodes. Mau Herodes «Antipas» abachiđau.

³ Maarāba chiko kodakau ewari wauḁapeda, Dachī Akōremaa ɛtaa ididapeda āchi jua Bernabé maude Saulo ɛru kubusidau. Maabae buisidau.

Saulo maude Bernabé wāpedaada

⁴ Āchi Dachī Akōre Jauriba buikasiideeba Seleucia puuruḁaa wāsidau. Maadakare jābade Chipre isla kubuuḁaa wāsidau. ⁵ Salamina puurude needapeda judiorā araa ābua imibadau decha Dachī Akōre bedeēa jaradeasidau. Āchi aidai baita Juan Marcos āchi baara nibasii. ^I

⁶ Joma mau druade nidauḁe Pafos puurude neesidau. Aria judio Barjesús abadau unusidau. Mau Barjesús jaibana basii. Setaa jarabachii ichi Dachī Akōre baita berreabarii. ⁷ Ichi Chipredebena chi jaradea ua buabarii Sergio Paulo abadaumaa buabachii. Mau Sergio Paulo kūrīsia kuitaa buasii. Ewari aba ichiba Bernabé maude Saulo iubisii Dachī Akōre bedeēa ūri kūrīa buasiideeba. ⁸ Maamina āchiba jaradea panuude jaibana Barjesusba setaa jarabachii chi jaradea ua buabariiba Dachī Akōre bedeēa ijāraāamera. (Barjesús trū griego bedeēade Elimas abadau). ⁹ Maabae Saulo, Dachī Akōre Jauri ichi baara buabachiiideeba, Elimas-maa apii ichiapeda naka jarasii:

¹⁰ —Jubawāe nii warr, ꝑbichiba ne joma jipa buu kūrīakau! ꝑKachirua wau baita buabarii maude setaa jarabarii! ꝑSakāe ara bichiba Dachī Mechiu biawāra bedeēa seta a buma? ¹¹ Jābae dai Mechiuba ichi poyadeeba bichi nebura kastikai. Bichi dau pāriu beei. Ewari ārea buai ɛmada unuwēa bee.

Ara makude Elimas dau pāriusii maabae ichi juade erta inibadai juru kobeesii. ¹² Sergio Pauloba mau unusiide āchiba Dachī Mechiu ɛrubena jaradea panuu ārea bi'ia ūrisiideeba ijāsii.

Pisidia druadaa wāpedaada

¹³ Pablo maude ichi ome nibada Pafos puurudebena Panfilia druadaa jābade wāsidau. Aria puurude neesidau. Maamina Juan Marcosba āchi buipeḁa Jerusalendaa waya wāsii. ^{II}

¹⁴ Āchi Pergede panapeda wāsidau Antioquía puuruḁaa. Mau puuru Pisidia druade buu. Aria bari panabadau ewariḁe judiorā araa ābua imibadau dede eda wāḁapeda akꝑ paneesidau. ¹⁵ Maabae chi mechiurāba chi Moisesba buḁa maude Dachī Akōre baita berreabadaurāba bupeḁaada jīwa eda jarasidau. Maabae Pablo maude Bernabé akꝑ panuumaa naka jarade wābiasidau:

—Ābarā, machiba dai aidadai baita bedeēa jaradai uru panuuburā, jarāsturu.

^I Griego bedeēade naka bu kubuu: Juan. Ichi Bernabé ēbērarādebena basii. Colosenses 4:10. ^{II} Mau Juan Marcos waya wāda Pabloba bi'iwāe buu unusii. Hechos 15:38.

¹⁶ Maude Pablo jiradupeḁa juaba jarasii joma chūpeḁamera. Maabae jarasii:

—Israeldebena maude judiowāerā Dachī Akōre wapea nureerā, ūristuru: ¹⁷ Israeldebena Dachī Akōreba dachi nabēraeḁebenarā juru adausii. Āchi Egipto druade āibena druadebena kīra panasidauḁe Dachī Akōreba puuru mechiu neebiasii. Maabae ichi poyadeeba āchi Egipto druadebena adaukuasii. ^{III}¹⁸ Mau maadakare āchi druā sirua wā'āe buude Dachī Akōreba āchi 40 años dauchia jāadua buasii. ^{IV}¹⁹ Maabae Canaán druade Dachī Akōreba 7 puuru poyaabipeḁa āchi druā dachi nabēraeḁebenarāmaa deasii. ^V²⁰ Egiptodaa wāpedaadebena aba āchi druā adauduḁaa 450 años buasii. ^{VI}

»Mau maadakare Dachī Akōreba ichi puurumaa juezrā deabachii aba Dachī Akōre baita berreabarii Samuel ewariḁaa. ^{VII}²¹ Mau ewariḁe āchiba Dachī Akōremaa chi chuburia idisidau ēbēra aba āchi rey bamera. Mauḁeeba Dachī Akōreba Quis warr Saúl buisii. ^{VIII} Mau Saulo Benjamindebena needa basii. Cuarenta años israeldebena rey buasii. ²² Maamina Dachī Akōreba Saulo āyaa wābipeḁa David buisii āchi rey buamera. David ɛrubena Dachī Akōreba naka jarasii: “Muba Isai warr David bi'ia unu buu. Muba waubii kūrīa buu ichiba joma waumera”. ^{IX}

²³ »Maabae Dachī Akōreba naede jarada kīra wausii. Ichiba Daviddebena nepeḁaadebena aba buisii israeldebena Dachī Karibabarii buamera. ^X Mau ēbēra Jesusbu. ²⁴ Mau Jesús neei naede Juanba joma israeldebena jaradea buasii āchi kachirua ida buḁapeda Dachī Akōremaa needamera. Chi maka wauduu ichiba boro eakuabachii. ²⁵ Ichi biui ewari ɛru ba buasiide Juanba jarasii: “Machiba mꝑ ꝑkai kūrīsia panuma? Mꝑ Dachī Akōreba Dachī Karibabarii deai jaradawāema. ^{XI} Maamina chi mꝑare neei mꝑ audeara chi mechiu nii. Mauba jēruḁe jūbarii mꝑ mau enai baita bi'iwāe buu”. ^{XII}

²⁶ »Machi ābarā Abrahamdebena nepeḁaadarā maude machi judiowāerā Dachī Akōre wapea nuree, Dachī Akōreba dachimaa mau bedeēa dachi karibai ɛrubena buisii. ^{XIII}²⁷ Jerusalendebenarāba maude āchi karrarāba Jesús dachi Karibabarii kuitaaḁabasii. Dachī Akōre baita berreabadaurāba bupeḁaada bari panabadau ewaricha jīwa eda jarabadamina ichi ɛrubena bupeḁaada kuitaaḁabasii. Maumaarā Jesús beabisidauḁe mau bedeēaba jara buu biawāra

^{III} 13:17 Éxodo 1:7; 12:51. ^{IV} Dauchia jāadua buasii. Griego bedeēade chi bee kartade naka bu kubuu: nu buasii. Números 14:34. ^V 13:19 Josué 11:15-23. ^{VI} Griego bedeēade nau sida jara buu «Maabae 450 año panuude Dachī Akōreba ichi puurumaa āchi juezrā deabachii». ^{VII} 13:20 Jueces 2:16-19. ^{VIII} 13:21 1 Samuel 8:1-9; 10:23-25. ^{IX} 13:22 1 Samuel 13:14; Salmos 89:20; Isaías 44:28. ^X 13:23 2 Samuel 7:12-16; Salmos 132:11-13, 17. ^{XI} 13:25 Juan 1:20. ^{XII} 13:25 Lucas 3:16. ^{XIII} Dachimaa. Griego bedeēade chi bee kartade bu kubuu: machimaa.

wausidau. ²⁸ Mauba aba bida kãare kachirua wauða unudaabasmina ãchiba Pilatoma jarasidau beamera. ²⁹ Dach Akõre kartade ichi beada ãrubena bupedaada joma mau maadakare ichi cruzdekena edaa adaudapeda jau busidau. ³⁰ Maamina Dach Akõreba ichi chokae jiradubisii. ³¹ Mau maadakare Jesusba ichi baara Galileadekena Jerusalenda wãpedaarãmaa ichi bes ãrea unubiasii. Mau ebãrarãba ichi ãrubena joma israeldebenarãmaa berrea panuu.

³²⁻³³ »Ara mau kãra daiba nau beða bia jara panuu: Dach Akõre dachi nabãraedebenarãba ome beða deasii mauðe dachi, ãchidekena neepedaadarã ewaride mau beða deða joma wusii. Jesús chokae jiradubisii salmo omeðe bu kubuu kãra. Naka jara buu: "Bichi mu Warrbu. Idi bichi mu Warr aaru". ^I

³⁴ »Dach Akõreba Jesús biu buada chokae jiradubisii waya biurãamera. Mau ãrubena ichi kartade naka jarasii:

"Muba chi Davidmaa karibai jarada machi ome biawãra wau". ^{II}

³⁵ Mauðeeba waabena salmode nau jara buu:

"Mu, chi bichi baita bari trajabarii jipa nii bichiba ida beraabiibai". ^{III}

³⁶ »David chokae buasiide Dach Akõreba ichideeba wusii ichiba kãria buada kãra. Maabae David biudakare jau busidau ichi nabãraedebenarã jau bupedaadamare. Maabae ichi beraasii. ³⁷ Maamina Dach Akõreba chokae jiradubida beraabasii.

³⁸ Mauðeeba ãbarã, nau kuitãsturu: machiba kachirua waubadau Dach Akõreba Jesusdeeba perdonai. ³⁹ Moisesba buðade bu kubuu Dach Akõreba chi dachiba kãriadiu kachirua waubadau kãrabaabi. Maamina joma Jesusde ijãadiu ichiba jipa panuu abarii. Mau machimaa jara panuu. ⁴⁰ Kauwa panãsturu chi Dach Akõre baita berreabadaurãba bupedaada machi ome makarãamera. Naka busidau:

⁴¹ "Machiba, chi Dach Akõreba jara buu ida bubadaurã, ¡ichiãsturu! ¡Perãsturu! ¡Biũsturu!

Muba machi ewaride ne kachirua wau.

Mau abaua machimaa jaraaru sida ijãadaabai". ^{IV}

⁴² Pablo mauðe Bernabé judiorã araa ãbua imibadau dedebena wãaduude ebãrarãba chi chuburia idisidau chi ababena bari panabadau ewari neeruude mau ãrubena berreadamera. ^V⁴³ Chi araa ãbua duanada wã'ãesiide ãrea judiorã mauðe chi griegorã judiorã kãra panabadaurã Pablo mauðe Bernabé baara wãsidau. Æchiba mau ebãrarãmaa ãrea jarasidau

^I Griego beðeade naka bu kubuu: Idi mu bichi akõre basii. Salmos 2:7. Mau salmode berrea buu Dach Akõreba ichi Warr israeldebenarã chi Mechiu buða ãrubena. ^{II} 13:34 Isaías 55:3. ^{III} 13:35 Salmos 16:10. ^{IV} 13:41 Habacuc 1:5. ^V Ebãrarãba. Griego beðeade chi bee kartade bu kubuu: judiowãerã nureeba.

Dach Akõreba ichi sõbiadeeba ãchi kariba buu ijãa panadamera.

⁴⁴ Chi ababena bari panabadau ewaride neeruu, puuru beraa joma araa ãbua imisidau chi judiorã araa imibadau dede, Dach Mechiu beða ãridai baita.

⁴⁵ Maamina chi judiorã karrarãba ebãrarã ãrea ãchi dede unusidauðe Pablo kakua sõde jiwaa duaneesidau. Pabloba jaradea buude ãchiba seta abachidau mauðe Pablo ãrubena kachirua berreabachidau. ⁴⁶ Mau Pabloba mauðe Bernabeba wapeawã ãchimaa naka jarasidau:

—Biawãra daiba machimaa Dach Akõre beða naa jaradau panasidau. Maamina machiba mau beða ida bu panuudeeba mauðe machimaarã ewaricha Dach Akõre ome chokae buai kãriawãdeeba, daiba judiowãerãmaa mau beða jarade wãðai. ⁴⁷ Daiba maka wauðamera Dach Mechiuba naka jarasii:

"Muba bichi uðaa kãra busii judiowãerãba mu ãrubena kuitadamera.

Bichiba joma nau druade nureerãmaa kuitaabiai chi muba karibai ãrubena". ^{VI}

⁴⁸ Judiowãerãba mau ãrisidauðe kãrãbusidau. Ara mauðe chi Dach Mechiu beða bi'ia buu asidau. Chi Dach Akõreba ewaricha ichi baara chokae nureadau duanadaba ijãasidau. ⁴⁹ Maabae Dach Mechiu beða joma mau druade jarasidau.

⁵⁰ Maamina judiorãba Dach Akõre wapea nuree wãrarã chi mechiurãmaa mauðe mukãra chi mechiurãmaa jarasidau Pablo mauðe Bernabé kachirua wauðamera. Maka ãchi puuruðebena duabusidau.

⁵¹ Mau Pabloba mauðe Bernabeba puuruðebena ioro jora ãchi jũruðebena neapesidau Dach Akõreba kastikai unubiaðai baita. Maabae Iconio puuruðaa wãsidau. ⁵² Maamina chi Jesusde ijãabadaurã Antioquiaðe panuu ãrea kãrãjuu panasidau mauðe Dach Akõre Jaurideeba panasidau.

Iconio puuruðe panada

14 Iconio puuruðe ãchiba waubadau kãra Pablo mauðe Bernabeba judiorã araa ãbua imibadau dede eda wãsidau. Æchiba jaradea panuu kakua ãrea judiorã mauðe griegorãba Jesusde ijãasidau. ² Maamina judiorã Jesús ijãadãkaurãba judiowãerãmaa chi ãbarã ãrubena kachirua kãrisiabiasidau. ³ Maamina Pablo mauðe Bernabé aria aribia panasidau. Dach Mechiuba kariba buu sõdeeba ijãa panuudeeba ichi ãrubena wapeawã jaradeabachidau. Mauðe Dach Mechiuba ãchi aidasii ebãrarãba ne poyaa wauðakau wauðamera. Maka kuitaabiasii ichi sõbiadeeba ãchiba jaradea panuu biawãra. ⁴ Maamina mau puuruðebena ãbarã a'awaraa kãrisia nureasii. Chi nuree judiorã baara panasidau mauðe chi waabenarã Pablo mauðe

^{VI} 13:47 Isaías 49:6.

Bernabé baara panasidau. ⁵ Judiorã mauđe judiowãerã chi puurudebena karrarã ome bedeadeasidau Pablo mauđe Bernabé pu'uabiadapeda mooba bata beadai baita. ⁶ Maamina mau kuitaasidaude Licaonia druadaa miru wãsidau. Litra puurudaa mauđe Derbe puurudaa wãsidau. Joma mau Licaonia druade nibasidau. ⁷ Aria chi bedeadea bia Jesús ũrubena jarabachidau.

Litra puurude panada

⁸ Litra puurude ebẽra chi naweba adauadeedebe-na jũru buu nii buasii. Maka poyaa nibaka basii. ⁹ Mau ebẽraba ũri aku buasii Pabloba Jesús ũrubena berreamaa buu. Pabloba maumaa ichiaruude kuitaasii ichiba biawãra ijãa buu Jesusba ichi poyaa aribiabii.

¹⁰ Maudeeba Pabloba ichimaa jĩwa jarasii:

—jiraduse! jĩpa aku nubeese!

Ara makude ichi jĩidrupeda nibade wãsii. ¹¹ Pabloba wauđa unusidaude mau puurudebenarãba Licaonia bedeade jĩwa jara kopaneesidau:

—jDachi Akõre ome dachimaa ebẽra kĩa edaa neesidau!

¹² Achiba Bernabé Zeus abachidau mauđe Pablo Hermes abachidau, ichi chi bedeade jarabariideeba. ^I

¹³ Litra puuru kĩaare Zeus de mechiu kubuasii. Maumba chi Zeus paareba paka mauđe nepono chi puurude eda wãbadaumaa adoesii. Ichiba mauđe chi waabenarã baaraba mau paka baa dea kũrisia panasidau Pablo mauđe Bernabé baita. ¹⁴ Maamina chi Jesusba buidarã Bernabé mauđe Pabloba mau kuitaasidaude achi paru anabari jũbadau kũkuadapeda ebẽrarã tãede pira wãdapeda naka jĩwa jarasidau:

¹⁵ —Machiba, ¿sakãe jãka wau panuma? Dai biawãra ebẽrarãbu, machi kĩa. Machimaa jarade nee panuu chi biawãe bee ida buďapeda Dachi Akõre chokae nii ijãadamera. Mau Dachi Akõreba bajãa, nau iujãa, mar mauđe joma mamede duanuu wausii. ¹⁶ Naede Dachi Akõreba ichi adua nuree puurumaa ara achiba wau kĩa panuu ida wubiabachii. ¹⁷ Maamina ewaricha bi'ia wau buudeeba ichiba kuitaabi buu ichi biawãra nii. Ichiba bajãadebena kui neebibarii mauđe ne uu nubuu chaubiabarii. Maka ichiba dachi bi-jãwaa kobiabarii mauđe sũde kĩaruubiabarii.

¹⁸ Pablo mauđe Bernabeba maka jara panasidamina mau ebẽrarãba beraa achimaa paka baa deasidau.

¹⁹ Litrae panuude waabenarã judiorã Antioquía puurudebena mauđe Iconio puurudebena neesidau. ^{II} Achiba Litrae benarãmaa Pablo ũrubena kachirua kũrisiabiasidau. Maudeeba jomaurãba Pablo mooba

^I Zeus. Latín bedeade «Júpiter» abadau. Hermes. Latín bedeade «Mercurio» abadau. Chi Litra puurudebenarãmarã, Zeus mauđe Hermes Dachi Akõre kĩa nibasidau. ^{II} Mau Antioquía Pisidia druade buu. Hechos 13:44-51. Iconio puuru. Hechos 14:1-6.

batasidau. Ichi busii kũrisiasidaudeeba puuru awara erta adoesidau. ^{III}²⁰ Maabae Jesusde ijãabadaurã Pablomaa araa abua imisidaude, maka panuude ichi jiradusii. Jiradupeda waya puurudaa wãsii. Norema Bernabé ome Derbe puurudaa wãsidau.

²¹ Derbe puurude Pablo mauđe Bernabeba chi bedeadea bia Jesús ũrubena jarasidaude areaba ijãasidau. Mau maadakare Litra puurudaa, Iconio puurudaa mauđe Antioquiadaa waya wãsidau. ²² Puurucha abarã aidabachidau Jesusde bi'ia ijãadamera. Achiba Jesusde ijãa panuu ida burãadamera naka jarabachidau: «Área bi'iwãe panadai panuu, Dachi Akõre juade panadai baita, ichidirã baara». ²³ Puurucha abarã tãede chi ijãabadaurã nubadaurã ^{IV} busidau. Maabae Dachi Akõremaa utaa ididapeda, chiko kodakau ewari wauďapeda chi Dachi Mechiude ijãa panuurã ichi juade busidau.

Siria druade buu Antioquiadaa waya wãpedaada

²⁴ Mau maadakare Pisidia druare wãsidau Panfilia druadaa needuudaa. ²⁵ Dachi Akõre bedeade Perge puurude jaradeadapeda Atalía puurudaa wãsidau.

²⁶ Maadakare jãbade Siria druadebena Antioquiadaa waya wãsidau. Mau puurudebena abarãba achi naede bui panasidau Dachi Akõreba kĩa buu wauďamera mauđe Dachi Akõre juade busidau ichi sũbiadeeba aidamera. ²⁷ Needapeda abarã araa abua imisidau. Mauđe neburusidau joma Dachi Akõreba achideeba wauđa. Jarasidau saka Dachi Akõreba wausii judiowãerã bida Jesusde ijãadamera. ²⁸ Aria Jesusde ijãabadaurã baara ewari área paneesidau.

Jesusde ijãabadaurã Jerusalende araa abua imipedaada

¹⁵ Mau ewaride chi nuree Judea druadebenarã Antioquía puurudaa wãsidau. Aria achiba abarã judiowãerãmaa jaradea paneesidau Moisesba buďa kĩa mukĩa chi kaku tũdaabasiiburã, Dachi Akõreba karibaabai. ^{V2} Maudeeba Pablo mauđe Bernabeba achi ome área kĩa berreasidau. Abarãba Pablo, Bernabé mauđe chi nuree ijãabadaurã Jerusalenda busidau mau ũrubena abua berreadamera chi Jesusba buidarã ome mauđe ijãabadaurã nubadaurã ome.

³ Abarã Antioquiadebenarãba busidaude achi Fenicia druade mauđe Samaria druade nibasidau. Puurucha neburusidau saka judiowãerãba achi kũrisia chõra ida buďapeda Jesusde ijãasidau. Mau bedeade ũrisidaude joma abarã kĩaruusidau.

⁴ Jerusalende neesidaude chi abarã, chi Jesusba buidarã mauđe chi ijãabadaurã nubadaurãba achi bi'ia irsibisidau. Pablo mauđe Bernabeba joma Dachi

^{III} 14:19 ² Corintios 11:25. ^{IV} Ijãabadaurã nubadaurã. ¹ Timoteo 3:1-7. ^V 15:1 Génesis 17:12.

Akõreba ächiba judiowäerä täede waupedaada neburusidau. ⁵ Maamina chi nuree fariseorä Jesusde ijäabadauräba jiraduðapeda jarasidau:

—Joma äbarä judiowäerä mukira chi kakua tööðai panuu. Ächimaa jaradeðai panuu Moisesba buða wauðamera.

⁶ Maka chi Jesusba buidarä chi ijäabadaurä nubadaurä baara araa äbua imisidau mau ürubena berreðai baita. ⁷ Berrea duanuu ärea baðakare Pedro jiraduðepa jarasii:

—Äbarä, machiba kuitaa panuu machidebena Dach Akõreba mæ naede jure adausii judiowäeräba chi bedea bia Jesús ürubena üridapeda ijäaðamera.

¹⁸ Dach Akõreba jomaurä sö kuitaa bæu. Mau judiowäeräba ijäasidaude Dach Akõreba kuitaabasii ächi bi'ia irsibisii. Ichi Jauri ächimaa deasii dachimaa naede deada kira. ¹⁹ Dach Akõreba dachi ächi ome kira a'awaraa waubasii. Ächiba ijäasidaude ächi sö jeraasii. ¹⁰ Machiba ¿sakæ Dach Akõreba kuitaabiada äyaa wauðai kûria panuma? ¿Sakæ dachi mauðe dachi nabëraedebeñaräba poyaa wauðaabada ächimaa waubiai kûria panuma? ¹¹ ¡Makawäema! Dachiba ijäa panuu Dach Mechiu Jesusba ichi söbiadeeba dachi mauðe ächi karibai.

¹² Bernabé mauðe Pabloba neburusidau Dach Akõreba ebëraräba ne poyaa wauðakau ächideeba judiowäerä täede wauða. Mauba kuitaabasii ichi ächi ome bæasii. Mauðe jomauräba chüpea üri duanasidau.

¹³ Mau joma berreapedaakare Santiagoba jarasii: **III**

—Äbarä, mæ bedea üristuru. ¹⁴ Simonba dachimaa neburusii Dach Akõreba judiowäerä ürubena kûrisia bæuðeeba jäabae ächi jure adausii ichi puurudebena nureaðamera. ¹⁵ Simonba jarada Dach Akõre baita berreabadauräba bupeðada kira bæu. Naka bæ kubuu:

¹⁶ “Mau maðakare mæ waya neei. Chi Davidba ichi juade ua buada de päebarida bæeda kira bæu.

Mæba mau waya bi'ia waui.

¹⁷ Maka chi waabena ebërarä, joma judiowäerä chi mæba jure adauðaräba mæ jureðai.

¹⁸ Dach Mechiuba maka jara bæu. Ichiba nabëraedebebenena joma mau arakude kuitaabia bæu”. **IV**

¹⁹ »Mauðeeba mæmaarä, dachiba chi judiowäerä Dach Akõrede ijäa panuumaa ne ärea wauðai panuu a jaradaabai panuu. ²⁰ Maumaarä kartade buðai panuu Dach Akõre kuenda juaba ne kapeðaðamaa kiuru baa deapedaada koðaabai panuu, dachi kakuaba barikia kachirua wau kûria bæu nibaðaabai panuu, änimara otäabara beada koðaabai panuu mauðe oa sida koðaabai panuu. ²¹ Maka wauðaabai panuu dachi

I 15:7 Hechos 10:1-43. II 15:8 Hechos 10:44-47. III Mau Santiago Jesús äbabæ. Santiago ara mau «Jacob» abadau. Karta Santiago abadau mau Santiagoba bæsii. IV 15:18 Amós 9:11-12.

nabëraedebebenena ewaride Moisesba buða puurucha jaradeabadaudeeba. Bari panabadau ewaricha mau Moisesba buða dachi judiorä araa äbua imibadau decha jüwa eða jarabadau.

²² Maka bæuðe, chi Jesusba buidarä, ijäabadaurä nubadaurä mauðe joma äbaräba mau bi'ia ürisidau. Mauðeeba chi nureeba jure adausidau Pablo, Bernabé ome Antioquiadaa wäðamera. Silas mauðe Judas jure adausidau. Judas ara mau Barsabás abachidau. Chi waabenarä äbaräba ächi bi'ia nuree unusidau. ²³ Ächi ome karta naka bæ urubësisidau:

Jesusba buidarä, chi ijäabadaurä nubadaurä mauðe joma äbaräba nau karta bæuðuu, chi judiowäerä Antioquia puurudebena baita, Siria druadebena baita mauðe Cilicia druadebena baita. Daiba kûria panuu machi bi'ia panaðai. ²⁴ Daiba ürisidau chi nuree namabena ebërarä machimaa wäðapeda ächiba ächimaa jaradea panuu kakua machi ärea jirukaraaðapeda kuitaa kûrisiaðawëa paneesidau. ^V Maamina mau ebërarä daiba buidaabasii.

²⁵ Mauðeeba daiba bedea arabauðe deasidau chi daidebenarä machimaa buidai baita. Maarä wäðai chi dachiba kûria panuu äba Bernabé mauðe Pablo baara.

²⁶ Bernabé mauðe Silas beraa biukausidau Dach Mechiu Jesucristo kakua. ²⁷ Daiba Judas mauðe Silas buiduu. Mau äbaräba daiba nau kartade bæuðuu kira jarada.

²⁸ Dach Akõre Jaurimaarä mauðe daimaarä bibuara bæu ne chi chaarea waubiadaabai. Näturu daiba kûria panuu machiba wauðamera: ²⁹ Dach Akõre kuenda juaba ne kapeðaðamaa kiuru baa deapedaada koðaabai panuu, dachi kakuaba barikia kachirua wau kûria bæu nibaðaabai panuu, änimara otäabara beada koðaabai panuu mauðe oa sida koðaabai panuu. Joma mau wauduuburä bi'ia panaðai. Bi'ia panásturu.

³⁰ Maabae chi ächiba buipeðaðarä Antioquia puurudea wäsidau. Neðapeda joma äbarä araa äbua imibiadapeda mau karta deasidau. ³¹ Äbaräba mau karta jüwa eða jarasidaude ärea kirajusidau, mauba ächi söbia paneebiasiiðeeba. ³² Judas mauðe Silas Dach Akõre baita berreabadaurä basii. Mauðeeba ne ärea jarasidau äbaräba bi'ia ijäaðamera mauðe chaarea panaðamera. ³³ Judas mauðe Silas aria aribia panaðapeda äbaräba ächi buipeðaðamaa waya bi'ia wäbiasidau. ³⁴ Maamina Silasba kûrisiasii bi'ia bæu Antioquiade beei. **VI**

³⁵ Pablo mauðe Bernabé Antioquiade paneesidau. Maarä mauðe äbarä ärea baarauba chi ijäabadaurä jaradea panasidau mauðe Dach Mechiu bedea jarabachidau.

V Griego bedede chi bæe kartade nau sida bæ kubuu: Ächiba jaradea panuu machi mukira chi kakua tööðai panuu mauðe Moisesba buða wauðai panuu. Hechos 15:1,5. VI Griego bedede chi bæe kartade mau versículo wä'äe.

Pablo maude Bernabé ächi o kawa wãpedaada

36 Mau maadakare Pabloba Bernabemaa jarasii: «Pu-urucha Dachí Mechiu bedea jaradea panadamaa waya wãdai ábarã saka panuu kuitaadaí baita».

37 Maude Bernabeba Juan Marcos ächi ome adoe kãria ßasii. 38 Maamina Pabloba mau adoe kãri-abasii, mau Juan Marcosba ächi naede Panfilia druade ßusiideeba, maude ächi baara chi Dachí Akõre traju wau nibai ida ßusiideeba. 39 Pablo Bernabé ome mau kakua kãru kopanuuba berreadapeda ächi o kawa wãsidau. Bernabeba Marcos jurupeda jãbade Chipre druadaa adoesii. 40 Maude Pabloba Silas juru adausii ichi baara wãmera. Ábarãba ächi Dachí Mechiu juade ßusidau ichi sõbiadeeba aidamera. 41 Maabáeburu wãsidau. Siria druade maude Cilicia druade nibaaduude puurucha ábarã aidabachidau Dachí Mechiude bi'ia ijãadamera.

Timoteo Pablo baara nibada

16 Maude Pablo Derbe puurude neepeda Listra puurudaa wãsii. II Aria Jesusde ijãa nii Timoteo abadau ßasii. Timoteo nawe judio basii; Jesusde ijãa nibasii. Ichi akõre griego basii. 2 Ábarã Listradebenaba maude Iconio puurudebenaba mau Timoteo ñrubena bi'ia jarabachidau. 3 Maude Pabloba Timoteo adoe kãria ßasii. Maamina jomaurãba kuitaa panasidau Timoteo akõre griego basii. Maudeeba Pabloba Timoteo chi kakua tõosii judiorã mau druade nureeba ichi ñrubena kachirua kãrisiarãadamera. Maabáeburu wãsidau. 4 Ächi wãaduu puurucha jarasidau Jesusba ßuidarãba maude ijãabadaurã nubadaurã Jerusalende nureeba kartade ßupedaada ábarãba maka wau panadamera. III5 Maka ábarãba Dachí Mechiude bi'ia ijãasidau maude ewaricha área maucha imisidau.

Pabloba Macedoniadebena ëbëra unuda

6 Pablo ichi ome nibada sida Frigia druade maude Galacia druade nibasidau Dachí Akõre Jauriba chi bedea Jesús ñrubena Asia druade ida jarabiadaabasiideeba. 7 Misia drua kaita neesidau Bitinia druadaa wãdai kãrisiasidau, maamina Jesús Jauriba ida kabibasii. IV8 Maudeeba Misia druade marde wãdapeda Troas puurudaa neesidau. 9 Ésabudaa Dachí Akõreba Pablo daumaa unubisii ëbëra Macedonia druadebena ukru nubuu. Mau ëbëra Pablomaa naka chi chuburia idisii: «Macedoniadaa dai aidade neese». 10 Pabloba mau unusiideeba daiba kuitaasidau Dachí Akõreba dai iukua ßasii chi bedea bia Jesús ñrubena Macedo-

I 15:38 Hechos 13:13. II Pablo Bernabé ome naede mau puuru omedaa wã panasii. Hechos 14:6-23. III 16:4 Hechos 15:23-29. IV Jesús Jauri. Griego bedede chi bee kartade ßu kubuu: Dachí Akõre Jauri maeburã ababuru Jauri.

niadebenarãmaa jaradamera. Ara makude wãdai baita paneesidau.

11 Troas puurudebena jipa wãdapeda Samotracia islade neesidau. Norema Neápolis puurude neesidau. 12 Arabena Filiposdaa wãsidau. Mau drua Macedoniadebena puuru mechiu basii. Mau puurude Romadebenarã área panabachidau. Aria ewari ßa'ãra panasidau. 13 Bari panabadau ewaride dai puuru awara wãdapeda doedaa wãsidau. Kãrisiasidau aria judiorãba Dachí Akõremaa utaa idibadau. Wãaduude wërarã ábuwa panuu unusidau. Jeeda akru paneedapeda daiba áchimaa berreasidau. 14 Mau wërarãdebena aba Lidia abachidau. Mau Tiatira puurudebena basii. Paru pupuchia ßee nedobëibachii. Mau judiowãe wëraaba Dachí Akõre wapeadee ßasii. Dachí Mechiuba ichi sõ wasiideeba Pabloba berrea ßuu Lidiaba kauwa ñripeda ijãasii. 15 Lidia maude joma ichi dedebenarã boro easidau daimaa chi chuburia idisii ichi dede paneedamera. Naka jarasii:

—Machimaa muba biawãra Dachí Mechiude ijãasi-iburã, mru dede panade nësturu.

Maka dai ichi dede paneebiasii.

Pablo maude Silas jupedaada

16 Ewari abade Dachí Akõremaa utaa idibadaumaa wãaduude daiba chi bari trajabarii áwera jai kachirua uru ßuu unusidau. Mau chi áweraba chi jai kachirudeeba ne jarabachii kãare sãai ßuu. Maudeeba ichi chibarirãba área chi nejarra adaubachidau. 17 Mau áwera dai kaade bia wãbachii:

—Dachí Akõre Mechiuba nau ëbërarã ßuikasii jaradeadamera saka Dachí Akõreba chi ëbërarã ichiba kastikai bada karibabarii.

18 Ichiba ewari área maka jãwa bia nibasiideeba Pablo waa ñri kãriabasii. Ichimaa ichiapeda chi jai kachiruamaa jarasii:

—Muba Jesucristo trudeeba bichimaa jaraaru: nau áweradebena áyaa wãse.

Ara makude chi jai kachirua wãsii.

19 Maude chi áwera chibarirãba kuitaasidau ichideeba waa chi nejarra adauadaabai. Maudeeba Pablo maude Silasba jidauapeda puurudebena karrarãmaa adoesidau. 20 Chi jaradea ua ßuabadaurã daade nubudapeda jarasidau:

—Cha panuu judiorãba dachi puuru kãrubikabia panuu. 21 Chi dachi romadebenarãba wauedakau jãarãba mau jaradea panuu.

22 Maude joma chi aria panuuba Pablo maude Silas orra adoesidau. Maka panuude chi jaradea ua ßuabadaurãba ächi paru ëetabidapeda bakuruba ubisidau. V23 Área udapeda jãa kubusidau. Chi jãa du-anuu nubariimaa jarasidau área numerã. 24 Ara

V 16:22 2 Corintios 11:25.

makude chi jūa duanuu nubariiba Pablo maude Silas jūabadau dede waa eda ietu buude āchi jūru sepode kaatu nubusii.

²⁵ Ēsabude ēsa baaruude Pabloba maude Silasba Dachī Akōremaa utaa idi panasidau maude ichimaa kari panasidau. Mau waabena jūa duanuurāba ūri panasidau. ²⁶ Maka buude ioromia ārea wāsii. Mauba chi jūabadau de jūru ārea urisii. Ara maude chi poraa ewakuusii. Joma chi jūa duanuu kaenaba jūa duanaada ena wāurisidau. ²⁷ Maude chi jūa duanuu nubarii ūru-masii. Chi poraa ewa poe unusiide kŕisiasii chi jūa duanaada joma jīchoasidau. Maudeeba ichi espada erta adausii ichi du aba biui baita. ²⁸ Maamina Pabloba jīwa jarasii:

—Bichi du aba biurāse. Dai joma nama panuu.

²⁹ Maabae chi jūa bee nubariiba ūdaa koabarii adoebipeđa Pablo maude Silas panuumaa isa edaa wāsii. Wapeaba uri kubuuba āchi jūru kaita ōdarrdeeba kobeesii. ³⁰ Maabae āchi awara adoepeđa idisii:

—Mumba zkāare sāaima Dachī Akōreba m̄ karibam-
era?

³¹ Āchiba panausidau:

—Bichiba maude bichi dedebenarāba Dachī Mechiu Jesucristo ijāduuburā, ichiba machi karibai.

³² Maabae Dachī Mechiu bedeā ichimaa maude joma ichi dedebenarāmaa jarasidau. ³³ Ara mau ēsabude chi jūa duanuu nubariiba āchi chi tōpedaada jerasii. Mau maadakare ichi maude joma ichi dedebenarā boro easidau. ³⁴ Pablo maude Silas ichi dedeada adoepeđa kobiasii. Dachī Akōrede ijāasidaudeeba ichi maude chi ichi dedebenarā ārea kŕajusidau.

³⁵ Norema chi jaradea ua buabadaurāba chi jūa bee nubariimaa naka jarade buisidau: «Pablo maude Silas awara buikase».

³⁶ Maabae chi jūa bee nubariiba Pablomaa jarasii:

—Chi jaradea ua buabadaurāba jarabuisidau, mumba machi awara wābiamera. Maudeeba namabena jirukaraayuwāe wāsturu.

³⁷ Maamina Pabloba chi karrarāmaa jarasii:

—Dai romadebenarāmina, dai nebura bi'ia ichi adawēa, jomaurā daade pebiadapeđa jūasidau. Mau z̄dai awara mirubia buikađai kŕia panuka? ¡Makawāema! ¡Ara āchi nebiāsturu, dai namabena adoeđamera!

³⁸ Chi jūabadau de nubadaurāba Pabloba jarada chi jaradea ua buabadaurāmaa jarade wāsida. Pablo maude Silas romadebenarā nuree ūrisidaude wapeasidau. ³⁹ Ara makude āchimaa wāđapeđa chi chuburia idisidau āchiba waupedaada kude beerādamera. Maabae chi jūabadau dedebena adoeđapeđa, chi chuburia idisidau puurudebena āyaa wādamera. ⁴⁰ Pablo maude Silas chi jūabadau dedebena wāđapeđa Lidia deema wāsida. Aria chi

ābarā unusidau, berreasidau Dachī Mechiude bi'ia ijāadamera. Maabāeburu wāsida.

Tesalónica puurude kŕubikapedaada

17 Pablo, Silas maude chi āchi baara ni-bapedaada Anfīpolis puurude maude Apolonia puurude wāđapeđa Tesalónica puurude neesidau. Aria judiorā araa ābua imibadau de kubuasii. ² Pabloba waubarīi kŕia chi judiorā araa ābua imibadau deema wāsii. Misade ōbea bari panabadau ewaricha āchi ome bedeā buabachii. ³ Ichiba arakude jaradeabachii Dachī Akōreba Dachī Karibabarii deai jarada ārea bi'iwāe buai buasii maude biupeđa chokae jiradui buasii. Mau awara naka jarabachii: «Mumba machimaa jara buu Jesús biawāra Dachī Akōreba Dachī Karibabarii deai jaradab».

⁴ Chi nuree judiorāba mau ijāadapeđa Pablo maude Silas ome ābua paneesidau. Maude ārea griegorā Dachī Akōre wapea nureeba maude chi nuree wērarā mechiurāba ijāasidau. ⁵ Maamina judiorā Jesusde ijāawēa nuree sōde kachirua duaneesidau. Maudeeba ēbēra kachiruarā ārea jūruđapeđa puuru kŕubikabide wāsida. Āchi kŕia, Jasón dede eda wāđapeđa, Pablo maude Silas jidausidau jomaurā daade āchi nebura ichi adai baita. ⁶ Maamina āchi unudaabasii. Maudeeba Jasón maude chi waabenarā ābarā jidaudapeđa chi puurudebena karrarāmaa errbari adoesidau. Jomaurāba bia jarasidau: «Naarā ēbērarā joma nau iujāade nebura wau panuu, ara mau kŕia nama neesidau. ⁷ Mau awara Jasonba maarā mukŕrarā ichi dede bi'ia irsibisii. Maarāba wauđakau Romadebena chi aude mechiu niiba ^I waubi buu kŕia. Bari jara panuu ichi audeara rey aba mechiu nii, Jesús abadau».

⁸ Mau ūrisidaude puurudebenarā maude āchi karrarā kŕusidau. ⁹ Maka panuude chi karrarāba Jasonmaa maude waabenarāmaa jarasidau chi nejarra deadai panuu wābiadai baita. Deasidaude ida wābisidau.

Pablo maude Silas Berea puurude panada

¹⁰ Ara mau ēsabude ābarāba Pablo maude Silas Berea puurudea buisidau. Neđapeđa judiorā araa ābua imibadau dedeā wāsida. ¹¹ Berea puurudebena judiorā Tesalónica puurudebenarā kŕia panadaabasii. Maumaarā Jesús ūrubena ūri kŕia panasidau. Ewaricha Dachī Akōre bedeā ārea kauwa ichiabachidau chi āchiba jara panuu biawāra kuitađai baita. ¹² Mauba ārea judiorāba Jesusde ijāasidau. Maude ārea griego wērarā chi mechiurāba maude mukŕrarāba ijāasidau.

^I Romadebena chi aude mechiu niiba. Griego bedeade naka bu kubuu: César. Kajuma bedeade naka bu kubuu: emperador. ^{II} Āchiba Dachī Akōre karta chi nabena ichiabachidau. Mau ewaride Dachī Akōre karta widi wabiđa wā'āe basii.

¹³ Maumisa judiorā Tesalónica puurudebenarāba kuitaasidau Pabloba Dachī Akōre bedea Berea puurude jaradea b̄uu. Mauḁeeba araa wāsidaude arabenarā kīrubikabiasidau kachirua wauḁamera. ¹⁴ Ara makude ābarāba Pablo marḁaa b̄usidau. Maamina Silas mauḁe Timoteo Berea puurude pannesidau. ¹⁵ Chi Pablo baara wāpedaadarāba ichi Atenas puurudaa adoesidau. Maabae Pabloba āchi jarab̄usii Silas mauḁe Timoteo ichimaa isa needamera. Ara makude chi ābarā waya wāsidau.

Pablo Atenas puurude buada

¹⁶ Atenas puurude Pabloba Silas mauḁe Timoteo esedau b̄uumisa, Dachī Akōre kuenda juaba ne kapedaada ārea mau puurude unusiide, ichi kīra no-maasii. ¹⁷ Maka b̄uude Pablo judiorā araa ābua imibadau dede āchi ome mauḁe judiowāerā Dachī Akōre wapea nuree ome Jesús ūrubena berrea b̄uabachii. Mau awara puurude ewaricha ēbērarā ārea duanumaa berrea b̄uabachii. ¹⁸ Aria chi nuree kuitaa nuree Epicureodebenarā mauḁe Estoicoḁebenarā berrea pannesidau Pablo ome. ^I Maarā chi nureeba jarabachidau: «¿Kāare jara kūrīa b̄uma, nau chi bedea ārea niiba?»

Waabenarāba jarabachidau: «Daimaarā, āibena druadebena akōre mechiu ūrubena jaradea b̄uu».

Maka jarabachidau Pabloba jaradeamaa buadadeeba chi bedea bia Jesús ūrubena mauḁe jaradeabachideeba dachi biude maadakare waya chokae jiradudai. ^{II}¹⁹⁻²⁰ Maabae Pablo chi āchi araa ābua imibadaumaa adoesidau. Mama chi «Areópago» abachidau. Naka jarasidau:

—Bichiba jaradea b̄uu daimaarā kūrīsia wiḁib̄u. Mau daiba wabiḁa ūriḁakau. Mauḁeeba kuitaa kūrīa panuu kāare jara b̄uu. ¿Bichiba daimaa jaradeawēka?

²¹ Joma Atenas puurudebenarāba mauḁe āibena druadebenarā aria nureeba kūrīsia wiḁi ūriḁaituru neb̄urubadaudeeba maka idisidau. ²² Mauḁe Pablo āchi ēsa Areopagode ūku n̄ubeepeda jarasii:

—Machi Atenas puurudebenarā, m̄uba unu b̄uu machiba ne āreaḁe ijābadau. ²³ Puurude wāaruude m̄uba unusii machiba Dachī Akōre kuenda juaba ne kapedaada de ārea kobee. Ne baa deabadaude nau bedea b̄u kub̄uu unusii: “Dachi Akōre chi dachiba adua

^I Chi Griego Epicuro abadau 300 año nibasii Jesús wāwa adau naede. Nau Epicuroba jaradeabachii ēbērarā kīraj̄u panadai j̄urudai panuu mauḁe waabenarā ome bi'ia panadai panuu. Chi ichiba jaradeada ūribadaurā «epicureorā» abachidau. Āchiba kūrīsi-abachidau āchi akōre mechiu ārearāba ēbērarā ūrubena kūrīsiadaka basii. Mauḁe Estoicoḁebenarāba june griego Zeno abadau bedea ūribachidau. Maarāba jaradeabachidau dachi ēbēra kakuaba kūrīa panuu. Dachiba maucha kuitaadyu adaudai b̄uu mauḁe joma dastu wauḁai b̄uu aidadai j̄urudawēa. ^{II} Chi nureemaarā, mau griegorāpa kūrīsiadidau Dachī Akōre chi mukīra «Jesús» abachidau mauḁe Dachī Akōre chi wēra «Chokae Jiradubibarii» abachidau.

panuu baita wauḁa”. Chi machiba adua panuu Dachī Akōremaa maumaa bi'ia berreabadau. Ara mau Dachī Akōre ūrubena m̄uba machimaa jaramaa b̄uu.

²⁴ Mau Dachī Akōreba nau iujāa mauḁe nama eḁa nub̄uu sida joma wausii. Ichi bajāadebena Mechiub̄u mauḁe nau iujāadebena Mechiub̄u. Ichi ēbēraba wauḁa dede b̄uakau. ^{III}²⁵ Bi'ia b̄uai baita idikau ēbēraba ichi baita ne waumera. ^{IV} Ichiaburu joma dachimaa dea b̄uu chokae nureadamera, ūyabadamera mauḁe ne joma dachiba uru b̄uai b̄uu uru nureadamera.

²⁶ »Ichiba ēbēra abadebena ēbērarā ārea neebiasii joma nau druade nureadamera. Ichiba b̄usii maarā ēbērarā aba sakaede nureadai mauḁe sama nureadai.

²⁷ Maka wausii ēbērarāba ichi j̄urudamera mauḁe jua tuḁuka nureeba poyaa unudamera. Biawāra Dachī Akōre dachichadebena kaitawē b̄uuwāe, ²⁸ “ichideeba dachi panabadaudeeba, dachi nibabadaudeeba mauḁe dachi chokae nureedeeba”. Mauḁeeba chi nuree machidebena bedea mipitaa b̄ubadaurāba jarasidau: “Dachi ichi warrarāb̄u”. ^V

²⁹ »Dachi Akōre warrarāb̄urā, kūrīsiadabai panuu Dachī Akōre nee wauḁa, parata wauḁa maeb̄urā mo wauḁa, mau ēbēraba ara ichi kūrīsiadeeba wausiideeba. ³⁰ Ēbērarāba chi Dachī Akōre naede adua panada, ichiba mau ida b̄usii. Maamina idibae jara b̄uu joma druachadebenarāba kachirua ida b̄udapeda ichide ijāadamera. ³¹ Ewari aba b̄usii joma nau iujāadebenarā jipa neb̄ura kastikai baita, chi ichiba ēbēra j̄urudadau kaku. Mau ēbēra jomaurāmaa kuitaabiasii ichi biu buada chokae jiradubisiideeba.

³² Mau biu buada chokae jiradubida ūrubena ūrisidauḁe chi nureerāba ūisidau. Maamina waabenarāba jarasidau:

—Jāadakare bichiba mau ūrubena berrea b̄uu waya ūriḁai.

³³ Maabae Pablo āchi baara buada wāsii. ³⁴ Chi nuree aria duanaḁaba Pablo bedea ijāsīdau. Aba Dionisio basii. Mau chi Areopagodebena basii. Mauḁe wēra Dámaris abadauba mauḁe waabenarāba ijāsīdau.

Pablo Corintode buada

18 Mau maadakare Pablo Atenas puurudebena Corinto puurudaa wāsii. ²⁻³ Aria judio Aquila abadau unusii. Mau Aquila Ponto druadebena basii. ^{VI} Chi kima Priscila ome Italia druadebena neepedaada ba'āra ba b̄uasii. Italiadebena nee panasii, Romaḁebena chi karr Claudioba joma judiorā Romaḁe nuree duab̄uikasiideeba. ^{VII} Corintode Pablo āchimaa wāsii āchi kīra paru de wau kuitaa b̄uudeeba. Maabae āchi baara

^{III} 17:24 1 Reyes 8:27; Hechos 7:48-50. ^{IV} 17:25 Salmos 50:9-12. ^V Griego «Arato» abadauba Zeus ūrubena maka b̄usii. ^{VI} Ponto ara mau «Bitinia» abachidau. Hechos 16:7. ^{VII} Claudioba maka wausii año 49ḁe.

beesii ābua trajai baita. ⁴ Bari panabadau ewaricha Pablo judiorā araa ābua imibadau dede berrea buabachii judiorāba maude griegorāba Jesusde ijādamera.

⁵ Maka buude Silas maude Timoteo Macedonia druadebena neesidau. Maadakare Pabloba ewaricha Dach Aköre bede jaradea buabachii. Ichiba judiorā-maa jarabachii Jesús biawāra Dach Aköreba Dach Karibabarii deai jarada. ⁶ Maamina ichiba jara buu āchiba ida busidau. Maude ichi ūrubena kachirua berreabachidau. Maudeeba Pabloba chi paru jū buu neapesii, chi āchiba waupedaada ichiba mau kūriawēa buu unubiai baita. Naka jarasii:

—Machiba mau bede ijādawēeburā, mū kakuawāe. Chi mūba machi baita wai buada, mau joma wausii. Jābae nau tōpe mū judiowāerāmaa wāi.

⁷ Maude judiorā araa ābua imibadau dedebena wāpeda Ticio Justo abadau dede jaradeade wāsii. Mau ēbēraba Dach Aköre wapeadee buasii. Ichi de, chi judiorā araa ābua imibadau de jākaa kubuasii. ¹⁸ Judiorā araa ābua imibadau dedebena chi karr Crispo abachidau. ^{II} Mau Crispoba maude joma ichi dedebenarāba Dach Mechiude ijāsidadau. Mau awara ārea Corintodebenarāba ūrisidau Pabloba Jesús ūrubena jaradea buu. Chi ijādapeda boro easidau.

⁹ Ewari abauēde ēsabude Dach Aköreba Pablo dau-maa unubisii Dach Mechiuba ichimaa naka jaraaru: «Wapearāse. Jaradea buase. Maude chūpearāse. ¹⁰ Mū bichi ome buu. Abau biā bichi poyaa kachirua waubai, mūba ēbērarā ārea nau puurude uru buudeeba». ¹¹ Maudeeba Pabloba año aba ūru ēsa Dach Aköre bede aria jaradea beesii.

¹² Galiōn abadau Acaya druadebena chi karr beeside chi judiorā chiya berredapeda Pablo jidauapeda ^{III} ichi mau Galiōn kīraare adoesidau. ¹³ Āchiba jarasidau:

—Cha buuba ēbērarāmaa jara buu Dach Aköre kūrīadai panuu, maamina dachi romadebenarāba buadade jara buu kīra jaradeakau.

¹⁴ Pablo berrearuu basiidē, Galionba judiorāmaa jarasii:

—Nau ēbēraba kachirua wauā basirā maeburā kachirua mechiu wauā basirā mūba machi bede ūrikausii. ¹⁵ Maamina machiba ababuru bede ūrubena, machi Dach Aköre trū ūrubena maude machi Moisesba buā ūrubena berrea panuu. Maudeeba ara machi du aba ichiāsturu. Mūba mau ūrubena nebura kastikai baita buwāema.

I Ticio Justo. Griego bedeade ārea kartade ababuru naka bu kubuu: Justo. Chi nureerāba kūrīsia panuu mau Justo Pabloba «Gayo» abachii. Romanos 16:23; 1 Corintios 1:14. II Mau Crispo ūrubena Pabloba busii 1 Corintios 1:14de. III Mau Galiōn Acaya druadebena jaradea ua buabarii basii año 51de.

¹⁶ Maka jarapeda duabūkuasii. ¹⁷ Maude jomaurāba judiorā araa ābua imibadau dedebena chi karr Sōstenes jidauapeda ara aria sīsidau. ^{IV} Maamina Galionba mau ūrubena kūrīsiabasii.

Pablo waya Antioquiadaa wāda

¹⁸ Pablo Corintode ewari ārea beesii. Maabae chi ābarāmaa wāruu apeda, Siria druadaa wāsii Priscila maude Aquila baara. Jābae atai naede Cencrea puurude Pabloba ichi boro metabisii. Mau wausii unubiyua chi Dach Akōremaa wai a jarada ichiba mau joma wauā. ¹⁹ Wāaduude, Éfeso puurude needapeda Pablo Aquila maude Priscila ome buada āyaa wāsii. Maude judiorā araa ābua imibadau dede wāpeda judiorā ome Jesús ūrubena berreasii. ²⁰ Āchiba maumaa chi chuburia idisidau aria āchi baara maucha ārea beemera, maamina bee kūrīabasii. ²¹ Maamina wāruude naka jarasii:

—Dach Akōreba kūrīaruuburā mū waya machi ichiade neei. ^V

Maabae jābae atapeda Efesodebena wāsii. ²² Cesarea puurude neepeda Pablo Jerusalendaa chi ābarā ichiade wāsii. Mamauba Antioquia puurudea wāsii.

Apolos Efesodaa needa

²³ Pablo aria aribia buasiide Galacia druade maude Frigia druade nibasii. Puurucha chi Jesusde ijābadaurā jaradeasii bi'ia ijādamera. ²⁴ Maumisa judio Apolos abadau Éfeso puurude neesii. Mau Apolos Alejandría puurudebena basii. Mau bi'ia berreabachii maude Dach Aköre karta ārea kuitaa nibasii. ²⁵ Mau Apolos-maa naede Dach Mechiu Jesús O ūrubena Jaredabachidau. Jesús ūrubena ārea kīrajū berreabachii maude arakude jaradea buabachii. Maamina boro eai ūrubena chi Juanba jaradea buadaturu kuitaa buasii. ^{VI} ²⁶ Maude Apolosba judiorā araa ābua imibadau dede wapeawāe jaradea buasii. Ichiba jaradea buu Aquilaba maude Priscilaba ūrisidau. Maudeeba ichi āyaa adopedada Dach Aköre O ūrubena bi'ia jaradeasidau.

²⁷ Mau maadakare Apolos Acaya druadaa wāi kūrīa buasii. Maudeeba ābarā Efesodebenaba karta chi arabena baita busii bi'ia irsibidamera. Aria neesiide Apolosba Dach Aköre sōbiadeeba chi Jesusde ijāpedaada ārea aidasii. ²⁸ Apolos aria buumisa, jomaurā daade Dach Aköre bede buadaba kuitaabi-abachii Jesucristo Dach Akōreba Dach Karibabarii deai jarada. Maudeeba judiorāba poyaa aba biā panauābasii.

IV Jomaurāba. Griego bedeade ārea kartade naka bu kubuu: griegorāba. V Griego bedeade chi bee kartade nau sīda bu kubuu: Mū Jerusalendaa wāi buu bari panabadau ewarīde buai baita. VI 18:25 Marcos 1:1-8.

Pablo Efesode buada

19 Apolos Corintode buumisa Pablo drua ea idaa buare wāsiide Éfeso puurude neesii. Aria chi nuree Cristode ijāabadaurā unusii. ² Ichiba mau ābarā-maa idisii:

—Machiba Cristode ijāasidaude ¿Dachi Aköre Jauri machiba irsibisidaka?

Āchiba panausidau:

—Daiba wabida Dachi Aköre Jauri ūrūbena ūridakau.

³ Maude Pabloba idisii:

—Maka buuburā ¿saka boro eabisidama?

Āchiba panausidau:

—Juanba jarada kīra boro easidau.

⁴ Maude Pabloba jarasii:

—Juanba jarabachii ēbērarāba kachirua waubadau ida budapeda Dachi Akōremaa needamera. Maka wauduuburā ichiba boro eabachii. Mau awara jarabachii chi ichi kaade neeruu ijāadamera. Mau Jesús basii. ¹

⁵ Mau ūrisidaude Dachi Mechiu Jesús trūdeeba boro easidau. ⁶ Maabae Pabloba ichi jua āchi ūrū kubusiide Dachi Aköre Jauri āchima neesii. Maude bedea didi-waraade berreasidau maude Dachi Aköre baita berreasidau. ⁷ Mau āchi 12 kīra panasidau.

⁸ Jedako ōbea Pablo judiorā araa ābua imibadau deeda wā buabachii. Aria wapeawēa judiorā ome berrea buabachii Dachi Akōreba ichi warr Jesusdeeba, ichidirā ichi juade ua buu ūrūbena, mau āchiba ijāadamera. ⁹ Maamina waabenarā sō chaareakuadapeda ijāadaabasii. Ēbērarā daade Jesús chi O ūrūbena kachirua berreabachidau. Maudeeba Pablo jāmabena āyaa wāsii. Ichiba chi ijāabadaurā jaradeabadau deeda adoesii. Mau de Tiranode basii. Aria ewaricha jaradeabachii. ¹⁰ Año ome maka wausii. Maka joma Asia druaдебena judiorāba maude ju-diowāerāba Dachi Mechiu Jesús ūrūbena ūrisidau.

Esceva warrarāba waupedaada

¹¹ Dachi Akōreba ārea ēbērarāba ne poyaa wauakau mechiu Pabloodēeba waubachii. ¹² Barikiu paru Pabloba jū buada ēbērarāba chi ēpermo nureerā-maa adobachidau. Mauba chi ēpermo nuree aribiabi-abachidau maude jai kachiruarā sida ēbērarā kakuadebena duabūibachidau.

¹³ Mau ewaride chi nuree judiorāba jai kachirua du-abūikua nibabachidau. Maarāba Dachi Mechiu Jesús trūdeeba jai kachirua ēbērarā kakuadebena du-abūikadai chaa panasidau. Naka jarabachidau: «Pablo-ba jaradea buu Jesús trūdeeba mūba jaraaru: āyaa wāse».

I Jesús. Griego bedea chi bee kartade naka bu kubuu: Cristo.

¹⁴ Chi maka wau panuu judio Esceva warrarā basii. Maarā 7 panasidau. Esceva paare mechiurādebena basii. ¹⁵ Ewari aba jai kachirua duabūi panuude jai kachiruaaba maarā 7 ēbērarāmaa jarasii: «Jesús mūba kuitaa buu. Maude Pablo sida mūba kuitaa buu. Maamina machi ¿kairāma?»

¹⁶ Maabae chi ēbēra jai kachirua bara buuba āchi or-ra adaupeba joma poyaakuasii. Ārea sīkuasiideeba āchi kakua joma kōekuapeda, maabae dedebena ewaraa pira wāsida. ¹⁷ Joma Efesode nuree judiorāba maude griegorāba mau kuitaasidaude wapeasidau. Maude Dachi Mechiu Jesús trū ūrūbena bi'ia berreasidau.

¹⁸ Mau ewaride ārea Jesusde ijāa panuurā aria needapeda chi āchiba kachirua waupedaada jomaurā daade jarasidau. ¹⁹ Chi jaibana kīra kuitaa nureerāba āchi jaradeabadau karta araa ābua adoesidau jomaurā daade baadai baita. Joma mau karta sāabe chi nejarr juasiisidaude 50.000 parata idibachidau. ²⁰ Maka Dachi Akōreba ichi poyadeeba waua kakua chi Dachi Mechiu Jesús ūrūbena bedea kaitawē trū poasii. Maude Jesusde ijāabadaurā aude barasii.

²¹ Mau maadakare Pabloba ichi sōde kūrīsiasii Macedonia druaude maude Acaya druaude nibapeda Jerusalén puurūdaa wāi. Maude jarasii: «Jerusalende buapeda mē Roma puurūdaa wāi buu». ²² Maudeeba ichi aidabadaurā Timoteo maude Erasto Macedonia druaada naa buisii maamina ichi Asia druaude beesii.

Éfeso puurudebenarā kīrubikapedaada

²³ Mau ewaride Jesús Ode duanuu kakua ēbērarā ārea kīrubikasidau. ²⁴ Mau nakabachii: ēbēra Demetrio abadau buasii. Mau ēbēra chi paratadeeba ne waubarīi basii. De bistīkau waubachii, Artemisa de mechiu kīra. ²⁵ Mau wau buudeeba Demetrioba maude chi ichi ome ne waubadaurā biā chi nejarra ārea irsibibachidau. ²⁶ Demetrioba mau ēbērarā maude waabenarā ne waubadaurā iukuapeda, maabae naka jarasii: «Kōpaerorā, machiba kuitaa panuu, nau traju wauduuba dachiba chi nejarr ārea irsibibadau. ²⁷ Maamina machiba unu panuu maude ūri panuu jāu Pabloba Dachi Akōre kīra nii juaba kapedaada chi biawārawāe abarii. Ichiba nau Efesode maude beraa joma Asia druaude maka jara nii. Maudeeba ārea ēbērarāba Artemisa ida buudu. ²⁸ Mauba chi dachiba ne waubadau ēbērarāba mau kachirua unu paneedai. Chi Artemisa de mechiu sida waa trū poa panadaabai. Makarā Asia druaude maude joma nau

II Āreamaarā mau Escevaba jai kachirua duabūruude ara ichi paare mechiu abachii chi nejarra adai baita. III Parata 50.000 adai baita ēbēraba 50.000 ewari trajai buu. IV Latīn bedea Artemisa «Diana» abachidau. Griegorāmaarā, chi Dachi Akōre kīra nii wēra Artemisaba wērarā aidabachii warrarā ārea adaukaadamera.

druade bida chi Artemisade ijaa panuuba waa aude k̄risiadaabai».

²⁸ Mau bedea ūrisiadaude ārea k̄rudapeda bia jara duaneesidau: «Ĵārea bi'ia nii Artemisa Efesodebena!»

²⁹ Maka panuude joma puurudebenarā kuitaa k̄risiadaawēa pira waurisidau. Maude waabenarāba Pablo baara nibabadau ome jidauapeda teatrodaa adoesidau: aba Gayo basii maude chi ababena Aristarco basii. Maarā Macedonia druadebena basii. ³⁰ Pablo aria ēbērarā ome berreade wā k̄ria buasii, maamina chi Jesusde ijābadaurāba ida buidaabasii. ³¹ Mau awara waabenarā Asiadebena karrarāba Pablomaa jarade buisidau. Ichi ome kōpaerorādeeba chi chuburia idisidau teatrodaa wārāamera. ³² Maude ābua duanuude joma k̄rubika nubuasii. Maude joma k̄ira a'awaraa bia duanasidau. Āreaba adua panasidau sakāe araa ābua duanuu.

³³ Maka panuude judiorāba Alejandro juru adausidau ichiba kāare jarai buu a jaradai baita. Maabae chi puuru daade wābisidau, āchimaa berreamera. Maude Alejandroba juaba chūpeabiasii ichi nebura ūrubena arakude berrei k̄ria buasiideeba. ³⁴ Maamina ichi judio nii kuitaasidau jomaurāba hora ome naka bia jarasidau: «Ĵārea bi'ia nii Artemisa Efesodebena!»

³⁵ Maabae mau puurudebena secretarioba ēbērarā chūpea panabiasii maabae jarasii: «Efesodebenarā, jomaurāba kuitaa panuu, dachi puurudebenarāba chi Artemisa de mechiu buu maude chi ara ichi k̄ira juaba kapedaada, bajādebena baeda bi'ia nubadau.

³⁶ Abau bida mau poyaa setaade adaabai. Maudeeba chūpea panadai panuu. Ne waudai naede ārea k̄risiadaai panuu. ³⁷ Nau ēbērarāba dachi chi Artemisa de mechiudebena nechiruaawēa panumina maeburā ichi ūrubena kachirua berreadawēa panumina machiba namaa adoesidau. ³⁸ Demetrio maude chi kōpaerorā āchi jidea k̄ria panuuburā Romadebena juezmaa wādai panuu mau jaradai baita. ³⁹ Maamina june nebura uru panuuburā, chi puurudebenarā araa ābua duanuumaa jarasturu. Maarāburu mau ichiadaai.

⁴⁰ Mau idi waupedaada kakua Romadebenarāba poyaa jaradai daiba k̄rubikabiadaai panuu. Jāarāba sakāe maka wausidama a idiuduuburā ¿saka panaudaima?»

⁴¹ Mau jarapeda, joma āchi decha buikasii.

Pablo Macedonia druadaa maude Greciadaa wāda

20 Maka k̄rubika duanuu apiisidaude Pabloba chi Jesusde ijaa nuree iukuapeda āchi ome berreasii Dachī Mechiude bi'ia ijāadamera. Maabae wāaruu apeda Macedonia druadaa wāsii. ¹² Joma mau druade nibasiide ābarā aidabachii Dachī Mechiude bi'ia ijāadamera. **I** Maabae Grecia druade neesii. ³ Aria

I Griego bedea chi nuree kartade bu kubuu: āchi burupea.

jedako ōbea buasii. Pablo Siria druadaa jābade wāi baita kubude kuitaasii judiorāba ichi kachirua waudai baita bedea deasidau. Maudeeba Macedonia druadaa wāsii. ⁴ Ichi baara naarā Asia druadaa wāsidaa: Berea puurudebena Pirro warr Sópater, Tesalónica puurudebena Segundo maude Aristarco, Derbe puurudebena Gayo, Asia druadebena Tíquico maude Trófilo maude Timoteo. **III** ⁵ Mau ābarā dai naa wādapeda Troas puurude esedau panasidau. ⁶ Pan ēesāabibarii-wāe kobadau ewari basiide dai Filipos puurudebena jābade wāsidaa. Ewari jua abade āchi ome Troas puurude unusidau. Aria 7 ewari paneesidau.

Troas puurude duanaa

⁷ Maabae nabena ewari misade Jesusde ijābadaurā ome araa ābua panasidaude pan buadapeda kosidau. **IV** Maude Pabloba jaradea buasii. Norema wāi buudeeba ēsabude ēsabaare baaruadaa berrea buasii. ⁸ De jā utubenade araa ābua duanasidau maude ūdaa koabadaurā ārea ūdaa nubuasii. ⁹ Maude kūudrāa Eutico abadau poraa kaebeu boroa ichiabadumare akū buasii. Pablo ārea berreamaa buudeeba mau kūudrāa dapokeaba kāi nubeepea, de jā utu ōbeadebena baesii. Jiradubide wāsidaude biu nubuu unusidau.

¹⁰ Pablo edaa neepeda chi kūudrāa ūru ōdarrdeeba kobeepea burusii. Maabae jarasii:

—Perarāsturu. Nau chokae buama.

¹¹ Pablo waya dede eda wāpeda pan buapeda, kosii. Maabae wabiada berrea buude ewarisiiide wāsii. ¹² Chi kūudrāa deeda chokae adoesidau. Maudeeba jomaurā k̄irajuru duaneesidau.

Troas puurudebena Mileto puurudaa wāpedaada

¹³ Pablo Asón puurudaa ode wāi k̄riasii. Maamina dai jābade naa wābiasii. Aria ichi atai asii. Dai ara makude wāsidaa. ¹⁴ Aso puurude Pablo ome unusidaude jābade atausii. Maabae Mitilene puurudaa wāsidaa. ¹⁵ Arabena wādapeda, norema Quío isla k̄iraare wāsidaa. Mau norema Samos puurude neesidau. Maabae Trogilioadaa wādapeda Mileto puurude neesidau. ¹⁶ Pablo Asia druade ārea buamaaba, Éfeso puurudaa wāyaa wāsii. Ichi isa Jerusalendaa neei k̄ria buasii, makasirā poyaa neei, Pentecostés ewariide aria buai baita.

Pabloba ābarā Efesodebenarāmaa berreada

¹⁷ Mileto puurude buude Pabloba Efesodebena ijābadaurā nubadaurā iubiasii. ¹⁸ Ichimaa neesidaude Pabloba jarasii: «Machiba kuitaa panuu

II Pablo año aba ēsa Macedonia druade buasii. Maude Pabloba Karta Ome Corinto abadau busii. III Asia druadaa. Griego bedea chi bee kartade mau wā'āe. IV Pan buadapeda kosidau. Chi nureemaarā, mau chi Jesús K̄irabadaai baita kobadau jara buu. V Trogilioadaa wādapeda. Griego bedea ārea kartade mau wā'āe.

m̄ nau Asia druade neesiideebena saka machi t̄eēde nibabachii. ¹⁹ M̄uba chi Dachī Akōreba waubi b̄uu wau b̄uasiide chi aude mechiu nibai k̄uriabasii. Besede j̄ea b̄uabachii, judiorāba m̄ kachirua wau k̄uria panasiideeba. ²⁰ Maamina m̄uba jomaurā daade maude machi decha machi aidai baita jaradea b̄uabachii. Chi machi baita aude bibuara b̄uu jaradea b̄uabachii. ²¹ Judiorāmaa maude judiowāerāmaa m̄uba jarasii kachirua waubadau ida b̄udapeđa Dachī Akōremaa needamera maude Dachī Mechiu Jesu-cristode ijāadamera.

²² »Jāabae Dachī Akōre Jauriba m̄ Jerusalendaa wābi b̄uudeeba araa wāi. ^I Maamina m̄uba adua b̄uu aria m̄ kāare sāai. ²³ Ababuru kuitaa b̄uu Dachī Akōre Jauriba m̄ubaa kuitaabi b̄uu puurucha m̄ ārea bi'i-wāe b̄uai maude j̄ea b̄uai. ²⁴ Maamina m̄uba mau ūrubena k̄irisiakau, m̄ bi'ia b̄uai j̄urwēdeeba. Ababuru chi Dachī Mechiu Jesusba m̄ubaa waubi b̄uu mau joma wau k̄uria b̄uu. ^{II} Mauburu chi bedea bia Dachī Akōreba ichi sōbiadeeba kariba b̄uu ūrubena m̄uba jara b̄uai.

²⁵ »Dachī Akōreba ichidirā ichi juade ua b̄uai ūrubena m̄uba machimaa jara b̄uabachii. Maamina jāabae kuitaa b̄uu machiba m̄ waa unudaabai. ²⁶⁻²⁷ M̄uba wapeaweā Dachī Akōreba machi baita wau k̄uria b̄uu joma arakude jara b̄uabachii. Maudeeba idi m̄uba jaraaruu: aba karibawēberā, m̄ nebura wā'āe nii.

²⁸ »Dachī Akōreba ichi Warr oadeeba ēbērarā ichi baita nedosii. ^{III} Dachī Akōre Jauriba machi b̄usii ābarā nu panadamera. Maudeeba ara machi du aba ārea kauwa panásturu maude Dachī Akōrede ijāabadaurā joma nu panásturu. ²⁹ M̄uba kuitaa b̄uu m̄ wāsiiide ēbēra kachiruarā usa kachirua k̄ira machi t̄eēde needai ābarā āyaa wābiadai baita. ³⁰ Ara machidebenarā biēa setaa jaradeadai Jesusde ijāabadaurā āyaa wāadamera. ³¹ Maudeeba kauwa panásturu. K̄irabásturu m̄uba año ōbea āyadaa maude ēsabude j̄ea b̄uuba machicha chi setaa jaradeabadaurā ūrubena kauwa nureadai jara b̄uasii.

³² »Jāabae ābarā, m̄uba machi Dachī Akōre juade b̄uuruu. Ichi sōbiadeeba dachi kariba b̄uu ūrubena bedea k̄irabásturu. Mau bedeadeeba machi poyaa aude bi'ia ijāadai. Ichiba deai jarada ichi sōbiadeeba machiba adadai maude joma chi ichi baita bi'ia b̄udarāba mau adadai.

³³ »M̄uba waabena chi nejarra, nee, maeburā paru ara m̄ baita k̄uriabasii. ³⁴ Machiba ārea kuitaa panuu ara m̄ juaba trajasii m̄uba uru b̄uai b̄uu adai baita

^I Dachī Akōre Jauriba m̄ Jerusalendaa wābi b̄uudeeba. Griego bedede nau sida jara b̄uu «m̄ jauride wāi b̄uu kuitaa b̄uudeeba». ^{II} Chi bee kartade griego bedede b̄u kubuu: chi m̄ isa piraaruude, k̄iraj̄m̄ ara bai. ^{III} Dachī Akōreba ichi Warr oadeeba. Griego bedede chi bee kartade b̄u kubuu: Dachī Mechiuba ara ichi oadeeba.

maude m̄ baara nibabadaurāmaa deai baita. ³⁵ Joma m̄uba wasiideeba machimaa kuitaabasii ārea trajaa panuudeeba chi nejarr barauwāe kedee aidadai panuu. K̄irabādai panuu Dachī Mechiu Jesusba naka jarasii: «Bibuara b̄uu abaumaa deai, chi mau adai badamaarā».

³⁶ Maka jarasiide Pablo ōdarrde kobeepeđa joma āchi baara Dachī Akōremaa utaa idisiđau. ³⁷ Maabae bi'ia wābiadai baita joma ārea j̄ea panuuba Pablo b̄urudapeđa ūyaasiđau. ³⁸ Ārea k̄ira nomaasiđau waa unudaabai asiideeba. Maabae ichi jābadaa deade wāsiđau.

Jerusalendaa wāpedaada

21 Mau ābarā b̄uidapeđa dai jābade Cos isladaa jipa wāsiđau. Norema Rodas isladaa wādapeđa Patarā puurude neesiđau. ² Mau Patarade jāba Fenicia druadaa wāi baita nubuu unusiđau maude ataudapeđa wāsiđau. ³ Wāaduude Chipre isla mechiu jua sordoare unusiđau maamina Siria druare wāsiđau, aria Tiro puurude chi trajabadaurāba chi jābadebena chi ne adoeduu awara jirakuadai panasiđau deeba.

⁴ Aria daiba chi Jesusde ijāabadaurā unupedaadadeeba āchi ome 7 ewari paneesiđau. Maude āchiba Dachī Akōre Jaurideeba Pablomaa jarasiđau Jerusalendaa wārāamera. ⁵ Maamina 7 ewari basiide dai wāsiđau. Joma ābarā, āchi wērarā maude āchi wararā dai baara puuru awara wāsiđau. Aria mar iikaa ibude ōdarrde duaneedapeđa Dachī Akōremaa utaa idisiđau. ⁶ Maabae wādai adapeđa jābade atausiđau. Āchi deadaa wāsiđau.

⁷ Maabae Tirodebena jābade wādapeđa Tolemaida puurude neesiđau. Aria ābarā ichiade wādapeđa mau ome ewari aba paneesiđau. ⁸ Norema wādapeđa Cesarea puuru mechiude neesiđau. Aria Felipe dede paneesiđau. Mau Felipe chi bedea bia Jesús ūrubena jarabarii basii. Ābarā aidabadaurā 7 j̄ur̄ adaupeadaadadebena aba basii. ^{IV9} Ichiba kaurā duurā kimare uru b̄uasii. Mau wērarā Dachī Akōre baita berreabadaurā basii.

¹⁰ Aria ewari ba'āra panuude Dachī Akōre baita berreabarii Agabo Judea druadebena neesii. ¹¹ Dai ichiade neesiide Pablo k̄rrde j̄ubarii adausii. Mauba ara ichi j̄ur̄ maude jua j̄upeđa naka jarasii:

—Dachī Akōre Jauriba naka jara b̄uu: nau k̄rrde j̄ubarii chibari judiorāba Jerusalende naka j̄udai. Maabae judiowāerāmaa jidau deadai.

¹² Mau ūrisiđau de daiba maude ābarā Cesarea puurudebenarāba Pablomaa chi chuburia idisiđau Jerusalendaa wārāamera. ¹³ Maamina Pablomaa jarasii:

—¿Sakāe j̄ea panuma? ¿Sakāe m̄ jāka k̄ira nomaabi panuma? Ababuru m̄ j̄udai baita b̄uwāema, mau-

maarã m̄ Mechiu Jesús kakua Jerusalende biui baita ̄uu.

¹⁴ Maude daiba ichimaa jara paneesidau wãrãamera maamina daiba ichi k̄risia poyaāabasii. Maudeeba waa mau ̄rubena berrēabasii. Maumaarã jarasidau:

—Makase, Dachí Mechiuba k̄ria ̄uu k̄ra wauí.

¹⁵ Maabae wã̄dai baita joma waūdapeda Jerusalendeaa wãsidau. ¹⁶ Waabenarã Jesusde ijãabaurã Cesarea puurudebena dai baara wãsidau. ̄chiba ẽbãra Nasón^I abadaumaa adoedapeda dai ichi dede paneesidau. Mau Chipredébena basii. Jesusde ijãa ̄uu ẽrea ba ̄uasii.

Pablo Jerusalende Santiago ome berrēada

¹⁷ Jerusalende neesidaude ẽbarãba dai ẽrea k̄raj̄uu adoesidau. ¹⁸ Norema Pablo dai ome Santiago ichiade wãsidau. ^{II} ̄barã nubaurã sida joma aria duanasidau. ¹⁹ Maabae Pabloba «ajã» apeda Dachí Akõreba chi Pabloodēeba judiowãerã tãede waūda joma arakude nebur̄sii. ²⁰ Mau ̄risidaude ẽbarãba Dachí Akõremaa bi'ia berreasidau. Maabae ẽchiba Pablomaa jarasidau:

—̄ba, bichiba kuitaa ̄uu judiorã ẽreaba Jesusde ijãa panuu. Maude Moisesba ̄uda ẽchiba ẽrea ijãabadau.

²¹ Maamina bichi ̄rubena setaa ̄risidau. Waabenarãba ẽchimaa jarasidau bichiba joma judiorã griego tãede nureerãmaa Moisés ida ̄ubi ̄uu, ẽchi warrarã muk̄ra chi kakua t̄obiakau maude waabena dachi judiorãba waubadau sida waubiakau. ²² ¿Saka waūdaima mau setaa kuitaāamera? Bichi needa kã'ãabariwãede kuitaādai. Maabae biawãra bichi kachirua waūdai baita araa ẽbua imidai. ^{III}

²³ Maudeeba daimaarã bichiba naka wauí ̄uu: dai tãede ẽbarã kimare panuu. ̄chiba Dachí Akõre daade ne waūdai jarapedaada joma wauduu. ²⁴ Mau ẽbarã Dachí Akõre de mechiudaa adoesi. Aria Dachí Akõre daade bi'ia nureadai baita wãusturu. ̄chiba Dachí Akõremaa deadai panuu bichiaburu dease. Makarã ẽchi poyaa boro metādai kuitaabiadai baita ẽchiba ne waūdai jarapedaada joma wausidau. ^{IV} Mauba jomaurãba kuitaada chi bichi ̄rubena jara panuu seta ̄uu maude kuitaada bichi biawãra jipa nibabarii Moisesba ̄udade jara ̄uu k̄ra. ²⁵ Maamina judiowãerã Jesusde ijãabaurãba waūdai panuu daiba kuitaa jaradapeda kartade ̄usidau: Dachí Akõre kuenda juaba ne kapedaadamaa kiuru baa deapedaada kodaabai panuu, dachi kakuaba barikia kachirua wau k̄ria ̄uu nibaadaabai panuu, ẽnimara otãabara beada kodaabai panuu maude oa sida kodaabai panuu. ^V

^I Nasón. Griego bedeāde naka ̄u kubuu: Mnasón. ^{II} Mau Santiago Jesús ẽbab̄. Santiago ara mau «Jacob» abadau. ^{III} Maabae biawãra bichi kachirua waūdai baita araa ẽbua imidai. Griego bedeāde

²⁶ Norema Pabloba mau ẽbãrarã ichi baara adoepeda, ne wausidau Dachí Akõre daade bi'ia nureadai baita. Maude Dachí Akõre de mechiudaa wãdapeda jarasidau sãu ewaride Dachí Akõre daade bi'ia panādai. Mau ewaride ẽchicha Dachí Akõremaa ẽnimara baa deadai panasidau.

Judiorãba Pablo jidaupedaada

²⁷ Maamina 7 ewari bamaa ̄uude waabenarã judiorã Asia druadebena Dachí Akõre de mechiu dūda panasidau. Mau judiorãba Pablo unusidaude joma ẽbãrarã aria duanuu k̄rubikadapeda Pablo jidausidau. ²⁸ Maude j̄iwa jara panasidau: «¿Israeldebenarã, dai aidãsturu! Nau ẽbãraba druacha jaradea ̄uu dachi israeldebenarã, Moisesba ̄uda maude Dachí Akõre de mechiu sida kachirua beei. ¡Mau awara griegorã Dachí Akõre de mechiu eda adoesii! ^{VI} ¡Chiba nau de ababuru Dachí Akõre baita ̄uu kachirua beebisii!»

²⁹ Maka jarasidau Trófimo Efesodebena Pablo ome puurude niiba unupedaadeeba. K̄risiasidau Pabloba Trófimo Dachí Akõre de mechiu kaita eda adoe ̄uasii.

³⁰ Maude joma Jerusalendebenarã k̄rudapeda pira wãuridau. Pablo jidaudapeda Dachí Akõre de mechiu dūda jeeda erta adoesidau. Maabae chi poraa joma j̄akuasidau. ³¹ Pablo bea k̄ria panuumisa abaua Romadebena kokoroa chi aude mechiuba jarade wãsii joma Jerusalende panuurã k̄rusidau. ³² Ara makude ichi kokoroarã mechiurã iupēda ẽbãrarã k̄ru panu-umaa pira wãsidau. Judiorãba ẽchi needuu unusidaude Pablo s̄ panāda ida ̄usidau. ³³ Kokoroa chi aude mechiu araa neesiide, Pablo jidaupeda kaena omeeba j̄bisii. Maabae ẽbãrarã p̄chua imi nubuumaa idesii Pablo kai maude kãare wausii kuitaaí. ³⁴ Maude jomaurã k̄ra a'awaraa bia duanasidau. Maamina kokoroa chi aude mechiuba kuitaa ̄rikau basii ẽbãrarã ẽrea k̄rubika panuudeeba. Maudeeba Pablo kokoroarã duanabadaumaa adobisii. ³⁵ Chi j̄r̄metamaa neesidaude mamauba kokoroarãba Pablo jira adoesidau, judiorã ẽrea k̄rimaa panuudeeba. ³⁶ ̄chiba kokoroarã kaade j̄iwa jarabachidau: «¡j̄u beatãsturu!»

Pabloba judiorãmaa jarada

³⁷ Kokoroarãba Pablo ẽchi duanabadau deedāda eda adoeuude, Pabloba griego bedeāde naka jarasii:

—¿Bi'ia ̄uka m̄ bichi ome berreai?

Chi kokoroarã aude mechiuba panausii:

—¿Bichiba griego bedea kuitaa nika? ³⁸ ¿Bichiwãeka chi Egiptodebena, ẽbãrarã naede k̄rubikapeda, mod-

chi bee kartade mau wã'ãe. ^{IV} 21:24 Números 6:13-20. ^V 21:25 Hechos 15:28-29. ^{VI} Judiorã Dachí Akõre de mechiu kaita wãdai panasidau maamina griegorã awara paneedai panasidau.

edebenarã 4.000 drua sirua wã'ãe bæuðaa adoesiivãe-ka?

³⁹ Maude Pabloba jarasii:

—Makawãema, mɛ judiobɛ. Cilicia iujãa druadebenabɛ. Tarso puuru mechiudebenabɛ. Michuburia puuru daade ida berreabise.

⁴⁰ Chi kokoroarã aude mechiuba ida berreabisii. Maabae Pablo jürɛmetade bari nubũuba ichi juaba ëbërarã chũpeabisii. Chũpeabisiiðe hebreo bedede berreasii.

22 Pabloba jarasii: «Ãbarã maude chõrarã, ùristuru. Ara mɛ ùrɛbena jaraaruu».

² Ichi hebreo bedede berrea bæu ùripeðaaðeaba ãchi chũpea duaneesidau. Maude Pabloba jarasii:

³ «Mɛ judiobɛ. Cilicia druade Tarso puuruðe mɛ danaba mɛ adausii. Maamina mɛ nama Jerusalende warisii. Jaradeabarii Gamalielba mɛmaa joma dachi nabëraedebebenarã Moisesba bæda ãrea jaradeasii. ¹ Mɛba Dachi Akõre ãrea ijãa bæabachii machiba ijãabadau kïra. ⁴ Mauba, mɛba chi O Wiði ijãa panurã wãraa bæabachii. Mukïrarã maude wërarã jãa bæikabiabachii. Maude chi nuree beabisii. ⁵ Mau chi paare mechiuba maude joma judio mechiurãba kuitaa panuu. Æchiba mɛmaa karta deasidau judiorã Damasco puurudebenarãba mɛba chi O Wiði ijãabadaurã jidau bæu mau kuitaaðamera. Maude mɛ Damasco puuruðaa wãsii ãchi nama Jerusalendaa eneepeða chi mechiurãba kastikaðamera.

⁶ «Maamina Damasco puuruðe neeruude ɛmada jipa baaruude bajãdebebenã mɛ adu ãrea ùðaa puri chebiwãsii. ⁷ Mɛ jeeda bæsiide mimi ùrisii. Mauba mɛmaa jarasii: “Saulo, Saulo, ¿sakãe mɛ wãraa bæma?” ⁸ Mɛba idisii: “Mɛ Mechiu, ¿bichi kaima?” Ichiba panausii: “Mɛ Jesús Nazaredebenabɛ, chi bichiba wãraa bæu”. ⁹ Chi mɛ ome nibapeðaaðaba mau ùðaa tedechoaruu unusidauðe perasidau, maamina chi mɛ ome berrearuu ùriðaa basii. ¹⁰ Maude mɛba idisii: “Mɛ Mechiu, ¿bichiba kãare kÿria bæma mɛba wau?” Dachi Mechiuba panausii: “Jiradupeða Damasco puuruðaa wãse. Mɛba jamarã jarã kãare wau bæu”.

¹¹ Mau ùðaa tedechoaruuba mɛ dau pãriubisii. Maudeeba chi mɛ ome nibaðaba mɛ juade jidaudepeða Damasco puuruðaa adoesidau.

¹² »Aria ëbëra Ananias abadau bæasii. Mau ëbëra Dachi Akõre wapea bæudeeba Moisesba bæde jara bæu kïra waubachii. Maudeeba joma judiorã Damasco puurudebenãba ichi ùrɛbena bi'ia berreasidau.

¹³ Mau Ananiasba mɛ ichiade neesiide ara kaita wãpeða jarasii: “Ãba Saulo, waya bichi dauba unuse”. Ara makude mɛ dau ariipeða ichi unusii. ¹⁴ Maabae Ananiasba jarasii: “Dachi Akõre dachi nabëraedebebenã ome bæaðaba bichi adoesii ichiba kÿria bæu kuitaam-

I 22:3 Hechos 5:34-39. II Perasidau. Ærea karta griego bedede mau bedea wã'ãe.

era, chi Jipa nii unumera maude ichi berrearuu ùrimera. ¹⁵ Joma bichiba unuda maude ùriða jomaurãmaa jarã. ¹⁶ ¡Waa esedause! Jiradupeða bichi boro eabise. Utaa idise. Bichiba kachirua wauða ichiba joma perdonai”.

¹⁷⁻¹⁸ »Mau maadãkare mɛ waya Jerusalendaa neesii. Ewari abã Dachi Akõre de mechiuðaa wãpeða ichimaa ɛtaa idã bæasii. Maude Dachi Akõreba mɛ daumaa Dachi Mechiu unubisii. Ichiba mɛmaa jarasii: “Jerusalendebena isa ãyaa wãse. Chi bichiba mɛ ùrɛbena jara bæu namabenarãba ijãaaðabai”. ¹⁹ Mɛba naka panausii: “Maamina, mɛ Mechiu, ãchiba ãrea kuitaa panuu naede mɛ judiorã arã ãbua imibadau decha wãpeða chi bichide ijãa nuree jidaupeða sïbachii maude jãa bæbachii. ²⁰ Bichi ùrɛbena berrea bæu kakua Esteban beasidauðe mɛ siða aria bæasii. Mau beaduu mɛba bi'ia unusii. Mau awara ãchi paru anabari jãbadau mɛba nu bæasii”. ²¹ Maamina Dachi Mechiuba mɛmaa jarasii: “Wãse. Mɛba bichi kaitawë judiowãerãmaa bæii”».

Pablo kokoroarã mechiu juade

²² Pabloba jara bæu judiorãba chũpea ùri duanasidau. Maamina Dachi Mechiuba ichi judiowãerãmaa bæii asiide, bia bara bæesidau:

«Jãu ëbëra nibaabai bæu! ¡Beásturu!»

²³ Maka bia panuude, chi ãchi paru anabari jãbadau ëkuuðapeða ioro jora ɛtaa jãrapesidau. ²⁴ Maudeeba kokoroa chi aude mechiuba jarasii Pablo kokoroarã duanabadau dede edã adoeðapeða pebidamera. Maka waubisii Pabloba jaramera sakãe judiorã ichi ome kïramaa panuu. ²⁵ Maamina ichi pebeðai baita jãduude Pabloba kokoroarã jaradea ua bæabarii aria bæumaa jarasii:

—¿Machiba Romadebenãba abã pebeðai panuka ichi nebura ichiðai naede? III

²⁶ Mau ùrisiide kokoroa chi aude mechiuðaa wãpeða jarasii:

—¿Bichiba kuitaa bæka kãare wauruu? Jãu ëbëra romadebenabɛ.

²⁷ Maabae kokoroa chi aude mechiuba Pablomaa wãpeða idisii:

—¿Biawãra bichi romadebenãka?

Pabloba panausii:

—Maerã, mɛ romadebenabɛ.

²⁸ Kokoroarã chi aude mechiuba jarasii:

—Mɛba chi nejarra ãrea deasii Romadebenãba bai baita.

Pabloba jarasii:

—Mɛ danaba mɛ adausiideðebena romadebenabɛ.

III Romadebenã leyde bæ kubuasii, ëbëra Romadebenã poyaa sïðaaðabai, peðaaðabai maeburã beaðaaðabai, ichi nebura ichiðai naede.

²⁹ Ara makude chi Pablomaa idikadai baita panada-ba ida buseidau. Kokoroarã chi aude mechiuba Pablo Romadebena kuitaasiide ãrea wapeasii Romadebena pebebabii baita jübisiideeba.

Pablo judio chi mechiu nureerã daade buada

³⁰ Norema kokoroa chi aude mechiuba wabida kuitaa kũria buseii sakãe judiorãba Pablo jidea panasidau. Mauðeeba ichi kaenaba jũ buada ena buseii. ^I Maabae ichiba joma paare mechiurã mauðe judiorã mechiurã araa ãbua imibiasii. Mauðe Pablo adoepeda ãchi daade buseii.

23 Pabloba judiorã karrarãmaa ichiapeda jarasii:

—Mũ ãbarã, mũ jirukaraayuwãe bũu kuitaa buudeeba idi bida Dachì Akõre daade bi'ia niba.

² Mauðe chi paare mechiu Ananiasba chi Pablo kaita panuumaa jarasii ichi iimaa sãdamera. ³ Mauðeeba Pabloba Ananiasmaa jarasii:

—¡Bichi Dachì Akõreba sã! ¡Bichiba chi judiorã paare mechiu kãra waukau! ^{II} Bichi jamarìa akũ bũu Moisesba buada jara bũu kãra mũ nebũra kastikai baita maamina ¡mũ sãbisiideeba ara mau Moisesba buada ida bũ bũu!

⁴ Mauðe chi aria panuuba Pablomaa jarasidau:

—Chi paare mechiu Dachì Akõreba buada ¿bichiba saka kachirua jara bũma?

⁵ Pabloba jarasii:

—Ãbarã, mũuba adua buseii ichi paare mechiu nii. Kuitaada basirã mũuba maka jaradaabai basii, Dachì Akõre bedeade naka bũ kubũudeeba: “Machi karr ãrubena kachirua jararãsturu”. ^{III}

⁶ Maka buude Pabloba kuitaasii chi mechiurã waabenarã saduceorã, waabenarã fariseorã. Mauðeeba ãchimaa jãwa jarasii:

—Ãbarã, mũ fariseobũ. Mũ nabẽraedebenaã fariseorã basii. Mauðeeba ijãa bũu biudarã chokae jiraduðai. Mauðeeba waabenarãba mũ kastika kũria panuu.

⁷ Pabloba maka jarada kakua fariseorã saduceorã ome kãru berreapeda a'awaraa kũrisia duaneesidau.

⁸ (Saduceorãba jarabadau biudarã chokae jiraduðakau, angelerã wã'ãe, jauri sida wã'ãe. Maamina fariseorãba joma mau ijãa panuu). ⁹ Biawãra mauðeeba mia ãrimaa bara buseii. Chi nuree fariseo baara du-anuu Moisesba buada jaradea panabadaurã bari topaneedapeda jarasidau:

—Jãu mukãraba ne kachirua wauwãe bũu, asidau. ¿Jauri ababa jãka ichimaa berreabisii, maebũrã ángel ababa? Maka bũubũrã ¿saka Dachì Akõre ome chõdaima? ^{IV}

^I Kaenaba jũ buada. Griego bedeade chi bee kartade mau wã'ãe. ^{II} ¡Bichiba chi judiorã paare mechiu kãra waukau! Griego bedeade naka bũ kubũu: bichi de torroa puruða kãra bũu. Mateo 23:27-28; Ezequiel 13:10-16. ^{III} 23:5 Éxodo 22:28. ^{IV} Maka bũubũrã ¿saka

¹⁰ Aude mia ãrimaa bara beseide, kokoroarã mechiuba, Pablo poyaa pichipichia wauðai wapea kũrisia bũude, ichi kokoroarã ikuuasii mia ãrimaa duanu-umaabena awara adoedamera mauðe ãchi deemaa adoedamera.

¹¹ Mau ãsabude Dachì Mechiu Pablomaa unubipeda naka jarasii: «Pablo, kãrajũuse. Mũ ãrubena nama Jerusalende berreada kãra Roma puurude bida berreai bũu».

Judiorãba Pablo beðai baita bedeade deapedaada

¹² Norema chi nuree judiorãba bedeade deasidau Pablo beðai baita. Mau ãbẽrarãba biawãraðeeba berreasidau kodaabai mauðe bania doðabai Pablo beaduuda. ¹³ Chi bedeade deapedaada 40 wãyaa panasidau. ¹⁴ ãchi paare mechiurãmaa mauðe judiorã chõrarãmaa wãdapeda, maabae jarasidau:

—Daiba Dachì Akõre daade biawãra jarasidau kodaabai mauðe bania doðabai Pablo beaduuda.

¹⁵ Mauðeeba naka wãusturu. Machiba chi kokoroa chi aude mechiuumaa idãsturu nu Pablo waya machimaa adoebimera. Jarãsturu machiba ichi ãrubena kauwa idi kũria panuu. Adoeduude nama neei naede daiba ichi beðai.

¹⁶ Maamina Pablo neekau warr aria buseii. Mau kũudrãba chi ãchimaa jara panuu ãripeda kokoroarã du-anabadaumaa Pablomaa jarade wãsii. ¹⁷ Mauðeeba Pabloba kokoroarã chi jaradea ua bũabarii aba iupeda jarasii:

—Nau kũudrãa chi mechiu bũumaa adoese. Ichiba ne jara kũria bũu.

¹⁸ Ara makude chi kũudrãa kokoroarã mechiuumaa adoepeda jarasii:

—Pablo, chi jãa bũuba mũ iupeda jarasii nau kũudrãa bichimaa adoemera. Ichiba bichimaa ne kaebea jara kũria bũu.

¹⁹ Maabae kokoroarã chi mechiuba kũudrãa juade jidaupeda ãyaa adoesii. Maabae idisii:

—¿Kãare mũumaa jara kũria bũma?

²⁰ Mauðe kũudrãba jarasii:

—Judiorãba bedeade deasidau naka wauðai baita: ãchiba bichimaa chi chuburia ididai Pablo nu chi judiorã mechiurã ãbua panuumaa adoebimera. Jaradaichi ãrubena kauwa idi kũria panuu. ²¹ Maamina ijãarãse. Pablo beðai baita 40 mukãrarã o kãsa otea panuu. Mauðe maarãba biawãra jarasidau Dachì Akõre daade kodaabai mauðe bania doðabai Pablo beaduuda. Jãabae beðayúaburu panuu, mauðe esedau panuu bichiba jarai Pablo ãchimaa adoebimera.

²² Maabae kokoroarã chi mechiuba kũudrãamaa jarasii:

Dachì Akõre ome chõdaima? Griego bedeade chi bee kartade mau wã'ãe.

—Bichiba m̄maaa jaradea abaumaa bida jararãse.
Maka jarapeđa wãbisii.

Romadebenarãba Pablo Cesareadaa adopeđaada

23 Maabae kokoroarã mechiuba chi jaradea ua
buabadau ome iupeđa maabae jarasii:

—J̄m̄ adause, 200 kokoroarã, 70 kokoroarã murade
wãbadaurã maude 200 miasuba t̄ubadaurã, maabae
nau esabuđe las 9de Cesarea puuruđaa wásturu.

24 Mau awara mura Pablo baita adoésturu nau Judea
druadebena chi karr Felixmaa bi'ia adooi baita. I

25 Kokoroarã mechiuba karta naka b̄ urub̄isii:

26 M̄, Claudio Lisiasba nau karta b̄uruu m̄ karr
Félix baita. M̄mba k̄ria b̄uu bichi bi'ia b̄uai.

27 Judiorãba nau eb̄era jidaudepeda beđai basii.

Maamina m̄mba kuitaasii jāu Romadebena nii.

Maudeeba kokoroarã ome wãpeda judiorã juakaa

adausii. 28 M̄mba kuitaa k̄ria b̄uasii kãare kakua ichi

jidea panuu. Maudeeba ichi adoesii judiorã chi mechi-

urã ābua duanuuma. 29 Maude m̄mba kuitaasii

ababuru āchi Moisesba b̄uda kakua ichi jidea panuu.

Maamina jāuba kachirua wauwēa b̄uasiiđeeba, m̄mba

kuitaasii m̄mba jāu beabiibai b̄uu maeburã j̄abiibai

b̄uu. 30 Mau maadakare m̄mba kuitaasii judiorã

bedea deasidau ichi beđai baita. Ara makude ichi

bichimaa b̄isii. Maude m̄mba āchimaa jarasii jāu

jidea k̄ria panuuburã bichi daade jarade wãđai

panuu.

Bi'ia b̄uase. II

31 Ara makude kokoroarãba āchi jaradea ua buabarii-

ba jaradea wasidau. Esabuđe Pablo Antipatris puu-

ruđaa adoesidau. 32 Norema kokoroarã j̄ude

wãbadaurã āchi duanabadau deđaa waya wãsidau.

Maude murade wãbadaurãba Pablo Cesarea puu-

ruđaa adoesidau. 33 Cesarea puuruđe neesidauđe kar-

ta chi karrmaa deasidau. Maude Pablo sida ichimaa

adoesidau. 34-35 Mau karta eđa jarapeđa chi mechiuba

Pablomaa idisii samabena kuitaai baita. Pablo Cilicia

druadebena kuitaasiiđe naka jarasii: «Bichi jidea

panuu needuuburã m̄mba bichimaa ūrii».

Maabae ichiba kokoroarãmaa jarasii Pablo Herodes-

ba waubiđa de mechiude nuđamera. III

Pablo Félix daade berređa

24 Ewari jua aba badakare paare mechiu Ananias
chi nuree judiorã chōrarã baara Cesarea puu-
ruđe neesidau. Chi aida berreabarii Tértulo adoesidau,
mauba Félix daade chi Pablo jideamera. 2 Felixba

I Mau Félix Judeadebena jaradea ua buabarii basii año 52dekena
aba 60đaa. Cesarea puuruđe buabachii. II Bi'ia b̄uase. Griego
bedeade chi bee kartade mau wã'ãe. III Mau Herodes «Herodes chi
Mechiu» abachidau. Ichiba wãwarã Belén puuruđe kenabiasii. Ma-
teo 2:13-18.

Pablo eneesidauđe mau Tertuloba Pablo jidea
kobeesii. Naka jarasii:

—Chi mechiu Félix, bichi dai mechiu beđa
ewaridebena nau druade ārea baaruu jirukaraayuwãe
panuu. Maude bichi k̄risia kuitaa niđeeba ne ārea
wau b̄uu dai bi'ia duanađamera. 3 Bichiba wau b̄uu
kakua dai duanuumaacha daiba ne jomade bichituru
kiđibai abadau. 4 Maamina waa ārea jaraamaaba,
michuburia id̄iiruu bichi s̄obia niđeeba, dai beđa
ūrimera.

5 Daiba kuitaa panuu nau eb̄eraba nebura wau
b̄uabarii. Ichiba joma nau druade judiorã k̄irubika
b̄uabiabarii. Ichi nazarenodebenarã chi jaradea ua
b̄uabariib̄. 6 Mau awara Dach Akōre de mechiude chi
daiba wauđabai panuu, mau ichiba waui k̄riasii.
Maudeeba daiba ichi jidausidau. [Moisesba b̄udađe
jara b̄uu k̄ira kastikađai basii. 7 Maamina kokoroarã
mechiu Lisiasba ichiba k̄irudeeba dai juakaa eb̄eri
adausii. 8 Mau awara jarasii chi mau eb̄era jidea panuu
bichimaa needai panuu.] IV Bichiba ichimaa ārea id̄i-
iruu kuitaai joma daiba jara panuu biawãra b̄uu.

9 Judiorã aria panuu bida joma mau beđa biawãra
asidau.

10 Maabae chi mechiuba juaba Pablomaa jarasii
berreamera. Ara makude Pablomaa jarasii:

—M̄mba kuitaa b̄uu bichi año ārea nau druadebena
juez nii. Maudeeba m̄ ara m̄ ūr̄ubena k̄iraj̄u
berrearuu. 11 12 ewari basii m̄ Jerusalenda wã

b̄uda Dach Akōremaa bi'ia berrei baita. Bichiba

barikiamaa id̄iiruu kuitaai mau biawãra b̄uu. 12 Cha

m̄ kachirua jara panuuba m̄ unuđabasii waabena

ome k̄iru berrea nūb̄uu maeburã eb̄erarã k̄irubika

b̄uu. Dach Akōre de mechiude, judiorã araa ābua im-

ibadau deđe, ne aba bida puuruđe bida m̄mba maka

wau b̄uu unuđabasii. 13 Nau eb̄erarãba poyaa

kuitaabidawēa āchiba jara panuu biawãra b̄uu.

14 Maamina m̄mba bichimaa naka jaraaruu: m̄mba

Dachi Akōre nab̄erađebenarãđe ijãa b̄uu. M̄ chi O

Wid̄i abadaudebenab̄. Āchiba mau O Wid̄i seta b̄uu V

abadau, maamina m̄mba Moisesba b̄uda maude

Dachi Akōre baita berreabadaurãba b̄upeđaada joma

ijãa b̄uu. 15 Chi naarã judiorãba esedau panuu chi jipa

nuree maude chi jipawãe nuree biupeđaada Dach

Akōreba joma chokae jiradubiai. M̄ba bida mau

esedau b̄uu. 16 Maudeeba m̄mba ne joma waubarii

Dachi Akōre daade maude eb̄erarã daade jipa nibai

baita.

17 »M̄ Jerusalendebena āyaa wãđa año ārea

badakare, waya araa neesii, chi m̄ puuruđebenarã chi

nejarr barauwãe nureemaa chi nejarra deai baita

maude Dach Akōremaa ānimara baa deai baita.

18 Maka b̄uude chi Dach Akōre daade bi'ia panada

IV Griego bedeade chi bee kartade beđa corchetede panuu
wã'ãe. V Seta b̄uu. Kajuma bedeade b̄u kub̄uu: secta.

baita mæuba joma wasiide, Dach Aköre de mechiude chi Asiadebena judioräba mæ unusidau. Maamina ëbërarä ärea wä'äe basii maude ëbërarä kîrubikaðai sida wä'äe basii. ¹⁹ Chi mæ unupeðaaðaba mæ jideaðai kîria panuubërä, maarä bichi daade needai panuu.

²⁰ Makawëebërä cha panuuräba jaradai panuu kääre kachirua unusidau chi mechiurä daade mæ adoesidaude. ²¹ Ababuru poyaa jaradai mæuba naka jîwa jarasii: "Iði machiba mæ kachirua jara panuu chi biuðarä chokae jiraduðai ijäa bûu kakua". ^I

²² Felixba chi O Widi ðrubena ärea kuitaa bæasiideeba Pablo nebura ichiai ida bæðaupeða, naka jarasii:

—Kokoroarä mechiu Lisias neeruude mæuba machi nebura ichiai.

²³ Maabae ichiba kokoroarä chi jaradea ua bæabari-
imaa Pablo nubisii, maamina jarasii chi Pabloba wau kîria bûu ida waubimera. Maude ida bæsii Pablo kô-
paeroräba ichi aidaade needamera.

²⁴ Mau maadakare Félix chi wëra Drusila ome waya neesii. Mau wëra judio basii. ^{II} Maude Felixba Pablo iusii ichiba Jesucristode ijäaðai ðrubena berrea bûu ðrii baita. ²⁵ Maka bæude Pabloba dachi jipa nibai ðrubena, kakua jipa uru bæui ðrubena maude Dach Aköreba nebura kastikai ewari neei ðrubena berreasii. Felixba mau ðrubena ðrisiide wapeapeða naka jarasii: «Jäabae wäse. Mæ bari bæude waya bichi iui».

²⁶ Felixba kîrisia bæasii Pabloba ichimaa chi nejarra deai ewa bæimera. Maudeeba akabichia Pablo iubachii mau ome berreai baita. ²⁷ Maka bûu año ome wäyaasii. Mau maadakare Félix neei baða june neesii chi mechiu bæui baita. Mau Porcio Festo abadau. Maamina mauba judiorä ome bi'ia bæui kîria bæasiideeba, Pablo jüa bæisii.

Pablo Festo daade bæaða

25 Festo mau druaðaa neepeða chi mechiu bai baita, ewari õbea baaruude, Cesarea puu-
rudebena Jerusalendaa wäsii. ^{III2} Aria paare mechiurä maude judiorä mechiuräba Festomaa Pablo jideasiðau. ³ Chi chuburia idisiðau Pablo Jerusalendaa adoebimera. Maka jarasiðau Pablo ode beaðai kîrisia panuudeeba. ⁴ Maamina Festoba panausii:

—Pablo Cesarea puuruðe jüa bûu. Mæ kä'äabari-
wæde araa wäi. ⁵ Maudeeba machi chi mechiu nuree mæ ome Cesarea puuruðaa wäðai panuu. Mau ëbëra-
ba barikia kachirua wauða basirä, ariaburu machiba jaradai panuu.

⁶ Festo Jerusalende 8 maebërä 10 ewari bæasii. Maabae Cesarea puuruðaa wäsii. Norema chi juez dede akæ bæepeða Pablo adoebisii. ⁷ Pablo

I 24:21 Hechos 23:6. II Mau Drusila Herodes Agripa Nabena kau basii. Chi äba Agripa ara mau Ome abachiðau basii. Hechos 25:13. III Mau Festo Judeadebena jaradea ua bæabarii basii año 60ðebena aba 62ðaa.

adoesidaude judiorä Jerusalendebena neepeðaaðaba ichi æu jürasiðau. Maude ichi jideasiðau maamina poyaa kuitaabiðaa basii chi ächiba jara panuu biawära bûu. ⁸ Maude Pabloba panausii:

—Mæuba aba biða kachirua wauwëa bûu. Moisesba bæða ida bæwëa bûu, Dach Aköre de mechiu kachiru-
abiwëa bûu maude Romadebena chi aude mechiu nii sida ida bæwëa bûu.

⁹ Maamina Festo judiorä ome bi'ia bæei kîria bæ-
uðeeba Pablomaa idisii:

—¿Bichi Jerusalendaa wäi kîria bæka mæuba jamaría bichi nebura ichiamera?

¹⁰ Maude Pabloba panausii:

—Mæ nama Romadebena chi aude mechiu niiba bæða juez daade bûu. Namaburu bichiba mæ nebura ichiai bûu. Bichiba ärea kuitaa bûu mæuba judiorä kachirua wauwëa bûu. ¹¹ Mæuba kachirua wauða basirä, bichiba mæ beai basii. Maamina naarä ëbërarä-
ba mæ jidea panuu biawärawædeeba, abau biða mæ ächi juade bæubai bûu. Maudeeba mæuba kîria bûu Romadebena chi aude mechiuba mæ nebura ichiamera.

¹² Maude Festo chi ichimaa kîrisia deabadaurä ome berreapeða Pablomaa jarasii:

—Bichiba kîria bûu Romadebena chi aude mechiuba bichi nebura ichiai. Maka bæubërä, ichimaa bæi.

Festo Agripa ome berreaða

¹³ Mau maadakare judiorä rey Agripa ichi neekau Berenice ome Cesarea puuruðaa Festo ichiade wäsiðau. ^{IV14} Ächi aria panuu ärea basiideeba Festoba Agripamaa Pablo ðrubena naka jarasii:

—Felixba aba jüa bûu bæiða nama bûu. ¹⁵ Mæ Jerusalendaa wä bæasiide paare mechiuräba maude judiorä mechiuräba mau ëbëra jideaðapeða jarasiðau ichi beamera. ¹⁶ Mæuba ächimaa jarasii aba biða chi ichi jidea nuree daade ara ichi kakua poyaa berreawëebërä, romadebenaräba ichi waabena juade deaðakau.

¹⁷ »Maudeeba judiorä namaa needapeða, esedauwëa norema mæ juez dede akæ bæepeða mau ëbëra adoebisii. ¹⁸ Maamina chi ichi jidea panuuba jaradaabasii ichiba kachirua wasii mæuba kîrisia bæaða kîra. ¹⁹ Maumaarä ichi jidea panasiðau ächiba ijäa panuu awara jaradea bûu kakua maude ëbëra Jesús abadau kakua. Mau biusmina Pabloba jara bûu chokae bûu. ²⁰ Mæuba kuitaawëa bæasii jüa nebura ðrubena idii baita. Maudeeba mæuba Pablomaa idisii Jerusalendaa wäi kîria bûu kuitaai ariadebenaräba ichi nebura ichiaðamera. ²¹ Maamina ichiba kîria bæasii Romadebena chi aude mechiu niiba ichi nebura

IV Agripa. Mau ëbëra Herodes Agripa chi Nabena warr basii. Hechos 12:1-23. Berenice. Mau wëra Festo wëra Drusila neekau basii. Hechos 24:24.

ichiamera. Maudeeba mumba ichi nama jūabisii aba chi maumaa būruudaa.

²² Maude Agripaba Festomaa jarasii:

—Mumba mau ēbēra bedea ūri kŕia ŋuu.

Festoba jarasii:

—Nu bichiba mau ūrii.

Pablo Agripa daade berreada

²³ Norema Agripa Berenice ome chi juez dede eda wāsidaude paru bia jū panasidau. Maude kokoroarā mechiurā maude puurudebena chi mechiurā eda wāurisidau. Maabae Festoba Pablo enebisii. ²⁴ Festoba jarasii:

—Rey Agripa maude joma ēbērarā nama dai ome ābua panuu, cha ŋuu ēbēra machi daade ŋuu joma judiorāba Jerusalende maude nau Cesarea puurude bida mau jidea panuu. Āchiba mumba bia jara panasidau ichi beamera. ²⁵ Maamina mumaarā ne aba bida kachirua wauwēa ŋuu jāu beada baita. Maude ichiba idisii Romaebena chi aude mechiuba ichi nebura ichi-amera. Maudeeba mumba jāu Romaada būii baita ŋuu. ²⁶⁻²⁷ Maamina mumba biawāra kuitaawēe kāare bēi ichi nebura ūrubena, chi aude mechiuba mau kuitaamera. Maudeeba ichi machi daade enebisii. Judiorā rey Agripa, mumba kŕia ŋuu bichiaburu bi'ia ūrii. Maka machiba ichimaa ārea ididapeda mumba dachi aude mechiu baita ichiba kachirua waua poyaa kartade bēi.

26 Maabae Agripaba Pablomaa jarasii:

—Ara bichi kakua ida berreabiiruu.

Ara makude Pablo jua jirapeda berreasii:

² —Rey Agripa, mē kŕajm ŋuu idē bichi daade berrei baita. Mumba kuitaabii judiorāba jideadumina mē neburaswāe nii. ³ Bichiba ārea kuitaa ŋuu dachi judiorā saka nureabadau maude kŕa awara berreabadau. Maudeeba chi chuburia idiiruu mē bedea kakua ākaawēa ūrimera.

⁴ »Joma judiorāba kuitaa panuu mē kŕādeebena saka nibasii mē druade maude Jerusalende bida.

⁵ Āchiba kuitaa panuu mē fariseo nii. Barikiuba mau bichi daade jara kŕia ŋuuburā mau jarai ŋuu. Bichiba kuitaa ŋuu Moisesba bēda waua baita fariseorāba kauwa waubadau.

⁶ »Maamina Dachī Akōreba dachi nabēraedebenarā-maa deai jaraada esedau panuu kakua, idē āchiba mē jidea panuu. ⁷⁻⁸ Biawāra joma Israel 12 warrarādebenā nepeadaarāba ijāa panuu Dachī Akōreba dachi chokae jiradubii. Maudeeba dachiba āyadaa maude ēsabude Dachī Akōremaa bi'ia berreabadau. Mē rey Agripa, mau ijāa ŋuu kakua waabena judiorāba mē jidea panuu.

Maude Pabloba chi judiorā aria nureerāmaa jarasii:

—Dachi Akōreba dachi chokae jiradubii ijāa panu-uburā ḡsakāe ijāadawēa panuma ichiba biu bēada aba chokae jiradubida?

⁹ »Mumba naede kŕisia ŋuasii ne joma wau ŋuu ēbērarāba Jesús Nazaretdebena ijāarādamera.

¹⁰ Mumba Jerusalende biawāra maka wausii. Paare mechiurāba āchi trūdeeba mumba ida Jesusde ijāabadaurā ārea jūa babisidau. Maude mau ēbērarā beabisidaude mē bida bi'ia ŋuu asii. ¹¹ Judiorā ara ābua imibadau decha mumba āchi bi'iwāe panabi-abachii. Bes ārea āchimaa Jesús ūrubena kachirua berreabiasii. Mumba maarā joma kŕamaa ŋuasiideeba āibena druadebena puurude bida jŕm nibabachii.

¹² »Ewari aba paare mechiurāba mē Damasco puurudaa buisidau āchi trūdeeba Jesusde ijāabadaurā jidauakadamera. ¹³ Maamina, mē rey, ode wāsiede āsa baaruude mē maude chi mē baara wāaduura ba-jādeebena ūdaaruu unusidau. Mau ūdaa mada aude tedechoasii. ¹⁴ Joma dai jeeda baesidau. Maude mumba mimi ūrisii. Mau mimiba mumba hebreo bedea II naka jarasii: “Saulo, Saulo, ḡsakāe mē kachirua wau baita wāraa buma? Chi subariimaa ūr tŕaruude, bichi ara du aba pu'uai”. ¹⁵ Maude mumba idisii: “Mē mechiu, ḡbichi kaima?” Mē Mechiuba panausii: “Mē Jesusbē. Chi bichiba kachirua wau baita wāraa ŋuu.

¹⁶ Maamina jiraduse. Ara mē bichimaa unubisii mē baita bari trajabarii bēamera. Bichiba unūda maude mumba unubiiruu berrei ŋuu. ^{III17-18} Mumba bichi judiorā juadebena maude judiowāerā juadebena karibai. Mumba bichi judiowāerāmaa bēi chi mē biawāra bedea kuitaadamera. ^{IV} Maudeeba pāriude duanaada ūdaade nibada. Satanās juadebena wādapeda Dachī Akōremaa needai. Chi munde ijāadu baita āchiba kachirua waupedaada Dachī Akōreba perdonai. Maude Dachī Akōreba āchi bēi ichiba jŕm adaua puurudebenarā nureadamera”.

¹⁹ »Mē rey Agripa, Jesusba mau ewaride mumba jaraada joma wausii. ^{V20} Mumba naede Damasco puurudebenarāmaa jarasii āchiba kachirua waubadau ida bēdapeda Dachī Akōremaa needamera. Mau maadakare Jerusalén puurude, joma Judea druade maude judiowāerāmaa ara mau jarasii. Jomaurāmaa jarasii bi'ia wau panuu āchiba kachirua waupedaada biawāra ida bēpedaada unubiada baita. ²¹ Maudeeba judiorāba mē Dachī Akōre de mechiude jidauapeda beada kŕiasidau. ²² Maamina mau ewaridebena Dachī Akōreba mē aida bēabariideeba, chi mechiurā-maa maude chi mechiuwāerāmaa wabida Jesús ūrube-

I 26:10 Hechos 8:1-3. II Hebreo bedea. Chi nuree kartade naka bē kubuu: «Arameo bedea». III Bichiba unūda. Griego bedea chi bē kartade bē kubuu: Bichiba mundeeba unūda. IV Mē biawāra bedea kuitaadamera. Griego bedea naka bē kubuu: āchi dau būadamera. V Jesusba mau ewaride mumba jaraada. Griego bedea naka bē kubuu: mē daumaa unubida.

na berrea ʘuu. Dachí Akõre baita berreabadaurãba jarapedaada maude Moisesba kãare makai ʘuda muu-ba mau jara ʘuu. ²³ Æchiba jarabachidau Dachí Akõre-ba Dachí Karibabarii deai jarada ãrea pu'uaba biui ʘuasii maude chi biupedaadarãdebena naa chokae jiradui ʘuasii, chi dachi karibai ʘdaa ʘuu judiorãmaa maude judiowãerãmaa jarai baita. ^I

²⁴ Pabloba wabida mau jaramaa ʘuude, Festo kiru berreasii:

—Pablo, bichi kiranema ʘuu, karta ãrea kuitaasiideeba.

²⁵ Maamina Pabloba jarasii:

—Chi mechiu Festo, mʘ kiranemawãa ʘuu. Chi mʘba jara ʘuu biawãrabʘ maude arakude ʘuu. ²⁶ Chi rey Agripaba mau ʘrubena kuitaa ʘuu. Maudeeba mʘ ichi daade wapeawãa berrea ʘuu. Mʘmaarã ichiba Jesús ʘrubena joma kuitaa ʘuu jomaurãba ãrea neburubadaudeeba. ²⁷ Rey Agripa, ʘbichiba chi Dachí Akõre baita berreabadaurãba jarapedaada ijãa ʘuka? Mʘba kuitaa ʘuu bichiba ijãa ʘuu.

²⁸ Agripaba Pablomaa jarasii:

—ʘBichiba ara naka mʘ Cristode ijãabii kũria ʘuka? ^{II}

²⁹ Pabloba jarasii:

—Mʘba Dachí Akõremaa ʘtaa idi ʘuu kã'ãabari-wãede maeburã ewari ãreade bichi maude joma chi mʘ bedeã ʘri panuu, mʘ kira panadamera, maamina nau kaenawãe.

³⁰ Maka jarasiide Agripa, Festo, Berenice maude joma aria akʘ bee jiradusidau. ³¹ Awara wãdapeda ãchicha jara duanasidau:

—Nau ëbãraba kachirua wauwãa ʘuudeeba, biubai ʘuu maeburã jãa ʘubai ʘuu.

³² Maabae Agripaba Festomaa jarasii:

—Jãu ëbãraba Romadebena chi aude mechiuraa ichi nebura ʘrubena ididaa basirã, bichiba ichi poyaa wãbii basii.

Pablo Roma puurudaa wãda

²⁷ Mau ewaride chi jaradea ua ʘuabariiba dai Italia druadaa wãdai panuu a jarapeda Pablo maude chi nuree jãa ʘupedaada Julio juade ʘusii. Mau Julio kokoroarã Augusto abadaudebena chi jaradea ua ʘuabarii basii. ² Maabae dai jãba Adramitio puurudebenade ataudapeda wãsidau. Mau jãba Asia druade puurucha wãruu basii. Æba Aristarco Macedonia druadebena dai baara wãsii. Mau Tesalónica puurudebena basii.

³ Norema Sidón puurude neesidau. Maude Julioba ichi sõbiadeeba Pablo ichi kõpaerorãmaa ida wãbisii maarãba ichi irsibidamera. ⁴ Maabae Sidondebena wãsidaude Chipre isla kaita wãsidau, chi pũatu kĩa-

maa pũatu ʘuasiideeba. ⁵ Cilicia drua kĩaare maude Panfilia kĩaare wãdapeda Liciadebena Mira puurude neesidau.

⁶ Aria kokoroarã jaradea ua ʘuabariiba june jãba Alejandría puurudebena unusii. Mau jãba Italia druadaa wãruu basii. Dai ichi baara mau jãbade ataudapeda wãsidau. ⁷ Ewari ãrea baaruude bikãa wãsidau ãrea kĩramaa pũatu ʘuasiideeba. Gnido puuru kĩaare needai baita, bereka panuude neesidau. Wabida daimaa pũatu ʘuasiideeba, Creta isla adu wãsidau, Salmona kĩaare. ⁸ Mar iikaa ãrea bereka wãduu nidaude Lasea kaita, Buenos Puertos abaudaude neesidau.

⁹ Ærea kã'ãa ʘuudeeba judiorã chiko kodakau ewari wãyaa ba ʘuasii. Mau ewaride marde wãi kachirua ʘuabachii. ^{III} Maudeeba Pabloba jarasii wãrãadamera. ¹⁰ Naka jarasii: «Mʘ mechiurã, mʘba kuitaa ʘuu dachi wãaduuburã kachirua wãdai. Jãba ãrii, chi jãbade adoeduu sida ãrii ^{IV} maude dachi sida kinidai».

¹¹ Maamina mau kokoroarã jaradea ua ʘuabariiba Pablo bedeã ʘrii kũriabasii. Maumaarã jãba adoebarii bedeã maude jãba chibari bedeãturu ʘrisii. ¹² Mau jãba poebabariimare bi'iwãe ʘuasii, kui che ewaride panadai baita. Maudeeba ãreaba kũrisiasidau bi'ia ʘuu Fenice puurudaa wãdai aba kui che ewari wã'ãeruudaa. Mau puuru sida Creta islade ʘuu. Ma-mauba suroeste maude noroeste unubachidau.

Pũaturã ãreaba jãba ãyaa adoeda

¹³ Maude pũaturã surdebena bikãa pũatu neesiide, bi'ia wãdai kũrisiasidau. Ancla jira adoedapeda Creta isla iikaa wãsidau. ¹⁴ Maamina ãreawãede pũaturã kachirua Euroclidón abadau isladebena ãrea pũatu kobeesii. ¹⁵ Mauba jãba ãyaa adoesii. Jãba kũ poyaa araa ʘuabasiideeba pũaturãmaa ida adoebisidau. ¹⁶ Cauda isla wãyaa wãsidaude, chi pũatu ãrea pũatu-ubasii. ^V Maude chi jãba kaebeu doeda jũ nubuaãa, poyaa jiradaabai panuude, ʘtaa jirasidau. ¹⁷ Mau jãba kaebeu ʘtaa jira adaudapeda, chi jãba mechiu ekare jũkaraba burã jũsidau, toapebiimaaba. Mau awara wapea panasidau, marde ibu ʘru Sirte abadaumare wãdai. Maudeeba chi bela edaa adaudapeda nubusidau maabae chi pũatumaa ida adoebisidau. ^{VI} ¹⁸ Norema pũaturã wabida ãrea pũatu nubuasii. Maudeeba jãbade trajabadaurãba chi jãbade ne adoe-duu marde jirakuasidau chi jãba wãsaamera. ¹⁹ Pũaturã wabida ãrea pũatu nubuuudeeba, ewari

^{III} Mau bari panabadau ewari chi Dachí Akõreba ëbãrarãba kachirua waubadau perdonai ewaribʘ. *Levítico 16:1-34; 23:26-32. Añocha septiembre baebarii. Septiembredebena febrerodaa kui ãrea che nubuuudeeba maude ãrea pũatu nubuuudeeba marde wãdakai basii.* ^{IV} Mau jãba Alejandría puurudebenade trigo ãrea adoebachidau Romadaa. ^V Griego bedeade Cauda ara mau «Clau-da» abadau. ^{VI} Chi bela edaa adaudapeda nubusidau. Griego bedeade mau chaarea ʘuu bi'ia ʘridamera.

^I 26:23 *Isaías 42:6-7; 49:6.* ^{II} Griego bedeade nau sida jara ʘuu «Bichiba mʘmaa beraa kũrisiabisii Cristode babii».

õbeade ara ächi juaba ^I chi jãbamaabena chi chikua bee marde jirakuasidau. ²⁰ Maka panuude ewari ärea umada maude pusterrea unudawëa panasidau. Mau iu päriuude wabida panuudeeba waa nibadaabai a kãrisiasidau.

²¹ Ärea ba buasii kodawëa panuu. Maudeeba Pablo jomaurã äsa bari nubeepeäa jarakuasii:

—Muba machimaa jarasii Creta isladebena wãraadamera. Mu beäa ijãapedaada basirã nau kachiruade duanadaabaikusii maude ne taawãdaabaikusii. ²² Maamina jirukaraarãsturu. Nau jãba joma äriirumina dachi aba bida biadaabai. ²³ Mu Dachi Akõredeb. Ichiäe ijãa nii. Äsabude ara mau Dachi Akõrede ängel muumaa unubisii. ²⁴ Mauba muumaa jarasii: “Wapearãse, Pablo. Bichi Romadebena chi aude mechiu daade berrei buu. Bichi kakua, Dachi Akõreba joma nau jãbaäde wãaduu ida kinibiabai”. ²⁵ Maudeeba, ebërarã, jirukaraarãsturu. Muba ijãa buu Dachi Akõreba wau i chi angelba muumaa jarada kãra. ²⁶ Maamina barikia isla ibudaa wãäai panuu».

Jãba äriä

²⁷ Misa ome baaruude Adriático marde üu kãribasidau. Äsa baaruude jãbaäde trajabadaurãba kãrisiasidau ioro kaita needuu. ²⁸ Jëkaraba chi mar idu chaasidaude 37 metros ^{II} chaasidau. Waa wãaduude waya chaasidaude mau 15 chaasidau. ²⁹ Moomaa trude wãäai wapeadeeba, ancla kimare chi jãba ädawaare taa buikasidau. Maabae ärea peradeeba idi panasidau isa ewarimera. ^{III}³⁰ Maka panuude chi jãbaäde trajabadaurã jãbaädebena miru wãäai kãrisiasidau. Maudeeba chi jãba kaebeu maräa edaa buisidau ancla küumaabena setaa marde buiduu kãra. ³¹ Maamina Pabloba kokoroarã jaradea ua buabariimaa maude ichi kokoroarãmaa jarasii: «Jãarã jãba mechiude paneeduwäeburã machi kinidai».

³² Maudeeba kokoroarãba chi jãba kaebeu jü nubuu jëkara töotaäpeda, marde bæebisidau.

³³ Ewarimaa buude Pabloba jomaurãmaa jarasii kodamera: «Dachi sakadai adua panuudeeba misa ome baaruu machi kodawëa panuu. ³⁴ Muba chi chuburia idiiruu kodamera. Maka chi kakua meserãa nureäai poyaa nibadai baita. Aba bida biubai». ^{IV}

³⁵ Maka jarapeda Pabloba pan juade adaupeda jomaurã daade Dachi Akõremaa ichituru kidibai asii. Maabae chi pan buapeda kosii. ³⁶ Mau unuuduude jomaurã kãrjuudapeda kosidau. ³⁷ Dai chi mau jãbaäde

I Ara ächi juaba. Chi bee kartade griego beäeade bu kubuu: ara dachi juaba. II 37 metros. Griego beäeade naka bu kubuu: 20 ikia. III Idi panasidau isa ewarimera. Griego beäeade nau sida jara buu «ärea jirukaraa panuude esedau panasidau isa ewarimera». IV Aba bida biubai. Griego beäeade naka bu kubuu: machi buäa aba bida bæadaabai.

276 panasidau. ^V³⁸ Ächi bi jãwaadapeda trigo marde jirakuasidau chi jãba wësaamera.

³⁹ Ewarisiide ächiba ioro unusidaude kuitaadaabasii sama panuu. Mau ioroäa wã baita mar jua buasii ibu baraa. Mau unudapeda kãrisiasidau poyaa wãäai panuuburã, chi jãba mau ibu põesäadaa adoedai.

⁴⁰ Maudeeba ancla jëkara töokuadapeda marde joma buisidau. Maude chi jãba purra adoebarii jü buada enasidau. Maabae küdebena vela utu eabari nubusidau pütuba ibudaa adoemera. ⁴¹ Maamina chi jãba ibu ara üru buudeeba dru nubuae wäsii. Chi jãba kü ibude ärea troa nubeesii, äyaa poyaa wãi karaa. Maabae chi mar ürapeba chi ädawaarebena toawäsii.

⁴² Maude kokoroarãba chi jüa duanuu kenadai kãrisiasidau abau sida ibudaa üuduuba mirurädamera. ⁴³ Maamina kokoroarã jaradea ua buabariiba Pablo karibai kãria buasii. Maudeeba ida kenabiabasii, maumarã joma chi üu kuitaa nuree naa marde wãbiakusii ibudaa üu wãdamera. ⁴⁴ Chi waabenarã bakurude maeburã jãbaäde ne beäa üru üu wãbiasii. Maka joma bi'ia iikaadaa wäsidaude.

Pablo Malta islade

28 Dai iikaa neesidaude, kuitaasidau mau iujãa isla buu Malta abadau. ² Chi ariabenarãba dai ärea bi'ia irsibisidau. Kui che nubuuudeeba maude kürasãa nubuuudeeba ächiba tubu aoko nubudapeda daimaa jarasidau tubu käde needamera. ³ Pabloba bakuru pãasãa araa pepeda chi tubu aoko nubuuude jirakuasii. Maabae wãsiaba dama arabena wãaruuba Pablo juade kaa jira beesii. ⁴ Mau damaba Pablo juade jirabu unusidaude chi mau islabidarãba ächi chiya berrea bara beesii: «jãu ebëra mia beabariibu! Marde biubasmina, Dachi Akõre kãra nii wëra ^{VI} ichi ida chokae nibabiibai».

⁵ Maude Pabloba chi dama tubude neapetasii maude ichi kachirua beebasii. ⁶ Jomaurãba ichia duanasii Pablo ooro kuitaa maeburã maka buude biui kuitaa, maamina maka ichia panuude Pablo bistilka bida kachiruabasii. Maudeeba ächiba kãrisia june kãrisiäpeda jarasidau Pablo dachi akõre nii.

⁷ Mau islade chi mechiu Publio abachidau. Mau Publioba dai panuu kaita drua uru buasii. Mauba dai ichi dede ewari õbea ärea bi'ia irsibisii. ⁸ Maka panuude Publio akõre ämi che buudeeba maude kua buudeeba kudade buasii. Maude Pabloba mau ichiaäde wäsii. Dachi Akõremaa utaa idipeda ichi jua üru kubupeda aribiabisii. ⁹ Maudeeba waabenarã ëpermo nuree nepeäada Pabloba aribiabisii. ¹⁰ Mau ebërarãba dai chi mechiurã kãra bi'ia wausidau. Waya jãbaäde atausidaude dai wã äe panada ächiba joma deasidau.

V 276. Griego beäeade chi bee kartade naka bu kubuu: 76. VI Dachi Akõre kãra nii wëra. Chi Maltaäbenamaarã, mau chi «Dachi Nebura Jipa Ichiabarii» Dachi Akõre kãra nii wëra abachidau.

Romade neepedaada

11 Jedako õbea badakare, dai jāba Alejandría puurudebenade atausidau. Mau jāba islade jedako õbea buasii kui pūatu baraa chebarii ewari basiideeba. Chi jāba kūmmaa Dachī Akõre kīra juaba erapedaada ome topanasidau, Romadebenarā akõre mechiurā Cástor maude Pólux abadau. 12 Wāaduude Siracusa puurude neesidau. Ewari õbea aria panasidau. 13 Mau puurudebena dai mar iikaa kaita wāaduude Regio puurude basidau. Norema surdebena chi pūatu pūa kobeesiideeba, mau norema Puteoli puurudaa neesidau. 14 Aria daiba chi nuree ābarā unusidau. Maarāba daimaa jarasidau āchi baara 7 ewari panadamera.

Maadakare Roma puurudaa wāsidau. 15 Ābarā Romadebenaba dai wāaduu ūrisidau de bi'ia irsibide neesidau. Waabenarā Apio puurudaa neesidau maude waabenarā Tres Taberna puurudaa neesidau. Pabloba maarā unusiide Dachī Akõremaa ichituru kidibai apeda, maarā kakua kīrajusii. 16 Roma puurude neesidau de chi jūa duanuu kokoroarā jaradea ua buabarii juade duanusii. II Ichiba Pablo du aba ichi dede ida beebisii. Kokoroa aba busii ichi nu buamera.

Pabloba Romade chi nuree judiorāmaa jarada

17 Ewari õbea basiide Pabloba Romadebena judiorā chi mechiurā iubiasii. Joma imisidau de Pabloba jarasii:

—Ābarā, mē abau bida dachi judiorāmaa bi'iwāe wau buasmina, maude dachi nabēraedebenarāba waubadau kachirua berrewāe buasmina, mē Jerusalende jūa budapeda, maabae romadebenarā juade busidau. 18 Romadebenarāba mūmmaa ārea idisidau de mē nebūraswāe nii unusidau, mē beadau baita. Maude mē enatadai kūria panasidau. 19 Maamina judiorāba mau kūriaadaabasiideeba, mūmba chi chuburia idisii chi Romadebena chi aude mechiurā mē nebūra ichiamera. Mau waubasii mūmba ara mē judiorā puurudebenarā jidea kūria buasiideeba.

20 Maudeeba mūmba machi unu kūria buasii machi ome berrei baita. Dachī Akõreba Dachī Karibabarii

I Chi nuree kartade naka bē kubuu: *Dióscuros*. Mau jara buu mau ome dachi akõre mikisu basii. Mau ewari de ebērarāba āchi Dachī Akõre kīra juaba kapedaada jāba kūde waubachidau. II Chi jūa duanuu kokoroarā jaradea ua buabarii. Griego bedea de chi bee kartade mau wā'āe.

deai jarada joma israeldebenarāba esedau panuu. III Ichi kakua mē naka kaenaba jū buu.

21 Maude āchiba jarasidau:

—Judeadebenarāba daimaa bichi ūrubena karta urubidawēa panuu. Dachī ābarā judiorā abau bida jāmauba neewēa buu, bichi ūrubena kachirua berrei baita. 22 Maamina daiba kuitaa panuu joma druacha mau kūrisia widi ūrubena kachirua berrei panuu. Maudeeba ūri kūria panuu bichiba saka kūrisia buu.

23 Maude āchiba ewari aba busidau. Mau ewari neesiide ebērarā ārea Pablo buumaa neesidau. Dapedebebena aba kewaraadaa Pabloba berreamaa buasii Dachī Akõreba ichidīrā ichi juade ua buu ūrubena. Moisesba buadeeba maude Dachī Akõre baita berreabadaurāba bupedaadeeba jaradea buasii Jesusde ijādamera. 24 Pabloba jarada chi nureeba ijāsidau, maamina waabenarāba ijādaabasii.

25 Maudeeba kīru berredapeda wāuriiduu basii.

Maude Pabloba naka jarasii:

—Dachī Akõre Jauriba machi nabēraedebenarāmaa biawāra bedea Dachī Akõre baita berreabarii Isaiasdeeba naka jarasii:

26 “Naarā puurumaa naka jarade wāse:

Machiba ūri panumina kuitaadaabai. Ārea unu panumina kuitaadaabai.

27 Āchiba sōdeeba poyaa kuitaadaawēe maude kuru kiape nuredeeba ūridawēe maude dauba bi'ia unudawēe.

Maka duanuuwāe basirā, unudai basii, ūridai basii maude sōdeeba kuitaadaai basii.

Maabae mūde ijāadapeda mūmba āchi aribiabiai basii”. IV

28 »Jāu kuitasturu: Dachī Akõreba dachi karibai ūrubena jara nuree judiowāerāmaa busii. Āchiba mau bi'ia ūridai.

29 Pabloba maka jarasiide judiorā āchi du aba kīru berrei panuu āyaa wāurisiidau. V

30 Mau maadakare Pablo año ome Romade buasii. Chi de chibarimaa chi nejarra deabachii aria buai baita. Chi ichi ichiade wāaduu joma bi'ia irsibibachii.

31 Ichiba wapeawēa berreabachii Dachī Mechiu Jesucristodeeba, Dachī Akõreba ichidīrā ichi juade ua buu ūrubena. Maude abau bida ichimaa makarābade adaka basii.

III Griego bedea de nau sida jara buu: *Mūmba ijāa buu biudarā chokae jiradudai joma israeldebenarāba ijāa panuu kīra*. Hechos 23:6; 24:15; 26:6-8. IV 28:26-27 *Isaiás* 6:9-10. V *Griego bedea de chi bee kartade mau versículo wā'āe*.

ROMANOS

Año 56de Pabloba nau karta ābarā Roma puuruḁebena baita b̄s̄sii. Roma puuruḁaa wāwēa b̄s̄asiideeba karta b̄s̄sii ichi ūr̄ubena kuitaḁamera. Jerusalendaa wāi naede Corinto puuruḁebena urub̄s̄isii ().

Roma puuruḁe ābarā judiorā maude judiowāerā baraasii. Judiorāba chi Moisesba b̄uḁade ijāa panabachiḁau maamina judiowāerāba ijāaḁaka basii. Mauḁeeba Pabloba nau k̄risia mechiu naka b̄s̄sii: «M̄ k̄ira nejasiakau chi beḁea bia Jesús ūr̄ubena jaradeai baita, mau beḁea ijāaduu Dachī Akōreba ichi poyaaḁeeba joma dachi karibabariideeba; naa judiorā karibai maude judiowāerā siḁa. Mau beḁea biḁeeba Dachī Akōreba kuitaabia b̄uu dachi karibai, ichiba jara b̄uu k̄ira. Jesucristode ijāaruuburā maka b̄uai».

Pabloba naa b̄s̄sii judiorāba maude judiowāerāba kachirua waubadau kakua, Dachī Akōreba āchi neb̄ra ichiai (). Mawāare b̄s̄sii Dachī Akōreba ichi s̄obiḁeeba Jesucristode ijāaduura chi ichiḁirā jipa nuree baara duanubarii ūr̄ubena (). Mawāare b̄s̄sii Dachī Akōreba Jesucristode ijāa nuree ichi Jaurideeba ara ichi baita bi'ia b̄ubarii (). Mawāare b̄s̄sii ārea judiorāba Jesucristode ijāaḁawēa panumina ewari aba baaruude ijāaḁai (). Mawāare b̄s̄sii saka dachi jipa nibaḁai panuu (). Kaḁeare b̄s̄sii España druadaa wāi naede ābarā Romadebena ichiḁe wā k̄ria b̄uu (). Pabloba kaḁeare b̄uḁa b̄uu.

Nau kartade Pabloba naa b̄uḁa

1 M̄ Pablob̄, Jesucristo baita bari trajabariib̄. Dachī Akōreba m̄ jur̄ adausii Jesucristoba b̄uḁa b̄uamera maude b̄s̄sii chi beḁea bia Dachī Akōre ūr̄ubena jaradeade wāmera.

2 Mau beḁea bia Dachī Akōreba nabēraede deai jara b̄s̄sii. Ichi baita berreabadaurāba mau ūr̄ubena Ichi Beḁea arakude b̄s̄siḁau. **3-4** Mau beḁea bia ichi Warr ūr̄ubena jara b̄uu. Ichi Warr Dachī Mechiu Jesucristo nau kakuade Israeldekena rey Daviddekena needab̄.

I Mauḁe ichi biu b̄uḁa chokae jiradusiide Dachī Akōre Jauriba unubisii mau Dachī Akōre Warr joma poyaa nii. **II**

5 Jesucristodeeba Dachī Akōreba m̄ b̄s̄sii ichiba b̄uḁa b̄uamera. Ichideeba maka b̄s̄sii joma druach-abenarāba Jesucristode ijāaḁamera, ichi beḁea wauḁamera maude ichimaa bi'ia berreḁamera.

6 Machi siḁa Dachī Akōreba iusii Jesucristode nuread-amera.

7 M̄uba nau karta b̄uuruu joma Romadebena ābarā baita. Dachī Akōreba machi k̄ria b̄uu maude iusii ichi ēbērarā nureḁamera. M̄uba k̄ria b̄uu Dachī Bajādekena Akōreba Dachī Mechiu Jesucristo ome āchi s̄obiḁeeba machi aiḁa panadai maude jirukaraayuwāe panabiḁai.

Pablo Romadaa wā k̄ria b̄uḁa

8 Naa m̄uba jaraaruu: Jesucristodeeba m̄uba joma machi baita Dachī Akōremaa ichituru kiḁibai abarii

I 1:3,4 Jeremías 23:5-6. **II** 1:3,4 Salmos 2:7.

machiba Jesucristode ijāa panuu ūr̄ubena druach-abenarāba berrea panuudeeba. **9** Dachī Akōreba k̄ria b̄uu joma m̄ s̄oḁeeba wau b̄uu chi beḁea bia ichi Warr ūr̄ubena jaradea b̄uudeeba. Ichiba kuitaa b̄uu m̄uba ūtaa iḁiuruucha machi baita ūtaa iḁibarii.

10 M̄uba ūtaa iḁibarii ichiba k̄ria b̄uuburā m̄ ida machi ichiḁe wābimera. **11** Biawāra m̄uba machi ichi k̄ria b̄uu Dachī Akōre Jaurideeba aiḁai baita. Ma-ka machi karr chaarea nureḁai. **12** M̄uba k̄ria b̄uu dachiba arabau Cristode ijāa panuudeeba chiya aiḁa panadai karr chaarea panadai baita.

13 Ābarā, m̄uba k̄ria b̄uu machiba kuitaḁai bi-awāra b̄es ārea machimaa wāi k̄risia b̄uabarii. Maamina wabiḁa poyaa wāwēa b̄uu. Machimaa wā k̄ria b̄uu m̄uba jaradea b̄uudeeba arabenarāba Jesucristode ijāaḁamera waabenarā druadebenarāba ijāapeḁaḁa k̄ira. **III**¹⁴⁻¹⁵ M̄uba chi beḁea bia Jesús ūr̄ubena joma-aurāmaa jaradeai b̄uu. Ne kuitaa nureerāmaa, ne adua nureerāmaa, karta kuitaa nureerāmaa maude karta adua nureerāmaa jaradeai b̄uu. **IV** Mauḁeeba machi Romadebenarāmaa biḁa jaradeade wā k̄ria b̄uu.

16 M̄ k̄ira nejasiakau chi beḁea bia Jesús ūr̄ubena jaradeai baita, chi mau beḁea ijāaduu Dachī Akōreba ichi poyaaḁeeba joma karibabariideeba; naa judiorā karibai maude judiowāerā siḁa. **17** Mau beḁea biḁeeba Dachī Akōreba kuitaabia b̄uu dachi karibai, ichiba

III Arabenarāba Jesucristode ijāaḁamera. Griego beḁeade naka b̄u kub̄uu: ne j̄o chi b̄ee uru b̄uai. **IV** Karta kuitaa nureerāmaa maude karta adua nureerāmaa. Griego beḁeade naka b̄u kub̄uu: griegorāmaa maude waabenarāmaa.

jara ɓuu kīra. ^I Jesucristode ijāaruuburā maka ɓuai.

Dachi Akōre bedede naka ɓu kubuu:

«Chi jipa nii, Dachi Akōrede ijāa niideeba chokae ni-bai». ^{II}

Ēbērarā Dachi Akōre daade nebura bara nuree ɓurubena

¹⁸ Dachi Akōreba bajāadebena kuitaabi ɓuu kachirua wau nuree maude jipawāe nuree ichi kīrubideeba mau joma kastikai. Āchiba kachirua wau panuudeeba chi biawāra bedea ida kuitaabidakau. ¹⁹ Dachi Akōre ɓurubena poyaa kuitaada ɓuu āchiba mau ārea kuitaa panuu, ichiba mau kuitaabia ɓuudeeba. ²⁰ Nau iujāa wausiideebena, maarāba chi ichiba wau unu panuudeeba kuitaa panuu ichi ewaricha ne joma poyaa waubarii maude ichi Dachi Akōre. Mau joma wau unu panuudeeba ēbērarā chi Dachi Akōre ɓurubena unudakau mau bi'ia unubadau. Maudeeba kachirua waubadaurāba adua panuu poyaa jaradaabai panuu. ²¹ Maarāba Dachi Akōre kuitaa panasiidamina ichimaa bi'ia berredaabai maude ichituru kidibai adaabasii. Maumaarā kīrisiaswāe nuree kīra paneesidau. Maka paneedapeda pāriude paneesidau. ²² Kūrisia kuitaa nuree asidamina kīrisiaswāe paneesidau. ²³ Chi Dachi Akōre biukaraa nii maude bi'ia nii ida ɓusidau. Maabae chi ēbēra biude kīra juaba ne kapedaadamaa utaa idi kopaneesidau. Ibanarā, ānimara jūru kimare nuree maude ānimara iorode ursu nuree kīra juaba kapedaadamaa utaa idi kopaneesidau.

²⁴ Maudeeba Dachi Akōreba ida ɓusii āchi sode kachirua wau kīria ɓuu waudamera. Maudeeba maarāba mia pera wau paneesidau. ²⁵ Dachi Akōre biawāra ida ɓudapeda chi seta wau paneesidau. Dachi Akōreba joma waudamina ichi audeara ichiba waudade ijāa paneesidau maude maumaa bi'ia berrea paneesidau. Maamina dachiba Dachi Akōremāburu ewaricha bi'ia berredai panuu. Bi'ia ɓuu maka ɓuai. ^{III}

²⁶ Maudeeba Dachi Akōreba ida ɓusii mia pera waudamera. Wēra mukīra ome ɓuai ɓuu ida ɓudapeda arabau wēra ome paneesidau. ²⁷ Ara mau kīra mukīra wēra ome ɓuai ɓuu ida ɓudapeda arabau mukīra ome chiya kīriaapeda mia pera wau paneesidau. Mau kachirua wau panuu kakua Dachi Akōreba āchi nebura kastikai, ichiba kastikai ɓuu kīra.

²⁸ Maarāba Dachi Akōre ida ɓupedaadeeba ichiba maarā ida ɓusii kachirua kīrisiaapeda maka wau panadamera. ²⁹ Ne joma kachirua waubadau. Mia pera ɓuu waubadau, ne joma uru panadai kīriabadau, waabenamaa kachirua waubadau, waabenarāba uru panuu kakua kachirua kīrisiabadau, mia beabadau,

^I Ichiba jara ɓuu kīra. Griego bedede naka ɓu kubuu: Dachi Akōre jipa niideeba. ^{II} 1:17 Habacuc 2:4. ^{III} Bi'ia ɓuu maka ɓuai. Griego bedede naka ɓu kubuu: amén.

berreayaa panabadau, waabenarā setaa kīruabadau maude waabenarā ɓurubena kachirua kīrisiabadau.

³⁰ Waabenarā ɓurubena kachirua berreabadau, Dachi Akōre kīramaabadau maude waabenarā daade kachirua berreabadau. Waabenarā audeara chi bibuara nuree a kīrisiabadau maude maka jarabadau. Waabenarā kachirua wau dai baita jūrubadau. Āchi akōrerā bedea ūridakau. ³¹ Kūrisiaswāe nuree. Āchiba bedea deapedaada waudakau. Kūrisiaswāe nuree maude waabenarā kīra chuburiadaku. ^{IV32} Maarāba bi'ia kuitaa panuu Dachi Akōreba chi maka wau nuree ārea kastikai. ^V Maamina ara maka wau nibabadau maude waabenarāba ara mau kīra kachirua wauduude mau bi'ia ɓuu a kīrisiabadau.

Dachi Akōreba jomaurā kastikai ɓurubena

² Maka ɓuude abauba kīrisiabai ɓuu Dachi Akōre daade neburaswāe nii. Chi aude jipa wau ɓuu a ɓuuba maka kīrisiabai ɓuu. Abauba kachirua wau ɓuu a jaraaruude ara ichi ɓurubena jara ɓuu, ichia biida ara mau kīra waubariideeba. ² Dachiba kuitaa panuu Dachi Akōreba chi kachirua waubadaurā kastikabarii, chi bedea biawāraba. ³ Maka bichiba waabenarāba kachirua wau panuu aaruuburā, maamina ara mau wau ɓuburā, kīrisiabai ɓuu Dachi Akōreba mau nebura kastikaabai. ⁴ Bichiba ida ɓu ɓuu Dachi Akōre dachi ome ārea sōbia ɓuu, joma dauchia jādua ɓuu maude kachirua wau isa kastikakau. ¿Bichiba adua ɓuka Dachi Akōre bichi ome sōbia ɓuabariideeba maude chi ichiba kīria ɓuudeeba bichi kachirua waubarii ida ɓubarii ichimaa neemera?

⁵ Maamina sō chaarea niideeba bichiba kachirua ida ɓukau Dachi Akōremaa neebai baita. Maudeeba Dachi Akōreba kastikai ewaride ichi kīrubideeba aude kastikai. Mau ewaride Dachi Akōreba unubii saka jomaurā jipa kastikai. ⁶ Ichiba jomaurāmaa deai āchiba waupedaada kīra. ⁷ Chi nureerāba bi'ia wau panuu Dachi Akōreba maarā bi'ia unumera, bi'ia jaramera maude ewaricha āchi ome chokae ɓuamera. Maarā biawāra chokae panabiai. ⁸ Maamina chi nureerāba waabenarā audeara bi'ia panadai baita jūrubadau. Maudeeba chi biawāra bedea ijāadai kīriaadaku kachiruaade panadayua. Mau ēbērarā Dachi Akōreba ichi kīru kubuuba ārea kastikai. ⁹ Ichiba ichiaruude joma kachirua wau nuree ārea bi'iwāe nureadai maude jirukaraa nureadai. Naa judiorā maude judiowāerā sida maka nureadai. ¹⁰ Maamina joma bi'ia wau nuree Dachi Akōreba bi'ia unui, bi'ia jarai maude jirukaraayuwāe ɓuabiai. Naa judiorā maude ju-

^{IV} Waabenarā kīra chuburiadaku. Griego bedede mau chaarea ɓuu bi'ia ūridamera. ^V Dachi Akōreba chi maka wau nuree ārea kastikai. Griego bedede naka ɓu kubuu: Dachi Akōreba jara ɓuu chi maka wau ɓee biudai panuu.

diowäerä sida maka wau. ¹¹ Dachí Akõreba ëbërarã joma ara mau kîra nebëra ichiai.

¹² Chi Moisesba buda adua nureerãba kachirua waubadaudeeba mau adua panumina Dachí Akõreba kastikai. Mauðe mau Moisesba buda kuitaa nureerãba kachirua waubadaudeeba Dachí Akõreba ara mau Moisesba budaba maarã kastikai. ¹³ Moisesba buda ùri panuudeeba ëbërarã Dachí Akõre daade jipa nureadaabai, maumaarã mau joma wau panuudeeba Dachí Akõreba maarã nebëraswãe nuree ai. ¹⁴ Judíowäerãba mau Moisesba buda adua panumina ãchi kûrisiadeeba mau Moisesba budade jara ðuu kîra besede waubadau. Maka wauduude, unubiabadau ãchiba kuitaa panuu kãare bi'ia ðuu mauðe kãare kachirua ðuu. ¹⁵ Ara ãchiba wau panuudeeba unubia panuu mau Moisesba budade jara ðuu sõðeeba kuitaa panuu. Æchi kûrisiade kuitaa panuu bi'ia wauduude jirukaraayuwãe panabadau. Maumaarã kachirua wauduude, kîra nomaa panabadau. ¹⁶ Jomaurãba chi ãchi sõðe mera uru panuu Dachí Akõreba nebëra ichiai ewaride Jesucristodeeba mau ichiai. Mumba chi bedea bia jaradea ðuu kîra ara maka ðuai.

Judiorãba Moisesba budade jara ðuu kîra waudakau

¹⁷ Machíturu judiorã abadau. Dachí Akõre bi'ia kuitaa panuu abadau. Kûrisia panuu ichiba machi aidaakuai Moisesba buda uru panuudeeba. ¹⁸ Mau uru panuudeeba kuitaa panuu Dachí Akõreba kãare kûria ðuu mauðe kãare jipa ðuu. ¹⁹ Machiba kûrisia panuu Dachí Akõrede ijãadakaurãmaa poyaa bi'ia jaradea panadai dau pãriu nuree jipa adoeduu kîra, pãriuðe nuree ùdaadaa adoeduu kîra. ²⁰ Moisesba buda uru panuudeeba kûrisia panuu joma kûrisia kuitaa uru panuu mauðe biawãra bedea sida kuitaa panuu. Mauðeeba kûrisia panuu chi kûrisiaswãe nureerãmaa mauðe chi wabiða ãrea adua nureerãmaa biða poyaa jaradea panadai. ²¹ Machiba waabenarãmaa maka jaradea panuburã, ¿sakãe ara machi du aba jaradeadawẽma? Machiba jaradeabadau nechiruabai ðuu. Maamina machi nechiruabadau. ²² Machiba jaradeabadau junebena miakãida ome kãi ðeebai ðuu. Maamina machi junebena miakãida ome kãi ðeebadau. Machiba kûriadaku Dachí Akõre kuenda juaba ne kapedaadamaa utaa ididai. Maamina mau juaba kapedaada de mechiude mau nechiruabadau. ²³ Moisesba buda machiba ãrea kuitaa panuu abadau. Maamina mau Moisesba budade jara ðuu ijãadawãe panuudeeba, machi kakua waabenarãba Dachí Akõre ùrubena kachirua berreabadau. ²⁴ Mauðeeba Dachí Akõre bedeade naka ðu kubuu: «Judíowäerãba Dachí Akõre ùrubena kachirua jarabadau machi judiorãba kachirua waubadau kakua». ^I

I 2:24 Isaías 52:5; Ezequiel 36:20-23.

²⁵ Moisesba buda machiba wauduburã, machi mukîra chi kakua tõoða bi'ia ðuu, ëbërarã Dachí Akõrederã. Maamina mau Moisesba buda waudawëeburã, machi Dachí Akõre daade mukîra chi kakua tõoðawãe nuree kîra nuree. ^{II}²⁶ Mauðe judíowãeba mau Moisesba buda wau ðuburã, mukîra chi kakua tõowãe ðumina Dachí Akõre daade mukîra chi kakua tõo nii kîra nii. ²⁷ Machi judiorã mukîra chi kakua tõobadau unubiadai baita ëbërarã Dachí Akõrederã. Mauðe Moisesba buda kuitaa panuu. Maamina mau Moisesba buda waudawãe panuu. Mauðeeba chi mukîra chi kakua tõowãe ðuuba mau Moisesba buda wauruburã, kuitaabai machi judiorãmina nebëra bara nuree. ²⁸ Aða biða judíowãema, chi judiorãba waubadau wau ðuudeeba. Mauðe mukîra chi kakua tõoða ara nau kakuðebenawãema. ²⁹ Maumaarã Dachí Akõremaarã, chi sõ jipa nii, mau biawãra judiobu. Chi Moisesba budade ðu kubuu kîra mukîra chi kakua tõoða abarii biawãra judíowãema, maumaarã chi Dachí Akõre Jauriba maka sõðe jipa nibabibariib. ^{III} Ëbërarãba chi sõ jipa nii ùrubena bi'ia jaradakamina Dachí Akõreba mau ùrubena bi'ia jarabarii.

3 Mumba maka jara ðuudeeba abauba naka kûrisia: «¿Sakãe judio ëbëra mukîra chi kakua tõoima? ¿Bibuara ðuuwãeka judíowãe bai mau judio bai baðamaarã?» ² Makawãema. Æreade judiorã bai ãrea bi'ia ðuu. Naa mumba jaraaruu maka panuu Dachí Akõreba ichi bedea maarãmaa deasiideeba. ³ Maamina ãchidebena chi nureerãba chi wuðai panuu kîra waudaabasii. ¿Mauðeeba chi Dachí Akõreba wau jarada wauwëka? ⁴ Makawãema. Dachí Akõreba wau jarada biawãra joma wau. Ëbërarã setaa jarabadamina Dachí Akõreba waubarii ichiba jara ðuu kîra. Ichi Bedeade naka ðu kubuu:

«Jomaurãba kuitaadai bichiba jara ðuu jipa ðuu; abauba bichi ùrubena kachirua jaraaruude bichiba kuitaabai bichi jipa nii». ^{IV}

⁵ Mø berrearuu ëbërarã berreabadau kîra. Chi nureerãba jarabadau kachirua wau panuudeeba Dachí Akõre jipa nii arakude unubiabadau abadau. Mauðe Dachí Akõreba kastikaaruuburã, ichi jipa niuwãe abadau. ¿Chi maka jara panuurãmaa kãare jaradaima? ¿Jãarãba jaradaika Dachí Akõre jipa niuwãe dai? ^V kastikaiideeba? ⁶ ¿Biawãra makawãema! Dachí Akõre maka jipa niuwãe basirã, ¿saka nau iujãeðebenarã nebëra jipa ichiai basma? ⁷ Chi nureerãba jarabadau setaa jara panuudeeba chi Dachí Akõre setaa jarakau arakude unubiabadau. Kûrisiabadau ãchiba setaa jara panuu kakua ëbërarãba Dachí Akõremaa aude bi'ia berreada. Mauðeeba ãchimaarã, Dachí Akõreba

II Mukîra chi kakua tõoðawãe nuree kîra nuree. Mau jara ðuu «Dachí Akõre ëbërarãwẽma». III 2:29 Jeremías 4:4; Ezequiel 36:26-27. IV 3:4 Salmos 51:4. V Dai. Nama Pabloba judiorã ùrubena jara ðuu.

nebura ichiabai buu. ⁸ Makarā ʔdachiba kachirua wauḁai panuka ēbērarāba Dachī Akōremaa bi'ia berreadamera? Chi nureerāba āchi kūrīsia kachiruaḁeeba jarabadau daiba maka jaradea panuu. Chi maka jara nuree Dachī Akōreba biawāra nebura barau ai.

Ēbēra jipa nii wā'āe

⁹ Mauḁeeba ʔkāare jaradāima? ʔJaradāika dai chi judiorā waabenarā audeara bi'ia nuree? ʔMakawāema! Mūba nau kartade kuitaabasii judiorāba mauḁe judiowāerā biḁa kachirua waubadau. ¹⁰ Mauḁeeba Dachī Akōre beḁeade naka bu kubuu:

«Ēbēra jipa nii aba biḁa wā'āe.

¹¹ Ēbēra aba biḁa wā'āe kuitaai kāare jipa buu. Ēbēra aba biḁa Dachī Akōre jurukau.

¹² Joma o āyare wāsīḁau. Joma Dachī Akōre daḁe kachirua paneesīḁau.

Ēbēra aba biḁa bi'ia waukau. Bi'ia waubarīi aba biḁa wā'āe. ^I

¹³ Āchiba kachirua berreadadau ēbēra biḁa jau bubadau ewa nubuu kīra buu. Āchi iiba setaa jarabadau. ^{II}

Āchiba jara panuḁeeba waabenarā kachirua waubadau damaba kaaruu kīra. ^{III}

¹⁴ Kīramaa panuḁeeba āchi iiba kachirua jarabadau. ^{IV}

¹⁵ Barikia kakua mia beabadau. ^V

¹⁶ Āchi wāadumaacha waabenarā bi'iwāe panabiḁapēda neburaḁe bæbiabadau.

¹⁷ Waabenarā ome jirukaraayuwāe duanaḁai adua panuu. ^{VI}

¹⁸ Maarāba Dachī Akōre ba'āra biḁa wapeadaku». ^{VII}

¹⁹ Mau beḁeada Dachī Akōre beḁeade buu chi mau buḁa ūri nureerāmaa jara buu. Maka abau biḁa poyaa kachiruaswāe buu a jaradāabai. Mau Moisesba buḁsiḁeeba kuitaa panuu joma nau iujāḁebenarā Dachī Akōre daḁe nebura bara panuu. ²⁰ Biawāra Moisesba buḁa wau buḁeeba ēbēra aba biḁa Dachī Akōreba chi ichiḁirā jipa nuree baara duanuubai. Mau Moisesba buḁeeba kuitaabia buu dachiba kachirua waubadau.

Dachī Akōreba Jesucristodeeba ēbērarā chi ichiḁirā jipa nuree baara duanubarīi

²¹ Maamina iḁibae Dachī Akōreba kuitaabasii mau Moisesba buḁa awara saka ēbērarā chi ichiḁirā jipa nuree baara duanubarīi ^{VIII} ara ichiba jara buḁa kīra.

^I 3:12 Salmos 14:1-3. ^{II} 3:13 Salmos 5:9. ^{III} 3:13 Salmos 140:3. ^{IV} 3:14 Salmos 10:7. ^V Barikia kakua mia beabadau. Griego beḁeade naka bu kubuu: āchi jūru isa wābadau oa chebiḁai baita. ^{VI} 3:17 Isaiás 59:7-8. ^{VII} 3:18 Salmos 36:1. ^{VIII} Ēbērarā chi ichiḁirā jipa nuree baara duanubarīi. Kajuma beḁeade bu kubuu: justificar. Nau siḁa jara buu «Dachī Akōreba dachi neburaswāe nuree abarīi».

Moisesba buḁaḁe mauḁe Dachī Akōre baita berreadaurāba buḁeeba kartade biḁa mau ūrubena bu kubuu. ²² Maka Dachī Akōreba waubarīi ara ichiba jara buu kīra, Jesucristo dachi kakua buḁsiḁeeba, ichi ūribaba nibaḁa unubasiḁeeba. Maka ichiba joma chi Jesusḁe ijāaduura chi ichiḁirā jipa nuree baara duanubarīi. Aḁa biḁa kīra awara unukau. ²³ Biawāra jomaurāba kachirua waubadauḁeeba, Dachī Akōre bi'ia niḁebena awara nuree. ²⁴ Maamina Dachī Akōreba ichi sōbiḁeeba ēbēra aba chi ichiḁirā jipa nuree baara duanubarīi, ne kaebea bari dearuu kīra. Maka unubarīi Jesucristoba kachiruaḁebena karibasiiḁeeba. ²⁵ Dachī Akōreba Jesucristo buḁsiḁeeba ichi oa chemera, dachi kachirua kakua. Mau ijāaduude Dachī Akōreba dachi kachirua perdonabarīi. Maka unubia buu Dachī Akōre jipa nii, dachi karibai baita. Cristo neei naḁe kachirua waupēdaḁa Dachī Akōreba joma dauchia jāadua buḁeeba kastikawēa buasii. ²⁶ Iḁibae ichiba Jesucristodeeba dachi kariba buu, ichi jipa niḁeeba. Ichiba jaraaruu maka waubarīiḁeeba, chi Jesusḁe ijāaduu joma chi ichiḁirā jipa nuree baara duanubarīi.

²⁷ Mauḁeeba ʔkāare ara dachi ūrubena bi'ia berreadāima? Poyaa bi'ia berreadāabai. ʔSakāe? Poyaa bi'ia berreadāabai, Moisesba buḁa wau panuḁeeba chi ichiḁirā jipa nuree baara duanuubaiḁeeba, mau-maarā Jesusḁe ijāa panuḁeeba maka duanui.

²⁸ Dachiba jaradea panuu Jesusḁe ijāa panuḁēburu, Dachī Akōreba dachi chi ichiḁirā jipa nuree baara duanui. Maka jarakau Moisesba buḁaḁe ijāa panuḁeeba.

²⁹ Maeburā ʔDachī Akōre judiorāḁéturu buka? ʔIchi judiowāerāḁewāeka? Biawāra judiowāerāḁebu, ³⁰ Dachī Akōre ababuru niḁeeba. Ichiba joma Jesusḁe ijāaduu chi ichiḁirā jipa nuree baara duanubarīi. Mukīra chi kakua tōo nureerāba mauḁe mukīra chi kakua tōowēa nuree biḁa Jesusḁe ijāaduuburā chi ichiḁirā jipa nuree baara duanubarīi. ³¹ Jesusḁe ijāa panuḁeeba ʔMoisesba buḁa ida bu panuka? Makawāema, maumaarā mau Moisesba buḁa bi'ia buu unubadau.

Abrahamba Dachī Akōreḁe ijāada

⁴ ʔKāare jaradāima dai judiorā nabēraeḁebena Abraham ūrubena? ^{IX} Abrahamba ne wau buḁeeba Dachī Akōreba chi ichiḁirā jipa nuree baara buḁa basirā, ara ichi ūrubena poyaa bi'ia berreai basii. Maamina Dachī Akōre daḁe poyaa bi'ia berreabai basii. ³ Dachī Akōre beḁeade naka jara buu: «Abrahamba Dachī Akōreḁe ijāasii. Mauḁeeba Dachī Akōreba ichi neburaswāe nii asii». ^X Aḁauba traju wauruuburā, chi nejarra bari deakau, maumaarā ichi traju

^{IX} Dai judiorā nabēraeḁebena Abraham ūrubena. Griego beḁeade naka bu kubuu: Abraham, dai nabēraeḁebena kiuruḁebena ūrubena. ^X 4:3 Génesis 15:6.

bare chi chibariba deai. ⁵ Maamina Dachí Akõreba chi ichidírã jipa nuree baara bumerã chi ne wauwêa bũuba ichide ijãaruuburã, mau êbêra chi ichidírã jipa nuree baara bũui. Chi kachirua wau nureerãba ichide ijãaduuburã ichiba chi ichidírã jipa nuree baara duanubarii. ⁶ Ara mau kîra Davidba jarasii: Dachí Akõreba chi ne wauwêa bũu chi ichidírã jipa nuree baara bũuruuburã, ãrea bi'ia bũuai. ⁷ Naka jarasii:

«Chi êbêrarãba Moisesba bũuda wauelawêa panadã maude kachirua waupeadaa Dachí Akõreba perdonaruuburã ãrea bi'ia panadãi.

⁸ Êbêraba kachirua wauêa kakuã Dachí Mechiuba neburaswãe nii aruuburã, mau êbêra bi'ia bũuai». ^I

⁹ Maka çababuru mukîra chi kakuã tãopeadaa nuree ãrea bi'ia panadãika? çMukîra kakuã tãopeadaawêa nuree siða ãrea bi'ia panadãiwãeka? Daiba jarasidau Abrahamba Dachí Akõrede ijãasiideeba Dachí Akõreba ichi neburaswãe nii asii. ¹⁰ Maamina çDachí Akõreba sãa ichi neburaswãe nii asma? çNeburaswãe nii a jaraska mukîra chi kakuã tãosiide maeburã mukîra chi kakuã tãoi naede? Biawãra ichi mukîra chi kakuã tãoi naede Dachí Akõreba ichi neburaswãe nii asii. ¹¹ Abrahamba Dachí Akõrede ijãasiideeba, mukîra chi kakuã tãowêa bũasmina Dachí Akõreba ichi neburaswãe nii asii. ^{II} Mau kuitaabiai baita Abrahamba mawãare mukîra chi kakuã tãosii. ^{III} Mukîra chi kakuã tãowêa nureerãba Dachí Akõrede ijãaduuburã, Abraham ãchi akõrebũ, Dachí Akõreba neburaswãe nuree a jara bũudeeba, ichi kîra ijãasidaudeeba. ¹² Maude Abrahamba mukîra chi kakuã tãoi naede ijãa bũada kîra mukîra chi kakuã tão nureerãba ijãaduuburã Abraham ãchi akõrebũ.

¹³ Dachí Akõreba Abrahammaa maude ichidebena imidã badã êbêrarãmaa nau iujãa deai asii. Maamina maka jaraabasii Abrahamba Moisesba bũuda uru bũasiideeba. Maumaarã maka jarasii Abraham neburaswãe nii asiideeba. Maka neburaswãe nuree asii Abrahamba ichide ijãasiideeba. ¹⁴ Moisesba bũuda uru panuurãba Dachí Akõreba deai jaradã adau panasirã, Cristode bari ijãa panadãi basii maude Dachí Akõreba deai jaradã adauaabai basii. ¹⁵ Mau Moisesba bũuda jara bũu kîra wauwêa panuudeeba, Dachí Akõreba dachi kastikai. Biawãra Moisesba bũuda wã'ãe badã basirã, nebura baraa panadaabai basii.

¹⁶ Dachí Akõreba deai jaradã dachiba adauðai ichide ijãa panuudeeba. Dachí Akõreba ichi sõbiadeeba mau bari deã bũu. Maudeeba joma Abraham êbêrarã, chi Moisesba bũudadeeba panuurãba mau biawãra adauðai. Maamina ãchiaburu adauðabai, maumaarã judiowãerã biða Abraham kîra Dachí Akõrede ijãaduuburã adauðai. Maka Abraham joma dachi, chi Dachí Akõrede ijãabadaurã akõrebũ. ¹⁷ Dachí Akõre bedeeðe

naka bũ kubũu: «Mũuba bichi bũsii puuru ãrea akõre bamera». ^{IV} Biawãra Dachí Akõre daade Abraham joma dachi, chi Dachí Akõrede ijãabadaurã akõrebũ. Abrahamba ijãa bũasii chi biupeadaa chokae jiradubiabarii maude Dachí Akõrede chi ne wã'ãedebena ne waubaraii.

¹⁸ Dachí Akõreba naka jarasii: «Bichidebena imiidurã ãrea badãi». ^V Abrahamba poyaa warr deakau kuitaa bũmina ijãasii Dachí Akõreba warr deabii ichiba jaradã kîra. Maka ijãa bũudeeba puuru ãrea akõre bẽesii Dachí Akõreba jaradã kîra. ¹⁹ Warr deai baita ãrea chõra bũasmina Abrahamba mau wabiða ãrea ijãa bũasii. Ichi 100 año baidia bũasii. Ichi wêra Sara siða warr adaukau kuitaa bũasmina ichiba wabiða ãrea ijãa bũasii. ²⁰ Ne abã biða kũrisiabasii Dachí Akõreba deai jaradã deabai. Maumaarã sõdeeba biawãra ãrea ijãa bũasii maude Dachí Akõremaã bi'ia berrebachii. ²¹ Kuitaa bũasii Dachí Akõreba wau jaradã biawãra joma poyaa wau. ²² Maka ijãasiideeba Dachí Akõreba mau neburaswãe nii asii. ^{VI} ²³ Chi Dachí Akõre bedeeðe maka bũ kubũu ichi ãrubenãturu bũubasii. ²⁴ Maumaarã dachi ãrubena siða berrea bũu, dachiba ijãa panuudeeba Dachí Akõreba neburaswãe nuree a jara bũudeeba. Dachí Akõreba Dachí Mechiu Jesús biu bũada chokae jiradubisii. Dachiba ara maude ijãa panuu. ²⁵ Ichiba Jesús bũsii dachi kachirua kakuã biumera. Maabae biudadebena chokae jiradubisii dachi chi ichidírã jipa nuree baara duanui baita.

Jesudeeba Dachí Akõre ome sõbia panuu

⁵ Dachí Mechiu Jesucristode ijãa panuudeeba Dachí Akõreba dachi chi ichidírã jipa nuree baara duanubarii. Maudeeba Cristodeeba Dachí Akõre ome sõbia panuu. ² Mau awara Jesucristode ijãa panuudeeba Dachí Akõreba ichi sõbiadeeba dachi ewaricha aidabarii. Maude kîrajũũ panuu kuitaa panuudeeba Dachí Akõre biadebena adauðai. ³ Mau awara dachi ãrea bi'iwãe panuude kîrajũũ panabadau, kuitaa panuudeeba mauba dauchia jãaduadãi kuitaaðai. ⁴ Mau dauchia jãadua panuudeeba kuitaa panuu Dachí Akõreba dachi bi'ia unu bũu. Maudeeba kuitaa panuu Dachí Akõre biadebena adauðai. ⁵ Mau setawãema, maumaarã biawãra adauðai. Maka kuitaa panuu Dachí Akõreba ichi Jauri dachimaa deasiideeba. Ichi Jaurideeba dachi sõde kuitaabia bũu dachi biawãra ãrea kũria bũu.

⁶ Dachiba ara dachi kachiruadebena poyaa karibadawêa panasiideewe ewari arã baaruude Cristo dachi chi kachiruarã kakuã biusii. ⁷ Êbêra bã'ãra biða wã'ãe abã jipa nii kakuã ara ichi beabii. Maamina êbêra bi'ia nii kakuã çabãuba ara ichi beabii bũbaaka?

^I 4:8 Salmos 32:1-2. ^{II} Dachí Akõreba ichi neburaswãe nii asii. Génesis 15:6. ^{III} 4:11 Génesis 17.

^{IV} 4:17 Génesis 17:5. ^V 4:18 Génesis 15:5. ^{VI} 4:22 Génesis 15:6.

⁸ Maamina Dachī Akōreba dachi ārea kūrīa b̄uu unubi-asii wabiḁa kachiruaḁe panuude Cristo dachi kakua biusiideeba. ⁹ Cristo oa chesiideeba Dachī Akōreba dachi chi ichiḁirā jipa nuree baara duanusii. Mauḁeeba Cristodeeba Dachī Akōreba dachi kastikai baḁa bi-awāra karibai. ¹⁰ Dachī wabiḁa Dachī Akōre ome chi kīramaa nureasiide ichi Warr biusiideeba dachi ichi ome bi'ia b̄usii. Cristo chokae b̄uudeeba, maka dachi biawāra karibai. ¹¹ Mau awara Dachī Mechiu Jesu-cristodeeba Dachī Akōre ome bi'ia nureeḁeeba ichiḁeeba Dachī Akōre ome sōbia panuu.

Adán maude Cristo

¹² Ēbēra abadeeba kachirua nau iujāḁe neesii. Mauḁe mau kachiruaḁeeba dachi biuḁai neesii. Jomaurāba kachirua waubadauḁeeba biubadau. ¹³ Dachī Akōreba ichi bedea Moisesmaa b̄ubii naede, ēbērarāba nau iujāḁe kachirua waubachiḁau. Maamina mau Moisesba b̄uḁa wā'āe basiideeba, mauba jarawēa b̄uu ēbērarāba kachirua wau panuu kakua, nebura bara nuree aabasii. ¹⁴ Maka b̄umina Adán ewarideḁeebena aba Moisés ewariḁaa ēbērarā biubachiḁau kachirua waubachiḁauḁeeba. Adanba Dachī Akōreba ichimaa jarāḁa ijāabasii, maamina āchiba Adán kīra maka kachirua wauḁaabasii.

Adán kakua, joma kachirua paneḁa kīra, chi nee b̄uu a panāḁa kakua joma poyaa bi'ia paneesiḁau. ¹⁵ Biawāra ēbēra ara ababa kachirua wauḁa kakua joma biusiḁau. Maamina ēbēra june abadeeba Dachī Akōreba ichi sōbiadeeba chokae b̄uai bari deasii joma chokae nureaḁamera. ^{II} Jesucristoba ichi sōbiadeeba dachi baita wauḁa, chi Adanba kachirua wauḁa au-deara bibuara b̄uu. Mauḁeeba chi Dachī Akōreba bari dea b̄uu, Adanba kachirua wauḁa kakua neeḁa kīra b̄uwāema. ¹⁶ Mau awara Adanba kachirua wauḁa kakua, Dachī Akōreba ēbērarā ichiapeḁa joma nebura bara nuree asii. Maamina ēbērarāba kachirua ārea waubachiḁamina Dachī Akōreba ichi sōbiadeeba maarā chi ichiḁirā jipa nuree baara duanubarii. ¹⁷ Bi-awāra ēbēra ababa kachirua wauḁa kakua joma bi-ubadau. Maamina june ēbēraḁeeba, mau kāyabāra ewaricha ichi ome chi reyrā kīra panāḁai. Mau Jesu-cristodeeba Dachī Akōreba ne aba biḁa deābaḁe awēa, ichi sōbiadeeba ārea karibapeḁa, ēbērarā neburaswāe nuree a jarabarii.

¹⁸ Maka ēbēra ababa kachirua wauḁa kakua Dachī Akōreba ichiapeḁa joma nebura bara panuu asii. Mauḁe ēbēra ababa jipa wauḁa kakua Dachī Akōreba joma poyaa chi ichiḁirā jipa nuree baara b̄ui ewaricha ichi ome chokae panāḁamera. ¹⁹ Biawāra ēbēra ababa Dachī Akōreba jarāḁa waubasiideeba ēbērarā ārea

I Griego bedeeḁe naka b̄u kubuu: Adán chi nee b̄uḁa kīra b̄uasii. II Joma. Griego bedeeḁe naka b̄u kubuu: ārea.

kachirua waubadaurā paneesiḁau. Mauḁe ēbēra ababa ichiba jarāḁa joma wausiideeba ēbērarā ārea Dachī Akōreba jipa nuree a jarai.

²⁰ Dachī Akōreba Moisesmaa b̄ubisii, ēbērarāba kuitaaḁamera āchiba kachirua ārea waubadau. Maamina ēbērarāba kachirua ārea wausiḁauḁe Dachī Akōreba ichi sōbiadeeba ārea kīra chuburiasii. ²¹ Biawāra ēbērarāba kachirua waubadauḁeeba biubadau. Maamina Dachī Akōreba ichi sōbiadeeba ēbērarā chi ichiḁirā jipa nuree baara duanubarii Dachī Mechiu Jesucristodeeba ewaricha ichi ome chokae panāḁamera.

Kachiruaḁebena āyaa wāpedaḁa

⁶ ¿Mau ūr̄ubena saka kūrīsia panuma? ¿Dachi wabiḁa kachiruaḁe nibaḁai panuka Dachī Akōreba ichi sōbiadeeba aude kīra chuburiamera? ² ¿Bi-awāra maka wauḁaabei panuu! Dachī kachiruaḁeeba biusiḁau. ^{III} Mauḁeeba ¿saka kachiruaḁe nibaḁaima? ³⁻⁴ Machiba kuitaa panuu boro easiḁauḁe unubiasiḁau Cristo baara ābua panuu. Maka unubiasiḁau ichi ome biupeḁaḁa maude jau b̄upeḁaḁa. Maabae Dachī Bajāḁebena Akōreba ichi ārea poyaa niideeba Cristo chokae jiradubiḁa kīra dachi siḁa chokae jiradubiasii chokae b̄uai chiwiḁiḁe nibaḁamera.

⁵ Dachī Cristo baara biusiḁauḁeeba ichi chokae jiraduḁa kīra, chokae b̄uai chiwiḁiḁe nibaḁai. ⁶ Dachiba kuitaa panuu dachi kūrīsia chōra biusii Cristo baara cruzḁe jirabupeḁaḁa kīra. Maka dachi kūrīsia chōraba nau kakuaba kachirua wau kūrīa b̄uu waa poyaa waubiibai. Dachī waa kachirua baita bari trajabadaurāwāema. ⁷ Biawāra aba Cristo ome biuḁaburā, kachiruaḁebena ena b̄eesii. ^{IV}

⁸ Dachī Cristo ome biupeḁaḁaḁeeba ijāa panuu ichi ome chokae panāḁai. ⁹ Dachiba kuitaa panuu Cristo biu b̄uḁa chokae jiradusiideeba waya biubai. Biomia-ba ichi ome waya poyaabai. ¹⁰ Cristo bes aba biuḁaba kachirua joma poyaasii. Ichi waya biubai maumaarā Dachī Akōre baita chokae b̄uu. ¹¹ Ara mau kīra kuitaaḁai panuu machi kachiruaḁeeba biusiḁau maude Dachī Mechiu Jesucristodeeba Dachī Akōre baita chokae panuu. ^V

¹² Mauḁeeba chi kachiruamaa ida machi chibari babirāsturu. Maka machi chi kakua biui b̄uuba kachirua wau kūrīa b̄uu wauḁaabei. ¹³ Machi kakua-maa ida kachirua waubirāsturu. Maumaarā ara machi Dachī Akōremaa deāsturu. Machi kachiruaḁe biu panāḁa Dachī Akōre baita chokae paneesiḁau. Mauḁeeba machi chi kakua Dachī Akōremaa deāsturu jipa wauḁai baita. ¹⁴ Dachī Akōreba ichi sōbiadeeba

III Dachī kachiruaḁeeba biusiḁau. Dachiba biuḁamaa poyaa ne waubiibai b̄uu kīra, kachiruba dachimaa kachirua waubiabai. IV Kachiruaḁebena ena b̄eesii. Griego bedeeḁe mau jara b̄uu «kachirua wau b̄uu ūr̄ubena Dachī Akōreba neburaswāe nuree asii». V Dachī Mechiu. Waabena kartaḁe mau wā'āe.

machi karibasiideeba maude Moisesba budade du-anuuwãe deeba, chi kachirua waa machi chibari buabai.

Jipa wauđai ũrubena

15 ¿Mau ũrubena saka kŕisia panuma? Dachí Akõreba ichi sõbiadeeba dachi karibasiideeba maude Moisesba budade dachi du-anuuwãe deeba ¿kachirua wauđai panuka? ¡Makawãema! 16 Machiba kuitaa panuu ara machi du aba abãumaa bari trajabadaurã nureađai baita deaduuburã, chi chibariba jaraaru joma wauđai panuu. Ara mau kŕia machiba chi kachirua machi chibari kŕia buuduuburã, kachirua wauđapeda biuđai. Maamina Dachí Akõre machi chibari buuduuburã, ichi bedea wauduude jipa nibađai. 17 Naede machi kachirua baita bari trajabadaurã basii. Maamina joma Dachí Akõre ũrubena jaradeapedaada sõdeeba wau panuudeeba mũaba Dachí Akõremaa ichituru kiđibai abarii. 18 Machi kachirua ebena ena paneedapeda Dachí Akõre baita bari trajabadaurã paneesidau jipa wauđai baita. 19 Mũaba maka berrea buu nau kŕisia jaradeai baita. Maka jaradea buu machiba ai kŕisiarãadamera. Biawãra naede ara machi du aba deasidau kachirua baita bari trajabadaurã nureađai baita. Maka machiba mia pera wausidau joma kachirua ewaricha aude wau panabachidau. Maamina jãabae Dachí Akõre baita bari trajabadaurã deeba, ara machi du aba deásturu jipa wauđai baita. Maka Dachí Akõre baita bi'ia nureađai.

20 Machi kachirua baita bari trajabadaurã basiide jipa wauđai kŕisiađaka basii. 21 Maamina kachirua wau panuudeeba ¿kãare bi'ia adausidama? ¿Maka wau panada kakua, kŕia nejasia panuuwãeka? Kachirua wau panuu kakua ebẽrarã biuđai. 22 Jãabae machi kachirua ebena ena wãsidau deeba Dachí Akõre baita bari trajabadaurã paneesidau. Maka Dachí Akõre baita bi'ia paneesidau. Maudeeba ichi baara ewaricha chokae panada. 23 Biawãra kachirua wau panuu kakua ebẽrarã biuđai. Maamina Dachí Mechiu Jesu-cristo deeba Dachí Akõreba ewaricha chokae buabai, ne kaebea bari dea buu kŕia.

Moisesba budã ũrubena Pabloba jaradeada

7 Ābarã, Moisesba budã kuitaa panuudeeba mau ũrubena mũaba machimaa berrearuu. ¿Kuitaa panuuwãeka dachi chokae panuumisa Moisesba budã ũriđai panuu? 2-3 Nau kŕia buu. Mau Moisesba budãde jara buu wẽra mukŕia iu buu ichi mukŕia chokae buude ichi ome buai buu. Ichi mukŕia wabiđa chokae buude mau wẽraba junebena mukŕia adauruuburã, Moisesba budãde jara buu mau wẽra nebura bara buu. Maamina ichi mukŕia biuruuburã Moisesba budãde ebena ena

bee. Maude ichiba junebena mukŕia adauruuburã, neburaswãe buai.

4 Ābarã, ara mau kŕia machi Cristo baara panuudeeba ichi biuđakare, Moisesba budãdeeba biusidau. Jãabae machi Cristo derã deeba, Dachí Akõre baita poyaa bi'ia wauđai. 5 Dachí nau kakuaba wau kŕia buudeeba nibasidau de Moisesba budãde jara buu kakua kachirua aude wau kŕiasidau. Maude kachirua wauđai panuu kakua biuđai panasidau. 16 Maamina Moisesba budãdeeba panada dachi ena paneesidau. Maudebena biusiideeba jãabae Dachí Akõre baita bi'ia wauđai ichi jaurideeba. Waya kŕisiađabai Moisesba budãdeeba maka wauđai. II

Kachirua wau kŕia buu ũrubena budã

7 ¿Mau ũrubena saka kŕisia panuma? ¿Moisesba budã kachirua buka? ¡Makawãema! Mau Moisesba budã wã'ãe basirã mũaba adua buai basii kãare kachirua buu. Moisesba budãba «abauba uru buu kŕiarãba» adawãe basirã, mũaba ãibenaba uru buu kŕiai kachirua buu adua buai basii. III 8 Maamina «kŕiarãba» asiideeba kachirua wau kŕia buudeeba mũaba ne joma aude kŕiasii. Biawãra Moisesba budã wã'ãe basirã aude kachirua wau kŕiabai basii. IV 9 Naede mau Moisesba budã adua buasiide mũaba kachirua wau kŕiasii. Maabae kachirua kakua biui buasii. 10 Mau Moisesba budã wau buudeeba mũaba Dachí Akõre ome chokae buai buasii. Maamina waukaudeeba Moisesba budãba kuitaabisii mũaba biui buu. 11 Moisesba budãde jara buu kakua mũaba kachirua aude wau kŕiasii. Maabae kachirua mũaba setaa kŕuasii kŕisiamera Moisesba budãba jipa buai. Maamina ũrikaudeeba biui buasii.

12 Biawãra Moisesba budã Dachí Akõre deeba, maude chi waubi buu bedea Ichidibũ, jipa buu maude ãrea bi'ia buu. 13 Makarã ¿Moisesba budã bi'ia buuba mũaba biubiska? ¡Makawãema! Maumaarã kachirua wau buu kakua mũaba biui buasii. Mũaba kachirua wau buu kakua mau Moisesba budã bi'ia buuba jara buu mũaba biui buu. Maka arakude unubi buu chi kachirua saka buu. Mũaba kachirua wau buu biawãra ãrea kachirua buu.

14 Dachiba kuitaa panuu Moisesba budã Dachí Akõre Jaurideeba neesii. Maamina mũaba nau kakuade buu. Mũaba nedobuđã kŕia buu kachirua baita bari trajabarii buamera. 15 Mũaba adua buu sakãe jãka waubaraii. Mũaba ne bi'ia wau kŕia buu mau waukau, mau-maarã mũaba kachirua wau kŕiawãe buu mau

I *Biudai panasidau. Griego bedea naka bu kubuu: Biudai chau panasidau.* II *Griego bedea naka bu kubuu: jauri widi...karta chõra.* III *7:7 Éxodo 20:17.* IV *Biawãra Moisesba budã wã'ãe basirã aude kachirua wau kŕiabai basii. Griego bedea naka bu kubuu: Moisesba budãwãe, chi kachirua biu buu.*

waubarii. ¹⁶ Maamina m̄mba kachirua wau ʒuu wau k̄riawēa ʒuudeeba mauba unubi ʒuu Moisesba ʒuuda m̄mba bi'ia unu ʒuu. ¹⁷ Mauḏeeba ara m̄mba k̄ria ʒuudeeba kachirua wau ʒuwāema, maumaarā kachirua m̄ sōḏe ʒuuba maka waubibarii. ¹⁸ M̄mba kuitaa ʒuu m̄ sōḏe ne bia wā'āema. Bi'ia jaraaru-uburā, m̄ nau kakuade ʒuudeeba ara m̄mba k̄ria ʒuudeeba bi'ia poyaa waukau. M̄mba bi'ia wau k̄ria ʒumina poyaa waukau. ¹⁹ Biawāra m̄mba bi'ia wau k̄ria ʒuu mau waukau, maumaarā kachirua wau k̄riawēa ʒuu mau waubarii. ²⁰ M̄mba kachirua wau k̄riawēa ʒuu wau ʒumina, ara m̄mba k̄ria ʒuudeeba maka wau ʒuwāema. Maumaarā kachirua m̄ sōḏe ʒuuba maka waubi ʒuu.

²¹ Mauḏeeba nau kuitaa ʒuu: m̄mba bi'ia wau k̄ria ʒumina kachirua m̄ sōḏe ʒuuba kachirua waubibarii. ²² Biawāra m̄mba sōḏeeba Dachī Akōreba Moisesmaa ʒubiḏa ārea bi'ia unu ʒuu. ²³ Maamina june k̄risia siḏa m̄ sōḏe ʒuu. Mauba m̄ j̄ia uru ʒuu k̄ra m̄ma kachirua waubibarii. Chi m̄mba bi'ia wau k̄ria ʒuu mau k̄risiaba ida waubi k̄riakau, ne bia wau k̄risia ome ch̄o ʒuu k̄ra.

²⁴ ¡M̄ miichuburi! ¿Kaiba m̄ enaima nau chi kakuabi ʒuuba kachirua wau k̄ria ʒuudeebena? ²⁵ Mau Dachī Akōrēburu Dachī Mechiu Jesucristoḏeeba m̄ karibai. Mauḏeeba m̄mba ich̄ituru kiḏibai aaruu. Biawāra m̄ k̄risiade Moisesba ʒuuda wau k̄ria ʒuu, maamina nau kakuade ʒuudeeba kachirua m̄ sōḏe ʒuuba kachirua waubibarii.

Dachi Akōre Jauride nibadai ʒrubena

8 Jābae Dachī Akōreba ne aba biḏa nebura barau awēma, dachi Cristo Jesús ome panuudeeba. ¹² Cristoḏeeba Dachī Akōre Jauriba dachimaa chi chokae ʒuai chiwiḏi deasiḏeeba, dachi kachiruadebena maude biudai baḏaebena enakuasii. ³ Moisesba ʒuudaba dachi kachiruadebena poyaa enabaiasii. Chi nau kakuaba wau k̄ria ʒuudeeba nibabadaurāba mau Moisesba ʒuuda wauḏai baḏamaarā kachirua waubadau. Maamina Dachī Akōreba ichi Warr b̄isii dachi chi kachiruarā k̄ra ʒumera. Maude dachiba kachirua waupeḏaada kakua biusii. Maka chi dachi kakua kachirua waupeḏaada Dachī Akōreba kastikasii. ⁴ Ichiba maka wausii dachiba poyaa jipa wauḏamera Moisesba ʒuudade jara ʒuu k̄ra. Jābae dachi poyaa jipa nibadai nau kakuaba wau k̄ria ʒuudee nibadauḏeeba, maumaarā Dachī Akōre Jaurideeba nibadauḏeeba.

⁵ Chi nau kakuaba wau k̄ria ʒuudeeba nibabadaurāba ara mau k̄ra k̄risiabadau. Maamina chi Dachī Akōre Jaurideeba nibabadaurāba Dachī Akōre Jauriba

I Griego beḏeade chi bee kartade nau siḏa ʒu kubuu: āchi nau kakuaba kachirua wau k̄ria ʒuudeeba nibadaabasiiḏeeba, maumaarā Dachī Akōre Jaurideeba nibasiḏeeba.

k̄ria ʒuu k̄risiabadau. ⁶ Abauba chi nau kakuaba wau k̄ria ʒuu k̄risia ʒuaruuburā biui. Maamina chi Dachī Akōre Jauriba k̄ria ʒuu k̄risia ʒuaruuburā jirukaraayuwāe ʒuai maude Dachī Akōre ome chokae ʒuai. ⁷ Abauba chi nau kakuaba wau k̄ria ʒuu k̄risia ʒuaruuburā, Dachī Akōre k̄ramaabu. Moisesba ʒuuda wau k̄riakau; ne aba biḏa poyaa waukau. ⁸ Chi nau kakuaba wau k̄ria ʒuudeeba nibabadaurā Dachī Akōreba bi'ia unukau.

⁹ Maamina Dachī Akōre Jauri biawāra machi sōḏe ʒuuburā, ichiḏeeba nibabadau. Nau kakuaba wau k̄ria ʒuudeeba nibaḏaaba. Biawāra chi Cristo Jauri wā'āe nii, Cristoḏewāema. ¹⁰ Maamina Cristo machi sōḏe ʒuuburā, machi jauri chokae ʒuu Dachī Akōreba machi neburaswāe nuree a ʒuudeeba. Machiba kachirua wau panada kakua nau kakuade biudai. ¹¹ Maamina ichi Jauri machi sōḏe ʒuudeeba, ichiḏeeba machi chi kakua biui ʒuu chokae jiradubii, Cristo Jesús chokae jiradubiḏa k̄ra.

¹² Mauḏeeba ābarā, dachi biawāra Dachī Akōre Jaurideeba nibadai panuu. Nau kakuaba wau k̄ria ʒuudeeba nibaḏaaba panuu. ¹³ Machi nau kakuaba wau k̄ria ʒuudeeba nibaduuburā biudai. Maamina chi nau kakuaba kachirua wau k̄ria ʒuu Dachī Akōre Jaurideeba ida ʒuuduuburā, Dachī Akōre ome chokae panadai. ¹⁴ Joma Dachī Akōre Jaurideeba nibabadaurā Dachī Akōre warrarāb̄. ¹⁵ Machiba Dachī Akōre Jauri adausiḏaude machi wapeabiabasii, chi chibari baita bari trajabarii makabarii k̄ra. Maumaarā machi duanusii Dachī Akōre warrarā baḏamera maude «Chacha» aḏamera. ¹⁶ Dachī sōḏe Dachī Akōre Jauriba kuitaabia ʒuu biawāra Dachī Akōre warrarā. ¹⁷ Ichi warrarāḏeeba dachirā maude Cristo baarauba ichiba uru ʒuudebena adauḏai. Biawāra Cristo bi'iwāe uru panada k̄ra dachi ārea bi'iwāe panuuburā, Dachī Akōreba Cristo baara ābua ārea bi'ia duanui.

Dachi Akōreba chiwiḏi waukuai ʒuu esedau panuu

¹⁸ M̄maarā, chi nau iḏibaebena dachi ārea bi'iwāe panuu ba'āra ʒuu, chi kaḏebena ewaride Dachī Akōreba dachi bi'ia duanui audeara. ¹⁹ Joma Dachī Akōreba waukuadaba esedau ʒuu ichi warrarā bi'ia paneeduu isa unubimera, ²⁰ naeḏe bi'iwāe ʒuasiḏeeba. Du aba maka bi'iwāe ʒeebasii, maumaarā Dachī Akōreba maka ʒeebasii. Maamina joma bi'iwāe ʒeeḏaba esedau ʒuu ²¹ Dachī Akōreba mau bi'ia ʒumera ichi warrarā bi'ia ʒui k̄ra. Chi chibari baita bari trajabarii ena ʒuu k̄ra, chi Dachī Akōreba wauḏa makaa ʒeraabai.

²² Dachiba kuitaa panuu wēraba warr adauruude isa adaubai k̄riabarii k̄ra, joma Dachī Akōreba waukuadaba pu'uaba isa bi'ia ʒuai k̄ria ʒuu.

²³ Maude dachia biḏa pu'uaba isa neebii esedau

panuu, Dachí Akõreba dachi chi kakua bi'ia bumerá. Ichi warrarã adauruude maka wauí. Ichi Jauri dachi-maa naede deasii biawãra dachi ichi warrarã kuitaadamera. ²⁴ Dachí Akõreba dachi karibasiideeba mau esedau panuu. Chi dachiba esedau panuu wabiða wã'ãe panuu. Uru panada basirã ¿sakãe esedau panadai basma? ¿Kaiba ichiba chi uru bũu, adauí baita esedau buaima? ²⁵ Maamina chi dachiba esedau panuu wabiða wã'ãe panuudeeba joma dauchia jáadua panuudeeba kuitaa panuu biawãra adauðai.

²⁶ Mau awara ara dachi du aba poyaara panuudeeba Dachí Akõre Jauriba aida bũu. Biawãra adua panuu saka Dachí Akõremaa arakude utaa ididai. Maamina Dachí Akõre Jauriba chi bedea dachiba poyaa berread-akaudeeba dachi kakua Dachí Akõremaa utaa idibarii. ²⁷ Mauðe Dachí Akõre dachi sõ ichiabarii ba ichi Jauriba utaa idi bũu kuitaa bũu, ichiba kũria bũu kĩa ichidirã baita utaa idibariideeba.

Dachi Akõreba ne jomade aidabarii

²⁸ Mau awara Dachí Akõreba kũrisia buada kĩa chi ichi kũriabadau ichiba iukuasii. Dachiba kuitaa panuu maarã baita Dachí Akõreba ne jomade bi'ia waubaríi.

²⁹ Mau maka bũu ichiba naede kuitaa buasiideeba kairã ichidirã bai. Ächi busii ichi Warr Jesús kĩa nureadamera. Maka ichi Warr äbarã ärea panuudebena, mau chi nabenabũ. ³⁰ Dachí Akõreba chi ichiba naede duanudarã iukuasii, ichi Warr Jesús kĩa nureadamera. Chi ichiba iukuada chi ichidirã jipa nuree baara busii. Chi ichiba chi ichidirã jipa nuree baara duanudarãmaa ichi bi'ia niidebena deai.

³¹ ¿Mau ãrubena saka kũrisiadaí panuma? Dachí Akõre dachi baara buudeeba ¿kaiba dachi poyaaíma? ³² Biawãra Dachí Akõreba ichi Warr wãakaabasii mau-maarã joma dachi kakua ida beabisii. Mauðeeba ¿ichiba dachimaa joma bi'ia Cristo ome äbua deabaika?

³³ ¿Kaiba Dachí Akõremaa ichiba jũrũ adauðarã ãrubena poyaa kachirua jaraima? Ara Dachí Akõreba dachi chi ichidirã jipa nuree baara duanubarii. ³⁴ ¿Kaiba dachi nebura bara panuu adaima? Abau biða maka jaraabai Jesucristo dachi kakua busiideeba. Ichi biu buada chokae jiradusii. Jáabae Dachí Akõre jua biare bũu. Aria dachi baita Dachí Akõremaa chi chuburia idi bũu. ³⁵ ¿Kaiba dachi Cristoba kũria buudebena poyaa äyaa buima? Ewari chaarea neeruude, ärea bi'iwãe panuude, ëbërarãba dachi kachirua wauduude, jar-rbisia ewariðe, paruswãe panuude, kachiruaðe panuude, ëbërarãba bea kũria panuude abau biða dachi Cristoba kũriadebena poyaa äyaa duanudaabai.

³⁶ Dachí Akõre bedeaðe naka bũ kubũu:

«Ewaricha bichi kakua dai bea kũria panuu. Oeja be-abadau kĩa beaðai kũrisia panuu». ^I

I 8:36 Salmos 44:22.

³⁷ Maamina Cristoba dachi kũria bũu. Ichideeba joma mau dachiba poyaabadau. ³⁸⁻³⁹ Mauðeeba mũba kuitaa bũu dachi biuduuburã maeburã chokae panuuburã, Dachí Akõreba dachi kũriadebena awara panadaabai. Nau ewariðe mauðe kaadebena ewariðe awara panadaabai. Mauðe angelerãba, jai kachiruarãba, chi jai kachirua mechiurãba, chi utubenarãba, chi ekarebenarãba, maeburã aba biða Dachí Akõreba wauðeadebena biða dachi ichiba kũriadebena poyaa äyaa duanudaabai. ^{II} Ara mau kũria, Dachí Mechiu Jesucristodeeba unubiasii.

Joma Israeldebena imipeadaa biawãra israeldebenarãwãe

⁹ Mũ Cristodeeba biawãra jaraaru. Setawãema. Dachí Akõre Jauriba mũ sõðe nau bedea biawãra arakude kuitaabi bũu. ²⁻³ Nau jaraaru: mũ ëbërarã judiorã kakua ewaricha ärea kĩa nomaa buabarii, ächi Dachí Akõre ome bi'iwãe panuudeeba. Mũ Cristodebena awara beei kũriai, mũ äbarã aidai baita, ⁴ chi israeldebenarã. Dachí Akõreba naede ächi jũrũ adausii ichi warrarã nureadamera. ^{III} Ichi kĩrawãrea teðeçhoa maarãmaa unubiasii. ^{IV} Ächi nabëraedebenarã ome bedea deasii. ^V Moisesba buada maarãmaa deasii. Ächimaa kuitaabasii ichi de mechiude kãare wauðai panuu mauðe joma ichiba deai jaraða ächi baita busii. ⁵ Ächi nabëraedebenarã chi mechiurã nureasii. Ächidebena Cristo ëbëra kakuðe chi naweba adausii. Mau jomaurã Akõrebũ. Ichimãburu dachiba ewaricha bi'ia berreaðai panuu. Bi'ia bũu maka buai.

⁶ Mũba jarawãe bũu Dachí Akõreba chi Israeldebenarã baita wauí aða wauwãe bũu. Maumaarã mũba jara bũu joma Israeldebena imipeadaa Dachí Akõre daaðe biawãra israeldebenarãwãe. ⁷ Mauðe joma Abrahamdebena imipeadaa Dachí Akõre daaðe Abraham warrarãwãe. Dachí Akõreba Abrahammaa naka jarasii: «Bichi warr Isaacdeeba bichi äichekerã ärea imidai». ^{VI8} Mau bedea dachimaa kuitaabasii bũu joma Abrahamdebena chi naweba adaupeadaa Dachí Akõre warrarãwãe. Maumaarã chi warrarã Dachí Akõreba deai jaraða, biawãra Abraham warrarãbũ.

⁹ Dachí Akõreba Abrahammaa deai jaraða bedea nau: «Año abauðe mũ waya neei. Mauðe Saraba warr uru buai». ^{VII}

¹⁰⁻¹² Mau awara Dachí Akõreba kuitaabasii chi ichi ba jũrũ adauí kũria bũu jũrũ adaubarii. Mauðe kuitaabasii aba biða jũrũ adaukau ächiba wau panuu bi'ia unu buudeeba maumaarã jũrũ adaubarii ichiba iusiideeba. Naka kuitaabasii: Rebecaba mikisu adausii.

II Jai kachiruarã. Griego bedeaðe naka bũ kubũu: chi mechiurãba, joma poyaa nureerãba. III 9:4 Éxodo 4:22. IV 9:4 Éxodo 40:34-35. V 9:4 Génesis 12:1-3. VI 9:7 Génesis 21:12. VII 9:9 Génesis 18:10,14.

Chi akõre dachi nabëraedebena Isaac basii. Maamina mau warrarã chi naweba adai naede maude ne aba biða bi'ia maeburã kachirua wauðai naede Dach Akõreba Rebecamaa jarasii: «Chi nabena chi kaadebena juade buai». ^{I13} Mauðeeba Dach Akõre bedeade naka bu kubuu: «Muuþa Jacob kûriasii, maamina Esaú kîramaasii». ^{II}

¹⁴ ¿Mau urubena saka kûrisia panuma? ¿Dach Akõreba jipa waukau kûrisia panuka? ¿Makawãema!

¹⁵ Dach Akõreba Moisesmaa naka jarasii:

«Muuþa chi kîra chuburia kûria buu ebëra kîra chuburiai maude chi muþa kûriaðeeba kariba kûria buu ebëra kûriaðeeba karibai». ^{III}

¹⁶ Biawãra chi ebëra Dach Akõreba juru adau buu juru adaukau, mau ebëra wau buu bi'ia unu buudeeba, maeburã chi ebëra maka kûria buudeeba. Maumaarã chi ichiba kîra chuburiai kûria buu ebëra, mau juru adaubarii. ¹⁷ Ichi bedeade, ichiba faraonmaa jarada naka bu kubuu:

«Muuþa bichi chi rey mechiu busii mu poyaa unubiai baita. Maka mu joma nau iujãade trü poa buai». ^{IV}

¹⁸ Mauba kuitaabia buu Dach Akõreba aba biða kîra chuburiai kûria buuburã maka wubarii maude aba biða sõ chaarea beebii kûria buuburã makabarii.

¹⁹ Mau bedea urubena abaua naka jarai: «Dach Akõreba maka wubariiðeeba ¿sakãe dachi nebura bara panuu a buuma? ¿Ichiba dachi buða kîra panuwãeka?» ²⁰ Maamina ¿chi maka berrea buuba Dach Akõremaa maka berrei buka? ¿Chokoba chi kabariimaa naka jarai buka: «Bichiba sakãe mu jãka kasma?» ²¹ ¿Chi choko kabariiba wau kûria buu kîra wuiwãe buka? ¿Choko kîrajuru bara buubarai ewari baitabena maude barikia ewari baitabena sida arabau ioroba kai buwëka?

²² Ara mau kîra Dach Akõreba wau kûria naka wausii. Ebërarãba kachirua wau panuu baita Dach Akõreba ichi kîrubarai unubia buudeeba maude ichi poyaaðeeba kastikapeða tubu aokode jiratai basii. Maamina chi achiba kachirua wau panuu joma dauchia jãadia buusii. ²³ Maka dauchia jãadia buusii ichi bi'ia buu mechiudebena ichiba kîra chuburia buu ebërarãmaa kuitaibiai baita. Achiba ichiba naede juru adausii ichi bi'ia buudebena uru panadamera. ²⁴ Dach mau ebërarãebenabu. Dach Akõreba dachi joma iusii. Chi nuree judiorãbu maamina chi nuree judiowãerãbu, ²⁵ Dach Akõreba jarada Oseas kartade naka bu kubuu kîra:

«Chi mu puurudebenarãwãe baða mu puurudebenarã ai. Chi muþa kûriawãe buða puuru, muþa kûria buu puuru ai». ^V

I 9:10-12 Génesis 25:23. II 9:13 Malaquías 1:2-3. III Dach Akõreba mau bedea Moisesmaa jarasii, chi israeldebenarã kastikaðakare, chi paka warr nee wauða kûriabachiðeeba. Éxodo 32:1-35; 33:19. IV 9:17 Éxodo 9:16. V 9:25 Oseas 2:23.

²⁶ Mauðe naka bu kubuu:

«Muuþa jarasii machi mu ebërarãwãe.

Maka jaradamare, muþa machi mu warrarã ai». ^{VI}

²⁷⁻²⁸ Mauðe Isaiasba israeldebenarã urubena naka jarasii:

«Israeldebenarã area panuu mar ibu kîra. Maamina achiba areawãe karibaðai Dach Mechiuba nau iujãade nuree isa joma kastikakuideeba». ^{VII}

²⁹ Mauðe mau naede Isaiasba naka jarasii:

«Dach Mechiu joma poyaa buuba dachi israeldebenarã chi nuree imipeðaðarã ida chokae panabiðawãe basirã, Sodomadebenarã maude Gomorraðebenarã kîra panada basii». ^{VIII}

Judiorãba Cristode ijãadawãa panuu urubena

³⁰ ¿Mauba kãare jara buuma? Judiowãerãba juruðaka basii chi Dach Akõre puurudebena jipa nureerã baara panada baita. Maamina maka paneesidau, Cristode ijãasidaðeeba. ³¹ Maumaarã israeldebenarãba Dach Akõre puuru jipa buu baðai juru panasii, chi ley wubachiðeeba. Maamina poyaa maka wuðaabasii. ³² ¿Sakãe makaabasma? Makaabasii Cristode ijãadai audeara achiba wau panuudeeba ichi daade jipa nureadai baita juru panasiideeba. ^{IX} Biawãra achiba Cristode ijãadaabasii moomaa druudu kîra. ³³ Dach Akõre bedeade mau urubena naka bu kubuu:

«Ûristuru. Muþa Siõn puurude de wau baitabena mo buuruu. ^X

Mau moomaa druðapeða baedai. Maamina chi ichide ijãa buuba bari ijãa buabai». ^{XI}

10 Åbarã, muþa sõðeeba kûria buu Dach Akõreba israeldebenarã karibai. Mauðeeba muþa ichimaa utaa idi buubarai. ² Muþa jaraaruu achiba Dach Akõre biawãra kuitaa kûria panuu. Maamina Dach Akõreba kûria buu urubena bi'iwãe kûrisia panuu. ³ Achiba unuðakau saka Dach Akõreba ebërarã ichi jipa nuree baara duanui, ichiba bedea deaða kîra. Maumaarã mau ida buðapeða ara achiba wau panuuba juru panuu Dach Akõre puuru jipa buu baðai baita. ⁴ Maamina maka nureadai baita, achiba ley wubachiðau audeara, Cristoba joma wausii. Chi Cristode ijãadu Dach Akõreba jipa nuree unubarai.

⁵ Moisesba busii saka ebërarã poyaa jipa nureadai, chi Dach Akõreba ichimaa bubisiiðeeba. Naka busii: «Chi Moisesba buða wau buu, mauba nibai».

^{XII} Maamina chi Cristode ijãa buu Dach Akõre daade

VI 9:26 Oseas 1:10. VII 9:27-28 Isaiás 10:22,23. VIII 9:29 Isaiás 1:9. IX Achiba wau panuudeeba. Griego bedeade chi bee kartade naka bu kubuu: Moisesba buða wau panuudeeba. Achimaarã, mukîra chi kakua tõoðayu aude bibuara buusii. X Siõn puuru ara mau «Jerusalén» abadau. XI Bari ijãa buabai. Griego bedeade naka bu kubuu: kîra nejasibai. Isaiás 28:16; 1 Pedro 2:6. XII 10:5 Levítico 18:5.

jipa nuree baarabena bai baita naka jara ɓuu: «Bichi sōdeeba jararāse: “¿Kai bajāadaa wāi ɓuma?”^I (Cristo nau iujāadaa neebii baita).⁷ Maude k̄risiarāse: “¿Kai biudarā panabadaumaa wāi ɓuma?” (Cristo chokae jiradubii baita)». ⁸ Maamina Dachī Akōre bedēade naka ɓu kubuu: «Bichiba Dachī Akōre bedēa kuitaai aude chaareawēa ɓuu. ^{II} Bichi iiba ichi bedēa jarai ɓuu maude bichi sōdeeba ijāai ɓuu». ^{III} Ichi bedēa daiba naka jaradea panuu jomaurāba ijāadamera: ⁹ Bichi iiba Jesús jomaurā Mechiu aaruuburā, maude Dachī Akōreba ichi chokae jiradubiɗa bichi sōdeeba ijāaruuburā, ichiba karibai. ¹⁰ Biawāra chi mauba sōdeeba ijāaruuburā, chi Dachī Akōre daade jipa nuree baara ɓuai. Iiba Jesús jomaurā Mechiu aaruuburā Dachī Akōreba karibai.

¹¹ Dachī Akōre bedēade naka ɓu kubuu: «Chi ichide ijāa ɓuuba bari ijāa ɓuabai». ^{IV}¹² Dachī Akōre jomaurā Mechiudeeba judiorā maude judiowāerā siɗa arabauɗe waubarīi. Ichimaa chi chuburia idiiduu joma karibabarii. ¹³ Dachī Akōre bedēade naka ɓu kubuu: «Chi Dachī Mechiuɗa chi chuburia idiiduu joma karibai». ^V

¹⁴ Maamina ēbērarāba wabiɗa Dachī Mechiu Jesu-cristode ijāadawēa panuude ¿saka ichimaa chi chuburia ɗtaa idiɗaima? Ichi ɗrubena wabiɗa ũriɗawēa panuude ¿saka ijāadaima? Maude abau biɗa āchimaa jaradeade wāwēeburā ¿saka ichi ɗrubena ũriɗaima? ¹⁵ Dachī Akōreba aba biɗa ɓuiwēeburā, ¿saka jaradeade wāɗaima? Dachī Akōre bedēade naka ɓu kubuu: «Chi bedēa bia jarade needuu ārea bi'ia nuree». ^{VI}

¹⁶ Maamina joma judiorāba chi bedēa bia Cristo ɗrubena ijāadaabasii. Isaías kartade naka ɓu kubuu: «Dai Mechiu, daiba jarapeɗaada ¿kaiba ijāasma?» ^{VII}¹⁷ Biawāra ēbērarāba Cristo ɗrubena naa ũriɗai panuu, poyaa ijāadai baita. ^{VIII}¹⁸ Maamina mɗɗa idiiruu: ¿Judiorāba mau bedēa ũriɗaabaska? Biawāra ũriɗidau. Dachī Akōre bedēade naka ɓu kubuu: «Ichi ɗrubena joma nau iujāade jarasiɗau. Mau bedēa kaitawē jarade wāsiɗau». ^{IX}

¹⁹ Mɗɗa waya idiiruu: ¿Judiorāba mau bedēa kuitaadaaka baska? Maerā, kuitaasiɗau judiowāerāba kuitaapeɗaada k̄ra. Maudeeba Moisesba Dachī Akōreɗeeba judiorāmaa naa jarasii:

I 10:6 Deuteronomio 30:12. II Bichiba Dachī Akōre bedēa kuitaai aude chaareawēa ɓuu. Griego bedēade naka ɓu kubuu: Ichi bedēa bichi kaita ɓuu. III 10:8 Deuteronomio 30:11-14. IV Bari ijāa ɓuabai. Griego bedēade naka ɓu kubuu: Nejasawēma. Isaías 28:16; 1 Pedro 2:6. V 10:13 Joel 2:32. VI Griego bedēade naka ɓu kubuu: Chi bedēa bia jarade needuu j̄ru ārea bi'ia nuree. Isaías 52:7. Griego bedēade chi bee kartade ɓu kubuu: chi jirukaraayuwēa ɓuabibarii bedēa jarade needuu. VII 10:16 Isaías 53:1. VIII Cristo ɗrubena. Griego bedēade chi bee kartade ɓu kubuu: Dachī Akōre bedēa. IX 10:18 Salmos 19:4.

«Chi mɗɗa j̄ru adauɗawē puuru kariba ɓuudeeba mɗɗa machimaa jiwaabiai mɗ k̄riaɗamera.

Chi k̄rabawēa ɓuu puuru kariba ɓuudeeba mɗɗa machi k̄rubikabiai mɗ k̄riaɗamera». ^X

²⁰ Maude Isaiasba Dachī Akōreɗeeba wapeawēa naka jarasii:

«Chi mɗ j̄ruɗawēa panadaba mɗ unusidau. Chi mɗ ɗrubena idiɗawēa panadarāmaa mɗ ɗrubena kuitaabasii». ^{XI}

²¹ Maamina israelɗebenarā ɗrubena Isaiasba naka jarasii:

«Ewaricha mɗ jua deabachii ēbērarā sō chaarea nuree maude mɗɗe ijāadakaurā mɗɗamaa needamera». ^{XII}

Chi nuree judiorāba Cristode ijāapeɗaada

11 Maudeeba mɗɗa nau idiiruu: «¿Dachī Akōreba israelɗebenarā ichiɗirā ida ɓuska?»

¿Makawāema! Mɗ israelɗebenabɗ, Abrahamɗebena needabɗ, Benjaminɗebena needabɗ. ² Dachī Akōreba naade israelɗebenarā j̄ru adausii ichi puuru ɓuam-
era. Maudeeba āchi ida ɓuwēa ɓuu. Machiba Dachī Akōre bedēade Elías ɗrubena ɓuɗa kuitaa panuu. Eliasba Dachī Akōremaa israelɗebenarā ɗrubena naka bi'iwāe jarasii. ³ «Mɗ Mechiu, bichi baita berreabadau-rā joma kenasidau maude bichimaa ānimara baa de-
abadau joma ārisidau. Ababuru m̄turu ɓeesii, maamina mɗ siɗa beɗai baita j̄ru panuu». ^{XIII}⁴ Maude Dachī Akōreba naka panausii: «Mɗɗa 7.000 ēbērarā mɗ baita nu uru ɓuu. Maarā Baal ^{XIV} daade ɗdarrɗee-
ba kobeɗakau». ^{XV}⁵ Ara mau k̄ra nau ewaride biɗa Dachī Akōreba ichi sōbiɗeɗeɗe dai judiorā āreawē
panuu nu uru ɓuu. ⁶ Maka Dachī Akōreba ichi sōbi-
ɗeɗeɗe adausiɗurā, daiba wau panuu kakua j̄ru
adaubai basii. Daiba wau panuu kakua j̄ru adau
ɓuasirā, makarā ichi sōbiɗeɗeɗe j̄ru adaubai basii.

⁷ ¿Mau ɗrubena saka k̄risia panuma? Israelɗebe-
narāba Dachī Akōre puuru baɗai j̄ru panasmina
makadaabasii. Maamina israelɗebenarā āreawē
panuuba ijāasiɗau, Dachī Akōreba j̄ru adausiɗeɗeɗe.
Waabenarāba ijāadai k̄riaɗaabasii. ⁸ Dachī Akōre
bedēade naka ɓu kubuu:

«Dachī Akōreba āchi k̄risia j̄rasii poyaa
kuitaarāɗamera, āchi dauba unuɗa poyaa
kuitaarāɗamera,

maude āchi k̄ruɗa ũriɗa poyaa kuitaarāɗamera.
Wabiɗa maka panuu». ^{XVI}

⁹ Maude judiorā rey Davidba mau ɗrubena Dachī Akōremaa jarasii:

X 10:19 Deuteronomio 32:21. XI 10:20 Isaías 65:1. XII 10:21 Isaías 65:2. XIII 11:3 1 Reyes 19:10,14. XIV Baal. Nabēraede cana-
neorāba āchi akōre Baalde ijāabachidau. XV 11:4 1 Reyes 19:18.
XVI 11:8 Isaías 29:10.

«Ächi kĳrajuu kobadau ewaride komaa panuude bichi-ba kastikaabai kĳrisiabiäse.

Maka ächi du aba setaa kĳruadaĳi änimara enabede baeduu kĳra. Maude ächi kastikase.

¹⁰ Ächi dau päriu nuree kĳra bæse ächiba unu panuu kuitaaräadamera. Maude ewaricha ärea bi'iwäe panabiäse». ^I

Dachi Aköreba judiowäerä karibaäda

¹¹ Nau mĳba idĳiruu: ¿judioräba Cristo ida bæsiädeeba waa Dachi Aköre ome poyaa bi'ia nureadaabai panuka? ^{II} ;Makawäema! Maumaarä maka wausiädeeba Dachi Aköreba judiowäerä karibabarii. Maka judioräba jiwaadapeda ichi kĳriadaĳi. ¹² Judioräba Cristo ida bæsiädeeba ächi audeara Dachi Aköreba joma nau iujädeebena judiowäerä ärea kariba bæu. Maudeeba chi judiorä waya Dachi Aköre ome bi'ia paneeduu ewaride ¿Dachi Aköreba jomaurä bi'ia karibaabaika?

¹³ Mĳba judiowäerämaa nau jaraaruu. Mĳ Dachi Aköreba biäda bæsii, machimaa jaradeamera. Mau mĳba joma bi'ia wau kĳria bæu. ¹⁴ Mĳba judiowäerämaa jaradea bæudeeba kĳria bæu mĳ äbĳrarä judiorä biäda mau bedea üridai jiwaa panuu kĳra. Maka Dachi Aköreba ächidebena chi nuree karibai. ¹⁵ Dachi Aköreba judiorä ida bæsiideeba waabenarä nau iujädebenarä ichi ome bi'ia bæsii. Maudeeba Dachi Aköreba judiorä waya kĳria adauruude ¿jäärä ome kääre sakaima? Ächi siäda biudarä kĳra panada Dachi Aköre ome chokae nureadaĳi.

¹⁶ Trigo naa ea junaaduude pan wauadapeda mau pandebena Dachi Aköremaa aba deaduubĳrä, waabena pan siäda Dachi Aköredebĳ. Maude bakuru karr bi'ia bæubĳrä, chi bakuru jua siäda bi'ia nuree. ^{III}

¹⁷ Waabenarä judiorä Dachi Aköredebena awara paneesidau olivo bakuru jua tĳüda kĳra. Machi judiowäerä Dachi Aköreswäe panasidau olivo bakuru ichi du aba modede warida kĳra. Maamina machi äbĳrarä Dachi Akörederä paneesidau chi bakuru jua chi bæatudamaa kara nubüda kĳra. Maka jäabae Dachi Aköreba machi siäda kariba bæu judiorä kariba bæada kĳra. ^{IV}¹⁸ Maamina kĳrisiarästuru machi judiowäerä judiorä audeara Dachi Aköre daade bi'ia nuree. Kĳrabästuru machi chi karrdeeba chokae panuu. Chi karr machideeba chokae bæuwäe.

¹⁹ Aba machidebenaba jarai bæu: «Dachi Aköreba judiorä ida bæsii bakuru jua bæatüda kĳra, mĳ mau baku-

^I Ewaricha ärea bi'iwäe panabiäse. Griego bedeade naka bæ kubuu: ächi ekarr jürea bæse. Salmos 69:22-23. ^{II} Griego bedeade naka bæ kubuu: ¿judiorä drudapeda abaede bæedakau? ^{III} Ara mau kĳra joma judiorä Dachi Aköredebĳ, chi naa ijäapedaadaadeeba. ^{IV} Dachi Aköreba machi siäda kariba bæu judiorä kariba bæada kĳra. Griego bedeade naka bæ kubuu: Machi siäda bakuru bæa chi kardebenena nee bæudeeba bi'ia panuu.

ruude kara nubüi baita». ²⁰ Biawära maka bæu. Maamina Dachi Aköreba ächi ida bæsii Cristode ijäadaabasiideeba. Maabae machi jĳrĳ adausii Cristode ijäasiädeeba. Maudeeba machi judiorä audeara bi'ia nuree kĳrisiarästuru, maumaarä Dachi Aköre wapead-ee panästuru. ²¹ Judioräba ijäadawëa panuu kakua Dachi Aköreba ächi ida bæsii bakuru jua bæatuuuu kĳra. Ara mau kĳra machi judiowäeräba ijäadawëebĳrä, Dachi Aköreba machi siäda ida bæi.

²² Ärea kĳrisiästuru saka Dachi Aköreba ichi söbiädeeba karibabarii maude saka kastikabarii. Judioräba ijäadaabasiideeba Dachi Aköreba kastikapeda ächi ida bæsii. Maude machi judiowäerä ichi söbiädeeba kariba bæu maude kariba bæai. Maamina maudeeba panadaĳi panuu. Machiba ijäa panadawëebĳrä, Dachi Aköreba machi siäda kastikapeda ida bæi bakuru jua bæatuuuu kĳra. ²³ Maude chi judiorä Cristode ijäadawëa panu-uräba ijäaduubĳrä, Dachi Aköreba ächi waya kĳria adau ichi poyadeeba chi bakuru jua tĳüdamaa waya kara nubüuruu kĳra. ²⁴ Biawära machi judiowäerä olivo bakuru ichi du aba modede warida kĳra panasidau. Dachi Aköreba mau bakurudebena tĳüpeda olivo bakuru uudamaa kara nubüsii. Maka bæabai bæmina Dachi Aköreba wausii. Maudeeba ¿judiorä waya poyaa kĳria adauwëka chi uüda bakuru jua waya kara nubüuruu kĳra?

Dachi Aköreba joma israeldebenarä karibai

²⁵ Äbarä, mĳba kĳria bæu Dachi Aköreba ne naede kuitaabiwäa bæada machiba kuitadaĳi. Maka judiorä audeara bi'ia nuree kĳrisiädaabai. Dachi Aköreba naede kuitaabiwäa bæada naubĳ: ärea judiorä sö chaarea paneesidau maude maka paneedaĳi aba joma chi Cristode ijäadaĳi panuu judiowäeräba ijäaduüda.

²⁶ Maka Israel puuru Dachi Aköreba joma karibai. Dachi Aköre bedeade naka bæ kubuu:

«Dachi Karibabarii Sĳon puurudebena neei. ^V
Ichiba Jacobdebena imipedäada chi kachirua waubadau äyaa bæi.

²⁷ Mĳba ächi ome bedea deai. Ächiba kachirua waupedaada perdonai». ^{VI}

²⁸ Judioräba chi bedea bia Jesús ürbena ida bæ panuudeeba Dachi Aköre ome chi kĳramaabĳ. Maudeeba machi judiowäerä äbĳrarä Dachi Akörederä poyaa nureadaĳi. Maamina Dachi Aköreba ächi nabĳraedebenarä jĳrĳ adausiideeba wabiäda kĳria bæu. ²⁹ Biawära Dachi Aköreba deada juakaa adaukau. Ichiba iüda ida bækau. ³⁰ Machi judiowäeräba naede Dachi Akörede ijäadakau basii. Maamina judioräba ijäadawëa panuudeeba jäabae Dachi Aköreba machi kĳra chuburia bæu. ³¹ Maaräba jäabae ijäadakau, Dachi Aköreba kĳra

^V Sĳon puuru ara mau «Jerusalén» abadau. ^{VI} 11:27 Isaiäs 59:20-21; 27:9.

chuburiamera machi judiowäerä kīra chuburia ʘuu kīra. ¹³² Biawāra Dachī Akōreba joma jūakuasii ūrib-abaswāe nuredeeba. Maka wausii joma kīra chuburi-ai baita.

³³ Dachī Akōre ārea kuitaa nii maude kīrisia kuitaa nii.

Ichiba wauī kīrisia ʘuu aba biāa poyaa kuitaadaabai. Ichiba wau ʘuu siāa poyaa kuitaadaabai.

³⁴ «¿Kaiba Dachī Mechiu kīrisia kuitaa ʘuma? ¿Kaiba ichimaa kīrisia jaradeaima?

³⁵ ¿Kaiba Dachī Akōremaa naa deasma, waya deamera?»

³⁶ Dachī Akōreburu ne joma wausii. Ne joma ichideeba ʘuu maude ichi baita ʘuu.

Dachiba ewaricha ichimaa bi'ia berreadai panuu. Bi'ia ʘuu maka ʘuai.

Dachī Akōre baita panásturu

12 Mauba ābarā, Dachī Akōreba machi kīra chuburiasideeba, mēba machimaa chi chuburia idiiruu ara machi Dachī Akōremaa deadamera, ānimara baa deabadau kīra. Mau ānimara biūda audeara, ichi baita bi'ia panásturu machi bi'ia unumera. ² Nau iujāadebenarāba waubadau kīra nibarásturu, maumaarā kīrisia wiđi Dachī Akōreba dea ʘuu kakua jipa nibásturu. Maka machiba kuitaadaai chi Dachī Akōreba kīria ʘuu. Joma ichiba kīria ʘuu bi'ia ʘuu, jipa ʘuu maude ichiba bi'ia unu ʘuu.

³ Dachī Akōreba ichi sōbiadeeba mē ʘusii ichi baita ne wau ʘuamera. Maudeeba mēba machimaa nau jaraaru: abau biāa kīrisiabai ʘuu ara ichi chi mechiu nii. Machiba Cristode ijāapeadaadeeba Dachī Akōreba machicha a'awaraa deasii ne wauamera. Maudeeba ichiba deada kīra machiba wau panuu bi'ia kīrisiásturu. ⁴ Dachī kakua aba ʘumina dachi kakuade ārea panuu: jua, jūr, boro, maucha ne joma. Maamina dachi kakuade nureerāba arabaude wauakau. ⁵ Ara mau kīra dachi ārea panumina, Cristo ome panuudeeba kakua ababuru nii kīra panuu. Maka dachi joma kakua abade ābua panuu.

⁶ Dachī Akōreba ichi sōbiadeeba dachicha ne wauamera a'awaraa deasii. Ichiba chi nureerāmaa deasii ichi baita berreadamera. Maka deakasiiburā, āchiba biawāra ijāa panuudeeba maka berreadai panuu. ⁷ Chi nureerāmaa deasii waabenarā aidadamera. Maka deakasiiburā, waabenarā aidadai panuu. Chi nureerāmaa deasii ichi beđa jaradeadamera. Maka deakasiiburā, ichi beđa jaradeadai panuu. ⁸ Chi nureerāmaa deasii ābarā aida panuudeeba bi'ia ijāadamera. Maka deakasiiburā, ābarā aidadai panuu bi'ia ijāadamera. Chi nureerāmaa deasii ne kae-

bea dea panuudeeba waabenarā aidadamera. Maka deakasiiburā, sōbiadeeba deadai panuu. Chi nureerāmaa deasii chi ijāabadaurā jaradea ua ʘuabarii nureadamera. Maka deakasiiburā, jipa wau nureadai panuu. Maude chi nureerāmaa deasii waabenarā kīra chuburiadamera. Maka deakasiiburā, kīra-juudeeba kīra chuburiadai panuu.

⁹ Sōdeeba chiya kīria panásturu. Joma kachirua ida bústuru. Chi bia ārea wau panásturu. ¹⁰ Biawāra kīriadeeba chiya kīria panásturu. Kīrisia sōbiadeeba chiya wapeadee panásturu maude waabenarā ūrube-na bi'ia kīrisiásturu. ¹¹ Ko'oa panarásturu, maumaarā chokekea panásturu. Chi Dachī Mechiu Jesusba kīria ʘuu sōdeeba joma wáusturu. ¹² Dachī Akōredebena ne adoedai kuitaa panuudeeba kīrajū panásturu. Bi'i-wāe panuudee dauchia jāadua panásturu. Ewaricha Dachī Akōremaa ūtaa idísturu. ¹³ Ēbērarā Dachī Akōrederā chi nejarr barauwāe nuree aidásturu. Chi machi dede needuu bi'ia irsibísturu.

¹⁴ Chi machi kachirua wauđai baita wāraabadaurāmaa bi'ia berreásturu. Dachī Akōremaa ūtaa idísturu, ichiba waabenarā bi'ia panabiamera; ūtaa idirásturu ichiba āchi kachirua panabiamera. ¹⁵ Chi kīrajū nuree ome kīrajū panásturu. Chi kīra nomaa nuree ome kīra nomaa panásturu. ¹⁶ Jomaurā ome bi'ia panásturu. Waabenarā audeara bi'ia nuree kīrisiarásturu, maumaarā chi miichuburi nuree ome bi'ia panásturu. Kīrisiarásturu machiba waabenarā audeara bi'ia kuitaa panuu.

¹⁷ Abauba machi kachirua wauruubērā, ara mau kīra waurásturu. Jomaurā daade bi'ia wáusturu. ¹⁸ Machiba jūrústuru jomaurā ome jirukaraayuwāe panadai baita. ¹⁹ Ābarā, abauba machi kachirua wausiiburā ara mau kachirua waurásturu. Maumaarā ida bústuru Dachī Akōreba kastikamera. Dachī Akōre beđeade naka ʘu kubuu: «Mēaburu chi nebura kastikai. Jomaurāmaa deai āchiba waupeadaa kīra», a jara ʘuu Dachī Mechiuba. ^{II20} Maude Dachī Akōre beđeade naka ʘu kubuu: «Bichi kīramaabarii jarrbisia ʘuubērā kobise. Obisia ʘuubērā bania dease. Maka wauruubērā, ichi ārea kīra nejasia ʘuabii». ^{III21} Abauba machi kachirua wauruubērā ara mau kīra waurásturu. Maumaarā bi'ia wáusturu ichi kīra nejasiapeda ichiba kachirua wau ʘuu ida ʘuamera. ^{IV}

Chi jaradea ua ʘuabadaurā juade panásturu

13 Dachī jomaurā chi nau iujāadebena jaradea ua ʘuabadaurā juade panadai panuu Dachī Akōreba maarā ʘusideeba. Aba biāa wā'āe Dachī Akōreba ʘudawāe. ² Maudeeba chi nau iujāadebena jaradea ua

^{II 12:19 Deuteronomio 32:35. III Ārea kīra nejasia ʘuabii. Griego beđeade naka ʘu kubuu: tubuchia ichi boro ūr ʘui. Proverbios 25:21-22. IV Griego beđeade naka ʘu kubuu: Kachirua ida poyaabirāse, maumaarā bichiba bi'ia wau ʘuudeeba kachirua poyase.}

I Dachī Akōreba kīra chuburiamera. Griego beđeade waabena kar-tade naka ʘu kubuu: jāabae Dachī Akōreba kīra chuburiamera.

buabadaurã kũriawẽa buuba Dachí Akõreba buada kũriawẽa buu. Chi maka kũriawẽa nuree áchi jaradea ua buabariiba nebura kastikakuai. ³ Biawãra chi jipa wau nureerãba áchi karrba kastikai wapeadaku, mau-maarã chi kachirua waubadaurãba maarã wa-peabadau. Mauðeeba machi karrarã wapeawẽa panadai kũria panuuburã, bi'ia wáusturu áchiba bi'ia unudamera. ⁴ Biawãra machi jaradea ua buabadaurã Dachí Akõreba ichi baita bari trajabadaurã kãra busii machi aidaamera. Maamina machiba kachirua wauduuburã, maarã wapeásturu biawãra área kastikadai panuudeeba. ¹ Áchi Dachí Akõre baita bari trajabadaurã kãra nuree kachirua wau nuree kastikadai baita. ⁵ Mauðeeba machi nau iujãadebena jaradea ua buabadaurã juade nureadai panuu kastikabiarãadamera. Mau awara áchi juade nureadai panuu, kuitaa panuudeeba maka waudai jipa buu. ⁶ Mauðeeba machiba chi karrarãmaa deabadau nejarra deadai panuu, áchi Dachí Akõre baita bari trajabadaurã kãra panuudeeba, maude maka waubadaudeeba.

⁷ Jomaurãmaa deásturu machiba áchicha deadai panuu kãra. Machi jaradea ua buabadaurãmaa chi nejarra deadai panuu deásturu. Machiba wapeadee panadai panuu wapeadee panásturu. Machiba chi bi'ia jaradai panuurãmaa bi'ia jarásturu.

⁸ Machiba chi deadai panuu uru panuuburã, waya deadawẽa panarásturu. Ababuru chiya kũria panásturu. Chi waabenarã kũria buuba joma Moisesba buada wau buu. ⁹ Mau Moisesba buadade jara buu: «Junebena miakãida ome kãí beerãse, mia bearãse, nechiruarãse, abauba uru buu kũriarãse». ^{II} Mau bedea maude joma mau Moisesba buadade jara buu sida nau kũrisia abade joma jara buu: «Waabenarã kũriãse ara bichi kũria buu kãra». ^{III}¹⁰ Chi kũria uru buuba waabenarã kachirua waukau. Waabenarã kũria buude joma Moisesba buada wau buu.

¹¹ Joma mau wau panásturu kuitaa panuudeeba nau ewari saka buu. Ūrãmásturu. Waa kãí duanarásturu. Dachí nau iujãa kachiruaðebena karibai aude ara kaita buu dachiba naede ijãapedaada audeara. ¹² Nau ewari kachirua wã'ãemaa buu esabudebena ewarimaa buu kãra. Mauðeeba dachiba kachirua ida budepada bi'ia waudai panuu. Maka kachiruaðebena joma nu panadai kokoroaba ichi ũrũ chaarea buu jũbarii áyadaa jũ buu kãra. ¹³ Dachí kãra jipa nibadai panuu áyadaa nibabadau kãra. Kãrajũũ waubadau ewariðe biu nibadaabai panuu, kãra nejasia wau nibadaabai panuu, oa kachirua berrea panadaabai panuu, maude abauba uru buu ũrũbena kachirua kũrisiaðabai panuu. ¹⁴ Maumaarã Dachí Mechiu Jesucristo nibada kãra

I Biawãra área kastikadai panuudeeba. Griego bedeaðe naka bu kubuu: espada bari uru buakau. II 13:9 Éxodo 20:13-15,17. III 13:9 Levítico 19:18.

nibásturu. Nau kakuaba kachirua wau kũria buu waudai kũrisiarásturu.

Ábarã ũrũbena kachirua jaradaabai panuu

14 Aba ábaba dachiba Jesucristode ijãa panuu ũrũbena wabiða área kuitaawẽa buuburã, ichi bi'ia irsibísturu. Maamina ichiba adua buu ũrũbena ichi ome oa kachirua berrearásturu. ² Mũuba nau jara buu: chi nuree ábarãba kuitaa panuu ne joma kodai panuu. Maamina chi nuree ábarãba dachiba Jesucristode ijãa panuu ũrũbena wabiða área kuitaawẽa panuudeeba kũrisia panuu ababuru ne uu nubudebena kodai panuu. ³ Maamina chi ne joma kobariiba chi ne joma kokau ida buubai buu. Maude chi ne joma kokauba ne joma kobariimaa kachirua jaraabai buu, Dachí Akõreba omea bi'ia irsibisiideeba. ⁴ ¿Bichi kaima maka abau baita bari trajabariimaa kachirua jarai baita? Ichi chibarĩburu jarai bi'ia wau buu maeburã kachirua wau buu. Maamina Dachí Mechiuba jarai joma ichi baita bari trajabadaurãba bi'ia wau panuu, ichi poyaaðeeba aida buudeeba bi'ia wau panadamera.

⁵ Maude chi nuree ábarãba kũrisia panuu bari panabadau ewari aude bibuara buu waabenarã ewari audeara. Waabenarã ábarãba kũrisia panuu ewari joma arabauðe panuu. Maamina áchicha sodeeba kũrisia panuu kãra, maka waudai panuu. ⁶ Chi bari panabadau nubariiba Dachí Mechiu baita maka wau buu. ^{IV} Chi ne joma kobariiba maka kobarii Dachí Mechiu wapeadee buudeeba. Mauðeeba kooruude ichiba Dachí Akõremaa ichíturu kiðibai abarii. Maude chi ne joma kokauba maka kokau Dachí Mechiu wapeadee buudeeba. Mauðeeba kooruude ichia biða Dachí Akõremaa ichíturu kiðibai abarii.

⁷ Aba biða ara ichiðeeba chokae buabai. Maude aba biða ara ichiðeeba biubai. ⁸ Chokae panuude Dachí Mechiu baita chokae panuu. Maude biuduude Dachí Mechiu baita biuðai. Maka chokae panuuburã maeburã biupedaadaburã Dachí Mechiuðebũ.

⁹ Cristo biusii, biuðarã Mechiu bai baita. Maude chokae jiradusii, chi chokae nuree Mechiu bai baita. ¹⁰ Mau kakua ¿sakãe bichi ába jidea buuma? ¿Sakãe jãu kãramaa buuma? Joma Dachí Akõre daade panadai dachicha waupedaada ichiamera. ^V¹¹ Dachí Akõre bedeaðe naka bu kubuu:

«Dachí Mechiuba naka jara buu: mũ biawãra chokae buudeeba biawãraðeeba jaraaruu jomaurã mũ daade òdarrde kopaneðai mũmmaa bi'ia berreaðai baita.

Maude jomaurãba "mũ Dachí Akõre" a jaradai». ^{VI}

IV Griego bedeaðe chi bee kartade nau sida bu kubuu: Bari panabadau ewari nukauba maka wau buu Dachí Mechiu baita. V Dachí Akõre. Griego bedeaðe chi bee kartade naka bu kubuu: Cristo. VI 14:11 Isaías 45:23.

¹² Maka dachicha waupedaada Dachii Akõremaa joma jarada. ¹³ Maudeeba abauba wau ßuu ðrubena waa kachirua berredaaba panuu. Maumaarã sõdeeba naka kãrisiaada panuu: dachiba wau panuudeeba äba aba biäa kachiruaäde bæbiäaaba panuu. ¹⁴ Mx Dachii Mechiu Jesucristo ome ßuudeeba biawãra kuitaa ßuu aba biäa chiko kachirua ßuuwãe. Maamina abauba barikia chiko koi kachirua kãrisiaruuburã, ichiba mau koobai ßuu. ¹⁵ Maudeeba chi bichiba kobarii kakua bichi äba ichi sõde kachirua beeruuburã, bichi kãriadeeba niuwãe. Chi bichiba kobarii kakua bichi äba kãra nomaabirãse Cristo mau kakua biusiideeba. ¹⁶ Machiba wau panuu bi'ia kuitaa panuu. Maamina waabenarãba mau ðrubena kachirua jaraaduuburã, waurãsturu kachirua berrearãadamera. ¹⁷ Dachii Akõreba ichi juade panuurãmaa jarakau kãare kodai panuu maude kãare dodai panuu. Maumaarã kãria ßuu ächiba ichi Jaurideeba jipa wau panadai, jirukaraayuwãe panadai maude kãrajuu panadai. ¹⁸ Chi maka Cristo baita ne waubadaurã Dachii Akõreba bi'ia unu ßuu. Èbërarã biäa mau bi'ia unubadau.

¹⁹ Maudeeba jurudai panuu äbarã ome jirukaraayuwãe nureada baita. Maka chiya aiäa panadai bi'ia ijãadai baita. ²⁰ Machiba chiko ko panuudeeba Dachii Akõreba abau sõde wauäa ida burãsturu. Biawãra Dachii Akõre daade chiko joma bi'ia ßuu. Maamina chi chiko kakua abau kachiruaäde bæbiäai bi'ia ßuuwãe. ²¹ Bi'ia ßuu kiuru koobai, uva bæa doobai, maeburã ne aba biäa waubai bichi äba kachiruaäde bæbirãamera.

²² Bichiba ne joma koi ßuu kãrisia ßuuburã, maeburã ne joma kokau kãrisia ßuuburã, aba bichiaburu Dachii Akõre omeeba mau kuitaada panuu. Biawãra dachiba wau panuu kakua dachii sõde kachirua kãrisiaadawëeburã, ärea kãrajuu panadai. ²³ Maamina chi «Nau koobai ßuu» a kãrisia ßuuba mau kooruuburã, ichi sõde kachirua bæei, mau kachirua wau ßuu kãrisia ßuudeeba. Biawãra chi dachiba wau panuu jipa ßuuwãe a kãrisia panuuburã, maka wauduude, kachirua wau panuu.

Waabenarã aiäasturu bi'ia panadamera

15 Dachiba ijãa panuu ðrubena ärea kuitaa nureerãba dachiba kãria panuu wauäai au-deara, chi adua nuree aiäadai panuu. ² Maumaarã waabenarãba kãria panuu wauäai panuu maarã bi'ia nureadamera maude bi'ia ijãadamera. ³ Biawãra Cristo biäa ara ichiba kãria ßuu waubasii, maumaarã Dachii Akõre bedeade ßu kubuu kãra makasii. Naka ßu kubuu: «Dachii Akõre, ächiba bichi ðrubena kachirua jarasidaude mx ðrubena siäa kachirua jarasidau». ¹⁴ Joma Dachii Akõre bedeade buäa dachimaa jaradeai

I 15:3 Salmos 69:9.

baita ßuu. Dachii sõbiabiabarii maude aiäabarii joma dauchia jäadua panadamera. Maka dachiba biawãra kuitaa panuu Dachii Akõre ome ewaricha bi'ia panadai. ⁵ Mxuba kãria ßuu ara mau dachii sõbia nureabiabarii maude joma dauchia jäadua panabiabarii Dachii Akõreba machi aiäa buai, arabauäde kãrisiaadamera Jesucristoba kãria ßuu kãra. ⁶ Maka machiba Dachii Bajãadebena Mechiu Jesucristo Akõremaa äbua bi'ia berrea panadai.

Bedeäa bia Cristo ðrubena judiowãerã baita biäa ßuu

⁷ Cristoba machi bi'ia irsiäa kãra, chiya bi'ia irsiäasturu. Mau unuuduude èbërarãba Dachii Akõremaa bi'ia berredai. ⁸ Mxuba jaraaru: Cristo neesii dai judiorã karibai baita. Dachii Akõreba judiorã nabëraedebena chi mechiurã ome bedeäa deäa Cristoba wausii. Mauba unubisii ichiba jara ßuu kãra wau buabarii. ⁹ Maude Cristo neesii judiowãerãba Dachii Akõremaa bi'ia berredamera ächi kãra chuburiasiideeba. Mau ðrubena Dachii Akõre bedeade naka ßu kubuu:

«Mxuba bichi judiowãerã täede bi'ia berrei. Mxuba bichimaa bi'ia karii». II

¹⁰ Maude naka ßu kubuu:

«Machi judiowãerã, Dachii Akõre puuru ome kãrajüsturu». III

¹¹ Maude naka ßu kubuu:

«Joma machi judiowãerã, Dachii Mechiumaa bi'ia berreasturu.

Joma puuru bæe, ichimaa bi'ia berreasturu». IV

¹² Maude Isaiasba ichi kartade naka ßusii:

«Isaiäebena aba neei. V Mau puuru bæe Mechiu bai.

Judiowãerãba ichide ijãadai joma chi bia esedau panuu ächimaa deamera». VI

¹³ Joma chi bia dachiba esedau panuu Dachii Akõreba deai. Machiba ichide ijãa panuudeeba mxuba kãria ßuu ichiba machi ärea kãrajubiai maude jirukaraayuwãe duanubiai. Maka Dachii Akõre Jauri poyadeeba machiba bi'ia kuitaada joma chi bia dachiba esedau panuu biawãra adauäai.

Pabloa judiowãerã jaradeabarii

¹⁴ Äbarã, mxuba kuitaa ßuu machiba bi'ia biawãra wau panuu maude ärea kuitaa panuudeeba poyaa chiya jaradeadai. ¹⁵ Maamina nau kartade mxuba chi bæe kãrisia ßusii machiba kãrabadamera. Maka ßusii Dachii Akõreba ichi sõbiadeeba mx ßusiideeba, ¹⁶ judiowãerã täede Jesucristo baita bari trajabarii buamera. Maudeeba chi bedeäa bia Dachii Akõre ðrubena maarãmaa jaradea ßuu. Ijãaduuburã paare judioba änimara baa dearuu kãra mxuba ächi Dachii Akõremaa

II Davidba maka ßusii Salmos 18:49de. III 15:10 Deuteronomio 32:43. IV 15:11 Salmos 117:1. V Isaiäebena. Isaiä judiorã rey David akõre basii. Chi bæe kartade Isaiä ara mau «jesé» abadau. VI 15:12 Isaiäs 11:10.

dea ʙuu bi'ia unumera. Maude Dachī Akõre Jauriba āchi Dachī Akõre baita bi'ia ʙui.

17 Jesucristo ome ʙuudeeba mʙuba Dachī Akõre baita wau ʙuu kakua ārea kīrajʙuu ʙuu. 18 Maamina ara mʙ ʙrʙena ne aba biɔa bi'ia berreabai. Bi'ia berrearuu Cristoba mʙuudeeba wauɔa ʙrʙenáturu. Biawāra mʙuudeeba Cristoba aiɔasii judiowāerāba Dachī Akõrede ijāadamera. Mʙuba jaradea ʙuudeeba, wau ʙuudeeba, 19 maude ēbērarāba ne poyaa wauɔakau wau ʙuudeeba maka aiɔasii. Mʙuba Dachī Akõre Jauri poyaaɔeeba joma mau wausii. Jerusalendebena Ilírico druadāa beɔea bia Cristo ʙrʙena mʙuba joma jaradeai ʙuadāmaa jaradeasii. 20 Biawāra chi beɔea bia Cristo ʙrʙena mʙuba jaradea kʙria ʙuu chi wabiɔa ʙriɔakaurāmaa. Abauba jaradea ʙuumaa mʙ traja kʙriawēma. 21 Maka mʙuba Dachī Akõre beɔeade ʙu kubuu kīra wau ʙuu. Naka ʙu kubuu: «Ichi ʙrʙena jaradawēa panuurāmaa, āchiba ʙriɔai. Ichi ʙrʙena ʙriɔawēa panuurāba kuitaɔai». I

Pablo Romadāa wāi kʙrisiada

22 Maudeeba ʙes ārea mʙ machimaa wā kʙria ʙumi-na poyaa wāwēa ʙuu. 23 Maamina namaria joma jaradeasiideeba ara nama kaita wā'āema sama Cristo ʙrʙena jaradeai. Ārea ba ʙuasii mʙ machi ichiade wāi kʙria ʙuasiideeba, 24 España druadāa wāaruude machimaa wāi kʙria ʙuu. Machi baara kīrajʙuu ʙuadāupeɔa kʙria ʙuu machiba poyaa aiɔadai mʙ bi'ia wāmera. 25 Jāabae mʙ Jerusalendāa wāi chi nejarra ēbērarā Dachī Akõreɔerāmaa deai baita. 26 Mau chi nejarra ābarā Macedonia druadebenarāba maude Acaya druadebenarāba kīrajʙuu araa pesiɔau ēbērarā Dachī Akõreɔerā Jerusalendebena chi nejarra barauwē nuree aiɔadai baita. 27 Mau ābarā judiowāerāba kīrajʙuu mau chi nejarra ābarā judiorā baita araa pesiɔau. Biawāra maka wauɔai panasiɔau judiorāmaa deɔai baraa panasiɔauɔeeba. Judiowāerāba ne joma bi'ia Dachī Akõre ʙrʙena judiorādebena adausiɔauɔeeba, ābarā judiorāmaa ne bia nau iujāadebena deɔai panuu. 28 Mau chi nejarra ābarā Jerusalendebenarāmaa dearuude mʙ España druadāa wāi. Wāaruude machimaa wāi. 29 Mʙuba kuitaa ʙuu machimaa neeruude Cristoba dachi ārea aiɔai. II

30 Ābarā, Dachī Akõre Jauriɔeeba dachi chiya kʙria panuu. Maudeeba Dachī Mechiu Jesucristoɔeeba mʙuba machimaa chi chuburia iɔiiruu mʙ aiɔadai Dachī Akõremaa ʙtaa iɔiɔamera. 31 Ichimaa ʙtaa iɔiɔsturu Judea druadebena Jesusɔe ijāadakaurāba mʙ kachirua waurāadamera. Maude ʙtaa iɔiɔsturu mʙuba chi nejarra ēbērarā Dachī Akõreɔerā Jerusalendebenarā baita adoeruu bi'ia adauɔamera. 32 Maka Dachī Akõreba

kʙriaruubērā, mʙ machimaa kīrajʙuu wāi maude machi tēɔe bi'ia kʙrrjīru ʙuai. 33 Mʙuba kʙria ʙuu chi Dachī Akõre dachi jirukaraayuwāe duanabiabarii joma machi baara ʙuai. Bi'ia ʙuu maka ʙuai.

Pabloa nau kartade aanama ʙuɔa

16 Mʙuba machimaa dachi neekau Febe ʙrʙena bi'ia jaraaruu. Ichi Cencrea puuruude ijāabadaurā aiɔabariibʙ. III2 Dachī Mechiu trūdeeba bi'ia irsiɔisturu ēbērarā Dachī Akõreɔerāba wauɔai panuu kīra. Ichiba ēbērarā ārea aiɔasii. Mʙ siɔa ārea aiɔasii. Maudeeba ne jomade ichi aiɔásturu.

3 Neekau Priscilamaa maude āba Aquilamaa jarásturu mʙuba kʙria ʙuu maarā bi'ia panadai. Āchiba mʙ ome arabau traju Jesucristoɔe wau panuu. 4 Beraa biukausiɔau mʙ aiɔadai baita. Mʙuba maude joma ābarā judiowāerāba āchimaa āchíturu kidibai abadau. 5 Maude ābarā āchi deɔe araa āɔua imibadaurāmaa jarásturu mʙuba kʙria ʙuu āchi bi'ia duanaɔai. Mʙ āba ārea kʙria ʙuu Epenetomaa ara mau kīra jarásturu. Acaya druade ichiba naa Jesucristoɔe ijāasii.

6 Neekau Mariamaa jarásturu mʙuba kʙria ʙuu ichi bi'ia ʙuai. Ichiba machi ārea aiɔa ʙuu. 7 Mʙ ābarā judiorā Andronicomaa maude Juniamaa ara mau kīra jarásturu. Waabenarā bi'ia kuitaa panuu maarā Cristoba ʙuɔdarā. Mʙuba Cristoɔe ijāai naeɔe maarāba ijāasiɔau.

8 Mʙ āba Ampliasmaa jarásturu mʙuba kʙria ʙuu ichi bi'ia ʙuai. Dachī Mechiu Jesucristoɔe, mʙuba ichi ārea kʙria ʙuu. 9 Āba Urbanomaa jarásturu mʙuba kʙria ʙuu ichi bi'ia ʙuai. Ichiba dai ome āɔua Jesucristo ʙrʙena jaradea ʙuu. Āba Estaquismaa biɔa ara mau jarásturu. Ichi siɔa mʙuba kʙria ʙuu. 10 Āba Apellesmaa jarásturu mʙuba kʙria ʙuu ichi bi'ia ʙuai. Ichiba unubisii Cristo biawāra ijāa ʙuu. Joma Aristóbulo deɔebenarāmaa biɔa ara mau kīra jarásturu. 11 Mʙ āba judio Herodionmaa jarásturu mʙuba kʙria ʙuu ichi bi'ia ʙuai. Narciso deɔebenarā Dachī Mechiuɔe ijāa nureerāmaa jarásturu mʙuba kʙria ʙuu āchi bi'ia duanaɔai. 12 Neekau Trifenamaa maude Trifosamaa jarásturu mʙuba kʙria ʙuu maarā bi'ia panadai. Āchiba Dachī Mechiu baita bi'ia wau panuu. Maude neekau Persidamaa ara mau jarásturu. Mauba Dachī Mechiu baita bi'ia wau ʙuu. 13 Āba Rufo Dachī Mechiuba jʙrʙ adauɔamera maude ichi nawemaa jarásturu mʙuba kʙria ʙuu maarā bi'ia panadai. Ichi nawe mʙ nawe kīra nii. 14 Āba Asincritomaa, Flegontemaa, Hermesmaa, Patrobasmaa, Hermasmaa maude ābarā āchi ome duanuumaa jarásturu mʙuba kʙria ʙuu āchi bi'ia duanaɔai. 15 Maude āba Filologomaa, Juliamaa, Olimpasmaa, Nereomaa, ichi neekuumaa maude joma ēbērarā

I 15:21 Isaías 52:15. II Cristoba. Griego beɔeade chi bee kartade ʙu kubuu: beɔea bia Cristo ʙrʙena.

III Ijāabadaurā aiɔabariibʙ. Griego beɔeade naka ʙu kubuu: diácono. Febe wēra basii. Maudeeba kajuma beɔeade «diacónisa» a jarabadau.

Dachi Akõrederã ächi ome duanuuma jarásturu m̄ba k̄ria b̄u ächi bi'ia duanaðai. ¹⁶ Biawãra k̄riaðeeba chiya bi'ia berreásturu. ^I Joma Cristo ëbërarãba k̄ria panuu machi bi'ia duanaðai.

¹⁷ Äbarã, m̄ba machimaa chi chuburia idiiruu kauwa nureaðamera. Waabenarãba äbarãmaa a'awaraa k̄risiabiabadau. Chi machiba biawãra bedea kuitaapedaada ächiba äyaa jaradeabadau. Mau ëbërarã ome äbua panarásturu. ¹⁸ Maarãba Dachi Mechiu Jesucristoba k̄ria b̄u wau panuwãe, mau maarã ächiba k̄ria panuu wau panuu. Ächi mipitaa berrea panuudeeba, chi bi'ia k̄risiadaawëa nuree setaa k̄ruabadau.

¹⁹ Jomaurãba kuitaa panuu machiba Dachi Akõre bedea biawãra wau panuu. Maudeeba m̄ k̄iraj̄u b̄u. Biawãra m̄ba k̄ria b̄u machiba bi'ia wauðai kuitaadau maude kachirua wauðabai. ²⁰ Chi dachi jirukaraayuwãe b̄abiabarii Dachi Akõreba kã'ãabariwãede Satanás poyaapeda machi juade b̄u. ^{II} M̄ba k̄ria b̄u Dachi Mechiu Jesucristoba ichi sõbiadeeba machi aida b̄u.

²¹ Äba Timoteo m̄ ome äbua jaradea b̄uba k̄ria b̄u machi bi'ia duanaðai. Maude m̄ äbarã judiorã

I Biawãra k̄riaðeeba chiya bi'ia berreásturu. Griego bedeaðe naka b̄u kub̄u: k̄iedarr üyásturu. II Satanás poyaapeda machi juade b̄u. Griego bedeaðe naka b̄u kub̄u: j̄ubawãe nii machi j̄uru ekare berduai.

Lucioba, Jasonba maude Sosipateroba k̄ria panuu machi bi'ia duanaðai.

²² M̄ Terciob̄. Pabloba berrea b̄u m̄ba nau kartade b̄umaa b̄u. Dachi Mechiu Jesucristodeeba m̄ba k̄ria b̄u machi bi'ia duanaðai.

²³ Äba Gayo biäa k̄ria b̄u machi bi'ia duanaðai. M̄ ichi dede b̄u. Äbarã jomaurã ichi dede araa äbua imi panuu. Nau puurudebena chi nejarra nubarii Erastoba maude äba Cuarto k̄ria panuu machi bi'ia duanaðai.

²⁴ M̄ba k̄ria b̄u Dachi Mechiu Jesucristoba ichi sõbiadeeba machi aida b̄u.

Pabloba Dachi Akõremaa bi'ia jarada

²⁵⁻²⁶ M̄ba chi bedea bia Jesús ürubena jaradea b̄abarii. Ara mau bedeaðeeba Dachi Akõreba machi poyaa aida chaarea nureaðamera. Mau bedea Dachi Akõreba naede kuitaabiawëa b̄asii maamina idibae kuitaabiasii. Ichi baita berreabadaurãba mau kartade b̄sidau. Dachi Akõre biukauba maka b̄biasii druchadebenarãba üridapeda Jesucristode ijãaðamera. Dachi Akõremaa bi'ia berreaðai panuu. ²⁷ Ichi ababuru nii. Ne joma kuitaa nii. Jesucristodeeba dachiba ewaricha ichimaa bi'ia berreaðai panuu. Bi'ia b̄u maka b̄u.

1 CORINTIOS

Pabloba nau karta ābarā Corinto puuruḁebenarā baita b̄usii. Mau año 55ḁe Éfeso puuruḁebena urub̄usii. Pabloba Corintode chi beḁea bia Jesús ūrubena naa jaradeasii (). Chi judiorā araa ābua imibadau deḁe jaradea b̄uudeeba chi nuree judiorāba ijāasidau. Maabae junebena judiorāba Pablo duab̄usidaude junebena deḁe jaradea kobeesii. Maka b̄uude waabenarā griegorāba ijāasidau. Pablo Corintode año aba y medio b̄usii. Corinto puuru mechiu b̄usii. Ēbērarā 600.000 baidia duanasidau. Mau awara āchi Dachī Akōre kuenda juaba ne kapeḁaada k̄riabadau de ārea uru panasidau. Maamina maarāde ijāadau baita mia pera kachirua waubachidau. Chi nureerāba Jesucristode ijāasidamina wabiḁa āibena ome kāi paneebachidau. Mau awara ābarā tāede neb̄ura maucha baraasii.

Naa Pabloba maarā iadaasii āchi chiya jiwaa berreyaa panuudeeba (). Mawāare b̄usii mia pera wau ni-barāadamera (). Mawāare chi ābarāba kartade naede idipeḁaada Pabloba panausii. Capítulo 7ḁe miakāidai ūrubena idipeḁaada panausii. Capítulo 8ḁebena aba 11ḁaa panausii chi Dachī Akōre kuenda juaba ne kapeḁaada baita saka wauḁai panuu ūrubena. Capítulo 12ḁebena aba 14ḁaa Dachī Akōre Jauriba wauḁi b̄uu ūrubena panausii.

Corintode waabenarāba dachi chokae jiraduḁai ūrubena bi'iwāe k̄risia panasidaudeeba Pabloba capítulo mau ūrubena b̄usii. Capítulo b̄usii saka chi nejarra peḁai panuu mauḁe āchi ichiade wāi.

Nau kartade Pabloba naa b̄uda

1 M̄ Pablob̄. Dachī Akōreba ichi k̄riadeeba m̄ iusii Jesucristoba b̄uḁa b̄uamera. Dachī āba Sóstenes m̄ ome b̄uu. **2** M̄uba nau karta b̄uuruu chi ēbērarā Dachī Akōreḁerā Corintodebena baita. Jesucristodeeba Dachī Akōreba machi awara b̄usii ichi baita bi'ia nureadamera. Ara mau k̄ira ichiba druacha joma Dachī Mechiu Jesucristomaa ūtaa idibadaurā awara b̄usii. Ichimaarā Mechiub̄u mauḁe Dachī Mechiub̄u. **3** Daiba k̄ria panuu Dachī Bajāadebena Akōreba mauḁe Dachī Mechiu Jesucristo āchi sōbiadeeba machi kariba panadau mauḁe jirukaraayuwāe panabiadau.

Pabloba ābarā baita Dachī Akōremaa ichituru kiḁibai ada

4 Machi Jesucristo ome panuudeeba Dachī Akōreba ichi sōbiadeeba aida b̄uu. Mauḁeeba m̄uba Dachī Akōremaa ūtaa idiiuruu machi kakua ichituru kiḁibai abarii. **5** Jesucristo ome panuudeeba Dachī Akōreba machimaa joma deasii bi'ia wauḁamera. Ichi beḁea poyaa kuitaa jaradea panadau mauḁe ichi ūrubena poyaa ārea kuitaa panadau. **6** Joma Dachī Akōreba machimaa deadeba unubi b̄uu chi Cristo ūrubena beḁea daiba jaradeapeḁaada biawāra ara b̄uu. **7** Machiba Dachī Mechiu Jesucristo unuḁai baita eseḁau panuumisa, Dachī Akōreba ichi Jaurideeba dea b̄uu joma uru panuu. **8** Mauḁeeba Dachī Akōreba machi meserāa dea ua b̄uai aba nau ewari wā'āeruda. Maka Dachī Mechiu Jesucristo neeruḁe machi

ūrubena kachirua jaradayuswāe nureadau. **9** Dachī Akōreba ara ichiba jara b̄uu k̄ira waubarii. Ichiba machi iusii ichi Warr Dachī Mechiu Jesucristo ome ābua nureadamera.

Ābarā āchi kakawaa k̄risia uru panada ūrubena

10 Ābarā, Dachī Mechiu Jesucristodeeba m̄uba machimaa chi chuburia idiiuruu ābua bi'ia duanaḁamera. Machi k̄risia kakawaa uru panadaabai panuu, maumaarā k̄risia abauḁe ābua bi'ia duanaḁai panuu. **11** Ābarā, m̄uba ūrisideeba maka jara b̄uu. Neekau Cloé dedebenarāba m̄umaa jarasidau machi ijara berrea duanabadau. **12** Mau ūrubena bi'ia jaraaru. Waabenarā machidebenarāba jarabadau: «M̄ Pablob̄e». Waabenarāba jarabadau: «M̄ Apolosḁe». Waabenarāba jarabadau: «M̄ Pedroḁe». **1** Mauḁe waabenarāba jarabadau: «M̄ Cristode». **13** Makarā ¿Cristorā āreaka? ¿M̄ machi kakua cruzḁe jirab̄usidaka? ¿Machi m̄ tr̄ude boro easidaka? ¿Makawāema! **14** M̄uba aba biḁa machidebena boro eabasiideeba k̄iraj̄uu b̄uu. M̄uba aba Crispo mauḁe Gayóturu boro easii. **15** Maka abau biḁa poyaa jarawēe m̄ tr̄ude boro eada. **16** Mauḁe m̄uba āba Estéfanos dedebenarā siḁa boro easii. Maarā awara waabenarā boro easi-iburā m̄uba k̄rabawēma. **17** Cristoba m̄ b̄ubasii ēbērarā boro ea b̄uamera, maumaarā b̄usii chi beḁea bia ichi ūrubena jaradeamera. Nau iujāadebena k̄risia kuitaadeeba jaradeawēa b̄uu, Cristo cruzḁe bi-uda poyaswāe beerāamera.

I Pedro. Griego beḁeade naka b̄u kubuu: Cefas.

Cristo, Dachí Akõre kûrisia kuitaa mauðe poyaabarii

¹⁸ Chi tûbûchia kiikauðaa wãðai ëbërarãmaarã, Cristo cruzde biuða ùrûbena beðea kîranema berrea bûu. Maamina dachi, chi Dachí Akõreba karibabadaurã, dachiba kuitaa panuu mau beðeaba Dachí Akõre poyaabarii kuitaabia bûu. ¹⁹ Dachí Akõre beðeade naka bû kubûu:

«Chi ãrea kuitaa nuree kûrisia kuitaa, mûuba bi'iwãe bûu unubiai. Chi kûrisia kuitaa nureerãba wauðai kûrisia panuu ida kabiabai». ^I

²⁰ Biawãra Dachí Akõreba nau iujãaðebena kûrisia kuitaa bi'iwãe bûu kuitaabiasii. Mauðeeba ¿chi ãrea kuitaa nuree kãare sãasma? ¿Chi Moisesba buða jaradeabadaurã kãare sãasma? ¿Chi iðibaebena kûrisia kuitaadeeba berrebadaurã kãare sãasma? ²¹ Dachí Akõreba ichi kûrisia kuitaadeeba wauðaba, ara ichi unubia bûu. Maamina nau iujãaðebenarãba ara ãchi kûrisia kuitaadeeba ichi unuðakau. ^{II} Chi daiba jaradea panuu kîra kawawãa bûu kîra bûmina Dachí Akõre-maarã bibuara bûu mauðeeba joma chi ichiðe ijãadu karibai.

²² Chi judiorãba, Cristode ijãaðai baita, ëbërarãba ne poyaa wauðakau unu kûriabadau. Chi judiowãerãba nau iujãaðebena kûrisia kuitaa jûrûbadau. ²³ Maamina daiba Cristo cruzde biuða jaradea panuu. Mau beðea judiorãba bi'ia ùriðakau. Judiowãerãba mau bi'iwãe bûu kûrisiabadau. ²⁴ Maamina Dachí Akõreba chi nuree judiorã mauðe chi nuree judiowãerã iusii Cristodeeba karibai baita. Maarãba kuitaa panuu Dachí Akõreba Cristodeeba chi poyaabarii mauðe kûrisia kuitaa unubiasii. ²⁵ Ëbërarãmaarã Cristo cruzde busiideeba Dachí Akõre kuitaawãe nii mauðe meserãaswãe nii. Maamina ne adua nii kîra bûmina Dachí Akõre joma nau iujãaðebenarã audeara ne kuitaa nii. Mauðe meserãaswãe nii kîra bûmina joma nau iujãaðebenarã audeara meserãa nii.

²⁶ Åbarã, kûrisiásturu Dachí Akõreba machi adausi-ide saka nureasii. Ëbërarãmaarã ãrea machiðebena ne kuitaa nureaðaabasii, chi jaradea ua bûabadaurã nureaðaabasii mauðe chi nejarrã barau nureeðebena neeðaabasii. ²⁷ Mauðeeba chi ne kuitaa nureerãmaarã machi ne adua nuree. Maamina Dachí Akõreba chi ne adua nuree jûrû adausii chi ne kuitaa nuree kîrakayaðamera. Dachí Akõreba chi meserãaswãe nuree jûrû adausii chi meserãa nuree kîrakayaðamera. ²⁸ Nau iujãaðebenarãba chi nejarrã barauwãe nuree abadau mauðe chi maarãba ida bûbadau Dachí Akõreba jûrû adausii. Maka chi mechiuwãe nuree jûrû adausii chi mechiu nuree chi nejarrã barauwãe nureaðai bûi baita. ²⁹ Mauðeeba abau biða ara ichi ùrûbena

^I 1:19 *Isaías 29:14.* ^{II} *Griego beðeade mauba nau siða jara bûu Dachí Akõreba ichi kûrisia kuitaadeeba busii ëbërarãba nau iujãaðebena kûrisia kuitaadeeba ichi poyaa kuitaarãaðamera.*

Dachí Akõre daaðe poyaa bi'ia berreawëma.

³⁰ Maawãa Dachí Akõreba machi Jesucristo ome ãbua bûsii. Maka Cristodeeba Dachí Akõreba ichi kûrisia kuitaa dachimaa kuitaabiasii. Ichiba dachi jipa bûsii, ara ichi baita bi'ia bûsii, mauðe kachiruaðebena karibasii. ³¹ Mauðeeba Dachí Akõre beðeade naka bû kubûu kîra dachiba wauðai panuu: «Abauba bi'ia berrearuuburã, Dachí Mechiu ùrûbena bi'ia berrei bûu». ^{III}

Cristo cruzde biuða ùrûbena Pabloba jaradeaða

² Åbarã, mûuba Dachí Akõre ùrûbena machimaa jaradeaðe wãsiide berrea mipitaa berrea bûuðeeba mû kûrisia kuitaadeeba ne aba biða jaradeabasii. ² Machi tãede bûasiide mûuba ababuru Jesucristo ùrûbena mauðe ichi cruzde beapedaða kuitaabiai kûria bûasii. ³ Mauðe mû meserãaswãe bûu kûrisiasii. Mauðe poyaa bi'ia jaradeawëe kûrisia bûasiideeba wapeaba chi kakua uri bûabachii. ⁴ Mûuba Jesús ùrûbena jaradea bûasiide mû kûrisia kuitaadeeba maka waubasii machiba ijãaðamera. Maumaarã Dachí Akõre Jauriba ichi poyaaðeeba kuitaabiasii mau beðea biawãra. ⁵ Maka machiba nau iujãaðebena kûrisia kuitaadeeba Jesucristode ijãaðaabasii, maumaarã Dachí Akõre poyaaðeeba ijãasiðau.

Chi Dachí Akõreba naede kuitabiawëa buaða ichi Jauriideeba kuitabiada

⁶ Maka bûuðe daiba jaradea panuu chi Dachí Akõrede ãrea ijãa nureemaa. Åchi baita mau jaradea panuu chi kûrisia kuitaabû. Mau kûrisia kuitaa nau iujãaðebenawãema mauðe nau iujãaðebena karrarã kûrisia kuitaawãema. Maarã ãrea panaðaabai. ⁷ Daiba chi Dachí Akõre kûrisia kuitaa naede kuitabiawëa buaða jaradea panuu. Nau iujãa wau naede Dachí Akõreba mau kûrisia kuitaadeeba ne wau bûsii dachi ichi ome ãbua bi'ia nureaðamera. ⁸ Chi nau iujãaðebena karrarã abau biða mau kûrisia kuitaa kuitaaðaabasii. Kuitaa panaða basirã, Dachí Mechiu bi'ia nii cruzde beaðaabai basii. ⁹ Maamina kuitaaðaabasii Dachí Akõre beðeade naka bû kubûu kîra:

«Chi Dachí Akõreba ichi kûria nuree baita bi'ia waupeða uru bûu, abau biða wabiða unuðakau, kûrûba ùriðakau mauðe ne aba biða kuitaa kûrisi-aðakau». ^{IV}

¹⁰ Joma mau Dachí Akõreba ichi Jauriideeba dachimaa kuitaabiasii. Ichi Jauriba ne joma kuitaa bûu. Chi Dachí Akõre kûrisia siða ne joma kuitaa bûu. ¹¹ ¿Ëbëra kûrisia kaiba kuitaa bûma? Ara ichi du ababuru kuitaa nii. Ara mau kîra abau biða Dachí Akõre kûrisia poyaa kuitaaðaabasii. Aba Dachí Akõre Jauriburu mau kuitaa

^{III} 1:31 *Jeremías 9:24.* ^{IV} 2:9 *Isaías 64:4; 52:15.*

nii. ¹² Dachiba nau iujããdebena kûrisia adauãabasii, maumaarã Dachí Akõre Jauri adausidau joma Dachí Akõreba ichi sõbiãdeeba deãda kuitaaãamera. ¹³ Ara mau ãrãbena daiba berrea panuu. Maamina nau iujããdebena kûrisia kuitaaãeeba berrea panuuwãema, maumaarã Dachí Akõre Jauriba daimaa jaradea ßuu kîra berrea panuu. Maka Dachí Akõre Jauriba kuitaabi ßuu daiba jaradea panuu ichiba berreabi ßuu kîra. ^I

¹⁴ Maamina Dachí Akõre Jauriba kuitaabi ßuu chi Dachí Akõre Jauriwãe niiba kuitaabi kûriakau, ichimaarã bi'iwãe ßuudeeba. Mauãe poyaa kuitaakau, aãa Dachí Akõre Jauriãeburu kuitaabi ßuudeeba. ¹⁵ Chi Dachí Akõre Jauri uru ßuuba Dachí Akõre ãrãbena poyaa ãrea kuitaabi. Maamina chi Dachí Akõre Jauriwãe niiba chi Dachí Akõre Jauri uru ßuu kûrisia, kauwa ãrikau. ¹⁶ Dachí Akõre bedeãde naka ßu kubuu: «¿Kaiba Dachí Mechiu kûrisia kuitaa ßuma? ¿Kaiba ichimaa jaradeaima?» ^{II} Maamina dachiba Cristo kûrisia uru panuu.

Pablo mauãe Apolosba Dachí Akõre traju waupedaãda

³ ãBarã, mã machimaa wãsiãde, chi Dachí Akõre Jauriãeeba nibabadaurãmaa jaradea ßuu kîra poyaa makaabasii. Maumaarã chi nau kakuaba wau kûria ßuu kîra waubadaurãmaa mauãe chi ea Cristode ijãapedaãdarãmaa jaradea ßuu kîra jaradeasii. ² Mũuba Cristo ãrãbena bedeã chaareawãe ßuu jaradeasii wãwamaa ju ßaa dobi ßuu kîra. Chiko kobi ßuu kîra, mũuba chaareawãe ßuu jaradeabasii, machiba kauwa ãriãabasiãdeeba. Mauãe wabiãda kauwa ãriãawãe panuu. ³ Machi wabiãda nau kakuaba wau kûria ßuu kîra nibabadau: waabenarãba uru panuu kakuã, kachirua kûrisiãbadau mauãe oa kachirua berreabadau. Maka nureãdeeba ¿nau kakuaba wau kûria ßuu kîra nureewãeka? ⁴ Aãauba jarabarii: «Mũ Pauloãebũ». Waya aãauba jarabarii: «Mũ Apolosãebũ». Machiba maka jarabadauãeeba nau iujããdebenarã kîra nuree.

⁵ Maamina ¿Pablo kaima? ¿Apolos kaima? Dai Dachí Akõre baita bari trajabadaubũ. Daiãeeba machiba Dachí Mechiuãde ijãasiãdu. Dachí Akõreba daicha waubiãda kîra wausiãdu. ⁶ Ne uuruu kîra mũuba machimaa Jesús ãrãbena naa jaradeasii. Maabae mũuba uudeãde bania earuu kîra Apolosba Dachí Akõre bedeã bi'ia jaradeasii. Maamina Dachí Akõreãburu aiãdasii machiba ijãããamera chi ne uudeã waribiuruu kîra. ⁷ Mauãeeba chi ne uubarii chi aude mechiuwãema. Chi bania eabarii siãda chi aude mechiuwãema. Dachí Akõre chi aude mechiubũ. Ichiãburu ne uu nuãuu waribibarii. ⁸ Chi ne uubarii mauãe chi bania eabarii siãda Dachí Akõre daãde arabauãde nuree. Ichiba

^I Ichiba berreabi ßuu kîra. Griego bedeãde nau siãda jara ßuu «Dachí Akõre Jauri uru nureerãmaa». ^{II} Isaiãas 40:13.

dachicha ne bi'ia deai, dachiba wau panaãda kîra.

⁹ Mũuba Apolos ome arabauãde Dachí Akõre traju wau panuu. Machi siãda Dachí Akõreãde ne uu nuãuu iujããabũ.

Mau awara machi Dachí Akõreba de wau ßuu kîra nuree. ¹⁰ Mũ chi de waubarii bia kîra nii. Dachí Akõreba ichi sõbiãdeeba mũumaa deããaba, de jũrũ ãrea iãdu ãyaasii. Waabenarãba mau ãrã de waubadau. Maamina dachicha kauwa panaãdai ßuu saka mau ãrã wau ßuu. ¹¹ Jesucristo chi de jũrũ baerã, june ãyaa poyaa nuãuuãabai. ¹² Aãauba mau ãrã de bia wauruubãrã, ichiba wau ßuu nee, parata maebãrã mo doãaa mipiãtaã ãrikau kîra ßuu. Maamina aãauba mau ãrã de biãwãe wauruubãrã, ichiba wau ßuu bakuru, kiruu maebãrã sia kiruuba waupedaãda kîra ßuai. ¹³ Cristoba dachi nebura ichiai ewariãde dachicha waupedaãda tãbũchiãba ichia chaai, ãrea dauchia jãadua ßuai kuitaabi baita. Mauba unubii dachiba waupedaãda saka ßuasii. ¹⁴ Dachiba wauãdaba mau tãbũchiãde dauchia jãadua ßuubãrã Cristoba chi wau ßuaãdamaa ne bi'ia deai. ¹⁵ Maamina chi dachiba wauãda baawãaruubãrã chi wau ßuaãdaba ne aãa biãda adaubai. Dachí Akõreba ichi karibarumina de baawãaruudebena awara wãaruu kîra ßuai.

¹⁶ ¿Adua panuka Dachí Akõre Jauri machi sõde ßuu? ¿Adua panuka machi Dachí Akõre de? ¹⁷ Aãauba Dachí Akõre de ãriuruubãrã Dachí Akõreba ãrea kastikai, ichi de ichi baitabena ßuudeeba. Machi mau deebũ.

¹⁸ Ara machi du aãa setaa kũruarãsturu. Aãauba chi nau iujããdebena kûrisia kuitaa kîra ne kuitaa ßuu kûrisia ßuubãrã, waa maka kûrisiãbai ßuu. Maumaarã chi biawãra kûrisia kuitaa uru ßuai baita nau iujããdebenarã daãde ne adua ßuu kîra ßuai ßuu.

¹⁹ Dachí Akõremaarã, nau iujããdebena kûrisia kuitaa bi'iwãe ßuu. Dachí Akõre bedeãde naka ßu kubuu: «Dachí Akõreba chi nau iujããde ne kuitaa nuree ara ãchi kûrisia kuitaaãeeba unubibarii ne kuitaa panuwãe». ^{III}²⁰ Mauãe naka ßu kubuu: «Dachí Mechiuba kuitaa ßuu chi nau iujããde ne kuitaa nuree kûrisia, mau kûrisiaswãe bari ßuu». ^{IV}²¹ Mauãeeba kûrisiarãsturu ëbãra aãa baara wãaduudeeba, mau waabenarã audeara bi'ia nii. Dachí Akõreãeeba machiba ne joma uru panuu bi'ia nureãdai baita. ²² Machiba mũ, Apolos mauãe Pedro uru panuu. Joma nau iujããde ßuu siãda uru panuu. Chi iãibaebena mauãe nubena uru panuu. Dachí chokae panuubãrã maebãrã biuduubãrã Dachí Akõreãeeba ne joma uru panaãdai bi'ia nureãdai baita. ²³ Joma machi Cristoderãbũ. Mauãe Cristo Dachí Akõreãebũ.

Jesucristo baita bari trajabadaurã

4 Maka machiba kŕisiadaŕi panuu dai Cristo baita bari trajabadaurã. Dachŕi Akŕoreba dai bŕsŕiŕi chi ichi ŕrŕbena naede kuitaabiawẽa bŕada jaradeadamera. 2 Biawãra chi chibari baita bari trajabariiba ichi jaradea ua bŕabariiba waubi bŕuu joma jŕpa wau bŕui bŕuu chi jaradea ua bŕabariiba bi'ia unumera. 3 Maudeeba machiba maeburã barikia ebẽraba mŕ ŕrŕbena kachirua jaraaduude bi'iwãe kŕisiakau. Maude ara mŕ du abã jarawẽma mŕuba wau bŕuu saka bŕuu. 4 Mŕuba ne abã biãa bi'iwãe wauwẽa bŕuu kuitaa bŕumina mauba jarawẽa bŕuu mŕuba joma jŕpa wausii. Dachŕi Mechiuburu kuitaa jarai. 5 Maudeeba ichiba nebura ichiai ewari naede dachiba jaradaabai panuu ichi traju wau bŕuuba jŕpa wau bŕuu maeburã jŕpa wauwẽa bŕuu. Dachŕi Mechiu neeruude dachŕi sŕde kŕisia bŕada maude ne joma dachŕi sŕde miru nureada kuitaabii. Dachŕi Akŕreburu dachicha bi'ia jarai dachiba bi'ia waupedaada kŕra.

6 Åbarã, mŕ ŕrŕbena maude Apolos ŕrŕbena bŕsŕiŕi machi aŕdaŕi baita. Dai ŕrŕbena kuitaadaŕi panuu Dachŕi Akŕre bedeade bŕ kubuu aude kŕisiadaabai panuu. I Makarã machiba abã biãa waabena audeara bi'ia bŕuu kŕisiadaawẽa panuu. 7 ¿Kaiba machi waabenarã audeara bi'ia bŕuma? Dachŕi Akŕreba deada awara ¿machiba kãare uru panuma? Machiba Dachŕi Akŕredebena ne joma adaupedaadaeeba ¿sakãe ara machi du abã adaupedaada kŕra berrea panuma?

8 Dachŕi Akŕredeeba adau kŕria panada machiba joma uru panuu abadau. Dachŕi Akŕreba dea bŕuu ãrea uru panuu abadau. Dai ida bŕudapeda machi du abã chi mechiurã paneedaŕi a kŕisia panuu. Maamina makawãema. Machi biawãra chi mechiurã paneedaŕi basirã bi'ia bŕui basii. Makara dai siãa machi ome åbua chi mechiurã paneedaŕi basii. 9 Maamina mŕuba kŕisia bŕuu dai chi Jesucristoba bŕidaŕã Dachŕi Akŕreba jomaurã audeara kaebeu bŕsŕiŕi. Dai chi juezba jomaurã daade beabiãade a bŕuu kŕra panuu. II Ebẽrarãba maude angelerãba, jomaurãba ichia panuu biudai kuitaadaŕi baita. 10 Ebẽrarãmaarã dai Cristo baita ne adua nuree maude meserãswãe nuree. Maamina machi Cristo ome panuudeeba chi ne kuitaa nuree abadau maude chi meserãa nuree abadau. Ebẽrarãba machi ŕrŕbena bi'ia berrea panuu, maamina dai ida bŕu panuu. 11 Idibaedaa dai jarrba wau panuu, obisia wau panuu maude paru sore uru panuu. Dai dewãe

I Dachŕi Akŕre bedeade bŕ kubuu aude kŕisiadaabai panuu. Griego bedeade mau chaarea bŕuu bi'ia ŕridamera. II Mau ewaride chi romaebenarã kokoroarãba åchi kŕramaabadau jidaudapeda, Roma puuruŕde adoedapeda maabae jemenabadaumaa adobachidau. Aria abau ome chiobiabachidau, bi'iwãe panabiãapeda beabiabachidau ebẽrarã daade. Nau versicolode Pabloba jara bŕuu chi Jesucristoba bŕidaŕã maarã kŕra nuree.

panuu maude ebẽrarãba dai kachirua waubadau.

12 Dai kurrjŕrudawẽa traja panuu ne uru panadaŕi baita. Ebẽrarãba daimaa kachirua berreaduude daiba åchi-maa bi'ia berreabadau. Dai kachirua wauduude dauchia jãdua panabadau. 13 Setadeeba daimaa kachirua jaraaduude bedeã biãdeeba panaubadau. Idibaedaa ebẽrarãba dai nejarr kŕra unubadau maude ne miadaa kŕra unubadau.

14 Mŕuba mau bŕ kubuwẽe machi kŕrakayabiai baita. Maumaarã mŕ warrarã kŕra machi kŕria bŕuudeeba maka bŕ kubuu jŕpa kŕriabiabai baita. 15 Machiba Cristo ŕrŕbena jaradeabadaurã ãrea uru panadaŕi basirã wabiãa akŕre abã uru panadaŕi basii. III Maudeeba machiba chi bedeã bia Jesús ŕrŕbena ijãapedaadeeba ichideeba mŕ machi akŕrebŕ.

16 Maudeeba mŕuba machimaa chi chuburia idii mŕ nibabarii kŕra nibadamera. 17 Maudeeba Timoteo machimaa bŕuru. Dachŕi Mechiudeeba mŕ warr kŕri-abarii kŕra nii, maude jŕpa nibabarii. Ichiba machimaa kŕrababiai mŕ Jesucristo ome saka jŕpa nii. Mŕ maka nibai chi ebẽrarã Jesucristoderã duanabariicha jaradea bŕuu.

18 Waabenarã machidebena chi mechiurã kŕra nibabadau, kŕisia panuudeeba mŕ machimaa wãabai.

19 Maamina Dachŕi Mechiuba kŕriaruuburã, mŕ machimaa isa wãi. Maude chi mechiu abadauba jara panuu ŕride wãabai, maumaarã ichiãe wãi åchi biawãra Dachŕi Akŕre poyaabarii uru panuu kuitaaŕi baita.

20 Dachŕi Akŕre juade ua bŕuudebenarãba ichi ŕrŕbena berreadakau, maumaarã ichi poyaadeeba jŕpa waubadau. 21 Mau ¿machiba saka kŕria panuma? ¿Kŕria panuka mŕuba iadaade wãi maeburã kŕriadeeba, bi'ia berreadeeba wãi? IV

Åbarãba ida waubipedaada chi åbaba kachirua wauãa

5 Ebẽrarãba jara panuu machi tãede abã kŕra nejasia waubarŕi. Jara panuu mauba chi akŕre wẽra ichi wẽra kŕra uru bŕuu. Biawãra Jesucristode ijãadakuurã biãa mau kachirua wauãakau. 2 Maamina machiba wabiãa kŕisia panuu waabenarã audeara bibuara nuree. ¿Mau ebẽraba kachirua wauãa kakua ãrea kŕra nomaa nureadaŕi panuwãeka? ¿Mau machidebena åyaa bŕudai panuwãeka? 3 Mŕ machi ome bŕuwãemina, kŕisiadeeba machi ome åbua bŕuu. Maka machi ome bŕuu kŕra mau kachirua wau bŕuu ebẽra Dachŕi Mechiu Jesús trũdeeba kastikasii. 4 Machi araa åbua imiuduude mŕ jauride machi ome bŕui. Maude Dachŕi Mechiu Jesusba chi poyaabarii machimaa deai, 5 mau ebẽra kastikaamera. Mau åyaa duabũdaŕi panuu, Sathanasba ãrea bi'iwãe bŕuabimera. Makaaduuburã nau

III Årea. Griego bedeade naka bŕ kubuu: 10.000. IV Iadaade wãi. Griego bedeade naka bŕ kubuu: bakuru baraa wãi.

kakuaba kachirua wau kŭria ɓuu ida ɓui. Mauɗe Dachī Mechiu neei ewariɗe ichi karibai.

⁶ Ara machi waabenarā audeara bi'ia nuree aɗaabai panuu. ¿Machiba adua panuka masa ɛesāabibarii ɓa'āra ɓuuba harina joma ɛesāabibarii? Ara mau kīra chi kachirua ɓa'āra wauruuba waabenarā ābarā joma kachiruabibarii. ⁷ Mauɗeeba masa ɛesāabibarii chi chōra āyaa jirataaduu kīra mau kachirua wau ɓuu machi tāedeɓena āyaa duabúisturu. ^I Maka machi kachiruaswāe nureaɗai, harina wiɗi peraa ɛesāabibariiwāe ɓuu kīra. Machi mau kīra nureabiai baita, Cristo dachi kachirua kakua biusii, Egiptoɗeɓena wāsidaude oja beapeɗaada kīra. ^{II}⁸ Jābae pan ɛesāabibariiwāe ɓuu kobadau kīra, kŭrisia sōbiadeɓeɓa mauɗe biawāraɗeeba nibaɗai panuu. Masa ɛesāabibarii chōra kīra ɓuuɗeeba waa maka nibaɗaɗaɓai panuu. Waabenarā kīramaa ɓuuɗeeba mauɗe kachirua wau ɓuuɗeeba waa maka nibaɗaɗaɓai panuu.

⁹ Naede mɔɓba june kartade ɓusii machi chi āibena ome kái paneebadaurā ome āɓua panaɗaɗaɓai panuu. ¹⁰ Maamina mauba jarawēa ɓuu chi nau iujāadeɓena barikiu kachirua waubadaurā ome, chi nejarra kŭriabadaurā ome, nechiruabadaurā ome mauɗe Dachī Akōre kuenda juaba ne kapeɗaadaɗamaa ɗtaa iɗibadaurā ome panaɗaɗaɓai panuu. Maarā ome panaɗai kŭriadaɗwēeburā, nau iujāadeɓena wāɗai panuu. ¹¹ Mau-maarā mɔɓba machi baita ɓusii barikiuba ara ichi āba aaruuburā, maamina barikiu kachirua wau niiburā, chi nejarra kŭria niiburā, Dachī Akōre kuenda juaba ne kapeɗaadaɗamaa ɗtaa iɗi niiburā, setadeɓeɓa waabena kachirua jara niiburā, itua biu niiburā, maeburā chirua niiburā, mau ēbēra ome āɓua panaɗaɗaɓai panuu mauɗe āɓua kodaɗaɓai panuu. ¹²⁻¹³ Dachī Akōreɗe ijāadaɗakaurā nebura ichiai baita mɔ ɓuwāema. Dachī Akōréburu chi ichi ijāadaɗakaurā nebura ichiai. Maamina chi machi tāede nuree machiba ichiaɗai panuu. Dachī Akōre beɗeade ɓu kubuu: «Chi kachirua wau ɓuu machi tāedeɓena duabúisturu». ^{III}

Ābarāba ara āchi nebura ichiaɗai ɗrubena

⁶ Machiɗeɓena aba nebura baraa ɓeeruuburā waabena āba ome, ¿sakāe chi Dachī Akōreɗe ijāadaɗakaurā juezrāmaa jarade wāɓadama? ¿Bi'ia ɓuwāeka Dachī Akōreɗe ēbērarāba āchi nebura ichiaɗai? ² ¿Machiba adua panuka Jesús neeruude Dachī Akōreɗe ēbērarāba chi nau iujāade nuree nebura ichiaɗai? Machiba chi nau iujāade nuree nebura ichiaɗaɗeeba ¿sakāe nebura ɓistīlka nuree poyaa ichiaɗakama? ^{IV}³ ¿Adua panuka dachiba angelerā nebura ichiaɗai? Maka ɓuuɗeeba ¿chi iɗibaɓena nebura

I 5:7 Éxodo 12:15. II 5:7 Éxodo 12:3-13; Juan 1:29. III 5:12-13 Deuteronomio 17:7. IV 6:2 Lucas 22:29-30.

machi tāede nuree poyaa ichiaɗaɗaɗakama? ⁴ Machi mau kakua nebura baraa paneeduuburā, ¿sakāe Dachī Akōreɗe ijāadaɗakaurāmaa wāɓadama mau ichiaɗam-era? ^V⁵ Mɔɓba mau jara ɓuu machi kīrakayaɗamera. ¿Machi tāede kŭrisia kuitaa nii aba biɗa wā'āeka, ābarā neburaɗe panuurā bi'ia berreabiai baita? ⁶ Mau āyaa āba waabena āba ome kīru berreapeɗa nau iujāadeɓena juezrāmaa wāɓadau. Biawāra maka wauɗaɗaɗaɓai panuu chi Dachī Akōreɗe ijāadaɗakaurā daade kīru berreabadauɗeeba.

⁷ Biawāra waabenarā machiɗeɓena nebura uru panabadauɗeeba unubi panuu jipa nibaɗakau. ¿Bibuara ɓuuwāeka chi bichimaa kachirua wauɗa jāadu-ai, chi nebura ichiabadaumaa wāi baɗamaarā? ¿Bibuara ɓuuwāeka bichiba uru ɓuu ida chirubii, bichi āba chi nebura ichiabadaumaa adooi baɗamaarā? ⁸ Maamina machiaburu ēbērarāmaa kachirua waubadau mauɗe nechiruabadau. Biawāra ārea kachirua wau panuu, ara machi ābarāmaa maka waubadauɗeeba.

⁹⁻¹⁰ ¿Machiba adua panuka chi kachirua waubadau Dachī Akōre juade panaɗaɗaɓai, ichiɗirā baara? ¿Ara machi du aba setaa kŭruarāsturu! Chi kakuaba barikiu kachirua waubadaurā, Dachī Akōre kuenda juaba ne kapeɗaada kīraare ɗtaa iɗi nuree, juneɓena ome kái topaneeɗadaurā, mukīra wēra kīra nuree, mukīra abaarakau mukīra ome panabadaurā, nechiruabadaurā, chi nejarra kŭriabadaurā, itua biu nibabadaurā, setadeɓeɓa waabena ɗrubena kachirua jarabadaurā mauɗe waabena setaa kŭruabadaurā Dachī Akōre pu-urude panaɗaɗaɓai. ¹¹ Naede machiɗeɓena chi nuree maka nureasii. Maamina machiba kachirua waupedaada Dachī Akōreba jeraasii, ichi baita bi'ia ɓusii, mauɗe neburaswāe nii asii Dachī Mechiu Jesu-cristoɗeeba mauɗe ichi Jauriɗeeba.

Dachi kakuaba barikia kachirua wauɗaɗaɗaɓai panuu

¹² Machiɗeɓenarā chi nureerāba jarabadau: «Cristoɗe ijāa ɓuuɗeeba mɔɓba kŭria ɓuu kīra joma wau ɓuu». Maamina mɔɓba jaraaruu dachiba kŭria ɓuu joma wauɗai ɓumina, joma dachiba wau kŭria panuuba dachi aiɗakau. Mauɗeeba joma mɔɓba wau kŭria ɓuu mɔɓmaa ida kabiiɓai. ¹³ Mauɗe waabenarāba jarabadau: «Chiko dachi ɓi baita ɓuu, mauɗe dachi ɓi ānimara kiuru baita ɓuu». (Maka ɓumina Dachī Akōreba mau omea wā'āebii). Maamina dachi kakuaba barikia kachirua wau ɓuai baita ɓuuwāe, maumaarā Dachī Mechiu baita ɓuu. ¹⁴ Dachī Akōreba ichi poyaaɗeeba Dachī Mechiu Jesús biuɗaɗeɓena chokae jiradubisii. Ara mau kīra ichi poyaaɗeeba dachi siɗa chokae jiradubiai.

V ¿Sakāe Dachī Akōreɗe ijāadaɗakaurāmaa wāɓadama mau ichiaɗamera? Griego beɗeade mau chaarea ɓuu ɗriɗai baita.

¹⁵ ¿Machiba adua panuka machi kakua Cristode? Makarã ¿mũba ãbua ßuka chi Cristode, wẽra aũdua nii ome? ¿Makawãema! ¹⁶ ¿Machiba adua panuka wẽra aũdua nii ome ßuude, mau wẽra ome kakua ara aba ßuu kĩa nii? Dachí Akõre bedeeade naka jara ßuu: «¿Chí kakua aba ßuu kĩa nureadaí». ¹⁷ Maamina Dachí Mechiu ome ãbua ßuu ichi ome jauri aba ßuu kĩa nuree.

¹⁸ Dachí kakuaba barikia kachirua ßa'ãra biða waurásturu. Kachirua june áyaa wauruubãrã, mauba dachí kakua bi'iwãe ßeebikau. Maamina kakuadeeba kachirua wauruubãrã, dachí kakua kachirua ßeei.

¹⁹ ¿Machiba adua panuka machi kakua Dachí Akõre Jauri de kĩa nii? Dachí Akõreba ichi Jauri machimaa deasii. Ichi machi sõde ßuu. Machi ara machidiwãema maumaarã Dachí Akõredebũ. ²⁰ Dachí Akõreba machi nedosii. Dachí Akõredebẽeba machi kakuade maude jauride kĩa jipa panásturu. II

Kima adauðai ãrubena

7 Jãbae machiba kartade idipedaada mũba panauruu. Naka ßesidau: «Biawãra mukĩraba wẽra adaubai bi'ia ßuu». III ² Maamina machi tãede kachirua barikiu waubadaudeeba mukĩraba áchi wẽra áchi kakawaa uru ßeai ßuu, maude chi wẽraba áchi mukĩra áchi kakawaa uru ßeai ßuu. ³ Mukĩraba ichi kakua wẽramaa wãakaabai ßuu. Chi wẽra biða ichi kakua kimamaa wãakaabai ßuu. ⁴ Chi wẽra ichi kakua chibariwãema, maumaarã chi kimáturu ichi kakua chibaribũ. Ara mau kĩa chi mukĩra ichi kakua chibariwãema, maumaarã ichi wẽráturu chibaribũ. ⁵ Machi kakua machi kimamaa wãakarásturu. Dachí Akõremaa utoa idi kũriaduude, bedea deásturu, mau ewaride ãbua kã ßeeðaabai baita. Maamina kã'ãa maka panaðaabai panuu. Mau maadãkare, waya ãbua kã ßeei panuu, machi kakuaba kũria ßuu jãaduadawã paneeduude, Satanasba kachirua waubiarãamera. ⁶ Mũba jaraaruu: machiba maka wau kũria panuubãrã, bi'ia ßuu. Maamina mũba wãubade a ßuuwãe. ⁷ Mũmaarã, bi'ia ßuai jomaurã mũ kĩa du nureadaí. Maamina Dachí Akõreba dachicha saka nureadaí deasii. Dachí Akõreba chi nureemaa du nureadaí dea ßuu. Maude chi nureemaa kima adauðai dea ßuu.

⁸ Mũba jaraaruu chi du nureerãmaa maude pẽdrãarãmaa: bi'ia ßuu mũ kĩa kimaswãe nureadaí. ⁹ Maamina machi kakuaba kũria ßuu poyaa jãaduadawãebãrã, kima adauðai panuu. Machi kakuaba kũria ßuu ãrubena área kũrisia ßuai IV audeara bi'ia ßuu kima adauðai.

I 6:16 Génesis 2:24. II Jauri. Griego bedeeade chi bee kartade mau wã'ãe. III Biawãra mukĩraba wẽra adaubai bi'ia ßuu. Griego bedeeade naka ßũ kubũ: mukĩraba wẽra waubai bibuara ßuu. IV Machi kakuaba kũria ßuu ãrubena área kũrisia ßuai. Griego bedeeade naka ßũ kubũ: ara dachí du aba baai.

¹⁰ Mũba nau jaraaruu chi kima bara nureerãmaa. Nau bedea mũudewãema, maumaarã Dachí Mechiudebũ. V Chi wẽraba ichi kima amaabai ßuu. ¹¹ Maamina ichi kima amaaruubãrã, mukĩra june adaubai ßuu. Maumaarã du ßuai ßuu maebãrã chi kima ome waya bedea deai ßuu. Ara mau kĩa chi mukĩraba ichi wẽra amaabai ßuu.

¹² Chi nuree ábarãmaa mũba nau (nau Dachí Mechiu Jesusba mũmaarã jaradeabiwãema): ábaba chi wẽra Jesusde ijãawãa ßuu uru ßuubãrã, maude mau wẽra ichi ome ßuai kũria ßuubãrã, mau ábaba chi mau amaabai ßuu. ¹³ Neekauba chi mukĩra Jesusde ijãawãa ßuu uru ßuubãrã, maude mau mukĩraba chi mau amaa kũriawãebãrã, mau neekauba ichi amaai ßuu.

¹⁴ Mau Jesusde ijãawãa ßuu mukĩra Dachí Akõre baita ßeesii ichi wẽraba ijãa ßuudeeba. Ara mau kĩa chi Jesusde ijãawãa ßuu wẽra Dachí Akõre baita ßeesii ichi kimaba ijãa ßuudeeba. Makawãe basirã machi warrarã Dachí Akõre baita nureaðaabai basii. Akõrerã Dachí Akõre baita panuudeeba áchi siða Dachí Akõre baita panuu. ¹⁵ Maamina chi Jesusde ijãawãa ßuu ichi kimadebena áyaa wã kũria ßuubãrã, makarãbade aðaabai panuu. Maka chi ijãa ßuu chi áyaa wãða ijãawãa ßuu ome ßebai ßuu. Dachí Akõreba dachí jirukaraayuwãe nureaðamera iusii. ¹⁶ Neekau, ¿bichiba kuitaa ßuka Dachí Akõreba bichi mukĩra karibai bichi kakua? Ába, ¿bichia biða kuitaa ßuka Dachí Akõreba bichi wẽra karibai bichi kakua?

¹⁷⁻¹⁸ Dachí Akõreba dachí iusiide ara dachí panaða kĩa nureadaí panuu. Mukĩra kakua tõo ßuasiibãrã ara maka ßuai ßuu. Mukĩra kakua tõowã ßuasiibãrã ara maka ßuai ßuu. Dachicha nureadaí panuu Dachí Mechiuba ßuða kĩa. Mũba ebẽrarã Dachí Akõrederã araa ãbua imibadaucha maka jaradea ßuu. ¹⁹ Mukĩra chi kakua tõo ßuai aude bibuara ßuwãema maude mukĩra chi kakua tõowã ßuai siða aude bibuara ßuwãema. Dachí Akõreba waubi ßuu bedea wau ßuai aude bibuara ßuu. ²⁰ Dachí Akõreba dachí iusiide ara dachí panaða kĩa nureadaí panuu. ²¹ Dachí Akõreba bichi iusiide chi chibari baita bari trajabarii ßuasiibãrã, área jirukaraa ßuarãse. Maamina bichi chibariba bichi ida ßuiruu ßuubãrã, maka wause. ²² Chi chibari baita bari trajabarii Dachí Akõreba iuða Dachí Mechiuba kachiruaðebena karibasii ichi baita ne wau ßuamera. Maude chi chibari baita bari trajabariiwãe, jãbae Cristo baita bari trajabarii. ²³ Cristoba paaruuba machi nedosii. Maudeeba waabena chibari baita bari trajabarii panarásturu. ²⁴ Ábarã, Dachí Akõreba dachí iusiide ara dachí panaða kĩa nureadaí panuu ichi ome.

²⁵ Mau awara chi wabiða miakãidawãa nuree ãrubena mũba jaraaruu. Dachí Mechiu Jesucristoba mũmaarã mau ãrubena jaradeabiibasiideeba mũba kũrisia

V 7:10 Lucas 16:18.

þuu jaraaruu. Machiba kuitaa panuu Dachí Mechiuba mæ kíra chuburiasíideeba mæuba biawára jarabarii.

26 Naka jaraaruu: mæumaarã nau ewaríde área bi'iwãe panuudeeba dachi mukíra du nuree ara mau kíra nureadaí panuu. 27 Maamina káiruuburã, bichi wéra ida þui kúrisiaráse. Du niiburã, wéra adauí kúrisiaráse. 28 Maamina káiruuburã kachiruawãema. Wéraba mukíra adauruuburã kachiruawãema. Maamina chi kima adauruu nau iujãade área bi'iwãe þuai. Machi maka área bi'iwãe panadaí mæuba kúriawëa þuu.

29 Ábarã, mæuba nau jara kúria þuu: nau ewari wã'ãemaa þuu. Mauðeeba jáabae chi ábarã kima uru nureerãba Dachí Akóre ode wã panuu ida þuðaabai panuu áchi wéra ome nureadaí baita. Maumaarã chi kima wã'ãe þuu kíra nureadaí panuu. 30 Ara mau kíra chi ábarã kíra nomaa nuree kíra nomaa wëa nuree kíra nureadaí panuu. Chi kírajæu nuree kírajæuwëa nuree kíra nureadaí panuu. Ne nedoðaba ichiba nedoða ewaricha uru þuai kúrisia þuabai þuu. 31 Chi nau iujãa dachiba unu panuu joma wã'ãemaa þuudeeba chi ne barau nureeba ne barauwãe nuree kíra kúrisia nureadaí panuu.

32 Mæuba kúria þuu machi jirukaraaðawëa panadayu, nau iujãa úrþbena. Chi mukíra kimawëe þuuba bi'ia kúrisia þuabarii Dachí Mechiuba kúria þuu wauí baita. Dachí Mechiu kírajæubii kúria þuu.

33 Maamina chi mukíra wéra uru þuuba nau iujãade ichi wéra bi'ia uru þuai área kúrisia þuabarii. Ichi wéra kírajæubii kúria þuu. 34 Maka chi wéra bara þuuba kúrisia ome uru þuabarii. I Ara mau kíra chi wéra kima uru þuuba nau iujãade ichi kima bi'ia uru þuai área kúrisia þuabarii. Ichi kima kírajæubii kúria þuu. Maamina chi wéra mukírawëe þuuba Dachí Mechiu úrþbena bi'ia kúrisia þuabarii. Nau kakuade mauðe jauríde ichi baita bi'ia þuai kúria þuu.

35 Mau mæuba jarawëa þuu machiba kúria panuu kíra panarãaðamera maumaarã bi'ia nureaðamera. Mæuba aba kúria þuu machi kíra jipa nureaðayu mauðe joma machi sððeeba Dachí Mechiuba kúria þuu wauðayu.

36 Mukíra ababa áwera ome adauí baita beðea dea þuuburã, adauí naeðe poyaa jáaduawëe kúrisiaruuburã mauðe isa kái kúrisiaruuburã, kái þuu. Mau kachiruawãema. 37 Maamina chi adauí baita beðea deasíide ichi sððe mau wéra káibai a kúrisia þuuburã mauðe ichi kakuaba kúria þuu poyaa jáadua þuuburã, bi'ia þuu mau wéra ome káibai. 38 Biawára chi miakáiruuba bi'ia wau þuu. Maamina mæumaarã chi miakáiwëeba aude bibuara wau þuu. II

I Kúrisia ome uru þuabarii. Griego beðeade chi bee kartade mau wã'ãe. II Griego beðeade versículo 36ðebena aba 38ðaa nau síða þu kubuu: 36

39 Chi wéra mukíra bara þuu chi mukíra chokae þuumisa ichi ome þuai þuu. Maamina chi mukíra biuruuburã, waya miakái kúrisiaruuburã, poyaa miakái þuu. Maamina ababuru Dachí Mechiude ijãa þuu ome miakái þuu. 40 Mæuba kúrisia þuu ichi kima adauwëeburã kírajæu þuai. Mauðe mæuba kúrisia þuu Dachí Akóre Jauriba maka kúrisiabi þuu.

Juaba ne kapeðaaðamaa ánimara kiuru baa deaða úrþbena

8 Jáabae Dachí Akóre kuenda juaba ne kapeðaaðamaa ánimara kiuru baa deaða úrþbena mæuba jaraaruu. III Machiba jara panuu mau úrþbena kúrisia kuitaa panuu. Maamina chi kúrisia kuitaaba dachi waabenarã audeara bi'ia þuu kúrisiabiabarii. Dachiba waabenarã kúria panuudeeba waabenarã aidaðadau. 2 Abauba área kuitaa nii kúrisia þuuburã, wabiða adua þuu ichiba kuitaa þuu kíra. 3 Maamina abaubu Dachí Akóre kúria þuuburã, Dachí Akóreba mau kuitaa þuu. IV

4 Mauðeeba Dachí Akórerã kuenda juaba ne kapeðaaðarãmaa ánimara kiuru baa deaða kobadau úrþbena mæuba jaraaruu. Dachiba kuitaa panuu juaba ne kapeðaaða biawárawëe. Mauðe kuitaa panuu Dachí Akóre biawára ababuru nii. 5 Bajãade mauðe nau iujãade «akóre mechiurã» abadau barau. Biawára maarã mauðe ébërarãba «áchi chibarirã» abadau síða área barau. 6 Maamina dachimaarã Dachí Akóre ababuru nii. Ichi dachi Bajãaðebena Akóreþu. Ichiaburu ne joma wausii. Dachí ichi baita chokae panuu. Mauðe Dachí Mechiu Jesucristo ababuru nii. Ichiðeeba Dachí Akóreba ne joma wausii. Ichiðeeba dachi chokae panuu.

7 Maamina waabenarãba mau sððeeba kuitaaðawëa panuu. Waabenarã ábarãba wabiða kúrisia panuu chi juaba ne kapeðaaða áchiba naeðe kúria panada chokae panada. Mauðeeba chi juaba ne kapeðaaðarãmaa ánimara kiuru deaða kooduuburã kúrisiabadau maarãde ijãaduu. Chi biawára beðea área adua panuudeeba mau ánimara kiuru ko panuudeeba kúrisiabadau Dachí Akóre daaðe kachirua paneeduu.

8 Maamina chi ánimara kiuru kooduuba dachi Dachí Akóre ome bi'ia þukau. Mauðeeba dachiba ko panuudeeba maeburã koðawëa panuudeeba Dachí Akóre daaðe bi'ia nureaðaabai.

III Mau ewaríde chi ijãaðakaurãba ánimararã maeburã kiuru chi Dachí Akóre kuenda juaba ne kapeðaaðamaa deabachiðau. Chi paarerã ijãaðakaurãba mau adauðapeða, beaðapeða maabae baabachiðau chi Dachí Akóre kuenda juaba ne kapeðaaðarã baita. Maamina chi kiuru ba'ára adaubachiðau kodai baita maeburã puuruðe nedobuðai baita. IV Griego beðeade mau versículo chaarea þuu úriðai baita.

⁹ Biawāra dachiba ko kūrīa panuu poyaa kođai panuu. Maamina kauwa panásturu machiba barikia kooduudeeba machi āba mau ūrūbena adua nii kachiruade bærāamera. ¹⁰ Bichi chi Dachī Akōre kuenta juaba ne kapedaada dede ko akū beeruuburā, maude chi ne joma koi būu adua niiba bichi aria akū būu unuuruuburā, ichia biđa Dachī Akōre kuenda juaba ne kapedaadarāmaa ānimara kiuru baa deada koi kūrīsiai. Maamina chi juaba ne kapedaadaamaa ūtaa iđiiruu kūrīsia būudeeba, ichimaarā mau kachirua wau būu. ¹¹ Maka chi ne joma koi būu kuitaa būuba chi mau ūrūbena chi ārea adua nii āba, chi mau Cristo biusii kakua āba, ichide ijāai ida būbii. ¹² Machiba mau adua nuree ābarā kachiruade bæbiaduude Cristomaa kachirua wau panuu. ¹³ Maudeeba mūba ko būudeeba mē āba kachiruade bæbiiruuburā, waa koobai.

Pablo bedea ūribadaurāba ichi aidađai panuu

9 ¿Mūba wau kūrīa būu wauwēa būka? ¿Mē Jesucristoba buidawēka? ¿Mūa biđa Dachī Mechiu Jesús unusiwwēka? ^I ¿Machiba mūdeeba Dachī Mechiude ijāpedaadađawēka? ² Waabenarā ābarāba mē Jesucristoba buida kūrīsiadađawēa panumina machiba kuitaadađai panuu mē biawāra ichiba buidabū. Mūba jaradeasiideeba machiba Dachī Mechiude ijāsiideeba mau unubi būu. ³ Chi mē ūrūbena kachirua jarabadaurāmaa mūba naka iđiiruu: ⁴ ¿Mūba jaradea būudeeba koi baita adaubai būka? ¿Doi baita biđa adaubai būka? ⁵ Waabenarā Jesúsba buidarā, Dachī Mechiu Jesús ābarā maude Pedro āchi wērarā ome ābua nibabadau. ^{II} Ara maarā kīra ¿Jesusde ijāa būu wēra ome kāipeđa, mē ome ābua uru nibaabai būka? ⁶ Bernabebeba, mūa biđa Dachī Akōre bedea jaradea nibadađe awara traju waubadau ne uru panadađai baita. Maamina ¿waabenarā kīra daiba jaradea panuudeeba ne adau panadađai panuuwēka?

⁷ ¿Kokoroa ara ichi chi nejarraba chīode wābarika? ¿Chi uva uđa uru būuba ichi uva jōbariwwēka? ¿Oeja nubariiba oeja ju baa dobariwwēka? ⁸ ¿Joma mau mē kūrīsiadeeba jara būka? ¿Moisesba buidade ara mau kīra jara būuwēka? ⁹ Mau buidade naka bū kubūu: «Pakaba ne biraduamaa būude chi kū jūrāse». ^{III} Dachī Akōreba mau bedea jarasiide ¿paka ūrūbenāturū kūrīsiabarika? ¹⁰ ¿Dachī ūrūbena siđa kūrīsia buasiwwēka? Biawāra dachi baita Dachī Akōreba mau Moisesba buida deasii. Chi netaa uubarīi maude chi chauda pebarīi trajabadau, maudebena ne uru panadađai kuitaa panuudeeba. ¹¹ Ara mau kīra daiba machimaa Dachī Akōre bedea jaradeasiideeba ¿bi'ia būuwēka daiba machidebena ne adauđai?

I 9:1 Hechos 9:3-7. II Pedro. Griego bedeađe naka bū kubūu: Cefas. III 9:9 Deuteronomio 25:4.

¹² Waabenarāba machidebena ne adauđai panuuburā, daiba āchi audeara bi'ia ne adauđai panuu.

Maamina ne iđiđakau. Maumaarā joma jāadua panuu ēbērarāba chi bedea bia Cristo ūrūbena kachirua kūrīsiarāamera. ¹³ Machiba kuitaa panuu Dachī Akōre de mechiude trajabadaurāba āchiba wau panuudeeba adaubadau kođai baita. Chi ānimara baa deabadaurāba mau kiurudebena adaubadau kođai baita. ¹⁴ Ara mau kīra Dachī Mechiu Jesúsba jarasii chi bedea bia ichi ūrūbena jaradea nibabadaurāba maudebena adauđai panuu kođai baita. ^{IV}¹⁵ Maamina mūba mau adaukau. Mau ūrūbena nau kartade būwāe būu machiba chi nejarra deadaamera. Mūba jaradea būudeeba chi nejarra adaukaudeeba kīrajū būu. Mūba kūrīawēma abau biđa chi nejarra dea būudeeba mau kīrajū wā'āebii. Mūmaarā machidebena chi nejarra adau kāyabāra biui bibuara būu.

¹⁶ Mūba chi bedea bia Cristo ūrūbena jaradea būmina mē chi mechiu akau, Dachī Akōréburu jaradeabi būudeeba. Biawāra mau bedea bia jaradeawēeburā, mē miichuburi beei. ¹⁷ Ara michi kūrīa jaradea būuburā, chi nejarra adau būu. Maamina ara michi kūrīa jaradeawēa būu. Dachī Akōréburu mūmaa jaradeabisiideeba, mūba makai būu. ¹⁸ Makarā ¿mūba jaradea būu baita, kāare adauima? Ne adaubai. Kīrajū buai chi bedea bia Cristo ūrūbena jaradea būudeeba. Mūba jaradea būudeeba ne adau būmina ne iđikau.

¹⁹ Mē abau chibari baita biđa bari trajabariwwēdeeba chi jomaurā chibari baita bari trajabariī beesii ārea mūdeeba Jesucristode ijāamera. ²⁰ Mē judiorā tāede būude judiorā kīra buabariī mūdeeba Jesucristode ijāamera. Chi Moisesba buida ūribadaurā nuree tāede būude mē mau Moisesba buidadeeba būuwāemina mau kīra buabariī āchiba mūdeeba Jesucristode ijāamera. ²¹ Maude chi Moisesba buida adua nuree tāede būude mē āchi kīra buabariī mūdeeba Jesucristode ijāamera. Maamina mūba Dachī Akōreba Moisesmaa būbiđa ida būkau. Joma Cristoba wubi būu kīra waubarīi. ²² Chi ābarā chi biawāra bedea ārea adua nuree tāede būude āchi kīra buabariī mūdeeba Jesucristo ūrūbena bi'ia kuitaamera. Mē wāaruucha ēbērarā tāede būude maarā kīra buabariī mūdeeba waabenarāba Cristode ijāapeda mūba maarā kachirudebena karibamera. ²³ Mūba joma mau kīra waubarīi chi bedea bia Cristo ūrūbena kuitaabii baita. Maka mūa biđa Dachī Akōredebena ne bi'ia adau.

²⁴ Machiba kuitaa panuu ēbērarā pirabadau kai chi aude isa pira nii kuitaadađai baita. Maude kabanaa pirabadamina aba chi naa needaburu ne adaubariī. Machi siđa isa piraaduu kīra joma bi'ia wāusturu Dachī Akōreba deai jarada adauđai baita. ²⁵ Pirabadaurāba

IV 9:14 Mateo 10:10.

āchi kakua nubadau chaarea nureada**ai** baita. Maka waubadau waabenarā audeara bi'ia piradape**da** boro jūra adau**da** baita. Mau boro jūra isa bu**u**barii. ^I Maamina dachiba ne joma bi'ia waubadau Dach**i** Akōreba deai jarada bu**u**kau adau**da** baita. ²⁶ Mau**de**e**ba** ēbēra barikia pira wāaru**u** kīra m**u**u**ba** waukau. Mau**de** ēbēra barikia dr**u** bu**u** kīra dr**u**kau. ²⁷ Maumaarā m**u** kakua chaarea wau bu**u** mau**de** m**u** kakuaba waubai bu**u** m**u**u**ba** wubi bu**u**. Maka joma wau bu**u** Dach**i** Akōreba deai jarada adau**i** baita. Maka wauwēb**ur**ā, m**u**u**ba** ēbērarāma**a** jaradea bu**u**asmina Dach**i** Akōreba deai jarada poyaa adau**ba**i.

Israel**e**benarāba kachirua waupedaada ū**r**ubena

10 Ābarā, m**u**u**ba** k**u**ria bu**u** machiba Moisés ewaride makada kīraba**da**wēa panada**i**. Mau ewaride joma dachi nabēra**e**debenarā Moisés baara nibapedaada Dach**i** Akōreba bu**i**da j**u**r**u**ara ekare nibasidau mau**de** Mar Purr**e**de kīraa wāsi**da**u. ^{II}2 Mau mar**e**de mau**de** j**u**r**u**ara ekare joma āchi Moisés ome ābua panasi**de**e**ba** Moisés tr**u**de**e**ba boro eapedaada kīra panasi**da**u. ³ Jomaurāba chi arabau chiko Dach**i** Akōreba bajā**de**bena bu**i**da kobachidau. ^{III}4 Jomaurāba arabau bania Dach**i** Akōreba eakarr**e**bena eabaribi**da** dobachidau. ^{IV} Mau eakarr Cristo jara bu**u**, āchi wāadu**u**cha Cristo jauri**de**e**ba** āchi ome bu**u**asi**de**e**ba**. ⁵ Maamina Dach**i** Akōreba āchi**de**bena ārea bi'iwāe unusii, ichi ome kachirua wausi**da**u**de**e**ba**. Mau**de**e**ba** drua sirua wā'āe bu**u**de kinisi**da**u.

⁶ Mau ewaride makada**a** dachimaa kuitaabi bu**u** kachirua k**u**riada**ba**i panuu āchiba k**u**riapedaada kīra. ⁷ Juaba ne kapedaada**e** ijā**ar**āsturu waabenarā chi nureeba ijā**ap**edaada kīra. ^V Dach**i** Akōre bedea**e**de āchi ū**r**ubena naka bu**u** kub**u**: «Ēbērarā ak**u** panee**da**pe**da** kīraj**u** ābua ko duanasidau mau**de** itua do duanasidau. Mau ma**ad**akare jiradu**da**pe**da** āchi kakuaba wau k**u**ria bu**u** wau duaneesi**da**u». ^{VI}18 Dach**i** kakuaba barikia kachirua wau**da**abai panuu waabenarāba waupedaada kīra. Āchiba maka wau panuu kakua ara ewari ab**ae**de 23.000 kinisi**da**u. ^{VII}19 Cristoba saka waui kuitaai dachiba kachirua wau**da**abai panuu waabenarā āchiba waupedaada kīra. Mau**de**e**ba** chi nuree dama**ba** kaakuape**da** kinisi**da**u. ^{VIII}10 Kīraj**u**wēa panu**de**e**ba** Dach**i** Akōre ū**r**ubena kachirua berrearāsturu waabenarā chi nureeba waupedaada kīra. Mau**de**e**ba** chi āngel dachi kinibibari**ba** āchi ārea kinibiasii. ^{IX}

¹¹ Joma āchi makada**a** unubi bu**u** saka Dach**i** Akōreba kachirua kastikabarii. Mau Dach**i** Akōre bedea**e**de bu**u** kub**u** dachi nau ka**de**e**re**bena ewaride nureerāba

^I Mau ewaride chi boro jūra kidua waubachidau, chi pirabadamaa deada**i** baita. ^{II} 10:1 Números 10:34; Éxodo 14:1-31. ^{III} 10:3 Éxodo 16:4,35. ^{IV} 10:4 Éxodo 17:6; Números 20:11. ^V 10:7 Éxodo 32:1-35. ^{VI} 10:7 Éxodo 32:6. ^{VII} 10:8 Números 25:1-9. ^{VIII} 10:9 Números 21:4-9. ^{IX} 10:10 Números 16:41-50.

ara mau kīra waurā**da**amera. ¹² Mau**de**e**ba** ab**au**ba ārea ijā**a** bu**u** k**u**risia bu**u**b**ur**ā, ara ichi du ab**a** kauwa bu**u**ai bu**u** kachirua**e**de ida b**e**biama**ba**. ¹³ Besede dachi sō**de**de k**u**risiabadau kachirua wau**da**i baita, jomaurāba maka k**u**risiabadau kīra. Mau poyaa dauchia jā**ad**ua panadawēb**ur**ā, Dach**i** Akōreba dachimaa maka k**u**risiabiabai. Mau**de** dachiba maka k**u**risia panee**du**de ichiba a**id**ai dauchia jā**ad**ua panad**a**amera, ichiba jara bu**u** kīra ewaricha waubari**de**e**ba**.

Juaba ne kapedaada ida bu**u**da**i** panuu ū**r**ubena

¹⁴ Mau**de**e**ba** m**u** ābarā m**u**a k**u**riakuabarii, Dach**i** Akōre kuenda juaba ne kapedaada ida bu**u**sturu. ¹⁵ M**u**u**ba** machimaa berrearuu k**u**risia kuitaa nureerāma**a** berrearuu kīra. Ārea k**u**risiāsturu m**u**u**ba** jara bu**u** biawāra kuitaai. ¹⁶ Dach**i** Mechiu kīraba panu**de**de dachiba uva b**a**a basu**de**de bu**u** ū**r**ubena Dach**i** Akōre-maa ichituru ki**i**bai adape**da** dobadau. Mau doodu**de**de unubibadau dachi Cristo o**ad**e**e**ba ichi ome ābua panuu. Mau**de** pan bu**u**aku**ad**a koodu**de**de unubibadau Cristo nau kaku**ad**e ārea bi'iwāe bu**u**asi**de**e**ba** dachi ichi ome ābua panuu. ¹⁷ Dach**i**ba pan ab**a** bu**u** ārea bu**u**akuape**da** kobadau. Ara mau kīra dachi ārea panu**mi**na kakua ab**a** bu**u** kīra nuree.

¹⁸ Israel**e**benarāba waubadau ū**r**ubena k**u**risiāsturu. Āchiba ānimara Dach**i** Akōremaa baa deadu**de**de mau kiuru**de**bena kobadau. Mau koodu**de**de unubibadau Dach**i** Akōre**de**de ijā**a** panuu. (Ara mau kīra ab**au**ba Dach**i** Akōre kuenda juaba ne kapedaada**ma**a kiuru baa de**ad**e**de**bena kooru**u**b**ur**ā, unubii mau juaba kapedaada**e**de ijā**a** bu**u**). ¹⁹ Maamina m**u**u**ba** jarawēa bu**u** chi Dach**i** Akōre kuenda juaba ne kapedaada biawārab**u**. Chi maarāma**a** kiuru dead**ad**e**de**bena kiuru kīra bu**u**. ²⁰ Maamina Dach**i** Akōre**de**de ijā**ad**akaurāba kiuru āchi juaba ne kapedaada**ar**āma**a** deadu**de**de biawāra jai kachiruarāma**a** dea panuu. Dach**i** Akōremaa dea panuuwāema. Machiba mau kiuru koodu**u**b**ur**ā, unubidai jai kachirua**e**de ijā**a** panuu. Mau m**u**u**ba** k**u**riawēma. ²¹ Jauri kachirumaa deada basu**de**de bu**u** machiba doodu**u**b**ur**ā, Jesucristo oa kīraba**da**i baitabena basu**de**de bu**u** do**da**abai panuu. Jai kachirumaa ānimara kiuru deada machiba koodu**u**b**ur**ā, Dach**i** Mechiu kīraba**da**i baitabena kobadau koda**ab**ai panuu. ²² Maka waudu**u**b**ur**ā ¿Dach**i** Mechiu kīrubid**aa**baika? ¿Dach**i** ichi audeara meserāa nuree kīra?

Joma wāusturu ābarāba bi'ia k**u**risi**ad**amera

²³ Waabenarāba jara panuu «Cristo**de**de ijā**a** bu**u**de**e**ba m**u**u**ba** k**u**ria bu**u** kīra joma wau**i** bu**u**». Maamina m**u**u**ba** jaraaru**u**: ne joma wau**i** bu**u**mina joma dachiba wau k**u**ria bu**u**ba dachi a**id**akau. Biawāra joma dachiba wau k**u**ria bu**u** wau**i** bu**u**mina joma mauba ābarā a**id**akau.

24 Abau bida ara ichi bi'ia buai juru buabai buu, mau-maarã waabenarã bi'ia nureadamera juru buai buu.

25 Kiuru nedobuibadaumare nedobuida joma kodai panuu. Maamina idirãsturu mau kiuru chi Dachí Akõre kuenda juaba ne kapedaadamaa deapedaada bada kuitaadaí baita, mau bi'iwãe buu a kûrisia panuudeeba. 26 Nau iujãa maude ne joma nau iujãaede buu Dachí Mechiuba wausii. Maudeeba ne joma kodai panuu.

27 Chi Jesusde ijãawëa buuba machi kodamera iuruuburã maude wã kûriaduuburã, wãsturu. Ichiba dearuu kósturu. Idirãsturu mau chiko Dachí Akõre kuenda juaba ne kapedaadamaa deapedaada bada kuitaadaí baita, mau bi'iwãe buu a kûrisia buudeeba.

28 Maamina abaua «nau kiuru Dachí Akõre kuenda juaba ne kapedaadamaa deapedaada» aaruuburã, mau korãse ichiba mau bi'iwãe buu a kûrisiai buudeeba. 29 Muba jarawëa buu machiba mau kiuru kodakau panuu. Maumaarã muba jara buu chi abáuburu maka kûrisia buu.

Abaua naka kûrisiai: Muba wau kûria buu wauruude abaua kachirua a kûrisiaruuburã, ¿mau poyaa waukau buka? ¿Muba wau kûria buu kîra waubai buka? 30 Muba chiko urubena Dachí Akõremaa ichíturu kiebái aaruuburã, ¿sakãe waabenarãba muba chiko kooruu urubena kachirua berreadai panuma? Kachirua jaraabai buu.

31 Maamina muba jaraaru: machi komaa panuude maude waumaa panuude joma wáusturu ëbërarãba Dachí Akõre urubena bi'ia jaramera. 32 Machiba wau panuudeeba judiorã, judiowãerã maude ëbërarã Dachí Akõrederã kachiruade bæbirãsturu. 33 Ara mau kîra muba wau buudeeba jomaurãmaa bi'ia kûrisiabi ai kûria buu. Ababuru mu bi'ia buai baita jurukau, maumaarã ëbërarã ãrea bi'ia nureadamera jurubarii. Maka muba wau buudeeba ãchiba Cristode ijãadai Dachí Akõreba karibamera.

11 Mu Cristo nibada kîra nibabariideeba mu kîra nibásturu.

Neekaurã borode jûbadau urubena

2 ãbarã, ewaricha mu kîraba panuudeeba maude muba jaradeada uri panabadaudeeba machimaa bi'ia jaraaru. 3 Maamina muba kûria buu machiba kuitaadaí Cristo, joma mukîra chibaribu; mukîra, wëra chibaribu; maude Dachí Akõre, Cristo chibaribu.

4 ãbarã araa ábua imiuduude chi mukîra ichi borode ne jûpeda Dachí Akõremaa utaa idiiruuburã maeburã Dachí Akõre baita berrearuuburã, ichi chibari Cristo wapeawëa nii unubi buu. 5 Maamina wëraba Dachí Akõremaa utaa idiiruude maeburã Dachí Akõre baita

I Griego bedeade chi bee kartade nau sida bu kubuu: Nau iujãa, ne joma nau iujãaede nubuu sida Dachí Mechiuba wausii. II Chibari. Griego bedeade naka bu kubuu: boro.

berrearuude ichi borode ne jûwëeburã, ichi kima wapeawëa nii unubi buu. Chi maka wau buu boro metaða kîra buu. 6 Wëra chi borode ne jûwëeburã, boro tui buu. Maamina boro tûpeda nejasiai buuburã maeburã boro metaða nejasiai buuburã, borode ne jûi buu.

7 Mukîrarã borode ne jûdaabai panuu Dachí Akõreba ara ichi kîra wausiideeba maude mukîrarãba Dachí Akõre ãchi chibari unubi panuudeeba. Maamina wërarãba unubi panuu mukîra ãchi chibaribu.

8 Dachí Akõreba mukîra wëradebena waubasii, mau-maarã wëra mukîradebena wausii. 9 Maude mukîra wëra baita waubasii, maumaarã wëra mukîra baita wausii. 10 Maudeeba wëraba ichi borode anabari jûbarii jûi buu unubii baita chi kima ichi chibari. Maka wau buu angelerãba bi'ia unudamera.

11 Maamina machiba Dachí Mechiude ijãabadaudeeba wëra chi mukîra baita buu maude mukîra chi wëra baita buu. 12 Chi nabena wëra mukîradebena neesii. Mamau tõe mukîra wëradebena neebarii. Maamina biawãra joma Dachí Akõredebena nee panuu.

13 Machimaarã, ¿bi'ia buka wëraba borode ne jûbarii jûwëede Dachí Akõremaa utaa idii? ãrea kûrisiãsturu bi'ia buu kuitaadaí baita. 14 Ara dachi saka nuredeeba kuitaa panuu mukîraba buða deseroa awa niiburã nejasiai buu. 15 Maamina wëra buða deseroa awa niiburã bi'ia unubadau. Dachí Akõreba wëramaa buða deasii borode anabari jûbarii kîra jûmera. 16 Abaua mau kakua oa kachirua berrea beeruuburã, muba nau ichimaa jaraaru: daiba maude ëbërarã Dachí Akõrederã awara wauðakau.

Dachí Mechiu kîrabadai baita kobadau ábarãba bi'iwãe waupedaada

17 Nau buuruude muba machi poyaa bi'ia jarawëma. Machi araa ábua imiuduude kîra jipa wauðakau. Bi'ia panadaí audeara kachirua wau paneebadau.

18 Naa jaraaru muba uri buu machi araa ábua imiuduude kûrisia a'awaraa duanabarii. Muba kûrisia buu chi muma neburupedaada chi bee biawãra buu. 19 Biawãra machi kûrisia a'awaraa panuudeeba unubiðai kairã Dachí Akõreba bi'ia unu buu. 20 Machi araa ábua imiuduude Dachí Mechiu kîrabadai baita kobadau kîra jipa kodakau. 21 Jomaurã needai naede machicha chi chiko kobadau. Maude chi nuree jarbisia duaneebarii maude chi nuree itua biu duaneebarii. 22 ¿Machi de wã'ãe nuree kîra aria kodai baita maude doðai baita? ¿Machiba ëbërarã Dachí Akõrederã kûria panuwãeka? ¿Mauba chi nejarr ba-

III Chi nureeba kûrisiabadau mau wauðai panuu chi Dachí Akõrederã araa ábua imiuduude. Maumaarã waabenarãba kûrisiabadau awara bida maka wauðai panuu. IV 11:8 Génesis 2:21-22. V Chi nureeba ãchi chiko eneeðaka basii, maude chi waabenarãba ãchi chiko deaðaka basii.

rau wãe nuree kîra nejasiabi panuu wãeka? ¿Mũba kãare jaraima? ¿Maudeeba mũba machi bi'ia jaraaruka? Mau kakua bi'ia jaraabai.

Dachi Mechiu kîrabaðai baita kobadau

23 Mũba machimaa jaradeaða Dachi Mechiu Jesus-ðebena kuitaasii. Mau naka ðuu: ãsabude Dachi Mechiu Jesús jidaubii naede ichi juade pan adausii. 24 Dachi Akõremaa bichíturu kiðibai apeða chi pan ðuuruude jarasii: «Adáusturu. Kósturu. ^I Nau m̄ kakuab̄, machi kakua dearuu. M̄ kîrabaðai baita ara nau kîra wau panásturu». 25 Kopeðaaðakare, ara mau kîra basu ichi juade adaupeða jarasii: «Nau basude ðuu m̄ oab̄. M̄ oadeeba Dachi Akõreba machimaa beðea chiwiði dearuu. Nau dooduucha m̄ kîrabaðai baita dósturu». ^{II}

26 Dachi Mechiu Jesús neeruumisa mau pan koodu-ucha maude mau basude ðuu dooduucha machiba ichi biude ãrubena jara panuu. 27 Maudeeba barikiuba Dachi Mechiu wapeawãa mau pan kooruub̄rã maude mau basude ðuu dooruub̄rã, kachirua wau ðuu. Dachi Mechiu kakua maude chi oa bi'iwãe ðuu a kûrisia ðuu. 28 Mau pan koi naede, mau basude ðuu doi naede dachicha ãrea ichiai ðuu biawãra Dachi Mechiu wapea ðuu kuitaai baita. 29 Chi Dachi Mechiu Jesús kakua wapeawãa ðuuba mau pan kooruub̄rã, mau basude ðuu dooruub̄rã, Dachi Akõreba neb̄ra barau ai. 30 Maudeeba ãrea machiðebenarã kakua bi'iwãe nuree, ãpermo nuree maude waabenarã chi nuree biusidau. 31 Maamina ara dachicha ãrea kauwa ichiapedaaða basirã makarã Dachi Akõreba neb̄ra barau aabai basii. 32 Maamina Dachi Mechiuba dachi ichiaruude, dachi kastikabarii nau iujãðebenarã ome neb̄ra bara ðuu arãamera.

33 Maudeeba m̄ ãbarã, Dachi Mechiu kîrabaðai baita kobadau wauduude jomaurã esedáusturu ãbua koðai baita. 34 Aða jarrbisia ðuub̄rã ichi deðe koi ðuu. Maka araa ãbua imiuduude Dachi Akõreba machi kastikaabai kachirua wau panuudeeba. Mũba wabiða jaradeai ðuu machimaa wãaruude joma jaradeai.

Dachi Akõre Jauriba waubi ðuu ãrubena

12 ãbarã, mũba kûria ðuu Dachi Akõre Jauriba waubi ðuu ãrubena machiba ãrea kuitaadayu. 2 Machiba kuitaa panuu Dachi Akõrede ijãðakaurã nureasidau, barikia ãrubena kûrisiabachidau. Dachi Akõre kuenda juaba ne kapeðaaðade ijãabachidau. Chokae nureewãeðeba berreadakau. 3 Maudeeba mũba kûria ðuu machiba nau kuitaadayu: Chi Dachi Akõre Jauriðeeba berrea ðuuba «Jesús kachirua nii»

^I Adáusturu. Kósturu. Griego beðeade chi bee kartade mau wã'ãe. ^{II} 11:25 Jeremías 31:31-34; Éxodo 24:6-8.

akau. Maude chi Dachi Akõre Jauriðeeba berreawãa ðuuba «Jesús jomaurã Mechiu» akau.

4 Dachi Akõre Jauri aða niiba dachimaa dea ðuu ne diwaraa wauðamera. 5 Dachi Mechiu aða nii baita ne diwaraa waubadau. 6 Dachi Akõre aða niiba dachimaa ne diwaraa waubi ðuu. Ichiaburu dachiðeeba mau joma waubarrii.

7 Dachi Akõre Jauriba dachicha ne waubiabarii ãbarã jomaurã aidaðamera. 8 Dachi Akõre Jauriba waabenarã chi nureerãmaa dea ðuu ichi kûrisia kuitaadeeba poyaa berreadamera. Dachi Akõre Jauri ara aða niiba chi nureemaa dea ðuu ichiðeeba kuitaapeðaaða poyaa jaradeaðamera. 9 Dachi Akõre Jauri ara aða niiba chi nureemaa dea ðuu poyaa ãrea ijãa panaðamera. Maude Dachi Akõre Jauri ara aða niiba chi nureemaa dea ðuu ãpermo nuree poyaa aribi-abiðamera. 10 Maude Dachi Akõre Jauriba chi nureemaa dea ðuu ãberarãba ne poyaa wauðakau poyaa wauðamera. Chi nureemaa dea ðuu poyaa Dachi Akõre baita berreadamera. Chi nureemaa dea ðuu poyaa kuitaaðamera aðauba Dachi Akõre Jauriðeeba berrea ðuu maeb̄rã jai kachiruadeeba berrea ðuu. Maude chi nureemaa dea ðuu dachiba ãriðakau chi beðea didiwaraa berreadamera. Maude chi nureemaa dea ðuu dachiba kauwa ãriðakau beðeade jarada kuitaa jaradamera. 11 Ara Dachi Akõre Jauri aða niiba joma mau waubi ðuu. Ichiba dachicha waubi ðuu ichiba kûria ðuu kîra.

12 Dachi kakua aða ðumina dachi kakuade joma uru panuu. Cristo ichi ijãabadaurã ome ara mau kîra panuu. 13 Chi nuree dachiðebena dachi judiorãb̄, chi nuree dachiðebena judiowãerãb̄, chi nuree dachiðebena chi chibari baita bari trajabadaurãb̄, chi nuree dachiðebena chibariswãe nureerãb̄. Maamina Dachi Akõre Jauri ara aða niiba dachi jomaurã kakua aða ðusii. ^{III} Joma dachiba Dachi Akõre Jauri arabau nii adausidau.

14 Dachi kakuade joma uru panuu. Maamina chi dachi kakuade nuree arabau nureewãema. 15 Dachi jûruba jaraaruub̄rã: «M̄ chi juawãeðeeba nau dachi kakuadebenawãema», maudeeba ¿biawãra dachi kakuadebenawãeka? 16 Maude dachi kũruba jaraaruub̄rã: «M̄ chi dauwãeðeeba nau dachi kakuadebenawãema», maudeeba ¿biawãra dachi kakuadebenawãeka? 17 Dachi kakuade ababuru dau basirã ¿kãareba ãrii basma? Dachi kakuade ababuru kũruba basirã ¿kãareba ãri basma? 18 Dachi Akõreba dachi kakuade joma ðusii ichiba kûria ðuuda kîra. 19 Dachi kakuade duanuu joma arabau basirã kakua wã'ãe bai

^{III} *Busii. Griego beðeade naka ðu kubuu: boro easii. Nau versiculode mau beðeaba jarawãa ðuu baniade boro eada ãrubena, mau-maarã jara ðuu Dachi Akõre Jauriba Cristode ijãa ðuu ichi ome ãbua biude ãrubena.*

basii. ²⁰ Dachii kakuade ne joma uru panumina dachii kakua aba nii.

²¹ Maudeeba dachii dauba chii juamaa poyaa jaraabai: «Bichiwäe m̄ bi'ia buai». Maude dachii boro-ba chii jürumaa poyaa jaraabai: «Machiwäe m̄ bi'ia buai». ²² Biawära nau kakuade nuree, chii nuree dachii maarä bi'iwäe nureebu. Maamina maaräswäe dachii kakua bi'ia buakau. ²³ Maude chii dachimaarä nau kakuade ärea balewäe bee bi'ia nubadau bi'ia unudamera. Maude nau kakuade chii nuree dachiba unubidäabai panuu kauwa merabadau. ²⁴ Maamina dachii kakuade kīrawärea nuree meradäkau. Dachii Aköreba dachii kakuade nuree joma araa äbua wausii. Chii dachiba unubidäkau wausii bi'ia nudamera. ²⁵ Maka wausii dachii kakua kachirua beeräamera, maumaarä dachii kakuade nuree chiya nu panadamera. ²⁶ Dachii kakuadebena aba pu'uaruuburä, chii kakua joma pu'ubararii. Ara mau kīra dachii kakuadebena aba bi'ia jaraaruuburä, joma kīrajūbadau.

²⁷ Ara mau kīra machii joma ara chii Cristo kakua kīra nuree. Machii ichii kakuadebenaräbu. ²⁸ Dachii Aköreba äbarä täede chii Jesucristoba buidarä naa busii. Mawäare ichii baita berreabadaurä busii. Mawäare ichii bedea jaradeabadaurä busii. Mawäare waabenarä busii ebēraräba ne poyaa wauḍakau poyaa wauḍamera, chii nuree busii epermo nuree poyaa aribiabiadamera, chii nuree busii äbarä aidadamera, chii nuree busii chii äbarä täede saka wauḍai kuitaa panadamera, maude chii nuree busii barikiu dachiba ūridakau bedeade berreadamera. ²⁹ Makarä jomaurä Jesucristoba buidaräka? jomaurä Dachii Aköre baita berreabadauräka? jomaurä Dachii Aköre bedea jaradeabadauräka? jomauräba ebēraräba ne poyaa wauḍakau poyaa wauḍadauräka? ³⁰ jomaurä Dachii Aköreba jomaurämaa deasika epermo nuree poyaa aribiabiadamera? jomaurä Dachii Aköreba jomaurämaa deasika dachiba ūridakau bedeade poyaa berreadamera? jomauräba dachiba ūridakau bedeade jarada poyaa kuitaa jaradai panuka? ³¹ Dachii Aköre Jauriba wauḍi buudebena chii dachii aude aidä nuree jürüsturu.

Jäbaae m̄ba machimaa kuitaabiai saka ne joma poyaa aude bi'ia wau panadayu. ^I

Waabenarä kūrīadai chii aude bibuara buu

13 M̄ nau iujäadebenarä bedeade berrearuuburä maude ángel bedeade berrearuuburä maude waabenarä ebērarä kūrīawäe buuburä, m̄ jiorr wauḍa jiwabarii kīra maeburä campana jiwabarii kīra nii. ^{II} M̄ Dachii Aköre baita berrearuuburä, Dachii Aköreba kūrīasia kuitaabiwäe buada joma kuitaa bu-

I Saka ne joma poyaa aude bi'ia wau panadayu. Griego bedeade naka bu kubuu: chii o aude bia buu unubiai. II M̄ jiorr wauḍa jiwabarii. Pabloba jara buu chii ebērarä ärea berreabadaurä jiorr jiwabarii kīra nuree. Mau ärea jiwaurumina, ne jara kūrīawäe buu.

uburä, Dachii Aköre kūrīasia kuitaa joma kuitaa buuburä, maude södeeba biawära ijäa buudeeba ea poyaa äyaa buuruuburä, maude waabenarä kūrīawäe buuburä, m̄ baleswäe nii kīra nii. ³ Joma m̄ba uru buu chii wä'äe nureemaa dearuuburä maude Dachii Aköre baita ara michii kakua ida baa deabiiruuburä, maamina waabenarä kūrīawäe buuburä, m̄ baleswäe nii kīra nii.

⁴ Chii waabenarä kūrīabarii joma jäadua buu, waabena kīra chuburiabarii, waabenaba uru buu uru buai kūrīakau, waabena audeara bi'ia nii jarakau maude maka nii kūrīsiakau. ⁵ Chii waabenarä kūrīabarii waabenarä wapeadee ua buabarii, ara ichii bāitaburu buu kūrīsiakau, bari au kīrukau, waabenaba ichii kachirua wauḍa kīrabakau. ⁶ Kachirua kakua kīrajūkau, maumaarä biawära kakua kīrajūbararii.

⁷ Waabenaba kachirua wauḍa joma jäaduabarii, jomade ijāabarii, waabenaba joma bi'ia waumera esedubararii maude ne jomade jäadua buabarii.

⁸ Ebērarä kūrīai wä'äekau. Maamina ewari aba Dachii Aköre baita berreabadau waa berreadaabai, dachiba ūridakau bedeade berreabadau waa berreadaabai, Dachii Aköre Jaurideeba kuitaapeadaa jaradeabadauräba waa jaradeadaabai. ⁹ Maudeeba idibae dachiba ba'araburu kuitaa panuu maude Dachii Aköre baita ba'araburu berreabadau. ¹⁰ Maamina chii bibuara buu neeruude mau ba'ara buu wä'äe bai. Maude joma kuitaada. ¹¹ M̄ wabida kaebe nibasiide warr cheke kīra berreabachii maude warr cheke kīra kūrīsiabachii. Maamina sībāra basiide warr cheke kīra buada ida busii. ¹² Ūraude dachiba Dachii Akörebedena töroroa kīra unu panuu chii kīra ichiabadau. Maamina ewari abade dachiba joma ūḍaa unudai mau saka buu. Ūraude m̄ba ba'araburu kuitaa buu, maamina ewari abade joma kuitaa Dachii Aköreba m̄ ūrubena kuitaa buu kīra. ¹³ Nau öbea panuu wä'äekau: ne jomade bi'ia ijäa buai, esedau buai joma bi'ia neamera maude waabenarä kūrīa buai. Mau öbeadebena, abau kūrīa buai chii aude bibuara buu.

Dachiba ūridakau bedeade berreabadau ūrubena

14 Waabenarä bi'ia kūrīa panásturu. Maude Dachii Aköre Jauriba wauḍi buu joma wau kūrīásturu. Dachii Aköre baita berreadai aude kūrīásturu. ² Chii dachiba ūridakau bedeade berrea buuba ebērarämaa berrea buuwäe, ichiba jaraaru abau biḍa kuitaa ūridakauḍeeba. Aba Dachii Aköremáburu berrea buu. Dachiba kauwa ūridakau chii Dachii Aköre Jaurideeba dachiba adua panabarii bedea berrea buu. ³ Maamina chii Dachii Aköre baita berrea buuba ebērarämaa berrea buu bi'ia ijāadamera, chaarea nureadamera maude söbia panadamera. ⁴ Chii dachiba ūridakau bedeade berrea buuba ara ichii du aba

aída ɓuu bi'ia ijāai baita. Maamina chi Dachī Akōre baita berrea ɓuuba ābarā aída ɓuu bi'ia ijāadamera.

⁵ Mɔmaarā joma machi dachiba ūridakau bedede poyaa berreabadau basirā bi'ia ɓuai basii. Maamina jomaurā Dachī Akōre baita poyaa berreabadau basirā bi'ia ɓuai basii. Biawāra dachiba ūridakau bedede berrei audeara Dachī Akōre baita berrei bi'ia ɓuu. Maamina aɓauba dachiba ūridakau bedede berreapeɗa kuitaa jaraaruuburā, mau siɗa bi'ia ɓuu. Maka ābarāba kauwa ūridapeɗa Dachī Akōrede bi'ia ijāadai. ⁶ Maudeeba ābarā, mɔ machimaa wāpeɗa dachiba ūridakau bedede berrearuuburā, ɗmachi saka aidaima? Aidaabai. Maamina dachiba ūribadau bedede Dachī Akōreba mɔmaa unubiɗa jaraaruuburā, maeburā Dachī Akōre kŕisia kuitaadeeba berrearuuburā, maeburā Dachī Akōre baita berrearuuburā, maeburā Dachī Akōre bedea jaradeaiburā mauba joma poyaa aida.

⁷ Ara mau kŕira aɓauba purrsiru maeburā arpa chaaruuburā maamina arakude chaawēeburā, jŕiwa ɓumina dachiba kuitaadaabai kāare cha ɓuu. ⁸ Kachu siɗa arakude chaawēeburā, ɗkokoroarā isa sakadaima chŕodai baita? ⁹ Ara mau kŕira machiba ūribadau bedede berreadawēeburā, ēbērarāba ɗsaka kuitaadaima machiba jara panuma? Maka berreaduuburā, machi bari berreadai. ¹⁰ Nau iujāade bedea a'awaraa barau. Chi maarādebena bedea kuitaa ɓuuba kauwa ūribarii. ¹¹ Maamina mɔɓa mau bedea adua ɓuuburā, chi berrearuumaarā mɔ āibena kŕira nii, maude mɔmaarā ichi āibena kŕira nii. ¹² Machi ara mau kŕira nuree. Dachī Akōre Jauriba waubi ɓuu machiba ārea wau kŕiria panuudeeba ābarā aida baita bi'ia wau kŕirāsturu āchiba bi'ia Dachī Akōrede ijāadamera.

¹³ Maudeeba chi dachiba ūridakau bedede berrea ɓuuba Dachī Akōremaa ɔtaa idi ɓuu ara ichiba jaraɗa poyaa kuitaa jaraaru baita. ¹⁴ Dachiba ūridakau bedede mɔɓa Dachī Akōremaa ɔtaa idiuruuburā, mɔ jauriba ɔtaa idi ɓuu. Maamina mɔɓa adua ɓuu kāare ɔtaa idi ɓuu. ¹⁵ Makarā ɗsakaima? Mɔ jauriba Dachī Akōremaa ɔtaa idii maamina mɔɓa chi mau kuitaa ɓuu bedede biɗa ɔtaa idii. Mɔ jauriba Dachī Akōremaa bi'ia karii, maamina chi mɔɓa kuitaa ɓuu bedede biɗa karii. ¹⁶ Bichi jauriba Dachī Akōremaa bi'ia berrearuuburā, bichiba jaraɗa kuitaa ūrikauba ɗsaka mau biawārabɔ aima, bichiba bichituru kiɗibai adadeeba? ¹⁷ Biawāra bichiba maka berrearuude Dachī Akōremaa ichituru kiɗibai abarii kŕiria ɓuu, maamina waabenarā aida wēa ɓuu bi'ia ijāadamera. ¹⁸ Mɔɓa Dachī Akōremaa bichituru kiɗibai abarii mɔ machi audeara dachiba ūridakau bedede aude berreabariideeba. ¹⁹ Maamina ābarā araa āɓua imiiduude,

I *Mau biawārabɔ. Griego bedede naka ɓu kubuu: amén. Mau bedea hebreo bedebɔ. Kŕisia ome jara ɓuu. Besede jara ɓuu «bi'ia ɓuu maka ɓuai» maude besede jara ɓuu «biawāra».*

mɔmaarā dachiba ūridakau bedede 10.000 bedea berrei badamaarā dachiba ūribadau bedede jua aɓa bedea jaradeai ɓuu.

²⁰ Ābarā, warr chekerā kŕira panāsturu. Āchiba kachirua ārea adua panuu. Maamina Dachī Akōre Jauriba waubi ɓuu ūrɔbena chŕorā kŕira kŕisia panāsturu. Waa warr chekerā kŕira kŕisiarāsturu. ²¹ Dachī Akōre bedede II naka ɓu kubuu:

«Dachi Mechiuba jara ɓuu: mɔ nau puurudebenarā ome berrei, āibenarā ideeba, chi āchiba ūridakau bedea berreabadaurādeeba. Maamina mɔ bedea ūrimaa panadai». III

²² Maka kuitaa panuu chi dachiba ūridakau bedede berreabarii chi Jesusde ijāadakaurā baita ɓuu, maumaarā Jesusde ijāabadaurā baita ɓuuwāe. Maude chi Dachī Akōre baita berrei Jesusde ijāabadaurā baita ɓuu, maumaarā Jesusde ijāadakaurā baita ɓuuwāe. ^{IV}²³ Maudeeba ābarā araa āɓua imiiduude jomaurā dachiba ūridakau bedede berreamaa panuuburā, maude waabenarā Jesusde ijāadakaurā maeburā Dachī Akōre bedea ūri kŕiria nuree eɗa wāaduuburā ɗāchiba jaraɗaabaika machi kŕiranema panuu?

²⁴ Maamina jomaurā Dachī Akōre baita berreaduuburā, maude Jesusde ijāawēa nii aɓa maeburā Dachī Akōre bedea ūri kŕiria ɓuu eɗa wāaruuburā, machiba jara panuu ūri ɓuudeeba ichiba kachirua waubarīi kuitaadeeba Dachī Akōre daade nebɔra barau nii kuitaai. ²⁵ Ichi sŕode mera uru ɓuadā bi'ia kuitaai. Maude ōdarrde kobepede Dachī Akōremaa bi'ia berrei maude «Dachi Akōre biawāra machi ome ɓuu» ai.

Araa āɓua imiiduude joma arakude wāusturu

²⁶ Maudeeba ābarā, ɗsaka arakude waudaima? Machi araa āɓua imiiduude aɓauba Dachī Akōre bedede ebena kari karii ɓuu, aɓauba Dachī Akōre bedea jaradeai ɓuu, aɓauba Dachī Akōreba unubiɗa jarai ɓuu, aɓauba dachiba ūridakau bedede berrei ɓuu maude aɓauba mau berreada kuitaa jarai ɓuu. Maamina joma mau wadai panuu ābarāba bi'ia ijāadamera. ²⁷ Dachiba ūridakau bedede berreaduuburā, āba omeeba maeburā ōbeeba maka berreadai panuu. Maamina āchi aɓaaba berreadai panuu. Berreadakare aɓauba mau kuitaa jarai ɓuu. ²⁸ Maamina ābarā araa āɓua imiiduude mau berreada kuitaa jarabarii wā'āeburā, dachiba ūridakau bedede berrea

II *Dachi Akōre bedede. Griego bedede ɓu kubuu: la ley.*
 III *Dachi Akōreba Israel puurudebenarāmaa jarasii āchiba ijāadawēa panuu baita āibenarāba āchi āyaa eneedai. Isaías 28:11-12.* IV *Waabenarāba kŕisia panuu nau versiculode naka jara ɓuu: «Mauba kuitaa panuu chi dachiba ūridakau bedede berrei Jesusde ijāabadaurā baita ɓuuwāe, maumaarā chi Jesusde ijāadakaurāmaa unubii ɓuu Dachī Akōreba kastikai».*

küria ɓuu chũpea ɓuai ɓuu. Ichi kürisiade Dachí Akõrema chũpea berrei ɓuu.

²⁹ Ara mau kîra Dachí Akõre baita berreabadau ome maeburã õbea berreadai panuu. Mauɗe jomaurãba ãchiba berrea panuu kauwa ùriɗai panuu biawãra kuitaadaɗi baita. ³⁰ Åba aba berrea ɓuude Dachí Akõreba chi ùri panuudebena abaumaa ^I ne unubiuruuburã, chi berrea ɓuuba mau åba ida berreabi ɓuu. ³¹ Jomaurã abaabaa Dachí Akõre baita berreadai panuu bi'ia kuitaadamera mauɗe bi'ia ijãadamera. ³² Dachí Akõre baita berreabarii barikia berreakau, maumaarã esedaubarii berrei baita. ³³ Dachí Akõreba ororoa nuɓeebikau, maumaarã jirukaraayuwãe ɓuabiabarii.

Èbërarã Dachí Akõreɗerã araa åbua imiiduucha ³⁴ wërarã berreadaabei panuu, maumaarã chũpea ùriɗai panuu. Åchi kima beɗe ùri panaɗai panuu Moisesba ɓuude jara ɓuu kîra. ³⁵ Wërarãba ne idi küriadiuburã, deɗe panuude åchi kimamaa ididai panuu. Åbarã araa åbua imiiduude wëra berrei baita bibuara ɓuuwãe.

³⁶ ¿Dachí Akõre beɗe machidebena neeska? ¿Åba machimãburu neeska? ³⁷ Åbauba Dachí Akõre baita berreabarii kürisia ɓuuburã, maeburã Dachí Akõre Jaurideeba ne wau ɓuu kürisia ɓuuburã, ichiba kuitaai ɓuu mumba nau kartade ɓumaa ɓuu Dachí Mechiuba waubi ɓuu. ³⁸ Åbauba mau ida ɓuuruuburã, ichi siɗa ida ɓústuru.

³⁹ Maka åbarã, bi'ia jurústuru Dachí Akõre baita berreadayu. Mauɗe dachiba ùriɗakau beɗeɗe berreabadaurã ida berreabiásturu. ⁴⁰ Maamina joma kauwa arakude wáusturu.

Cristo chokae jiraduɗa ùrubena

15 Mau awara åbarã, mumba machimaa kîrababi-ai chi beɗe bia Jesús ùrubena mumba machimaa jaradeada. Mau beɗe machiba muudebena kuitaasiɗau mauɗe årea ijãa panuu. ² Mumba jaradeada biawãra ijãa panuuburã, Dachí Akõreba karibai. Makawãeburã, machiba bari ijãasiɗau.

³ Mumba chi aude bi'ia ɓuu machimaa jaradeasii, ara mumba kuitaada kîra. Mau naubɔ: Cristo dachi kachirua kakua biusii Dachí Akõre beɗeɗe ɓu kubuu kîra. ^{II}⁴ Ichi jau ɓusiɗau, maabae ewari õbeade biuɗa baɗa chokae jiradusii Dachí Akõre beɗeɗe ɓu kubuu kîra. ^{III}⁵ Chokae jiradusiide Pedromaa unubisii. ^{IV} Mawãare ichiba 12 jurɔ adauɗarãmaa unubiasii. ⁶ Mau maadakare åbarã 500 araa åbua panuumaa unubiasii. Åchidebena chi nuree biusiɗau maamina årea wabiɗa chokae panuu. ⁷ Mau 500 åbarãba Jesús unupeɗaɗakare Santiagomaa unubisii. ^V Mau maadakare joma ichiba ɓuɗarãmaa unubiasii.

I Chi ùri panuudebena abaumaa. Griego beɗeɗe naka ɓu kubuu: Chi aku ɓuumaa. II 15:3 Isaías 53:5-12. III 15:4 Salmos 16:8-11; Isaías 26:19. IV Pedro. Griego beɗeɗe naka ɓu kubuu: Ce-

⁸ Kaadeare mumbaa unubisii. Mu chi warr bai naɗe adauɗa kîra maka unubisii. ^{VI}⁹ Biawãra chi Jesucristoba ɓuɗadebena mu chi aude kaebeu nii. Èbërarã Dachí Akõreɗerã kachirua wau baita wãraa ɓuasiideeba bi'ia ɓuwãema èbërarãba mu ichiba ɓuɗa jaradaɗi.

¹⁰ Maamina Dachí Akõreba ichi sōbiadeeba mu ɓusii Jesucristoba ɓuɗa ɓumera. Ichiba mu bari maka ɓuubasii. Maumaarã joma waabenarã chi Jesucristoba ɓuɗarã audeara mumba ichi baita aude wau ɓuu. Maamina ara michideeba maka wauwãa ɓuu. Dachí Akõreburu ichi sōbiadeeba mu aɗa ɓuu maka waumera. ¹¹ Waabenarã Jesusba ɓuɗarãba ichi ùrubena jaradea panuuburã maeburã mumba jaradea ɓuuburã, arabaude jaradea panuu. Mauɗe machiba ara mau beɗe ijãasiɗau.

Åbarã biupeɗaada chokae jiraduɗa ùrubena

¹² Daiba Cristo chokae jiraduɗa ùrubena jaradeabadau. Mau ¿saka waabenarã machidebenaba biupeɗaada chokae jiraduɗaabei a panuma? ¹³ Biupeɗaada chokae jiraduɗawëeburã, mauba jara ɓuu Cristo siɗa chokae jiraduubasii. ¹⁴ Cristo chokae jiraduubasiiburã, makarã daiba bari jaradea panuu mauɗe machiba ichide bari ijãa panuu. ¹⁵⁻¹⁶ Cristo chokae jiraduubasiiburã, Dachí Akõreba ichi chokae jiradubisii aaduude daiba Dachí Akõre ùrubena setaa jara panuu. Biawãra biupeɗaada chokae jiraduɗawëeburã, mauba jara ɓuu Cristo siɗa chokae jiraduubasii. ¹⁷ Cristo chokae jiraduɗawãe basirã, machiba ichide bari ijãa panaɗai basii mauɗe wabiɗa kachiruaɗe panaɗai basii. ¹⁸ Makarã joma Cristode ijãabadaurã biupeɗaada wã'ãesiɗau. ¹⁹ Dachiba Cristodeeba nau iujãdeburu bi'ia nureɗai kürisia panuuburã, jomaurã audeara miichuburi nuree.

²⁰ Maamina Dachí Akõreba biawãra Cristo biu ɓuɗadebena chokae jiradubisii. Biupeɗaadaɗebena ichi chi naa chokae jiraduɗaɓu. Maka Dachí Akõreba unubisii joma ichidirã siɗa biawãra chokae jiraduɗaɗi. ²¹ Èbëra ababa kachirua wauɗa kakua dachi biuɗaɗi. Ara mau kîra èbëra ababa bi'ia wauɗa kakua dachi chokae jiraduɗaɗi. ²² Joma Adandebena neepeɗaadaɗeeba biubadau. Ara mau kîra Cristodeeba ichidirã joma chokae panaɗaɗi. ²³ Cristo naa chokae jiradusii. Ichi waya neeruude ichidirã chokae jiraduɗaɗi. ²⁴ Kaadebena ewariide Cristoba jai kachiruarã jaradea ua ɓuabadaurã, jai kachiruarã mechiurã mauɗe jai kachirua meserãa nuree joma poyaaɗi. Maabae ichidirã ichi juade nuree Dachí Bajãadebena Akõremaa deai.

²⁵ Biawãra Cristo jomaurã Mechiu ɓuai ɓuu aba joma ichi kîramaabadaurã poyaaruuɗaa. ^{VII}²⁶ Mau joma

fas. V Santiago. Santiago ara mau «Jacob» abadau. Ichi Jesús åba basii. VI 15:8 Hechos 9:1-6. VII Åba joma ichi kîramaabadaurã poyaaruuɗaa. Griego beɗeɗe naka ɓu kubuu: Åba ichi jurɔ ekare ɓuuruɗaa.

poyaapeda chi kaadebena kīramaabarii, dachi biubarii, ichiba mau wā'āebii, ²⁷ Dachi Akōre bedeede jara bu-udeeba: «Bichiba joma ichi juade busii». ^I «Joma Cristo juade busii» a bumina bi'ia kuitaa panuu Dachi Akōreba ara ichi Cristo juade buubasii. Dachi Akōréburu joma Cristo juade busii. ²⁸ Dachi Akōre Warr Cristoba joma poyaasiide ichi Dachi Akōre juade beei Dachi Akōreba joma ichi juade buada kīra. Maka Dachi Akōreba joma ichi juade uru buai.

²⁹ Biupedaada chokae jiraduđakaurā, ¿sakāe chi nuree biupedaada kakau boro ea panuma? Dachi Akōreba biupedaada chokae jiradubiawēeburā, ¿sakāe maarā kakua boro eadaima? ^{II}³⁰ Maude biupedaada chokae jiraduđawēeburā, ¿dai sakāe Jesucristo bedea baita ewaricha kachiruade ārea bi'iwāe panuu? ³¹ Ābarā, machiba Dachi Mechiu Jesucristode ijāa panuu baita m̄ biawāra kīrajm̄ buu. Biawāra jaraaru: ewaricha kīrisia buu ēbērarāba m̄ chi Jesús bedea kakua beadai. ³² Éfeso puuruđe Dachi Akōre bedea jaradei baita m̄ ārea bi'iwāe buasii animara kachirua nuree ome chío buu kīra. ^{III} Biupedaada chokae jiraduđabaiburā, ¿m̄ ārea bi'iwāe buasiideeba kāare bi'ia adausma? Biawāra dachi chokae jiraduđabaiburā, bi'ia buu wauđai waabenarāba jarabadau kīra: «Bi'ia kođai, itua dođai nu biuđaiideeba». ^{IV}

³³ Ida setaa kūruabirāsturu. Machi kachirua waubadaurā ome ābua nibaaduuburā, maarāba machi bi'ia nibabadau kachirua babidai. ³⁴ Jipa kīrisiasturu. Kachirua waa waurāsturu. Waabenarā chi nuree machidebenaba Dachi Akōre adua nuree. Maudeeba machi peradai panuu.

Ābarā chokae jiraduuduude āchi kakua saka buai ūrubena

³⁵ Abauba idii buēka: «¿Biupedaada saka chokae jiraduđaima? ¿Āchi kakua saka nureadaima?» ³⁶ ¿Chi maka idi buu kīrisiaswāe nii! Ne uuda tonooruude chi netaa e beraabarii. ³⁷ Trigo uuruude maeburā barikiu netaa uuruude, chi buuru ukau maumaarā chi netaa ubarii. ³⁸ Maamina mau netaadebena Dachi Akōreba chi buuru tonobibarii ara ichi buuru kīra buamera.

³⁹ Nau iujāade chokae nuree arabau kakua kīra nureewāema. Ēbēra kakua āyaa nii, ānimara kakua āyaa nii, ibana kakua āyaa nii, beda kakua āyaa nii. ⁴⁰ Maude bajāade ne a'awaraa barau. Nau iujāade bida ne a'awaraa barau. Maamina chi bajāade ne bi'ia nuree āyaa nuree, chi nau iujāade ne bi'ia nuree audeara. ⁴¹ Umada ūdaa āyaa nii, jedako ūdaa āyaa nii,

^I 15:27 Salmos 8:6. ^{II} Corintodebena ābarāba chi biupedaada kakua boro ea panasmīna Dachi Akōre bedeede jarakau dachiba maka wauđai panuu. ^{III} 15:32 Hechos 19:23-41. ^{IV} 15:32 Isaías 22:13.

pusterrea ūdaa āyaa nii. Pusterreacha ūdaa āyaa cha koabadau.

⁴² Chi biupedaada chokae jiraduđai ne uuda kīra buu. Kakua beraabarii jau bubadau maamina kakua beraakau chokae jiradui. ⁴³ Kakua bi'iwāe nii jau bubadau maamina kakua bia nii chokae jiradui. Kakua meserāaswāe nii jau bubadau maamina kakua meserāa nii chokae jiradui. ⁴⁴ Nau iujāadebena kakua jau bubadau maamina bajāadebena kakua chokae jiradui. Nau iujāadebena kakua barauburā bajāadebena kakua sida barau.

⁴⁵ Dachi Akōre bedeede bu kubuu: «Chi nabena ēbēra Adán abadau Dachi Akōreba chokae buabisii». ^V Maamina Cristo chi kaadebena Adán abadau busii ichi jaurideeba chokae buai deamera. ⁴⁶ Bajāadebena kakua nabena kakuawāema, maumaarā nau iujāadebena kakua chi nabenab̄. Chi nabena kakua wā'āekare bajāadebena kakua adai. ⁴⁷ Chi nabena ēbēra Adán abadau ioro wauđadeeba, nau iujāadebena basii. Chi mawāarebena ēbēra Jesucristo abadau bajāadebenab̄. ⁴⁸ Adán ichi kakua ioro wauđa basii. Ara mau kīra nau iujāade duanuuba mau uru panuu. Maamina Cristoba bajāadebena kakua uru buu kīra chi bajāadebena ēbērarāba mau uru panadai. ⁴⁹ Dachi chi nabena mukīra ioro wauđa kīra nuree maude bajāadebena needa ēbēra Cristo kīra panadai.

⁵⁰ Ābarā, m̄uba nau jaraaru: chi kakua nau iujāadebena Dachi Akōre juade poyaa buabai ichidirā baara. Chi kakua beraabarii chi beraakau kakuamaa poyaa buabai. ⁵¹ Ūristuru. Dachi Akōreba naede kuitabiawēa buada m̄uba kuitabii: joma dachi biuđabai, maumaarā chi kakua kīra awara paneedai. ⁵² Maka buude, ara makude, kaadebena kachu jīwaaruude maka kīra awara paneedai. Biawāra Dachi Akōre kachu jīwai. Maude biupedaada chi kakua beraadakaude chokae jiraduđai. Maude dachi wabida chokae nuree dachi kakua kīra awara paneedai. ⁵³ Dachi kakua chi beraabarii, chi kakua beraakau beei. Dachi kakua biui buu, chi kakua biukau beei. ⁵⁴ Maka dachi kakua chi beraabarii, chi kakua beraakau beeruude maude nau kakua biui buu chi biukau kakua beeruude, Dachi Akōre bedeede bu kubuu kīra biawāra buai. Naka bu kubuu: «Dachi Akōreba dachi biui wā'āebisii». ^{VI}⁵⁵ Maude bu kubuu:

«¿Chi dachi biubibariiba waa poyaa biubiibaika? ¿Chi dachi biubibariiba waa poyaa pu'uabiibaika?» ^{VII}

⁵⁶ Moisesba buđaba kuitabi buu dachiba kachirua waubadau. Kachirua waubadaudeeba biuđai.

⁵⁷ Maamina Dachi Akōremaa ichituru kīdibai adai

^V 15:45 Génesis 2:7. ^{VI} Dachi Akōreba dachi biui wā'āebisii. Griego bedeede naka bu kubuu: Chi poyaa buuba chi biui buu misii. Isaías 25:8. ^{VII} Griego bedeede mau versículo naka bu kubuu: Biubarii, ¿bichiba poyaa buada sama buma? Biubarii, ¿bichi pu'ua sama buma? Oseas 13:14.

panuu Dach Mechiu Jesucristodeeba biudai ũrubena karibasiideeba. ⁵⁸ Mauðeeba ābarā m̄a k̄riakuabarii, ārea ijāa panásturu. Dach Mechiuba k̄ria b̄u ārea wau k̄ribadeásturu. Machiba kuitaa panuu Dach Mechiu baita wau panuu, machiba bari wau panu-uwāe.

Ābarā Jerusalende ebena baita chi nejarr̄a j̄ur̄u pepedaada

16 Mau awara machiba ābarā Jerusalende ebena baita chi nejarr̄a peeduu ũrubena m̄uuba jaraaru. M̄uuba ābarā Galacia druadebenarāmaa jarada k̄ira wáusturu. ² Misacha machicha chi nejarr̄a kanabadaude ebena awara b̄upeadaa merásturu. Makarā m̄ neeruude machiba p̄edaabai. ³ M̄ neeruude chi ābarā machiba pepedaada maarā ome m̄uuba Jerusalenda chi nejarr̄a urub̄ui. Ābarā Jerusalende benarāba āchi bi'ia irsibidamera m̄uuba maarā ome karta urub̄ui. ⁴ Maamina machimaarā m̄ siða wāi bi'ia b̄ub̄urā, maarā ome wāi.

Pablo Corintoda wāi k̄risiada

⁵ M̄ naa Macedonia druada wāi b̄u. Maabae machimaa wāi. ⁶ ¿M̄ machi baara awawarrea b̄ei b̄uēka? ¿M̄ machi baara joma nau kui che ewaride b̄ei b̄uēka? Maabae machiba m̄ poyaa aidada m̄ wāaru-umaa bi'ia wāmera. ⁷ Nauðera poyaa k̄'āa b̄ebaideeba m̄uuba machi ichiade wā k̄riawēe. Maamina Dach Mechiuba k̄riaruub̄urā, machimaa wāaruude k̄'āa b̄uade wāi. ⁸ Nama Éfeso puuruðe b̄uai aba Pentecostés bari panabadau ewari wā'āeruðaa. ⁹ Nama m̄ k̄iramaa panumina poyaa Dach Akōre beðea bi'ia jaradea b̄uai mauðe āreaba ijāa panuu.

¹⁰ Āba Timoteo machimaa neeruub̄urā, ichi machi t̄eðe bi'ia irsibisturu wapearāamera. Dach Mechiuba k̄ria b̄u ichiba bi'ia wau b̄u m̄uuba wau b̄u k̄ira. ¹¹ Mauðeeba ichi k̄iramaabiarásturu, maumaarā aidásturu m̄ ichiade neeruude jirukaraayuwāe

I *Judiorāba Pascua ewari wausiðauðe 50 ewari b̄uude āchi ne uu nub̄u chi naa chauða ũrubena k̄iraj̄m̄ ewari waubachidau. Mau bari panabadau ewari «Pentecostés» abachidau. Levítico 23:15-16.*

neemera. M̄uuba mauðe waabenarā ābarā ichi nee esedau panuu.

¹² Dach āba Apolosmaa m̄uuba chi chuburia idisii waabenarā ābarā ome machi ichiade wāðamera. Maamina ũrauðe ichi wā k̄riawēa b̄u. Wāi poyaruude wāi.

Pabloba nau kartade aanama b̄uda

¹³ Kauwa panásturu. Jesucristode ārea ijāa panásturu. Ichiðeeba perawēa panásturu mauðe chaarea panásturu. ¹⁴ Ne joma machiba wauduu k̄riadeeba wáusturu.

¹⁵ Ābarā, machiba kuitaa panuu Acaya druade Estefanasba mauðe ichi dedebenarā chi naeðe Jesusde ijāapeadaa mauðe āchiba k̄risia panuu joma ābarā aidada baita. ¹⁶ M̄uuba machimaa chi chuburia idiiruu āchi mauðe joma āchi k̄ira nuree ũridamera. Joma Dach Akōre traju waubadaurā mauðe ābarā aidabadaurā ũristuru.

¹⁷ Āba Estefanas, Fortunato mauðe Acaico m̄uuma nepeadaadeeba k̄iraj̄m̄ b̄u. Maarāba machi kuen- da m̄ aida panuu. ¹⁸ Maarāba m̄ s̄o k̄iraj̄mbisiðau machi s̄o k̄iraj̄mbiapedaada k̄ira. Maarā ũrubena mauðe ābarā āchi k̄ira panuu ũrubena bi'ia k̄risiásturu.

¹⁹ Ābarā Asia druadebenarāba k̄ria panuu machi bi'ia panaðayu. Āba Aquilaba, neekau Priscilaba mauðe ābarā āchi deðe araa ābua imibadaurā Dach Mechiudeeba k̄ria panuu machi bi'ia panaðayu. ²⁰ Ābarā jomaurāba k̄ria panuu machi bi'ia panaðayu. Biawāra k̄riadeeba chiya bi'ia berreásturu. II

²¹ M̄ Pablob̄. Nau beðea ara m̄ juaba b̄uuru.

²² Barikiuba Dach Mechiu Jesucristo k̄riawēeb̄urā, Dach Akōreba mau ēb̄era neb̄era barau ai. ¡Uche, Dach Mechiu!

²³ M̄uuba k̄ria b̄u Dach Mechiu Jesucristoba ichi s̄obiadeeba machi aida b̄uai. ²⁴ Jesucristodeeba m̄uuba machi biawāra k̄ria b̄u. III

II *Biawāra k̄riadeeba. Griego beðeade naka b̄u kub̄u: k̄iedarr ũyásturu. III Griego beðeade chi b̄e kartade kaadeare b̄u kub̄u: bi'ia b̄u maka b̄uai.*

2 CORINTIOS

Nabena karta ābarā Corintodebena baita buđakare Pabloba nau karta busii. Waabena karta nuree audeara nau kartade ara ichi ũrubena ārea busii.

Ābarā Corintodebenarāba karta Pabloba naa buđa eđa jaradapeđa ichiba buđa kīra wausidau. Mauđeeba chi kachirua wau buđa Pabloba kude uru buđa ida busii (). Mauđe Pablo kīrajusii āchiba kachirua wau panada ida bupedaadađeeba (). Maamina waabenarā chi nuree eđa neepedaada jara paneesidau Pablo biawāra Jesucristoba buidawāe basii. Āchiba jarabachidau Pabloba araa wāi a buasiideeba, wāwēa buudeeba setaa jara buu abachidau (). Mauđe jarabachidau āchiba chi nejarra ābarā Jerusalendebena baita juru adau panuu Pabloba ara ichi baita adubarii. Mau awara jarabachidau āchi Jesucristoba buidarā chi mechiurā (). Ābarāba mau ēbērarā beđa ijāpedaadađeeba Pabloba kāare kūrisiai adua basii ().

Capítulo 1debena aba 7daa Pabloba busii Jesucristoba ichi biawāra buida ũrubena. Capítulo 10debena aba 13daa arabauđe bu kubuu. Mau awara jara buu āchi ichiade wāaruude chi wabiđa kachirua wau nuree kīra chuburiabai. Capítulo 8debena aba 9daa bu kubuu saka chi nejarra ābarā Jerusalendebena baita juru adauđai panuu.

Nau kartade chi kūrisia mechiu bu kubuu: «Mauđeeba Cristoba dai busii ichi baita berreadamera. Daiđeeba Dachī Akōreba machi iu buu ichi ome bi'ia panadamera. Daiba Cristo trūđeeba machimaa chi chuburia iđiiduu: Dachī Akōre ome bi'ia panásturu».

Nau kartade Pabloba naa buđa

1 Mũ Pablobũ. Dachī Akōreba ichi kūrīađeeba mũ Jesucristoba buidabũ. Dachī āba Timoteo mũ ome buu. Nau karta buuruu ēbērarā Dachī Akōrederā Corintodebena baita mauđe joma ichi ēbērarā Acaya druade nuree baita. **2** Mũba kūrīa buu Dachī Bajādebena Akōreba mauđe Dachī Mechiu Jesucristo āchi sōbiadeeba machi aida panada mauđe jirukaraayuwāe panabiada.

Pablo bi'iwāe buđa

3 Dachī Mechiu Jesucristo Bajādebena Akōremaa bi'ia berreadai panuu. Ichi dachi kīra chuburiabarii Dachī Akōrebũ, dachi sō kīrajũbiabarii Dachī Akōrebũ. **4** Ne jomade ārea bi'iwāe panuude ichiba dai sō kīrajũbiabarii waabenarā ārea bi'iwāe nuree sō kīra-jũbiadamera ichiba dai sō kīrajũbiada kīra. **15** Biawāra Cristo baita dai ārea bi'iwāe duanubadamina ichideeba ne jomade kīrajũbadau. **6** Maamina dai maka ārea bi'iwāe panuu machi sō kīrajũbia panadamera mauđe kachiruadebena wādamera. Dachī Akōreba dai sō kīrajũbiaruude machi sida daiđeeba kīrajũbadau. Maka machi dai kīra ārea bi'iwāe paneeduude poyaa dauchia jāaduadai. **7** Daiba kuitaa panuu machiba Dachī Akōre biawāra ārea ijāa panuu. Kuitaa panuu machi dai kīra ārea bi'iwāe pa-

I 1:4 *Isaías 40:1.*

nebadamina Dachī Akōreba machi dai kīra sō kīra-jũbiabarii.

8 Ābarā, mauđeeba daiba kūrīa panuu dai Asia druade biawāra ārea bi'iwāe panapedaada machiba mau kuitaada. Dai ārea neburade panasiideeba waa poyaa dauchia jāaduadaabai kūrīsiasidau mauđe poyaa chokae panadaabai kūrīsiasidau. **9** Biawāra dai beada kūrīsiasidau. Maamina joma makasii ara dai du aba poyaa karibada kūrīsiarādamera maumaarā chi biupedaada chokae jiradubibarii Dachī Akōreba karibai ijāadamera. **10** Ichiba dai beada bada karibasii mauđe waya beada kūrīsīaduuburā kariba buai. Daiba biawāra ijāa panuu ichiba dai beada bada kariba buai.

11 Machi biđa dai baita Dachī Akōremaa ũtaa iđi panuudeeba aida panuu. Āreaba maka ũtaa iđi panuudeeba āreaba Dachī Akōremaa bichíturu kidibai adai ichi sōbiadeeba dai aida buu baita.

Pablo Corintodaa wāi bada

12 Nau kakua kīrajũ panuu: daiba kuitaa panuu sō jipa panuudeeba, kūrīsia biadeeba nau iujādebenaarā tēede, mauđe machi tēede bi'ia nibapedaada. Mau sō jipa buai mauđe kūrīsia bia Dachī Akōredebenaabũ. Dai nau iujādebena kūrīsia kuitaadeeba maka nibadakau, maumaarā Dachī Akōreba ichi sōbiadeeba aida buudeeba maka nibabadau. **13-14** Daiba kartade buđabasii chi machiba poyaa kuitaadaabai panuu. Mũba kūrīsia buu machiba ba'āra kuitapedaada ārea kuitaa kārībađayu. Maka machi dai kakua kīra-

judeai maude Dachí Mechiu Jesús neeruude dai machi kakua kírajuudai.

¹⁵ Machi biawāra kírajuudai m̄ kakua m̄mba k̄risia b̄uudeeba, naa m̄mba k̄risia b̄uasii bes ome machi ichiade wāi ārea aidaí baita. ¹⁶ M̄mba k̄risia b̄uasii Macedonia druadaa wāaruude naa machi ichiade wāi. Maabae Macedoniaa wāpeda waya machi ichiade wāi k̄risia b̄uasii. Maka Judea druadaa wāaruude machiba m̄ poyaa aidaí k̄risia b̄uasii. ¹⁷ Maamina m̄mba k̄risia b̄uada k̄ra waubasiideeba ¿machi-maarā m̄mba āyaa jaraska? ¿Machimaarā m̄mba wauí ada waya wauwē abarika m̄mba wau k̄ria b̄uu k̄ra wauí baita? ¹⁸ Dachí Akōre bedea aba b̄uu. Ichiba kuitaa b̄uu daiba jarapedaada biawāra basii. Daiba machimaa wādaí adapeda ara makude wādaabai adaabasii. Daiba «nau biawāra» adaabasii, maadakare «seta» adai baita. ¹⁹ Silvanoba, Timoteoba maude m̄ba bida machimaa Dachí Akōre Warr Jesucristo ūrubena jaradea panasida. Jesucristoba wauí ada waya wauwēa akau. Ichiba wauí ada joma waubaríi. Daiba «nau biawāra» adaabasii, maadakare «seta» adai baita. ²⁰ Biawāra Dachí Akōreba wauí jarada joma Cristodeeba waubaríi. Maudeeba dachiba Dachí Akōremaa ūtaa idiiduude Cristodeeba bi'ia b̄uu maka b̄uai abadau. ^{II} Maka ichi ūrubena bi'ia jara panuu. ²¹ Dachí Akōreburu dai maude machi sida Cristo ome ārea nu ua b̄uu. Ichiba dachi j̄r̄r̄ adausii. ²² Ichi Jauriba dachicha daucha b̄usii dachiba ichidira kuitaadamera. Maude dachi sōde b̄usii kuitaadamera joma ichiba deai jarada biawāra adauđai.

²³ M̄mba Dachí Akōre daade jaraaru: Corintoda wabida wāwāe b̄uu machi k̄ra nomaabiamaaba chi m̄mba machi ārea kastikakuai b̄uudeeba. ²⁴ Daiba jara panuu k̄ra waubiadaabai machiba Cristode ārea ijāa panuudeeba. Bari machi aida k̄ria panuu kíraju panadamera.

2 Maudeeba m̄mba k̄risiasii machi ichiade wāabai. Waya kastikade wāaruudeeba machi k̄ra nomaabiai k̄riabasii. ² M̄mba machi k̄ra nomaabiaruubērā ¿kaiba m̄ kírajuubiima? ¿Machi k̄ra nomaaba m̄ kírajuubidaika? ³ Maudeeba machi ichiade wāi baadamaarā karta urubisii. Maka m̄ wāaruude machiba m̄ k̄ra nomaabidaabai. Machiba m̄ kírajuubidaí panuu. M̄mba kuitaa b̄uu machiba maka wauđaideeba m̄ ome ābua kíraju panadaí. ⁴ Biawāra mau karta b̄usii machi iadaai baita. Maamina maka b̄ubasii machi k̄ra nomaadamera, maumaarā kuitaadamera m̄mba machi biawāra k̄ria b̄uu. Maudeeba m̄mba k̄ra nomaadeeba, ārea k̄risia b̄uudeeba maude jēa b̄uudeeba mau karta b̄ b̄uasii.

^I Aidaí baita. Griego bedeađe chi bee kartade b̄u kubuu: k̄ra-j̄ubii baita. ^{II} Bi'ia b̄uu maka b̄uai. Griego bedeađe naka b̄u kubuu: amén. Amén bedeađe besede jara b̄uu «biawāra» maude besede jara b̄uu «bi'ia b̄uu maka b̄uai».

Abauba kachirua wauđa Pabloba peronada

⁵ Biawāra abauba kachirua wau b̄uudeeba m̄ k̄ra nomaabisii. Maamina m̄turu k̄ra nomaabiibasii, maumaarā beraa joma machi sida k̄ra nomaabisii. (M̄mba «beraa joma machi» jara b̄uu, ichiba wauđa aude kachirua b̄uu a b̄uuwēdeeba). ⁶ Machidebena āreaba mau ēbēra kachirua wauđa kastikasida. Ara mauba ara b̄uu. ⁷ Maumaarā, jāabae ichiba wauđa peronadaí panuu maude mau sōbiabidaí panuu ārea k̄ra nomaa beerāamera. ⁸ Maudeeba m̄mba machi-maa chi chuburia idiruu machiba ichi k̄ria panuu waya kuitaabiamera. ⁹ M̄mba naede mau ūrubena b̄usii machiba biawāra joma m̄mba jarada ijādaí kuitaaí baita. ¹⁰ Abauba kachirua wauđa machiba k̄de uru bee ida b̄uuduubērā m̄ba bida k̄de uru b̄uu ida b̄ui. Kachirua m̄mba k̄de uru b̄uu ida b̄ui biawāra b̄usiubērā, mau kachirua Cristo daade joma peronasii machi bi'ia duanaamera. ¹¹ M̄mba mau peronasii Satanasba dachi setaa k̄ruarāamera. Ichiba saka waubaríi dachiba ārea kuitaa panuu.

Cristodeeba dachiba ne joma poyaa panuu

¹² M̄ Troas puuruđaa wāsii chi bedea bia Cristo ūrubena jarai baita. Aria Dachí Mechiuba poraa ewaaruu k̄ra wausii ēbērarāba ūri k̄riaamera. ¹³ Maamina m̄ āba Tito unuwēdeeba jirukaraa b̄uasii. Maudeeba ābarā ome araa ābua neesiide m̄ wāi asii. Ara makude Macedonia druadaa Tito j̄r̄r̄de wāsii.

¹⁴⁻¹⁵ Dachí Akōremaa bichituru kidibai adai panuu. Jesucristoba joma poyaapada jomaurā daade puurude dai adoeruu ^{III} maude daideeba druacha ichi ūrubena kuitaabi b̄uu. Cristo ūrubena jaradea panuude Dachí Akōre daade dai kera k̄ra tuwaa panuu. Maude ichi ūrubena kuitaaí, mau kera k̄ra b̄uu. Chi Dachí Akōreba karibai panuu ēbērarāba maude chi karibaabai panuu ēbērarāba mau kera ūbadau. ¹⁶ Chi karibaabai nureemaarā, mau kera ēbēra biuda mikia k̄ra b̄uu, Jesusde ijāadawēa panuudeeba biudaideeba. Maamina chi karibai nureemaarā, mau kera ārea tuwaa b̄uu, ewaricha chokae panadaideeba. Maka ¿kaiba ara ichi meserādeeba Dachí Akōre bedea poyaa jaradeaima? ¹⁷ Daiba chi nejarra adauđai baita Dachí Akōre bedea jaradea nibadaabai āreaba waubadau k̄ra. Maumaarā Cristo ome panuudeeba Dachí Akōreba dai b̄usii. Maude ichi daade k̄risia sōbiadeeba jaradeabadau.

Dachí Akōreba ēbēra baita bedea chiwidi buda

3 ¿Mau jara panuudeeba waya ara dai ūrubena bi'ia berrea panuka? ¿Dai bi'ia nibapedaada

^{III} Jomaurā daade puurude dai adoeruu. Ichiāse chi ekare b̄u kubuu Colosenses 2:15de.

ŭrŭbena karta machimaa ichiabiadaai panuka jaradead-ai baita? 1 Daiba machimaa karta ididai panuka jaradeade wãdai baita waabenarãba waubadau kãra?

2 Machi chi karta dai sõde ɓu kubuu kãra panuu. Jomaurãba mau karta ichiaduude kuitaabadau daiba jipa jaradeabadau. 3 Daiɗeeba Cristode ijãpedaadeɗeeba machi karta Cristoba ɓu deada kãra panuu. Ichiba mau karta chi tintaba ɓuɓbasii, maumaarã chi chokae nii Dach Akõre Jaurideeba ɓusii. Mo peedeade ɓuɓbasii, maumaarã dachi sõde ɓusii. I

4 Dach Akõre daade daiba Cristodeɗeeba mau biawãra kuitaa panuu. 5 Daiba poyaa jaradaabai ara dai du aba Dach Akõre traju poyaa wauɗai panuu. Maumaarã kuitaa panuu Dach Akõreɗeeba joma poyaa wauɗai. 6 Dach Akõreba dai ɓusii ichiba ëbërarãmaa bedea chiwidi deada poyaa jaradeadamera. Mau bedea chiwidi deada Moisesba ɓuda kãra juaba ɓudawãe, maumaarã Dach Akõre Jauriba kuitaabi ɓuu. Moisesba ɓudaba kuitaabi ɓuu kachirua wau panuu kakua ëbërarã biuɗai panuu, maamina Dach Akõre Jauriba dachimaa chokae nibabiabarii.

7-8 Dach Akõreba Moisesmaa ichi ley mokara peedeade deasiide, ichi tedechoaba Moisés kiedar-maa jëratĩusii. II Maudeɗeeba israeldebenarãba Moisés kiedarr poyaa ichiadaabasi. Mau kãrawãrea ɓuu bikãa wã'ãemaa ɓuasmina wabiɗa poyaa ichiadaabai panasiɗau. III Biawãra Dach Akõreba ichi kãrawãreaba unubisii mau Moisesba ɓuda ãrea bi'ia ɓuu. Maamina ichiba bedea chiwidi deada ichi Jauriba kuitaabi ɓu-udeɗeeba ɗMoisesba ɓuda audeara aude bi'ia ɓuwëka? 9 Biawãra mau Moisesba ɓudaba ëbërarã biuɗai panuu jara ɓumina ãrea bi'ia ɓuu. Maamina Dach Akõreba bedea chiwidi deada aude bibuara ɓuu. Mauba kuitaabi ɓuu saka Dach Akõreba dachi neɓraswãe nuree abarii. 10 Moisesba ɓuda ãrea bi'ia ɓuasmina idibae ãrea bi'iwãe ɓuu ichiba bedea chiwidi deada aude bibuara ɓuudeɗeeba. 11 Moisesba ɓuda naede ãrea bi'ia ɓuasmina ewaricha waa ɓuabai basii. Maamina ichiba bedea chiwidi deada wã'ãekauɗeeba bibuara ɓuu.

12 Mau bedea chiwidi deada biawãra wã'ãekau kuitaa panuudeɗeeba daiba bi'ia jaradeabadau. 13 Dai Moisés kãra nibadaku. Mauba ichi kiedarrde paru anabaribachii israeldebenarãba chi kãrawãrea wã'ãeruu apii ichiarãadamera. 14 Maamina achiba mau ŭrŭbena kuitaadaabasi. Idibae biɗa judiorãba chi Moisesba ɓuda ichiaduude kuitaadaaku. Achi kãrisia wabiɗa paruba mera panuu kãra nuree, aba Cristodeɗeburu mau ãyaa ewaideɗeeba. 15 Idibae biɗa Moisesba ɓuda eɗa jaraaduude, paruba achi sõ mera panuu kãra nuree. 16 Biawãra aba Dach Akõremaa waya neeruude ichi kãrisia paruba mera uru ɓuu kãra ɓuu Dach Mechiuba

I 3:3 Jeremías 31:31-34. II 3:7-8 Éxodo 31:18. III 3:7-8 Éxodo 34:27-35.

ãyaa ewai. 17 «Dachi Mechiu» aaruude «Dachi Akõre Jauri» jara ɓuu. Chi Dach Mechiu Jaurideɗeeba nibabarii kachiruaɗeebena mauɗe Moisesba ɓudadeɗeebena ãyaa wãsii. 18 Dachiba Cristode ijã panuudeɗeeba dachi kãra paruba mera uru panuu kãra panuuwãema. Mauɗeeba dachiɗeeba waabenarãba Dach Mechiu kãrawãrea unu panuu kãra ichiabadauɗe ichia panuu kãra. Mauɗe Dach Mechiu Jauriba dachi ewaricha bi'ia wau kãrii Dach Mechiu kãra panadamera.

4 Dach Akõreba dachi maka kãra chuburiadeɗeeba ichi bedea ida jaradeabia ɓu baerã daiba poyaaɗawëe kãrisiaɗakau. 2 Ne joma kachirua ëbërarãba mirubia waubadau mauɗe mia kãra nejasia waubadau daiba ida ɓusidau. Waabenarã setaa kãruadaku. Dach Akõre bedea ãyaa jaradeadaku, maumaarã chi biawãra bedea arakude jaradeabadau. Maka Dach Akõre daade jomaurãmaa kuitaabiabadau daiba jipa wau panuu. 3 Maamina chi bedea bia Cristo ŭrŭbena daiba jaradea panuu wabiɗa bi'ia ŭriɗawëeburã, aba chi ëbërarã Dach Akõreba karibaabai panuu baita maka ɓuu. 4 Dach Akõreɗe ijãadakaurãmaarã mau bi'ia ŭriɗakau. Nau iujãade jubawãe nii maarã chibaribɓ. Achimaa chi biawãra bedea bia Cristo ŭrŭbena kauwa kuitabiwëa ɓuu dau pãriu wau ɓuu kãra. IV Maka achiba Cristo bi'ia nii ŭrŭbena poyaa kauwa kuitaadaabai. Cristo Dach Akõre niideɗeeba maka bi'ia ɓuu. 5 Ara dai ŭrŭbena jaradea panuuwãema, maumaarã jaradea panuu Jesucristo jomaurã Mechiu. Mauɗe daiba jara panuu Jesús kakua dai machi baita bari trajabadaurã. 6 Nau iujãa joma pãriu ɓuadã Dach Akõreba ũdaabisii. V Ara mau kãra ichi ũdaa dachi sõde ũdaabisii. Mauba jara ɓuu ichi kãrawãrea Cristodeɗeeba dachimaa kuitaabisii.

Cristode ijã ɓuudeɗeeba nibadai panuu

7 Daiba chi bedea bia Cristo ŭrŭbena uru panumina, nau kakua meserãaswãe ɓuu. Choko bari au aribarii kãra ɓuu. Mauɗeeba jomaurãba kuitaa panuu dai meserãadeɗeeba mau bedea jaradea panuuwãe, maumaarã Dach Akõre meserãa mechia ɓuudeɗeeba jaradea panuu. 8 Dai ne jomade ãrea bi'iwãe panumina mau neɓraɗeebena poyaa wãdaabai kãrisiaɗakau. Saka wauɗai adua panuude poyaa wauɗaabai kãrisiaɗakau. 9 ëbërarãba dai kachirua wau panumina Dach Akõreba ida ɓuwëa ɓuu. Dai jeeɗa jirataadumi-na poyaa beadaabai. 10 Dai wãaduucha ëbërarãba dai beada kãria panuu Jesús beapedaada kãra. Maamina Jesusba dai kariba ɓuudeɗeeba achiba daiɗeeba Jesús chokae ɓuu unubadau. 11 Biawãra dai wabiɗa chokae panuude Jesús kakua ëbërarãba dai bea kãria panadai. Maka dai chi kakua biui ɓuudeɗeeba jomaurãba

IV Biawãra. Griego bedeeɗe naka ɓu kubuu: ũdaa. V 4:6 Génesis 1:3.

Jesús chokae ßuu unudai. ¹² Biawāra ēbērarāba dai beadai kūrīa panumina daiba jaradea panuu machiba ijāasiđau. Mauđeeba ewaricha Dachī Akōre ome chokae panađai.

¹³ Dachī Akōre bedeeđe ßu kubuu: «Muußa Dachī Akōređe ijāasiđeeba berreasii». ¹ Ara mau kīra daiba Dachī Akōređe biawāra ijāa panuudeeba ichi ũrubena berrea panuu. ¹⁴ Dachī Akōreba Dachī Mechiu Jesús chokae jiradubisii, mauđe daiba kuitaa panuu dai siđa Jesús kīra chokae jiradubiai. Maabae dai machi ome ābua ara ichi daade ßui. ¹⁵ Dai mau joma ārea bi'iwāe panuu machi bi'ia nureađamera. Mauđe Dachī Akōreba ichi sōbiadeeba ēbērarā ārea karibaaruu. Maka āreaba ichimaa bichíturu kiđibai ađai mauđe ichi ũrubena bi'ia jarada.

¹⁶ Mauđeeba daiba waa jaradeađai ida ßudai kūrīsi- adakau. Dai chi kakua ewaricha meserāaswāekārimina Dachī Akōreba aiđa ßuu dai sōde chaarea nureađamera. ¹⁷ Dai ũrauđe ārea bi'iwāe paneebadamina, mauba dai aiđa ßuu, maadakare chi Dachī Akōre kīrawāreade ewaricha panađai baita. Mau kīrawārea aude bibuara ßuai chi iđibae ßā'āra bi'iwāe paneebadau audeara. ¹⁸ Mauđeeba dauba unubadau daiba kūrīsia panuuwāe, maumaarā dauba unudakau kūrīsia panuu. Dachī dauba unubadau isa wā'āebarii maamina dauba unudakau wā'āekau.

5 Nau iujāade dachi kakua ārea dauchia jāadu- adakauđeeba de ānimara e waupedaada kīra ßuu. ^{III} Dachiba kuitaa panuu dachi biuduude Dachī Akōreba dachimaa chi kakua biukau bajāadebena deai. Ēbērarāba mau biukau kakua wauđakau. ² Mauđeeba nau kakuađe panuude dachiba chi bajāadebena kakua ārea adauđai kūrīa panuu. ³ Dachiba mau bajāadebena kakua uru panađaiđeeba kakuaswāe nureađabai. ^{IV} ⁴ Biawāra dachi nau kakuađe panuude ārea bi'iwāe panabadau mauđe kīra nomaa berreabadau. Maamina mußa jarawēa ßuu dachi biu kūrīa panuu nau kakua uru paneedamaaba. Maumaarā bajāadebena kakua adau kūrīa panuu. Maka dachi kakua biui ßuu wā'āepeđa dachi kakua biukau ßeei. ⁵ Biawāra Dachī Akōreba dachi mau baita wausii. Ichi Jauri dachimaa deasii kuitaađamera joma ichiba deai jarada biawāra adoedayu.

⁶ Mauđeeba ewaricha dachi jirukaraayuwāe mauđe wapeađawēa panuu. Dachiba kuitaa panuu nau kakuađe panuude Dachī Mechiu ßuumaa panuuwāe.

I 4:13 Salmos 116:10. II Dachī Akōreba aiđa ßuu dai sōde chaarea nureađamera. Griego bedeeđe naka ßu kubuu: Dachī Akōreba dai sō wiđi wau ßuu. III Nau versiculode, chi de dachi kakua kīra ßuu. Chi de ānimara e waupedaada dachi chi kakua biui ßuu kīra ßuu. Mau kāyabāra chi bajāadebena de dachi biukau kakua kīra ßuu. IV Nabēraede gregorāba kūrīsiabachiđau chi kakua kachirua nii. Maumaarā kūrīsiabachiđau chi jauri bi'ia nii. Mauđeeba kūrīsiabachiđau dachi biuruude chi jauri kakuađebena wābachi. Āchimaarā, mau maka kūrīsiai ewaricha nibai.

⁷ Dachī dauba unu panuudeeba nibadau, mau- maarā Dachī Akōređe ijāa panuudeeba nibabadau.

⁸ Maka dachi jirukaraayuwāe mauđe wapeađawēa panuu. Dachī nau kakuađebena wā kūrīa panuu Dachī Mechiu baara nureađai baita. ⁹ Mauđeeba nau kakuađe panuude maeburā biuduuburā, dachiba joma wau kūrīa panuu Dachī Akōreba dachi bi'ia unumera. ¹⁰ Biawāra Cristoba joma dachiba waupedaada ichiai. Ichiba dachicha deai dachiba nau kakuađe wau ßuadā kīra. Bi'ia wau ßuasiiburā, ara mau kīra deai. Kachirua wau ßuasiiburā, ara mau kīra deai. ^V

Dachi Akōreba ēbērarā ichi ome waya ābua panabiada

¹¹ Dachī Mechiu wapea panuudeeba daiba ēbērarā- maa jara panuu ichiđe ijāađamera. Dachī Akōreba kuitaa ßuu daiba kūrīsia biadeeba jaradea ni- bapeđaada. Mußa kūrīsia ßuu machia biđa mau kuitaa panuu. ¹² Waya ara dai ũrubena machimaa bi'ia berrea panuuwāe, maumaarā kūrīa panuu machiba dai ũrubena poyaa bi'ia kūrīsiada. Maka waabenarāba dai ũrubena kachirua jaraaduude machiba dai ũrube- na poyaa bi'ia jarada. Āchi dauba bi'ia unu ßuu bi'ia ßuu kūrīsiabadau. Maamina chi sōde ßuu kūrīsi- adakau. ¹³ Waabenarāba jara panuu dai kīranema nuree. Dai kīranema panuuburā, Dachī Akōreba jara ßuu wauđai baita maka panuu. Dai kīrabia panuuburā, machi aiđada baita maka panuu. ¹⁴ Cristoba dai kūrīa ßuudeeba ichiba kūrīa ßuu wau panuu. Mau kūrīsi- adapeđa biawāra kuitaa panuu Ēbēra Aba busii jo- maurā kakua. Mauđeeba Dachī Akōre daade joma busiđau. ¹⁵ Biawāra Cristo jomaurā kakua biupeđa chokae jiradusii dachi chokae nureeba ara dachiba wau kūrīa panuu kīra waa waurāađamera, maumaarā ichiba kūrīa ßuu kīra wau panađamera.

¹⁶ Mauđeeba nau iujāadebenarāba waabenarā ichi- abadau kīra jāabae daiba maka ichiadau. Naede dai- ba Cristo ũrubena maka kūrīsia panasmina jāabae ma- ka wauđakau. ¹⁷ Biawāra aba Cristo ome ßuuburā, ichi chi naede ßuadā kīra ßuuwāe maumaarā ichi ēbēra chiwidi nii. ¹⁸ Joma mau Dachī Akōreba wausii. Cristodeeba dachi ichi ome bi'ia busii mauđe dai busii mau ũrubena ēbērarāmaa jaradeađamera. ¹⁹ Biawāra Cristodeeba Dachī Akōreba nau iujāadebenarā ichi ome waya ābua duanabiasii. Dachiba kachirua waupedaada joma perdonasii. Mauđe mau bedea ichi ome bi'ia ßuai ũrubena daimaa deasii jaradeađamera. ²⁰ Mauđeeba Cristoba dai busii ichi baita berreađame- era. Daiđeeba Dachī Akōreba machi iu ßuu ichi ome waya ābua panađamera. Daiba Cristo trūdeeba chi

^V Nama Pabloba busii Cristoba chi ijāabadaurāba waupedaada ichiai ũrubena. Apocalipsisde Juanba busii june neßura ichiai ũrube- na. Mau kaadebena ewaride, Dachī Bajāadebena Akōreba joma chi ijāadakaurā chokae jiradubiapeda, āchi neßura ichiai maabae joma tūbuchia kiikauđe kastikai. Apocalipsis 20:11-15.

chuburia idiiduu: Dachí Akõre ome waya ábua panásturu. ²¹ Cristoba kachirua waukau basii. Maamina dachi baita Dachí Akõreba ichi kachirua waubaríi kíra unusii. ^I Maka Cristodeeba chi Dachí Akõre jipa nii dachiba waabenarãmaa poyaa unubiabadau.

6 Daiba Dachí Akõre ome ichi traju wau panuudeeba, machimaa chi chuburia idiiduu Dachí Akõreba ichi sõbiadeeba kariba ðuu ðrübena ida burãdamera. ² Dachí Akõre bedeaede naka jara ðuu: «Chi mæba karibai baita ðuða ewaríde bichiba íðíða mæba ðrisii.

Mau ewaríde mæba bichi karibasii». ^{II} Mæba biawãra jaraaru: Mau ewari neesii. Íði Dachí Akõreba dachi karibabarii.

³ Dai ðrübena abaumaa kachirua unubidawëa panuu, abau biða kachirua berrearãdamera daiba jaradeabadau ðrübena. ⁴ Maumaarã ne jomade unubia panuu dai Dachí Akõre baita bari trajabadaurã. Área bi'iwãe panuude, ne wã'ãe panuude maude neburade panuude joma dauchia jáadua panuudeeba maka unubia panuu. ⁵ Soaba pe panuude, jãa uru panuude maude dai kakua kírubika panuude maka unubia panuu. Área traja panuude, kãí beedawëa panuude maude jarrbisía panuude maka unubia panuu. ⁶⁻⁷ Dai jipa nibapedaadeeba, biawãra kúrisia kuitaadeeba, joma dauchia jáadua panuudeeba, sõbiadeeba, Dachí Akõre Jauri dai sõde ðuudeeba, biawãra kúriadeeba, chi biawãra bedea jaradea panuudeeba, maude Dachí Akõre poyaaba maka unubi panuu. Dai jipa panuudeeba kachirua poyaabadau maude ara mau jipa panuudeeba daiba chi kachiruamaa ida poyaabidakau.

^{III} ⁸ Besede waabenarãba dai ðrübena bi'ia jarabadau. Besede kachirua jarabadau. Besede dai ðrübena kachirua trÛ poabadau. Besede bi'ia trÛ poabadau. Daiba chi biawãra bedea jara panumina waabenarãba jara panuu dai setaa jarabadau abadau. ⁹ Dai área unu panumina áchiba unuðakau ébërarã kíra waubadau. Dai biumaa panuu kíra kúrisia panumina wabiða chokae panuu. Dai soaba pebadamina beaðakau. ¹⁰ Dai kíra nomaabadamina ewarícha kírajÛ panuu. Dai chi nejarra barauwãe panuu. Maamina daiba ébërarã áreamaa Dachí Akõre ðrübena kuitaabiabadau áchi barau nuree kíra nureadamera. Dai chi nejarr barauwãe nuremina Dachí Akõredeeba joma uru panuu.

¹¹ Ábarã Corintodebena, daiba sõdeeba machi área kúria panuudeeba arakude jara panuu. ¹² Biawãra daiba machi sõdeeba kúria panuu, maamina machiba sõdeeba dai kúriawëa panuu. ¹³ Maudeeba mæba machimaa chi chuburia idiiruu akõreba ichi warrarãmaa chi chuburia idiibarii kíra: daiba sõdeeba machi

^I Ichi kachirua waubaríi kíra unusii. Griego bedeaede naka ðu kubuu: ichi kachirua wausii. ^{II} 6:2 Isaías 49:8. ^{III} Griego bedeaede naka ðu kubuu: jua bia maude jua sordo.

kúria panuu kíra machia biða sõdeeba dai kúria panásturu.

Cristode ijãadakaurã ome bedea dearásturu

¹⁴ Cristode ijãadakaurã ome bedea dearásturu. ¿Ébëra jipa nii saka ébëra kachirua ome bi'ia ðuaima? ¿Chi ðeadae ðuu saka chi páriuðe ðuu ome bi'ia ðuaima? ¹⁵ ¿Cristo saka júbawãe nii ome bi'ia ðuaima? ^{IV} ¿Cristode ijãa ðuu saka Cristode ijãawëa ðuu ome bi'ia nibaima? ¹⁶ ¿Dachí Akõre kuenda juaba ne kapedaada Dachí Akõre de mechiude ðuai ðuka? Biawãra dachi, chi Dachí Akõre chokae ðuu de mechiubÛ. Maudeeba Dachí Akõreba ichi bedeaede naka jarasii:

«MÛ áchi ome ðuai. Áchi tãede nibai.

MÛ Dachí Akõre áchiði bai maude áchi mÛ puuru nureadai». ^V

¹⁷ Maudeeba Dachí Mechiuba naka jarasii:

«Maarãdebena áyaa wásturu. Maarã ome araa ábua panarásturu.

Mæba chi bi'ia unukau ida bústuru. Maabae mæba machi bi'ia irsibii. ^{VI}

¹⁸ MÛ machi akõre bai. Machi mÛ warrarã nureadai maude mÛ kaurã nureadai.

Dachí Mechiu Joma Poyaabariiba maka jara ðuu». ^{VII}

7 Ábarã, Dachí Akõreba dachimaa mau joma wau asiideeba nau kakuaba kachirua waubaríi maude dachi kúrisiadeeba waubaríi joma ida ðuðai panuu. Dachí Akõre área wapea panuudeeba ichi baita bi'ia nureadai panuu.

Pablo Corintodebena ábarã kakua kírajÛda

² Sõdeeba dai kúriásturu. Daiba abaumaa biða kachirua wauðawëa panuu, kachirua kúrisiabiadawëa panuu maude setaa kúruadawëa panuu. ³ Mæba mau jarawëa ðuu machi ðrübena kachirua jarai baita. Mæba naede jara ðuasii daiba machi sõdeeba kúria panuu. Maude machi ome ábua panuude maeburã biuduude maka kúria panadai. ⁴ Mæba machimaa biawãra berrea ðuu maude machi kakua mÛ kírajÛ ðuu. Dai área bi'iwãe panuude mÛ machi kakua sõbiadeeba ðuabarii maude área kírajÛ ðuabarii.

⁵ Macedonia druade neesíðauðe dai poyaa kurrjírudawëa panasíðau, maumaarã ne jomade área bi'iwãe panasíðau. Ébërarã dai ome oa kachirua berrebachíðau maude dai ne wapea nibabachíðau.

⁶ Maamina Tito neesiðe dai kírajÛbiasii Dachí Akõreba chi kíra nomaa nuree kírajÛbiabariideeba. ⁷ Dai ichi needa kakúaburu kírajÛdaabasii, maumaarã machi kakua kírajÛsíðau. Ichiba jarasii machi ome

^{IV} Júbawãe nii. Griego bedeaede naka ðu kubuu: Belial. ^V 6:16 Levítico 26:12; Ezequiel 37:27. ^{VI} 6:17 Isaías 52:11; Ezequiel 20:41. ^{VII} 6:18 2 Samuel 7:14; 1 Crónicas 17:13; Isaías 43:6.

bwasiiɗe machiba ichi kīrajūɓipeɗaada. Mau awara neburūsii machiba dai unu kūrīa panuu, kachirua waupeɗaada kakua kīra nomaaba jēa panuu maude kūrīaɗeeba mɛ ɛrɛbena kūrīsia panuu. Maudeeba mɛ ārea kīrajūɓisii.

⁸ Mɛɓba karta naa bɛɗaba machi kīra nomaabia bwasmina mɛ kīra nomaawēa ɓuu. Biawāra naede kīra nomaa bwasii. Kuitasii machi awawarrea kīra nomaa panasmina mau kartadeeba machi kīra nomaabiasii.

⁹ Maamina jāabae mɛ kīrajūɓu ɓuu. Kīrajūɓu ɓuuwāe machi kīra nomaabiasiiɗeeba, maumaarā kīrajūɓu ɓuu machiba kachirua wau panada kīra nomaadeeba ida bɛɗapeɗa waya Dachī Akōremaa neesiiɗaudeeba. Biawāra Dachī Akōreba kūrīa ɓuu kīra machi kīra nomaa paneesidau. Maka daiba kastikapeɗaada kakua machi kachirua nureaɗaabasii. ¹⁰ Ababa kachirua wauɗa kakua Dachī Akōreba kūrīa ɓuu kīra nomaa beeru-uburā, ichiba kachirua wauɗa ida bɛpeɗa Dachī Akōremaa neei. Maabae Dachī Akōreba ichi karibai. Dachī Akōre ome bi'ia beesiiɗeeba mau kīra nomaa bɛaɗa kachirua kūrīsiakau. Maamina ababa nau iujāadebenarā kīra nomaabadau kīra nomaaruuburā, kachirua ida ɓuwēeeba biui.

¹¹ Dachī Akōreba kūrīa ɓuu kīra machi kīra nomasiiɗaudeeba mau kīra nomaaba machimaa jipa kūrīsiabiapeɗa jipa waubiasii. Maudeeba machiba jipa wau panuu jomaurāmaa kuitaabiai kūrīa panuu. Ābaba kachirua wauɗa kakua machi kīrusidau maude Dachī Akōreba kastikai baɗa wapeesidau. Maudeeba chi kachirua wauɗa ēbēra kastikaɗapeɗa āyaa ɓuisidau. Nejomadeeba machiba unubisidau mau kachirua wauɗa kakua neburaswāe panuu. ¹² Mɛɓba mau karta chi kachirua wauɗa ēbēra kastikai bāitaburu ɓuuɓasii. Maude chi kachirua beɗa ēbēra aidaɗi baita ɓuuɓasii. Maumaarā ɓusii machiba ijāa panuudeeba Dachī Akōre daade kuitaɗamera biawāra dai ome panuu. ¹³ Joma mauba dai kīrajūɓibiasii.

Mau awara machiba Tito kīrajūɓibisidau. Ichi machimarebena kīrajūɓu neesiiɗeeba dai ārea kīrajūɓisidau. ¹⁴ Tito machimaa wāi naede mɛɓba machi ɛrɛbena ichimaa bi'ia jarasii. Mɛɓba jarada kīra Titoba unude wāsiiɗeeba mɛ machi kakua kīra nejasiawēa ɓuu. Joma daiba machimaa jaradeapeɗaada biawāra basii. Ara mau kīra joma daiba Titomaa machi ɛrɛbena bi'ia jarapeɗaada biawāra basii. ¹⁵ Titoba kīraba ɓuabarīi machiba ichi beɗea ijāapeɗaada maude wapea panuudeeba ichi bi'ia irsibisidau. Maudeeba machi ārea kūrīa ɓuu. ¹⁶ Jāabae mɛ siɗa kīrajūɓu ɓuu. Mɛɓba kuitaa ɓuu machiba biawāra jipa wau panadaɗi.

¹ Chi nuree karta griego beɗeɗe ɓu kubuu: mɛ unu kūrīa panuu.

Ābarāba sōbiadeeba chi nejarra deapeɗaada

⁸ Mau awara ābarā, daiba kuitaabiai kūrīa panuu Dachī Akōreba ichi sōbiadeeba ābarā Macedonia druadebenarā aida ɓuu. ² Āchi ārea bi'iwāe panumina kīrajūɓu panuu. Chi nejarra barauwāe panumina kīrajūɓa chi nejarra ārea deasidau. ³ Mɛɓba jaraaru: āchiba sōbiadeeba chi nejarra āchi poyara deasidau. Maude āchiba poyaa deadaɗi panada aude deasidau. ⁴ Daimaa ārea chi chuburia idisidau āchia biɗa ābarā Jerusalendebena aidaɗi baita. ⁵ Maude āchiba wauɗaabasii ababuru daiba kūrīsia panada kīra. Maumaarā naa ara āstu deasidau Dachī Mechiuba kūrīa ɓuu kīra wauɗai baita. Mawāare daiba jarapeɗaada wausidau. Maka Dachī Akōreba kūrīa ɓuu kīra arakude wausidau.

⁶ Maudeeba daiba Titomaa chi chuburia idisidau machimaa jarade wāmera joma machiba sōbiadeeba deadaɗi apeɗaada biawāra peɗai baita. ⁷ Machiba ne jomade ārea bi'ia wau panuu: Jesusde ārea ijāa panuu, ārea berrea kuitaa panuu, Dachī Akōreɗeeba ārea ne kuitaa panuu, Dachī Akōreba kūrīa ɓuu kīra ārea wau kūrīa panuu maude dai ārea kūrīa panuu. Maudeeba machiba sōbiadeeba chi nejarra pe panuu ārea deásturu.

⁸ Mɛɓba mau wāusturu awēa ɓuu, maumaarā mɛɓba kūrīa ɓuu machiba unubidaɗi ābarā biawāra kūrīa panuu. Maudeeba mɛɓba machimaa kuitaabiai ɓuu saka waabenarāba chi nejarra ābarā Jerusalendebena baita pe panuu. ⁹ Machiba ārea kuitaa panuu Dachī Mechiu Jesucristoba ichi sōbiadeeba wauɗa. Ichi bajāade ne joma uru ɓumina, machi baita chi nejarr barauwāe ɓuu kīra bwasii machiba ne joma Dachī Akōreba dea ɓuudebena uru nureaɗamera.

¹⁰ Mɛɓmaarā machiba naka wauduuburā bi'ia panadaɗi: Nabena año basiiɗe machiba waabenarā audeara naa chi nejarra peɗai paneesidau maude maka wauɗai kūrīasidau. ¹¹ Machiba naa chi nejarra pe panasidaude sōbiadeeba maka wau panasidau. Ara mau kīra machiba sōbiadeeba deadaɗi apeɗaada joma maka deásturu. Machicha deadaɗi panuu machi poyara deásturu. ¹² Biawāra abauba poyaa dearuu kīra sōbiadeeba dearuuburā, mau deada Dachī Akōreba bi'ia unui. Abauba deai baita uru ɓuuwāeburā, Dachī Akōreba deábaɗe akau.

¹³ Mɛɓba maka jarawēa ɓuu waabenarā aida panuudeeba machi ārea bi'iwāe panadaɗi. Maumaarā mɛɓba kūrīa ɓuu arabaude chiya aidaɗi. ¹⁴ Mɛɓba jara ɓuu idibae machiba ārea uru panuudeeba ābarā aidaɗi panuu. Ara mau kīra machi ne wā'āe panuudee āchiba ārea uru panuuba machi aidaɗi panuu. Maka jomaurā arabaude chiya aida nureaɗai. ¹⁵ Dachī Akōre

bedeade naka jara ɓuu: «Chi ārea pedaba ɓur aude uru ɓuabasii maude chi ɓa'āra peda kiribaebasii». I

Pabloba Tito Corintoɗaa ɓiɗa

16 Mɓɓa Dachii Akōremaa ichituru kiɗibai abarii. Ichiba Titomaa sōdeeba machi kūrria ɓuabisii mɓɓa machi kūrria ɓuu kīra. 17 Daiba ichimaa jarasiɗau machi ichiade wāmera. Maabae machi ichiade wā kūrria ɓuasiideeba, wāsii. 18 Ichi ome daiba āba abā ɓiɗuu. Mau ābaba chi bedea bia Cristo ɓurubena aida jaradea nibabariideeba ābarā puuruchadebenaba ichi ɓurubena bi'ia jarabadau. 19 Mau awara ābarā puuruchadebenaba ichi juru adausiɗau dai ome chi nejarrā ābarā baita pepedaada Jerusalendaa deade wāmera. Mau daiba wau panuu ābarāba Dachii Mechi-umaa bi'ia berredamera maude daiba biawāra aida kūrria panuu unubiɗai baita. II²⁰ Daiba kauwa wau panuu mau chi nejarrā ārea pepedaada adoeduude abau biɗa kachirua jararādamera. 21 Biawāra daiba Dachii Mechiu daade maude ēbērarā daade jipa wau kūrria panuu.

22 Mau ābarā baara machimaa ɓiɗuude, āba june ɓiɗai. Mau ābaba ɓes ārea daimaa unubiasii ābarā ārea aida kūrria ɓuu. Iɗibae machi ārea aida kūrria ɓuu machiba jipa wauɗai kuitaa ɓuudeeba. 23 Barikiuba Tito ɓurubena idiiruuburā jarasturu ichi mɓ baara nibabarii maude mɓ ome machi tēde Dachii Akōre traju wau ɓuu. Barikiuba chi maarā ome ɓurubena idiiruuburā jarasturu chi ābarāba maarā ɓuipedaadarā maude āchi kakua Cristo ɓurubena bi'ia berrea panuu. 24 Mau ābarāmaa unubiasturu machiba āchi biawāra kūrria panuu. Maka āchiba kuitaada daiba machi ɓurubena bi'ia jarapedaada biawāra basii. Waabenarā ābarā biɗa ara mau kīra kuitaada.

Ābarā Jerusalendebena baita chi nejarrā pepedaada

9 Machiba ābarā Jerusalendebena baita chi nejarrā pe panuu ɓurubena mɓɓa nau kartade waa ɓuubai ɓuu, 2 mɓɓa kuitaa ɓuudeeba machiba aida kūrria panuu. Maudeeba nama Macedonia druade mɓɓa ābarāmaa machi ɓurubena bi'ia berreabarii. Mɓɓa āchimaa jarabachii nabena año basideebena machi Acaya druadebenarāba aidaɗai baita panuu. Maka ūrisiɗuudeeba ābarā ārea Macedoniaebenarāba ara mau kīra aidaɗai kūrria panuu. 3 Maudeeba mɓɓa nau ābarā machimaa ɓuuruu chi mɓɓa machi ɓurubena bi'ia jarada setawāe ɓuu maumaarā machiba biawāra deɗai baita panadaɗai. 4 Maka wauɗawēburā, chi nuree Macedoniaebena ābarā mɓ baara machimaa wāduude machiba chi nejarrā pedawēa panuu

I 8:15 Éxodo 16:18. II Daiba biawāra aida kūrria panuu. Griego bedeade chi bee kartade naka ɓu kubuu: Machiba biawāra aida kūrria panuu.

unudaɗi basii. Maudeeba dai kīra nejasiadaɗi, kūrria panuudeeba machiba biawāra pedai baɗa. Maude machi siɗa ārea kīra nejasiadaɗi. 5 Maudeeba mɓɓa naarā ābarāmaa chi chuburia iɗisii mɓ naa machimaa jarade wādamera machiba sōbiadeeba deadaɗi apedaada joma pedamera. Maka mɓ neeruude mau joma uru panadaɗi. Mauba unubiadaɗi daiba deabade adawēa panuu, maumaarā machiba sōbiadeeba deasiɗau.

6 Nau kīrabasturu: «Ba'āra uuruuba ba'āra junai. Ārea uuruuba ārea junai». 7 Ēbēraba abaabacha deai ɓuu ichi sōde kūrria ɓuu kīra. Deamaa ɓuudeeba deabai ɓuu, maeburā deabade a panuudeeba deabai ɓuu. Chi kīrajɓɓa dea ɓuu Dachii Akōreba kūrria ɓuu. 8 Biawāra Dachii Akōreba ne joma machimaa ārea poyaa deai. Maka ewaricha ne jomade machiba uru nureadaɗi panuu biawāra uru panadaɗi maude joma bi'ia wauɗai baita. 9 Dachii Akōre bedeade naka ɓu kubuu:

«Ichiba deakasiide chi nejarrā barauwāe nureerāmaa ārea deasii. Ewaricha ichiba jipa waubaraii». III
10 Dachii Akōreba netaa deabarii udamera. Kodai baita biɗa deabarii. Netaa ārea deabarii kīra udamera, ichiba joma ārea machimaa deai waabenarā ārea aidaɗamera. Maude jipa wau panuudeeba ne bi'ia ārea unudaɗi, ne uuda ārea chaubaraii kīra. 11 Biawāra Dachii Akōreba machimaa ne joma ārea deai waabenarā sōbiadeeba poyaa aidaɗamera. Maabae machiba dai ome chi nejarrā urubiduuduu ɓurubena ābarāba Dachii Akōremaa ichituru kiɗibai aɗai. 12 Machiba chi nejarrā deaduuba ababuru aidaɗaabai ābarā barauwāe panuuba uru panadamera, maumaarā mau kakua āchiba Dachii Akōremaa ārea ichituru kiɗibai a panadaɗi. 13 Machiba maka aida panuuba, maka unubi panuu chi bedea bia Cristo ɓurubena biawāra ijāa panuu. Sōbiadeeba chi ābarāmaa dea panuu maude jomaurā aida panuu. Maudeeba Dachii Akōremaa bi'ia berredai. 14 Dachii Akōreba ichi sōbiadeeba machi ārea aidasii maarā aidaɗamera. Maudeeba āchiba machi ārea kūrria panuudeeba Dachii Akōremaa machi baita ɗtaa idi panadaɗi. 15 Biawāra Dachii Akōreba mau deada IV kakua dachiba Dachii Akōremaa ichituru kiɗibai aɗai panuu. Mau deada aude bi'ia ɓuudeeba dachiba poyaa kuitaa jaradaabai saka ɓuu.

Pabloba ara ichi ɓurubena ābarāmaa kuitaabiada

10 Mɓ Pablobɓ. Cristo kūrriadeeba maude ichi sōbiadeeba mɓɓa machimaa chi chuburia idi-iruu mɓ bedea ūridamera. Waabenarāba jara panuu machi ome ɓuude mɓɓa wapea ɓuubaraii machi

III 9:9 Salmos 112:9. IV Dachii Akōreba mau deada. Mau jara ɓuu «Jesu Cristo».

iadaai baita, maamina machi ome b̄uwāede wa-peakau kartadeeba iadaai baita. ² Maka jara panumina machimaa neeruude dai kachirua jara panuu m̄uba biawāra iadaai. Āchiba jara panuu dai nau kakuaba k̄ria b̄uu k̄ira nibabadau. Maudeeba machi sīda iadaamaaba m̄uba chi chuburia īiiruu jipa wauđamera. ³ Dai nau kakuade panuu maamina nau kakuadeeba ch̄o panuwāe kachirua poyaadai baita. ⁴ Daiba ch̄ođai baita uru panuu nau iujādebenawāema, maumaarā Dachī Akōre poyaabariideeba joma nau iujādebena k̄risiabadau daiba poyaabadau. ¹⁵ Joma k̄risia bi'iwāe b̄ee maude dachi nejuakayadeeba Dachī Akōre ūr̄bena ida kuitaabiad̄akau, daiba chi seta kuitaabiabadau. J̄a uru panee-duu k̄ira daiba chi maka k̄risia nuree jipa k̄risiabiabadau Cristode ijādamera. ⁶ Daiba ābarā s̄o chaarea nuree kastikađai baita panuu. Maamina naa esedau panuu machiba Cristode joma ijā panuu unubiad̄amera.

⁷ Machiba chi ūr̄bena ichia panuu. Barikiuba biawāra Cristode b̄uu k̄risia b̄uub̄rā, kuitaa b̄uai b̄uu dai sīda Cristoderā. ⁸ Dachī Akōreba daimaa waubi b̄uu ūr̄bena m̄uba ārea berrea b̄umina mau kakua k̄ira nejasia b̄uwāe. Dachī Mechiuba daimaa maka waubi b̄uu machiba bi'ia ijādamera. Ichiba dai b̄uubasii machiba ijā panuu ida b̄udamera. ⁹ M̄uba k̄riawēe machiba k̄risiadau m̄ kartadeeba machi perabiai k̄ria b̄uu. ¹⁰ Waabenarāba jara panuu: «Pabloba kartadeeba ārea iadaabarii maude machimaa ārea waubiabarii. Maamina machi ome b̄uude wapea b̄uu k̄ira nii maude bi'iwāe berreabarii abadau». ¹¹ Chi maka jara panuuba kuitađai panuu daiba kaitawēeba kartadeeba iadaa panuu k̄ira, machi baara panuude maka iadaadai.

¹² Maamina ḡsakaburu dai ara āstu chi bibuara nuree abadau k̄ira k̄risiadaima? Ara āstu ichiabadau maude āchidebena ichiabadau kai aude bibuara nuree kuitađai baita. Maka wau panuuba, kauwa ūriđakau unubiabadau. ¹³ Ara dai ūr̄bena bi'ia berreadaabai, maumaarā Dachī Akōreba daimaa waubi b̄uu ūr̄bena bi'ia berreadau. Ichiba waubi b̄uu wau panuudeeba dai machimaa neesidau. ¹⁴ Dai machimaa naa chi bedea bia Cristo ūr̄bena jaradeade wāsidau. Maka b̄uadawāe basirā īibae machimaa jaradeaduude, Dachī Akōreba b̄uidawāemaa panadaabai basii.

¹⁵ Waabenarāba waupedaada kakua ara dai ūr̄bena bi'ia berread̄akau ara daiba waupedaada k̄ira. Maumaarā daiba k̄ria panuu machiba Cristode bi'ia ijāđai. Maka daiba machi druade poyaa bi'ia jaradeadai ara Dachī Akōreba waubi b̄uu k̄ira. ¹⁶ Jāabae chi bedea bia Cristo ūr̄bena waabena druade bīda jaradeadai. Maamina waabenarāba jaradeapedaadamaa

I Nau iujādebena k̄risiabadau. Kajuma bedede b̄u kubuu: fortalezas.

wādaabai, mau waabenarāba waupedaada daiburu wausidau adamaaba. ¹⁷ Dachī Akōre bedede b̄u kubuu: «Ab̄auba bi'ia berrearuub̄rā, Dachī Mechiu ūr̄bena bi'ia berrei b̄uu». ¹¹⁸ Ab̄auba ara ichi ūr̄bena bi'ia jaraaruub̄rā, mauba jara b̄uwāe Dachī Mechiuba mau ēb̄era bi'ia unu b̄uu. Maumaarā chi Dachī Mechiuba bi'ia jara b̄uu ēb̄era bi'ia unu b̄uu.

Jesucristoba b̄uidarā k̄ira nuree

11 M̄ k̄risiaswāe nii k̄ira berrea b̄umina k̄ria b̄uu machiba dauchia jādua panadai. M̄ chi chuburia īiiruu m̄uba jaraaruu ūristuru. ² Dachī Akōreba nubia b̄uu k̄ira m̄uba machi ārea nu k̄ria b̄uu. Ēb̄eraba ichi kau kima dearuu k̄ira m̄uba machi Cristomaa dea k̄ria b̄uu ara ichiđirā nuread̄amera. M̄uba k̄ria b̄uu machi ichi baita ārea bi'ia nuread̄ai āwera muk̄ira adua b̄uu k̄ira. ³ Maamina m̄uba wapea b̄uu waabenarāba machi setaa k̄ruad̄ai damaba k̄risia kuitaadeeba Eva setaa k̄ruada k̄ira. ^{III} Makarā machiba Cristode biawāra s̄odeeba ijā panuu ida b̄udai. ⁴ Dai diware nuree needaba Jesús ūr̄bena daiba jaradeapedaada awara jaradearuude maeb̄rā chi Dachī Akōre Jauri machiba adaupeada ūr̄bena awara jaradearuude machiba kauwa ūribadau. Maude chi bedea bia machiba ijāpedaada awara jaradearuude kauwa ūribadau. ⁵ Chi maka jaradeabadaurā ḡmachimaarā, jāarā Jesucristoba b̄uidarā chi aude bibuararāka? M̄umaarā, āchi audeara m̄ chi aude kaebeu b̄uwāema. ⁶ M̄ bi'ia berreakamina, biawāra bedea ārea kuitaa nii. Mau biawāra bedea daiba nejomadeeba machimaa arakude kuitaabisidau.

⁷ M̄uba chi bedea bia Dachī Akōre ūr̄bena machimaa chi nejarra īiyuswāe jaradeasiideeba m̄ machi daade kaebeu k̄ira beesii Dachī Akōre ome bi'ia nuread̄amera. ḡMakarā kachirua wauska? ⁸ Waabena ābarāba chi nejarra m̄umaa deasidau machimaa poyaa ārea jaradea b̄uamera. ⁹ M̄ machimare b̄uasiide ne joma uru b̄uabasmīna machimaa ne īiibasii. Maumaarā m̄uba wā'āe b̄uada ābarā Macedoniadebena nepepedaada joma m̄umaa deasidau. M̄uba ne aba bīda machimaa īiibasii maude īiwēa b̄uai. ¹⁰ Cristo m̄ s̄ode b̄uudeeba biawāra jaraaruu: M̄uba machideeba chi nejarra adauwēa b̄uu aaruude, chi waabenarā audeara nii k̄ira jara b̄uu. Acaya druadebenarā ab̄au bīda poyaa jaradaabai m̄uba maka jaraabai b̄uu. ¹¹ ḡM̄uba sakāe maka chi nejarra īiwēa b̄uma? ḡMachi k̄riawēa b̄uudeeba maka wau b̄uka? Dachī Akōreba kuitaa b̄uu m̄uba machi k̄ria b̄uu.

¹² Ara m̄uba waubarīi k̄ira wau b̄eei. Chi dai k̄ira wau panuu abadaurāba maka berreabadau waabenarā audeara nuree a k̄risia panuudeeba. Maamina ab̄au bīda poyaa jaradaabai dai k̄ira wau

II 10:17 Jeremías 9:24. III 11:3 Génesis 3:1-13.

panuu. ¹³ Āchi Cristoba buidarāwāema, maumaarā waabenarā setaa kūruabadaurāb. Setadeeba kūrishi-abiabadau āchi Cristoba buidarā. ¹⁴ Jāarā ūrubena machiba kauwa kūrishiadau adua panuwāema. Satanās sida ángel ūdaadebena kīra neebarii.

¹⁵ Maudeeba ichi baita bari trajabadaurā biđa jipa wau panuu kīra needuuburā machiba kūrishiadaabai panuu saka jāka needuu. Maamina āchi biudai ewaride āchiba kachirua waupedaada kīra kastikai.

Pablo ārea bi'iwāe ʘuu tāede kīrajūda

¹⁶ Mʘba waya jaraaru: abau biđa kūrishiabai ʘuu mʘ kūrishiaswāe nii. Maamina maka kūrishiaduuburā, mʘ kūrishiaswāe nii kīra ida berreabísturu mʘa biđa ara mʘ ūrubena bistīka bi'ia berrei baita. ¹⁷ Ara mʘ ūrubena bi'ia berrea ʘuude Dachī Mechiuba maka berreabiwāe ʘuu, maumaarā mʘ kūrishiaswāe nii kīra berrea ʘuu. ¹⁸ Āreaba ara āchi ūrubena ārea berreabadau nau iujāadebenarāba waubadau kīra. Maudeeba mʘa biđa ara mʘ ūrubena bi'ia berrei. ¹⁹ Machi kūriskawa nuredeeba nau kūrishiaswāe niiba jaradea ʘuu machiba dauchia jādua panabadau. ²⁰ Machi āchi baita bari trajabadaurā kīra paneebiaduude, machi kodai bada kooduude, machide juakaa adauduude, maarāba machi aude bibuara nuree kūrishiaduude maeburā machi kīedarr siiduude machiba ida kabibadau. ²¹ Mʘba jaraaru: mʘ machi tāede ʘuasiide, jāarā kīra ʘuabasii. Machimaarā, mʘ maka chi poyaabariiswāe ʘuadea kakua, ʘnejasia ʘuai ʘuka?

Abau ara ichi ūrubena poyaa bi'ia berrearuuburā, mʘa biđa ara mʘ ūrubena poyaa bi'ia kūrīai. Maamina maka berrearuude kūrishiaswāe nii kīra berrei ʘuu. ²² Āchi hebreorā a panuu. ʘMʘ sida arabauwāeka? Āchi Israeldebenarā a panuu. ʘMʘ sida arabauwāeka? Āchi Abrahamdebenena imipeadaarā a panuu. ʘMʘ sida arabauwāeka? ²³ Āchi Cristo baita bari trajabadaurā a panuu. Maamina āchi audeara mʘba bi'ia Cristoba kūrīa ʘuu waubarīi. Maka berrea ʘuude kūrishiaswāe nii kīra berrea ʘuu. Biawāra āchi audeara mʘba Dachī Akōre traju audeara waubarīi. Āchi audeara ēbērarāba mʘ bes ārea sīsīda. Āchi audeara mʘ bes ārea jūa uru panasīda. Bes ārea mʘ biumaa ʘuasiī. ²⁴ Bes jua aba judiorāba mʘ jidausiīda. Jidauduucha soaba 39 bes pesīda. ²⁵ Bes ōbea mʘ jidaudapeda bakuruba usīda. Bes aba mʘ mooba batasiīda bead-ai baita. Bes ōbea mʘ marde wāsiīde, jāba taawāsīi. Bes aba āyadaa maude ēsabude mʘ mar ēsa ūu ʘuasiī.

²⁶ Mʘ ode wāaruude, do che nuʘuude nibabachii, maude nechirubadau baraumare nibabachii. Ara mʘ ēbērarā judiorā tāede maude judiowāerā tāede mʘ kachiruade ʘuasiī. Puuruude maude puuru awara mʘ

I Nau kūrishiaswāe niiba. Nama Pabloba ara ichituru jara ʘuu.

kachiruade ʘuasiī. Marde biđa kachiruade ʘuasiī. Biawāra ābarāwāe kakua mʘ kachiruade ʘuasiī. ²⁷ Traja ʘuude mʘ ārea bi'iwāe ʘuabachii. Bes ārea kāi ʘeeka basii, jarrbaa ʘuabachii, obisia ʘuabachii, kowēa ʘuabachii. Kūrasāba mʘ uri ʘuabachii maude paruswāe ʘuabachii. ²⁸ Mau awara ewaricha joma ābarā druachadebena ūrubena mʘ ārea jirukaraa ʘuabarīi. ²⁹ Aba ēpermo ʘeeruuburā, mʘ sida ēpermo ʘeeruu kīra ʘuabarīi. Abaua waabena āba kachiruade ʘeebiiruuburā, mʘ mau ēbēra ome kīrubarīi.

³⁰ Ara mʘ ūrubena bi'ia berrearuuburā, mʘ meserāaswāe nii ūrubena bi'ia berrei. ³¹ Dachī Bajādebenena Mechiu Jesús Akōre ūrubena ewaricha bi'ia berreadau panuu. Ichiba kuitaa ʘuu mʘ setaa jarakau. ³² Damasco puuruude ʘuasiīde chi rey Aretasba ichi puuru nubariīmaa mʘ jurēbisii jidaumera. ³³ Maamina ābarāba mʘ ē mechiude eda joadapeda, maabae chi puuru mooba adu karaada choʘea nuʘuude ūrubaba edaa ʘuasiīda. Maka ichi juakaa jīidru wāsīi. II

Pabloba bajāade unūda

12 Waya ara mʘ ūrubena bi'ia berrei, mauba waabenarā aīdakamina. Dachī Mechiuba mʘ daumaa unubiđa maude kuitaabīda mʘba jaraaru. ² Cristode ijāabarīi ēbēra aba mʘba unubarīi. III Año 14 basiīde, Dachī Akōreba mau āba bajāadaa ichi ʘuumaa adoesii. IV Mʘba adua ʘuu Dachī Akōreba ichi chi kakua adoe ʘuasiī maeburā ababuru ichi jauri adoe ʘuasiī. Dachī Akōreburu mau kuitaa ʘuu. ³⁻⁴ Maamina mʘba kuitaa ʘuu Dachī Akōreba mau āba ichi bajāa bi'ia ʘuudea adoe ʘuasiī. Aria mau āba-ba beḏea bia ūrisii dachiba poyaa kuitaa jaradaku maude nau iujāade jaradaabai ʘuu. Biawāra mʘba adua ʘuu Dachī Akōreba ichi kakua adoe ʘuasiī maeburā ababuru ichi jauri adoe ʘuasiī. Dachī Akōreburu mau kuitaa ʘuu. ⁵ Mau āba ūrubena mʘba bi'ia berrei, maamina ara mʘ ūrubena bi'ia berreawēma. Ababuru mʘ meserāaswāe nii ūrubena bi'ia berrei. ⁶ Biawāra ara mʘ ūrubena bi'ia berrea kūrīa basirā mʘ kūrishiaswāe nii kīra berrebasii, biawāra beḏea berrei basiīdeeba. Maamina mʘ maka berreawēma abau biđa mʘ bi'ia ʘuu kūrīarāamera. Maumaarā mʘba kūrīa ʘuu machiba mʘ ūrubena arakude kūrishiadau mʘba wau ʘuu unu panuudeeba maude mʘba jaradea ʘuu ūri panuudeeba.

⁷ Dachī Akōreba mʘmaa bajāade unubiđa ārea bibuara ʘuasiī. Maamina mʘba ara mʘ ūrubena ārea bi'ia kūrīarāamera, Dachī Akōreba mʘmaa pu'ubisii ūriiba su nuʘuu kīra. Satanasba buīdaba ma-

II 11:33 Hechos 9:23-25. III Pabloba ara ichi ūrubena maka jara ʘuu. Maamina mirubia jara ʘuu ēbērarāba kūrīarāamera ichi chi mechiu nii a jara ʘuu. IV Bajāadaa ichi ʘuumaa. Griego beḏeade naka ʘu kubuu: ōbeabena bajāadaa. Chi judiorāmaarā, mau jara ʘuu «Dachī Akōre ʘuabarīi».

ka waubarii. ⁸ Mũba b̄es ōbea Dachī Mechiūmaa chi chuburia id̄isii mau pu'ua wā'āebimera. ⁹ Maamina ichiba jarasii: «Mũ s̄ōbiadeeba bichi aidai joma dauchia jādua b̄uamera. Bichi meserāaswāe b̄uude m̄ jua aude meserāa b̄uu». Mũ meserāaswāe b̄uude Cristo poyaa b̄uabariideeba m̄ meserāaswāe b̄uu ūrubena k̄irajũba bi'ia berrei. ¹⁰ Cristo kakua ārea bi'iwāe b̄uude, meserāaswāe b̄uude, ne wā'āe b̄uude, ēb̄erārāba m̄ ūrubena kachirua jara panuude maude kachirua wauđai baita wāraa panuude m̄ k̄irajũ b̄uu. Biawāra m̄ meserāaswāe b̄uude Cristodeeba meserāa nii.

Corintodebena ābarā ūrubena Pabloba k̄irisia b̄uada

¹¹ Mũ k̄irisiaswāe nii k̄ira ara m̄ ūrubena bi'ia berrea b̄uu, maamina machiaboru m̄ maka berre-abisidau. Machiba m̄ ūrubena bi'ia berreadai panumina bi'ia berreadawēa panuu. Maude k̄irisia panuu jāarā Jesucristoba b̄uidarā abadaurā chi mechiu nuree. Mũ chi mechiuwāemina āchi audeara kaebeu b̄uuwāe. ¹² Mũ machi tāede b̄uasiide joma wausii, Jesucristoba b̄uidarāba waubadau k̄ira. Joma dauchia jādua b̄uasii maude ēb̄erārāba ne poyaa wauđakau waubachii. ¹³ ¿Mũba k̄aredeeba machi waabena puurudebena ābarā audeara kachirua wausma? ¿Ababoru machidebena m̄ba ne id̄iwēa b̄uasiideeba, maka k̄irisia panuka? Maka b̄uburā j̄mau kachirua wauđa michuburia perdonasturu!

¹⁴ Mũ machimaa wāi baita b̄uu. Nauba b̄es ōbea bai wāruu. Maamina m̄ba id̄iwēma machiba aidadamera. Machiba uru b̄ee j̄r̄u b̄uuwāe, maumaarā machi k̄iria b̄uu. Warrarāba chi nejarra jaat̄đakau āchi ak̄orerāmaa deđai baita, maumaarā chi ak̄orerāba chi nejarra jaat̄badau āchi warrarāmaa deđai baita. ¹⁵ Ara m̄ maude joma m̄ba uru b̄uu k̄irajũ deai machi aidai baita. Mũ ārea k̄riđawēa panumina, m̄ba machi aude k̄riakua b̄uai.

¹⁶ Machiba kuitaa panuu m̄ba machi chi nejarra b̄ā'āra biđa id̄ibasii. Maamina chi waabenarāmaarā m̄ k̄irisia kuitaadeeba machi setaa k̄ruasii chi nejarra adai baita. ¹⁷ Mũba ābarā b̄uisiide ¿āchideeba machi setaa k̄ruaska chi nejarra adai baita? ¹⁸ Mũba Titomaa chi chuburia id̄isii machi ichiade wāmera. Junebena āba siđa ichi ome b̄usii. Āchi wāsiđaude ¿Titoba machi setaa k̄ruaska chi nejarra adai baita? ¿Daiba arabau k̄irisia uru panađaabaska? ¿Ara mau k̄ira nibađaabaska?

¹⁹ ¿Machimaarā daiba maka jara panuka dai ūrubena kachirua k̄risiarādamera? Makawāema. Ābarā, dai Cristoderādeeba Dachī Ak̄ore dađe joma mau jara panuu machiba bi'ia ijādamera. ²⁰ Mũba wapea b̄uu machimaa wāpeđa machi unubai m̄ba unu k̄iria b̄uu k̄ira. j̄Maude machiba m̄ unuđabai machiba k̄iria panuu k̄ira, machi iadaideeba! Biawāra m̄ba

wapea b̄uu unude wāi machi oa kachirua berrea panuu, waabenarāba ne uru panuu kakua k̄ira kachirua panuu, k̄iru panuu, ara machi bi'ia panađai baita j̄r̄u panuu, waabenarā ūrubena oa kachirua berrea panuu, waabenarā ūrubena setaa jara panuu, chi aude mechiu nii k̄irisia panuu, maude k̄irubika bara b̄uu. ²¹ Mũba wapea b̄uu machimaa waya neeruude Dachī Ak̄oreba m̄ kaebeu k̄ira b̄ui, machi kakua. Maude ārea machiba naede kachirua wau panađa wabiđa wau panuudeeba m̄ j̄ei. Machiba chi Dachī Ak̄oremaarā bi'iwāe waubadau, dachi kakuaba barikia kachirua waubadau maude waabenarā dađe k̄ira nejasia waubadau wabiđa mau ida b̄uđawēa panuudeeba j̄ei.

Pabloba nau kartade aanama b̄uđa

13 Dachī Ak̄ore bedeade naka jara b̄uu: «Abauba kachirua wauđa ichiaduude ēb̄era ome mae-b̄urā ōbea panađai panuu. Maude ichiba kachirua wauđa ūrubena arabauđe jaraaduuburā, kuitaade bi-awāra kachirua wausii». ¹ Nauba b̄es ōbea m̄ machimaa wāruudeeba iadaai Dachī Ak̄ore bedeade jara b̄uu k̄ira. ² Bes ome machimaa wāsiide m̄ba jarasii kachirua wau nureerāmaa waa waurādamera. Maka wauđawēeburā, waya neeruude m̄ba āchi k̄ira chuburiabai asii. Maude ara ūrauđe m̄ machi baara b̄uwāemina arabauđe jaraaru: kachirua wau nureerāba ida b̄uđawēeburā, m̄ waya wāruude āchi k̄ira chuburiabai. ³ Machiba Cristo biawāra m̄deeba berrea b̄uu kuitaa k̄iria panuudeeba, m̄ba maka unubiai. Cristoba ara ichi meserāaswāe nii machimaa unubiakau, maumaarā meserāa nii unubia b̄uu. ⁴ Ichi meserāaswāe nii k̄ira cruzde jirabusidamina Dachī Ak̄ore poyaabariideeba chokae nii. Dai siđa meserāaswāe panuu ichi meserāaswāe b̄uada k̄ira, maamina machimaa unubiadei ichi ome dai Dachī Ak̄ore poyaabariideeba panađai.

⁵ Ara machicha ārea k̄risiđasturu biawāra Jesusde ijā panuu kuitaadei baita. Ara machicha ārea ichiđasturu jipa nibađa kuitaadei baita. ¿Machiba adua panuka Jesucristo machi s̄ode b̄uu? Machi s̄ode b̄uwāeburā ichiđirāwāema. ⁶ Maamina machi s̄ode b̄uu kuitaduuburā m̄ba k̄irisia b̄uu machiba kuitaadei dai bi-awāra Jesucristoba b̄uidarā. ⁷ Daiba Dachī Ak̄oremaa idi panuu machiba kachirua waurādamera. Maamina maka idi panuwāema unubiadei baita dai Jesucristoba b̄uidarā. Maumaarā idi panuu machiba joma bi'ia wauđamera, dai Jesucristoba b̄uidarā k̄risiđawēa panumina. ⁸ Daiba chi biawāra bede poyaa k̄ira awara wauđabai, maumaarā chi biawāra bede joma wauđai panuu. ⁹ Machiba ārea ijā panuburā dai meserāaswāe panumina k̄irajũ panuu. Mau awara

daiba Dachí Akõremaa ɛtaa iði panuu machiba jipa wau panáamera. ¹⁰ Maudeeba machimaa wãí naede mɛɛba nau karta urubɛiruu. Machiba mau ijãadu-ubɛrã machimaa neeruude mɛɛba iadaabai. Biawãra Dachí Mechiu Jesusba mɛ ɛuubasii machi kachirua wauɛamera, maumaarã mɛ ɛusii machiba bi'ia ijãamera.

¹¹ Åbarã, kaadeare mɛɛba naka ɛɛruu: kírajɛɛ panásturu, waya jipa wau panásturu, mɛɛba jara ɛuu wau panásturu, arabau kãrisia uru panásturu maude jirukaraayuwãe panásturu. Makarã chi Dachí Akõreba

dachimaa kãriabiabarii maude jirukaraayuwãe ɛuubi-abarii machi ome ɛuai. ¹² Biawãra kãriadeeba chiya bi'ia berreásturu. ¹³ Joma namabena åbarãba kãria panuu machi bi'ia duanaɛai.

¹⁴ Mɛɛba kãria ɛuu Dachí Mechiu Jesucristoba ichi sõbiadeeba machi aida ɛuai, Dachí Akõreba årea kãria ɛuai maude ewaricha Dachí Akõre Jauriba åbua bi'ia uru ɛuai.

I *Biawãra kãriadeeba. Griego bedede naka ɛu kubuu: kíedarr åyásturu.*

GÁLATAS

Pabloba naa Jesucristo ũrubena jarade wásiide naarã puuru Galacia druadebenadaa wásii: Antioquía Pisidiadebena, Iconio puuru, Listra maude Derbe puuru (). Ēbērarã mau puurude nuree judiowāerã basii. Pabloba aria jaradeasiide waabenarã judiorã needapeđa jaradea kopaneesidau Cristođe ijāapeđa, mukĩra chi kakua tōđai panuu. Mau awara jara panasidau Pabloba Moisesba buđa ačhima joma ijāabiawēdeeba, Cristoba buđawāe basii. Maude ābarã Galaciadebenarãba maarã judiorãđe ijāa kopaneesidau.

Maudeeba Pabloba nau Gálatas karta busii. Año 50đe busii. Naa Pabloba ābarã iadaasii chi beđa bia Cristo ũrubena ijāapeđa kĩrisia junebena ũrisidaudeeba. Mawāare busii saka Jesucristoba ichi iusii judiowāerãmaa jaradea nibamera maude chi ābarã mechiurã Jerusalende nureerãba ichiba maka wau buu bi'ia unu panuu (). Mau awara busii Cristođe ijāa panuu kakua Dachí Akōreba ichi sōbiadeeba dachi chi ichiđirã jipa nuree baara duanuu. Joma mau bu kubuu.

Mawāare Pabloba busii Moisesba buđa ijāabi panuudeeba mau judiorãba judiowāerãmaa chi beđa bia Cristo ũrubena ijāapeđa ida kabidakau maude maarã Moisesba buđeđe ijāa panuurãba joma wauđai panumina poyaa wauđaabai. Maudeeba busii Abrahamba mau Moisesba buđawāe ijāasiideeba Dachí Akōreba karibasii. Busii āchiba maka ijāaduuburã Dachí Akōreba karibai Abraham karibada kĩra. Joma mau bu kubuu .

Pabloba kađeare busii chi beđa bia Cristo ũrubena ijāaduuburã jāabaera dachi Moisesba buđeđe bari trajabaurāwāema, ichi Jauriba ua nibamera. Maudeeba busii saka ichi Jauriđeeba nibadaí panuu. Mau ũrubena bu kubuu .

Nau kartade Pabloba naa buđa

1 Mx Pablobu, Jesucristoba buđidabu. I Ēbērarãba mx juru adauđabasii Jesucristoba buđa buam-
era. Maumaarã Jesucristoba maude ichi Akōreba, ichi biu buđa chokae jiradubiđaba mx maka busidau.

2 Mxuba nau karta buuruu ābarã Galacia druadebenarã baita. Joma ābarã mx ome panuurãba kũria panuu, ³ Dachí Bajāadebena Akōreba maude Dachí Mechiu Jesucristo āchi sōbiadeeba machi aida panadaí maude jirukaraayuwāe panabiadaí. ⁴ Ara mau Jesucristoba ichi dachi kachirua kakua ida beabisii nau ewari kachiruaдебena karibai baita. Maka wausii Dachí Bajāadebena Akōreba maka kũriasiideeba.

⁵ Ewaricha ichimaa bi'ia berreadaí panuu. Bi'ia buu maka buai. II

Beđa bia Cristo ũrubena ababuru buu

6 Mx saka kũrisiai adua buu machiba kã'āabariwāede Dachí Akōre ida bupeđaada. Ichiba machi iusii Cristo sōbiadeeba karibai baita, maamina machiba ārea ũri panuu waabenarãba beđa bia kĩra jara panuu. ⁷ Biawāra, chi beđa bia june wã'āe. Maamina chi nureerãba machimaa bi'iwāe kũriabiabadau, chi beđa bia Cristo ũrubena āyaa jaradea panuudeeba.

I Jesucristoba buđidabu. Kajuma beđeđe naka bu kubuu: apóstol. Mau griego beđeđe jara buu «buđa». II Bi'ia buu maka buai. Kajuma beđeđe bu kubuu: amén.

⁸ Barikiuba chi beđa bia Cristo ũrubena daiba machimaa jaradeapeđaada june āyaa jaradearuuburã, Dachí Akōreba mau ewaricha kastikai; daiba maeburã ángel biđa june āyaa jaradeaduuburã, dai siđa Dachí Akōreba ewaricha kastikai. ⁹ Daiba naede jarapeđaada mxuba waya jaraaruu: machiba chi beđa bia Cristo ũrubena ijāapeđaada barikiuba june jaradearuuburã, Dachí Akōreba mau baribai.

¹⁰ Maka jara buudeeba mxuba juruwēa buu ēbērarãba mx bi'ia unudamera, maumaarã kũria buu Dachí Akōréburu mx bi'ia unumera. Cristođe ijāai naede mxuba juru buabachii ēbērarãba mx bi'ia unudamera. Wabiđa maka wau buasirã, mx Cristo baita bari trajabarii buabai basii.

Jesucristoba Pablo iuđa

¹¹ Ābarã, kuitásturu chi beđa bia Cristo ũrubena mxuba machimaa jaradeada ēbēra kũriasiidebenawāe.

¹² Mau beđa mxuba aba ēbēradebena kuitaabasii. Aba ēbēraba mxumaa jaradeabasii. Maumaarã Jesucristoba mxumaa kuitaabisii. ¹³ Machiba ũrisidau mx saka nibasii judiorãba jaradeabadau joma wau buasiide. Machiba kuitaa panuu mxuba ēbērarã Dachí Akōređerã ārea kachirua waubachii. Joma perdonai kũria buasii. ¹⁴ Judiorãba jaradeabadau mxuba bi'ia kuitaaruu basii mx abarakaurã audeara, dai nabēraedebenarãba waubachidau mxuba ārea waubachiideeba. ¹⁵ Maamina mx naweba mx adai

naede Dachí Akõreba m̃ j̃r̃m̃ adausii. Ichi sõbiadeeba m̃ iusii ichi baita bari trajabarii b̃uamera. Ichiba k̃risiada k̃ira ¹⁶ ichi Warr m̃m̃maa kuitaabisii judiowãerãmaa mau ãr̃ubena jaramera. Maude m̃m̃ba ab̃auma bida idiibasii saka wau b̃uu kuitaai baita. ¹⁷ Maude m̃ Jerusalenda wãabasii chi m̃ naede Jesucristoba b̃idarãmaa idi baita. Maumaarã m̃ Arabia druada wãsii. Maadakare Damasco puuruda waya wãsii.

¹⁸ Año õbea badakare m̃ Jerusalenda wãsii Pedro unui baita. Aria ¹⁵ ewari mau ome b̃uasii. ¹⁹ Pedro awara, Jesucristoba b̃idarãebena, Dachí Mechiu ãba Santiagóturu unusii. ¹ Waabenarã m̃m̃ba unuubasii. ²⁰ Dachí Akõre daade m̃m̃ba machimaa jaraaru: m̃ ãr̃ubena b̃uruu setawãe. ²¹ Jerusalenda wãsiide m̃ Siria druada maude Cilicia druada wãsii. ²² Cristode ijãabadaurã Judea druadebenarãba m̃ unudakau basii. ²³ Æchiba naka jaraadúuru ãribachidau: «Dachí kachirua wau baita wãraa b̃uadaba jãabae jaradea b̃uu jomaurãba Cristode ijãadamera. Naede mau ichiba joma wã'ãebii k̃ria b̃uasii». ²⁴ Maudeeba m̃ kakua Æchiba Dachí Akõremaa bi'ia berreasidau.

Jesucristoba b̃idarãba Pablo bi'ia irsibipeada

² Año 14 badakare m̃ Bernabé ome waya Jerusalenda wãsii. Tito siela wãsii. ² M̃ wãsii Dachí Akõreba kuitaabisideeba araa wã b̃uu. Ara baside m̃m̃ba Æbarã chi mechiurã ómeburu araa imibiapeda, jarasii chi bede bia Cristo ãr̃ubena m̃m̃ba judiowãerãmaa saka jaradea b̃uu. Maka wausii m̃m̃ba wau b̃uu Æchiba bi'ia unu panuu kuitaai baita. ^{III} Maude Tito m̃ ome b̃uu judiowãemina, Æchiba jaraabasii ichi muk̃ira chi kakua tõi b̃uu. ⁴ Mau ãr̃ubena berreasidau chi nuree biawãra Æbarãwãeba jarabachidaudeeba. Maarã Æbarã k̃ira needapeda, unudai k̃riabachidau dachí Moisesba b̃udadebena ãyaa wãsidau kuitaa. Jesucristode ijãadai badamaarã, chi Moisesba b̃uda waya wau b̃uu k̃ria panasidau, chi mau b̃uda baita bari trajabadaurã k̃ira. ⁵ Maamina Æchiba jarapeda daiba ne aba bida ijãadabasii machiba chi bede bia biawãra Cristo ãr̃ubena ewaricha uru nureadamera. ^{III}

⁶⁻⁷ Chi mechiurã abadau Æbarãba k̃risia awara jaraabasii m̃m̃ba jaradamera. Maumaarã kuitaasidau Dachí Akõreba m̃ b̃usii chi bede bia Cristo ãr̃ubena judiowãerãmaa jaradamera Pedro judiorãmaa bida k̃ira. (Æchi chi mechiurã panuu abadamina, m̃ baita arabaude b̃uu, Dachí Akõreba dachí k̃ira awara unukaudeeba). ⁸ Biawãra Dachí

I Santiago ara mau «Jacob» abadau. II Maka wausii...kuitaai baita. Griego bedeade naka b̃u kubuu: Maka wausii m̃ bari piraabayua maeburã bari pira b̃uadawãebayua. III Pabloba jara k̃ria b̃uu muk̃ira chi kakua tõobai b̃uu judiorãba waubadau k̃ira, Dachí Akõrede ijãabarii bai baita.

Akõreba Pedro ichiba bida b̃usii judiorãmaa jaradamera. Ara mau Dachí Akõreba m̃ b̃usii ichiba bida bai baita, judiowãerãmaa jaradamera. ⁹ Æbarã chi mechiurã Santiagoba ^{IV}, Pedroba ^V maude Juanba kuitaasidau Dachí Akõreba ichi sõbiadeeba biawãra m̃ judiowãerãmaa b̃usii. Maude Æchi m̃ ome maude Bernabé ome jua deasidau kuitaabidai baita arabau k̃risia uru panuu. Æchiba jarasidau daiba judiowãerãmaa jaradea panadai, maude Æchiba judiorãmaa jaradea panadai. ¹⁰ Ababuru daimaa jarasidau Æbarã chi nejarr barauwãe nuree aidadamera. Mau m̃m̃maarã Ærea bi'ia b̃uasii maka wau k̃ria b̃uasideeba.

Pabloba Pedro iadaada

¹¹ Ewari aba Pedro Antioquia puuruda Æbarã ichide wãsii. Aria m̃m̃ba jomaurã Æbarã daade ichi iadaasii, ichiba biawãra kachirua wausideeba. ¹² Naka kachirua wausii: chi nuree Æbarã judiorã ebãrarã Santiagodebenarã Antioquia puuruda wãsidau. Æchiba jarabachidau judiowãerã muk̃ira chi kakua tõodai panuu ebãrarã Dachí Akõrederã nureadai baita. Æchi needai naede Pedro Æbarã judiowãerã ome kobachii, maamina mau Æbarã judiorã needapeda ichi waya Æbarã judiowãerã ome koobasii. Maumaarã ãyaa wãsii. Wapea b̃uasii chi judiowãerã Æchi muk̃ira chi kakua tõodai panuu a jara panuu ãr̃ubena. ^{VI}¹³ Maude waabenarã Æbarã judiorãba chi Æbarã judiowãerã ida b̃usidau Pedroba biawãrawãe wau b̃uu k̃ira. Maka wau panuudeeba Bernabé bida ara mau k̃ira kachirua wausii. ¹⁴ Maamina m̃m̃ba unusii Æchi biawãra chi bede bia Cristo ãr̃ubena jara b̃uu k̃ira nibadabasii. Maudeeba m̃m̃ba Pedro jomaurã Æbarã daade naka iadaasii: «Bichi judiomina judio k̃ira nibakau. Maumaarã judiowãe k̃ira nibabarii. Mau ¿sakãe bichiba Æbarã judiowãerãmaa judiorãba waubadau waubia b̃uma?»

¹⁵ Judiowãerãba Moisesba b̃uda wã'ãe panuudeeba dachí judiorãba Æchi kachirua waubadaurã abadau. Dachí naweba warr adausidaudeebena judiorãdeeba, mau Moisesba b̃uda uru panuu. ¹⁶ Maamina dachiba kuitaa panuu Dachí Akõreba aba bida b̃uwẽe chi jipa nuree baara, mau Moisesba b̃uda wau b̃uudeeba. Maumaarã Jesucristoba mau Moisesba b̃uda k̃ira joma wausideeba, Dachí Akõreba dachí b̃ubarii chi jipa nuree baara. Maudeeba dachia bida Jesucristode ijãasidau maude Jesucristode ijãa b̃u kakua maka chi ichidirã jipa nuree baara duanubarii, ichiba mau b̃uda k̃ira joma wau kakua. Biawãra Moisesba b̃uda wau panuudeeba Dachí Akõreba dachí b̃ukau chi jipa nuree baara. ^{VII}

IV Santiagoba. Griego bedeade naka b̃u kubuu: Jacob. V Pedroba. Griego bedeade naka b̃u kubuu: Cefas. VI Pedro ãr̃ubena naede kachirua jarasidaudeeba waya kachirua jaradai k̃risiasii. Hechos 11:1-18. VII 2:16 Salmos 143:2.

¹⁷ Dachiba jurusidau Cristodeeba Dach Akõreba dachi chi jipa nuree baara duanumera. Maudeeba waabenarãmaarã dachi kachirua waubadaurãbu, chi Moisesba buɗa ida busidaudeeba. Makarã ¿Cristoba dachimaa kachirua waubia buka? ¡Makawãema!
¹⁸ Mũba Moisesba buɗa ida buɗakare waya ijãaru-uburã, mu nebura baraa beei mau buɗa ida bu busi-ideeba. ¹⁹ Naede mu Moisesba buɗadeeba nibasii. Maamina mau Moisesba buɗadeebena wãsii. ^I Maka mu Dach Akõre baita chokae beesii. ²⁰ Mu Cristo ome cruzde ãbua jirabusidau. Maudeeba ara muudeeba buwãema, maumaarã Cristo mu sõde buu. Nau kakuade chokae buumisa mu Dach Akõre Warr Jesus-deeba nibai. Ara mau Jesús, Dach Akõreba wau bu wausiideeba, mu kãriasii maude mu kaku achi ida beabisii. ²¹ Dach Akõreba ichi sõbiadeeba wauɗa muuba ida buwãe. Moisesba buɗa wau panuudeeba chi jipa nuree baara panasirã, Cristo bari biui basii.

Jesucristode ijãadai panuudeburu Dach Akõre Jauri irsibidau

3 Åbarã Galacia druadebenarã, ¡machi kãrisi-aswãe nureerã! ¿Kaiba machi setaa kũruasii chi biawãra bedea ida buɗamera? Daiba machimaa joma chi Jesucristo cruzde biu buada urubena jarade-abachidau. ² Mũba nau machimaa idiiruu: Dach Akõre Jauri irsibisidaude ¿machiba chi Moisesba buɗa wau panasidaka? Maeburã ¿chi bedea Jesús urubena uripeɗaada ijãasidaka? ³ ¡Machi biawãra kãrisiaswãe nuree! Cristode ijãasidaude naede Dach Akõre Jaurideeba bi'ia nibasidau. ¿Jãabae ara machiba wau panuudeeba chi jipa nuree baara panadaika? ^{II4} Machi bi'iwãe panada Cristo kaku ¿bari makaska? ¡Mũmaarã, machi bari ãrea bi'iwãe panadaabasii! ⁵ Dach Akõreba ichi Jauri machimaa deasii awara, ebẽrarãba ne poyaa wauɗakau machi tãede wau buu. ¿Chi Moisesba buɗa machiba wau panasideeba maka wau buka? ¿Maka wauwẽka chi bedea bia Cristo urubena uridapeɗa ijãasidaudeeba?

⁶ Abraham urubena kãrisiãsturu. «Abrahamba Dach Akõrede ijãasii. Maudeeba Dach Akõreba ichi neburaswãe nii unusii». ^{III7} Mauba kuitaada panuu chi biawãra Dach Akõrede ijãabadaurã, Abraham wararãbu. ⁸ Nabẽraede Dach Akõre bedea bu kubuu judiowãerãba Dach Akõrede ijãapeɗaada basirã ichiba ãchi ichidirã jipa nureerã baara bui basii. Maudeeba nabẽraede Dach Akõreba Abrahammaa chi bedea bia

I Mau Moisesba buɗadeebena wãsii. Griego bedea naka bu kubuu: Mau Moisesba buɗaba biusii Moisesba buɗa baita. II Ara machiba wau panuudeeba. Griego bedea naka bu kubuu: nau kakuadeeba. Chi nureemaarã, mau jara buu dachi mukãra chi kaku tõi. III Dach Akõreba ichi neburaswãe nii. Mau versiculoɗe jara buu Dach Akõre ichi jipa nuree baara busii. Cristode ijãa panasidaudeeba Galaciaɗebena judiowãerã ijãabadaurãba Dach Akõre Jauri poyaa irsibidai panasii, chi judiorã kãra. Génesis 15:6.

berreasii. Ichiba naka jarasii: «Bichi kaku muuba nau iujãade duanuu puuru joma karibai». ^{IV9} Maudeeba chi Abrahamba ijãada kãra ijãa nuree Dach Akõreba joma aidai Abraham aidada kãra.

¹⁰ Chi Moisesba buɗa wau panuudeeba chi Dach Akõrede jipa nuree baara paneɗai kãrisia nuree, nebura barau a buu. Mau Moisesba buɗade naka bu kubuu: «Nau Moisesba buɗa joma wauwãe nii Dach Akõreba nebura barau ai». ^{V11} Biawãra dachiba bi'ia kuitaa panuu Moisesba buɗa wau buudeeba Dach Akõreba aba bida chi ichidirã jipa nuree baara bui. ^{VI} Dach Akõre bedea naka bu kubuu: «Chi jipa nii, Dach Akõrede ijãa niideeba chokae nibai». ^{VII}

¹² Maamina chi Dach Akõrede ijãa buu chi Moisesba buɗa wau buu audeara ãyaa buu. Maumaarã ichi urubena naka bu kubuu: «Chi Moisesba buɗa wau buu, mauba nibai». ^{VIII}

¹³ Moisesba buɗa kãra wau panuwãdeeba, nebura barau ai. Maudebena Jesucristoba dachi karibasii. Ichi Dach Akõreba dachi kaku nebura baraabisii. Moisesba buɗade naka bu kubuu: «Aba bakurude jira beeda Dach Akõreba mau nebura barau ai». ^{IX14} Makasii Dach Akõreba Jesucristodeeba judiowãerã sida karib-amera ichiba naede Abrahammaa karibai ada kãra. ^X Dachiba Jesucristo ijãa panuudeeba Dach Akõreba ichi Jauri deai jarada irsibisidau. ^{XI}

Dach Akõreba Abrahammaa bedea deada

¹⁵ Åbarã, dachi ebẽrarãba ne waubadau kãra berrearuu: ebẽraba waabena ome bedea deada kartade bupeɗa ichi trũ mau kartade buuruuburã abau bida mau bedea buɗa poyaa ãyaa buɗaabai, maude kãrisia awara poyaa eɗa buɗaabai. ¹⁶ Ara mau kãra Dach Akõreba Abrahammaa, maude chi ichidebena neei buumaa jarasii mauba jomaurã karibai. ^{XII} Dach Akõre bedea buwãe buu «Abrahamɗebena imidai ebẽrarã» ãrea ebẽrarã jara buu kãra. Maumaarã bu kubuu Dach Akõreba Abrahamɗebena neei buumaa maka jarasii abau urubenãturu berrea buudeeba. Mau Cristobu. ¹⁷ Mũba naka jara buu: Dach Akõreba Abraham ome bedea deasii. ^{XIII} 430 año basiide Moisesmaa ichiba jarada bubisii. Maamina ichiba Abraham ome naede bedea deada mau Moisesba buɗa ãyaa buubasii. ãyaa buɗa basirã ichiba karibai ada waubai basii. ¹⁸ Moisesba buɗa wau panuu baita ichiba dachi karibaaruuburã, ichiba karibai ada kãra karib-

IV 3:8 Génesis 12:3. V 3:10 Deuteronomio 27:26. VI 3:11 Salmos 143:2; Romanos 3:20. VII 3:11 Habacuc 2:4. VIII 3:12 Levítico 18:5. IX Bakurude. Griego bedea bakuru aaruude cruz sida jara buu. Deuteronomio 21:23. X 3:14 Génesis 12:3. XI 3:14 Isaías 44:3; Hageo 2:5. XII 3:16 Génesis 22:18. XIII Griego bedea chi bee kartade naka bu kubuu: Cristodeeba Dach Akõre Abraham ome bedea deasii.

awēe. Maamina Dachī Akōreba Abraham karibai asi-ideeba ichi sōbiadeeba karibasii.

¹⁹ Makarā ¿Dachi Akōreba sakāe Moisesmaa chi ichiba buada babisma? Maka wausii ēbērarāba kachirua waubadau kuitaaamera. Ēbērarā mau Moisesba bisi-ideeba panasidau aba Abrahamdebena neei buada neeruudaa, ichideeba Dachī Akōreba karibai asiideeba. Dachī Akōreba Moisesmaa mau ichiba buada angel-erādeeba deasii. Mau deadakare Moisesba ēbērarā-maa deasii. ²⁰ Maamina Dachī Akōreba Abrahammaa karibai asiide aba biada mau bedea jarade buibasii, maumaarā ara ichiaboru Abrahammaa maka jarasii.

²¹ Maka buuburā Dachī Akōreba Moisesmaa ichi bedea babisiiē ¿ichiba Abraham ome bedea deada ida buska? ¡Makawāema! Moisesba buadaba dachi poyaa chokae panadai basirā, mau buada wau panuudeeburu Dachī Akōreba dachi chi jipa nuree baara duanui basii. ²² Maamina Dachī Akōre bedede bu kubuu kachiruba jomaurā jūa uru buu. Maka Jesucristoba ichi Akōreba jarada wausiideeba, chi ichide ijāduurāba mau Dachī Akōreba deai jarada adauđai.

²³ Cristode ijāđai naede dachi Moisesba buada juade panasidau. Maudebena poyaa awara wādaabasii aba Dachī Akōreba Cristo kuitaabiiruudaa. ²⁴ Biawāra Moisesba buadaba dachi nu ua buasii aba Cristode ijāduudaa. Cristo neesiide ichide ijāa panuu kaku Dachī Akōreba dachi chi jipa nuree baara duanubarii.

²⁵ Maamina idibae dachiba Cristode ijāa panuudeeba Moisesba buadaba nu ua buakau. ²⁶ Jesucristo ijāa panuudeeba joma machi Dachī Akōre warrarābu.

²⁷ Machi boro easidauē Cristo kīra paneesidau unubisidau. ²⁸ Mau jara buu judio griego ome arabauē panuu, chibari baita bari trajabarii chi chibariswāe nii ome arabauē panuu, mauē mukīra wēra ome arabauē panuu. Joma machi ēbēra aba nii kīra nureebu, Jesucristo ome ābua nuredeeba. ²⁹ Machi Cristodeeba biawāra Abraham warrarābu. Mauba Dachī Akōreba machi karibasii ichiba Abrahammaa dachi karibai asiideeba.

Dachi Akōre warrarābu

⁴ Mau awara naka jara buu: warrba ichi akōrede joma adaui bumina kaebe niideede chibari baita bari trajabarii kīra nii. ² Chi kaebe nii warr ichi nubadaurā juade buu, mauē ichi akōrede adaui buu chi nureerāba nubadau aba chi akōreba jarada ewaridaa. ³ Ara mau kīra Cristode ijāđai naede dachi warraedebena kīra nureasii. Mau ewaride dachiba nau iujādebena jauri mechiurā ijāa panasidau, chibari baita bari trajabarii kīra. ⁴ Maamina Dachī Akōreba jarada ewari neesiide ichi Warr nau iujāđaa busii. Mau Warr

I Cristo kīra paneesidau. Griego bedede naka bu kubuu: Cristode paru weli kīra jū paneesidau.

wēraba adausii mauē Moisesba buada wau busii.

⁵ Dachī Akōreba ichi busii dachi mau Moisesba buada juade nureada karibapeđa, ichi warrarā babiai baita.

⁶ Machi Dachī Akōre warrarādeeba ichi Warr Jauri busii machi sōde buamera. Ichi Jauri dachi sōde buuba «¡Mx Chacha!» abarii kuitaaamera dachi Ichi warrarābu. ⁷ Mauēeba jāabae machi chibari baita bari trajabadaurāwāema, maumaarā Dachī Akōre warrarābu. Dachī Akōre warrarādeeba ichi warrarā baita uru buu adauđai. II

Pablo ābarā kaku kīrisia baraa buada

⁸ Naede machiba Dachī Akōre adua panasidauē chi biawāra Dachī Akōrewāerā ijāa panasidau āchi baita bari trajabadaurā kīra. ⁹ Maamina jāabae machiba Dachī Akōre unubadau. Mūba arakūde jaraaruuburā, Dachī Akōreba machi unubarii. Maka ¿sakāe nau iujādebena jauri mechiurā waya ijāđai kīria panuma, chibari baita bari trajabadaurā kīra? Mauba machi aidakau. ¹⁰ Barikiu bari panabadau ewari, jedakode mauē añode waubadau Dachī Akōreba bi'ia unumera. ¹¹ Mauēeba mūba kīrisia buu mx bari machimaa jaradeasii.

¹² Ābarā, mx machi judiowāe kīra buai baita, Moisesba buada ida busii. Mauēeba mūba machimaa chi chuburia idiiruu mx kīra mau Moisesba buade panarāamera. Naede machiba mūmaa kachirua wauāabasii, maumaarā bi'ia wausidau. ¹³ Kuitaa panuu mūba machimaa chi bedea bia Cristo ūrubena naa jarade wāsiide, mx ēpermo buasiideeba machimaa jaradea beesii. ¹⁴ Ēpermo buasmina machiba mx ida buāabasii mauē duabuidabasii. III Maumaarā bi'ia irsibisidau Dachī Akōrede ángel irsibiiduu kīra, Jesucristo irsibiiduu kīra. ¹⁵ ¿Sakasma chi machi kīrajū naede uru panada? Mūba biawāra jaraaruu machiba poyaa waupedaada basirā ara machi dau noetađai basii mūmaa deada baita. ¹⁶ Mūba biawāra jara buudeeba ¿mx machi kīramaa baika?

¹⁷ Machi tāede chi bi'ia jaradeadakaurāba ne joma wau panuu machiba āchi bedea ijāamera. Maamina āchiba maka wauđakau machi aidada baita. Machi daidebena āyaa adoe kīria panuu sōdeeba āchi baara panamera. ¹⁸ Biawāra bi'ia buu ewaricha kīrisia bi'ia sōdeeba ijāa panadai. Maamina maka panadaabai panuu mx machi ome buudēburu. Maumaarā mx wā'āede biada ijāđai panuu. ¹⁹ Ābarā, machi mx warrarā kīra nuree. Mx waya machi baita ārea bi'iwāe buu wēra warr adauruē pu'ubaraii kīra. Mx maka ārea bi'iwāe buai aba machi Cristo kīra paneeduudaa. ²⁰ ¡Mx ūraudaa machi baara buada basirā

II Adauđai. Griego bedede chi bee kartade bu kubuu: Cristodebena adauđai. III Chi nureeba kīrisiabadau Pablo ēpermo buadaba Galacia druāebenarā ārea bi'iwāe panabiasii.

kuitaai basii saka berreai ~~buu~~! M~~u~~ba biawāra adua ~~buu~~ machi ūrubena saka kūrissai.

Sara maude Agar ūrubena

21 Chi Moisesba ~~bu~~da juade panadai kūrria panuuba m~~u~~maa panásturu: ¿Moisesba ~~bu~~dade ~~bu~~ kubuu adua panuka? 22 Naka ~~bu~~ kubuu: Abrahamba warr ome uru ~~bu~~asii. A~~ba~~ chibari baita bari trajabarii Agarba warr adausii. 1 Chi a~~ba~~ chibariswāe nii Saraba warr adausii. 123 Chi chibari baita bari trajabariiiba warr adausii Abrahamba maka kūrriasiideeba. Maamina chi chibariswāe nii wēra warr adau~~da~~ Dach Akōreba deai jarada basii.

24 Mauba dachimaa naka ārea kūrriabia ~~buu~~: Dach Akōreba bedeadeada ome panuu. Mau bedeadeada ome panuu Sara maude Agar kīra panuu. Dach Akōreba bedeadeada a~~ba~~ Sinaí eade deasii. Mau bedeadeada chi chibari baita bari trajabarii Agar kīra ~~buu~~, chi mau bedeadeada ijāa nuree chibari baita bari trajabadaurā kīra nureedeeba. 25 Chi Sinaí ea Arabia druade ~~buu~~ Agar kīra ~~buu~~, chi mau eade bedeade Moisesba ~~bu~~dade ijāa nuree, chibari baita bari trajabadaurā kīra nureedeeba. Maude chi nau iujāadebena Jerusalén puuru Agar kīra nii, mau puurudebenarā chibari baita bari trajabadaurā kīra nureedeeba. 26 Maamina chi bajāadebena Jerusalén puuru Sara kīra ~~buu~~, mau puurudebenarā chibari baita bari trajabadaurā kīra nureewāedeeba. Maka nuree Moisesba ~~bu~~dade ijāawēa nureedeeba. Dach mamabenadeeba Sara warrarā kīra nuree. 27 Dach Akōre bedeade naka ~~bu~~ kubuu:

«Wēra warr deakau, kīraj~~u~~use. Warr adauruuba chi pu'ua unukau, ārea kīraj~~u~~ biāse.

Wēra mukīraba amaa~~da~~ba warrarā aude uru ~~buai~~, wēra mukīra uru ~~bu~~ade audeara». III

28 Isaac chi naweba adausii Dach Akōreba Abrahammaa maka jarasiideeba. Ābarā, Isaac kīra, dachi Dach Akōre warrarā pane~~si~~du ichiba maka jarasiideeba.

29 Abraham ewaride, Ismael chi naweba adausii, barikia warr kīra. Isaac chi naweba adausii Dach Akōre Jauri poyaabariideeba. Ismaelba kachirua waubachii Isaacmaa. Idibae bi~~da~~ Moisesba ~~bu~~dade nureerāba Cristode ijāa nureemaa kachirua waubadau. 30 Maamina Dach Akōre bedeade naka ~~bu~~ kubuu: «Chi chibari baita bari trajabarii wēra maude ichi warr si~~da~~ duab~~u~~ise. Chi chibari baita bari trajabarii wēra warrba ichi akōreba uru ~~buu~~ poyaa adaubai. Maumaarā chi chibariswāe nii wēra warrba mau adai». IV

31 Maudeeba ābarā, dachi chi chibari baita bari trajabarii warrarā kīra nureewāe. Maumaarā chi chibariswāe nuree warrarā kīra nuree.

Moisesba ~~bu~~dadebena Cristoba dachi kariba~~da~~

5 Cristoba dachi karibasii ena duana~~da~~amera. Mau ārea ijāa panásturu. Waya chibari baita bari trajabadaurā kīra nurearāsturu. 2 M~~u~~ Pablob~~u~~. ¡Ūristuru! M~~u~~ba nau machimaa jaraaru: machi mukīra chi kakua tō~~o~~ai panuu a kūrria panuub~~u~~rā, Cristoba machi baita wau~~da~~ba karibaabai. 3 Waya m~~u~~ba jaraaru: barikia mukīraba ichi mukīra chi kakua tōobi-irub~~u~~rā, Moisesba ~~bu~~da joma wau ~~buai~~ ~~buu~~. 4 Chi nuree machidebenarāba kūrriabadau Moisesba ~~bu~~da waubadaudeeba, Dach Akōreba chi jipa nureerā baara ~~buai~~. Cristo āyaa wāsi~~du~~ maude ichi sōbiadeeba jipa duanubiadeada ida ~~bu~~si~~du~~. 5 Maamina dachiba Cristode ijāa panuudeeba Dach Akōre Jaurideeba biawāra kuitaa panuu Dach Akōreba dachi chi jipa nureerā baara ~~buai~~. 6 Cristo Jesusba mukīra chi kakua tōo ~~buai~~ maeb~~u~~rā mukīra chi kakua tōowēa ~~buai~~ bi'ia unuwēa ~~buu~~. Maumaarā chi ichide ijāa ~~bu~~udeeba ichi ome ābua ~~buu~~ maude waabenarā kūrria ~~buu~~.

7 Machiba biawāra chi bedeade bia ijāa panasidau. ¿Kaiba waa joesma machiba mau bedeade ida ~~bu~~damera? 8 Chi jāarāba jaradea panuu, mau Dach Akōredebena nee~~da~~wāe. Ichiba machi iukuasii. 9 Kīrabásturu: «Masa ēesābibarii bistīika ~~bu~~uba masa joma ēesābibarii». Ara mau kīra bistīika bi'iwāe jaradea ~~bu~~uba joma bi'iwāe kūrriabibarii. 10 Maamina Dach Mechiu Jesucristodeeba m~~u~~ba kuitaa ~~buu~~ machiba m~~u~~ba jara ~~buu~~ awara kūrriadaabai. Barikiuba machi maka waa joe beeruub~~u~~rā Dach Akōreba kastikai. 11 Ābarā, mukīra chi kakua tō~~o~~ai panuu m~~u~~ba wabi~~da~~ jaradea ~~bu~~ade basirā, chi maka jaradea nureerāba m~~u~~ kachirua wau~~da~~ai baita wāra~~da~~abai basii. M~~u~~ba maka jaradea ~~bu~~ade basirā āchiba Jesús cruz~~de~~ bi~~da~~ ūrubena kachirua kūrriadaabai basii. V12 M~~u~~maarā jbi'ia ~~buu~~ chi machi maka waa joe nuree āchicha kāra jada!

13 Ābarā, Dach Akōreba machi iusii ichiba ena duana~~da~~amera. Maamina karibapeda~~da~~deeba kūrriarāsturu machi kakuaba kūrria ~~buu~~ kīra wau~~da~~ai panuu. Maumaarā biawāra kūrriadeeba chiya aidásturu.

14 Moisesba ~~bu~~da nau bedeade a~~ba~~ba joma jara ~~buu~~: «A~~ba~~u kūrriase ara bichi kūrria ~~buu~~ kīra». VI15 Kauwa panásturu. Oa kachirua berrea duaneeduub~~u~~rā, chīo duaneeduub~~u~~rā, ara machi du a~~ba~~ joma bariba~~da~~ai. VII

Dachi Akōre Jaurideeba nibásturu

16 Maudeeba m~~u~~ba jaraaru: Dach Akōre Jaurideeba nibásturu. Makaanuub~~u~~rā machi kakuaba kachirua wau kūrria ~~buu~~ wau~~da~~abai. 17 Nau kakuaba kachirua

V Jesús cruz~~de~~ bi~~da~~ ūrubena kachirua kūrriadaabai basii. 1 Corintios 1:22-23. VI 5:14 Levítico 19:18. VII Griego bedeade mau versículo naka ~~bu~~ kubuu: Machi chiya ka duanaaduub~~u~~rā, maude chiya ko duanaaduub~~u~~rā, ara machi du a~~ba~~ joma āri~~da~~ai.

I 4:22 Génesis 16:1-16. II 4:22 Génesis 21:1-3. III 4:27 Isaías 54:1. IV 4:30 Génesis 21:10.

wau kúria ɓuu Dachí Akóre Jauriba kúriakau. Mauɗe Dachí Akóre Jauriba waubii kúria ɓuu nau kakuaba kúriakau. Mau ábua bi'ia panaɗakauɗeeba machiba wau kúria panuu poyaa wauɗaabaí. ¹⁸ Maamina Dachí Akóre Jauriba machi ua nibaaruburá, Moisesba ɓuɗaɗe panuuwáe.

¹⁹ Dachiba chi nau kakuaba kachirua waubaríi área kuitaa panuu. Naubɛ: dachi kakuaba barikia kachirua waubadau, ne mia pera wau nibabadau, barikiu ome kúra nejasia wau kúriabadau, ²⁰ Dachí Akóre kuenda juaba ne kapeɗaɗamaa ɗtaa iɗibadau, jaibanarába waubadau, waabenará kíramaabadau, oa kachirua berreabadau, waabenaráɗe ne uru panaɗai kúriabadau, bari au kírubadau, waabenará audeara bi'ia panaɗai jurbadau, áchi kakawaa kúrisia uru panabadau, Dachí Akóre beɗea áyaa jaradea panuudeeba áyaa wábadau, ²¹ waabenarába uru panuu kakua kachirua kúrisiabadau, mia beabadau, itua biu nibabadau, kírajɓɓu bara ɓuabarii ewariɗe área kachirua waubadau mauɗe ne joma kachirua mau kúra ɓee siɗa. ^I Mɓɓa machimaa naɗe jarada kúra waya jaraaru: mau kachirua wau nuree Dachí Akóre juɗe panaɗaabaí, ichiɗirá baara.

²² Maamina Dachí Akóre Jauriba nau deabarii: waabenará kúria nureabadau, kírajɓɓubadau, jirukaraayuwáe nureabadau, joma dauchia jádua nureabadau, ébérará baara bi'ia nureabadau, ébéra bia nureabadau, chi jara panuu kúra waubadau, ²³ waabenará audeara bi'ia nuree kúrisiaɗakau mauɗe dachi kakua jipa uru nureabadau. Mau ley wá'áe, joma mau jarada «kachirua» ai baita. ²⁴ Cristoɗerába chi nau kakuaba ne joma kachirua wau kúria ɓuu cruzɗe jirabɓu beasiɗau. ²⁵ Dachí Akóre Jauriɗeeba chokae panuudeeba ichiɗeeba nibaɗai panuu. ²⁶ Waabenará audeara bi'ia nuree kúrisiaɗaabaí panuu, oa kachirua berrea duanaɗaabaí panuu mauɗe abauba uru ɓuu kakua kachirua kúrisiaɗaabaí panuu.

Chiya aiɗásturu

6 Ábará, machiɗebena aba mia aduɗe kachiruɗe ɓaeruburá, machi chi Dachí Akóre Jauriɗeeba nureerába, waabenará audeara bi'ia nuree kúrisiaɗakauɗeeba, aiɗaɗai panuu mau waya jipa nibamera. Maamina kauwa panásturu machi siɗa ara mau kúra kachiruɗe ɓaeráɗamera. ² Neburaɗe panuude chiya aiɗásturu. Maka Cristoba waubi ɓuu machiba joma wauɗai. ³ Chi mechiuwáe ɓuuba ichi chi mechiu nii kúrisia ɓuuburá, ara ichi du aba setaa kúrua ɓuu. ⁴ Aabauba wau ɓuu ichiaɗai baɗamaará dachiba wau panuu ichiaɗai panuu, jipa wau panuu kuitaɗai. Maka ara dachiba wau panuu kakua kírajɓɓu panaɗai. ⁵ Dachicha wauɗai panuu joma jipa wauɗai panuu.

^I Mia beabadau. Griego beɗeɗe chi ɓee kartade mau wá'áe.

⁶ Chi beɗea úri ɓuuba ichi ne bia uru ɓuudebena deai ɓuu ^{II}, chi Dachí Akóre beɗea jaradeabariiamaa.

⁷ Ara machi du aba setaa kúruarásturu. Abau biɗa Dachí Akóre poyaa setaa kúruabai. Kírabásturu: chi ne uu ɓuuba ichiba uuɗa kúra junai. ⁸ Mauɗeeba nau kakuaba kachirua wau kúria ɓuu abauba wau ɓuuburá, Dachí Akóreba mau ébéra ichiai. ^{III} Maamina Dachí Akóre Jauriba kúria ɓuu abauba wau ɓuuburá, Dachí Akóreba mau ébéra ewaricha ichi ome chokae ɓui. ⁹ Mauɗeeba kakua ákaɗawéa ne bi'ia wau panásturu. Kakua ákaɗawéa panuuburá, Dachí Akóreba ɓuɗa ewariɗe dachiba bi'ia adaɗai. ¹⁰ Mauɗeeba dachiba poyaaduucha, jomaurá bi'ia aiɗaɗai panuu. Chi Jesuɗe ijáabadaurá maka aude aiɗaɗai panuu.

Pabloba nau kartade aanama ɓuɗa

¹¹ Ichiásturu, ara mɓ juaba letra mechiuɗeeba nau karta ɓumaa ɓuu. ¹² Chi machi mukúra chi kakua tóobi kúria nureerába maka waubadau, judiorába bi'ia unuɗamera mauɗe áchiba Cristo cruzɗe biuɗa úrubena jaradea panuu kakua áchi kachirua wauráɗamera. ¹³ Chi mukúra chi kakua tóopeɗaɗarába Moisesba ɓuɗa joma wauɗakau. Maamina maarába machi mukúra chi kakua tóobiaɗai kúria panuu, ara áchi úrubena bi'ia berreɗai baita. ¹⁴ Maamina mɓ maka niwáema. Ara mɓ úrubena aba biɗa bi'ia berreawéma. Maumaará aɓaburu Dachí Mechiu Jesucristo cruzɗe biuɗa úrubena bi'ia berreai. Cristo cruzɗe biusiɗeeba chi nau iujáɗeɓenarába bi'ia unubadau, mɓumaará mau joma biusii. Mauɗe chi nau iujáɗe nureemaará, mɓ biusii. ¹⁵ Dachí Akóreba mukúra chi kakua tóo ɓuai maeburá mukúra chi kakua tóowéa ɓuai bi'ia unuwéa ɓuu. Ichiba ébéra wiɗi wauɗa bi'ia unu ɓuu. ¹⁶ Mɓɓa kúria ɓuu joma chi mɓɓa jara ɓuu kúra ijáa nuree Dachí Akóreba kúra chuburia ɓuai mauɗe jirukaraayuwáe ɓuabiai. Maará ébérará Dachí Akóreɗeráɓu. ^{IV}

¹⁷ Jesús úrubena jaradea ɓuu kakua, ébérarába mɓ kachirua wausiɗau. Mau mɓ kakuɗe tóokuapeɗaɗaaba somia uru ɓuu. Mauba mɓ ichiɗe ɓuu unu ɓuu. Mauɗeeba iɗiɗeeba mɓɓa kúriawéma abauba waa neɓura baraabi ɓuai.

¹⁸ Ábará, mɓɓa kúria ɓuu Dachí Mechiu Jesucristoba ichi sóbiaɗeeba joma machi aiɗa ɓuai. Bi'ia ɓuu maka ɓuai.

^{II} Ichi ne bia uru ɓuudebena deai ɓuu. Mau jara ɓuu chi nejara, chiko, paru deɗai panuu chi Dachí Akóre beɗea jaradeabariiamaa.

^{III} Dachí Akóreba mau ébéra ichiai. Griego beɗeɗe naka ɓu kubuu: dachi biubadau chauí.

^{IV} Maará ébérará Dachí

Akóreɗeráɓu. Griego beɗeɗe naka ɓu kubuu: maará Dachí Akóre Israeɗeɓenaráɓu. Mau jara ɓuu joma chi Dachí Akóreɗe ijáabadaurá, judiorá mauɗe judiowáerá.

EFESIOS

Pablo Romađe jūa uru panasiide nau karta ābarā Éfeso puuruđebenarā baita b̄s̄ii. Año 62đe b̄s̄ii. Pablo Efesode neesii Aquila, Priscila baara (). Pablo waya neesiide año ome ābarāmaa jaradea b̄abachii (). Maarāđebenarā āreaba Cristode ijāasiđauđeeba, Dachī Akōre kuenda juaba ne kapeđaadade ijāabadaurā kirusiđau (). Mau Dachī Akōre kīra nii wēra Artemisa abachiđau. Pablōba b̄s̄ii judiorā maude judiowāerā Cristo ome panuudeeba āchi puuru ababuru bamera. Capítulo 1đe b̄u kubuu Dachī Akōreba Cristodeeba wauđa, Pablōba Dachī Akōremaa bi'ia berreāda maude ābarā baita ūtaa iđida. Capítulo 2đe maude 3đe b̄u kubuu Dachī Akōreba Cristode ēbērarāđeeba waubia kūrīa b̄u ūr̄ubena. Capítulo 4đebena aba 6đaa b̄u kubuu saka dachiba mau wauđai.

Pablōba nau kartade naa b̄uda

1 M̄u Pablōb̄u. Dachī Akōreba kūrīasiideeba m̄u Jesucristoba b̄uidab̄u. M̄uuba nau karta b̄umaa b̄uu joma Dachī Akōrederā ēbērarā Jesucristode ijāa nuree Éfeso ^I puuruđebenarā baita. **2** M̄uuba kūrīa b̄uu Dachī Bajāādebena Akōreba maude Dachī Mechiu Jesucristoba āchi sōbiādeeba machi aida panāđai maude jirukaraayuwāe panabiāđai.

Dachī Akōreba chi bia joma dachī jauri baita dea b̄uu

3 Dachī Mechiu Jesucristo Akōremaa bi'ia berreāđai panuu. Cristo ome panuudeeba ichi Jauriđeeba chi bia joma dachimaa bajāādebena dea b̄uu. **4-5** Nau drua wauī naede Cristodeeba dachī j̄ur̄ adausii ichi baita bi'ia nureādamera maude ichi daade jayoa kachiru-aswāe nureādamera. Nabēraedeede Jesucristodeeba dachī ichi warrarā bađai a kūrīsia b̄uasii. Maka wau kūrīa b̄uasii dachī kūrīakuasiideeba. **6** Ichi sōbia ārea b̄uudeeba dachī karibasii ichiba kūrīa b̄uu Warrdeeba. Mau baita ichimaa bi'ia berreāđai panuu. **7** Ichi Warr oa chesiideeba Dachī Akōreba dachī kachiruādebena karibasii. Ichi mechiu sōbiādeeba dachiba kachirua waupedaada joma perdonasii. **8** Ichi sōbiādeeba dachī ārea aidapeđa joma kūrīsia kuitaa maude kūrīsia kauwa dachimaa deasii. **9** Ichiba wau kūrīa b̄uu naede kuitaabiwāe b̄uasii. Maamina dachimaa kuitabiasii ichi sōbiādeeba maka kūrīa b̄uasiideeba. Ichiba Cristodeeba nabēraedeede wauī kūrīsia b̄uāda **10** ichiba b̄uda ewarīde maka joma wauī: mau ewarīde ne joma bajāādebena maude nau iujāādebena Cristo juade b̄ui.

^I Éfeso. Chi b̄ee kartade eda griego bedede mau bedea wā'āe.
^{II} Ichi sōbiādeeba dachī ārea aidapeđa joma kūrīsia kuitaa maude kūrīsia kauwa dachimaa deasii. Griego bedede mau chaarea b̄uu bi'ia ūriđamera. Nau sīda jara b̄uu: Ichi sōbiādeeba dachī ārea aidasii joma kūrīsia kuitaa maude kūrīsia kauwa niideeba.

11 Dachī Akōreba ne joma ichiba wau kūrīa b̄uu waubarīi kīra Cristodeeba dachī j̄ur̄ adausii, ^{III} nabēraedeede kūrīsia b̄uāda kīra. **12** Maka wausii dai judiorā chi naa Cristode ijāapedaadarāba ichi bi'ia nii ūr̄ubena bi'ia berreādamera. **13** Mau awara machi judiowāerā biđa chi biawāra bedea ūrisiđau, mau dachī karibai bedea bia ijāasiđau. Maka Cristode ijāasiđau Dachī Akōreba ichi Jauri machimaa deasii ichiba jarada kīra. Dauchaa b̄uu kīra mauba kuitaabia b̄uu machi ichiđirā. **14** Dachī Akōre Jauri adaupeđaađeeba dachiba kuitaa panuu joma Dachī Akōreba deai jarada biawāra adauđai ichiđirā joma bi'ia b̄ui ewarīde. Maudeeba ichi bi'ia nii ūr̄ubena bi'ia berreāđai panuu.

Pablōba Dachī Akōremaa ūtaa iđida

15 Maudeeba machiba Dachī Mechiu Jesusde ijāa panuu maude joma ēbērarā Dachī Akōrederā kūrīa panuu m̄uuba ūrisiideebena, **16** m̄uuba ewarīcha machi baita Dachī Akōremaa ichituru kiđibai abarii maude machi ūr̄ubena ūtaa iđibarii. **17** M̄uuba Dachī Mechiu Jesucristo Akōremaa, chi Akōre bi'ia niimaa ūtaa iđibarii ichi Jauriđeeba machimaa bi'ia kūrīsiabi-amera maude ichi ūr̄ubena kuitaabiamera. Maka machiba ichi aude kuitaāđai. **18** Maude ūtaa iđibarii Dachī Akōreba machi kūrīsia ewamera. Maka machiba kuitaāđai kāare ichidebena adauđai baita esedau panuu, mau adauđamera iusiideeba. Maude machiba kuitaāđai ichi ēbērarāba adauđai ārea bi'ia b̄uu. **19** Maude m̄uuba ūtaa iđibarii machiba kuitaādamera ichi poyaa jomaurā audeara poyaa b̄uu. Mau poy-aabariideeba ichiba dachī ichiđe ijāa nuree kariba b̄uu. Ara mau poyaabarii mechia b̄uudeeba, **20** Dachī Akōreba Cristo biu b̄uāda chokae jiradubipeđa bajāāde ichi jua biare ak̄ b̄eebisii. **21** Dachī Akōreba ichi jomaurā

^{III} Cristodeeba dachī j̄ur̄ adausii. Chi nureemaarā naka jara b̄uu: «Ichiba chi deai jara b̄uu adauđai nuree ēbērarā babiasii».

mechiu b̄s̄ii: jai kachirua karrarã audeara, bajãadebena chi mechiu nuree audeara, chi poyaabadau audeara maude chi aude jua chaarea nuree audeara. Nau ewaride ichi jomaurã audeara chi mechiu nii maude kaadebena ewaride biãa maka b̄uai. ²² Dach Akõreba ne joma Cristo juade b̄s̄ii maude Cristo b̄s̄ii ne jomade ichi eb̄erarã Mechiu b̄uamera. ²³ Eb̄erarã Cristoderã ichi kakuab̄. Ächi ne jomade ichideeba panuu maude ne joma ichideeba b̄uu.

Dachi Akõreba Cristodeeba dachi karibaãa

² Naede machi biu panasidau, ijãadawãa panasidaudeeba, kachirua waubachidaudeeba. ¹² Maka nibasidau nau iujãadebena k̄risia ijãa panasideeba maude jai kachiruarã chi aude mechiu nii ijãa panasideeba. Idibae ichiba chi Dach Akõre bedea ijãadakaurã ichi juade ua b̄uu. ³ Naede joma dachi ächi k̄ira nibasidau nau kakuaba kachirua waubi b̄uu wau panasidaudeeba. Nau kakuaba kachirua waui k̄ria b̄uu maude dachiba kachirua waui k̄risia b̄uu wau panasidau. Dach kachirua deeba Dach Akõreba ichi k̄rubideeba dachi kastikai b̄uasii joma kachirua waubadaurã kastikabarii k̄ira.

⁴ Maamina Dach Akõreba ärea k̄ira chuburiabarii. Ichiba dachi ärea k̄ria b̄uudeeba ⁵ kachirua de biu panada Cristo ome äbua chokae b̄s̄ii. Dach Akõreba ichi sõbiadeeba machi karibasii. ⁶ Jesucristo ome äbua panuudeeba Dach Akõreba dachi chokae jiradubiasii maude mau ome äbua bajãade ak̄ b̄ebiasii. ⁷ Mau joma wausii kaadebena ewaride ichi ärea sõbia nii unubii baita. Maudeeba dachi chi Jesucristo ome panurã karibasii. ⁸ Jesusde ijãasidaudeeba Dach Akõreba ichi sõbiadeeba machi karibasii. Ara machi du aba karibaãabasii, maumaarã Dach Akõreburu bari karibasii. ⁹ Machiba bi'ia wau panuudeeba Dach Akõreba karibaabasii. Maka abau biãa ara ichi ur̄ubena poyaa bi'ia berreabai. ¹⁰ Dach Akõreba dachi Jesucristodeeba chiwidi wausii ne bia wau panadamera. Mau ne bi'ia wauãai panuu, ichiba naede b̄s̄ii dachiba wauãamera.

Cristodeeba judiorã maude judiowãerã Dachi Akõre ome bi'ia paneeda

¹¹ Maudeeba k̄rabãsturu machi judiowãerãdebena adausidaudeeba, judiorãba machi «muk̄ira chi kakua t̄oãawãa nuree» abachidau. Ara ächi «muk̄ira chi kakua t̄o nuree» abachidau, maamina aba nau kakuadãburu äyaa nuree. ¹² K̄rabãsturu naede machi Cristowãe nureasii maude israeldebenarãwãe basii. Dach Akõre ächi ome bedea deasiide ichiba machi-
maa aba biãa deai baãa jaraabasii. Mau awara machi

I Waabenarã kartaãe nau siãa b̄u kub̄uu: ichiba machimaa chokae b̄uai deasii. Maamina mau griego bedeaãe wã'ãema.

saka bi'ia nureadaiswãe panasidau maude nau druade Dach Akõreswãe nureasii. ¹³ Maamina jãabae Jesucristo ome panuudeeba, machi naede kaitawã nuread-
a Dach Akõreba Cristo oadeeba ichi kaita adausii.

¹⁴ Biawãra Cristoba dachi jirukaraayuwãe b̄s̄ii. Ichiba judiorã, judiowãerã ome äbua b̄s̄ii puuru aba beemera. Ichi biudadeeba dachi awara panada äbua b̄s̄ii. ¹⁵ Moisesba b̄udaba ne ärea waubiabachii judiorã, judiowãerã awara b̄ui baita. Maamina Cristo biudadeeba Moisesba b̄uda awara b̄s̄ii puuru widi abade duanadamera maude äbua jirukaraayuwãe duanadamera. ¹⁶ Ichi cruzde biudadeeba puuru ome b̄uãa puuru aba waupeãa omea Dach Akõre ome bi'ia b̄s̄ii. Maka dachi awara panada ichiba äbua bi'ia b̄s̄ii.

¹⁷ Cristo neesii, chi bedea bia Dach Akõre ome jirukaraayuwãe b̄uai ur̄ubena machimaa jarai baita, chi Dach Akõredebena kaitawã panadamaa maude chi Dach Akõre kaita panadamaa. ¹⁸ Cristodeeba dachi omeeba arabau Bajãadebena Akõremaa poyaa ara kaita needai, ichi arabau Jaurideeba. ¹⁹ Maudeeba machi judiowãerã waa drua äidebenarã k̄ira nuread-
abai, maumaarã Dach Akõre puurudebenarã ome äbua panuu; machi eb̄erarã Dach Akõrederãb̄. ²⁰ Machi de mo wauãa k̄ira panuu. Jesusba buidarã maude Dach Akõre baita berreabadaurã mau de ekarebena mo k̄ira panuu. Mau dedebena mo chi bibuara b̄uu Jesucristob̄. ²¹ Ichideeba, mo etaa karaa k̄rii k̄ira, de bia wau k̄rii, Dach Mechiu baita bi'ia beemera. ²² Cristo ome panuudeeba machi siãa joma eb̄erarã Dach Akõrederã baara de arabau k̄ira nuree. Mau dede Dach Akõre ichi Jaurideeba b̄uabarii.

Dachi Akõreba Pablo judiowãerãmaa jaradeãe buida

³ Maudeeba m̄uba [machi baita Dach Akõremaa etaa idibarii]. ^{III} M̄ Pablob̄. Machi judiowãerãmaa Jesucristo ur̄ubena jaradea b̄uu kakua jãa uru panuu. ² M̄umaarã machiba ärea kuitaa panuu Dach Akõreba ichi sõbiadeeba m̄ b̄s̄ii machimaa jaradeamera. ³ Ichiba naede kuitabiwãe buãa m̄ma kuitaabisii. Mau ur̄ubena m̄uba nau kartaãe b̄arã b̄s̄ii. ⁴ Nau karta eãa jara panuude machiba kuitaãai Dach Akõreba Cristo ur̄ubena kuitabiwãe buãa, mau m̄uba kauwa kuitaa b̄uu. ⁵ Naede Dach Akõreba eb̄erarãmaa mau kuitabiawãe b̄uasii, maamina jãabae chi ichi baita berreabadaurãmaa maude Jesucristoba buidarãmaa ichi Jaurideeba kuitaabisii.

II Chi Dach Akõredebena kaitawã panadamaa maude chi Dach Akõre kaita panadamaa. Mau jara b̄uu «judiowãerãmaa maude judiorãmaa jaraãe neesii». III Machi baita Dach Akõremaa etaa idibarii. Mau griego bedeaãe wã'ãe. Pabloba jarai buãa joma jaraabasii, maumaarã k̄risia awara jaradea kobeasii. Maamina ärea äbarãmaarã ichiba jarai b̄uasii maarã äbarã baita Dach Akõremaa etaa idibarii, jara b̄uu k̄ira 3:14ãe.

⁶ Ichiba kuitaabiawēa buada naubɛ: judiowāerāba chi bedea bi'ia Cristo ɛrɛbena ijāa panuudeeba judiorā ome ābua Dachī Akōreba deaidebena adaudai ^I, arabau kakuade panuu, maude Dachī Akōreba Jesu-cristodeeba deai jaraɗa ^{II} ābua uru panuu. ⁷ Dachī Akōreba ichi sōbiadeeba mɛ ichi baita trajabarii busii mau bedea bia Cristo ɛrɛbena jaradeamera. Ichi poy-aabariideeba maka wausii.

⁸ Joma ēbērarā Dachī Akōrederā tāede mɛ kaebeu nimina, ichi sōbiadeeba mɛ busii judiowāerāmaa Cristo ɛrɛbena ne bia chi wā'āekau jaradeade wāmera. ⁹ Chi ne joma wauɗa Dachī Akōreba mɛ busii jomaurāmaa kuitaabiamera saka wausii ichiba arabadeede wauī kūrīsia buada. Mau wauī kūrīsia buada naede kuitaabiawēa busii. ¹⁰ Jāabae ēbērarā, Dachī Akōredeeba Ichiba ichi ne jomade ārea kuitaa buu kuitaabisii chi meserāa nureerāmaa maude bajādeebena chi mechiu nureerāmaa. ¹¹ Maka wausii ichiba nabēraede Dachī Mechiu Jesucristodeeba wauī kūrīsia busiideeba. ¹² Dachiba ara mau Jesucristodee ijāa panuudeeba maude ichi ome ābua panuudeeba Dachī Akōremaa wapeawēa ɛtaa iɗidai panuu. ¹³ Maudeeba mɛmba machimaa naka chi chuburia iɗiruu: mɛ machi kakua nama naka bi'iwāe bumina ārea jirukaraarāsturu. Maka ārea bi'iwāe buu machi Dachī Akōre ome bi'ia nureadamera.

Pabloa ābarā baita Dachī Akōremaa ɛtaa iɗida

¹⁴ Maudeeba mɛ dachi Bajādeebena Akōre daade ɔdarrde kobeebarii. ^{III}¹⁵ Ichiba joma bajāade nuree maude nau iujāade nuree wausii maude ichideeba nuree. ^{IV}¹⁶ Mɛmba ɛtaa iɗi buu ichi Jaurideeba maude ichiba ne bia ārea uru buudebena ichi poyaabarii machimaa sōde deamera. Maka machi chaarea nureadai. ¹⁷ Maude ɛtaa iɗi buu ijāa panuudeeba Cristo machi sōde buamera maude machi ne jomade kūrīadeeba panadamera. Maka chaarea nureadai ārea karr jidau panuu kīra. ¹⁸ Maude machiba joma ēbērarā Dachī Akōrederā baarauba poyaa kuitaadeai Cristoba dachi kūrīa buu. Mau jōparrea buu, deseroa buu, ɛtu buu maude iɗu buu. ¹⁹ Ara dachi kūrīsiadeeba poyaa kuitaadeakamina mɛmba ɛtaa iɗi buu machiba mau kuitaadeamera. Kuitaaduuburā ne jomade Dachī Akōre kīra nureadai.

²⁰ J Dachī Akōre ārea bi'ia nii! Ichi poyaabarii dachi sōde buudeeba ne mechiu poyaa wauī, dachiba kūrīsi-abadau audeara maeburā ichimaa ɛtaa iɗibadau au-

^I Dachī Akōreba deaidebena adaudai. Mau ɛrɛbena Pabloa busii Romanos 4de. ^{II} Dachī Akōreba Jesucristodeeba deai jaraɗa. Mau ɛrɛbena Pabloa busii Gálatas 3de. ^{III} Dachī Bajādeebena Akōre. Griego bedede chi nuree kartade naka bu kubuu: Dachī Mechiu Jesucristo Bajādeebena Akōre. ^{IV} Griego bedede mau ver-sículo naka bu kubuu: Ichideeba joma bajādeebenarā maude nau druadebenarā trūabadau.

deara. ²¹ Ābarā, Jesucristo baara panuudeeba jearicha Dachī Akōremaa bi'ia berreadai panuu! Bi'ia buu maka buai.

Dachī Akōre Jaurideeba ābarā chi kakua aba nii kīra nuree

⁴ Mɛ Dachī Mechiu kakua jūa uru panuu. Mɛmba machimaa chi chuburia iɗiruu jipa nibadamera. Dachī Akōreba machi iusii maka nibadamera. ² Machi waabenarā audeara bi'ia nuree kūrīsiarāsturu. Kūrī-adeeba chiya dauchia jāadua nureasturu. ³ Dachī Akōre Jauriba machi jirukaraayuwāe nureabiai bu-udeeba, ne joma bi'ia wāusturu biawāra ābua nuread-amera. ⁴ Dachī kakua ara ababuru buu. Dachī Akōre Jauri ara ababuru inidau. Dachī Akōreba machi iusii ara mau esedau panadamera. ⁵ Dachī Mechiu Jesús ara ababuru nii. Dachiba arabau Jesusde ijāa panuu. Maude arabau trūdeeba boro easidau. ⁶ Dachī Akōre ara ababuru nii. Ichi jomaurā Akōrebɛ, jomaurā Mechi-ubɛ. Jomaurā sōde buu maude jomaurādeeba ichiba wau kūrīa buu waubarii.

⁷ Maamina Cristoba ne waubiabarii dea kūrīa buada kīra ichi sōbiadeeba dachicha ichi baita ne bia wauadamera a'awaraa deadeakassii. ⁸ Dachī Akōre bedede naka bu kubuu:

«Ichi ɛtaa wāsiide ichiba ichi kīramaabadaurā poy-adea adoesii jūka ua buai baita. Maabae ēbērarāmaa ne bia deadeakassii». ^V

⁹ Chi ɛtaa wāsi a buuba zkāare jara buuma? Jara buu ɛtaa wāi naede ɛtuuba ichi nau iujāade chi aude iɗudaa neesii. ¹⁰ Chi ɛtuuba edaa needa waya bajāa chi aude ɛtu buumaa wāsi ne joma ichi juade ua buamera. ¹¹ Ara ichiba chi nuree busii ichiba buidarā nureadamera, waabenarā busii Dachī Akōre baita berreadaurā nureadamera, waabenarā busii chi bedea bia Cristo ɛrɛbena jarade nibadamera, maude waabenarā busii chi ijāabadaurā nubadaurā maude jaradeabadaurā nureadamera. ¹² Ichiba maka busii ēbērarā Dachī Akōrederā aidadamera, āchia biɗa Dachī Akōre baita poyaa bi'ia wauadamera. Maka joma Cristo ēbērarā ichi kakua abadau chaarea warimaa panuu, ¹³ aba jomaurā Dachī Akōre Warrde ijāa panu-udeeba maude kuitaa panuudeeba ābua bi'ia panee-duudaa. Maude dachi ne jomade Cristo kīra nureadai. ¹⁴ Makarā waa wāwa kīra nureadaabai. Wāwaba barikia bedea ijāabarii. Mau awara ēbērarā setaa kūrū-adeai kuitaa nureeba jaradea panuudeeba, setaa ijāabi-abadau pūatuba jāba āyaa adoeruu kīra. Maamina dachi mau jāba kīra nureadaabai. ¹⁵ Maumaarā kūrī-adeeba chi biawāra bedea ijāadai panuu ne jomade Dachī Mechiu Cristo kīra nureadai baita. ¹⁶ Ichideeba joma dachi ichi kakuabɛ. Chi dachi kakuade jidū kara

^V 4:8 Salmos 68:18.

bēeba chiya aidada. Dachicha waudai panuu kīra wauduude jomaurā kūriadeeba bi'ia wari kāri bada.

Cristodeeba chokae buai wīdi uru nuree saka nibadau panuu

¹⁷ Machiba biawāra waudamera, muba Dachī Mechiu trēdeeba nau jaraaru: waa Dachī Akōre adua nuree kīra nibarāsturu. ^I Āchi kūrīsia bi'iwāe nuredeeba nibabadau. ¹⁸ Āchi kūrīsia pāriuude duanuudeeba Dachī Akōre ūrubena kuitaadaakau. Āchi sō chaareeba Dachī Akōre adua nuredeeba, chi ichiba chokae du-anubiai buu wā'āe nuree. ¹⁹ Āchi kakuaba barikiu kachirua wauduu kakua peraadaakau. Aba kachirua waudaituru kūriabadau. Chi kīra nejasia joma wau panuu ūrubena, kakua ākaadaakau.

²⁰ Maamina machiba Cristode ijāasidaude kuitaasidau maka nureadaabai panuu. ²¹ Ābarāba chi biawāra beeba Cristo ūrubena bi'ia jaradeasidau maude biawāra machiba ichi ūrubena ūridapeda ijāsidau. ²² Āchīmaa jaradeapedaada nauba: naede machiba wau panaa kīra waa maka nibarāsturu. Chi kakua kachirua wau kūrīia buuba setadeeba bi'iwāe paneebiabarii. Mau ida bústuru, paru sore ēebadau kīra. ²³ Maumaarā Dachī Akōremaa machi kūrīsia wīdi ida waubiāsturu. ²⁴ Mau kūrīsia wīdi Dachī Akōreba wausii machi ichi kīra nureadamera. Maudeeba paru wīdi jū panuu kīra, kūrīsia wīdeeba nibāsturu. Maka machi Dachī Akōre daade jipa, bi'ia nibadau chi biawāra beebaba jara buu kīra.

²⁵ Maudeeba setaa ida bústuru. Ababuru biawāraturu waabenarā ome berreāsturu, joma dachi arabau kakuadebenadeeba.

²⁶ Kīruuduuburā kachirua waurāsturu. Machi kīru panuumisa, ewari araa baebirāsturu. ^{II}²⁷ Jūbawāe ni-maa ida setaa kīruabiarāsturu.

²⁸ Nechirua badaada waa nechiruabai buu, maumaarā ichi juaba trajai buu ne uru buai baita. Maka ichiba uru buai chi nejarr barauwāe nuree aidai baita.

²⁹ Bedea kachirua berrearāsturu. Maumaarā beeba biāsturu berreāsturu waabenarā aidadau baita. Maka machi beeba ūri nuree bi'ia panaadau. ³⁰ Kachirua wauduuba Dachī Akōre Jauri kīra nomaabirāsturu. Dachī Akōreba mau machīmaa deasii ichidīrā kuitaa panadamera. Ichi Jauri machi baara buai aba Dachī Akōreba ichi ēbērarā joma bi'ia bui ewarīdaa.

³¹ Machiba joma abau ūrubena sōde kachirua kūrīsiabadau, sōdeeba kīrubadau, oa kachirua berreabadau, kīrudeeba berreabadau, waabenarā ūrubena setaa jarabadau maude waabenarā kachirua waudai kūrīsiabadau joma ida bústuru. ³² Sōbiadeeba nureāsturu. Kīra chuburia baraa nureāsturu. Chi machiba

I Dachī Akōre adua nuree kīra. Griego beedeade bu kubuu: ju-diowāerā nibabadau kīra. II 4:26 Salmos 4:4.

kachirua waupeadaada kude uru bēe ida bústuru, Dachī Akōreba machi kachirua Cristodeeba ida bada kīra.

Dachi Akōre warrarā saka nureadau panuu

⁵ Dachī Akōreba ichi warrarā ārea kūrīia buu. Maudeeba machi ichi kīra nureāsturu. ² Jomaurā kūrīāsturu Cristoba dachi kūrīia buu unubīda kīra. Kūrīadeeba dachi kakua ara ichi beabisii Dachī Akōremaa ānimara baa dearuu kīra. Dachī Akōreba mau bi'ia unusii.

³ Machi ēbērarā Dachī Akōrederādeeba machi kakuaba barikiu kachirua waudaabei panuu, kīra nejasia waudaabei panuu maude waabenarāba uru bēe kūriadaabai panuu. Mau ūrubena abau bīda bīstīika bīda berreadaabai panuu. ^{III}⁴ Bedea kachirua, nebūru bi'iwāe maude beeba miadaa mia ūibi berrearāsturu, maka berrei bi'iwāe buudeeba. ^{IV} Maumaarā Dachī Akōremaa bi'ia buu āduru. ⁵ Machiba kuitaa panuu junebena wēra ome kāibadau, ne kīra nejasia kachirua wau nibabadau, maude ne joma uru panaadau kūrīabadau chi Cristo maude Dachī Akōreba deadau a panuu adauadaabai. Ne joma uru buu kūrīia buai Dachī Akōre kuenda juaba ne kapedaadaade ijāa buu kīra buu, Dachī Akōre audeara, chi ichiba uru buai kūrīia buu aude ijāa buudeeba.

⁶ Aba bīda setadeeba kachirua waudai panuu aaruuburā, ida setaa kīruabirāsturu. Kachirua wau panuu baita Dachī Akōreba chi ichi beeba ijāawēa nuree kastikai. ⁷ Maudeeba kachirua waubadaurā ome arabau waurāsturu.

⁸ Naede machi pāriudebena basii, maamina idībae Dachī Mechiu ome panuudeeba machi ūdaadebenarābu. Maudeeba ūdaadebena warrarā kīra nibāsturu. ⁹ ūdaade nibaaruuburā sōbia nureadau, jipa waudai maude biawāradeeba nibadau. ^V¹⁰ Dachī Mechiuba bi'ia unu buu kuitaadau baita jūrāsturu. ¹¹ Pāriudebena kachirua waubadaudeeba ne bia neekau. Maudeeba arabau waurāsturu, maumaarā kuitaabiāsturu āchiba waubadau kachirubū. ¹² Biawāra dachi kīra nejasīadau panuu āchiba kachirua miru waubadau ūrubena berreadau baita. ¹³ Maamina ne joma ūdaade buuduude saka buu unubibadau, ¹⁴ ūdaade ne joma unubadaudeeba. Mau baita naka jarabadau:

«Ūrumase bichi kāi buu. Kachiruae biu buada jiraduse. Maabae Cristoba bichi ūdaade bui».

¹⁵ Maudeeba kauwa nibāsturu. Adua nuree kīra nibarāsturu, maumaarā kūrīsia kuitaadeeba nibāsturu.

III Bīstīika bīda berreadaabai panuu. Mau beeba naka bu kubuu: Nibāsturu waabenarāba aba bīda poyaa jararāadamera machiba kachirua wau panuu. IV Bedea kachirua. Chi bēe kartade naka bu kubuu: setaa. V ūdaade nibaaruuburā. Griego beedeade chi bēe kartade bu kubuu: Dachī Akōre Jaurīdeeba nibaaruuburā.

16 Machiba poyaa wauduucha bi'ia wáusturu, nau ewaride ēbērarāba ne joma kachirua waubadaudeeba. 17 Kūrisiaswāe nuree kīra nurearásturu, maumaarā ārea kuitásturu kāare Dachī Mechiuba waubi b̄uu. 18 Ituaba biu nibarásturu. Mauba kachirua aude waubibarii. Biu nibađai audeara Dachī Akōre Jaurideeba nureásturu. 19 Dachī Akōre bedeade b̄u kub̄uu karibadau, ābarāba karibadau maude Dachī Akōre Jauriba karibi b̄uu chiya karibađai baita ābua karísturu. Dachī Mechiuamaa sōđeeba karísturu bi'ia berređai baita. 20 Dachī Mechiu Jesucristo tr̄udeeba ewaricha dachi Bajādeebena Akōremaa ne joma baita ichituru kiđibai ásturu.

Dachi kima ome saka nureađai panuu

21 Cristo wapea panuudeeba arabauđe chiya ijásturu. I

22 Wērarā kima bara nuree, machi kimarāba jara panuu ijāa panásturu, machiba Dachī Mechiu Cristo bedeaba ijāa waubadau kīra. 23 Mukīra ichi wēra chibarib̄u. Ara mau kīra Cristo ichi ēbērarā Chibarib̄u maude ichi ēbērarā ichi kakua kīra nuree. Ichi āchi Karibabariib̄u. 24 Cristo ēbērarāba ichi bedeaba ijāabadau kīra wēraba ichi kima bedeaba joma ijāa b̄uai b̄uu.

25 Mukīrarā wēra bara nuree, machi wēra kūrīásturu, Cristoba dachi kūrīa b̄uu unubiđa kīra. Kūrīadeeba dachi baita ara ichi ida beabisii. 26 Ichiba maka wausii dachi Dachī Akōre baita bi'ia b̄ui baita. Ichi bedeaba dachi kachirua jeraasii baniaba jeraađa kīra. II²⁷ Joma mau wausii dachi ichi baita ārea bi'ia b̄ui baita, jayoa kachiruaswāe, bibidruaswāe maude barikiu kachiruaswāe. Ichiba kūrīa b̄uasii dachi ichi baita bi'ia nureađai, kachirua jarađai a jaraswāe. 28 Ara mau kīra mukīraba ichi kima ārea kūrīa b̄uai b̄uu ara ichi kakua kūrīa b̄uu kīra. Mukīraba ichi kima kūrīa b̄uub̄urā, ara ichi kūrīa b̄uu. 29 Ab̄au biđa ichi kakua kīramaakau, maumaarā bi'ia ko b̄uudeeba ārea nubarii. Ara mau kīra Cristoba ichi ēbērarā nubarii, 30 ichi kakua kīra panuudeeba. III³¹ Dachī Akōre bedeade naka b̄u kub̄uu:

«Mau baita mukīraba chi akōre maude chi nawe b̄uipeđa ichi wēra ome ābua beei.

Maka kakua ara ab̄a b̄uu kīra nureađai». IV

32 Mau bedeaba kūrīsia mechiu kuitaawēa panađa kuitaabi b̄uu. M̄uuba jara b̄uu Cristo ichi ēbērarā ome ābua panuudeebena. 33 Mau ūrubena kuitaabi b̄umina machicha machi kima kūrīa nureađai panuu ara machi

I Cristo wapea panuudeeba. Griego bedeade chi bee kartade naka b̄u kub̄uu: Dachī Akōre wapea panuudeeba. II Griego bedeade naka b̄u kub̄uu: dachi kachirua jeraasii baniaba maude ichi bedeaba. III Griego bedeade chi bee kartade nau siđa b̄u kub̄uu: ichi kiuru maude ichi b̄uub̄urā kīra panuudeeba. IV 5:31 Génesis 2:24.

kūrīa panuu kīra. Maude wēraba ichi kima wapeadee b̄uai b̄uu.

Warrarā akōrerā ome saka nureađai panuu

6 Warrarā, machi akōrerā bedeaba ūribaba ūrísturu Dachī Mechiuba kūrīa b̄uu kīra, maka jipa b̄uudeeba. 2 Moisesba b̄uade naka jara b̄uu: «Machi akōre maude machi nawe wapea panásturu». V Dachī Akōreba naede naka aida a b̄uasii: 3 Maka wauduub̄urā, «Machi nau druade ewari ārea bi'ia duanađai». VI

4 Akōrerā, machi warrarā kīrubiarásturu. Maumaarā bi'ia jaradea panuudeeba maude jipa waubia panuudeeba Dachī Mechiuba kūrīa b̄uu kīra waribiásturu.

Chi chibari baita bari trajabadaurā āchi chibari ome saka nureađai panuu

5 Chibari baita bari trajabadaurā, machi chi nau iujādeebena chibari wapea panuudeeba, ichiba jaraaruu machi sōđeeba joma wáusturu Cristo bedeaba ijāa panuu kīra. 6 Ichiba ichia b̄uud̄eburu maka waurásturu, ichi ome bi'ia nureađai baita. Maumaarā sōđeeba wáusturu, machi Cristo baita bari trajabadaurādeeba. Dachī Akōreba maka kūrīa b̄uu. 7 Machi chibariba jara b̄uu waumaa panuude, sōbiadeeba wáusturu Dachī Mechiu baita wau panuu kīra. Kūrīsiarásturu nau iujādeebena chibari báitaburu maka traja panuu. 8 Machiba kuitaa panuu chibari baita bari trajabariib̄urā maeb̄urā chibariswāe niib̄urā, Dachī Mechiuba dachimaa dachicha bajāde deai dachiba waupedađa kīra.

9 Ara mau maka, machi chi chibarirā biđa chi machi baita bari trajabadaurā bi'ia wáusturu. Āchi iadađai arásturu. Kīrabásturu chi maarā Chibari bajādeebena ara machi Chibarib̄u. Ichiba joma arabauđe ichibarii.

Kokoroaba ichi kakua ūru chaarea b̄uu j̄ubarii ūrubena

10 Mau awara ābarā, Dachī Mechiu ārea poyaabarii b̄uudeeba chaarea nureásturu. 11 Chi kokoroaba ichi ūru chaarea b̄uu j̄ubarii Dachī Akōreba machimaa deađa j̄ústuru, machi chaarea nureađai baita, j̄ubawāe niiba setaa kūrUARĀamera. 12 Ēbērarā ome ch̄io panuwāema. VII Maumaarā jai kachiruarā nau iujāa p̄riudebenarā ōmeburu ch̄io panuu. Maarā dachiba unud̄akau chi mechiu nureerāb̄u, chi utarebena jai kachiruarā karrarāb̄u. 13 Maudeeba chi kokoroaba ichi ūru chaarea b̄uu j̄ubarii Dachī Akōreba machimaa deađa j̄ústuru. Maka j̄ubawāe niiba kachiruađe baebii chaaruude machi poyaa dauchia j̄adua panađai. Poyaađapeđa ārea chaarea nureađai.

V 6:2 Éxodo 20:12. VI 6:3 Deuteronomio 5:16. VII Ēbērarā ome ch̄io panuwāema. Griego bedeade naka b̄u kub̄uu: Kiuru bara nuree ome, oa bara nuree ome ch̄io panuwāema.

¹⁴ Maudeeba biawāra beḏea ijāa panuudeeba chaarea nureásturu, kokoroaba kurreḏe jūbarii jū b̄uu kīra. Jipa nibásturu kachiruade bæbiarāaamera, kokoroaba ichi kakuade chaarea b̄uu jūbarii kīra. ¹⁵ Chi beḏea bia Dachī Akōre ome bi'ia b̄uai ūrubena jarade wāḏai baita nureásturu, kokoroaba chīode wāi baita ichi jūreḏe jūbarii kīra. ¹⁶ Mau awara ne jomade Cristode ijāa panásturu, kokoroaba ichi juade adaubarii aḏu mirubarii kīra. J̄ubawāe niiba kachiruade bæbii chaaruude, enadr̄ma aoko b̄uuba dr̄uruu kīra b̄uu. Maamina machiba Cristode ijāa panuub̄rā, dauchia jāadua panadai chi juade adaubarii aḏu mirubariiba chi enadr̄ma kiḏa aoko b̄uu kiibarii kīra. ¹⁷ Maude sōḏeeba ārea kuitásturu Dachī Akōreba machi biawāra karibasii, kokoroaba ichi borode chaarea b̄uu jūbarii kīra. Mau awara Dachī Akōre beḏea ichi Jauriḏeeba ārea kuitásturu. Dachī Akōre beḏea espada kīra b̄uu, kachirua ome poyaabariideeba. ¹⁸ Ewaricha ne joma baita Dachī Akōre Jauriḏeeba ūtaa iḏi panásturu. Dau ūr̄ma panuudeeba, joma ichi ēbērarā baita kakua ākaadawēa ūtaa iḏi panásturu. ¹⁹ Maude m̄ baita Dachī Akōremaa ūtaa iḏi panásturu. Ichimaa ūtaa iḏisturu m̄m̄maa kuitaabimera saka

Cristo ūrubena berrei b̄uu. Maka m̄uba wapeawēa ēbērarāmaa kuitaabiai chi beḏea bia Cristo ūrubena, Dachī Akōreba naede kuitaabiwēa b̄uade. ²⁰ Cristoba m̄ b̄uisii mau beḏea jaradeamera. Jaradea b̄uu kakua m̄ jūa uru panuu. Dachī Akōremaa ūtaa iḏisturu m̄uba mau beḏea bia ūrubena wapeawēa berrei baita m̄uba maka wau b̄uudeeba.

Pabloba nau kartade aanama b̄uda

²¹ Dachiba k̄ria panuu āba Tiquicoba m̄ ūrubena machimaa joma neb̄r̄i kuitaamera m̄ saka b̄uu maude k̄are wau b̄uu. Ichi Dachī Mechiu baita ichi k̄ria trajabarii jipa nii, maude ne jomade bi'ia waubarii. ²² M̄uba ichi machimaa b̄uruu kuitaamera dai saka panuu. Mauba machi k̄raj̄ubiai.

²³ Ābarā, m̄uba k̄ria b̄uu Dachī Bajāaḏebena Akōreba maude Dachī Mechiu Jesucristo biḏa machi aidadai chiya k̄ria panadamera maude bi'ia ijāa panadamera. Maude m̄uba k̄ria b̄uu maarāba jirukaraayuwāe panabiadai. ²⁴ M̄uba k̄ria b̄uu Dachī Akōreba ichi sōbiḏeeba joma Dachī Mechiu Jesucristo biawāra ārea k̄ria nuree aidā b̄uai. Bi'ia b̄uu maka b̄uai.

FILIPENSES

Año 61de Pablo Roma puurude jüa buasiide, nau karta busii ().

bu kubuu Pablo naa Filipos puurudea wäda urubena. Mau puuru kaita panuude Pabloba chi nuree wërarã unpeda Jesucristo urubena jaradeasii. Wëra Lidia abadauba naa ijãasii. Ichi dede Pablo maude ichi ome nibada paneesidau. Äbarã ara mau dede araa äbua imibachidau.

Pablo jüa buasiide äbarã Filipos puurudebenarãba ichi baita chi nejarra urubesidau. Ächiba deapedaada äba Epafroditoba adoesii. Pabloba nau karta busii ächimaa ächíturu kidibadai ai baita. Naa Dachí Akõremaa bi'ia berreasii (). Mawãare ächimaa nebursii ichi saka buu urubena. Pabloba kürisia busii kã'ãbariwäede jüa buudebena wãyaa wã (). Mawãare busii Cristo kïra nibadamera (). Mawãare busii Epafrodito isa waya buii urubena maude Timoteo jaradeade buii urubena (). Mawãare busii chi bi'iwãe jaradeabadaurã urubena kauwa panadamera (). Pabloba kaadeare bada bu kubuu.

Pabloba nau kartade naa bada

1 Mx Pablobu. Timoteo mx ome buu. Dai Jesucristo baita bari trajabadaurãbu. Mxuba nau karta äbarã Filipos puurudebenarã baita buuruu: ijãabadaurã nubadaurã, ijãabadaurã aidabadaurã, joma ebërarã Dachí Akõrederã Jesucristo ome nureerã baita. ¹² Daiba küría panuu Dachí Bajãadebena Akõreba maude Dachí Mechiu Jesucristo ächi söbiadeeba machi aida panadai maude ächi jirukaraayuwãe panabiadai.

Pabloba äbarã baita Dachí Akõremaa utaa idida

³ Mxuba machi kïrabaaruucha Dachí Akõremaa ichíturu kidibai abarii. ⁴ Dachí Akõremaa utaa idiruucha mxuba machi baita kïrajuu utaa idibarii, ⁵ machiba ichi bedea ijãapedaadedebena mx aida panuudeeba, chi bedea bia Cristo urubena jaradeai baita. ⁶ Mxuba nau biawãra kuitaa buu: Dachí Akõreba chi machi söde traju bi'ia wauä bi'ia kãrii aba Jesucristo neuruäda. Maude ichiba machi joma bi'ia ua buai. ⁷ Bi'ia buu mxuba joma machi urubena maka kürisia buai, machi ärea küría buudeeba. Mx jüa buude maeburã chi bedea bia Cristo urubena biawãra kuitaabi buude Dachí Akõreba ichi söbiadeeba machi maude mx sida aida buu ichi bedea jaradea panadamera. ⁸ Dachí Akõreba kuitaa buu mxuba Jesucristo ärea küría buudeeba joma machi sida ärea küriakua buu.

⁹ Mxuba Dachí Akõremaa utaa idu buu machi ärea chiya küría nureadamera, ichi bi'ia kuitadamera maude saka nibadai panuu kuitadamera. ¹⁰ Maka machiba ärea kuitadai kãare bi'ia buu maude Cristo

1 Ijãabadaurã nubadaurã. Kajuma bedeaede «pastores» maeburã «ancianos» abadau. Ijãabadaurã aidabadaurã. Kajuma bedeaede «diáconos» abadau.

neuruude ichi daade kachiruaswãe nureadai maude machi urubena kachirua jaradayuswãe nureadai.

¹¹ Mxuba utaa idu buu machi Jesucristodeeba ne jomade jipa nureadamera. Maka ebërarãba Dachí Akõre chi mechiu nii adai maude ichimaa bi'ia berreadai.

Ne jomade Pablo Cristo baita buu

¹² Äbarã, mxuba machimaa kuitaabia küría buu mx chi makadaba aida buu ebërarãba chi bedea bia Cristo urubena ijãadamera. ¹³ Romadebena jaradea ua buabarii de nubadau kokoroarãba maude waabenarãba kuitaa panuu mx Cristo kakua jüa buu. ¹⁴ Maudeeba ärea äbarãba Dachí Mechiudeeba Dachí Akõre bedea wapeawëa jara nibabadau.

¹⁵ Biawãra chi nuree mx ome kïra kachirua panuudeeba, maarãba jarabadau Cristo urubena mx audeara kuitaa panuu adai baita. Maamina waabenarãba kürisia biadeeba jarabadau. ¹⁶⁻¹⁷ Maarãba küriadeeba maka waubadau. Kuitaa panuu Dachí Akõreba mx nama busii chi bedea bia Cristo urubena biawãra arakude kuitaabiamera. Maamina chi nureerãba Cristo urubena jara nibabadau ärea kuitaa nuree kürisia panuudeeba. Kürisia biadeeba maka wauäkau. Kürisia panuu maka mx nama jüa buude aude kïra nomabidai. ¹⁸ Maamina ¿mau sakaima? Kürisia biadeeba maeburã kürisia kachirudeeba jara nibaaduuburã, Cristo urubena jara panuu. Maudeeba mx kïrajuu buu.

Maude kïrajuu buai ¹⁹ mxuba kuitaa buudeeba mx namabena awara wãaruu, machiba Dachí Akõremaa utaa idu panuudeeba maude Jesucristoba deada Jauriba aida buudeeba. ²⁰ Cristo kakua mx ne aba bida nejasiai küriawëa buu, maumaarã ichi urubena berreai baita kïra nejasiaswãe buai küría buu. Maka mxuba jomaurãmaa Cristo chi mechiu nii kuitaabia, ewaricha wau buabarii kïra. Chokae beeruuburã maeburã biuru-

uburã, muba kûria ðuu jomaurãba mudeeba kuitaadaí Cristo chi mechiu nii. ²¹ Mumaarã, m chokae ðuude Cristo baita ðuai, maamina biuruuburã aude bi'ia ðuai. ²² M chokae ðuude Cristo urubena poyaa jaradea ðuai. Maudeeba muba adua ðuu kãare kûria ðuu, chokae ðuai maeburã biui. ²³ Chaarea ðuu jarai baita mau omedebena sãu aude bi'ia ðuu. Mumaarã bi'ia ðuu biui, Cristo ome ðuai baita. ²⁴ Maamina machi baita bi'ia ðuu m chokae ðuai. ²⁵ Maudeeba kuitaa ðuu machi aidaí baita m wabiãa chokae ðuai maude waya machi ome ãbua ðuai. Maka machiba Cristode bi'ia ijãa panuudeeba kírjũũ panadaí. ²⁶ Jesucristoba m waya machimaa adoeruude machi ichi kakua bi'ia kírjũũdapeda bi'ia jaradaí. ²⁷ Jipa nibásturu chi bedea bia Cristo urubena jara ðuu kîra. Makarã muba machi ichiade wãaruuburã, maeburã machi ome ðuuwãede machi urubena úriiruuburã, kuitaai machiba arabau kûrisiadeeba ãbua área ijãa panuu maude ãbua área traja panuu mau bedea bia kuitaabiãaí baita. ²⁸ Machi kíramaabadau aba biãa wapearásturu. Mauba kuitaabii Dachí Akõreba áchi baribai, maamina machi karibai. Mau Dachí Akõreba joma wau ðuu. ²⁹ Ichi biãdeeba machi iubasii ababuru Cristode ijãa panadamera, maumaarã iusii Cristo kakua área bi'iwãe panadamera. ³⁰ Machiba unusidau m área bi'iwãe ðuude dauchia jáadua ðuaãa maude jáabae úri panuu wabiãa dauchia jáadua ðuu. ^I Ara mau kîra machi siãa área dauchia jáadua panuu.

Dachi Akõreba Cristo jomaurã audeara chi mechiu buda

² Cristode kírjũũ panuudeeba, machi kírjũũbia ðuu ichiba kûria ðuudeeba, Dachí Akõre Jauri machi ome ðuudeeba maude ichi kûriaba machi kîra chuburia ðuudeeba, ² m naka área kírjũũbísturu: arabau kûrisia uru panásturu, chiya kûria panásturu maude arabau kûrisiadeeba joma wáusturu. ³ Waabenarã audeara bi'ia nuree kûrisia panuudeeba ne aba biãa waurásturu. Maude waurásturu machi báitaburu bi'ia nureadaí baita. Maumaarã kûrisiásturu waabenarã machi audeara bi'ia nuree. ⁴ Machicha bi'ia nureadaí baita jururásturu, maumaarã jurústuru waabenarã siãa bi'ia nureadamera. ⁵ Jesucristoba kûrisia ðuaãa kîra kûrisiásturu: ⁶ Ichi Dachí Akõremina, ara Dachí Akõre kîra arabau ðuai kûrisiabasii. ⁷ Maumaarã ichi maka nibaãa ida ðusii chibari baita bari trajabarii bai baita. Maabae dachi kîra nau kakuade beesii. ⁸ Makaaruude miichuburi beesii. Dachí Akõreba biui ðuu asiide ichi makasii. Cruzde área bi'iwãe ðuapeda biui ðumina mau makasii.

I 1:30 Hechos 16:11-40.

⁹ Maudeeba bajãade Dachí Akõreba ichi chi aude mechiu ðusii. Ichi jomaurã Mechiu ðusii. ^{II} ¹⁰ Maka joma bajãade nuree, nau iujãade nuree maude biudarã panabadaude nuree Jesús daade õdarde kopaneedaí. ¹¹ Maude jomaurãba Jesucristo jomaurã Mechiu a jaradaí maude Dachí Bajãadebena Akõremaa bi'ia berreadaí.

Ábarã nau iujãade saka nureadaí panuu

¹² Maka m ábarã chi kûria, m machi ome ðuasiideeba Dachí Akõre bedea jara ðuu kîra wau panuu. Jáabae m machi ome ðuuwãemina Dachí Akõre área wapea panuudeeba wau panásturu ichiba machi karibasiiideeba. ¹³ Ichiba machi aida ðuu ichiba kûria ðuu wau panadamera maude maka wau kûria panadamera. ¹⁴ Waabenarã urubena kachirua berreadawëa maude oa kachirua berreadawëa joma wáusturu. ¹⁵ Maka machi urubena kachirua jaradayuswãe nureadaí maude jipa nureadaí. Ébërarã área kachirua waubadau tãede panumina kachiruaswãe panásturu. Dachí Akõre warrarãdeeba áchi tãede utarebena pusterrea tedechoabadau kîra nuree. ¹⁶ Chi dachi chokae ðuabiabarii bedea urubena áchimaa arakude kuitaabia panásturu. Maka Cristo neeruude m machi kakua kírjũũ. Maude muba kuitaai m bari ara jáka nibaabasii maude bari trajaabasii. ¹⁷ Kã'ãabariwãede m Cristo kakua beãaí panuu. Maka uva ðaa Dachí Akõremaa ea deabachiãau kîra ðuai. ^{III} Ara mau kîra machiba Cristode ijãa panuu, ánimara Dachí Akõremaa baa deai kîra ðuu. ^{IV} Maudeeba m machi ome área kírjũũ ðuu. ¹⁸ Ara mau kîra machi siãa m ome ãbua kírjũũ nureadaí panuu.

Timoteo maude Epafrodito

¹⁹ Dachí Mechiu Jesusba kûriaruuburã muba Timoteo isa machimaa wãbii. Maka ichi waya muma neeruude m siãa kírjũũ ðuai machi saka panuu kuitaai ðuudeeba. ²⁰ Nama m baara ichi kîra nii wã'ãe. Ichiba machi biawãra aida kûria ðuu. ²¹ Jomaurãba ara áchi bi'ia nureadaí jurubadau, Jesucristoba kûria ðuu jurudai badamaarã. ²² Maamina machiba kuitaa panuu Timoteoba bi'ia waubaríi. Warrba ichi akõre aidaabarii kîra ichiba bedea bia Cristo urubena aida jaradea ðuu. ²³ M kãare saka wauãaí panuu kuitaaruude Timoteo machimaa ðuui kûrisia ðuu. ²⁴ Maamina kûrisia ðuu Dachí Mechiuba m aidaí, kã'ãabariwãede m siãa machimaa wãmera. ²⁵ Machiba ába Epafrodito m aidaamera ðuusiãau. Mauba m ome Dachí Akõre bedea jaradea ðuu koko-

II Griego bedea naka ðu kubuu: Dachí Akõreba ichimaa chi trã mechiu deasii. III 2:17 Números 15:5,6. IV 2:17 Levítico 23:18.

roa chíõ ðuu kíra. Múuba machimaa ichi waya wábií. ²⁶ Ichiba machi biawára unu kúria ðuu. Área jirukaraa ðuu, machiba ichi épermo ðuu úrisidaudeeba. ²⁷ Biawára ichi épermo ðuasii. Beraa biukausii. Maamina Dachí Akóreba ichi kíra chuburiasii. Abáburu ichi kíra chuburiabasii, maumaará mþ síða kíra chuburiasii waya jirukaraa ðeeráamera. ²⁸ Mauðeeba múuba ichi waya isa wábi kúria ðuu, machiba ichi unuuduude waya kírajúudamera. Maka mþ machi kakua área jirukaraa ðuabai. ²⁹ Kírajúu panuudeeba ichi bi'ia irsibísturu Dachí Mechiudeeëba. Chi ichi kíra nuree úrubena bi'ia kúrisiásturu. ³⁰ Cristoba waubi ðuu kakua ichi beraa biukausii. Chi machiba mamauba mþ baita poyaa wauðawéa panuu, ichiba biui adua wausii.

Cristodéburu ijáadaí panuu

3 Mau awara ábará, Dachí Mechiudeeëba kírajúu panásturu. Múuba nau ðeëa naa ðusmina, ara mau ðui baita ida ðukau. Maka kachiruaðebena machi nu ðuai.

² Ébérará usa kíra nureeðebena kauwa duanásturu, maarába kachirua waubadaudeeba. Maarába jaradeabadau mukíra chi kakua tóoðai panuu ébérará Dachí Akóreðerá nureaðai baita. ¹³ Maamina dachi chi biawára mukíra chi kakua tóopeðaaðabþ. ^{II} Dachíaburu Dachí Akóre Jaurideeëba ichimaa bi'ia berreabadau. Mauðe Jesucristoba dachi baita wauða bi'ia jarabadau. Dachiba kúrisiaðakau Dachí Akóreba dachi jipa nuree unui, dachiba wau panuu kakua. ⁴ Múuba nau kakuade bi'ia wauða kakua maka kúrisia ðuai ðumina, maka kúrisiakau. Biawára abauða wau ðuu kakua Dachí Akóreba jipa unui kúrisiaruuburá, ichi audeara múuba aude maka poyaa kúrisia ðuai ðuu. ⁵ Mþ dana-ba mþ adauða 8 ewari ðaðakare, mþ mukíra chi kakua tóosiðau. Mþ israelðebenabþ, Benjaminðebena neeðabþ. Mþ nabéraeðebenará chi biawára hebreorá basii. Fariseo basiiðeeëba múuba Moisesba ðuða kauwa waubachii. ⁶ Mau judiorá ley área waubachiideeëba Cristode ijáa nuree wáraabachii kachirua wauí baita. Mau judiorá ley área waubachiideeëba abau biða mþ úrubena kachirua jaradayuswáe nii.

⁷ Maamina ne joma múuba naede bi'ia unu ðuaða, jáabae Cristode ijáa ðuudeeëba mau bi'ia unukau. ⁸ Biawára mþ Mechiu Jesucristo kuitaai ne joma audeara bibuara ðuu. Múuba kúrisia ðuaða ichi kakua joma ida ðusii. Joma mau nejarr kíra unusii Cristo kuitaai baita ⁹ mauðe ichi ome ðuai baita. Mþ ichi ome ðuuwáe chi Moisesba ðuðadeeëba, maumaará maka nii Cristoba

I Maarába jaradeabadau...Akóreðerá nureaðai baita. Griego ðeðeade naka ðu kubuu: chi tóobadaurá. II Chi biawára mukíra chi kakua tóopeðaaðabþ. Mau ðeëa jara ðuu «dachi, Dachí Akóre puurubþ». Naede israelðebenarába joma áchi mukíra chi kakua tóobachidau kuitaabidai baita áchi Dachí Akóre puurudebenará basii.

ichi Akóreba jarada kíra wausiiðeeëba, dachi kakua biusiideeëba. Múuba Cristode ijáa ðuudeeëba, Dachí Akóreba mþ ichi ome uru ðuu. ¹⁰ Múuba Cristo área unui kúria ðuu. Ichi Dachí Akóre poyaabariideeëba chokae jiradusii. Mþ ara mau poyaabariideeëba ichi baara nibai kúria ðuu. Mauðeeëba ichi área bi'iwáe ðuaða kíra mþ síða bi'iwáe ðuai kúria ðuu, mauðe ichi biuða kíra biui kúria ðuu. ¹¹ Maka kúria ðuu Dachí Akóreba mþ chokae jiradubiideeëba.

¹² Múuba jarawéa ðuu mþ jáabae maka nii. Mauðe jarawéa ðuu mþ jáabae jipa nii. Maamina maka ðuai baita mþ idiideeëba naa wáaruu, Cristo Jesusba mþ mau baita jidausiideeëba. ¹³ Ábará, múuba jarawéa ðuu mþ biawára maka nii; maamina múuba nau wau ðuu: múuba naede wau ðuaða adua ðeepeda naa pira wáaruu, Cristo kíra ðuai baita. ¹⁴ Pira kárii, chi neei ðu-umaa neei baita, Jesucristodeeëba ne bia bajáadebena adai baita, Dachí Akóreba iusiideeëba.

¹⁵ Joma dachi Cristo área kuitaa nureerába ara mau kíra kúrisiaðai panuu. Machiba áyaa kúrisia panuuburá, Dachí Akóreba saka kúrisiaðai panuu arakude kuitaabai. ¹⁶ Maamina dachiba kuitapeðaaða joma wauðai panuu.

¹⁷ Ábará, mþ kíra panásturu. Machi táede nibasiðauðe daiba unubasiðau saka nureaðai panuu. Ábará maka nuree baara nibásturu. ¹⁸ Bes área múuba nau machimaa jarasii mauðe jéa ðuuba waya jaraaruu: ébérará áreëba áchiba wau panuudeeëba unubiabadau chi Cristo cruzde biuða úrubena ðeëa kuitaadaí kúriaðakau. ^{III}¹⁹ Mauðeeëba biuduude Dachí Akóreba áchi joma ichiai. Dachí Akóre ida ðubadau, áchi kakuaba kúria ðuu wauðai baita. ^{IV} Mia pera wau panuu úrubena área berreabadau. Aba nau iujáadebenáturu kúrisiabadau. ²⁰ Maamina dachi bajáadebenaráþ. Dachí Karibabarii mamauba neei esedaí panuu. Mau Dachí Mechiu Jesucristobþ. ²¹ Ichi neeruude chi kakua biui ðuu áyaa wauí. Mauðe ichi kakua kíra área bi'ia ðeei. Ichi poyaabariideeëba maka wauí. Mau poyaabariideeëba ichiba ne joma poyaaí.

4 Mauðeeëba mþ ábará, múuba jarada kíra Dachí Mechiude área ijáa panásturu. Múuba machi área kúria ðuu mauðe unu kúria ðuu. Machi kakua, mþ área kírajúu ðuu. Machi mþ kírajúubibadaubþ. ^V

Pabloba ábarámaa waubiaða

² Múuba neekau Evodiamaa mauðe neekau Sintiquemaa chi chuburia idiiruu chiya berreðamera, Dachí Mechiu Jesucristo ome panuudeeëba. ³ Mauðe

III Cristo cruzde biuða úrubena ðeëa kuitaadaí kúriaðakau. Griego ðeðeade naka ðu kubuu: chi Cristode cruz kíramaabadaurá. IV Dachí Akóre ida ðubadau, áchi kakuaba kúria ðuu wauðai baita. Griego ðeðeade naka ðu kubuu: áchi ði, áchi diosþ. V Machi mþ kírajúubibadaubþ. Griego ðeðeade naka ðu kubuu: machi mþ boro júrabþ.

bichi, chi m̄ ome Dachī Akōre traju waubarīi, m̄mba bichimaa idīiruu mau neekaurā aidamera. Āchi Clemente baara maude waabenarā sīda m̄ ome ārea trajasīdaū chi bedea bia Cristo ūr̄ubena kuitaabiadaū baita. Joma āchi tr̄ Dachī Akōreba chi ewarīcha chokae duanabariī kartade b̄ uru b̄uu.

⁴ Dachī Mechiu Jesucristo ome panuudeeba ewarīcha kīraj̄m̄ panásturu. M̄mba waya jaraaruu: ¡Kīraj̄m̄ panásturu! ⁵ Machi ēbērarā bia nuree, jomaurāmaa unubiásturu. Dachī Mechiu neei ewarī ūr̄ba b̄uu.

⁶ Barīkia kakua ārea jirukaraarásturu, maumaarā Dachī Akōremaa ūtaa idīsturu, ichimaa chi chuburia idīsturu, maude ne joma ūr̄ubena ichíturu kidībai ásturu. ⁷ Mauba Dachī Akōreba machi sō maude machi k̄r̄isia jirukaraayuwāe duanubīai Jesucristo ome panuudeeba. Mau jirukaraayuwāe panadaī ēbērarāba āchi du aba poyaa kauwa kuitaadaabai.

⁸ Mau awara ābarā, joma chi biawāra ūr̄ubena, ne joma dachiba bi'ia b̄uu unubadaū ūr̄ubena, joma jīpa b̄uu ūr̄ubena, joma kachīruaswāe b̄uu ūr̄ubena, joma maurāba k̄r̄iabadau ūr̄ubena, joma bi'ia tr̄ poa b̄uu ūr̄ubena, ne joma bi'ia ūr̄ubena maude ne joma dachiba bi'ia jarabadaū ūr̄ubena k̄r̄isia panásturu. ⁹ M̄mba jaradeada, machiba m̄m̄deeba kuitaapeadaa, m̄m̄deeba ūripadaa maude unupadaa joma wau panásturu. Maude Dachī Akōre machi ome b̄uai maude machi jirukaraayuwāe duanubīai.

Ābarāba ne urubīpedaada ūr̄ubena Pabloba āchíturu kidībai ada

¹⁰ Dachī Mechiudeeba m̄ ārea kīraj̄m̄ b̄uu, machiba m̄ ūr̄ubena k̄r̄isiasīdaude waya ne urubīsisīdaudeeba. Mau machiba naede wau k̄r̄ia panasmina poyaa wauadaabasīi. ¹¹ Maka jarawēa b̄uu m̄ ne wā'āe b̄uudeeba. M̄mba kuitaasīi saka jirukaraayuwāe b̄uai chi m̄mba uru b̄uudeeba. ¹² Chi nejarr barauwāe b̄uude maude ārea uru b̄uude saka b̄uai kuitaa b̄uu. M̄mba

kuitaasīi barīkiade saka jirukaraayuwāe b̄uai, b̄i jāwaa b̄uude maude jarrbīsia b̄uude; ārea uru b̄uude maude ne wā'āe b̄uude. ¹³ Cristodeeba joma poyaa wauī, ichi-ba m̄mba meserāa b̄uabīruudeeba. ¹⁴ Maamina m̄mba machíturu kidībai aaruu, m̄ ārea bi'iwāe b̄uude aidasīdaudeeba. Biawāra machiba bi'ia wausīdaū.

¹⁵ Ābarā Filipodebenarā, machiba kuitaa panuu chi bedea bia Cristo ūr̄ubena arabadeede ijāsīdaude, m̄ Macedonia druadebena wāsīide waabenarā ābarā puurudebenarāba m̄ baita ne urubīdaabasīi. Machī-aburu m̄ baita makasīdaū. ¹⁶ M̄ Tesalónica puurude b̄uasīide machiba bes ārea urubīsisīdaū m̄ aidadaī baita. ¹⁷ M̄mba idīwēa b̄uu machiba ne urubīdam-era, maumaarā k̄r̄ia b̄uu bi'ia wau panuudeeba Dachī Akōreba machi bi'ia aidai. ¹⁸ Ne joma machiba āba Epafrodito ome urubīpedaada m̄mba adausīi. Maudeeba ārea uru b̄uu. Mauba m̄ bi'ia b̄uai. Machī-ba urubīpedaada chi kera tuwaa Dachī Akōremaa deada kīra b̄uu. Mau Dachī Akōreba bi'ia unu b̄uu. ¹⁹ Biawāra joma machiba ne wā'āe panuu m̄ Bajādebena Akōreba ne bia uru b̄uudebena Jesucristodeeba deai. ²⁰ Maudeeba ewarīcha Dachī Bajādebena Akōremaa bi'ia berredai panuu. Bi'ia b̄uu maka b̄uai.

Pabloba nau kartade aanama b̄uda

²¹ Joma ēbērarā Dachī Akōrederā Jesucristo ome nuree bi'ia panáade a jarásturu. Ābarā m̄ ome panuurā bīda bi'ia panáade a jarabī panuu. ²² Joma ēbērarā Dachī Akōrederā namabenarāba bi'ia panáade a jarabī panuu. Ābarā Romadebena chi aude mechiu nīi baita trajabadaurā bīda bi'ia maka jarabī panuu.

²³ M̄mba k̄r̄ia b̄uu Dachī Mechiu Jesucristoba ichi sōbīadeeba machi aīda b̄uai. II

I 4:15 Hechos 18:5. II Griego bedeaēde chi bee kartade nau sīda b̄u kubuu: bi'ia b̄uu maka b̄uai.

COLOSENSES

Dachiba kŕisia panuu año 60de Pablo jŕa bŕasiide Roma puurude, nau karta bŕsii. Karta Filemonmaa urubŕisiide, nau karta sida urubŕisii ābarā Colosade nureerāba maude Laodiceade nureerāba eda jaradamera ().

Pablo Colosadaa wāka basii (). Epafraŕba naede bedea bia Jesús ŕrŕbena jarade wā bŕasiid (). Ābarā Colosade, Laodiceade, Hierapolisde nureerāmaa jaradea bŕabachii (). Maarā puuru arabau druade panasiidau. Epafraŕ bŕasiide waabenarāba kŕisia āyaa kŕisia kopaneesidau. Waabenarāba Dachii Akōremaa bi'ia berreadai baadamaarā, angelerāmaturu bi'ia berreabachidau. Waabenarāba jarabachidau abauba āchiba jaradeabadau ijāaruubŕā kachirua wauwēa bŕai. Maudeeba Epafraŕba Pablomaa jarade wāsii. Pabloba nau karta bŕsii ābarāba setaa ijāarāadamera maude Jesucristo chi mechiu nii kuitaadamera (). Mau awara Pabloba nau kartade bŕsii, ābarā aidai baita (). Mawāare bŕsii ābarā saka nibadai panuu (). Ābarā baita kaadeare bŕda bŕu.

Pabloba nau kartade naa bŕda

1 Mŕ Pablobŕ. Mŕ Jesucristoba bŕidabŕ, Dachii Akōreba mau kŕiasiiideeba. Dachii āba Timoteo mŕ ome bŕu. ² Mŕba nau karta bŕruu ēbŕarā Dachii Akōrede, dachii ābarā Jesucristode ijāabadaurā Colosa puurudebena baita. Daiba kŕia panuu Dachii Bajāadebena Akōreba ^I ichi sōbiadeeba machi kariba bŕai maude jirukaraayuwāe bŕabiai. ^{II}

Pabloba ābarā baita Dachii Akōremaa ũtaa idida

³ Dachii Mechiu Jesucristo Akōre, Dachii Akōremaa ũtaa ididuucha daiba machi baita ichituru kiidibai abadau. ⁴ Daiba ŕri panuu machiba Jesucristode ijāa panuu maude joma ēbŕarā Dachii Akōrederā ārea kŕia panuu. ⁵ Machi maka panuu, kuitaa panuudeeba Dachii Akōreba machi baita ne bia bajāade nu uru bŕu. Mau machiba naede ŕrisidau chi bedea biawāra Jesucristo ŕrŕbena machimaa neesiide. Mau bedea bia ⁶ machimare ŕrisidau Dachii Akōreba ichi sōbiadeeba machi biawāra karibai bŕu joma kuitaasidau. Ara mau kŕia mau ewarideebena joma druacha ēbŕarāba mau bedea ārea ijāamaa duanuu nejōo bakuru chaubarii kŕia. ⁷ Mau bedea dachii āba Epafraŕba machimaa kuitaabisii. Ichi daiba biawāra kŕia panuu. Dai ome arabau wau bŕu. Ichi Cristo baita bari trajabariibŕ. Machi aidai baita ne jomade jipa waubarii. ^{III} ⁸ Ichiba daimaa jarasii machi Dachii Akōre Jaurideeba biawāra chiya kŕia panuu.

^I Dachii Bajāadebena Akōre. Kajuma bedeade bŕ kubuu: Dios el Padre. ^{II} Dachii Bajāadebena Akōreba. Griego bedeade chi bee kartade bŕ kubuu: Dachii Bajāadebena Akōreba, maude Dachii Mechiu Jesucristo. ^{III} Machi aidai baita. Griego bedeade chi bee kartade bŕ kubuu: dai aidai baita.

⁹ Maka ŕrisidaudeebena daiba machi baita ewaricha Dachii Akōremaa ũtaa idii panuu ichiba waubi kŕia bŕu machimaa joma kuitaabiamera. Mau awara ũtaa idii panuu ichiba maarāmaa kŕisia kuitaa maude kauwa ŕri ichi Jaurideeba joma deamera. ¹⁰ Maka machi poyaa jipa nibadai Dachii Mechiuba kŕia bŕu kŕia maude ne jomade ichiba machi bi'ia unui. Biawāra machiba ne joma bi'ia wau panuudeeba nejōo bi'ia chaubarii kŕia duanaidai maude Dachii Akōre bi'ia unu kŕibadeadai. ¹¹ Daiba Dachii Akōremaa ũtaa idii panuu ichi poyaabarii ārea buudeeba machi chaarea panadamera. Maka machi ārea bi'iwāe paneeduude maude waabenarāba machi kachirua wauduude, bi'ia dauchia jāadua panadai. ¹² Maka kŕajŕ Dachii Bajāadebena Akōremaa bi'ia nii adai. Machi joma ichi ēbŕarā ome ũdaade bi'ia bŕsii ichiba uru buudebena adadamera. ¹³ Dachii Akōreba chi jŕbawāe nii pŕiudebena dachii karibapeba bŕsii ichi Warr kŕia nii juade ichidŕrā baara ua buamera. ¹⁴ Ichi Warrdeeba Dachii Akōreba dachii kachirudebena karibasii. ^{IV} Dachiba kachirua waupedaada joma perdonasii.

Cristo joma audeara mechiu nii

¹⁵ Chi Dachii Akōre dachiba unudakau, mau Jesucristodeeba unubadau. Ichi Dachii Akōre Nabena Wardeeba joma Dachii Akōreba waua chi Mechiu.

¹⁶ Ichideeba Dachii Akōreba ne joma wausii. Bajāade nuree, nau druade nuree, dachiba unubadau maude dachiba unudakau joma wausii.

Joma chi dachiba unudakau jaradea ua bŕabadaurā, chi mechiurā maude chi meserāa nuree wausii. Dachii Akōreba Cristodeeba joma wausii maude Cristo baita wausii.

^{IV} Karibasii. Griego bedeade chi bee kartade bŕ kubuu: karibasii ichi oadeeba.

17 Ne joma wau naede Cristo bæasii. Joma ichideeba nuree. ^I

18 Cristo ichidirã ebërarã mechiubũ. ^{II} Ichideeba maarã nuree. Ichi ewaricha chokae buai baita naa chokae jiradusii. Mauðeeba joma aude chi mechiu nii.

19 Dachì Akõreba kûriasii Cristo ara ichi kîra bæai.

20 Mauðe kûriasii Cristodeeba ne joma bajãaðebena mauðe nau iujãaðebena ichi ome bi'ia nureaðamera.

Mauðeeba Cristo cruzde oa chesiideeba ichi ome jirukaraayuwãe bæsii.

21 Kachirua wau panuudeeba machi mau naede Dachì Akõreðebena awara nureasii mauðe machiba kachirua kûrisia panuudeeba Dachì Akõre kîramaa panasiðau.

22 Maamina Cristo biusiideeba Dachì Akõreba machi mau ome bi'ia bæsii ichi daaðe kachiruswãe nureaðamera mauðe waabenarãba machi ùrübena kachirua jaradayuswãe nureaðamera. ²³ Mauðeeba Cristode ãrea ijãa panuudeeba dauchia jãadua nureaðai panuu. Chi beðea bia Cristo ùrübena machiba ùripeðaaða ida bæðaabai panuu, maumaarã Dachì Akõreba deai jarada esedaðai panuu. Mau beðea bia joma nau iujãaðe ^{III} jaradea panuu. Ara mau beðea mũa biða jaradea bæu.

Pabloba ãbarã aidaì baita jaradea bæaða

24 Jãabae mũaba machi aidaì baita ãrea bi'iwãe bæmina kîrajũ bæu. Mauðe Cristo baita wabiða bi'iwãe bæui bæuðeeba, ãrea bi'iwãe nibai joma ichi ebërarã aidaì baita. ²⁵ Dachì Akõreba mũ ichi ebërarã baita trajabarii bæsii. Mauðeeba ichi beðea joma arakude machimaa jaradea bæu. ²⁶ Nabëraeðebena ewaride mau beðea Dachì Akõreba kuitaabiwãe bæasii, maamina iði mau beðea ichi ebërarãmaa kuitaabiasii. ²⁷ Mau beðea naede kuitaabiwãe bæaða, ichidirãmaa kuitaabiasii. Mau beðea bia chi judiowãerã baita biða bæu. Ichiba kuitaabiwãe bæaða nau: Cristo machi sõde bæu. Ichideeba kuitaa panuu ichi biðeeba ne adauðai.

28 Joma kûrisia kuitaaðebena daiba Cristo ùrübena jomaurãmaa jaradea panuu jipa nibaðamera. Maka daiba ebërarã joma Cristodeeba jomaðe jipa panuu Dachì Akõremaa unubiðai. ²⁹ Mau baita mũ kurrjîruwãe traja bæu Cristoba ichi poyaabarii ãrea dea bæuðeeba.

2 Mũaba kûria bæu machiba nau kuitaaðai: mũ dauchia jãadua ãrea traja bæu machi Colosaðebenarã, ãbarã Laodicea puuruðebenarã mauðe joma ãbarã mũ unuðakau aidaì baita. ² Mũaba

^I Joma ichideeba nuree. Nau jara bæu nau iujãaðe nuree, bajãaðe nuree mauðe dachiba ebërarãba ne poyaa wauðakau siða.

^{II} Ichidirã ebërarã mechiubũ. Kajuma beðeade naka mũ kubũu: *Él es la cabeza del cuerpo, que es la iglesia.* ^{III} Joma nau iujãaðe. Kajuma beðeade naka mũ kubũu: *en toda la creación que está debajo del cielo.*

kûria bæu jomaurã dauchia jãadua kîra bæu panabiai, kûriaðeeba ãbua bi'ia duanaðai mauðe biawãra kûrisia kuitaa nureeðeeba bi'ia duanaðai. Maka Dachì Akõreba mau naede kuitaabiwãe bæaða kuitaaðai. Mau Cristobũ. ³ Ichiaburu Dachì Akõre kûrisia kuitaaðai mauðe ne ãrea kuitaaðai baita poyaa deai. Mau kûrisia kuitaaðai mauðe ne kuitaaðai ãrea bi'ia nuree. ⁴ Joma mau mũuba jara bæu abaua machimaa setaa jararãamera, setaa mipitaa berrearuuba. ⁵ Mũa machi ome bæuwãemina mũ kûrisia machi ome bæu. Mũaba kuitaa bæu machi ãbua bi'ia panuu mauðe Cristode ãrea ijãa panuu. Mauðeeba kîrajũ bæu.

Chokae bæui wiði Cristode uru panuu

⁶ Machiba Dachì Mechiu Jesucristode ijãasiðauðeeba ichideeba nibásturu. ⁷ Ichideeba chaarea panásturu ãrea karr jidau panuu kîra mauðe de bia wauða kîra. Ichide ãrea ijãa panásturu ãbarãba jaradeapeðaaða kîra. Ewaricha Dachì Akõremaa ichíturu kiðibai ásturu.

⁸ Kauwa panásturu abaua machimaa setaa jararãamera, chi dachì aidaìkau biawãrawãe bæu kûrisi-abadauðeeba. Mau joma nabëraeðebena kûrisi-abadau nau iujãaðebena jauri meserãa nureeðebenabũ. Mau beðea Cristodebenawãebũ. ⁹ Cristo ebëra kakuaðe biawãra Dachì Akõrebũ. ¹⁰ Machi Cristode ebërarãdeeba, ichideeba joma uru panuu Dachì Akõre ome bi'ia nureaðai baita. Mau joma chi meserãa nuree Mechiubũ. ¹¹ Machi ichidirã nureeðeeba, machi mukîra chi kakua tõopeðaaða kîra nuree. Maamina ebëra juaba maka wauðaabasii. Maumaarã jara bæu dachì kakuaba kachirua wau kûria bæuðebena karibasii. Mau mukîra chi kakua tõoða Cristoba wausii. ¹² Dachì Akõreba ichi poyaabariideeba Cristo chi biuðeðebena chokae jiradubisii. Machiba Dachì Akõre maka poyaabarii nii ijãasiðauðeeba boro easiðauðe unubisiðau Cristo ome jau bæpeðaaða mauðe Dachì Akõreba machi Cristo ome chokae jiradubiða.

¹³ Cristode ijãaðai naede machi biu panasiðau kachirua wau waubachiðauðeeba. Mauðe dachì kakuaba kachirua wau kûria bæu waubachiðau. ^V Maamina Dachì Akõreba machi Cristo baara chokae duanubiasii. Joma dachiba kachirua waupedaðaaða ichiba perdonasii. ¹⁴ Biawãra kachirua wau panuudeeba dachì Dachì Akõremaa deai bæu deaðai panasiðau. Mauðeeba Moisesba bæaðe mũ kubũu dachì biuðai panuu. ^{VI} Maamina Cristo cruzde biusiide Dachì Akõreba mau deaðai panaða joma ida bæsii. ¹⁵ Mauðeeba Dachì Akõreba joma dachiba unuðakau chi mechiu nuree poyasii. Mau wauða ichiba jomaurãmaa unubiasii. ^{VII}

^{IV} Mau jauri poyaa audeara, Cristo aude poyaabarii nii, ichi Dachì Akõreðeeba. ^V Dachì kakuaba kachirua wau kûria bæu waubachiðau. Griego beðeade naka mũ kubũu: mukîra kakua tõowãa panuudeeba. ^{VI} 2:14 Romanos 6:23. ^{VII} Mau ewaride chi

¹⁶ Maudeeba machiba kobadau ũrubena maude dobadau ũrubena ēbērarāba kachirua jaraaduubērā, maarā bedea ijāarāsturu. Machiba ēbērarā kīrajūu bara b̄uabarii ewari waubadau ewari nuḁakau, jedako wiḁi nuḁakau maude bari panabadau ewari nuḁakau ũrubena maarāba kachirua jaraaduubērā, ijāarāsturu. ¹⁷ Dachī Akōreba joma mau wauī b̄uadea tōroroa unubi b̄uasii. Maamina ichiba wauī jaraḁa Cristodeeba joma wausii.

¹⁸ Mau baita abauba machiba ne bia bajāade adauḁaabei aaduubērā, ijāarāsturu. ^I Maarā berre-abadaurā setaa maka nibabadau waabenarā chi aude kaebeu nibabadau kīra. Maarāba angelerā ārea kūrī-abadau. Chi maarā daumaa unubiapedaada ārea jaradeabadau. Dachī juaba bi'iwāe wauī kūrīa b̄uudeeba ēbēra jaradea ua b̄uabadaurā mechiurā kīra āyaa kūrīsīabadau. ¹⁹ Āchi Dachī Mechiu Cristo ^{II} ome panuwāe. Maamina ēbērarā Cristodeeba ichideeba ne joma uru panuu ichi ome ābua bi'ia panaḁai baita. Ichideeba dachi waribadau Dachī Akōreba waribi b̄uu kīra.

²⁰ Machi Cristo ome ābua biusiḁaudeeba nau iujāadebena jauri mechiurāde ijāadeabai panuu. Mau ḁsakāe wabiḁa mau kūrīsīa ijāa panuma nau iujāadebenarā ijāabadau kīra? ²¹ Naka jarabadau: «Jākū waurāsturu, jākū ko chaarāsturu, jākū jidaurāsturu». ²² Joma mau ēbērarāba āchi kūrīsīadeeba jaradeabadau. Mau kūrīsīa ijāadeabai panuu joma dachiba kopedaada maude dopedada wā'āebariideeba. ²³ Biawāra mau kūrīsīa kuitaa kīra b̄uu. Āchiba jarabadau ara dachi du aba ne waubadaudeeba Dachī Akōre kaade poyaa bi'ia wāḁai, waabenarā audeara kaebeu nibaḁai panuu maude ārea bi'iwāe panaḁai panuu, ara dachi du aba pu'uaduudeeba. Maamina joma mauba dachi kakuaba kachirua wau kūrīa b̄uu maka waubikau.

Ne bajāadebena j̄urudai panuu

³ Machi Cristo ome chokae jiradusiḁaudeeba ne bajāadebena j̄ur̄u panāsturu. Aria Cristo Dachī Akōre jua biare akū b̄uu. ² Ne bajāadebena kūrīsīa panāsturu, maude nau iujāadebena kūrīsīa panarāsturu. ³ Maka nibaḁai panuu, Cristo ome biuḁakare ichi ome chokae panuudeeba. Mau waabenarā ēbērarāba kuitaaḁakau. Maamina Cristo Dachī Akōre ome chokae b̄uudeeba, machi siḁa Dachī Akōre ome chokae panuu. ⁴ Machi Cristodeeba chokae panuudeeba, ichi

kokoroarāba āchi kīramaabadau poyasiḁaude, āchi puuruḁaa adobachiḁau. Aria jomaurā daade puuruḁe nibabiabachiḁau, kīrakaya panaḁamera. I Machiba ne bia bajāade adauḁaabei aaduubērā. Griego bedeade nau siḁa jara b̄uu «abauba machi bi'iwāe aaduubērā». II Dachī Mechiu Cristo. Griego bedeade b̄u kub̄uu: chi boro.

waya unubiuruude machi ichi ome panaḁai. Maude ara ichi kīra, kīrawārea panaḁai. ^{III}

Cristodeeba dachi chiwiḁi paneeda

⁵ Maudeeba joma nau iujāadebena kūrīsīa machi sōḁe b̄uu ida b̄ústuru. Dachī kakuaba barikiu kachirua waurāsturu, mia kīra nejasia waurāsturu, ne mia pera waurāsturu, kūrīsīa kachirua kūrīsīarāsturu, maude ne kaebea ārea uru panaḁai kūrīa panarāsturu. Chi ne kaebea ārea kūrīa b̄uu, Dachī Akōre kuenda juaba ne kapedaade ijāa b̄uu kīra nii. ⁶ Joma mau kachirua baita Dachī Akōreba ichiḁe ijāadeakau nuree kastikai. ^{IV} ⁷ Machi siḁa eskareede maka nibabachiḁau.

⁸ Maamina jābae nau joma ida b̄ústuru: machi sōḁeba kīrubadau, oa kachirua berreabadau, waabenarā-maa kachirua waubadau, waabenarā ũrubena setaa jarabadau maude bedea kachirua jarabadau joma ida b̄ústuru.

⁹ Waabenarāmaa setaa jararāsturu. Machi ēbēra Cristode ijāadeai naede maka panaḁa ida b̄usiḁau, dachiba chi paru sore ēbadau kīra. Maude machiba kachirua waupedaada ida b̄usiḁau. ¹⁰ Paru chiwiḁi j̄ūduu kīra machi chiwiḁi paneesiḁau. Dachī Akōreba maka wausii. Mau awara machi bi'ia wau kāriḁau ichi kīra nureaḁamera maude ichi bi'ia unuḁamera. ¹¹ Dachī Akōreba maka wausiideeba ichi daade griego judio ome arabauḁe nii. Mukīra chi kakua tōo nii mukīra chi kakua tōowēa nii ome arabauḁe nii. Drua āibena, ne adua nii ome arabauḁe nii. Chi chibari baita bari trjabarii, chi chibariswāe nii ome arabauḁe nii. Cristo chi aude bibuara nii. Ichi jomaurā sōḁe b̄uu.

¹² Dachī Akōreba machi kūrīadeeba j̄ur̄u adausii ichi baita bi'ia nureaḁamera. Maudeeba waabenarā kīra chuburia panāsturu. Ēbēra bia panāsturu. Machi waabenarā audeara bi'ia nuree kūrīsīarāsturu. Jomaurā ome kūrīsīa biadeeba panāsturu. Ne jomade jāadua panāsturu. ¹³ Jomaurā ome jāaduai kuitaa panāsturu. Abauba kachirua wauruubērā mau kachirua wauḁa perdonāsturu. Machiba kachirua waupedaada Dachī Mechiuba kude beei ida b̄uḁa kīra machia biḁa kude beei ida b̄ústuru. ¹⁴ Mau awara waabenarā kūrīa duanāsturu. Maka machi jomaurā ome ābua bi'ia duanaḁai. ¹⁵ Dachī Akōreba machi iusii machi kakua ara aba nii kīra panaḁamera. Cristoba machi sōḁe apii b̄uai dea b̄uu. ^V Mauba kuitaabii kāare wauḁai panuu. Maka panāsturu. Maude Dachī Akōremaa ichituru kiḁibai āsturu.

¹⁶ Bedea Cristo ũrubena machi sōḁe uru panāsturu. Joma Dachī Akōre kuitaadeeba chiya jaradeāsturu maude chiya aiḁāsturu bi'ia ijāadeai baita. Dachī Akōre

^{III} Machi. Griego bedeade chi bee kartaḁe b̄u kub̄uu: dachi.

^{IV} Ichiḁe ijāadeakau nuree. Griego bedeade chi bee kartaḁe mau wā'āe. ^V Cristoba. Griego bedeade chi bee kartaḁe b̄u kub̄uu: Dachī Akōreba.

bedeade ɓu kubuu karísturu, ábarába karibadau maude Dachí Akõre Jauriba karibi ɓuu siɗa Dachí Akõremaa karísturu. Sõdeeba ichíturu kiɗibai jara panuudeeba karísturu. ¹⁷ Machi berreaduude maude ne wauduude joma wáusturu Dachí Mechiu Jesusba kúria ɓuu kíra. Ichideeba Dachí Bajãadebena Akõremaa ichíturu kiɗibai ásturu. ^I

Ábarã áchi dedebenarã ome saka nureadai panuu

¹⁸ Wërarã kima bara nuree, machi kimarãba jara panuu ijãa panásturu. ^{II} Machi Dachí Mechiu Jesús ome panuudeeba maka wauɗai panuu. ¹⁹ Mukírarã wëra bara nuree, machi wëra kúriásturu. Maarã ome kírubu iɗaa panarásturu.

²⁰ Warrarã, machi akõrerã bedea úribaba úrísturu, Dachí Mechiuba mau bi'ia unubariideeba. ²¹ Akõrerã, machi warrarã kírubiarásturu kíra nomaarãadamera.

²² Chi chibari baita bari trajabadaurã, machi jaradea ua ɓuabarii nau iujãadebenarãba waubiiruu joma wáusturu. Maamina ichiba ichia ɓuudéburu waurásturu, ichi ome bi'ia nureadai baita. Maumarã Dachí Akõre wapea panuudeeba sõbiadeeba joma wáusturu. ²³ Joma machiba wau panuu chokekeadeeba wáusturu Dachí Mechiu baita wau panuu kíra. Maamina maka waurásturu ëbërarãba bi'ia unuɗamera. ²⁴ Machi Dachí Mechiu Cristo baita bari trajabadaurãɓu. Machiba kuitaa panuu ichi baita bi'ia wau panuudeeba, ichiba machimaa chi adauɗai panuu deai. ²⁵ Maamina chi kachirua wau ɓuu Dachí Akõreba kastikai. Ichiba joma arabauɗe kastikabarii.

⁴ Ne chibarirã, jipa wáusturu chi machi baita bari trajabadaurã ome. Kuitaa panuu machia biɗa machi Chibari bajãade uru panuu.

² Ewaricha Dachí Akõremaa ɗtaa iɗi panásturu. ɗtaa iɗiɗuude dau ɗɓaa panásturu maude ichíturu kiɗibai ásturu. ³ Dai baita ɗtaa iɗísturu Dachí Akõreba poraa ewaaruu kíra, Cristo úrɓbena naede kuitaabiwëa ɓuadã ida jaradeabimera. Mau jaradea ɓuu kakua mɗ jëa uru panuu. ⁴ ɗtaa iɗísturu mɗɓba bi'ia jaradeamera, mɗɓba wau ɓuu kíra.

⁵ Cristode ijãadakaurã tãede kúrisia kauwa nibásturu. Ewaricha jérústuru ichi úrɓbena maarãmaa kuitaabiadai baita. ⁶ Bedea biadeeba berreásturu jomaurãba bi'ia úriɗamera. Maka Cristo úrɓbena iɗiɗuude machiba kuitaa panadai saka panauɗai panuu.

I Dachí Bajãadebena Akõremaa. Griego bedeade naka ɓu kubuu: Dios el Padre. II Wëraba mukíra ababuru uru ɓuai ɓuu. Arabauɗe mukíraba wëra ababuru uru ɓuai ɓuu.

Pabloba nau kartade aanama ɓuɗa

⁷⁻⁸ Mɗɓba dachi ába Tíquico machimaa ɓuiruu mɗ úrɓbena jaramera. Daiba mau bi'ia kúria panuu. Mauba mɗ ome ábua Dachí Mechiu traju ne jomade bi'ia wau ɓuu. Mauba dai úrɓbena machimaa joma kuitaabiái, maude kírajɗɗibai. ⁹ Tíquico baara ába Onésimo ɓuiruu. Ichiba ne jomade jipa wau ɓuu maude daiba mau kúria panuu. Tiquicoba maude Onesimoba machimaa neɓurɗai joma nama saka nuɓuu.

¹⁰ Ába Aristarco mɗ baara jëa uru panuu. Mauba jarabɗi ɓuu machi bi'ia panadai. Bernabé niu Marcosba jarabɗi ɓuu machi bi'ia panadai. Ichi úrɓbena mɗɓba naede kartade ɓɗsii. Mau machimaa wãaruubɗã, deɗɗaa iu bi'ia iústuru. ¹¹ Maude ába Jesús, Justo abadauba jarabɗi ɓuu machi bi'ia panadai. Ábarã judiorãdebena mau õbea panuuba nama mɗ aida jaradea panuu Dachí Akõreba ichiɗirã ichi juade ua ɓuu úrɓbena. Mau ábarã kakua mɗ kírajɗɗ ɓuabarii. ¹² Machi puurudebena Jesucristo baita bari trajabarii Epafraſba jarabɗi ɓuu machi bi'ia panadai. Ichiba ewaricha Dachí Akõremaa ɗtaa iɗi ɓuabarii machi ne jomade dauchia jãadua nureadamera, área ijãa panadamera, maude joma Dachí Akõreba waubi kúria ɓuu kuitaadapeda wauɗamera. ¹³ Mɗɓba jaraaru: ába Epafraſ biawãra traja ɓuu machi aida baita maude joma ábarã Laodicea puurudebenarã maude Hierápolis puurudebenarã aida baita. ¹⁴ Ába urrmieɗa deabarii Lucasba jarabɗi ɓuu machi bi'ia panadai. Mau daiba kúria panuu. Ába Demas biɗa jarabɗi ɓuu machi bi'ia panadai.

¹⁵ Dachí ábarã Laodicea puurudebenarãmaa jarásturu mɗɓba jarabɗi ɓuu maarã bi'ia panadai. Dachí neekau Ninfas maude jomaurã ábarã ichi dede ábua wãbadaurãmaa jarásturu mɗɓba jarabɗi ɓuu maarã bi'ia panadai.

¹⁶ Machiba nau karta eɗa jaraaduude ábarã Laodicea puurudebenarãmaa biɗa eɗa jarabiásturu. Machia biɗa chi karta mɗɓba maarãmaa urubieɗa eɗa jarásturu. ¹⁷ Ába Arquipomaa jarásturu: «Dachí Mechiuba waubi ɓuu joma wau ɓuase».

¹⁸ Mɗ Pablobu. Ara mɗ juaba ɓuuruu mɗɓba jarabɗiruu machi bi'ia duanaɗai. Mɗ jëa uru panuudeeba Dachí Akõremaa ɗtaa iɗi panásturu. Mɗɓba kúria ɓuu Dachí Akõreba ichi sõbiadeeba machi aida ɓuayuu.

1 TESALONICENSES

Pablo Tesalónica puuruḁaa naa wāḁa ũrubena b̃u kubuu . Tesalonicḁebena Berea puuruḁaa wāsii. Mamabena Atenas puuruḁaa wāsii. Aria b̃uude Timoteo waya Tesalonicḁaa b̃usii. Maude Pablo Corinto puuruḁaa wāsii. Tesalonicḁebena Timoteo, Silvano ome Pablomaa wāsidau. Ābarā Tesalonicḁebena neb̃urupedaadadeeba Pabloba nau nabena karta chi Tesalonicḁebena ābarā baita b̃usii. Año 51ḁe Corinto puuruḁebena urub̃isii. Nau nabena kartade Pabloba chi ābarā baita Dachī Akōremaa ich̃ituru kidibai asii (). Mawāare k̃irababisii maarā tāede bi'ia nibaḁa (). Mawāare b̃usii maarā ichiade wā k̃uria b̃uu ũrubena, maarāḁe k̃urisia b̃uudeeba (). Mawāare b̃usii Timoteoba maarā bi'ia jaraḁa ũrubena (). Mawāare b̃usii chi ābarā saka nibaḁai panuu (). Mawāare b̃usii Cristo neei ũrubena (). Pabloba ābarā baita chi kaade b̃uda b̃uu.

Pabloba nau kartade naa b̃uda

1 M̃u Pablob̃u. Nau karta b̃umaa b̃uu chi ābarā Tesalónica puuruḁebena rā baita. Machi Dachī Bajāḁebena Akōreḁeb̃u maude Dachī Mechiu Jesucristoḁeb̃u. ^I M̃u āba Silvano maude Timoteo m̃u baara panuu. Daiba k̃uria panuu Dachī Akōreba maude Dachī Mechiu Jesucristo biḁa maarā s̃obiadeeba machi kariba panaḁamera maude jirukaraayuwāe panabiḁamera.

Ābarāba bi'ia waupedaada

² Daiba ewaricha Dachī Akōremaa ũtaa idiiduude machi baita ich̃ituru kidibai abadau. ³ Daiba Dachī Akōreḁe ijāa panuudeeba bi'ia wau panuu, k̃uriaḁeeba waabenarā kariba panuu maude Dachī Mechiu Jesucristoba machi karibai ida b̃udawēa eseda panuu.

⁴ Ābarā, Dachī Akōreba machi ārea k̃uria b̃uu. Daiba kuitaa panuu ichiba machi j̃ur̃u adausii. ⁵ Daiba chi bedea bia Cristo ũrubena machimaa jaradeasidaude bedeaḁaturu berredaabasii. Maumaarā mau bedea biawāra arak̃ude b̃uu kuitaa panuudeeba Dachī Akōre Jauri poyaabariideeba berreasidau. Machiba kuitaa panuu dai saka machi tāede nibapedaada, machi bi'ia panaḁamera. ⁶ Arabaude machiba dai panabachidau k̃ira wau kopaneesidau. Maude Dachī Mechiu nibaḁa k̃ira wau kopaneesidau. Machi ārea bi'iwāe panumina Dachī Akōre Jauriba k̃iraj̃ubiasiiḁe chi bedea bia ijāasidau. ^{II7} Maka joma Cristoḁe ijāabadaurā Macedonia druadebenarāba maude Acaya druadebenarāba machi ũrubena ũrisidau saka nibaḁai panuu.

⁸ Maarāburu Dachī Mechiu ũrubena bedea machidebena ũripedaadawāe basii; maumaarā drucha eb̃erarāba kuitaasidau machiba Dachī Akōreḁe

^I Dachī Bajāḁebena Akōreḁeb̃u. *Kajuma bedeaḁe b̃u kubuu: Dios el Padre.* ^{II} 1:6 *Hechos 17:1-10.*

ijāa panuu. Maudeeba ḁaiba machi ũrubena kāare maucha jaraḁaima? ⁹ Ara āchiba jara panuu saka machiba dai deeda urubaḁe apedaada, maude Dachī Akōre kuenda juaba ne kapedaadarā ida b̃usidau Dachī Akōre biawāra chokae nii ijāada baita. ¹⁰ Āchiba jara panuu saka machiba Dachī Akōre Warr Jesús bajāḁebena neei eseda panuu. Ara mau Jesús Dachī Akōreba biudadebena chokae jiradubisii. Mauba Dachī Akōreba dachi kastikai baḁa karibasii.

Pabloba Tesalónica puuruḁe wauḁa

2 Ābarā, machiba kuitaa panuu dai machimaa wā panasidaude bari wādaabasii. ² Kuitaa panuu machimaa wāḁai naude Filipodebenarāba dai kachirua jarasidau maude kachirua wausidau. ^{III} Mau awara machimaa neesidaude āreaba k̃uriaḁaabasii daiba jaradea panuu. Maamina Dachī Akōreba dachi s̃obiabisii ichi bedea bia machimaa wapeawēa jaradeadamera. ³ Daiba machimaa biawārawāe jaradeabadau ijāarāḁamera ididaabasii. Maude machi tāede setadeeba panuwāe basii, machi setaa k̃uruḁai baita. ⁴ Maumaarā Dachī Akōreba bi'ia unuḁadeeba dai iusii ichi bedea bia jaradeadamera. Maudeeba daiba jaradeaduude, makaḁakau chi eb̃erarāba daimaa ichiḁapeda, k̃uriaḁamera. Bari jaradeabadau dai Dachī Akōre baara bi'ia panaḁamera. Ichiba dai s̃o k̃urisia unubarii. ⁵ Machiba kuitaa panuu daiba setadeeba machi eb̃erarā bi'ia nuree ḁaabasii. Maude chi nejarra adoḁai baita setadeeba jaradeadaabasii. Mau Dachī Akōreba kuitaa b̃uu. ⁶ Daiba j̃ur̃udawēa panasidau, machiba maude waabenarāba dai ũrubena bi'ia jaraḁamera. Maumaarā dai Cristoba buikaḁadeeba daiba jaradea ua panaḁai panasidau machi tāede. Maamina maka wauḁaabasii. ⁷ Maumaarā daiba k̃uria panuudeeba machi kariba panasidau chi naweba chi warrarā nubarii k̃ira. ⁸ Daiba machi ārea k̃uria panu-

^{III} 2:2 *Hechos 16:11-40.*

udeeba bari chi Dach Aköre ũrubena bede bia machimaa jaradeadaku, maude machi ne jomade aida dai baita panasidau. ⁹ Ābarā, machiba kuitaa panuu āyadaa maude ēsabude kurrjūdaabasii. Mau awara traju sida waubachidau chi nejarra adau dai baita. Daiba chi Dach Aköre ũrubena bede bia machimaa jaradea panasidau, kūrīdaabasii machiba daimaa ne kaebea dea panadayu, machi chiko ba'āra beerāamera.

¹⁰ Machiba kuitaa panuu maude Dach Akōreba kuitaa buu dai machi chi Cristode ijābadaurā tāede bi'ia, jipa maude kachirua jaradayuswāe nibasidau.

¹¹ Mau awara kuitaa panuu chi akōreba ichi warrarā ome waubarīi kīra daiba machicha maka wau panasidau. ¹² Daiba bi'ia jarasidau machi Dach Akōreba kūrīa buu kīra nibadamera. Ichiba machi iusii, ichi juade ua buai baita maude ichi biadebena uru panadamera.

¹³ Daiba ewaricha machi baita Dach Akōremaa ichi-turu kidibai abadau. Machiba Dach Akōre bede daideeba ūrisidau ēbēra kūrīsia kīra ijādaabasii. Maumaarā mau bede biawāra chi Dach Akōre bede kuitapedaadeeba ijāsīdau. Ara mau bedeaba machi chi Cristode ijābadaurāmaa bi'ia waubia buu.

¹⁴ Ābarā, machiba ijā panuu kakua ara machi druadebenarāba kachirua wau panasidau Dach Akōrede ēbērarā judiorā druade makapedaada kīra. Aria Jesucristode ijābadaurā judiorā chi ijāadakaurāba kachirua wau panasidau. ¹⁵ Ara maarāba Dach Mechiu Jesús maude Dach Akōre baita berreabadaurā sida beasidau. Mau awara dai āyaa buisidau. Maarā Dach Akōreba bi'ia unukau. Maarāba jomaurā kīra-mabadau. ¹⁶ Dach Akōreba karibamera daiba judiowāerāmaa jaradea kūrīa panuude, maarāba daiba jaradeadai ida kabīdaabasii. Maka aude kachirua wau panuudeeba Dach Akōreba ichi oa kachiruadeeba maarā ārea kastikai.

Pablo Tesalonicadebena ābarā ichiade wā kūrīa buada

¹⁷⁻¹⁸ Ābarā, ārea bawēa buu, dai machi baara panada āyaa wāpedaada. Naude daiba machi unudawēa panumina dai kūrīsīde machi baara panuu. Daiba biawāra machi ichiade wā kūrīa panasidau maamina Satanasba ida buubasii wārādamera. Mū biawāra bes ārea machimaa wāi baita buasii. ¹⁹ Biawāra dai machi kakua kīrajū panuu. Mau awara kuitaa panuu Dach Mechiu Jesucristo neeruude daiba machi jipa panuu ichimaa unubidai. Maude ichi daade machi kakua dai kīrajū panadai. ²⁰ Biawāra machi dai nejuakayabū maude kīrajūbū.

I Machi kakua dai kīrajū panadai. Griego bedeade naka bu kubū: machi dai boro jūra. Pabloba jara buasii boro jūra jū buu kīra ichi ābarā kakua kīrajū buai.

³ ¹⁻² Daiba waa poyaa dauchia jāadua panadaabasiideeba dai du aba Atenas puuruude panuumisa kūrīsīsidau dachi āba Timoteo machimaa buidai. Dach Akōre baita trajabarīi Timoteoba dai ome arabau bede bia Cristo ũrubena jaradeabarii. ^{II} Ara makude ichi buisidau Cristode bi'ia ijā panuudeeba dauchia jāadua panadamera, ³ maude machi ārea bi'iwāe panuude, mau ārea kūrīsīarādamera. Machiba kuitaa panuu Cristode ijā panuu baita dachi ārea neburade panadai panuu. ⁴ Machi baara panasidau daiba jarabachidau ēbērarāba dachi ārea neburade panadamera. Machiba kuitaa panuu biawāra makasii. ⁵ Maudeeba mūba waa poyaa dauchia jāadua buawēdeeba Timoteo machimaa buisii, wabīda Cristode ijā panuu kuitaa baita. Mūba kūrīsīa buasii jūbawāe niiba machimaa Cristo ida bubia buasii. Makada basirā daiba machimaa Cristo ũrubena jaradeapedaada bari ara jāka buai basii.

⁶ Maamina Timoteo machimaa buada daimaa neesii. Machiba Cristode ijā panuu ũrubena maude machi kūrīa ũrubena ichiba bi'ia jarade neesii. Ichiba jarasii machiba kūrīdeeba wabīda dai kīrababadau maude unu kūrīa panuu, daiba machi unu kūrīa panuu kīra. ⁷ Mauba ābarā, daiba kuitasidau machiba Jesusde wabīda ijā panuu. Maudeeba dai ārea nebura baraa panumina kīrajūsidau. ⁸ Jābae dai biawāra sōbia paneesidau, kuitaa panuudeeba machi Dach Mechiude dauchia jāadua panuu. ⁹ ¿Saka ichituru kidibai jaradaima, dai ārea kīrajū panuu Dach Akōre daade machi ũrubena? ¹⁰ Āsaede, ēsabudaa bīda daiba Dach Akōremaa ūta idibadau machi ichiade wā dai baita. Maka machiba Cristo ũrubena wabīda adua panuu daiba poyaa jaradeadai joma aude ijādamera.

¹¹ Daiba Dach Bajādebena Akōremaa maude Dach Mechiu Jesusmaa ūta idī panuu machimaa waya wābiadamera. ¹² Daiba kūrīa panuu Dach Mechiuba machi aida buai jomaurā ome bi'ia chiya kūrīa panadamera daiba machi ārea kūrīa panuu kīra. ¹³ Maude ūta idī panuu Cristoba machi kariba buai sōdeeba ārea ijādamera. Maka Dach Mechiu Jesús joma ichidīrā baara neeruude machi Dach Bajādebena Akōre daade kachiruaswāe nureadai.

Saka nibadai panuu Dach Akōreba bi'ia unumera

⁴ Mau awara ābarā, daiba machimaa jaradeasidau saka Dach Akōre daade nibadai panuu ichiba bi'ia unumera. Dach Mechiu Jesús trūde daiba machimaa chi chuburia idī panuu, ara mau kīra nibadamera. Biawāra machiba maka waumaa panuu, maamina bi'ia wāusturu.

II Dach Akōre baita trajabarīi. Griego bedeade chi bee kartade bu kubū: Dach Akōre baita bari trajabarīi.

² Daiba Dachī Mechiu Jesusebena jaradeapeɔaada machiba kuitaa panuu. ³ Dachī Akõreba kũria ɔuu machi ichi baita bi'ia nureadamera. Mauɔeeba machi kakuaba barikiu kachirua waurásturu. ⁴ Machi kakua jipa kuitaa panaɔai duanásturu Dachī Akõre daaɔe mauɔe ɛbɛrará daaɔe bi'ia panaɔamera. ⁵ Nau kakuaba kachirua wau kũria ɔuu waurásturu Dachī Akõre unuɔakaurába waubadau kĩra. ⁶ Mauɔéburu dachi ábarámaa kachirua waurásturu mauɔe seta siɔa waurásturu. Joma mau Dachī Mechiuba kastikai, daiba machimaa jarapeɔaada kĩra. ⁷ Dachī Akõreba dachi jɛɛrɛ adaubasii kachiruade panaɔamera, maumaará jɛɛrɛ adausii ichi baita jipa panaɔamera. ⁸ Chi mau mɔɔba jaradeada ida ɔu ɔuuba ɛbɛraba jarada ida ɔuwɛa ɔuu, maumaará Dachī Akõreba jara ɔuu ida ɔu ɔuu. Ara mau Dachī Akõreba ichi Jauri machimaa deasii kachiruswáe panaɔamera.

⁹ Mau awara machi saka ábará ome chiya kũriaɔai panuu ɛrɔbena, mɔɔba nau kartae ɔkãare ɔuima? Ara Dachī Akõreburu machimaa mau jaradeasii. ¹⁰ Machiba joma ábará Macedonia druadebena mau kĩra kũria panuu. Maamina ábará, daiba machimaa chi chuburia idi panuu aude chiya kũria panaɔamera. ¹¹ Mauɔe jɛrústuru jomaurá ome jirukaraayuwáe duanaɔai baita. Waabenará neburáe panarásturu. Machi juaba trajásturu daiba jarapeɔaada kĩra. ¹² Maka nureeburá, machiba esedaɔayuswáe panaɔai waabenarába machimaa ne kaebea deaɔai. Mauɔe makaburu Jesuse ijáaɔakaurába machi bi'ia unuɔai.

Jesús waya neei ɛrɔbena

¹³ Ábará, daiba kũria panuu machiba Jesuse ijábadaurá biupeɔaada ɛrɔbena kuitaaɔamera. Maka machi kĩra nomaadaabai Dachī Akõreɔe ijáaɔakaurá kĩra nomaabadau kĩra. Áchi kĩra nomaabadau chi biupeɔaada saka duanaɔai kuitaaɔawéedebea. ¹⁴ Maamina dachiba Jesús biu ɔuadebena chokae jiraduɔa ijáa panuu. Mauɔeeba kuitaa panuu Jesuse ijábadaurá biupeɔaada Dachī Akõreba joma chokae jiradubiapeda ichi baara uɔɔoi.

¹⁵ Mau baita Dachī Mechiuba jarada daiba machimaa jaraadu: Dachī Mechiu neeruude dachi, chi wabiɔa chokae nuree chi biupeɔaada naa ichimaa wádaabai. ¹⁶ Maumaará Dachī Mechiu bajáaɔebena neei. Berrearuu jĩwa ɛriɔai, ángel chi mechiu siɔa berrearuu ɛriɔai, mauɔe Dachī Akõre kachu jĩwa chaaruu ɛriɔai. Mauɔe chi Cristoɔe ijábadaurá biupeɔaada naa chokae jiraduɔai. ¹⁷ Ara mau dachi, chi chokae nuree, maará ome ábuwa ɛtaa wáɔai Dachī Mechiu baara jɛrɛarade unuɔai baita. Maka Dachī

I Machi kakua. Griego beɔeade naka ɔu kubuu: machi choko. Waabenará baita mau beɔeaba jara ɔuu «machi kima». II Biupeɔaada. Griego beɔeade naka ɔu kubuu: kãi topanuu.

Mechiu ome ewaricha duanaɔai. ¹⁸ Mau beɔeaba machi chiya kĩrajústuru.

Dachi Mechiuba kastikai ewari

⁵ Ábará, mɔɔba nau kartae ɔuwɛma sakaɔe mau ewari neei, ² machiba área kuitaa panuudeba Dachī Mechiuba kastikai ewari maka neei nechiru ɛsabude neebarii kĩra. ³ ɛbɛrarába naka jara panaɔai: «Joma jirukaraayuwáe panuu, peradaɔwɛa panuu». Maka panuude maará joma baribai ewari neei wɛra warr bara nii barikiu ewariɔe pirabari kĩra. Mauɔe maará miruɔaaba.

⁴ Maamina ábará, machi páriuɔe panuuwáema. Mauɔeeba Dachī Mechiuba kastikade neeruu ewariɔe machi peradaabai nechiru neeruude perabadau kĩra. ⁵ Joma machi ɛdaaɔebenará mauɔe áyadaabenará. Dachī ɛsabudebenawáema mauɔe páriuɔebenawáema. ⁶ Mauɔeeba dachi kãi duanuuwáema waabenará kãi duanuu kĩra, maumaará dau ɔuɔa panaɔai panuu mauɔe kĩrabia panaɔai panuu. ⁷ Chi kãi duaneebadaurá ɛsabude kãi duaneebadau mauɔe chi itua biu nureerá ɛsabude itua dobadau. ⁸ Maamina dachi chi áyadaabenadebeba kĩrabia nureaɔai panuu. Cristoɔe ijáa panaɔai panuu, waabenará kũria nureaɔai panuu mauɔe Dachī Akõreba kastikai baɔadebena karibai esedaɔai panuu. Maka ara dachi bi'ia nu panaɔai, kokoroaba ichi borode chaarea ɔuu jɛbarii kĩra, mauɔe kakuade jɛbarii chaarea jɛbarii kĩra. ⁹ Dachī Akõreba dachi iubasii kastikai baita, maumaará iusii Dachī Mechiu Jesucristoɔeeba karibaɔamera. ¹⁰ Ichi dachi kakua biasii. Mauɔeeba dachi chokae panuuburá maeburá biupeɔaadaɔaburá, ichi neeruude ichi ome ábuwa chokae panaɔai. ¹¹ Mauɔeeba chiya kĩrajústuru. Mauɔe chiya aiɔásturu bi'ia ijáaɔai baita machiba wau panuu kĩra.

Pabloa ábarámaa kaade jaradeada

¹² Mau awara ábará, daiba chi chuburia idi panuu chi ábará machi táede Dachī Akõre traju waubadaurá área wapeaɔamera. Áchi Dachī Mechiu Jesucristoɔeeba machi saka nibaɔai jarabadau mauɔe jaradeabadau. ¹³ Áchi ɛrɔbena bi'ia kũriásiasturu. Maarába wau panuu kakua área kũriásiasturu. Jomaurá ome bi'ia duanásturu.

¹⁴ Ábará, daiba chi chuburia idi panuu chi machi táede ko'oa nureerámaa kĩra ɔuɔa berreɔamera. Chi sode kĩra nomaa nuree kĩrajɔubísturu, mauɔe chi poyaa dauchia jáadua nureaɔawɛa nuree mauɔe chi sode meseráa wá'áe nuree aiɔásturu. Jomaurá ome dauchia jáadua panásturu. ¹⁵ ¡Úrísturu! Ábuwa machi kachirua wauruuburá mau arabau kachirua waurásturu. Mau kãyabára ewaricha machi chiya bi'ia wáusturu. Jomaurá ome bi'ia wáusturu.

¹⁶ Jomađe kīrajū panásturu. ¹⁷ Ida buđayuwāe Dachī Akōremaa ɛtaai iđi panásturu. ¹⁸ Jomađe Dachī Akōremaa ichíturu kiđibai a panásturu. Mau Dachī Akōreba kūrīa buu, machi Jesucristode ijābadaudeeba.

¹⁹ Dachī Akōre Jauriba wau buu ida burásturu. ²⁰ Dachī Akōre baita berreabariiba jara buu ida burásturu. ²¹ Joma mau kauwa ūrísturu, maamina aba chi biáturu ijásturu. ²² Kachirua aba biđa waurásturu.

²³ Mūba kūrīa buu Dachī Akōreba machi jomađe ichi baita bi'ia panabiayu. Mauba dachi jirukaraayuwāe panabiabarii. Mūba kūrīa buu Dachī Akōreba machi jauri, machi kūrīsia mauđe machi kakua ārea bi'ia nu buayu. Maka Dachī Mechiu Jesucristo neeruđe machi

I *Griego bedeađe mau naka bu kubuu: Dachī Akōre Jauri aoko kirásturu.*

aba biđa kachirua a jaradayuswāe panadai. ²⁴ Chi machi Iudaba joma maka wau, ichiba bedea deasideeba.

Pabloba nau kartade aanama buđa

²⁵ Ābarā, dai baita Dachī Akōremaa ɛtaai iđísturu.

²⁶ Biawāra kūrīadeeba joma ābarāmaa bi'ia berreásturu. II

²⁷ Mūba Dachī Mechiudeeba jaraaruu: nau karta joma ābarā dađe eda jarásturu.

²⁸ Mūba kūrīa buu Dachī Mechiu Jesucristoba ichi sōbiadeeba machi aiđa buamera.

II *Biawāra kūrīadeeba. Griego bedeađe naka bu kubuu: kīdarr ūyásturu.*

2 TESALONICENSES

Nabena karta bæpeda Pabloa ūrisii ābarā ārea bi'iwāe panuu, setaa jaradeabadaurā āchi tāede neepedaada maude waabenarā ābarā ko'oa nuree ūrubena. Mau baita june nau karta bæsii. Ābarā baita Dachī Akōre ichituru kiðibai apeða ūtaa iðisii āchiba bi'ia ijāadamera (). Mau awara Dachī Akōreba kastikai ewari ūrubena bæsii waabenarāba setadeeba jaradea panada ijāarāadamera (). Mawāare bæsii maarāba Dachī Akōremaa ūtaa iði panadai panuu maude chi ko'oa bæe trajadai panuu (). Ichiba ābarā baita kaadeare bæda bæu.

Pabloa nau kartade naa bæda

1 Mæ Pablobæ. Nau karta bæuruu ābarā Tesalónica puuruðebena baita. Machi, Dachī Bajāadabena Akōredebæ ^I maude Dachī Mechiu Jesucristodebæ. Āba Silvano maude Timoteo mæ ome panuu. ² Daiba kŕia panuu Dachī Bajāadabena Akōreba maude Dachī Mechiu Jesucristo āchi sōbiadeeba machi aida panadamera maude jirukaraayuwāe panabiadamera.

Dachī Akōreba ichi bæda ijāadakaurā ichiai ūrubena

³ Ābarā, daiba ewaricha machi baita Dachī Akōreturu kiðibai abadau. Daiba maka waubadau bi'ia bæu. Machiba ewaricha Cristo bi'ia ijāa panuu maude bi'ia chiya kŕia panuu. ⁴ Mau baita daiba ēbērarā Dachī Akōrederā panuucha machi ūrubena kŕirajæ neburbadau. Daiba jarabadau ēbērarāba kachirua wauðai baita wāraa panumina machiba Cristode wabiða ijāa panuu maude ārea bi'iwāe panumina joma dauchia jāadua panuu. ⁵ Mauba kuitaabi bæu Dachī Akōre jipa niiba ēbērarā kastikabarii. Ichiba machi bi'ia unu bæu ichi juade ua bæui baita. Maudeeba ūrauðaa ārea bi'iwāe panuu.

⁶ Dachī Akōre jipa niiba ēbērarā kastikabarii. Ichiba chi machi ārea bi'iwāe panabiabadau ārea bi'iwāe panabiai. ⁷⁻⁸ Maamina machi, chi bi'iwāe panabiapedaada kurrjŕubiai dai kurrjŕubiabarii kŕira. Mau makai Dachī Mechiu Jesús ichi angelerā chi poyaabadau ome tæbuchia aokode bajāadabena neeruude. Maude joma Dachī Akōrede ijāadakaurā maude chi bæda bia Dachī Mechiu Jesús ūrubena ijāadakaurā kastikai. ⁹ Āchi tæbæ aokode ewaricha ārea bi'iwāe panabiai. Dachī Mechiu daadabena maude ichi poyaabarii mechiudebena kaitawē panadai. ¹⁰ Ichi neeruude mau ewaride ichiðirāba ichimaa bi'ia berreadai. Āchi ome bi'ia wauðadeeba joma ichi ijāabadaurāba ichi ārea bi'ia unudai. Daiba ichi ūrubena jaradeasidauðe, machia biða ijāasidau.

^I Dachī Bajāadabena Akōredebæ. Kajuma bædeade bæ kubuu: Dios el Padre.

¹¹ Maudeeba daiba ewaricha Dachī Akōremaa ūtaa iðibadau ichiba machi bi'ia unumera. Ichiba machi mau kakua iusii. Daiba ūtaa iði panuu Dachī Akōreba ichi poyaabariideeba machi ne jomade aadamera. Maka ichide ijāa panuudeeba bi'ia wau kŕia panuu joma wauðai. ¹² Makarā machideeba jomaurāba Dachī Mechiu Jesucristo ūrubena bi'ia jaradai maude ichideeba machi ūrubena bi'ia jaradai, Dachī Akōreba maude Dachī Mechiu Jesucristoba āchi sōbiadeeba aida panuudeeba.

Ēbēra kachirua nii neei ūrubena bæda

2 ¹⁻² Mau awara ābarā, daiba chi chuburia iði panuu Dachī Mechiu Jesucristo neei ūrubena maude dachi ichi ome ābua panadai ūrubena ara makude adua panuu kāare kŕisidaayu. Abauba Dachī Mechiuba kastikai ewari neesii aaruuburā, perarāsturu. Barikiuba Dachī Akōre ūrubena berrea bæu kŕira maka jaraaruuburā, maeburā maka jaradearuuburā maeburā daiba kartade maka bæpedaada aaruuburā, ijāarāsturu. ³ Abau biða abaumaa ida setaa kŕuarāsturu. Dachī Mechiuba kastikai ewari neei naede ārea ēbērarāba Dachī Akōre ida bæðai. Maude chi ēbēra kachirua nii unubiai. Mau ēbēra Dachī Akōreba tæbæ aokode jiratai. ^{II4} Ichiba Dachī Akōre maude joma ēbērarāba dachi akōre abadau kŕiakau bæui. Ichiba joma mau audeara chi mechiu nii ai. Maudeeba Dachī Akōre de mechiude akæ bæpeda, ichituru Dachī Akōre ai.

⁵ Machimaa bæasiide mæba ŷmau jarawēa bæaska? ŷkŕirabawēa panuka? ⁶ Maudeeba kuita panuu kāareba mau ēbēra ida neebiwēa bæu. Maamina ichi ewari neeruude neei. ⁷ Ūrauðaa chi kachirua miru waumaa bæu, maamina chi ida bæwēa bæuba mau ēbēra kachirua nii ida neebiwēa bæu. Maka bæui aba Dachī Akōreba chi ida bæwēa bæu āyaa adoeruudaa. ⁸ Maabāeburu chi kachirudebena ēbēra neei. Maami-

^{II} Mau ēbēra Dachī Akōreba tæbæ aokode jiratai. Griego bædeade bæ kubuu: chi joma kenabarii warr.

na Dachí Mechiu Jesús kírawārea tedechoa neeruude ara berrearuuba mau ēbēra beai. ^I

⁹ Chi ēbēra kachirua nii Satanasba neebii. Mauba jebawāe nii poyaabariiba ēbērarāba ne poyaa wauđakau joma barikiu waukuai, ēbērarāba Dachí Akōreba maka wau ɓuu kūrísíadamera. ¹⁰ Ne barikiu kachirua wau ɓuudeeba ēbērarā tɔɔ aokode ārea bi'iwāe panadai panuu, mauba setaa kūrai. Āchiba chi biawāra beɔea kūríadakaudeeba Dachí Akōreba karib-aabai. ¹¹ Mauđeeba Dachí Akōreba ida setaa ijāabiai. Maka ara āchi du aba ārea setaa kūrúa nureadai. ¹² Mau ēbērarā chi beɔea biawāra ijāawēa nureerāba kachirua kūría waubadaudeeba Dachí Akōreba kastikai.

Dachí Akōreba ichi ijāabadaurā karibaɔa

¹³ Ābarā, daiba ewaricha machi baita Dachí Akōremaa ichíturu kidibai abadau. Dachí Mechiuba machi kūría ɓuu. Ichiba arabaedeede machi juru adausii karibai baita. Machiba ichi beɔea biawāra ijāa panuudeeba mauđe ichi Jauriba machi ichi baita bi'ia ɓuđadeeba aida. ¹⁴ Daiba beɔea bia Cristo ɓrubena jaradea panuudeeba Dachí Akōreba machi iusii Dachí Mechiu Jesucristo bia niidebena adadamera. ¹⁵ Mauđeeba ābarā, dauchia jāadua panásturu. Daiba jaradeapeɔaɔa mauđe kartade ɓupeɔaɔa kírabarásturu.

¹⁶⁻¹⁷ Dachí Akōreba dachi kūríasii. Ichi sōbiadeeba sōbia nureabiasii ewaricha maka panadamera. Mauđe kuitaabiasii biawāra ichideeba ne bia adadai. Daiba kūría panuu Dachí Mechiu Jesucristoba mauđe Dachí Bajāadebena Akōreba ^{II} machi sōbiabiɔayu mauđe dauchia jāadua panadayu. Maka machiba berrea panuu mauđe wau panuu joma bi'ia ɓuai.

Pabloba iɔida ichi baita ɔtaɔa iɔidamera

³ Mau awara ābarā, dai baita Dachí Akōremaa ɔtaɔa iɔísturu Dachí Mechiu beɔea druacha isa wāmera mauđe ēbērarāba mau kakua bi'ia jaradamera machi tãeɔeeba makaɔa kírā. ² Dachí Akōremaa ɔtaɔa iɔísturu dai aɔdamera, ēbēra kachíuarāba kachirua wau kūría panuudebena. Chi nuree ēbērarāba Cristode ijāadai kūríadakau. ³ Maamina Dachí Mechiuba wau ichiba jara ɓuu kírā. Ichiba machi aɔda ɓuai dauchia jāadua panadamera mauđe kachiru-

^I Ara berrearuuba. Griego beɔeade naka ɓu kubuu: ichi iiba jāripuaruuba. ^{II} Dachí Bajāadebena Akōre. Kajuma beɔea ɓu kubuu: Dios nuestro Padre.

adebena kariba ɓuai. ^{III} Dachí Mechiudeeba kuitaa panuu daiba jaradeapeɔaɔa machiba biawāra wau panuu mauđe waa wau paneɔdai. ⁵ Mauđe kūría panuu Dachí Mechiuba kuitaabiai machi ārea kūría ɓuu Dachí Akōre Kírā. Mauđe kūría panuu ichiba karib-ai Cristoba jāadua kírā jāadudamera.

Ko'owāe trajadai panuu

⁶ Ābarā, Dachí Mechiu Jesucristo trūdeeba daiba machimaa jarabuiduu ābarā ko'oa nuree ome ābua panarāadamera. Daiba jaradeapeɔaɔa kírā wauđakau. ⁷ Machiba kuitaa panuu dai nibapeɔaɔa kírā machi nibadai panuu. Machi tãeɔe panasíadude dai ko'oa panadaka basii. ⁸ Daiba machide chiko bari deapeɔaɔa koɔaabasii, maumaarā āyadaa mauđe ɔs-abude kurrjírudawēa traju wau panasíaduu machidebena abau biɔa daimaa ne kaebea dearāadamera. ^{IV} Biawāra machiba karibadamera poyaa iɔidai panasmina iɔidaabasii. Maumaarā dai trajasíaduu kuitaabiɔai baita machiba ara mau kírā wauđai panuu. ¹⁰ Machi tãeɔe panasíadude daiba nau jarasíaduu: «Chi trajai kūríawēa ɓuumaa kobirásturu». ¹¹ Daiba ũri panuu waabenarā machidebena ko'oa nuree. Maarā trajadakau mau-maarā waabenarā neɔrade panabadau. ¹² Mau ābarāmaa daiba Dachí Mechiu Jesucristodeeba chi chuburia iɔidai jirukaraayuwāe trajadamera koɔai baita uru panadamera.

¹³ Ābarā, bi'ia wau panuudeeba kakua ākaa panarásturu. ¹⁴ Daiba nau kartade jaradeapeɔaɔa abau biɔa ijāawēebērā, jomaurāmaa kuitaabiásturu mau kachirua wau ɓuu. Mau ome ābua panarásturu kírakaya beemera. ¹⁵ Maamina mau machi kíramaa kírā uru panarásturu, maumaarā machi āba baerā jarásturu jipa waumera.

Pabloba kaadeare ɓuda

¹⁶ Daiba kūría panuu Dachí Mechiu jirukaraayuwāe panabariiba machimaa ewaricha jirukaraayuwāe ne jomade panabiamera. Kūría panuu Dachí Mechiu machi ome ɓuamera. ¹⁷ Mɔ Pablobu. Nau beɔea mɔ juaba ɓuruu. Joma mɔ kartade naka ɓubaraii, kuitaabiai baita mɔaburu ɓuruu. Naka ɓu kubuabarii. ¹⁸ Mɔɔba kūría ɓuu Dachí Mechiu Jesucristoba ichi sōbiadeeba machi bi'ia nu ɓuamera.

^{III} Kachíruadebena kariba ɓuai. Griego beɔeade nau sída jara ɓuu «Chi jai kachirua nii juadebena kariba ɓuai». ^{IV} Hechos 18:2,3.

1 TIMOTEO

Pabloba nau karta Timoteo baita b̄s̄ii. Timoteo Listra puuruḁebena basii. Chi naa Pablo mau puuruḁaa w̄ḁḁa ḁr̄ubena b̄u kub̄uu . Pabloba Timoteo ichi ome jaradeḁḁe w̄m̄era adoḁḁa ḁr̄ubena b̄u kub̄uu . Ḃchi omeeba chi beḁḁa bia Jesús ḁr̄ubena puuru ḁreaḁḁe jaradeas̄iḁḁau.

Pablo Roma puuruḁḁe j̄ḁa b̄uḁḁa año 62ḁḁe awara w̄s̄ii. Maabae waya Éfeso puuruḁḁa w̄s̄ii. Timoteo ara b̄s̄isii ḁbar̄ā neb̄uraḁḁe panuu aiḁamera. Maabae Macedonia druḁḁaa w̄s̄ii. Nau nabena karta mamauba Timoteo baita urub̄isii k̄risia bia deai baita.

Efesoḁḁe waabenar̄āba chi nab̄eraḁḁebena k̄risia jaradea panas̄iḁḁau. Maamina Pabloba b̄s̄ii chi beḁḁa bia Cristo ḁr̄ubena ij̄ā panuudeeba dachi kachiruḁḁebena karibaḁai (). Maw̄āre b̄s̄ii saka ḁbar̄āba Dach̄i Ak̄ōre-maa ḁtaa iḁiḁai panuu (), neekaur̄ā saka nureḁḁai panuu () mauḁḁe ḁbar̄ā jaradea ua b̄uabadaur̄ā saka nureḁḁai panuu (). Capítulo 4ḁḁe Pabloba b̄s̄ii setaa jaradeabadaur̄ā ḁr̄ubena mauḁḁe saka Jesucristo baita bari trajabarii nibai b̄uu ḁr̄ubena. Maw̄āre b̄s̄ii chi ij̄āabadaur̄ā nubadaur̄āba saka ḁbar̄ā nui b̄uu (). Kaḁḁeare b̄s̄ii chi Cristoḁḁe ij̄ā b̄uuba chi seta ida b̄upeḁḁa chi beḁḁa biaw̄āra ij̄āi b̄uu. Mau awara b̄s̄ii chi nejarra awaabai b̄uu ḁr̄ubena, maumaar̄ā ne bia wau b̄uu baj̄āḁḁe ne bia uru b̄uai baita ().

Pabloba nau kartḁḁe naa b̄uḁḁa

1 M̄u Pablob̄u, Jesucristoba b̄uḁḁa. Dach̄i Ak̄ōre chi Karibabariiiba mauḁḁe Dach̄i Mechiu Jesucristoba m̄u naka b̄s̄is̄iḁḁau. Ara mau Jesucristoḁḁeeba dachi bi-aw̄āra bi'ia nureḁḁai kuitaa panuu. Dach̄iba Jesu-cristoḁḁe ij̄āabadau mauḁḁe ichi kakua bi'ia nureḁḁai kuitaabadau. ² Timoteo, m̄uḁba nau karta bichi baita b̄uuruu. M̄uḁḁeeba Cristoḁḁe ij̄ās̄iḁḁeeba bichi biaw̄āra m̄u warr̄ k̄ra b̄uu. M̄uḁba k̄ria b̄uu Dach̄i Baj̄āḁḁebena Ak̄ōreba ¹ mauḁḁe Dach̄i Mechiu Jesucristoba k̄ra chuburia panḁḁamera, ḁchi s̄ōbiḁḁeeba aiḁa panḁḁamera, mauḁḁe jirukaraayuw̄āe panabiḁḁamera.

Setaa jaradeabadaur̄āmaa ida jaradeabiar̄āse

³ M̄uḁba bichimaa chi chuburia iḁiḁa k̄ra Macedonia druḁḁaa w̄s̄iḁḁe, maucha jaraaruu: Efesoḁḁe beese, chi ḁyaa jaradeabadaur̄ā waa setaa ida jaradeabi-ar̄āḁḁamera. ⁴ Ḃchimaa jarase nab̄eraḁḁebena neb̄ur̄u mauḁḁe dachi nab̄eraḁḁebenaḁḁe tr̄ū ḁrea jaradeabadau ḁr̄ubena ḁrea k̄risiar̄āḁḁamera. Mauḁḁeeba oa kachirua berrea duanebiabarii. Mauba dachi aiḁakau Dach̄i Ak̄ōreba waubi b̄uu wauḁḁamera. Aba ichi beḁḁa ij̄ā panuudeeburu poyaa wauḁḁai. ⁵ M̄uḁba maka jara b̄uu ḁbar̄ā k̄risia s̄ōbiḁḁeeba, biaw̄āra Dach̄i Ak̄ōreḁḁe ij̄ā panuudeeba chiya k̄ria duanaḁḁamera. ⁶ Maamina waabenar̄ā o ḁyare w̄s̄iḁḁau. Maabae barikia dachi aiḁakau beḁḁḁaturu berreabadau. ⁷ Ḃchiba Moisesba b̄uḁḁa jaradeabadaur̄ā ba k̄ria panuu, maamina ḁrea

¹ Dach̄i Baj̄āḁḁebena Ak̄ōre. Kajuma beḁḁḁḁe b̄u kub̄uu: Dios el Padre.

kuitaa panuu k̄ra jaradeabadamina adua panuu k̄are jaradea panuu.

⁸ Dach̄iba kuitaa panuu Moisesba b̄uḁḁa bibuara b̄uu. Maamina arak̄ḁḁe jaradeḁḁai panuu. ⁹ Nau kuitaaḁai panuu: Dach̄i Ak̄ōreba mau Moisesba b̄uḁḁa debasii chi jipa nuree baita, maumaar̄ā deasii chi Dach̄i Ak̄ōreba jara b̄uu k̄ra wauḁḁakaur̄ā baita, ḁribabasw̄āe nuree baita, Dach̄i Ak̄ōresw̄āe nuree baita, kachirua wau nuree baita, Dach̄i Ak̄ōre wapeḁḁakau baita, chi nau iuj̄āḁḁebenaḁḁe k̄ra panabadaur̄ā baita, ḁchi ak̄ōrer̄ā beabadau baita, mia beabadau baita, ¹⁰ junebena ome k̄ai topaneebadaur̄ā baita, ḁchi arabaur̄ā ome mia pera waubadaur̄ā baita, ḁb̄ērar̄ā jidaḁḁapeḁa nedob̄uibadaur̄ā baita, setaa jarabadaur̄ā baita, chi juez k̄raare setaa jarabadau baita mauḁḁe chi biaw̄āra beḁḁa jara b̄uu wauḁḁakaur̄ā baita. ¹¹ Dach̄iba chi Dach̄i Ak̄ōre ḁr̄ubena beḁḁa bia jaradeaduude mau joma kauwa kuitaab̄iḁai. Dach̄i Ak̄ōre bia niiba mau m̄uḁmaa deasii jaradea b̄uamera.

Dach̄i Ak̄ōreba Pablo k̄ra chuburiaḁḁa

¹² Dach̄i Mechiu Jesucristoba m̄uḁmaa poyaabarii deasii ichi beḁḁa jaradea b̄uamera. Kuitaasii m̄uḁba ne joma jipa wau ichi baita. Mauḁḁeeba m̄u iusii ichiba k̄ria b̄uu wau b̄uamera. Mau baita m̄uḁba ich̄ituru kiḁibai b̄uu ai. ¹³ Naḁḁḁe m̄uḁba ichi ḁr̄ubena kachirua berreabachii mauḁḁe ich̄iḁir̄ā kachirua wau baita w̄raabachii. Waabenar̄āmaa kachirua berreabachii. Ich̄iḁe wabiḁa ij̄āaw̄ā b̄uasiḁḁeeba mauḁḁe adua b̄uasiḁḁeeba maka kachirua waubachii. Maamina ichiba m̄u k̄ra chuburiasii. ¹⁴ Dach̄i Mechiu Jesucristoba ichi s̄ōbi-

adeeba m̄ ãrea karibasii ichide ijãamera maude ichi k̄ria uru bæamera.

¹⁵ Nau bedea biawãradeeba jomaurãba mau ijãadai panuu: Jesucristo nau druadaa neesii kachirua waubadaurã karibai baita. Maarãdebena m̄ chi aude kachirua bæasii. ¹⁶ Maamina maudeeba Dachí Akõreba m̄ k̄ra chuburiasii. Maka Jesucristoba m̄, chi aude kachirua wau bæadaadeeba unubisii ichi joma dauchia jãadua esedau bæai bæu. Muudeeba chi wabiãa ijãadakaurãmaa kuitaabiasii saka ëbëra kachirua k̄ra chuburiabarii ewaricha chokae bæamera. ¹⁷ Dachí Akõre ewaricha jomaurã Reybæ. Mau chi dachiba unudakau biukau. Ichíturu ababuru nii. ¹ Ichíturu dachiba ewaricha bi'ia berreadai panuu maude wapeadai panuu. Maka bi'ia bæase.

¹⁸⁻¹⁹ M̄ warr Timoteo, m̄mba Dachí Akõreba naa jarabãida bichi ãrubena k̄risiaruude, bichiba wau bæu jarabãiruu. Maka Cristode ijãa bæudeeba, k̄risia jipa bæudeeba chi biawãra bedea uru bæase waabenarã tãede kokoroa ch̄obarii k̄ra. Waabenarãba mau k̄risia bia uru panaãa ida bædapeda ãchiba Cristode ijãa panuu ida bæsidau. ²⁰ Maarãdebena abã Himeneo basii. Maude abã Alejandro basii. Maarã m̄mba Satanás juade bæsii kuitaadamera Dachí Akõre ãrubena waa kachirua berrearãamera.

Dachí Akõremaa utaa ididai panuu ãrubena

² Nau bi'ia jaraaru: joma ëbërarã baita äbarãba Dachí Akõremaa chi chuburia ididai panuu, ichiba karibamera utaa ididai panuu maude ichíturu kiãibai adai panuu. ² Joma nau iujãadebena reyrã baita maude jaradea ua bæabadaurã baita Dachí Akõremaa utaa ididai panuu dachí jirukaraayuwãe panaãai baita, apii panaãai baita, Dachí Akõre wapea panaãai baita maude ne jomade jipa panaãai baita. ³ Maka utaa idi panaãai bi'ia bæu. Dachí Karibabarii Dachí Akõreba mau bi'ia unu bæu. ⁴ Ichiba k̄ria bæu jomaurãba chi biawãra bedea kuitaapedaada kachiruadebena karibadai. ⁵ Dachí Akõre ababuru nii. Maude chi ëbërarã Dachí Akõre ome neburaãe panaãa mau bi'ia nibabiabarii ababuru nii. Mau ëbëra Jesucristobæ. ⁶ Ara ichi ida beabisii ëbërarã joma kariba bæai baita. Dachí Akõreba bæda ewaride mau kuitaabisii. ⁷ Mau baita m̄ ichi bedea jarabarii bæsii. M̄ ichiba bæida bæsii chi biawãra bedea ichi ijãadai panuu ãrubena judiowãerãmaa jaradeade wãmera. M̄mba biawãra jara bæu ^{II} maude setawãe bæu.

⁸ Maudeeba, äbarã araa äbua imiuduucha m̄mba k̄ria bæu muk̄rarãba k̄risia biãdeeba ãchi jua utaa jiraaduude Dachí Akõremaa utaa ididamera. Maude

I Ichíturu ababuru nii. Griego bedeaãe chi bee kartade bæ kubuu: ababuru mau chi kuitaa nii Dachí Akõrebæ. II M̄mba biawãra jara bæu. Griego bedeaãe chi bee kartade naka bæ kubuu: M̄ chi Cristodebena biawãra jara bæu.

k̄ru panadaabai panuu maude oa kachirua berrea panadaabai panuu. ^{III} M̄mba k̄ria bæu wërarãba paru arakude jãamera, wërarã jipa nureeba jãbadau k̄ra. Ächi buãa ãrea kapipia meraa irudawëa panaãai panuu. Nee maeburã perla jãdawëa panaãai panuu. Maude paru chi nejarr ãrea idibadau jãdawëa panaãai panuu. ¹⁰ Maumaarã Dachí Akõre wapea panuudeeba, wërarãba bi'ia wau panuudeeba ãrea bi'ia kapipia jãbadau k̄ra panaãai panuu. ¹¹ Äbarã araa äbua imiuduude wërarãba chũpea ãriãai panuu maude chi ijãabadaurã nubadaurã wapea panaãai panuu. ^{IV} ¹² Äbua panuude m̄mba ida bækau wëra muk̄rarãmaa jaradea bæai maeburã muk̄ra ichi juade uru bæai. Maumaarã wërarãba chũpea ãri panaãai panuu. ¹³ Maka bæai bæu Dachí Akõreba Adán naa wasiideeba. Mawãare Eva wasii. ¹⁴ Mau awara jëbawãe niiba Adán setaa k̄ruabasii, maumaarã wëraturu setaa k̄ruasii. Maka setaa k̄ruasiide wëra kachirua wasii. ¹⁵ Maamina wërarãba warr adaubadaudeeba maarã karibai, Cristode ijãa paneeduuburã, biawãra waabenarã k̄ria uru paneeduuburã maude Dachí Akõre baita bi'ia paneeduuburã. Joma mau k̄ra jipa nureadai panuu. ^V

Ijãabadaurã nubarii saka bæai bæu

³ Nau bedea biawãradeeba, mau ijãadai panuu: abaubã chi ijãabadaurã nubarii bæai k̄ria bæuburã, bi'ia wau k̄ria bæu. ^{VI} Maudeeba chi ijãabadaurã nubarii nebura barau nii adayuswãe bæu, wëra ababuru uru bæai bæu, kauwa nibai baita bæu, k̄risia biãdeeba bæai bæu, k̄ra jipa bæai bæu, ichi dede needuurã bi'ia irsibii bæu maude jaradea kuitaa bæai bæu. ³ Itua biu nibaabai bæu. K̄rubi idaa nibaabai bæu, maumaarã k̄rabia bæai bæu. Jomaurã ome jirukaraayuwãe bæai bæu. Chi nejarra k̄ria nibaiswãe bæai bæu. ⁴ Ichi dedebenarã ãrea nu kuitaa bæai bæu, ichi warrarã ãribaba nureadai bæu maude ãchiba ichi wapeadai panuu. ⁵ Ara ichi dedebenarã nu adua bæuburã, ¿saka ëbërarã Dachí Akõreãerã bi'ia nuima? ⁶ Dachí Akõre bedea ea ijãada nii ijãabadaurã nubarii bæabai bæu chi mechiu k̄risiarãamera. Maka k̄risiaruuburã Dachí Akõreba ichi kastikai jëbawãe nii kastikada k̄ra. ⁷ Cristode ijãadakaurã biãa ichi ãrubena bi'ia k̄risiadai panuu. Maka ëbërarãba ichi ãrub-

III Dachí Akõremaa utaa ididamera. Mau ewaride ëbërarãba jua utaa jirabachidau Dachí Akõremaa utaa idiuduude. Maudeeba besede Dachí Akõremaa utaa ididai jaradai badamaarã jarabachidau: «Jua utaa jiradai». IV Chi ijãabadaurã nubadaurã wapea panaãai panuu. Griego bedeaãe bæ kubuwãe kai wapea panaãai panuu. V Griego bedeaãe mau chaarea bæu bi'ia ãridamera. Dachí Akõre bedea ãrea kuitaabadaurã baita, Pabloba kuitaabi bæasii wërarã chi jaradea ua bæabadaurãwãemina bi'ia nuree. Ichiba jaraabasii warrarã adadai panuu karibadai baita. VI Ijãabadaurã nubarii. Griego bedeaãe naka bæ kubuu: chi ichiabarii. Kajuma bedeaãe «obispo» abadau.

na kachirua berredaabei maude jubawæ niiba ichi ebërarã daade nebura bara nii ai.

Ijābadaurã aidabarii saka buai buu

⁸ Ara mau kīra ijābadaurã aidabadaurã jipa nibadai panuu ebërarãba wapeadamera. ^I Achiba setaa berredaabei panuu, itua biu nibadaabei panuu, maude chi nejarra kŕia panadaabei panuu. ⁹ Dachiba ijāa panuu bedea Dachī Akōreba kuitaabiada, kŕisia biadeeba ārea nuđai panuu. ¹⁰ Ābarã aidabadaurã budai naede ārea kauwa ichidai panuu. Maabae maarã ũrubena kachirua jaradayuswæ nureeburã, ijābadaurã aidabadau panadai panuu. ¹¹ Ara mau kīra wërarã sida jipa nibadai panuu ebërarãba wapeadamera. ^{II} Waabenarã ũrubena ārea kachirua berredaabei panuu. Kauwa nibadai baita panuu maude jomade jipa nureadai panuu. ¹² Ābarã aidabariiiba wëra aba uru buai buu. Ichi warrarã maude ichi dedebenarã ārea nu kuitaa buai buu. ¹³ Ābarã aidabadaurãba wuđai panuu jipa wauduburã, jomaurãba āchi ũrubena bi'ia berredai. Maka wapeawëa āchiba Jesucristode ijāa panuu ũrubena aude poyaa berredai.

Chi biawãra bedea Dachī Akōreba kuitaabiada

¹⁴ Mɛ isa bichi ichiade wã kŕia buu. Maamina nau karta bichi baita buaduruu. ¹⁵ Maamina kã'āruuburã mɛuba kŕia buu Dachī Akōre chokae nii ebërarã saka ābua panadai panuu bichiba kuitaamera. Dachiba Dachī Akōre chi biawãra bedea jaradeabadau de wãto kīra buu maude de jŕu kīra buu.

¹⁶ Biawãra Dachī Akōreba mau bedea kuitaabiada ārea bi'ia buu:

Cristo nau kakuade neesii.
Dachī Akōre Jauriba kuitaabiasii ichi jipa nii.
Angelerãba ichi unusidau.
Ābarãba ichi ũrubena druwa awarabenarãmaa jaradeasidau.
Āreaba nau iujãade ichide ijāasidau.
Dachī Akōreba ichi bajãa bia buuđaa waya adoesii.

Setaa jaradeabadaurã

⁴ Dachī Akōre Jauriba arakude jara buu nau kaadebena ewaride waabenarãba Cristode ijāa panapedaada ida budapeda jai kachirua seta idaa nuree maude āchiba jaradeabi panuu ijāadai. ² Mau jai kachiruarãba jaradeabi panuu ebërarã chi jipa kīra nureeba jaradeabadau. Kachirua waubadaudeeba mau ebërarãba adua nuree sãu chi bia maude sãu chi

I Ijābadaurã aidabadaurã. Griego bedeade naka bu kubuu: chi chibari baita trajabarii. Kajuma bedeade «diácono» a jarabadau. *II* Wërarã. Griego bedeade naka bu kubuu: wërarã. Waabenarã-maarã, jara buu «ābarã aidabadaurã chi wërarã» maude waabenarã-maarã, jara buu «ābarã aidabadaurã wërarã».

kachirua. ³ Jāarãba wëra ida miakāibidakau maude chi bee chiko ida kobidakau. Maamina Dachī Akōreba joma deasii ichide ijābadaurãba maude chi biawãra bedea kuitaa panuurãba ichimaa ichituru kidibai adapeda kodamera. ⁴ Ne joma Dachī Akōreba waukuada bi'ia buu. Maudeeba Dachī Akōremaa ichituru kidibai aaduuburã dachiba kodaid ebena aba biada kodaaabei adaaabei panuu. ⁵ Mau kodai Dachī Akōre daade bi'ia buu Dachī Akōre bedeaba maka jara buudeeba maude ichimaa utaa idibadaudeeba.

Jesucristo baita bari trajabarii bia

⁶ Timoteo, bichiba joma mau ābarãmaa jaradea buaruuburã, Jesucristo baita bari trajabarii bi'ia buai. Dachī Akōre chi biawãra bedea dachiba ijāa panuu ijāa kãriideeba bichi jauri chaarea wari buai bi'ia ko buu kīra.

⁷ Nabëraedebena neburbadau kachirua bee ida buse. Dachī Akōreba kŕia buu kīra nibai baita jŕuse. ⁸ Biawãra dachi kakua chaarebidai baita wau panuuburã, dastu dachi kakua aidadai. Maamina Dachī Akōre baara nibaaduuburã, mauba dachi ne jomade aidai. Idibae maude kaadebena ewaride biada karibai. ⁹ Mau bedea biawãra buu. Jomaurãba mau ijāadai panuu. ¹⁰ Mau baita dachi traja panuu. Ārea bi'iwæ panuu, Dachī Akōre chokae buuba jomaurã poyaa karibai kuitaa panuudeeba. Bi'ia jaraaruuburã, chi ichide ijāaduu karibabarii.

¹¹ Joma mau jaradease maude jarase wuđamera. ¹² Bichi kũudrãa bɛmina abaumaa biada ida kabirãse. Maumaarã bichiba berrearuudeeba, ne wau buudeeba, waabenarã biawãra kŕia buudeeba, kīra jipa buudeeba, maude Cristode ijāa buudeeba ābarãmaa unubiãse saka panadai panuu. ¹³ Mɛ jãmaa wãaruumisa, jomaurã daade Dachī Akōre bedea jīwa eđa jarase, jaradea buase maude ābarã aida buase bi'ia ijāadamera. ¹⁴ Dachī Akōreba bichimaa waubi buu deada wã'æbirãse. Ābarã nubadaurãba āchi jua bichi ũru kubusidaude Dachī Akōredeeba jarasidau ichiba mau dearuu. ¹⁵ Joma mau kīra jipa wau buase jomaurãba kuitaadamera bichiba ewaricha bi'ia wau kãrii. ¹⁶ Ara bichi ũrubena maude bichiba jaradea buu ũrubena kauwa buase. Joma mau jipa wau nibase. Maka wau niiburã bichi karibai. Bichiba jaradea buu ũri panuu sida karibadai.

Ābarã ome saka buai buu

⁵ Chōrarã iadaarãse, maumaarã bichi akōre ome berreabarii kīra maarã ome sōbiadeeba berreãse ũridamera. Kũudrãarãmaa berreãse bichi ābarã ome berreabarii kīra. ² Chōdraarãmaa berreãse bichi nawe ome berreabarii kīra. Awërarã-

maa berreáse bichi neekau ome berreabarii kîra. Maarã baara joma kachiruadebena awara ðuase.

³ Pêdrãrã chi aidaadayuswãe nuree aidaase. ⁴ Maamina na pêdrãaba warrarã ua ðuuburã, ãichekerã ua ðuuburã, maarãba mau pêdrãa aidaai panuu. Æchiba ãrea kuitaadaai panuu saka ãchi dedebenarã aidaai panuu. Æchi akõrerãmaa ne kaebea deadaai panuu ãchi tatarãba ãchima dea panaða kîra. Mau Dachî Akõre daade jipa ðuu. ⁵ Pêdrãa biawãra ichi du aba ðuuba ãrea kuitaa ðuu joma ichiba uru ðuai ðuu Dachî Akõréburu deai. Æyadaa maude êsabude Dachî Akõre-maa ðtaa idibarii karibamera. ⁶ Maamina pêdrãaba barikia wau ðuai jũrũruuburã, chokae ðumina biuða kîra ðuu. ⁷ Joma chi ãbarãmaa mau waubiãse pêdrãrã ãrubena kachirua jaradaawãe panaðamera. ⁸ Ababa ara ichi dedebenarã aidaakaurã, Dachî Akõre bedea ida ðu ðuu. Mau Cristode ijãadakaurã audeara kachirua wau ðuu.

⁹ Æbarãba barikiu pêdrãa trũ kartade ðuðabai panuu aidaai baita. Maumaarã naka nuree ðuðai panuu: 60 año wãyaa nuree maude mukîra ababuru uru panaða. ¹⁰ Æchiba bi'ia waupedaadeeba trũ poa panaðai panuu. Æchi warrarã bi'ia waribi-abachidauburã, ãchi dede neepedaada bi'ia irsibibachidauburã, ãbarã jũrũ jeraabachidauburã, chi bi'iwãe nuree aidaabachidauburã, maude ne joma bi'ia waubachidauburã, mau pêdrãa trũ kartade ðuðai panuu. ^I

¹¹ Maamina pêdrãa wabiða chõodraawãe nuree trũ kartade ðurãsturu. Maarã mukîra awaba waya kima adauðai kũriabadau. Maka ãchiba Cristo traju wauðai baita waya miakãidaabai bedea deapedaada ida ðubadau. ¹² Æchiba chi naa bedea deapedaada ida ðusidaudeeba neburã bara panuu. ¹³ Mau awara ãchi decha nibabadau maude ko'oa paneebadau. Mau awara chi bedea ãrea paneebadau, waabenarã neburade eða wã paneebadau, maude ne jaraabai ðuu berrea paneebadau. ¹⁴ Maudeeba mũba kũria ðuu pêdrãa wabiða chõodraawãe nuree miakãidaai, warr adauðai, maude ãchi de sida bi'ia nuðai. Maka dachî kîramaabadauba poyaa kachirua berredaabai. ¹⁵ Mũba mau jara ðuu waabenarã pêdrãrã o ãyare wãdapeda Satanás baara wã panasiideeba.

¹⁶ Cristode ijãa ðuu wãraba pêdrãa ichi dedebenarã tãede nuree aidaai ðuu. ^{II} Maka mau pêdrãa Cristode ijãabadaurãba aidaabai panuu. Maumaarã pêdrãa istu nuree aidaai panuu.

^I Jũrũ jeraabachidauburã. Mau jara ðuu chi chibari baita bari trajabarii kîra ãbarã aidaabachidau. ^{II} Cristode ijãa ðuu wãraba. Griego bedea chi bee kartade ðu kubuu: Cristode ijãa ðuu wãraba maeburã mukîraba.

Æbarã nubadaurã ome saka wauðai panuu

¹⁷ Chi ijãabadaurã nubadaurãba bi'ia wau panuudeeba ãbarãba kũrisia biadeeba maarã aidaai panuu, ne uru panaðamera. Maarãdebena chi Dachî Akõre bedea jaradeabadaurã maude dachî saka nibai ãrubena jaradeabadaurã, aude aidaai panuu.

¹⁸ Dachî Akõre bedea naka jara ðuu: «Bichiba paka-ba ne biraduamaa ðuude chi kũ jũrãse». ^{III} Maude naka jara ðuu: «Trajabariiiba ichi deai ðuu chi nejarra adau ðuu». ^{IV}

¹⁹ Abauba ijãabadaurã nubarii jidearuuburã, maamina êbãra omeeba maeburã õbeaba ara mau kîra jaradaawãeburã, mau bedea ijãarãse. ²⁰ Maamina ijãabadaurã nubariiiba kachirua wau ðuuburã, jomaurã daade iadaase waabenarãba wapeaba mau kachirua waurãadamera. ²¹ Dachî Akõre daade, Cristo daade maude angelerã daade mũba bichimaa jaraaru: joma mũba jarada ijãa wause. Maka wauruude, êbãraba jaraaru abauba aude ãrirãse, maumaarã jomaurã ome arabauðe jipa wau ðuase. ²² Bichi jua abau ãrũ biða isa kuburãse, ijãabadaurã nubarii ðuamera. Bichiba maka wauruuburã, mauba kachirua wauðaburã bichi sida neburade ðuai mau kachirua baita. Joma kachiruadebena awara ðuase.

²³ Bichi barikia kakua kachirua ðuabariideeba baniaturu dorãse. Maumaarã uva ðaa sida bichi bi baita bistũika dose.

²⁴ Chi kachirua ichiai naede, waabenarãba kachirua wau panuu dachiba bi'ia unubadau maamina waabenarãba kachirua wau panuu maadakare kuitaadaai. ²⁵ Ara mau kîra waabenarãba bi'ia wau panuu dachiba bi'ia unubadau, maude waabenarãba bi'ia wau panuu bi'ia unuðakamina miru beebai.

Chibari baita bari trajabadaurã saka panaðai panuu

⁶ Cristode ijãa panuu baita bari trajabadaurãba ãchi chibari wapea panaðai panuu. Maka waabenarãba kachirua jaradaabai Dachî Akõre maude dachiba jaradeabadau ãrubena. ² Æchi chibari biða Cristode ijãa ðuuburã, kũrisiadaabai panuu ãbadeeba wapeadaabai panuu. Maumaarã ichi baita bibuara trajadaai panuu. Æchi trajadeeba Cristode ijãa ðuuba chi nejarra adabariideeba, kũriadeeba ichi baita trajadaai panuu. Mau jaradea ðuase. Maude ãchima jarase maka wauðamera.

Chi nejarra kũria nuree

³ Abauba ãyaa jaradearuuburã, Dachî Mechiu Jesu-cristoba jipa jaradeada makawãema aaruuburã, maude dachî jipa nibadaai ãrubena sida ãyaa jaradearuuburã, ⁴ joma kuitaa ðuu kũrisia ðumina bi-

^{III} 5:18 Deuteronomio 25:4. ^{IV} 5:18 Lucas 10:7.

awāra adua nii. Kīrajūwāe buudeeba oa kachirua berrea buabarii. Barikia berreaduudeeba oa kachirua beebarii. Maudeeba naarā neebadau: āibenaba ne kaebea uru buu kakua kīra kachirua buai, āibena ome kīrubi idaa buai, āibena ūrūbena kachirua berrea buai, maude āibena ūrūbena kachirua kūrīsia buai. ⁵ Mau ēbērarā kūrīsia biawāe nuree maude biawāra berrea adua nuree siḏa barikia oa kachirua berreabadau. Āchiba kūrīsiabadau Dachī Akōrede ijāa buudeeba chi nejarrā adauḏai. ¹⁶ Biawāra jipa niḏaudeeba ne bia ārea uru panuu, maamina ara dachiba nau druade uru panuuba kīrajūwāe nureeburā. ⁷ Dachī danaba dachī adausiḏauḏe nau iujāde ne kaebea abau biḏa eneeḏabasii. Biuduude ne kaebea abau biḏa adoḏaabai. ⁸ Maudeeba koḏai uru panuuburā, paru uru panuuburā, ara mauba jirukaraayuwāe nureḏai panuu. ⁹ Maamina barau nureḏai kūrīa panuuba ne joma kūrīa panuudeeba kachiruade baebadau. Chi dachī aiḏakau maude dachī kachirua wau buu kūrīa panuudeeba kachiruade paneebadau ānimara enabede baeda kīra. Mau ārea miichuburi paneebadau, doḏa taawāruu kīra. ¹⁰ Chi nejarrā kūrīa buudeeba ne kachirua ārea neebarii. Ara mau kūrīa panuudeeba waabenarāba Cristode ijāa panada ida busiḏau. Maka āchi ārea bi'iwāe panasiḏau.

Pabloa Timoteomaa waubiḏa

¹¹ Maamina bichiba Cristode ijāa niideeba joma maudebena āyaa wāse. ^{II} Jipa nibase. Dachī Akōre baara wāse. Sōdeeba biawāra Cristode ijāa buase. Jomaurā kūrīa buase. Joma jāaduase. Jaradea ua buabarimina, jomaurā ome sōbiadeeba buase. ¹² Cristode ne joma ijāa buase bi'ia chīobarii kīra. Maka bichi ewaricha Dachī Akōre ome chokae buai. Ārea panuurā daade, bichiba Cristode ijāa buu jarasiide Dachī Akōreba bichi iusii mau chokae buai uru buamera. ¹³⁻¹⁴ Joma chokae nuree Dachī Akōredeeba chokae nuree. Ara mau Dachī Akōre daade muuba jaraaru bichiba wau buamera. Jesucristo daade biḏa arabauḏe jaraaru ichiba Poncio Pilato daade chi beḏea biawāra jarada kīra. Muuba nau jaraaru: muu-

I Griego beḏeade chi bee kartade nau siḏa bu kubuu: maarā ome ābua buarāse. II Cristode ijāa nii. Griego beḏeade naka bu kubuu: Dachī Akōre ēbēra.

ba jaradea buu kīra jipa wau buase, bichi ūrūbena kachirua jarabiamaaba aba Dachī Mechiu Jesucristo neeruḏaa. ¹⁵ Dachī Akōreba buḏa ewaride ichi unubii.

Dachī Akōreturu jomaurā Mechiu bia nii.

Ichi Jomaurā Reyrā Audeara Chi Aude Mechiu Nii maude Joma Chi Mechiurā Audeara Chi Aude Mechiu Nii.

¹⁶ Ichituru biukau. Ichi buumaa jeratīu buudeeba aba biḏa ara kaita poyaa wāḏaabai panuu.

Ichi abau biḏa unuḏawēa panuu maude poyaa unuḏakau.

Muuba kūrīa buu ewaricha jomaurāba ichimaa bi'ia berrea panadayu maude ichi poyaabariiba jomaurā poyaa uru buai.

Bi'ia buu maka buai.

Barau nureeba saka wauḏai panuu

¹⁷ Nau druade barau nureerāmaa jarase waabenarā audeara mechiu nuree kūrīsiarāḏamera. Āchiba ne uru panuu ārea buakauḏeeba jarase mau baita bi'ia panadai kūrīsiarāḏamera. Dachī Akōreturu kūrīsiḏai panuu. ^{III} Ichiaburu dachimaa ne joma wā'āekaraa deabarii jirukaraayuwāe nureeḏamera. ¹⁸ Chi barau nureerāmaa jarase jomaurā ome bi'ia wauḏamera. Maude jarase āchiba uru panuudebena sōbiadeeba waabenarāmaa deḏai baita panadai panuu. ¹⁹ Maka bi'ia wau panuudeeba ne kaebea pe nuḏuumaa panuu ewari aba neeruḏe bi'ia panadai baita. Ara maude āchi biawāra chokae panadai.

Pabloa nau kartade aanama buḏa

²⁰ Timoteo, joma Dachī Akōreba jarada ārea nuse. Chi Dachī Akōre baita bi'iwāe buu ūrūbena berreabadau ida buuse. Maude joma kūrīsia Dachī Akōre beḏea ome kīra āyaa nuree ida buuse. Waabenarā baita, mau kūrīsia bee bi'ia buu. Maamina bi'iwāe buu. ²¹ Waabenarāba mau kūrīsia ijāabadau. Maudeeba āchiba Cristode ijāa panada ida busiḏau. Muuba kūrīa buu Dachī Akōreba ichi sōbiadeeba bichi aiḏa buai. ^{IV}

III Dachī Akōreturu. Griego beḏeade chi bee kartade bu kubuu: Dachī Akōre chokae buu. IV Bichi. Griego beḏeade chi bee kartade bu kubuu: machi.

2 TIMOTEO

Pabloba nau karta kaadeare Timoteo baita busiide waya j̄a uru panasii. Dachiba k̄risia panuu año 67de busii. Ichi j̄a buudebena w̄w̄e k̄risia buudeeba nau karta busii Timoteo ichi isa ichiade neamera ().

Pabloba naa busii Timoteo baita Dachí Akõremaa ichíturu kiðibai abachii (). Mawãare busii Timoteo k̄rakayaw̄e buamera, Jesucristo kakua maeburã ichi j̄a buu kakua (). Mawãare busii Jesucristode ijãa buudeeba chaarea buamera maude ne jomade Dachí Akõre baita bi'ia buamera (). Mawãare busii chi kaadebena ewaride kachirua neemina, Timoteoba Dachí Akõre bedea jipa jaradea buai buu (). Mawãare busii ichi juez daade buai ãrubena maude jarasii Timoteo isa neamera ().

Chi k̄risia mechiu naka bu kubuu: «Dachí Akõre bedea jaradea buase. Èbërarãba ùri k̄ria panuude maude ùri k̄riaw̄e panuude jaradeai baita buase».

Pabloba nau kartade naa buada

1 M̄ Pablobu. Dachí Akõreba k̄risiideeba m̄ Jesucristoba buida. Ichiba m̄ busii Dachí Akõreba deai jarada chokae buai ãrubena jarade wãmera. Mau chokae buai Jesucristodebena buu. **2** Timoteo, nau karta bichi baita buuruu. M̄mba bichi ãrea k̄ria buu m̄ warr k̄ra. K̄ria buu Dachí Bajãadebena Akõreba ^I maude Dachí Mechiu Jesucristo bida bichi k̄ra chuburia panadai, ãchi s̄biadeeba aida panadai maude jirukaraayuwãe panabiðamera.

Pabloba Timoteo baita Dachí Akõremaa ichíturu kiðibai ada

3 ãyadaa maude ãsabude m̄mba Dachí Akõremaa utaa iðiruuðe bichi baita ichíturu kiðibai abarii. Dachí Akõreba jara buu m̄mba waubaraii, m̄ k̄risiade neburaswãe buudeeba, m̄ nabërarãba maka waupedaada k̄ra. **4** M̄mba bichi jëada ãrubena k̄risiaruude ichiade wã k̄ria buabarii k̄rajuu ãrea buai baita. **5** M̄mba k̄raba buabarii bichiba Cristode biawãra ijãa buu bichi tata Loida maude bichi nawe Eunice bichi naede ijãa panada k̄ra. M̄mba kuitaa buu bichia bida arabauðe Cristode ijãa buu. **6** M̄ jua bichi ãru kubusiide Dachí Akõreba bichimaa deasii ichi baita ne waumera. Mau baita m̄mba jaraaruu: Dachí Akõreba deada bi'ia wau buase, etabarrde tubuchia jãripuabarii k̄ra. **7** Dachí Akõreba dachi s̄o wapea panabiabasii, maumaarã dachi poyaabarii panabiasii, waabenarã k̄ria uru panabiasii, maude dachi kakua saka k̄ra jipa panadai kuitaabiasii.

8 Maudeeba Dachí Mechiu Jesucristo ãrubena jarai baita k̄rakayarãse. M̄ Jesucristo baita j̄a bumina k̄rakayarãse. Maumaarã chi bedea bia Jesús ãrubena

^I Dachí Bajãadebena Akõre. Kajuma bedeaðe bu kubuu: Dios el Padre.

jaradearuude Dachí Akõre poyaabariideeba bichi siða ãrea bi'iwãe buai jãadua buase. **9** Dachí Akõreba dachi karibasii maude iusii ichi baita bi'ia nureaðamera. Dachiba bi'ia wau panuudeeba makaabasii, mau-maarã ichi s̄biadeeba wau k̄risia busiideeba maka wausii. Biawãra nau iujãa buai naede Dachí Akõreba ichi s̄biadeeba k̄risiasii Jesucristodeeba dachi karibai. **10** Maabae Jesucristo, Dachí Karibabarii neesiide unubisii saka ichi s̄biadeeba karibabarii. Dachí biui buada Jesucristoba wã'ãebipeða, ewaricha chokae buabisii. Chi bedea biaba ichi ãrubena mau bi'ia kuitaabi buu.

11 Dachí Akõreba m̄ busii mau bedea bia jarabarii buamera, Jesucristoba buida buamera maude ju-diowãerãmaa jaradeabarii buamera. ^{II}**12** Mau baita m̄ maka bi'iwãe buu. Maamina k̄rakayayuwãe buu. M̄mba kuitaa buu kaide ijãa buu. Maude kuitaa buu m̄mba ichi juade buada, ichiba poyaa nui buu aba ichiba kastikai ewaridaa.

13 M̄mba jipa jaradea buada k̄ra jaradea buase. Jesucristode ijãa niideeba, waabenarã k̄ria nibase.

14 Dachí Akõre Jauri dachi s̄de buu. Maudeeba chi biawãra bedea Dachí Akõreba bichimaa deada ãrea nu buase.

15 Bichiba kuitaa buu joma ãbarã Asia druadebenarãba m̄ istu busiðau. Maarãdebena ãba Figeloba maude Hermogenesba maka wausiðau. **16** Maamina m̄mba k̄ria buu Dachí Mechiuba ãba Onesiforo dedebenarã k̄ra chuburia buamera. Ichiba m̄ bes ãrea aidasii. M̄ kaenaba j̄ bumina mau k̄rakayaabasii. **17** Maumaarã Roma puuruðe neepeða m̄ juru buapeða unusii. **18** M̄mba k̄ria buu Dachí Mechiuba kastikai ewaride mau k̄ra chuburiai. Bichiba kuitaa buu Onesiforoba Efesode ãrea aidasii.

^{II} Judiowãerã. Griego bedeaðe chi bee kartade mau wã'ãe.

Saka Jesucristo bedea jaradeai ɓuu

2 Warr, Jesucristo ^I sōbiadeeba chaarea ɓuase. ² Mɓɓa eb̄erārā ārea daade jaradea ɓuade bichiba ūrisii. Ara mau jaradea ɓuade bichia biɗa waabenarā ābarāmaa jarabuse waabenarāmaa mau jaradeadamera. Waabenarāba āchi ijāadai panuu maude poyaa bia jaradeadai panuu.

³ Bichi Jesucristo kokoroa biadeeba mɓ kīra bi'iwāe ɓuai baita ɓuase. ⁴ Kokoroaba barikia waukau, mau-maarā chi audeara niiba kūrīa ɓuu waubarīi bi'ia unumera. ⁵ Maude chi pirabarii chi jaradea ua ɓuabadaurāba jara panuu kīra maka pirawēeburā, mau chi naa neeruuba chi adai ɓuade adaubai. ⁶ Chi uubarīi ārea trajabariideeba, ichiba chi uu nuɓuu chaudiadebena naa adai ɓuu. ⁷ Mɓɓa jara ɓuu ūrubena ārea kūrīsīase. Dachī Mechiu Jesusba bichi-maa joma mau kuitaabii.

⁸ Jesucristo kīrabase. Ichi Daviddeebena needabɓ. Ichi biu ɓuade Dachī Akōreba chokae jiradubisii. Mau bedea bia ichi ūrubena mɓɓa jaradea ɓuu. ⁹ Mau jaradea ɓuu kakua mɓ ārea bi'iwāe ɓuu. Mɓ eb̄era kachirua kīra kaenaba jū uru panuu. Maamina Dachī Akōre bedea jū uru panuuwāema. ¹⁰ Mau baita mɓɓa joma jāadua ɓuu Dachī Akōreba jɓɓ adauɗa eb̄erārā karibai baita. Maka Dachī Akōreba āchi siɗa Jesucristodeeba aidai ewaricha ichi biadebena uru panadamera.

¹¹ Nau bedea biawāradeeba, mau ijāadai panuu: Dachī Cristo ome biuduuburā, ichi ome chokae panadai.

¹² Dachī ārea bi'iwāe panuu dauchia jāadua panuuburā, ichi ome chi karrarā kīra nureadai.

Dachība Cristo adua panuu aaduuburā, ichi biɗa dachi adua ɓuu ai.

¹³ Dachība jara panuu kīra wauɗawēeburā, dachi maka panumina, ichi jara ɓuu kīra waubarīi, ara ichi jara meraabai ɓuudeeba.

Dachi Akōre baita bari trajabarii saka ɓuai ɓuu

¹⁴ Joma mau ābarāmaa kīrababia ɓuase. Dachī Akōre ^{II} daade jarase maarā barikia bedea kakua kīru idaa berrea panarāadamera. Mau kīru idaa berreaba dachi aidakau, maumaarā chi ūri nureerāmaa kūrīsīa kachirua kūrīsīabiabarii. ¹⁵ Chi biawāra bedea Dachī Akōrede jipa jaradeabarii unubi ɓuase. Trajabarii bi'ia ɓuu kīra kauwa wau ɓuase Dachī Akōreba bichi kīrakayayuwāe ɓuu unumera. ¹⁶ Dachī Akōre daade kachirua nureerāba neburubadau ida ɓuse. Chi maka nureerā Dachī Akōredeebena aude kaitawē wābadau. ¹⁷ Āchiba jaradea panuuba eb̄erārā kūrīsīa āyaa kūrīsī-

I Jesucristo. Griego bedeaɗe naka ɓu kubuu: Cristo Jesús.
II Dachī Akōre. Waabenarā kartade naka ɓu kubuu: Dachī Mechiu.

abiabarii, dachi kakuaɗe chaudiaba dachi kiuru ko kārīi kīra. Mau jaradeabadaurādeebena Himeneo maude Filetobɓ. ¹⁸ Āchi chi biawāra bedeaɗebena āyaa wāsiɗau. Āchiba jaradeabadau eb̄erārā biupeɗaɗa chokae jiradupeɗaɗa. Maudeeba waabenarāba Cristode ijāa panuu ūrubena āyaa kūrīsīa paneesiɗau. ¹⁹ Maamina eb̄erārā Dachī Akōrederāba Cristode ārea ijāa panuu de jɓɓ kadaba de chaarea uru ɓuabarii kīra. De poraamaa ne ɓu nubadau kīra, Dachī Akōreba naka jarasii: «Dachi Mechiuba joma ichiɗirā kuitaa ɓuu». Maude jarasii: «Joma Dachī Mechiude ijāa panuu abadaurāba kachirua ida ɓuɗai panuu».

²⁰ De mechiude paratu nee wauɗa duanuu maude parata wauɗa duanuu. Maude bakuru wauɗa maude ioro kaɗa siɗa duanuu. Waabenarā bi'ia panuudeeba barikia ewari baita panuuwāema, maamina waabena barikia ewari baita panuu. ²¹ Dachī siɗa ara mau kīra panuu. Dachība kachirua ida ɓuuduuburā, Dachī Mechiu baita bi'ia nureadai. Maka dachiɗebena ichi ba ne poyaa wau maude ne joma bi'ia wauɗai baita nureadai.

²² Kūudrārāba kachirua kūrīabadau kīra waurāse. Mau kāyabāra jipa wau baita ɓuase. Jesusde ijāa ɓuase. Jomaurā kūrīa ɓuase. Jomaurā ome jirukaraayuwāe ɓuase. Dachī Mechiu-maa ɗtaa idibadaurā ome sō jipa ɓuudeeba joma mau baara wā ɓuase. ²³ Oa kachirua berrearāse chi arakude kūrīsīadakau nuree ome, kuitaa ɓuudeeba mauba dachi oa kachirua berreabiabarii. ²⁴ Chi Dachī Mechiu baita bari trajabarii oa kachirua berrea ɓuabai ɓuu, maumaarā jomaurā ome sōbia ɓuai ɓuu. Jaradea kuitaa ɓuai ɓuu. Jomaurā ome jāadua ɓuai ɓuu. ²⁵ Ichiba bedea biadeeba Dachī Akōre bedea kuitaabia ɓuu, chi ichi jaraɗe ɓuu kūrīadakau eb̄erārāmaa, maka Dachī Akōreba maarā karibaaruuburā. Maka ichimaa waya needapeda chi biawāra bedea kuitaadai. ²⁶ Arakude kūrīsīaduuburā jɓɓawāe nii juadebena wāɗai. Ūraude jɓɓawāe niiba jidau ua ɓuu ichi kūrīa ɓuu wauɗamera.

Kaadebena ewarīde eb̄erārā kachirua wau panadai

³ Kaadebena ewarīde kachirua neeruudeeba bichiba mau kuitaa ɓuai ɓuu. ² Eb̄erārāba joma ara āchi baita kūrīa panadai, chi nejarra kūrīa panadai, āchi bi'ia nuree a panadai, chi mechiu nuree kūrīsīa panadai, waabenarā ūrubena kachirua jara panadai, āchi akōrerā bedea ijāadakau panadai, āchi aidaaruu eb̄erāmaa ichituru kidibai adakau panadai maude Dachī Akōre wapeɗakau panadai. ³ Waabenarā kūrīadakau panadai, kīra chuburiadakau panadai, waabenarā ūrubena bedea kachirua jara panadai, kachirua wauɗai baita poyaa ida ɓuɗakau panadai, chīo ārea panadai maude bi'ia bee joma ida ɓu

panadai. ⁴ Āchi kōpaero ichi kīramaabarii juade budai kachirua waumera. Ārea kūrīsiawāe barikia wau panadai. Jomaurā audeara chi kuitaa ārea nuree adai. Dachī Akōre audeara ara āchituru kīrajūu bi'ia kūrīa nureadai. ⁵ Dachī Akōrede ijāabadaurā kīra nureadai maamina ida budaabai Dachī Akōreba ichi poyaabarii-ba āchi jipa nureabiamera. Makurā ome ābua buarāse.

⁶ Mau ēbērarā decha wābadau wērarā kūrīsiawāe nuree maude kachiruaba boro wāyaa nuree setaa kūrūadai baita. Mau wērarāba joma kachirua wau kūrī-abadaudeeba barikia ijāabadau. ⁷ Mau wērarā ewarīcha kuitaamaa panuu, maamina chi biawāra bedea poyaa kuitaadaakau. ⁸ Jāarā setaa jaradeabadaurā chi biawāra bedea ida bubadau. Janes maude Jambres abadau kīra waubadau, chi Moisés bedea ida bupedaadarā. ^I Āchiba kūrīsia kachirua kūrīsiabadau maude biawāra Cristode ijāadaku. ⁹ Maamina āchiba wau panuu bi'ia buabai. Jomaurāba āchi kūrīsia bi-aswāe nuree kuitaadaai Moisés ewarīde Janes maude Jambres makapedaada kīra. ^{II}

Pabloba Timoteomaa jarada

¹⁰ Maamina bichiba nau bi'ia kuitaa buu: mūba jaradea buu, mē nibabarii, mūba wau kūrīa buu, mūba Cristode ijāa buu, mē jomade jāadua buu, mūba waabenarā kūrīa buu, mē jomade dauchia jāadua buu ¹¹ maude mē wāraa panuu kachirua wauadai baita. Antioquia, Iconio puuruude maude Listrade mē kachirua wauadai baita wāraapedaada bichiba bi'ia kuitaa buu. ^{III} Mē ārea bi'iwāe buasii. Maamina Dachī Mechiuba joma maudebena karibasii. ¹² Biawāra joma Jesucristode ijāabadaurā, Dachī Akōre daade bi'ia nibadai kūrīabadaurā, ēbērarāba wāraadai kachirua wauadai baita. ¹³ Maude ēbēra kachiruarāba maude waabenarā setaa kūrūabadaurāba aude kachirua wau panadai. Waabenarā setaa kūrūa panadai maude waabenarāba āchi setaa kūrūadai.

¹⁴ Maamina bichiba kuitaada chi biawāra kūrīsia buudeeba, maude nibase. Bichiba kuitaa buu bichimaa jaradeapedaada jipa jaradeapedaada. ¹⁵ Waraede Dachī Akōre Bedea kuitasii. Mau Bedeaba bichimaa kuitaabi buu abauba Cristode ijāaruuburā Dachī Akōreba mau karibai. ¹⁶ Dachī Akōreba joma Ichi Bedea bubisii. Joma mau bi'ia buu jaradeai baita, kachirua wau nuree kastikai baita, bi'iwāe wau nuree jipa wau kuitaabi baita maude saka kīra jipa nibadai kuitaabi baita. ¹⁷ Maka ēbērarā Dachī Akōrederāba ne joma bi'ia wau kuitaapeda poyaa wau panadai.

^I Janes maude Jambres Egiptodebena ne kuitaabadaurā basii. Éxodo 7:10-12. ^{II} Janesba maude Jambres biča joma poyaa wauadaabasii Moisesba Dachī Akōredebena wauada kīra. Maka jomaurāba kuitasidau āchi setaa jaradeabadaurā nuree. Éxodo 8:16-19. ^{III} 3:10-11 Hechos 13:44—14:21.

⁴ Jesucristo neei ichidīrā ichi juade ua buai baita. Maude ēbērarā chokae nuree maude bi-upedaada nebura ichiai. Maudeeba Jesucristo daade maude Dachī Akōre daade mūba nau bedea jaraaruu bichiba waumera: ² Dachī Akōre Bedea jaradea buase. Ēbērarāba ūri kūrīa panuude maude ūri kūrīadawēa panuude jaradeai baita buase. Bi'iwāe wau nuree jipa wau kuitaabiāse. Kachirua wau nuree iadaase. Maude ābarā aidase bi'ia ijāadamera. Joma jāadua buudeeba, kauwa jaradea buudeeba maka wause. ³ Ewari aba neeruude ēbērarāba biawāra bedea ūri kūrīadawēa panadai. Maumaarā ara āchiba kūrīa panuu maka wauadai. Maudeeba jaradeabadaurā ārea jūradai āchiba ūri kūrīa panuu jaradeadamera. ⁴ Chi biawāra bedea ūridai ida bu panadai, maude nabēraedebena nebūrubadau ijāadai. ⁵ Maamina bichi jomade kīra jipa buase. Joma nebūrade buude jāadua buase. Bedea bi'ia Cristo ūrubena jaradea buase. Joma bichiba Dachī Akōre baita wau buu jipa wau buase.

⁶ Kā'ābariwāede mē beadai. ^{IV} Mē biui ewari ūru ba buu. ⁷ Mūba Dachī Akōre baita wau buada joma wausii, pirabarii chi neei buumaa neebarii kīra. Joma jipa wausii bi'ia chōda kīra. Mūba Cristo ida buwēa buu. ⁸ Mūba jipa wau buu baita Dachī Mechiuba mē baita boro jūra nu uru buu. Ichiba jipa ichiabariideeba mau boro jūra mūmaa deai ichiba ichiaruude. Maamina ababuru mūmaa deabai, maumaarā joma ichi neei ewari unu kūrīa nureerāmaa deai.

Pabloba jarada Timoteo neemera

⁹ Isa mē ichiade neese. ¹⁰ Dachī āba Cresente Galacia druadaa wā buasii. Tito Dalmacia druadaa wā buasii. Mau awara āba Demasba chi nau iujāadebena ārea kūrīasiideeba mē ida bupeda Tesalónica puuruada wāsii. ¹¹ Ababuru āba Lucas mē ome buu. Bichi neeruude āba Marcos jūrade wāpeda eneese. ^V Mūba Dachī Akōre baita wau buu mauba aidai buu. ¹² Āba Tíquico mūba Efesoada buisii. ¹³ Bichi neeruude mē paru ūru jūbarii eneese. Mau Troas puuruude, āba Carpo dede beesii. Maude mē karta eneese. Mūba aude kūrīa buu chi kartarā ānimara ede bu kubuu.

¹⁴ Jiordeeba ne waubarii Alejandrobā mē kachirua wausiideeba Dachī Mechiuba kastikai. ¹⁵ Ichi ome kauwa buase. Dachiba jaradea panuu ūrubena ichiba ārea kachirua jarasii.

¹⁶ Ara michi baita chi juez daade berreasiede abau biča mē kakua berrebasii, mē aidai baita. Maumaarā jomaurāba mē ida busidau. Mūba kūrīawēe mau ūrubena Dachī Akōre daade maarā nebura baraa

^{IV} Kā'ābariwāede mē beadai. Griego bedea naka bu kubuu: Mē uva baā Dachī Akōre baita ea deaduu kīra buu. Mau bedeaedeba Pabloba kuitaabi buasii kā'ābariwāede ēbērarāba ichiba Cristode ijāa buudeeba beadai. Números 28:7. ^V Marcos. Hechos 13:5,13; 15:36-40.

panuu ayu. ¹⁷ Maamina Dachí Mechiu m̄ ome b̄uasii. M̄ poyaabarii deasii ichi bedea jamera. Maka joma judiowãerã aria panuuba ũrisidau. Maude Dachí Mechiuba m̄ imama okardebena karibasii. ¹⁸ Ichiba joma m̄ kachirua wauruudebena karibai. M̄ bi'ia nupeda bajãadaa adooi, ichidirã ichi juade ua buadaa. Ewaricha ichimaa ãrea bi'ia berreadai panuu. Bi'ia buu maka buai.

Pabloba nau kartade aanama buda

¹⁹ ãba Aquilamaa maude Priscamaa jarase m̄uba jarab̄i buu ãchi bi'ia panaadai. Ara mau kãra ãba Onesí-

foro dedebenarãmaa jarase. ²⁰ ãba Erasto Corinto puurude beesii. ãba Trófimo ãpermo b̄uasii deeba m̄uba ichi Mileto puurude buisii. ²¹ Kui chei ewari bai naede isa neese. ãbarã Ebuloba, Pudenteba, Linoba, Claudiaba maude joma ãbarãba jarab̄i panuu bichi bi'ia buai.

²² M̄uba k̄ria buu Dachí Mechiu Jesucristo bichi ome buai maude Dachí Akõreba ichi sõbiadeeba machi aida buai. Bi'ia buu maka buai. ^I

^I Bi'ia buu maka buai. Griego bedede chi bee kartade mau wã'ãe.

TITO

Pabloba nau karta Tito baita b̄s̄ii. Mau Titoba Pablodeeba Jesucristode ij̄asii (). Mamau t̄ope Pablo ome nibabachii. Pablo naa Jerusalendaa ābarā jaradea ua b̄uabadaurā ome berreade w̄asiide Tito adoesii (). maude jara b̄uu Titoba ābarā Corinto puuruḁebenarāmaa jaradea b̄uabachii. Pabloba b̄uḁa jara b̄uu Tito Dalmacia druḁaa w̄asii.

Romade j̄ua b̄uḁa w̄asiide Pabloba waya puurucha ābarā ichiade w̄asii. Tito ome beḁea bia Jesús ūr̄ubena Creta isla mechiudaa jarade w̄asiḁau (). Waabenarāba ij̄ās̄iḁauḁe Pabloba Tito mama b̄uḁisii jaradea b̄uamera. Mau maad̄akare Pabloba nau karta urub̄isii Tito ichi ome Nicópolis puuruḁaa w̄amera (). Tíquico maeb̄urā Artemas b̄uḁisii Tito baita ābarāmaa jaradea b̄uamera. K̄ürisiabadau año 63ḁe Pabloba nau karta Corinto puuruḁebena urub̄isii. Āba Zenasba maude Apolosba Titomaa adoesiḁau ().

Pabloba Dach̄i Ak̄oremaa ich̄ituru kiḁibai apeda b̄uḁisii ij̄āabadaurā nubadaurā saka panad̄ai panuu () maude Titoba setaa jaradeabadaurā baita kauwai b̄uu (). Mawāare b̄uḁisii ch̄ōrarā, ch̄ōdraarā, k̄ūdr̄aarā, chibari baita bari trajabadaurā siḁa saka panad̄ai panuu (). Mawāare b̄uḁisii Dach̄i Ak̄oreba āchi karibasiideeba jipa nibad̄ai panuu (). Kaade b̄uḁisii Tito neemera ().

Chi k̄ürisia mechiu naka b̄u kub̄uu: «Joma mau jaradea b̄uase. Karibase ābarāba mau beḁea ij̄ā wauḁamera. Bi'iwāe wau nuree kastikase, Dach̄i Ak̄oreba bichi b̄uḁisideeba maka waumera. Ābarāmaa bichi ida makabirāse».

Pabloba nau kartade naa b̄uḁa

1 M̄u Pablob̄u, Dach̄i Ak̄ore baita bari trajabarii maude Jesucristoba b̄uḁiḁa. M̄u b̄uḁisii Dach̄i Ak̄oreba j̄ur̄u adauḁarāba ichiḁe ij̄āad̄amera maude chi biawāra beḁea kuitaḁapeda Dach̄i Ak̄oreba k̄ür̄ia b̄uu k̄ira nuread̄amera. ² Chi maka ij̄ā panuuba Dach̄i Ak̄ore ome ewaricha chokae panad̄ai baita esed̄au panuu, nau drua wau naede Dach̄i Ak̄ore setaa jarakauba maka wui asiideeba. ³ Maabae ichiba b̄uḁa ewariḁe m̄uḁba jaradea b̄uudeeba ichi beḁea Cristo ūr̄ubena bi'ia kuitaabisii. Mau beḁea Dach̄i Ak̄ore chi Karibabariiba m̄uḁmaa jaradeabisii.

⁴ Tito, m̄uḁba nau karta bichi baita b̄uḁuruu. Dach̄iba arabauḁe Cristode ij̄ā panuudeeba bichi biawāra m̄u warr̄ k̄ira b̄uu. M̄uḁba k̄ür̄ia b̄uu Dach̄i Bajāad̄ebena Ak̄oreba ^I maude Dach̄i Mechiu Jesucristoba āchi s̄ōbiadeeba bichi aiḁa panad̄amera maude jirukaraayuwāe panabiḁamera.

Pabloba Titomaa ij̄āabadaurā nubadaurā b̄ukuábade ad̄a

⁵ M̄uḁba bichi Creta islade b̄uḁisii dach̄iba wauḁai b̄uu joma waumera. M̄uḁba jarada k̄ira ij̄āabadaurā nubadaurā puurucha b̄ukuase. ^{II}6 Ij̄āabadaurā nubarii ūr̄ubena neb̄ura barau nii ad̄ayuswāe b̄uu. W̄era

^I Dach̄i Bajāad̄ebena Ak̄ore. Kajuma beḁeade b̄u kub̄uu: Dios el Padre. ^{II} Ij̄āabadaurā nubadaurā. Griego beḁeade naka b̄u kub̄uu: ch̄ōrarā maeb̄urā ch̄ōrarā jaradea ua b̄uabadaurā. Kajuma beḁeade b̄u kub̄uu: ancianos.

ababuru uru b̄uai b̄uu. Chi warrarāba Cristode ij̄ā panad̄ai panuu maude jipa nibad̄ai panuu. Maka eb̄erārāba jaradaabai kachirua wau panuu maeb̄urā ūribabaswāe nuree. ⁷ Ij̄āabadaurā nubariiba Dach̄i Ak̄ore traju waubariideeba, neb̄ura barau nii ad̄ayuswāe b̄uu. Ichi nejuakaya nibaabai b̄uu, bari au k̄iru nibaabai b̄uu, itua biu nibaabai b̄uu, k̄irubi iḁa nibaabai b̄uu maude chi nejara k̄ür̄ia nibaabai b̄uu. ⁸ Maumaarā ichi dede needuu s̄ōbiadeeba urub̄ade ad̄ai b̄uu, ne joma bi'ia wau k̄ür̄ia nibai b̄uu, k̄ür̄isia s̄ōbiadeeba b̄uai b̄uu, jipa b̄uai b̄uu, Dach̄i Ak̄ore baita b̄uai b̄uu, maude ara ichi kakua jipa uru b̄uai b̄uu. ⁹ Chi biawāra beḁea ichimaa jaradeapedaada ārea ij̄ā b̄uai b̄uu. Maka ichiba biawāra beḁea jipa jaradea b̄uudeeba eb̄erārā poyaa aiḁai bi'ia ij̄āad̄amera maude chi biawāra beḁea kachirua abadaurāmaa poyaa kuitaabai maarāba bi'iwāe k̄ür̄isia panuu.

¹⁰ M̄uḁba maka jara b̄uu biawāra beḁea k̄ür̄iad̄akaurā, dachi aiḁad̄akau beḁea jaradeabadaurā maude waabenarā setaa k̄uruabadaurā baraudeeba. Maarāba dachi muk̄ira chi kakua t̄ōḁai panuu abadaurā.

¹¹ Āchiba chi jaradeabai b̄uu jaradea panuudeeba decha eb̄erārāmaa bi'iwāe k̄ür̄isiabiabadau. Aba chi nejara bareburu jaradeabadau. Maarāmaa ida jaradeabiarāse.

¹² Ara mau Creta isladebena nab̄eraedebena aba chi aude k̄ür̄isia kuitaa niiba naka jarasii: «Creta isladebena, ānimara kachirua k̄ira nuree, ko ārea nuree maude ko'oa nuree». ^{III}13-14 Mauba jarada biawārab̄u. Maudeeba mau eb̄erārā iadaa b̄uase biawāra beḁea

ijāadamera, judiorāba nabēraedebena nebūrubadau ida budadamera maude chi biawāra bedea ijāadakaurāba jaradea panuu ijāarāadamera.

¹⁵ Dachī Akōre daade chi bia nuree baita ne joma Dachī Akōre daade bia b̄uu. Maamina Dachī Akōrede ijāadakaurā baita ne aba biḁa bi'iwāe b̄uu. Āchiba kachirua kūrīsīabadau maude āchi sōde nebura barauwāe nuree abadau. ¹⁶ Āchiba jarabadau Dachī Akōre kuitaa panuu, maamina āchiba wau panuudeeba unubibadau ichi ida b̄u panuu. Āchi sō chaarea nuree maude ne bia wauḁai baita panadakau. Āchiba waubadau Dachī Akōreba kūrīakau.

Pabloa Titomaa jaradeabiḁa

2 Maamina bichiba chi biawāra bedea jipa jaradea b̄uai b̄uu. ² Chōrarāmaa jaradease āchi kakua jipa uru nureadamera, kīra jipa nureadamera, kūrīsīa biadeeba nibadamera, Cristode ārea ijāadamera, biawāra kūrīadeeba nureadamera, maude joma jīadudamera. ³ Maude chōdraarāmaa jaradease Dachī Akōre daade jipa nureadamera, waabenarā ūrubena setaa jararāadamera maude itua biu nibarāadamera. Maumaarā ne joma bi'ia jaradeadai panuu. ⁴⁻⁵ Āchiba awērarāmaa jaradeadai panuu āchi kima, āchi warrarāsiḁa kūrīadamera, kūrīsīa biadeeba jipa nibadamera, wēra bia nureadamera, āchi de bi'ia nudamera, sōbia nureadamera, maude āchi kimaba jaraaru wauḁamera. Maka abau biḁa Dachī Akōre bedea kachirua jaradaabai.

⁶ Kūudrārāmaa jaradease kūrīsīa biadeeba jipa nibadamera. ⁷ Joma bi'ia wau b̄uudeeba jomaurāmaa unubi b̄uase saka nibadai panuu. Kūrīsīa bi'ia jipa jaradea b̄uase. ⁸ Biawāra bedea jaradea b̄uase abau biḁa bichi ūrubena kachirua jararāadamera. Maka jaradea b̄uairā, bichi kīramaabadaurā kīrakayadai. Āchiba b̄a'āra biḁa dachi poyaa kachirua jaradaabai.

⁹ Chibari baita bari trajabadaurāmaa jaradease āchi chibariba jara b̄uu joma wauḁamera. Ne joma bi'ia wauḁai panuu āchi chibariba bi'ia unumera. Āchiba jaraaru arakude panuḁaabai panuu. ¹⁰ Āchi jaradea ua b̄uabariide chiruḁaabai panuu, maumaarā unubidai panuu āchiba ne joma jipa wau panuu. Maka ēbērarāba kuitadai Dachī Akōre Karibabarii bedea ārea bi'ia b̄uu.

¹¹ Dachī Akōreba jomaurāmaa unubiasii ichi sōbiadeeba ēbērarā karibabarii. ¹² Mauba dachimaa kuitaabia b̄uu ne joma kachirua maude nau iujāadebenarāba kūrīabadau ida b̄udai panuu. Maude kuitaabia b̄uu dachi nau iujāade panuude kūrīsīa sōbiadeeba dachi kakua kīra jipa nibadai panuu Dachī Akōreba kūrīa b̄uu kīra. ¹³ Dachī bi'ia panadai ewari esedau

III Nabēraedebena aba chi aude kūrīsīa kuitaa niiba. Kajuma bedede b̄u kubuu: profeta.

panuumisa maka panadai panuu. Mau ewaride Dachī Karibabarii Jesucristo neeruude, ichi kīrawārea unudai Ichi Dachī Akōre chi mechiudeeba. ¹⁴ Dachī baita Jesucristoba ara ichi ida beabisii ne joma kachirudebena karibai baita. Dachī ara ichi baita bi'ia b̄usii ichi puurude panadamera maude ne joma bi'ia wau kūrīa panadamera.

¹⁵ Joma mau jaradea b̄uase. Aidase ābarāba mau bedea wauḁamera. Bi'iwāe wau nuree iadaase, Dachī Akōreba bichi b̄usiideeba maka waumera. Ābarāmaa bichi ida makabiarāse.

Dachī Akōreba ichi sōbiadeeba dachi karibada

3 Ābarāmaa kīrababiāse nau iujāadebena jaradea ua b̄uabadaurā juade panadamera. Āchiba jaraadu ijjā wauḁai panuu maude ne joma bi'ia wauḁai baita nureadai panuu. ² Ābarāmaa jarase: abau ūrubena kachirua berreadawēa panadai panuu maude oa kachirua berreadawēa panadai panuu, maumaarā jomaurā ome sōbia nureadai panuu, maarā audeara kūrīsīadawēa.

³ Biawāra naede dachia biḁa kūrīsīa bi'iwāe panasidau, Dachī Akōrede ijāadaabai panasidau, bi'iwāe kūrīsīa panasidau. Dachiba kachirua wau kūrīa nuree maude kīraj̄u wau kūrīa nuree, chibari baita bari trajabarii kīra joma waubachidau. Barikia kachirude nibabachidau, waabenarāba uru panuu kakua sōde kachirua panabachidau, waabenarāba dachi kīramaabachidau, maude dachiba waabenarā kīramaabachidau. ⁴ Maamina Dachī Akōre chi Karibabarii-ba ichi bi'ia nii maude ichiba dachi kūrīa b̄uu jomaurāmaa kuitaabisii. ⁵ Mauba dachi karibasii. Dachiba bi'ia waupedaada kakua karibaabisii, maumaarā ichi kīra chuburasiideeba karibasii. Dachī kachirua jerasii paru ea jeraada kīra nureadamera maude Dachī Akōre Jauriba dachimaa chokae b̄uai chiwiḁi deasii. ⁶ Dachī Karibabarii Jesucristodeeba, Dachī Akōreba ichi Jauri dachimaa ārea deasii bania ārea easii kīra dachi kakua ūr̄. ⁷ Maka Dachī Akōreba ichi sōbiadeeba dachi jipa unu b̄uudeeba ewaricha ichi ome chokae panadai. Mau esedau panuu.

⁸ Mau bedea biawāradeeba, mau ijāadai panuu. M̄uba kūrīa b̄uu bichiba mau ārea jaradea b̄uai Dachī Akōrede ijāabadaurāba ne joma bi'ia wau wādamera. Mau bedea ārea bi'ia b̄uu. Jomaurā karibabarii. ⁹ Maamina barikia bedea biawāe b̄uu kakau oa kachirua berrearāse. Maude Moisesba b̄uda ūrubena oa kachirua berrearāse. Maude dachi nabēraedebena tr̄ jaradeabadau ida b̄use. Joma mau bi'iwāe b̄uu maude aba biḁa karibakau.

¹⁰ Abauba ābarā ijaraa berreabiiruuburā, mau iadaase waa maka waurāamera. Mauba ijāawēeburā, mau waya iadaase. Maude wabiḁa ijāawēa b̄uuburā, mau

ome buarása. ¹¹ Bichiba área kuitaa buu mau ebëraba biawãra beëa ida bupeëa kachirua wau buu. Kachirua wau buudeeba unubi buu ara ichi Dachí Akõre daade nebura barau a buu.

Pabloba nau kartade aanama bua

¹² Muba ába Artemas maeburã ába Tíquico bichimaa buiruu. Jáma neeruude isa Nicópolis puuruëa m̄ ichiade neese. M̄ nau kui che ewaride mama buai k̄risia buu. ¹³ Ebëra chi aida berreabarii Zenas maude

Apolos bichidebena wãaduude ne jomade aidase bi'ia wãamera. ¹⁴ Dachí chi Cristoëe ijãabadaurãba bi'ia wau kuitaa wãëai panuu chi nejarr barauwãe nuree aidadai baita. Maka ara dachí bari nureëdaabai.

¹⁵ Joma m̄ ome panuuba jarabui panuu bichí bi'ia buai. Chi Cristoëe ijãabadaurãmaa jarábade ase daiba jarabui panuu maarã bi'ia duanadai. Daiba maarã área k̄ria panuu. Muba k̄ria buu Dachí Akõreba ichi sõbiadeeba joma machi kariba buai.

FILEMÓN

Pabloa nau karta Filemón bauta b̄s̄sii. Año 60de Romaede j̄ŷa uru panasidaude b̄s̄sii. Dachiba k̄risia panuu chi karta ābarā Colosaēebena bauta urub̄s̄isiide nau karta siēa urub̄s̄isii ().

Mau Filemón Colosaēde buabachii maude barau nibasii. Pablodeēeba Jesucristode ij̄ās̄sii (). Chi ābarā Jesu-cristode ichi dede araa ābua imibachid̄au (). Ichiba ichi bauta bari trajabarii Onésimo abadau uru b̄s̄sii. Maamina mau Onésimo nechiruasiideēeba miru w̄s̄sii (). Pablo j̄ŷa uru panuumaa w̄peda aida b̄es̄sii.

Onesimoba Cristode ij̄ās̄siide Pabloa nau karta b̄s̄sii. Cristodeēeba ābarādeēeba Pabloa Filemonmaa chi chuburia id̄isii Onésimo waya bi'ia adaumera (). Pabloa b̄s̄sii Onesimoba nechiruade maumaa waya deamera. Nau karta b̄s̄siide Pabloa ichi ewa b̄uidai k̄risia b̄s̄sii. Maka ewa b̄uiduude Filemonmaa w̄i k̄risia b̄s̄sii ().

Pabloa nau kartade naa buda

1 M̄ Pablob̄. Jesucristo kakua j̄ŷa b̄uu. Dachī āba Timoteo nama b̄uu. Āba Filemón, daiba bichi k̄ria panuu. Bichiba dai k̄ra Dachī Akōre traju wau buudeēeba m̄uba nau karta bichi bauta b̄uruu.

2 Maude b̄uruu joma ābarā bichi dede araa ābua imibadaurā bauta, dachi neekau Apia bauta maude dachi āba Arquipo bauta. Arquipo dai ome arabaude Dachī Akōre traju wau buabarii kokoroa k̄ra. **3** M̄uba k̄ria b̄uu Dachī Bajāaēebena Akōreba ^I maude Dachī Mechiu Jesucristoba āchi s̄obiadeēeba machi aida panadamera maude jirukaraayuwāe panabidamera.

Āba Onésimo bauta Pabloa chi chuburia id̄ida

4 M̄uba Dachī Akōremaa ūtaa id̄iiruucha bichi bauta ichituru kid̄ibai abarii. **5** M̄uba ūrisii bichiba Dachī Mechiu Jesusde ij̄āa b̄uu maude joma ēbērarā Dachī Akōrederā k̄ria b̄uu. **6** M̄uba Dachī Akōremaa ūtaa id̄i b̄uu Cristode ij̄āabadaurā ome bichi ārea bi'ia buamera. ^{II} Maka joma ne bia dachiba Jesucristodeēeba uru panuu bichiba ārea kuitaa. **7** Āba, bichiba ēbērarā Dachī Akōrederā k̄ria buudeēeba k̄raj̄ub̄isii. Mak-aburu m̄ siēa ^{III} k̄raj̄ub̄ nibabisii maude ārea dauchia j̄āadua s̄obia nibabisii.

8 Mau bauta bichimaa id̄iuruu m̄uba jaraaruu waumera. Cristodeēeba m̄uba bichimaa poyaa waubii buamina m̄uba waubiibai. **9** Maumaarā m̄uba chi chuburia id̄iuruu bichi k̄riadeēeba maka waumera. M̄ Pablo, chōra maude j̄ābae Jesucristo kakua j̄ŷa b̄uuba, **10** chi chuburia id̄i b̄uu chi bichi bauta bari trajabarii Onésimo bauta. Mau m̄ warr k̄ra nii. M̄ nama j̄ŷa b̄u-

^I Dachī Bajāaēebena Akōreba. Kajuma bedede b̄ kub̄uu: Dios el Padre. ^{II} Cristode ij̄āabadaurā ome bichi ārea bi'ia buamera. Waabenarāmaarā, mau jara b̄uu «Cristode ij̄āa buudeēeba bichi ichi ēbērarā ome ārea bi'ia buamera». ^{III} M̄ siēa. Chi b̄ee kartade b̄ kub̄uu: dai siēa.

ude mauba m̄udeēeba Cristode ij̄ās̄siideēeba m̄ warr k̄ra b̄es̄sii. **11** Naa mau bichi bauta bi'ia trajaka baēa, maamina id̄ibae chi mau bari trajabarii bia b̄es̄sii. Maka ichiba bichi bauta bi'ia trajai maude m̄ bi'ia aida.

12 Mau bichimaa waya b̄uruu. M̄uba mau ārea k̄ria b̄uu. Michuburia mau bi'ia irsibise m̄ irsibiuruu k̄ra. ^{IV}**13** Chi Cristo bedea bia kakua m̄ j̄ŷa buude mau m̄ ome uru buai k̄ria b̄s̄sii, joma bichiba m̄ bauta jamaría poyaa waubai b̄uu waumera. **14** Maamina bichiba w̄ubade awēede maka wau k̄riab̄isii. M̄uba chi chuburia id̄i b̄uu bichimaa makai k̄riawēede waubiibai, maumaarā k̄ria b̄uu bichiaburu maka wau k̄ria buai.

15 Chi bichi bauta bari trajabarii Onésimo bichi ome buada awawarrea miru w̄s̄sii. ¿Maudeēeba maka w̄s̄eeka, mau waya neeruude bichiba ewaricha uru buamera? **16** Maamina mau bichi bauta bari trajabarii k̄ra uru buabai b̄uu, maumaarā mau kāyabāra aude bi'ia uru buai b̄uu. Cristodeēeba bichi āba baerā k̄riadeēeba uru buai b̄uu. M̄uba mau ārea k̄ria b̄uu, maamina mau kāyabāra bichiba mau bi'ia k̄riai b̄uu, bichi bauta bari trajabariideēeba maude Dachī Mechiudeēeba bichi ābadeēeba.

17 Bichimaarā, Dachī Akōre bauta dachiba arabaude wau panuub̄rā, Onésimo bi'ia irsibise m̄ bichi deēdaa ur̄ubade aaru k̄ra. **18** Mauba barikia bichi kachirua wausiib̄rā maeb̄rā chi nejarra deai buub̄rā, jarase m̄uba bichimaa sābe deai. **19** Ara m̄ juaba naka b̄uruu: m̄uba mau deai b̄uu deai. ¿K̄rabase m̄ubebena Cristode ij̄ās̄siideēeba bichiba m̄umaa deai uru b̄uu! **20** Āba, Dachī Mechiu kakua m̄uba chi chuburia id̄i b̄uu wause. Dachī Cristode ābarādeēeba m̄ s̄o k̄raj̄ub̄ise.

21 M̄uba maka b̄uruu kuitaa buudeēeba bichiba m̄ bedea ij̄āi. Kuitaa b̄uu m̄uba jara b̄uu bichiba aude bi'ia wau. **22** Mau awara m̄uba k̄risia b̄uu machiba

^{IV} Griego bedede mau chaarea b̄uu bi'ia ūridamera.

Dachi Akõremaa ɛtaa idi panuudeeba mɛ wã. Maka mɛ machimaa poyaa wã. Maudeeba mɛ kã bee baita biɛa uru buase.

Pabloba nau kartade aanama buɛa

²³ ãba Epafraa Jesucristo kakua mɛ ome jãa uru panuu. Maaba jarabɛ bu bichi bi'ia buai. ²⁴ Marcos-

ba, Aristarcoba, Demasba maude Lucasba jarabɛ panuu bichi bi'ia buai. Maarãba mɛ ome Dachi Akõre traju wau panuu.

²⁵ Maaba kãria bu Dachi Mechiu Jesucristoba ichi sãbiadeeba machi aida buai. ^I

^I Machi. Griego beɛeɛe naka bu kubuu: machi jauri.

HEBREOS

Nau karta hebreorã baita buda basii. Kuitaawẽa panuu kaiba nau busii. Waabenarãmaarã Bernabeba, Apolosba, Silasba, Lucasba, Romadebena Clementeba maeburã äibenaba busii. Æreaba Pabloba buda kürisia panasiðau. Ababuru kuitaa panuu chi Hebreos karta buda judio basii. (Judiorã hebreo bedeaðe berreabadaudeeba «Hebreorã» abadau). Chi nau karta budaba maude chi karta irsibipeðaaðarãba Timoteo unubachiðau (). Mau awara ãbarã Italia druadebenarã ome chi kõpaero basii (). Año 70de naede busii.

Nau karta ãbarã judiorã ãrea bi'iwãe nuree baita busii Jesucristo ida burãaðamera. Jesucristode ijãa panuu kakua ãchiba uru bæe waabenarãba juakaa adausiðau (). Joma nau kartade chi budaba ãchiba ida budawẽa Cristode ijãa panadai küria buu, Cristo chi mechiu niideeba:

Cristo angelerã audeara mechiu nii (). Cristo Moisés audeara mechiu nii (). Cristo chi paare judiorã audeara mechiu nii (). Cristo dachi kachirua waupedaada kakua biuðadeeba, paare judiorãba waubadau audeara bi'ia buu ().

Kaadebena chi karta budaba jara buu Dachi Akõrede ijãadai panuu dachi bi'ia unumera (). Chi bedea bibuara buu dachiba üridai panuu bu kubuu: «Mau ëbërarã ãreaba Dachi Akõrede maka biawãra ijãasiðauðeeba, dachia biða ara mau kãra ijãa panadai panuu. Chi dachimaa ida ijãabikau maude ara dachiba kachirua waubadauba dachi bura uru buabarii äyaa budapeða, maabae joma dauchia jãadua panuudeeba wãduru chi needai panuumaa baðai baita».

Dachi Akõre Warr mechiu nii

1 Nabëraede Dachi Akõreba dachi nabërarãmaa bes ãrea bedea ne jomaðe berreabachii. Ichi baita berreabadaurãðeeba maka berreabachii. **2** Maamina nau kaadebena ewaride ichi Warrdeeba dachimaa berreasii. Ichi Warrdeeba Dachi Akõreba joma wausii maude mau busii joma uru buamera. **3** Ichi Warrba Dachi Akõre kãrawãrea teðechoa unubiabarii. Ara ichiðeeba Dachi Akõre saka nii kuitaabiabarii. Ichi bedea poyaabarii buuba joma wauða ichi juade arakude uru buu.

Ichiba dachi kachirua jeraapeda Dachi Akõre Mechiu jua biare bajãade akü beesii. **4** Dachi Akõreba angelerã audeara ichi mechiu busii. Maka Dachi Akõreba ichi trãaða ãchi trãaða audeara bi'ia buu. **5** Dachi Akõreba ángel abaumaa biða naka jaraabasii:

«Bichi mü Warrbü. Iði bichi mü Warr aaruu». **I**

Maude jãarã ürubena nau jaraabasii:

«Mü ichi akõre bai, maude ichi mü warr bai». **II**

6 Maude Dachi Akõreba ichi Warr ara aba nii nau iujãadaa buisiide naka jarasii:

«Joma Dachi Akõre angelerãba Maumaa bi'ia berreadau panuu».

7 Angelerã ürubena Dachi Akõre bedeaðe naka bu kubuu:

I Iði bichi mü Warr aaruu. Griego bedeaðe naka bu kubuu: Iði müba bichi unusii maeburã Iði mü bichi akõre basii. Salmos 2:7. **II** 1:5 2 Samuel 7:14.

«Ichiba angelerã wausii püatu kãra nureaðamera. **III** Maarã wausii túbü aoko kãra nureaðamera». **IV**

8 Maamina ichi Warr ürubenáturu Dachi Akõreba naka jarasii:

«Dachi Akõre, bichi ewaricha jomaurã rey buai. Bichi puuru jipa ua buai.

9 Bichiba chi jipa waubadau küriasii. Kachirua kãra-maasii.

Maudeeba Dachi Akõre, bichi Akõreba joma bichi baara panuurã audeara bichi chi mechiu busii. Maka bichi ãrea kãrajubisii». **V**

10 Maude naka jarasii:

«Dachi Mechiu, arabaeðeeðe bichiba nau iujãa maude bajãa wausii.

11 Joma mau wã'ãe bai maamina arabauðe bichi buai. Mau joma chi sore bai, paru chi sore babarii kãra.

12 Paru sore ãetapeda chiwiði jüuruu kãra bichiba joma mau äyaa bupeða chiwiði wau.

Maamina bichi ara bichíturu nibai. Bichi biukau». **VI**

13 Dachi Akõreba ángel abaumaa biða jaraabasii:

«Mü jua biare akü beese aba bichi kãramaarã müba joma bichi juade buuruuðaa». **VII**

III Griego bedeaðe püatu maude jauri arabau bedebü. Maudeeba waabenarã traduccionde mau versiculode naka bu kubuu: Ichi angelerã wausii jauri nureaðamera. **IV** 1:7 Salmos 104:4. **V** 1:9 Salmos 45:6-7. **VI** 1:12 Salmos 102:25-27. **VII** Bichi juade buuruuðaa. Griego bedeaðe naka bu kubuu: bichi jürü ekare buuruuðaa. Salmos 110:1.

14 Makarã, ¿Angelerã kairãma? Maarã joma Dachí Akõre baita nuredeeba, ãchi bũikabarii chi ichiba karibai bũurã aidadamera.

Kauwa panásturu Cristo ida bũdaabai baita

2 Mauðeeba chi biawãra bedea ũripedaadade kauwa ãrea nibaðai panuu ãyaa wãrãadamera. 2 Dachí Akõreba naede waubi bũada bedea angelerãdeeba deasii. Mau bedea ebẽrarãba joma ũribaba wauðai panasii. Joma chi mau bedea wauðaka baða, mauðe kũriadaa baða siða Dachí Akõreba kastikakuabachii ara chi kachirua waupedaada kãra. 3 Ara mau kãra Dachí Akõreba karibai ũrũbena bedea dachiba ida bũuduuburã, ¿Dachí Akõreba kastikaidebena dachirã saka karibaðaima? Mau bedea ãrea bi'ia bũu Dachí Mechiu Jesusba naede jaradeasii. Chi ũripedaadaba dachimaa mau bedea biawãra abachiðau. 4 Mau awara Dachí Akõreba ebẽrarãba ne poyaa wauðakau mechiu a'awaraa waubiasii. Ichiba kũria bũada kãra ichi Jauriba waubi bũu ichiðirãcha deaðakasii. Joma mauðeeba kuitaabisii mau bedea biawãrabũ.

Jesucristo dachi kãra nibaða

5 Chi drua wiði neei bũu daiba jara panuu, I Dachí Akõreba angelerã juaðe mau bũubasii. 6 Maumaarã Dachí Akõre bedea naka bũ kubũu:

«Chacha, mukãra ¿kãarema, bichiba mau ũrũbena kũrisiai baita?

Èbẽra II ¿kãarema, bichiba mau nui baita?

7 Bichiba chi mau angelerã audeara kaebeu bũsii. Nau iujãade mau bi'ia bũsii mauðe chi mechiu bũsii». III

8 Bichiba joma ichi juaðe bũsii. Dachí Akõreba maka joma ichi juaðe bũsiideeba, ichi juaðe bũubada wã'ãe. Daiba wabiða unuðaabai joma ichi juaðe bũu. 9 Maamina Jesús unu panuu. Dachí Akõreba ichi angelerã audeara nau iujãade kaebeu bũsii. Dachí Akõreba ichi sõbiadeeba maka wausii Jesús jomaurã kakua biamera. ãrea bi'iwãe bũapeda biusiideeba Dachí Akõreba ichi bi'ia bũsii mauðe chi mechiu bũsii.

10 Dachí Akõreba joma wausii. Ichideeba joma du-anuu. Dachí Akõremaarã bi'ia bũsii Jesús ãrea bi'iwãe bũsii, Dachí Jipa Karibabarii nibamera. Ichideeba Dachí Akõreba ichi warrarã ãrea jũrũ adausii ichi bi'ia irsiðidamera. 11 Jesusba ebẽrarã bi'ia bũbarii Dachí Akõre baita. Ichiba, mau ebẽrarã biða arabau Akõre uru panuu. Mauðeeba Jesús kãra nejasiakau ãchi ichi

I Chi drua wiði neei bũu daiba jara panuu. Hebreos 1:10-12. II Èbẽra. Griego bedea naka bũ kubũu: ebẽra warr. III Griego bedea chi bee kartade nau siða bũ kubũu: Mau bũsii joma bichiba wauða ichi juaðe ua buamera.

ãbarã ai baita. 12 Dachí Akõre bedea naka bũ kubũu:

«Mũuba bichi ũrũbena mũ ãbarãmaa berrei. Joma araa ãbua imiuduude mũuba bichi ũrũbena bi'ia berrei». IV

13 Mauðe naka bũ kubũu:

«Mũuba ichide ijãa bũai». V

Mauðe nau siða bũ kubũu:

«Mũ nama bũu, mauðe warrarã Dachí Akõreba mũma deaða mũ ome ãbua duanuu». VI

14 Maarã kiuru mauðe oa nuredeeba Jesús siða arabauðe maarã ebẽra kãra neesii ichi biuruuba jũbawãe nii poyaa baita. Jũbawãe niiba poyaa biubi-abarii. 15 Jesusba jũbawãe nii poyasiideeba, biuðai baita wapea nureada ichiba joma karibakuasii.

Ewaricha biuðai wapea panuudeeba ãchi kãra nomaa panasidau bari trajabadaurã kãra. 16 Biawãra Jesusba angelerã karibaðe neebasii, maumaarã chi Abraham kãra Dachí Akõrede ijãabadaurã karibaðe neesii.

VII¹⁷ Ichi neesiide ne jomade dachi kãra nibasii, ebẽrarã kãra chuburiabarii Paare Mechiu bai baita. VIII Biawãra Dachí Akõre daade joma jipa waubarii beesii. Mauðeeba ara ichi ida beabisii ebẽrarãba kachirua waubadau Dachí Akõreba kãraba bũarãamera.

18 Jũbawãe niiba waa jara bũasiide Jesús ãrea bi'iwãe bũasii. Mauðeeba Jesusba chi jũbawãe niiba waa jara-bia bũabarii aidai kuitaa bũu.

Moisés audeara Jesús mechiu nii

3 ãbarã, machi ebẽrarã Dachí Akõrederãdeeba mauðe ichiba machi iukuasiideeba, Jesucristo ũrũbena ãrea bi'ia kauwa kũrisiásturu. Dachiba bi-awãra ijãa panuu abadau, Ichi Dachí Akõreba bũiða mauðe Paare Mechiu. 2 Dachí Akõreba waubiða Jesusba joma arakude wausii Moisesba Dachí Akõre dedebenarã ome wauða kãra. IX³ Èbẽrarãba chi de bi'ia waubarii ũrũbena ãrea berreabadau chi de audeara. Ara mau kãra dachiba Moisés audeara Jesús ũrũbena bi'ia berreadau panuu. 4 Chi de waubarii barau. Maamina chi joma wauða Dachí Akõrebũ. 5 Moisés Dachí Akõre baita bari trajabariideeba ebẽrarã Dachí Akõre dedebenarã ome joma arakude wausii. Ichiba kuitaabisii Dachí Akõreba kaadebena ewaride kãare jarai bũu. 6 Maamina Dachí Akõre warr Cristo baerã, mau ebẽrarã mechiubũ. ãchi ome joma arakude wau bũu. Dachiba Cristode ijãa panuuburã mauðe ichideeba adauðai kãrajũ esedau panuuburã, ebẽrarã Dachí Akõrederãbũ. X

IV 2:12 Salmos 22:22. V 2:13 Isaías 8:17. VI 2:13 Isaías 8:18. VII Griego bedea naka bũ kubũu: Abrahamdekena imiuduurã karibaðe neesii. VIII Dachí kãra. Griego bedea naka bũ kubũu: ichi ãbarã kãra. IX Dachí Akõre dedebenarã ome. Griego bedea naka bũ kubũu: Dachí Akõre dede. Números 12:7. X Griego

Cristo ida b̄ur̄asturu

7-8 Maudeeba Dachī Akōre Jauriba naka jara b̄uu: «Iđi Dachī Akōre bedea ūriiduude machi sō chaarear̄asturu machi nab̄erar̄ā sō chaareapedaada k̄ira.

Maar̄ā drua sirua w̄ā'āe b̄uude duanasidaude Dachī Akōreba jarada ida b̄usidau ichiba kāare wauī kuitaadayua.

⁹ Aria ichiba wauēda 40 añoseāa unu panasmina āchi-ba ijāadaabasii kāare wau b̄uu kuitaadaī baita.

¹⁰ Maudeeba āchi ome k̄irupeđa Dachī Akōreba naka jarasii:

“Jāar̄āba sōdeeba biawāra m̄ baara nibad̄akau. M̄ o unudai k̄uriad̄akau”.

¹¹ Maude ichi k̄irupeđa biawāra naka jarasii: “M̄uba k̄urr̄j̄rubiaimaa jāar̄ā w̄ādaabai”». ^I

¹² Ābar̄ā, kauwa pan̄asturu. Sō chaareaba machidebena aba biđa Dachī Akōrede ijāawēa b̄uar̄āse. Chi maka niiba Dachī Akōre chokae nii ida b̄ubar̄ii. ¹³ Wabiđa āyadaa b̄uudeede ewar̄icha chiya aida pan̄asturu bi'ia ijāadaī baita. Maka aba biđa kachiruaba setaa k̄irupeđa sō chaarea nureabai. ¹⁴ Dachiba abaeedeede ijāapedaadaadeebena aba biuduudaa Cristode ijāa panuub̄er̄ā, ichi ome dauchia jāadua panadaī.

¹⁵ Naede jara b̄uada k̄ira waya jaraaru:

«Iđi Dachī Akōre bedea ūriiduude machi sō chaarear̄asturu machi nab̄erar̄ā sō chaareapedaada k̄ira»». ^{II}

¹⁶ Dachī Akōre bedea ūripedaad̄akare ¿kair̄ā āchi sō chaareasidama? ¿Joma Moisesba Egiptodebena awara adakuada maka sō chaareasidauw̄āeka? ¹⁷ ¿Dachī Akōre kair̄ā ome 40 años k̄iru b̄uasma? ¿Kachirua waupedaadar̄ā ome k̄iru b̄uasw̄āeka? ¿Maudeeba maar̄ā drua sirua w̄ā'āe b̄uude kinisidauw̄āeka?

¹⁸ ¿Dachī Akōreba kair̄āmaa biawāradeeba jarasma ichiba k̄urr̄j̄rubiaimaa w̄ādaabai? ¿Chi ichi bedea ijāadawēa nureer̄āmaa maka jarasw̄āeka? ¹⁹ Maudeeba dachiba kuitaa panuu jāar̄āba ijāapedaadaawēdeeba, Dachī Akōreba k̄urr̄j̄rubiaimaa poyaa w̄ādaabai.

4 Dachī Akōreba biawāra jara b̄uu dachi wabiđa ichiba k̄urr̄j̄rubiaimaa poyaa w̄ādaī panuu.

Maamina kauwa pan̄asturu. Makaw̄āeb̄er̄ā machidebena aba biđa aria w̄āabai. ²⁻³ Chi bedea bia Dachī Akōreba k̄urr̄j̄rubiai ūr̄ubena dachiba ūrisidau nab̄eraadebenar̄āba ūripedaada k̄ira. Dachiba sōdeeba ijāa panuudeeba Dachī Akōreba k̄urr̄j̄rubiaimaa w̄ādaī. Maamina nab̄eraadebenar̄āba ūripedaada ijāadaabasiiideeba mau bedeaba karibaabasii. Āchi ūr̄ubena Dachī Akōreba naka jarasii:

bedeade chi bee kartade nau siđa b̄u kub̄uu: aba nau ewari w̄ā'āeruudaa. I 3:11 Salmos 95:7-11; Números 14:21-35. II 3:15 Salmos 95:7-8.

«K̄iru b̄uude m̄uba biawāradeeba naka jarasii: “M̄uba k̄urr̄j̄rubiaimaa jāar̄ā w̄ādaabai”». ^{III}

Maka jarasii nau iujāa wauđadeebena ichiba wauī b̄uada joma uru b̄umina. ^{IV} Dachī Akōre bedeade bari panabadau ewari ūr̄ubena naka b̄u kub̄uu: ^V

«Dachī Akōreba joma mau wau b̄uasiideeba ⁷ ewar̄ide k̄urr̄j̄rusii». ^{VI}

⁵ Maamina Dachī Akōreba ichi bedeade naka jara b̄uu: «M̄uba k̄urr̄j̄rubiaimaa jāar̄ā w̄ādaabai». ^{VII}

⁶ Chi bedea bia Dachī Akōreba k̄urr̄j̄rubiai ūr̄ubena naede ūripedaad̄aba ijāadaabasii. Maudeeba ichiba k̄urr̄j̄rubiaimaa needaabasii. Maamina chi nuree wabiđa Dachī Akōreba k̄urr̄j̄rubiaimaa poyaa needai. ⁷ Maudeeba Dachī Akōreba ewari maucha b̄usii ichiba k̄urr̄j̄rubiaimaa needamera. Mau ewari Dachī Akōreba tr̄ū jarasii «iđi». Mau ewari b̄usiiđe ārea bad̄akare ichiba Daviddeeba mau ūr̄ubena berreasii. Mau bedea naede b̄uđa naub̄:

«Iđi Dachī Akōre bedea ūriiduude machi sō chaarear̄asturu». ^{VIII}

⁸ Josueba israeldebenar̄ā Dachī Akōreba biawāra k̄urr̄j̄rubiaimaa adoeda basir̄ā Dachī Akōreba june k̄urr̄j̄rubiai ūr̄ubena berreabai basii. ⁹ Maudeeba bari panabadau ewari ēb̄er̄ar̄ā Dachī Akōreder̄ā baita wabiđa b̄uu. ¹⁰ Ēb̄era Dachī Akōreba k̄urr̄j̄rubiaimaa w̄āaruub̄er̄ā, ichiba wau b̄uadadebena k̄urr̄j̄rui Dachī Akōreba joma waupeda k̄urr̄j̄ruđa k̄ira. ¹¹ Maudeeba dachiba aude j̄ur̄udai panuu Dachī Akōreba k̄urr̄j̄rubiaimaa w̄ādaī baita. Makar̄ā aba biđa baebai chi nab̄erar̄ā ijāapedaada baepedaada k̄ira.

¹² Biawāra Dachī Akōre bedea chokae nii maude poyaabarii nii. Ichi bedea espada muriacha peđe k̄ira b̄uu. Ichi bedeaba dachi k̄urisidau maude dachi sōba wau k̄uria b̄uu joma arakude kuitaabiabarii dachi k̄urisidau, dachi jauri maude dachi sō iđu t̄ooruu k̄ira.

¹³ Dachī Akōreba chi ichiba wauēda joma unubar̄ii. Aba biđa w̄ā'āe ichiba unukau. Ichiba ne joma dođaa unubar̄ii, dachiba mera uru panuu siđa arakude unubar̄ii. Ichiba ichiaruude joma dachiba waupedaada ichimaa jaradaī.

Jesús dachi Paare Mechiu

¹⁴ Dachī Akōre Warr Jesús, dachi Paare Mechiu bajāadaa w̄āsii. Ichide ijāa panuu a panuudeeba biawāra ijāa panadaī panuu. ¹⁵ Jesús dachi Paare Mechiuba kuitaa b̄uu dachi meser̄āsaw̄ē nuree. J̄ubaw̄ē niiba mau kachiruade baebii cha b̄uasii dachi kachiruade baebii cha b̄uabarii k̄ira. Makasmina Jesusba kachirua waubasii. ¹⁶ Maudeeba Dachī Akōremaa wapeadawēa iđidai panuu ichi rey ākau kub̄uumaa ara kaita w̄āduu

III 4:2-3 Salmos 95:11. IV Ichiba wauī b̄uada. Mauba kuitaabi b̄uu Dachī Akōreba dachi k̄urr̄j̄rubiai siđa wausii. V Bari panabadau ewari. Griego bedeade naka b̄u kub̄uu: séptimo día. VI 4:4 Génesis 2:2. VII 4:5 Salmos 95:11. VIII 4:7 Salmos 95:7-8.

kīra. Maka ichiba dachi kīra chuburiai maude ichiba karibamera utaa idiiduude ichi sōbiadeeba karibai.

5 Dachi Akōreba paare mechiu buuruuucha ēbēra aba jura adaupeda mau bubarii. Maudeeba ēbērarāba kachirua waupedaada kaku mauba Dachi Akōremaa ne kaebea debarii maude ānimara baa de-abarii. ¹² Ēbērarāba adua panuudeeba kachirua waupedaada paare mechiuba poyaa kuitaa buu kīra chuburiai baita, ichia bida arabaude waubariideeba. ³ Ēbērarāba kachirua waupedaada kaku ānimara baa deaduude ara ichiba waua kaku bida ānimara baa deai buu. ⁴ Abau bida ara ichi du aba paare mechiu beekau, maumaarā Dachi Akōréburu aba bubarii Aarón bua kīra. ⁵ Ara mau kīra Cristo ara ichi du aba Paare Mechiu beebasii, maumaarā Dachi Akōréburu ichi maka busii. Dachi Akōreba ichimaa naka jarasii: «Bichi m̄ warrb̄. Idi bichi m̄ Warr aaruu». ^{II}

6 Maude naka jarasii:

«Bichi ewaricha paare buai Melquisedec buada kīra». ^{III}

⁷ Cristo nau kakuade buasiide jēa buuba Dachi Akōremaa jīwa chi chuburia idisii, Dachi Akōreba ichi biuidebena poyaa karibai buasiideeba. Maude Dachi Akōreba kīria buu kīra wau asiideeba, Dachi Akōreba ichiba utaa idida bi'ia ūrisii. ^{IV8} Cristo Dachi Akōre Warrmina ichi ārea bi'iwāe buudeeba saka ūribaba buai kuitasii. ⁹ Ne jomade bi'ia wausiideeba, joma chi ūribaba ūriiduu poyaa karibai buu ewaricha chokae nureadamera. ¹⁰ Maude Dachi Akōreba ichi Paare Mechiu busii Melquisedec buada kīra.

Chi biawāra bedea ida burāsturu

¹¹ Mau ūrubena daiba ārea jaradea kīria panuu. Maamina chaarea buu arakude jaradeada, machiba kauwa ūridakaudeeba. ¹² Machiba Jesusde ijāpedaada ārea baaruu. Maudeeba idi machi Dachi Akōre bedea jaradeabadau nureada panasida. Maamina Dachi Akōre bedea bi'ia adua panuudeeba poyaa bi'ia jaradeadakau. Abauba machimaa chi Dachi Akōre bedea ūrubena naa jaradeada waya jaradeai buu, ju dobiiruu kīra. Machi warrarā kīra nuredeeba, kiuru kodai badamaarā ju baa do dai panuu. ¹³ Chi ju baa do nuree wabiada chuburi nuredeeba saka jipa wau adua nuree. ¹⁴ Maamina chiko chaarea buu chōrarā baita buu. Āchiba Dachi Akōre bedea kauwa kīrisia panuudeeba kuitaa panuu kāare chi bia maude kāare kachirua buu.

6 ¹⁻² Maudeeba Cristode kuitaa wari kāri badai panuu. Dachiba ichi ūrubena naede kuitaapedaada akabichia aramāturū jaradearāduru.

I 5:1 Levítico 1:1-6,7. II Salmos 2:7. Idi bichi m̄ Warr aaruu. Griego bedea naka bu kubuu: Idi m̄ba bichi wausii maeburā Idi m̄ bichi akōre basii. III 5:6 Salmos 110:4; Génesis 14:18. IV 5:7 Marcos 14:32-36.

Waya jaradeada abai chi kachirua wau panuu kaku bi-udai panuu, kachirua ida buapeda Dachi Akōremaa needai panuu, Dachi Akōrede ijāada ūrubena, boro eada ūrubena, ābarā ūru jua kubuudai ūrubena, bi-udarā chokae jiradudai ūrubena maude Dachi Akōreba kastikapeda ewaricha ārea bi'iwāe panada ūrubena sida. ³ Dachi Akōreba kīria buuburā, joma mau ūrubena waya jaradeada badamaarā dachi Cristode wari kāri badai.

⁴ Waabenarā chi nureeba chi bedea biawāra kuitaapedaada kaku, ^V Dachi Akōreba dea buu kuitaapedaada kaku, ichi Jaurideeba ne adaupedaada kaku, ⁵ ichi bedea bi'ia buu ūripedaada kaku maude chi kaadebena iujāa neei poyaabariiba ēbērarāba ne poyaa wauakau un-upedaada kaku ⁶ abau Dachi Akōre warr Cristo ida buuruuburā, waya ichimaa poyaa neebai. Makaa basirā, maarāba jomaurāmaa Cristo ūrubena kachirua berreabiada basii waya cruzde nubuuuu kīra.

⁷ Kui cheeruucha ioroba sōbarii. Maude ioro biade uuda, chi uuda baita bi'ia chaubarii. Dachi Akōreba mau iujāa bi'ia jarabarii. ^{VII8} Maamina kui chedakare ūri tonooruuburā maude sirua kachirua tonooru-uburā, mau ioro bi'iwāe buu. Dachi Akōreba mau iujāa ūrubena kachirua jarapeda joma baabuu. ^{VII}

⁹ Ābarā, dachi maka berrea duanumina kuitaa panuu Dachi Akōreba machi karibasii o biade wāadu-udeeba. ¹⁰ Dachi Akōre jipa niideeba machiba bi'ia wau panuu maude ichi kīria panuu kude uru buu ida buubai. Ēbērarā ichidira aida panuudeeba machiba unubisida ichi ^{VIII} kīria panuu. Maude wabiada maarā aida panuu. ¹¹ Daiba kīria panuu machicha maka wau panada aba biuduudaa. Maka buuburā machiba Dachi Akōredeeba adada eseda panuu joma adada. ¹² Daiba kīriada wēe machi ko'oa nureada, maumaarā kīria panuu machi waabenarā ābarā kīra nureada. Āchiba Cristode ijāa panuudeeba maude joma jāadua panuudeeba, Dachi Akōreba deai jarada joma adada.

Dachi Akōreba bedea deada biawāra wau

¹³ Dachi Akōre audeara chi mechiu nii wā'āe. Maudeeba Abraham ome bedea deasiide ara ichi trūdeeba biawāra karibai asii. ¹⁴ Naka jarasii: «Biawāra muba bichi karibai maude bichidebena ārea imibiai». ^{IX15} Abraham joma jāadua eseda buudeeba, Dachi Akōreba warr deai jarada unusii.

¹⁶ Ēbērarāba biawāredeeba ne jaraaduude āchi audeara chi mechiu nii trūdeeba maka jarabadau. Maude

V Chi bedea biawāra kuitaapedaada kaku. Griego bedea naka bu kubuu: ūdaabiada kare. VI Chi Cristo ida buwēa nuree mau ioro kīra nuree. Mateo 13:18-23. VII Chi Cristo ida bubadau mau iujāa kachirua kīra nuree. Mateo 13:24-29. VIII Ichi. Griego bedea naka bu kubuu: ichi trū. IX 6:14 Génesis 22:17.

abau bida poyaa seta adakau. ¹⁷ Ara mau kīra Dachī Akōreba arakude kuitaabai kūrīasii chi ichiba deai jarada ēbērarāba mau biawāra adauđai maude ichiba kūrīasia buu kīra biawāra waubarīi. Maudeeba ara ichi trūdeeba deai asii. ¹⁸ Dachī Akōreba setaa jarakauđeeba ichiba deai jarada biawāra deai maude ichi trūdeeba jarada āyaa waubai. Mau bedea ome maka jara buudeeba Dachī Akōre dachiba jurubadau dai karibamera maude kūrīamera. Ichiba jarada biawāra waui kuitaa panuudeeba dachiba poyaa peradawēa ijāa panadai. Maude chi Jesusdeeba adauđai esedau panuu ida buđaabai. ¹⁹⁻²⁰ Mauba dachi aida buu ārea ijāa panadamera anlaba jāba jāaduabarii kīra. Dachiba adauđai panuu biawāra kuitaa panuu Jesús bajāadaa dachi naa wāsiideeba. Ichi Dachī Akōre de edare paru eabari jira buare wāyaa wāsii dachi karibai baita. Aria ichi dachi Paare mechiu beesii Melquisedec nibada kīra. Ewaricha maka nii.

Melquisedec

7 Mau Melquisedec Salem puurudebena chi rey basii maude Dachī Akōre chi Mechiu nii paare basii. Mau ewarīde Abraham chi nuree puurudebena reyrā ome chīopeđa joma poyaasii. Abraham waya neeruude ara chi Melquisedecba irsibīde wāpeda ichimaa bi'ia jarasii Dachī Akōreba karibamera. ² Maabae Abrahamba chi maarā juakaa adauđadebena Melquisedecmaa deasii. 10 juasiiruudebena aba deasii. Melquisedec trū jara buu «ēbērarā rey jipa nii». Maude ichi «Salemdebena rey» abachīđau. Mau trū jara buu «jirukaraayuwāe buai rey». ³ Melquisedec akōre, chi nawe maude ichi ēbērarā nabēraedebena rā ūrubena Dachī Akōre bedeađe bu kubuuwāe. Maude ichi chi naweba adauđa maude biuđa ūrubena bu kubuuwāe. Maka ichi Dachī Akōre Warr kīra ewaricha paarebu.

⁴ jMelquisedec ūrubena ārea kūrīsiásturu! Mau biawāra chi mechiu basii. Dachī nabēraedebena chi mechiu Abrahamba chīo buapeda juakaa adauđadebena ichimaa deasii. 10 juasiiruudebena aba deasii. ⁵ Moisesba buđade jarasii joma israeldebenarāba adoeduudebena Levīdebena imīpedaada paarerāmaa deadaı panuu. 10 adoeduucha aba deadaı panuu. Israeldebenarā mau paarerā ābarāmina maude arabau Abrahamdebena imīpedaadamina, maka deadaı panuu. ⁶ Maumaarā Melquisedec Levīdebena needawāe basmina Abrahamba juakaa adauđadebena maumaa deasii. 10 juasiiruudebena aba deasii. Maude Melquisedecba Abraham bi'ia jarasii Dachī Akōreba aidamera. Mau Dachī Akōreba Abrahammaa naede biawāra aidaı a buasii. ¹⁷ Jomaurāba kuitaa panuu chi

mechiu niiba chi kaebeu niimaa bi'ia jarabarii Dachī Akōreba aidamera.

⁸ Israeldebenarāba adoeduudebena Levīdebena imīduurā paarerāmaa deabadau. Mau paarerā biudaimina 10 adoeduucha āchimaa aba deabadau. Maamina Dachī Akōre bedeađe jara buu Melquisedec waa chokae buu. Maka Abrahamba juakaa adauđadebena mau biukau paaremaa deasii. 10 juasiiruucha aba deasii. ⁹⁻¹⁰ Israeldebenarāba 10 adoeduudebena Levīdebena imīduurā paarerāmaa aba deabadau. Maamina Melquisedecba Abraham irsibīsiide Abrahamdebena needa Levī wabīda wā'āe basii. Maudeeba dachiba naka jaradaı panuu: Abrahamba 10 juasiiruucha Melquisedecmaa aba deasiide chi ichidebena needa Levīdebena imīduurā bida mau deasiđau.

¹¹ Dachī Akōreba ichi Moisesba buđa Israeldebenarāmaa deasiide Levīdebena imīduurā busii paarerā badamera. Mau paarerāba wau panuudeeba ēbērarā poyaa Dachī Akōremaa wābiadaı buasiiburā, ¿sakāe Aarōn āyaa paare Melquisedec kīra nii neei buasma? ¹² Mau paare june kīra āyarebena needadeeba, chi ley buđa sida june āyaa beei basii. ¹³ Joma mauba Dachī Mechiu Jesús ūrubena berrea buu. Ichi Levīdebena imīpedaadaı wāe basii, maumaarā Judadebena needa basii. Mau naede aba bida maudebena needa paare nureadaabasii. ¹⁴ Moisesba jaraka basii paarerā mau ēbērarādebena needayu. Jomaurāba kuitaa panuu Dachī Mechiu Jesús Judadebena needa basii.

¹⁵ Joma mauba jarada arakude buu nau kuitaaduuburā: Jesús june kīra āyarebena needadeeba, ichi paare beesii Melquisedec buada kīra. ¹⁶ Ichi paare beebasii, chi Moisesba buđa kīra beesideeba. Moisesba buđaba ababuru Levīdebena imīduurā bubarīi. Maumaarā Jesús paare beesii ichi poyaabariideeba biukauđeeba. ¹⁷ Ichi ūrubena Dachī Akōre bedeađe naka jara buu:

«Bichi ewaricha paare buai Melquisedec buada kīra». II

¹⁸ Chi naa buđa Dachī Akōreba wā'āebisii aba bida aidakauđeeba, ¹⁹ maude mau Moisesba buđaba aba bida jipa nibabiabasii. Mau Moisesba buđa audeara Dachī Akōreba ne bia deasii dachi karibai baita. Maudeeba dachi Dachī Akōremaa ara kaita wābadau.

²⁰⁻²¹ Dachī Akōreba chi nabena paarerā busiide ewaricha nureadaı jaraabasii. Maamina Dachī Akōreba Jesús paare busiide biawāradeeba jarasii ewaricha maka buai. Dachī Akōre bedeađe naka bu kubuu:

«Dachi Mechiuba biawāradeeba jarasii bichi ewaricha paare buai Melquisedec buada kīra. III Mauba chi jarada āyaa waubai».

²² Mau Dachī Akōreba biawāradeeba jarasiideeba, dachiba kuitaa panuu Dachī Akōreba Jesusdeeba dachi

I 7:6 Génesis 12:1-3.

II 7:17 Salmos 110:4. III Melquisedec buada kīra. Griego bedeađe chi bee kartade mau wā'āe.

ome bedea chiwidi deada ^I biawāra makai. Mau bedea naa deada Moisesba ~~buda~~ audeara bi'ia ~~buu~~.

²³ Chi nabenaarā paarerā ārea basii. Āba biuruude june āba b̄ebachii. Chi biudaba wau badaada waa poyaa wauḁaka basii. ²⁴ Maamina Jesús biukaudeeba ewaricha paare bai. ²⁵ Mauḁeeba chi ichideeba Dachii Akõremaa needuu joma poyaa karibai ewaricha chokae nureaḁamera. Biukaudeeba ewaricha dachi baita Dachii Akõremaa chi chuburia idibarii.

²⁶ Dachii Paare Mechiu Jesusba ne jomaḁe dachi poyaa aida. Kachirua waukau, ne jomaḁe jipa nii. Dachii Akõreba mau bi'ia unu ~~buu~~. Kachirua waubadaurā t̄aḁebena awara b̄upeḁa bajāaḁe chi mechiu ~~b̄usii~~.

²⁷ Ichiba waukau waabenarā paare mechiurāba ewaricha waubadau k̄ira. Maarāba ara āchiba kachirua waupedaada kakua naa Dachii Akõremaa ānimara baa deabachidau. Maadakare waabena ānimara baa deabachidau waabenarā ēb̄erarāba kachirua waupedaada kakua. Maamina Jesusba ānimara baa dearuu k̄ira ara ichi ida beabisii ēb̄erarāba kachirua waubadau kakua. Bes āba maka wauḁaba kachirua joma jeraasii. ²⁸ Moisesba ~~buda~~ba ēb̄erarā ne jomaḁe jipawāe nuree b̄ubarii paare mechiurā nureaḁamera. Maamina mau Moisesba ~~buda~~ deasiide Dachii Akõreba biawāra jarasii ichi Warr ewaricha Paarerā Mechiu nibai. Maka ichi Warr ~~b̄usii~~ dachi kakua paare arakude nibamera.

Jesusdeeba chi bedea widi deada bibuara ~~buu~~

8 Chi k̄irisia bia daiba jara panuu naub̄: dachi Paare Mechiu bajāaḁe Dachii Akõre rey ākau jua biare ak̄ ~~buu~~, ² maude chi Dachii Akõre dede eḁa paare k̄ira traja ~~b̄ubarii~~. Mau chi biawāra de ānimara e wauḁab̄. ēb̄erarāba mau wauḁaabasii, maumaarā Dachii Mechiuba mau wasii.

³ Dachii Akõreba joma paare mechiurā b̄ukuabarii ichimaa ne kaebea deaḁamera maude ānimara baa deaḁamera. Mauḁeeba dachi Paare Mechiu nii bida ne kaebea deai ~~b̄usii~~. ⁴ Ichi nau iujāaḁe ~~buda~~ basirā, paare nibaabai basii, nau iujāaḁe paarerā ārea bauradeeba. Mau paarerāba Dachii Akõremaa ne kaebea deabadau Moisesba ~~buda~~de b̄u kubuu k̄ira. ⁵ Paarerāba wau panuudeeba unubibadau bajāaḁe saka ~~buu~~. Mauḁeeba Moisesba chi ānimara e de wau naede Dachii Akõreba ichimaa naka jarasii: «Joma arakude kauwa wause m̄uba eḁe unubida k̄ira». ^{II6} Maamina Jesús dachi Paare Mechiuba bajāaḁe waubarii paarerāba nau iujāaḁe waubadau audeara bi'ia ~~buu~~. Ara mau k̄ira Dachii Akõreba Jesusdeeba bedea deada bibuara ~~buu~~ ēb̄erarā bedea deada audeara, Dachii Akõreba ēb̄erarā ārea karibai asiideeba. ⁷ Dachii Akõreba ēb̄erarā ome naede bedea deada biawāra karibaḁa

I Bedea chiwidi deada. Jeremías 31:31-34. II 8:5 Éxodo 25:40.

basirā waya maucha bedea deabai basii. ⁸ Maamina Dachii Akõreba ēb̄erarāba mau joma wauḁawēa panuu unusii. Mauḁeeba naka jarasii:

Dachii Mechiuba naka jara ~~buu~~: «Ewari abade m̄uba israeldebenarā ome maude Judadebenarāmaa bedea chiwidi deai.

⁹ Mau bedea chiwidi machi nab̄eraḁebenaarāmaa bedea deada k̄ira ~~b̄ubai~~.

Maarāmaa bedea deasii, Egiptodebena uadosiide. ^{III} Maamina biawāra ijāaḁaabasiiideeba m̄uba āchi ida ~~b̄usii~~. Maka jara ~~buu~~ Dachii Mechiuba.

¹⁰ Maude Dachii Mechiuba naka jara ~~buu~~: Kaḁebena ewaride m̄uba nau bedea chiwidi israeldebenarāmaa deai:

M̄uba chi Moisesba ~~buda~~ āchi k̄irisiaḁe maude āchi sōḁe ~~bui~~.

M̄u āchi Akõre bai, maude āchi m̄u ēb̄erarā bai.

¹¹ Maude jomaurāba m̄u kuitaa panaḁai. Chi kaebeu nureeba maude chi mechiurā kuitaa panaḁai.

Mauḁeeba abau bida ichi druadebenarāmaa maude ichi ēb̄erarāmaa waa jaradeadaabai m̄u jomaurā Mechiu kuitaḁamera.

¹² Āchiba kachirua waupedaada m̄uba joma perdonai. Āchiba kachirua waupedaada m̄uba waa k̄irisia ~~b̄ubai~~. ^{IV}

¹³ Dachii Akõreba bedea chiwidi deai asiide kuitaabisii ichiba naede bedea deada chi chōra ~~buu~~. Chi chōradeeba k̄ā'ābariwāede āyaa ~~bui~~. ^V

Dachii Akõre de nau iujāaḁebena

9 Dachii Akõre israeldebenarā ome naede bedea deasiide jarasii ichi ānimara e de nau iujāaḁe wauḁai panuu maude mau dede saka wauḁai panuu.

² Mau dede pieza ome ~~b̄usii~~. Chi nabena pieza «Dachii Akõre baita ~~buu~~ pieza» abachidau. Mau piezaḁe ūḁaa koabarii maude mesa nub̄usii. Maude chi pan Dachii Akõre baita kub̄usii. ³ Chi mawāare ~~buu~~ pieza paru eabari jirab̄u aḁu ~~b̄usii~~. Mau pieza «Dachii Akõre baita bi'ia ~~buu~~ pieza» abachidau. ⁴ Kera baabarii aria nub̄usii. Mau neeba joma b̄ura ~~b̄usii~~. Maude chi bedea deabarii baura nub̄usii. Mau sida neeba joma b̄ura ~~b̄usii~~. Maude eḁa kuuru nee wauḁade maná duanasii. ^{VI} Maude Aarón bakuru tonoda sida eḁa kub̄usii. ^{VII} Moisesba mo pepedeade ~~buda~~ sida eḁa kub̄usii. ^{VIII5} Baura ūru ángel k̄ira ikia bara panuu ome panasidau. Chi ikiaba chi tapa ūru jūra topanasidau. ^{IX} Āchi panuumaa Dachii Akõre k̄irawārea tedechoa neebachii. Mau tapa ūru paareba oa j̄i-toḁokaaruude Dachii Akõreba ēb̄erarāba kachirua

III Uadosiide. Griego bedeaḁe naka b̄u kubuu: jua jidaupeda karibasiide. IV 8:12 Jeremías 31:31-34. V K̄ā'ābariwāede wa'āei. VI 9:4 Éxodo 16:33. VII 9:4 Números 17:1-10. VIII 9:4 Éxodo 25:16. IX 9:5 Éxodo 25:17-22.

waupedaada perdonabachii. Ara makude mau ũrubena daiba nau kartade poyaa bi'ia jaradeadaabai.

⁶ Mau joma wausidaude paarerã ewaricha chi nabena piezade eða wãbachidau Dachí Akõre baita wauðai panuu joma wauðai baita. ⁷ Maamina chi mawãare ßuu piezade aba chi paare mechíuturu añocha ßes aba eða wãbachii. Eða wãaruude ichiba kachirua wauða kakua maude ëbërarãba adua panuudeeba kachirua waupedaada kakua biða ãnimara oa Dachí Akõre daade jitoðokai baita adoebachii. ¹⁸ Mauðeeba Dachí Akõre Jauriba kuitaabi ßuasii paarerãba wabiða Dachí Akõre de nau iujãade ßuude ne wauðai panuumisa ëbërarã wabiða Dachí Akõre de bajãade ßuude poyaa eða wãdaabai. ⁹ Nau ũrauðe joma mauba unubi ßuu Dachí Akõremaa ne kaebea dea panuudeeba maude ãnimara baa dea panuudeeba chi maka wau nuree kãrisia poyaa jipa nurewãe. ¹⁰ Moisesba buðaba nãturu aßaburu kuitaabiasii chi dachi kakua chi ũrubena ome waubadau jaradeabadau: kãare koðai panuu, kãare doðai panuu maude Dachí Akõreba jeraabi ßuu saka jeraaðai panuu. Joma mau waubachidau aba Dachí Akõreba joma chiwiði wauruudea.

¹¹ Maamina Cristo dachi Paare mechiu ba ßuasii, ne bia chi makaða uru panadamera. Dachí Akõre de bajãade kubuude eða wãsii. Mau de chi aude kubuu maude chi biara kubuu nau iujãade kubuu audeara. Ëbërarãba mau de waupedaada wãe; mau iujãadebenawãe. ¹² Aria chi «Dachí Akõre baita bi'ia ßuu piezade» ßes aba eða wãsii. Wãsiide chivo oa maude paka warr oa Dachí Akõre daade jitoðokai baita adobasii. Maumaarã ara ichi oa adoesii. ßes aba maka wausiiba dachi karibasii ewaricha neburaswãe nureadamera. ¹³ Paareba paka mukíra oa, chivo oa maude paka warr baa deaða chi jãra ëbërarã ũru kuabubarii. Mauba ëbërarã Dachí Akõre daade kachirua nureaða nau kakua ũrubena bi'ia jarebarii. ¹⁴ Maka baiburã, ¿Cristo oaba dachi bi'ia ßuwëka? Cristo kachiruaswãe nibasii. Dachí Akõre Jauri biukauba karibasiideeba ara ichi ida beabisii ãnimara Dachí Akõremaa baa dearuu kíra. Kachirua wau panuu kakua dachi biuðai panasiðau. Maamina Cristoba ara ichi ida beabisiideeba dachiba kachirua waupedaada Dachí Akõreba perdonapeda dachi kãrisia jipa ßusii. Maka chi Dachí Akõre chokae niiba kãria ßuu, mau dachiba poyaa wauðai.

¹⁵ Makarã Cristodeeba Dachí Akõreba bedea chiwiði deasii. Ëbërarã chi Ichiba nabena bedea deaðade panabachidau kachirua waubachidau. Maamina Cristo biusii maudebena karibai baita. Maude Cristo biusiideeba ichideeba chi ichiba iukuadarãba chi bia wã'ãekau deai jarada poyaa adaudai.

I 9:7 Levítico 16:1-34.

¹⁶ Nau kíra ßuu: ëbëra kartade ßubarii ichi biuruude kaiba ichiba uru ßuu adau ßuu. Maamina chi adau ßuuba mau ëbëra biawãra biuða unubiweebura chi uru ßuuda poyaa adaubai. ¹⁷ Chi bedea buða ëbëra wabiða chokae ßuude chi adau ßuuba ichiba uru ßuuda poyaa adaubai. (Biuruuburã makaburu poyaa adau). ¹⁸ Ara mau kíra Dachí Akõreba israeldebenarã ome chi nabena bedea deasiide ãnimara oa chesii. II Mauba kuitaabiasii maarãba mau bedea deaða ũribaba panadai panasiðau. ¹⁹ Mau naka ßuasii: Moisesba ichiba buða ëbërarãmaa joma jarapeða maabae paka warr oa maude chivo oa bania baara perasii. Hisopo bakuru juade oeja kara puria wauða burapeda oade sunasii. Mau oaba ichiba mau karta ũru maude ëbërarã ũru jitoðokasii. ²⁰ Jitoðokamaa ßuude naka jarasii: «Nau oaba jara ßuu Dachí Akõre machi ome bedea deaða joma ũribaba panadai panuu». III ²¹ Ara mau kíra Moisesba chi ãnimara e de maude joma mau dede kobee mau oaba jitoðokasii. ²² Biawãra Moisesba buðade jara ßuu beraa ne joma ne kaebea oaba jitoðokai ßuu Dachí Akõre daade bi'ia ßuamera. Oa chewëeburã dachiba kachirua waupedaada Dachí Akõreba perdonaabai.

Cristo oaba dachiba kachirua waupedaada joma jeraabarii

²³ Dachí Akõre de ãnimara e waupedaada maude mau dede kobee, Dachí Akõre de bajãade kubuu kíra ßuasii. Joma mau ãnimara oaba jitoðokai ßuasii Dachí Akõre daade bi'ia nureamera. Maamina Dachí Akõre de bajãade kubuu, maude mau dede eða ßee, oa ãnimara oa aude bia ßuuba jitoðokai ßuasii. ²⁴ Cristo Dachí Akõre de ëbërarãba waupedaadade eða wãbasii, mau aßaburu Dachí Akõre de chi biawãra ßuu bajãade kubuu kíra ßuasiideeba. Cristo bajãade Dachí Akõre daade wãsii, ichi oa chesiideeba dachi baita ichimaa chi chuburia idii baita. ²⁵ Ichi bajãadaa wãbasii, ichi oa ßes ãrea jitoðokai baita nau iujãadebena paare mechíuba añocha Dachí Akõre baita bi'ia ßuu piezade waubarii kíra. ²⁶ Maka buða basirã nau iujãa wausiideebena waitaa Cristo ßes ãrea biu basii. Maamina nau kaadebena ewaride nepeða ichi ida beabisii. ßes aba maka wauðaba dachiba kachirua waupedaada joma awara ßusii. ²⁷ Joma ßes aßaburu biuðai. Mau maadakare Dachí Akõreba neburã ichiai. ²⁸ Ara mau kíra Cristoba ßes aba ichi ida beabisii ãrea kachirua waupedaada awara ßui baita. Ichi waya neei, maamina dachiba kachirua waubadau awara ßui baita neebai. Maumaarã neei ichi esedau duanuu karibakuai baita.

II ãnimara oa chesii. Mau ewaride bedea deaduude, ãnimara beabachidau mau bedea biawãra wauðai unubidamëra. III 9:20 Éxodo 24:8.

10 Moisesba buɔɔaba joma ne bia Cristodeeba neei ũrubena bi'ia doɔaa unubiweã buu. Mau ne bia Moisesba buɔɔaba deakau. Maudeeba Moisesba buɔɔaba chi Dach Akõremaa ãnimara baa deade wãbadaurã poyaa jipa nibabiakau. ² Moisesba buɔɔaba ãchi biawãra jipa nibabiada basirã, waa ãnimara baa deade wãɔabai basii. Mau ãnimara baa deaduudeeba biawãra kachiruaswãe paneeda basirã, waa ichi daade neburade panuu kãrisiadaabai basii. ³ Maamina aňocha ãnimara baa deaduude, mauba kãrababiabarii ãchiba kachirua waubadau, ⁴ paka mukãra oaba maude chivo oaba kachirua poyaa awara bukaudeeba. ⁵ Maudeeba Cristo nau iujãadaa neesiide ichiba Dach Akõremaa naka jarasii:

«Bichiba ãnimara bichimaa baa deada maude ne kaebea deada kãriawã buu. Maamina bichiba muu-maa kakua deasii mau deamera.

⁶ Æchi kachirua kakua ãnimara baa deaduude maude ne kaebea deaduude bichi kãrajũ buabasii.

⁷ Maudeeba muuba jarasii: «Dachi Akõre, mu nama buu bichiba kãria buu wau baita,

Bichi Bedeade mu ũrubena maka bu kubuudeeba».^I

⁸ Cristoba naa jarasii Dach Akõreba kãriawã buu ebãrarãba ãchi kachirua kakua ãnimara ichimaa baa deada maude ne kaebea deada. Moisesba buɔɔaba maka waubia bumina, Dach Akõre kãrajũ buakau asii. ⁹ Maabae Cristoba Dach Akõremaa naka jarasii: «Mu nama buu bichiba kãria buu wau baita». Mauba unubi buu chi nabena Dach Akõreba bedea deada Cristoba awara busii, chi mawãarebena bedea deai baita.

¹⁰ Dach Akõreba kãria buu Jesucristoba joma wausii. Ara ichi ida beabisii. Bes aba maka wauɔaba dachi ewaricha Dach Akõre baita bi'ia busii.

¹¹ Paarerãba ewaricha Dach Akõre baita ne waubadau maude ãnimara baa deabadau. Maamina mauba kachirua awara bukau. ¹² Maamina Jesucristoba ara ichi ida beabisii kachirua ewaricha awara bui baita. Maabae Dach Akõre jua biare aku beesii. ¹³ Aria esedau buu aba Dach Akõreba joma ichi kãriakaurãba ichi juade buuruudaa. ¹⁴ Cristoba bes aba ara ichi ida beabisiideeba chi Dach Akõre baita awara buɔarã jipa duanusii, maka ewaricha nureadamera. ¹⁵ Dach Akõre Jauri biã arabaude dachimaa kuitaabia buu. Naka jara buu:

¹⁶ «Dachi Mechiuba naka jara buu: Kaadebena ewariide muuba bedea chiwidi israeldebenarãmaa deai: Muuba chi Moisesba buɔɔaba ãchi kãrisiade maude ãchi sãde bui». ^{III}

¹⁷ Mawãare naka jara buu:

«Æchiba kachirua waupedaada muuba joma perdonai. Æchiba kachirua waupedaada muuba waa kãrisia buubai». ^{IV}

¹⁸ Dach Akõreba dachi kachirua waupedaada ida busiideeba, waa dachi kachirua kakua ichimaa ne kaebea deadaabai panuu.

Dauchia panaɔai panuu

¹⁹ Maudeeba ãbarã, Dach Akõre baita bi'ia buu piezade eɔa wãaduu kãra Jesucristo oadeeba Dach Akõre kaita wapeawã wãɔai panuu. ²⁰ Mau piezade eɔa paru eabari jirabu kãawãruu kãra Jesús busiideeba o wiɔi wausii, chi Dach Akõre kaita needuurã chokae nureadamera. ²¹ Dachiba Paare Mechiu bajãade uru panuu. Ichiba ebãrarã Dach Akõrederã joma karibabarii. ²² Cristoba dachi kãrisia kachirua panaɔa jipa busii dachi sã ichi oaba jãtoɔokaaruu kãra. Dach Akõre daade bi'ia duanuu dachi kakua bania pawãraaba jeraada kãra. Maudeeba kãrisia abadeeba maude biawãra ijãa panuudeeba wãɔai panuu.

²³ Dach Akõreba ichiba jarada kãra waubariideeba dachiba kãrisiabadau maude jomaurãmaa jarabadau mau aba biã ida buɔabai panuu. ²⁴ Juruɔai panuu saka chiya aidaɔai aude kãriadaɔai baita maude chi bia wauɔai baita. ²⁵ Åbuu duanaɔai ida buɔabai panuu chi nureeba waubadau kãra. Maumaarã bari chiya aidaɔai panuu aude ijãadaɔai baita. Maka bi'ia wauɔai panuu, Dach Mechiuba nebura kastikai ewari kã'ãabariwãede neei kuitaa panuudeeba.

²⁶ Maamina dachiba chi biawãra bedea kuitaapedaadeakare ara dachideeba kachirua wauduuburã, waa wã'ãe Dach Akõremaa deadaɔai baita mau kachirua ida bumera. ²⁷ Chi maka wau buuba aba wapeadeeba esedau buai buu Dach Akõreba mau kastikamera. Mau ewariide Dach Akõreba joma ichi kãramaarã tuɔu aoko nubuuɔe jirakuai ewaricha baa nubeeamera. ²⁸ Naede abaua Moisesba buɔɔaba ũri kãriaweburã, maude ebãra omeeba maeburã õbeaba biawãra maka buu aaduuburã, mau abaeɔe kãra chuburiadaɔwã beabachidau. ²⁹ Maudeeba çsaka kãrisia panuma? çDach Akõreba chi ichi Warr ida buɔbadaurã aude kastikaika? Dach Akõreba ichi Warr oadeeba bedea chiwidi deasii dachi ichi baita bi'ia bui baita. Makarã çchi Dach Akõreba ichi Warr oa cheda bi'iwãe buu abadaurã aude kastikaika? Mau awara Dach Akõre Jauriba ichi sãbiadeeba dachi aida buu. Maka buuburã çchi Dach Akõre Jauri ũrubena kachirua jarabadaurã kastikawẽka? ³⁰ Dachiba kuitaa panuu Dach Akõreba naka jarasii: «Muburu chi nebura kastikai. Jomaurãmaa deai ãchiba waupedaada kãra». ^{VI} Maude naka jarasii: «Dachi Mechiuba ichi

^I 10:7 Salmos 40:6-8. ^{II} Ichi juade buuruudaa. Griego bedeade naka bu kubuu: ichi jũru ekare buuruudaa. Salmos 110:1. ^{III} 10:16 Jeremias 31:33.

^{IV} 10:17 Jeremias 31:34. ^V 10:28 Deuteronomio 17:2-6. ^{VI} 10:30 Deuteronomio 32:35.

ëbërarã nebëra ichiai». ¹³¹ Dachì Akõre chokae niiba dachì nebëra ichiaruubërà biawãra ãrea mia kachìrua ßuu.

³² Kìrabásturu machiba naede chi biawãra bedea kuitaasidaude saka panasii. Mau ewaride machi ãrea bi'iwãe panada dauchia jãadua panasidau. ³³ Besede jomaurã daade Cristo kakua kachìrua jarabachidau maude machimaa kachìrua waubachidau. Besede ãbarã Cristo kakua ãrea bi'iwãe panuu baara ãrea bi'iwãe paneebachidau. ³⁴ Chi Cristo kakua jãapedaada machiba aidasidau. Maude machiba ne uru beada kìrajë idã juakaa adaubasidau, kuitaa panuudeeba mau audeara ne bia wã'ãekau bajãade uru panuu. ³⁵ Maudeeba machiba Dachì Akõrede ijãa panuu ida burãsturu. Ijãa panuubërà, Dachì Akõreba bajãade ne bia mechiu deai. ³⁶ Machiba mau joma esedau panadai panuu. Makaburu Dachì Akõreba kùria ßuu waudapeda ichiba deai jaraða joma adaudai. ³⁷ Dachì Akõre bedeade naka ßu kubuu:

«Chi neei ßuu kã'ãabariwãede neei. Ichi biawãra kã'ãabariwãede neei.

³⁸ Chi jipa nii maude ijãa niideeba chokae nibai. Maamina ichiba ijãa ßuu ida ßuruubërà, muba mau bi'ia unubai». ^{II}

³⁹ Waabenarãba Dachì Akõrede ijãa panuu ida budapeda adua paneebadau. Maamina dachì mau ëbërarã kìra panuwãema, maumaarã Dachì Akõrede ijãa panuudeeba ewaricha chokae panadai.

Dachì Akõrede ijãa nii ërubena

11 Dachiba Dachì Akõrede ijãa panuudeeba kuitaa panuu chi dachiba esedubadau mau biawãra adaudai. Maude chi dachiba unudakau mau ßubarìi kuitaa panuu. ² Dachì nabëraedenarãba Dachì Akõrede ijãa panasiideeba Dachì Akõreba maarã bi'ia unusii.

³ Dachiba Dachì Akõrede ijãa panuudeeba kuitaa panuu Dachì Akõre berrearuuba nau iujãa maude bajãa joma wausii. Maka chi dachiba unudakadebena joma dachiba unubadau wausii.

⁴ Abelba Dachì Akõrede ijãa ßuasiideeba Cainba deada audeara ne bia ßuu deasii. Ijãasiideeba ichiba deada Dachì Akõreba bi'ia unupeda jarasii ichi jipa nii. Abel biusmina ichiba biawãra ijãa ßuasiideeba dachimaa wabiða kuitaabia ßuu Dachì Akõrede ijãadai panuu. ^{III}

⁵ Enocba Dachì Akõrede ijãa ßuasiideeba Dachì Akõreba mau biubiimaaba chokae adoesii. Mau adoesiideeba waya unudaabasii. Dachì Akõre bedeade ßu kubuu Enoc adooi naede Dachì Akõreba chi mau bi'ia unusii. ^{IV6} Maamina chi Dachì Akõrede ijãawëa nii ichi-

ba bi'ia unukau. Chi Dachì Akõremaa neei kùria ßuuba ijãai ßuu ichi biawãra nii maude joma chi ichi jëruudu karibabarii.

⁷ Dachì Akõreba Noemaa jarasii chi wabiða unukau neei ërubena. Noeba mau ijãasiideeba, Dachì Akõre wapea ßuasiideeba jãba mechiu wausii ichi dedebenarã karibai baita. Maka nau iujãadenarãmaa kachìruade duanuu unubasii. Ichiba ijãasiideeba Dachì Akõreba ichi jipa nii unusii. ^V

⁸ Dachì Akõreba Abrahammaa jarasii ichiba deai jaraða druada wãmera. Abrahamba Dachì Akõrede ijãasiideeba samaa wãruu adua ßumina ichi drua ßuipeda wãsii. ^{VI9} Ijãasiideeba ichi Dachì Akõreba deai jaraða druade neepeda, ãyarebena druadebena needa kìra paru de waudade ßuabachii. Ichi warr Isaac maude chi ãicheke Jacob ara mau kìra panabachidau, ãchimaa bida mau drua deai jarasiideeba. ¹⁰ Abraham maka ßuabachii, bajãade ßuu puuru wã'ãekauada ßuade wãi baita kùria ßuasiideeba. Mau puuru Dachì Akõreba ãrea kùrisiapeda joma wausii.

¹¹ Abraham chõra ßuasiide, ichi wëra Sara warr adauka basmina, Abrahamba ijãasii Dachì Akõreba ichimaa warr unubii ßuu. Dachì Akõreba jaraaruu maka wubarìi ijãasiideeba warr biawãra unusii. ^{VII12} Maka Abraham biuimaa ßuasmìna chi ichidebena ëbërarã ãrea neesidau pusterrearã ãrea kìra maude mar ibu poyaa juasiibai ßuu kìra.

¹³ Joma maarã ëbërarã Dachì Akõrede ijãa badapedaada biusidau. Maamina Dachì Akõreba deai jaraða ãchiba nau iujãade adaudaabasii. Maamina kuitasidau kaadebena ewaride ichiba joma deai. ^{VIII} Maudeeba kìrajëusidau maude arakude jarasidau nau iujãade ãchi ãyarebena druadebena kìra duanuu maude ãibena druacha duanuu. ¹⁴ Maka jara panuudeeba arakude kuitaabasidau ãchi drua adaudai baita esedau panuu. ¹⁵ Æchi drua wãpedaadebena maa waya wãdai kùrisiapedaada basirã poyaa waya wãdai basii. ¹⁶ Maamina ãchiba drua aude bi'iau bajãade ßuu kùria panasidau. Maudeeba Dachì Akõre kìra nejasiakau ãchi Akõre aaduude. Maarã baita bajãade puuru wau uru ßuu.

¹⁷⁻¹⁸ Abrahamba biawãra ijãa ßuu kuitaayua Dachì Akõreba jarasii ichi warr baa deamera. Maamina mau naede Dachì Akõreba ichimaa biawãra naka jarasii: «Bichi warr Isaacdeeba bichi ãichekerã ãrea imidai». ^{IX} Dachì Akõreba maka jarasiideeba Abrahamba ichi warr ara aba nii baa deai baita ßuasii. ¹⁹ Abrahamba kùrisi-

^V 11:7 Génesis 6—8. ^{VI} 11:8 Génesis 12:1-5. ^{VII} Griego bedeade nau versículo chaarea ßuu ùridai baita. Naka traducida ßuu: Abraham kima Sara bida Dachì Akõrede ijãasiideeba warr barasii, warr adaukamina maude chõodraa ßumina. Dachì Akõreba jaraaruu maka wubarìi ijãasiideeba warr biawãra unusii. ^{VI-II} Kuitasidau kaadebena ewaride ichiba joma deai. Griego bedeade naka ßu kubuu: Mau kaitawëba unusidau. ^{IX} 11:17-18 Génesis 21:12.

I 10:30 Deuteronomio 32:36. II 10:38 Habacuc 2:3-4. III 11:4 Génesis 4:3-5. IV 11:5 Génesis 5:22-24.

asii ichi warr Isaac bearuuburã Dachí Akõreba mau poyaa chokae jiradubii. Biawãra Isaac chokae jiradubisiideeba Abrahamba chi warr chokae uru beesii. ^I

²⁰ Isaacba Dachí Akõrede ijãa buasiideeba ichi warrarã Jacob maude Esaú bi'ia jarasii Dachí Akõreba kaadebena ewaride aidamera. ^{II}

²¹ Jacob biumaa buasiide Dachí Akõrede ijãa buasiideeba ichiba José warrarã abaaba bi'ia jarasii Dachí Akõreba aidamera. Maabae ichi dumamaa jidau ukũ nuububa Dachí Akõremaa bi'ia berreasii. ^{III}

²² José biumaa buasiide Dachí Akõrede ijãa buasiideeba israeldebenarã Egipto drudebena wãdaí asii. Wãaduude ichi buuru Canaán druadaa jau bude adoesturu asii. ^{IV}

²³ Moisés chi naweba adaua ewaride faraonba israeldebenarã mukíra warrarã joma kenabiasii. Maamina Moisés akõrerãba Dachí Akõrede ijãa panasiideeba chi mauba jarada wapeadaabasii. Chi naweba Moisés adausiide unusidau chi mau warr mipitaa nii. Mau bearãamera jedako õbea miru uru panasidau. ^V

²⁴ Moisesba Dachí Akõrede ijãa buasiideeba chõra beeside kũriawãa buasii ebẽrarãba ichi faraón kau warr adai. ^{VI}²⁵ Ichimaarã kachirua wau buudeeba kírãjuu buadaui badamaarã, bi'ia buasii ebẽrarã Dachí Akõrederã ome abua ãrea bi'iwãe buai. ²⁶ Dachí Akõreba Dachí Karibabarii deai jarada biawãra neei ijãasiideeba, ichiba kũrisiasii Egiptodebena ne bia uru buai audeara bi'ia buu ãrea bi'iwãe buai. ^{VII} Kaadebena ewaride deai jarada bi'ia adai kũrisiideeba maka kũrisia buasii.

²⁷ Moisesba Dachí Akõrede ijãa buasiideeba faraón kírubi wapeawãa Egiptodebena wãsii. Chi Dachí Akõre dachiba unudakau unu buu kírã ichiba ijãa buu ida buubasii.

²⁸ Moisesba Dachí Akõrede ijãa buasiideeba israeldebenarãmaa Pascua ewari waubiasii. ^{VIII} Maude decha poraade oa jĩtokabiasii chi beabariiba chi nabena mukíra warrarã kenarãamera. ^{IX}

²⁹ Dachí Akõrede ijãa panasiideeba israeldebenarã Dachí Akõreba Mar Purrde chi o ewada põasãade wãsidau. Maamina Egiptodebenarã arabau ode wãaduude joma õyaba jãri kinisidau. ^X

³⁰ Dachí Akõrede ijãa panasiideeba israeldebenarã 7 ewari Jericó puuru adu purra barisidau mau puuru adu mo ka kubuada joma ãrisii. ^{XI}

³¹ Israeldebenarã omeeba Jericó puuru saka buu kuitaai baita ichiade wãsidaude wãra auduabarii Raha-ba Dachí Akõrede ijãa buasiideeba ãchi bi'ia irsibisii.

I 11:19 Génesis 22:1-14. II 11:20 Génesis 27:27-29,39-40. III 11:21 Génesis 48:1-20. IV 11:22 Génesis 50:24-25. V 11:23. Éxodo 1:22—2:2. VI 11:24 Éxodo 2:10-12. VII Dachí Akõreba Dachí Karibabarii deai jarada. Griego bedeade naka bu kubuu: Cristo. VI-II Pascua. Mau ewaride chi judiorãba Egiptodebena wãpedaada õrubena kũrisiadau. IX 11:28 Éxodo 12:21-30. X 11:29 Éxodo 14:21-31. XI 11:30 Josué 6:1-21.

Maudeeba chi mau puurudebena Dachí Akõre õrib-abaswãe nuree joma kenasidaude chi mau bead-aabasii. ^{XII}

³² ¿Dachí Akõrede ijãabadaurã õrubena muuba maucha kãare jaraima? Sansón, Gedeón, Barac, Jefté, David, Samuel maude Dachí Akõre baita berreabadaurã õrubena berrei baita ewari wã'ãema. ³³ Dachí Akõrede ijãa panasiideeba chi nureeba drua poyasidau, chi nureeba ãchi drua jipa uru nureasii maude chi nureeba drua nau iujãade Dachí Akõreba deai jarada irsibisidau. Dachí Akõrede ijãa panasiideeba chi nuree Dachí Akõreba imamamaa ida kobiabasii. ³⁴ Chi nuree Dachí Akõrede ijãa panasiideeba tubu aokoba baadaabasii. Chi nuree espadaba beadai badadebena jĩchoa wãurisidau. Chi nuree kakua meserãaswãe nureada meserãa adausidau maude chaarea paneesidau chĩodaí baita. Maudeeba chi kírãmaabadaurã jĩchoabiasidau.

³⁵ Chi nuree wẽrarãba Dachí Akõrede ijãa panasiideeba ãchi dedebena biupedaada chokae jiradusidau. Maamina chi nuree Dachí Akõrede ijãa panuu kakua ebẽrarãba ãrea sĩdapeda beasidau. Jũabadau dede jũa uru panasidau, ãrea bi'iwãe paneebiadaí baita. Aria ãchi enadaí asidau, Dachí Akõrede ijãa panuu waya ijãadaabai apedaada basirã. Maamina ida beabiasidau, chokae jiradudapeda bibuara duanadaí esedausidau. ³⁶ Chi nuree Dachí Akõrede ijãa panuu kakua ebẽrarãba atua jarasidau, soaba pesidau maude kaenaba jũdapeda jũa kubusidau. ³⁷ Chi nuree mooba bata beasidau. Maude waabenarã esa bua urratasidau. Chi nuree espadaba beasidau. Chi nuree de wã'ãe nuree deeba samaa wãdaí adua wãsidau. Maude ãchiba paru jũdaí baita wã'ãe basiideeba chivo e maude oeja e wauada jũbachidau. ãchi ne kaebea wã'ãe nureasii. Ebẽrarãba ãchi ãrea bi'iwãe panabiabachidau maude kachirua waubachidau. ³⁸ Chi nau iujãadebenarã bi'ia duanadaabasii, ãchi baara duanadaí baita. ãchi de wã'ãe nuree deeba drua sirua wã'ãe buude maude eade nibabachidau. Ea chobeade maude ioro chobeade panabachidau.

³⁹ Joma mau ebẽrarãba Dachí Akõrede ijãa panasiideeba Dachí Akõreba ãchi bi'ia unusii. Maamina chokae panuude ichiba deai jarada irsibidaabasii.

⁴⁰ Dachí Akõreba dachí baita ne bia uru buudeeba kũrisii ãchi dachí ome ne jomade bi'ia panadaí.

Jesucristo õrubena kũrisia panásturu

12 Mau ebẽrarã ãreaba Dachí Akõrede maka biawãra ijãasidau deeba, dachia biãda ara mau kírã ijãa panadaí panuu. Chi dachimaa ida ijãabiakau maude ara dachiba kachirua waubadauba dachí burã uru buabarii ãyaa budapeda, maabae joma dauchia

XII 11:31 Josué 2:1-21; 6:22-25.

jāadua panuudeeba wāduru chi needai panuumaa bađai baita. ² Jesuse kūrasiáduru. Mauba karibasii dachiba naede ijāadamera maude aidabarii ewaricha ijāa panadamera. Kūrasiásturu saka ichi cruzde ārea bi'iwāe buasii. Mau kakua kīra nejasia buai bađade kīra nejasiabasii. Ichiba kuitaasii nau maadakare ārea kīrajuu buai. Biawāra Dachī Akōre rey ākau jua biare akū buu.

³ Bi'ia kūrasiásturu ēbēra kachiruarāba Jesús miadaa wausiđauđe saka dauchia jāaduasii. Maka machi kakua ākaa panadaabasii maude machiba ijāa panuu ida buđai kūrasiadaabasii. ⁴ Machi kachirua ome chīo panumina wabiđa machi beadawēa panuu Jesús beapedaada kīra. ⁵ Bi'ia ijāadamera Dachī Akōre bedea bu kubuu ¿machiba kude uru panuuwāeka? Ichi warrarāmaa naka jarasii:

«Mę warr, Dachī Mechiuba iadaaruude mau ūrūbena ārea kūrasiāse. Kīrabia iadaaruude kīra nomaarāse.

⁶ Chi Dachī Mechiuba kūrīa buu ēbērarā iadaabarii.

Maude chi ichi warrarā kīra ua buurāba kachirua wauduude ichiba maarā kīrabia iadaabarii». II

⁷ Machi Dachī Akōre warrarādeeba, ārea bi'iwāe panuu āwatásturu ichiba mau kakua jipa waubia buudeeba. ¿Akōreba chi warr iadaabaika? ⁸ Dachī Akōreba ichi warrarā joma iadaabarii. Maka wauwēeburā, machi ichi warrarāwāe. ⁹ Dachī nau iujādeebena akōrerāba dachi iadaabachidauđeeba dachiba maarā wapeabachidau. Mauba ¿ewaricha chokae nureadai baita dachi Bajādeebena Akōre makaa wapeadaabai panuka? ¹⁰ Dachī nau iujādeebena akōrerā chokae panasiđauđe dachi iadaabachidau ara āchiba kūrīsia panada kīra. Maamina Dachī Akōreba maka waubarīi ichi kīra kachiruaswāe bi'ia nureadamera. ¹¹ Iadaaduude dachi kīrajuu akau maumaarā kīra nomaabadau. Maamina maadakare chi jipa wauđai kuitaapedaadakare mau maka waubadau maude jirukaraayuwāe nureabadau.

¹² Mauburu machi jua ākaa panumina maude machi ōdarr suriidu panuu waya chaarebiaduu kīra bi'ia ijāa panásturu. ¹³ O jipauđe nibásturu. Maka chi poyaara nuree baedaabai, maumaarā bi'ia ijāa panadai. III

Dachi Akōre sōbia ida buđaabai buu

¹⁴ Jomaurā ome jirukaraayuwāe nureásturu. Maude Dachī Mechiu baita bi'ia panásturu. Dachī Mechiu baita bi'ia nurewādeeba ichi poyaa unudaabai.

¹⁵ Kauwa panásturu Dachī Akōreba ichi sōbiadeeba kariba buu abau biđa ida burāadamera. Maude kauwa panásturu machi tāede aba biđa ne karr kachirua kīra

I Machi beadawēa panuu Jesús beapedaada kīra. Griego beadeade naka bu kubuu: Wabiđa machi oa chedawēa panuu. II 12:6 Proverbios 3:11-12. III Griego beadeade naka bu kubuu: O jipa wásturu chi nuka nuree āyaa wārāadamera maumaarā aribiadamera.

panarāadamera. Mauba ābarāmaa kachirua kūrīsiabiapeda ara mau kīra panabiabarii. ¹⁶ Kauwa panásturu machi tāede aba biđa chi dachi kakuadeeba barikiu kachirua waurāadamera maude chi Esaú kīra Dachī Akōre ūrūbena bi'iwāe kūrīsiarāadamera. Esaú chi warr imina basiideeba chi akōreba uru buudebena ārea adau buasii. Maamina ichi ābaba chiko bes aba kobida kakua, ichiba adooi buada joma ichi ābamaa deasii. ¹⁷ Machiba kuitaa panuu nau maadakare Esauba kūrīa buasii chi akōreba ichi ūrūbena bi'ia jarai Dachī Akōreba karibamera. Maamina chi akōreba ichi ida busii. Esaú jēasmina ichiba naede wauđa poyaa bi'ia buubasii. V

¹⁸ Machi Dachī Akōremaa neepedaada israeldebenarā neepedaada kīra buwāema. Israeldebenarā Sinaí eadaa wāurisidauđe, mau ea ara āchi dauba unusidau.

^{VI} Maude chi ea baawāmaa buasii, ewari pāriu nubeesii maude ārea pūatu kobeesii. ¹⁹ Achiba kachu jīwauruu maude Dachī Akōreba jīwa berrearuu ūrisidau. Mau ūrisidauđe wapeaba chi chuburia idisidau Dachī Akōre waa berrearāamera. ²⁰ Ārea perasiđau Dachī Akōreba naka jarasiideeba: «Barikiu ēbēra maeburā ānimara nau ea kaita neeruuburā, mooba bata beđai panuu maeburā enadrumaba drę beđai panuu». ^{VII} ²¹ Israeldebenarāba ichiamaa panuu ārea kachirua buudeeba Moisesba naka jarasii: «Wapeaba mę kakua urimaa buu». VIII

²² Maamina machi Dachī Akōremaa neesidauđe chi biawāra Sion eadaa maude chi bajādeebena Jerusalendaa neesidau. Mau puuru Dachī Akōre chokae niidebu. Aria angelerā mil ārea ābua kīrajuu duanuu.

²³ Machi Dachī Akōre warrarā araa ābua duanumaa neesidau. Dachī Akōremaarā joma Ichi warr iminabu. Bajādeebenadeeba āchi trū aria bu kubuu. Machi chi dachi nebura joma kastikabariimaa neesidau. Chi ēbērarā jipa nuree Dachī Akōreba bi'ia duanudamaa neesidau. ²⁴ Machi Jesusmaa neesidau. Ichiideeba ēbērarā Dachī Akōrederā ome bedea chiwidi deasiide machi ichi oa jītodokadamaa neesidau. Jesús oa chedaba Abel oa cheda audeara kuitaabia buu. IX

²⁵ Maudeeba kauwa duanásturu Dachī Akōreba jara buu ida burāadamera. Chi ichiba nau iujāede Sinaí eade jarada ida bupedaadarā kastikadebena poyaa jīichoadaabasii. Maudeeba chi ichiba bajādeebena dachi sōde jara buu ida buuduuburā ¿jīichoadaika? Jīichoadaabai buu. ²⁶ Sinaí eade Dachī Akōre berreesiide ioro-

IV 12:16 Génesis 25:27-34. V 12:17 Génesis 27:1-41. VI Ea ara āchi dauba unusidau. Griego beadeade naka bu kubuu: Ea dachiba poyaa wau buumaa neesidau. VII Maeburā enadrumaba drę beđai panuu. Griego beadeade chi bee kartade mau wā'āe. Éxodo 19:12-13. VIII 12:21 Deuteronomio 9:19. IX Jesús oa chedaba Abel oa cheda audeara kuitaabia buu. Abel oa chedaba kuitaabia buu Dachī Akōreba kachirua kastikabarii. Maamina Jesús oa chedaba kuitaabia buu Dachī Akōreba kachirua jeraabarii.

mia baraasii. Maamina nau ũraude ichiba naka jara
 ɓuu:

Waya mɓɓa ioromia baraabii. Maude aɓaburu nau
 iujãa uribiibai, maumaarã bajãa siɗa uribii. ^I

²⁷ Waya uribiiruu asiide Dachì Akõreba kuitaabiasii ne
 joma ichiba waukuade uribipeɗa wã'ãebii. Maude
 aɓaburu chi wã'ãekáuturu ɓeei. ²⁸ Dachì Akõre jua
 wã'ãekauɗe panadaideeba ichimaa bichíturu kidibai
 aɗai panuu. Área wapea panuudeeba ichimaa bi'ia
 berreadai panuu ichiba kãria ɓuu kãra, ²⁹ Dachì Akõre-
 ba ɓɓa aokoba joma baabariideeba.

Ábarã saka nibaɗai panuu

13 Machi ábarã baerã chiya kãria panásturu.

² Kíraba panaɗai ida ɓurásturu machi dede
 needuu bi'ia irsibiɗai panuu. Chi nuree adua panuuba
 angelerã áchi dede bi'ia irsibisiɗau. ³ Chi jãa uru
 panuu kírabásturu machi siɗa maarã ome jãa panuu
 kãra. Ébërarába kachirua wau panuudeeba área bi'i-
 wãe nuree kírabásturu machi siɗa maarã ome área
 bi'iwãe panuu kãra.

⁴ Jomaurãba áchi kima wapeadee nureaɗai panuu.
 Dachì Akõreba chi auɗuabadau maude junebena wëra
 ome kãi ɓeɓabadau kastikaideeba aɓa machi kima
 ómeburu kãi ɓeeɗai panuu.

⁵ Chi nejarr kãria panarásturu. Maumaarã ara machi-
 ba uru nureeba kírajɓɓ panásturu Dachì Akõreba naka
 jarasiideeba: «Mɓɓa bichi ɓuiwëe maude ida ɓuwëe».

⁶ Maudeeba dachiba ne wapeawëa naka jaraɗai
 panuu:

«Mɓ Mechiuba mɓ karibabariideeba mɓ wapeawëa
 ɓuu. ¿Ébëraba mɓ saka kachirua wauima?» ^{III}

⁷ Machi karrarã kírabásturu. Maarãba Dachì Akõre
 beɗea machimaa jaradeasiɗau. Kãrisiásturu áchi saka
 nibasiɗau maude maka niɗauba kãare sakasii. Áchiba
 Cristoɗe ijãa panaɗa kãra machia biɗa ijãa panásturu.

⁸ Jesucristo june áyaa ɓuakau. Nuiɗa nibaɗa kãra iɗi
 biɗa maka nii, maude ewaricha maka nibai. ⁹ Maami-
 na waabenarãba barikiu ne áyaa jaradeabadau.

Maarãmaa ida setaa kãrabiárásturu. Machiba kooduu-
 ba maɓurã kodawëa panuuba aiɗakau. Chi maka
 wau panuuba bi'ia panaɗakau. Dachì Akõreba ichi
 sõbiadeeba aiɗa ɓuu machiba bi'ia sõdeeba ijãam-
 era.

¹⁰ Dachiba Jesús uru panuu ánimara dachi kachirua
 kakua baa deapeɗaada kãra. Maamina paarerãba áchi
 kachirua waupedaada kakua ne baa dea panuuba Je-
 susdekena ne bia poyaa uru panaɗabai.

¹¹ Kachirua kakua paare mechiuba ánimara oa Dachì

^I 12:26 Hageo 2:6. ^{II} 13:5 Deuteronomio 31:6. ^{III} 13:6 Salmos 118:6. ^{IV} Griego beɗeɗe mau versículo naka ɓɓ kubuu: Dachiba ánimara baabadau uru panuu. Dachì Akõre de ánimara e waupedaada ne waubadaurãba maudekena kokau panuu.

Akõre baita bi'ia ɓuu piezade eɗa adoebarii. Maamina
 chi ánimara kodai baɗamaarã puuru awara
 adoɗapeɗa baabadau. ¹² Ara mau kãra Jesús puuru
 awara área bi'iwãe ɓuasii ichi oaba ébërará Dachì
 Akõre baita bi'ia ɓui baita. ¹³ Maudeeba puuru awara
 Jesusmaa wãduu kãra ichi baara wãɗai panuu.

Ébërarába Jesús kachirua jarapeɗaada kãra dachi siɗa
 kachirua jaraaduude áwatadai panuu. ¹⁴ Nau iujãade
 dachi puuru wã'ãekauɗe panuuwãema, maumaarã
 esedau panuu puuru wã'ãekauɗe panaɗai baita.

¹⁵ Maudeeba Jesucristoɗeeba dachiba, chi Dachì
 Akõreɗe ijãa panuu a panuuba, ewaricha ichimaa bi'ia
 berreadai panuu, ánimara baa deadu kãra.

¹⁶ Kírabaɗai ida ɓurásturu bi'ia wauɗai baita maude
 machiba uru panuudeeba chiya aiɗaɗai baita. Joma
 mau Dachì Akõreba bi'ia unu ɓuu ánimara baa deadu
 kãra.

¹⁷ Ábarã, machi karrarãba jara panuu ijásturu. Machi
 nu panuudeeba áchi juaɗe panásturu. Áchiba kuitaa
 panuu Dachì Akõreba ichiaruude joma áchiba
 waupedaada ichimaa arakuɗe jaraɗai. Maudeeba áchi-
 ba jara panuu ijásturu. Maka áchiba kírajɓɓ maude
 kãra nomaawëa joma wauɗai. Machiba maka
 wauɗawëa panuudeeba áchi kãra nomaabiiduuburã,
 machi poyaa bi'ia aiɗabiabasii.

¹⁸ Dai baita Dachì Akõremaa ɗtaa iɗísturu. Dai ne jo-
 made jipa nibaɗai kãria panuu maude kuitaa panuu
 kachirua wauɗawëa panuu. ¹⁹ Michuburia, mɓ baita
 Dachì Akõremaa ɗtaa iɗísturu waya isa machimaa
 wãbimera.

²⁰ Dachì Mechiu Jesucristo chi Oeja Nubarìi Mechi-
 ubɓ. Dachì Akõreba chi dachi jirukaraayuwãe ɓuai de-
 abarii ichi biu ɓuade chokae jiradubisii. Jesucristo oad-
 eebeba ébërará Dachì Akõreɗerã ome beɗea deasii. Mau
 ewaricha ɓuai. ²¹ Mɓɓa kãria ɓuu ara mau Dachì
 Akõreba ne joma bi'ia machimaa wau kuitaabiai, ichi-
 ba kãria ɓuu kãra poyaa wauɗamera. Maude kãria ɓuu
 Jesucristoɗeeba ichiba dachi sõde ne joma wau ichiba
 kãria ɓuu kãra nureaɗamera. Dachiba ewaricha Jesu-
 cristomaa bi'ia berreadai panuu. Bi'ia ɓuu maka ɓuai.

²² Ábarã, mɓɓa nau karta ɓa'ãra ɓɓsii machiba bi'ia
 ijãamamera. Maudeeba mɓɓa machimaa chi chuburia
 iɗiiruu nau beɗea bia ũriɗamera.

²³ Kuitásturu dachi ába Timoteo jãa ɓuade awara
 wãsii. Mau isa mɓɓamaa neeruuburã, machi ichiade
 wãaruude mɓɓa mau adooi.

²⁴ Ábarã, machi karrarãmaa, maude joma ébërará
 Dachì Akõreɗerãmaa jarásturu mɓɓa kãria ɓuu áchi
 bi'ia duanaɗai. Ábarã Italia druaɗebenarãba kãria
 panuu machi bi'ia duanaɗai.

²⁵ Mɓɓa kãria ɓuu Dachì Akõreba ichi sõbiadeeba
 machi joma aiɗa ɓuai.

SANTIAGO

Jesús āba Santiagoba nau karta b̄s̄sii. Mau Santiagoba arabaede Jesusde ijāwēa b̄s̄sii (). Maamina ichi Jesusde ijābadaurā t̄āede chi mechiu b̄s̄sii. Hechos kartaede dachiba mau unubadau (). Santiago Jerusalende b̄uabachii. Año 62de ichi Jesusde ijāa b̄uu kakua beasidau.

Santiagoba nau karta Israel 12 warrarādeebena neepedaadarā druacha nuree baita b̄s̄sii. Waabenarāmaarā, mauba jara b̄uu ābarā judiorā baita b̄s̄sii. Waabenarāmaarā jara b̄uu joma Jesusde ijābadaurā baita b̄s̄sii. Santiagoba nau karta b̄s̄sii kuitaabii baita nau druade saka nibaēai panuu. Capítulo b̄u kub̄uu dachiba Dachī Akōre k̄risia kuitaa mauēde joma dauchia jāadua b̄uai ūtaa iēi panuu. Mawāare Dachī Akōre biawāra ijāa b̄uai ūrubena b̄u kub̄uu (). Mawāare b̄u kub̄uu dachī k̄rame ome kauwāai ūrubena mauēde nau drua k̄riadaabai panuu ūrubena (). Kaadeare b̄u kub̄uu dachiba joma dauchia jāadua panuude waabenarā bi'ia aidaēai ūrubena ().

Chi k̄risia mechiu b̄uu naka b̄u kub̄uu: «Machiba Moisesba b̄uadeebena chi mechiu b̄uu biawāra wau panuuburā, bi'ia wau panuu. Dachī Akōre bedeade mau Moisesba b̄uade naka jara b̄uu: “Abau k̄riāse ara bichi k̄ria b̄uu k̄ira”».

Nebura barau b̄uude dauchia jāadua b̄uai ūrubena

1 M̄ Santiago b̄u, Dachī Akōre baita bari trajabarii mauēde Dachī Mechiu Jesucristo baita bari trajabarii. Nau karta b̄uuru Israel 12 warrarādeebena neepedaadarā ¹ druacha nuree baita. M̄uba k̄ria b̄uu machi bi'ia panadayu.

² Ābarā, barikia ārea bi'iwāe panuude k̄iraj̄u panásturu. ³ Machiba kuitaa panuu maka ārea bi'iwāe panuude Dachī Akōrede ijāa paneeduuburā, bi'ia dauchia jāaduadai kuitaadai. ⁴ Mau biawāra dauchia jāadua paneeduuburā, ne jomaēde bi'ia, jipa nureadai. Bistīika biēa nistadawēa panuu nureadai.

⁵ Machideebena ababa k̄risia kuitaawēa niiburā, Dachī Akōremaa ūtaa iēi b̄uu. Maabae Dachī Akōreba deai. Ichimaa ūtaa iēidiuburā iadaawēa sōbiadeeba jomaurāmaa deabarii. ⁶ Maamina biawāra ijāa b̄uudeeba ūtaa iēi b̄uu. Bistīika biēa k̄risiabai b̄uu Dachī Akōreba deabai. Maka k̄risia b̄uu pūaturāba mar ūrape āyaa adobar̄ii k̄ira b̄uu. ⁷ Chi maka b̄uuba k̄risiabai b̄uu Dachī Mechiudeebena ne adai. ⁸ Ichi k̄risia ome uru b̄uudeeba arabau k̄risiade b̄uakau.

⁹ Āba chi nejarra barauwāe nii k̄iraj̄u b̄uai b̄uu Dachī Akōre daade mechiudeeba. ¹⁰ Maamina chi ēbēra barau nii k̄iraj̄u b̄uai b̄uu Dachī Akōreba ichi chi nejarr barauwāe nii unu b̄uudeeba. Ēbēra barau nii ārea b̄uabai nepono ārea b̄uakau k̄ira. ¹¹ Ūmada neeruude pisiaba nepono kidua b̄uubarii. Maabae chi nepono b̄apeēda chi mipitaa wā'āebarii. Ara mau k̄ira

¹ Israel 12 warrarādeebena neepedaadarā. Waabenarāmaarā, mau jara b̄uu Dachī Akōrede ēbērarā.

ēbēra barau nii ewaricha chi nejarra adai baita b̄uu biui.

¹² Āba kachirua wau k̄risia dauchia jāadua b̄uuburā, Dachī Akōre daade ārea bi'ia b̄uu. ¹¹ Joma dauchia jāaduaruude Dachī Akōreba boro jūra dearuu k̄ira ichi ewaricha chokae b̄uabii. Dachī Akōreba joma ichi k̄ria nureerā biawāradeeba maka chokae b̄uabiai.

¹³ Kachirua wau k̄risia beeruude abau biēa jaraabai b̄uu Dachī Akōreba mau makabii b̄uu. Dachī Akōreba kachirua wau k̄risiakau mauēde abaumaa biēa mau makabikau. ¹⁴ Maumaarā kachirua wau k̄risia b̄ebarii ara dachiba maka wau k̄ria panuudeeba. ¹⁵ Kachirua wau k̄risiapeda mau wau b̄ebarii. Maka wau beesideeba biuruude Dachī Akōredeebena ewaricha awara b̄uai.

¹⁶ Ābarā m̄a k̄riakuabarii, ara machi du ab̄a nau ūrubena setaa k̄ruarāsturu: ¹⁷ Ūtareeba Dachī Bajādeebena Akōreba ne joma ārea bi'ia b̄e dachimaa deabarii. Ichiaburu ne joma bajāde koabadau waukuasii. Maarā ewaricha arabauēde koad̄akau. Mau maarā Dachī Akōre k̄ira awara b̄uakau mauēde diware waukau. ¹⁸ Ichi k̄riadeeba ichi bedeēa biawāradeeba dachī chokae b̄uabiasii. Maka ne uu nub̄uudeebena nabena chauda ichimaa deēda k̄ira dachī joma ichiba wauad̄ebena ichi baita bi'ia panuu.

¹⁹ Ābarā m̄a k̄riakuabarii, nau k̄risia panásturu: Jomaurāba bi'ia ūriēai baita nureadai panuu, bi'ia nureadai panuu, mauēde barikia isa k̄ruadaabai panuu. ²⁰ Dachī k̄ruuduude Dachī Akōreba jipa waubi b̄uu

¹¹ Kachirua wau k̄risia dauchia jāadua b̄uuburā. Griego bedeade mauba nau sida jara b̄uu: «ārea bi'iwāe b̄uude dauchia jāaduaruuburā».

wauðakau. ²¹ Maudeeba ne joma kachirua maude ne joma jipawæe ðuu ida ðústuru. Maabae Dachí Akõreba ichi beðea machi sõðe ðuða kûrisia biðeeba ijâsturu. Ara mau beðeaba machi Dachí Akõreba kastikaidebena karibai.

²² Dachí Akõre beðea jara ðuu kîra wau panâsturu. Ababuru ûriiduu panarâsturu. Maka nureeburã, ara machi du aba setaa kûrua nureaðai. ²³ Dachí Akõre beðea ûri ðuuba mau wauwëeburã, ëbëraba ichi kîedarr chi ichiabariide unubarii kîra ðuu. ²⁴ Maka unuuruude ichi saka ðuu unubarimina, äyaa wâaruude ara makude wã'æbibarii. ²⁵ Maamina barikiuba Dachí Akõre beðea ûriða kîraba ðuai ida ðuwëeburã, ärea bi'ia ðuai. Èbëraba mau beðea jipa ðuu dachi kariba ðuu ewaricha bi'ia kûrisiapeda wau ðuuburã, ichiba maka wau ðuudeeba ärea bi'ia ðuai.

²⁶ Abauba Dachí Akõrede ijâa ðuu kûrisia ðuuburã, maamina ichi kërame bi'ia nuwëeburã, ara ichi du aba setaa kûrua ðuu. Biawãra bari ijâa ðuu. ²⁷ Chi biawãra ijâa ðuuba naka wui ðuu Dachí Bajãaðebena Akõreba I ichiba wau ðuu bi'ia unumera maude jipa unumera: jëramara maude pëdrãarã ärea bi'iwæe panuu aida ðuu, maude nau iujãaðe nuree kachirua wau ðuabai ðuu.

Abauba waabenarã käyabãra aude kûriabai ðuu

2 Äbarã, machiba dachi bia nii Mechiu Jesucristode ijâa panuudeeba aba chi waabenarã audeara bi'ia waurâsturu. ² Machi araa äbua duanuude ëbëra ababa juade nee wauða jü ðuu, paru mipitaa ärea idibadau ðuu jü ðuu eða neeruuburã, maude ëbëra chi nejarr barauwæe niiba paru sore jü ðuu eða neeruuburã, ¿Kãare sãaðaima? ³⁻⁴ Machiba chi ärea mipitaa jü ðuu bi'ia unuðapeda maumaa nama bi'ia ðuumaa akx beese aaduuburã, maude chi nejarr barauwæe nii jamaría bari nubeese aaduuburã, maeburã nama mx jërx kaita jeeda akx beese aaduuburã, ¿maarã ome ara machi täede kîra awara wau panuwæeka? ¿Kûrisia kachiruadeeba maka jidea panuwæeka?

⁵ Äbarã mxa kûriakuabarii, jûristuru! ¿Dachí Akõreba nau iujãaðe chi nejarr barauwæe nuree Jesucristode ijãaðamera karibasiiwæeka? Maka maarã barau panuu kîra nuree. Dachí Akõreba maarã ichi juade ua ðuai. Maka biawãra jarasii, chi ichi kûria nureerãmaa.

⁶ Maamina machiba chi mau chi nejarr barauwæe nii bi'ia nii ichiaðakau. Mxuba idiiruu: ¿Kairãba machi kachirua waubadama? Chi maka waubadaurã ¿chi nejarr barau nureewæeka? ¿Maarãba machi juezrãmaa erta adoebadauwæeka? ⁷ Machi Jesucristoderãb.

Maamina ¿maarãba ichi trü bia ðrubena kachirua jarabadauwæeka?

⁸ Machiba Moisesba ðuðaðebena chi mechiu ðuu biawãra wau panuuburã, bi'ia wau panuu. Dachí Akõre beðeade mau Moisesba ðuðaðe naka jara ðuu: «Waabenarã kûriãse ara bichi kûria ðuu kîra».

^{II9} Maamina machiba waabenarãmaa kîra awara wau panuuburã, kachirua wau panuu. Moisesba ðuðaðe jara ðuu machi maudeeba nebura bara panuu.

¹⁰ Abauba Moisesba ðuðaðebena aba biða wauwëeburã, mau joma wauwëa ðuudeeba nebura bara ðuai.

¹¹ Nau kîra ðuu. Dachí Akõreba jarasii «junebena miakãida ome kãi beerãse» maude «mia bearãse».

Junebena wëra ome kãi beewëa ðumina maamina mia bearuuburã, Moisesba ðuða wauwëa ðuu. ¹² Kauwa berreásturu maude jipa wâusturu, Dachí Akõreba chi dachi enabarii leyba dachi nebura ichiaideeba. ¹³ Chi waabenarã kîra chuburiakau Dachí Akõreba ichiaruude kîra chuburiabai. Maude chi waabenarã kîra chuburiabadau bi'ia nureaðai.

Cristode biawãra ijâa ðuuba bi'ia waubarii

¹⁴ Äbarã, abauba Jesucristode biawãra ijâa ðuu aaruuburã, maamina bi'ia wauwëa ðuuburã, ¿mau aida ðuka? ¿Mau biawãra karibai ðuka? ¹⁵ Nau kîra ðuu. Äbaba maeburã neekauba paru jüi baita maude koi baita wã'æe ðuuburã, ¹⁶ maude aba machidebenaba ichimaa jaraaruuburã, «mxuba kûria ðuu bichi bi'ia wãi, paru jüi baita uru ðuai maude ärea ko ðuai», maamina ne aba biða deawëeburã, ¿mau jaraða aidaika? Aidaðakau. ¹⁷ Ara mau kîra chi Jesucristode ijâa ðuu a ðuuba bi'ia wauwëeburã, biawãra ijãawëa ðuu. Mau- ba ijâa ðuu a ðuu, ëbëra biuða kîra nii.

¹⁸ Maamina abauba naka jaraaruu: «Bichiba Jesucristode ijâa ðuu abarii maude mxuba bi'ia waubarii». Mxuba nau jaraaruu: bichiba bi'ia wauwëa unubise, Jesucristode biawãra ijâa ðuu. Maude bi'ia wau ðuudeeba mxuba unubii Jesucristode biawãra ijâa ðuu.

¹⁹ Bichiba ijâa ðuu Dachí Akõre ababuru nii. ¿Ärea bi'ia ðuu! Jai kachiruarã biða maka ijâa panuu, maamina Dachí Akõre wapeaba uribadau.

²⁰ ¿Bichi kûrisiaswæe nii! Chi Jesucristode ijâa ðuu a ðuuba bi'ia wauwëeburã biawãra ijãawëa ðuu. ¿Mxuba bichimaa kuitaabii ðuka? ^{III21} ¿Dachí chi judiorã akõre Abrahamba wauða Dachí Akõreba mau jipa unuubaska? Dachí Akõreba Abrahammaa ichi warr Isaac baa deábaðe asiide Abrahamba makaðe wãsii. ^{IV} ¿Dachí Akõreba ichi mau kakua jipa nii unuubaska?

²² Bichiba kuitaa ðuu Abrahamba maka wausii, biawãra Dachí Akõrede ijãasiideeba. Maude maka wausii-

II 2:8 Levítico 19:18. III Griego beðeade chi bee kartade mau versículo naka ðx kubuu: ¿Mxuba bichimaa kuitaabii ðuka Jesucristode ijâa ðuu a ðuuba bi'ia wauwëeburã, ichiba ijâa ðuu aða ëbëra biuða kîra nii? IV 2:21 Génesis 22:1-18.

I Dachí Bajãaðebena Akõre. Griego beðeade ðx kubuu: Dios y Padre.

ideeba unubisii Dachí Akõrede biawāra ijāa ðuu.

²³ Abrahamba wauðaba kuitaabi ðuu Dachí Akõre bedede ðu kubuu biawārabu. Naka ðu kubuu: «Abrahamba Dachí Akõrede ijāasii. Mauðeeba Dachí Akõreba mau neburaswāe nii unusii». ^I Mauðe Abraham Dachí Akõre ome kōpaero abachidau.

²⁴ Mauðeeba machiba kuitaa panuu Dachí Akõreba dachi jipa unukau, bari dachiba ichide ijāa panuu a panuudeeba, maumaarā jipa unu ðuu ichide ijāapeðaða bi'ia wau panuudeeba.

²⁵ Ara mau kīra wēra auðua nii Rahaba wauða kakua Dachí Akõreba ichi jipa nii unusii. Josueba ðuidarā or-rōdaðamera ichi dede bi'ia irsibisii mauðe o āyare waya wābiasii. ^{II}²⁶ Biuða jauri wā'āe nii. Ara mau kīra Dachí Akõrede ijāa ðuu a ðuuba bi'ia wauwēberā, biawāra ijāawēa ðuu. Ichiba ijāa ðuu a ðuu ēbēra biuða kīra nii.

Kauwa berreðai panuu

3 Ābarā, machiba kuitaa panuu Dachí Akõreba dachi chi Ichi bedea jaradeabadaurā aude ichiai. Mauðeeba ārea machidebenaba jureðabai panuu jaradeabadaurā nureðai baita. ² Joma dachiba ārea bi'iwāe waubadau. Aðauða berrearuude aða sō pu'uabikauburā, ne jomaðe jipa nii mauðe ichi kakua joma jipa ðuu.

³ Dachiba mura itaede jiorr kaabibadau dachi ijāamera. Maka mauba dachi wā kūrīa panuumaa adobadau. ⁴ Mauðe jāba ðrēbena kūrīsiásturu. Jāba mechiu nimina mauðe pūatu ārea puaruuba adobarimina, chi ūubibariiba chi timón bistīika ðuu purrabarii ichi wā kūrīa ðuumaa wāi baita. ⁵ Ara mau kīra chi kērame bistīika ðumina ara ichi ðrēbena ārea berreabarii. Kūrīsiásturu saka tūbūchia ða'āra koaruuba mode mechiu joma baabibarii. ⁶ Dachí kērame tūbūchia kīra niideeba joma kachirua jarabarii. Aða mau dachi kakuðebenadeeba dachi kakua joma pobibarii aða biuduðaa. Mauðe jūbawāe niiba kachirua berreabiabarii tūbūchia koabiiruu kīra. ^{III}

⁷ Barikiu ānimara modedebena, ibanarā, ði jāaba nureabadau mauðe mardebena ēbērarāba jidauðapeða ututurūabibadau. ⁸ Maamina dachi kērame ome aðu biða poyaðakau. Dachí kērameba joma kachirua berreabarii. Nearāa kachiruaba waabiru ðuu kīra ðuu. ⁹ Dachí kērameba Dachí Bajāadebena Mechiumaa bi'ia berreabadau mauðe ara mau kērameba ēbērarāmaa kachirua jarabadau, Dachí Akõreba mau ēbēra ara ichi kīra wauðamina. ¹⁰ Ara mauðebena okarrba bedea bia mauðe bedea kachirua berreabarii. Ābarā, mau makaðabai ðuu. ¹¹ Miedebe-na bania, ðbania kūaa mauðe bania kuyaa chebarika?

I 2:23 Génesis 15:6; Isaías 41:8. II 2:25 Josué 2:1-24.
III jūbawāe niiba. Griego bedede naka ðu kubuu: tūbūchia aoko kubuu kiikauba.

¹² ¿Higo bakuruba olivo jō chaubarika? ¿Uvaba higo jō chaubarika? Chaukau. Ara mau kīra miedebe-na bania kūaa mauðe bania kuyaa chekau.

Chi biawāra kūrīsia kuitaa nii

¹³ Machi kūrīsia kuitaa nuree mauðe ne kuitaa nuree kūrīsia panuuburā, unubiásturu biawāra maka nuree, machi bi'ia nibabadaudeeba. Chi mechiu nuree kūrīsi-aðawēa kūrīsia kuitaadeeba bi'ia wauðai panuu.

¹⁴ Maamina aðauba chi uru ðuu kakua maeburā chi wau ðuu kakua jiwaa duanuuburā, mauðe waabenarā aude bi'ia nureðai baita jureduuburā, jararásturu machi ne kuitaa nuree. Maka jaraaduuburā, chi biawāra bedea ida ðu panuu. ¹⁵ Machi kūrīsia kuitaadeeba maka kūrīsia panuuburā, mau kūrīsia kuitaa Dachí Akõredebena neekau, maumaarā nau iujādebena, ēbērarādebena mauðe jūbawāe niidebena neebarii. ¹⁶ Chi waabenarāba uru panuu kakua maeburā wau panuu kakua jiwaa nuree, mauðe chi waabenarā aude bi'ia nureðai baita jure nureerāba kūrīsia kachirua barikia kūrīsiabadau mauðe ne joma kachirua waubadau. ¹⁷ Maamina chi Dachí Akõreba dea ðuu kūrīsia kuitaa uru nureerāba ne jomaðe jipa waubadau, jomaurā ome jirukaraayuwāe nureðai baita jurebadau, jomaurā ome bi'ia panabadau, aðauba jara ðuu ūriðai baita panabadau, waabenarā kīra chuburiabadau mauðe ne joma bi'ia waubadau. Aða waabenarā audeara bi'ia wauðakau. Ichiba jara ðuu kīra biawāra waubarii. ¹⁸ Jirukaraayuwāe ðuabariideeba, waabenarā jirukaraayuwāe panabiabarii, ne uuruu kīra. Mau ēbēra unui chi waabenarāba jipa wau panuu, ne jō bakuru bi'ia chaubarii kīra.

Dachí Akõreba jara ðuu joma wau panásturu

4 ¿Machi sakāe chíobadama mauðe oa kachirua berreabadama? Machiba kachirua wau kūrīa panuu machi sōðe chío ðuu maka wauðamera. ² Machiba ne adauðai ārea kūrīabadamina poyaa adauðakau. Mauðeeba mia beabadau. Waabenarāde ne kaebea adauðai kūrīabadau. Maamina poyaa adauðakauðeeba oa kachirua berreabadau mauðe chíobadau. Machiba chi kūrīa panuu adauðakau, Dachí Akõremaa utaa ideidauðeeba. ³ Mauðe machiba Dachí Akõremaa utaa ideiduude ne poyaa adauðakau kūrīsia kachiruaðeeba utaa ideibadauðeeba. Machiba utaa ideibadau, ara machiaburu kūrīa panuu kīra wauðai baita. ⁴ Junebena wēra ome káiduu kīra machiba Dachí Akõre ida ðuu panuu nau iujādebenaarāba waubadau kīra wauðai baita. ¿Machiba wabiða adua panuka chi nau iujādebena kūrīa ðuu Dachí Akõre ome chi kīramaa? Biawāra barikiuba nau iujādebena kūrīa ðuuburā, Dachí Akõre ome chi kīramaa beei. ⁵ Dachí Akõreba dachi sōðe ðuða jauriba kūrīa ðuu

Dachi Akōréturu kŭria panaamamera. ¿Machiba kŭrisia panuka Dachi Akōre bedeade bari ara jāka bŭbisii? ⁶ Maamina Dachi Akōreba ichi sōbiadeeba dachi ārea aida bŭu. Maudeeba Ichi Bedeade naka bŭ kubŭu: «Chi nejuakaya nuree Dachi Akōreba ida bi'ia bŭabikau.

Maamina chi mechiu kŭrisiawēa nuree Dachi Akōreba ichi sōbiadeeba aidabarii». ^I

⁷ Maudeeba Dachi Akōre juade panásturu. Jŭbawēe nii ijāarásturu. Maka ichi machidebena āyaa wāi. ⁸ Dachi Akōre kaita nésturu, makarā ichi machi kaita neei. Machi chi kachirua waubadaurā, jŭmachi jua jeraaduu kŭra waa kachirua waurásturu! Machi kŭrisia ome uru nuree, jkŭrisia kachirua ida bŭdapeđa Dachi Akōréturu kŭrisiásturu! ⁹ Machiba kachirua waupedaada kakua kŭra nomaa panásturu, jéásturu, biuchaa jéásturu. Waa kŭrajŭu eirásturu, maumaarā machiba kachirua waupedaada kakua ārea jirukaraa panásturu. ¹⁰ Chi waabenarā audeara mechiuwēe nuree, Dachi Mechiu daade nésturu. Maka mauba machi chi mechiurā bŭi.

Waabena ũrŭbena kachirua jararásturu

¹¹ Ābarā, waabenarā ũrŭbena kachirua jararásturu. Abauba ichi āba ũrŭbena kachirua jaraaruubŭrā maebŭrā jidearuubŭrā, Moisesba bŭda ũrŭbena kachirua jara bŭu, maude mau Moisesba bŭda jidea bŭu. ^{II} Abauba Moisesba bŭda maka jideai kŭrisia bŭubŭrā, mau Moisesba bŭdade jara bŭu wauwēa bŭu. Moisesba bŭdade jara bŭu audeara ichi waabenarā nebŭra ichiabarii beesii. ¹² Maamina mau Moisesba bŭda Dachi Akōréburu deasii. Jāuburu dachi nebŭra ichiabarii. Aba jāuburu ēbērarā poyaa karibai maude poyaa dachi nebŭra ichiai. Maudeeba ¿bichi kaima, bichi āba nebŭra ichiai baita?

Ara machi ũrŭbena arakude kŭrisiásturu

¹³ jŭmŭ bedea ũristuru! Waabenarāba naka jarabadau: «Iđi maebŭrā nu dachi junebena puuruđaa wāđai. Aria año aba paneđai. Maude ne wauđai chi nejarrā adađai baita». ¹⁴ Maamina machiba adua panuu nubena ewaride kāare sāai. ¿Machiba kuitaa panuka nubena ewaride chokae nuređai? Adua panuu. Machi jŭrŭara kŭra nuree. Jŭrŭara nepeđa isa wā'āebarii kŭra, machi siđa kā'āabariwāe nuređai. ¹⁵ Maudeeba bi'ia bŭu machiba naka jaradayu: «Dachi Mechiuba kŭriaruubŭrā, dachi chokae nuređai. Maabae ne waukuđai». ¹⁶ Maamina machiba maka wauđakau. Maumaarā chi mechiu nuree kŭrisia panuudeeba jarabadau machiba wau kŭria panuu poyaa

^I 4:6 Proverbios 3:34. ^{II} Moisesba bŭda. Dachiba bi'ia kuitađawēma chi sāu bŭda jara bŭu. Waabenarā baita «Moisesba bŭda» jara bŭu. Waabenarā baita jara bŭu «chi dachiba waabenarā kŭriadau bŭu ũrŭbena bŭda». Santiago 2:8.

wauđai. Biawāra mau kachirua bŭu. ¹⁷ Chi bi'ia waui kuitaa bŭuba maka wauwēebŭrā, kachirua wau bŭu.

Dachi Akōreba barau nuree iadaai ũrŭbena

⁵ Chi nejarrā barau nuree, jŭmŭ bedea ũristuru! jKŭra nomaa jéásturu, kā'āabariwāede machi nebŭrade paneđaideeba! ² Joma machiba uru panuu beraada kŭra bŭu. Machi paru simiaba kođa kŭra bŭu. ³ Nau kaadebena ewaride machiba chi nejarrā aribia āyaa panuu. Maamina machi nee maude parata mokokoro chau bŭu. Dachi Akōreba ichiaruude machi parata arabaude mokokoro chau bŭuba kuitaabii machiba kachirua waupedaada. Maudeeba tŭbŭchia-ba ārea bi'iwāe panađai. ⁴ Machi ne uu nubŭude trajabadaurāmaa chi nejarrā deađawēa panuu āchi traju bare. Maudeeba āchiba Dachi Akōremaa ũtaa idi panuu kastikamera. jũristuru! Dachi Mechiu chi joma poyaa wau bŭuba ũrisii maarāba ũtaa idipeđaada. ⁵ Nau iujāade machiba ne joma uru panuu maude machiba wau kŭria panuu waubadau. Maka machi sō boreabi panabachiđau, paka boreabibadau kŭra. Maamina paka beaduu kŭra kā'āabariwāede Dachi Akōreba machi kastikai. ⁶ Machiba chi ēbēra jipa nii nebŭra barau adapeđa beasiđau. Maude mauba ne waubasii bearāamamera.

Joma dauchia jādua panásturu

⁷ Maudeeba ābarā, joma dauchia jādua panásturu aba Dachi Mechiu neeruđaa. Ne uu nubŭude ēbēra-ba wau bŭu ũrŭbena kŭrisiásturu. Ichi peade uuruude, apii esedaubarii kui cheeruude chi uuda tonomera maude warimera. Ara maka nubarii kui maucha cheeruude, mau uuda bi'ia chaumera. ⁸ Ara mau kŭra joma dauchia jādua panuudeeba eseda panásturu maude sōdeeba ijāa panásturu, Dachi Mechiu Jesucristo kā'āabariwāede neeideeba. ⁹ Ābarā, waabena ũrŭbena kachirua jararásturu, Jesucristoba machi ichiarāamera. Jesucristo dachi nebŭra ichiabarii kā'āabariwāede neei. ^{III}

¹⁰ Ābarā, kŭrisiásturu saka Dachi Akōre baita berrebadaurāba dauchia jāduapedaada ũrŭbena. Dachi Mechiu trŭdeeba berreasidau kakua ārea bi'iwāe panađa joma dauchia jāduasiđau. Ara mau kŭra machia biđa joma dauchia jāduadau panuu. ¹¹ Dachi-maarā, chi ārea bi'iwāe panuude dauchia jādua nuree ārea bi'ia nuree. Machiba ũribadau Job ichi ewaride ārea bi'iwāe bŭada joma dauchia jāduasii. Mau ewari ārea nebŭrade bŭapeđa, kuitaa panuu Dachi Mechiuba ichi bi'ia bŭsii. Mauba kŭra chuburia bŭu maude kŭriadeeba aida bŭu.

^{III} Jesucristo dachi nebŭra ichiabarii kā'āabariwāede neei. Griego bedeade naka bŭ kubŭu: dachi nebŭra ichiabarii de poraade bŭu.

Dachi Akõremaa ʔtaa idísturu

12 Mau awara ābarā, abau trūde biawāra ne wauđai arásturu. Bajāa trūdeeba, nau iujāa trūdeeba maeburā barikiađe biawāra wauđai arásturu. Wauđai aadu-uburā, biawāra wáusturu. Maude wauđawēe aadu-uburā, biawāra waurásturu. Maka Dachi Akõreba machi nebura ichiabai.

13 Machidebena aba ārea bi'iwāe buuburā, Dachi Akõremaa ʔtaa idi buu. Aba kīrajuu buuburā, karideeba Dachi Akõremaa bi'ia berrei buu. 14 Machidebena aba ēpermo buuburā, chi ijāabadaurā nubadaurā iui buu mau baita Dachi Akõremaa ʔtaa ididamera. I Āchiba ʔtaa ididuude Dachi Mechiu Jesús trūde olivo draaba ba'āra puruđai panuu. 15 Maude ijāa panadai panuu Dachi Akõreba mau aribiabii. Maka ʔtaa ididuuburā Dachi Mechiuba aribiabii. Chi ēpermo buadaba

I *Ijāabadaurā nubadaurā. Kajuma bedeađe «ancianos» maeburā «pastores» a jarabadau.*

kachirua wauđaburā, Dachi Mechiuba mau perdonai. 16 Mau baita machiba kachirua waupeadađe chiya jarásturu. Maude ābua Dachi Akõremaa ʔtaa idísturu bi'ia duanađai baita. Ēbēra jipa buuba Dachi Akõremaa ʔtaa idiiuruuburā Dachi Akõre poyaabariideeba ne aribia waubarii. 17 Elías dachi kīra ēbēra basii. Mauba sōdeeba Dachi Akõremaa ʔtaa idisii kui cherāamera. Maabae Israel druade año õbea y medio kui cheebasii. 18 Mau maadakare ichiba Dachi Akõremaa ʔtaa idisii kui chemera. Ara makude kui chesii. II Mauba ne uu nubuu tonopeđa chausii.

19-20 Ābarā, nau kuitásturu: chi biawāra bedeađebena aba āyaa wāaruuburā, maude abauba ichimaa kachirua ida bubipeđa waya neebiuruuburā, mau ēbēraba kachirua ārea wau buada Dachi Akõreba perdonapeđa, ewaricha Dachi Akõre awara buai badadebena karibai. III

II *5:18 1 Reyes 17—18.* III *Dachi Akõre awara buai badadebena. Griego bedeađe naka bu kubuu: biuidebena.*

1 PEDRO

Pedroba nau karta b̄s̄ii. Jesusba ichi iusiide beda jidaubar̄ii basii (). Maamina Jesusba j̄r̄u adauđadebena Pedro chi aude mechiu b̄uasii. Ichiba Jerusalende Dach̄i Akõre de mechiude judior̄amaa Jesucristo ũr̄ubena bi'ia jaradeasii () maude judiow̄er̄amaa biđa Jesús ũr̄ubena jarade w̄asii (). Año 67de romađebenar̄aba ichi cruzde boro eđaa jirab̄u beasiđau.

Año 64de Roma puuru baaw̄asii. Waabenar̄amaar̄a, chi karr Nerón abadauba baabisii de wiđi waukuai baita. Maamina nebur̄ade buamaaba, Neronba jarasii chi Cristode ij̄abadaur̄aburu maka wausiđau. Mauđeeba romađebenar̄aba druacha ābar̄a kachirua wauđai baita w̄raa paneesiđau. Mauđeeba Pedroba nau karta b̄s̄ii. Ichiba mau urub̄isii Romađebena ābar̄amaa druacha, ārea bi'iw̄ae panumina Cristode ij̄a panadamera (). Chi k̄risia mechiu naka b̄u kub̄uu: «Cristo machi kakuā ārea bi'iw̄ae b̄uasiideeba Dach̄i Akõreba machi iusii ārea bi'iw̄ae panadamera. Cristo ārea bi'iw̄ae b̄uasiide unubisii machi bi'iw̄ae paneeduude saka nibađai panuu».

Nau kartade Pedroba b̄s̄ii Dach̄i Akõreba Jesucristodeeba dachi adausii ichi puuru bamera (). Mauđeeba dachi ne jomađe jipa nibađai panuu (). Dach̄i druadebena ley maude chi karrar̄a ij̄ađai panuu (). Maamina ne joma audeara Jesucristode ij̄ađai panuu ().

Pedroba nau kartade naa buda

1 M̄u Pedrob̄u, Jesucristoba buidab̄u. M̄uuba nau karta b̄uuru Dach̄i Akõreba j̄r̄u adauđar̄a Ponto druade, Galacia druade, Capadocia druade, Asia druade, Bitinia druade maude druā awarađebenar̄a k̄ira panabadau baita. ² Dach̄i Baj̄ađebena Akõreba ^I machi adausii ichiba naede makai k̄risia buada k̄ira. Dach̄i Akõre Jauriba machi ichi baita b̄s̄ii Jesucristode ij̄ađamera maude ichi oadeeba Dach̄i Akõre daade kachirusw̄ae nureadamera. M̄uuba k̄ria b̄u Dach̄i Akõreba ichi s̄obiadeeba machi aida buamera maude jirukaraayuw̄ae buabiamera.

Pedroba Dach̄i Akõremaa bi'ia berreada

³ Dach̄i Mechiu Jesucristo, dachi Baj̄ađebena Akõremaa bi'ia berreada panuu. Ichiba dachi ārea k̄ira chuburiasiideeba Jesucristo biu buada chokae jiradusiideeba dachi waya chokae duaneebiasii. Mauđeeba kuitaa panuu ⁴ ichiba dachi baita baj̄ađe nu uru b̄u joma adauđamera. Mau ārikau, w̄ā'āekau maude kachirusw̄ae b̄u. ⁵ Jesucristode ij̄a panuudeeba Dach̄i Akõreba ichi poyaabariideeba machi nu uru buai, aba chi kaadebena ewaride karibaaruudaa.

⁶ Mauđeeba ārea k̄iraj̄u panuu. Ara ũraudaa ne a'awaraadeeba machi ārea bi'iw̄ae panumina, ⁷ mau bi'iw̄ae panuudeeba unubiđai Jesucristode biaw̄ara ij̄a panuu. Machiba ij̄a panuu nee k̄ira b̄u. Nee w̄asiaba dorrabaribadau mau chi n̄eturu beemera.

I Dach̄i Baj̄ađebena Akõreba. Kajuma bedeade b̄u kub̄uu: Dios y Padre.

Ara mau k̄ira machi ārea bi'iw̄ae panuu j̄adua panuudeeba unubi panuu Jesucristode biaw̄ara ij̄a panuu. Mau ij̄a panuu nee audeara bi'ia b̄u nee w̄ā'āebariideeba. Machiba Jesucristode biaw̄ara ij̄a panuu unubi panuudeeba, ichi unuuduude Dach̄i Akõreba machi bi'ia unui, bi'ia jarai maude chi mechiur̄a b̄u.

⁸ Machiba Jesucristo unudakamina mau k̄ria panuu. ũraudaa unudaw̄ea panumina ichide ij̄a panuu. Ichi kakuā ārea k̄iraj̄u panuu. Maka k̄iraj̄u panuudeeba mau k̄iraj̄u saka b̄u, poyaa kuitaa jaradaw̄ea panuu. ⁹ Maka k̄iraj̄u panuu Jesucristode ij̄a panuudeeba, Dach̄i Akõreba karibaideeba.

¹⁰ Dach̄i Akõre baita berreabadaur̄aba nab̄eraede jarabachiđau Dach̄i Akõreba ichi s̄obiadeeba machi karibai. Mau ũr̄ubena kuitađai baita āchiba kauwa k̄risiabachiđau maude mau ichiapedađakare idibachiđau. ¹¹ Cristo Jauri āchi s̄ode buuba berreabiabachii Cristo ārea bi'iw̄ae buada bađa Dach̄i Akõreba bi'ia b̄u ũr̄ubena. Berreasiide kuitaa k̄ria panasiđau kai ũr̄ubena Cristo Jauriba āchimaa berreabiasii maude sakaede joma mau makai. ¹² Maamina Dach̄i Akõreba kuitaabiada āchiba berreapedaada āchi baitaw̄ae basii, maumaar̄a machi baita b̄u. Āchiba berreapedaada j̄abae chi bedeā bia Cristo ũr̄ubena jaradeabadaur̄a dachimaa bi'ia kuitaabia panuu Dach̄i Akõre Jauri baj̄ađebena b̄usiiideeba. Mau angeler̄a biđa kuitaa k̄ria panuu.

Dach̄i Akõre baita bi'ia panásturu

¹³ Mauđeeba k̄risia kuitaadeeba panásturu bi'ia wauđai baita. K̄ira jipa panásturu. Kakuā ākaadaw̄ea

esedau panásturu Jesucristo unuuduu ewaride Dachí Akõreba ichi sõbiadeeba machimaa ne bia deamera.

14 Warr ùribaba nii kîra panásturu. Nau kakuaba kachirua wau kûria ßuu waa waurásturu Dachí Akõrede ijãadawëa panasiide waubachidau kîra.

15 Dachí Akõreba machi iusii. Ichi ne jomæde jipa nii. Mauðeeba machiba wauduucha jipa panásturu.

16 Dachí Akõre bedeeade naka ßu kubuu: «Jipa panásturu mu jipa niideeba». I

17 Machiba Dachí Akõremaa berreaduude machi Chacha abadauburã, kuitásturu Ichiba ëbëra waabenarã audeara kûriakauðeeba joma ichiai dachiba waupedaada. Mauðeeba wabida nau iujãade äibenarã kîra panuumisa ewaricha ichi wapea panuudeeba jipa nibásturu. 18-19 Naede machi chi kûrisia biawãede nibabachidau machi nabëraeðebenarãba maka jaradeabachidauðeeba. Maamina kuitaa panuu Dachí Akõreba machi mauðebena karibasii. Ichiba machi nedoobasii nee ärea ßuakauba maeburã parata ärea ßuakauba, maumaarã Cristo oa chi nejarr ärea idibadauba nedosii. Cristo chi bibuara nii oeja cheke Dachí Akõremaa baa deada kîra ßuasii. 20 Nau iujãa wau naede Dachí Akõreba Cristo juru adaupeða nau kaadebena ewaride ßuisii machi bi'ia nureadamera. 21 Cristodeeba machiba Dachí Akõrede ijãa panuu. Dachí Akõreba ichi biu ßuada chokae jiradubipeða chi mechiu ßusii. Mauðeeba machiba Dachí Akõrede biawãra ijãa panuu mauðe esedau panuu Dachí Akõreba jarada joma waumera.

22 Chi biawãra bedea ijãa panuudeeba machi kachiruswæe panesidau. II Mauðeeba äbarã biawãra kûria panuu. Sõðeeba biawãra ärea chiya kûria panásturu. 23 Nau kakua biui ßuudeeba machi chiwiði naweba waya adauðabasii, maumaarã Dachí Akõre biukau niideeba chiwiði adausidau. Dachí Akõre bedea wã'äekau chokae ßuai deabarii. Mau bedeeadeeba machi chiwiði wãwa kîra adausidau. 24 Dachí Akõre bedeeade naka ßu kubuu:

«Jomaurã sirua kîra nureebu. Ächi mipitaa nepono kîra nuree.

Sirua poapeða chi nepono bæebarii.

25 Maamina Dachí Mechiu bedea wã'äekau». III Mau wã'äekau bedea bia Cristodebenabü. Mau äbarãba machimaa jarasidau.

2 Mauðeeba waabenarãmaa kachirua wauðai ida ßüsturu. Waabenarãmaa setaa jararásturu. Chi nureeba ara ächiba jarabadau kîra wauðakau. Mau ëbërarã kîra panarásturu. Waabenarãba uru panuu kakua, kachirua kûrisiarásturu. Waabenarã ürubena kachirua jararásturu. 2-3 Dachí Mechiuba sõbiadeeba machi karibabarii kuitaasidau. Mauðeeba warr ea adauðaba ju do kûria ßuabarii kîra Dachí Akõre bedea

I 1:16 Levítico 11:45; 19:2. II Chi bee kartæde kajuma bedeeade naka ßu kubuu: Dachí Akõre Jaurideeba. III 1:25 Isaías 40:6-8.

bi'ia kuitaa kûriásturu. IV Ichi bedea chi biawãra ju ßaara kîra nii. Ichi bedea kuitaaduuburã, waridai abã ichiba machi karibaaruudeaa.

Dachí Akõreba juru adauða ëbërarã

4 Dachí Mechiu Jesucristomaa nésturu. Ichi chokae ßuu, de wau baitabena mo kîra ßuu. V Ëbërarãba ichi ida ßusidau, maamina Dachí Akõreba mo bia mauðe chi mau nejarr ärea idibadau juru adausii. 5 Machi ichidebena chokae nuredeeba, de wau baitabena mo kîra nureebü. Machidebena Dachí Akõreba ichi de wauruu. Mauðe ichi baita machi paarerã babiaruu. Machiba Jesucristodebena Dachí Akõre baita ne wau panuude ichimaa änimara baa deaduu kîra wau panuu. Maka wau panuu ichiba bi'ia unu ßuu. 6 Dachí Akõre bedeeade Jesucristo ürubena naka ßu kubuu: «Üristuru, Sión puurude muuba de wau baitabena mo chi bibuara ßuu ßuuruu. VI

Mau mo bia mauðe mau chi nejarr ärea idibadau muuba juru adausii. Mauðeeba chi ichide ijãa ßuuba bari ijãa ßuubai». VII

7 Machi chi Cristode ijãabadaurãmaarã, ichi ärea bi'ia ßuu. Maamina chi ichide ijãadakaurã ürubena Dachí Akõre bedeeade naka ßu kubuu:

«Chi mo chi de waubadaurãba ida ßupeðaada, mau chi biara ßeesii». VIII

8 Mauðe naka ßu kubuu:

«Ëbërarã mau moomaa druðapeða bæedai». IX Ächiba Dachí Akõre bedea ijãadawëa panuudeeba moomaa druðduu kîra nuree. Dachí Akõreba maarã ßusii maka nureadamera.

9 Maamina machi Dachí Akõreba juru adauðarãbü, joma Dachí Mechiu paarerãbü, ichi baita ßuuda ëbërarãbü mauðe ichi puurubü. Maka Dachí Akõreba ne ärea bi'ia wauða ürubena machiba berreabadau. Dachí Akõreba machi päriuðebena iusii ichi üdaa ärea bi'ia ßuude nureadamera. 10 Naede machi Dachí Akõre puuruwæe basii, maamina jãabae Dachí Akõre puurubü. Naede Dachí Akõreba machi kîra chuburiawëa ßuasii, maamina jãabae kîra chuburia ßuu. X

Ijãadakaurã täede jipa panadai panuu

11 Mu äbarã, nau iujãade machi äibena druðeðebenarãbü. Mauðeeba muuba machimaa chi chuburia idiruu nau kakuaba kachirua wau kûria ßuu ida ßuðamera. Mau ara dachi ome chio ßuu. 12 Dachí Akõrede ijãadakaurã täede jipa nibásturu. Maka ächiba machi

IV Ju do kûria ßuabarii kîra Dachí Akõre bedea bi'ia kuitaa kûriásturu. Griego bedeeade naka ßu kubuu: Dachí Akõre Jauriba dea ßuu ju ßaa do kûriásturu. V Ichi chokae ßuu, de wau baitabena mo kîra ßuu. Griego bedeeade naka ßu kubuu: Ichi chokae ßuu moobü. VI Sión puuru mauðe Jerusalén abadau. VII Bari ijãa ßuubai. Griego bedeeade naka ßu kubuu: Kirakaya ßuubai. Isaías 28:16. VI- II 2:7 Salmos 118:22. IX 2:8 Isaías 8:14. X 2:10 Oseas 2:23.

kachirua waubadaurã a panumina, machiba bi'ia wau panuu unu panuu. Maabae Dach Akõre neeruude machi ùrubena ichimaa bi'ia berreadai.

¹³ Dach Mechiu Jesucristo baita joma nau iujãadebena karrarã bedea ijãsturu. Nau iujãadebena karrba jaraaruu ijãsturu ichi chi mechiu niideeba. ¹⁴ Maude chi ichide karrarã jaraaduu ijãsturu. Chi karr chi mechiu niiba maarã òsiii kachirua waubadaurã kastikaamera maude bi'ia waubadaurã ùrubena bi'ia jaradamera. ¹⁵ Dach Akõreba kùria òuu machiba bi'ia wau panadai. Maka machiba chi kùrisiaswãe nuree chùpeabidai, adua panuudebena machi ùrubena kachirua jarabadaudeeba.

¹⁶ Machi jù uru panada kùria òuudebena Cristoba machi enakoasiideeba, mau kùria nibásturu. Maamina maka òusiideeba kùrisiarásturu kachirua wau dai panuu. Maumaarã Dach Akõre baita bari trajabadaurã panásturu. ¹⁷ Jomaurã wapeásturu. Ábarã área kùriásturu. Dach Akõre wapeásturu. Nau iujãadebena karr chi mechiu sida wapeásturu.

¹⁸ Chi chibari baita bari trajabadaurã, machi chibari wapea panásturu. Ichi bedea ijãsturu. Ababuru machi chibari chi bia nii maude chi kùria chuburiabarii ome maka panarásturu, maumaarã chi kachirua ome bida maka panásturu. ¹⁹ Besede bi'ia wau òuudeeba dachi área bi'iwãe panabadau. Maamina Dach Akõreba dachi bi'iwãe panuu kuitaa òuu. Dachiba mau ùrubena kùrisiaduude, mau joma dauchia jãadua panuuburã, Ichiba bi'ia unui. ²⁰ Machiba kachirua wau panuu kakua chi chibariba kastikaaruuburã, machiba jãaduadumina çkaiba machi ùrubena bi'ia berreaima? Maamina bi'ia wau panuu kakua neburaude panuude jãaduaduuburã, Dach Akõreba bi'ia unui. ²¹ Cristo machi kakua área bi'iwãe òusiideeba Dach Akõreba machi iusii área bi'iwãe panadamera. Cristo área bi'iwãe òusiidee unubiasii machi neburaude panuude saka nibadai panuu. ²² Cristoba kachirua wauka basii maude setaa jaraka basii. ²³ Èbërarãba ichi kachirua jarasidaude ichiba áchimaa kachirua jaraabasii. Ichi kachirua wausidaude ichiba waya áchi kachirua wau a jaraabasii. Maumaarã Dach Akõreba nebura jipa ichi-abariideeba ichi kachirua wau panuu Dach Akõre juade òubachii. ²⁴ Cristoba dachi kachirua ichi ùru cruzde adoesii dachi kachirua debena biudapeda jipa nureadamera. Ichi kakua pu'usidaudeeba machi bi'ia paneesidau. ²⁵ Machi naede chi oeja barikiude nibada kùria nibabachidau, maamina jãabae Cristomaa waya neesidau. Ichiba machi nu òuu, oeja nubariiba ichi oeja nubarii kùria.

Kima barau nuree saka nureadai ùrubena

³ ¹⁻² Wëra kima barau nuree, machi kima bedea ijãsturu. Maka chi nuree machi kimadebenarãba Dach Akõre bedea ijãadawëa panumina machi kùria jipa nuree maude Dach Akõre wapea nuree unudapeda ijãadai. Machiba machi kimamaa ijãadamera jaradawëa panumina machiba bi'ia wau panuudeeba ijãabidai. ³ Machi kùrawãrea chi ùrubenáburu òuabai òuu; buada bi'ia irupeada área kãajù òuabai òuu, nee wau da kapipia jù òuabai òuu, paru aude mipitaa òuu jù òuabai òuu. ⁴ Maumaarã machi kùrawãrea sòdeburu òuai òuu; sòbia òuudeeba maude jirukaraayuwãe òuudeeba òuai òuu. Mau kùrawãrea wã'ækau maude Dach Akõreba bi'ia unu òuu. ⁵ Ara mau kùria nabëraadebena wërarã Dach Akõre baita nureada kùrawãrea nureasii. Dach Akõreba wau jarada áchiba sòdeeba biawãra ijãa panabachidau maude áchi kima bedea ijãabachidau. ⁶ Saraba Abraham bedea ijãabachii maude «mç mechiu» abachii. Ne wapeawëa machiba ne joma bi'ia wau panuuburã, Sara kau nureadai.

⁷ Mukìrarã wëra barau nuree, kùrisia biadeeba machi wëra ome bi'ia panásturu. Machi wëra bi'ia òuabii kùria panuudeeba áchi bi'ia nu panásturu, wëra mukùria aude meserãaswãe niideeba maude machi omea ábua Dach Akõre sòbiadeeba ichiba chokae panabasiideeba. Maka wau dawëeburã, machiba òtaa idiiduu Dach Akõreba bi'ia ùriibai.

Bi'ia wau panuudeeba neburaude paneedai ùrubena

⁸ Mau awara ábarã, arabau kùrisiadeeba joma machi ábua bi'ia duanásturu. Waabenarã aidadai kùrisia panásturu. Ábarãdeeba chiya kùriásturu. Chiya kùria chuburiásturu maude waabena audeara bi'ia nuree kùrisiarásturu. ⁹ Abauba machi kachirua wauruuburã ara mau kùria waurásturu. Kachirua jaraaruuburã ara mau kùria kachirua jararásturu. Maumaarã òtaa idisturu Dach Akõreba mau aidamera. Kuitaa panuu Dach Akõreba machi adausii maka nureadamera. Maka nureeburã, Dach Akõreba machi sida aidai. ¹⁰ Dach Akõre bedeaude naka òu kubuu:

«Aba kùrajuu òuai kùria òuuburã, ichi kërame nui òuu kachirua berrearãamera.

Ewari área bi'ia òuai kùria òuuburã, ichi okarr nui òuu, setaa jararãamera.

¹¹ Jãuba ne joma kachirua ida òupeada bi'ia wau òuai òuu.

Waabenarã ome jirukaraayuwãe òuai baita jùrupeda maka òuai òuu.

¹² Dach Mechiuba èbëra jipa nuree nu òuu. Áchiba òtaa idiiduu bi'ia ùri òuu.

Maamina chi kachirua waubadaurã kùriakau». II

¹³ Machiba bi'ia wau panuuburã, ¿kaiba machi kachirua wauima? ¹⁴ Maamina bi'ia wau panuudeeba ärea bi'iwãe duanuuburã, Dachí Akõre daade ärea bi'ia nureadai. Maudeeba chi machi kachirua waudu wapearãsturu. Ärea jirukaraarãsturu. ¹⁵ Cristo machi Mechiudeeba, sõdeeba mau wapearãsturu. Chi Cristode adadai baita esedau panuudeeba mau ãrubena berreadayu panãsturu. Maka abãuba idiiruuburã, poyaa ijarra berreadawã arakude panadai. ¹⁶ Ara machi du abã kuitaa panãsturu kachirua waudawã nuree. Maka machi Cristo kakua bi'ia nibabadau ãrubena kachirua berreadaurã peradai.

¹⁷ Dachí Akõreba machi bi'iwãe paneebiaruuburã, bi'ia ãru ärea bi'iwãe paneedai bi'ia wau panuudeeba ärea bi'iwãe panadai badamaarã kachirua wau panuudeeba. ¹⁸ Cristo jipa ãumina kachirua kakua bes abã bi'iwãe ãuasii. Mauba dachi chi jipawãe nuree Dachí Akõre ome bi'ia ãusii. Ichi beasiãdu, maamina Dachí Akõre Jaurideeba chokae jiradusii. ¹⁹ Maude Dachí Akõre Jaurideeba chi jauri jãa duanuuma wãsii. Wãpeda chi kachirua joma poyasii, asii. ²⁰ Maarã jaurirãba nabãraede Noé ewaride Dachí Akõre bedea ijãadãbasii. Noeba jãba mechiu wau ãuumisa Dachí Akõreba joma dauchia jãadua ãuudeeba esedau ãuasii ãchiba ijãadãamera. Maamina ëbãra ãã'ãra bania birudãdebena paneesiãdu. Biawãra jaraaruuburã, 8buru karibasii. ²¹ Mau baniaba nau ãraudẽ boro eabadau ãrubena jara ãru. Boro eaduude Jesucristo chokae jiradusiideeba dachi kariba ãru. Boro earuuba dachi kakua jayoa jeraakau, maumaarã maka waubadau dachi kãrisia jipa ãruuba, biawãra Dachí Akõre ome nibadai kãria panuudeeba. ²² Jesucristo chokae jiradupeãa, bajãadãa wãpeda Dachí Akõre jua biare ãru. Joma angelerã, joma jai kachiruarã chi mechiurã maude chi meserãa nuree ichi juade uru ãru. II

Cristo nibada kãra nibãsturu

⁴ Cristo nau kakuade ärea bi'iwãe ãusiideeba machia biãa arabaude kãrisia uru panãsturu. Chi nau kakuade ärea bi'iwãe ãruuba kachirua ida ãusii. ² Mau ëbãraba wabiãa nau iujãade ãuude nau kakua kachirua wau kãria ãru wau ãuwãma, maumaarã Dachí Akõreba kãria ãru wau ãuai. ³ Naede machiba kachirua wau nureasii Dachí Akõrede ijãadãaurãba waubadau kãra. ¡Ara basma! ¡Waa maka waurãsturu! Waabenarã daade ärea kãra nejasia waubachiãdu, nau

II 3:12 Salmos 34:12-16. I Maumaarã maka waubadau dachi kãrisia jipa ãruuba, biawãra Dachí Akõre ome nibadai kãria panuudeeba. Waabenarãmaarã mau bedeaba naka jara ãru: «Boro eaduude dachiba Dachí Akõremaa ãtaa idibadau dachi kachirua perdonakumera». II Cristoba nau jai kachiruarã poyasii, chi Dachí Akõrede ijãabadaurã kachirua waubiabadaurã. Versiculo 3:13de ichiãse.

kakuaba kachirua wau kãria ãru waubachiãdu, itua biu nibabachiãdu, kãrajã ewari waubadaude ärea kachirua waubachiãdu, waabenarã baara itua ärea dobachiãdu maude Dachí Akõre kuenda juaba ne kapeãadãmaa ãtaa idibachiãdu. Mau Dachí Akõreba kãriakau. ⁴ Jãabae machiba waa chi Dachí Akõrede ijãadãakaurã ome kachirua waudakaudeeba ãchiba kuitaa kãrisiadãkau. Maudeeba machi ãrubena kachirua berreadadau. ⁵ Maamina Dachí Akõreba ãchi neburã ichiaruude ãchiba waupẽadãa ichimaa joma jarãdai. Ichiba chi chokae nuree maude biudarã neburã ichiai baita ãru. ⁶ Maudeeba biudarãba chi bedea bia Cristo ãrubena ãrisiãdu ãchi jauri chokae nureadãamera, Dachí Akõre chokae ãru kãra. III Maamina ãchi chi kakua biusiãdu, Dachí Akõreba joma biudai panuu asiideeba.

⁷ Kã'ãbariwãede joma baribai. Maudeeba jipa kãrisia panãsturu maude kauwa panãsturu. Maka Dachí Akõremaa poyaa ãtaa ididai. ⁸ Ärea chiya kãria panãsturu. Mau jomãdebena audeara bibuara ãru. Chi waabenarã kãria uru ãruuba ãchi kachirua ärea kude uru ãuadã ida ãubarai. ⁹ Chi machi dede needu-urã kachirua kãrisiadãwã bi'ia irsibãsturu. ¹⁰ Dachí Akõreba ichi sõbiãdeeba dachicha ichi Jauriba waubi ãru deasii, waabenarã aidãdãamera. Dachí Akõre baita bari trajabadaurã biawãradeeba ichiba machicha deasiideeba waabena aidãsturu. ¹¹ Abãuba jaradearuuburã, Dachí Akõre bedea jaradea ãuudeeba kauwa jaradeai ãru. Abãuba waabena aidãaruuburã, Dachí Akõreba dea ãru poyãabariideeba aidai ãru. Ne joma wãusturu jomaurãba Jesucristodeeba Dachí Akõremaa bi'ia berreadãamera. Ichituru ewaricha bi'ia berreadai panuu. Bi'ia ãru ne joma ichi juade uru ãuai. Ärea bi'ia ãru maka ãuai. IV

Cristode ijãa ãru kakua bi'iwãe ãru ãrubena

¹² Äbarã, machi ärea bi'iwãe panuudeeba ärea kãrisiarãsturu. Maka panuu Cristode bi'ia ijãadai baita. Maudeeba maka ärea bi'iwãe panadãabai panuu kãrisiarãsturu. ¹³ Maumaarã Cristo bi'iwãe ãuasii kãria ärea bi'iwãe panuudeeba kãrajã panãsturu. Maka Dachí Akõreba Cristo chi mechiu nii unubiaruude machi ärea kãrajãdai. ¹⁴ Machi Cristode ijãa panuu kakua kachirua jaraaduuburã, Dachí Akõre daade ärea bi'ia nuree. Dachí Akõre Jauri kãrawãrea nii machi ome ãru. ¹⁵ Machi ärea bi'iwãe duanumina, nau kakua bi'iwãe panadai biawãe ãru: mia beãa kakua, nechirudã kakua, kachirua waudã maeburã chãra neburãde ãuadã kakua. ¹⁶ Maamina abãuba Cristode ijãa ãru-

III Biudarãba. Waabenarãmaarã jara ãru äbarã chokae nureesiãdu mau bedea ãrisiãdu. Waabenarãmaarã jara ãru chi Cristo neei naedebenarãba ãrisiãdu. IV Griego bedeadã naka ãru kubuu: amén. Mau bedeaba besede jara ãru «biawãra» maude besede jara ãru «bi'ia ãru maka ãuai».

uđeeba ārea bi'iwāe b̄uaruub̄rā, peraiwāe b̄uu. Mau-
maarā Cristodeeba Dachī Akōremaa bi'ia berreai b̄uu.
17 Jāabae Dachī Akōreba ichiđirā neb̄ra ichiai. Dachī
Akōreba dachi naa ichiaruub̄rā, ųchi bedea bia Dachī
Akōre ūr̄ubena ijāawēa nuree saka panad̄aima?

18 «Chi ēb̄era jipa nii karibai baita chaarea b̄uub̄rā,
ųchi Dachī Akōre ida b̄upeđ̄a kachirua waubarīi saka
karibaima?»^I

19 Mauđeeba chi Dachī Akōreba k̄uria b̄uu k̄ira ārea
bi'iwāe nuree ichi juade b̄uđapeđ̄a ne bi'ia wauđai
panuu. Dachī Wauđade poyaa ijāad̄ai.

Pedroba ijāabadaurā nubadaurāmaa jarad̄a

5 Machi chi ijāabadaurā nubadaurāmaa m̄uuba
chi chuburia idiiruu, m̄u siđ̄a ijāabadaurā nubari-
ideeba. Cristo ārea bi'iwāe b̄uad̄a m̄uuba unusii.
Mauđe Dachī Akōreba Cristo chi mechiu nii unubiaru-
ude m̄u siđ̄a ichi ome b̄uai. Mauđeeba naka chi
chuburia idiiruu: ² Dachī Akōreba ābarā machi juade
b̄uad̄a ārea n̄usturu. Maka waur̄asturu waabenarāba
maka waubi panuudeeba. Maumaarā nu k̄uria panu-
udeeba maka w̄austuru. ^{II} Chi nejara k̄uria panuudee-
ba nur̄asturu, maumaarā sōdeeba nu k̄uria panuudee-
ba maka w̄austuru. ³ Chi machiba nu uru panuurā,
machi baita bari trajabadaurā k̄ira uru panar̄asturu,
maumaarā machi nibadeeba unubiasturu saka nibad̄ai
panuu. ⁴ Maabae Cristo dachi Nubarii chi Mechiu
neeruude machi chi mechiurā babiai boro j̄ura ārikau
dearuu k̄ira.

⁵ Kūudr̄arā, chōrarāba jaraaduu ijāsturu. Jomaurā
chiya aiđ̄a nuread̄ai panuu waabena audeara chi
mechiu nii k̄risiđ̄awēa. Dachī Akōre bedead̄e naka
b̄u kub̄uu:

«Chi nejuakaya nuree Dachī Akōreba ida bi'ia b̄uabi-
akau.

Maamina chi mechiu k̄risiawēa nuree Dachī Akōreba
ichi sōbiadeeba aiđ̄abarii». ^{III}

I 4:18 Proverbios 11:31. II Griego bedead̄e chi bee kartade nau
siđ̄a b̄u kub̄uu: Dachī Akōreba k̄uria b̄uu k̄ira. III 5:5 Proverbios
3:34.

⁶ Mauđeeba Dachī Akōre juade panasturu, chi ne joma
poyaa waubarīi Ichi daade chi mechiu k̄ira nureewāe
baita. Maka chi ichiba b̄ui ewariđ̄e, machi chi mechiurā
b̄ui. ⁷ Machiba ārea k̄risia panuu Dachī Akōremaa jo-
ma jarasturu, ichiba machi nu b̄uudeeba.

⁸ Kauwa panasturu mauđe k̄irabia panasturu.
J̄ubawāe nii machi chi k̄iramaabarii imama k̄ira arraa
niiba kai koi j̄ur̄ei. ^{IV} ⁹ Maamina j̄ubawāe nii ijāar̄astu-
ru. Cristode ārea ijāa panasturu, kuitaa panuudeeba
machi ābarā joma druacha nuree ara mau k̄ira ārea
bi'iwāe panuu. ¹⁰ Machi ewari b̄a'āra bi'iwāe
panapeđ̄ađ̄akare Dachī Akōreba ne jomade bi'ia b̄ui.
Ichiba machi aiđ̄ai bi'ia ijāad̄amera, joma jāaduad̄am-
era mauđe chaarea nuread̄amera. Dachī Akōreba ichi
sōbiadeeba ne jomade aiđ̄abarii. Ichiba machi Jesu-
cristodeeba iusii ichi ome ewaricha chi mechiu nuread̄-
amera. ¹¹ Bi'ia b̄uu ewaricha ne joma ichi juade uru
b̄uai. ^V Bi'ia b̄uu maka b̄uai.

Pedroba nau kartade aanama b̄uad̄a

12 Āba Silvanoba nau karta cheke aiđ̄a b̄usii. M̄uuba
kuitaa b̄uu ara ichiba jara b̄uu k̄ira joma waubarīi. Nau
kartadeeba m̄uuba machi aiđ̄a k̄uria b̄uu bi'ia ijāad̄am-
era. Mauđe kuitaabiai k̄uria b̄uu biawāra Dachī Akōre-
ba ichi sōbiadeeba aiđ̄a b̄uu. Mau ijāa panasturu.

¹³ Ābarā Babiloniađ̄ebenarāba jarab̄ui panuu machi
bi'ia panad̄ai. ^{VI} Machi j̄ur̄e adauđ̄a k̄ira āchi siđ̄a Dachī
Akōreba j̄ur̄e adausii. M̄u warr k̄ira nii Marcos biđ̄a
jarab̄ui b̄uu machi bi'ia panad̄ai. ¹⁴ Biawāra k̄riadee-
ba chiya irsibiđ̄ai panasturu. ^{VII} M̄uuba k̄uria b̄uu joma
machi, Jesucristo ome nuree jirukaraayuwāe nuread̄ai.
^{VIII}

IV Kai koi j̄ur̄ei. Mau jara b̄uu j̄ubawāe niiba chi ābarā kachiruađ̄e
b̄abiai maeb̄urā Dachī Akōre ida b̄ubiai. V Griego bedead̄e chi bee
kartade nau siđ̄a b̄u kub̄uu: ēb̄erarāba ichimāburu bi'ia berreađ̄ai
panuu. VI Babiloniađ̄ebenarā. Pedro ewariđ̄e ābarāba Roma puuru
«Babilonia» abachiđ̄au. VII Biawāra k̄riadeeba chiya irsibiđ̄ai
panasturu. Griego bedead̄e naka b̄u kub̄uu: k̄riadeeba ūyasturu
chiya bi'ia nuread̄ai adai baita. VIII Griego bedead̄e chi bee kartade
nau siđ̄a b̄u kub̄uu: bi'ia b̄uu maka b̄uai.

2 PEDRO

Pedroba nau karta sida b̄usii. Mauḁeeba Karta ome Pedroba b̄uḁa abadau. Año 66ḁe b̄usii. B̄usiide k̄ā'ābari-wāede romadebenar̄āba ichi cruzḁe jirab̄u beasiḁau.

Pedroba nau karta b̄usii Cristoḁe ijāabadaur̄āba setaa jaradeabadaur̄ā ūr̄ubena kauwa panad̄amera. Capítulo omeḁe mau ūr̄ubena b̄u kub̄uu. Capítulo ab̄ade b̄u kub̄uu dachiba chi biaw̄āra beḁea kuitaa panuudeeba mau ijāad̄ai panuu. Capítulo ḁbeade b̄u kub̄uu dachiba Cristo neei esed̄auḁai panuu.

Chi k̄ūrisia mechiu naka b̄u kub̄uu: «Ābar̄ā, machiba joma mau esed̄au panuudeeba ne jomaḁe k̄īra jipa nib̄ás-turu Dachī Ak̄ōreba machi bi'ia, kachiruasw̄āe, ichi ome jirukaraayuw̄āe panuu unumera. K̄īrab̄ásturu Dachī Mechiuba joma jāadua b̄uu ēb̄er̄ar̄ā karibai baita».

Pedroba nau kartade naa b̄uḁa

1 M̄u Simón Pedroba, Jesucristo baita bari tra-jabariib̄u mauḁe ichiba b̄uidab̄u. M̄uḁba nau kar-ta b̄uuruu chi Dachī Ak̄ōreḁe mauḁe Dachī Karibabarii Jesucristoḁe ijāabadaur̄ā baita. Ichi jipa niideeba, dai ome arabauḁe bi'ia ijāa panuu. **2** Machiba Dachī Ak̄ōre mauḁe Dachī Mechiu Jesús kuitaa panuudeeba, m̄uḁ-ba k̄ūria b̄uu āchi s̄obiadeeba machi ārea aiḁa panad̄amera mauḁe ārea jirukaraayuw̄āe panabi-ad̄amera.

Dachī Ak̄ōreba iukuad̄ar̄ā saka nuread̄ai panuu

3-4 Dachī Ak̄ōre kuitaa panuudeeba, ichi poyaabari-ideeba dachimaa ne joma deasii ichiba k̄ūria b̄uu k̄īra nibad̄amera mauḁe ewaricha ichi ome chokae nuread-amera. Ichi chi mechiudeeba mauḁe jipa niideeba dachī iupeḁa ne mechiu mauḁe ne bia dachī baita wau asii. Maka wau b̄uudeeba nau iujāadebenar̄āba kachirua wau k̄ūria panuu machiba ida b̄udapeḁa poy-aa ichi k̄īra jipa nuread̄ai. **5** Mauḁeeba Cristoḁe ijāa panuudeeba ārea j̄ur̄ústuru jipa nibad̄ai baita; jipa niḁauḁe j̄ur̄ústuru k̄ūrisia kuitaa nuread̄ai baita; **6** k̄ūrisia kuitaa panuude j̄ur̄ústuru machi kakua k̄īra ji-pa nuread̄ai baita; machi kakua k̄īra jipa panuude j̄ur̄ústuru joma jāaduaḁai baita; joma jāadua panuude j̄ur̄ústuru Dachī Ak̄ōreba k̄ūria b̄uu k̄īra nuread̄ai baita; **7** Dachī Ak̄ōreba k̄ūria b̄uu k̄īra panuude j̄ur̄ústuru ābar̄ā k̄ūriaḁai baita; ābar̄ā k̄ūria panuude j̄ur̄ústuru jomaur̄ā k̄ūriaḁai baita.

8 Machiba mau joma bi'ia wauduub̄er̄ā, Dachī Mechiu Jesucristo aude kuitaabiad̄ai mauḁe ne bi'ia wauḁai baita chokekea nureabiad̄ai. **9** Maamina chi maka wauw̄ēa b̄uu dau t̄ōroroa b̄uu k̄īra b̄uu, maeb̄er̄ā dau p̄āriu b̄uu k̄īra b̄uu. Ichiba k̄īrabaabasii chi naede kachirua wau b̄uad̄a Dachī Ak̄ōreba joma jeraasii.

10 Ābar̄ā, Dachī Ak̄ōreba machi iupeḁa j̄ur̄u adausii. Bi-

aw̄āra maka nuree unubiḁai baita chokekea panástu-ru. Maka wauduub̄er̄ā b̄aeḁaabai. **11** Mauḁe Dachī Mechiu Jesucristoba machi ida w̄ābiai ichi puuruḁaa, de poraa ewa nuḁuu k̄īra. Dachī Karibabarii dachī ewaricha bi'ia uru b̄uai.

12 Joma mau kuitaa panumina mauḁe chi biaw̄āra beḁea ārea ijāa panumina, m̄uḁba joma mau machi-maa k̄īrababia b̄uai. **13** M̄uḁmaar̄ā jipa b̄uu wabiḁa chokae b̄uude ^I mau machimaa k̄īrababia b̄uai.

14 Dachī Mechiu Jesucristoba m̄uḁmaa bi'ia kuitaabisii k̄ā'ābariwāede m̄u biui. **15** Mauḁeeba m̄uḁba joma wau, m̄u biudakare, machiba joma mau ewaricha k̄īrabad̄amera.

Jesús ūr̄ubena jarapeḁaada biaw̄arab̄u

16 Dachī Mechiu Jesucristo poyaabarii ūr̄ubena mauḁe ichi waya neei ūr̄ubena daiba machimaa ja-radeasiḁauḁe ara dai k̄ūrisiadeeba jarapeḁaada ja-radeadaabasii. Maumaar̄ā Dachī Mechiu Jesús k̄īraw̄ārea tedechoa unupeḁaadeeba maka ja-radeasiḁau. **17** Dachī Bajāadebena Ak̄ōreba ichi ūr̄ube-na bi'ia jarasiide mauḁe chi mechiu nii unubiasiiḁe dai aria panasiḁau. Dachī Ak̄ōre chi mechiu ārea k̄īraw̄ārea niiba naka jarasii: «Nau m̄u Warr̄b̄u. M̄uḁba mau ārea k̄ūria b̄uu mauḁe mau kakua k̄īraj̄uḁ b̄uu. Mauba jara b̄uu ūristuru». ^{II}**18** Daiba mau beḁea biaw̄āra bajāade ūrisiḁau Jesús ome, Dachī Ak̄ōre eade panasiḁauḁe.

19 Mau awara kuitaa panuu Dachī Ak̄ōre baita berre-abadaur̄āba jarapeḁaada biaw̄arab̄u. Mau beḁea ūḁaa koabarii p̄āriuḁe urua b̄uu k̄īra b̄uudeeba machiba ārea kauwa ūriḁai panuu. Ūḁaa koabarii urua b̄uabarii aba ewariuruḁaa, aba chi dapeḁeḁebena pusterrea neeruḁaa. Ara mau k̄īra dachī nau iujāa kachiruḁe panuude mau beḁeaba dachī s̄ōḁe kuitaabia b̄uu saka

^I Wabiḁa chokae b̄uude. Griego beḁeade naka b̄u kub̄uu: wabiḁa nau de ānimara e wauḁade b̄uude. ^{II} 1:17 Mateo 17:5; Marcos 9:7; Lucas 9:35.

nibađai panuu aba Cristo neeruuda. ²⁰ Nau ārea kuitāsturu: Dachī Akōre baita berreabadaurāba Ichi Bedeade bupedaada ara āchi kūrīsīadeeba bistīka bida budaabasii. ²¹ Maarāba kūrīa panada kīra jaradaabasii, maumaarā Dachī Akōre baita panasiideeba, Ichi Jaurīdeeba berreasīda. ^I

Setaa jaradeabadaurā

2 Israel puuruđebenarā tāede Dachī Akōre baita berreabadaurā setaa jaradeabadaurā basii. Machi tāede bida setaa jaradeabadaurā barai. Setadeeba āchiba dachi o āyaa wābiabarii kūrīsīa, Dachī Akōre bedeā kīra jaradeada. Dachī Mechiu Jesusba āchi kariba buada unudakau adai. Maudeeba Dachī Akōreba isa kastikai. ² Maarāba waabenarā daade ārea mianejasia waubadau, ēbērarā āreaba ara mau kīra wauđai. Maarā ūrubena ēbērarāba chi biawāra bedeā ^{II} kakuā kachirua berreadai. ³ Chi nejarra kūrīa panuudeeba, machi chi nejarra adauđai baita ara āchi kūrīsīadeeba setaa jaradeada. Ārea basii Dachī Akōreba maarā nebura ichiai baita buu, maude kā'ābari-wāede biawāra maarā kastikai.

⁴ Angelerāba kachirua wausīdaude Dachī Akōreba kīra chuburiabasii. Maumaarā chobeā pāriu buude jirakuasii. ^{III} Mama kaenaba jū panuu aba Dachī Akōreba āchi nebura ichiai ewarīda. ⁵ Maude nabēraedebe-narāba Dachī Akōre ida busīdaude ichiba kīra chuburiabasii. Maumaarā bania ārea birubisii mau ēbērarā joma kinīdamera. Maamina Noeba dachi jipa nibađai ūrubena jaradeabachii. Ichi, ichi deđebenarā 7 panuu sīda Dachī Akōreba karibasii. ^{IV} Maude Dachī Akōreba Sodoma puuru maude Gomorra puuru kastikasiide joma baa busii. Mau joma etabarr babisii. Mauba kuitaabasii chi ichi kūrīadeakaurāmaa āchi sāada. ⁷ Maamina ēbēra jipa nii Lot abadau Dachī Akōreba Sodoma baaiđebena karibasii. ^V Lot kīra nomaa buabachii mau puuruđebenarāba ne joma kachirua wau panuudeeba. ⁸ Mau ēbēra jipa nii maarā tāede buabachii. Jipa niideeba maarāba kachirua wau panuu unuuruude maude ūriuruude ewarīcha kīra nomaa buabachii. ⁹ Mauba unubi buu Dachī Mechiuba chi jipa wau nuree ārea bi'iwāe panuudebena kariba kuitaa buu. Maude kuitaa buu chi jipa wauwēa nuree saka uru buai aba ichiba kastikai ewarīda. ¹⁰ Chi nau kakuaba kachirua wau kūrīa buu waubadaurā maude chi Dachī Akōre mē Mechiu adai kūrīadeakaurā aude kastikai.

^I Mau sīda naka bu kubuu: Maamina nau ārea kuitāsturu: Dachī Akōre baita berreabadaurāba Ichi Bedeade bupedaada bistīka bida ara ichi kūrīsīadeeba poyaa kuitaadaabasii, mau ēbēra kūrīsīadeeba nebasīdeeba. Maumaarā Dachī Akōre Jaurīdeeba berreasīda.

^{II} Chi biawāra bedeā. Griego bedeade naka bu kubuu: chi biawāra o. ^{III} Chobeā pāriu buu. Griego bedeade naka bu kubuu: Tártaro. ^{IV} 2:5 Génesis 6:1—8:22. ^V 2:7 Génesis 19:1-29.

Setaa jaradeabadaurā kachirua wauđai baita peradakau. Ārea kuitaa nuree kīra panabadau. Jauri kachiruarā chi mechiu nuree ūrubena kachirua jaradau baita wapeadaku. ¹¹ Angelerā āchi audeara ārea meserāa maude poyaabarii nuremina, Dachī Mechiu daade jai kachiruarā chi mechiu nuree ūrubena kachirua jaradaku. ¹² Maamina setaa jaradeabadaurāba āchiba adua panuudebena kachirua berreabadau. Ānimara kīra kūrīsīaswāe nuree. Aba āchi kakuaba kūrīa buu waubadau. Ānimara tobadau ēbērarāba jidaudepeda beadamera. Ara mau kīra setaa jaradeabadaurā joma biuđai. ¹³ Dachī Akōreba āchi ārea ichiai ara āchiba waupedaada kīra. Āchi ko ārea nuree maude itua do ārea nuree. Mau āchi baita kīrajubadau. Ēsabude maude āsaede maka waubadau. Ābarā ome ābua komaa panuude maka waubadau. Maka machi tāede paru jayoa miadaa kīra nuree. ¹⁴ Āibena wēra ome kāi paneebadau. Ne joma kachirua wau buuba kīraseadaku. Chi ārea ijāwēa nuree setaa kūrūabadau. Ne joma kūrīabadau. Mau kakuā Dachī Akōreba āchi nebura ichiai. ¹⁵ Dachī Akōre o jipa buu ida budapeđa o āyaa wāsīda. Beor warr Balán abadauba wauđa kīra waubadau. ^{VI} Balán chi nejarra kūrīa busīdeeba chi nejarra baita kachirua wau kūrīsīasii. ¹⁶ Maamina kachirua ode wāaruude burroba ichi kastikasii. Mau ānimara berreakau ēbēra kīra berreasii. Dachī Akōre baita berreabarii Balán kūrīsīaswāe buu kīra kachirua ode wāi kūrīsīa bumina burroba ida wābiibasii.

¹⁷ Setaa jaradeabadaurā miede baniaswāe buu kīra nuree. Āchi jūrūara pūaturāba āyaa adoeruu kīra nuree. Pūaturāba jūrūara āyaa adoeruuđe kui chekau. Ara mau kīra āchiba jaradea panuuba aidaku. Dachī Akōreba chobeā ārea pāriu buude busii āchi kastikakuai baita. ¹⁸ Āchiba mipitaa berreaduuba jaradeabadau. Maamina mauba aidaku. Āchiba jaradeabadau nau kakuaba kachirua wau kūrīa buu wauđai panuu. Maka chi ara ea kachiruađebena wāpedaada nuree āchiba setaa kūrūabadau waya kachirua wauđamera. ¹⁹ Maarā jarabadau ijāaduubērā, bi'ia paneedai abadau, chi chibari baita bari trajabarii ichi chibari juakaa miru wāaru kīra. Maamina kachirua poyaa ida budakauđeeba bi'ia paneebai. Mauba āchi kachirua baita bari trajabadaurā babiai. Biawāra barikia kachirua poyaa ida budaabaibērā, dachi mau baita bari trajabadaurābē. ²⁰ Jesucristo Dachī Mechiu maude Dachī Karibabarii kuitaa panuudeeba nau iujāade buu kachiruađebena karibasīda. Maamina jūkarade bura paneeduu kīra waya kachirua waudubūrā, naa panada audeara kachirua paneedai.

²¹ Maudeeba Dachī Akōre bedeā kuitaapeđaada ida buđai badamaarā, bibuara buu Dachī Akōreba jipa

^{VI} 2:15 Números 22:1-41.

wau ɓuu kuitaadaabai. ²² Āchi ɛbɛraba naka jarabadau kīra nuree: «Usa otomaapeɗa waya neebarii chi otomaada koi baita». ^I Maude naka jarabadau: «Sina kuipeɗa waya ioro susuade ɓuraa ɓeebarii».

Dachi Mechiuba kastikade neei ɓrɓbena

³ Ābarā, nau chi ome karta mɓɓa machi baita ɓɓamaa ɓuu. Karta ome ɓuɗade mɓɓa chi biawāra beɗea kīrababia ɓuu jipa kūrisaɗamera. ² Mɓɓa kūrīa ɓuu Dachi Akōre baita berreabadaurāba naa jarapeɗaada machiba kīrabadau. Maude kūrīa ɓuu Jesucristo Dachi Mechiu, Dachi Karibabariiiba jarada kīrabadau. Mau ichiba ɓuɗarāba machimaa jaradeasidau.

³ Nau ārea kuitasturu: kaadebena ewaride Dachi Akōre atua jarabadaurā baraa. Āchi kakuaba kachirua wau kūrīa ɓuu wau panada. ⁴ Naka atua jarada: «Cristo neei jarada ɗkāare sāasma? Dachi nabɛraeɗebenarā joma biusidau. Maamina nau iujāa wausiideebena joma ara maka ɓuu». ⁵ Mau ɛbɛrarāba ijāa kūrīaɗawēa panuu nabɛraeɗe Dachi Akōre beɗeaba bajāa wausii, iujāa mar ekareɗebena neebisii maude baniadebena maka wausii. ^{II6} Ara mau baniaba joma nau iujāade chi mau ewaride panada kinibisii mau bania ārea chesiideeba. ⁷ Ara mau kīra Dachi Akōre beɗeaba nau iujāa maude bajāa nu uru ɓuu maude ichiba kastikai ewaride tɓɓchiade baai. Mau ewaride chi ichi kūrīaɗakaurā nebura ichiapeda joma kastikai.

⁸ Maamina ābarā, nau kīraba panada ida ɓurasturu: Dachi Mechiumaarā ewari aba 1.000 años kīra ɓuu maude 1.000 años ewari aba kīra ɓuu. ⁹ Dachi Mechiu neei ada bada kā'āa ɓuudeeba waabenarāba kūrīa panuu neebai. Maamina makawāema. Maumaarā machi kakua joma jādua ɓuudeeba kā'āa ɓuu. Ichiba kūrīawēa ɓuu ɛbɛra aba biɗa ichidebena āi ɓuai. Kūrīa ɓuu jomaurāba kachirua ida ɓuɗapeɗa ichimaa needai. ¹⁰ Dachi Mechiuba kastikai ewari bai nechiru neebarii kīra. ^{III} Mau ewaride kachirua ārea

I 2:22 Proverbios 26:11. II Baniadebena maka wausii. Griego beɗeade mau chaarea ɓuu bi'ia ūriɗamera. III Neebarii kīra.

ɓrɓɓapeɗa bajāa wā'āebii. Ne joma dachiba bajāade unubadau baawāi. Maude nau iujāa maude ne joma nau iujāade nuree baawāi. ^{IV}

¹¹ Ne joma wā'āe baideeba machi Dachi Akōreba kūrīa ɓuu kīra jipa maude kachiruaswāe nibadau panuu. ¹² Dachi Akōreba kastikai ewari eseda panuumisa Dachi Akōreba kūrīa ɓuu wau panasturu mau ewari isa bamera. ^V Mau ewaride Dachi Akōreba bajāa baai. Ne joma dachiba bajāade unubadau maude nau iujāade unubadau wāsiaba dorrabarii. ¹³ Maamina Dachi Akōreba bajāa wiɗi maude iujāa wiɗi wau asi. Mau dachiba eseda panuu. Mama jomaurāba jipa wau nureada.

¹⁴ Ābarā, machiba joma mau eseda panuudeeba ne jomade kīra jipa nibasturu Dachi Akōreba machi bi'ia, kachiruaswāe, ichi ome jirukaraayuwāe panuu unumera. ¹⁵ Kīrabasturu Dachi Mechiuba ɛbɛrarā karibai baita joma jādua ɓuu. Ara mau kīra dachiba kūrīa panuu āba Pablo biɗa kartade machi baita ɓusii, Dachi Akōreba ichimaa deada kūrīa kuitaadeeba. ¹⁶ Mauba kartacha mau ɓrɓbena ɓusii. Mau kartadebena kūrīa ichiba ɓuɗa chaarea ɓuu kuitaadau baita. Chi biawāra beɗea adua nureerāba maude chi ārea ijāaɗakaurāba mauba ɓuɗa bi'iwāe jaradeabadau, chi Dachi Akōre beɗeaba ɓuɗapeɗaada bi'iwāe jaradeabadau kīra. Maudeeba Dachi Akōreba āchi nebura ichiai.

¹⁷ Ābarā, machiba mau kuita panuudeeba kauwa panasturu ɛbɛra kachiruarāba bi'iwāe jaradea panuuba setaa kūruarāɗamera. Maka machiba ārea ijāa panuu ida ɓuɗa abai. ¹⁸ Jesucristo Dachi Mechiu maude Dachi Karibabarii ɓrɓbena bi'ia kuita kārībásturu. Ichi sōbiadeeba waristuru. Iɗi maude ewaricha ichimaa bi'ia berredai panuu. Bi'ia ɓuu maka ɓuai.

Griego beɗeade chi bee kartade naka ɓɓ kubuu: ɛsabude neebarii kīra. IV Ne joma nau iujāade nuree baawāi. Griego beɗeade mau chaarea ɓuu bi'ia ūriɗamera. Waabenarāmaarā naka jara ɓuu: «Maude Dachi Akōreba ɛbɛrarā nebura ichiruuɗe maarāba nau iujāade waupeɗaada joma unubai». V Dachi Akōreba kūrīa ɓuu wau panasturu mau ewari isa bamera. Mau beɗeade poyaa naka ɓɓ kubuu: mau ewari isa neei kūrīadau panuu.

1 JUAN

Juan, chi Jesús baara nibaðaba nau karta b̄s̄sii. Maamina nau kartade jarawēa b̄uu ichiba nau karta b̄uða. Año 90de b̄s̄sii.

Nau karta joma ābarā baita b̄s̄sii chi seta ijāarādamera. Juan chōra b̄eesiide waabenarāba Jesús ūr̄ubena k̄ūrisia āyaa ijāa paneesiðau. Āchiba jarabachiðau Jesús nau iujāade b̄uasiiide ēbērarāba ichi jauríturu unubachiðau. Waabenarāba jarabachiðau Jesús ēbēra basmina boro easiide Cristo ba didisii. Mauðe waabenarāba jarabachiðau chi nau kakua ārea kachirua nii. Mauðeeba jaradeabachiðau chi k̄ūrisia kuitaa j̄ur̄uðai panuu nau kakuadebena wāðai baita. Maamina chi mau k̄ūrisia kuitaa j̄ur̄upeðaaðaba jarabachiðau nau kakuaba kachirua wau bibuara b̄uu.

Mauðeeba Juanba nau karta b̄s̄sii. Chi k̄ūrisia mechiu naub̄: Dachí Akōre Warr ¿kaima? Mauðe Dachí Akōre warrarā ¿kairāma? Juanba naa b̄s̄sii dachi Dachí Akōre ūðaaðe nibabadau ūr̄ubena (). Mawāare b̄s̄sii j̄ubawāe nii warrarā saka nuree mauðe Dachí Akōre warrarā saka nuree (). Mawāare b̄s̄sii chi dachiba biawāra ab̄au k̄ūriabadau ūr̄ubena. Mau Dachí Akōreðebenab̄ (). Kaadeare b̄s̄sii Jesusde ijāa panuuðeeba chi nau iujāadebena kachirua poyaðai ().

Chi Chokae Nibabiabarii Bedea

1 Arabaedeede chi Chokae Nibabiabarii Bedea abadau b̄uasii, mauðe wabiða b̄uu. Mauba jaradeaða daiba ūrisiðau. Mau dai dauba unusiðau mauðe juaba wausiðau. Mauba wauða kauwa ichi-asiðau. Mau ūr̄ubena daiba nau kartade b̄umaa panuu. ² Mau chokae nibabiabarii Dachí Akōreba nau iujāade unubiasii. Daiba mau unusiðauðeeba mau ūr̄ubena biawāra berrea panuu. Daiba machimaa jara panuu mau chi ewaricha chokae nibabiabarii. Arabaedeede ichi Akōre ome bajāade b̄uabachii. Mau bajāade b̄uaða Dachí Akōreba daimaa nau iujāade unubiasii. ³ Daiba unupeðaaða mauðe ūripeðaaða machimaa jara panuu machi siða dai ome ābuacha Dachí Bajāadebena Akōre ome mauðe ichi Warr Jesucristo ome bi'ia panadamera. ⁴ Joma mau daiba b̄umaa panuu dachi ārea k̄iraj̄uðai baita. ^I

Dachí Akōre kachiruswāe nii

⁵ Daiba Jesucristodeeba ūripeðaaða machimaa jara panuu naub̄: Dachí Akōre ūðaa k̄ira nii ne jomaðe jipa niideeba. Mauba ichiðe p̄rii ab̄a biða wā'āe. ⁶ Ichi ome ābua bi'ia panuu aaduub̄rā, maamina p̄riiude nibaaduub̄rā, setaa jara panuu. Biawāra bedea ijāawēa panuu. ⁷ Maamina ichi ūðaaðe b̄uu k̄ira dachi siða ūðaaðe nibaaduub̄rā, ābarā ome ābua bi'ia panada. Mauðe ichi Warr Jesucristo oa chedaba dachi kachirua joma jeraabarii.

^I Dachí. Griego bedeaðe chi b̄ee kartade naka b̄u kubuu: machi.

⁸ Dachí kachiruswāe panuu a panuub̄rā, ara dachi du ab̄a setaa jara panuu mauðe biawāra bedea adua panuu. ⁹ Dachí Akōreba jara b̄uu k̄ira ara ichiba waubariideeba, mauðe jipa waubariideeba, dachiba kachirua waupeðaaða ichimaa jaraaduub̄rā, mau kachirua perdonai. Joma kachirua waupeðaaða jeraai. ¹⁰ Kachirua wauðakau aaduub̄rā, Dachí Akōre chi seta nii a panuu mauðe ichi bedea ijāawēa panuu. ^{II}

Dachí baita Dachí Akōremaa chi chuburia iðibarii

2 Ābarā, machi m̄ warrarā k̄ira nuree. M̄uba mau b̄umaa b̄uu machiba kachirua waurādamera. Maamina ab̄aba kachirua wauruub̄rā, ab̄a uru panuu Dachí Bajāadebena Akōremaa dachi baita chi chuburia iðimera. Mau chi chuburia iðibarii Jesucristob̄. Ne joma jipa waubarii. ² Ichi biusii Dachí Akōreba dachi kachirua perdonamera. Dachí kachirua báitaburu biubasii, maumaarā biusii joma nau iujāade panuurā kachirua baita biða.

³ Dachí Akōreba waubi b̄uu bedea dachiba mau wau panuub̄rā, unubiðai panuu ichi biawāra unu panuu. ⁴ Ab̄auba jaraaruub̄rā: «M̄uba ichi unu b̄uu», mauðe ichiba waubi b̄uu bedea wauwēa b̄uub̄rā, mauba setaa jara b̄uu. Chi biawāra bedea adua b̄uu. ⁵⁻⁶ Maamina chi Dachí Akōre bedea wau b̄uuba Dachí Akōre biawāra k̄iria b̄uu. Chi Dachí Akōre ome b̄uu a b̄uu Jesucristo nibaða k̄ira nibai b̄uu. Dachí maka nibaaduub̄rā, kuitaa panuu biawāra ichi ome panuu.

^{II} Dachí Akōreba jarasii jomaurā kachirua waubadau. Mauðeeba chi kachiruswāe b̄uu a b̄uuba Dachí Akōre seta nii a b̄uu. Romanos 3:23.

Dachi Akõreba waubi bæu bedea wiði

7 Åbarã, mæuba machi baita bæwëa bæu chi Dachi Akõreba waubi bæu bedea wiði, maumaarã bæ bæu ichiba chi naede waubi bæu bedea jarada. I Mau waubi bæu bedea machiba Cristode ijãapedaadedebena kuitaa panuu. Mau nabëraedebena bedea chi ichidebena ùripedaadabæ. 8 Maamina chi mæuba bæ-maa bæu chiwiði kîra bæu Cristoba wausiideeba mauðe machia biða biawãra wau panuudeeba. Chi nau wiði pãriu wã'ãe kãrii kîra bæu, mauðe chi biawãra bedea ùdaa kãrii kîra bæu.

9 Aþauba ùdaade bæu aaruuburã, maamina ichi åba kîramaa bæuburã, wabiða pãriuðe bæu. 10 Chi ichi åba kûriabarii ùdaade bæu mauðe ichi sõde wã'ãe kachiru-ade bæbii baita. 11 Maamina chi ichi åba kîramaa bæu pãriuðe bæu. Pãriuðe niideeba adua bæu samaa wãï, pãriuba ichi dau berrea bæuðeeba.

12 Warrarã, mæuba nau karta machi baita bæ bæu Dachi Akõreba Cristodeeba machi kachirua perdonasi-ideeba.

13 Chõrarã, mæuba nau karta machi baita bæ bæu chi arabaeede nibaða wabiða nii, mau unubadaudeeba.

Kûudrãarã, mæuba nau karta machi baita bæ bæu jëbawãe nii poyaasidaudeeba.

Warrarã, mæuba nau karta machi baita bæ bæu Dachi Bajãadebena Akõre unusidaudeeba.

14 Akõrerã, mæuba nau karta machi baita bæ bæu chi arabaeede nibaða wabiða nii, mau unubadaudeeba.

Kûudrãarã, mæuba nau karta machi baita bæ bæu årea ijãa panuudeeba, Dachi Akõre bedea machi sõde bæuðeeba, mauðe jëbawãe nii poyaasidaudeeba.

15 Nau iujãadebena kãrisia mauðe ne joma nau iujãadebena kachirua kûriarãsturu. Chi nau iujãadebena kachirua kûria bæuba Dachi Bajãadebena Akõre kûriawëa bæu. 16 Nau iujãadebena kachirua naubæ: dachi kakuaba kachirua wau kûria bæabarii, dachi dauba unu panuu kûria panabadau, mauðe dachiba uru panuu kakua maeburã wau panuu kakua ara dachi waabenarã audeara aude nuree kûrisia panadai. Joma mau Dachi Bajãadebena Akõredebena wãe, maumaarã nau iujãadebenabæ. 17 Nau iujãa kachirua mauðe joma chi kachirua ëbërarãba wau kûria panuu wã'ãe bai. Maamina chi Dachi Akõreba jara bæu bedea wau bæu ewaricha ichi ome chokae bæui.

Cristo kîramaabarii

18 Mæ warrarã, nau kaadebena ewari wã'ãeburuu. Machiba ùrisiðau Cristo kîramaabarii neei. II Cristo kîramaabadaurã idibae barau. Mauðeeba dachiba kuitaa panuu nau Dachi Akõre bedea ewari wã'ãebu-

I 2:7. Juan 13:34-35. II Cristo kîramaabarii. Griego bedeaðe naka bæ kubuu: anticristo.

ruu. 19 Maarã dachi baara panada wãsiðau, maamina biawãra dachidebenawãe basii. Maarã biawãra dachidebena basirã, dachi baara wabiða åbua panadai basii. Maamina mau makasii bi'ia kuitaaðamera joma dachidebenawãe nuree.

20 Maumaarã machiba Dachi Akõre Jauri Cristoba deaða uru panuu. Ichideeba joma chi biawãra bedea kuitaa panuu. 21 Mæuba nau karta bæwëa bæu machiba chi biawãra bedea adua panuudeeba maumaarã bæ bæu kuitaa panuudeeba. Mauðe kuitaa panuu chi seta biawãredebena wãe. 22 ¿Chi setaa jarabarii kaima? Chi Jesús Dachi Akõreba deai jarada dachi karibabariiwãe a bæubæ. III Mau chi Cristo kîramaabariibæ. Mauba Dachi Bajãadebena Akõre mauðe Dachi Akõre Warr kûriawëe. 23 Chi Dachi Akõre Warr kûriawëa bæuba Dachi Bajãadebena Akõre uru bæuwãe. Chi Jesús Dachi Akõre Warr a bæuba Dachi Bajãadebena Akõre sida uru bæu. 24 Mauðeeba machiba ijãasiðauðeðebena chi Cristo ãrubena ùri panuu machi sõde nu uru panãsturu. Maka machi Dachi Bajãadebena Akõre ome mauðe ichi Warr ome åbua panadai. 25 Maka åbua panuuburã, Cristoba dachimaa biawãra jarasii ewaricha Dachi Akõre ome chokae panadai.

26 Mæuba mau bæsii waabenarãba machi setaa kûria panuudeeba. 27 Maamina machiba Dachi Akõre Jauri Cristoba deaða uru panuu. Mauðeeba jëruðabai panuu waabenarãmaa machi jaradeabiayua. Dachi Akõre Jauriba machimaa ne joma jaradea bæu. Ichiba jaradea bæu setawãe, maumaarã biawãrabæ. Mauðeeba Cristo ome åbua panãsturu Dachi Akõre Jauriba machimaa jaradeaða kîra.

28 Mæ warrarã, Cristo ome åbua panãsturu. Maka ichi neeruude wapeaðawëa mauðe kîra nejasiðawëa nureadai ichi daade. 29 Machiba kuitaa panuu Jesu-cristo jipa nii. Mauðe kuitaa panuu chi joma jipa wau nuree, Dachi Akõre warrarãbæ.

Dachi Akõre warrarã

3 Ichiãsturu saka Dachi Akõreba IV dachi årea kûria bæu. Ichiba årea kûria bæuðeeba dachi ichi warrarã abarii. Biawãra dachi ichi warrarãbæ. V Nau iujãadebenarãba mau adua panuu, ichi unuðakaudeeba. 2 Åbarã, dachi Dachi Akõre warrarãbæ. Dachi Akõreba wabiða unubiawëa bæu dachi saka nureadai. Maamina kuitaa panuu Cristo neeruude ichi kîra nureadai, mau ewaride ichi saka nii unuðaiðeeba. 3 Chi Cristo kîra bæui baita esedau bæu kachiruswãe bæui baita nu bæabarii, Cristo kachiruswãe nii kîra.

4 Chi kachirua wau bæuba Dachi Akõre ley waukau. Mau kachirua wauruude, Dachi Akõre mauðe chi ley

III Dachi Akõreba deai jarada dachi karibabarii. Griego bedeaðe naka bæ kubuu: Cristo. IV Dachi Akõreba. Griego bedeaðe naka bæ kubuu: el Padre. V Dachi ichi warrarãbæ. Chi bæe nabëraedebena kartade mau bedea wã'ãe.

küriakau. ⁵ Maamina machiba kuitaa panuu Jesucristo nau iujãadaa neesii dachi kachirua awara bæi baita. Ichi chi kachirua bæ'ãra biða wã'ãe nii. ⁶ Chi ichi ome äbua bæuba kachirua waukau. Maamina chi kachirua wau bæuba Jesucristo unukau maude saka nii adua bæu.

⁷ Mæ warrarã, abãumaa ida setaa kũruabiarãsturu. Chi jipa wau bæu Dachii Akõre daade jipa nii, Cristo jipa nii kãra. ⁸ Maamina chi kachirua wau bæu jëbawãe ni- iëebæ, arabãeëeëe jëbawãe nii kachirua wau bæubariideeba. Dachii Akõre Warr nau iujãadaa neesii jëbawãe niiba wau bæu poyaa baita.

⁹ Chi Dachii Akõre wãwa adauða kãra niiba kachirua waukau, Dachii Akõre chokae nibabiabarii ichide bæebariideeba. ^I Dachii Akõreëebena neesiideeba kachirua poyaa wau bæakau. ¹⁰ Nauëeëba dachiba kuitaa panuu kairã Dachii Akõre warrarã maude kairã jëbawãe nii warrarã. Chi jipa wauwëa bæu Dachii Akõre warrwãe. Maude chi ichi äba küriawëa bæu Dachii Akõre warrwãe.

Chiya küria nureadaï panuu

¹¹ Chi machiba ijãasiãaudeëebena üri panuu bedea naubæ: dachi chiya küria nureadaï panuu. ¹² Caïn kãra panãaabai panuu. ^{II} jëbawãe niide basiideeba chi äba beasii. ¿Sakãe ichi äba beasma? Beasii ichi äbaba wau bæada Dachii Akõre daade bi'ia bæusiideeba maude ichiba wauða kachirua bæusiideeba.

¹³ Äbarã, nau iujãadebenarãba machi kãramaadu- uburã, ärea kãra nomaarãsturu. ¹⁴ Dachiba äbarã küria panuudeeba kuitaa panuu dachi biu panãa chokae paneesidau. Chi ichi äba küriawëa bæu wabiða biu nuþuu. ¹⁵ Chi ichi äba kãramaa bæu Dachii Akõre daade mia beabarii. Machiba kuitaa panuu chi mia beabarii ewaricha Dachii Akõre ome chokae bæabai. ¹⁶ Nauëe- ba dachiba kuitaa panuu dachi äbarã küriabadau: Je- sucristo dachi kakua biusii. Ara mau kãra dachi siða küriadeeba äbarã baita biudai baita nureadaï panuu. ¹⁷ Chi nau iujãade chi nejarr barau niiba chi nejarr ba- rauwãe nii äba unu bæu aïdawëeburã, ¿Dachii Akõreba chi küria ichi sõde uru þuka? Uru bæuwãe. ¹⁸ Mæ war- rarã, dachi äbarã küriadaï panuu. Bedeadeëburu maka wauðaabai panuu, maumaarã dachiba wau panuudee- ba biawãra küriadaï panuu.

¹⁹⁻²⁰ Maudeëba kuitaa panuu dachi biawãra Dachii Akõreëe. Maude ara dachi sõde kachirua wau panuu a kürisiaduuburã, Dachii Akõre daade poyaa jirukaraayuwãe panãdai. Dachii Akõreba dachi ürëbena bi'ia kuitaa bæu chi dachi sõde kürisia panuu audeara. Ichiba joma kuitaa bæu. ²¹ Äbarã, dachi neþuraswãe panuu a kürisia panuuburã, wapeawëa Dachii Akõre-

I Dachii Akõre chokae nibabiabarii ichide bæebariideeba. Griego bedeade naka bæ kubuu: Dachii Akõre netaa ichide bæabarii. II 3:12 Génesis 4:1-15.

maa poyaa etaa ididai. ²² Maude dachiba etaa idiiduu ichiba deai, Dachii Akõreba wau bi bæu bedea maude chi ichiba küria bæu wau panuudeeba. ²³ Mau wau bi bæu bedea naubæ: ichi Warr Jesucristode ijãadai maude chiya küria nureadaï ichiba dachimaa jarada kãra. ²⁴ Chi Dachii Akõreba wau bæu bedea wau bæu Dachii Akõre ome bæu, maude Dachii Akõre ichi ome bæu. Dachiba kuitaa panuu Dachii Akõre dachi ome bæu, ichi Jauri dachimaa deasiideeba.

Setaa jaradeabadaurã saka kuitadaï

⁴ Äbarã, barikiurãba Dachii Akõre Jaurideeba berrea panuu abadaurã ijãarãsturu, maumaarã kauwa ichiãsturu ächiba biawãra Dachii Akõre Jauridee- ba maeburã waabenarãdeeba berrea panuu kuitadaï baita. Mau makãsturu äreaba nau iujãade setadeeba ächiba Dachii Akõre Jaurideeba berrea panuu abadaudeeba. ² Naka machiba kuitadaï kai Dachii Akõre Jaurideeba berrea bæu: ababa Jesucristo nau kakuaëe biawãra neesii aaruuburã, Dachii Akõre Jaurideeba berrea bæu. ³ Maamina abauba Jesucristo nau kakuaëe nebasii aaruuburã, Dachii Akõre Jaurideeba berrea bæuwãe. Chi Cristo kãramaabariideeba berrea bæu. ^{III} Machiba ürisidau Cristo kãramaabarii nee bæu. Biawãra mau nau iujãade bæu.

⁴ Mæ warrarã, machi Dachii Akõreëebæ. Machiba maarãmaa ida setaa kũruabiadaabasii, chi machi sõde bæu chi nau iujãade bæu audeara poyaabarii bæudee- ba. ⁵ Maarã nau iujãa kachiruaëebenarãbæ. Maudeëba nau iujãadebena kürisia jaradeabadau maude ächiba jaradea panuu nau iujãade Dachii Akõreëe ijãadaku- rãba ijãabadau. ⁶ Maamina Dachii Akõreëebæ. Chi Dachii Akõre unu bæuba dachiba jaradea panuu ijãabarii. Chi Dachii Akõre unukauba dachiba jaradea panuu ijãakau. Maudeëba dachiba kuitaa panuu kaiba Dachii Akõre Jaurideeba biawãra bedea jaradea bæu maude kaiba setadeëbena jaurideeba setaa jaradea bæu.

Dachii Akõreba ëbërarã küria bæu

⁷ Äbarã, dachi chiya küria nureadaï panuu, Dachii Akõreba dachimaa dachi äbarã biawãra küriabiabari- ideeba. Joma chi küria uru nuree Dachii Akõre war- rarãbæ maude Dachii Akõre unubadau. ⁸ Dachii Akõre- ba ne jomaëe küriakua bæudeëba chi abau küriawëa bæuba Dachii Akõre unukau. ⁹ Dachii Akõreba dachi küria bæu unubasii ichi Warr abã nii nau iujãadaa bæisiide ichideeba ewaricha chokae nureadamera. ¹⁰ Chi biawãra küria naka bæu: chi küriadeëba Dachii Akõreba ichi Warr bæisii biamera dachi kachirua per- donai baita. Dachii Akõreba maka waubasii dachiba

III Cristo kãramaabarii. Griego bedeade naka bæ kubuu: anti- cristo.

ichi kŭria panasiideeba, maumaarā maka wausii ichiba dachi kŭriasiideeba.

¹¹ Ābarā, Dachī Akōreba dachi maka kŭriasiideeba dachi sīda chiya kŭria nureadai panuu. ¹² Abau biēa Dachī Akōre dauba unukau. Maamina dachi chiya kŭria panuubērā, Dachī Akōre dachi ome bŭu maude ichi kŭriadeeba dachiba biawāra joma kŭria panuu. ¹³ Dachī Akōreba ichi Jauri dachimaa deasiideeba kuitaa panuu dachi Dachī Akōre ome panuu maude ichi dachi ome bŭu. ¹⁴ Daiba ichi Warr unusīdaudeeba jara panuu Dachī Bajādeebena Akōreba mau biawāra bŭisii nau iujādebenarā karibamera. ¹⁵ Barikiuba Jesūs biawāra Dachī Akōre Warr aaruubērā, Dachī Akōre ichi ome bŭu maude ichi Dachī Akōre ome bŭu.

¹⁶ Dachiba kuitaa panuu maude ijāa panuu Dachī Akōreba dachi kŭriakua bŭu. Dachī Akōreba ne jomaēde kŭria bŭu. Biawāra kŭria uru bŭu Dachī Akōre ome bŭu maude Dachī Akōre ichi ome bŭu. ¹⁷ Maka dachiba Dachī Akōre maude joma ēbērarā biawāra kŭria panuu. Dachī Akōreba dachi nebŭra kastikai ewarīde dachi ne wapeawēa nureadai, nau iujāde Jesucristo nibaēa kŭra nibapedaadeeba. ¹⁸ Dachiba Dachī Akōre maude joma ēbērarā kŭria panuubērā, Dachī Akōreba kastikaidēbena wapeadaabai panuu, chi biawāra kŭriaba mau wapeadai wā'āebibariideeba. Chi Dachī Akōreba dachi nebŭra kastikai wapea bŭuba kuitaa bŭu Dachī Akōreba ichi nebŭra kastikai. Ichiba Dachī Akōre maude joma ēbērarā wabiēa biawāra kŭria bŭuwāe.

¹⁹ Dachiba Dachī Akōre kŭria panuu ichiba dachi naa kŭriasiideeba. ²⁰ Aabauba Dachī Akōre kŭria bŭu aaruubērā, maude ichi āba kŭramaa bŭaruubērā, setaa jara bŭu. Chi āba unu bŭu kŭriawēa bŭubērā, ŷsaka Dachī Akōre unuwēa nii kŭria bŭaima? ²¹ Jesucristoba dachimaa waubi bŭu beēa naubŭ: chi Dachī Akōre kŭria bŭuba ichi āba kŭria bŭuai bŭu.

Dachi Akōre Warr ijāadai panuu ūrŭbena

⁵ Jesūs Dachī Akōreba Dachī Karibabarii deai jaraēa abauba ijāaruubērā, mau ēbēra Dachī Akōre warrbŭ. ¹ Dachī Bajādeebena Akōre kŭria bŭuba ichi warrarā sīda kŭria bŭu. ² Dachiba Dachī Akōre kŭria panuubērā maude ichiba waubi bŭu beēa wau panuubērā, kuitaa panuu ichi warrarā sīda kŭria panuu. ³ Dachī Akōre biawāra kŭria panuubērā, ichiba waubi bŭu beēa joma wauēai. Ichiba waubi bŭu beēa chaareawēa bŭu. ⁴ Joma Dachī Akōre warrarāba nau iujādeebena kachirua ida bŭbadau. Biawāra dachiba Jesucristode ijāa panuudeeba mau poyaa ida bŭdai. ⁵ ŷKaiba nau iujādeebena kachirua poyaa ida

I Dachī Akōreba Dachī Karibabarii deai jaraēa. Griego beēade naka bŭ kubŭu: Cristo.

bŭaima? Aabauba Jesūs biawāra Dachī Akōre Warr ijāade bŭubērā, mau ēbēraba mau poyaa ida bŭi.

Jesūs biawāra Dachī Akōre Warrbŭ

⁶ Mau ara ichi Jesucristo, chi nau iujādeaa nepeēa baniade boro eabiēa maude ichi oa cruzde chedabŭ. Nau iujādeaa nepeēa baniadēburu boro ebasii, maumaarā ichi oa sīda cruzde chesii. Dachī Akōre Jauriba kuitaabia bŭu mau biawāra, ichiba chi biawāra beēa kuitaabiabariideeba. ⁷ Maude bajāde oēa panuuba mau biawāra arabauēde jara panuu; Dachī Bajādeebena Akōreba maka jara bŭu, chi «Beēa» abadauba maka jara bŭu maude ichi Jauriba maka jara bŭu. Mau oēa panuu ababurubŭ. ⁸ Naka chi oēa panuuba kuitaabiabadau chi beēa biawāra Jesūs ūrŭbena: Jesūs boro easiideeba, ichi oa cruzde chesideeba, maude Dachī Akōre Jauriba kuitaabia bŭudeeba. Mau oēa jara panuuba arabauēde kuitaabia panuu. ⁹ Ēbēraba unuēa biawāra aaruubērā dachiba mau ijāabadau. Maamina Dachī Akōreba jara bŭu aude ijāadai panuu, ichi Warr ūrŭbena biawāra jara bŭudeeba. ¹⁰ Chi Dachī Akōre Warr ijāa bŭuba ichi sōde kuitaa bŭu Dachī Akōreba jara bŭu biawāra. Maamina chi Dachī Akōreba jara bŭu ijāawēa bŭuba chi mauba setaa jara bŭu a kŭrisia bŭu, ichi Warr ūrŭbena jara bŭu ijāawēa bŭudeeba. ¹¹ Dachī Akōreba jara bŭu naubŭ: ichi Warrdeeba dachi ewaricha mau ome chokae nibabai. ¹² Biawāra chi Dachī Akōre Warrde ijāa bŭu mau ome ewaricha chokae bŭuai. Maamina chi Dachī Akōre Warrde ijāawēa bŭu mau ome ewaricha chokae bŭabai.

Juanba nau kartade aanama bŭda

¹³ Mŭuba nau karta machi chi Dachī Akōre Warrde ijāabadaurā baita bŭuruu kuitaademera ewaricha Dachī Akōre ome chokae nureadai.

¹⁴ Dachī Akōreba kŭria bŭu kŭra dachiba ūtaa idiidubērā, kuitaa panuu ichiba ūribarii. Maudeeba ne wapeawēa ichimaa ūtaa ididai panuu. ¹⁵ Dachiba ūtaa idiiduu Dachī Akōreba ūribarii kuitaa panuudeeba, kuitaa panuu mau ūtaa idiiduu ichiba deai.

¹⁶ Machidebena abauba bichi āba kachirua dachi biubikau wauruu unuuruubērā, ūtaa idii bŭu. Maka Dachī Akōreba mau perdonapeēa, chokae nibabii. Maamina dachi biubibarii kachirua baraubŭ. Mŭuba jarawēa bŭu chi mau kachirua waubadaurā kakua ūtaa idimera. ¹⁷ Joma Dachī Akōre daade bi'iwāe wauēa kachirubŭ. Maamina kachirua barau dachi biubikau.

¹⁸ Dachiba kuitaa panuu Dachī Akōre warrarāba kachirua wau panaēakau, III Dachī Akōre Warr Jesu-

II Griego beēade chi bŭe kartade versículo 7 wā'āe. III Dachī Akōre warrarāba kachirua wau panaēakau. Griego beēade naka bŭ kubŭu: chi Dachī Akōredebena neēdaba kachirua waukau.

crístoba áchi nu ua buudeeba. Mauba jubawãe niiba áchi kachirua poyaa waukau. ¹⁹ Dachiba kuitaa panuu dachi Dachí Akõre. Maude kuitaa panuu joma nau iujãde Dachí Akõre ijãakaurã jubawãe nii juade duanuu. ²⁰ Kuitaa panuu Dachí Akõre Warr neesii maude kãrisia kuitaa dachimaa deasii Dachí Akõre bi-

awãra unudamera. Ichi Warr Jesucristo ome panuudeeba dachi biawãra Dachí Akõre ome panuu. Mau biawãra Dachí Akõre. Mauba ëbërarãmaa ichi ome ewaricha chokae nureadai deabarii. ²¹ Më warrarã, Dachí Akõre kuenda juaba ne kapëdaade ijãarãsturu.

2 JUAN

Jesús baara nibaða Juanba nau karta b̄usii. Año 90de Éfeso puuruude b̄usiiide b̄usii. Nau kartade ara ichíturu chi Chõra asii. Karta b̄usii «wëra Dachí Akõreba j̄ur̄u adauða baita mauðe ichi warrarã baita biða». Waabenarã-maarã mau jara b̄uu ãbarã arabau puuruðebena.

Nau kartade Juanba naa b̄usii ichi k̄iraj̄ur̄u b̄uu chi biawãra bedea ijãa panuudeeba mauðe biawãra k̄uria uru panuudeeba (). Maabae ãchimaa jarasii setaa jaradeabadaurã bi'ia irsibibiarãadamera (). Juan chõra b̄usiiide waabenarãba jara panasiðau Jesús nau iujãade b̄usiiide ëbërarãba ichi jauríturu unubachiðau. Juanba jarasii ãchi irsibirãadamera (). Kaadeara b̄usii kã'ãabariwãede chiya unuðai mauðe waabenarã ãbarãba k̄uria panuu ãchi bi'ia panadai ().

Nau kartade Juanba naa b̄uda

1 M̄ Chõrab̄u. **I** M̄uba nau karta b̄uuruu wëra Dachí Akõreba j̄ur̄u adauða baita mauðe ichi warrarã baita biða. M̄uba machi biawãra k̄uria ua b̄uu. M̄aburu machi k̄uria b̄uwãema, maumaarã joma chi biawãra bedea kuitaa nureerãba machi k̄uria panuu. **2** Maka k̄uria panuu, chi biawãra bedea dachi sõde b̄uudeeba. Mauðe dachi sõde ewaricha b̄uai. **3** Mau biawãra bedea ijãa panuudeeba mauðe chiya k̄uria panuudeeba, m̄uba k̄uria b̄uu Dachí Bajãadebena Akõreba, dachi Akõre Warr Jesucristo ome ãchi sõbiadeeba machi kariba panadai, k̄ira chuburia panadai mauðe jirukaraayuwãe panabiadai. **II**

Chiya k̄uria panadai panuu

4 M̄uba bichi warrarãdebena chi nuree unusii. M̄ k̄iraj̄ur̄usii ãchi chi biawãrade nibasiðauðeeba, Dachí Bajãadebena Akõreba jara b̄uu k̄ira. **5** Neekau, m̄uba chi chuburia idimaa b̄uu dachi chiya k̄uriaadamera. Dachí Akõreba waubi b̄uu bedea widiwãeb̄u, mau-maarã mau dachiba arabãedeede ùri panasiðau. **III****6** Dachiba naka waabenarã k̄uria panadai panuu: Dachí Akõreba waubi b̄uu bedea wau panadai. Mau waubi b̄uu bedea machiba arabãedeede ùrisiðau. Mauba jara b̄uu k̄uriaðeeba nibadai panuu.

I Chõrab̄u. Waabenarãmaarã, mau jara b̄uu «ijãabadaurã nubarii». **II** 3 Juan 1:14-18. **III** 5 Juan 13:34.

7 Chi nuree setaa k̄ruabadaurã nau iujãade ãrea nibabadau. Maarãba ijãadaku Jesucristo nau kakuðe dachi k̄ira neesii. Chi maka b̄uu waabenarã setaa k̄ru-abarii mauðe Cristo k̄iramaab̄u. **8** Kauwa panásturu machi setaa k̄ruabiarãadamera. Maka machiba chi Dachí Akõre baita wau panuu ichiba deai baða wã'ãe bai, maumaarã joma adauðai. **IV**

9 Barikiuba Cristoba jaradeaða ãyaa jaradea nibaaruburã, maeburã Cristoba jaradeaða ida b̄uuruburã, mau Dachí Akõreswãe nii. Maamina barikiuba Cristoba jaradeaða ijãa niiburã, chi Akõre mauðe chi Warr siða uru b̄uu. **10** Ëbëra machimaa wãaruude Cristoba jaradeaða k̄ira jaradeawëeburã, mau machi dede bi'ia irsibirãsturu mauðe «bi'ia b̄uu bichi neesii» arásturu. **11** Chi «bi'ia b̄uu bichi neesii» a b̄uba mau kachirua ichi ome ãbua wau b̄uu.

Juanba nau kartade aanama b̄uda

12 M̄uba machimaa ãrea jara k̄uria b̄umina nau kartade joma b̄uwãema. M̄uba machi ichiade wã k̄uria b̄uu. Mauðe machi ome ãbua berreadai ãrea k̄iraj̄ur̄udai baita.

13 Bichi neekau warrarã Dachí Akõreba karibaðaba k̄uria panuu machi bi'ia duanaðai. **V**

IV Machiba chi Dachí Akõre baita wau panuu. Griego bedeaðe chi b̄ee kartade b̄u kubuu: daiba Dachí Akõre baita wau panabadau. **V** Griego bedeaðe chi b̄ee kartade nau siða b̄u kubuu: amén. Mau jara b̄uu «bi'ia b̄uu maka b̄uai».

3 JUAN

Chi Jesús baara nibaða Juanba nau karta b̄s̄sii. Año 90de Éfeso puuruḁe b̄uasiide b̄s̄sii. Nau kartade ichi chi chōra asii. Karta āba Gayo baita b̄s̄sii.

Nau kartade Juanba naa b̄s̄sii ichi k̄iraj̄m̄ b̄uu, Gayoba chi biawāra bedea ijāa b̄uudeeba maude biawāraḁe niideeba (). Mawāare b̄s̄sii ichiba ābarā b̄uida ūr̄ubena. Gayoba maarā bi'ia irsibipeḁa aida b̄uadeḁeeba, Juanba ichi ūr̄ubena bi'ia jarasii (). Maamina aria, chi āba Cristode aude mechiu nii k̄ūrisia b̄uade Diotrefesba āchimaā ida jaradeabika basii. Mau awara chi āchi bi'ia irsibiiduu duab̄uikabachii maude Juan ūr̄ubena kachirua jarabachii (). Maamina Juanba Gayomaa jarasii Diótrefes k̄ira nibabiimaaba, maumaarā waabenarāmaa bi'ia wau b̄uamera (). Kaḁeare b̄s̄sii k̄ā'ābariwāede chiya unuḁai maude ābarāba ichi bi'ia b̄uai k̄ūria panuu ().

Āba Gayoba bi'ia wauḁa

1 M̄ Chōrab̄. I M̄uba nau karta b̄uuruu m̄ āba Gayo baita. M̄uba bichi biawāra k̄ūria b̄uu.
2 Āba, m̄uba Dachī Akōremaa ḁtaa idi b̄uu bichi ichi ome bi'ia b̄uudeeba ne jomade bi'ia b̄uamera maude kakua bi'ia b̄uamera. 3 M̄ ārea k̄iraj̄m̄s̄sii, waabenarā ābarā m̄ubaa nepeḁaḁaba nebur̄usidaudeeba bichiba chi biawāra bedea ijāa b̄uu. 4 M̄ ābarāba chi biawāra bedea ijāa panuu ūriiruude, m̄ ārea k̄iraj̄m̄ b̄uabarii. II
5 Āba, bichiba ābarā aida b̄uudeeba bi'ia wau b̄uu. Chi bichiba unukau ābarā siḁa aidaḁabariideeba biawāra ārea bi'ia wau b̄uu. 6 Ābarā araa ābua imisiḁaude, jomaurā daade maarāba bichi k̄ūria panuu ūr̄ubena nebur̄usidau. M̄ k̄ira chuburiāse, āchi aidaḁe bi'ia wāḁamera Dachī Akōreba ichi traju waubadaurā aidaḁabarii k̄ira. 7 Āchiba Jesucristo ūr̄ubena jaradeade wāsiḁaude, chi Dachī Akōreḁe ijāaḁakaurāḁebena ne adaudaabasii. III⁸ Maudeeba dachiba mau ābarā bi'ia aidaḁai panuu. Maka āchi ome ābua traja panuu chi biawāra bedea kuitaḁaḁai baita.

Āba Diotrefesba kachirua wauḁa

9 M̄uba naede karta b̄s̄sii joma ābarā mamabena baita. Maamina Diotrefesba dai bedea ijāawēa nii. Ichi

I Chōrab̄. Waabenarāmaarā mau jara b̄uu «ijāabadaurā nubarii». II M̄ ābarā. Griego bedeaḁe naka b̄u kub̄uu: m̄ warrarā. III Chi Dachī Akōreḁe ijāaḁakaurāḁebena ne adaudaabasii. Mau jara b̄uu chi nejara, chiko ne kaebea ididaḁai baita panuuwāe.

ābarā tāede chi mechiu nibai k̄ūria b̄uu. 10 Maudeeba mamaa wāaruude m̄uba jomaurāmaa kuitaḁabai ichiba kachirua wau b̄uu. Ichiba dai ūr̄ubena setaa kachirua jarabarii. Mau awara chi ābarā mamaa wāaduu ichiba bi'ia irsibiabikau maude chi ābarāba āchi dede bi'ia irsibi k̄ūria panuude ida b̄ukau. Maarā bi'ia irsibiidub̄urā mau ābarā duab̄uikabarii.

Āba Demetrio ūr̄ubena bi'ia b̄uda

11 Āba, chi kachirua waubadau k̄ira waurāse mau-maarā bi'ia wause. Chi bi'ia waubarii Dachī Akōreḁeb̄u, maamina chi kachirua waubariiba Dachī Akōre adua b̄uu.

12 Āba Demetrio ūr̄ubena jomaurāba bi'ia berrea panuu. Chi biawāra bedea ijāa b̄uudeeba unubia b̄uu ichi jipa nii. Dai bida ichi ūr̄ubena bi'ia k̄ūrisia panuu. Machiba kuitaa panuu daiba jara panuu biawārab̄u.

Juanba nau kartade aanama b̄uda

13 M̄uba ne ārea bichimaa jara k̄ūria b̄umina kartade b̄uwēma. 14 Isa bichi ichiade wā k̄ūria b̄uu. Maabae ābua berreaḁai. 15 M̄uba k̄ūria b̄uu Dachī Akōreba ichi jirukaraayuwāe b̄uabii. Chi namabena ābarāba k̄ūria panuu bichi bi'ia b̄uai. Jāmaḁena ābarā-maa āchi kakawaa jarakuase m̄uba k̄ūria b̄uu āchi bi'ia duanaḁai.

JUDAS

Jesús äba Judasba nau karta b̄usii. Chi b̄udaba Santiago äba a b̄uu (). Waabenarāmaarā nau karta äbarā judiorā baita b̄usii. Año 65de b̄usii.

Judasba nau karta b̄usii chi nureeba setaa jaradea panasiideeba. Mau eb̄erarāba jara panasidau Dachii Akõreba ichi söbiadeeba karibasiideeba barikia kachirua poyaa wauðai panuu (). Mauðeeba Judasba chi äbarāmaa jarasii ab̄au biða ächiba ijāa panuu äyaa jaradeabiarādamera (). Mau awara b̄usii chi äbarā ächi chiya aidaðai panuu Jesucristode bi'ia ijāadamera maude Dachii Akõrede ijāadakaurā kīra chuburiaðai panuu ().

Nau kartade Judasba naa b̄uda

1 M̄ Judasb̄, Santiago äba maude Jesucristo baita bari trajabarii. ¹ Nau karta b̄umaa b̄uu joma Dachii Akõre bajāadebenaba iukuada baita. Ichiba machi k̄uriakuabarii maude Jesucristodeeba nu ua b̄uabarii. ² M̄uba k̄uria b̄uu ichiba machi ärea kīra chuburia b̄uai, ärea jirukaraayuwāe duanubiai, maude machi ärea k̄uria b̄uai.

Setaa jaradeabadaurā

³ Äbarā, m̄uba nau kartade Dachii Akõreba dachi karibada ürubena b̄ k̄uria b̄usii. Maamina m̄ baita, bibuara b̄uu jāabae b̄ui kauwa panadamera. Chi machiba ijāa panuu ab̄umaa ida äyaa jaradeabirāsturu. Dachii Akõreba chi biawāra beðea ichi eb̄erarāmaa bes ab̄aburu deasii. Diware deakau. ⁴ Maka b̄u b̄uu june äbarā kīra nuree machi täede duanuudeeba. Maarā eb̄erarāba setaa jaradeabadau Dachii Akõreba ichi söbiadeeba dachi karibakuasiideeba dachi kakuaba kachirua wau k̄uria b̄uu poyaa wauðai panuu. Maarāba Dachii Mechiu ab̄a nii Jesucristo ida b̄ubadau. Eskareedeede b̄u kub̄uu Dachii Akõreba ächi kastikai ürubena.

⁵ Mau joma kuitaa panumina m̄uba kīrababiai Dachii Mechiuba ichi puuru Egiptodebena karibasii. Maamina karibasiide chi ichide ijāapedaadaawāe nuree baribasii. ⁶ Maude kīrabāsturu chi nuree angelerā Dachii Akõreba duanuda kīra paneedaabasii. Mau maarā chi panadamaa ida b̄usidau. Mauðeeba Dachii Akõreba chobea päriuðe j̄ukuasii ewaricha paneedamera chi ichiba kastikai ewarida. ⁷ Ara mau kīra Dachii Akõreba Sodomadebena, Gomorraðebena maude chi puururā ara kaitadebena kastikasii. Maarāba mianejasia waubachidau. Dachii kakuaba barikiu kachirua wauðabai panuu, ächiba waubachidau. Mauðeeba Dachii Akõreba maarā ewaricha tubuchia ki-

I Santiago ara mau «Jacob» abadau.

ikauðe bi'iwāe panabiai. Mauba dachimaa kuitaabia b̄uu Dachii Akõreba chi kachirua joma maka kastikabarii.

⁸ Chi machi täede neepedaada maarā eb̄erarā kīra nuree. Maarāba chi kamokaraaduu ijāabadau. Chi kakuaba waubi k̄uria b̄uu waubadau, Dachii Mechiu ida b̄ubadau, maude chi bajāadebenarā ürubena kachirua jarabadau. ⁹ Maamina chi ángel aude mechiu nii Miguel abadauba maka wauka basii. Moisés biusiide Miguel chi mau kakuaba ürubena j̄ubawāe nii ome chi kai juade beei ürubena kīru berreasidau. Maamina j̄ubawāe niimaa kachirua jarai k̄urisiabasii, maumaarā jarasii: «Dachii Mechiuba bichi kastikai». ¹⁰ Maamina chi maarā eb̄erarā machi täede neepedaadaba, ächiba adua panuu ürubena kachirua berreabadau. Äni-mararāba k̄urisiabadau kīra k̄urisiabadau maude chi kakuaba waubi k̄uria b̄uu kīrāburu waubadau. Mauðeeba Dachii Akõreba kastikakuai.

¹¹ ¡Miichuburi chi kachiruade nuree! Ächiba Cainba wauða kīra waubadau. Chi nejarra k̄uriabadaudeeba, kachirua wau nibabadau, Balaanba wauða kīra. Coreba Moisés ida b̄uda kīra, Dachii Akõre ida b̄usidaudeeba, kastikakuai. ¹² Machi äbua needapeda k̄uriadeeba kīraj̄uu komaa panuude ächi wapeaðawēa machi baara kobadau. Maka machiba wau panuu maarāba kachiruabiabadau. Ara ächidēburu k̄urisiabadau. Maarā j̄ur̄ara pūatuba adoebarii kīra nuree. Pūaturāba j̄ur̄ara äyaa adoeruude kui chekau. Ara mau kīra ächiba jaradeaduuba aidaðau. Bakuru bes ome biuða kīra nuree, chi chaudi ewariðe chi netaa deakauðeeba maude chi karradeede eesiideeba. ¹³ Marðebena ürape meserāa kīra nuree. Marba ichi ürapeðebena köpepeabibarii kīra, naarāba ne barikia nejasia waubadau. O kachiruade wāaduudeeba, pusterrea aoko barikiude wāaruu kīra nuree. Dachii Akõreba chobea päriu kub̄usii ewaricha kastikakuai baita.

II Chi bajāadebenarā. Waabenarāmaarā mau jara b̄uu «Angelerā kachiruade baepedaadarā».

14-15 Enocba maarã ùrùbena berreasii. (Adandebena abã Enocdaa ëbërarã imipedaadarã 7 panasiãdu). Enocba Dachì Mechiu baita naka berreasii: «jÛristuru! Dachì Mechiu ichidìrã ãrea baara neei joma kastikakuai baita. Mauðe joma ichi kùriadaakaurã kastikakuai. Maka wauì kachirua wausidaudeeba Ichi kùriadaabasiideeba, mauðe Ichi ùrùbena kachirua ãrea berreasidaudeeba». 16 Maarãba ne barikia kakua ãi berreabadau, mauðe waabenarã ùrùbena ne barikia beðea waubadau. Ara ãchiba kùria panùturu jùrùbadau. Chi aude mechiurã kùria berreabadau. Waabenarãmaa kùraabadau ãchiba kùria panuu adaudai baita.

Chi ãbarãba kãare wauðai panuu

17 Maamina ãbarã, chi Dachì Mechiu Jesucristoba buidarãba jarapedaada kùrabásturu. 18 Machimaa naka jarasiãdu: «Kaadearebena ewaride baraii ëbërarãba Dachì Akõremaa atua jarabadaurã mauðe ãchi kakuaba wubii kùria ßuu wau panabadaurã». 19 Maarãba ãbarãmaa ãchi kakawaa kùrisia panabi-

abadau, ãchiba kùriadiu ne barikia waubadau, mauðe Dachì Akõre Jauri wã'ãe nuree.

20 Maamina ãbarã, machicha aieásturu Cristode ãrea ijãadamera. Dachì Akõremaa ichi Jaurideeba utaa iéísturu. 21 Dachì Akõre kùriadeeba nibásturu. Dachì Mechiu Jesucristoba kùria chuburia ßuudeeba ewaricha chokae nibabiadai esedau panásturu.

22 Chi ãbarã ãrea ijãawëa nuree kùria chuburiásturu.

23 Chi tubuchia kiikauðaa wãadiu karibásturu. Waabenarã kùria chuburiásturu, maamina kauwa panásturu. Maarãba kachirua waubadau ida ßústuru.

Judasba Dachì Akõremaa bi'ia berreada

24 Dachì Akõreba machi poyaa nu ua ßuai ßuu kachiruade ßaerãadamera. Ichi kùrawãrea daade kachiruaswãe poyaa bi'ia ßui. Aria machi kùrajuu panadai. 25 Dachì Akõre ababuru nii. Ichi dachi karibabariibù. Ichi chi aude Mechiu nii, mauðe joma poyaa wauì ßuu. Jomaurã chibaribù. Nabëraedeedebena maka nii. Iðibae biðã maka nii, mauðe maka ßuai. Dachì Akõremaa bi'ia berreadai panuu Dachì Mechiu Jesucristodeeba. jBi'ia ßuu maka ßuai!

APOCALIPSIS

Jesús baara nibaða Juanba nau karta b̄s̄ii. Año 95de b̄s̄ii. Griego bedede Apocalipsis jara b̄u «unubiða». Domitiano abadau año 81debena aba 96daa Romaðebena chi aude mechiu nibasii. Mau ewaride ley aba b̄s̄iðau jomaurāba Romaðebena chi aude mechiu niimaa bi'ia berreadai panuu, Dachí Akõremaa bi'ia berreadau k̄ira. Maka wauwēa b̄u kakua Juan j̄ea uru panasidau.

Mauðe Jesucristoba Juanmaa nau karta b̄s̄isii 7 puuruðebena ābarā baita. Jesusba b̄ubiða Juanmaa joma unubisii. Juanba Jesusde ijāabadaurāmaa unubiasii Jesús biawāra āchi ome b̄u mauðe kā'ābariwāede chi k̄ira-maabadaurā joma poyaa. Jarasii Jesucristo neeruude Dachí Akõreba j̄ubawēe nii mauðe joma ichiðirā t̄ub̄chia kiikaude baakuai. Mauðe jarasii j̄ubawēe niiba Cristoderā bearuub̄rā ewaricha Dachí Akõre puuruðe bi'ia duanaðai.

Dachiba nau k̄irisia mechiu b̄u kub̄u k̄irabaðai panuu: «Chi machi kā'ābariwāede bi'iwāe panadau ewari wapearāsturu. ¡Ūristuru! Chi j̄ubawēe niiba machiðebena chi nuree j̄ea buikai ijāa panuu kuitaayua. Ewari 10 ārea bi'iwāe panadau. Maamina biuduuda ijāa panāsturu. Mauðe m̄uba machimaa boro j̄ura dearuude ewaricha chokae nibabiai».

Nau kartade Juanba naa buða

1 M̄ Jesucristo baita bari trajabar̄ii Juanb̄. Nau kartade b̄u b̄u Jesucristoba bajāadebena m̄u-maa unubiða. Mau Dachí Akõreba Jesucristomaa unubisii ichiðe ijāa nureerāmaa unubiamera kā'ābariwāede kāare sāai b̄u. ¹ Jesucristoba ángel m̄umaa b̄s̄isii mau unubimera. ² Joma m̄uba unuda biawāra jara b̄u. M̄uba jara b̄u nau bedea Dachí Akõreðebena nee b̄u mauðe Jesucristoba biawāra unubisii. ³ Chi mau Dachí Akõre baita berreabar̄ii bedea ābarā daade eða jaraaruu ārea bi'ia buai. Mauðe chi nau bedea ūriðapeða wau nuree ārea bi'ia nureadau, kā'ābariwāede makaiðeeba.

Ābarā Asia druadebena baita Juanba buða

4 M̄ Juanb̄. Nau karta b̄umaa b̄u ābarā Asia druade 7 puuruðebenarā baita. M̄uba k̄iria b̄u Dachí Akõreba ichi s̄obiadeeba machi aiða buai mauðe jirukaraayuwāe buabiai. Mau chi nibaðab̄, chi niib̄ mauðe chi neei baita buub̄. Mauðe m̄uba k̄iria b̄u Dachí Akõre rey ākau bia b̄u daade 7 jauri panuuba maka wau panadau. ^{II5} Mauðe k̄iria b̄u Jesucristo biða maka wau buai. Ichiba Dachí Akõre ūr̄ubena biawāra jarabar̄ii. Biu buaða naa chokae jiradusii, joma nau iujāadebena chi reyrā audeara chi mechiu nii buai baita. Mauba dachi k̄iria b̄u mauðe ichi oadeeba

I Ichiðe ijāa nureerāmaa. Griego bedede naka b̄u kub̄u: Chi chibari baita bari trajabadaurāmaa. II 7 jauri panuuba. Waabenarā-maarā, mau 7 jauri panuu Dachí Akõre jauri maka b̄u. Mauðe waabenarāmaarā, mau jauri 7 panuu angelerā chi mechiu maka nuree.

kachiruadebena karibasii. ⁶ Dachí b̄s̄ii Dachí Akõreba ichi juade paare nureadamera. ^{III} Maka ichi Bajāadebena Akõreba k̄iria b̄u wau panadau. Maumaa bi'ia berreadai panuu. Bi'ia b̄u mau ewaricha jomaurā Mechiu buai. Biawāra bi'ia b̄u maka buai. ^{IV}

⁷ Ichiásturu. Cristo j̄ur̄arade neei. Mauðe jomaurāba unuda. Ichi supedaada biða unuda.

Ichi unuuduude joma nau iujāadebena jēadau. ^V Biawāra maka buai.

⁸ Dachí Mechiuba jarasii: «M̄ chi Joma Poyaabar̄ii Dachí Akõreb̄, chi Alfab̄ mauðe chi Omegab̄. ^{VI} Mau jara b̄u m̄ chi nabena b̄ mauðe chi kaadebenab̄. M̄ chi nibaðab̄, chi niib̄ mauðe chi neei baita buub̄».

Juanba Cristo unuda

⁹ M̄ machi āba Juanb̄. Dachí Jesucristo ome panuudeeba m̄ machi ome Dachí Akõre juadebenarāb̄, machi ome ārea bi'iwāe b̄u, mauðe machi ome joma dauchia jāadua b̄u.

Dachí Akõre bedea jaradea b̄u kakua mauðe Jesús ūr̄ubena biawāra a b̄u kakua m̄ Patmos islade b̄s̄iðau. ¹⁰ Dachí Mechiu ewaride m̄ Dachí Akõre Jaurideeba buasii. ^{VII} Mauðe m̄ kaadeeba aba mimi j̄iwa berrea b̄u ūrisii. Ichi bedea kachu j̄iwabar̄ii k̄ira ūrisii.

¹¹ Mauba jarasii: «Bichiba unuuruu kartade b̄peða ābarā 7 puuru beede duanuurāmaa urub̄ise: Efe-

III 1:6 1 Pedro 2:9. IV Biawāra bi'ia b̄u maka buai. Griego bedede naka b̄u kub̄u: amén. V 1:7 Mateo 24:30; Juan 19:34-37. VI Griego alfab̄etode alfa chi nabena letrab̄, omega chi kaadebena letrab̄. VII Dachí Mechiu ewaride. Jesús chokae jiradusi-ideebena misacha ābarāba ichi chokae jiraduða ūr̄ubena k̄irabadau.

sodaa, Esmirnadaa, Pergamodaa, Tiatiradaa, Sardis-
daa, Filadelfiadaa maude Laodiceadaa». ^I

¹² Maude mumba waya ichiasii kai berrea buu kuitaa. Ichiasii 7 ũdaa koabarii nee wauḁa unusii. ¹³ Mau 7 ũdaa koabarii ěsa, chi Ĕbĕra Ba Buaḁa Kĭra nii unusii. ^{II} Paru jŭruḁeḁeḁe deseroa jŭ buasii. Ichi pechude nee wauḁa paraa jŭ buasii. ¹⁴ Ichi buḁa meraa torroa buasii oeja kara kĭra maeburā nieve kĭra. Ichi dau tubu aokooruu kĭra buasii. ¹⁵ Ichi jŭru bronze tubude kubuḁakare urua kubuu kĭra buasii. Ichi beḁea do ārea cheeruu kĭra jĭwa buasii. ¹⁶ Ichi jua biare pusterrea 7 uru buasii. Ichi okarrḁebena espada kiḁa muriacha peḁea era buu neesii. Ichi kĭedarr ũmada teḁechoa kĭra buasii.

¹⁷ Ichi unusiḁe ichi jŭru kaita peraba jeḁa bari beesii. Maamina ichi jua bia mŭ ũru kubuḁeḁa jarasii: «Perarāse. Mŭ chi nabena mŭ maude kaḁebenabŭ. ¹⁸ Mŭ chi Chokae Nima. Mŭ biuḁamina ichiāse chokae nii, maude ewaricha chokae nibai. Mŭa chi biuḁarā poyaa chokae jiradubiai buu. ^{III}¹⁹ Bichiba unu buu karta abade buse. Iḁibae makamaa buu ũrubena maude chi kaḁebena ewariḁe makai ũrubena buse. ²⁰ Mŭba unubiiruu chi 7 pusterrearā bichiba mŭ jua biare uru buu unuḁa kāare jara buu maude kāare jara buu lāmpararā nee wauḁa. Mau 7 lāmpararā jara buu chi angelerā. Mau 7 panuuba ābarā 7 puuruḁeḁeḁe duanuu nubadaurābŭ. Āchi abaaḁaa chi ābarā puurucha nubadau. Chi 7 lāmpararā jara buu chi 7 puuruḁebena ābarā.

Cristoba chi ābarā Efesodebenarā baita bubiḁa

2 »Chi Ĕfeso puuruḁebena ijāabadaurā nubarii ángel baita kartade naka buse:

»Chi jua biare 7 pusterrea uru buuba maude 7 lāmpara nee wauḁa tāeḁe niiba naka jara buu:

² »Mumba machiba wau panuu kuitaa buu. Mŭ baita ārea traja panuu maude ārea bi'iwāe panuude joma dauchia jāadua panuu kuitaa buu. Machiba chi kachirua waubadaurāmaa ida kabidakau kuitaa buu. Chi nuree machimaa wāḁapeḁa maabae Jesucristoba buidarā abachiḁau. ^{IV} Maamina machiba kauwa ichia panuudeeba kuitaasiḁau maarā chi seta nuree.

³ Machi mŭ kakua ārea bi'iwāe panuude joma dauchia jāadua panuu maude kĭrajaabariwēa mŭ baita bi'ia traja panuu. ⁴ Maamina mumba nau miadaa unu buu: chi kŭria machiba naeḁe uru panaḁa iḁi jāabae ārea uru panuuwāe. ⁵ Maudeeba kĭrabásturu machiba

^I Griego beḁeade chi bee kartade nau siḁa bu kubuu: Mŭ chi Afabŭ maude chi Omegabŭ. Mau jara buu mŭ chi nabena maude chi kaḁebena. ^{II} Chi Ĕbĕra Ba Buaḁa. Daniel 7:13. ^{III} Mŭa chi biuḁarā poyaa chokae jiradubiai buu. Griego beḁeade naka bu kubuu: Mŭa ěbĕrarā biuḁai ũrubena llave uru buu. Chi biuḁeḁeḁe panuumaabena llave uru buu. ^{IV} Jesucristoba buidarā abachiḁau. Griego beḁeade naka bu kubuu: apóstoles.

naeḁe kŭria uru panaḁa. ^V Waya Dachĭ Akōremaa nĕsturu. Chi bia wāusturu naeḁe waubachiḁau kĭra. Dachĭ Akōremaa neeḁawēeburā, mumba machi kastikade wāi. ^{VI} Maude machi lāmpara āyaa bui. ⁶ Maamina nau bi'ia wau panuu: chi Nicolaitasde ijāabadaurāba kachirua waubadau machiba kŭriaḁakau. Mŭa biḁa mau kŭriakau. ⁷ Chi kŭru bara niiba ũrise chi Jauriba ābarāmaa jara buu. Chi kachirua wauḁai poyaa ida bupeḁaḁamaa chi nejōo bakuru chokae nibabiabari-ḁebena koi ida kabii. Mau bakuru Dachĭ Akōre druā biade nubuu.

Cristoba ābarā Esmirnaḁebena baita bubiḁa

⁸ »Chi Esmirna puuruḁebena ijāabadaurā nubarii ángel baita kartade naka buse:

»Chi Nabena maude Kaḁebena, chi biuḁa baḁa waya chokae niiba naka jara buu:

⁹ »Mumba machiba wau panuu kuitaa buu. ^{VII} Ārea bi'iwāe panuu maude chi nejarr barauwāe nuree kuitaa buu. Maamina Dachĭ Akōreḁeḁeḁe machi ne bara nuree. Maka panumina machi Dachĭ Akōreḁeḁeḁe chi nejarr barau nuree kĭra nuree. Mumba kuitaa buu chi nuree judiorāba machi ũrubena miadaa berreabadau. Maarāba Dachĭ Akōreḁerā ^{VIII} abadamina Satanasḁebŭ. ^{IX}¹⁰ Chi machi kā'ābariwāeḁe bi'iwāe panaḁai ewari wapearásturu. jŭristuru! Chi jubawāe niiba machiḁebena chi nuree jŭa buikai ijāa panuu kuitaayua. Ewari 10 ārea bi'iwāe panaḁai. ^X Maamina biuduḁeḁe ijāa panásturu. Maude mumba machimaa boro jŭra dearuude ewaricha chokae nibabiai. ¹¹ Chi kŭru bara niiba ũrise Dachĭ Akōre Jauriba ābarāmaa jara buu. Chi kachirua wauḁai poyaapeḁeḁe ewaricha Dachĭ Akōreḁebena awara nureeḁaabai. ^{XI}

Cristoba ābarā Pérgamodebena baita bubiḁa

¹² »Chi Pérgamo puuruḁebena ijāabadaurā nubarii ángel baita kartade naka buse:

»Chi espada kiḁa muriacha peḁea era buu iniiba naka jara buu:

¹³ »Machiba wau panuu mumba kuitaa buu. ^{XII} Maude kuitaa buu machi panabadaumare Satanás chi rey ākauḁe akŭ buu. ^{XIII} Maamina machi wabiḁa mŭ baara nibabadau. Chi Satanasḁerāba chi āba Antipas

^V Griego beḁeade naka bu kubuu: Kĭrabásturu samareeba bāesidau. ^{VI} Machi kastikade wāi. Griego beḁeade chi bee kartade naka bu kubuu: Kā'ābariwāeḁe mumba machi kastikade wāi. ^{VII} Mumba machiba wau panuu kuitaa buu. Griego beḁeade chi bee kartade mau wā'āe. ^{VIII} Dachĭ Akōreḁerā. Griego beḁeade naka bu kubuu: judiorā. ^{IX} Satanasḁebŭ. Griego beḁeade naka bu kubuu: jubawāe nii ome judiorā araa ābua imibadau deḁebenaḁebŭ. ^X Ewari 10 ārea bi'iwāe panaḁai. Mau jara buu aa mamaburu makai. ^{XI} Ewaricha Dachĭ Akōreḁebena awara nureeḁaabai. Griego beḁeade naka bu kubuu: Bes ome biuḁaabai. ^{XII} Machiba wau panuu mumba kuitaa buu. Griego beḁeade chi bee kartade mau wā'āe. ^{XIII} Satanás chi rey ākauḁe akŭ buu. Juanba Pérgamo puuru «chi jubawāe nii ākau» a buu, aria chi Romadebena chi aude mechiu

beasidaude m̄ kakua biawāra berreasiideeba, machi m̄ude ijāadaida ida b̄udaabasii. ¹⁴ Maamina m̄uba nau miadaa unu b̄uu. Machidebena chi nureeba Balaanba jaradeada ūri panuu. ^I Balaanba Balacmaa jaradea b̄uasii israeldebenarā kachiruađe saka b̄aebiai b̄uu. Mauba chi Dachī Akōre kuenda juaba ne kapedaada-maa baa deabadau kiuru kobiabachii maude dachi kakuaba barikiu kachirua waubiabachii. ¹⁵ Maude machidebena chi nureeba Nicolasba jaradeada ūri panuu. Mau jaradeabadau m̄uba k̄riakau. ^{II}¹⁶ Maudeeba waya Dachī Akōremaa nésturu. Mau makadawēeburā, kā'ābariwāede m̄ machi kastikade wāi. Maude espada m̄ okarrdebenena neeruuba mau ēbērarā ome chīo b̄uai. ¹⁷ Chi k̄ur̄u bara niiba ūrise chi Dachī Akōre Jauriba ābarāmaa jara b̄uu. Chi kachirua wau poyaađamaa m̄uba chi maná ^{III} mera b̄uada deai komera maude mokara torroa b̄uu siđa aba deai. Mau mokara kaebe b̄uumaa tr̄ū wīdi b̄u kub̄uu. ^{IV} Ab̄au biđa mau tr̄ū adua b̄uu. Chi adaur̄ubu-ru mau tr̄ū kuitaai.

Cristoba ābarā Tiatiradebena baita b̄ubida

¹⁸ »Chi Tiatira puurudebena ijāabadaurā nubarii ángel baita kartade naka b̄use:

»Dachi Akōre Warr dau t̄ub̄u aokoosuu k̄ira b̄uu, maude j̄r̄u bronze t̄ub̄ude kub̄udakare urua kub̄uu k̄ira b̄uu. Ichiba naka jara b̄uu:

¹⁹ »Machiba wau panuu m̄uba kuitaa b̄uu. Machi k̄riabadau, m̄ude ijāabadau, m̄ baita waubadau, maude dauchia jāadua panabadau kuitaa b̄uu. Maude kuitaa b̄uu machiba naede wau panađa audeara bibuara wau panuu. ²⁰ Maamina m̄uba nau miadaa unu b̄uu: Machiba wēra Jezabel abadauba chi setaa jaradea b̄uu ida kabi panuu. ^V Ara mauba Dachī Akōre baita berreabarii abarii. Maamina chi mauba jaradea b̄uudeeba m̄ baita bari trajabadaurā setaa k̄rua b̄uu k̄ira dachi kakuaba barikiu kachirua wau panađamera maude kiuru Dachī Akōre kuenda juaba ne kapedaada-maa baa deabadau kodamera. ²¹ M̄uba esed̄au b̄uasii jāuba chi kakuaba barikiu kachirua wau b̄uu ida b̄upeđa Dachī Akōremaa neamera. Maamina mau kachirua ida b̄ui k̄riabasii. ²² Maudeeba m̄uba jāu wēra chi kakua pira baraa kudade b̄ari b̄ui. Maude joma chi jāu ome kachirua waubadaurāba ara mau wēra k̄ira kachirua wau panuu ida b̄udawēeburā bi'i-wāe panabiai. ²³ M̄uba chi warrarā kinibiai. Maka jo-

maude griegodebena Dachī Akōre kuenda juaba ne kapedaada-maa ūtaā idibachidaudeeba. I 2:14 Números 22:1—25:3; 31:16. II Mau jaradeabadau m̄uba k̄riakau. Griego bedeađe chi b̄ee kartade mau wā'āe. III Maná. Dachī Akōreba b̄uida pan basii. Éxodo 16:31-34. IV Mau mokara kaebe b̄uu. Mau mokara jara b̄uu boleta Bajāadaa wāi baita adau. V Jezabel. Bia kuitaađawēa panuu kai basii. Jāu wēra chi waabenarā Tiatiradebena ābarāmaa kachirua waubiabachii s̄abaiba, chi nabēra Jezabelba chi muk̄ira rey Acab-maa maka waubibachii k̄ira. 1 Reyes 16:29-31; 18:4,19; 2 Reyes 9:22.

ma ābarāba kuitaada m̄uba jomaurā k̄risia kuitaa nii maude chi s̄odeeba wau k̄ria panuu. M̄uba machiba waupedaada k̄ira kastikai. ²⁴ Maamina chi nuree machidebena Tiatiradebenarāba jāu wēra jaradea b̄uu ūriđawēa panuu. Mau awara machiba chi “Satanasba mera ua b̄uu” abadau j̄r̄udawēa panuu kuitaada baita. M̄uba june maucha waubiawēe, ²⁵ bari dauchia jāadua panuude, m̄ude ijāa panađai m̄ neeruudea. ²⁶⁻²⁷ Chi kachirua wauđai poy-aapedaadarā maude chi m̄uba k̄ria b̄uu ewaricha waupedaadarā, m̄uba puuru jomade chi karrarā b̄ui m̄ chachaba m̄ jomaurā karr b̄usii k̄ira. Maude k̄ira chuburiadawēa joma nau iujāadebenamaa ichide ijāabia b̄uai. ^{VI} Maarāba jomaurā poyaa panađai kuuru āribarii k̄ira. ^{VII}²⁸ M̄uba maarāmaa chi ewarimaabena pusterrea deai. ^{VIII}²⁹ Chi k̄ur̄u bara niiba ūrise Dachī Akōre Jauriba ābarāmaa jara b̄uu.

Cristoba ābarā Sardisdebenena baita b̄ubida

³ »Chi Sardis puurudebena ijāabadaurā nubarii ángel baita kartade naka b̄use:

»Chi Dachī Akōre daade 7 jauri uru b̄uuba ^{IX} maude 7 pusterrea uru b̄uuba naka jara b̄uu:

»Machiba wau panuu m̄uba kuitaa b̄uu. Ēbērarāba jara panuu machiba Dachī Akōre ārea ijāa panuudeeba chokae nuree. Maamina biawāra ara machiba Dachī Akōrede ijāadawēa panuudeeba chi biudarāb̄u. ² J̄kauwa ichiásturu! M̄uba unu b̄uu machiba wau panuu Dachī Akōre daade jipawāe b̄uu. Maude chi naede bi'ia wau panađa machiba beraa ida b̄uumaa panuu. Maamina mau waya mau bi'ia wáusturu. ³ Chi biawāra bedea machiba ūripedaada k̄irabásturu. Mau ārea ijásturu. Kachirua ida b̄udapeđa Dachī Akōremaa waya nésturu. Machi kauwa nibabadauwēeburā m̄ kā'ābariwāede neei machi kastikai baita nechiru kā'ābariwāede neebarii k̄ira. ⁴ Maamina machi Sardisdebenena b̄a'āra barau chi kachiruađe panabadauwāe, machi paru jayoaswāe panuu k̄ira. Machi m̄ baara ābua nibadaida baita bi'ia panuudeeba, paru torroa j̄ūduude m̄ baara nibadaida. ⁵ Chi kachirua wauđai poyaaapedaadarāba ara mau k̄ira paru torroa j̄ūđai. Āchi tr̄ū chi ewaricha chokae duanabarii kartade b̄u kub̄uudeeba m̄uba mau jareebai. Mau-maarā m̄ Chacha daade maude chi angelerā daade āchi m̄uderā ai. ⁶ Chi k̄ur̄u bara niiba ūrise Dachī Akōre Jauriba ābarāmaa jara b̄uu.

VI K̄ira chuburiadawēa joma nau iujāadebenamaa ichide ijāabia b̄uai. Griego bedeađe naka b̄u kub̄uu: Jiorrba waubii. VII 2:26-27 Salmos 2:9. VIII Ewarimaabena pusterrea. Mau jara b̄uu Cristo ichidirā baara b̄uu. Apocalipsis 22:16. IX Waabenarāmaarā mau 7 jauri panuuba jara b̄uu Dachī Akōre Jauri. Maude waabenarāmaarā jara b̄uu angelerā chi mechuu.

Cristoba äbarä Filadelfiadebena baita bubida

7 »Chi Filadelfia puurudebena ijäabadaurä nubarii ängel baita kartade naka buse:

»Mau chi Ara Dach Aköre Baitaburu Nii, Chi Biawära Bedea Aba Buu, chi David puuru mechiu niib. I Chi ichiba ewabarii abau bida poyaa jüabai. Ichiba jüaru abau bida poyaa ewaabai. 8 Naka jara buu:

»Machiba wau panuu muba kuitaa buu. jüristuru! Muba poraa aba machi daade ewasii. Mau abau bida poyaa jüabai. Machi meserä äreawäe nuremina, mubedeä ärea ijäabadau. Mubestu budawäe panuu.

9 jüristuru! Machi jüru kaita muba Satanade ebërarä ödarrde kopaneebiai. II Maaräba Dach Aköredërä abadamina, makawäema. III Maarä chi seta nuree. Muba maarämaa kuitaabiai muba machi kürria ua buu. 10 Machiba joma chi mubakua bi'iwäe duanuu dauchia jäadua panuu muba jaraä kira. Maudeeba chi joma nau iujäadebena bi'iwäe panadai ewari neeruude, muba machi nu ua buai. Mau ewaride joma chi nau iujäade duanuu bi'iwäe panabiai sakadai kuitaayua. 11 Mubakä'abariwäede neei. Maudeeba machiba idibae ijäabadau kira dauchia jäadua panasturu. Maka abau bida machi boro jüra jübarii ee adauabai. 12 Chi kachirua poyaapedaada mub Dach Aköre de wäto kira bui. Maka mau dedebena wädaabai. Ächi dauburuude mub Chacha trü bui ichidirä kuitaabiayua. Maude ächi dauburuude mub Chacha puuru trü bui mau puurudebenarä kuitaabiayua. Mau Jerusalén Wiäi abadau puuru bajäadebena mub Chacha buudebena neei. Maude ächi dauburuude mub trü wiäi bui mubderä kuitaabiai baita. 13 Chi kuru bara niiba ürise Dach Aköre Jauriba äbarämaa jara buu.

Cristoba äbarä Laodiceadebena baita bubida

14 »Chi Laodicea puurudebena ijäabadaurä nubarii ängel baita kartade naka buse:

»Biawära Bedea trü jarabadauba Dach Aköredebena biawära joma arakude jarabarii. IV Ichideeba Dach Aköreba ne joma wasii. V Ichiba naka jara buu:

15 »Machiba wau panuu muba kuitaa buu. Mubida budawäe panuu maamina södeeba muba baara nidauwäe. Maka machi bania kürasäa kira nureewäe maude bania wäsia kira. Södeeba biawära ichi baara wädawëberä, mubmaarä bibuara buu muba baara

I David puuru. Mau jara buu «Dach Aköreba puuru». Puuru mechiu nii. Griego bedeade naka bu kubuu: Chi David llave uru buu. II Satanade ebërarä. Griego bedeade naka bu kubuu: jubawäe nii ome judiorä araa äbua imibadau dedebenaräbu. III Dach Aköredërä. Griego bedeade naka bu kubuu: judiorä. IV Biawära bedea. Griego bedeade naka bu kubuu: amén. V Griego bedeade mauba nau sida jara buu «Ichi ne joma Dach Aköreba wauäa Mechub».

akawa nibadaabai buu. 16 Maamina machi bania wäsia kira nuree; mubida budakamina, biawära södeeba nibadaku. Maudeeba muba machi ida bui, mubokardebena bania jürua iëuruu kira. 17 Machiba chi ne-jarr barau nuree a panuu, ne joma uru panuu a du-anuu, maude ne aba bida wä'äe nistadai baita a du-anuu. Maamina adua panuu machi miichuburi du-anuu, kachirua duanuu, ne aba bida uru panuwäe, dau päriu duanuu maude äkadäa duanuu. 18 Maudeeba muba machimaa naka kürisia dearuu: Nee tübuchiade dorrbarida nedösturu mubdebena. Maka machi biawära barau nureadai. Maude mubdebena paru torr nedösturu jüda baita. Maka nejasiadaabai machi äkadäa panasiideeba. Maude mubdebena daude taabadau nedösturu, mauba taadapeda bi'ia ichiadamera. 19 Chi ebërarä muba küriakua buu kastikakuabarii maude bedea bia üribiabarii mubedeä ijädamera. Maudeeba waya mubmaa nésturu biawära muba baara södeeba nibadamera. 20 jüristuru! Mubporade buma. Awareeba iu buma machiba mubedeä ida nebidamera. Barikiuba mubimimüripeda chi poraa ewaaruburä, mubeda wäpeda mau baara koi. 21 Muba chi kachirua wui poyaasiideeba Dach Aköre baara ichi rey äkau akubeesii. Ara mau kira chi kachirua wui poyaapedaada muba baara mubrey äkau akubebiai. 22 Chi kuru bara niiba ürise Dach Aköre Jauriba äbarämaa jara buu».

Bajäadebenaräba Dach Aköre ärea küriapedaada

4 Mau maadakare Dach Aköreba mubmaa unubisii poraa aba bajäade ewa nubuu. Ara maude chi naede mimi kachu chaaruu kira üri buadaba jarasii: «Nama utu uruse. Muba unubii chi jäadakare makai buu ewari».

2 Ara makuide Dach Aköre Jauri mubde needaba chi rey äkau bajäade unubisii. Mau üru aba akubuasii. 3 Chi mau äkau akubuu tedechoasii mokara jaspe maude coralina tedechoabadau kira. Mau äkau adu iuma jüra buasii. Chi iuma mokara esmeralda kira tedechoa buasii. 4 Maude 24 rey äkau panuu chi rey äkau adu jüra panasii. Mau üru 24 chörarä mechiu akubuanasii. Ächi paru torroa buasii. Maude boro jüra nee wauäa jü panasii. 5 Ara maude chi rey äkau bajäade budebena bä puri chebi buasii, ururua buasii, maude bä ärea to buasii. Mau rey äkau daade 7 lámpara koa topanasii. Mau lámpara chi 7 jauri Dach Aköredebu. 6 Mau rey äkau kiraare mar biirio kira doäa nubuasii.

Mau rey äkau jua biare, jua sordoare, kaade, maude kiraare kimare chokae nuree panasii. Maarä dau ärea uru panasii, pechude maude akarrare. 7 Aba imama kira nibasii. Aba paka kira nibasii. Aba ebëra kiedarr kira nibasii. Maude aba nejöo üburi nii kira nibasii. 8 Maarä chokae nuree abaabaa ikia 6 uru nureasii.

Ächi kakuade dau ärea bara nureasii. Maude ächi ikia ekare bida dau ärea basii. Äyadaa, maude esabude maaräba ida bedayuwäe nau jarabachidau:

«Ärea bi'ia nii, ärea bi'ia nii, ärea bi'ia nii Dach Mechiu, Dach Aköre, chi Joma Poyaabarii.

Mau chi nibadab, chi niibu maude chi neei baita bu-ub».

⁹⁻¹⁰ Chi Dach Aköre ewaricha chokae nii ichi rey äkaude akü buu. Ara maude chi chokae nureeba jara panuu ichi mipitaa nii, ichimaa bi'ia jara panuu, maude ichituru kidibai a panuu. Mau jaraaduucha chi 24 mechiu chörrarä Dach Aköre ewaricha chokae nii daade ödarrde kopaneedapeä ärea küriabadau. Ächi boro jüra jübadau chi rey äkau jäkaa duanudepeä naka jarabadau:

¹¹ Dach Mechiu, Dach Aköreb, bichi bi'ia nii jomauräba jaradamera bichi mipitaa nii, bichi wapeadamera, maude joma poyaabarii.

Bi'ia buu jomauräba mau jaradai, bichiba ne joma wausiideeba.

Biawära bichiba küriasiideeba, ne joma wausii maude joma bichiideeba nuree.

Oeja kaebeu Juanba unuda

⁵ Maude müba unusii chi rey äkaude akü buu ichi juade karta bera uru buasii. Chi kartade muriacha ne bu kubuasii. Chi karta kubuumaa 7 jerrüba wäa kubuasii abau bida ewaräamera. ² Maude müba ängel aba poyaabarii unusii. Mauba jikua berrearuuba idisii: «¿Kai bi'ia büma chi kartamaa wäa kubuu oetapeä ewai baita?» ³ Maamina mau karta ewapeä eda jarai baita aba bida chi bia wä'äe basii. Bajäade, nau iujäade maude biupeäada duanaabadaumarebena sieä wä'äe basii. ⁴ Maude mü ärea jäa kobeesii ebëra bia aba bida wä'äe basiideeba mau karta ewapeä eda jaramera. ⁵ Maamina aba chi 24 chörraräebenaba mümaa naka jarasii: «Jëaräse. Ichiäse, Daviddebena aba needab. Mau Juddebena needa Imama abadauba Dach Aköre küriadakaurä poyaasii. ^{II} Maudeeba chi nau kartade 7 wäa nubuu poyaa oetapeä ewai buu».

⁶ Maude Dach Akörede rey äkau kaita, kimare chokae nuree kaita maude 24 chörrarä mechiurä täede oeja kaebeu aba akü nubuu unusii. Mau chi bea panada kïra nibasii. Kachu 7 bara nibasii. Maude 7 dau bara nibasii. Mau dau jara buu chi 7 jauri Dach Aköre daade panuu. Dach Aköreba nau iujäa jomade maarä buikasii. ⁷ Maude mau oeja kaebeu chi rey äkaude akü buumaa wäpeä chi karta mau jua biare uru buada adausii. ⁸ Mau karta adausiide chi kimare chokae nuree maude chi 24 chörrarä sieä ichi daade ödarrde

^I Biupeäada duanaabadaumarebena. Griego bedeade naka bu kubuu: nau iujäa ekare. ^{II} 5:5 Isaiäs 11:1,10; Génesis 49:9-10.

kopaneesidau. Ächi abaabaa arpa maude säu nee wauäa uru panasidau. Chi säu incienso keraba waabiru uru panasii. Chi kera incienso jara buu ebërarä Dach Akörederäba chi ichimaa utaa idibadau. ⁹ Chi 24 chörrarä maude chi kimare chokae nureeräba nau kari widi karisidau:

«Bichituru bi'ia nii, mau karta adaupeä, chi wäa kobee oekuai baita, bichi beasidaudeeba.

Bichi oa chesiiba ebërarä nedokuasii Dach Aköre baita.

Ebërarä didiwaraacha jomadebena, bedeä didiwaraacha jomadebena, puuruha maude drua jomadebena chi nuree nedosii.

¹⁰ Bichiba maarä duanusii Dach Akörede paarerä badamera.

Maude nau iujäade ichi baara chi karrarä badai».

¹¹ Maka müde müba angelerä karimaa panuu unusii. Maarä ärea basiideeba müba poyaa juasiibasii.

^{III} Maaräba Dach Aköre chi rey äkau, chi chokae duanuurä maude chi 24 chörrarä ädu jüra duanasidau.

¹² Naka jüwa kari panasidau:

«¿Chi oeja kaebeu beapeäada ärea bi'ia nii!

Jomauräba mau bi'ia berreadai panuu ne joma poyaabariideeba, ne joma uru buudeeba, joma kuitaa buudeeba maude ärea poyaabariideeba.

Ichi chi aude mechiu nii adai panuu maude chi aude bia nii adai panuu».

¹³ Maude müba ürisii chi joma Dach Aköreba waukuada chi bajäade duanuu, chi nau iujäade duanuu, chi biupeäada maude marde duanuu bida naka kari panasidau: ^{IV}

«Jomauräba chi rey äkaude akü buumaa maude chi oeja kaebeu niimaa ewaricha bi'ia berreadai panuu.

Aude mechiu nii a jaradai panuu, aude mipitaa nii a jaradai panuu maude bibuara buu ichi juade uru buai a jaradai panuu».

¹⁴ Maabae chi kimare chokae nureeba naka jarasidau: «Bibuara buu maka buai». Ara makude chi 24 chörrarä ödarrde kopaneedapeä chi ewaricha chokae niimaa bi'ia berreasidau. ^V

Chi kartamaa wäa kubuu oetada

⁶ Maabae müba unusii chi Oeja Kaebe Niiba chi kartamaabena wäa kubuu aba oetasii. Maka buude chi kimare chokae nureeдебena abauaba naka jaraaru ürisii: «¿Neese!» ^{VI} Chi mimi bä kïra jüwa buasii. ² Araa ichiasii, mura torroa nii unusii. Chi

^{III} Ärea. Griego bedeade naka bu kubuu: miles de miles. Kajuma bedeade jara buu «millones de millones». ^{IV} Biupeäada. Griego bedeade naka bu kubuu: nau iujäa ekare nureeba. ^V Chi ewaricha chokae nii. Griego bedeade chi bee kartade mau wä'äe.

^{VI} «¿Neese!». Griego bedeade chi bee kartade versículos 1, 3, 5 maude 7 naka bu kubuu: Chi chokae nureeдебena ababa naka jarasii chi mura üru akü buumaa: «Ichiapeä neese».

mau mura ũru akũ bũasiiba ichi juade enadrũma uru bũasii: Abũaba ichimaa borode jũra jũbarii abũ deasii. Ara makũde chi nuree poyaapeđa maabae maucha poyaađe wãsii.

³ Mau maadakare chi Oeja Kaebe Niiba chi wãa kubũu maucha oetasiide mũuba ũrisii chi chokae nureeдебена abũba naka jaraaru: «¡Neese!».

⁴ Maude mura puria nii awara neesii. Abũaba chi mau mura ũru akũ bũumaa espada abũ deasii. Dachĩ Akõreba maumaa ěbẽrarã chi nau iujãade nebũraswãe duanuuma kachirua wauyu ida bũsii chĩodapeđa chiya beadamera.

⁵ Mau maadakare chi Oeja Kaebe Niiba chi wãa kubũu maucha oetasiide mũuba ũrisii chi chokae nureeдебена abũba naka jaraaru: «¡Neese!». Araa ichiasiiide mũuba mura parrba nii unusii. Chi mau mura ũru akũ bũuba ichi juade chikũa chaabarii uru bũasii. ⁶ Maka bũude mũuba chi kimare chokae nuree panuu tãede abũ berrearuu ũrisii. Mauba naka jarasii chi mura ũru akũ bũumaa: «Chi trigo ārisii. Maka ěbẽra abũ ewari abũ trajai, trigo libra ome nedoi baita. Maude chi cebada sida ārisii. Maka ěbẽra abũ ewari abũ trajai cebada 6 nedoi baita. Maamina olivo jõ maude uva jõ ida bi'ia chaubise drabirua maude uva baa baraamera».

⁷ Mau maadakare chi Oeja Kaebe Niiba chi wãa kubũu maucha oetasiide mũuba ũrisii chi chokae nureeдебена abũba naka jaraaru: «¡Neese!» ⁸ Araa ichiasiiide mũuba mura kukuaraa nii unusii. Chi mau mura ũru akũ bũu trũ «Biũđa» abadau. Chi ichi ome nibabarii chi trũ «Biũdarã Panabadau» abadau. Joma nau iujãade ěbẽra kimaredebena abũ Dachĩ Akõreba maarãmaa ida beabiasii. Maarã ěbẽrarã beasiđau chĩoduuba, jarrbaba, dachi kakua kachirua paneebibadauba maude ānimara kachirua nureeba.

⁹ Mau maadakare Oeja Kaebe Niiba chi wãa kubũu maucha oetasiide mũuba unusii chi Dachĩ Akõre beđea jaradea panuu kakua beapeđaada jaurirã. Maarã bajãade chi ānimara baa deabadau jãkaa panasiđau. ¹⁰ Kĩruđeeba naka berreasidau: «Jomaurã Mechiu, bichi ārea bia nii maude biawãra berreabarii. ¿Bichiba sakaede chi jãu iujãadebenarã dai beapeđaada kakua kastikakuaima?» ¹¹ Dachĩ Akõreba āchi abaabaa paru torr deadakasii jũdamera. Maabae naka jarasii: «Apii esedau panadũsturu joma chi ěbẽrarã beaduđaa joma bichi ābarã Cristoba pekuada machi beapeđaada kĩa».

¹² Mau maadakare mũuba unusii chi Oeja Kaebe Niiba chi wãa kubũu maucha oetaaru. Maude ioromia ārea urisii. ũmada pãriusii paru parr abũ biũdakare jũbadau kĩa. Jedako joma oa kĩa puria kobeesii.

¹³ Ārea pũatuuruude higo jõo pãaraa bæbadau kĩa chi bajãadebena pusterrearã iujãade bæsiđau. ¹⁴ Bajãa wã'ãesii karta araa bũrabarii kĩa. Joma earã

maude islarã sida chi naede kubũadãmare wã'ãesii. ¹⁵ Maude chi nau iujãadebena rey mechiurã, chi gobernadorã, chi kokoroarã mechiurã, chi nejarra barau nuree, chi meserãa nuree, chibari baita bari trajabadaurã maude chibariswãe nuree ea chobeade maude eade mo kobeadãmare mirusidau. ¹⁶ Maarãba naka jarasidau: «¡Ea, mo, dai ũru báesturu. Dai miru-biásturu chi rey ākaude akũ bũuba dai unurãamera maude chi Oeja Kaebe Niiba kastikarãamera. ¹⁷ Chi ichiba kastikai ewari mechiu neesii. ¿Kaiba mau ome dauchia jãdua bũaima?»

Chi daubũurũmaa sello wãabarii wauđa

⁷ Mau maadakare mũuba ángel kimare unusii. Maarã nau iujãade okiũdũcha akũ topanasidau. Maarãba pũatu mamareecha pũayu ida kabidũabasii nau iujãade, marde maude bakurumaa biđa. ² Dachĩ Akõreba āchimaa poyaabarii dea bũasii chi iujãa maude mar āridamera. Maka bũude mũuba ángel maucha ũmada urubariare uruu unusii. Mauba Dachĩ Akõre chokae niide sello wãabarii uru bũasii. Mauba naka jarakuasii chi kimare angelerãmaa: ³ «Nau iujãa, mar maude bakururã ārirásturu, abũ daiba Dachĩ Akõre seña chi ichi baita bari trajabadaurã daubũurũde joma wauduđaa».

⁴ Maude mũuba ũrisii Dachĩ Akõre sello uru panuu sãabe panuu: 144.000 basii. Maarã joma Israeldebena imipeđaadarã basii. ⁵ Judadebena imipeđaadarã 12.000 basii. Rubendeбена imipeđaadarã 12.000 basii. Gaddebena imipeđaadarã 12.000 basii. ⁶ Asedebena imipeđaadarã 12.000 basii. Neftalideбена imipeđaadarã 12.000 basii. Manasesdebena imipeđaadarã 12.000 basii. ⁷ Simondeбена imipeđaadarã 12.000 basii. Levidebena imipeđaadarã 12.000 basii. Isacardeбена imipeđaada 12.000 basii. ⁸ Zabulondeбена imipeđaadarã 12.000 basii. Josedebena imipeđaadarã 12.000 basii. Maude Benjamindebena imipeđaadarã 12.000 basii.

Ěbẽrarã ārea Dachĩ Akõre daade nuree

⁹ Mau maadakare Dachĩ Akõreba waya mũumaa ěbẽrarã ārea unubisii. Abũu biđa maarã poyaa juasi-ibasii. Druuchadeбена, puuruchadeбена ěbẽrarã didi-waraacha jomadeбена maude beđea didi-waraacha jomadeбена chi nuree abaabaa duanasii. Joma paru torroa jũ duanasii maude kĩrajũ duanasiiideeba āchi juade meme kiruu uru panasiđau. Dachĩ Akõre rey ākau daade maude chi Oeja Kaebe Nii daade bari topanasiđau. ¹⁰ Maude joma naka kĩruđeeba jarasidau: «¡Dai Akõre nau rey ākaude akũ bũu maude chi Oeja Kaebe nii baarũba dai karibasidau!»

¹¹ Maude chi kimare chokae nuree panuurãba maude chi 24 chõrarã chi rey ākau kaita duanasidau.

Joma chi angelerã chi maarã aɗu jūra bari topanasidau. Maude chi joma angelerã ɔdarrde kopaneesidau maude chi rey akau daade dauburu jaabariɗapeɗa maabae Dachì Akõremaa bi'ia berreasidau. ¹² Naka jarasidau:

«¡Machiba jara panuu biawãrabu! ^I Ewaricha jomaurãba Dachì Akõremaa bi'ia berreadai panuu, ichi chi aude mechiu niideeba,

chi aude kuitaa niideeba, ne jomaɗe poyaabariideeba maude meserãa ãrea niideeba.

Ichimaa ichituru kiɗibai aɗai panuu maude chi biawãra ɓuu aɗai panuu. ¡Biawãra bi'ia ɓuu maka ɓuai!»
II

¹³ Maabae chi 24 chõrarãdebena ababa mɗumaa naka iɗisii:

—¿Bichiba kuitaa ɓuka jãarã chi paru torroa jũ panuu kai maude samareeba neesidau?

¹⁴ Mɗuba panausii:

—Bichiaburu kuitaa ɓuu.

Maabae ichiba jarasii:

—Naarã ëbërarãturu karibasidau chi kaadebena ãrea bi'iwãe panabiai ewari. Maarã chi Oeja Kaebe Nii oaba ãchi paru torroa jeraasidau. ¹⁵ Maudeeba maarã Dachì Akõre rey akau jãkaa duanuu. Ichi dede ayadaa maude ësabude ichi baita ne wau panuu. Maude chi akau akɗu ɓuu maarã baara ɓuai. ^{III}¹⁶ Maarã makaa jarbisiadaabai maude waya obisia sida uru panadaabai. Umadaba makaa baakuabai maude pisia bida makaa joebai. ¹⁷ Chi Oeja Kaebe Nii rey akau akɗu ɓuuba maarã nu ɓuai. Maarã uadoi chi chokae nibabiabarii ioroɗe bania bumadru ɓuumaa doɗamera. Mau ewariɗe Dachì Akõreba ãchi dau ɓaa joma jarekuai.

Chi kaadeare chi wãa kubuu oetada ɗrubena

⁸ Oeja Kaebe Niiba chi kaadearebena chi wãa kubuu oetasiide, bajãa ãrea chũpea nubudausii. ^{IV}² Mau maadakare mɗuba 7 angelerã Dachì Akõre daade akɗu topanuu unusii. Maarãmaa kachu 7 deasii. ³ Maabae ángel june neepeɗa Dachì Akõre baita kera baabadaumare akɗu nubeesii. Mau Dachì Akõre baita kera baabadau nee wauɗa chi rey akau kãraare nubuu. Chi angelba ichi juade paratu nee wauɗa uru ɓuasii kera baai baita. Ababa ichimaa kera ãrea deasii Dachì Akõre baita baamera ëbërarã Dachì Akõreɗerã ɗtaa idimaa panuumisa. Ara makude ichiba chi kera baasii chi kera baa deabadau ɗru. ⁴ Chi ëbërarã Dachì Akõreɗerãba ɗtaa idipeɗaada mau angelba kera baada nari baara abua chi Dachì Akõremaa

^I Biawãrabu. Griego bedeade naka bu kubuu: amén. ^{II} Bi'ia ɓuu maka ɓuai. Griego bedeade naka bu kubuu: amén. ^{III} Maarã baara ɓuai. Griego bedeade naka bu kubuu: Dachì Akõreba ichi paru wauɗa de ãchi ɗru ɓui. ^{IV} ãrea. Griego bedeade naka bu kubuu: media hora.

ɗtaa piuraa wãsii. ⁵ Maabae chi angelba kera baa deabadaudebena tubu kãra adaupeɗa, chi paratu waabirubisii. Mau tubu kãra nau iujãadaa jiratasii. Mauba bã tosii, ɗruɗa wã kobeesii, bajãa puri chebi kobeesii maude nau iujãa sida uri kobeesii.

Angelerãba kachu chaapeɗaada

⁶ Maabae chi 10 angelerãba kachu 7 chaadai baita kopaneesidau.

⁷ Abauba ichi kachu chaasii. Ara makude bajãadebena nau iujãade hielu kui kãra bæesidau. Maude nau iujãade tubuchia oa baara bæesidau. Mauba nau iujãa jomaɗebena beraa mita baawãsii maude bakururã sida.

^V Mama chi siruarã joma baawãsii.

⁸ Mau maadakare june aba angelba ichi kachu chaasii. Ara makude abauba ea kãra urua aoko ɓuu marde jiratasii. Mauba beraa mita chi mar oa ba nubeesii. ⁹ Chi oa ba nubee baadamare ãnimararã mardebena beraa mita kinisidau maude jãba aria duada beraa mita teakuusii.

¹⁰ Mau maadakare june aba angelba ichi kachu chaasii. Ara makude bajãadebena pusterrea mechiu aba tubuchiaba bura ɓuu bæesii. Beraa mita doorã ësaɗe bæesii maude bania bumadru ɓuude. ¹¹ Mau pusterrea “Asia Nii” abadau. Chi mau baadamare bania beraa mita asia nubeesii. Mau baniaba ëbërarã ãrea kinisidau.

¹² Mau maadakare june aba angelba ichi kachu chaasii. Ara makude beraa mita jedako pãriusii maude umada. Maude beraa mita pusterrearã sida pãriusii. Maudeeba beraa mita ewari aba pãriu nubeesii. Maude ësabude bida beraa mita chi jedako maude pusterrearã sida pãriu nubeesii.

¹³ Mɗuba ɗtaa ichiasiide ɗrisii nejõo aba ɗtu ɗubari kãriiba naka jara kãrii: ^{VI} «¡Mia pera! ¡Mia pera! ¡Mia pera! Eëbërarã nau iujãadebena kãra chuburiadaa chi waabena angelerãba ãchi kachu chaaduude!»

⁹ Mau maadakare june aba angelba ichi kachu chaasii. Ara maude mɗuba pusterrea aba nau iujãade ɓaeruu unusii. Abauba mau pusterreamaa llave aba poraa eakarr eɗaa chobeaa ewabarii deasii. ² Mau eakarr eɗaa chobeade poraa ewasiide, chobeadebena ɗtaa nari ãrea chesii mode baaruude makabarii kãra. ^{VII} Mau nariba umada paimaa ãrea kobeesii maude chi bajãa sida. ³ Maude jãu naridebena nau iujãadaa sisi mechiu ɗubari chesidau. Dachì Akõreba maarã sisirãmaa poyaabarii deasii ëbërarã kaadamera, dosuriba kaaruu kãra. ⁴ Chi sisirãmaa jarasii siruarã maude bakururã ãriraadamera. Bari ëbërarãba ãchi

^V Nau iujãa. Griego bedeade chi bee kartade mau wã'ãe. Beraa mita. Griego bedeade naka bu kubuu: la tercera parte. ^{VI} Nejõo. Griego bedeade chi bee kartade bu kubuu: ángel. ^{VII} Mode baaruude makabarii kãra. Griego bedeade naka bu kubuu: jiorr dorrabaribadaumare kãra.

dauburuu de Dachí Akõre selloswãe nuree kaabiasii. ⁵ Dachí Akõreba chi sisirãmaa ëbërarã ida beabiabasii, bari jedako jua aba pirabíturu deasii. Mau pira bæu dosuríba kaada kíra pira bæui. ⁶ Mau ewaride ëbërarãba biudai jũruðai. Biawãra biudai kúria panumina, biudabai.

⁷ Mau sisi mura kokoroaba chĩode adoebarii kíra nureasii. Ächi borode boro jũra aba nee wauða kíra bæu jũ panasii. Èbëra kíedarr kíra nibasiðau. ⁸ Ächi buða wëra buða kíra panasii. Ächi kiða imama kiða kíra panasii. ⁹ Ächi kakuuðe chaarea bæu jũbarii jiorr wauða jũ panasii. Ächi ikia mura ärearã piraaduude ächi karreta baara chĩode wãadu u kíra chiríderrea panasii. ¹⁰ Ächi druu dosurí druu kíra misua panasii. Maarãba ëbërarã ächi druuba jedako jua aba poyaa pu'ua pirabiadaí panasii. ¹¹ Chi maarã sisi rey chi eakarr eðaa chobeadebena angelbũ. Ichi trũ hebreo bedeade Abadón abadau mauðe griego bedeade Apolión. ¹

¹² Chi nabena mia pera jaraða wã'ãesii, maamina wabiða ome panuu. ^{II}

¹³ Mau maadakare june aba angelba ichi kachu chaasii. Mauðe chi Dachí Akõre daaðe kera baa de abadau nee wauða kachu kimare panuumareeba mũba aba berreamaa bæu úrisii. ¹⁴ Chi berrea bæuba chi ángel chi kachu chaadamaa naka jarasii: «Chi kimare angelerã do Éufrates mechiu abadaumare jũ panuu enatase». ¹⁵ Ara mauðe ichiba maarã kimare enakuasii nau iujãdebena ëbërarã beraa mita bead-amera. ^{III} Dachí Akõreba maarã uru bæasii maka bead-amera ara mau añode, ara mau jedako abade mauðe ara mau ewaride biða. ¹⁶ Mauðe mũba úrisii abauba jaramaa bæasii sãabe kokoroa nuree murade ataubadau eneemaa panuu. Dosientos millones eneemaa panuu asii.

¹⁷ Chi murarã mũ daumaa unubiða naka nureasii: ächi boro imama boro kíra nureasii. Ächi okarrdebena tũbũchia mauðe nari aokokobadau panasii. Mau kakuuðe chaarea bæu puria aoko bæu kíra bæasii, zafiro mo pãwaraa kíra bæasii mauðe azufre mo kíra kuaraa bæasii. ^{IV}¹⁸ Chi mura okarrdebena aokooruuba, nariba mauðe azufre chi cheeruu biða beraa mita chi nau iujãdebena ëbërarã kenasii. ¹⁹ Mau murarã poyaa ächi okarrde mauðe ächi drude bæasii. Ächi druu dama kíra panasii. Ächi druu boro bara nureeba ëbërarã kaadapeða maabae beabachiðau.

²⁰ Maka bæukauðe chi ëbërarã mauba biudaabada-ba wabiða chi kachirua wauðayu mauðe jai kachiruarã ijãðai ida bædaabasii. Dachí Akõre kuenda juaba ne

^I Abadón...Apolión. Mau trũ jara kúria panuu «Ne joma barib-abarii». ^{II} Mau mia pera jaraða dachiba unubadau Apocalipsis 8:13ðe. ^{III} Beraa mita. Griego bedeade naka bæ kubuu: la tercera parte. Ara mau kíra jara bæu versículo 18ðe. ^{IV} Zafiro mo. Griego bedeade naka bæ kubuu: jacinto pono.

kapedaadarã ida bædaabasii: chi nee wauða, parata wauða, bronce wauða, mo wauða mauðe bakuru er-aða ida bædaabasii. Maarã unuðakau, úriðakau mauðe nibaðakau. ²¹ Mauðe mia beabadau, waabenarã ëper-mabadau, dachi kakuaba barikiu kachirua waubadau mauðe chiruabadau ida bædaabasii.

Angelba karta kaebeu uru buaða

10 Mau maadakare mũba ángel ärea poyaabarii aba bajãdebena jũrũara tãede uruu unusii. Ichi boro úrũ iuma jũra nubuasii. Ichi kíedarr umada kíra urua bæasii. Ichi jũrũ tũbũ aoko nubuu kíra bæasii. ² Ichi juaðe karta kaebeu ewa uru bæasii. Ichi jũrũ biarebena marde tũa ukũ nubuasii. Jũrũ sordoarebena iorode tũa ukũ nubuasii. ³ Maabae ichi imama ar-raaru kíra jĩwa biasii. Maka biaruude bã 7 bes tosii. ⁴ Bã 7 bes tosiide mau bã tooruuba jaraða mũba kartade bæuruu basii. Maamina bajãde mũba mimi úrisii naka jaraaru: «Bã 7 bes tosiiba jaraða chũpea uru bæuse. Kartade burãse».

⁵ Maabae chi ángel mũba unuða jũrũ aba marde tũa akũ nubuada mauðe jũrũ aba iorode tũa akũ nubuada ichi jua biarebena utaa bajãðaa jirasii. ⁶ Maabae Dachí Akõre trũdeeba berreasii chi nau iujãdebena, bajãdebena, mardebena joma wauða. Dachí Akõre ewaricha chokae nii trũdeeba naka jarasii: «Dachí Akõreba jaraða kã'ãabariwãede joma makai. ⁷ Ichi baita berreabadaurã, ichi baita bari trajabadaurãbũ. Naede Dachí Akõreba ächima jara buaða ichiba kaadeare unubiwea buaða joma makai. Kaadebena ángel ababa chi kachu chaaruude biawãra joma makai».

⁸ Maabae bajãde chi mimi mũba naede úriðaba waya mũmaa naka jarasii: «ángel aba ichi jũrũ aba marde tũa uru bæu mauðe aba iorode tũa uru bæuba karta kaebeu ichi juaðe ewa uru bæu adaude wãse».

⁹ Ara mauðe chi angelmaa wãpeða chi karta kaebeu idisii mũmaa deamera. Chi mauba panausii: «Adause. Kotase. Bichi okarrde nidurr kũabari bæa kíra kũaa bæui, maamina bichi biðe asia bæui».

¹⁰ Mau karta kaebeu chi ángel juadebena adaupeda kosii. Mũ okarrde nidurr kũabari bæa kíra kũaa bæasii maamina kosiiðe mũ biðe asia bæasii. ¹¹ Maabae ichiba mũmaa jarasii: «Bichi waya Dachí Akõredeeba berrei bæu puuru ärea makai úrũbena, drua ärea sakai úrũbena, berreabadaucha sakai úrũbena, mauðe reyrã sakai úrũbena».

Chi ëbëra ome Cristo úrũbena berreabadau

11 Mau maadakare abauba bakuru ne chaabarii mũmaa deapeða naka jarasii: «Dachí Akõre de mechiu bakuruba chaayase asii, mauðe chi Dachí Akõre baita ne baa deabadaumare. Mauðe chi aria

Dachi Akõremaa bi'ia berrea panuurã joma juasiise. ² Maamina Dachi Akõre de mechiu mooba aude aêu kîra ßuu ekarebena drua chaarãse, mau Dachi Akõrede ijãadakaurã deasiideeba. Maarãba Dachi Akõre puuru Jerusalén poyaadai 42 jedakodaa. ³ Mau ewaride mûuba ëbëra ome bûi mû ùrübena doðaa berreadamera. Maarã paru parrba jüðapeda 1.260 ewari Dachi Akõre baita berreadai».

⁴ Chi nau iujãadebena Mechiu daade olivo bakuru ome topanuu mauðe ùðaa koabarii ome topanuu. Mau chi ichi ùrübena doðaa berreabadau ome panuu jara ßuu. ⁵ Aþauba maarã kachirua wauï kËriaru-uburã, ãchi okarrëbena aokoi mauðe maarã kîra-maabadaurã baakuai. Ara mau kîra chi maarãmaa kachirua wauðai kËriadiu joma kenadai. ⁶ Maarã ome ëbëra Dachi Akõre baita berreamaa panuude, bajãa poyaa jüadai kui chebiamaba. Mauðe bania sida poyaa oa babidai, mauðe ne kachirua didiwaraa poyaa neebidai nau iujãa ãchi kËria ãridai baita.

⁷ Maamina joma Dachi Akõre ùrübena berreapedaakare mau ãnimara eakarr edaa chobeadebena ^{III} neeruuba ãchima orrai. Maarã poyapeda kenai. ⁸ Chi biupedaada chi Jerusalén puuru mechiude jirata bari panadai. Mau puuru «Sodoma» maeburã «Egipto» abadau, aria ãchi Mechiu Jesús cruzde jirabu beasidaudeeba. ⁹ Èbërarã didiwaracha jomadebena, bedea didiwaracha jomadebena, puurucha mauðe drua jomadebenarãba mau biupedaada aria jirata bari ßee unudai ewari õbea badapeda mauðe ãsadaa. ^{IV} Maarã biupedaada uyaadai ida kabidaabai. ¹⁰ Chi ëbërarã nau iujãadebena mau biupedaada kakua kîrajuruðai. Kîrajuruba ne kaebea bia ãchiba chiya bari deadakaðai, Dachi Akõre baita berreabadaurãba maarã ãrea bi'iwãe panabiasidaudeeba. ¹¹ Maamina ewari õbea ësa basiide Dachi Akõreba ãchi chokae jiradubiasii. ãchi jiraduudu unupedaada ãrea perasidau. ¹² Maabae chi Dachi Akõre baita berreabadaurãba bajãade mimi jîkua ùrisidau. Naka jarasii: «Namaa ãtaa urústuru». Ara makude chi kîra-maabadaurãba ichiamaa panuude, ãtaa jËrurã tãede bajãadaa wãsidau.

¹³ Mauðe ioromia meserãa neesii. Mauba Jerusalén puuruðe de ãrea korekuasii. ^V 7.000 ëbërarã biusidau. Ara mauðe chi chokae panuuba peradeeba chi bajãadebena Dachi Akõremaa bi'ia nii a jarasidau.

¹⁴ Chi mawãarebena mia pera jarada wã'ãesii. Maamina chi kaadearebena mia jarada kã'ãabari-wãede neei. ^{VI}

I Griego bedeaðe naka ßu kubuu: Maarãba chi Dachi Akõre baita ßuu puuru 42 jedako biraduadai. II 11:4 Zacarías 4:1-14. III Mau ãnimara eakarr edaa chobeadebena. Ichiãse Daniel 7de. IV Ewari õbea badapeda mauðe ãsadaa. Griego bedeaðe naka ßu kubuu: tres días y medio. V ãrea. Griego bedeaðe naka ßu kubuu: la décima parte. VI Chi kaadearebena mia pera jarada neeruude, chi kaadearebena kachu chaai. Apocalipsis 8:13.

Kaadearebena kachu chaada

¹⁵ Chi kaadearebena angelba ichi kachu chaasii. ^{VII} Mauðe bajãade ãreaba jîkua berreasidau. Naka jarasidau:

«Chi nau iujãadebenarã reyrãba ãchi juade naede ua panapedaada, Dachi Mechiu mauðe ichi Cristo omeeba mau joma ãchi juade ua paneesidau. Iðiiba waitaa jomaurã ichi juade ua ßuai».

¹⁶ Mauðe chi 24 chõrarã mechiurã ãchi rey ãkaude sîu duanaða Dachi Akõre daade õdarrde kopaneesidau maabae Dachi Akõremaa bi'ia berreasidau.

¹⁷ Naka jarasidau:

«Dai Akõre Mechiu chi Joma Poyaabarii, chi nibada mauðe chi nii. ^{VIII}

Bichituru kiðibai a jara panuu bichi ãrea poyaabarii unubia ßuudeeba mauðe jomaurã bichi juade ua ßeesiideeba.

¹⁸ Druachadebena bichi ome kîru kopaneesidau. Maamina chi bichi kastikai ewari neesii. ^{IX} Jãabae bichiba chi biupedaada jideai.

Mauðe chi bichi baita berreabadaurã trajabadaurãmaa, bichi ëbërarãmaa, joma chi bichi wapeabadaurãmaa, chi aude kaebeurãmaa mauðe chi aude mechiurãmaa ne bia deadakai chi bia ãchiba waupedaada kîra.

Maamina chi nau iujãade kachirua waupedaada bichiba kastikakuai».

¹⁹ Maabae Dachi Akõre de mechiu bajãade kubuu ewa wãsii. Aria chi Dachi Akõreba waubida baúl ^X kubuu mûuba unusii. Ara mauðe bã puri chebi kobeesii, bã to kobeesii, mauðe chi bã ãrea ururua wã kobeesii. Nau iujãa uri kobeesii mauðe hielo sida kui kîra ãrea che kobeesii.

Wëra Juanba unuda

12 Bajãade ne makai ßuu ùrübena unusii. Mûuba wëra aba umada paru kîra jË ßuu unusii. ^{XI} Mau jËrË jedako ùrË tËa kubuasii. Boro jËra pusterrea 12 wauða jË ßuasii. ² Mau wëra warr baraa ßuasii. Chi warr anakude adauruudeeba chi puaba bia ßuasii.

³ Maabae maucha ne makai ßuu ùrübena bajãade unusii. Mûuba dragón mimichia puria nii unusii. Mau dragón boro 7 inibasii mauðe kachu sida 10 inibasii. Boro jËra boro cha jË ßuasii. ⁴ Chi druu neapesiide

VII Chi kaadearebena angelba. Kajuma bedeaðe ßu kubuu: séptimo ángel. VIII Griego bedeaðe chi ßee kartade nau sida ßu kubuu: Mauðe chi neei ßuu. IX Bichi kastikai ewari neesii. Griego bedeaðe naka ßu kubuu: Bichi kîrubi ewari neesii. X Dachi Akõreba waubida baúl. Mau jara ßuu ichi bedea deada ichiba wauï baða joma wausii. Chi ichiðirã joma nu ßuabarii, ne joma dea ßuabarii mauðe kariba ßuabarii. Éxodo 16:33. XI Mau wëra jara ßuu chi biawãra Israel puru, chi Dachi Akõre ida buðakaurã mauðe chi Dachi Akõreba karibabarii deai jaradaðe ijãabadaurã. Nau wëra chi Babiloniaðebena wëra kachirua nii awara nii 17:1-18de.

pusterrearã bajãadebenarã beraa mita bæsiðau nau iujãade. ^I Mau dragón wëra warr adaui baita bæumare bari nubesii chi warr adauruude mii baita. ⁵ Ara maude chi wëra warr adausii. (Mau warrba kïra chuburiayuwãe joma nau iujãadebenarãmaa ichide ijãabia bæai). ^{II} Maamina mau dragonba mii naede Dachî Akõreba mau warr etaa adoesii ichi åkaude akæ bæumaa. ⁶ Maabae chi wëra drua sirua wã'ãedaa miru wãsii. Dachî Akõreba aria joma maka wau bæasii 1.260 ewariðaa mau nu uru panadamera.

⁷ Mau maadakare chi ångel mechiu Miguel abadau maude chi angelerã joma ichi baara duanuu, chi dragón chi ichi baara duanuu ome bajãade chõsiðau. ⁸ Maamina chi dragonba maude chi ichi baara duanuba poyaaabaasii. Maudeeba chi maarã makaa poyaa bajãade panadaabasii. ⁹ Ara maude chi dragón mechiu maude joma chi ichi baara duanuu nau iujãadaa jirakuasiðau. Mau dragón chi nabëraedebena damabæ. Chi mau trë jëbawãe nii maude Satanás abadau. ^{III} Mauba joma nau iujãadebenarã setaa kïrua ua bæu.

¹⁰ Maabae mæuba aba bajãade jïkua berrearuu ùrisii. Naka jarasii:

«Iði Dachî Akõreba ichi ëbërarã karibamaa bæu. Iði ichi poyaabariiba jomaurã ichi juade ua bæu. Cristo chi karibabarii deai jaradaba joma poyaa. Bajãadebena iujãadaa chi dachi åbarã jideabarii jiratasii.

Mauba ësabude maude åyadaa Dachî Akõre daade makabachii.

¹¹ Dachî åbarãba Oeja Kaebe Nii oa chedaba maude ichi bedea jara panuudeeba poyaaasiðau.

Dachi biudai panuu ërubena wapeadaabasii, bari Cristo kakua biudayua panasii.

¹² Maudeeba joma chi bajãade panuurã kïrajústuru! Maamina chi nau iujãade maude marde panuurã siða miichuburi panadai, jëbawãe nii machimaa neesiideeba.

Mau miusia årea bæu, årea bæabai bæu kuitaa bæudeeba».

¹³ Chi dragonba ichi nau iujãadaa jirataða kuitaasiideeba, mau wëra warr adauða wãraasii kachirua wauyua. ¹⁴ Maamina Dachî Akõreba mau wëramaa nejõ mechiu ikia ome deasii drua sirua wã'ãedaa ùbæri wãmera. Dachî Akõreba aria joma wau uru bæasii año õbea y medio chi dragondebena nu uru bæai baita.

¹⁵ Maudeeba chi dragonba ichi okarrdebena bania idutasii do kïra chi mau wëra ùu adoemera. ¹⁶ Maamina ioroba mau wëra karibasii. Chi ioro ewapeða

^I Beraa mita. Griego bedeaðe naka bæ kubuu: la tercera parte. ^{II} Kïra chuburiayuwãe. Griego bedeaðe naka bæ kubuu: Jiorrba waubiai. Salmos 2:7-9. ^{III} Griego bedeaðe jëbawãe nii jara bæu «Waabenarã ërubena kachirua jarabarii». Satanás trë jara bæu «chi kïramaa».

maabae chi bania dragonba ichi okarrdebena idu bæada joma dosii. ¹⁷ Maudeeba chi dragón chi mau wëra ome årea kïru kobeesii. Ara makude chi waabenarã chi mau wëra debena imipeðaada ome chõde wãsii. Maarã imipeðaada chi Dachî Akõreba waubi bæu bedea waubadaurã bæ maude chi Jesusba jaradeaðe ijjãabadaurã bæ.

Ånimara kachirua mardebena awara needa

13 Mau maadakare chi dragón mar iikaa ibude ækæ nubesii. ^{IV} Ara maude mæuba ånimara kachirua mardebena awara neeruu unusii. Mau ånimara 7 boro inibasii maude 10 kachu. Kachurãcha boro jïra aba inibasii. Boro cha trë kachirua Dachî Akõre ërubena bæ kubuasii. ² Chi mau ånimara mæuba unuða imama kïra pã nibasii. Ichi jïræ ui jïræ kïra nibasii. Chi okarr león okarr kïra nibasii. Dragonba mau ånimaramaa chi poyaabarii deasii. Maude ichi rey åkaude akæ bæebisii chi nau iujãade panuurã joma ichi juade duanamera. ³ Chi mau ånimara boro abade tõoða baða anieða aba inibasii. Biawãra mau tõoðaba biui bæasii maamina chi tõoða jãabae anieða bæasii. Joma nau iujãadebenarã kåare kïrisiaðai adua panasiideeba mau baara panasiðau. ⁴ Maude åchiba chi dragonmaa bi'ia berreabachiðau, mau ånimaramaa chi poyaabarii dea bæasiideeba. Naka jarabachiðau: «¿Kai nau ånimara kïra nima? ¿Kai nau ome poyaa chõi bæuma?»

⁵ Dachî Akõreba mau ånimaramaa ara ichi chi aude mechiu nii a jarai ida kabisii maude Dachî Akõre chi biawãe nii a jaramera. Maude 42 jedakodaa nau iujãadebenarã ichi juade ua bæai ida kabisii. ⁶ Maude mauba Dachî Akõre ërubena kachirua jarabachii, maude ichi trë ërubena, chi ichi bæumaabena ërubena, maude joma bajãade duanuu ërubena siða.

⁷ Maude Dachî Akõreba mau ånimaramaa ara ichi ëbërarã ome chõbii ida kabisii maarã poyaaamera. Èbërarã didiwaraa joma, puuru joma, bedea didiwaraa joma maude chi druarã joma ichi juade ua bæabisii.

⁸ Maude joma nau iujãadebenarãba chi ånimaramaa bi'ia berreasidau. Iujãa joma waukuai naede maarã trë chi Oeja Kaebe Nii kartade wã'ãe basii. Mau kartade chi ëbërarã joma biuðaabai panuu trë bæ kubuu. ⁹ Chi kæræ bara niiba ùrise:

¹⁰ «Chi jüðai panuu, mau jüðai.

Chi espadaba biudai panuu, mau espadaba biudai». ^V Maudeeba ëbërarã Dachî Akõrederã årea ijãadapeða årea dauchia jãadua panadai panuu.

^{IV} Chi dragón mar iikaa ibude ækæ nubesii. Griego bedeaðe chi bæ kartade bæ kubuu: Mæ mar ibude akæ nubesii. Waabenarã kartade mau bedea bæ kubuu 12:18de. ^V 13:10 Jeremías 15:2; 43:11.

Chi animara ioroðebena awara needa

11 Mau maadakare muba animara june ioroðebena awara neeruu unusii. Mau animara oeja kaebeu kīra kachu ome inibasmīna, dragón kīra berreabachii.

12 Chi animara ioroðebena awara needa joma chi nau iujādebenarā chibari beesii, chi nabena animara kīra. Ichi poyaaðeeba ebērarāmaa chi nabena animaramaa bi'ia berreabiabachii. Mau tōðaba biui buasmīna, wabiða chokae buasii. 13 Animara ioroðebena needaba ebērarāba ne poyaa wauðakau mechiurā waukuabachii. Ebērarāba ichiamaa panasiide bajādebenena aoko nau iujāde bebisii. 14 Dachī Akōreba mau animara ioroðebena awara needamaa chi mau ebērarāba ne poyaa wauðakau wauyu ida kabisii chi animara marðebena awara needa trūde. 1 Maka chi ioroðebena awara needaba nau iujādebenarā setaa kīruasii. Maka chi animara kuenda juaba ne kapedaada waubiasii, chi mau espadaba tōpeda mauðe wabiða chokae nii kīra. II Maka waupeadaakare jomaurāba mau ārea kīriadaī panuu asii. 15 Mau ioroðebena awara needamaa ida kabisii chi animara kuenda juaba ne kapedaada ūyaba deamera mauðe berreabimera. III Maabae chi ioroðebena awara needaba chi animara kuenda juaba ne kapedaada ārea kīriada wēerā beabiasii. 16 Mau awara chi ioroðebena awara needaba jomaurāmaa jua biare maeburā dauburuðe seña bubiasii. Chi aude mechiurāmaa, chi kaebeurā, chi nejarra barau nuree, chi nejarr barauwāe nuree, chi chibari baita bari trajabadaurā mauðe chi chibariswāe nuree mau seña bubiasii. 17 Mau seña uru nurēburu nedoðai panasiðau mauðe poyaa nedobuðai panuu. Mau seña chi animara marðebena awara needa trū basii maeburā ichi trū número basii. 18 Mau numeroba kai ūrubena jara buu kuitaadaī baita chi kuitaa ārea nibai buu. Chi kīrisia kuitaa niiba poyaa kuitaaī chi kai ūrubena jara buu. Mau número ebēra trū basii. Nau chi trūbu: 666.

144.000 ebērarā karipedaada

14 Mau maadakare muba chi Oeja Kaebe Nii Sión eade ukū nubuu unusii. Chi mau baara 144.000 ebērarā panasii. Āchi dauburuðe chi Oeja Kaebe Nii trū mauðe āchi Akōre trū bu uru panasii.

I Dachī Akōreba mau animara...awara needa trūde. Mau beðea poyaa naka bu kubuu: Jubawāe niiba chi ioroðebena awara needa animaramaa meserā deasii mau ebērarāba ne poyaa wauðakau chi marðebena awara needa animara trūde poyaa wau buamera.

II Maka animara kuenda...chokae nii kīra. Mau beðea poyaa naka bu kubuu: Maka juaba ne kapedaada waubiasii chi animara nekoba tōða baða biuða chokae jiradu nii kīra. III Mau ioroðebena awara...berreabimera. Mau beðea poyaa naka bu kubuu: Jubawāe niiba mau animara ioroðebena awara needamaa ida kabisii chi animara kuenda juaba ne kapedaada ūyaba deamera mauðe berreabimera.

2 Maabae muba bajāde do uru kīra ūrisii, bā uru kīra. Chi muba ūrisii, arpa chaamaa panuude jīwabarīi kīra buasii. 3 Mauðe chi Dachī Akōre chi rey ākau daade kari wiði karīmaa panasiðau, chi kimare chokae nuree daade, mauðe 24 chōrarā mechiurā daade. Abau biða poyaa kuitaabasii mau kari kariī baita. Bari chi 144.000 Dachī Akōreba nau iujādebenena karibakuadāburu kariðai kuitaa panasii. 4 Maarā ebērarā wēra auðua nureasii. Dachī Akōre baita maarā ba'āra biða kachiruswāe nureasii. Maarā chi Oeja Kaebe Nii baara chi wāruumaa wābadau. Dachī Akōreba nau iujādebenena chi maarā ichi baita karibakuasii, ichi baita mauðe chi Oeja Kaebe Nii baita biða panadamera chi nabena chauða ichimaa dearuu kīra. 5 Maarāba bes aba biða setaa jaradakau. Bari kachiruswāe nuree.

Chi angelerā ðbea panuurāba jarapedaada

6 Mau maadakare muba ángel aba bajāde ūubari nii unusii. Mauba chi beðea bia uru buasii chi nau iujādebenena jomaurāmaa jarai baita: puuruðebena narācha, druadebenarācha, ebērarā didiwaraacha mauðe beðea didiwaraacha. Mau beðea ewarīcha maka buai. 7 Mauba jīwa naka jarasii: «Dachī Akōre wapeásturu! Ichíturu chi mechiu nii ásturu, ichiba kastikai ewari neesiideeba. Bajāa, iujāa, mar mauðe bania ioroðe bumadrubarīi wauðadeeba, mau bi'ia berreásturu».

8 Mau ángel kaade nepeða naka jīkua jarasii: «Babilonia puuru mechiu ārisii. Biawāra joma ārikuasii. Chi mau puuruðebena ārea mia kīra nejasia wau panuudeeba drua a'awaraabenamaa ara mau kīra kachirua waubiasidau uva baa asia doobai panuude dobiaduu kīra».

9 Mau ángel wāðakare kaade june aba ūubari neesii. Mauba naka jarasii: «Abauba chi mau animaramaa bi'ia berrearuuburā mauðe chi ara ichi kīra juaba ne kapedaada bi'ia berrearuuburā, mauðe chi seña dauburuðe maeburā juade ida waubiuruuburā, 10 Dachī Akōreba ichi kīruuruuba mau ebēra kachirua ārea bui uva baa asia dobiiruu kīra. Mau ebēra chi ángel bi'ia nuree daade, mauðe Oeja Kaebe Nii daade azufre aoko nubuuaba ārea bi'iwāe buai. 11 Mau ebēra ārea bi'iwāe buumaa aoko nubuu iði kiikau, bari ewarīcha boði nububarīi. Abauba chi animara mauðe chi ara ichi kīra juaba ne kapedaada ārea kīriaruuburā, kurrjīruswāe buai. Chi mau animara seña juade waubipeadaa maeburā dauburuðe āyadaa mauðe esabuðe kurrjīruswāe buai». 12 Mauðeeba ebērarā Dachī Akōreðerā ārea dauchia jāadua panadai panuu. Jesusde ārea ijāadapeða, ichiba waubi buu beðea ūribaba panadai panuu.

¹³ Mau maadakare mumba bajaaɗe ababa jaraaruu ūrisii: «Chi kartaaɗe naka buse: “Iidiideeba chi Dach Mechiude ijaa biubadaurã bi'ia panadai”».

Mauɗe Dach Akõreba naka jarasii: «Biawãra bi'ia panadai. Maarã bi'iwãe panadadebena kurrjũru panadai, maarãba bi'ia waupedaada waa chau kãriideeba». ^I

Dachi Akõreba ebẽrarã kastikai ũrubena

¹⁴ Mau maadakare mũ bajaaɗa ichiasiiɗe jũrũara torr unusii. Mumba chi Ebẽra Ba Buada kãra mau jũrũara ũru akũ bũu unusii. ^{II} Boro jũra nee wauɗa jũ bũasii. Ichi juade neko peɗɗe jũria bũu uru bũasii. ¹⁵ Mauɗe Dach Akõre de mechiu bajaaɗe kubuareeba ángel aba awara neesii. Chi mauba jũrũara ũru akũ bũasiimaa naka jĩwa bia jarasii: «Iujãaɗe uuda joma waraa kubũu. Bichi neko jũria bũuba tarise chi tarii ewari basiiɗe». ¹⁶ Ara makũɗe chi jũrũara ũru akũ bũadaba neko jũria bũuba ara jua aba tuuruba joma nau iujãaɗe tarisii.

¹⁷ Maabae Dach Akõre de mechiu bajaaɗe kubuudebena ángel aba maucha awara neesii. Mau biɗa neko peɗɗe jũria bũu aba uru bũasii. ¹⁸ Maabae chi Dach Akõre baita bajaaɗe kera baa deabadaumarebena june aba ángel awara neesii. Mauɗeɗe chi tũbũchia aoko uru bũabarii chi kera baai baita. Naka jĩwa jarasii chi neko peɗɗe jũria uru bũumaa: «Chi iujãaɗebena uwa waraa kubuudeɗe, bichi neko jũria bũuba joma tuukuase». ¹⁹ Ara makũɗe chi angelba chi neko jũria bũuba jua aba tuupeɗa chi uwa bũũrũcha araa pesii. Maabae chi uwa biraduabadaumare bũikasii biraduadamera chi baa adauɗai baita. Mau jara bũu Dach Akõreba kastikai. ²⁰ Chi uwa Jerusalén puuru awara biraduasiɗau. Biraduasiɗauɗe mamabena oa área chesii. ^{III} Mau oa chi iɗubena utũ mura okarrɗe jũbadaumaa ba bũasii.

Chi 7 angelerãba bi'iwãe paneebiadau ũrubena

¹⁵ Maabae mumba waya maucha ne makai bi'ia bũu bajaaɗe unusii. Mau kakua ebẽrarãba kãare kũrisiadau adua paneesii. Angelerã 7 duanasii. Áchi abaabaa chi kaadearebena ne kachirua uru panasiɗau mauba bi'iwãe paneebiadau baita. Dach Akõreba maka kastikapeɗa, chi kãrubi wã'ãe.

² Mau awara mumba mar biirio kãra doɗaa aoko nubũu unusii. Mau jãkaa joma chi animara poyaaɗeada ukũ nubesii. Maarãba mau animara mauɗe chi ara ichi kãra juaba ne kapeɗaada kũriadaakabasii, mauɗe chi trũ número bubiadaabasii. Arpa

^I Maarãba bi'ia waupedaada waa chau kãriideeba. Griego bedeeɗe naka bũ kubũu: maarãba waupedaada áchi kaade nibadau. ^{II} Chi Ebẽra Ba Buada kãra. Daniel 7:13. ^{III} Oa área chesii. Griego bedeeɗe naka bũ kubũu: 1.600 estadia oa chesii. Kajuma bedeeɗe jara bũu «300 kilómetro oa chesii».

Dachi Akõreba deada uru panasii. ³ Chi arpa chaamaa panuude Moisés chi Dach Akõre baita bari trajabarii kari, mauɗe chi Oeja Kaebe Nii kari karimaa panasii. Naka karisiɗau:

«Dachi Mechiu, Dach Akõre, chi Joma Poyaabarii, bichiba wau bũu área bibuara bũu.

Bichiba wau bũu ũrubena ebẽrarãba kuitaa kũrisiadau.

Jomaurã Mechiu, bichiba wau bũu jipa bũu mauɗe bichi bedeeɗe aba bũu biawãrabũ. ^{IV}

⁴ Dai Mechiu, ¿kaiba bichi wapeabai bũuma?

¿Kaiba bichi chi Mechiu nii aabaima? Bichi Dach Akõre baítaburu niibũ.

Joma druachadebena imipeɗaada bichimaa bi'ia berreadai, bichiba chi jipa wau bũu jomaurãmaa unubiasiiɗeɗe.

⁵ Mau maadakare mumba utaa bajaaɗa ichiasiiɗe unusii Dach Akõre de mechiude eɗa kãsa paru jiranuu ewa jiranasii. ⁶ Mau dedebena 7 ángel awara neesiɗau. Maarãba 7 ne kachirua uru panasiɗau mauba bi'iwãe paneebiadau baita. Maarãba paru torroa tedechoa lino wauɗa bũu jũ panasiɗau, mauɗe nee wauɗa aba odeabari jũ panasiɗau. ⁷ Mauɗe chi kimare chokae nureeɗebena ababa ángel 7 panuurãmaa abaabaa sãu nee wauɗa deadakasii. Mau sãu Dach Akõre kãru bũuba waabiru bũasii. ⁸ Dach Akõre dede nari área basii ichi tedechoadeɗe mauɗe poyaabariideɗe. Mauɗeɗe aba biɗa mau dede poyaa wãabasii, chi 7 angelerãba ne kachirua uru panuu bi'iwãe paneebiai baita wã'ãeruudaa.

Dachi Akõreba 7 kaadeare bi'iwãe paneebiai ũrubena

¹⁶ Mauɗe mumba Dach Akõre de bajaaɗe kubuareeba ababa jĩwa berrearuu ūrisii. 7 angelerãmaa nau jarakuasii: «Chi sãu Dach Akõre kãru kubuuba waabiru nubũu iujãaɗe eakoade wãsturu». ² Ara makũɗe ángel aba wãpeɗa ichi sãude uru buada iujãaɗe eabũisii. Mauba chi animara trũ daubũurude maeburã juade uru nuree mauɗe joma chi ara ichi kãra juaba ne kapeɗaada área kũriabadaurã chaumia kachirua kakuade posiɗau.

³ Mau maadakare june aba angelba ichi sãude uru buada marde eabũisii. Mauba chi mar oa ba didisii. Ebẽra aba biuɗa oa kãra nubesii. Maabae chi marde chokae nureada joma kinisiɗau.

⁴ Mau maadakare june aba angelba ichi sãude uru buada docha mauɗe iorode bania bumadrubariicha eabũikasii. Maabae mauba chi doorã joma oa ba didikuasii. ⁵ Mauɗe mumba ūrisii chi bania nubarii angelba Dach Akõremaa naka jaraaruu:

^{IV} Jomaurã Mechiu. Griego bedeeɗe chi bee kartade bũ kubũu: ebẽrarã Dach Akõrederã rey maeburã ewaricha bũu rey.

«¡Bichi biawāra Dachī Akōrebū! Idi bichi nii mauḁe naeḁe biḁa nibasii. Bichiba ēbērarā maka kastikasii.

⁶ Maarāba bichi ēbērarā mauḁe chi bichi baita berre-
abadaurā oa chebiasiḁau.

Mauḁeeba idi bichiba maarāmaa oa dobiamaa b̄uu
maka chi kachirua waupedaḁa kīra».

⁷ Mau maḁḁakare m̄uḁba ūrisii kera baa deabadau ba-
jāḁe b̄uareeba abauba naka berrearuu: «Dai Akōre
Mechiu chi Joma Poyaabarii, bichi biawāra niḁeeba
arakūḁe ēbērarā kastikabarii».

⁸ Mau maḁḁakare june aba angelba ichi sāuḁe uru
b̄uaḁa ḁmada ūḁ eab̄isii. Mauba chi ḁmada aude
koabisii ēbērarā baamera. ⁹ Dachī Akōre ūḁbena
kachirua berrea panasii pisiaba ārea baa panasiḁee-
ba, ichiaburu maka ārea bi'iwāe panabia b̄uḁeeba.
Maamina āchi kachirua waubadau ida b̄uḁaabasii
mauḁe Dachī Akōre chi Mechiu nii ḁḁaabasii.

¹⁰ Mau maḁḁakare june aba angelba ichi sāuḁe uru
b̄uaḁa chi ānimara chi rey ākau ūḁ eab̄isii. Ara
makūḁe chi mau ewari p̄ariusii chi mau ānimaraba
juḁe ua b̄uaḁamare. Maabae chi ichiḁirā puaba āchi
kērame kaabachiḁau. ¹¹ Chi puaba mauḁe kakua
chasiḁeeba Dachī Akōre bajāḁe b̄uu ūḁbena
kachirua berrea panasii. Maamina ārea bi'iwāe panas-
mina chi kachirua wau panuu ida b̄uḁaabasii.

¹² Mau maḁḁakare june aba angelba ichi sāuḁe uru
b̄uaḁa Éufrates do mechiuḁe eab̄isii. Ara makūḁe
mau do poasii chi ḁmada neebariḁeebena reyrā
ch̄oḁe needuḁe do p̄ōasāḁe kīraa wāḁamera.

¹³ Mauḁe ōbea chi jai kachirua nureerā unusii. Aba
dragón okarrḁebena neesii. Aba ānimara okarrḁebena
neesii. Mauḁe aba Dachī Akōre baita berreabarii chi bi-
awārawāe okarrḁebena siḁa neesii. ¹⁴ Maarā chi jai
kachirua nuree jaurirāba ēbērarāba ne poyaa
wauḁakau ārea wausiḁau. Mauḁe joma druachḁeebe-
na reyrāmaa jarkuḁe wāsiḁau Dachī Mechiu ome
ch̄oḁe wāḁamera chi Dachī Akōre Joma Poyaabarii
kastikai ewariḁe. ¹⁵⁻¹⁶ Maarāba hebreo beḁeeḁe Ar-
magedón abadau druḁaa chi reyrā ch̄oḁe uḁosiḁau.

«¡Ūristuru! M̄ nechiru kīra neei. II Bi'ia panḁai chi
m̄ neeruu esḁau panuu mauḁe paru uru nuree. Ma-
ka m̄ neeruḁe maarā ewaraa panḁaabaḁi mauḁe
kīra nejasia panḁaabaḁi».

¹⁷ Mau maḁḁakare june aba kaḁearebena angelba
ichi sāuḁe uru b̄uaḁa ḁḁ eḁaa eab̄isii. Ara mauḁe
Dachī Akōre de bajāḁe kub̄uumare chi rey ākau
kub̄uareeba jīwa naka jarasii: «Jābae ara basma».

¹⁸ Ara makūḁe bā puri chebi kobeesii, bā beḁea baraa
ārea to kobeesii, mauḁe ioromia siḁa ārea neesii.
Dachī Akōreba ēbēra wausiḁeeḁebena idi jāka ioro-
mia urikabasii. ¹⁹ Mau ioromiaba puuru mechiu aba

nau iujāḁebena kōapeḁa, maabae a'awaraa puuru
ōbea kīra b̄usii. Mauḁe nau iujāḁebena puururā siḁa
joma ārikuasii. Ara mauḁe Dachī Akōreba Babilonia
puuru mechiu kastikai kude uru b̄uai ida b̄uubasii. Uva
b̄aa asia dobiiruu kīra ichi kīru kub̄uḁeeba mau puu-
ru ārea kastikasii. ²⁰ Mau ioromiaba mar kēsa islarā
kobeeḁa mauḁe ea joma wā'āebisii. ²¹ Bajāḁebena
ēbērarā ūḁ hielo mo mechiu kīra b̄aesidau. Mau hielo
beraa 40 kilos chikua b̄easii. III Mau hielo b̄aesidau
bi'iwāe panasiḁauḁeeba, maarāba Dachī Akōre ūḁbe-
na kachirua berreasidau.

Wēra auḁuabarii Juanba unuḁa

17 Jua aba ome angelerḁebena sāu 7 uru b̄uaḁa
aba m̄ b̄uumaa nepeḁa m̄uḁaa naka
jarasii: «Wāuriduru. M̄uḁba unubii Dachī Akōreba saka
wēra auḁuabarii tr̄ḁ poa b̄uu kastikaaruu. Mau wēra
bania ārea tāeḁe akū b̄uu. IV2 Nau iujāḁebena reyrā
mau wēra ome kachirua waubachiḁau. Mauḁe mau
wēra ichi kakuaba barikiu kachirua wauruu un-
ubachiḁeeba joma nau iujāḁebenaḁā biḁa ara mau
kīra waubachiḁau ituaba biu panuu kīra».

³ Ara makūḁe Dachī Akōre Jauriḁeeba angelba m̄
drua sirua wā'āe b̄uḁaa adoesii. Aria m̄uḁba wēra
aba ānimara kachirua ūḁ akū b̄uu unusii. Puria nibasii
mauḁe ichi kakuḁe tr̄ḁ ārea Dachī Akōre ūḁbena
kachirua jaraaruu b̄u inibasii. Boro 7 mauḁe kachu 10
inibasii. ⁴ Mau wēra paru p̄āraa mauḁe puria jū ni-
basii. Nee, mo doḁaa mipitaa mauḁe perla jū nibasii.
Ichi juḁe sāu nee wauḁa uru b̄uasii. Mau sāuḁe
barikia ne joma Dachī Akōreba k̄uriakau duanasii
mauḁe mau wēra mia kīra nejasia wau b̄uaḁa. ⁵ Ichi
daub̄uḁe tr̄ḁ aba ēbērarāba kauwa ūriḁakau b̄u ini-
basii. Naka b̄u inibasii:

«M̄ Babilonia chi puuru mechiub̄u. M̄ wērarā au-
ḁuabadaurā naweb̄u, mauḁe ne joma Dachī Akōreba
nau iujāḁe k̄uriakau naweb̄u».

⁶ M̄uḁba ichiasiḁe kuitaasii mau wēra ēbērarā Dachī
Akōreḁerā oaba itua biu b̄uasii, chi Jesusḁe ijāabadau-
rā mauḁe chi ichi ūḁbena jarabadaurā beapeḁaḁa
oaba.

Mau wēra unuḁakare kāare k̄urisiai adua basii.
⁷ Mauḁe angelba m̄uḁaa nau idisii: «¿Sakāe kāare
k̄urisiai aduama? Mau wēra ūḁbena abauba kauwa
ūrii b̄uu mauḁe chi ānimara ūḁ mau wēra wāaruu akū
b̄uu m̄uḁba mau kauwa jarai. Mauḁe chi ānimara boro
7 inii, mauḁe ichiba kachu 10 inii ūḁbena bi'ia jarai.
⁸ Chi bichiba unuḁa ānimara naeḁe chokae nibaḁa
iḁibae wā'āe. Maamina ewari abḁe eakarr eḁaa
chobeḁebena ḁḁaa neeruḁe, Cristoba mau ewaricha
kastikai. Nau iujāḁebenaḁāba chi naeḁe nibaḁa

I Dachī Akōre baita berreabarii chi biawārawāe. Mau chi ānimara
iujāḁebena chi naa neḁaba. Apocalipsis 13:11-18. II 16:15-16 Ma-
teo 24:43-44; Lucas 12:39-40; Apocalipsis 3:3.

III Griego beḁeeḁe naka b̄u kub̄uu: talento aba. Kajuma beḁeeḁe
b̄u kub̄uu: 40 kilos. IV Mau wēra bania ārea tāeḁe akū b̄uu. Jere-
mías 51:13.

maude idibae wā'āe waya neeruu unuuduude kääre k̄risiadaí adua panadaí. Nau iujāa wauí naede āchi tr̄i chi ewaricha chokae duanabarii kartade b̄uwēa b̄uasii.

⁹ »Chi bichiba unuda kauwa ūrii baita chi kuitaa ārea nibai. Chi 7 boro, 7 ea jara b̄uu. Chi wēra auđuabarii mau 7 ea ūr̄ ak̄ b̄uu. ¹⁰ Mauđe chi 7 boro, 7 rey jara b̄uu. Maarā 7 reyrādebenena, jua aba biusidaú. Chi maarādebenena ebērarā wabiða ichi juade ua b̄uu. Mauđe wabiða maarādebenarā aba awara neewēa b̄uu, maamina chi mau neeruude ebērarā rey baarumina ārea b̄uabai. ¹¹ Chi ānimara chi naede nibada mauđe idibae wā'āe, mau chi jua aba obea reybu. Mau chi 7 reyrādebenabu. Cristoba mau ewaricha kastikai.

¹² »Chi bichiba unuda kachurā 10 panuu, 10 reyrā badaí panuu jara b̄uu; wabiða reyrā badauwēa panuu. Maamina chi ānimara rey baaruude āchi sida rey badaí, ewari ārea panadaabai b̄umina. ¹³ Maarā 10 reyrā k̄risia arabauđe panuu. Mauđeeba chi poyaabarii chi ānimaramaa deadaí mauđe āchi puuru ichi juade b̄udai. ¹⁴ Maabae chi maarā Oeja Kaebe Nii ome ch̄ođai. Maamina chi Oeja Kaebe Niiba chi maarā poyakuai, ichi Jomaurā Reyrā Audeara Chi Aude Mechiu Nii mauđe Joma Chi Mechiurā Audeara Chi Aude Mechiu Niideeba. Poyaakuadakare chi ichide ārea ijāabadaurā ichi baara paneedaí. Ichiba chi maarā iukuapeda j̄r̄ adaukuasii».

¹⁵ Maabae chi angelba naka jarasii: «Bichiba chi mau wēra ak̄ b̄uumare doorā ārea unusii. Chi mau doorā ārea puuru didiwaraa, bedea didiwaraa mauđe drua didiwaraa jara b̄uu. ¹⁶ Chi bichiba unudaba kachurā 10 panuurāba mauđe chi ānimaraba wēra auđuabarii k̄ramaa panadaí. Mauđeeba chi mauba uru b̄uu joma juakaa adauđai. Joma ewaraa b̄udai. Maarāba ichi kiuru kodapeda maabae chi beeruu baatađai. ¹⁷ Dachí Akōreba maarā 10 reyrā sōde b̄usii ichiba k̄ria b̄uu wauđamera. Mauđeeba maarāba k̄risia arabauđe uru panadaí mauđe chi ānimaraba jaraaruu joma ijāadaí Dachí Akōreba jarađa makaaruđaa. ¹⁸ Chi bichiba unuda wēra auđuabarii puuru mechiu jara b̄uu. Mau puuruđebena reyba drua jomadebena reyrā ichi juade ua b̄uu».

Dachí Akōreba Babilonia kastikai ūr̄ubena

18 Mau maadakare m̄uba june aba ángel bajādebenena edaa uruu unusii. Mau chi mechiu nibasii. Ichi tedechoaba nau iujāa ūdaasii. ² Naka j̄wa jarasii:

«j̄Babilonia puuru mechiu ārisii! j̄Biawāra joma ārikuasii! Ebērarā duanadamare, bari jāma chi jai kachirua nuréturu duanuu.

I Ewari ārea panadaabai. Griego bedeađe naka b̄u kubuu: Hora ababuru ebērarā reyrā badaí.

Jāma joma jairā kachirúaturu duanuu. Joma chí Dachí Akōremaarā ibanarā miadáturu jāma duanuu. II

³ Mau puuruđebenarāba mia k̄ira nejasia wau panuudeeba, drua a'awaraabenamaa ara mau k̄ira kachirua waubiasidaú uva b̄aa asia doobai panuude dobiaduu k̄ira.

Mauđe reyrā joma druachadebenarāba ara mau k̄ira waubiasidaú wēra auđuabarii ome kachirua wau panuu k̄ira.

Chi nau iujādebenena ne kaebea nedobadau barau duanesii, mau puuruđebenarāba ne kaebea chí aude chí bia ārea adauđai k̄ria panasiideeba».

⁴ Maabae m̄uba ūrisii abaua bajādebenena naka jaraaruu:

«M̄ ebērarā, Babiloniađebena wāuristuru mau puuruđebenarāba kachirua wau panuu waurādamera.

Maka Dachí Akōreba maarā kastikakuaruude, machi kastikaabai.

⁵ Mau puuruđebenarāba kachirua ārea waumaa panuu. Maarā kachirua bajāde neesidaú, abau ūr̄ ętaa pewāaduu k̄ira.

Dachí Akōreba āchiba kachirua waupeđaađa k̄rabai ida b̄uwēa b̄uu.

⁶ J̄u puuru kachirua wáusturu waabenarāmaa makasidaú k̄ira.

Chi mauba jāka waabenarāmaa miadaa wausii baerā, bes ome kachirua wáusturu.

Chi mauba waabenarāmaa miadaa wausii uva b̄aa asia doobai b̄uude dobiaruu k̄ira.

Mauđeeba maumaa bes ome miadaa wáusturu, uva b̄aa asia doobai b̄uude bes ome dobiaruu k̄ira.

⁷ Mau puuru ārea bi'iwāe paneebísturu mauđe ārea k̄ira nomaabísturu,

āchi puuru mechiu b̄uu a panuudeeba mauđe ne bi'ia ārea uru panuu a panuudeeba.

Mau puuruđebena naka k̄risia duanuu. «M̄ chí reina ākauđe ak̄ b̄uu k̄ira nii.

M̄ aba pēdrā k̄ira niwāe. M̄ bi'iwāe b̄uabai».

⁸ Mauđeeba ewari ababuru k̄ira nomaa jēai, jarrbisiba kachirua b̄uai, mauđe biui.

Dachí Akōre Mechiu chí joma poyaabariiba mau puuru joma āripeđa baab̄u».

⁹ Reyrā drua jomadebenarāba jāu puuruđebenarā ome kachirua waubachidaú wēra auđuabarii ome k̄ai beeruu k̄ira. Maarā sida barau paneesii mau puuruđe ne bia wā'āekaraa uru panada adausidaudeeba.

Mauđeeba chí mau puuru baawāmaa b̄uude nari unuuduude maarā ērođai. ¹⁰ Wapeđai Dachí Akōreba Babilonia puuru kastikađa k̄ira maarā kastikakuai.

Mauđeeba kaitawēeba ichia kopanuuba naka jarađai:

«j̄Miichuburi, Miichuburi, Babilonia puuru mechiu ne joma waubadaudeeba!

II Griego bedeađe chí b̄ee kartade nau sida b̄u kubuu: Joma ānimara Dachí Akōremaarā miadáturu jāma duanuu.

Dachi Akõreba mau puuru kã'ãabariwãede kastikai». 11 Nau druudebena ne kaebea nedobuibadaurã jẽdaai mau puuru kakua ãchiba nedobui panuu kaiba nedodai wã'ãe baideeba. 12 Mau puurude ne joma nedobuibachidau: Nee, parata, mo dodaa mipitaa maude perla chi nejarr ãrea idibadau, lino maude seda paru chi aude chi bia, paru pupuchia, paru purr, bakuru tuwaa bee, ne elefante kida wauða, ne bakuru chi nejarr ãrea idibadau wauða, bronze wauða, ne jiorr wauða maude ne mármol mokara wauða. 13 Canela, joma barikiu ne tuwaa, incienso ne tuwaa, mirra ne tuwaa, kera, uva bæa, olivo drabirua, harina bi'ia bæda, trigo, pakarã, oejarã, murarã maude karretarã nedobuibachidau. Maude mau puurude ebẽrarã sida nedobuibachidau chibari baita bari trajabadaurã nuread-amera. 14 Joma mau nedobuibadaurãba naka jaradai: «Joma mau puurudebenarãba kũria panada jãabae wã'ãesii. Chi nejarrã ãrea uru panada maude chi ne bia nuree ãrea uru panada joma wã'ãesii. Waa makaa adauðabai».

15 Biawãra mau puurudaa ne kaebea nedobuide wãpedaada ãrea barau paneesii. Chi maarã wapea panadai Dachi Akõreba mau puuru kastikada kĩra ãchi sida kastikaiideeba. Maudeeba kaitawẽeba ichia kopanuuba naka biuchaa jẽasidau:

16 «¡Miichuburi, Miichuburi jãu puuru mechiu buada! Jãu puuru wẽra lino paru chi aude chi bia jũ buada kĩra buasii.

Wẽra paru pãaraa maude puria jũ buu kĩra buasii. Ne kaebea nee wauða, mo dodaa mipitaa maude perla chi nejarr ãrea idibadau jũ buasii.

17 Maamina mau puurude ne bara buada kã'ãabariwãede wã'ãesii».

Joma chi jãba adoebadaurã, jãbaude wãbadaurã, jãbaude trajabadaurã maude mau marde trajabadaurãba kaitawẽeba ichia duanaðai. 18 Mau puuru baa nubuu nari unuuduude jĩwa naka jaradai: «¿Sãu puuru jãu puuru kĩra buasma?» 19 Nomaaba ãchi boro ãru ioro jora kuikuadai maabae jĩwa naka jẽdaai:

«¡Miichuburi, Miichuburi jãu puuru mechiu buada! Jãu puuru ne bara buasiideeba, joma chi jãba uru bæda aria barau duaneesii.

Maamina jãu puuru kã'ãabariwãede joma ãrisii.

20 ¡Joma bajãade duanuu kĩrajústuru, jãu puuru ãrisiideeba!

Èbẽrarã Dachi Akõrederã, Jesusba buidarã maude Dachi Akõre baita berreabadaurã kĩrajústuru.

Dachi Akõreba jãu puuru kastikai machimaa miadaa wausiideeba».

21 Maabae ángel mechiuba mo mechiu kũruma kĩra buu marde jiratasii. Makamaa buude naka jarasii:

«Maka muba mau mo marde jirataða kĩra Babilonia puuru mechiu kã'ãabariwãede joma ãrii. Mau puuru waa unuðabai.

22 Aria arpa, purrsiru maude kachu chaaduu waa ùridaabai. Èbẽrarã kariiduu sida waa ùridaabai.

Èbẽrarãba ne kabadaurã waa unuðabai. Kũrumaude ne baaduude jĩwaaruu sida waa ùridaabai.

23 Udaa koabarii waa unuðabai. Miakãiduude kĩra-juubadau waa ùridaabai.

Arabena ne kaebea nedobuibadaurã nau iujãade chi mechiu nureasii.

Ariabena jaibanarãba druachabenarã joma setaa kũruabachidau.

24 Dachi Akõre baita berreabadaurã beapedaada, ebẽrarã Dachi Akõrederã beapedaada, maude joma nau iujãade nureada beapedaada kakua mau puurudebena neburade duanuu».

Bajãade duanuurãba Dachi Akõremaa bi'ia jarabadau

19 Mau maadakare muba bajãade ãrea naka berrea duanuu kĩra ùrisii:

«¡Dachi Akõremaa bi'ia jaráduru! II Ichiaburu ebẽrarã karibabarii. Ichi chi aude mechiu nii maude poyaabarii.

2 Ichi biawãra niideeba arakude ebẽrarã kastikabarii. Wẽra auðuabarii trũ poa buada kastikasii, mauba joma chi nau iujãadebenarãmaa arabau kachirua waubiasiiideeba.

Dachi Akõreba mau wẽra kastikasii chi ichi baita bari trajabadaurã kenada kakua».

3 Waya naka jĩwa jarasidau:

«¡Dachi Mechiu bi'ia jaráduru! Jãu puuru baa nubuu-udebena nari ewaricha boðu nubuai».

4 Maude chi 24 chõrarã mechiu maude chi kimare chokae nuree õdarrde kopanesidau Dachi Akõremaa bi'ia berreadai baita. Dachi Akõre ichi rey ãkaude akũ buude ãchiba naka jarasidau:

«¡Bi'ia buu maka buai! III ¡Dachi Mechiumaa bi'ia jaráduru!»

5 Maude muba ùrisii Dachi Akõre rey ãkau buareeba abauba naka jĩwa berrearuu:

«¡Dachi Akõre baita bari trajabadaurã, joma machiba Dachi Akõremaa bi'ia berreásturu!

¡Joma chi Dachi Akõre wapea nureerã, chi aude mechiurã maude chi kaebeurã bida ichimaa bi'ia berreásturu!»

Oeja Cheke miakãiduu ewari

6 Maabae muba ãrearã jĩwa berrea duanuu ùrisii. Mau do ururua kĩra maude bã ãrea bæemaa buu kĩra buasii. Naka jara duanasidau:

II Dachi Akõremaa bi'ia jaráduru. Griego bedeade naka bu kubuu: aleluya. III Bi'ia buu maka buai. Griego bedeade naka bu kubuu: amén.

I Elefante kida. Kajuma bedeade bu kubuu: marfil.

«¡Dachi Mechiumaa bi'ia jaráduru,
Dachi Akõre Joma Poyaabariiba jomaurã ichi juade ua
bũudeeba!

⁷ ¡Kĩrajúdururu! ¡Kĩrajúdururu! Ichi chi Mechiu nii adai, Oe-
ja Kaebe Nii miakãai ewari basiideeba. Ichi wẽra ba
beeruu paru jũsii.

⁸ Dachi Akõreba chi mau wẽra lino paru torroa tede-
choa bũu jũbisii».

(Mau paru lino wauđaba jara bũu ebẽrarã Dachi
Akõrederãba jipa waubadau).

⁹ Mauđe angelba mũmaaa jarasii: «Kartade naka
bũse: “¡Bi'ia ãrea duanađai chi Oeja Kaebe Nii mi-
akãipeđaađaa chiko kooduumaa iupeđaađarã!”» Mauđe
jarasii: «Mau biawãra beđea Dachi Akõreba jaradabũ».

¹⁰ Ara makũde mũ chi ángel jũru kaita òdarrde
kobeesii bi'ia berrei baita. Maamina mauba mũmaaa
jarasii: «Mau waurãse, Dachi Akõreturu bi'ia kũriãse.
Bari mũ Dachi Akõre baita bari trajabariibũ bichi Kĩra,
mauđe ãbarã Jesusba jaradeađaa ijãabadaurã Kĩra».

Jesusba jaradeađaa Dachi Akõre Jauriba chi ichi baita
berrebadaurãmaa berreabiabarii. ^I

Mura torr ũru needa

¹¹ Maadakare mũuba bajãade poraa ewa nubũu un-
usii. Ara makũde mura torr neesii. Mau mura ũru akũ
bũu trũ jarabadau Chi Jaradã Kĩra Waubarii mauđe Chi
Biawãra abadau. Mauba ebẽrarã jipa ichiabarii mauđe
jipa wau bũudeeba chi Kĩramaa panabadau ome chĩo-
barii. ¹² Ichi dau tũbũ aoko nubũu Kĩra koa bũasii. Ichi
borode boro jũra ãrea jũ bũasii. Ichi borode trũ bũ ini-
basii maamina abau biđaa mau trũ adua basii; ichiabu-
ru mau kuitaa bũasii. ¹³ Ichi paru oade ũrađaa bũu jũ
nibasii. Ichi trũ «Dachi Akõre Beđea» abadau. ^{II}¹⁴ Ichi
kaade bajãadebena kokoroarã mura torroa nuree ũru
imisidau. Maarãba paru chi aude chi bia ãrea lino
wauđaa torroa bee jũ nureasii. Bistĩika biđaa ãichorroad-
awẽa nureasii. ¹⁵ Dachi Akõre Beđea abadau okar-
rdeeba chĩobarii neko peđea bũu nee bũasii druach-
abenarã poyaa baita. Ichi Kĩra chuburiayuwãe joma
nau iujãadebenamaa ichiđe ijãabia bũai. ^{III} Uva birad-
uaruu Kĩra, ãchi maka kastikai, Dachi Akõre Joma Poy-
aabarii Kĩru kubũudeeba. ¹⁶ Ichiba paru jũ bũumaa
bakara ũru nau trũ bũ inii: «Jomaurã Reyrã Audeara
Chi Aude Mechiu Nii» mauđe «Joma Chi Mechiurã Au-
deara Chi Aude Mechiu Nii».

¹⁷ Maabae mũuba ángel aba mũmada ũru akũ nubũu
unusii. Ichiba joma kiuru mikia kobadaurã mũu
ũubaribadaurãmaa naka jĩwa jarasii: «Nésturu. Araa
ãbua joma imísturu chiko ãrea Dachi Akõreba wau bũ-
umaa. ¹⁸ Aria reyrã kiuru kode wãđai, kokoroarã kar-
rarã kiuru, mechiurã nuree kiuru, mura kiuru mauđe

^I Jesusba jaradeađaa Dachi Akõre Jauriba chi ichi baita berre-
abadaurãmaa berreabiabarii. Griego beđeade mau chaarea bũu
bi'ia ũriđamera. ^{II} 19:13 Juan 1:1. ^{III} 19:15 Salmos 2:9.

mura ũru ataubadau kiuru sida kođai. Joma ebẽrarã ki-
uru kođai: chi chibari baita bari trajabadaurã kiuru, chi
chibariswãe nuree kiuru, chi kaebeu nuree kiuru,
mauđe chi aude mechiurã kiuru kođai».

¹⁹ Maabae mũuba ãnimara kachirua, nau iujãadebe-
na reyrã, mauđe joma ãchi kokoroarã ãbua
imipeđaađaa unusii. ãbua panasidau chi mura ũru akũ
bũu ome chĩođai baita mauđe chi ichi baara panuu
kokoroarã ome chĩođai baita. ²⁰ Chi mura ũru akũ bũ-
uba ãnimara kachirua mauđe chi Dachi Akõre baita
berreabarii chi biawãrawãe jidausii. Mauba ãnimara
kachirua trũdeeba ebẽrarãba ne poyaa wauđakau
mechiu waubachii. Mauba ãnimara kachirua seña ida
waubiapedaađaa joma setaa kũruabachii. Mau chi ara
ichi Kĩra juaba ne kapedaađaa ãrea kũriapedaađaa setaa
kũruabachii. Chi mura ũru akũ bũuba mau ãnimara
kachirua mauđe chi Dachi Akõre baita berreabarii chi
biawãrawãe chokae panuu chođea mar Kĩra eđaa azufre
aoko nubũudee jiratasii. ²¹ Chi neko ichi okarrdekena
awara nee bũuba waabenarã joma kenasii. Maabae jo-
ma chi kiuru mikiađaa kobadau mũu ũubaribadaurãba
mau kiuru kosidau jãwaaduđaa.

1.000 años

²⁰ Mau maadakare mũuba ángel aba bajãadebe-
na eđaa uruu unusii. Mauba eakarr eđaa
chobeabena poraa ewabarii uru bũasii. Mauđe kaena
borea bũu ichi juade uru bũasii. ² Chi dragón ji-
dadaupeđaa 1.000 años jũ kubũsii. Mau dragón
nabẽraeđebena damabũ. Jũbawãe nii mauđe Satanás
abadau. ³ Angelba mau eakarr eđaa chođeade jiratasii
maabae jũa kubũsii abau biđaa poyaa ewarãadamera.
Mauđeeba jũbawãe niiba drua jomadebenarã waa se-
taa kũruabai aba 1.000 años wã'ãeruđaa. 1.000 años
bađakare mau enatai nau iujãade ewari ba'ãra bũam-
era.

⁴ Maabae mũuba rey ãkaurã ãrea unusii. Mau ũru
akũ beemaa Dachi Akõreba deađakasii ebẽrarãba
waupeđaađaa ichiđamera. Mauđe ebẽrarã boro tũu-
tapedaađaa jauri unusii. Maka boro tũutasidau Jesusba
jaradeađaa ijãa panuudeeba mauđe Dachi Akõre beđea
jaradea panuudeeba. ãchiba ãnimara kachirua nii
mauđe chi ara ichi Kĩra juaba ne kapedaađaa ãrea kũri-
ađaabasii. Ichi seña ãchi daubũurũde juade biđaa ida
waubiđaabasii. ãchi chokae jiraduđapeđaa Cristo baara
karrarã 1.000 años paneesidau. ⁵ Mau chokae ji-
radupeđaađaa chi Dachi Akõreba naa chokae jiradubi-
ađaa basii. Waabenarã biupeđaađarã chokae ji-
raduđaabasii aba 1.000 años wã'ãesiđaa. ⁶ Ebẽrarã
Dachi Akõreba naa chokae jiradubiaruu ãrea bi'ia
nureađai. Maarã waa biuđaabai, bari Dachi Akõre
mauđe Cristo paarerã paneedai. ^{IV} Mauđe 1.000 años
Cristo ome chi karrarã nureađai.

Dachi Akõreba Satanás tubuchia kiikaude jirataeda

7 1.000 años neeruude Satanás jü buada ena beei.
8 Mau maadakare chi mauba joma druacha setaa kûruakuade wâi. Gog druadebenarã maude Magog I druadebenarã setaa kûruakuade wâi. Mau druadebenarã kokoroarã mar ibu kîra ãrea panuu uaeoi ebërarã Dachi Akõrederã ome chiõdamera. 9 Joma nau iujãade wãdai. Maabae Dachi Akõreba kûria bûu puuru maude ichi ebërarã duanuumaa adu jûraðai. Maamina Dachi Akõreba bajãadebena tubuchia bæebiai. Mauba chi maarã joma baa kenai. 10 Mau maadakare Dachi Akõreba jubawãe nii ebërarã setaa kûrua uru buada chobea mar kîra azufre bara aoko nubuuude jiratai. Naede Dachi Akõreba ãnimara kachirua bûu, Dachi Akõre baita berreabarii chi biawãrawãe siða mau tubu aokode jiratasii. Chi maarã maude jubawãe nii siða ewaricha ãyadaa maude esabude ãrea bi'iwãe panadai.

Rey ãkau torroa mechiu nubuuudeeba nebura ichiakuai

11 Mau maadakare mûuba rey ãkau mechiu torroa bûu maude chi maude akû bûu unusii. Ichi daade joma nau iujãa maude bajãa wã'ãesii. Abau biða waa unudaabasii. 12 Maude mûuba unusii biupedaadarã chi mechiurã maude chi kaebeurã Dachi Akõre rey ãkau daade akû topanuu. Maude chi bæe karta II ewakuasii. Maabae june aba karta ewasii. Mau kartade ebërarã ewaricha chokae nureaðai trû bu kubuasii. Dachi Akõreba chi biupedaadarã joma ichiasii achiba waupedaada kîra, chi maarã kartade bu kubuada kîra. 13 Joma chi marde biupedaadarã Dachi Akõre daade imisiðau. Joma chi biupedaada ãchi panabadaumarebena Dachi Akõre daade imisiðau. III Maabae Dachi Akõreba ãchi abaabaa ichiai achiba waupedaada kîra. 14 Dachi Akõreba chi biudai joma wã'ãebisii ea chobeade azufre bara aoko nubuuude jirataaru kîra. Biupedaada panabadaumarebena siða aria jiratasii. Mau ea chobeade azufre bara aoko nubuu bes ome biui jara bûu. 15 Chi ebërarã trû chi ewaricha chokae duanabarii kartade wã'ærã Dachi Akõreba mau ea chobeade azufre bara aoko nubuuude jiratasii.

Jerusalén wídi

21 Mau maadakare mûuba bajãa wídi maude iujãa wídi unusii. Makaede nau bajãa maude nau iujãa wã'ãe basii. Mar siða wã'ãe basii. 2 Maude mûuba unusii Dachi Akõre bûumarebena ichi puuru wídi

IV Waa biudaabai. Griego bedeade naka bu kubuu: Bes ome biudaabai. Mau jara bûu Dachi Akõreswãe tubu aokode ãrea bi'iwãe panadai. Apocalipsis 20:14. I 20:8 Ezequiel 38:2; 39:1,6. II Chi bæe karta. Ebërarãba waupedaada maarã kartade bu kubuu. III Chi biupedaada ãchi panabadaumarebena. Griego bedeade naka bu kubuu: Hades.

Jerusalén bajãadebena edaa uruu. IV Mau puuru mipitaa ãrea buasii wëra miakãiruude paru jëbarii kîra. 3 Maabae mûuba úrisii aba Dachi Akõre rey ãkau buareeba naka jîwa berrearuu: V «¡Úristuru! Iði Dachi Akõre ebërarã tãede bûu. VI Ichi ãchi baara buai. Maude ãchi ichi puuruðebenarã nureaðai. Ichi ãchi Akõre bai maude biawãra ichi ãchi baara buabarii. 4 ãchi dau baa ichiba joma poabiai. Naede buada joma wã'ãesiideeba, maarã waa biudaabai, jëadaabai, kîra nomaa jëadaabai, maude waa bi'iwãe panadaabai».

5 Maabae chi rey ãkaude akû bûuba naka jarasii: «Mûuba joma chiwídi waumaa bûu». Maude naka jarasii: «Chi mûuba jara bûu karta abade buse chi biawãra bedeadeeba, maude biawãra makaaru poyaa ijãaduudeeba».

6 Maude mûumaa naka jarasii: «Jãabae mau joma wau kubuu. Mû chi Alfabu maude chi Omegabu. VII Mau jara bûu mû chi nabenabu maude chi kaadebenabu. Bari obisia buuburã, mûuba ioroðe bania bumadru buudebena bari dobiai. Mau baniaba ewaricha chokae nibabiabarii. 7 Chi kachirua wauðai poyapeadaadarãba joma nau adoedai, warrba chi akõreba uru buudebena adaubarii kîra. Mû ãchi Dachi Akõre bai maude mû warrarã nureaðai. 8 Maamina chi mû baara wãdai sõ borekea nuree, chi Dachi Akõrede ijãadakaurã, chi Dachi Akõreba kûriakau waubadaurã, chi mia beabadaurã, chi dachi kakuaba barikiu kachirua waubadaurã, jaibanarã, chi Dachi Akõre kuenda juaba ne kapedaade ijãabadaurã, maude chi seta idaa nuree chobea mar kîra azufre baara aoko nubuuude ãrea bi'iwãe duanaðai. Mau chi bes ome biui jara bûu». VIII

9 Maabae angelerã 7 sãu uru panadadebena aba mûumaa neesii. Mau angelerãba ãchi paratuðe 7 uru panadaba nau iujãadebenarã ãrea bi'iwãe paneebiasidau. IX Chi mûumaa needaba naka jarasii: «Wãda. Mûuba unubii chi wëra Oeja Kaebe Nii ome miakãiruu».

10 Ara makude Dachi Akõre Jauriba mû ea mechiu utu buuðaa adoesii. Aria bajãade Dachi Akõre buabariimarebena edaa neeruu mûumaa unubisii Dachi Akõre puuru Jerusalén abadau. 11 Dachi Akõre kîrawãreaba mau puuru uðaa jëratûu buasii. Tedechoa buasii mo mipitaa mau chi nejarr ãrea iðibadau kîra maude jaspe mo kîra. Mau biirio kîra doðaa buasii. 12 Mau puuru mooba utu, mechia adu pû kubuasii. Pora 12 uru buasii. Poraacha ángel aba buasii. Mau awara poraacha Israel warrarã 12 panada trû eda bu kubuasii.

IV Mûuba. Griego bedeade chi bæe kartade bu kubuu: Mû, Juanba unusii. V Dachi Akõre rey ãkau buareeba. Griego bedeade chi bæe kartade bu kubuu: bajãadeeba. VI Dachi Akõre. Griego bedeade naka bu kubuu: Dachi Akõre ãnimara e waupedaada de. VII Griego alfabetode «alfa» chi nabena letrabu, maude «omega» chi kaadebena letrabu. VIII 21:8 Apocalipsis 20:6,14. IX 21:9 Apocalipsis 16.

¹³ ʘmada neebariare poraa õbea topanasiðau, ʘmada bæebariare poraa õbea topanasiðau, norteare poraa õbea topanasiðau mauðe waya ababena suruare poraa õbea topanasiðau. ¹⁴ Mau puuru aðu pũ kubũu mo 12 ʘru pũ kubũasii. Moocha Oeja Kaebe Niiba chi 12 buidadebena trũ aba bu poebasii.

¹⁵ Chi ángel mʘ ome berrea buaðaba iujãa chaabarii nee wauða uru buasii mau puuru, chi poraa mauðe chi pũ kobee chaai baita. ¹⁶ Mau chaabariiba chi puuru chaasii. Joma arabauðe buasii. Chi deseroa mauðe chi jõparrea siða arabauðe buasii. Chi chaaða 2.200 kilómetros buasii. ^I Chi deseroa, chi jõparrea mauðe ʘtubena arabauðe buasii. ¹⁷ Maabae puuru aðu pũ kobee siða chaasii. Chi chaaða 65 metros buasii. ^{II} Angelba nau iujãaðebenarãba chaabadau kĩra chaasii.

¹⁸ Mau puuru nee wauðáturu buasii. Mau biirio doðaa kĩra buasii. Chi mo puuru aðu pũ kubũu jaspe mooba pũða kubũasii. ¹⁹ Mau 12 mo ʘru kubũasii. Mau mo joma mipitaa beasii.

Chi nabena jaspe mo basii.

Mawãare zafiro mo basii.

Mawãare ágata mo basii.

Mawãare esmeralda mo basii.

²⁰ Mawãare ónice mo basii.

Mawãare cornalina mo basii.

Mawãare crisólito mo basii.

Mawãare berilo mo basii.

Mawãare topacio mo basii.

Mawãare crisoprasa mo basii.

Mawãare jacinto mo basii.

Mawãare amatista mo basii. ²¹ Mau puurudebena 12 poraa perla chi nejarr ãrea iðibadauba wauða buasii. Poraabãba perla ababa wauða basii. O puuru ãsa buu nee wauðáturu basii. Maamina biirio kĩra doðaa buasii.

²² Mau puurude mʘuba Dach Akõre de mechiu unubasii wã'ãdeeba. Èbèrarãba Dach Akõre chi Joma Poyaabarii mauðe chi Oeja Kaebe Niimaa bi'ia berreadai, naeðe ichi de mechiude waubachidau kĩra. ^{III}²³ ʘmadaswãe, jedakoswãe mau puuru ʘðaa nububararii Dach Akõre kĩrawãreaba mauðe Oeja Kaebe Niiba ʘðaa buuba. ²⁴ Chi puuru ʘðaaaba druacha joma ʘðaa duanaðai joma mau ʘðaaðe nibaðamera. Mauðe druachabena reyrãba ne bia uru bee mau ichimaa adoedai. ^{IV}²⁵ Èsabudebena wã'ãe baideeba poraa chi puurudebena ewaricha ewa nubuai. ²⁶ Joma druachabenarãba ne bia uru beaða mamera adoedai

I 2.200 kilómetros. Griego beedeade naka bu kubũu: 12.000 estadios. II 65 metros. Griego beedeade naka bu kubũu: 144 obiði aba. III Èbèrarãba Dach Akõre...waubachidau kĩra. Griego beedeade naka bu kubũu: Dach Akõre chi Joma Poyaabarii mauðe chi Oeja Kaebe Nii ichi de mechiu bai. IV Druachabena reyrãba ne bia uru bee mau ichimaa adoedai. Mau beede poyaa naka bu kubũu: Druachabena reyrã mau puurudaa wãðai Dach Akõremaa bi'ia berreadai baita.

Dachi Akõremaa deaðai baita. ^V²⁷ Maamina joma Dach Akõreba bi'ia unukau mau puurude eða adoedaaðai. Ne kachirua waubadaurã, chi Dach Akõreba kũriakau waubadaurã mauðe chi seta iðaa nuree eða wãðaaðai. Aba chi ewaricha chokae duanabarii kartade trũ kubéturu poyaa eða wãðai. Mau karta Oeja Kaebe Niiba uru buu.

Chi dachi chokae buabiai do ʘrubena

22 ¹⁻² Mau maadakare angelba do pawãraa buu mʘumaa unubisii. Biirio kĩra doðaa buasii. Mau baniaba ewaricha chokae buai deabarii. Dach Akõre mauðe Oeja Kaebe Nii rey ãkau bia buareeba mau do puurudebena o jõparrea buu ãsa eabari buu. Mau do kĩarecha bakuru chi jõo ewaricha chokae buai deabarii poe basii. Añode bes 12 ome chaubarii, jedako ewaricha chaubariideeba. Chi kiruu ʘrrmidia kĩra buu, druachabenarã jaiswãe panadamera. ³ Dach Akõreba mau puurude kachirua baraa a jaraða wã'ãe bai. Dach Akõre mauðe Oeja Kaebe Nii rey ãkau mau puurude panadai. Aria Dach Akõre baita bari trajabadaurãba ichimaa bi'ia berreadai. ⁴ Ichi kiedarr unuðai mauðe ichi trũ ãchi daubuurude bu uru nureadai. ⁵ Èsabudebena wã'ãe bai. Dach Akõre Mechiuba ʘðaa deaideeba, èbèrarã ʘðaaaswãe bi'ia duanaðai mauðe ʘmadaswãe. Ewaricha ãchi ichi ome ãbua chi karrarã nureadai.

Cristo kã'ãabariwãede neei ʘrubena

⁶ Maabae angelba mʘumaa jarasii: «Joma nau beede biawãrabu mauðe biawãra makaaruu poyaa ijãa panuu. Dach Akõre Mechiuba ichi baita berreadaurãmaa ichi beede berreabiabarii. Ichiaburu chi ángel bajãaðebena buisii ichi baita bari trajabadaurãmaa kuitaabamera kã'ãabariwãede makaaruu».

⁷ Jesusba jarasii: «jũristuru, mʘ kã'ãabariwãede neei! ãrea bi'ia buu joma chi Dach Akõre baita berreabarii beede nau kartade jara buude ijãa buu».

⁸ Mʘ Juanbu. Joma mau unusii mauðe ʘrisii. Mau maadakare mʘ ángel jũru kaita õdarrde kobeesii bi'ia berrei baita. Makasii chi mauba mʘumaa unubisiideeba. ⁹ Maamina ichiba jarasii: «Jãka waurãse, maumarã Dach Akõremáturu bi'ia berreãse. Mʘ arabauðe bichi kĩra Dach Akõre baita bari trajabariibu, ãbarã Dach Akõre baita berreadaurã kĩra, mauðe joma nau kartade jara buu ijãabadaurã kĩra».

¹⁰ Mauðe jarasii: «Chi Dach Akõre baita berreabarii beede mirubia makarãse kã'ãabariwãede joma makaiideeba. ¹¹ Chi kachirua wau buu ida buuse waya kachirua wau buamera. Chi ne joma Dach Akõreba kũriakau wau buu ida buuse ichi kuitaa ne joma chi

V Mau beede poyaa naka bu kubũu: Druachabenarã mau puurudaa wãðai Dach Akõremaa bi'ia berreadai baita.

Dachi Akõreba kûriakau wau bæamera. Maamina chi jipa wau bæu chi ewaricha jipa wau bæai bæu. Maude chi Dachi Akõre baita bi'ia bæu ewaricha Dachi Akõre baita bi'ia bæai bæu.

¹² »;Ûristuru, mæ kã'ãabariwãede neei! Neeruude mæba jomaurãmaa deadakai baita adooi ãchiba waupedaada kîra. ¹³ Mæ chi Alfabæ maude chi Omegabæ. ^I Mau jara bæu mæ chi nabenabæ maude chi kaadebenabæ.

¹⁴ »Ãrea bi'ia duanuu chi paru tõdapeða jë duanuu. Maarã puuruude eða wãðai panuu chi jõo ewaricha chokae bæai deabarii koðai baita. ¹⁵ Maamina chi kachirua waubadaurã, jaibanarã, chi dachi kakuaba barikiu kachirua waubadaurã, chi junebena ome kãi paneebadaurã, mia beabadaurã, Dachi Akõre kuenda juaba ne kapedaada kûriabadaurã maude chi setarã joma awara duaneedai. ^{II}

¹⁶ »Mæ Jesusbæ. Mæba ángel aba bajãadebena bæisii joma ãbarã nau iujãade nureecha mau jarakuamera. Mæ Daviddebena needabæ, ichidebena needa kîra bæu. ^{III} Mæ Dapedebena pusterrea ãrea koabarii abadau».

I Griego alfabetode «alfa» chi nabena letrabæ maude «omega» chi kaadebena letrabæ. II Kachirua waubadaurã. Griego bedeade naka bæ kubæu: usa. III 22:16 Isaiás 11:1-10.

¹⁷ Dachi Akõre Jauriba maude chi Oeja Kaebe Nii ki-ma abadauba naka jara bæu: «;Uche!» Chi mau kartade bæ kubæu ùriiruu biða jarai bæu «;Uche!» Chi obisia bæuba bania chi ewaricha chokae bæai deabarii doðe neei bæu. Mau bania kûria bæuba bari doðe neei bæu.

¹⁸ Chi Dachi Akõre baita berreabarii bedeæ nau kartade bæ kubæu ùri panuurãmaa mæba nau jarakuaruu: barikiuba nau kartade bæ kubæu aude bæuruubërã, Dachi Akõreba mau chi mau kartade ãrea bi'iwãe jara kubæu kîra bi'iwãe bæabii. ¹⁹ Maude barikiuba nau kartade bæ kubæudebena bedeæ aba awara bæuruubërã, Dachi Akõreba ichimaa jõo ewaricha chokae bæai deabaridebena ida kobiibai maude Dachi Akõre puuruude biða eða ida wãbiibai. Mau jõo ãræbena maude mau puuru ãræbena nau kartade bæ kubæu.

²⁰ Joma nau kartade bæ kubæu Jesusba biawãra a bæu. Ichiba naka jara bæu: «;Biawãra bæu mæ kã'ãabariwãede neei!»

Bi'ia bæu kã'ãabariwãede neei. ^{IV} ;Uche dai Mechiu Jesús!

²¹ Mæba kûria bæu Dachi Mechiu Jesusba ichi sõbi-adeeba machi joma aida bæai. Bi'ia bæu maka bæai.

IV Griego bedeade naka bæ kubæu: amén.